

Ex Bibliotheca
majori Coll. Rom.
Societ. Jesu

49.2.32.

47

F

32

48

F

41

71

8

E

16

DOMITII CHAMEROTAE
GRAVINENSIS THEOLOGI,

Tractatum de Septem Sacramentis nouæ legis

SECUNDA EDITIO.

In qua Doctrinæ non tantum positivæ, sed schola-
stica etiam ornamenta copiosè refulgent.

*Cunctis Theologis, & Canonum Doctoribus, præcipuè verò ani-
marum curatis maximè utilis.*

Indice Tractatum, Capitem, ac Dubiorum omnium, quæ in tota
Sacramentorum materia desiderari possunt apposito.

CVM PRIVILEGIO.



de la Roche



Ami Cocini

N E A P O L I

Ex Typographia Io. Dominici Roncaglioli. MDC.XII.

SVPERIORVM PERMISSV.



ILLVSTRISS. AC REVERENDISS. DOMINO

D. FRANCISCO
VENDRAMENO,

Venetiarum Patriarchæ amplissimo, Dalma-
tiæque Primati dignissimo, &c.



O MNIBVS hoc à natura
comparatum esse, ut suos par-
tus & tueantur, & seruent,
quis ignorat amplissime præses?
quis namque non videt in in-
uia via, in præruptis montibus,
in excauatis lapidibus, & scopulis, in summis
arborum ramis, in cryptis, & vallibus imis,
vel aues nidificare, vel latitantes feras partu-
rire, nisi ut fœtus proprios seruent incolumes?
Immo & tenella plantarum genera hoc ipsum
præstare certissimum est. hederæ namque humi-
lesque myricæ, & quercubus, & stirpibus adhæ-
rent. & vites ipsæ Vlmis copulantur, & popu-
lis, ut alieno præsidio non arescant, sed fulcian-
tur, & viuant; ac non tantum ab imbrium vi,
aut Ventorum excussione tueantur, sed fru-
ctus suos reddant etiam uberiores. Quæ me ra-

tio monuit Illustrissime præsul, & Princeps, ut
cum aliquot de SACRAMENTIS nobi-
lissimos tractatus ipse iamdiu mente concepissem;
ac tandem grandem fœtum edidissem, tutissimo
in loco reponendum, & seruandum esse duxi.
Cum igitur operi meo & locum & lucem com-
parare voluerim, multis nominibus hoc tibi mu-
nus nostræ obseruantie monumentum immor-
tale debebatur. Nam si lucem tuæ nobilitatis
querimus, quid queso VENDRAMENA
domo inter Venetas Clarissimorum Virorum fa-
milias nobilitate præclarius? nam quid alia
virtutis, atque splendoris tui testimonia om-
nium Senatorum suffragijs, ciuium consensu,
patriæ præconijs, omnium denique prædicatio-
ne populorum comprobata commemorem, aut
oratione percurram Andream illum Vendra-
menum, qui pulcher corpore pulcherrimus ani-
mo & moribus in amplissimum honoris grã-
dum reiectis competitoribus Serenissimæ Reipu-
blicæ Venetæ, & Dux, & Princeps est consti-
tutus? Cuius quidem memoriam ita recentibus
tuæ prudentiæ luminibus illustras, ut longè su-
peres,

peres ; & maioribus laudum titulis obscures :
quòd rerum omnium in summa Italiae turbatio-
ne , semper à te defensa tranquillitas , quæ licet
omnibus cuiuscunque ordinis hominibus iucun-
dissima sit , nescio quo tamen pacto ad littera-
rum amatores propius pertinere videatur .
Quis enim est adeo rerum ignarus , qui sapien-
tiæ sedata studia inter bellorum fulmina litte-
rarum vigilias , & lucubrationes ; inter excu-
bias militum , bonarum artium disciplinas ; in-
ter excursiones equitum , otium denique littera-
ssum ; inter cruenta belli negotia consistere posse-
rne nota temeritatis affirmet ? quamobrem qui
curiam & forum , & vitæ ipsius (ut ita di-
cam) consuetudinem reliquit , quò liberè secede-
ret , & virtutis integræ promissa securitate frue-
retur , ei profectò , quòd in ocioso sapientiæ cul-
tum fecerit , acceptum referre debet , per quem
hoc sibi facere semotis impedimentis tutum licue-
rit . Quòd si Periclem illum accepimus , qui ful-
gurare , tonare , miscere græciam dictus est , in
extollenda militum virtute , qui fortiter pro pa-
tria vitam ac sanguinem profudissent , valde

concionem commouisse cū diceret, quōd super-
stitēs Athenienses essent, quōd beati, quōd floren-
tes, quōd præter cæteras nationes sapientissimi,
iucundissimis iustitiæ commodis in altissima pa-
ce fruerentur; eorum sine contrauersia iuuenum
esse certissimum, ac maximum munus, qui ci-
uium fructum suo dolore, Reipub. salutem sua
cæde peperissent: quis non videt eadem in te lau-
dum præconia maiore quodam iure posse trans-
ferri? licet enim magna sit eorum laus, qui lucis
iactura suorum ciuium periculis consulunt; qua
laude **V E N D R A M E N A** domus si ma-
ximos belli gloria Duces veluti gentilitia sidera
repetere memoria velimus, nunquā caruit.
tamen illi gloriosius suæ famæ, quā utilitati
Reipublicæ, quæ fortibus viris semper indi-
get consuluisse videntur? dum belli faces accen-
sas suo sanguine conantur extinguere: tu ita
pacis munera seruasti, ut ciuium etiam vitam,
ac sanguinem conseruares, & bello non ado-
lescentium vitam, ac pectora, sed senum consi-
lia ac virtutem obieceris; exemplo tuo omnibus
ostendens, quantum virtuti (ut ait ille) arma
cedant.

cedant. at hæc sunt tua, tuorumque maiorum
munera. Si verò quæ propria tua sunt exponere
vellem, quæ dicerem bone Deus, & quàm vera
dicerem? sed reprimo me. Illud unum non tace-
bo, quòd eam apud omnes opinionem tui, cum
Venetam legationem in Subaudiæ, Galliæ, &
Viennæ prouincijs, tum demum Romæ exerce-
res, infinitis propemodum rerum præclarè gesta-
rum titulis, apud Serenissimos Duces, Christia-
nissimos Reges, ac Cæsares, & apud ipsum Pon-
tificem Maximum excitasti, ut facile effeceris;
ut cum omnia virtuti debeantur, nihil ipse de-
beas cæteris quod exoluant, multum tibi debeant
alij quod acceptes. Tum quòd in petitione Pa-
triarchatus Veneti, doctissimos viros, et om-
nium genere virtutum insignes, abs te, & doctri-
næ, & virtutis contentione, sapientissimorum
Iudicum suffragijs, omniumque comprobatione,
consensuque nemine prorsus discrepante, fuisse
superatos. Tum denique quòd Sapientiæ pa-
trocinium, quod veluti hereditarium à maiori-
bus habeas, semper susceperis, & studia littera-
rum afflicta improborum iniurijs, ad gloriæ lu-
cem

*cem ac laudem maximis propositis præmijs sub-
leuaris. Accipe igitur hoc illius ocij munus,
quo ut persruamur tua prudentia, & consilio
effecisti, ut quod antea peracerbum, & acri quo-
dam mentis impetu properatum cum in lucem
prodiisset, iterum redit in lucem tempestiuo in-
genij cultu maturum, atq; perfectum. Si te te
respicias cui offertur, exiguum; si dignitatem ar-
gumenti, & animum offerentis, eximium. & fa-
cilè patere, ut quod sub tuis auspicijs adoleuit, tuo
nomine veluti immortalitatis nota insignitum,
nunquam in posterorum memoria consenscat.
Vale. Neapol. Prid. Non. Ianuar. M. DC. XI.*

Deditissimus seruus

Domitius Chamerota.

AD PERILLVSTREM DOMINVM
DOMITIVM CHAMEROTAM
 ADORNVM, IO. HIERONYMVVS MARI.
 Altamuranus Antistes.

Qua ligurum de gente domus cognomine Adorna
 Claruit, & belli tempore, quaque toga.
 Paruit huic subiecta urbs CHAMEROTA; Grauinam
 Hinc petijt; varia sorte agitante Domum.
 Manserunt illi cognomina prisca, vel orbis:
 Tu vel ADORNA voles, vel CHAMEROTA voles.
 Sacris hanc scriptis, DOMITI, tu doctior adornas.
 Moribus, atque pijs hanc super astra locas.
 Hinc tibi nobilitas doctrina, ex genteque surgit,
 Sed tibi dat maius vita modesta decus.

IN LIBRO INSIGNIS VIRI
DOMITII CHAMEROTÆ,

Io: Francisci Lombardi Neapolitani.

OCTASTICHON.

Inter tot procures sancti, sacrique senatus
 Doctus nunc surgit hic CHAMEROTA meus.
DOMITIIVS CHAMEROTA Deo quò Carior esset
 Aedem etymò ex græca iam sophiæ insinuat.
 Sic Satanæ euasit, carnis, mundique domator,
 Suffultus Christi scilicet auspicijs.
 Hunc igitur lector librum lege, corde reuolue,
 Et pro DOMITIO fundito Vota Deo.

Ad

AD DOMITIVM CHAMEROTAM

PAULI PORTARELLI

EPIGRAMMA.

DV M CHAMEROTA rotis sublimibus ardua calè
Conscendens penetras abdita sacra Dei,
Illustrasque p̃ijs presentia secula chartis,
Et ventura etiam; quæ tua scripta legent.
Sacramentorum doctrina luce, DOMITI,
Undique te celebrem publica fama feret.
Et stygia furia domita procul orbe recedent,
Et se disserpent, & sub Auerna gement.
Felix, quæ in lumen te protulit alta GRAVINA,
Felices tantum qui genuere virum.



EPIGRAMMATA.

Caroli Pinti ad Auctoris Cognomen.

Hinc chamus, hincque rota est. Cognomen si benè pendor
Hinc lentos motus reddit. & hæc Celeres.
Hoc hieroglyphicum tua vult prudentia nostrum,
FESTINALENTE, quod super adijcias.

Eiusdem

Totus es in libris edendis, atque fuisti:
Et non in melius fors CHAMEROTA rotat.

Eiusdem.

Quid tibi docte feram merita pro laude DOMITI,
Ni quod sæpe viris das monumentat ypis.
Ac facis id. nulli parens, CHAMEROTA, laboris
Vtilis arte alijs, vtilis arte tuis.
Ni quod tu domitos motus ratione gubernas,
Quæris & æternas nocte dieque domos.

Ad gentilitia stemmata, & insignia, celeberrimi Theologi Domitij Chamerotæ, Pauli Portarelli Epigramma.

Quid significant.



Splendida Sole Domus, super vndas, pontibus altis;
 Quid signant gentis stemmata clara tuæ?
 Sole micante Domo, Sapientia rara notatur,
 Et Phœbi, & sacrae Palladis artis opes.
 Vnda maris tranquilla vehit ad te limina portos,
 In quo post fluctus est tibi tuta quies.
 Ad cælum tollunt te pontes. namque beatus
 Est solus sapiens, solus & astra tenet.

In eadem gentilitia Chamerotarum insignia .

C A R. P I N T V S.

Quid Phæbi facies supra quæ præminet? ipsa est.
Virtus quæ toto sol velut orbe nitet.

Alta domus trabibus saxisque innixa, quid est hæc?

Munifico hospitio quæ capis ore viros.

Est tutum quod pandis iter, pons, labilis unda,

Palladis obertas est C H A M E R O T A tuæ.

Eiusdem ad D O M I T I V M peribulstre virum.

C A R M E N.

Huc operose redi labor, huc mea musa redito ,
Quæ recines auctor præculta D O M I T I V S audit
Carmina, quem dignis pinxisti laudibus olim ,
Quem decorant moresque sui, veterumque parentum.
Cui sol est insigne suæ sat nobile gentis ;
Quæ Genus quondam nomen sibi fecit A D O R N I :
Hoc amat, hoc tollit super astra Ligustica tellus
Ex genere exculti hocce viri, terræque marique
(Vera refers Clio) teloque libroque potentes.
Ecquis A D O R N I A D E S Italum quæ est clara propago
Nesciat? ast alia vt se habeant, expone Camæna.
Hæc soboles antiqua venit (sic fertur) ad oras
Propulsa Hesperia nostras has, Marte minoris ,
Et Picentini sibi deligit oppida ciuis
Quæ èque chamo, èque rota valida vocitantur in auræ
Temperie C H A M E R O T A suo de nomine, dote
Prædita frugifero, Dominorum opulenta suorum
Munere, tum procerum studio, Heroumque superba.
Hinc, & A D O R N I A D E S dicis periere G R A V I N Æ
Mœnia, quem coluere locum, nomenque dedere
E Picentina prima tellure profecti.
Hos ergo appellare licet cognomine utroque ,
Quos Mars, & Pallas venerans exornat A D O R N O S ,
Et C H A M E R O T I A D E S. Tibi tantum hos Appula seruas.
Incolumes ô Iuno viros? te nonne D O M I T I
Edite ab eximia Siren hac prole moratur ,
Quem meum, vt hæc tua præmemorant monumēta, volumen?
Hic viue ; ● suscepta tuo de lumina Phæbo
Pande alijs, tandem pario de marmore nostris.
Campanis melius condende hic dege sepulchris.

DOMITII CHAMEROTAE
GRAVINENSIS
THEOLOGI.
TRACTATUS

De septem Sacramentis nouæ Legis.



MAXIMAM habet vita spiritualis cum carali proportionem. In carnali vita semel nascitur homo; in spirituali semel renascitur per baptismum; ideo *confiteor unum baptismum*. Ianua igitur hominis in hâc vitam est generatio; regenerationis autem parata baptismus est, qui est ianua Sacramentorum. fit hominis generatio ex homine, & Sole; nam

Sol & homo generant hominem; fit hominis regeneratio ex aqua, quæ vicem seminis, seu materiæ gerit, & ex spiritu sancto tanquã ex forma; *nisi quis renatus fuerit ex aqua, & Spiritu sancto, non potest introire in regnum Dei*, Ioan. cap. 3. Postquam natus est homo in mundum crescit, & in vita carnali roboratur; sic etiam & in vita spirituali, firmatur per confirmationem, quod est secundum Sacramentum; more Apostolorum in Christo renatorum, quibus Lucæ 24. Dictum est, *vos sedete hic in ciuitate, donec induamini spiritu ex alto*; quod in die Pentecostes factum est. at crescere non sat est, nisi con-

A continuò

tinuò nutriatur homo; absumeretur enim nisi continuò instauraretur alimèto, sicut etiam & lucernæ lychnus absumitur nisi oleum infundatur; en in vita spiritali tertium Sacramentum, quod est Eucharistia; *verè cibus Angelorum factus cibus viatorum; non mittendus capibus; quare nisi manducaueritis carnem filij hominis, & biberitis eius sanguinem, non habebitis vitam in vobis*, Ioan. cap. 6. infirmatur homo in vita carnali, nam non est quis tam firmis viribus, qui aliquando non cadat, quare paranda sunt illi pharmaca, & medicinalis potus; sic & in spiritali cum non sit homo qui non peccet, & sepius cadat iustus in die, paratur ei medicina quarti Sacramenti, pœnitentia Sacramentalis. ideo dicit Christus Dominus medicis suis Sacerdotibus, Ioan. 10: *Accipite Spiritum sanctum, quorum remisistis peccata, remittuntur eis*. Sæpe etiam in carnali vita reliquæ nonnullæ remanent infirmitatis; vnde quintum constituitur Sacramentum extremæ Vi-
 ctionis, quo *ungebantur infirmi, & benè habebant*, Marc. 6. At quoniam radix omnium malorum est concupiscentia, præcipuè carnis, hæc erat refecanda per sextum Sacramentum, quod est matrimonium; qui enim continere non potest, nubat in Domino; *melius enim est nubere quam vri; secundum indulgentiam dico, non secundum imperium*, ait Paulus 1. Cor. 7. Deniq; quoniam in carnali vita nemo ex se morbum expellit, nemo seipsum medetur, ex seipso nascitur nemo, sed aliquo extrinseco agente opus est; ideo septimum constituitur ordinis Sacramentum, quo Sacerdotes simplices baptismo regenerant, confirmant Episcopi soli, omnes absolunt, purgant, nutriunt, & matrimonio coniungunt; vnde *sic nos existimet homo ut Christi ministros, & dispensatores ministeriorum Dei*, ait Paulus 1. Cor. 4. o Sacrosancta septem Sacramenta, septem quasi vincula, & alligatura salutis. Horum igitur Sacramentorum materiam omnibus quidem perutilem, sed maximè Sacerdotibus necessariam, & præcipuè curatis, in lucem damus. Dicemus autem primo de Sacramentis in communi. deinde
 figillatim de singulis. in communi verò quinque sunt exponenda; definitio, necessitas, eff. & us, causa, & Sacramentorum numerus. Videndi sunt theologi in 4. d. 1. Marf. in 4. summ. q. 1. ar. 1. Halens. par. 4. q. 1. membr. 1. Can. 1. par. relect. de Sacramentis.



TRACTATUS

PRIMVS

DE SACRAMENTIS

IN GENERE.



De natura, et definitione Sacramenti.
Caput Primum.



PRIMUM dubium. Quid est Sacramentum?

R. Sacramentum est sensibile signum interioris gratie sanctificantis animam, & est eiusdem causa; ad Dei cultum à Christo Domino institutum. Sacramentum autem quod spectat ad nomen, tripliciter sumitur. Primo quoad eius etymologiam, Varro l. 4. de lingua latina, deducit à sacro, quod propriè Sacramentum ab antiquis dicebatur *iusiurandum*; Cap. qui Sacramentum. 22. q. 4. quod Sacramentum, erat pecunia deposita penes Pontificem, vel in templo à duobus con-

A 2 venden-

cedentibus, ut qui litem amitteret, pecunia sua priuaretur. Deinde significat sacrum mysterium, vel arcanum, seu rem secretam. Tob. 12. *Sacramentum Regis abscondere, bonum est.* idest consilium, & secretum. & Paulus ad Ephes. 3. *Sacramentum hoc magnum est,* idest secretum. Postremo significat sensibilia signa gratiae sanctificantis animam. qua significatio-
ne patres, & Concilia Sacramenti nomen usurparunt; & nos in praesenti sic sumimus. quod enim maius mysterium quam ut per aquam anima sanctificetur in baptismo? Sacramentum igitur hac postrema significatione sumptum, sic definitur à Magistro, & alijs in 4. d. 1. & breuius ab August. c. sacrificium. de consecr. d. 2. *Sacramentum est signum rei sacrae.* Signum pro genere ponitur; quia omne Sacramentum est signum; non contra. & hoc signum est sensibile aliquo quinque sensuum. & est etiam effectiuum; quodlibet enim illorum efficit gratiam saltem instrumentaliter; quia principaliter solus Deus creat gratiam. D. Tho. & omnes 22. q. 11. art. 8. & ideo ipse solus potest instituere Sacramentum. Conc. Tr. d. sess. 7. Can. 8. quomodo verò Sacramenta legis verè, & propriè sint causa gratiae, dicemus infra. Dicitur deinde esse signum rei sacrae, ad differentiam signorum alia significantium; ut sunt signa Zodiaci. Nau. cap. 22. num. 1. Esse autem Sacramentum signum, probatur primo ex Scripturis; de matrimonio, ad Ephes. 3. *Sacramentum hoc magnum est, ego autem dico in Christo, & Ecclesia.* De baptismo, ad Rom. 6. *Consepulti estis per baptismum;* idest baptismus est signum passionis. de Eucharistia, 1. Cor. 10. *Hoc facite in meam commemorationem.* de Circumcisione, ad Rom. 4. *Et signum accepit circumcisionis.* & Gen. 17. *Circumcidetis carnem, ut sit signum.* Secundo, Sacramenta esse signa visibilia, dicitur ab August. frequenter ep. 45. & 1. contra Faustum 1. 13. 14. 16. & in Ps. 77. ep. 89. ad Hilar. ep. 5. ad Marcell. 1. 2. contra literas Petil. cap. 104. & de ver. religione cap. 17. & contra aduersarios legis & prophet. cap. 9. & de Catechis. rud. cap. 18. Bern. ser. 1. de Cæna Domini. Basil. hom. 13. de exhort. ad baptis. Nyssen. ser. de baptis. Dionys. de Ecclesiastica hierarchia c. 1. & 6. Cyprianus, & Tertullianus saepe vocant Sacramenta signa. Tertio, Sacramenta dicuntur signa, quia sunt signa nostrae professionis. Basil. de baptismo. Quod autem signum sit, est notandum: signum ab August. 1. 2. de

De Sacramentis in genere.

7

Doctr. Christiana sic describi; *signum est quod præter speciem quam ingerit sensibus nostris, facit aliquid aliud in cognitionem venire*; ut fumus est signum ignis. Signorum autem multa sunt genera; aliud enim est naturale, quod scilicet naturaliter facit in cognitionem venire alicuius rei; sic ploratus est signum doloris. Aliud est ex institutione hominis, vel Dei. Dei, ut agnus paschalis. Hominis, ut ramus est signum vini venalis. Item; aliud signum est speculatiuum, aliud practicum. Speculatiuum, ut creaturæ sunt signa Dei; *inuisibilia enim Dei per ea quæ facta sunt à creatura mundi intellecta perspiciuntur*. sic etiam voces sunt signa passionum animæ. Practicum est; quod efficit id quod significat; ut illa verba Christi, Ioan. 11. *Lazare veni foras*. rursus, Signorum aliud est intelligibile, aliud sensibile; intelligibile, ut omnis effectus est signum suæ causæ; ut ecliphs Lunæ est effectus interpositionis terræ inter ipsam, & Solem. Sensibile, est quod sensu percipi potest. Signorum item, aliud est rememoratiuum, aliud demonstratiuum, aliud pronosticum; rememoratiuum, est quod alicui datur ut alicuius præteriti recordetur, ut cum quis ligat digitum filo. Demonstratiuum est, quod indicat aliquid præsens, ut fumus ignem. Pronosticum est signum futuri. His positis, dico; Sacramentum est signum non naturale significans ex sua natura; sed ex institutione; non quidem hominis, sed Christi Domini. Non est signum speculatiuum, ut sit de obiecto speculabili tantum, non autem practico; sed est practicum quia significat rem, quæ semper sit, nisi ponatur obex. Sacramentum igitur est [*signum*] pro genere. [*rei sacra,*] pro differentia. & per rem sacram intelligimus gratiam Dei sacram, & sanctificantem; quod quodlibet Sacramentum nouæ legis significat & producit, ratione ipsius operis applicati, ut infra dicemus; id est confere gratiam ex opere operato, ut dicunt theologi; id est non ratione ipsius recipientis, vel administrantis, sed ipsius operis. Additur item [*rei sacra*] id est gratiæ sanctificantis, quam principaliter Sacramenta significant. res enim hæc sacra tria significat: primum, est gratia iustificans; & respectu huius, Sacramentum dicitur signum demonstratiuum, demonstrat enim id quod in nobis per Christi passionem efficitur, id est gratia. secundum quod significat sunt mysteria Christi, præsertim passionis; & respectu huius, dicitur signum

remg-

Tractatus Primus

rememoratiuum, tertium significatum est, futura gloria; & sic dicitur signum pronosticum. hæc omnia continentur in illa antiphona Sacramenti Eucharistiæ sanctissimæ; *o sacrum Communionum, in quo Christus sumitur, recolitur memoria passionis eius* [est signum rememoratiuum] *mens impletur gratia,* [est demonstratiuum] & *futura gloria nobis pignus datur; sic est signum pronosticum.* additur in definitione, Sacramentum esse signum: [ad Dei cultum]. est enim ad Dei cultum institutum. Christus enim Dominus venit in mundum ad duo præcipuè. primò ad sanandum hominem. *Magnus de celo descendit medicus, quia magnus in terris iacebat agrotus.* secundò ad docendum viam salutis, & consequendi vitam æternam; & propterea Christus fuit medicus, & doctor, vnde adhibuit remedia medici, & doctoris. remedia medici adhibuit, quando instituit medicinam ad sanandum peccata. quatenus fuit doctor, reliquit modum, & præcepta quibus coleremus Deum, & caeremonias. sed optimo artificio fecit, vt vnà & eadem res esset medicina, & caeremonia. sed dices, quomodo colitur Deus per Sacramentum? R. Dum accedimus ad Sacramenta, recognoscimus Deum Salvatorem, & Christum mediatorem, vt infirmi sumendo potionem à Deo ordinatam, confitemur illi esse Verbum salutis. est igitur Sacramentum ad Dei cultum institutum. idest, caeremonia quædam assumpta in cultum Diuinum. Vnde si esset signum sensibile, & non sacratum per religionem, non esset Sacramentum. August. l. b. 14. contra Faustum cap. 11. confirmatur; quia peccata contra Sacramenta sunt sacrilegia. Deinde, Sacramentum est quo profitemur fidem internam. Præterea, quia Sacramenta habent vim sanctificandi ex passione Christi; & passio Christi fuit Hostia sacra. præterea, August. l. 10. ciu. cap. 3. & habetur de consec. ch. 3. Can. Sacrificium. Sacramentum est sacrum signum. & est illi essenziale vt sit religiosum, & ad Dei cultum; quia alioquin sequeretur esse innumera Sacramenta, vt serpens æneus, quia significabat Christum. manna, quia significabat Eucharistiam. Addit verò Caneur hæc duo non fuerint Sacramenta? quia (inquit) per se primò faciebant effectum corporalem, serpens enim æneus curabat morsus serpentum. & manna edentes saturabat, & omnem saporem habebat. Præterea verba Christi Magdalenz Lucæ 7. *remittuntur tibi peccata tua,* non erant Sacra-

Sacramenta, quia non erant ritus. Præterea cum datus est Spiritus sanctus per insufflationem, & linguae igneæ, non erant Sacramentum. (ait Sotus) quia flatus, & linguae habent analogiam naturalem, non Sacramentalem. Dices; hoc idem esse de aqua baptismi. R. Ratio est, quia duo sunt, vnum ex parte Dei significantis, & vnum ex parte nostri testificando fidem in Deum; in illis signis erat primum, non secundum. Denique multa sunt huiusmodi, crux, imago, transitus maris rubri. & hic est consensus omnium theologorum. Denique additur in definitione [*à Christo Domino institutum*] vt intelligas, Christum fuisse institutorem omnium Sacramentorum; vt habetur in Concilio Trident. sess. 7. Sacramentum igitur dicitur quasi sacrum, eo quod sensibilis res applicetur exterius, & interius causet gratiam.

Secundum dubium. Quomodo Sacramenta nouæ legis sint verè, & propriè causa gratiæ?

R. Et dico primo. Sacramenta nouæ legis sunt verè, & propriè causa gratiæ, sed secundaria, & instrumentaria causa, quia primaria est Deus, gratiam; & gloriam dabit Dominus, Psal. 83. probatur ex Ioan. cap. 3. *Nisi quis renatus fuerit ex aqua, & Spiritu sancto, non potest intrare in regnum Dei, quod vnum natum est ex carne, caro est; & quod ex spiritu, spiritus est.* vbi ly [*ex*] nota est efficientiæ, vt arbor ex terra nascitur, lux ex Sole; quæro hoc [*ex*] vel est nota efficientiæ, vel non; si primum, cum efficiat tam aqua, quam Spiritus sanctus, verobique significat efficientiam. si secundum, ergo negabit efficientiam Spiritui sancto. Secundus locus est Marci ult. *Qui crediderit, & baptizatus fuerit, saluus erit.* Christus hic duas salutis causas proponit; fidem, & baptismum; idque eodem tenore verborum. quare vnde tribuitur efficientia gratiæ fidei à Caluino, & alijs hereticis, & non baptismi; quia Christus salutem promittit sub duplici conditione; fidei scilicet habende, & suscipiendi baptismi; at impletio conditionis est vera causa cur promissio sit efficax. Caluinus calumniatur sic: quia, postea repetendo negatiuè quod affirmatiuè prædixerat, solius fidei meminit, dicens; *qui verò non crediderit condemnabitur.* Sed calumnia nulla est; & suppono fidem esse necessariam ante baptismum; ita habetur Act. 8. vbi dicit Eunuchus Philippo; *Ecce aqua, quid prohibet me baptizari?* respondit Philippus,

lippus, si credis, nihil. Dominus ergo duas causas salutis præmiserat, fidem, & baptismum; & quoniam harum causarum ea est conditio, ut una sit prior, altera posterior; ideo quando loquebatur affirmatiue, utramque debuit explicare; cum negatiue: sufficit negare priorem causam; quia ea non posita, neque ponitur secunda. Tertius locus est Act. 2. *pœnitentiam agite, & baptizetur unusquisque vestrum in remissionem peccatorum*. Caluinus ait; idest in signum acceptæ remissionis. Contra; quia hoc est deprauare vim verborum; quia in omni idiomate hic loquendi modus significat causalitatem. secundo, quia Petrus subiicit, *& accipietis donum Spiritus sancti*. Quartus locus est Pauli ad Tit. 3. *Saluos nos fecit per lauacrum regenerationis*. Ly [per] significat causalitatem. probatur, quia sic etiam loquitur Scriptura de sanguine Christi ad Rom. 3, Ephes. 1. Coloss. 1. Quintus locus est Ezechiel. 36. de baptismo, *effundam super vos aquam mundam, & mundabimini ab omnibus inquinamentis vestris*. & Zachar. 13. *in die illa erit fons patens domui Iacob in ablutionem peccatorum*. De Eucharistia etiam habetur, Ioan. 6. *Qui manducat hunc panem, uiuet in eternum*. ac si diceret, qui sumpserit hoc pharmacum, sanabitur. & ibidem; *qui manducat me, & ipse uiuet propter me*. De chrismate Act. 6. & 9. *Tunc imponebant manus super ipsos, & accipiebant Spiritum sanctum*. De ordine, 1. ad Timot. 1. *admonco te ut resuscites, gratiam Dei qua est in te per impositionem manuum mearum*. & 1. Tim. 4. *Noli negligere gratiam qua data est tibi per prophetiam cum manuum impositione*. De pœnitentia, Matth. 16. *Quodcumque solueris super terram, erit solutum & in cælis*. ac si diceret Rex iudici; quando sententiam tuleris, ego ratam habebo. Illa sententia erit causa: Idem sentiunt omnes patres, & concilia; Concilium Constantiense sess. 8. Can. 45. Mileuit. Can. 2. Laodicēse Can. 48. Viennense Clement. de summa Trinit. & fide Cathol. C. maiorum. C. fideles. Lateranense sub Innoc. 4. Urbanus de consecr. d. 5. C. omnes fideles. Concilium Florent. & Trident. sess. 7. Ratio esse potest; quia alioquin omnes formæ Sacramentorum ferè essent falsæ. Secundo, quia hoc differunt noua à veteribus Sacramentis. Tertio, quia instrumentum est id per quod agens producit effectum.

Dico secundo: Sacramenta Mosaicæ legis solū significabā
gra-

gratiam, non erant causa; & in hoc est præcipua differentia inter Sacramenta noua, & vetera. Probat ur primo, ad Rom. 3. *Ex operibus legis non iustificantur coram Deo. Iustitiam autem Dei per fidem Iesu Christi in omnes.* Secundo, ad Galat. 3. negat Paulus vllum fuisse iustificatum ex circuncisione, sed fuit (ait) signaculum iustitiæ; quod nūquam dicit de baptismo, quod 1. ad Corint. 1. dicit abluisse Corinthios, iustificasse, sanctificasse. Tertio, ad Hebr. 7. *reprolatio fit præcedentis mandati* (scilicet veteris testamenti) *propter eius infirmitatem.* & mox: *Nihil enim ad perfectum aduxit lex.* & de nouo testamento ait: *introducitur verò noua species, per quam proximamus ad Deum.* Quarto, 2. Corint. 3. *Idcirco fecit nos ministros noui testamenti, non litera, sed spiritus; litera enim occidit, spiritus viuificat.* Quod si (inquit) ministratio mortis literis deformata lapidibus fuit in gloria, quomodo non magis ministratio spiritus? Vbi nota, quod ex Moyse vocatur mortis ministratio, quia dabat cognitionem peccati, non tamen peccato medebatur. Quinto, Ezechiel. 20. *Ego dedi eis præcepta non bona, & iudicia, in quibus non viuunt, & posui eos in muneribus suis, cum efferrent omne quod aperit vuluam propter delicta sua, & sciunt quia ego Dominus.* Hieronymus ait, quod ante idololatriam vituli aurei in deserto, Dominus dederat decalogi præcepta, & in illis posuerat præcipuam firmitatem suæ legis, sed post idololatriam, eam oneravit innumeris ceremonijs, & sacrificijs, quæ præcepta non erant mala, sed nec bona: non mala, quia à Deo, & in Deum tenebant. nec bona, quia non erant propter se expetenda, vt salutaria; sed quia fuerunt data ad coercendam idololatriam. Idem quod de Sacramentis dicitur Moysiæ legis, dicendum est de baptismo Ioannis, quod quidem non conferrebat gratiam, sed erat figura baptismi Christi. Confirmatur ex concil. Trid. sess. 7. *si quis dixerit Baptismum Ioannis eandem vim habere cum Baptismo Christi, anathema sit.* Quod si dices, Baptismum Ioannis fuisse de cælo. Resp. ex Tertull. l. de Baptismo, quem sequitur August. l. 3. de Baptismo, cap. 9. & 10. fuisse partim de cælo, partim de terra: De cælo, secuti dum suam institutionem, quia lex Dei mandato. Erat item de terra; primo, quoad effectum, quia non plus sanctificabat, quàm terra, secundo, quoad ritum, quia tantum adhibebat aquam

quæ est de terra, non nomen Trinitatis, v. formam. Idcirco dicit Dominus Act. 1. *Ioannes quidem baptizauit aqua, vos autem baptizamini Spiritu sancto non possitis multos hoc ceteris.* Dices, si baptisma Ioannis fuit ex diuino mandato, quare non sanctificabat? Resp. Etiam Deus in lege veteri sacramenta mandauerat, & tamen non sanctificabant; quia Deus mandauerat tantum, v. esset præparatorium, & non sanctificatorium illud baptisma.

Dico tertio. Licet sacramenta Moyſis non fuerint causa gratiæ, tamen qui sub lege Moyſis vivebant, & legis sacramentis utebantur, non carebant gratiâ, vt patet de Abraham Gen. 15. *Qui credidit, & reputatum est ei ad iustitiam.* Item, de Noë Gen. 6. & 7. & de Tobia cap. 9. & de Iob cap. 1. & de Hieremia cap. 1. & de Zacharia, & Elisabeth, & Simeone, Luc. 1. & 2. Confirmatur; quia Deus sæpe in lege veteri peccatoribus, & impijs quando ingemuerint, promittit gratiam, & remissionem peccatorum, vt patet in Ezechiele 3. 28. 33. Hieremia cap. 18. & alibi. Notandum est igitur, quod iustitiæ, & gratiæ veterum patrum causa fuit fides in Deum, & in venturum Messiam. Fides si informis, inchoatæ, si formata, completæ. Quod iustificabantur ex fide, probatur; quia Paulus ex professo id dicit sæpe, ad Rom. 3. 4. & 5. ad Galat. per totam epistolam. ad Hebr. 10. 11. & 12. Quod fide formata iustificabantur completæ, probatur; sed prius Nota primo, Ad completam iustitiam veterum patrum non sufficiebat sola fides, sed Deus requirebat etiam charitatem, Deut. 6. *Diliges Dominum Deum totum ex toto corde tuo, &c. Et proximum tuum sicut te ipsum.* & in his duobus præceptis charitatis in Deum, & proximum, totam legem, & prophetas pependisse. Secundo requirebat Deus spem in Deum, & in Messiam; cuius rei testimonia passim sunt in prophetis, 1. Paralip. 10. Psalm. 51. & 77. Sapient. 2. Isa. 31. Abac. 2. Tertio requirebat poenitentiam commissorum delictorum, Leuit. 5. 2. Paralip. 6. Hierem. 8. Thren. 3. Ezechiel. 18. & 33. Quarto requirebat obedientiam mandatorum, & obseruantiam operum sanctorum. Deuteronom. 2. *Custodite, & facite quæ præcepit Dominus Deus vobis, ut viuatis.* Deut. 4. Leuit. 18. 19. 20. 2. Paralip. 7. Prou. 2. & 7. Eccles. 15. Ezechiel. 44. Malach. 2. & in toto Deuteronomio. Nota secundo Fides sine

chari.

charitate erat informis, id est mortua; sed cum charitate erat
viva. Probatur ex analogia formæ, & materiæ in naturalibus;
nam iustitia constabat fide, & charitate; sed charitas est posse-
rior, & perfectior fide, ergo charitas est forma. Probatur mi-
nor, 1. Cor. 2. *major horum est charitas.* & 1. Cor. 12. postquam
Paulus numeravit multa dona Spiritus sancti, & fidem, sub-
dit; *excellentiorem viam demonstro;* & demonstrat de charita-
te. & Matth. 22. dicit charitatis præceptum esse maximum.
Probatur secundo; quia scripturæ vocant fidem mortuam,
sine charitate. Iacobi 2. 1. Corint. 13. *si habuero fidem, chari-
tatem autem non habuero, nihil sum.* Nota tertio, Fides quæ
erat causa iustificationis patrum, variè concurrebat ad ius-
tificationem; tripliciter enim poterat se habere. Primo, ut es-
set sola sine charitate, & poenitentia; & hæc nec erat ipsa ius-
titia, nec causa sufficiens ad iustitiam. Probatur, quia Domi-
nus multos damnat non propter fidei carentiam, sed propter
carentiam bonorum operum, ut David cui comminatus est
mortem, 2. Reg. 12. & per Gad, propter superbiam in populo
numerando, 2. Reg. 14. & Saul propter defectum obedientiæ,
1. Reg. 15. & Heli propter irreuerentiam, 1. Reg. 3. & Absalon
propter impietatem in patrem. Qui omnes habebant fidem. 1.
confirmatur, 1. Cor. 10. *quia eandem escam manducabant, sed
non in omnibus beneplacitum est Deo;* quia quidam perierunt
propter idololatriam, quidam ob fornicationem, quidam pro-
pter concupiscentiam, alij propter murmuracionem; & tamen
non nominatur hic fidei defectus. Secundo, poterat se habere
fides, ut formata charitate, & tunc erat iustitia, & cau-
sa sufficiens ad augendam iustitiam propter bona opera. 3.
Tertio, poterat esse ut fides haberet poenitentiam sine chari-
tate, & tunc non erat iustitia, sed causa sufficiens dispen-
sationis ad iustitiam; quia per fidem ut per fundamentum, & pri-
mam radicem vniebantur inchoata Israelita cum Christo, ut
membra cum capite; unde erat, ut ex capite acciperent in fluxum
meritorum, id est quia per merita Christi conferebatur
illis iustitia, & charitas. & sic debet intelligi Paulus quan-
do dicit: patres veteres fuisse iustificatos per fidem. Nunc
Dico quarto, Licet sacramenta Moylis non conferrent gra-
tiam, tamen fides non erat causa gratiæ sine Sacramentis
cum erant possibilia. Probatur primo, Deus non promittit

vitam in lege veteri, nec sanctitatem nisi obseruantibus suam legem; sed quædam pars diuinæ legis continebat cæremonias, sacrificia, & Sacramenta; ergo etiam cadebat promissio sanctitatis in eis, qui sumebant Sacramenta. Probatur minor, Exod. 19. *si audieritis vocem meam, & custodieritis preceptum meum, eritis mihi in regnum Sacerdotale, & gens sancta.* Leuit. 18. *mandata mea faciens homo, viuet in eis;* Ezech. 20. *dedi eis præcepta mea, quæ faciens homo, viuet in eis.* Deut. 10. *custodias omnia præcepta, & faciat te Deus populum sanctum Dei sui.* Obijcies, quia multi sancti expoluerunt hæc præcepta, non de sanctitate, sed de affluentia bonorum terrenorum, vel de quadam iustitia carnis. Resp. Quod quamuis frequentius Deus alliciat populum suum ad legis obseruantiam promissione terrenorum, tamen sub his bonis adumbrabantur bona æterna, quæ etiam aliquando promittebantur expressè: nam dicit Deus Abraham, Gen. 15. *Ego protektor tuus, & merces tua magna nimis.* & Isaia 64. *Oculus non vidit Deus absque te, quæ preparasti expectantibus te.* quæ verba citantur à Paulo 1. Corint. 2. & exponuntur de bonis æternis. & Psal. 14. *Domine quis habitabit in tabernaculo tuo.* Id est in celis. & Psalm. 24. *quis ascendet in montem Domini?* Prouerb. 11. *fructus iusti lignum vite, Semen iustorum saluabitur.* Sapient. 5. *iusti autem in perpetuum viuent.* & apud Dominum quædam legalia Sacramenta pollicentur remissionem peccatorum. ergo iustificatio non fit sine Sacramentis, & promittit iisdem verbis, quibus promittit remissionem peccatorum in lege noua; Leuit. 4. vbi proponit sacrificium hirci pro peccato principis; *rogabitque pro eo Sacerdos, & pro peccatis eius, & dimittuntur ei.* & Leuitic. 4. iubet sacrificium capitis pro peccato ignorantiz: *rogabitque pro eo Sacerdos, & dimittentur ei.* & Iob, iubetur sacrificium agnæ pro malè iurante, & addit eadem verba. & de sacrificio arietis. & Leu. 6. 14. 19. & Num. 15. repetuntur eadem verba. & August. passim docet, circuncisione fuisse deletum peccatum originale, sicut nunc Baptismate. tract. 30. in Ioan. & l. 2. de peccato origin. cap. 30. 31. & 32. & l. 16. ciu. cap. 27. & l. 3. contra Iulianum, cap. 11. l. 4. de Baptif. cap. 24. Basil. ser. de baptif. cap. 2. Greg. l. 4. mor. cap. 2. Beda in Luc. 2. Nunc denique

Dico quinto; Conferre gratiam ex opere operato esse primum
uile;

privilegium Sacramentorum nouæ legis. & sapienter, & catholicè sanxit Concil. Trident. sess. 7. Can. 8. explicatur: Opus externum (in quo consistit substantia Sacramenti) duplicem habet habitudinem; vnâ ad suscipientis fidem, affectum, & interiorem dispositionem, & secundum hanc habitudinem, dicitur habere valorem ex opere operante, vel operantis. dicitur (ex opere operantis,) idest, ex actu interno ipsius fumentis Sacramentum. dicitur etiam (ex opere operante,) quia hæc est differentia inter actum internum, & externum, quia internus sic est actus operatus ab agente, vt sit etiam operans actui externum. Secunda habitudo est non ad actum internum, sed ad diuinam institutionem, & promissionem; & ex hac posteriori habitudine habet alterum valorem ex opere operato; idest, quia valor iste non nascitur ex virtute interni actus, sed ex virtute talis actus externi. Item nota; Sacramenta veteris legis ex opere operato non habuisse vllum valorem respectu gratiæ, sed solum ex opere operante. Idest, tanta gratia, conferebatur fumentis Sacramenta Mosæica; quanta erat interna affectio fumentis. sed in Sacramentis nouis est duplex fructus; idest gratia duplicata: vna nascitur ex opere operante, idest ex mensura internæ dispositionis; altera ex opere operato, idest quoddam præter priorem, confertur à Deo gratia noua, quæ debetur illi actui externo. Præter igitur gratiam communem, Sacramenta nouæ legis conferunt etiam gratiam peculiarem, scilicet Sacramentalem. est opinio D. Thom. 3. par. q. 61. & in 4. d. 1. q. 1. art. 4. q. 5. Halens. 4. p. q. 5. m. 4. art. 21. §. 1. Bonau. in 4. d. 1. art. 1. q. 6. Riccar. 16. art. 4. q. 4. & est communis omnium. Gratia communis vocatur à Theologis ea gratia, quæ includit primo gratiam iustificantem positam in essentia animæ: secundo, virtutes theologicæ, vel infusæ ex suo genere. tertio, dona Spiritus sancti, quæ semper sunt connexa cum gratia iustificante secundum probabiliorem sententiam; at peculiaris effectus gratiæ Sacramentalis propriè respicit naturæ corruptelam. & est communis opinio. explicatur: nos indigemus gratia propter tria: primo, vt peccata quæ actu habemus, deleantur. secundo, vt benè operemur, tum peccata fugiendo, tum legem Dei seruando. tertio, ad medendum naturæ corruptæ per peccata præterita; quæ corruptio est ignorantia naturalis intellectus; & naturalis

ralis fragilicas, quæ est in voluntate, & naturalis concupiscen-
tia partis sensitiuæ, & magna pronitas ad malum, & difficultas
ad bonum. Gratia communis datur propter duo priora; Sacra-
mentalís, propter tertium; quia gratia non affert nobis ita
consumatas virtutes, vt deleat, vel tollat naturæ vulnera: ex
quo fit, vt ex Augustino l. de bono perseuer. capit. 1. semper sit
opus noua gratiæ; sicut ad videndum semper est opus noua lu-
ce. & sicut aliud est pallere morbum, aliud corpus post morbum
corroborare, sic postquam gratia communis deleuit morbos,
gratia Sacramentalis corroborat, & nouum auxilium affert.
Dictum est hæcenus sacramenta nouæ legis esse verè & pro-
priè causam gratiæ; nunc est dicendum quomodo causent gra-
tiam. ideo fit.

I. Tertium dubium. De modo causalitatis Sacramentorum, in
quo sunt aliqua certa, aliqua controuersa.

Primum est certum, duo esse in mundo genera causarum;
quædam enim sunt causæ physiciæ, & naturales; quædam
sunt morales; & ambæ sunt verè causæ; quia his positis, ex ea-
rum vi aliud sequitur, quod est proprium causæ, verbi gratia,
si quis fodiat, sequitur merces. Causa physica est, quæ actiuo
influsu suo, & reali impressione exeunte ab ea, attingit rei
productionem. Causa moralis est, quæ nullum habet realem,
& actiuum influxum in rei productionem, sed mouet tantum
intellectum, & voluntatem alicuius ad aliquid agendum, vt
fossio est causa mercedis, quia obligat intellectum domini vi-
tutis, & mouet dominum ad dandam mercedem. & hic modus du-
plex esse potest: vnus per modum tantum obiecti propositi, &
apprehensi, quomodo moraliter mouet consiliarius eum, qui
consilium petit; & sic qui precatur mouet alium, & filius ma-
trem. alius modus fit sub ratione obligationis, & debiti; quæ
motio apparet in contractibus, & conuentionibus, vt de fossio-
ne diximus.

Secundum est certum; Sacramenta Evangelica esse causas
gratiæ saltem moraliter; quamuis non omnes vtantur hoc vo-
cabulo, ratio est, quia scripturæ, & patres compellunt nos tri-
buere Sacramentis aliquam causalitatem; ergo cogimur dare
saltem minimam adiuuitatem, scilicet moralem.

Tertium certum est; quod si Sacramenta Evangelica non
solum sint causæ morales, sed etiam physiciæ, quod hanc causa-
litatem

litatem non habent ex sua natura, sed ex diuina virtute. Vnde qui volunt loqui eam magis, non debent dicere, sunt causa physica: sed causant gratiam more causarum physicarum. Ad verò tria sunt controuersa:

Primum controuersetur: Cum constet sacramenta euangelica esse causas saltem morales, & cum haec multis modis possint operari, quaeritur quomodo operentur, cum dicitur causare ex opere operato? Prima opinio est Guglielmi Paris. in tract. de Sacramentis, cap. de baptis. & de ordine: ubi non agnoscit aliam causalitatem in opere operato, nisi nadam imperatorem; ita ut Sacramenti administratio non sit aliud, quam quidam precatio, quae ex pacto infallibiliter exauditur. Fundamentum est, quia Act. 8. Apostoli collaturi Samaritanis Sacramentum christiatis, orauerunt pro eis. sic etiam Act. 13. qui ordinauerunt Paulum, & Barnabam Episcopos, orauerunt pro eis. quem ritum seruauerunt etiam Apostoli omnes in ordinandis. Sed haec opinio ab omnibus rejicitur; Primo, quia non omnes forma Sacramentorum sunt de precatore, ut *Ego te absoluo. Accipe Spiritum sanctum.* Ex quo colligitur, quod orationes factae ab Apostolis in Sacramentis, pertinebant potius ad solennitatem, & ceremoniam Sacramentorum, quam ad essentiam. Secundo, quia sancti Patres dicunt, vim sanctificandi non esse in invocatione ministri, sed in aqua virtute, quae operatur etiam ministro non crante. Tercio, quia haec operatio multum derogat dignitati Sacramentorum. Vnde, non sine causa in institutione Sacramentorum nouorum nunquam dicitur quod dicebatur in antiquis, *Ego rogabit pro te Sacerdos*; ad significandum Sacramenta non uel legis esse per modum auctoritatis, non per modum suffragij.

Secunda opinio est Athanasii I. 4. summa, cap. de Sacram. nouae legis in commun. ait, Sacramenta euangelica non esse causas effectiuis, nec naturaliter quidem, sed materialiter; ut in pyxide continetur medicina materialiter. Haec opinio repugnat Euangelio, quod exprimit vim effectiuam, & instrumentariam Sacramentorum, non materialem, ut *factus nos fecit nos Baptisma*; sic, *nisi quis renatus fuerit ex aqua, & ei mundans eos lauacro aquae*.

Tertia opinio refertur ab Henrico quodlibet. quae sit

D. Tho. in 4. p. q. 1. ar. 4. q. 1. & 2. & in 3. p. q. 63. art. 1. quod causa gratiæ non sunt Sacramenta, sed diuina ordinatio tantum, quod posito Sacramento, diuina virtus assistat ad gratiam efficiendam. Sacramentum verò solum est tanquam signum excitans Deum ad gratiam efficiendam. Et ponunt exemplum anuli Regis, & baculi Episcopi. Fundamentum est auctoritas Bernardi serm. de cena Domini. *sicut inuestitur canonicus per anulum, ita nos per Sacramentum*; sed illa insignia non sunt causæ, ergo, &c.

Quarta opinio est Henrici, qui postquam confutauit præcedentem opinionem, dixit: quod Sacramenta Moysis, & Euangelica, non differunt in esse causa gratiæ; sed nostra ideo dici causam gratiæ; quia continent causam gratiæ; vel realiter vt Eucharistia; vel virtualiter, quia Baptismus in sua virtute, continet sanguinem Christi; sicut etiam humanitas Christi continebat diuinitatem, & ex illius vi operabatur; sic etiam de Baptismo. Sed contra hunc dico ex Scoto in 4. dist. 1. quest. 5. quia Henr. confutat tertiam opinionem, & in eandem incidit. quia certum est, Deum esse præsentem omnibus rebus per essentiam, præsentiam, & potentiam, & nullo alio modo nisi per nouum, & peculiarem effectum; sed per Henricum in Sacramentis nouis non est aliqua ipsorum causalitas determinans Deum ad peculiarem præsentiam ibi propter peculiarem effectum; ergo est solum præsens Sacramentis ex sua voluntate, & ex pacto, seu ordinatione. at hoc dicebat tertia opinio. Dico ergo contra has duas opiniones tribus rationibus theologorum: prima est D. Thomæ, qui dicit, quod secundum hanc opinionem Sacramenta Euangelica non excederent rationem signi; at scripturæ, & patres affirmant esse veras causas; ergo illud non sufficit. Obijcies, quia posset dicere sacramenta esse verè signa, sed practica, id est causæ rationis; quia sigillum, vel anulus Regis, est verè causa cur mihi detur pecunia ab æcono. Resp. Dupliciter signum est practicum; vno modo cum est practicum respectu alterius, quia significat aliquid ab alio fieri, vel fieri debere; & sic se habet anulus Regis. altero modo est practicum respectu sui facientis; vt si ego mea voce mouerem parietem, illud esset practicum respectu sui mouentis. Tertia, & quarta opinio faciunt signum practicum primo modo, cum nullam tribuant

tribuant Sacramento causalitatem; at scriptum, & patres, continentur Sacramentum esse practicum secundo modo; quia dicunt in aqua esse quandam virtutem. Secunda ratio, quia tunc sequeretur, non differre nostra Sacramenta à veteribus; quia etiam posito Sacramento vetere, tanquam anulo regio, daretur pecunia, idest gratia. Declaro: quia Sacramentum Matrimonium erat signum gratiæ practicum primo modo, quia significabat fidem facientem gratum. Tertia ratio ex D. Tho. in 4. sent. si concurreret Sacramentum solum, ut anulus, sequeretur solum esse causam per accidens; quare non deberet poni à sanctis patribus hæc causalitas, quia ea quæ sunt per accidens debent omitti. Distingue tamen, quòd causa gratiæ est tum fides, tum diuina virtus. Hæc utraque potest dupliciter considerari; primo absolute, & secundum suam naturam, & sic verum est quòd sunt causa per accidens Sacramenta; & sic debet exponi D. Thomas. Secundo, non absolute, sed respectiue ad pactum, & ordinationem Dei statuentis ex pacto non dare gratiam sine Sacramentis; & tunc bene dicit Scotus, quòd Sacramentum est causa per se gratiæ; & sic etiam anulus concurret per se, licet ut conditio sine qua non.

Quinta opinio est communis, duce Scoto in 4. d. 1. q. 5. quæ sequitur Durand. ibid. q. 4. Gabriel q. 1. & Okan ibid. Aureol. apud Capreol. q. 2. Marfil. q. 2. ar. 3. Bonapen. 1. q. 4. dicunt duo: Primum, Sacramentum Evangelicum esse verè, & per se causam gratiæ. Secundo, quòd ista causalitas dupliciter potest intelligi: Primo, ut sit causa, sicut dispositio est causa necessitans, sed ex sola diuinæ virtutis assistentia ex pacto. Secundo, ut Sacramentum se habet ad gratiam causaliter, eo modo quo effectus aliquis prior se habet causaliter ad effectum posteriorem per se ordinatus aliqua lege ad illum.

Sexta opinio est Melchior Cani in relect. de Sacramentis in genere, 4. par. qui dicit duo: Primo, præter causas physicas distinguit alia duo genera causarum: Primum genus est causarum moralium, & sunt illæ, quæ liberè mouent aliquid, ut patet exemplo consulentis, & precantis, & offerentis pretium. Secundum genus, in quo dicit esse causas, vel rationes motiuas, & ponit quatuor exempla: Primum filij, quæ mater amat, quia ipsum genuit. Secundum pulchræ puellæ, quæ amatur, quia est

pulchra. Tertium est Divi Thomæ Apostoli qui in Christum credidit, quia vidit. Quartum est exemplum Abrahe, qui suo facto in filij immolatione movit Deum ut Abrahæ benediceret. Dicit secundo, Sacramenta esse causas gratiæ, non motivas, sed morales; quia Christus statuit nobis suum meritum applicare per Sacramenta, ut per carnis: & hoc modo fuerunt etiam causæ morales humanitas, & sanguis Christi ad humanam redemptionem. Hæc opinio est inintellegibilis; quia hæc distinctio causarum moralium, & motivarum, non subsistit; nam triplex potest fingi differentia; Prima, quod causa moralis sit, quæ moveat per aliquem actum elicivum. Motiva vero quæ moveat seipsa sine alio actu, & operatione. Hæc differentia non valet; quia sequeretur Abrahamum non fuisse causam moralem; sed fuit, quia fecit aliquam operationem, scilicet immolationem filij. Secunda differentia, quod causa moralis sit, quæ non est ipsa quæ movet, sed continet causam motivam: & sic Sacramenta dicerentur moralis causa, quia continent sanguinem Christi. non valet, quia falsò dixisset Canus, Sacramenta esse causam, ut sanguis Christi; quia sanguis Christi non continet sanguinem, sed est ipsa causa, & per se, & non hoc modo; ergo & ille qui consultit, movet per se, & tunc vocatur causa moralis. Tertia differentia, quod causa motiva sit veluti conditio sine qua non; & moralis sit causa, per quam: non valet, quia sicut causarum physicarum quædam sunt causæ per quas, quædam sine quibus non; ita etiam de moralibus. relinquatur igitur hæc opinio. & sit hæc conclusio: Sacramenta Evangelica sunt causæ morales per quas gratiæ, & non ut conditiones, sine quibus non. Hæc conclusio convenit cum quinta opinione. probatur primo: quia Patres, & scripturæ tribuunt Sacramentis efficaciam, & virtutem operandi, quæ non sunt conditiones; quia conditio non habet virtutem, & efficaciam. Secundo, quia modus loquendi de Sacramentis in patribus, & scriptura, competit propriè instrumentis, ut instrumenta non sunt conditiones. Tercio, quia scripturæ ipsidem loquendi modis utuntur de sanguine Christi, & Sacramentis; at sanguis Christi est causa per quam, ergo &c. Quarto, quia tunc Evangelica Sacramenta nõ differrent à moralibus; quia in his causa per quam, erat fides; Sacramentum vero erat conditio; at Sacramenta nostra iustificant ex opere opera-

operato; ergo aliquid aliud superaddunt, & non sunt tantum conditio.

Secundum quod controuertitur est: An causare ex opere operato competat aliquo modo Sacramentis Mosaicis. Prima opinio est Magistri in 4. dist. 1. ubi dicit nullum Sacramentum Moyſis fuisse causam gratiæ, neque etiam ex opere operante, excepta circumcisione, cui tribuitur hoc, quod remittebat peccatum originale, sed non dabat gratiam. Contra hunc sentiunt omnes Theologi: Primo, quia remissio peccati non fit sine gratia, iuxta illud: *iustificati per gratiam*. Secundo, quia cum peccatum sit malum priuatiuum, non potest tolli nisi per positium quid, idest ponendo aliquid, scilicet gratiam.

Secunda opinio est Hugonis de S. Victore l. 1. de Sacramentis. par. 11. cap. 5. distinguit duplex opus operatum; vnum per se, & est cum Sacramentum per se, & immediatè ordinatur ad gratiam conferendam; & hoc tantum tribuit Sacramentis nouæ legis. alterum per accidens, idest quando Sacramentum nõ per se primò, & directè ad gratiam ordinatur, sed ad fidem profitendam; & per hanc causat gratiam. & dicit Hugo quod Sacramenta veteris legis omnia causabant gratiam non solum ex opere operante, sed etiam ex opere operato secundo modo. Contra hanc omnes Theologi insurgunt; quia si sic gratiam causassent, non essent dicenda iusticia carnis, sed iusticia spiritus. hæc duæ opiniones sunt extremæ.

Tertia opinio media dicit, circumcisionem solam contulisse gratiam ad effectus priuatiuos, non ad posituiuos; idest, ad abolendum peccatum, sed non ad faciendum hominem iustum positiuè, & ad reprimendas concupiscentias. & hæc opinio loquitur indistinctè de opere operante, & operato; refertur à D. Tho. in 4. dist. in 1. q. 1. art. 5. q. 2. & 3. par. q. 61. art. vii. & q. 76. art. 4. & à Bonau. Confutatur; quia peccatum non potest aboleri nisi per gratiam informantem, quæ si est in anima, facit hominem gratum Deo.

Quarta opinio est Bonau. ubi dicit circumcisionem solam ex omnibus Sacramentis Mosaicis contulisse gratiam ex opere operato, nec è ad effectus priuatiuos, sed semper lenè ad effectus posituiuos, idest ad habiliendum in bono contra omnes concupiscentias. est etiam D. Tho. in 4. sed cam in 3. par. q. 61. retractat, & merito; quia minima quæuis charitas, vel gra-

etia plus diligit Deum, quàm quouis concupiscentia quælibet concupisibilia.

Quinta opinio est Scoti in 4. dist. 1. q. 6. & q. 2. art. 2. Durandi ibid. q. 5. Halensis 4. par. q. 4. m. 5. art. 1. & q. 3. m. 4. artic. 1. Riccardi in 4. distin. 1. art. 3. q. 4. dicunt hi, duplex fuisse genus Sacramentorum Moyſis, quædam æquiuocè, & largè, & hæc non conferebant ex opere operato, vt erant cæremoniz. Secundo erant Sacramenta vera, & erat tantum circuncifio; & contulisse gratiam plenam ad effectus priuatiuos, & poſitiuos. Probatur primo, quia Deus pepigit cum Abraham de gratia danda huic operi externo, quod est circuncifio; ergo operabatur ex opere operato. Secundo, quia circuncifio ordinabatur ex ſe ipſa ad delendum peccatum originale, at hoc non poterat deleri ſine gratia; ergo ex ſe ordinabatur ad gratiam. Tertio, puer qui circuncidebatur, non iuſtificabatur ex opere operante; ergo ex opere operato, probatur antecedens; quia vel iuſtificabatur ex fide propria, ſed hac carebat puer; vel in fide Sacerdotum, & hoc non, quia ſicut nunc valet Baptiſmus Hæreticorum, ita etiam tunc circuncifio Sacerdotum Hæreticorum. Vel in fide Synagogæ, quæ tunc erat vera Eccleſia; & hoc non; Primo, quia ſequeretur quòd mereri alteri primam gratiam, eſſet alterius quàm Chriſti, qui habet gratiam capitalem; & hoc alteri non conceditur. Secundo, quia ſequeretur magnam copiam gratiz collatam fuiſſe in circuncifione, & maiorem quàm nunc in Baptiſmo. Probatur, quia fides Synagogæ collecta tota ſimul, profeſſio merebatur magnam gratiam, & maiorem quàm nunc fortasſe in Baptiſmo; quia poſſunt eſſe maiora merita.

Sexta opinio eſt D. Tho. quòd nullum Sacramentum conferebat gratiam ex opere operato, ſed omnia (nullo excepto) ex opere operante. Verum quinta opinio Scoti partim poteſt conciliari cum ſexta, partim eſt confutanda. Poteſt conciliari, quia (vt ait Capreolus in 4. diſt. 1. q. 2. ar. 3.) dupliciter intelligi poteſt opus operatum: vno modo largè, vt ſit id cauſare ex opere operato, quod eſt conditio neceſſaria ſine qua non operaretur, & hoc modo ſumpſerunt Scotus, & reliqui, opus operatum; ſcilicet quòd circuncifio erat conditio neceſſaria; & ſic etiam ſexta opinio concedit. Alio modo propriè, quòd ſolum cõpetat cauſæ, per quam ad dandam menſuram ſeparatam

ratam gratiæ ab illa gratia, quæ dabatur ex fide, quomodo dicunt causare nostra Sacramenta; vt exponunt D. Tho. in 4. dist. 1. art. 5. quæstiuicula 1. Halens. 4. par. q. 4. m. 3. art. 1. & q. 3. m. 4. art. 1. Alber. in 4. dist. 1. art. 8. & 19. & alij. Idque vno ex tribus modis; vel per modum dispositionis; vel per modum effectus prioris, & posterioris; vel per modum sanguinis Christi applicati Sacramentis nostris; idest, quia Christus suo sanguine fuso meruit Sacramentis, vt illis deberetur simpliciter quædam gratiæ mensura distincta à gratia fidei; & si hoc modo sumatur opus operatum, falsum est vllum Sacramentum Moysis fuisse causam gratiæ. Probatum primo, quia vniuersaliter dixit Ioannes Baptista Ioan. 1. *Iuxta per Moysen data est, gratia per Iesum Christum*. Vnde quicquid se tenet ex parte legis, vacuum est à gratia: vt verò se tenet ex parte Christi, idest ex parte fidei in Christum, tunc non est vacuum gratia. sic ad Galat. 3. ad Hebr. 7. & 9. & 1. Pet. 3. Secundo, quia scripturæ particulariter loquuntur de circumcisione, & eam spoliant gratia. & Paulus ad Galat. 3. ex professo auocat Galatas à circumcisione, quia hæc non iustificat, sed fides. sic etiam Rom. 4. & Col. 2. & Ad argumenta quintæ opinionis Respon. ad primum, concedo fuisse passionem Dei, sed hæc passio fuit vt circumcisio esset conditio. Confirmatur, quia in Leuit. de sacrificijs etiam habentur eadem verba, quæ de circumcisione; & tunc illa sacrificia non conferebant gratiam ex opere operato. Ad secundum Respon. quòd ideo promittebatur gratia. Ad tertium Respon. quòd saluabantur fide Ecclesiæ, & synagogæ. Ad primum absurdum Respon. quòd mereri gratiam alteri ex condigno, est capitis; at mereri ex congruo infallibiliter, est etiam non capitis; quia D. Thom. 1. 2. q. 104. art. 6. dicit, iustos posse mereri gratiam peccatoribus ex congruo. Dixi (infallibiliter,) quia, erat pactum diuinum. Ad secundum absurdum Respon. quòd Deus determinauit quendam gradum fidei Synagogæ, quem applicabat infantibus.

Tertiū quod controuertitur est. An physica efficiētia cōcedēda sit Sacramētis ad iustificationem? Hic sunt duæ opiniones: Prima est communis omnium Theologorum, quos supra citauimus; qui dicunt Sacramenta non habere aliquam qualitatem, qua producant iustificationem, sed tantum esse causam in genere morali. Bonauentura dubiè loquitur in hac re, qui refert
vtrunque

utranque opinionem, & relinquit rem dubiam; sed magis pendet in hanc, quod non causent physicè. Scotus etiam habet quædam verba, in quibus videtur dubitare; quia exponens causalitatem Sacramentorum nostrorum, comparat quibusdam exemplis partim moralibus, partim physicis. moralibus, ut exemplum de merito, & præmio; physicis, ut exemplum de motu, & termino, & dispositione cum forma, & instrumento cum opere artificio; quæ quidem physicè concutunt. sed tamen Scotus putabat hæc tria exempla concurrere quidem, physicè, non per aliquam qualitatem qua attingant effectum; sed per solam naturalem coordinationem; & non quod hæc habeant quandam qualitatem, & actiuitatem impressam.

Secunda opinio est D. Thomæ, qui sentit sacramenta Evangelica esse causas non solum morales, sed etiam physicas; & physicas, non per solam illam ordinationem Scoti, sed per quandam qualitatem supernaturalem infusam à Spiritu sancto Sacramentis ad efficiendam physicè gratiam. Eandem qualitatem dicit esse infusam à Spiritu sancto humanitate Christi ad facienda miracula.

Sed contra hanc sententiam D. Thomæ circa efficientiam physicam, sunt tres præcipuæ difficultates: Prima nascitur ex ipso D. Thomæ, qui cum solus introduxerit in Ecclesia hanc efficientiam physicam, non tamen adeo latè illam posuit, ut non possit alium sensum pati. ita ut Caietanus quæst. 61. art. 4. in tertiam partem, & Scotus in 4. dist. 1. q. 3. art. 1. & 4. negent D. Thomam posuisse hanc qualitatem supernaturalem in humanitate Christi, & Sacramentis; sed dicunt primo, quod D. Thomas in Sacramentis, & humanitate, ponit quandam efficientiam realem, veram, physicam, & instrumentariam; sed hoc non esse qualitatem, sed nudam Dei deputationem talium instrumentorum ad talia opera. Secundo dicunt, quod ista Dei ordinatio à D. Thomæ variè appellatur; aliquando idoneitas, aptitudo, vel potentia huius rei potius quàm illius. ut, ad regenerandum est maior idoneitas in aqua, quàm in oleo. aliquando vocat esse effectiuum instrumentaliter: aliquando vltimum passiuum instrumentorum; id est, hoc quod est adhiberi instrumentum, vel uti passiuè; id est, quod hoc instrumentum subiaceat diuino vsui; & iste vsus duplex est: vnus vniuersalis in prima Sacramentorum institutione, quando in-

stituit

fitur Baptisma in aqua, tunc coepit uti. alter usus est in ipsa applicatione materie Sacramentalis ad subiectum, quæ applicatio quia fit per ministrum Christi, censetur fieri per Christum. aliquando vocat motum instrumenti, sed non quemlibet motum, sed motum virtuosum, vel artificiosum; quia potest instrumentum moveri, vel simpliciter, ut ab ignaro artis; vel artificiosè, & virtuosè; ut cum mouetur ab artifice. concurrunt autem instrumentum per motum artificiosum, non per quemlibet motum: exemplum est de citharædo mouente citharam, & de alio nesciente sonum. sic aqua dupliciter potest applicari; vel simpliciter, & sic non habet vim; vel sub quibusdam verbis notis, & tunc incipit hic motus esse virtuosus. Dicunt tertio, quod posita hac opinione, potest D. Thomas conciliari sibi, quamuis videatur sibi repugnans; nam quia iste usus instrumenti non est quilibet motus, sed motus virtuosus; & quia motus simplex differt à se ipso ut virtuosus formaliter; ideo D. Tho. ponit in Sacramento tum motum quandam, tum quandam virtutem. & contra; quia motus simplex à se ipso virtuosus non differt realiter, ideo D. Thomas aliquando dicit Sacramenta non concurrere nisi tantum per motum, id est per istam rem, quæ est motus virtuosus. Probant hanc esse opinionem D. Thomæ. Primo, quia D. Tho. 3. par. q. 62. art. 4. probat Sacramento debere inesse quandam virtutem ex eo quod est instrumentum Dei ex ratione communi, scilicet, quod sit instrumentum. & D. Thomas 3. par. q. 62. art. 1. definit in communi instrumentum non concurrere nisi per motum artificis; ergo cum loquebatur de virtute, intelligebat tantum istum motum virtuosum ita ordinatum ab artifice. Secundo, D. Thomas 3. par. q. 62. art. 4. ad primum. & art. 1. in corpore, dicit virtus Spiritualis est in Sacramento in quantum ordinatur à Deo ad effectum Sacramenti. Tertio, in 3. par. q. 62. art. 4. ad primum, eo modo (inquit) virtus Spiritualis exit à Spiritu sancto in aquam, quomodo à mente proferentis vocem exit in vocem quædam virtus Spiritualis, quæ attingit mentem; sed mens (ait Caietanus) nihil imprimi voci nisi tantum motum, & illud est ens rationis, scilicet significationis; sic etiam in Sacramento. Quarto, frequenter apud D. Thomam habetur hæc differentia inter instrumentum coniunctum, & separatum; quod separato debet imprimi quædam virtus, quæ manet cessante motore

motore, ut in proiectis; sed in coniuncto sufficit imprimere motum sine virtute. Sic Sacramenta comparantur cum Christo ut instrumenta coniuncta, quia sunt coniuncta cum ministro, per quem Christus baptizat. nunc contra hanc Socii, & Caietani opinionem, sit hæc:

Conclusio. Certum est in D. Thoma imprimi à Spiritu sancto aliquid reale Sacramento, per quod attingat physicè, & activè gratiam. est Capreoli in 4. diffin. 1. q. 1. Paludani ibid. & ita intellexere D. Tho. Henr. quodl. 4. q. vlt. Durand. Aureol. & omnes nominales. Probatur primo, quia in 4. dist. 1. q. 1. art. 4. quæstiuncula 1. & 3. par. q. 62. art. 4. in corpore, recitat D. Thomas opinionem dicentem, Sacramentum esse causam gratiæ ex solo Dei pacto, & confutat; quia hæc opinio non excedit rationem signi; at Sacramentum est causa gratiæ instrumentaria per quandam virtutem, quæ inducit, & attingit effectum gratuitum, quamvis hæc virtus sit incompleta in esse nature. Secundo, in 3. par. q. 3. art. 3. ad secundum, dicit: hanc virtutem quæ est in Sacramentis, esse quodam accidens; & dicit, hoc accidens dum causat gratiam non migrare de subiecto in subiectum; quia gratia non exit à Sacramento ut aliquid, quod in Sacramento erat, & mox transit ad aliud, sed ut causa. Tercio, 3. par. q. 62. art. 1. decernit D. Thomas sacramentum esse instrumentum Dei. artic. 2. dicit, esse instrumentum ad causandam gratiam sacramentalem. artic. 3. dicit esse instrumentum continens gratiam, non ut vas Aquam, sed ut Sol lumen. ar. 4. petit, utrum ad hoc ut sit instrumentum sit opus ponere virtutem causatiuam ut in subiecto; & respondit, quod sic. quæ virtus dicitur esse ut motum quendam. Hoc igitur reale quod ponit D. Thomas in Sacramento, est qualitas, vel potentia activa; nam in 4. dist. 1. q. 1. art. 4. quæstiuncula 2. dicit, virtutem quæ est in Sacramento, non esse ordinationem divinam, quia ordo est relatio; at hæc virtus est principium motus, non respectus. Ibidem ait, virtutem causatiuam esse completè in particulari agente; sed in instrumento esse rem aliquam mediam inter puram potentiam, & purum actum; & se habere ut motum, & sicut colorum intentiones in medio. Unde ad argumenta Caietani

Ad primum Respon. Verum est sacramenta causare gratiam per motum Spiritus sancti, sed hic motus non est localis

lis, sed est alteratio, qua producitur qualitas in Sacramento. & q. 27. de Veritate ar. 4. ad quartum, dicit hanc virtutem vocari motum, quia habet suum esse in fieri.

Ad secundum Respondetur, duplicem esse ordinationem: unam non operativam, id est ens rationis; & de hac non loquitur D. Thomas. alia est operatoria quæ imprimit virtutem ad quam rem ordinatur, ut *ordinatione tua perseverat dies*: & de hac loquitur D. Thomas. Ad tertium Respondetur: non solum hoc argumentum nobis non nocere, sed etiam favere. probatur, quia in 3. p. q. 62. ar. 1. 3. & 4. ait D. Thomas, sacramentum non solum esse signum, ut est vox; sed etiam esse causam. & explicans quo modo possit Sacramentum corporeum attrahere animam, reprobat, & explicat exemplo vocis, argumento ab analogia signi, ad analogiam causæ; quia sicut vox cum sit res corporea potest movere intellectum significando; sic Sacramentum potest movere animam causaliter. Unde in conclusione in qua applicat exemplum exemplato, concludit sic: Sacramentum non habet vim significandi, sed causandi. & in 4. d. 1. q. 1. art. 4. quæstioncula 2. ad quartum, repetit hoc idem exemplum vocis, & dicit: quod non est mirum si potest Deus imprimere vim causandi Sacramento corporeo, nam etiam imprimit anima vim productionis semini, & intellectus voci. Ad quartum Respondetur, ibi esse duo absurda: primum, quod Sacramentum sit instrumentum coniunctum, quod soli humanitati Christi à sanctis conceditur. Secundum, quod negat instrumento coniuncto imprimi virtutem, sed separato. Dico ergo, quod neutri instrumento virtus imprimitur secundum alios. secundum alios utrique.

Secunda difficultas contra opinionem D. Thomæ nascitur ex patribus, qui nullam qualitatem physicam agnoscunt in Sacramentis, vel miratulis ab humanitate Christi proficientibus; sed dicunt Sacramentum solum operari circa corpus; Deum, vero ex pacto infundere gratiam. Hieronymus in Isai. 4. ex verbo Ioannis dicentis ego vos baptizo in aqua, ille vos baptizabit in Spiritu sancto; ait: discimus quo homo tantum aqua tribuit, Deus autem Spiritum sanctum, quo & sordes abluuntur, & sanguinis peccata purgantur. sic etiam in Matth. 16. dicit: quomodo seprosum Sacerdos Moysæus mundum, vel immun- dum facit; sic Evangelicus Sacerdos alligat, vel solvit. Augusti-

nus l. 15. Trinit. cap. 26. dicit, nullus discipulorum Christi dat Spiritum sanctum, orans quippe ut venirent in eos quibus manus imponebant. & l. 83. 99. q. 33. quidam (inquit) Deus facit per alios, quidam per se sine media causa, ut animas illuminare, & sanctificare. Ambrosius l. 10. epist. 84. ad Demetriadem: dicit, in Sacramentis esse duo, formam visibilem, & effectum; & hanc dicit fieri à ministro; & effectum sacramentalem in anima, & hunc dicit fieri à Deo. Cyprianus in ser. de Stella, & magis, dicit, Spiritus sanctus aquis, & sanguini superfertur, quod facit occisio baptizante Spiritu sancto, hoc & mersio operatur. Vnde dicit idem operari occisionem martyris, & mersionem baptismi; at occisio operatur moraliter, non physice. Nyssen in ser. de baptismo, per multa verba dicit, effectum interiore fieri à Deo, aquam verò solum adhiberi ad significandum effectum. & ibidem subiicit, alud esse abluere corpus, aliud animam; aqua corpus abluit, & corpori affert benedictionem; at solus Spiritus abluit animam. August. in Ioannem tract. 8. dicit, ideo seuerè respondisse matri in nuptijs Canz Galilee, ut ostenderet ad opera miraculosa non concurrere humanitatem quam acciperat à matre. Ambrosius l. 3. in Lucam cap. 3. liberare (inquit) à Damone & homines possunt; sed in verbo Dei: sed resurrectionem mortuorum impetrare, solius diuina potestatis est. Sic hæc

Conclusio: etiam si in Sacramentis, & in facientibus miracula, dicamus esse physicam causalitatem, hoc est scripturæ consentaneum, & patribus; quæ cum de Christi humanitate faciente miracula loquuntur, verbis physicis vtuntur: Luc. 6. omnis turba quærebat eum tangere, quia virtus de illo exibat, & sanabat omnes: & cap. 8. Christus tactus ab Emoroissa, ait; non virtutem de me exisse. & patres, & concilia passim prædicant Christi humanitatem esse organum Dei, & instrumentum, quod est proprium causæ physice. ita Cyrillus in epistola ad Monachos ægypti, quæ approbatur in Concilio Ephesino, item pro recta fide ad Theodosium, & de recta fide ad Reginas: & Paulus Emyssenus hom. 14. quæ etiã approbatur in Concilio Ephesino. & Athanasius de incarnatione Verbi. Damasceus lib. 2. cap. 18. & 19. Theodoretus in dialogo immutab. Clemens Alexandr. in par. n. ad gent. Eusebius demonstr. euang. l. 4. cap. 13. & id de fide decreuit Concilium Constant. 6. act. 10. & sunt alij innume-

innumeri patres. tamen etiam si hoc dicamus, dicimus etiam efficientiam hanc physicam sic esse consentaneam patribus, ut contraria sententia nec sit hæretica, nec temeraria, excepta forte Christi humanitate; quia de ista ita dogmaticè loquuntur, & clarè concilia, ut non audeam contrarium affirmare. non est hæretica, quia licet evasiones contra sententias patrū sint duriores, non tamen sunt enidenter falsæ, nec aliquo decreto Ecclesiæ condemnatæ. non est temeraria; primo, quia defenditur à maiore parte doctorum. secundo, quia patrum testimonia quæ superius allegavi, quæ non negant aliquam virtutem supernaturalem à Deo immitti Sacramentis, negant tamen naturalem virtutem.

Tertia difficultas nascitur ex ratione; nam videtur repugnare lumini naturali hæc physica causalitas in Sacramentis. Prima ratio nascitur, quia est intelligibilis hæc species huius nouæ qualitatis. Probatur primo, ista virtus sacramentalis, vel miraculorum, vel est ens fluens, vel permanens: si permanens, est contra D. Thomam 1.2. q. 178. art. 1. ubi dicit non esse permanentem; & probatur, quia hæc virtus in Sacramentis imprimitur dñm Sacramentum est in usu, quod est transiens, non permanens. Si est transiens, contra, ens transiens nihil aliud est, quàm ipsa operatio; at in Sacramentis duplex operatio esse potest: prima externa, id est ipsa ablutio; & constat hanc esse ineptam per se ad gratiæ productionem, quia est corporalis: alia est operatio, scilicet productio formæ; at hæc non est in Sacramento sed in homine in quo producitur; quia productio quæ est motus, non distinguitur à termino qui est productus. Respondetur, quòd Sacramento concurrente cum Deo dup ex est operatio, & duplex operatum interuenit: vna operatio est solius Dei imprimentis virtutem transeuntem Sacramento; quæ operatio si sumatur ut exit à Deo, est in prædicamento actionis; si ut recipitur in Sacramento, est in passione; si specificetur ex termino, est in qualitate; quia est alteratio, quæ imprimitur in Sacramento. & hæc prima operatio distinguitur à gratia realiter, & subiectivè. Secunda operatio est ipsa productio gratiæ, & hæc non est solius Dei, sed etiam Sacramenti; & hæc est in homine, non in Sacramento; quia est gratia in fieri. & de hac operatione procedit argumentum. Secunda ratio nascitur ex subiecto in quo recipitur, nam ista qua-

litas vt sit proportionata effectui spirituali, debet esse incorporea; sed qualitas spiritualis non potest inhaerere in subiecto corporeo, vt est Sacramentum, ergo &c. probatur minor, quia si hoc esset, oportet et spirituale fieri diuisibile vt coextendetur subiecto diuisibili; at hoc est absurdum. Respondit Paludanus, quod hęc virtus ideo potest in corpore subiectari, quia licet sit virtus spiritualis terminatiue, idest, quia terminatur in rem spiritualement; non tamē secundum suam formam est corporalis. neque mirum si corpore agat in spirituale, nam etiam phantasma agit in intellectum, & in speciem intelligibilem. Hęc Responsio est falsa; quia virtus hęc ponitur in Sacramento ad ipsum eleuandum, & proportionandum effectui gratuitos; sed hęc improporatio non fundatur in ratione talis vel talis corporei simpliciter; vnde si virtus est corporea, manet eadem improporatio. ad exemplum de phantasmatē, dico; quod si phantasma datur, nego phantasma quicquam agere; anima enim per imaginationem imaginatur obiectum medio phantasmatē; & deinde eadem anima per intellectum agentem elicit speciem intelligibilem similem ei quod per phantasma est imaginata. vnde est naturalis ordo inter imaginationem, & intellectum; & inter speciem intelligibilem; & phantasma. Respondit Capreolus hanc virtutem esse spiritualement, & incorpoream, tū terminatiue, tū essentialiter. quamuis (inquit) magis propriē dicamus cum D. Thoma de Verit. q. 27. art. 4. ad 5. hanc virtutem non esse ens corporeum, neque incorporeum, sed tendere siue esse ad ens incorporeum; quia ratio corporei, & incorporei competit entibus completis, entia verō incompleta potius sunt ad ens, quā entia. & addit; hanc virtutem subiectari in Sacramento corporeo, ita vt tota sit in toto, & tota in qualibet parte. & nomine Sacramenti, nobis intelligitur sola materia, sed materia in vsu, vt potē ablutio; ita vt ablutio sit subiectum huius virtutis; sic etiam prolatio verborum. & hęc responsio est vera.

Tertia ratio nascitur ex mensura; quā mensuratur duratio actionis sacramentalis. & est argumentum Scoti, Durandi, & Aureoli. hęc actio physica vel mensuratur tempore, vel instanti; idest aut est actio diuisibilis, aut indiuisibilis; non primum, quia acquisitio gratiæ quæ est ipsa actio sacramentalis, nō potest fieri diuisibiliter; nam omnis successio in acquisitione for-

mē nascitur vel ex parte subiecti per quod successiue forma
 perlabitur; at anima est indiuisibilis. vel ex partibus gradualibus
 forme; sed hoc non potest esse; quia oporteret in princi-
 pio prolationis verborum acquiri vnum gradum gratiæ, & cō-
 sequenter alium & alium, & hoc est falsum; quia gratia tota
 simul acquiritur. Vel; propter expulsionem contrarij; neque
 hoc potest esse; Primo, quia non semper Sacramenta supponūt
 peccatum contrarium gratiæ, vt Eucharistia. Secundo, quia
 hoc contrarium, siquod est, peccatum est; sed peccatum cū
 sit priuatiuum, expellitur in instanti per positionem contra-
 rij. hinc fit, actionem non esse diuisibilem. neque potest esse in-
 diuisibilis, & instantanea; quia vel illud instans est intrinse-
 cum motui, vel instans vltimum, vel extrinsecum motui. non
 potest mensurari Primo; quia sequeretur ante prolationē ab-
 solutā verborū gratiam conferri. non secundo; quia cū sacra-
 menta consistant in motu, non desinunt per vltimum sui, sed p
 primum non sui esse. si tertio, sequeretur Sacramentum tunc a-
 gere physicē, cum non est. Pro responsione est prima opinio, q
 toto tempore motus, scilicet ablutionis, vel prolationis, im-
 primitur virtus in Sacramento, & operari in animam. hęc Re-
 sponsio non potest defendi, quia hęc virtus vel toto tempore
 agit, vel non; si non, ergo frustra fuit hęc virtus impressa pri-
 mis partibus motus desinentibus per aliarum successionem
 antequam veniatur ad effectum, & vsum virtutis; si agit toto
 tempore, tunc sequeretur gratiam acquiri diuisibiliter, quod
 est falsum; & patet in Eucharistiæ transubstantiatione, quæ fi-
 ri debet instantaneē. Secunda Responsio, quod hęc operatio
 Sacramentalis fit in vltima parte motus. hęc Responsio, non
 est bona, nam si fit in motu quamuis minimo, semper est diui-
 sibilis. Tertia Responsio est Capreoli, quod mensuratur aliquo
 indiuisibili intrinseco vltimę syllabę, & formę; quod propor-
 tionaliter est intelligendum de vltima parte motus, quæ est in
 materia. Hęc Responsio est vera quatuor requisitis. Primum,
 vt Deus ex omnibus literis necessarijs ad formam, deligat vlti-
 mam. Secundum, vt ex prolatione istius vltimę literę, Deus
 secernat, & designet vltimum minimum naturale. Ter-
 tium, vt in hoc vltimo minimo naturali Deus designet vnum
 indiuisibile intrinsecum, in quo conferat hanc virtutem,
 quæ agat Sacramentaliter; quod instans debet esse ita propē fi-
 nem

nem minimi naturalis, ut quicquid post ipsam reliquum est, vel non possit naturaliter abrumpi impressio iam tanto impetu organo vocem proferentibus; vel si possit abrumpi, sit ita modicum ex diuino iudicio, ut parum pro nihilo reputetur; nec si omittatur præiudicet integritati formæ. nam ex 3. par. q. 60. art. 7. prolatio verborum circa finem, non est in diuisibili, sed habet latitudinem. Quartum est, ut eodem instanti intrinseco temporis simul Deus & imprimat virtutem Sacramento, & ipsa virtus impressa eodem instanti producat gratiam in homine, & non sint duo instantia, sed vnum altero sit prius natura, ut eodem instanti temporis quo Deus solem creauit, eodem sol illuminauit. Sed contra hanc tertiam Respon- sionem, obijcit Scotus; si virtus imprimitur vni mutato esse, sequitur vnā literam tantum esse Sacramentum; quia vna litera tantum est causa gratiæ. quod si dicas hoc indiuisibile vltimum, id est propè finem, facere vel causare ex vi præcedentium dictionum, ut vltima gutta cauat lapidem ex vi præcedentium guttarum, non valet; quia gutta vltima ideo operatur virtute præcedentium guttarum, quia hæc relinquerunt in lapide dispositionem ad excavationem: sed secus hic, quia literæ præcedentes iam desierant esse omnino, nec adiuuant vltimam literam. Respondetur, vltima litera, vel vltimum indiuisibile huius literæ causat gratiam non sola, sed ex virtute præcedentium literarum, non ut relinquentium vltimam dispositionem realem, sed ut integrantium formam sacramentalem, quæ non potest integrari nisi à dictionibus sibi inuicem succedentibus, vnde nisi proferatur litera in vltima, non sit Sacramentum. Quarta ratio oritur ex parte suscipientium Sacramenta; quia est dogma fidei, eos qui ad baptismum accedunt, posse accedere fidè, id est cum obice, & tunc non accipere gratiam; sed si resipiscunt, tunc baptismus operatur. Illa igitur fictio potest recedere post annum accepti baptismi, & tunc baptismus operatur; at baptismus recessit, ergo meritorie, non physice operatur. Confirmatur ex Durando, quia constat in Ecclesia posse matrimonium contrahi inter absentes per procuratores; tunc procurator agit cum matrona, quæ consentiente fit matrimonium; hoc matrimonium fit ratum hic, quomodo potest hoc Sacramentum extendere gratiam ad eum qui est in hispania? Respondetur, de baptismo dico, quod in fictis defendi potest quod bap-
tismus

eismus postquam defijt esse, est causa gratiæ, vel solum mora-
 liter, id est quia Deus recordatur hunc esse baptizatum, ideo
 causat gratiam; vel physicè, non secundum se totum, sed secun-
 dum aliquid suum; & hoc potest esse vel dispositio interna neces-
 saria adulto; vel (ex D. Thoma in 4. d. 1. q. 3. ar. 4. & d. 4. q. 3. ar.
 2. quæstioncula 1. & Capr.) remanet saltem character, qui tan-
 quam instrumentum diuinę virtutis sublatro obice operatur gra-
 tiam. De matrimonio dico cum Capreolo, & Paludano, non ef-
 se absurdum si absens absenti gratiam cõfert. Quinta ratio sur-
 mitur ex genere productionis quę competit gratiæ, nam gratia
 qua productione producitur? vel de potentia subiecti, vel crea-
 tione; neutrum, ergo &c. non esteductio de potentia subiecti,
 quia oporteret educi de potentia naturali subiecti; at suble-
 ctum habet solam potentiam obedientialem ad gratiam, & o-
 porteret educi per actum naturalem; at iste actus est superna-
 turalis, & per dispositionem, & agens naturale, ut disponens &
 agens, est supernaturalis. Neque est creatio; prin^o, quia si gra-
 tia crearetur, sequeretur cum quis peccat mortaliter, gratiam
 annihilari; quia sicut exitio educorum de potentia est reditio
 impotentiam unde exierant, ita desitio est reditio in nihil; at
 gratia non annihilatur, quia Deus ex Augustino l. 8. c. 99. q. 2. l.
 nihil annihilat. Omissis opinionibus, Respondit D. Thomas in
 4. d. 1. q. 1. ar. 4. quæstioncula 1. Gratiā propriè non educi, ne-
 que propriè creari, sed dicit gratiam produci per influentiam
 Christi Sacramento concurrente. Erit igitur productio gratiæ,
 nec proprièeductio, nec propriè creatio; sed est vel eminenter
 eductio, vel diminutè creatio. Probatur, quia educationi sunt
 tria substantialia requisita; Primum ex parte termini, scilicet
 ut sit inexistens, non subsistens; id est, quod in fieri & in esse, pen-
 deat à subiecto ex quo fit, quod si possibile esset ut ignis produ-
 ceret formā ignis in vacuo; tunc esset creatio, nōeductio; quia
 non haberet hoc substantiale requisitum. Secundū ex parte su-
 bitio; sicut subiectū fit naturaliter, perfectibile, per tale perfe-
 ctium, saltem ex parte ex qua fit; quod si materia celi differret
 specie à materia inferiorum, & si possibile esset ignem produce-
 re calorem in materia celi non esseteductio. Tertium ex par-
 te agentis, ut aliquid educitur, non requirat ex suo genere ens
 infinitum, quiaeductio est opus naturę; at natura facit pro-
 portionem inter agens, & patiens. Hæc tria desunt omnia,

cum materiz primæ, vnde verè creatur; cum substantijs completis incorruptibilibus, vt cœlis, & Angelis. ex ijsdem rebus requisitis defunt aliqua cum animæ rationali, cum gratiæ; animæ quidam defunt primū, & tertium, vnde simpliciter est creatio. gratiæ verò deest tantum tertium, & inchoatè secundum; tertium quidem, quia requirit agens supernaturale; secundum; quia est inchoata, & imperfecta capacitas. Vnde participat gratia de creatione, & de educatione, primum, & secundum; de creatione, tertium, quare puto hanc esse D. Thomæ opinionem dicentis, produci per influentiam. & hæcenus de definitione Sacramenti.

Quartum dubium. An definitio assignata vniucè conueniat Sacramentis veteris, & nouæ legis. Sotus ait vniucè conuenire; differunt enim noua & vetera Sacramenta solum in ratione signi perfecti, & imperfecti. confirmat, nam si qua esset æquiuocatio, vel analogia, sumi posset ex ratione causa; Sacramenta enim noua sunt causa, at non antiqua; at hoc non sufficit æquiuocationi, est enim passio consequens. Secunda sententia est Magistri in 4. d. 1. & ibid. D. Thomæ q. 2. æquiuocè dici; quia esse causam, & non esse, differunt specie. præterea conueniunt in nomine Sacramenti æquiuocè, quia nihil prædicatur vniucè de conditione, & causa; at antica erant conditiones, noua sunt cause. Ad rationem Soti dicitur, esse causam non posse esse passionem; licet enim aliquæ proprietates indiuiduæ non varient speciem, tamen quando consequuntur totam speciem, debent fluere ab eadem essentia; & si diuersæ sunt proprietates, indicant diuersam essentiam. esse causam sequitur omnia Sacramenta noua.

Quintum dubium. Quænam sunt in quolibet Sacramento?

Respond. In quolibet Sacramento sunt quinque: Materia, forma, minister cum debita intentione, & suscipiens cum intentione, & effectus. explico: in quolibet inueniuntur verba, & res; res dicuntur materia; verba autem, forma. constat autem Sacramentum ex materia, & forma; quia effectus debet assimilari causæ. Christus causa Sacramentorum erat Verbum æternum in carne sensibili, & sic redemit nos; ideo Sacramenta sūt Verbum in materia sensibili. minister debet esse; id est qui confert Sacramentum, ybi enim non est minister, non potest esse Sacramentum. Verum est, quòd aliquando potest esse idem minister,

nister, & suscipiens, ut cum Sacerdos celebrat; & iste minister debet habere debitam intentionem conferendi Sacramentum, & faciendi, quod facit Ecclesia. Satis est autem intentio virtualis; id est accedat animo administrandi Sacramentum, licet postea obliuiscatur. Suscipiens debet esse debitus, aliter non esset Sacramentum; puta si baptizatur lapis. Item debet esse intentio suscipiendi Sacramentum, alias non suscipit Sacramentum. effectus Sacramenti sunt duo; alter est generalis omnium Sacramentorum, id est gratia prima, & gratia secunda; id est gratia iustificans, & gratia sacramentalis, de qua res supra dictum est in dubio precedente; nam Sacramenta dant gratiam non habenti, & habenti augent, alter effectus est particularis trium Sacramentorum, Baptismi, Confirmationis, & Ordinis, id est character, id est quidam qualitas, quæ est potestas animæ impressa indelebilibus. Character ordinis est potestas exercendi actus spirituales. Character baptismi est potestas suscipiendi Sacramenta. Character confirmationis est potestas resistendi tentationibus externis. Si quid trium priorum deficit, non perficitur Sacramentum, ut decrevit Concilium Florentinum in unione Armenorum, & est communis doctorum sententia. ita D. Thomas 3. par. q. 68. ar. 6. nunc de singulis his quinque in quolibet Sacramento requisitis est dicendum; nam de quolibet, in quolibet Sacramento dicemus. dicamus nunc, quando accedit verbum ad elementum, & fit Sacramentum, an hoc verbum sit ita determinatum, ut non liceat quicquam immutare. Ideo sit.

Sextum dubium. An hoc verbum sit determinatum.

Respondetur verba sacramentalia sunt ita determinata, ut non liceat Ecclesie substantialiter variare, cum enim dicantur Sacramenta à Christo Domino instituta; & idcirco sit determinatio, de iure diuino, ex Conc. Tri. Sess. 7. can. 1. non materialiter, sed formaliter, scilicet quoad sensum, Ecclesia etiam determinat verba præcisa, & non variat. Probatur primo, nam si Deus determinauit caeremonias veteris legis, debuit etiam determinare caeremonias substantiales nouæ legis; Euangelium enim eximit nos ab imperfectionibus legis antiquæ, (venit namque Christus Dominus adimplere, non soluere legem,) esse verò Sacramenta determinata à Deo, est perfectio; ergo &c. Secundo si Christus determinauit materias, ergo & formas.

Duo vero sunt præcipue in Sacramento; vnum est esse signum præficium, quod est formale, & est de iure diuino; quia significatur tale significatum ex obiecto; sed obiectum est res, & esse eius sacramentalis, qui non potest tribui nisi soli Deo. Alterum est quasi materiale, id est conflatum sensibile ex elemento, & verbo. nunc dico, non repugnare Deum statuto effectu, dare libertatem Ecclesie eligendi verba, & materiam, sed de facto duo non constant, & vnum constat; primum, non constat fuisse illam varietatem formarum, seu verborum; quia non refertur in aliquo autentico decreto Ecclesie. Secundum, non constat fuisse varietatem hanc approbatam; quia variari, & errari potest in aliquo Ecclesia nesciente, & non probante Ecclesia Romana. Vnum, quod constat est: Ecclesiam Romanam a tempore immemorabili conseruasse eandem formas. Vnde rursus attendendum est, eidem Ecclesie Romanæ tanquam magistræ, cui Spiritus sanctus assistit, formas fuisse traditas à Christo, & de iure diuino determinatas, quare non posse variari.

Septimum dubium. An quilibet variatio formarum vitiet Sacramento.

Respon. Quoad mutationem verborum, quæ sunt forma Sacramenti, notandum est ex D. Thoma 3. par. q. 60. art. 8. illam posse considerari tripliciter, vel ex parte ministri, vel ex parte significationis verborum, vel ex parte verusque. Ex parte ministri sit prima regula. Si quis addendo, vel minuendo verbis formæ, intendat alium ritum inducere, qui non sit ab Ecclesia receptus circa Sacramentum, quod tunc administratur, non perficit Sacramentum; quia is non intendit facere, quod facit Ecclesia minister cum non concurret ad veritatem Sacramenti, nisi ut instrumentum voluntarium Christi, & Ecclesie, quare ipsius voluntate se subijcit Ecclesie, non est minister: ut si hæreticus neque in genere, neque in specie habeat intentionem faciendi, quod facit Ecclesia: vel si in genere intendat veram Ecclesiam, sed in specie intendit falsam. tamē cum tanto odio ad veram Ecclesiam, ut eam positiuē excludat à sua intentione, etiam si veram esse sciret: ratio est, quia intentio potest aberrare à fine dupliciter; Primo propter odium finis. Secundo propter odium alicuius annexi tali fini. & sic hæreticus potest dupliciter ab Ecclesia recedere.

Secunda regula. Si minister mutauerit intentionem post in-

cepta

cepta verba formæ, & reliqua sine debita intentione proferat, non esset Sacramentum. Vt si quis intentione baptizandi, vt solet Ecclesia, dicet, ego te; postea mutata intentione subiungeret, baptizo, non esset verus baptismus. Si autem illico pœnitentia ductus, is priorem integraret intentionem, quam habebat, à principio, & conuinqueret, esset Sacramentum; quia toto tempore prolationis formæ, adfuit legitima intentio, ut docet Sotus in 4. dist. 1. q. 1. art. 8.

Tertia regula. Ministri qui mutant formam aliquando peccant, aliquando non. Circa formas enim Sacramentorum possunt considerari tria. Primum id, quod est essentialiale. Secundum id, quod est accidentale. Tertium id, quod circumstat formam, vt ceremoniz. Circa primum, si minister de industria, mutauit substantialia formæ, aut ex notabili, & culpabili negligentia, est peccatum mortale. Si ex negligentia modica, aut precipitata prolatione, est peccatum veniale. Si ex repentina auersione mentis, nullum est peccatum. Circa secundum si fit ex contemptu, est peccatum mortale; quamuis non sit improbable, aliquem contemptum ex leuitate materiz non esse mortale. Si extra contemptum, numquam est mortale. Si alicuius gentis idioma ineptum est in proferendis aliquibus literis, non est opus laborare in proferendis illis diligenter. Si variatio formæ sit in synonyma alterius linguz sine causa, est veniale. Si ob aliquam rationabilem causam, nullum est peccatum. Circa tertium, si minister omiserit, vel deprauauerit illa, poterit esse mortale. Primo si mutauerit ea, quæ valde sunt finitima formæ. Secundo si omittatur, in sacrificio magna pars caeremoniarum principalium. Tertio si quis inter baptizandū solenniter omitat catechismum, & exorcismum. Quarto si Episcopus omitat caeremonias inter ordinandum, in reliquis fere est veniale. Ex parte significationis verborum potest accidere mutatio sex modis: Permutatione, additione, deductione, corruptione, interruptione inter aliqua verba, & alia, & transpositione. Primo notandum est, hanc formæ mutationem dupliciter considerari, vel enim est essentialis, vel accidentalis; essentialis est, quæ penitus euertit sensum; vt ego te verbero. Accidentalis est, quæ tollit debitam integritatem; tamen tot, & talia, & tali modo posita verba realia, quæ iuxta moralem hominum consuetudinem sententiam reddant eandem, non tollunt sensum.

ut si quis dicat, ego te baptizo in nomine Patris, Filii, & Spiritu sancto, tenet baptismus ex accommodatione usus ecclesie; ut decernitur de consecr. can. retulerunt, dist. 4. ubi licet variatio sit talis; ut ex vi verborum nullus sit sensus, valet tamen baptismus. & est casus decisis ibid. a Zacharia de baptismo in nomine Patris, & Filii, & Spiritus sancti. Theologi autem dubitarunt de ratione huius decreti; sed respondent manere sententiam verborum non ex vi verborum, sed ex accommodatione usus.

Secundo circa additionem, si addantur verba, sed impertinentia, etiam si sit heresis, sed impertinens, si sensus forme maneat, perficitur Sacramentum; ut si quis dicat, ego te baptizo manibus meis; vel si Nestorianus diceret, ego te baptizo in nomine Patris, & Filii, & Spiritus sancti, & beata Virgo non fuit *Martha*, sed *Christiana*. vel si quis dicat; in nomine Patris omnipotentis, & Filii eius unigeniti, & Spiritus sancti paracleti, erit verum Sacramentum; huiusmodi non praeferat minister cum animo inducendi ritum novum; quia putat illam esse formam substantialem; nam sic mutaretur forma essentialiter, & nihil conferret: haec est opinio D. Thomae 3. par. q. 68. art. 8. ubi distinguit duplicem mutationem; unam ex parte significati, & hanc dicit mutare si sit accidentalis; alteram ex parte ministeri intendentis inducere novum ritum, & hanc dicit non esse ponit irritare. Secundo in 4. d. 3. q. 1. art. 1. quaestione 1. 4. ait, omnem additionem tenere se vel ex parte additi, & non irritat, nisi quando repugnat cum substantia Sacramenti vel ex parte addentis, & tunc semper vitiatur Sacramentum, intendit inducere novum ritum. Ratio est, quia ad vim Sacramenti requiritur, ut minister intendat facere illud Sacramentum, quod facit Ecclesia. sed si volo variare substantialiter formam Sacramenti, substantialiter vario effectum Ecclesiae. Paludanus sentit contrarium in 4. d. 3. q. 1. art. 3. ubi ait, quod nisi mutatio sit substantialis, non variatur Sacramentum. Probat ex usu Ecclesiae graeca, quae habet duos ritus diversos; unum, baptizetur Christi servus in nomine Patris &c. quia putant minister nihil conferre, & intendit inducere hunc ritum; & hic baptismus in Concilio Florentino non rejicitur. Secundus ritus est; putant non confici Sacramentum Eucharistiae nisi in fermentato; & intendunt inducere hunc ritum. Respondet Sotus,

Gracos


Græcos ideo cōfiteri Sacramentum; quia hic ritus toleratur ab Ecclesia Romana. sed addendum est, græcos oportere esse ita affectos saltem virtualiter, ut sint parati relinquere, si Ecclesia Romana noller permittere. Præterea, non intendunt græci inducere ritum tanquam necessarium, sed uti suo ritu, ut bono. quod si putarent esse necessarium, & substantialem, nihil illis conferrer tolerantia Ecclesiæ Romanæ, quia non confecerent. Item; si quis minister addat in forma; ego te baptizo in nomine Patris, & Filij, & Spiritus sancti, & Beatæ Virginis, distinguendum est; nam invocatio Beatæ Virginis, vel additur quasi operetur aliquid in baptismo, sicut invocatio sanctissimæ Trinitatis, & sic non valet baptismus; quia talis sensus ab Ecclesia non recipitur; quia est contrarius fidei. si autem adderetur causa tantum devotionis, tunc esset verum Sacramentum. Si quis item dicat, ego te baptizo in nomine Patris maioris, Filij minoris, &c. vel quid simile, non esset baptismus, quia illa additio mutaret sensum, nec quicquam refert utrum additio fiat in principio formæ, an in medio, an in fine. D. Tho. q. 60. art. 3. Tercio mutatur forma detractione, seu diminutione; ut si aliquod verbum formæ omittatur; si illud non est de essentia formæ, sit Sacramentum; ut te baptizo; nam subintelligitur ego, quod si verbum illud, quod omittitur subintelligi non potest, nullum est Sacramentum. Quarto mutatur corruptione verborum; & hæc siue consulto fiat, siue ex ignorantia, siue vitio linguæ, si significatio formæ maneat, tenet Sacramentum; at si Variatio de industria proferatur, ut si dicat: me te baptizas; quia contemnit usum Ecclesiæ, adhuc tamen valet Sacramentum, sed peccat mortaliter. Sed dices, D. Thomas 3. par. quest. 60. art. 7. ad tertium ait; quando proferitur forma corrupta siue peccato; valet Sacramentum. Si verò de industria proferatur corrupta, non valet. Respon. duas esse expositiones. Prima est Soti, quod D. Thomas loquatur secundum præsumptionem; id est si Ecclesia sciret hunc corrupisse de industria, iudicaret esse irritum Sacramentum; quia iudicaret, eum non habuisse veram intentionem. Secunda expositio est, quod D. Thomas dicit intelligendum esse eo modo, quo se exposuit art. 8. ubi ait; additionem accidentalem corrumpere, & irritare, quando proferatur ab hæretico intendente inducere novum ritum. secus verò si negligenter, & ex contemptu fiat. Quinto interruptione, seu

seu interpositione mutatur, quando interpositio erit tanta, ut intentio pronunciantis interrumpatur, tollitur veritas Sacramenti. Si autem sit cum modica pausa, non tollitur, vbi nota; interruptionem posse accidere aut per simplicem pausationem, seu cessationem; ut si quis postquam dixerit in nomine patris, tanquam pausam faceret; & sequentia verba non connecterentur cum prioribus in vnam orationem, tunc non esset Sacramentum. si autem esset pauca morula, ut propter tussim, vel aliud accidens tempus interpellaret, esset Sacramentum. Similiter si interponeretur peregrinum verbum; ut si postquam dixit, ego te baptizo in nomine Patris, dicat ministro porrige aquam, vel aliquid simile; & postea reliqua verba adiungeret, esset verum Sacramentum. Secus si longam infereret orationem Sot. in 4. dist. 1. q. 1. art. 8. Sexto & vltimò mutari potest forma, transpositione, & est idem loquendi modus cum superiore. Si enim ita transponantur verba, ut maneat sensus formæ, perficitur Sacramentum; secus si tollitur sensus. Denique ex dictis collige sequentes regulas, quibus iudicare possis quando mutatio Sacramenti impediat. Prima regula. Dummodo sensus formæ reliquatur, quomocunque fiat mutatio, vel additio, vel detractio, vel corruptio, vel interruptio, vel transpositio, vel in hac, vel in illa lingua, maneant significantia, & Sacramentum tenet; licet peccet minister; manente enim substantia formæ, siue ex vi verborum, siue ex accommodatione vsus, nihil potest irritare Sacramentum dummodo sint salua omnia annexa formæ. ratio est, quia ad Sacramentum etiam requiruntur ex Concilio Florentino in vnione Armarum, materia, forma, intentio ministri; licet ergo desint aliquæ perfectiones, nihil refert. Dixi, nihil irritare; quia Sacramentum est signum. Sufficit ergo remanere significationem; ut si dico, ego te baptizat, variatur sola vox. Vnde August. tract. 80. in Ioan. ait; attendendam esse potius virtutem, quam formam. Est igitur Secunda regula, quæ spectanda est ex significatione verborum, tum ex errore grammatices, tum ex accommodatione vsus Ecclesiæ; si manet sensus, perficitur Sacramentum. Tertia regula corrupta forma substantialiter, nihil sufficit ad Sacramentum validandum non sufficit sanctitas ministri, non levis & inculpabilis negligentia, aut obliuio, non si scienter incidat in formam Arrianam. non naturalis balbuties.

ties, vt si dicat, ego te baptizo. non festinatio etiam in periculo mortis. non denique sanctitas susipientis. ratio est, quia forma dat esse rei. Quarta regula, quando est dubium an ritè collatum sit Sacramentum reiterabile, est sub conditione iterandum cap. 2. de baptis. & eius effect. debet autem esse dubium probabile, non scrupulus.

Ex parte vtriusque, quando scilicet & ex parte ministri, & ex parte formæ sit variatio, sit hæc regula. Si proferat minister aliquid, quod sit contra formam, non conficit Sacramentum. Confirmatur ex Cone. Nicæno can. 19. volente baptizatos ex discipulis Samosatani esse rebaptizandos. eadem de causa Gregorius, Magister de consecr. dist. 4. can. Si verò baptizatos à catharygibus volunt rebaptizari. & Concil. Laodicense can. 8. & Arelatense relatum de consecr. dist. 4. can. de Arrianis, decreuerunt, vt interrogarentur, qua forma essent baptizati. ex his possumus inferre conciliationem Patrum, quorum aliqui dicebant Arrianos esse rebaptizandos, alij negant. Hactenus de tribus necessarijs in vnoquoque Sacramento, dictum est de duobus, prout materia, & forma, quæ tanquam de iure diuino determinata (vt dictum est supra, dubio 6.) non sunt mutanda; dicamus nunc de tertio, id est de Ministro.

De Ministro Sacramentorum. Caput II.



Primum dubium. An ministri hæretici, & peccatores verè conficiant Sacramenta. Respon. fuisse hæresim ortam ab Agrippino Episcopo Carthaginense, quòd Sacramentum Baptismi collatum ab hæretico esset nullum, & ab eo coactum fuit Concilium Carthaginense, in quo fuit determinata hæc hæresis: post Agrippinum surrexit Cyprianus martyr, qui subscripsit Agrippino, & fuit etiam suo tempore coactum Concilium Carthaginense, in quo idem determinatum est. & recitatur hoc Concilium à Cypriano in epist. 1. ad Iulian. lib. 1. epist. 6. & 12. vt patet apud Augustinum lib. 1. de hæres. ad Quodultu, & fusiùs in l. contra Donatist. Surrexit postea Donatus, qui addidit etiam peccatores Catholicos non valde baptizare,

ptizare, si sint manifesti peccatores. ita August. lib. 2. contra
 epist. Parm. cap. 10. & lib. 1. contra epist. Petil. cap. 2. & lib. 3.
 cap. 20. 28. 29. 30. & 35. Sed contra hos certa fide tenendum
 est; non requiri fidem in Ministro, ut statutum est à Concilio
 Florent. & Trident. Sess. 7. cap. 4. & ab alijs. & probatur primo,
 quia ministri hæretici, & peccatores non agunt virtute pro-
 pria, sed virtute Dei; hoc autem intellige secundum se; nam ex
 accidenti propter alium defectum, esset inualidum Sacramen-
 tum; ut si quis presbyter non approbatus ministraret peni-
 tentiam extra casum necessitatis extremæ, nullum esset Sacra-
 mentum; quia non habet iurisdictionem. Secundo Deus non
 minus voluit esse prouisum actionibus supernaturalibus, quam
 naturalibus; sed propter peccata hominum Deus non aufert
 potestates operatrices in naturalibus, nec hominibus, si cre-
 bus creatis in vsum hominum; ergo nec debet propter pec-
 cata hominum auferre potentias operatiuas supernaturaliter.
 Tercio Sacramentano fuerunt instituta in bonum ministrum,
 sed Ecclesia; quare etiam si minister sit odiosus Deo, non de-
 bet pari Ecclesia Dei, quæ est dilecta Deo. Quarto propter pec-
 cata Deus non aufert potestatem iurisdictionis; ergo neque po-
 testatem characteris circa valorem Sacramentorum. proba-
 tur consequentia, quia par damnum esset ex priuatione veriuf-
 que. probatur antecedens ex Matth. 23. super cathedram Moy-
 sis sederunt scribæ, & pharisei, omnia quæcunque dixerint vo-
 bis seruate, & facite; secundum autem opera eorum nolite fa-
 cere. & 1. Petri 2. obedite præpositis vestris non solum bonis,
 & modestis, sed etiam dyscolis. Quinto si penderet potestas
 Sacramenta administrandi ex bonitate vel malitia ministro-
 rum, sequeretur Ecclesiam esse Babylonem; quia non possumus
 esse certi an minister sit in peccato, nec ne; an sint hæretici mi-
 nistri, nec ne. ex quo sequeretur nos dubios esse posse an simus
 baptizati. imo dubitaremus de Episcopis, & ipso capite Eccle-
 siæ. & hæ sunt rationes. Probatur nunc auctoritate patrum.
 1. ex Augustino lib. 2. contra epist. Parm. cap. 10. & lib. 1. con-
 tra epist. Petil. cap. 2. & lib. 3. cap. 20. Hæretici, & peccatores
 vel non baptizant quia mali, vel quia mali manifesti. non pri-
 mum, quia etiam occulti peccatores mali sunt, non secundum
 quia cur? an quia Spiritus sanctus fugit malos manifestos?
 contra; quia etiam non manifestos fugit; quia occulti ficti
 sunt,

sunt, & fictum effugiet spiritus sapientiæ. ergo efficacia Sacramentorum nõ pendet à ministri qualitate, sed à Spiritu sancto. Confirmatur ex eodem lib. 2. contra epist. Parmeniani cap. 11. & lib. 2. contra Crescentium Grammaticũ c. 20. sequeretur omnes debere optare potius baptizari à malis occultis, quàm à bonis manifestis; quia in bonis manifestis optatur Baptismus ex ministri qualitate, vt dicebant; at in malis occultis dicebant baptizari ab Angelo, vel à Christo. Secundo probatur ex eodẽ lib. 2. contra epist. Parm. c. 11. & lib. 3. contra liter. Petil. c. 15. & lib. 4. de Baptif. contra Donatist. c. 11. & l. 4. contra Cresc. c. 20. tam (inquit) est à Deo per hominẽ veritas doctrinæ, quàm veritas Sacramentorum; sed veritas doctrinæ non corrumpitur prauitate Doctorum, ergo nec veritas Sacramentorum. Probatur minor ex Matt. 23. Quæcũque dixerint vobis seruate, & facite; secundum opera eorum nolite facere. Confirmatur, quia Paulus in Act. c. 17. citat carmina profana, In ipso enim viuimus, mouemur, & sumus, sicut & quidam vestrorum Poetarum dixerunt. & dicit esse verum illorum Poetarum testimonium; ergo Poetarum malitia non præiudicabat veritati. Tertio ex eodem Aug. l. 2. contra lit. Petil. c. 27. 61. & l. 2. cõtra Cresc. c. 34. 35. 36. Si prauitas morũ obesset veritati Sacramentorum, sequeretur faciendum esse schisma; scilicet nos debere separari à nostris Episcopis malis; at Christus Dominus prohibet fieri schisma, imo docet malos debere esse in Ecclesia; Sinite vtraque crescere vsque ad messem. Confirmatur ex Paulo 1. Cor. 1. vbi damnat eos qui dicebant, Ego sum Apollo, ego Cephæ, ego Christi. diuisus est Christus? Quarto ex eodẽ lib. contra Donatistas c. 8. & l. 6. c. 25. Ecclesia vna est, & Sacramenta nõ sunt nisi Ecclesiæ, quia sunt quædã dotes sponsæ à sponso; sed vbicunque sunt hæc Sacramenta, semper ibi est Ecclesia, & Sacramenta vera, quia ibi adest Christus. Quinto ex eodem l. 3. contra Donatist. c. 10. & l. 4. c. 20. Christus est lux, & lux non maculatur sordibus, sed semper illuminat, sic Christus non maculatur ministris, sed illuminat. Sexto ex eodem, l. 1. contra Donat. de Bapt. c. 7. 18. & 19. & l. 2. c. 1. 2. & 8. & l. 5. à c. 1. ad 4. ab ipsis Apostolis accepimus hæreticos validè baptizare. quod etiam fatebantur Agrippinus, & Cyprianus, & Concilium vtrunque Carthag. & Donatus; nempe hanc traditionem fuisse, quòd si aliquando Doctores (vt Cyprianus) contra senserint, fuit ante determinationem Eccle-

liz. sed nunc id fuit decretum in Concilio plenario. sunt verba Augustini.

Secundum dubium. An bonus minister ratione gratiæ sacramentalis, & characteris, maiorem gratiam conferat in Sacramenti administratione? Resp. Omnes conueniunt, quòd effectus Sacramenti est æqualis omnibus ex opere operato. Secundo conueniunt, quòd circumstantes, & qui orant pro eo, possunt impetrare motionem suscipienti Sacramenta, vt disponatur ad maiorem gratiam. Discrepant autem, an eo nihil agente, possit minister, vel alij impetrare maiorem gratiam ei. Sotus, Caietanus, & Gabriel affirmant. Thomistæ negant. & hæc est vera. probatur ex cap. si inter bonos. de consecr. d. 4. & ex Aug. quia aliis præmium non responderet meritis. Item, quia effectus Sacramenti non impetratur oratione Ecclesiæ, vel ministri, sed ex merito passionis Christi. Virtus operatur in Sacramento, vt ait D. Th. 3. p. q. 64. art. 1. ad 2. vbi dicit bonum ministrum impetrare a Deo aliquid annexum; idest alia dona, non autem gratiam sacramentalem.

Tertium dubium. An ministri administrantes Sacramenta in peccato mortali, semper peccent? Resp. Scripturas condemnare de peccato mortali ministros Leuiticos, & Moysaycos, si accedebant ad sacramenta legalia cū immunditia legali; ergo multò magis nunc. antecedens probatur ex Exod. 19. Sacerdotes qui accedunt ad Dominum, sanctificentur, ne percutiat eos. & Exod. 30. Lauabunt Aaron, & filij eius manus suas, & pedes, quando ingressuri sunt tabernaculum testimonij: lauabunt se aqua, quando accessuri sunt ad altare vt ministrarēt, & offerant in eo thymiana Domino, ne fortè moriātur. & Leuit. 21. prohibet ne Sacerdotes accedant non sanctis, & polluant nomen Domini. & subditur, Ego Dominus; quod est signum præcepti in Scriptura. & Leuit. 22. Omnis homo qui accesserit in quo est immunditia, peribit coram Domino; ego Dominus. Isa. 1. Dominus abominatur sacrificia propter peccata offerentium. Pro responsione igitur distinguendum est primo, vel minister est consecratus, vel non. Secundo vel ministrat solenniter, vel non, vel in extrema necessitate, vel extra illam. His positis dico primo, si minister consecratus solenniter administrat Sacramentū in peccato mortali, committit peccatum (de genere suo) mortale dicit D. Tho. 3. p. q. 64. art. 6. Gabriel dist. 15. art. 3. dubio 2.

Nauar. c. 1. §. Sacerdos, num. 15. de pœnit. d. 6. probatur ex c. necessesse. c. Sacramenta. & c. omnia. 1. q. 1. & c. quesitū. de temp. ord. Admonitum est (inquit) vt Sacerdotes qui sunt in crimine sub interminatione diuini iudicij obtestandi; & in testimonium suæ damnationis, in susceptis etiam Ordinibus non ministrent. & sic ista verba obligant ad mortale. Probat D. Thomas hos ministros peccare duplici ratione. Prima ex proportionem ministri ad principale agens, qui est Deus. Sacerdos est minister Dei, & Ecclesiæ, in quibus est summa sanctitas; ergo vt congruât debet esse sanctus, alioqui fit iniuria Deo, & Ecclesiæ. Secundo probat ex actione quam facit, quæ est de genere consecratorum. Dixi supra (de genere suo) nam ex imperfectione tactus, non erit mortale. hæc autem imperfectio potest attendi ex parte obiecti, vt si quis in peccato contrectaret vasa sacra. Item, licet contrectaret Sacramenta, non tamen actione perfecta; vt docet Caietanus super art. 6. qui etiam addit, quod quò maior est culpa in qua versetur talis, eò magis peccat; vt apostata magis quam hæreticus. Item ex parte Sacramenti, maius peccatum esset Eucharistiam ministrare, quàm alia; ratione irreuerentiæ, quæ contra Christum exhibetur. Dico secundo ministri non consecrati, & etiam consecrati in extrema necessitate ministrantes Sacramentum non solenniter in peccato mortali, non peccant mortaliter. ita D. Tho. 3. p. q. 64. art. 6. Caiet. ibidem. Nau. c. 15. num. 12. quod tamen in solo Baptismo accidere potest. Durandus, Capreolus, Riccardus, & alij; quicquid dicat Adrian. q. 6. de Baptis. & Palud. q. 2. ratio est, quia tunc minister peccator hoc secundo modo sumptus, non agit vt instrumentum Dei, sed ex se præuentus aliqua gratia.

Quartum dubium. An Sacramentum collatum à ministro existente in peccato mortali, sit validum? Differt hoc dubium à primo, quod ibi dicitur de hæretico, & publico peccatore. hic simpliciter de omni peccatore. Vugleff, & Ioannes negant, qui putant omnē potestatem (etiam temporalem) omitti per peccatū mortale. Sed damnatur hic error in Conc. Constan. sess. 8. & 15. & à Trid. sess. 7. c. 12. Si ergo observant essentialia, verum conferunt Sacramentum; aliàs omnia confunderentur contra bonum Ecclesiæ, & contra Politiam. ratio est, quia minister non propria, sed Dei virtute operatur in Sacramentis, vt ait D. Thomas supra citatus. & habetur cap. non est aqua. de

consecrat. d. 4. & can. nonne sodomita. 1. quæst. 1.

Quintum dubium . An qui in peccato mortali exercent aliquem sacrū actū semper peccent mortaliter nisi habeant contritionem. Resp. primo, quod exercere actū Ordinum minorū in peccato mortali, non est peccatum mortale; excusat enim leuitas materiæ, vt docet Sotus d. 24. q. 1. art. 1. esset tamē veniale graue illos solenniter sic indignè exerceri . Secundo exercere actus Ordinum maiorum sine solennitate modo dicto non esset mortale, si absit contemptus: ita D. Thom. 3. p. q. 64. art. 3. Nau. c. 25. num. 72. & c. 1. §. Sacerdos, nūm. 13. de pœnit. d. 6. quare si quis in peccato mortali canit Epistolā sine manipulo, non peccat mortaliter, vt ait Nauarr. ratio est ex D. Thoma 3. p. q. 64. art. 6. vt peccet, requiritur vt exerceat actum Ordinis tāquam minister Ecclesiæ. Tertio solenniter cantare Epistolā, vel Euangelium in peccato mortali, est peccatum mortale; probatur ex c. quæsitum, de temp. ord. Ita Nauar. supra citatus. Hinc infertur primo, quod consecrare ecclesias, virgines, Chrisma, oleum, & huiusmodi in peccato mortali, idest sine contritione, est peccatum mortale, vt notat Ledesma, 24. d. 3. q. 21. dub. 6. quia hi sunt actus Ordinis . Secundo infertur, quod recitare horas Canonicas, docere Theologiam, exercere actus iurisdictionis in peccato mortali, non est peccatum mortale, ratione dicta . ita docent Ledesma, & Nau. §. Sacerdos. 12. q. 12. & Caiet. verbo contritio. Quarto prædicare verbum Dei (secundum se) non est peccatum mortale, ratione dicta; quia non est actus Ordini annexus; nam multi non ordinati ab antiquo prædicarunt, & nunc etiam concionantur. ita Caiet. verbo prædicator. ita etiam Sotus d. 1. q. 5. art. 6. Dixi (secundum se) nam ratione scandali si publicus peccator prædicaret, peccaret mortaliter; similiter ratione contemptus, vt ait Caiet. & Sotus concedit. Peccatori enim dixit Deus, Quare tu enarras iustitias meas? & assumis testamentum meum per os tuum? Si videbas furem, currebas cum eo; & cum adulteris portionem tuā ponebas. ps. 49. Et Paulus ad Rom. 2. Qui prædicas non furandum, furaris? Et sic est exponenda doctrina Caietani 3. p. q. 64. art. 6. qui cōcludunt officium concionandi esse actū iurisdictionis, non Ordinis . Dices officium prædicandi esse annexum Episcopatu, & ex Conc. Trid. c. 1. de præcepto diuino mandatum est omnibus quibus cura animarum, cōmissa est, prædicare, &c. & ex Paulo ad Eph. 4. qui de Christo dixit,

dixit, quòd dedit quosdā Apostolos, alios Pastores, & Doctores, vbi notant interpretes, Paulū coniunxisse Pastores, & Doctores; & Apostolis succedere Episcopi, quorum præcipuum munus Apostolicum est prædicare Euangelium ex Trident. sess. 25. c. 4. Resp. omnia intelligi non ratione Ordinis, sed iurisdictionis. Quinto tangere res sacras in peccato, etiam Eucharistiam sine solennitate, non est peccatum mortale; quia non est formaliter administrare Sacramentum; vt qui auferret de terra Sacramentum. ita D. Th. 3. p. q. 64. ar. 6. Nau. c. 25. nu. 72. Caiet. supra ar. 6. Imo tangere Eucharistiam non est prohibitū iure diuino laicis, nam in primitiua Ecclesia dabant Eucharistiam.

Sextum dubium. Quid de laicis? an peccent sumendo Sacramenta à ministris, quos sciunt esse peccatores? tractatur hæc quæstio in 4. d. 5. Resp. & primum distinguo. minister malus dupliciter intelligitur; vel quia tantum peccator est; vel quia est peccator præcisus ab Ecclesia, vt est excommunicatus. Secundo iste præcisus duplex est; vnus toleratus ab Ecclesia; alius nō toleratus. non toleratorum quinque sunt genera. Primum, quia sunt excommunicati nominatim; & ad hos reducendi sunt illi qui publicè sunt condemnati de crimine, cui de iure est annexa excommunicatio, vt de hæresi. Secundum est eorum, qui sunt notorij percussores clericorum. Tertium est degradatorum in perpetuum publica sententiā. Quartum suspensorum per publicam sententiam. Quintum irregularium publica sententia, vel condemnatorum de aliquo crimine, cui de iure annexa est irregularitas, vt de homicidio. reliqui omnes dicuntur præcisi tolerati. Tercio malus minister dupliciter potest se habere erga suscipientem Sacramenta. Primo vel quia paratus est ad ministrandum; idest, quia tenentur ex officio ministrare Sacramenta, vt sunt Curati. vel quia expectant pœnitentes. Secundo, quando non est paratus, sed à pœnitentibus inducitur minister, & tunc suscipiētes vel sunt in extrema necessitate, vel non. His positis, resp. primo à ministro peccatore non præciso ab Ecclesia, nunquam est peccatum suscipere Sacramentum. quod verum est, primo etiam si ille non sit meus Prælati, vel Parochus, sed à me electus ex vi iubilæi. Secundo verum est etiam si non sint in necessitate, dummodo minister sit paratus; probatur ex c. sciscitantibus. 15. q. 8. probatur, quia is non cooperatur peccato alterius; quia ille potest se disponere ad contritionem, & est communis

munis sententia. Imo addunt Doctores, quòd si iste peccator est doctior, & magis aptus, ex consilio debemus illū praeligere. Sed Scotus ait, quòd cæteris paribus praeligendus esset ille, cui ex officio incumbit. Scotus verò putat id fieri posse non sine aliquo peccato; quia eligens est causa ut de nouo peccet. Vtrūque videtur probabile. Tertio verū est, quòd à quocunque ministro peccatore quomodocunque se habeat, licet petere, & suscipere Sacramēta in extrema necessitate. D. Th. d. 5. q. 2. ar. 2. quæst. 1. ad 1. Riccar. d. 5. art. 3. q. 4. Palud. q. 2. Adrian. q. 3. de Baptismo. Syluest. verbo Baptismus, 3. q. 4. probatur ex c. si qua fortè. 24. q. 1. hoc autem nō solum de Baptismo, sed etiam de Pœnitentia intelligendum est, ut suo loco dicemus; ex Concil. Trid. sess. 14. c. 7. necessitas autem hæc est limitanda; cum scilicet vrget periculum necessitatis, & non est aliud; & cum non tantum est necessitas præcepti, sed etiā mortis; & ut sit necessitas Baptismi, & Pœnitentiæ, non aliorum Sacramentorum. In quibus necessitatibus non est necesse ut qui inducit, vel inuitat, credat illum conterendum esse antequam conferat; quia etiam si sciam eum non conterendum, possum petere. Quarto verum est, inducere non paratum ad Sacramenta ministranda (ex suo genere) est peccatum mortale; quia quamuis non sim causa peccati mortalis, tamen materialiter sum causa. Excipe tamen cum hic peccator est Parochus, vel Prælatus suscipientis Sacramentum; quia tunc nullus peccat petendo ius sibi debitum. Dixi (ex suo genere) nam si culpa ministri contrarium contingat, non debet minister ex hac culpa reportare hoc commodum, ut non possit cogi. Quinto verū est, quòd cum conferre quodlibet Sacramentum, & in primis Baptismum cum solennitate semper sit peccatum mortale ministro existente in peccato mortali; si vrget necessitate, vel articulo mortis, oporteat Sacerdotē non baptizare nisi cum solennitate, tunc debet prætermitti Sacerdos, & inuitari laicus ut baptizet sine solennitate. Si autem non opus est baptizare solenniter, tunc est præferendus Sacerdos, qui tunc temporis in articulo mortis, etiam si Sacerdos sit in peccato mortali, baptizat tamen sine nouo peccato; quia tunc non cogitur conteri; nam si in tam breui spatio temporis, dum quis moritur vellemus illum cogere ad contritionem, periclitaretur salus morientis; cum contritio tot circumstantias includat. De peccatore autem præciso ab Ecclesia, sed tolerato, respond.

secundo

secundo ab hoc parato ad Sacramenta conferenda, licet cuilibet qualibet Sacramenta etiam non necessaria petere; quia Conc. Constanfense, & Basiliense (approbante Martino V. in bulla) voluerunt vt ab excommunicatis etiam, sed toleratis, possimus petere omnia Sacramenta. A non parato non licet petere, nisi in supradictis illis casibus necessitatis. quæ si sit necessitas Baptismi, non peccat Sacerdos præcisus baptizans in articulo mortis si non conteratur; quia cum Baptismi sit summa necessitas, credere debemus, Deum non compellere ministrum ad contritionem; ne (vt dictum est supra) in tam breui temporis spatio periclitetur baptizandi salus. Et etiam, quia cum in extrema necessitate baptizat, non facit hunc actum vt minister Ecclesiæ, & Sacerdos, quia tunc est commune etiam laico. In administrandis autem alijs Sacramentis, præsertim Pœnitentia, etiam si articulus mortis immineat, tenetur cõteri. hæc est enim differentia inter ministrum peccatorem præcisum, & non præcisum. & ratio est, quia est minor necessitas Pœnitentiæ, quàm Baptismi. De peccatore præciso non tolerato resp. tertio extra casum necessitatis non licere Sacramenta suscipere, siue ille sit paratus, siue non. 24. q. 1. c. penult. & ultimo. quia esset contra obedientiã. & hoc voluit D. Th. 3. p. q. 64. ar. 6. ad 2. Sunt autem præcisi non tolerati, nominatim excommunicati, suspensi, interdicti, denunciati, degradati, & notorij percussores clericorum, qui non tolerantur. Potest autem quicumque habet paruulum baptizandum, offerre sine peccato huic præciso non tolerato, dummodo non sit alius qui possit habere hæc tria, scilicet mentem sanam ad intencionem, linguam integram ad proferenda verba, & manum solutam ad porrigendum aquam. ratio est, quia hic est articulus summae necessitatis. Idem dicendum de adulto posito in pari necessitate. probatur ex August. 24. q. 1. can. si quem. & ratio est, quia videtur Ecclesia non velle ligare hunc in casu tantæ necessitatis; imo si adultus hic non sit certus de sua contritione, habet etiã ius petendi ex opere operato, vt inquit Scotus. Adde quòd in articulo mortis si sit necessitas Baptismi, non tenetur hæreticus hic præcisus conteri, dummodo non baptizer sollemniter; quia videtur Ecclesia non voluisse hunc ligare in tanta necessitate. Reliqua Sacramenta si accipiantur à præciso non tolerato, dantur, & accipiuntur cū peccato mortali; quia reliquorum Sacramentorum est minor necessitas.

necessitas. Silu. verbo Cōfessor. q. 1. §. 20. Sot. in 4. d. 18. q. 4. ar. 4. excipiunt confessionem, quæ proximè accedit ad necessitatem Baptismi. Si præcisus non toleratus sit Catholicus, dummodo conteratur antequam absoluat, non peccat neque ipse, neque accipiens; quia non præsumitur Ecclesia eum obligare in tali necessitate. Si sit hæreticus, aiunt Sylu. & Sotus non licere ab eo perere Sacramentum Confessionis; tum quia non potest pœnitens esse certus de eius intentione; tum etiam quia præsumendum est Ecclesiam nolle dispensare cum hæreticis. & in tali casu (dicunt) ita se debet gerere pœnitens, ac si nemo esset. Beatus autem Thomas in 4. d. 18. q. 18. quæstiuncula 4. & Caiet. verbo absolutio, nullum eximunt præcisum in articulo mortis, dummodo sit Sacerdos. si quis hanc sententiam sequeretur, non condemnare.

Septimum dubium. An ad Sacramenti valorem requiratur intentio ministri? Resp. esse de Fide requiri intentionem. vt statuit Conc. Trid. sess. 7. c. 11. Sed obijcies primo ex Aug. tract. 5. in Ioan. vbi dicit esse validum Baptismum collatum ab ebrio; ebrius autem non habet intentionem. Secundo, quia Baptismus collatus iocosè, & mimicè est etiã validus; at iste qui iocatur, intendit suam delectationem; ergo non requiritur intentio. probatur maior, quia ex Ruffino l. 1. historiarũ Ecclesiast. c. 14. Athanasius cum adhuc esset puer, in littore maris iocabatur cum pueris, & finxit se Episcopum, & more Episcopali quosdã baptizavit. Alexander Episcopus illius ciuitatis interrogatis pueris, dubitauit an Baptismus esset validus, & definitum est fuisse validum; ergo non requiritur intentio in ministro. Ad primum resp. Augustinum ibi non dicere Baptismum collatum ab ebrio valere, sed ab ebrioso. Ad secundum resp. D. Augustinus fuit in hac re valdè anxius; nam l. 7. de Bapt. cōtra Donat. c. 53. & refertur de consecr. d. 4. can. solet. ponit hanc quæstionem. & demum dicit se dubitare. quòd si quando contingeret, deberet ieiunijs, & orationibus populi à Deo reuelationem obtinere. tamen Hugo, quem sequuntur Theologi, dicit duo; quòd si quando tanta fuit iocositas, vt Baptismum substulerit, non debet expectari reuelatio, sed rebaptizari sub conditione. c. de quibus. de Baptismo, & eius effect. ex Innocent. Dicunt secundo, quòd rarò potest dubitari de ista iocositate, vt opus sit rebaptizari, quia dant hanc regulam: duplex est iocus, vnus cadens in substantiam

stantiam Sacramenti; idest actum externum, quem facit, nullo modo subordinat Ecclesie, sed tantum sue intentioni iocofz; & tunc tollitur Sacramenti substantia, & est baptizandus absolute. Alius est locus eadens in aliquid consequens ad Sacramentum; idest istum actum externum subordinat intentioni Ecclesie, tamen hunc ipsum actum externum vt Ecclesie subordinatum subordinat in iocum suum idest quia, vult Ecclesiam deridere; hæc iocofitas facit Sacramentum validum. Sed dubium est an hæc secunda iocofitas sicut non tollit Sacramentum cum est in ministro, tollatur ne cum est in suscipiente? respondet D. Thomas, quod valet quoad chara & cerem.

Octauum dubium. Qualis debet esse ista intentio ministri? Resp. primo, minister debet habere intentionem eligendi actionem externam; verbignatia in Baptismo debet eligere actionem abluendi, alioquin non esset actio humana, vnde nec sacramentalis; hæc tamen intentio non sufficit, quia debet distingui ab alijs actionibus pure corporalibus, quod sit per aliam intentionem. Secundo requiritur, & sufficit vt illa quæ ratio confuso Sacramenta significant, seu effectum spirituale Sacramenti, quare sufficit vt intendat facere quod fecit Christus, saltem in confuso, id enim quadrupliciter fieri potest, primo si determinate id intendat facere, quoties erit administraturus Sacramentum, secundo si intendat facere quod facit Ecclesia, tertio si intendit facere quod faciunt Christi fideles, quarto si intendit facere quod vidit fieri ab Episcopo, vel alio ministro. & vnum ex his sufficit. argumentum sumitur ex e. Spiritus sanctus. 1. q. 1. vbi Baptismus parvulorum (de quo dictum est supra dubio septimo, ad secundum) degernitur validus, quia intendebant facere quod fecit Episcopus. Nunc sequitur, qd si infidelis baptizaret, verè intendens facere quod facit Ecclesia, esset verus Baptismus, propterea Conc. Trid. sess. 7. cap. Christi. dicit, requiri saltem intentionem faciendi quod facit Ecclesia. Secundo sequitur, qd non requiritur intentio faciendi quod facit Ecclesia Romana, nam etiã hæreticus verè baptizat, si intendat facere quod fecit Christus, & quod facit vera Ecclesia. Tertio principaliter dico, qd hæc intentio faciendi quod facit Ecclesia est triplex, actualis, habitualis, & virtualis. actualis est actus elicivus, & præsens, quo consideramus, & volumus id quod agimus, habitualis est habitus inclinans agentem ad talem actum obeundum per modum

dum naturæ; ut presbyter qui consuevit baptizare; si baptizet nihil cogitans, tamen ex habitu solet inleedere, quod vult baptizare. virtualis est aliquid medium inter actum, & habitum; minus actu, maior habitu, & habetur quando membra mouentur ad actum externum ex virtute sibi impressa ab aliquo actu precedente non interrupto contraria intentione, ut vocor ad baptizandum; ego dum vocor, intendo; sed inter eundem, diuertor, & baptizo sine ulla intentione actuali, tamen cum intentione virtuali. De hæc tractant Theologi in 4. Scot. in 4. d. 6. Riccard. d. 16. ar. 1. q. 2. Calet. 1. 2. q. 8. ar. 16. & 3. p. q. 64. ar. 8. Thomistæ cum D. Tho. in 4. q. 15. q. 4. ar. 2. quæstiuncula 3. & 4. sit igitur hæc reglâ; Intentio actualis est sufficiens, sed non est necessaria. Virtualis est sufficiens, sed non necessaria. Habitualis neque sufficiens, neque necessaria. Actualis est perfectior, non tamen loquor de intentione faciendi quod facit Ecclesia, sed de actualitate illa, quæ secum trahit affectum, & pietatem, & hæc non est necessaria, quia non semper est necesse habere affectum illum, & pietatem. Habitualis non est sufficiens, quia habitualis intentio adhuc operificat actum, nec per illum habitum mereamur, aut demoremur, nec est necessaria, quia sequeretur non solum sacerdotes non baptizare. Virtualis non est necessaria, quia possumus habere actum semper tunc, tamen est sufficiens, ut patet. Quod si dicat D. Th. 3. p. q. 87. ar. 8. sufficere habitualem, respondent Calet. & Scot. impropiè loquutum fuisse, & posuisse habitualem pro virtuali, ponit illi exemplum intentionis virtualis.

Nonum quibum. Hæc prædicta intentio virtualis quantum durare potest? Resp. intentio virtualis tripliciter potest perseverare. Primo, quando actus interior vel continuatur, vel frequenter iteratur. Vnde D. Th. in 4. sent. ait, q. si in recitandis horis canonicis fiat nimia euagatio mentis, non satifit præcepto, etiam si in principio habuerimus intentionem de attendendo. vnde dicit, q. ut maneat virtus primæ intentionis, debemus frequenter iterare. quod intelligendum est, dum aduertimus, quia si non aduertimus, non imputatur ad peccatum. si verò aduertimus, debemus redire ad primam intentionem. Secundo, quando continuamus, vel frequenter iteramus actum exteriorem, obiectum actus interioris, quamuis non iterato actu interiori, v.g. Iudex venit ad tribunal ut ius dicat; sedet, obliuiscitur intentionis, decidit, etiam si fuisset per annum in tribunali, tamen virtute

virtute illius intentionis deiecit. Tercio durare potest intentio virtualis, quando nec continuatur, nec iteratur actus interior, nec exterior, sed continuatur aliquid, quod per se refertur ad actum interiorem, vel exteriorē. exemplum est Caietani; Iudex venit in tribunal, ut dicat ius; sedet in tribunali, & nullū actum facit pertinens ad ius; tamen quia sedet, perseverat virtualiter in illa intentione, etiam si post negotiationem trium horarum sine alia intentione ius dicat. His positis, sit prima regula; Intentio actualis, & virtualis interruptitur vel poenitentia, vel voluntaria cessatione ab incepto ob negotium, quod non refertur ad receptū, & non interveniat intentio redeundi ad priorem intentionem absolute hoc negotio; tunc post aliquod tempus renovanda est intentio si redeam ad opus. D. Th. 1. 2. q. 20. art. 4. Secunda regula, cum cessatur a negotio inchoato, sed cum animo redeundi paulo post ad perficiendum opus inchoatum, tunc quodlibet trium prædictorum resumatur, redit virtus prioris intentionis, & extenditur ad qualificandum illud opus. Quod iterum resumatur quodlibet trium prædictorum modorum, probatur primo in moralibus; quia S. Antoninus dicit, Si quis habeat intentionem aliquo die faciendi centum eleemosynas, si deinde inter hos dies multa peragat negotia, quamvis non cogitet in aliquibus eleemosynis, tamen manet virtus primæ intentionis. Secundo ratione alicuius status; nam (ut idē dicit) religiosi ut faciant omnes actus suos meritorios a regula præscriptos, sufficit quod cum primum ingressi sunt religionem, habuerint charitatem, quia se, suosq; actus Deo consecrarunt. Tercio probatur ex sacramentalibus actibus; multos enim novimus Sacerdotes, qui quotidie celebrant sine renovatione intentionis; qui possunt adjuvari per hanc regulam. nam (ut ait Scotus) sufficit ad robur horum Sacramentorum, ut quod quando fuerunt ordinati, implicite habuerint propositum faciendi quod facit Ecclesia, dixi [implicite] propter aliquos rudes, qui ignorant hanc formam intentionis, qui modus est, si dicat, Volo fieri minister Ecclesiæ, & Sacerdos. Sufficit etiam, ut deinde consuevant Sacramenta ministrare, & intendant frequentare Sacramentorum ministrationem; nam si quis diceret, Ego hodie tantum volo celebrare, vel baptizare, opus esset postea renovare intentionem. Et hæc de materia, forma, & ministro in genere. De suscipiente hic nihil dicendum est; dicemus enim

in singulis sacramentis. De effectu, partim dictum est supra cap. 1. ubi de gratia. partim dicemus infra, capite 3. cum de characteribus agemus.

De necessitate Sacramentorum.

Caput I. I.



VBIUM. vnicum. Breuiter hic solum querimus, An Sacramenta noue legis sint necessaria ad salutem? Resp. primo absolute, id est respectu diuinæ potentie, non esse necessaria; non est enim potentia Dei alligata sacramentis. Idcirco Christus Dominus Ioani 8. auctoritate absoluta, non Sacramentorum vi absoluit mulierem in adulterio comprehensam; Nemo te condemnauit? nec ego te condemnabo, vade, & iam amplius noli peccare. Sic etiam & Lucæ 7. remittuntur tibi peccata tua, dixit Iesus Magdalena. Cum igitur antequam Sacramenta noue legis fuerint instituta, multi fuerint iustificati, patet non fuisse hoc modo necessaria Sacramenta noue legis; quia neque hoc modo necessaria fuit incarnatio Verbi, ex August. lib. 1. de Trin. cap. 167. Secundo, si stante statu innocentie Deus fuisset incarnatus, si noster decussisset aliqua Sacramenta, vnde ait Aleris. saltem tria fuissent; Matrimonium, quod est symbolum conjunctionis Christi, & Ecclesie? quod si peccatorum hominum matrimonium sanctificatur figuræ relatione tantæ mysteriorum, quare matrimonium innocentium hominum fuisset hoc privilegio fraudatum? Secundum Sacramentum fuisset Eucharistia, cum propter vim auctoris videntur in eo Sacramento; quæ ratio etiam decussisset? cum propter tantæ operis admirabilitatem; cum propter symbolum vñionis mysticæ inter unum, & Christum in Ecclesia triumphante. Tercium Sacramentum forte fuisset Baptismus, vel aliquid Baptismo proportionale; quia Baptismo Christo incorporamur vt membra capiti, vt ex capite possimus accipere redundantiam bonorum. Tertio dico conueniens fuisse ad salutem nostram Sacramenta instituere. & ideo ex quadam suppositione esse necessaria; quia sic decreuit Deus nobis Sacramenta conferre. probatur ex communi Doctorum sententia, & congruentijs.

gruentijs . Prima sumitur ex natura hominis, cuius est, ut per
visibilia ad inuisibilia perueniat, Deus enim qui suauiter omnia
disponit, naturis rerum se accommodare solet. D. Th. 3. p. q. 6.
ar. 1. Magist. d. 1. Secunda sumitur ex statu, & conditione homi-
nis post peccatum, remansit enim affectus ad sensibilia . ideo in
his Deus posuit remedia. Bonau. d. 1. q. 2. Scot. d. 1. q. 2. Gugliel-
mus Paris. & alij .

De effectu Sacramentorum. Caput IIII.



Primum dubium. An omnia Sacramenta nouæ
legis causent gratiam. Dicitur quod non.

Resp. Cum duplex sit effectus Sacramento-
rum, gratia scilicet, & character; dicendum est,
omnia Sacramenta nouæ legis causare gra-
tiam . & est de fide . probatur ex Conc. Trid,
sess. 6. cap. 7. & ex Concil. Florent. in unione

Armenorum . & ex communi consensu Doctorum, & Patrum .
Omnia autem Sacramenta nouæ legis causant gratiam ex ope-
re operato, idest ratione sui, non ratione operantis . probatur ex
Conc. Trid. sess. 7. cap. 6. & 8. & ex Conc. Florent. supra citato .
Gratia igitur est primus Sacramentorum effectus, modus verò
quo gratiam causant, dictus est supra cap. 1. dubio 3. Dicamus
igitur de alio effectu, idest de characterē .

Secundum dubium. De essentia characteris, & eius effectibus .
Est de fide imprimi characterem in Sacramentis nouæ legis .
Probatum primo ex c. maiores. de Baptis. & eius effectu . Secundo
ex Conc. Flor. & Trid. sess. 7. c. 9. & communi Patrum, & Docto-
rum sententia . Tertio probatur ratione, quia dequit, ut Christi
milites signarentur, atque à reliquis signo aliquo distingueren-
tur. Idecirco de characterē Baptismi loquendo frequenter Augu-
stinus, sumpta analogia ex militari cingulo, dicit, Christum etiā
suos milites characterē, idest spiritali insignio insignire, quem
dicit in anima infigi, permanere, nec posse omitti, vel iterari .
Hinc sequitur esse temerariā Durandi opinionem, qui in 4. d. 4.
q. 1. dicit non esse ens reale, sed rationis, idest esse id quod resul-
tat ex deputatōne . Fidelium ad sacras functiones per Dei ele-
ctionem; exemplo moneta, quæ ex Principis lege nunc magis,

nunc

nunc minus valet. Quam Durandi opinionē benè confutat Caietanus 3. p. q. 63. ar. 2. est enim contra communem Theologorum sententiam, & repugnare videtur Patribus, & Concilijs; qui dicunt characterem insigi in anima. & ex sua ratione sequeretur in omni Sacramento esse characterem; quia omne Sacramentum nos deponat ad aliquas sacras functiones. Quid igitur est character? Omissis opinionibus dico, characterem esse qualitatem quandam. sic aiunt Concilium Trid. sess. 6. cap. 7. & Florent. cum dicunt esse signum quodā spirituale indelebile. Certum est ergo esse quandam spiritualem qualitatem. sed vanum est certā sibi speciem qualitatis assignare; quia cum habeat similitudinem cū qualitate moraliter, videndum est ad quam spectet, & cui magis assimiletur ex proprietate. Notandi sunt igitur eius effectus. Primus est, animam Deo consecrare, sicut consecratur templū. ex quo sequitur, q̄ Dæmones ex eo arcentur, nec habent potestatem. Secundus facilius exauditur oratio. Tertius excitatur deuotio facilius. Quartus fit immunis ita vt cum in aliquod inciderit delictum, nō possit capi à Dæmone sine Dei dispensatione. & ex hac proprietate sequuntur aliz. Prima est, q̄ per illud homo transit in ius Dei, 2. Cor. 6. Vos estis templum Dei. Secunda, per illud Christo assimilamur, eiusq; membra efficitur, vt distinguamur ab alijs. Tertia disponit ad alia Sacramenta suscipienda, vel ministranda. vt enim in aula Regis non datur portio nisi habentibus aulicorum signum, sic qui carent Baptismi caractere, non potest suscipere alia Sacramenta. His positis, dico cum Riccardo in 4. d. 5. ar. 2. q. 1. ad 2. q̄ licet sit probabile characterem esse in secunda specie qualitatis, tamen probabilius est esse extra prædicamenta; est enim qualitas spiritualis eminens, in nulla qualitatis specie per se; sed habet similitudinem cum qualitate naturali; & propterea quatenus infunditur indelebiter, est per modum habitus. Est dispositio quatenus disponit ad gratiam, & ad alias res sacras, & sic conuenit cum prima specie qualitatis. quatenus verò est quzdam potentia ad sacra, habet similitudinem cum secunda. quatenus est quzdam spiritualis animæ configuratio, ratione cuius est signum extrinsecum, habet similitudinem cum quarta specie. Neque id mirum, quia perfectiones in inferioribus, sunt in superioribus modo eminentiores, & magis vnitz; quia quæ diuisa sunt in inferioribus, sunt coniuncta in superioribus. & quia character est ens supernaturale,

non debet restringi ad certam quandam speciem, sed debet concludere multas species. Comprehendit igitur primam speciem qualitatis quatenus est dispositio ad gratiam, comprehendit secundam quatenus est quædam virtus ad novos prædictos effectus. & quartam speciem, quia character est quædam figura spiritalis, qua Christo configuramur tanquam summo Sacerdoti. & hæc opinio Riccærdi videtur mihi bona; non enim prædicamenta sunt diuisa contradictorie, quare addi potest prædicamentum supernaturalium. Dicamus nunc de subiecto characteris.

Tertium dubium. In quo subiecto sit character.

Resp. Variæ sunt in hac re opiniones. Durandus in 4.d.1.q.1. dicit, non esse querendum subiectum in character, quia est deputatio sola per respectum rationis. sed esto sit character aliquid reale, dicit, subiectum eius non esse animam, sed organa corporalia, scilicet manum, & linguam; quia in intellectu, & voluntate non ponuntur nisi habitus, qui possunt iuuare vel ad inuestigandum verum, vel ad appetendum bonum; sed character ad neutrum est ponendus in anima, sed tantum ponitur ad operandum opus nouum; ergo debet poni in potentia executiua huius operis, quæ est manus, & lingua. Hæc opinio non est bona; non enim character vel in corpore, vel in alia potentia corporea potest poni; nam est constans Theologorum opinio characterem permanere in anima separata; ita vt si quis baptizatus, vel ordinatus resurgat, non sit opus denuo baptizari, vel ordinari. sed in anima separata non remanent potentia organice. Ad argumentum Durandi resp. quod non ponimus characterem in anima intellectiua, eo qd debeat concurrere ad volitionem, vel intellectionem, sed quia character est indelebilis, ideo debet poni in subiecto perpetuo, idest in anima. D. Th. ponit characterem in intellectu, 3.p.q.63.ar.1. & Scotus in 4.d.6.q.vlt. dicit esse in voluntate. Albertus in 4.d.6. quæstiuncula 9. art.4. & Alenf. 4.p.d.8.m.8. ar.1. §.1. dicunt esse in imagine creata Trinitatis. Albertus ait, imaginem hæc præcipue esse in intellectu, tamen dicit ordinem ad memoriam, & voluntatem; ad memoriam, tãquam ad id sine quo nihil intelligimus; ad voluntatem, quoniam ipsa iubet, & habet imperium. & consequenter est character præcipue in intellectu, tamen dicit ordinem ad memoriam, & voluntatem. Alensis, & Bonauétura dicunt subiectari in tribus animæ potentijs. & quamuis vnius accidentis vnicum sit subiectum, tamen

hæ tres potentia quatenus constant vnum quid, sunt etiã vnum, & vnã constant imaginem. Denique multi multa dicunt. Nos cum Marsilio dicimus cõsistere characterem in essentia animæ; quia Concilia ponunt characterem indelebiliter in anima; ergo in essentia. Secundo character vt character non videtur habere aliquam operationem, nec esse ad operandum, ergo non in potentia, sed in essentia animæ. Tertio character est figura qua configuramur Christo; ergo in essentia, non in potentia.

Quartum dubium. An in Christo sit character?

Resp. esse duas opiniones. Prima dicit, in Christo non esse characterem vel Baptismi, vel Chrismatis, sed Sacerdotij, non Baptismi, quia est character regenerationis adoptiuæ, nõ Chrismatis, quia supponit augmentum roboris in subiecto debili; ac habet characterem Sacerdotij, tum quia Christus Sacerdos est, & eos consecrat, & in omnibus actibus sacerdotalibus Christus cooperatur. Secunda opinio dicit, in Christo non esse characterem, sed esse infinitam potentiam suppositi diuini, qui est character increatus. Hanc secundam sententiam Alensis in 4. p. q. 8. m. 8. ar. 1. §. 11. & D. Tho. in 4. d. 4. q. 1. ar. 3, quæstiuncula 5. approbant vt magis veram, licet priorem non damnent.

Quintum dubium, An per omnia Sacramenta nouæ legis imprimatur character?

Resp. negatiuè; quia non omnia Sacramenta ordinantur directè ad diuinum cultum. ideo tantum tria imprimunt characterem, Baptismus, Confirmatio, & Ordo. Est conclusio de fide. Magister, & alij multas adducunt rationes; sed præcipua hæc est. Tripliciter potest Sacramentum pertinere ad cultum Christianæ religionis; primo vt est quædam actio qua colitur Deus, & sic omnia Sacramenta pertinent ad cultum Dei. Secundo vt consecrat cultores Dei consecratione liberante à peccato, & sic pertinet ad cultum diuinum, & est commune omnibus Sacramentis. Tertio pertinet Sacramentum ad cultum diuinum prout affert nouam potestatem directè ordinatam ad actionem diuini cultus, idest ad Sacramenta accipienda, & danda, & sic non pertinet ad cultum diuinum. Pœnitentia, quæ est resurrectio ex casu, casus autem fuit non à potestate præhabita, sed à gratia præhabita; idest cecidimus à gratia, non à characterem; quare resurgimus ad gratiam per Pœnitentiam, non ad characterem, neque Eucharistia, quia hæc est finis omnium Sacramentorum,

& totius

& totius diuini cultus. finis autem non affert potestatem aliò ordinatam, neque Vnctio extrema, quia hoc cum sit sacramentum è vita exeuntium, frustra afferret potestatem nouam ad nouas functiones. neque Matrimonium, quia hoc dat quidem potestatem corporum in vsum maritalem, & sic non pertinet vt sic ad cultum diuinum. Pertinet ergo Baptismus, qui dat potestatem validè recipiendi sacramenta; quia sacramenta collata non baptizatis sunt inualida. Pertinet Chrisma, quia dat potentiam pugnandi ex officio contra publicos Ecclesię hostes. Pertinet Ordo, quia affert potentiam administratiuam sacramentorum.

De causa Sacramentorum. Caput V.



Ico primo, definitum est à Concilio Trident. sess. 7. can. 1. septem tantum esse sacramenta, & ibidem definitur fuisse à Christo instituta. Idem definitur à Concil. Florentino, & est communis opinio Doctorum, & est de fide. de facto igitur nulli communicauit Christus Dominus hanc potestatem sacramenti instituenti cum eiusdem potestatis exercitio; idest si fuit communicata, non exercuit; ratio est, ne detur confusio ex duplici capite primario, & secundo. Dico secundo, de facto, neque vlli fuit communicata hæc potestas, etiam sine exercitio; nam de fide est nullum habuisse potestatem maiorem Petro, sed Petro non fuit communicata potestas excellentiæ, vt esset auctor sacramentorum; Petrus enim, & Apostoli vocantur dispensatores, 1. ad Cor. 4. Dico tertio, ad Sacramenti effectus Deus concurrit, vt causa principalis, Christus, vt homo operatur effectiue, & meritorie, sed instrumentaliter, quatenus eius humanitas est instrumentum diuinitati coniunctum. ministri concurrunt, vt instrumentum separatum. Character concurrit moraliter, seu tãquam conditio sine qua non. Explico, & probo. Scripturę principale agens est intellectus; Causa instrumentalis est manus; instrumentum separatum est calamus; admotio manus ad chartam est conditio sine qua non. Ita in Sacramentis, quòd Deus sit agens principale, probatur ex Dauide, qui in.

Psalmo 83. dicit, gratiam, & gloriam dabit Dominus. & ex
 Concil. Florentino, & Trident. sess. 6. cap. 7. Sor. d. 1. q. 5. ar. 3.
 De Christo autem quod concurrat instrumentaliter, ut homo,
 patet; quia ut Deus concurret ut principaliter, & caput prima-
 rium, & habet auctoritatem instituendi sacramenta, quæ dicitur
 auctoritas, quæ soli Deo conuenit. quatenus homo habet au-
 ctoritatem ministerialem principalem, quæ dicitur potestas ex-
 cellentiæ, ad differentiam potestatis delegatæ imperfectæ, quæ
 nulli est communicata, quatenus ad sacramenta instituenda.
 Illa autem potestas excellentiæ consistit in quatuor. Primum
 ut meritum instituentis cooperetur in Sacramentis institutis.
 Secundum ut Sacramenta sanctificent in nomine eius. Tertium
 quod ipse de facto constituerit. Quartum ut extra sacramenta
 possit æquè sanctificare sicut per illa; idest ut non habeat vir-
 tutem alligatam sacramento, ut ait D. Thomas 3. p. q. 64. ar. 3.
 talis potestas conueniebat Christo tum ob eius meritum, tum
 ratione vnionis cum Verbo, tum denique ob gratiam habitua-
 lem capitis. patet igitur, quod cum dicitur Christus est causa
 instrumentalis effectus sacramentalis, intelligitur de instrumē-
 to coniuncto diuinitati, & principali, seu excellentiæ, non de
 extrinseco. De ministro verò quod concurrat, ut instrumen-
 tum, patet ex Concil. Flor. & Trid. sess. 7. cap. 11. cum dicunt
 requiri intentionem ministri. De modo autem quo concurre
 minister, multi multa dicunt; sed opinio D. Thomæ 3. p. q. 64.
 ar. 1. est, quod effectiuè instrumentaliter attingit effectum, qua-
 tenus eius actio est pars sacramenti, ad quam Deus ex pacto
 infallibiliter concurret nisi ponatur obex, ut ait Conc. Trid. sess.
 7. cap. 7. Explico; nam ministri actiones si considerantur ma-
 terialiter, sunt ab eo physice. si autem formaliter, idest, ut aptæ
 ad causandum gratiam per influxum Dei, sunt ab eo, ut à parti-
 culari agente à charactere, ut à causa morali, vel conditione si-
 ne qua non; quia scilicet Deus non concurret nisi cum eo, qui
 tali charactere sit insignitus ad illum effectum. est igitur chara-
 cter conditio sine qua non; sicut est schedula ad pecuniam ha-
 bendam à numulario. gratia ergo sacramentalis. elicitur in sa-
 cramento, ut in instrumento conflato ex vnione materiæ, & for-
 mæ à ministro informato charactere tanquam à causa effecti-
 ua instrumentali ad cuius actionem concurret Deus ex pacto
 per instrumentum coniunctum, idest per Christi humanitatem,

quare

quare actio sacramentalis est idem cum motione diuina, & ministri appellatione; licet diuerso modo. & sicut character est causa moralis actionis instrumentalis ad quam ex pacto concurrat diuina motio; ita est causa gratiæ sacramentalis, minister autem est eius causa effectiua instrumentaliter, vt dictume est.

De numero Sacramentorum. Caput VI.



DIXIMUS vnicum. An sacramenta nouæ legis sint septem?

Resp. Sacramenta nouæ legis non sunt nisi septem. est de fide. scilicet Baptismus, Confirmatio, Eucharistia, Extrema Vnctio, Ordo, Matrimonium, & Pœnitentia. ex Conc. Flor. & Trid. sess. 7. can. 1. quarum tria Baptismus, Confirmatio, & Ordo iterari non possunt. reliqui sic. Congruitas sumitur à proportionem ad vitam naturalem, quia hæc sunt instituta ad vitam spiritualem perficiendam. per Baptismum enim regeneramur, idest nascimur in vita spirituali, per Cōfirmationem crescimus, siue roboramur; per Eucharistiam nutrimur, & ad perfectum statum deducimur; per Pœnitentiam sanamur à morbis si quos forte contraximus post Baptismum, per Extremam Vnctionem ad fœlicem vitæ exitum confortamur. Et per hæc quinque, singulorum particularis vita perficitur, per alia verò duo sacramenta omnium bono consulitur in communi; ad propagationem quidem spiritualem, & spirituum filiorum educationem, est ordo. ad propagationem vero carnalem, & filiorum educationem, est institutum Matrimonium. D. Thomas est videndus 3. p. q. 65. ar. 1. & Concilium Floren. supra citatum. Quare declarauit Conc. Trid. supra citatum, hæreticum esse dicere, plura, vel pauciora esse quàm septem sacramenta nouæ legis; vel aliquod illorum non esse propriè sacramentum; aut à sacramentis antiquæ legis non nisi ceremonijs differre; Trid. sess. 7. can. 1. aut nullum eorum aliqua ratione esse alio dignius; can. 3. aut non esse omnia necessaria, sed aliquod eorum superfluum, quamuis omnia singulis necessaria non sunt, can. 4. aut solum significare, & non continere gratiam, aut eam ritè accipientibus non semper ex opere operato con-

ferre, can. 5. 6. 7. 8. aut q̄ Baptismus, Confirmatio, & Ordo non imprimant characterem in anima, & signum quodam indelebile, propter quod ea iterari non possunt, can. 9. aut ab omnibus Christianis administrari omnibus posse; can. 10. aut non requiri in conficiendis sacramentis intentionem saltem faciendi qđ facit Ecclesia, can. 11. aut q̄ peccato mortali ministri sacramenti confectio, aut collatio fiat nulla, can. 12. aut ritus Ecclesie omitti, vel mutari per quemlibet prælatus posse, can. 13. *Novar. cap. 21. num. 2.*

Ordo autem essentialis sacramentorum est solum respectu Baptismi, qui est primus inter alia; nam est ianua sacramentorum, sine Baptismo enim non possunt suscipi alia sacramenta. Ordo verò est is, quo illa nos recensuimus. Ordine autem perfectionis. (simpliciter loquendo). Eucharistia, est potissimum sacramentum, & primum; quia continet Christum sanctificantorem. Secundum est sacer Ordo, ut ait D. Thomas supra. Ordine necessitatis simpliciter primus est Baptismus. Sequitur Pœnitentia peccanti mortaliter post Baptismum. toti autem Ecclesie est necessarius Ordo. atq; hæc tria sunt simpliciter necessaria. reliqua non sunt necessaria simpliciter, sed ut commodius. D. Thomas est legendus 3. p. q. 65. ar. 3. & Conc. Trid. sess. 7. cap. 3.

In quolibet autem Sacramento hæc tria continentur, Sacramentum tantum, res tantum, res & Sacramentum simul. Sacramentum tantum sunt illa signa sensibilia, & verba quæ significant tantum, & non sunt res significatæ. Res tantum, est gratia, quæ significatur per illa signa, id est significata aliud non significantia. Res & Sacramentum simul, est res significans gratiam, & significata per verba, & signa sensibilia. In singulis autem Sacramentis res, & Sacramentum simul sic assignari potest; in tribus quæ imprimunt characterem, est ipse character, qui est quidem Sacramenti effectus propter gratiam. licet enim secundum diversas rationes gratia, & character se mutuo antecedat, & consequantur, tamen simpliciter & per se, gratia est prior characteri prior pars probatur; quia gratia est aliquo modo prior. Primo respectu causæ, id est Sacramenti à quo utrunque causatur; quia id ad quod per se primò Sacramentum ordinatur, est in Baptismo regenerare in filios Dei; Secundario autem Baptismus ordinatur, ut hos filios Dei deputet ad functiones cultus divini, &

mini, & Christiani per sacramenta, quod sit per characterem, unde character sequitur. Gratia etiam iustificans secundum se, & absolute antecedit characterem; quia gratia in essentia animæ comparatur ad virtutes, & ad characterem, ut essentia ad proprias passiones; & ratio est, quia gratia dat quoddam esse supernaturale, cui debentur potentia operatiue supernaturales, & deiformes. Secunda pars, quod etiam character sit prior gratia, probatur; quia est quid imperfectum; & ita character cum sit imperfectum, est prior. & quamuis character sit ad operandum, tamen quia est etiam forma supernaturalis, & hæc forma est imperfecta, perficienda per gratiam, ideo præcedit gratiam. ideo D. Thomas 3. p. q. 7. ar. 10. dicit characterem esse quandam formam Christianismi inchoatam. Secundò modo est prior ratione finis; quia character est posse agere ea, quæ deputantur in cultum diuinum. gratia verò non est in posse, sed in bene

posse, prius autem est posse, quàm bene posse: & pos-

se ordinatur ad bene posse. In Eucharistia Cor-

pus Christi sub speciebus contentum. In

Pœnitentia est contritio. In Extrema

Vnctione est sanitas corporalis.

In Matrimonio est indissol-

ubilitas, seu vincu-

lum matri-

monij.

Et hæc de Sacramentis


in genere, nunc ad

singula deue-

niamus.

TRACTATUS SECUNDVS

De Baptismo.



A M V S nunc de singulis Sacramentis in particulari. ex quibus Baptismus se se offert primus ordine naturæ, & necessitatis; Idcirco est ianua reliquorum. de quo Theologi cum Magistro in 4. d. 3. vsque ad sextam inclusiue. & D. Tho. 3. p. quæst. 66. vsq; ad 71. agit enim in 66. de ipso baptismo in se. in 67. de ministro baptismi. in 68. de suscipiente Baptismum. in 69. de effectibus Baptismi. in 70. de Circumcisione, quæ præcessit Baptismum. in 71. de preparatorijs, quæ simul concurrunt ad Baptismum, & sic non allegabo amplius hæc loca. Sed de hac re non nulla tractabo. & primo de definitione, & eius natura. Secundo de materia. Tertiò de forma Baptismi. Quartò de ministro. Quintò de suscipientibus. Sextò de effectibus. Septimò de Cæremonijs, & Riibus eius. Octauò de necessitate.


Quid sit Baptismus. Caput Primum.



B APTISMVS multis nominibus vocatur in Scriptura. quia lauat, dicitur Baptismus. quia Baptismo fidem Christi profiteamur, dicitur Sacramentum fidei. quia mentem illuminat, dicitur illuminatio. quia purgat, dicitur purgatio, quia vitia nostra sepelit, dicitur sepultura. quia deniq; nos in Christo inserit, plantatio dicitur. Chrysostomus in homilia quadam ad illuminandos. Nazan. in orat. in Sanctum Bapt. Clem. Alex. l. 1. de pedag. cap. 6. Damascen. l. 4. cap. 10. nunc de quid rei, sunt sexcentæ definitio-

definitiones; sed dabo vnam. Baptismus est Sacramentum ablutionis sub inuocatione Trinitatis. Sacramentum ponitur pro genere. vnde qui definientes Baptismū dimiserunt ly Sacramentum, malē fecerunt, reliquerunt enim proprium genus. reliqua ponuntur pro differentia. Dicitur Sacramētum ablutionis, non aqua, quia ablutio est materia proxima Baptismi; aqua est materia Baptismi sub præscepta forma. Est igitur hæc definitio completa, continet enim materiam, & formam Sacramenti. Addunt aliqui in definitione [ablutionis passiuæ] sic Nau. c. 22. de Sacramento Baptismi; est Sacramentum aquæ naturalis, quæ vnus ab alio in nomine Patris, & Filij, & Spiritus sancti eum debita intentione abluatur. est enim de essentia Baptismi vt fiat ab alio; quia nemo seipsum baptizare potest. c. debitum. de Bapt. & si quis seipsum baptizat, non est Sacramentum. Additur deinde inuocatio Trinitatis, in nomine Patris, & Filij, & Spiritus sancti; quia est de necessitate Sacramenti. c. multi. de consecr. d. 4. nam est forma Baptismi, vt dicemus infra de forma.

De materia Baptismi. Caput II.



PRIMUM dubium. Quotuplex est materia Baptismi?

Resp. materia Baptismi est duplex; quædā remota, idest aqua elementaris; quædā propinqua, idest ablutio facta in aqua. Hinc refellitur hæresis Seleucij, & Hermiæ, quam refert August. de hæres. cap. 59. qui dicebant materiam Baptismi esse ignem; ex illo Matth. 3. & Luc. 3. Ego baptizo in aqua, ille baptizabit in Spiritu sancto, & igne. nam Spiritus sanctus ibi vocatur ignis, quia est charitas, & apparuit in linguis igneis.

Ignis vibrante lumine lingua figuram detulit,

Verbis vt essent proflui, & charitate feruidi.

ita Hieronymus in Matth. 3. & Damasc. l. 4. c. 10. Vel dicendum est, ibi duplicem vitam hominis distinguere; præsentem. scilicet qua baptizamus à Spiritu sancto; & futuram, qua baptizamus igne iudicij. *Quando soluet seculum in fauilla.* ita Hieron. ibid. Ambr. l. 2. in Lucam cap. 3. Damasc. supracitatus, & Hilar. can. 2. in Matth.

Vel

Vel tertio dicendum est, ibi Spiritum sanctum vocari ignem, quia voluit Dominus significare vehementiam gratiæ Spiritus sancti, quæ Apostoli futuri erant similes Prophetis, quibus sæpe visiones factæ sunt quondam in specie ignis: ita Chrysost. hom. 11. in Matth. 3. Vel denique per ignem ibi intelligitur doctrina; ita Basil. in exhort. ad Baptismum. Quare Catholica doctrina hæc est, aquam esse materiam Baptismi. hoc nobis annuerunt nonnullæ figuræ; illa videlicet Aegyptiorum, qui merfi fuerunt in mari rubro, Illa Naamanis, qui lotus est in Iordane. Et illa cæci nati, qui sanus factus est in natatoria Siloe. Patet primo ex scripturis. hoc promissum fuit Ezechiel 36. Effundam super vos aquam mundam, & mundabimini ab omnibus inquinamentis vestris. & Zachariæ 13. In die illa erit fons patens domui Iacob in ablutionem peccatorum. & patet Io. 3. Nisi quis renatus fuerit ex aqua, & Spiritu sancto, non potest introire in regnum Dei. & Act. 8. Ecce aqua (ait Eunuchus) quis prohibet me baptizari? Act. 10. Nunquid aquam quis prohibere potest vt non baptizentur isti? ad Ephes. 5. Mundans eam lauacro aquæ in verbo vitæ. & 1. Cor. 6. Abluti estis, sanctificati estis, iustificati estis in nomine Domini Iesu Christi, & in spiritu Dei nostri. Idcirco 1. Pet. 3. Baptismus comparatur diluuiio. & 1. Cor. 10. comparatur mari rubro. Patet secundo ex Conc. Lateran. can. 1. & ex Triden. sess. 7. can. 2. & ex Patribus. ita Chrysost. hom. 24. in Ioan. August. l. 1. contra duas epist. Pelag. c. 13. Ambr. l. 1. de sacr. cap. 4. Basil. hom. 13. de exhort. ad baptis. Baptismus est peccati mors. Bed. Io. 3. Clem. Alex. l. 1. pedagog. c. 6. Damasc. l. 4. de Fide orthod. c. 10. Greg. l. 9. epist. ep. 39. Hieron. ep. 38. ad Oceanum. Lactant. l. 3. diuin. inst. c. 26. Cypria. de ablutione pedum. Nazian. in sanctum lauacrum. & Orig. ad Rom. 6. Tertio patet ratione; Primo, quia Baptismus est ablutio spiritualis, non relicta macula nec poenæ quidem; nulla enim iniungitur poena baptizato, quoniam illi tota passio Christi applicatur, vt ait Paulus ad Rom. 6. An non est satisfactoria passio Christi? at ablutioni est aprior aqua. Secundo, quia in Baptismo exercet Ecclesia suam fecunditatē in suis filiis generandis Christo. Tertull. l. de Bapt. Ambr. l. 1. & 2. de Sacram. Chrysost. hom. 20. in Io. de aquis Genesios 1. Tertio aqua temperat æstum caloris; & inter omnia Sacramenta Baptismus temperat tentationem carnis; nam omnes infideles habent magis effrænatam concupiscentiam, quam Christianus.

Christianus. Quarto, aqua est diaphana, & susceptiva radiorum solis; Baptismus verò est in aqua susceptionis donorum, & gratiarum Dei, & omnium Sacramentorum. Quinto, aqua emollic res; Sacramentum baptismi emollit cor hominis, & faciliè conuertit ad pœnitentiam, & lacrymas. Constat igitur aquam esse propriam baptismi materiam. Sed qualis aqua? sit

Secundum dubium. Qualis debet esse aqua baptismi?

Resp. Materia baptismi est aqua elementaris substantialiter; & apta lauare. Dicitur *aqua elementaris*, seu *naturalis*, quia nulla artificialis est bona ad hoc Sacramentum. omnes in 4. distin. 3. & Concil. Trid. sess. 7. can. 2. & patet ratione; quia cum simpliciter profertur aliqua dictio, hoc ipso supponit pro suo principali significato; at quoniam in scripturis habetur absolute debere baptizari nos in aqua, ideo de naturali, & elementari aqua intelligendum est. Dico *elementarem aquam*, idest naturalem, & vsualem hanc, qua nos vtitur; nam elementarem puram quis vidit? quicquid sit, puto esse probabilius vsualem ab elementari aqua non differre specie; hanc autem elementarem, seu naturalem, vel vsualem aquam esse materiam, est de fide; Ioan. 3. *nisi quis renatus fuerit ex aqua, &c.* & alijs locis supra cit. & ita decreuit Concil. Florent. & Trid. sess. 2. cap. 2. de Baptism. & est communis sententia Patrum, vt supra diximus. Dicitur *substantialiter*. Primo, ad excludendum humorem corporis, vel animalis, vel succum herbarum, aquam stillatam, cernisiam, ptisanam, vinum, oleum, &c. quæ non possunt esse materia baptismi; neque gelu. vel brodium, vel pruina, vel grando, vel nix, nisi liquefiat, vt possit fieri ablutio; quia variationes nullæ accidentales factæ vel arte, vel natura, siue in colore, siue in sapore, siue in pondere, sunt materia vera baptismi. De lixiuio, & aquis sulphureis, & balneorum, est dubium; nam Palud. in 4. dist. 3. q. 3. negat. Soc. in 4. dist. 3. quæst. vnica art. 4. concedit; nisi propter materie alterius admissionem aqua mutet speciem. idem dicas si aquæ elementari aliquid aliud admisceatur; vt sal, vinum, oleum, &c. si enim est magna mistio alterius substantiæ cum aqua ita vt aquæ speciem, & nomen amittat, vt si multum vini infundatur in aqua, & in iure quando est nimium pinguedinis, & in lixiuio quando est multum cineris, & in balneo quando est multum sulphuris, ita vt dicatur vinum dilutum, vel oleum

aqua.

aquatum, &c. non est verus baptismus. quod si modica sit mixtio (ut si parum vini misceatur, vel cineris in fluxu, vel terra in aqua turbida, vel salis, vel olei, &c. ita ut aqua nomen, & speciem retineat, ut possit dici aqua vinosa, turbida, falsa, oleosa, &c.) erit verus baptismus. Quod autem aqua sit calida, vel frigida, vel tepida, nihil refert; ut definitur eodem Concil. Trid. & Florent. ut supra. idem est dicendum de aqua rubra, falsa, vel aliter affecta, aut alio colore alterata, dummodo nomen, & speciem aquae retineat, ut dixi. ex his primo inferitur; quaecumque variationem accidentium, vel magnam admissionem impossibilis substantiae cum substantia aquae, tollere baptismum. Secundo, quando aqua fuit conuersa in aliam substantiam, ut in sputum, phlegma, &c. C. in quadam de celebr. miss. vbi Innoc. 3. probat baptismum non posse fieri in sputo, quia aqua quae exiit de latere Christi, fuit vera aqua elementaris, non phlegma; & assignat ibi quatuor modos: Primus, quia potuit exire aqua illa quae remanet in misto. Secundus, quia fuit miraculum. Tertius, per creationem, quia tunc ibi creauit aquam illam. Quartus, per resolutionem, quod aliqua pars corporis resoluta sit in aquam, ex hac aqua fluente ex latere Christi fuisse baptizatum latronem in cruce affirmat Chrysostomus In orat. de suo reditu ex Asia Constantinopolim. ex his quatuor modis Innocentius nullam definit, itaque possumus tenere quemuis. Mihi placet tertius, vel quartus, adiuncto aliquo miraculo propter nimiam celeritatem, & hoc voluit fortasse D. Thom. 3. p. q. 66. artic. 4. ad tertium. Tertio, apparet in resolutione excrementorum, ut lacrymis, sudoribus, lotijs. Quarto, in quibusdam aquis artificialibus, de quibus verò dubitari potest an sint aqua; ut ceruicia, priscana, aqua distillata per ignem ex pane recente cocto per lambiccum. Item, in aquis quae eliciuntur ex succis herbarum, & in aquis alchimicis; & haec est opinio antiquorum Theologorum. Verum circa hoc quartum, est opinio recentiorum posse per elambiccum, vel alchimiam, vel per artificialem stillationem elici aquam veram elementarem, licet admixtam secundis qualitatibus; probatur, quia pluuia est apta baptismi, & tamen habet multas secundas qualitates. Ego dicerem, quod urgente necessitate, in his aquis baptizarem, sed rebaptizarem cum conditione adueniente aqua ele-

menta-

mentari, & hanc regulam extenderem ad omnem aquam separabilem ex mistis, ut ex vino, luto, &c. quæ solet interdum officio quodam separari. Et adderem hanc regulam, quod cum dubitatur an sit vera aqua, dum res est dubia, non debet cum ea conferri baptismus; quod si quis cum ea baptizauerit, & dubius etiam erit an sit validus baptismus, eo casu debet iterum cum conditione rebaptizare; ut, *si non es baptizatus, ego te baptizo in nomine patris, &c.* Additur denique in definitione, *apta lauare*; ad excludenda mista imperfecta meteorologica; ut grandinem, niuem, &c. quæ non curo an differant specie necne ab aqua. Sed hoc vnum est, quod non sunt apta lauare; at baptismus est ablutio, ergo &c. hinc patet, quod si vapor qui incipit fieri pluvia sit aliquo modo densus ut possit lauare, est materia apta baptismi. Et hæc de materia remota baptismi, quæ est aqua elementaris, dicamus nunc de propinqua, quæ est ablutio facta in aqua. Sit igitur

Tertium dubium. De secundaria, & propinqua materia baptismi, idest de ablutione, & modo applicandi aquam in baptismi.

Tripliciter potest applicari aqua in baptismi; primo per immersionem, quando maxima pars corporis est sub aqua. secundo per effusionem, tertio per asperisionem. quorum trium modorum nullus est præcisè essentialis, quilibet est aptus; quia baptismus subijcit nos aquæ in figura sepulture Christi; & quilibet horum modorum sufficit ad subijciendum corpus aquæ. Imo addunt Theologi, quod si quis baptizando per immersionem, uteretur verbo significante asperisionem, vel effusionem, baptismus probabiliter teneret; ut si quis diceret, *ego te aspergo, &c.* Dixi probabiliter; quia Sotus in 4. dist. 3. quæst. unica. art. 7. & omnes, sentiunt esse probabilius tunc oportere sub conditione rebaptizare; & baptizans peccat mortaliter; tum quia facit formam mendacem; tum etiam quia exponit baptismum periculo. Debet tamen quisque in his modis seruare ritum Ecclesiæ suæ. communis tamen vsus est baptizare per immersionem, quod est tutius. D. Thom. q. 66. art. 7. & quia magis representat effectum baptismi quod est sepelire nos in Christo; si secus fieret, esset peccatum veniale; & si cum scandalo; esset mortale. posset autem rectè fieri baptismus per modum asperisionis, vel effusionis, ex causa legitima, & rationabili; ut

si parum sit aquæ, vel necessitas urgeat; vel si minister, vel baptizatus sint debiles, vel quia mors imminet, vel quia sit magna baptizandorum multitudo, vel quia sit adultus, vel ratione honestatis; & hac ratione nonnulli sentiunt Christum fuisse baptizatum per effusionem, non esset autem rationabilis causa si puer esset matri dilectus, neque si infans plorēt.

Quartum dubium. An sine peccato possit omitti trina immersio?

Resp. Trinam immersionem non esse necessariam. Et ob id varijs temporibus modo vna, modo trina vsa est. nam aliquādo cōtra Sabellianos qui negabant tres personas, tres immersiones præcepit Ecclesia. præcepit verò vnam contra Arianos, quia ex tribus immersionibus eliciebāt tres Deitates. ideo in baptismo solenni Sacerdos debet seruare ritū Ecclesiæ matricis, vt ait Palud. dist. 3. q. 3. art. 2. Sor. d. 3. q. vnica. art. 8. Victor. q. 19. alioquin grauitur peccaret, non tamen mortaliter secundum Sorum, secluso scandalo; præsertim cum in necessitate baptizaret infantulum, tunc enim nullus esset mergendi vsus, vt aiunt Sor. & Victor. tempore autem D. Thomæ erat magis in vsu immersio, ideo dicit esse communio rem vsu, vt notat Sotus. Decentissimum tamen est, vt baptismus trina immersione celebretur. Primo, vt respondeat materia formæ continenti nomina trium personarum. Secundo, quia baptismus conspelimur Christo, & sepultura Christi fuit triduana; quod si non fiat, baptismus est validus. de qua re dubitatum fuit olim inter patres, sed res fuit definita de consecr. dist. 4. Can. de Trina. quamuis enim sepultura Christi fuerit triduana, mors tamen fuit vna; & sicut per tres immersiones profiteamur tres personas, ita per vnam immersionem profiteamur vnam Deitatem. Quod si baptismus fiat per tres immersiones, Sacramentum tamen non nisi in tertia immersione completur, quia ex intentione rer mergendi, suspenditur valor in tertiam. Et etiam quia in tribus immersionibus profertur forma distinctim, & in tertia immersione completur. Quod si quis intendat tres immersiones secundum ritum suæ Ecclesiæ, & tamen totam formam proferat in prima immersione, iste ibi baptizat. ratio est, quia hæc est debita materia, & forma; solum obesse potest intentio. at cum intentio ministri sit eadem cum Ecclesiæ intentione, & cum Ecclesia intendat tres immersiones non de necessitate, sed de decencia, consequen-

sequenter idem minister intendit. Quærit Caiet. 3. p. q. 66. art. 8. si prima immersio est baptisumus, an duæ sequentes sint partes baptisumi? negat esse partes vel essentielles, vel integrantes. ego puto esse integrantes.

Quintum dubium. An sit necesse eodem momento, & puncto temporis, concurrere simul materiam baptisumi cum prolatione verborum formæ?

Resp. Non esse necessariam simultatem mathematicam, sed moralem, paulo ante, vel post, more humano; Dummodo non intercedat longa mora; vt bene Scot. d. 6. q. 3. Riccard. d. 3. art. 4. q. 1. Sor. d. 3. q. vnica. art. 8. Sylu. verbo Baptisumus. 5. q. 2. quare non est audienda gloss. in cap. detractio. 1. q. 1. quam sequitur Caiet. quodl. 1. q. 16. quod punctum mathematico more debeatur intelligi; nam multa sequerentur incommoda: at hoc vnum est verum, quod si tanta sit mora inter materiam, & formam, vt excedat simultatem moralem vsus humani, tunc non conficeretur Baptisumus.

sexum dubium. Hæc ablutio cui parti corporis est applicanda?

Resp. Primo, Aquam debere tangere corpus hominis, adeo quod si quis esset inclusus in corio, ligno, capsula, scrinio, sacculo, vel panno, ita vt nihil aquæ ad eum perueniat, non fit Baptisumus; quia cum dicimus *ego te baptizo*, significatur totum, vel pars totius. hinc confutatur à Soto dictum Paludani distin. 1. q. 1. qui dicit, quod licet aqua non tangeret eum, qui baptizatur, Deus supplet. Quod si obijcias act. 3. & 4. fuisse ab Apostolis baptizata ferè tria, vel quatuor millia hominum vno die, quod fieri non poterat nisi asperzione, quare vestes aliquando solum tactas fuisse ab aqua probabile est: Respondet Soto, non temerè Apostolos baptizasse, sed erant multi ministri, & multa vasa, quæ transeuntes trinos, vel binos aspergebant, ita vt aqua corpus singulorum tangeret. Secundo dico ex 1. Tho. 3. p. q. 66. art. 7. ad tertium. ex necessitate præcepti (saltem Ecclesiastici, & ex vsu, debet ablutio fieri in capite, si totum corpus commodè non potest immergi; quia in capite sunt omnes sensus, vt significetur purgatio totius hominis. probatur ex cap. postquam. de consecr. d. 4. & ratio esse potest, quia baptisumus ordinatur ad delendum præsertim originale, quod totum hominem, & omnes sensus infecit. Vnde si ca-

si capilli tantum perfunderentur aqua, putat Soto esse Baptismum; non tamen damnat eum qui sub conditione rebaptizaret, & hoc est tutius; ratio enim Thomistarum non placet, quod capilli sint animati. Tercio dico, abluionem in capite non esse de necessitate Sacramenti, quia satis est aliquam partem magnam corporis abluere. Dixi *magnam*, quia si abluatur digitus, manus, vel pes, (ut ijs qui in partu baptizantur contingit,) dubium esset Sacramentum; & tunc sub conditione rebaptizandum, ut ait D. Tho. 3. p. q. 66. art. 11. ad quartum. Quod si in necessitate id esset, puto cum Panorm. & Innoc. cap. debitum. de baptismo. quod esset Baptismus. at si nascatur puer incolumis, debet iterum cum conditione baptizari; quia est opinio an sit Baptismus. Dices, an certa quantitas aque sit necessaria ad abluendum? Resp. cum Soto, supra; illam esse necessariam, quæ sufficit ut homo dicatur ablui. si autem tam parua, & exiles essent guttæ, ut reuera non censeretur ablutio, non esset Sacramentum. & si quando res esset dubia, iterandus esset Baptismus sub conditione, quod esset tutius. Dices, cum ista materia aque non possit applicari baptizando sine periculo vitæ illius; quid agendum? Resp. si periculum vitæ potest vitari vnica merfione, fiat vna, etiam si sit contra ritum; & præterea tunc debet fieri merfio ita parua, vel etiam aspersio, quantum necesse videatur.

Septimum dubium. Ponunt Doctores hunc casum. Siquis puer esset in articulo mortis constitutus; & non esset copia aque, quia puteus altus est; si quis abijceret illum, & cum peruenerit ad aquam, dicat: *ego te baptizo &c.* an esset baptizatus? Panor. in cap. non opponat. de baptismo. dicit esse verum Baptismum. Idem Maior in 4. distin. 4. q. 2. Victor. q. 19. Oppositum tenet Palud. d. 3. q. 1. Scot. d. 3. q. 5. Marfil. dist. 4. quest. 1. quare ego puto non esse Baptismum, & ille esset homicida, & irregularis. ita Sylu. verbo Baptismus. 5. quest. 1. Sot. d. 3. q. vnica. artic. 8. Vnde deberent omnia tentari per siculam, panem infusum, vel mittatur puer per canistrum. si verò nullum remedium suppetat, non debet proijci; quia non sunt facienda mala, ut veniant bona. Imo nec si fieret Sacramentum, quia Baptismus est figura sepulture Christi; at iste puer conspeliatur Christo, sed non resurgit cum Christo. quod verum est, si data opera fiat; nam si casu fiat, ut dum baptizatur puer vel

rumpa-

rumpatur finis, vel è manibus labatur, tunc potest haberi ratum Baptismus; & putat solus esse validum, si dum in fonte mergitur, & moritur, antequam moriatur proferantur verba formæ.

Oñium dubium. An Baptismus iterari possit.

Resp. negatiuè. *Confiteor vnum Baptisma*. Probatur ex cap. siqui. 1. q. 1. & cap. non sicut. de consecr. dist. 4. & cap. rebaptizare. item, ex Concil. Florent. & Trid. sess. 7. can. 9. de Sacramentis. & Catechis. Rom. imprimi enim characterem. sic etiam docet D. Thom. quæst. 66. art. 9. Sol. in 4. dist. 3. q. vnica. & 2. 9. & omnes. Baptismus enim nos configurat morti Christi quæ est vna. Item, quia proprius effectus Baptismi, est remissio peccati originalis, quod vnum est. Secundo dico, id esse de iure diuino. ita Scot. & Sol. Tertio dico, quòd tam rebaptizans, quàm rebaptizatus sit irregularis. cap. 2. Apost. & cap. quibus. & cap. eos quos. de consecr. d. 4. dummodo non dubitetur an sit baptizatus, tunc enim esset sub conditione rebaptizandus; vt habetur in can. 2. de baptis. & Sol. qui ait, ab irregularitate excusari ignorantiam inuincibilem facti, non iuris. Quarto dico, qui rebaptizaret puerum domi baptizatum sine solennitate, incurrit irregularitatem, etiam si baptizaret sub conditione, & non adhibuit diligentiam vt sciret an fuerit baptizatus. ita Sol. supra. & Victor. quæst. 36. Ledes. 4. p. quæst. 7. art. 5. dub. 3. & Catechism. Rom. Probatur ex Innoc. & Nau. qui tandem sententiam mutat; nam cap. 27. num. 246. in foro interiori idem tenet. cum igitur baptizatus est puer, satis est adhibere ritus qui defuerunt. cap. Christus sanctus. 1. quæst. 1. & sic intelligitur gloss. quæ ibi dicit non esse iterandum baptismum, licèt non sit perfectum. intelligitur, cum sunt seruata essentialia; si enim ea seruata non sunt, erit integrandum integrè. Imò licèt solenniter esset quis baptizatus, sed aliquid defuit de materia debita, vel de forma, sunt omnia iteranda. Ita Palud. d. 6. q. 4. & Sol. supra ar. 9.

Nonum dubium. An sint tria baptismata.

Resp. Tria esse peccati remedia, quæ vocantur baptismata, baptismus fluminis, id est aquæ baptismus. fluminis, quæ dicitur pœnitentia; & Baptismus sanguinis; qui dicitur martyrium. Sed horum trium, baptismus aquæ dicitur simpliciter Sacramentum. reliqua non sunt Sacramenta, sed dicantur Baptismi; quia

quia suppleant eius vicem, nec tamen sufficiunt ad salutem, nisi quando includunt Baptismum aquę in voluntate; quod dicitur Baptismum in voto, seu desiderio. qui ergo cupit baptizari, & dolet de peccato, & sic moritur; item, qui martyrium patitur cum eodem desiderio, salutem consequitur virtute passionis Christi. Hęc verò tria baptismata si comparentur inter se in ratione Sacramenti, Baptismus aquę præstat cæteris, qui est verè Sacramentum; cæteri non. si comparentur inter se in eo quòd sunt instrumenta passionis Christi, & spiritus sancti, primum locum obinet martyrium; secundum, Baptismus flaminis; tertium, Baptismus aquę. per primum enim copiosius confertur gratia, quàm per alia duo. & per secundum, copiosius quàm per tertium, & excellentiori modo. D. Tho. q. 66. art. 11. Sot. d. 3. q. 11. art. 11. & cap. Baptismi. de consecr. d. 4. vbi reliqua duo dicuntur metaphoricè baptismata.

De forma Baptismi: & primum, De forma Baptismi Ecclesia Græca: Caput III.



FORMA Baptismi vna est in substantia, sed ratione verborum alia est apud Græcos, alia apud Latinos. Græci sic baptizant: *Baptizetur seruus Christi N. In nomine Patris, & Filij, & Spiritus sancti.* quare in vniuersum, in forma Baptismi hęc regula seruanda est; dummodo explicetur auctus baptizantis, & is qui baptizatur, cum inuocatione expressa trium personarum Sãctissimę Trinitatis, Patris, & Filij, & Spiritus sancti, semper verus perficitur Baptismus, quibuscumque fiat verbis; & quocumque idiomate. Dixi *in vniuersum*, vt Baptismum Græcorum includam, & Latinorum. Ex his inferitur primo, non esse necessarium exprimere personam baptizantis, vt rectè probat Sotus d. 3. q. vnica. ar. 5. ex Adriã. q. 1. ar. 3. cõtra Innoc. qui super c. 1. de Baptis. tenet oppositum. Sed confutatur primo ex hoc, quia Græci verè baptizant, vt decreuit Concilium Florent. & tamẽ in eorum forma non exprimitur persona baptizantis; ergo nõ est de essentia, vt benè D. Tho. 3. p. q. 66. art. 5. Secundo inferitur solu-

Solutio sequentium dubiorum.

Primum dubium. An si Latinus apud nos baptizaret forma Græcorum, Baptismus esset validus; an is peccaret?


Resp. ex dictis cum Soto, & Adriano cōtra Innocentium, validum esse Baptisma, dummodo fiat cum debita intēctione; quia si valet apud Græcos, valebit etiam apud Latinos. peccaret tamen baptizans non solum ratione scandali, (ut ait Sotus) sed etiā ratione mobedientiē in re graui. D. Tho. in 4. & sub verbo Baptismus tenemur enim nos seruare formam, quam statuit Ecclesia in Cōcilio Florentino, & alibi. quare de genere suo est peccatum mortale. sic etiam peccaret Græcus (ait Sotus) qui in Ecclesia sua baptizaret nostra forma Latina, ratione scandali. Ex his patet, quod non sufficit Latino, ut exprimat actum baptizandi, sed exprimendus est etiam minister; dicendo: *Ego te baptizo in nomine Patris, &c.* Tribus autem modis exprimi potest minister in forma: Primo, cum exprimitur in recto, siue explicitē, siue implicitē; sufficit enim dicere, *baptizo te, &c.* nā intelligitur *Ego*, & hic modus est optimus, quia inuocatur hic principale agens, non ut id quod elicit actum baptizandi; sed ut id in cuius virtute hic actus est sanctificatiuus; ideo ponitur in obliquo, *patris &c.* Minister verò id quod exequitur actum, vnde errauit Innocentius Canonista, putans non valere si quis digat; *Ego Petrus te baptizo &c.* imò etiam si putaret esse essentialē, quia compatitur se cum intentione Ecclesię non tamē si vellet nouum ritum introducere. Secundò, cum minister nullo modo formaliter exprimitur, sed virtualiter; id est, non in se ipso, sed in actu suo; ut cū dicitur, *baptizatur*; significatur actus, & quia actus est ab agente, ideo agens exprimitur virtualiter. hic modus est validus; quia si esset de essentia Sacramēti ut minister exprimeretur formaliter, nulla esset forma Græcorum; neque illa concessio sic baptizandi prodesset Ecclesię Græc; non enim posset mutare essentialia. Secundò, quia in edicto Constantini (quod refertur inter acta Concilij Niceni) dicitur se fuisse cōfirmatum hoc modo; *signet te Deus, &c.* Tertiò, quia in hac formula in qua virtualiter tantum minister exprimitur continentur tria valde vtilia: Primum, ostenditur ille actus fieri mediātē à Deo. Secundum, quod virtus illius modi loquēdi semper refert actum ad suum agens. Tertium, ne sit occasio schismatis, *Ego sum Cepha, Ego Apollo*. Tertius, verò modus, quo

quo quis ministrum explicitè, & implicitè taceret, esset inualidus, introduceret enim nouum ritum, qui variat essentialia, & ab Ecclesia non toleratur. vnde ex dictis sequitur

Secundum dubium. An si quis in baptismo utatur hac forma: *baptizet te Christus*. vel sic: *baptizeris à Christo*; an sit verum Baptisma? ratio dubitandi est, quia in his formis excluditur actus ministri, dum ea tribuitur Christo. Cum tamen actus exterior committatur ministro, & Christus abluat interior.

Resp. Innocentius cap. i. de Baptismo (vt supra diximus) tenet non conferri Baptismum nisi vbi esset talis forma recepta. nos autem ex supradictis dicimus cum Soto supra citato, ex dictis formis conferri verum Baptismum; quia vtraque ablutio interior & exterior fit à Christo. exterior, per ministrum, qui subit vicem Christi; & interior, per Christum ipsum. quare baptizat Christus exterior per ministros, & mediante actione ministri impendit gratiam. si tamen expressè exciditur actio ministri, tunc certum est non confici sacramentum. Dicamus nunc de forma Latinorum Ecclesie Romanæ.

De forma Baptismi Ecclesie Romanae.



FORMA Baptismi in Ecclesia Romana hæc est: *Ego te baptizo in nomine Patris, & Filij, & Spiritus Sancti, Amen.* cap. i. de Baptis. licet illa verba, *ego*, & *amen*, non sint de necessitate, & essentia Sacramenti, sed de necessitate præcepti. Colligitur hæc definitio ex Matth. 28. *Euntes docete omnes gentes, baptizantes eos in nomine Patris, & Filij, & Spiritus Sancti.* Item, ex cap. firmiter. de sum. Trinit. & hinc Catholica, & ex Concilio Florent. in vnioue Armen. Sed circa formam est communis doctrina, quatuor requiri, vt forma sit legitima: Primum, personam ministri. Secundum, suscipientem ipsum baptismum. Tercium, actum ipsum qui fit. Quartum, causam principalem in cuius virtute fit Baptismus. *Ego*, en minister. *te*, en suscipiens. *baptizo*, en actus. *In nomine Patris &c.* en causa principalis in cuius virtute fit Baptismus. de primo, id est de ministro, qui tripliciter in forma exprimi potest, dictum est supra dubio primo.

Tertium dubium; Circa primum, idest circa personam ministri, præter illa duo dubia in dubio præcedente exposita, quaeritur nunc, si quis grauitatis causa baptizans sic diceret: *nos te baptizamus*. Item, *ego vos baptizo*; aut, *nos vos baptizamus*; & tamen qui baptizat, & qui baptizatur est vnus, an validus sit Baptismus?

Resp. si in plurali intelligitur, non perficitur Sacramentum, quia variatur sensus formæ; vnus enim est Christus, vnus minister, vnus Baptismus. si autem in singulari intelligitur ob grauitatem personæ ex accommodatione vsus, vt si Episcopus baptizaret, & Rex baptizaretur; tunc esset verus Baptismus. Sor. in 4. d. 1. q. 1. art. 8. & sic intelligitur D. Tho. 3. p. q. 66. art. 3. Vi&or. q. 17. Sylu. verbo Baptismus. & alij. Si autem duo sic baptizarent, vnus aquam mittat, alter proferat verba formæ, nihil faciunt, quia est falsa forma illius qui dixit, *Ego te baptizo*. D. Tho. & Vi&or. ibid. si verò vterque simul & semel verè baptizat integrè, ita vt vterque aquam infundat, & dicat formam, tunc esset verus Baptismus, vt ait D. Tho. 3. par. q. 66. art. 3. ad quartum. & q. 67. ar. 3. Vi&or. q. 17. Sor. in 4. d. 1. ar. 4. quamuis oppositum teneant Palud. in 4. d. 3. q. 2. Dur. q. 3. Caiet. 3. p. q. 67. ar. 3. Item, si quilibet eorum intendat seorsum baptizare, non teneret Baptismus, saltem esset dubius, vt ait Sotus ibid. si autem vnus plures baptizaret dicendo, *Ego vos baptizo*; esset verus Baptismus, vt baptizabant Apostoli; quia sic non variatur sensus formæ; perinde enim esset ac si diceret, *Ego baptizo te, & te, & te*. D. Tho. ibid. Sylu. verbo Baptismus 3. q. 2.

Quartum dubium Circa secundum; idest circa suscipiētem, exprimi debet persona quæ baptizatur. Primo, quia licet q. baptizatur nō intelligat se baptizari, poni tamen debet in forma illud *te*, vt significetur efficaciam Baptismi esse in applicatione materie, & formæ ad aliquē. sic enim exprimitur actus baptizantis, quia exprimitur persona recipiēs; sed actus baptizantis debet exprimi, ex Concil. Flor. & nos infra dicemus; Ergo &c. Secundo, vt ostendat neminē posse à seipso baptizari. e. debitu. de baptis. & eius effect. vt si dicat, *Ego me baptizo in nomine Patris &c.* quia mutaretur sensus formæ; ideo Christus voluit à Ioanne baptizari. An verò in secunda, vel in tertia persona exprimatur baptizandus, nihil refert; idque vel actiue, vel passiuè. Valet ergo si dicas, *Ego baptizo Petrum* vel, *baptizeris*

in me Patre; vel, baptizetur Christi servus. manet enim virtualiter intentio Ecclesie; peccaret tamē baptizans mutando formam. Dices; quid si baptizas Petrum, & ille est Ioannes?

Resp. nihil refert. imō, nec si putaret esse masculinum, & est feminam. Dices; in matrimonio error personę invalidat Sacramentum matrimonij, ergo Baptismi?

Resp. Matrimonium non solum est sacramentum; sed etiam est contractus, qui debet fieri inter certās personas.

Quintum dubium, Circa tertium; id est circa ipsum actum, quaritur; Cur opus sit ipsum exprimere? ratio dubitandi hæc est: Primò, quia videtur fatuum exprimere actum illum, quem omnes sciunt me facere. quòd si videtur vr̄gere necessitas exprimendi hunc actum ex illo Domini Matth. 28. *Euntes docete omnes gentes, baptizantes eos in nomine Patris, &c.* ut ibi Dominus præcipiebat non exprimi, sed fieri actum. Secundò, Eucharistia est præstantissimum Sacramentorum, & tamen in ea non exprimitur actus; non enim ait sacerdos, Ego consecro Christi Corpus, & Sanguinem.

Resp. Duas à Theologis assignarunt rationes: Prima est, idcirco in alijs actionibus non requiri sui expressionem, eoquòd ex sui natura sunt determinatę ad vnum; ac quoniam illa verba, *in nomine Patris, & Filij, & Spiritus Sancti*, non sunt determinata potius ad hunc, quàm ad illū actum, (*omnia enim quaecumque facitis, in nomine Dei facite*, ait Paulus ad Coloss. 3.) ideo exprimi debet actus ille ad quem determinatur. Secundā ratio est; quia Sacramentum est causa per modum signi præfici, quare tantum causat, quantum significat; sed causat ablu-tionem interiorē, ergo debuit significari nomine exteriori. vnde Alexander III. C. si quis. de baptis. & eius effect. definit, cum Dominus dixit, *baptizantes eos &c.* non solum præceptum dedisse de actum faciendo; sed etiam exprimendo. & sic patet ad primum. Ad secundum de Eucharistia, Resp. quòd Eucharistia est Sacramentum quod non huic, vel illi tantum applicatur. sicut Baptismus, sed est Sacramētū quo cōficitur Corpus Christi; vnde sufficit exprimere id quod fit. Quid si quis loco verbi *baptizo* dicat: *Ego te abiuo, te mergo, te lauo*, vel æquivalentia verba Alensis. Gabriel, & Glossa negant valere Baptismum. sed Resp. esse verum Baptismum, quia servatur idem sensus per illa verba. ut rectè dicit Victor. q. 182 & Socin. 4. d. 3. q. unica.

atque qui oppositam opinionem confutat; & addit quod si quis diceret *te balneo, te in aquam mitto*, esset repetendus Baptismus cum conditione; *si es baptizatus, Ego te non baptizo; si non es baptizatus, Ego te baptizo in nomine Patris &c.* quia balneatio, & mittere in aquam, possunt aliud significare, quam abluere; nam possunt fieri ob sanitatem, &c.

Sextum dubium, Circa quartum; id est circa causam principalem in cuius virtute sit Baptismus, est: An sit verus Baptismus si quis dicat, *Ego te baptizo in nominib. Patris, & Filij, & Spiritus Sancti*; negant omnes; quia videretur diversitas essentiae personarum; significat enim *in nomine*, id est *in fide*. & quoniam una est fides, unum debet esse nomen. ita Hugo de sancto Victore l. 1. de Sacram. c. 2. cap. 2. Secundo, quia in nomine, id est, in potestate; at quoniam una est potestas in Patre, & Filio, & Spiritu Sancto; ideo in nomine, & non in nominibus. ita D. Tho. 3. p. q. 66. Hinc inferitur contra Socum, qui in 4. d. 3. q. vnic. ar. 3. dicit sub conditione iterandum esse: Baptismum si quis baptizaret *in virtute Patris, & Filij, & Spiritus Sancti*; quoniam virtus, potestas, & nomen, sunt synonyma, & hanc ratio D. Thome est consentaneam omnibus patribus, qui scripserunt contra Arrium asserentem tres deitates. nam unum est nomen omnibus, una potestas, una virtus, ergo una Deitas. non igitur in nominibus, sed in nomine; quia unus est Deus, ait Hieronymus in Epist. Pauli ad Ephes. 4. Licet autem dicere possumus *in nomine Patris, in nomine Filij, in nomine Spiritus Sancti*, & esset verus Baptismus. sed non *in nominibus*; quia *ly in nominibus* multiplicat essentiam. *in nomine* non multiplicat. sicut etiam dicimus, *Deus Pater, Deus Filius, Deus Spiritus Sanctus*; & tamen non tres Dii. Siquis vero casu diceret *in nominibus*, Marcellus non audeat rebaptizare; sed putat tenere Baptismum ex accommodatione usus; non secus ac ille, *in nomine Patris, & Filia, & Spiritus Sancta*. can. retulerunt. de consecr. d. 4. Contrarium tamen est tutius; quoniam illa *in nomine Patris &c.* non faciunt vllum sensum, & possunt accommodari ad usum bonum. at *ly in nominibus*, quia multiplicat, facit sensum ineptum in Sacramento; & idcirco parum refert an consulto fiat vel casu. Siquis autem dicat, *in nomine hoc quod est Pater, in nomine hoc quod est Filius, in nomine hoc quod est Spiritus Sanctus*, Baptismus non esset verus; quia si-

ret per notionalia ; & hoc modo cum ly *in nomine hoc*, referatur ad personalia, non sanctificat.

Septimum dubium. An in baptismo sit necessaria expressa distinctio personarum, an sufficiat vnā tantum exprimere personam; vt verbi gratia dicere, *Ego te baptizo in nomine Christi*. sic enim legimus semper, nec aliter baptizasse Apostolos. 2. Cor. 1. 13. 10. 19.

Resp. Ambrosius l. 1. de Spiritu Sancto cap. 3. ait, fidem interiorē esse necessariam, vt sit distincta trium personarum, sed non opus est exprimi tres personas. huius sententię est etiam Beda in 2. Cor. cap. 10. & Bernar. Epist. 340. vbi ait fuisse verum hoc baptisma, *Ego te baptizo in nomine Dei, & Sanctę Crucis*; quia sonus verborum non pręiudicat fidei. & illud *in nomine*, significat in virtute. sed vna est virtus quę est in vna persona, & in tribus. ergo &c. huius quoque sententię est Hugo de S. Vict. l. 2. de Sacram. p. 6. cap. 2. Magist. in 4. d. 3. & glol. in can. 2. quodam. & can. multi. de consecr. d. 4. Primum Ambrosij fundamentum est, quia semper Apostol. in 2. Cor. locis supra citatis, sic baptizarunt in nomine Christi. *baptizetur vnusquisque vestrum in nomine Iesu Christi*. 2. Cor. 1. Cum verō credidissent Philippo Evangelizanti de regno Dei, in nomine Iesu Christi baptizabantur viri, ac mulieres. 2. Cor. 8. numquid aquā, quis prohibere potest, vt non baptizentur hi, qui Spiritum Sanctum acceperūt, sicut & nos? 2. Cor. 10. Iussit eos baptizari in nomine Domini Iesu Christi. His auditis, baptizati sunt in nomine Domini Iesu. 2. Cor. 19. Secundum, quia Diuinę personę ita sunt inter se connexę, vt non possit nominari vna, quin alię intelligantur. nam in nomine Christi, intelligimus filium vnctum, Patrem vngentem, & Spiritum Sanctum in quo est vnctus. 2. Cor. 10. vbi ait Petrus; *Vos scitis, quodd factum est Verbum per vniuersam Iudęam*, incipiens enim a Galilea post Baptismum quod predicauit Ioannes, Iesum a Nazareth, quomodo vnxit eum Deus Spiritu Sancto, qui pertransyt benefaciendo, & sanando omnes oppressos a diabolo. &c. Item, qui nominat Patrem, & Filium nominat; & nominato patre, intelligimus Spiritū Patris. Confirmatur ex Nicolao Papa, can. 2. quodam. de consecr. d. 4. vbi respondens ad Bulgarorum consulta, vtrum quidam baptizati a quodam Iudęo, & Pagano, in nomine Dei, sit verum baptisma; an essent rebaptizandi? Respondit non esse rebaptizandos, quia si bapti-

baptizasset in nomine Trinitatis esset validum baptisma. & ad-
didit, imò etiam si baptizasset in nomine Christi, esset validum.
Contrarium tamen sentit D. Tho. 3. p. q. 66. ar. 6. quem multi se-
quuntur; nunc non esse validum Baptismum si fiat in nomine
vnius tantum personæ. Apostolos autem tunc baptizasse in no-
mine Christi, ex peculiari inspiratione, quia multum tunc in-
tererat in principio nascentis Ecclesiæ, ut nomen Christi cele-
braretur. Licet ad hoc posset dici, nomē Christi potuisse alio-
modo propagari, ut si dicatur: *Ego te baptizo in nomine Pa-
tris, & Christi, & Spiritus Sancti*. Idcirco nonnulli ex reco-
lectoribus negant vel à nobis posse in vnius personæ nomine, vel
ab Apostolis potuisse baptizari unquam. probatur ex act. 19.
vbi cum Paulus inuenisset quosdā viuentes inter discipulos, in-
terrogauit *an accepissent Spiritum Sanctum* responderunt, *nee*
si Spiritus Sanctus est audiimus; tunc Paulus, *in quo ergo ba-
ptizati estis* ex qua interrogatione colligitur, quòd ex ipso q
illi non audiissent Spiritum Sanctum, non fuisse eos baptiza-
tos more Euangelico. Vnde si Apostoli dispensationem habue-
runt tunc baptizandi in nomine Christi, ergo lex erat commu-
nis baptizandi in nomine trium personarum sanctissimæ Tri-
nitatis. Quare ad primum Ambrosij fundamentum, Resp. fuisse
Apostolis dispensatum, secundo, illud *in nomine Christi*, potest
intelligi in auctoritate, & virtute Christi; id est, iuxta Christi
institutionem, quæ fuit ut baptizaretur *in nomine Patris, &
Filij, & Spiritus Sancti*. Ad illud Bernardi dicentis Baptismū
in nomine Dei, & Sanctæ Crucis esse validum, quia illud *in no-
mine*, significat, in virtute, quæ ita est in vna persona, sicut in
tribus, Resp. Virtutem illam esse vnā in tribus, sed requiri in
baptismate confessionem fidei explicitam. Ad secundum, Resp.
nomina personarum debere esse illa, quæ significant persona-
lia constitutiva; hæc verò non sumuntur ex relationibus ad
creaturas, sed inter se. Ad confirmationem Nicolai, Respon-
det Sotus, quòd soli vsui Apostolorum, & auctoritati Ambro-
sij innixus est Nicolaus, neque id decreuit tanquam articu-
lum fidei, sed tanquam opinionem, quam putauit probabi-
lem. quare inferre, Sotus, quòd esset peccatum mortale, bap-
tizare *in nomine Christi*, & ex communi septentia neq. tenere
Baptismum si quis diceret, *Ego te baptizo in nomine Trinita-
tis*; quicquid dicat Caietanus. videndus est D. Thomas 3. par.
q. 66.

quæst. 66. art. 3. Sotus in 4. d. 3. q. unica. art. 3. Victor. q. 16.

Octauum dubium. An teneat Baptismus si fiat *in nomine genitoris, geniti, & procedentis ab utroque.*

Resp. negatiue; quia nomina ista genitoris geniti, & procedentis, significant actus notionales, quibus fiunt origines, & processiones; Sed diuinæ personæ non constituuntur formaliter per actus notionales, sed per relationes consequentes ad hos actus, scilicet Pater, Filius, & Spiritus Sanctus. Sotus in 4. d. 3. q. unica. art. 3. in fine, cum omnium Doctorum sententia, tenet esse iterandum, saltem cum conditione. Caietanus autem 3. p. 1. q. 66. art. 3. audacter defendit oppositum, cum gloss. cap. multi sunt. de consecr. d. 4. Palud. verò in 4. d. 3. q. 4. dubitat; ideo saltem sub conditione cum Soto dicit esse iterandum. Victor. q. 14. idem dicendum est de alijs nominibus, quibus dictæ personæ exprimi possent; debent enim exprimi illis nominibus, quibus communiter consueverunt nominari in illa lingua. ita D. Tho. 3. p. q. 66. ar. ad septimum.

Nonum dubium. An liceat addere aliquid formæ. Dictum est supra tract. 1. cap. 1. dubio 7.

Decimum dubium. Quid sit in forma, breuitatis causa, omittetur ego, & Amen.

Resp. tenere baptismum; quia non sunt de substantia formæ; sed peccare mortaliter, quia sunt de necessitate præcepti. Sylu. verb. Baptismus. Nau. cap. 21. de Baptismo.

De Ministro: Caput I U.

M

MINISTER Baptismi duplex est: Ordinarius, id est qui facit ex officio. & minister necessitatis, id est qui non ex officio, sed ex urgente necessitate baptizat. Ordinarius minister est sacerdos, & nō quiuis, sed Episcopus, vel Parochus. Minister in necessitate, quicumque potest baptizare siue foemina, siue vir, siue puer, siue senex, siue Iudæus, siue hæreticus; dummodo habeat intentionem faciendi quod facit Ecclesia; licet non credat. c. maiores. de Baptismo. nunc sit

Primum dubium. An baptizare cōpetat ex officio sacerdoti.

Resp.

Resp. Primò & principaliter est officium Episcopi; deinde etiam presbyteri, est communis sententia Doctorum ex Concilio Florent. & Tridentino. Ignat. Epist. 13. ad Hieronem. & Hierony. contra Lucifer. Vnde etiam presente Episcopo potest sacerdos baptizare, non tamen omnibus permittitur ab Ecclesia solenniter baptizare, sed solum proprijs parochis, vel alijs de licentia curati, vel Episcopi, vel ex privilegio superioris. cap. interdicimus. 16. q. 1. Qui verò contra faceret, non fieret irregularis; quia non est expressum in iure. ita Sylu. verb. Baptismus 3. §. 1. D. Tho. 3. p. q. 67. art. 2. Sot. in 4. d. 4. q. 1. ar. 1. Quid de Diaconis? an ex officio spectet ad eos baptizare? **Resp.** negativè. ex cap. Diaconis. dist. 3. & ex Concil. Flor. & est communis sententia, & vsus Ecclesiz. D. Tho. 3. p. q. 67. art. 1. Vnde si solenniter baptizaret, fieret irregularis; sicut & quilibet alius clericus, vel laicus. cap. 1. de cler. non ordinato ministr. Sylu. verb. Baptismus 3. §. 1. Extraordinarium autem officium baptizandi solenniter potest Diaconis committi; quia in actis Diaconi Baptizabant, & docebant propter penuriam, ut dicit Ambr. in Ephes. 4. & legimus de Laurentio. Vnde Tertul. l. de Baptismo ait, *iis dandi Baptismi habent Episcopus, Presbyteri, & Diaconi; non tamen (inquit) sine Episcopi auctoritate, propter Ecclesie honorem; quo saluo, salua pax est.* & patet ex Pontificali Rom. in ordinatione Diaconi; officium Diaconi est baptizare. quod confirmatur ex can. perlectis. d. 25. ex Isidoro. & de concel. d. 4. can. constat. & d. 95. can. Diaconos.

Secundum dubium; An laicus validè baptizet in extrema necessitate?

Resp. affirmatiuè. ex Concil. Florent. & vsu Ecclesiz. dummodo seruet formam Ecclesiz, & intendat facere quod facit Ecclesia; & est communis sententia. patet ex act. 9. vbi mittitur Paulus ut baptizetur ab Anania, qui erat purus discipulus, ut testatur Clemens Rom. l. 8. Apostolicarum Const. cap. vlt. patet etiam ex l. histor. Eccles. cap. 15. vbi Achanasius puer baptizauit nonnullos, & ab Alexandro Episcopo tunc confirmatus verus Baptismus; ut supra diximus tract. 1. cap. 2. dub. 7.

Tertium dubium; An femina validè baptizet? ratio dubitandi est: Prima, quia id negarunt Epiphanius contra hares. 42. Tertulianus l. de Baptif. Clemens Rom. l. 3. Apostolicarum

Const. cap. 9. vbi ait, *non presumant mulieres baptizare*; Secunda, minus est docere, quàm baptizare; sed Paulus 1. Tim. 2. interdicat mulieri munus docendi: *mulier in silentio discat cum omni subiectione. docere autem mulieri non permitto, neque dominari in virum, sed esse in silentio. Adam enim prius formatus est, deinde Eva*; Ergo multo magis baptizandi. Tertia, mulier non exorcizat, & si exorcizat, nihil facit. est enim officium exorcistæ, cui datur potestas imponendi manus super energumenos, siue baptizatos, siue catechumenos: at exorcismus est cæremonia baptismi, igitur si non exorcizat, neque baptizat. Nihilominus dicendum est, scæminam in necessitate posse baptizare; vt patet ex vsu Ecclesiæ in obstetricibus baptizantibus pueros. Et patet ratione; tanta est enim baptismi necessitas præferim infantium, vt probabile sit diuinam misericordiam voluisse valorem Baptismi non pendere ex sexu, sed ex animo rectè intendente id quod facit Ecclesia. Quare ad argumenta Resp. ad primum: Epiphanius diserebat contra Marcionem, qui cõtendebat etiam mulieres esse Sacerdotes, & idcirco esse ordinarias ministras Baptismi: hoc impugnat Epiphanius. & idem voluit Tertulianus, qui præcipuam pugnam habuit contra Marcionem. De Clemente dico, illum dicere: *Mulier non presumat*; idest, tanquam ex officio baptizare. Ad secundum Resp. fortè maius esse docere ex officio, quàm baptizare. vnde Paulus: *misi me Deus ad Euangelizandum, non baptizandum*. Sed esto, dico quòd etiam mulier in necessitate potest docere, non ex officio, sed ex dispensatione. Ad tertium Resp. quòd non exorcizat. quod quamuis sit minus perfectum quàm baptizare, est etiam minus necessarium.

Quartum dubium; An Iudæus, siue Paganus, idest non baptizatus, validè baptizet? ratio dubitandi est; Primò, quia Tertulianus l. 1. de Baptif. dicit, ideo laicum Christianum posse baptizare, quia quod ex æquo accipitur, ex æquo potest etiam dari. Secundo, Augustinus l. 2. Contra Epist. Parmeniani cap. 13. proponit hanc quæstionem; & ait, sibi esse adeo arduam, vt non possit sine concilio plenario definiri. idem repetit l. 7. contra Donat. cap. 3. Tertiò, quia Gregorius (vt refertur de consecr. d. 4. can. quos à paganis) mandat cuidam Episcopo, vt quos inuenerit à pagano baptizatos, curet rebaptizandos; Quarto, quia non est fidendum paganis; quis enim scit an rectà habuerint intentionem, cum non credant in Ecclesiam? Imo est præ-

istæ præsumptio in contrarium. & fortassè materiam, & formam ignorant. Nihilominus dicendum est; quòd licet hæc res fuerit olim controuersa, nunc tamen certum est, à pagano posse rectè conferri Baptismum. ita definitur ab Innoc. III. de consecr. d. 4. can. à quodam. ad consulta Bulgarorum. & can. Romanus. ex Isidoro; vbi dicitur, Pontificem quendam Romanum id decreuisse. & concil. Flor. in bulla vnionum Armenorum. & patet ratione: nam ad baptizandum vel requiritur recta fides, vel character, vel recta intentio cum applicatione materie, & formæ. non primum, vt supra diximus, tract. 1. cap. 2. dub. 1. nõ secundum, quia character Baptismi est passiuus, non actiuus; quare non sufficit. Ergo sufficit tertium, quod potest esse in pagano. Ad primum igitur Resp. affirmasse Tertulianum, quod erat verum, sed non negauit contrarium. Ad secundum Resp. Augustinum fuisse dubium, quia tunc nondum erat definitum. in fine tamen capitis 13. antequam concilium plenarium id definiat, *si à me petatur consilium (ait) putarem, quòd si Baptismus consecratur verbis Euangelicis, rectè tenet; verba autem Euangelica sunt: Ego te baptizo in nomine Patris &c. desumpta ex Matthæi cap. 28. euntes docete omnes gentes, baptizantes eos in nomine Patris, & Filij, & Spiritus Sancti. Amen.* Ad tertium Resp. quòd Gregorius dicit vnum verbum quod respondet dubio: *si ita habetur, baptizentur in nomine Trinitatis.* igitur signum est, illos paganos non baptizasse in nomine Trinitatis. Vel dici potest, quòd Gregorius dubitauit, & mandauit baptizari sub conditione. Ad quartum Resp. non est illis temerè fidendum; sed si moralibus coniecturis constet paganū habuisse rectam intentionem, sufficit. si non constat, debet sub conditione rebaptizari.

Quintum dubium. Quo loco, tempore, & ordine, non sacerdotes debent baptizare, ne peccent? Resp. primo, quod quilibet laicus, vel paganus, vel hæreticus, siue mulier, siue homo, (quibus non competit, ex officio baptizare) baptizat extra necessitatem, peccat mortaliter peccato sacrilegij, siue solenniter baptizet, siue non; & sit irregularis. cap. si quis. de clerico non ordin. ministrante. ratio est, quia baptizare extra necessitatem, est baptizare ex officio; at qui usurpat officium in re graui, peccat mortaliter. Confirmatur; quia can. interdiximus. 16. q. 11. si sacerdos baptizat in aliena Ecclesia, peccat mortaliter. Ergo à

fortiori, si extra necessitatem baptizet, grauius peccabit. Confirmatur secundum ex clem. vnica. c. de Baptis. vbi districte prohibetur ne sacerdos baptizet in domo priuata extra necessitatem. addit etiam Sylu. & Sor. huiusmodi esse irregularem. Confirmatur tertio; nam pertinet magis ad decentiam Sacramenti ut à ministro debito ministretur, quam ut debitis solennitatibus; quia illud est de iure diuino, hoc est de iure humano: at qui sine solennitatibus celebrat, peccat mortaliter; ergo multo magis, qui non debito ministerio. Dico secundo, quod ignorantia inuincibilis excusaret laicum à peccato mortali; quia hæc ignorantia excusat. c. debitor. de Baptis. & eius effect. imo Innocent. laudat quendam paganum qui seipsum baptizauit. Dico tertio, qui adultus se tradit baptizandum laico sine necessitate, peccat mortaliter. neque hic gratiam consequeretur, sed tantum characterem. multò grauius peccaret, qui ab infideli Baptismum extra necessitatem peteret. similiter à præciso; excommunicato, vel suspensio; quia cooperatur peccato. Dico quarto, hunc ordinem in baptizando seruandum: Mulier non baptizet præsentem viro, sicut nec laicus præsentem clerico. neque alius clericus præsentem diacono; neque diaconus præsentem sacerdote; sacerdos verò potest præsentem Episcopo; quia ei competit ex officio, ut supra dictum est. Si peruerteretur ordo inter mulierem, laicum, & diaconum, ut si minor baptizaret præsentem maiore, verus esset Baptismus; peccarent, sed non mortaliter quia neque laici, neque diaconi est baptizare ex officio, & ideo non usurpant officium alienum. esset autem peccatum mortale, cum laicus, vel alter cui non competit ex officio, baptizaret præsentem sacerdote cui ex officio competit. aliquando nullum esset peccatum, ut cum minor est magis peritus in arte baptizandi, quam maior. peritiore enim est obstetrix rustico; debet igitur baptizare mulier. ita Sylu. verb. Baptismus. 3. §. 1. Sor. in 4. d. 4. q. 1. arc. 1. Dices, quid si maior est præcisus ab Ecclesia, ut si ad sit sacerdos excommunicatus, vel hereticus, vel suspensus, an sit melius baptizari à minori, verbi gratia à laico? Resp. affirmatiuè. Sylu. verb. Baptismus 3. §. 1. in fine.

Sextum dubium; An in ministro requiratur intentio. & qualis? Dictum est supra tract. 1. cap. 2. dub. 7. & 8.

Septimum dubium; An plures possint vnum baptizare? Præterea quæ dicta sunt supra, tract. 1. cap. 3. dub. 3.

Resp.

Respondeo pluribus modis posse hoc contingere: Primus potest oriri controuersia inter duos sacerdotes volentes habere decemnam, vel eleemosynam à baptizando; & quia potest accidere, vt sine duobus baptizantes non integris membris, vnus enim est mutus non valens pronunciare formam; alter truncus manibus non potens effundere aquam; ideo queritur, an plures possint vnum baptizare, ita vt mutus effundat aquam, & truncus manus pronunciet formam? Resp. igitur; Marsilius, & Caietanus mutant valere, negant D. Tho. Halensis, Scot. & Palud. & hac esterior opinio; nam ille qui profert formam, falsò dicit: *Ego te baptizo*; quia ipse non lauat, nec valet effugium Caietani, quòd baptizo significat applico tibi sacramentum baptismi; quia baptizo significat lauo. Dices, quid si ambo dicant: *nos baptizamus*? nam sicut si duo iudices definientes litem, dicant in integrum, nos definimus; ita & hi duo baptizantes dicant, nos baptizamus. Resp. esse disparem rationem; nam illi duo iudices erè ambo proferunt sententiam; sed hi duo baptizantes non erè possunt ambo dicere, lauamus. Dices, in ordinationibus multi sacerdotes consecrant eandem hostiam; ergo similiter hic. Resp. esse disparem rationem; quia ibi sacerdos non mentitur, dicens, *hoc est corpus meum*; quia nihil dicit quod non faciat. Secundus modus est; quando sunt duo qui faciunt totum; idest, vniliber applicat materiam, & formam, ac si esset solus; & preterea dicit, *Ego te baptizo*. Resp. si non simul ambo totum faciant, primus tantum baptizat; Secundus rebaptizat, & peccat mortaliter. si simul concurrunt, est communis opinio, qd Baptismus est validus; quia materialiter est duplex, formaliter est vnus, idest, totum materiale Baptismi quod constat ex verbo, & elemento, bis est iteratum; sed formale (idest) qd sit signum practicum gratie, est vnus; quia est vna significatio causatiua gratie. Tertius modus; cum isti duo intendunt baptizare non totaliter, sed partialiter, quia quilibet dicit: *Ego te baptizo*, sed vult id quod facit ipse, & id quod facit alter, sit pars; & deinde ex duabus partibus fieri vnum totum. Resp. hi non baptizant, quia faciunt vt id quod de se est totum, diuidatur. & patet; quia Christus est vnus, & delegit sibi vnum ministrum totaliter. Quartus modus; si conueniant duo cæci ad baptizandum aliquem, quorum vnus alterum non videat, & nescit vnus alterum, vel baptizant absolute, vel conditionaliter; si primò modo, peccant; quia


quia exponunt se periculo, & primus verè baptizat, alter rebaptizat. si secundo modo, scilicet *Ego baptizo*; si alter non baptizat, tunc mutuo se euertunt, & neuter baptizat. Quintus modus; Quando dicunt: *nos te baptizamus*, diuiniù, vt singulis tota actio competere significetur; & hoc dupliciter euenire potest: Primo, vt ly *baptizamus*, significet id quod *baptizo*, vt loquuntur magnates; vt, *nos Caesar iubemus* &c. & hoc modo certum est valere; & qui prior profert verba, ille baptizat. Secundo, vt ly *baptizamus*, sit plurale distributiuum, vt equipollet his duabus: *Ego te baptizo*, & *Ego te baptizo*; & tunc hæc duæ propositiones, vel ita proferuntur vt ambæ necessariae, vt altera non valeat sine altera, & tunc non baptizant. Vel vt vna sufficiat, tamen concomitanter volunt esse multi, & tunc etiam si quidam recensiores tutius esse dicant rebaptizare sub conditione, tamen puto simpliciter tenere; quia potest sumi proportio à ministris ad baptizatos, & è contra. at qui communiter dicunt valere cum sunt plures baptizandi, si quis dicat: *Ego vos baptizo*; & profectò videtur ea dem ratio in baptizante. Dices, posset ne contingere casus, quo quis sub vna forma baptizaret multos? Resp. affirmatiuè. sed sine necessitate scotus ait esse peccatum mortale. Sotus verò addit, si cum scandalo, est peccatum mortale.

Octauum dubium; An in baptismo requiratur qui leuet baptizatum de fonte.

Resp. affirmatiuè; ex Dionys. cap. 1. de Eccles. Hierar. & cap. in Catechismo. cap. non plures. cap. nos autem. de consecr. d. 4. & can. 1. & 30. d. 1. & ex D. Tho. 3. p. q. 67. art. 7. Secundo dico, is tenetur habere curā baptizati, & illum instruere in his, quæ ad fidem spectant, & ad bonos mores. Qui verò inter Catholicos degunt, possunt ab his excusari; cum non opus sit. D. Tho. supra. ar. 8. Tertiò, sicut contrahitur cognatio spiritualis inter baptizatum, & baptizantem, eiusque patrem, & matrem; ita & inter leuantem de fonte, & leuatam; eiusque patrem & matrem; ex concil. Trid. sess. 24. cap. 2. de reform. matrim. Nauar. cap. 22. nu. 5. & 6. debet autem ad summum vnus, & vna leuare. & si quis alter baptizatum tetigerit, nullus inter eos cognatio oritur; Concil. Trid. ibid. Dices, qui non possunt leuare de fonte baptizatum? Resp. non licere monachis. cap. non licet. de consecr. dist. 4. & cap. monachi. ead. & cap. placet. 16. q. 1. & cap. perue-

peruenit. 18. questione secunda. Sylu. verb. Baptismus. 1. quest. 7. Sot. in 4. d. 4. q. 1. art. 1. ad secundum; An peccet mortaliter monachus si leuaret de fonte? Sot. dicit fortasse esse peccatum mortale. Ego verò puto esse iudicandum ex circumstantiis. aliqui etiam extendunt ad religiosos, sed praxis est in contrariū. Secundò dico, non baptizatos non posse leuare de fonte, & si leuet, non cōtrahit cognationem spiritualem. cap. in Baptism. de consecr. d. 4. Sylu. verb. matrimonium 8. q. 7. §. 12. Sot. supracitatus. qui si baptizetur, contrahit cognationem spiritualem. Sot. ibid. Tertiò dico, parentibus non esse licitum leuare de fonte. cap. peruenit. 30. q. 1. Sotus in 4. d. 4. q. 1. art. 1. quia alter eum altero coniuge contraheret cognationem spiritualem, & non posset petere debitum. In necessitate autem non contraheret. Sot. supra. Dices, quid si alter coniugum malitiosè sine necessitate filium baptizaret? Resp. non poterit petere debitum ob contractum impedimentum cognationis, sed tenetur reddere; quia sine sua culpa nemo debet suo iure priuari. cap. descriptionibus. de eo qui cognouit consang. vxoris suæ. Dices, quid si pater baptizaret filium in necessitate, vel mater; an contrahant cognationem? Resp. negatiuè; si sit filius legitimus. cap. ad limina. 32. q. 1. D. Tho. in 4. d. 42. art. 1. Sot. d. 4. q. vnica. art. 7. in fine. Si quis autem baptizaret filium susceptum de fornicatione, etiam in extrema necessitate contrahit cognationem; Nau. cap. 12. num. 4. ideo dixi, *si sit legitimus*. Dices; si quis puerum domi baptizatum teneret in Catechismo, an contrahit cognationem? Resp. non hanc, sed aliam contrahi, quæ dicitur cognatio ex Catechismo, quæ impedit, sed non dirimit; vt probat Nau. supracitatus. de hac re, plura in tract. de matrim. cap. 3. de impedimento cognationis spiritualis. dub. 7.

De suscipientibus Baptismum. Cap. V.



Suscipiens Baptismū est omnis homo; Vnusquisque enim tenetur suscipere, adeo vt nisi suscipiat, non possit intrare in regnum Cælorum. Io. 3. *nisi quis renatus fuerit ex aqua, & Spiritu Sancto, non potest intrare in regnum Dei.* hęc igitur cōclusio est de fide; ex Matth. & Marc. ult. ex Concil. Later. & cap.

cap. firmiter. de summa Trinit. & fide Cathol. omnes tenentur ingredi Ecclesiam; ergo & baptizari. ex cap. maiores. de Baptis. ex Clement. de summa Trin. & fide Cathol. est enim Baptismus necessarius ad salutem, saltem in voto ex Concil. Trident. sess. 7. cap. 5. & sess. 14. Videndus est D. Thom. 3. p. q. 68. & Soc. in 4. d. 5. q. v. pica. art. 3.

Primum dubium; An infantes sint baptizandi. Omnia hæresi Pelagij, quæ refert Augustinus l. de hæres. cap. 88. qui nulum putabat infantulos habere peccatum originale, & ideo non esse baptizandos ad illud delendum, sed esse tantum baptizandos ut ingrediantur vitam æternam. iuxta illud Ioannis 3. *nisi quis renatus fuerit ex aqua & Spiritu Sancto, non intrabit in vitam æternam.* Interrogatus verò, quid si sine baptismo moriantur infantes? respondit, nescio quam aliam beatitudinem fuisse habituros. Omnia igitur hac hæresi, quæ fuit condemnata in Concilio Mileuitano ad id conuocato, quod à Leone Primo, Innocentio primo, & Anastasio primo fuit comprobatum. Resp. ad dubium. esse de fide pueros, seu infantes esse baptizandos. patet ex illo Ioannis 3. *nisi quis renatus fuerit ex aqua, & Spiritu Sancto, &c.* quæ lex est vniuersalis pertiçens ad omnes natos capaces renascentiæ, cuiusmodi sunt infantes. esset enim contra Diuinam misericordiam si tot infantibus morientibus nullum fuisset constitutum remedium. patet etiam ex Concil. Trident. sess. 7. cap. 13. de Baptis. Viçor. q. 23. Tertiò, patet ex traditione Apostolica, quam relinquerunt nobis Dionys. Eccles. Hierar. cap. vlt. Clemens Rom. l. 6. const. cap. 15. Orig. l. 5. in Rom. 6. August. l. 10. de Genes. ad lit. c. 23. & in omnibus libris contra Pelag. ubi ad probandum esse peccatum originale in infantibus, nullo ferè alio argumento vtitur frequentiùs, quàm hoc; quòd ex antiqua traditione baptizarentur infantes in remissionem peccatorum. Dices primo, Christum Dominum in stituisse modum baptizandi, cum Matthæi 28. instituit Baptismum, dicens: *docete omnes gètes, baptizantes eos in nomine Patris, &c.* at infantes doceri non possunt, ergo nec baptizari. secundo, sicut circumcisio erat Symbolum, & vinculum obligationis ad totam legem Mosaicam, ita baptismus est vinculum quo quis se obligat ad legem Christi; at infantes quia non possunt consentire, nec etiam possunt se obligare, ergo nec baptizari. Tertiò, habemus in act. & alibi, quòd Apostoli cum bapti-

baptizabant, hortabantur ad poenitentiam, & fidem, quæ duo non possunt ab infantibus expleri, ergo nec baptizari? Resp. ad primum illud [docere] debet limitari iuxta finem doctrinæ; idest, ne docere sit inutile, debent baptizandi assentiri vel proprio consensu si sint adulti, vel ex consensu parentum si sint infantes. & sic etiam Resp. ad secundum, idest, naturale ius esse ut infantes, & paruuli possint obligari per contractum parentum, & sic pater consentit pro filio; nam dum filius est infans, est quasi quedam pars patris, & sic potest obligari per voluntatem patris. Ad tertium Resp. ex Dionysio Eccles. Hierarch. cap. vlt. quod susceptores baptizatorum infantium, vel parentes eorū obligant se, ut postquā pueri adoleuerint ad poenitentiam, & fidem reneantur. vnde Tertullianus l. de Baptis. vocat hos, fidei sponsores, quia tunc sponsioni tenentur stare filij.

Secundum dubium; An baptizandi sint infantes in matris utero?

Resp. negatiuè ex D. Thom. 3. p. q. 68. art. 11. ex August. l. 1. contra Iulian. cap. 6 & de consecr. d. 4. can. si ad manus. & can. isti maternis. quia Baptismus est renaſcentia; ergo supponit natiuitatem, sed isti nondum sunt nati; ergo non possunt renasci & patet; quia non possunt tangi; ergo non possunt abluī; ergo non potest dici; Ego te baptizo. Dices, quid si puer periclitaretur nondum natus, & aliqua pars eius exiret ex utero, an sit baptizandus? Resp. si caput emerſerit, potest baptizari, & est verus Baptismus; in capite enim est omnis sensus, ut supra diximus tract. 2. cap. 2. dub. 3. si aliud membrum emerſerit, ut pes, vel manus, baptizare potest ad cautelam; si verò superuixerit, est sub conditione rebaptizandus. Si mater moreretur prægnans, post mortem est aperienda. ut si uiuus sit infans baptizetur. ante mortem mater numquam est aperienda, etiam si certò sit moritura, vel ad mortem publica sententia damnata; quia neque mors accelerari potest; neque sunt facienda mala ut veniant bona.

Tertium dubium; An pueri infidelium sint baptizandi inuitis parentibus.

Resp. Scotus in 4. d. 4. & Gabriel ibid. & Ekius homil. 2. de Baptis. putant posse baptizari dummodo fiat à persona publica, non priuata. Secundo, ut sit commoditas eos religiosè educandi. Tertio, ut isti infideles subiaceant Principi Christiano.

Probant primo ex l. 1. Machab. cap. 2. ubi Mathathias pater Machabzorum occiso præfecto Antiochi Epiphanes circumcidisse dicitur omnes pueros inuentos in sinibus Iudzorum; & circumcidit pueros in circumcisos quotquot inuenerunt in sinibus Israel infortitudine; sed tunc in Iudæa multi erant filij Gētiliū, & hos etiam circumcidit, & putandum est inuitis parentibus; ergo multo magis nunc fieri potest in Baptismo. Secundo obediendum est magis Deo quàm hominibus; sed Deus præcipit Baptismum, homo prohibet; ergo illi, non huic obediendum est. Tercio si parentes infideles subiecti Principi Christiano necare vellēt suos infantes, posset Princeps eos eripere de manu patrum; & consulere eorum salutem; at pluris est salus animæ, quàm corporis; ergo &c. Quarto liceret Principi Christiano auferre filios parentibus infidelibus, si eos malè educarent docendo veneficia, simulationes, &c. ergo multo magis si doceant eos infidelitatem, quod est maius peccatum. Sed

Contraria sententia D. Thomæ quam infra dicemus, est verior, idcirco Resp. ad primum statutum fuisse Gen. 17. vt circumciderentur ab Hebræis etiā omnes serui siue vernaculi, siue emptiij, quia tunc aberant à parentibus, & erant de Iudzorū potestate. & sic est credendum Mathathiam eos tantum circumcidisse, de quibus lex præcipiebat. Pōterat etiam eos circumcidere, quia facti erant sui iure belli. Ad secundum Resp. tunc magis obediendum est Deo quàm hominibus, cum ipse Deus decernit; at hic non præcipit Deus Baptismum, nisi salvo iure naturæ. Ad tertium Resp. primo Principem Christianum non habere erga infideles vllam potestatem coactiuam, nisi quantum ius naturæ præscripsit; quia nō tenentur infideles, nec possunt cogi nisi iure naturæ; nam iuxta euangelico subiacent tantum si velint; quia hæc fuit lex euangelica, vt voluntariè parent. Secundo dico, qd possunt Principes auferre filios parentibus eos occisuris, quia eadem lex naturæ, quæ dat potestatem parentibus in filios, & Principibus in paganos, dicitur occisione tolli vitam corporalem, ad quam tuendam tenetur Princeps Christianus; sed prohibitionem Baptismi auferri vitam animæ, lex naturæ non docet, sed fides; ad quam non tenentur pagani. Ad quartum Resp. prohiberi posse illa peccata, quæ directè sunt contra pacem reipublicæ; sed infidelitas per se non est contra pacem reipublicæ; & quamuis per accidens possit obesse, tamen

tamen hoc malum est tolerandum pro euitando maiori, ne fiat
odiosum Euangelium. Itaque
Communior opinio, & verior, est D. Thomæ, & Ricciardi, qui
dicunt, pueros infideles non posse baptizari inuitis parentibus;
quia sunt sub cura parentum; ius autem diuinum non tollit ius
naturæ; tamen si baptizarentur, tenet Baptismus. ita D. Thom.
2. 2. q. 10. art. 12. quod est contra Durand. (tenere scilicet Ba-
ptismum) ex communi sententia, Caietani, Scoti, Gabrielis,
& aliorum. Sot. in 4. d. 1. art. 10. Victor. q. 27. quod intelligendū
est de pueris qui carent usu rationis; & patet ex usu Ecclesiæ;
quæ tales non baptizat inuitis parentibus, & est cōmunis sen-
tentia. Nec obstat ratio Durandi, q. Baptismus requirat vo-
luntatem hominis baptizandi; sed pueri non habent nisi volū-
tatem parentum, quæ non vult; ergo &c. nam licet infantes
quoad iusticiam non habeant aliam voluntatem quā paren-
tum, id est vt iustè baptizentur; nō tamen quoad effectum; quia
Sacramentum Baptismi agit per modum actiui naturalis, cui
sufficit non inuenire obicem in subiecto in quod agit, etiam si
iniustè agat. Probaturnunc non posse baptizari inuitis paren-
tibus. Primo, quia paruuli ablati parentibus, & baptizati, vel
sunt restituendi parentibus, vel non; si non, est contra ius natu-
ræ, quod facit filios infantes esse rem, & de potestate paren-
tum, tam quoad vitam corporalem, quam quoad morum insti-
tutionem; ac lex Evangelica non euertit ius naturæ; Si primū,
id est sunt restituendi, est euident periculum redeundi ad vomitum,
tum propter naturalem affectum erga parentes, tum quia
si scirent non venisse ad Baptismum sua sponte, nec voluntate
parentum, præsertim si mysteria nostræ fidei essent ipsis ferè in-
intelligibilia, magnum scandalum nasceretur, & fieret odiosum
Euangelium. Secundo probatur (vt dixi) ex usu Ecclesiæ, quæ
à tempore Apostolorum numquam baptizauit infantes inuitis
parentibus. Tertio probatur ex ratione fidei, & Baptismi, vt
sponte suscipiatur; ideo Christus non misit Apostolos ad con-
uertendum mundum vi, sed prædicatione. & propterea in Cō-
cilio Toletano 4. cap. 55. prohibetur ne quis ad fidem cogatur;
sed infantes dum sunt infantes non habent aliam voluntatem
nisi parentum; ergo nolentibus parentibus, noluit ipsi. Si verò
vnus parentum consentiat, potest altero reuente baptizari. Ita
decernitur à Gregorio 1. in titulo de conuersione infidel. c. ex

hæreticis tuis. Secundo dico licet aliquando inuitis tutoribus infantes baptizare. dixi [aliquando] quia sunt duo ordines tutorum; quidam naturales, quales sunt auus, vel patruus. &c. & quia hi iure naturæ parentibus succedunt, his inuitis non potest baptizari infans. alij sunt tutores iure humano, ut sunt tutores relictæ in testamēto, vel electi à superiore, & his inuitis possunt baptizari; quoniam ius humanum potest tolli pro saluando iure diuino; & ne fiat præiudicium animabus infantium. Tertio dico. Cum puer attingit vsum rationis, si velit baptizari, potest; etiam si parentes obstant; nam dum filij sunt paruuli, subiacent parentibus quoad ius ciuile, non tamen quoad ius diuinum naturale, vel supernaturale; non enim potest ad suum libitum disponere de facultatibus &c. sed potest inuitis parentibus ratum matrimonium contrahere. & præterea non subiaccet parentibus in iure diuino supernaturali; quia iam sibi incumbit cura animæ suæ; & ideo potest velle Baptismum. Dices: quid est tempus in quo filius vtitur ratione? Resp. alij dicunt esse annum duodecimum; alij decimumquartum; alij octauum. Ego dico hoc non esse metiendum annis, sed consilio, & ratione. Quid si dubitet an ratione vtratur? Resp. in dubijs, in fauorē Baptismi esse iudicandum. Quarto dico, non esse improbable quod ait Sotus; infantem iam iam moriturum, posse baptizari inuitis parentibus, nisi timeatur magnus tumultus; quia licet sit iniuria parentum, tamen est parua; & magna veilitas pueri præponderat iniuriæ parentum. Deinde, ego non aufero filiū parenti. demum, quia iste puer est simpliciter in extrema necessitate. Quinto dico; resistentiæ parentum potest subueniri remedio venditionis; nam venditis parentibus potest filius baptizari; quia tunc pater priuatur filij potestate, & totum dominium remanet penes dominum; vnde nemini fit iniuria si baptizentur; Sot. in 4. d. 5. q. vnica art. 10. Caiet. & alij. Dices, an idem sit dicendum de seruis ablati per piratas à Mauris, vel Æthiopibus &c. Sotus ait posse baptizari. adderem, hoc verum esse nisi sine iniuste ablati, & teneantur restituere. quod si nulla sit commoditas restituendi, tunc incipiunt pueri esse de potestate dominorum.

Quartum dubium; An qui baptizantur in lecto morituri, validè baptizentur? ratio dubitandi est; quia hi potius necessitate, quam voluntate petunt Baptismum, & ideo. Concilium.

Neocæsar. can. 12. hos priuat honore presbyteri.

Resp. licet hi peccent, Baptismus tamen tenet. ita Cyprian. 1.4. Epist. 7 & Concil. Neocæsar. citatum. & Concil. 3. Carthag. cap. 34. quæ dicunt qd si ille cum venit presbyter ad baptizandum amisit vocem, sufficit testimonium præsentium.

Quintum dubium; An mortui, vel viui pro mortuis possint baptizari? ratio huius dubij nascitur ex Paulo 1. Cor. 15. ubi ait, si non est resurrectio mortuorum, quid faciunt qui baptizantur pro mortuis? si omnino mortui non resurgunt, ut quid & baptizantur pro illis?

Resp. negatiue, & prima illius loci expositio communis est; idest quid faciunt illi qui pro testificanda resurrectione mortuorum baptizantur Baptismo sanguinis? multi enim moriebantur ad confirmandam fidem de resurrectione mortuorum. Secunda expositio est Petri Abbatis Cluniae. in l. de Purgatorio; quod baptizari ibi sumitur largè, pro quauis purificatione, quæ sit per bona etiam opera. igitur quid faciebant illi, qui purificant se pro salute mortuorum; idest eorum qui sunt in Purgatorio?

Sextum dubium; An peccatores sint baptizandi?

Resp. primo, qui habent propositum peccandi mortaliter, non sunt baptizandi; quia frustra baptizarentur cum gratiam obtinere non possint. Secundo, qui reatum habent præteriti peccati, sunt baptizandi; quia hæc delet Baptismus. Tercio si peccator in peccato perseverans baptizatur, verum suscipit Sacramentum, seu characterem cum fide mortua, sine gratia, est communis sententia. & vera doctrina, quam exponit D. Th. 3. p. q. 68. art. 3. & Sotus in 4. d. 5. q. vnica. art. 3. Quarto dico, qd ei qui baptizatur pro quibuscunque peccatis, non est satisfactio iniungenda. cap. siue pœnitentia. de consecr. d. 4. Conc. Flor. & D. Thom. supra, quia per Baptismum incorporamur Christo, & efficimur eius membra.

Septimū dubiū qualis debeat esse baptizādo adulto peccatori displicentia de peccatis; Attritio, Contritio, an Confessio?

Resp. primo non requiritur Confessio peccatorum, quæ est iudicium sub tribunali, & clauibus Ecclesiæ, cui nondum subest; quia non est baptizatus. quid si velit confiteri? Resp. potest audiri propter illius humiliationem; sed non est Sacramentum. Imo peccata ante Baptismum non sunt materia Confessionis post Ba-

post Baptismum. debet igitur adultus conteri tantum de peccatis, non confiteri; quia Baptismus est primum Sacramentum. Dices; sunt nonnulli canones de consecr. d. 4. quod baptizandis imponenda sunt aliquæ pœnitentiæ. Resp. illæ pœnitentiæ dantur non vt satisfactoriæ, neque vt exeunt ex tribunali iudiciali, sed dantur vt cum maiori deuotione veniant ad Baptismum; Et vt magis caueant in futurum. Secundo dico. Neque requiritur ad Baptismum contritio de præteritis peccatis, idest dolor de peccatis propter Deum super omnia dilectum, ita D. Thom. 3. p. q. 79. art. 3. ad secundum, & q. 80 art. 4. ad secundum. sequitur Scot. Dur. Palud. & alij. ratio est, quia Baptismus est Sacramentum resurgentium per regenerationem, non supponens baptizandos viuere per contritionem. Tertio dico saltem necessaria est attritio, idest dolor de peccatis propter malum gehennæ, cum proposito non peccandi de nouo. requiritur autem non vt concausa gratiæ, quasi Baptismus solus ad id non sufficeret; sed vt remoueat obicem, idest complacentiam peccati mortalis. hæc autem attritio non oportet, vt sit de singulis peccatis commissis, nec opus est vt existimetur contritio; satis est; vt putetur attritio.

Octauum dubium; An requiratur fides in eo, qui baptizatur? Resp. in adultis requiri ad consequendum vltimum effectum Baptismi, idest gratiam, & remissionem peccatorum. Probatur ex illo Marci ult. q. crediderit, & baptizatus fuerit, saluus erit. ad hanc autem fidem pariendam debet præcedere Catechismus, ex illo Matthæi ult. docete omnes gentes baptizantes eos in nomine Patris, &c. & Rom. 10. quomodo credent, nisi audierint? &c. Licet verò ad gratiæ susceptionem sit necessaria fides Catholica quoad omnia credibilia saltem implicite, tamē quoad suscipiendum Sacramentum, eiusque characterem sufficit suscipienti, vt habeat intentionē baptizandi, & suscipiendi id Sacramentum quod Ecclesia credit, etiam si alios articulos nō credat. ita D. Thom. 3. p. q. 68. art. 8. Scot. in 4. d. 5. art. 8. hoc definitum est contra Donatist. quod Baptismus hæreticorum, tam ex parte baptizantium, quàm baptizandorum hæreticorum est validus. ratio est; quia Baptismus non perficitur per iustitiam baptizantis, vel baptizandi, sed virtute Dei. cap. Baptismus. de consecr. d. 4. & nos supra docuimus, tract. 1. cap. 2. dub. 1. Fides igitur, & pœnitentia non sunt necessariæ ad recipiendum characterem.

Charactere Baptismi. hinc sequitur quod si quis adultus veniret ad Baptismum, & baptizaretur sine fide, & poenitentia, peccaret mortaliter, sed est baptizatus. & iste postea non tenetur confiteri peccata facta ante Baptismum, nisi hoc vnum, quod scilicet accessit ad Baptismum; & baptizatus tunc consequitur gratiam baptismalem.

Nonum dubium; An suscipiente Baptismum sit necessaria intentio, seu voluntas, & liber consensus suscipiendi?

Resp. Primo quod inuitus non suscipit Sacramentum Baptismi. cap. maiores. de Baptis. & est communis sententia. Si quis vero conditionaliter inuitus, sed simpliciter volens suscipit Baptismum, est validus. capite eod. sic etiam si quis metu cogatur etiam grauissimo cadente in constantem virum, valet Baptismus quoad characterem; sed qui conferunt, peccant; ita cap. maiores citato. Concil. Toletanum d. 4. can. de Iudæis; quia voluntas coacta, voluntas est. Dices, matrimonium est Sacramentum, & si coacto consensu contrahatur, non valet; ergo nec Baptismus. Resp. matrimonium non solum est Sacramentum, sed etiam est contractus; contractus vero non est contractus si interueniat iniuria cogentis; at Baptismus non est contractus, ideo sufficit ei quilibet consensus. Secundo dico si posita vi, & coactione, iste verè non consentit interius, non accipit characterem Baptismi. ita Innoc. III. definit tit. de Baptis. & eius effect. c. maiores. & cap. si ægrotantes. de consecr. d. 4. & Concil. Araus. can. 11. nam baptizari est profiteri nouam religionem, idcirco aliqua voluntas est illi necessaria. propterea Ecclesia interrogat, vis baptizari? Dices, esto requiratur consensus; qualis debet esse iste consensus; formalis, interpretatiuus, actualis, an virtualis? Resp. quod omnis talis sufficit; quia omnis talis tollit obicem contrariæ voluntatis. cap. maiores. supra cit. non tamen sufficit habitualis, ut probat Sor. in 4. d. 5. q. vnica. ar. 8. hinc sequitur malè dicere Caietanum, dum putat non requiri voluntatem positiuam in suscipiente, sed sufficere ut suspendat omnem actum. quod probat dupliciter. Primo, quia Innocentius III. cap. maiores. supra dicit; ad Baptismi vim sufficere, ut non sit obex in suscipiente; id est ut non resistat. Secundo, quia baptizari est quodam pati, sed ad passionem non requiritur actio propria; at quoniam baptizare est actus, in baptizante requiritur positua voluntas. dixi esse malam hanc Caietani opinionem, re-

nem ; requiritur enim in suscipiente voluntas vel formalis , vel interpretatiua ; formalis , per actum elicitedum manentem vel actu , vel virtute . Interpretatiua , idest quando adultus aduertit se baptizari , potest resistere , & non resistit . Probat , quia quāuis baptizari sit pati , tamen est pati humanum , idest voluntarium . Secundo , quia requiritur fides ; ac fides consistit in voluntate credentium , vt captiuetur intellectus in obsequium fidei . Obijcies . Paruulus non habet intentionem , & tamen baptizatur ; ergo intentio non est necessaria . Resp. q̄ baptizatur in fide Ecclesiæ . & vt interpretatiue credit , sic interpretatiue intendit baptizari ; vt docet Sotus in 4. d. 3. q. vnica . art. 8. & ob id adultus ipse respondet pro se quando tempore Baptismi interrogatur , vis baptizari ? Sed pro infante respondet minister Ecclesiæ . vnde August. can. cum pro paruulis . de consecr. d. 4. ait , pro paruulis alios velle ; pro adultis ipsosmet debere velle respondere . Quare ad primum Caietani Resp. Innocentius dicit , ante Baptismum requiri voluntatem , quæ si præcessit in phreneticis , possunt baptizari ; quia sacramentalis operatio non inuenit obicem . itaque requiritur voluntas præuia , quæ perseuerat saltem virtualiter . Ad secundum Resp. esse differentiam inter baptizare , & baptizari ; quia cum baptizari formaliter sit pati , non requiritur vt suscipiens dum baptizatur sit sui compos ; sed quia baptizare est agere , dum baptizat debet esse sui compos . Vtrūque verò debet esse actio , vel passio voluntaria . Tertio dico . Ex his sequitur , tres dispositiones esse necessarias in suscipientibus adultis ; vna est displicentia de peccatis , vt supra dictum est dubio 7. altera est fides , vt in dubio 8. tertia est intentio , vt in dubio 9.

Decimum dubium ; An furiosi , phrenetici , & amentes sint baptizandi ?

Resp. esse tres ordines amentium . quare ex D. Tho. 3. p. q. 68. art. 12. distinguendū est . Primus ordo est eorum , qui numq̄ fuerunt mentis compotes , fuerunt enim à natiuitate amentes , in quibus nullus vnquam apparuit vsus rationis ; & de his idem iudicium est , ac de paruulis ; sunt enim baptizandi sicut infantes in fide Ecclesiæ . Secundus ordo est illorum , qui aliquando sana mente fuerunt , sed postea insanierunt , & nunquam habuerunt lucida interualla ; de his dico primo si in sanitate mentis fuerūt in mora culpabili , (ex eorum enim negligentia non acceperūt Baptis-

Baptismum? tunc in phrenetici non possunt baptizari, quia illa culpa qua non curantur, semper persecutur: nam si seruassent legem naturae, fuissent iustificati, vel illuminati ad Baptismum. Alio dieo secundo multo minus sunt baptizandi, si cum erant mente sana, habuerunt voluntatem negativam. Tertio dico, si habuerunt voluntatem baptismi, licet cum sunt phrenetici repugnantes, possunt baptizari. Si verò de eorum voluntate dubitetur, non sunt baptizandi; quia neque sana mente in hoc dubio baptizari poterant. cap. maiores. de Baptismo. Quod si in parvulis in simili casu diximus debere presumi in favorem Baptismi, hic tamen est dispar ratio; nam in parvulis non est praesumptio de culpa, sed in adultis est praesumptio quod noluerint, cum tantum distulerint. Tertius ordo est infanorum, qui quandoque fuerunt sani, & nunc infani, sed habent lucida intervalla: de his dico primo non debent baptizari tempore infaniae propter reverentiam Sacramenti, sed expectetur lucidum intervallum, ut devotius baptizentur. quod si durante infania sit periculum mortis, tunc de eorum Baptismo iudicandum est ex ultima eorum voluntate. sed August. l. 4. confess. cap. 4. docet posse baptizari. Idem dico de dormientibus, qui non sunt baptizandi, nisi imminere periculum mortis; quo casu sunt baptizandi si in vigilia apparuerit eis voluntas suscipiendi Baptismum. Dico secundo si iste talis amentis dum est proximus morti habuit quidem ante voluntatem Baptismi, sed non habuit voluntatem relinquendi peccatum, non debet baptizari, etiam si voluerit antea Baptismum, quia frustra baptizaretur: quod si baptizetur, tenet Baptismus quoad characterem, non quoad gratiam; quia est obex; ita Scot. in 4. d. 4. q. 4. Sot. d. 5. art. ult. in fine. Dico tertio si possibile esset aliquem phreneticum esse cum solo peccato originali, & habere lucida intervalla; probabile est hunc posse baptizari si dum erat sana mente invincibiliter non potuit baptizari; quia ad peccatum originale delendum sufficit Sacramenti efficacia sine propria dispositione, quae propriè requiritur contra peccatum actuale.

Undecimum dubium; An monstrum sit baptizandum vnicè Baptismo?


Resp. cum Sylv. verb. Baptismus 3. q. 16. & Soto in 4. d. 3. o. unica. art. 9. quod cum constet vnum suppositum esse monstrumque, semel est baptizandum. quando verò fuerint duo, geminandus

est Baptismus. rarissimè verò accidit, vt sint duo, nisi essent duo integra capita, & pectorum diuisio, vt altero capite quiescente, alterum non quiescat. quando autem caput, & pectus vnum non est, etiam si ex altero vmbilico homuncio nascatur ab humeris integer, non est nisi vnum suppositum.

Duodecimum dubium; An differri possit Baptismus?

Resp. primo Tertul. l. de Baptis. propè finem, & Nazianz. in orat. in sancta lumin. dicunt differendum esse Baptismum infantium vsq; ad tempus, quo possint doceri, iuxta illud Matthæi 28. docete omnes gentes, baptizantes eos, &c. vnde subdit Nazianz. ego consulerem, ne baptizentur infantes ante triennium. tamen nunc consulit Ecclesia, vt patet ex vsu, propter multa pericula non esse differendum. glos. ex cap. venerabili. de consecr. d. 4. Angelus verb. Baptismus 4. §. 9. Armilla Sylu. & alij. vnde peccant, qui differunt sine causa, Sot. in 4. d. 3. q. vnica. art. 9. & dicit esse consuetudinem, vt octauo die baptizentur pueri; Vnde qui vltra duodecimum differt, peccat mortaliter. Ego tamen puto id etiam ex circumstantijs iudicandum esse an sit mortale, necne. certum est apud omnes, peccatum esse diutius differre. Secundo dico, adultis non statim conferendum esse Baptismum; quia his subuenitur per Baptismum in voto; & tutius est eos preparari. videndus est D. Thomas 1. p. q. 68. art. 3. Sotus supra art. 3.

De effectibus Baptismi. Cap. VI.



Primum dubium, qui sint effectus Baptismi. Respon. Multi sunt Baptismatis effectus. Primus est character, idest signum quodam, quo homo baptizatus insignitur in anima, vt cognoscatur esse de ouili. & propterea hoc Sacramentum iterari non potest. Secundus effectus est remissio peccati originalis. & licet Calvinus neget remitti Baptismo peccatum originale eo qd post Baptismum remaneat concupiscentia, quæ à Paulo ad Rom. 7. peccatum appellatur; peccatum non cognoui nisi per legem; nam concupiscentiam nesciebam, nisi lex diceret non concupisces. non enim quod volo bonum hoc facio, sed quod nolo

ma-

malum hoc ago, &c. tamen contra hunc Ecclesia decreuit concupiscentiam verè non esse peccatum, sed vocari peccatū metonymicè. Primo, quia est materia, & obiectum, cui si consensus accedat, est peccatum. sicut homicidium dicitur peccatum, non semper, sed accedente mala voluntate: sic concupiscentia accedente consensu in eam, est peccatū. Secundo dicitur peccatum eo modo, quo monstra solent dici peccata, quia sunt contra naturam; sic concupiscentia, quia est contra rationem in qua consistit natura hominis, ita ut sit malum naturale, sicut mors, non malum morale. Tertio, quia est instrumentū, quo peccatum originale transfunditur; nam mediante concupiscentia hoc peccatum transfertur ad alios, ait August. l. de fide ad Petrum; nullatenus dubites omnem hominem, qui per concubitum viri, & mulieris concipitur, in peccato originali nasci, impietati subditum, mortique subiectum, & ob hoc nasci filium iræ. Quarto dicitur peccatum eo modo, quo effectus vocatur nomine causæ, ut scriptio vocatur manus, & loquutio lingua. sic, quia fomes concupiscentiæ est effectus peccati originalis, dicitur peccatum, ait August. l. 1. de nupt. & concup. cap. 3. Quinto dicitur deniq; peccatum eo modo, quo solet vocari causa nomine effectus, sicut frigus dicitur pigrum, quia facit homines pigros; sic concupiscentia dicitur peccatum, quia impellit homines ad peccandum. Probatur nunc non esse peccatum. Primo, quia iidem motus concupiscentiæ sunt in hominibus, & brutis. nec reddi ratio potest cur in his non sint, in illis sint peccata; nisi quia in homine subsunt rationi; Ergo hi motus concupiscentiæ si in homine rationi parent, non sunt peccata. Secundo, nam quero, cur hæc concupiscentia ante consensum rationis est peccatum? dicent primo, quia est contraria naturæ; sed eodem modo ego dicerem mortem esse peccatum, quia est contraria naturæ. Secundo dicent, quia est effectus relictus post peccatum; at idem valet in morte. Tertio, quia inclinatur ad peccatū; at multa sunt quæ homines incitant ad peccata, ut multæ creaturæ factæ in muscipulam pedibus insipientium, & etiam membra nostra, quæ non sunt peccata. Quarto, quia generaliter Deus prohibuit, non concupisces. Sed ut benè notat Augustinus l. 1. de nuptijs, & concup. cap. 23. & 25. hæc scriptura debet per illam explicari. Eccles. 18. post concupiscentias tuas ne abeas. Scriptura enim testificatur

hominem fuisse relictum in manu consilij sui, sed hæc concupiscentia antecedit omne consilium. Tertius effectus Baptismi est remissio non solum originalis peccati, sed etiã actualis, quoad culpam, & quoad pœnam, quæ pro illa culpa debetur, idcirco baptizando nulla est iniungenda satisfactio pro peccatis præteritis, sed si moriantur antequam culpam committant, ad Dei visionem in regnum celorum perveniunt, ita Concil. Florentinũ in unione Armenorum. Quartus effectus Baptismi habet virtutem ferendi pœnalitatem præsentis vite, vt sunt frigora, calor, infirmitas, mors, &c. quæ sunt pœnæ peccati, quæ non delentur in hoc seculo, sed remanent ad exercitium virtutum; & idcirco virtute baptismatis feruntur à ipsis, recte etiam remanent, ne scilicet homines propter impassibilitatem huius vite, non propter gloriam accederent ad Baptismum, D. Thomas 3. p. q. 69. art. 3. Quintus effectus Baptismus licet non tollat, minuit tamẽ fomitem, idest appetitum sensitivum, qui rationi repugnat. sic fuit definitum in Concilio Vienn. cõtra Beguardos, & Beguinos, diminuitur verò, non quia Baptismus aliquid auferat de substantia potentie, idest concupiscentie, sed minuit primo, quia per gratiam impeditur concupiscentia ne tam frèquenter, & tam validè in actum prorumpat. Secundo, quia per eandem gratiam roboratur voluntas ne cõsentiatur concupiscentie motibus. Sextus effectus, per Baptismum infunditur gratia iustificans cum tribus virtutibus theologatibus fide, spe, & charitate, & donis Spiritus sancti; quibus illuminatur intellectus quantum ad cognitionẽ veritatis, & fecundatur affectus fecunditate bonorum operum per infusionem gratie; qui sunt duo peculiare actus Baptismi, D. Th. 3. p. q. 69. art. 4. & 5. Septimus effectus est apertio celi, non quia alia sacramenta idem non præsent si debite suscipiantur; sed quia hoc à Baptismo peculiari quadam ratione præstat, significata in celorum apertione, quæ facta est in Baptismo Christi Mathæi cap. 3. vbi celi aperti sunt, & vidit Spiritũ Dei descendentem sicut columbam, & venientem super ipsum, & ratio peculiaris est, Primo, quia solius Baptismi est remittere totam culpam, & pœnam, ita vt non retardetur celorum ingressus. Secundo, quia Baptismus est i aqua in statum Evangelicum, cuius proprium est aperire celum; nam ante Evangelium nemini celum aperiiebatur. Sed sunt aliqua dubia.

Secundum dubium: An hi omnes predicti effectus sint æquales in omnibus baptizatis?

Resp. D. Th. 3. p. q. 69. art. 8. q. effectus Baptismi est duplex, vnus per se, alter per accidens. effectus per se, est ad quem fuit institutus, idest ex opere operato regenerare hominem ad vitam spiritualement, & plenam remissionem culpæ, & pænæ, & infusionem gratiæ, & virtutum; & hunc effectum pueri, qui baptizantur æqualiter suscipiunt; alter effectus per accidens est ex opere operante ad quem non est institutus Baptismus, sed diuina virtus miraculosè operatur; & secundum hunc effectum, quamuis pariter omnes disponantur ad gratiam secundum ordinem diuinæ providentiæ, vt ait Sotus in 4. d. 6. q. 1. art. 6, non tamen omnes æqualiter suscipiunt adulti; nã si opus operatum inspiciamus, in hoc nulla est quæstio, q. gratia sit æqualis omnibus, si verò opus operans consideramus, gratia poterit esse inæqualis. Primo, quia sicut sunt variæ dispositiones accedentium ad Baptismum, ita etiam varij sunt gradus gratiæ. Secundo, quia ipsūmet opus operatum, vt recipitur in subiecto melius disposito, plus gratiæ confert; quia non est credibile actiua supernaturalia esse deterius conditionis, quam actiua naturalia; at hæc efficacius agunt cum inueniunt subiectum melius dispositum; ergo & illa, &c. est autem notandū, quod hæc dispositio maior, & minor, si consideretur, vt opus operans, confert maiorem, minoremve gratiam ad æqualitatem. Sed si consideratur, vt est quædam habilitas, & dispositio, confert, vt sic maiorem, minoremve gratiam secundum proportionem.

Tertium dubium: An fictio impediat effectum Baptismi?

Resp. cum D. Thom. 3. p. q. 69. art. 9. præsupponendo duo, q. duplex est fictio. Vna que repugnat Sacramento; altera que repugnat effectui Sacramenti, idest gratiæ. Secundo suppono, quod potest recipi Baptismus sine ultimo effectui, idest gratia. His positis, dico primo, q. solus defectus voluntatis, vel intentionis recipiendi Baptismum, tollit Sacramentum; quia Deus nōinem ad iusticiam cogit. Secundo dico, quod complacentia peccati mortalis, vel defectus doloris præteriti peccati mortalis, impedit effectus Sacramenti, non autem Sacramentū; imprimitur enī in character, & infunditur fides informis, idest fides sine gratia; ita Sotus in 4. d. 6. q. 1. art. 7.

Quar-

Quartum dubium; An recedente fictione Baptismus foretatur suum effectum?

Resp. affirmatiue sicut lapis statim ac generatur, mouetur deorsum, nisi impediatur; at remoto impedimento statim cadit. similiter, qui baptizatur sine contritione suscipit characterem quasi formam Baptismi, & ideo gratiam susceperet, nisi impediret fictio illa; Ergo per penitentiam sublata, recipitur gratia. Vbi nota, quod character non confert gratiam efficienter, sed moraliter; quatenus scilicet non confert illi gratiam, nisi recedente fictione. nam merita Christi, & Baptismi, manent per characterem in acceptione diuina; & ratione illius meriti confertur gratia recedente fictione, que debet conferri in Baptismo ratione illius meriti, quod per Baptismum applicabatur.

De caremonijs, et ritibus Baptismi.

Cap. VII.



Primum dubium, quo tempore Baptismus Christi fuit institutus, & quo tempore cepit obligare?

Resp. fuit institutus ante passionem, & mortem Christi. probatur ex illo Ioannis 3: nisi quis renatus fuerit ex aqua, & Spiritu sancto, &c. quo loco Christum loqui de Baptismo suo constat primo ex virtute talis Baptismi, quia dat Spiritum sanctum. Secundo constat ex effectu dandi scilicet vitam eternam. Cœpit autem post mortem Christi obligare sub præcepto. quidam enim formaliter obligabantur; alij virtualiter; alij neutro modo ante Pentecosten. aliter enim iudicandum est de Gentilibus, aliter de Iudæis. Iudæis Christus sufficiens promulgauerat legem Baptismi; quare omnes obligabantur ad Baptismum post mortem Christi, quidam tamē formaliter, quidam virtualiter. formaliter, qui actū acceperunt noticiam Baptismi; virtualiter alij; idest non tunc incipiebat eos obligare Baptismus, sed quasi in virtute; idest cum peruenisset ad eos notitia legis. Gentilibus Christus legem Baptismi non prædicauit; quare hi non obligabantur; sed post Pentecosten

receptum missio Spiritu sancto in Apostolos, cepit fieri vniuersalis promulgatio ad gentes; & tunc coepere obligari, cum hac differentia; nam quidam Gentiles erant in Iudæa, & hi obligabantur cum viderunt signa Apostolorum. alij erant in suis prouincijs, & horum obligatio cepit post factam Apostolorum diuersionem in prouincias.

Secundū dubiū, quæ preparatoria requirantur in Baptismo.

Resp. duo præcipue requiri, Catechismus, & Exorcismus. Primo requiritur Catechismus, idest Fidei instructio, probatur ex traditione Apostolorum, semper enim adulti in religionem sunt instituendi ante Baptismum, & qui instruebantur dicti sunt Catechumeni, & nunc etiam sic dicuntur, vt patet ex Dionys. Eccles. Hierar. cap. 1. & 1. & Iustin. q. 56. ad Orthod. Tertull. l. 1. de Bapt. & alijs. Vnde Dominus Matth. cap. 23. docere (inquit) omnes, baptizantes eos in nomine Patris, &c. & patet ex cap. ante Baptismum, de consecr. d. 4. Secundo Catechismus solemniter conuenienter debet præcedere Baptismum; quia in baptizando requiruntur ea, quæ sunt de necessitate fidei, quæ sunt tria; scilicet fidei susceptio, professio, & observatio, & propter hoc institutus est Catechismus, quia in eo fit institutio ad fidei suspensionem, & professionem, & fidei promissio, ad observationem; quæ ab adulto per seipsum, in infante requiritur per uicarium, idest patrinum; Paludan. in 4. d. 6. Sylu. verba Catechismus. q. 4. Tercio ex Catechismo solemniter qui fit a sacerdote antequam baptizet; Nauar. cap. 22. num. 4. Dices, An abrenunciatio, quæ fit in Baptismo sit votum? Resp. secundū probabilem opinionem, non esse votum propriè scriptum, ad proinde non inducere novam obligationem distinctam à præcepto, Victoria. q. 38. Secundo requiritur Exorcismus, est n. exorcizare, per diuina verba adiurando spiritum immundum expellere. Conuenienter autem Exorcismi Baptismum præcedunt, quibus Demones expelluntur, ne baptizandi salutem impendant. probatur ex traditione Apostoli, cuius meminit Dionys. Eccles. Hier. cap. 1. & ex cap. siue paruuli. de consecr. d. 4. Sot. d. 6. in 4. q. 2. D. Thom. 2. 2. q. 71. art. 2. & seq. Tres autem sunt Exorcismi effectus. Primus certus, ac ferè infallibilis est impedire Demones ne salutem baptizandi impendant. habent enim Demones potestatem supra infantem, ratione peccati originalis; & ideo sacerdos imponit manus, quasi excludendo

viam

viam ne reuertantur. Secundo expellere Dæmones. hoc pro
 reus est expedit utque animæ. Tertius est preparare sensus
 ad perficiendum legem Dei. His infertur quod in Baptismo
 non solum significatur sed et efficitur operantur istos effectus
 virtutis diuinæ, nec tamen sunt sacramenta, quia non suffici-
 unt; sed sunt sacramentalia, quia disponunt animam ad sã-
 crificacionem. Alios apertius Baptismus exponere non
 est necesse. illud autem in vniuersum dicam, illos esse de præ-
 cepto; ac ideo non esse prætermittendos. quare cū Baptismus
 in necessitate cõsistat sine dictis ritibus, sunt postea supplendi
 in ritibus propriis Ecclesiæ ritus. exp. sicut non de consecr. d. 40
 Nauas cap. 1. in qm. 6. De Thom. 3. p. q. 7. r. Sylu. verb. Bapt. 5.
 118. & alios. Duplex igitur est in Baptismo sollemnitas, vna an-
 te Baptismum, Catechismus, & Exorcismus, altera post Bap-
 tismum. Vntio. Catechismus in facipite, vestis candida & can-
 dela accensa in manibus istar sollemnitates nõ sunt necessarię
 unde qui baptizantur, sint his sollemnitatibus, & postea mori-
 tur, non refert. Quando vero Baptismus fit sine istis solenni-
 tatibus, non debet reperi Baptismus, sed supplendi sunt solenni-
 tates, quæ merito adhibentur. Primo propter reuerentiam
 Sacramenti. Secundo propter deuotionem astantium, & ipsius
 baptizandi quando est adultus. Tertiõ ad erudicionem ru-
 dium; quia istis sollemnitatibus manifestantur effectus Baptis-
 mi. Quarto propter vtilitatem; nam hæ ceremoniæ sunt velles,
 & habent efficaciam quandam; nam Catechismus est instru-
 ctio fidelium, vt supra dictum est; Baptismus enim debet cre-
 dere, vt suscipiat effectum Baptismi; quare præmittitur
 confessio fidei. Exorcismus est ad repellendam potestatem
 Dæmonis. Vntio facipitis significat quod habet ius, & tim-
 lum regni celestis. Induitur veste candida, ad significandam
 innocentiam. datur candela accensa, ad significandam fidem,
 quæ debet operari, & permanere in illo, vt luceat lux eius co-
 ram hominibus, & videant opera sua bona.



De necessitate Baptismi. Cap. VIII.



Primum dubium. Qualis est Baptismi necessitas? Resp. primo. Duplex est necessitas, necessitas medij, & necessitas finis. Necessitas medij est, sine quo non potest haberi finis, etiam si de habendo fine non sit præceptum, & nomine finis hic intelligitur non solum gloria, sed etiam gratia. & hoc modo (ut omnes sentiunt) paruulis est necessarius Baptismus, quia hi non sunt capaces præcepti, & tamen egent aliquo medio ad salutem. Secunda necessitas est præcepti, & sic illud est necessarium sine quo quando materia præcepti non occurrit, haberi potest finis, idest gratia, sed posita materia præcepti, est necesse illud opus exequi; sic est necesse ieiunare in Quadragesima. at ieiunare simpliciter, non est necessarium necessitate finis. Secundo dico, quicquid est necessarium necessitate medij, & per nostram cooperationem potest acquiri saltem dispositiue, est etiam necessarium necessitate præcepti, ut in paruulis non est necessarium ex præcepto gratiam acquirere; at in adultis quoniam possunt per propriam cooperationem acquirere, necessarium est. Ratio est, quia lex naturæ præcipit omnibus ut accipiant illa media, quæ sunt necessaria ad vltimum finem. Dico tertio, Baptismus est necessarius vtraque necessitate, maxime in adultis. Probatur de necessitate medij; quia hoc ipso quod nascimur in peccato originali, quod non potest remitti sine Baptismo, fit, ut Baptismus sit medium necessarium ad delendum peccatum originale, saltem in voto. Probatur de necessitate præcepti, quia necessitas præcepti est, cum aliquis positus in gratia Dei, tenetur ad aliquid faciendum; sed possunt aliqui habentes gratiam Dei, esse obnoxij legi Baptismi; ergo &c. Probatur minor, quia constat in Ecclesia Catechumenos quamuis iustificatos per desiderium Baptismi, adhuc tamen teneri ad Baptismum. Præterea, quia Act. 2. Iudæi compuncti sunt corde, ex prædicatione Petri, & iustificati, iubentur baptizari. Præterea, quia Act. 9. Paulus prostratus ex equo, dixit, *Domine quid vis me facere?* ex quo iustificatus fuit, & tamen mittitur ad Baptismum. Præterea Act. 10. Cornelij opera dicuntur placere Deo ante Baptismum.

ex quo colligitur illum fuisse iustificatum, *Orationes tuae, & elemosynae tuae ascenderunt in memoriam in conspectu Dei*, dixit illi Angelus; & tamen ad eum mittitur Petrus ut eum baptizet. Præterea, quia in Baptismo fit publica professio Christianæ religionis; fit visibilis incorporatio cum visibili Ecclesiâ; & est configuratio cum morte Christi; & professio Fidei Christianæ; quæ omnia sub præcepto cadunt. Ultimo, quia quicquid est necessarium necessitate mediæ, si per nos adimpleri potest; est etiam necessarium necessitate præcepti; & quia Baptismus per nos exequi potest, ideo &c. Dices, An huic duplici necessitati possit aliter satisfieri, quàm per Baptismum aquæ? Resp. huic duplici necessitati triplici Baptismo satisfieri posse; fluminis, fluminis, & sanguinis; ut dictum est supra tract. 2. cap. 2. dub. 9.

Secundum dubium, An Apostoli sint baptizati? Resp. hoc fuit valdè controuersum inter sanctos. sed quoniam hæc quæstio potius historica est, quàm theologica, ideo videndus est Tertullianus libro de Baptis. Chrysost. hom. 7. in Act. 1. August. 1. 3. de Ang. & orig. cor. c. 9. & ep. 108. Hieron. ep. ad Eubianum. q. 9. Chrysostomus ait illos accepisse aquam à Ioanne; & Spiritum sanctum in die Pentecostes.

Tertium dubium, hoc præceptum Baptismi quo tempore obligat? Resp. primo, Ecclesia habet potestatem obligandi ad Baptismum non baptizatos statim temporibus; quia si quid obstar, esset, quia non baptizati non sunt Christiani; & ideo non subiecti Ecclesiæ; at hoc non obstat, primo, quia Catechumeni incipiunt se subijcere Ecclesiæ sponte. Secundo, quia Baptismus præcipitur ea lege, quæ omnes obligat, etiâ infideles, *Nisi quis baptizatus fuerit aqua, & Spiritu sancto, non introibit in regnum celorum*, Ioan. 3. ergo potuit Christus statuere quadam tempora. Dico secundo, probabilissimum est iure diuino fuisse statutum quodam tempus, quod si transeat, peccetur mortaliter. hoc tempus est in adultis post sufficientem instructionem, post aliquam exercitationem in bonis operibus proprijs Christiani. his peractis, si sine rationabili causa differatur, peccatur mortaliter. Probatur primo ex sanctis Patribus Basil. Nazianz. Nyss. & Chrysost. in suis homilijs de Baptismo; ubi reprehendunt acerrimè eos, qui Baptismum differebant. neque profertur ius ecclesiasticum, ergo est ius diuinum. Confirmatur, quia

quia multa Concilia, & Patres dixerunt, Catechumenos sine Baptismo mortuos, damnari. Secundo, quia necessitas Baptismi est maxima inter omnes necessitates; quia est susceptio novae religionis, & est incorporatio cum Ecclesia, & cum Christo; & est inchoatio vitae spiritualis. Demum, quia postquam est Christianus, habet multa auxilia contra Daemonem. Dices, multi sancti viri distulerunt Baptismum per multos annos, ut D. Ambrosius, Sanctus Martinus, Constantinus, & alij. Resp. horum qui differebant Baptismum, quosdam non debere excusari, quia reprehenduntur à Patribus; quosdam autem excusari à pia quadam reverentia ad Baptismum, ad quem volebant accedere nisi cum omnibus virtutibus; quae tamen reverentia est admiranda, non imitanda.



TRACTATUS TERTIVS

De Sacramento Confirmationis.



INTER Sacramenta secundum locum obtinet Confirmatio. Vocatur autem hoc Sacramentum manuum impositio; *Tunc imponebant manus super illos, & accipiebant Spiritum sanctum.* Et cum imposuisset illis manus Paulus, venit Spiritus sanctus super eos. Act. 8. & 19. Secundo dicitur perfectio; Eccles. Hierar. cap. 3. Ambr. l. 3. de Sacram. cap. 2. Tertio dicitur *σφραγίς* græcè, idest signaculum; Ambr. l. 3. de Sacram. Quarto dicitur Chrisma, idest unctio; August. l. 2. contra liter. Petil. 104. Tertull. l. de Baptif. Hierony. contra Lucifer. Cyprian. de Cœna Dom. Quinto dicitur Confirmatio; quo nomine primum usus est Melchiades Papa, de confirm. d. 5. & sic nunc dicitur apud omnes. Sexto dicitur Unguentum; Ambros. l. de his qui myster. 6. & Eccles. Hierar. cap. 4. Agunt de hac re Doctores in 4. d. 7. D. Thom. in addit. q. 72.

Dicam de hoc Sacramento nonnulla scitu digniora, Primo de eius essentia. Secundo de materia. Tertio de forma. Quarto de fine, seu effectu. Quinto de ministro. Sexto de suscipiente. Septimo de ritu.

Quid sit Confirmatio. et, An sit Sacramentum. Cap. 1.



Ubi unicum. quid sit Confirmatio. &, an sit Sacramentum.

Resp. Confirmatio sic posset describi. Est unctio Chriftatis in fronte, facta ab Episcopo sub certa forma verborum. Esse autem Sacramentum probatur ex Concilio Flor. & Trid.

Trid. sess. 7. cap. 1. de Sacram. vñtionis. & de consecr. d. 3. per multa capita. & est propositio de fide. videndus est Soc. in 4. d. 7. q. 1. ar. 15. Negat Calvinus in sua institut. cap. 19. tempore Apostolorum fuisse hoc Sacramentum, sed illam manuum impositionem fuisse cœremoniam, qua baptizatum offerebant Deo. Post Apostolos doctores pueris manus imponebant ante usum rationis; nam cum pueri recitassent quandam catechesim ante Episcopum, ne ita frigidi discederent, Episcopi illis in signum benevolentiz manus imponebant. hunc autem actum post 400. annos creditum est esse Sacramentum; sed non est Sacramentum, ait Calvinus, & probat. primo, quia illud factum Christi, vel Apostolorum, fuit temporale, vel personale, quia fiebant hæc pro tempore quo Spiritus sanctus visibiliter descendebat; ergo id in perpetuum ritum non debet trahi; sicut neque obumbratio Petri, aut incubatio super mortuos. Secundo, quia nullam est verbum Dei, quo per impositionem manuum gratia promittatur, sed hic per manuum impositionem promittitur gratia; ergo non est Sacramentum. Tertio, in Baptismo replemur Spiritu sancto, ergo frustra datur augmentum Spiritus sancti in Chrismate. Quarto, quia non sanctificabat homines, dabatur enim ad gratias linguarum, vel prophetia, quæ nõ sunt gratia iustificans, sed gratis data, illa verò dona iam cessarunt. Quinto, in scriptura non reperitur esse institutum à Christo; ergo &c. Sexto, August. l. 3. de doctr. Christ. cap. 9. & ep. 118. ponit inter Sacramenta Baptismum tantum, & Eucharistiam; ergo &c. Confirmatur; quia l. 3. contra Donatist. ait, impositionem manuum nihil esse aliud quàm orationem, & posse iterari; ergo non est Sacramentum.

Dico primo, hanc sacram Chrismatis vñtionem esse Sacramentum, est de fide; vt probatum est supra ex Concilio Flor. & Trid. & alijs locis cit. quare illa manuum impositio quam vsurpabant Apostoli, & sancti Patres, non erat vel professio Fidei, vel oblatio aliqua Deo, sed cœremonia ad dandũ Spiritum sanctum. Probatur primo, quia Calvinus contrarium non probat ex verbo Dei. Secundo, illa professio, vel manuum impositio quam dicit Calvinus fuisse cœremoniam, qua baptizatum offerebant Deo, fiebat in Baptismo, vt ait Dionys. Eccl. Hierarchia cap. 2. sed quia Baptismus est oblatio in Deum, ergo illa impositio aliò tendebat in Confirmatione. Confirmatur ex Hieron. l. con-

contra Lucifer. Basil. l. de Spiritu sancto cap. 11. Ambr. l. 1. de Sacram. cap. 2. & l. 1. cap. 7. Cypr. l. de duplici martyrio; qui varijs modis explicant in Baptismo nos offerri Deo, vouere, iurare, facere chirographum, &c. Tertio, si esset nuda ceremonia, tur ergo reservata est Episcopis, cum posset magis quam Baptifinus à presbyteris exerceri? de Episcopis patet Act. 8. ubi non confirmavit Philippus Samaritanos, sed missi sunt Petrus, & Ioannes, *Cum audiuissent Apostoli qui erant Hierosolymis quod recepisset Samaria verbum Dei, miserant ad eos Petrum, & Ioannem, qui cum venissent, orauerunt pro ipsis ut acciperent Spiritum sanctum, nondum enim in quenquam illorum venerat, sed baptizati tantum erant in nomine Domini Iesu. tunc imponebant manus super illos, & accipiebant Spiritum sanctum.* & Act. 19. alij baptizant duodecim viros, Paulus verò confirmat. Quarto, quia impositio manuum causat aduentum Spiritus sancti, Act. 8. *imponebant manus super illos, & accipiebant Spiritum sanctum, quem ante impositionem non habebat.* Confirmatur ex Simone, Act. 8. qui cum vidisset quia per impositionem manus Apostolorum daretur Spiritus sanctus, obrulit eis pecuniam, &c. & Act. 19. *Cum Paulus manus illis imposuisset, venit Spiritus sanctus super eos, & loquebantur linguis, & prophetabant, &c.* Quinto, non valet, tunc fuit ideo instituta hæc ceremonia ut daretur Spiritus sanctus visibiliter, ergo nunc cessat; nam Baptismus etiam nunc restat, & tamen in sui institutione datus est Spiritus sanctus visibiliter in columna in Baptismo Christi. Confirmatur ex Aug. l. 3. contra Donatistas cap. 16. & Ambr. l. 1. cap. 3. ideo tunc dabatur visibiliter, ut Ecclesia crederet, & conuerteretur, quod nunc non est necesse. Confirmatur secundo, quia Sacramentum ut sic, est signum rei inuisibilis. Sexto, infantes qui non poterunt loqui, etiam confirmabantur, ut probat Hugo l. 3. p. 3. cap. 7. Aug. l. de eccl. dogm. cap. 52. & in Pontificali Romano habetur confirmatio paruulorum. at Eucharistia ex Eccl. Hierar. cap. vlt. dabatur infantibus. ex cap. autem 2. & 3. non dabatur illis nisi post Christma; ergo tunc temporis erat Sacramentum.

Dico secundo, Spiritus sanctus impositione manuum non solum dabatur ad gratias gratis datas, sed etiam ad priuatam sanctitatem. Probatur primo ex Patribus dicentibus dari septiformem spiritum, & perfectionem Christianam. Clem. Rom.


ep. 5. ad suos discipulos. Cyrill. Cateches. lib. 4. Urbanus ep. 4. ad omnes fideles. Secundo ex Patribus dicentibus, dari sanctitatem. Cypr. ser. post eam Domini. & l. 2. ep. 1. Dionys. Eccl. Hierar. cap. 3. Aug. l. 7. contra lit. Petil. cap. 104. & l. 3. de Bapt. contra Donat. cap. 16. Tertio ex Patribus dicentibus, armaque ut possint pugnare contra Demones. Tertull. l. de præscept. hær. Raban. l. 1. de institut. hær. cap. 30. Eusebius Emyfs. ser. de festo Pentecost. Ambr. fusè l. 1. de Sacram. cap. 2. & l. 2. cap. ult. Cypr. ser. post eam Domini. Dionys. Eccl. Hierar. cap. 2. & ult. Exstat etiam Ordo Rom. qui creditur editus à Stephano Papa sub tempore Caroli Magni, ubi citat Ambrosium. Quarto, exemplo Christi uncti ut esset Sacerdos, ita & nos ut simus Sacerdotes, quod fit per gratiam. Cypr. sup. Dionys. Eccl. Hierar. cap. 3. & 4. Ambr. l. 1. de Sacram. cap. 3. Quinto, ex Patribus dicentibus infundi dona Spiritus sancti, & virtutes. Ambr. l. 3. de Sacram. cap. 2. Ordo Rom. Cypr. Rabb. Urban. & alij supra citati. & habetur d. 5. de consec. & ibid. allegat Gregor. in Cant. cap. 2. Sexto, Chrisma comparatur cum Baptismo quoad gratiam. Tertull. de consec. olei, c. 2. Caro ungitur, ut anima sanctetur, &c. August. l. contra epist. Petil. cap. 104. Septimo, ex scripturis, ad idem datur nobis Spiritus sanctus, ad quod Apostolis fuit promissus, & exhibitus. Cypr. l. 2. ep. 1. Hieron. contra Luciferianon. at Apostolis fuerunt communicatæ gratiæ gratis datæ, & præterea gratum facientes, Luc. ult. *donec induamini virtute ex alto.* & Act. 6. *Stephanus plenus gratia, & Spiritu sancto.* ergo &c.

Dico tertio, impositio manuum, quibus dabatur Spiritus sanctus, est ritus vniuersalis in Ecclesia, & verum Sacramentum. Probatur, quia (etiam Caluino teste) Sacramentum est cœremonia externa diuinitus instituta cum promissione gratiæ; sed impositio manuum est huiusmodi, ut probatum est; ergo &c.

Ad primum igitur argumentum resp. Temporales quidem fuisse illas gratias, sed ritum, & cœremoniā illam perpetuò fuisse à Patribus vsurpatas. Ad secundum dictum est in secunda conclusione. Ad tertium resp. in Baptismo datur gratiæ plenitudo quoad generationem. in Confirmatione quoad augmentum, ut patet etiam in augmentatione viuētis. Ad quartum resp. non fuisse solum gratias gratis datas, sed etiam iustificantes, & gratum facientes. Ad quintum, omnes consentiūt fuisse

fuisse institutum à Christo principaliter; & est de fide: quia iacere fundamenta Principis est; Sacramenta verò sunt fundamenta Christianæ religionis; & est definitum in Flor. & Tridentino. tamen ex D. Tho. Christus non exhibuit hoc Sacramentum; sed promisit, promittendo Spiritum sanctum Apostolis. Sed alijs magis placet quòd Christus ipse exhibuit, ex Cypr. ser. post cœnam Dom. Christus post pedum lotionem confecit Chrisma, & tradidit Apostolis. & hoc habemus ex traditione. ideo in die Cœnz Domini solet in Ecclesia consecrari Chrisma. Ad sextum resp. quòd Augustinus dicit, quòd Baptismus, & Eucharistia, & si quid est aliud in Catholica Ecclesia commendatur. Ad Confirmationem resp. aliqui dicunt Augustinum dubitasse an per Chrisma inferretur character, ideo an sit Sacramentum irreiterabile. Alij dicunt Augustinum non loqui de impositione manuum, quæ sit in Confirmatione; sed reconciliatoria ad Ecclesiam; erat enim mos in Ecclesia, vt qui redirent ad Ecclesiam, reconciliarentur per manuum impositionem. Cypr. l. 2. ep. 1. ait, hæreticis resipiscenribus imponuntur manus. Aug. l. contra Donatist. c. 3. reconciliabatur hæretici per manus impositionem. Leo ep. 79. & ep. 35. c. 2. hæc reconciliatio porro erat Sacramentum Pœnitentiæ, sed publicum. Conc. Carthag. 3. c. 2. Hæc autem manuum impositio qua hæretici reconciliabantur, non erat Sacramentum Chrismatici; Aug. Eccl. dogm. c. 42. Si hæretici (ait) redeunt ad Ecclesiam, & sunt adulti, reconcilientur per manuum impositionem. si paruuli, accipiant impositionem manuum, & Chrisma. Conc. 2. Hispan. cap. 7. sub Honorio, non licet nisi Episcopis per impositionem manuum tradere Spiritum sanctum hæreticis conuersis, nec conficere Chrisma.

De materia Confirmationis. Cap. II.



Ico materiam Confirmationis esse Chrisma cōfectum ex oleo, & balsamo per Episcopum benedicto; & in fronte apponitur. habetur c. 5. de Sacram. vnctionis. ex Concil. Flor. in bulla Armen. & Trid. sess. 7. cap. 2. vbi decernit hoc Sacramentum esse quodam Chrisma. Probat-
 tur ex epist. Fabian. ad Episcopos Orientales.
 & Dionys. Eccles. Hierarc. cap. 4. Tertull. de resurr. carn. & l. de Baptismo.

Baptismo. Cypr. serm. post Cœnam Domini; in Chrismate (ait) miscetur oleum, & balsamum. Greg. cap. 2. in Cant. dicit materiam esse oleum, & balsamum. Cyrill. catech. myst. c. 3. nos vngi oleo in hoc Sacramento. Isid. l. 2. offic. eccl. c. 25. *Vnctio (dicit) emanavit a Moyse, qui unxit Aaron, deinde Reges; sed postquam Christus unctus est oleo letitiæ, nos etiam unguimur.* Oleum autem in hoc Sacramento significat nitorem conscientie; balsamum verò odorem bonæ famæ. Sed hic est

Primum dubium, videtur enim materia Chrismatis esse manuum impositio; nam ita colligitur ex Act. c. 8. *Tunc imponebant Apostoli manus super illos, & accipiebant Spiritum sanctum,* & cap. 9. *Imponens manus Ananias super Saulum, repletus est Saulus Spiritu sancto.* Resp. Apostolos accepisse effectū Chrismatis in linguis sine Sacramento. Contulisse verò per manus impositionem sine vñctione; quia tunc dabatur Spiritus visibiliter. Demum cum viderent Ecclesiam esse confirmatam, & non dari Spiritum sanctum visibiliter, ex communi sensu Ecclesie adiecerunt vñctionem. Aliqui dicunt Christum docuisse ut vterentur manuum impositione pro tempore quo debebat dari Spiritus sanctus. Paludanus ait Christum docuisse absolute signare, & ungere; sed Apostoli interim ex instinctu Spiritus sancti propter incommoditatem vsi sunt manuum impositione. & hæc opinio est valde probabilis.

Secundum dubium. An sufficiat oleum sine balsamo, ita ut balsamum non sit necessarium? Resp. primo; balsamum esse necessarium necessitate præcepti, ut patet ex c. 5. de Sacram. Vñctionis. & ex Conc. Flor. citato, & c. nouissimè. de consecr. d. 5. & c. 1. de Sacram. non iter. & ex ritu Ecclesie. Secundo oleo non esse necessarium necessitate Sacramenti, ut tenet probabilior opinio, & probatur ex c. pastoralis. de Sacram. non iterandis. ubi interrogatus Innocent. III. quid esset agendum de quodam confirmato oleo tantum? Respondit, non esse iterandum, sed cautè supplendum si quid deesset; ergo si illud fuit Sacramentum sine balsamo, certum est balsamum non esse de necessitate Sacramenti. hanc opinionem tenet Caiet. 3. p. q. 72. ar. 2. Sot. d. 7. q. 5. ar. 2. Couar. l. 1. var. res. fol. c. 10. nu. 4. Victor. q. 1. Inn. & Host. c. vñctio. de Sacram. Vñct. Sylu. Confir. q. 1. Oleum igitur oliuarum est essentiale huic Sacramento, balsamum verò est accidentarium. dixi [oliuarum] quia oleum simpliciter stat pro oleo ex

P oliuis.

oliuis. Confirmatur, quia Innocent. supracitatus ait, aliud esse oleum infirmorum, & Catechumenorū, aliud oleum mistum ex balsamo; & vocatur Chrisma. Item patet balsamum non esse essentiale; quia Dionys. eccl. hier. c. 4. non meminit balsami. Item, quia hoc Sacramentum esset incertum ne adulteraretur, quia balsamum saepe adulteratur. Postremo, quia balsamum est rarissimum; nascitur enim in quibusdam hortis vnius provincie Indiae. & licet non sit tantæ necessitatis hoc Sacramentum, tamen non debuit dari materia tam difficilis; est enim balsamum arbuscula quædam vni terrarum Iudeæ quondam concessa, viti similior, quàm myrto. feritur malleolis vt vitis, & colles implet vinearum modo: sustinens sese sine adminiculis. intra tertium annum est fructifera.

Tertium dubium. An Chrisma, seu materia Confirmationis de necessitate Sacramenti debeat ab Episcopo consecrari? Resp. affirmatiuè ex communi sententia. patet ex cap. vnico de Sacram. Vnct. ex Conc. Flor. in bulla Armen. in Conc. Rom. c. 5. in Hispal. 2. c. 7. in Conc. Tolet. c. 7. in Carthag. c. 3. & est de fide. Probatum primo ex Dionys. eccl. hier. c. 3. & 5. ex Greg. in Cât. 1. in illo: In vineis Engaddi &c. Cyr. in Catech. myst. 3. Leo. ep. 88. Aug. l. 5. contra Donat. c. 19. & 20. Cypr. ser. post eor̃a Dom. & l. 2. ep. 1. Bed. in Act. 8. Sot. in 4. d. 7. q. 5. ar. 7. Victor. q. 42. & 43. Secundo probatur ex congruentia; quia omne Sacramentū est instrumentum Verbi incarnati ad salutē nobis afferendam; instrumentum autem accipit à principali agente formam, & motionem cum ad opus applicatur; ita hoc Sacramentum accipit à Deo per suum ministrum formam. sc. consecrationem. & cum adhibetur ad confirmandum, proferuntur verba forme per quæ consecratur eadem materia. Dices; eadem ratione necessario benedicendam esse aquam Baptismi, & panem, ac vinum Eucharistiae. Resp. ex D. Th. Riccar. & Scot. quòd quoniā Christus non legitur tetigisse oleum, aut benedixisse, ideo cōsecratur; sed aquam, panem, ac vinum tetigit ipse, & benedixit, ideo non sunt amplius benedicenda. Sed contra (ait Durand.) quia aqua Baptismi non deberet benedici ne fieret Christo iniuria. Resp. non benedici aquam vt sanctificetur ipsa, sed magis ad nostram pietatem, vt ea religiosè vtamur.

Quartum dubium. Si quis oleo infirmorum confirmaretur, an esset Sacramentum? Resp. Palud. q. teneret; sed peccaret qui

sic vteretur. Probatum; quia c. pastoralis de Sacram. non iter. per solum oleum tenet Sacramentum Confirmationis; at Ecclesia nunquā benedicit solum oleum benedictione Chrismatis; quare illud oleum fuit oleum infirmorum. Hinc patet olei vntionem esse de essentia Sacramenti; non autem Chrisma. balsamum enim est pars integralis, non essentialis, ut dictum est supra dubio 3.

Quintum dubium. An simplex Sacerdos possit benedicere Chrisma? Respondet Caiet. posse; quia potest Eucharistiam; ergo &c. sed ego dico; opinionem Caietani esse parum tutam; nam Pontifices dicūt solos Episcopos id posse facere, & semper Episcopi soli fecerunt. Dices, Episcopus facit licitè, Sacerdos illicitè, sed validè. Contra, quia hoc esset petuere omnia Sacramenta. Secundo, quia Eusebius d. 7. can. magnus. decernit quod si presbyter tentet confirmare, non confirmat; sed magis est consecrare materiam validè, quā illam tradere in Sacramentum, quia Diaconus non potest consecrare Eucharistiam; sed potest tradere; ergo &c. Dices, An saltem possit Pontifex dispensare ut Sacerdos consecret Chrisma? Resp. cū Caiet. posse; nam Conc. Flor. in bulla dicit, id nunquam esse factum; sed non prohibet ne fiat. 2. dist. 6. can. 26. c. presbyter, etiam id prohibetur presbyteris ne vnquam consecrent, sed non dicitur non posse id facere. Tercio, quod verò Conc. Tolet. 8. dicitur, diuinam auctoritatem decreuisse, ut soli Episcopi consecrarent; diuinam auctoritatem appellat auctoritatem Episcoporum, quia à Deo.

De forma Confirmationis. Cap. III.



Forma Confirmationis est hæc. *Consigno te signo Crucis, & confirmo te Chrysma salutis, in nomine Patris, & Filij, & Spiritus sancti, amen.* & habetur in Conc. Flor. & in Pontificali Rom. & vsu Ecclesiæ. & non est mentio à quo sit tradita. Cum huius formæ prolatione debet concurrere vntio; sicut & de Baptismo dictum est. D. Th. 3. p. 2. q. 72. ar. 4.

Additur autem confessio Fidei Trinitatis, in nomine Patris, &c. quia Sacramenta sunt Fidei professio. Hoc Sacramento confirmatus, fit Christi miles.

ad constanter confitendum eum, & fortiter pugnandum contra eius inimicos. c. 1. de consec. d. 1. & ita signatur cruce, quod est signum sui Ducis; Conc. Trid. sess. 7. de Confirm. Circa hanc formam dici possunt quæ diximus de forma Baptismi quoad mutationem, &c. tract. 1. cap. 1. dub. 7. Probatur hanc esse formam huius Sacramenti. Primo, quia sunt aliqua vestigia huius formæ in Patribus. Ambros. l. 1. de his, qui myst. initiant. cap. 7. *Signauerit te Deus Pater; confirmet te Christus Dominus, Spiritus sanctus unget te.* & l. de Sacram. ait, *dici signat.* quia signo Crucis consignamus. August. tract. 18. in Ioan. Ambr. l. 3. de Sacram. Clem. in ep. ad suos discipulos ponit consignare, & confirmare. Dionys. eccl. hier. c. 2. *Deifico unguento bibebeba virum consignat.* & alij. Secundo, quia in hac forma exprimitur principalis auctor. i. Trin. tas. minister. s. ego. materia. s. Chrismate. effectus. s. salutis. & character. i. configno. Et est notandum, signum Crucis esse de essentia Sacramenti, quia exprimitur in forma. Stephan. id. 23. de consec. c. cum quid debet enim explicari vexillum quo signamur.

Primum dubium. Cur hæc forma non est in scriptura? Resp. sufficit traditio. cur autem non sit scripta ab Apostolis, potest esse ratio, ne vulgaretur, & esset ludibrio profanis.

Secundum dubium. An hæc forma sit de iure diuino? Resp. prima opinio est Bonal in 4. d. 24. ar. 1. q. 4. & d. 23. ar. 1. q. 4. ad 1. Halens. 3. p. q. 9. ar. 2. §. 3. quod illæ tantum formæ sunt de iure diuino, & immutabiles, quas Christus suo ore protulit, vt Baptismi, & Eucharistiæ; in alijs verò possunt esse aliæ formæ, quia Christus nō instituit eas, sed reliquit potestatem Ecclesiæ. hoc dicunt de Vngione, & Ordine. huius Sententiæ sunt etiam Riccar. d. 23. Palud. Gabr. & Durandus. Secunda opinio est D. Thomæ, & recentiorum, esse de iure diuino; quare si ponantur alia verba, esse irrita.


Dico primo, in his Sacramentis in quibus nullam legimus variationem, standum est vñi Ecclesiæ; & credendum est ab Apostolis manasse, qui multa acceperunt à Christo, quæ non sunt in scripturis. Innoc. iij. de celeb. Miss. c. cum mater. Secundo dico, si constaret euidenter factam fuisse mutationem essentialem in Ecclesijs, præsertim in Romana circa formam, probabile esset quod aiunt Bonau. & Halens. quia nō est credendum tanto tempore Ecclesiam errasse. Et quando Concilia dicunt Sacramenta

fuisse

fuisse instituta à Christo, intelligi debent de effectu Sacramenti & de materia, ac forma vniuersali, idest vtrimini quibuscumque verbis, & ego ea rara habeo. Tertio dico, Formam Confirmationis esse huius secundi ordinis, si credatur nonnullis auctoribus. Ambr. l. 1. de Sacram. c. ult. post Baptismum venisti ad Sacerdotem, & dixit; *Deus omnipotens qui te regenerauit ex aqua, & Spiritu sancto, ipse te unget in vitam eternam.* Secunda est varietas in Ordinario Romano antiquo, vbi habetur, *Pontifex iuncto pollice in Chrismate, ait: Confirmo te in nomine Patris, & Filij, & Spiritus sancti.* & antequam perueniat ad Confirmationem; orat; *Consigna eos Domine signo Crucis in vitam propitius eternam.* Tertio, refertur ab Alcuino de offic. diu. circa cereum Sabba. sancti, confirmare, & dicere; *Pax tibi in nomine Patris, & Filij, & Spiritus sancti.* & omnes respondet, *Et cum Spiritu tuo.* Quarto deducitur ex Aug. l. 15. Trin. c. 34. formam Chrismatis esse deprecatoriam, non indicatiuam; ait enim, Apostolos non dedisse Spiritum sanctum, sed orasse vt veniret super eos: & Act. 8. orauerunt vt acciperent Spiritum sanctum. & erat hæc forma, *Emitte Domine Spiritum tuum simul cum donis.* Quinto, refertur à Gugliel. Dur. Epis. Mimat. in ratione diuinorum offic. qui fuit coetaneus D. Thomæ anno 1286; qui refert hanc formam, *Episcopus orat, & deinde linat frontem Dominus in nomine Patris, & Filij, & Spiritus sancti, pax tecum.* Et qui compilauit Pontificale Romanum, quo nunc utimur, dicit loquens cum Innocent. viij. suo tempore omnes fere Episcopos vsos Pontificali; Guillel. Durand. hinc patet fuisse variatum in hac forma.

De Fine, seu effectu Sacramenti Chrismatis.

Cap. IIII.



Vbi vnicum. Qui sunt effectus Chrismatis:

Resp. primus effectus Confirmationis communis cum alijs, est conferre gratiam, ex Cone. Trid. sess. 7. can. 8. suppono ex eccl. hier. c. 2. 3. 4. & 6. in Baptismo Ecclesiam purgari, & illuminari; perfectio autem fit in Chrismate, Ordine, & Eucharistia. quæ tamen diuersa est,

nam Ordo perficit in ordine ad alios; alia duo perficiunt hominem

nem

nem in seipso, sed diuerso modo. Pro quo Nota primo, fidem, & sanctitatem vitæ habere inter se depēdētiā; nam Heb. 11. sine sanctificatione Fides fit informis, & periclitatur. 1. Tim. 1. & aucta charitate, fides confirmatur, & auget fortitudinem. *Fortis est vt mors dilectio*. Similiter aucta fide, augetur charitas, vel fortitudo ad tuendam sanctitatem; cui *resistite fortes in fide*. 1. Pet. 5. & Ephes. 3. *In omnibus sumentes scutum fidei*. Nota secundo, contra fidem sunt varix impugnationes. i. inuidentia, rationes naturales, hæreses, sectæ, Doctorum sententiæ, persecutio tyrannorum. Contra sanctitatem sunt versibilis voluntas, lumen intellectuale debile, concupiscentia, infestationes Dæmonum, obiecta visibilia, scandala, naturæ corruptio, tedium perseuerandi. Nota tertio, quod Chrisma peculiare perficit in fide; Eucharistia in sanctitate. quamuis vtrunque Sacramentum ad vtrunque effectū conferat. Vnde Dionys. eccl. hier. c. 1. *mysterium vnguēti* (ait) *esse complementū Baptismi*. Vnde Christiani non confirmati nō dicuntur perfecti Christiani. habetur d. 5. de consec. c. omnes fideles. & c. nunquam. sed in regeneratione accipimus propriè Sacramentum Fidei, & ideo ante Baptisum olim Fidem profitebantur, & in Baptismo sic professio Fidei de Trinitate. & Baptismus est ingressus in Ecclesiam per Fidem. Chrisma verò est complementum Baptismi, ergo est complementum Fidei. Vnde hunc effectum assignat Concil. Flor. in bulla Armenorum. Eucharistia verò ex August. Chrysost. & Cyrill. in Ioan. 6. propriè perficit sanctitatem. Secundo, quia locum augmentationis Chrisma habet; Eucharistia nutritionis. Dices, prior est nutritio augmentatione, ergo prius oporteret sumere Eucharistiam, quàm Confirmationem. Resp. in vtroque Sacramento esse augmentationē quandam. Chrisma verò vocatur augmentatio, quia hæc vt talis, non semper fit ab intrinseco. & Confirmatio fit extrinsecè per vñctionē; vt Eucharistia fit semper ab intrinseco, ideo vocatur nutritio. Secundo augmentatio semel fit, nutritio sæpe, sic etiā Confirmatio fit semel, (est enim Sacramentum irreiterabile) Eucharistia sæpe. Tercio, augmentatio addens quantitatem, armat ad pugnam; ne à gigantibus opprimamur, & obdurat membra. nutritio verò propriè reparat sanguinem, & calorem; sic Confirmatio proprium effectum habet, & primarium, vt roboraret hominē in perfectione Fidei Christianæ; vt in Conc. Flor.

Ideo

Ideo (inquit) datur Spiritus sanctus ad robur, sicut datus est Apostolis in die Pentecostes, ut Christianus audacter Christi nomen confiteatur; ideo ungitur in fronte, & gratia roboris armatur, ut sit fortis in defensione Fidei. Impingitur & colaphus, quia sit miles Christi, ut sumat arma Christi, idest opprobrium; Opprobria exprobrantium tibi ceciderunt super me. Qui colaphus datur etiam ad probandum an sit miles Christi, si cum patientia sustineat. Secundarius autem effectus, est dare robur contra omnia vicia, & potissimū pugnare contra nostros hostes, ut ait Aug. l. 3. contra Donat. c. 16. Nutritio verò, quæ per Eucharistiam fit, propriè reparat sanguinem, & calorem. i. charitatem. Quarto, augmentatio dat acquisitionem non habiti; sic in Chrismate. nutritio verò dat conuersionem nutrimenti in alitum; sic in Eucharistia anima conuertitur in Deum. Tertius effectus est imprimere characterem, quo insignitur homo ut miles Christi; ac ob id hoc Sacramentum iterari non potest. Conc. Flor. in bulla. & Trident. sess. 7. de Sacram. in genere. cau. 9. Conc. Tolet. 8. can. 7. Iterari verò posset si esset dubium, quia non intelligitur iteratum quod dubitatur an sit factum. Argumentū ex cap. 1. de Baptis. & docet Sylu. verbo Confirmatio. q. 2. Dices, An iterantes incidant in irregularitatem, ut si quis bis confirmet, seu bis confirmetur. Resp. negativè, quia non exprimitur in iure nisi in Baptismo. Couar. Palud. in 4. d. 7. q. 2. ar. 1. Scot. ibid, q. 5. Sor. in 4. d. 2. q. 1. ar. 5. Castr. l. 1. cap. 7. docum. 3. Turrecrem. in c. dictum est. de cōsec. d. 5. Victor. q. 45. Et hoc tenendum est, quamuis oppositum teneat Ant. 3. p. tit. 28. c. 6. §. 7. Nau. c. 22. nu. 246. Host. Archid. & alij. Patet secundo. character ex congruentia; nam vel datur character ob signum ut distinguantur milites à non militibus ex officio; vel ob potestatem, nam potestas Christianorū vel est propter alios, & hæc datur in Ordine; vel propter se, & hæc datur vel ad recipiendum Sacramenta, & sic datur in Baptismo. aut ad pugnandum, & sic datur in Chrismate. Tertio, character autem Chriasmatis essentia iter supponit characterem Baptismi, alioquin non imprimitur. Amb. l. 1. de Sacram. c. 1. & l. 2. cap. ult. & l. 3. c. 3. & l. 5. c. 3. Melchiades in epist. ad Episcopos Hisp. Dion. eccl. hier. c. 2. 3. 4. & ult. quia Baptismus est ianua. Obijeies, nam Act. 10. etcidit Spiritus sanctus in Cornelium priusquàm baptizaretur, sed ille erat effectus Chriasmatis, ex Aug. l. 2. contra lit. Petil. c. 35. & l. 2.

contra

contra epist. Parm. Resp. de lege ordinaria Baptismus præcedit. nam Act. 8. Samaritani prius baptizantur, quam confirmantur. & Act. 19. sed cum Cornelio fuit dispensatum ad tollendam dubitationem Petri de baptizandis Gentilibus. Dices, ille non erat regeneratus, quod igitur argumentum recipitur? Resp. auctam fuisse gratiam quæ acceperat per Baptismum in voto. Postremus effectus de iure positivo adiunctus est, nam producti cognationem spiritualem, quæ est impedimentum dirimens matrimonium, ut decreuit Conc. Trid. sess. 24. c. 2. de reformatione matrimonij.

De ministro Confirmationis. Cap. V.



Vbium vnicum. Quis sit minister Confirmationis.

Resp. prima opinio est Vuigleff. apud Valens. 2. tom. de Sacramen. cap. 114. & 115. & Armac. l. 11. de quæst. Armen. c. 4. qui putat ordinarium ministrum huius Sacramenti esse etiam Presbyterum, & Diaconum. probat primo, nam Act. 9. Ananias simplex diaconus baptizauit, & confirmauit Paulum, imponens sibi manus. Secundo ex Dion. eccl. hier. c. 2. statim post Baptismum confirmabatur, at baptizabat presbyter, ergo & presbyter confirmabat. Tertio ex Ambr. ad Eph. 4. ait, in Ægypto fuisse consuetudinem, ut Episcopos presbyteri confirmarent. Quarto, ex can. omni tempore. de consecr. d. 4. & can. presbyter. d. 95. *Presbyter presente Episcopo non signet infantem, nisi fortè ab Episcopo illi fuerit præceptum.* ergo absente Episcopo potest. Quinto, Presbyter potest dare Baptismum qui delet peccata, & culpam, & poenā, & regenerat. item potest Eucharistiam, quæ plus sunt; ergo & Chrisma. Sexto, ex Hieron. l. de septem Sacram. ubi ait, Presbyterum esse ordinarium ministrum. & in dialog. contra Lucif. ait, quod Episcopus confirmat ad honorem potius Sacerdotis, quam ad legem necessitatis. Septimo, ex Ambr. l. 1. de Sacram. cap. 3. ait, *Occurrit tibi Leuita, occurrit tibi Presbyter, vnctus es athleta Christi* ergo Presbyter confirmat.

Hæc opinio est hæretica. probatur ex Trid. sess. 7. cap. 3. & Act. ubi Philippus baptizat, & ad chrismadum vocatur Paulus, & Ioan.

& Ioannes. sic etiam cap. 19. 2. quia semper Episcopi consueverunt confirmare; Diony. Eccles. hierar. cap. 2. 3. 4. & ult. Ambr. 1. 3. de Sacram. cap. 1. Euseb. 1. 7. hist. Eccles. cap. 43. 3. patet ex distinctione duplicis Chrismatis; quia Sanctus Syluester veritus ne infantes decederent sine Chrismate, sanxit duplicem Vnctionem; vnā in vertice baptizatorum, quæ fiebat à presbyteris, alteram in fronte, quæ reservabatur Episcopis. Ita Innoc. I tit. de sacra Vnctione, distinguit duplicem Vnctionem, in vertice, & in fronte. 4. probatur ex patribus, qui dicunt non posse fieri Chrisma, nisi ab Episcopo. Melchiad. Epi. ad Episcopos Hispan. Can. de his. de consecr. d. 5. Clem. Rom. ad suos discip. Damascen. Epi. ad Coëpisc. Leo Epi. 88. Concil. Hispal. 2. cap. 7. sub Honorio primo. Dionys. Eccles. hier. cap. 3. & 5. Isid. 1. 7. Etymol. cap. 12. Hugo 1. 2. de Sac. p. 3. cap. 12. 5. Alij dicunt, quod si presbyter id tentet, nihil facit. Euseb. Papa ep. 3. Innoc. III. cap. quanto. Congruentia est, quia in Chrismate conscribuntur milites ad pugnandum, quod faciunt Duces. i. Episcopi. Quare

Ad 1. Resp. Ananias imposuit manus Paulo vel ad recipiendū visū, iuxta illud; *Sup. egros manus imponēt, & bene habebūt.* Vel fuit caremonia energumenorum. Ad 2. Dionys. ibi loquitur de hierarca baptizante. i. Episcopo; nā quando qui baptizabat non erat Episcopus, expectabatur Episcopus; vt patet in Philippo Act. 8. Hieronym. in dialogo contra Luciferianos. Ad 3. dicitur, id factum fuisse ex dispensatione Pontificis, aut Concilij. Vel Ambrosius deceptus est, ex aliquo falso referente. Ad 4. ibi est sermo de Vnctione quæ fiebat in vertice. Ad 5. Melchiades dicit, Chrisma esse dignius baptismo, 1. quia ex D. Tho. baptismus est validus ad pellendum malum; Chrisma ad reponendum bonum. 2. quia Chrisma ordinatur ad bonum publicum: baptismus ad priuatum. neq; valet id quod in argumento supponitur. 5. quod qui potest maius, poterit & minus; quando illud minus est diuersi generis. Ad 6. ad primū locū Hieronymi Resp. illum librum esse apocryphum. i. non autenticum, & probatum, seu absconsum, cuius occulta origo est, & continere multas hæreses. Ad 2. cum dicit spectare ad honorem, significat potuisse determinari Sacerdotem, sed noluisse, vt honoraret Episcopū, Ad 7. quod fortè loquitur ibi de Vnctione in vertice, vt patet 1. 3. de Sacram. Vbi tribuit Vnctionem Sacerdoti distinctam ab Vnctione Episcopi.

Secunda opinio dicit, ita Episcopum esse ministrum huius Sacramenti, ut neq; ex dispensatione possit esse presbyter. est Riccar. Dur. Adriani in 4. d. 7. probatur 1. character presbyteralis vel sufficit de iure diuino ad Chrisma conficiendum, & sic si Presbyter tentet, etiam sine dispensatione conficiet valida. est autem definitum ab Innoc. III. & Euseb. quod si tentet, nisi efficit; ergo non est sufficiens character illius, ergo non potest à Pontifice suppleri; quia minister est tam de essentia Sacramenti, quàm materia, & forma. 2. Tam est de essentia Sacramenti collator, quàm susceptor; sed susceptorem determinatum iure diuino Ecclesia non potest mutare, ut in Sacramento ordinis, in quo subiectum est vir, non femina. & in Vnctione cuius subiectum est infirmus. & in Chrismate, cuius subiectum est baptizatus. 3. Conferre Chrisma si est actus potestatis ordinis, dispensatio nihil faciet, quod tantum alterat iurisdictionem, non characterem. Si est iurisdictionis, contra; quia sequeretur sufficere tantum iurisdictionem, quod falsum est; nam sequeretur Pontificem nondum consecratum, sed tantum electum, posse dispensare; quia habet iurisdictionem; ergo & Episcopus etiam potest dispensare, quia habet iurisdictionem.

Hæc opinio est ferè temeraria; presbyter enim ex solius Papæ dispensatione potest esse minister extraordinarius Chrismatis. probatur ex Greg. I. 3. regist. ep. 26. qui scribens ad Episcopum Calaritanum, miratur quod Ecclesia Calaritana scandalizata sit, quod prohibuerit illi Ecclesiæ administrationem Chrismatis per Sacerdotem. & ad tollendum scandalū, dispensauit cum illa Ecclesia. Resp. 1. in ep. ad Gregorium non legi baptizatos, sed baptizandos. Vnde intelligunt de Vnctione Catechumenorum ante baptismum. Sed codices correctiores habent, baptizatos. sic refertur à Gratiano d. 5. loquitur enim de Vnctione in fronte, Catechumenis verò fiebat vel in ventre vel in scapulis. Dur. & Adrian. aiunt, Gregorium errasse, quia erat homo. Sed contra; quia sic reuocabuntur in dubium omnes decretales Pontificum. 1. quia nunquam sic error fuit correctus ab alijs Pontificibus, vel à Concilijs. 3. Si Gregorius dispensauit ut priuatus, fatuus fuit; quia non poterat. si ut Papa, ergo supposebat ius de potestate dispensandi. Patet præterea ratio, ideo enim Episcopus signat, quia conscribit milites; sed potest Dux committere hunc delectum alicui inferiori, ideo ad hunc

hunc effectum potest etiam presbyter subrogari. Quare

Ad 1. Resp. de iure diuino characterē Episcopalem esse completam potestatem independentem ab alio vt chrismet, ita vt si Pontifex prohibeat, nihil facit. Character autem presbyteralis est inchoatē sufficiens, sed non plenē, nisi addatur dispensatio; vt potest suppleri, quia character est signaculum quodam positum in anima Sacerdotis, per quod signaculum ex Dei promissione Deus concurrit; quod pactum in characterē presbyterali est simul cum dispensatione. Ad 2. Resp. suscipientes sunt inhabiles iure diuino indispensabili, quia Ecclesia nunquam dispensauit. presbyter verō est inhabilis iure diuino dispensabiliter, quia Ecclesia dispensauit. Ad 3. Resp. esse actum simpliciter characteris Episcopalis ordinis. in Sacerdote verō est actus ordinis, & iurisdictionis, quod colligitur ex dispensatione facta. Ad aliud, Sotus concedit de Pontifice electo. Episcopus verō non potest dispensare, quia non satis est qualibet iurdictio, sed iurdictio Ecclesiæ vniuersalis.

Tertia igitur opinio vera, & tenenda est, Ministrum ordinarium esse Episcopum. & hoc est de fide, ex concil. Flor. & Trid. sess. 7. cap. 3. licet ex dispensatione Papali possit etiam simplex Sacerdos ex causa rationabili, Chrismate ramen per Episcopum confecto. & ita legimus fecisse Gregorium cap. peruenit d. 97.

De suscipiente. Cap. VI.



SUSCIPIENTS debet esse quilibet baptizatus. cap. si quis de presbyt. non baptiz. & cap. veniens. tit. eod. Secundo dico. Omnes debent confirmari. ex cap. omnes fideles, & cap. ieiunij de consecr. d. 5. vbi dicitur, numquam erit Christianus, nisi confirmatione Episcopi si fuerit chrismatus. idem probatur ex com-

muni sententia doctorum, & usu Ecclesiæ. Sed est

Primum dubium, quæ dispositio sit necessaria accedentibus ad hoc Sacramentum? Resp. olim præcipiebantur ieiunium, & confessio. sic in concil. Aurelian. & Mald. de consecr. d. 5. can. vt ieiuni. Sed exoleuit vtrumq; propter contrarium vsum. Licet autem confessio huic Sacramento non sit necessaria, vt Eucharistiæ, quia non indiget tanta reuerentia, quanta Eucha-

ristia, tamen si confirmandus sit in peccato mortali, licet non sit praeceptum de confessione praemittenda, quia in cap. ieiunij de consecr. d. 5. dicitur, ut admoneamur, non autem praecipit; tamen de iure diuino est necessaria contritio, vel attritio putata contritio, ut in alijs Sacramentis, excepta Eucharistia. Angel. cōfirm. q. 4. Sylu. eod. q. 5. Sot. in. 4. d. 7. q. vnica ar. 8. Riccar. ibid. q. 2. ar. 6. Gabr. q. vnica ar. 3. dub. 7. D. Tho. 3. p. q. 71. ar. 7. ad 2. ratio est, quia est Sacramentum in quo augetur gratia, & augmentum supponit gratiam.

Secundum dubium, quæ nam ætas requiratur in suscipiente hoc Sacramentum? Resp. olim confirmabantur infantes ante vsum rationis. non est igitur necessarium expectare vsum rationis D. Tho. 3. p. q. 72. Gabriel in 4. d. 7. ar. 3. Sylu. ver. cōfirm. q. 4. Anton. 3. p. tit. 7. Palud. d. 7. q. 4. Sot. d. 7. q. vnica ar. 8. Viç. q. 49. quare nō opus est expectare ætatem duodecim annorum; ut tenet glos. cap. ieiunij cit. & eam sequitur Marfil. in 4. q. 8. ar. 4. ratio est. 1. quia licet infantes non sint apti pugnae, tamen nihil prohibebat dum essent infantes sumere arma, ut cum adoleuissent possent pugnare. 2. non obstat quod infans non possit profiteri militiam, quia susceptor pro eo proficitur sicut in baptismo, ex Dionys. cap. vlt. Eccles. hier. Dico tamen meliorem esse consuetudinem ne confirmentur infantes ante vsum rationis, sicut modo fit. Est decretum in Aurel. d. 5. can. ut ieiuni. 1. quia cum necessitas suscipientis ad aliud non cogit, consulendum est reuerentiæ Sacramentorum. Baptismus autem quia est Sacramentum necessitatis, datur infantibus; cætera non dantur. 2. quia cum nullum opus Christianæ religionis sit magis arduum quàm pugnare pro Fide Catholica, decebat ad hoc nō obligari homines, nisi post vsum rationis. 3. si in aliqua prouincia Christianorum seruatur vsus antiquus, non est tollendus. Dico 4. ætatem suscipiendi confirmationem, esse septimum circiter annum. Probatur 1. quia cum Chrisma sit perfectio innocentia: data: in baptismo, eo tempore confertur Chrisma, quo credimus illum perseverare. 2. ex l. 6 de temporibus ordinationum cap. vlt. olim licebat sumere anno septimo ordines minores; at Chrisma præcedit illos non tamen ex necessitate præcepti sub mortali, sed saltem sub veniali, quia per Chrisma efficitur miles; per ordines, Dux; decet autem prius esse militem, quàm ducem. Dices, quid si infans post baptismum confirma-

retur?

retur? Resp. tenere Sacramentum , ex D. Tho. suprà cit. Sot. & patet ex dictis .

Tertium dubiũ. An muti, surdi, & amentes possint cõfirmari? Resp. Mutos, & surdos posse cõfirmari, quãuis enim ore nequeat, vita tamẽ & opere possunt fidẽ profiteri; sunt enim apti ad cognoscẽdam dignitatem fidei, & propriam vitam. Amentes autem si habent lucida interualla, possunt licitẽ confirmari . Imo etiã & in amentia, si ante amentiam petierunt; quia expectatur vt possint etiã pro fide pugnare . Imo etiam si sint perpetuò amentes, dico cum Soto in 4.d.7.q.vnica ar.8. quod si confirmatur, tenet Sacramentum, ita Melchiad. de consecr. d.5. can. quod sanctus . Sed quia de illis est idem iudicium quod de infantibus, cum ecclesia non soleat confirmare infantes vsq; ad vsum rationis, sit, vt nec amentes possint. Ideo Marsil. dicit non esse confirmandos, & ratio est, quia nunquam possunt vti gratia confirmationis confitendo fidem. Sed est

Quartum dubium. An sit præceptum sub peccato mortali de confirmatione? Resp. primo non esse præceptum diuinum de hoc Sacramento suscipiendo obligans ad mortale, ita vt si quis non suscipiat peccet mortaliter de iure diuino. Ita D. Tho. 3.p. q.72.ar.8.ad 4.& in 4.d.7.q.1.ar.1. Adrian.q. de confir.ar.1. Sot. d.7.q.vnica ar.8. Scot. ead. dist. q. 2. Palud.q.1.ar.1. Dur.q.1. Gabr.q.vnica ar.5.dub.3. Nau.cap.22.num.9. Couar. l.variar. resol.cap.10.nu.5. Anton. 3.p.tit.14.cap.14. §.1. Viç. q.48. probatur, quia illa tantum Sacramenta præcipiuntur, quæ vel sunt finis aliorum Sacramentorum, vt Eucharistia; vel sunt de necessitate salutis, vt baptisumus. Sed confirmatio nec est de necessitate salutis, nec etiam est finis per se aliorum Sacramentorum; ergo non præcipitur de præcepto diuino. Confirmatur, quia non extat hoc præceptum in scripturis, non enim est locus obligatorius de hac re in Euangelio. Confirmatur etiam ex Melchiade de consecr. d.5.can. Spiritus sanctus; vbi dicit, mox morituris sufficere mortem, nec egere eos confirmatione qui morte confirmentur; ergo præsupponit non esse præceptum diuinum. Secundo dico, neq; esse præceptum ecclesiasticum, seu positium sub mortali. Ita D. Tho. Adrian. Sot. Scot. Nau. Couar. locis cit. & Caiet. ver. confirm. quamuis oppositum teneat Palud. Anton. supra. Sylu. ver. confirm. probatur 1. quia Ecclesia non solet præcipere nisi determinando tempus, ergo non dedit præceptum

ceptum. Resp. Dur. determinasse tempus, quando. *s.* est pugnandum pro fide. Sed ait Sot. satis esse baptismum. Resp. Riccardus tempus esse cum adest commoditas. Sot. verò ait, tunc negligentiam culpabilem esse mortalem, cum est sub peccato mortali; sed nondum est probatum esse præceptum sub peccato mortali, non igitur negligentia suscipiendi erit peccatum mortale. Tertio si esset præceptum, maximè esset illud Urbani d. 5. can. 1. omnes fideles post baptismum Spiritum sanctum accipere debent per manuum impositionem. Sed hoc videtur esse consilium, non præceptum; quia non apponit penam. Tertio dico, quod si quis omitteret hoc Sacramentum ex contemptu, peccaret mortaliter secundum omnes. Petrus Sot. tract. de Chrismate distinguit triplicem contemptum sacramenti. Vnus est hæret. & prauitatis, & hoc est peccatum mortale. Secundus est voluntariæ superbiz, quando. *s.* quis credit esse Sacramentum, & potest accipere, & tamen vilipendit; & hoc est peccatum mortale. Tertius est supinæ, & notabilis negligentiz, cum. *s.* Episcopus dat Confirmationem, & adest commoditas magna, & tamen non suscipit; & hoc etiam (ait Petrus Sotus) est peccatum mortale. probat ex Melchiade in ep. ad Episcopos Hispaniz. Quarto dico, si quis omitteret ex negligentia etiam crassa, sed sine contemptu, non esset peccatum mortale, sed tantum veniale, quia negligentia non est culpabilis nisi quando homo tenetur facere. Sot. Nau. Caiet. Victor. & alij supra citati. Dices de consecr. d. 3. cap. 1. & cap. vt ieiunij, & cap. de his eod. videtur dari præceptum confirmationis. Resp. cum Sot. ibid. suaderi tanquam utile, non tanquam simpliciter necessarium; ideo non dicit, omnes tenentur; sed omnes debent, &c. & quamuis non sit perfectus Christianus qui non est confirmatus, illa tamen perfectio non est de essentia, vt eius omissio sit peccatū mortale. vt dictū est

De Ritu, et annexis Confirmationis.

Cap. VII.



Ireca ritus, quos seruat Ecclesia in hoc Sacramento dico, certum esse à Spiritu sancto (vt ait D. Tho. 3. p. q. 72. ar. 12.) & ab Apostolorum traditione magna ex parte ad nos deuenisse; vt probat Adrian. in 4. q. de confirm. & Dionys. Arcop. concil. Trid. sess. 7. cap. 13. Sed est

Primum

Primum dubium. An sit de essentia ut unctio, & crux fiant in fronte, ita ut alibi fiant, sit nullum Sacramentum? Videtur quod non. Primo quia Ambros. l. 3. de Sacr. ait debere ungi in capite, ibi enim sunt sensus hominis. 2. Cypr. Catechesi. 3. myst. dicit debere ungi frontem, ad tollendam verecundiam; aures, ut fiat promptus ad audiendum verbum Dei; nasum, ut sit bonus odor Dei; pectus, ut induatur thoracem iustitiæ. Patet ratione; confirmatio fit ad fortificandum, fortitudo autem est in corde, cor igitur est ungendum. Dico tamen esse de fide, unctionem de essentia debere fieri in fronte, ita ut si alibi fiat, non sit Sacramentum. Ita Sot. in 4. d. 7. q. unica ar. 9. & deducitur ex can. nouissimè de consecr. d. 3. & cap. Presbyteri de consecr. d. 4. Probatur ex Leo ep. 88. Tertull. de præscript. hæren. August. tract. 118. in Ioan. Iud. l. 7. Etym. cap. 12. Damasc. ad Coepif. Dionys. eccl. hierar. cap. 4. & ex Cōcil. Flor. in bulla Armen. ratio est, quia hoc Sacramentum datur ad corroborandum hominem propter fidem. possent autē huic obflare vel pudor prædicandi Euangelium, & Crucem Christi; vel timor suppliciorum: at timor, & pudor etiam si aliunde oriantur, maximè tamen apparēt in fronte ob viciniam frontis cum imaginatiua, ex qua scaturiunt oēs passiones; tū ex concursu multorum spirituum qui ascendunt in caput. vnde Ezechiel 12. ait dominus, *Ecce dedi frontem tuam duriores frontibus eorum.* in hac igitur parte signandum est vexillum crucis. Ad Ambros. Resp. intellexisse de parte capitis .i. de fronte. dixit itaq; in capite, per figuram synecdochem, sumens totum pro parte. Ad Cypr. Resp. in fronte esse de essentia. si verò fiebat in alijs partibus, erat cæremonia. Ad rationem Resp. non chrismamur ut simus solum fortes, sed etiam ut credamur; quod in fronte appareret. Eucharistia verò confirmat cor. ex his patet non esse intelligendum Ledesmam, neq; Victoriā q. 91. qui putant ungi & signari in fronte signo crucis esse de præcepto ecclesiæ, non autem de essentia. Oppositum enim & probabilius est, & magis conforme doctrinæ Patrum, ac traditioni ecclesiæ.

Secundum dubium. An debeat esse susceptor in chrismate? Resp. aff. ex Dionys. eccl. hierar. cap. 2. ratio est, quia qui accedit ut confirmetur, infirmus est, quare est tenendus. 2. sicut in baptismo susceptor est tanquam pædagogus baptizati ad eum erudiendum in fide. ita cum in chrismate conscribatur in pugna,

gna, egemus magistro militiz. Non tamen susceptor est de essentia Sacramenti, vt notat Sot. in 4. d. 7. q. vnica. ar. 10. & vlt. & Sylu. ver. confirm. q. vnica. peccaret tamen si quis omitteret. Dico. 2. susceptor debet esse baptizatus; vt habetur de consecr. d. 4. cap. in baptisinate. alioqui si non baptizatus tentat, peccabit. Sylu. ver. confirm. q. vnica. neq; is contrahit cognationē spiritualement. Victor. q. 3. Ex D. Tho. & Palud. Debet esse vnus, vel vna. can. non plures de consecr. d. 2. Sylu. supra citatus. Debet esse alius ab eo qui tenuit in catechismo, vel baptismo secundum consuetudinem Ecclesiæ Romanæ, nisi cogat necessitas. cap. in catechismo de consecr. d. 4. nunc tamen vsus contrarius excusat à peccato contrafacientes. Sylu. ibid. Tertio dicitur oritur cognatio spiritualis inter tenentem, & confirmatum, eiusq; patrem, & matrem: ex Concil. Trid. sess. 4. de reform. matrim. cap. 2. vt supra dixi de baptismo tract. 2. cap. 4. dub. 8. in fine. Ideo vxor non debet virum tenere, nec contra: quia oriretur impedimētum inter eos. & eadē ratione nec filium. &c. Sylu. ver. confirm. q. vnica. qui addit, quod non debet quis tenere consanguineum, vt fratrē, sororē, &c. quia sufficit inter eos vinculum carnale. Palud. in 4. d. 7. q. 2. ar. 3. Quarto dico, Monachi non possunt esse patrini. can. monachi. de consecr. d. 4. vt supra dixi de baptismo tract. 2. cap. 4. dub. 8. quod autem is qui tenet sit mas, vel foemina, parum refert. D. Tho. 3. p. q. 72. ar. 10. ad 3. & patet ex can. non plures de consecr. d. 3.

Tertium dubium. An sit locus, & tēpus statutum? Resp. quoad locum potest confirmatio conferri in loco honesto, etiam extra Ecclesiam. non tamen potest Episcopus confirmare nisi suos subditos; & hos non potest confirmare nisi in sua diocesi. cap. interdicimus. 16. q. 1. sed tamen confirmando non suos subditos, non fieret irregularis. Sylu. supra citatus, & Palud. Quoad tempus, in primitiua Ecclesia fiebat solenne baptisma, & christma in Paschate, & in Pentecoste. nunc autem id in multis Ecclesijs exoleuit; quare potest in omni tempore ministrari. Item potest ministrari non ieiunis. Sot. in 4. d. 7. q. vnica ar. 12. Sylu. ver. confirm. q. vnica. Id enim non est de praecepto. Sed in can. ieiuni suadentur, vt docet Sotus supra citatus.

Quantum dubium, quid significat alapa quæ datur in confirmatione? Resp. vt assuescat ad patiendum tormenta, & iniurias. 2. in memoriā impositionis manuum, qua utebantur Apostoli.

TRACTA-

TRACTATUS QUARTUS

De sacrosancto, admirabili, & augustissimo Sacramento Eucharistiæ.



Eucharistiæ Sacramentum quoad ordinem generationis tertium locum obtinet, & ordine perfectionis primum; quia est omnium Sacramentorum potissimum, ex D. Tho. 3. p. q. 65. ar. 3. Primo quia in eo continetur substantialiter Christus sanctificator. Secundo quia alia Sacramenta ad hoc tanquam ad finem ordinantur. Tercio quia omnia Sa-

cramenta perficiuntur in Eucharistia, ut ait Dionys. l. 3. de coelesti Hierarch. Agit de hac re D. Tho. in 3. p. q. 73. Et Doctores hinc inde diuersis in locis. Eucharistia verò dupliciter considerari potest, & ut Sacramentum est, & ut sacrificium; & utraque ratione de ea tractandum est. Sed agamus primum de differentia inter Sacramentum, & sacrificium.

De differentia inter Sacramentum, & sacrificium. Cap. 1.



Prima differentia sumitur ex genere actionis; nam tam Sacramentum, quam sacrificium sunt actiones, sed diuersæ: sacrificium enim est actio, que est in genere oblationis. Sacramentum in genere sumptionis. Ex quo fit, sacrificium non solum prodesse offerenti, & sumentis, sed etiam alijs: oblatio namque

potest fieri pro alijs. At Sacramentum non extenditur vltra
 suscipientem. Vnde sic, Eucharistiam sub nomine sacrificij
 prodesse Sacerdoti, & toti Ecclesiæ. Sub ratione autem Sacra-
 menti, solum communicantibus colligitur ex D. Tho. in 3. p.
 q. 79. ar. 5. & 7. Secunda differētia est ex fine immediato vtriusq;
 finis vltimus est communis, idest honor Dei, adeptio gloriæ;
 at finis immediatus sacrificij, est Deum colere: quia licet re-
 ligio non versetur circa Deum vt obiectum quod, quia hoc est
 proprium virtutum theologicarum, tamen versatur circa Deū
 vt obiectum cui impenduntur aliqui actus. Sacramentum ha-
 bet p. fine immediato cōsecrare eos, qui debent colere Deum.
 Ex quo fit, in veteri lege fuisse quatuor genera cæremoniārum:
 Primum continebat eas, in quibus formaliter Deus honoraba-
 tur, & dicebantur sacrificia, & oblationes. Secundum instru-
 menta, quibus ministri utebantur in cultu; vt vasa, templa;
 & dicebantur sacra. Tertium obseruantias particulares, qui-
 bus distinguebatur externa conuersatio Iudæorum à Gentili-
 bus, vt abstinētia à quibusdam cibis; & dicebantur obseruā-
 tiæ. Quartum eas cæremonias, quibus consecrabantur mini-
 stri Dei; & dicebantur Sacramenta. Huic differentiz alia an-
 nectitur scilicet quod licet sacrificium, & Sacramentum conuenire
 in fine communi, tamen exactè consideranti apparebit, Sacra-
 menta respicere collationem gratiæ, remissionem culpæ. At
 sacrificium, remissionem pœnæ, & honorariam seruitutē. Mul-
 tis autem titulis fiebat. Primo propter maiestatem Dei; &
 huc referebatur holocaustum. Secundo cum offerebatur ad
 compensandam offensam; & dicitur hostia pro peccato. Ter-
 tio pro beneficijs acceptis; & dicebatur hostia pacifica. Quar-
 to pro beneficijs accipiendis, & dicitur hostia pacifica ex voto.
 Colligitur ex D. Tho. 1. 2. q. 101. ar. 4. & q. 102. ar. 3. & 3.
 p. q. 79. ar. 1. & 2. 2. q. 81. ar. 5. & q. 83. ar. 6. Tertia differentia
 sumitur ex vario modo significandi. Nam commune est Sacra-
 mento, & sacrificio esse signum interioris actus. Sed differunt,
 quia Sacramentum est signum, & protestatio fidei in effectum
 gratuitum, qui tunc confertur, vel in autorem conferentem
 effectum: sacrificium verò respicit fidem, spem, charitatem, vt
 Deo honorariam. colligitur ex D. Tho. 3. p. q. 60. ar. 2. & 1. 2.
 q. 85. ar. 1. & 2. Quarta differentia differunt auctore; quia est de ra-
 tione Sacramenti vt instituitur à Deo, & à Deo determinatur

ea quibus constat Sacramentum . Sacrificium autem non ita; quia licet Deus imperet etiam ex lege naturæ sacrificium, non tamen determinat quid, vel quomodo offeratur. Vnde antiqui poterant sua sponte sacrificare . Colligitur ex D. Tho. 3. p. q. 80. ar. 5. & clarius 3. 2. q. 83. ar. 1. ad 5. Nunc de Eucharistia vt Sacramentum est tractabo novem. Primo de usu eius . secundo de nominibus, & figuris quibus figuratur in scripturis. Tertio quid sit. Quarto an sit necessarium ad salutem. Quinto de eius materia. Sexto de forma, & de vi consecrationis. Septimo de effectu. Octauo de ministro. Nono de suscipiente.

De usu Eucharistia Cap. 11.



Ecclesia Catholica semper sensit in Eucharistia statim esse Christum post consecrationem antequam sumatur, & posse seruari in pyxide ad usum, probatur ex ritibus Ecclesie veteris.

Prima consuetudo . Vetus Ecclesia consuevit in altari semper seruare hoc Sacramentum, intelligens ibi esse Christum . Cyrillus Alexandrinus ep. ad Calosirum Episcopum cap. 2. recit at quosdam hereticos, quos D. Tho. in 3 p. q. 73. putat esse Nestorianos, sed fuerunt Antropomorphitæ, qui sentiebant euanescere Sacramentum si in crastinum seruaretur, ad quos confutandos, insaniuit inquit Cyrillus; neq; enim alteratur Christus, neq; Sanctum eius corpus immutatur, sed benedictionis gratia, & virtus viuida perpetuo in illo Sacramento remanet. Et Naz. in historia de sua sorore Gregoria, narrat, ægrotantem sororem nostram surrexisse, & accessisse ad altare vbi erat Sacramentum, & suo corpori illud applicuisse, & conualluisse, & in orat. de se, & Arrianis, alludens ad hoc, increpat Arria nos quod cum sanguine mortifero miscuerunt sanguinem Christi . Et Chrysost. ep. 1. ad Innoc. 1. vbi conqueritur de concilio Episcoporum contra se coacto iubente Eudoxia, quod immiserit milites in templum vsq; in sanctuarium vbi seruatur Sanctum Domini, ita vt sanguis Christi effusus sit in militum vestes.

Optatus Milenit. l. 6. contra Parm. increpat Donatistas, qui euerterint altaria in quibus seruabatur Sacrosanctum Christi Corpus. Ad hoc illud Hieronymi in ep. ad Euagr. in qua monet vnum, quod postquam Episcopi peruenerint ad templum presbyterorum, non dignabantur accipere Eucharistiam seruatam, & consecratam à presbyteris, sed volebant ipsi consecrare, quod reprehendit Hieronymus.

Secunda consuetudo. Quia in veteri Ecclesia postquàm sacerdos consecrauerat panem, diuidebat illum in frusta, quæ apponebat ad mensam, & fiebat singulis potestas accipiendi Corpus Christi, & manducandi. Et aliquando multas horas manebat. Iustin. in apologia 1. ad Christianos, circa finem. Et Clem. l. 1. 8. Strom. quod dicit emanasse à Christo. Et Nyssen. in orat. Catechetica magna, quæ habetur manuscripta in bibliotheca Parisiensi, & addit ibi, panis hic per verbum Dei, & orationem sanctificatur, non ideo quia comeditur, ideo euadit Corpus Christi; sed statim per verbum in corpus mutatur.

Tertia Consuetudo. Vetus Ecclesia consuevit consecrare Eucharistiam per Sacerdotem; tamen dispensare populo consuevit per Diaconos in absentia presbyterorù; ergo iam erat Sacramentum ante sumptionem. Iustin. in apolog. 1. pro Christianis, circa finem. Et concilium Nicen. Can. 10. qui Canon non extat, sed refertur à Rufino Episcopo Aquilensi l. 1. hist. Eccles. cap. 6. & Ambr. l. 2. de offic. narrat Laurentium Diaconum solitum dispensare. Et Cypr. Ser. de lapsis, meminit cuiusdam Diaconi id facientis. Et Concilium Carthag. compilatum à Buccardo l. 5. can. antiquorum, vbi id mandatur.

Quarta consuetudo. Vetus Ecclesia consuevit Eucharistià consecratam à Sacerdote tradere laicis secum deferendam quocumque irent in custodiam. Hierony. ep. ad Rusticum monachum, vbi laudat parsimoniam exuperii Episcopi Toletani, qui propter eleemosynas vix habebat vas pretiosum in quo deferret Corpus Christi, sed deferrebat illud in vimineo canistro, & sanguinem in vitro. Imo etiam per mare deferrebat, ut ait Ambr. in orat. fanebri fratris Iatyr, de quo narrat, quod cum esset in tempestate, quæsiuit an esset particula Eucharistiæ, & incerto quod esset, alligauit particulam ad stolam, & se dimi-

hic in mare, & incolumis peruenit ad litus. Et in vita Gregorij quæ scripta fuit à Ioanne Diacono, qui vixit anno Domini 872. Et scripsit hanc vitam archiuij bibliothece Vaticanæ, narratur quòd Gregorius fuit missus Constantinopolim, & quidam monachi ad eum venientes, vexati magna tempestate, accepta Eucharistia liberati sunt.

Quinta còsuetudo fuit, vt seruaretur Eucharistia pro ægrotantibus, & deferretur à presbyteris. Habetur apud Eusebium l. 6. hist. cap. 44. dicitur Dionysium Alex. fecisse mentionem cuiusdam Serapionis, ad quem per acolytum delata est Eucharistia cum ægrotaret. Et Cypr. ser. de lapsis, narrat, in manu cuiusdam deferentis Eucharistiam ad ægrotum, conuersam fuisse in cinerem, eoq; ille maculatus esset *αἰδολοτιῶς*. Et Concilium Nicom. cap. 12. iubet dari viaticum ægrotis, & addit; iuxta antiquam legis regulam. Et in Concilio Normaciensi, can. vlt. & in Synodo Turonica tempore Leonis primi. quæ citatur à Brucardo. Et Leo ix. ad Michaellem Imperatorem, narrat seruari solitam Eucharistiam Hierosolymis pro ægrotis, & peregrinis.

Sexta consuetudo fuit efficiendi diuersa genera vasculorum, & capsularum ad seruandum hoc Sacramentum; & vocatur Arca, Cypr. ser. de lapsis; ex qua dicit emanasse flammam ad comburendum quãdam mulierem ausam temerariè atterere. Secundo vocatur Cyborion. Germanus Constantinopol. in l. rerum Ecclesiastic. & Zonara historicus græcus tomo. 3. in vita Iustiniani. Et Iustin. inter constitut. nouellas const. 115. Et in vita Symmachi Papæ, relata in pontificali Rom. Tertio vocatur pyxis. Synod. Turonica allegata à Brucardo, & Leo ix. in ep. ad Michaellem. Quinto vocatur titulus Crucis in 2. Synodo Turon. celebrata tempore Polagij Papæ primi, in 2. can. non in armario, sed in titulo crucis componatur. Sexto vocatur columba argentea. Amphilocus in vita Basilij, vbi narrat quodam miraculum. Et in actis primæ Synod. Còstan. vbi damnatur quidam hæreticus, qui subulit has columbas argenteas. Septimo vocatur Turris, vel Turricula. Gregorius Turon. l. de gloria Martyrum cap. 85. vbi dicit, turriculam à manu Diaconi nomine deferente auolasse, donec in altari conuenit.

Septima consuetudo. Veteres Christiani cum laborarent penuria

penuria Sacerdotum; & non possent propter persecutiones interesse missis, solebant domi asseruare Eucharistiam consecratam, & mox manu sua communicabant. Basilii ep. ad Caesarium Patritium, quæ habetur in exemplari græco, dicit; sine scrupulo posse martyres seruare Eucharistiam, & illam absente Diacono sumere, & probat consuetudinem veterum Eremitarum, qui curabant sibi deferendam Eucharistiam, & mox communicabant. Probat etiam, quia in tota Aegypto quilibet laicus id faciebat propter deuotionem. Hoc alludit Hierony. in apolog. ad Pammachium pro libris suis contra Iovinian. ubi reprehendit coniuges, qui post rem uxoriam in templo non communicabant, sed domi. Et Terrall. in l. ad uxorem, quam hortatur ut post suam mortem, infideli non nuberet, nescit enim (ait) quid secreto ante omnem gustum, & cibum sumas, & si sciuerit, panem illum esse credet.

Octaua consuetudo apud Euseb. l. 5. cap. 26. hist. ubi ab ep. Irenæi habetur, Episcopum Romanum Episcopis externis ad Urbem accedentibus mittere solitum obuiam Eucharistiam. Et id dicitur factum ab Aniceto Papa cum Polycarpo Episcopo, discipulo Ioannis Euangelistæ.

Nona consuetudo in Concilio Agaten. celebrato sub Celestino primo, can. 5. & 7. ubi præcipit, ut contumaces Sacerdotes peregrina communione puniantur, idest Communione pro peregrinis extra templum parata.

Decima consuetudo colligitur ex Innoc. I. in ep. ad Decentium Episcopum Eugub. cap. 4. ubi dicit, solitos veteres Christianos in Sabbato sancto, & in profabbato idest parasceue, non conficere Eucharistiam. Glos. in Tren. cap. 2. quæ testimonio Paschalis tradit in parasceue communicasse fideles Eucharistia præsanctificata, idest consecrata die ante. Confirmatur, quia Concilium Laodic. can. 49. dicit, non oportet in quadagesima offerre panem, nisi Sabbato, & Dominica tantum. Hoc decretum approbatur in sexta synodo constat. Habita in Trullo, can. 52. & explicatur hic; quia his diebus non debet fieri noua Eucharistia, sed consumi præsanctificata alijs diebus.

Undecima consuetudo. Veteres consueuere Eucharistiam consecratam per diuersa loca circumferre, vel ad sanctificanda ipsa loca, vel honoris causa, vel in memoriam tanti beneficij,

ficij, vel ob urgentem, & extraordinariam necessitatē. Ambr., ser. 8. in Plal. 118. hoc Sacramentum locis ipsis quibus inducitur, remedium est. Et ex vita Tarſitij Martyris apud martyrologia Adonis, & Bedæ, de quo narrant, quod cum esset acolytus, & Eucharistiam deferret volentibus eum explorare gentilibus, restitit donec cederetur vsq; ad mortem; & deinde cum esset quæsitus, nihil inuentum est. Honorius tit. de celebr. miss. statuit magno honore ferendam, & deferendam. Et Concilium Bracar. iij. can. 5. iubet festis diebus iuxta antiquam consuetudinem circumferri arcam Domini à Levitis, vel Episcopis. Et Abbas Bonanell. in vita Bern. narrat, quod cum quidam princeps Aquitaniz nollet obedire Romanæ Ecclesiæ, Bernardus processit ei obuiam cum Eucharistia, & illum mansuefecit. Simile quid habetur in vita sanctæ Claræ Virginis, quæ per Eucharistiam euasit manus Saracenorum.

Ex his patet malè sentire Lutherum, qui putat hoc Sacramentum esse in vsu tantum, & manducatione, quare damnatur ritum asseruandi Sacramenti in pyxide. Nec obstant quædam concilia, & patres, qui prohibent seruari Sacramentum. Concilium Tolet. 1. can. 14. si quis acceptam Eucharistiam non sumperit verè, vt sacrilegus propellatur. Et Cæsaraugustan. can. 3. Eucharistia gratiam si quis non sumperit in Ecclesia, anathema sit. Clemens Rom. ep. 2. ad Iacobum, non plus panis sanctificatur quam communicantium numero sufficiat; & quicquid superfuerit, statim à Clericis comedebatur. Ischius l. 2. in Leuit. cap. 8. si quid panis consecrati superfuerit, tradatur igni. Vnde fuit consuetudo, particulas quæ remanebant post communionem, statim tradere infantibus innocentibus, vt dicit Euagrius l. 3. hist. Eccles. cap. 26. Nicephorus l. 17. cap. 25. & Gregorius Turon. l. de gloria martyr. cap. 9. Origen. l. 5. in Leuit. qui liber dicitur Cyrilli, Christus non iussit Eucharistia seruari in crastinum. Resp. & dico 1. Concilium Tolet. 1. & Cæsaraugust. nolunt sumptam Eucharistiam ex templo exportari, quia solebant apponi particule ad mensam, & hoc ideo, quia volebat prohibere magias, quæ ex Eucharistia fiebant. Quare Concilium Later. sub Innocentio iij. iussit in tabernaculo Eucharistiam reservari, ne ad illam possit temeraria manus extendi ad horribilia facienda. Dico 2. quod cum Clemens, Ischius, Euagrius, Nicephorus, & Turonensis dicunt Eucharistiam

ristia reliquias debere tradi infantibus innocentibus. possunt exponi. Primo iuxta sensum traditum. Secundo quia vetabant diu seruari ne computresceret. non tamen idem sequitur non debere asseruari aliquo tempore antequam computrescat; nā Clemens iubet aliquid Eucharistia asseruari, & reliquum consumi à Clericis. Dico 3. cum dicit Isichius reliquias Eucharistia esse comburendas, debet exponi non de Eucharistia in qua sunt saluz species, sed in qua species computruerunt; hoc enim colligo ex Bruccardo, qui l. 3. allegat Concilium Aurelianense, vbi id decernitur ad verbum; quò tempore fuit penè Isichius. Dico 4. ad Origenem, non iussit, verum est; Sed nec prohibuit. non iussit, quia semper peccaremus nisi seruaremus si iussisset.

De nominibus, & figuris, quibus Eucharistia figuratur in scripturis. Cap. III.



Huius Sacramenti dignitatem sacri scriptores pluribus nominibus exprimunt; vnico enim vocabulo exprimi non potest. Dicitur Eucharistia. i. bona gratia. can. multi. s. q. 1. vel (vt alij interpretantur) gratiosum. Dicitur communio, Sacramentum charitatis, symbolum vnionis, mysterium fidei, sacrificium, cœna, viaticum, & similia. D. Tho. 3. p. q. 37. ar. 4. Sot. in 4. d. 4. q. vnica, ar. 4. & Cathedris. Roman. Figuratur autem Eucharistia in veteri testamento multis modis. Primo in oblatione Melchisedech. Gen. 14. qui fuit Rex Salem, dicta postea Hierusalem; cuius fuscè meminit Paulus ad Hebr. 7. qui obuiavit Abraham regresso à Cade Regū Chodorlaomor Regis elamitarum, Thador Regis gentium, Ambrasselli Regis Sennar, & Arioch Regis Ponti. quod ope fecit trecentorum decem, & octo seruorum, vt auferret prædam, quam in victoria acquisuerunt contra quinq; Reges Pentapolis. Obuiam verò abiit in valle Mambry Amorrhæi, & benedixit ei, cui & decimas omnium dimisit Abraham, erat enim Sacerdos Dei, & Rex. Ipse verò Rex salem in gratiarum actionem pro obtenta ab Abramo

Abramò victòria benedicens ei, dixit: *Benedixit Abram Deo excelsò, qui creauit cælum, & terram; & benedixit Deus excelsus, quo protegente, hostes in manibus tuis sunt, & dedit ei decimas ex omnibus, panem, & vinum obtulit.* Vnde Dauid loquens in figura de Christo in Psal. 109. dixit: *tu es Sacerdos in aeternum secundum ordinem Melchisedech.* Huius figuræ recordatus Ambr. l. 4. de Sacram. cap. 3. dixit, Christianorum Sacramenta multò antiquiora fuisse Sacramentis hebræorum. Secundo figuratur Eucharistia in sacrificijs in quibus animalia mactabantur, & præcipuè in sacrificio expiationis, de quo Levit. 16. in agno paschali, quem manducabant filij Israel ex Dei præcepto, Exod. 12. de quo ait Ioannes Baptista 10: 1. *Ece Agnus Dei, ecce qui tollit peccata mundi.* & Ioannes Euangelista cap. 9. Christo in Cruce pendenti applicat illud Exodi: *os non comminuetis ex eo.* Vnde Leo Papa, dixit in Ser. de hac re; vt Vmbra cederent corpori, & cellarèt imagines sub præsentia veritatis, antiqua obseruantia nouo tollitur Sacramento, hostia in hostiam transit, sanguinem sanguis excludit, & legalis festiuitas dum mutatur, impletur. Tercio fuit illud iuge sacrificium, quo quotidie mane offerebatur agnus. quod sacrificium quod quotidie Deo immolatur mane significat. agnus verò Paschalis significat illud cruentum quod semel fuit in Cruce mactatum. Quarto figuratur Levit. 16. vbi præcipit Deus immolari duos hircos pro peccato, vnus mactando, alterum verò dimittendo, factis prius super eum precibus. de vno dicitur, *offerres Domino.* de altero verò dicitur, *facies caprum emissarium:* idest, statuatur viuum coram Domino, vt fundat preces super eo, & emittam eum in solitudinem. Significant enim hi duo hirci, duo Corporis Christi sacrificia; alterum in cruce cruentum, alterum in altare incoerentum. ambo sunt pro peccato, ambo propitiatoria, sed horum alterum in Cruce sanguine cruentum mactatur, alterum verbis consecrationis in altare oblatione offertur. Et quoniã hircus emissarius ille dicebatur, idcirco hæc hostia in altari dicitur Missa. Hinc illa Malachiæ prophetia cap. 1. *non est mihi voluntas in vobis, nec munus accipiam de manu vestra; à solis enim ortu vsq; ad occasum magnum est nomen meum in gentibus; & in omni loco sacrificatur & offertur nomini meo oblatio munda.* Et illa Danielis cap. 12. prophetantis

tempore Antichristi per tres annos cum dimidio cessaturum sacrificium nostrum, ait; *equum ablatum fuerit iuge sacrificium, & postea fuerit abominatio in desolatione, dies mille duce nti nonaginta.* Quinto figuratur in manna, quo pavit Deus in desertis Arabia populum hebreum per annos quadraginta. Unde Ioannes cap. 6. *Patres vestri manducaverunt manna in deserto, & mortui sunt. Hic est panis de celo descendens, ut si quis ex ipso manducaverit, non moriatur.* Hæc est igitur differentia inter hunc panem, & manna; quod manna manducantes, mortui sunt: adhuc enim escæ eorum erant in ore ipsorum, & ira Dei descendit super eos, & occidit pingues eorum, & electos Israel impediuit, ait David. *at qui manducat hunc panem, vivet in æternum.* Sexto figuratur in pane illo subcinericio, quem manducavit Elias quando ab ira Iezabellis fugiebat, quo fuit ita roboratus, ut per quadraginta dies ac noctes ambularet. Septimo figuratur in illa panis crusta, quam summus Sacerdos levabat supra caput, Exod. cap. 29. Octavo figuratur in panibus propositionis, de quibus loquens Deus cum Moyse Exod. cap. 25: dixit; *& ponas super mensam panes propositionis in conspectu meo semper.* Hinc illa Davidis prophetia Ps. 71. *erit firmamentum in terra in summis montium.* Qui versus in Chaldaica translatione, ait; *erit panis super montes.* Hebraicè verò, *erit placentula panis*; & alio modo, *erit placentula tritici super capita Sacerdotum.* Videndus est D. Tho. 3. p. q. 73. ar. 6. Huius autem Sacramenti institutio fuit conveniens, 1. ut sic Christus amorem suum in ecclesia ostenderet. 2. ut sapienter nos traheret ad appetitum Deitatis. 3. ut sic sui memoriam nobis perpetuò ostenderet. 4. ut per hoc Sacramentum nos in sui memoriam raperet. 5. ut haberemus ad quem in necessitatibus confugeremus. 6. propter Ecclesiæ dignitatem. D. Tho. 3. p. q. 73. ar. 5.

De essentia Eucharistia. Cap. IV.



Primum dubium quid sit Sacramentū Eucharistia.

Resp. Multę traduntur definitiones huius Sacramenti a Doctoribus in 3. d. 8. nunc sic hęc brevis definitio. *Eucharistia est Sacramentum Corporis, & Sanguinis Christi sub speciebus panis, & vini, in alimoniam spiritus.*

Sacramentum ponitur pro genere .i. rei sacre signum, reliqua quę adduntur sunt differentia, quę conficitur ex tribus. Primo ex obiecto, quod significatur, & continetur illis verbis *Corporis, & Sanguinis Christi*. Secundo ex materia propria *Sub speciebus panis, & vini*, nam accidentia panis significant corpus, vini verò, sanguinem; idest illic esse sanguinem Christi. Dices, cur non ponis formam? Resp. quia peculiare est huic Sacramento, non habere formam in facto esse, sed tantum in fieri. Tertia ex effectu, tanquam ex fine. *In alimoniam spiritus*. In hac definitione continentur quatuor veritates catholicę determinatę in Concilio Tridentino sess. 13. 1. post prolationem verborum sub illis speciebus quę videntur, non manet substantia panis, & vini, sed transmutatę sunt in Corpus, & Sanguinem Christi. 2. sub utraq; specie manet totus Christus, Corpus, Anima, Sanguis, & Divinitas. Dices, quomodo ergo sub speciebus panis dicitur esse Corpus Christi; & sub speciebus vini, sanguis? Resp. sicut si Dominus vocat Petrum seruum suum, venit Petrus, & vestes eius; sed illic est Petrus pręsens, quia .i. vocatus est; vestes autem sũt per quandam concomitantiam, quia Petrus non est sine vestibus; ita sub speciebus panis est corpus & sanguis, sed solum corpus ratione verborum; sanguis, & anima, ratione concomitantię. 3. veritas est, quod illa accidentia quę prius erant in substantia panis, & vini, modo sunt per se, & non in corpore Christi. 4. est, sic est Christus sub illis speciebus, vt quando frangitur species, manet totus sub quacubet parte. Nunc

Secundum dubiū. quibus de causis instituta est Eucharistia? (est enim *Eucharistia* græcum nomen, quod significat gratiarum actionem, pro quo debemus semper gratias Deo agere.) Resp. propter quatuor causas fuit instituta. 1. ut sit perpetua memoria passionis Christi; quia in hoc mylterio representatur passio Christi. memoria autem consistit in hoc: nam in eo quod sub specie panis representatur corpus, & sub specie vini sanguinis, representatur sanguis separatus à corpore, & mors Christi violenta; & propterea hoc Sacramentum fuit institutum in duplici specie. 2. causa est, ut esset sacrificium in religione Christiana. Iudæi offerebant animalia. Christianus autem hoc Sacramentum. 3. ut esset pignus, & signum, quodam summi amoris Christi erga nos. Christus ergo discessurus ad patrem, reliquit nobis maximum pignus amoris .f. seipsum. Hinc patet error Lutheri, qui vult esse Sacramentum solum in usu, cum tamen sit pignus; & conseruetur vsq; ad finem seculi. 4. Est, ut esset cibus spiritualis animæ. Sicut enim corpus eget cibo ut sustentetur, ita etiam dedit Deus cibum spirituale animæ, ut daret illi robur, & lætitiā.

Tertium dubium hæc definitio Eucharistiæ, cui competit propriè ex multis rebus quæ in Eucharistia concurrunt? Explico. In Eucharistia sunt quatuor. 1. consecratio. 2. materiæ consecrata. 3. corpus, & sanguis. 4. sumptio ipsa. Inter Theologos vnum conuenit, .f. hanc definitionem competere propriè, & per se materiæ consecratæ, contra Lutherum. Differunt verò, An præter materiam consecratam aliquid aliorum trium sit Sacramentum? Videlicet consecratio, vel Corpus Christi, vel sumptio? Prima opinio est Gabr. in 4.d.8.q.1.2r. 2. & 3. vbi dicit, ipsam consecrationem seorsum sumptam, sumptionem etiam seorsum sumptam esse Sacramentum. neq; tamen (ait) sunt tria Sacramenta, sed ista tria dicuntur vnum, tum aggregatione, ut aceruus lapidum, tum ordine ad vnam spiritualem nutritionem: sicuti septem ordines singuli sunt Sacramenta seorsum, tamen quia ordinantur ad vnum, vocantur vnum Sacramentum. Probat, quia definitio Sacramenti competit consecrationi, & sumptioni, ergo vtrumque seorsum, Sacramentum est. Probat, quia sunt signa sensibilia practica, religiosa. & præterea sunt causæ gratiæ; nam sumptio causat gratiam accidentariam in suscipiente. Consecratio est causa

causa gratiæ substantialis .i. Christi: nam (vt ait Scotus in 4. d. 8. q. 1.) in definitione sacramenti cum ponitur gratia , etiã significatur gratia; substantialis .s. Christus. Secunda opinio est Riccardi , Mediauill. in 4. d. 8. ar. 1. q. 1. Bonau. ibid. ar. 2. q. 1. Dur. ibid. q. 1. Scot. ibid. D. Tho. 3. p. q. 73. ar. 1. Magistr. in 4. d. 8. & Hugon. de sancto Victor. l. 2. de Sacr. p. 8. cap. 7. qui dicunt esse aliquid Sacramento, non autem Sacramentum . nam Corpus Christi est res, & Sacramentum; res, quia significatur Sacramento visibili. Sacramentum, quia est signum corporis mystici. Consecratio verò secundum ipsos, est solum via ad Sacramentum. Sumptio verò est Sacramenti applicatio ad suscipiendũ. Tertia opinio est intermedia. 1. opinio est quorundam sentientium cum Gabr. in consecratione in sumptione. Est Marf. l. 4. q. 1. ar. 1. & q. 6. ar. 2. & tribuitur Caietano. Sed (quod pluri est) est D. Thomæ in 4. d. 4. q. 1. ar. 1. q. 1. Fundamentum ponitur à D. Tho. & consistit in quatuor notandis. Primum: Sacramentum dupliciter dicitur. 1. per se, & simpliciter. Est autem illud quod est subiectum sanctitatis. 2. modo est aliquid sanctum secundariò, & secundum quid; quod licet non sit subiectum sanctitatis, tamen habet aliquem ordinem ad causandam sanctitatem in subiecto. Secundum notandum. ea quæ faciunt sanctum simpliciter, sunt simpliciter Sacramentum; quæ verò non simpliciter, sunt Sacramentalia; quia sicut sanctum dicitur à sanctitatem habendo; ita Sacramentum dicitur à sanctitatem causando; ergo si facit sanctum primo modo simpliciter, erit simpliciter Sacramentum. Si secundo modo, erit Sacramentum secundum quid. Tertium, notandum: in alijs Sacramentis est primò materiæ consecratio antequam ad illũ illa materia applicetur: quomodo aqua benedicitur, & chrisma; & huiusmodi benedictiones quia nō faciunt sanctum primo modo, ideo non sunt Sacramenta, sed Sacramentalia. 2. est vsus materiæ prolata forma sanctificante materiam; & quia hic vsus materiæ facit sanctum primo modo, id est quia ponit gratiam in subiecto, ideo hic vsus materiæ est verum Sacramentum. Quartum notandum. in Sacramento Eucharistiæ consecratio est Sacramentum propriè, quia ponit sanctum simpliciter .s. Christum, qui est principium sanctitatis. Sumptio verò, solum applicat Sacramentum subiecto, & ideo non est Sacramentum. Secunda opinio est media

Aureoli apud Capreolum in 4. d. 8 q. 2. ar. 2. qui putat sumptionem esse Sacramentum, sed non consecrationem. probat; quia sumptio verè est causa gratiæ in suscipiente, ergo verè est Sacramentum. Hæ sunt opinioniones. Sic igitur prima conclusio. Sacramentum Eucharistiæ non est propriè Corpus Christi. Est contra Thomam Vualdensem tomo 2. cap. 21. ubi inclinatur in hanc opinionem. Probatur conclusio, quia Sacramentum est signum sensibile; at corpus Christi non est signum sensibile. Secundo quia Concilium Trid. sess. 12. cap. 7. dicit in Sacramento Eucharistiæ continetur Christus; ergo Christus non est Sacramentum. quo loquendi modo vtuntur multi patres. Thomas Vuald. affert pro se multa testimonia Ambrosij, & Augustini, qui videntur dicere Corpus Christi esse Sacramentum. Sed resp. quòd cum iidem, & alij doceant Sacramentum esse signum sensibile, ne videantur sibi contradicere, sunt exponendi in bonum sensum. Primo Corpus Christi, ut est in Eucharistia, dicitur Sacramentum; quia est Sacramentum tum sui ipsius in Cruce pendentis (est enim memoriale suæ passionis); tum est signum corporis mystici: neq; inconuenit ut idem sit veritas, & figura sui ipsius, ut benè decernit Innocentius iij. c. cum arte. tit. de celebr. miss. patet, quia Resurrectio Christi fuit vera, & tamen fuit figura nostræ resurrectionis. Sic etiam manna seruari iussum in tabernaculo; fuit verum manna; & tamen fuit figura mannae, quo fuit pascuus populus in deserto. 2. potest dici Sacramentum; quia quamuis Corpus Christi non sit Sacramentum, tamen est pars essentialis Sacramenti Eucharistiæ, ut infra dicemus. 3. potest dici Sacramentum, ad differentiam eiusdem corporis in Cælo, ubi est sub propria specie, & forma, & reuelata facie. Secunda conclusio. Sacramentum Eucharistiæ nec est cõsecratio, nec sumptio, sed materia consecrata tantum. Probatur 1. de ratione Sacramenti Evangelici est, esse signum, & causam gratiæ iustificantis; ita Concilium Flor. in bulla Armenorum. & Trid. sess. 7. cap. 6. 7. & 8. sed esse signum, & causam gratiæ, tantum competit materiæ, non consecrationi, neq; sumptioni, ergo &c. Probatur prior pars minoris; materiæ competit esse signum, quia licet materia consecrata primò significet Christum, tamen per Christum significat etiam gratiam iustificantem; quia Christus nos nutrit per gratiam. Confirmatur, quia


quia gratia iustificans facit unitatem membrorum in corpore mystico; at ista copulatio significatur per commassationem multorum granorum frumenti, & acinorum Vitis. Est casua, quia idem baptismus dicitur causa gratiae, quia continet in se Christum causam gratiae. Dices. antequam sumatur non est causa gratiae, ergo antequam sumatur non est Sacramentum. Resp. quod non est de ratione Sacramenti esse causam gratiae actum; sed quod in se est; habere vim causandi gratiam. patet, quia baptismus collatus ab haereticis, & acceptus à fideis, verè est causa gratiae, quamvis non conferat actum. Probatur posterior pars minoris; non competit consecrationi, quia hæc non est causa gratiae, sed est causa causæ gratiae. Sumptio verò non est causa gratiae, quia causa gratiae est, quod secundum sui rationem habet propriam causalitatem, & virtutem; at sumptio non habet propriam virtutem gratiam causandi, sed virtutem causatiuam gratiae applicat suscipienti. Secundum argumentum debet esse proportio inter signum, & primò signatum; inter Sacramentum, & primò rem Sacramenti; sed primò signatum, & primò res Sacramenti, est aliquid permanens, & absolutum, videlicet Corpus Christi; ergo huic debet respondere æquum Sacramentum aliquid permanens, & absolutum, cuiusmodi non sunt consecratio, & sumptio, quæ consistunt in fieri. Tercium argumentum. In sacramento non solum debet agere forma, sed etiam materia, vtrique enim infunditur à Spiritu sancto virtus; sed in consecratione materia nihil operatur, sed sola forma; ergo consecratio non est sacramentum. Probatur minor; nam materia quæ est panis ut subest consecrationi, quidnam operatur? Non gratiam iustificantem; quia nondum Christus est. non Christum; quia materia non ponit Christum, sed forma tantum; materia autem solum se habet passivè. Dices. Concilium Trid. & Flor. dicunt in omni sacramento formam esse verbum, sed hoc verbum est in consecratione; erga ipsa consecratio est verbum, & per consequens est sacramentum. Resp. quod forma in hoc sacramento non est pars sacramenti sicut & operis artificialis, nam sola materia de statua in recto predicatur, licet figurata per talem formam; quæ forma in alijs sacramentis infirmat usum materiae, in hoc autem, materiae consecrationem. Hæc solutio est Soti, sed non est ad rem. Primo quia considerat sacramentum

ut eas, sub qua ratione forma non est pars, sed materia; quia forma connotatur, & in recto significatur per materiam, & ut consideratur ut sacramentum, forma est pars sacramenti, & quidem partialis. 2. esto forma non sit pars sacramenti ut sacramenti, at non negabit ipse, opus artificiale tamdiu esse artificiale, quamdiu perseverat forma. Idem de sacramentis; tolle formam siue sit pars, siue non, non erit sacramentum. 2. solutio est Scoti, quam malè impugnat Sotus, quòd duplex est forma in omni sacramento; vna totalis, & principalis, & hæc est significatio; quia sacramentum est signum. altera partialis, & hoc est verbum quod informat materiam, partialem; sed verbum & elementum simul coniuncta faciunt materiam totalem, cui forma est significatio. Dicit ergo Scotus, formam esse necessariam sacramento, si loquamur de forma totali; verbum autem non potest permanere, quia verbum est forma in sui prolatione; sacramentum verò est permanens. Vnde ad argumentum, cum dicitur omne sacramentum constare ex forma, & materia, si forma intelligatur totalis, i. significatio, debet permanere in facto esse. si verò de forma partiali, dico quod est necesse verbum formaliter adesse in fieri, nam in facto esse sufficit ut sit virtualiter in suo effectu. Et quòd sit necesse, probatur. 1. quia communis opinio est, in Sacramento penitentiæ posse materiam præcedere per mensem, & postea subsequi formam; ut differre absolutionem etiam per annum. 2. quia forma adhibetur ad determinandum clariùs significationem materiæ; sed sicut dum fit consecratio, qui audit illud, *hoc est corpus meum*, manifestè intelligit ibi latere Corpus Christi; ita post factam consecrationem, qui audit sub illa materia fuisse Christum prolatum, etiam intelligit ibi esse Christum; quia Christus est de genere permanentium. 3. hoc determinatio clarioris significationis quæ fit per formam, est determinatio per modum substantialis conuersionis; at, ut terminus conuersionis perseveret, non est necesse perseverare id per quod facta est conuersio. Et ex hoc 2. dubio sequitur.

Quartum dubium. An hoc Eucharistiæ Sacramentum, sit vnum Sacramentum, vel plura? Et quomodo? Resp. esse vnum Sacramentum; ut patet ex cap. non oportet. de consecr. d. 2. & ex Concilio Trid. & Flor. nam alioquin essent plura quam

septem Sacramenta. Vnitas autem huius Sacramenti non sumitur ab vnitate effectus qui est Christus, vt volunt Aureolus, & Gabriel, quorum opinio laudanda est, sed non sequenda; quia quamuis contentum sit idem sub vtraq; specie. tamē hoc non sufficit ad Sacramenti vnitatem; quia totus Christus non est sub vtraq; specie ex vi Sacramenti, sed ex vi significationis verborum, quæ in vtraq; specie non est vna. Confirmatur; quia si in triduo passionis fuisset hoc Sacramentum cōfectum, & tamen fuisset corpus sine sanguine; ergo non Sacramentum vt sic ponit totum Christum. Est igitur vnum Sacramentum ratione proprii finis, & proximi, vt docet D. Thomas; quia .s. est vna perfecta refectio spiritualis, quæ constat ex cibo, & potu; pane, & vino. Dices, species panis est Sacramentum, & species vini est Sacramentum; ergo sunt duo. Resp. non esse perfectum Sacramentum nisi in vtraq; specie. Dices, in qualibet specie est totus Christus, ergo in vtraq; erit tota ratio Sacramenti. Resp. non esse totum effectum in qualibet specie ex vi significationis, sed tantum concomitanter. Sotus in 4. d. 8. q. vnica.

An hoc Eucharistia Sacramentum sit de necessitate salutis. Cap. V.



ICO primo Eucharistiā esse. necessariam ad salutem necessitate præcepti diuini, vt patet Ioan. 6. *nisi manducaueritis carnem filij hominis, non habebitis vitam in vobis.* Sed quo tempore obliget, dicemus infra cap. 10. dub. 1. Est etiam necessaria ex præcepto humano, & positiuo, ex cap. omnis vtriusq; sexus. de pœnit. & remis. & Concilio Trid. sess. 21. can. 9. d. 73. Viñor. q. 53. in fine. Dico secundo. non est de necessitate salutis sicut baptisumus; nam sine baptismo in re vel in voto, nemo potest saluari. Sed sine Eucharistia potest, & de facto multi saluantur, vt paruuli, qui baptizati moriuntur. Hinc dico tertio. quod Eucharistia nec in re, nec in voto est necessaria necessitate mediij, vel finis; quia Eucharistia ex suo genere est nutritio; at nutritio suppo-

nit vitam, ergo gratiam, ergo finem .s. gloriam . Hinc sequitur . Primo quòd licet Eucharistia ordinetur per se ad faciendum unumquemq; esse de corpore mystico Ecclesiæ, tamen ad hoc ordinatur secundum perfectionem, non secundum necessitatem. Sequitur secundo quòd quia Eucharistia non est de necessitate mediij, etiam si sit possibile me in re ipsa communicare, non tenear tunc cõmunicare, possum enim differre quantum volo . de iure verò Ecclesiastico possum differre vsq; ad annum . Contra in baptismo, data copia baptismi, non debet differri . Dico quarto. Necessitate diuini præcepti, in voto est necessaria adultis explicitè, paruulis implicitè. Explicatur, sicut paruuli baptizantur ex ordinatione, & intentione Ecclesiæ, ita ex eadem intentione Ecclesiæ paruuli dicuntur velle Eucharistiam in baptismo ipso . probatur primo ex communi opinione D. Thomæ, & aliorum. & huic consensui theologorum accedunt patres ; August. l. 1. contra duas Epistolas Pelag. cap. 21. & l. 2. cap. 4. & tra&. 26. in Ioan. & Innoc. 1. ep. ad Concilium Mileuit. quam allegat August. l. 2. contra epist. Pelag. cap. 4. Secundo quia Dominus sicut Ioan. cap. 3. vniversaliter dicit, *nisi quis renatus fuerit ex aqua, & Spiritu sancto non intrabit in regnum celorum* (quod nos etiam applicamus paruulis, quia indigent baptismo,) Ita quia dicit vniversaliter, *nisi manducaueritis carnem filij hominis, non habebitis vitam in nobis*, debemus dicere, id etiam competere paruulis, qui communicare possunt. quare si negatur communicatio in re, debent saltem in voto . Sed dices primo. si votum implicitum Eucharistiæ potest sufficere præcepto; ergo votum implicitum baptismi satisfaceret præcepto baptismi . Resp. quòd est dispar ratio; quia baptismus est principium vitæ spiritualis, non supponit aliud Sacramentum in quo suscipiendo possit includi votum implicitum baptismi; quare nisi resumatur, non potest in paruulis includere votum : sed Eucharistia supponit baptismum, in quo potest ipsa includi. Confirmatur; quia esse in intentione, magis propriè, & naturaliter competit fini, quàm principio; sed baptismus se habet vt principium, Eucharistia vt finis; ergo &c. Secundo dices. Ad quodcunq; tenentur paruuli implicitè, ad id obligantur adulti explicitè; sed adulti dum baptizantur non tenentur elicere explicitum votum Eucharistiæ, ergo nec paruuli implicitum. Resp. primo si quis

si quis negaret minorem, non posset refelli. Secundo & melius; quia Eucharistia non est de genere necessariorum simpliciter; non cogimus adultos ad explicitum votum Eucharistiae in baptismo, sed bene cogimus ad eorum implicitum per suum actum; paruulos per alienum. Dices tertio. Ad quodcumque paruuli obligantur in baptismo, de eodem respondent pro ipsis susceutores; ut, *renuncias Satanae renuncio*; sed patrini non respondent pro paruulis de voto Eucharistiae; ergo &c. Resp. non est opus patrinis de omnibus respondere, cum praesertim baptismus includat votum Eucharistiae pro tempore suscipiendae. Quarto dices. Sequeretur paruulos somere gratiam propriam Eucharistiae. Resp. quod gratia Eucharistiae non datur, nisi vel ex opere operato, vel ex operante per votum proprium; cum praesertim hic effectus non sit necessarius ad salutem, neque ideo hoc votum implicitum inutile est; quia saltem satisfacit praepcepto Christi. Dices quinto. Sequeretur solum baptismum non sufficere ad salutem. Sed Trid. sess. 21. cap. 4. decernit paruulos seruari per solum baptismum sine Eucharistia. Resp. sine Eucharistia in re; nam vetus Ecclesia reipsa communicabat paruulos. Dices sexto. Si votum Eucharistiae esset necessarium, maxime ad satisfaciendum illi praepcepto domini; at sunt multa alia praepcepta in Euangelio sub eodem tenore; ut, *nisi penitentiam egeritis &c.* & tamen ad haec non requiritur votum implicitum, quia tunc obligant, cum sunt possibilis & Eucharistia non est possibilis paruulis. Resp. quod potest dici etiam in baptismo includi votum implicitum aliorum praepceptorum: quia baptismus est obligatio ad seruandam legem.

De materia Eucharistiae. Cap. VI.



Primum dubium. Vtrum materia huius Sacramenti sit panis, & vinum? Resp. & dico. Primo esse de fide quod panis, & vinum sunt materia huius Sacramenti, ut patet ex scriptura; & est definitum ab Ecclesia de consecratione, per multos canones. Et c. firmiter, de summa Trinitatis & fide catholice, cap. cum Martine.

thz. de celebr. miss. item ex Concilio Trid. sess. 13. cap. 1. & 4. & est communis sententia. D. Tho. 3. p. q. 73. ar. 1. Sot. in 4. d. 9. q. 1. ar. 1. Secundo dico. quòd si vnum sine altero consecratur, validè consecratur; contra hæresim confutatam ab Innoc. liij. l. 4. de celebr. miss. can. 3. Et est communis. & patet primo, Christus coscrauit, & porrexit panem ante calicem. Secundo ex consuetudine ecclesiæ quæ adorat primùm corpus Christi antequam consecreretur sanguis. Tertio ex forma quæ est dis-iuncta, nec vna pendet ab alia: postremò ex communi consensu doctorum, exceptis paucis, quos refert, & refellit Innocentius loco citato, & Gabr. in can. lect. 53. Sot. in 4. d. 1. q. vnica ar. 1. Tertio dico esse præceptum diuinum de consecranda vtraque specie, quia ita Christus instituit; vt patet ex scriptura. & obligat ad peccatum mortale sacrilegij. Gelasius de cōsecr. d. 1. can. comperimus. Probatur primo, quia Christus sub vtra q; specie consecrauit. Secundo, quia alioqui hoc Sacramentum, & sacrificium, esset imperfectum; quia est memoriale passionis Christi, vbi fuit diuisus sanguis à corpore. Tertio quia hoc Sacramentum est symbolum perfectæ nutritionis spiritalis. Sed hinc est

Secundum dubium. An consecratio vtriusq; speciei ita sit necessaria de iure diuino, vt nec Ecclesia possit dispensare in ea regione vbi nulla est copia vini? Prima opinio est Caiet. in 3. p. q. 8. ar. 12 ad terciū; quæ sequitur Sot. quòd est de iure diuino vt Sacerdos ambas species consecret. & addit Sotus non posse in hoc dispensare pontificem. Caietanus supponit primo, esse de iure diuino perfectionem huius Sacramenti tam in consecratione, quàm in vsu. Supponit secundo rerum perfectiones non debere attendi secundū ea quæ sunt per accidens. Probat primo, quia alioqui sequeretur nunquam aliquam rem posse fieri perfectam, nam quæ sunt per accidens, cum sint infinita, non possunt simul omnia in re reperiri. Secundo quia ea quæ sunt per accidens, relinquuntur ab arte, scientia, & lege. Ex his infert hoc argumentum: omnis, & solus Sacerdos concurret per se ad huius Sacramenti perfectionem, & in consecratione, & in vsu; ergo si de iure diuino est perfectio huius Sacramenti, tenetur Sacerdos ad vtrāq; speciem consecrandam, & sumendam. Probatur antecedens; & quoad consecrationem, clarum est. quoad sumptionem, probatur, nō

si populus etiam concurreret, sequeretur quòd si populus nō communicaret in missa, sacrificium esset imperfectum; sed hoc est falsum, ergo solus Sacerdos concurret. at D. Tho. 3. p. q. 74. ar. 1. & q. 80. ar. 12. negat debere consecrari panem sine vino, etiam cum deest vinum. nec dicit aliud. tamen subinnuit, hoc esse vetitum iure divino. de dispensatione nihil dicit. Secunda opinio est Gabr. l. 50. super canonem missæ. Et Claudij de sanctis rept. 10. de Euch. cap. 3. qui etiam allegat Albertum Magnum tract. de miss. d. 11. & Raphaellem Voluteranum l. 7. in additione ad chronica Eusebij, anno 1490. & Onufrius in chronicis, qui referunt Innocentium iiij. dispensasse cum Nouergijs carentibus vino, vt in specie panis tantum consecrarent. allegat Adrian. & Halensem quòd consecratio sub vtraq; specie sit de iure Ecclesiastico. Idem tenet Angelus verb. Eucharistia 1. q. 20. Armilla autem de hoc dubitat. Ego verò in hac re

Dico primo: probabilius est dispensari posse à summo Pontifice vt sub vna specie consecratur, quando tota vna regio careat vino. Probatur; quia tota perfectio substantialis istius Sacramenti continetur sub vna specie; quare cū totus Christus in vna specie contineatur, non est tanto bono priuandus populus ob defectum materiæ. Ex parte igitur contenti, patet; nam totus Christus sub qualibet specie continetur. Secundo patet ex parte representatæ passionis Christi; totus enim Christus suo modo repræsentatur (licet non perfecte) in vna specie, sicut in duabus. nam cū in passione facta fuerit separatio corporis à sanguine, qui videt vnā speciem. s. panis, videt separatū corpus à sanguine. Tercio; ex parte effectus; quia vel sub vtraq; specie datur vna eademque gratia, vel si datur plus gratiæ sub vtraq; specie, in hoc conueniunt omnes, vtrāq; esse eiusdem rationis, & non differre, nisi secundum magis, & minus. Quarto ex parte significatæ nutritionis; quia panis significat Corpus Christi per se primò. Et quia hoc corpus significatur vt vinum in quo semper est sanguis; consequenter etiam sanguis significatur. quòd autem distinctis signis nunc significantur corpus, & sanguis, accidentarium est; alioqui sequeretur id quod sumitur à Sacerdote, & populo, differre substantiali perfectione. Quinto ex parte Sacerdotis; quia licet (vt bene dicit Caiet.) solus Sa-
cerdos

cerdos per se concurrat ad huius Sacramenti perfectionem; tamen dicimus, perfectionem sub vtraque specie esse accidentariam; cum præsertim sit maius malum totam aliquam regionem carere hoc sacrificio, quam hoc Sacramentum carere accidentaria perfectione. Nec obstat quod sit præceptum diuinum; nam Pontifex potest eius obligationem interpretari, sicut de voto. Ideo dico secundo: est probabilius cum D. Tho. ad vtranq; speciem consecrandam, & sumendam obligari Sacerdotem iure diuino. Probatur; quia siquid obstaret, esset: quia ius diuinum non est per hominem dispensabile; & tamen nos concedimus Pontificem posse dispensare. At non obstat quod 2. 2. q. 80. ar. 10. & 12. sit duplex dispensatio; vna propria, quæ relaxat præceptum, etiam cum validum est; quomodo qui dispensat debet esse superior lege in qua dispensat. alia est impropria, & æquiuocæ, cum declarat Ecclesia hic, & nunc, deesse materiam debitam præcepto, & cōsequenter cessare præceptum; & sic Ecclesia dispensat in voto; quia quamuis observatio votorum sit de iure diuino, tamen Ecclesia non abrogat votum cum habet materiam debitam, sed cum deest. Videlicet, quia esset vel inutile, vel cessaret maius bonum; & tunc votum corruiat, quamuis hæc interpretatio sit eorum, qui habent vicem legislatorum. Sic etiam circa consecrandam vtranq; speciem non potest Ecclesia dispensare primo modo, sed secundo. Videlicet si quando inuenit Ecclesia hoc præceptum habere materiam impeditiuam magnorum bonorum, potest interpretari non esse materiam præcepti.

Tertium dubium. An requiratur determinata quantitas panis, & vini ad materiam huius Sacramenti? Resp. negativè. Sufficit enim ut sit substantia panis, & vini, & sit præsens quæ possit consecrari. siue autem illa quantitas maxima sit, siue minima, nihil refert; D. Tho. 3. p. q. 74. ar. 2. & in 1. sent. d. 11. q. 2. ar. 1. q. 3. Dur. d. 21. q. 6. Gabr. q. 2. ar. 3. bub. 1. & in canone missæ. lect. 35. Palud. q. 1. ar. 5. Sot. d. 9. q. 1. ar. 2. Petr. Sot. lect. 2. de Euch. Viç. q. 37. Probatur; quia in tali quantitate seruatur debita materia; ergo nihil deest quod minus posset cōsecrari. Secundo probatur ex vsu fidelium qui sunt communicaturi; hic enim cum sit indeterminatus, si necesse esset mōs panis, hic posset consecrari. Probatur; quia perfectio huius Sacramenti non pendet ab vsu actuali ipsius, sed debet sumi
a fine;

à fine ; finis autem huius Sacramenti habentis materiam , est vñs fidelium absolutè ; non horum , & horum ; nam alioqui sequeretur , quòd quando adsunt duo fideles , non possent consecrari nisi duæ particulæ . numerus verò fidelium absolutè est indeterminatus : ergo potest esse materia indeterminata in ordine ad sumptionem , & vñsum Ecclesiæ . Obijcies ; si mons panis posset simul consecrari , ergo & magnum dolium vini , & hoc repugnat formæ , quæ dicit : *Hic est calix sanguinis mei &c.* Resp. quòd potest etiam dolium consecrari . quādo verò forma dicit , *hic est calix &c.* nomine calicis intelligit omne receptaculum vini . Secundo illud vocabulum *calix* non est de ratione formæ . Certum est autem , quòd grauissimè peccaret qui præter Ecclesiæ vñsum consecraret magnam , vel panis , vel vini quantitatem , vel (è contra) minimam particulam , quæ cum reuerentia sumi non posset ; quia consecratio fieri debet in ordine ad sumptionem , & vñsum Ecclesiæ , vt dictum est .

Quartum dubium . An minus minimo naturali sit consecrabile . i . An pars minima indiuisibilis sit consecrabilis . Resp. Maior in 4 . d . 10 . q . 1 . negat . qui dicit , quòd posita hostia , ego possem dicere , volo consecrare omnes partes proportionales pares , non tamen impares . qui est magnus error ; quoniam nescirem quid esset consecratum nisi determinarentur . Idcirco dicendum est : quòd hoc minus minimo dupliciter potest considerari ; vel enim est coniunctum cum reliqua hostia , & sic potest consecrari ; quia tunc habet suum esse . Vel potest separari ita vt ibi non existat substantia panis , & sic non potest consecrari . Ex quo sequitur , quòd minima pars consecrabilis est illa , sub qua conseruatur minimum panis , ita vt si diuideretur , per solam diuisionem desineret esse panis . Idem est dicendum de Vino .

Quintum dubium . An materia consecranda debeat esse præsens . Resp. Maior . in 4 . d . 11 . q . 2 . ar . 2 . dicit , non esse necessarium materiam esse præsentem , sed posse terminari consecrantis intencione ; quia aliàs cæci non possent consecrare : cæcis enim perinde est materia præsens , ac abiens . Secundo , quia potest consecrari quod non videtur ; vt vinum in calice opereo . & multæ particulæ consecrantur , quæ non omnes videntur ; ergo quod non est præsens potest consecrari . Tertio ; quia si præsentia esset necessaria , deberet designari certum spatium distantie ,

distantiz, & at quis definiri? Sed oppositum dicit D. Tho. in
 4.d.11.q.2.ar.1.q.3.ad 1.Dur.d.11.q.6.Palud. ibid. q.1.ar.3.
 concl.3. Gabr. q.2.dub.2.ar.3. Sot.d.9.q.1.ar.2. Victor. 38.
 & est communis, quod requiratur presentia materiz. Proba-
 tur ex usu Ecclesie. Secundo ex intentione certa consecrantis,
 quæ non potest esse sine presentia materiz, ut volitio in illam
 dirigatur. Tertio patet exemplo Christi, qui in consecratio-
 ne habuit materiam presentem. Quarto patet ex *ly hic & hoc*
 hic est calix, hoc est corpus meum. quæ particulæ licet in dia-
 lecticis (ut ait Maior) & in speculativis propositionibus ab-
 strahant à materia sensibili, ut hic est homo, hoc est animal &c.
 in practicis autem propositionibus, & effectivis, non abstra-
 hunt, sed requirunt materiam presentem. & quia forma con-
 secrationis est practica, non est recurrendum ad propositio-
 nes dialecticas. Quinto quia sequeretur me posse consecrare
 totum panem qui est in mundo, & totum vinum. Ad exem-
 plum cæci. Resp. cæcum posse sentire materiam presentem
 partim per se tactu, gustu, odoratu; partim per ministrum;
 quamvis hoc secundum putet Sotus non carere peccato; quia
 exponit se periculo. Obijcies; si sufficit audire ex ministro;
 ergo si minister mihi referat hinc ad decem milliaria esse ma-
 teriam, ego possem consecrare. Resp. requiri talem presen-
 tiam, ut saltem per se possit aliquo sensu sentiri. Ad secundū
 resp. etiam si non videatur materia secundum omnes partes,
 tamen more humano tota est præsens illa materia. Ad terciū
 resp. D. Tho. quod cum Eucharistia consecratur in usum ho-
 minum, debet tanta esse presentia, ut more humano possit de
 materia verificari *ly hoc, & hic. hoc est corpus &c. hic est san-*
guis &c. illa enim presentia requiritur, quæ moraliter ex usu
 hominum presentia nuncupatur. ille namq; panis dicendus
 est præsens, quem communiter Sacerdotes vocant presentem.
 Ledesm. 1.v.q.15.ar.3. Sot. in 4.d.9. q.1.ar.2. Victor. q.52. ex
 quo infertur non posse consecrari hostiam, quæ sit à tergo, vel
 post parietem, vel post maximam tabulam, vel in aere; quia
 moraliter non est præsens. Dices, quanta distantia materiz
 requiratur. Resp. esse aliquod spatium de quo certum est non
 sufficere. ut si v. g. absit centum passibus; esse aliquod spatium
 de quo sit certum sufficere, ut duo, vel tres passus. Sex, vel de-
 cem passus fortè non sufficerent; nec ego communicarem eu-
 charistia

charistia sic consecrata. quare dico eum Soto supracitato, hoc spatium esse humana prudentia iudicandum.

Sextum dubium. Quæ intentio requiratur consecrantis præsentem materiam. Resp. si intentio Sacerdotis non fertur in totum præsens, sed in aliquam partem in confuso, nihil consecrat; quia tunc ignoratur quid esset consecratum. Si intendit in confuso consecrare omnes præsentem, non est necesse scire numerum; nam si omnes intendit, vitatur ambiguitas. Item si Sacerdos ignorans numerum hostiarum, habeat intentionem consecrandi decem hostias; si facta consecratione inuentæ fuerint vndecim, nulla erit consecrata. Sylu. ver. Eucharistia 2. q. 6. Angel. Euchar. 1. q. 62. Armill. eod. §. 17. si autem intendit consecrare omnes quamuis in numero illarum, errer, omnes erunt consecratæ: ut si debeat consecrare centum, & putat esse quinquaginta, omnes consecrat; quia sufficit intentio virtualis, ut aiunt doctores citati, & Scot. in 4. d. 12. Nau. cap. 21. nu. 91. Panorm. cap. Sacerdos de offic. ordin. quod si aliqua hostia esset in altari relicta, vel gutta vini in pediculis, non essent consecratæ, quia illas Sacerdos non intendit consecrare.

Septimum dubium. An una pars hostiæ possit consecrari sine alia. Resp. cum Riccar. in 4. d. 10. ar. 7. q. 2 & Ledesm. 1. 4. q. 15. ar. 2. dub. ult. quod si quis habeat in manibus panem, & aduertat ad unam partem, vel medietatem de qua habeat notitiam, & illam consecrat, erit illa consecrata. Secus si indeterminatè velit unam, vel alteram consecrare; quia tunc nulla esset consecrata, ut docet Sylu. ver. Euch. 2. d. 5. & Sot. in 4. d. 9. q. 1. ar. 2. Simpliciter dicendum est non valere consecrationem si Sacerdos intenderet consecrare omnes partes proportionales hostiæ impares intercalando pares, ut docet Sot. ibid. contra Maiorem d. 11. q. 2. Dicamus nunc de qualitate materiæ panis, & vini Eucharistiæ. & primo de pane. sic ergo

Octauum dubium. An panis debeat esse triticeus. Agunt de hac materia Alber. in 4. d. 12. ar. 7. Alens. 4. p. q. 10. membr. 4. ar. 1. §. 4. Bonau. in 4. d. 11. ar. 1. q. 4. Riccar. ar. 2. q. 2. Scot. q. 6. Dur. q. 4. Palud. q. 1. ar. 4. Gabr. lect. 25. in canone miss. dub. 1. nunc resp. primo certum esse inter omnes, quod consecratio facta in pane triticeo, valida est. probatur ex cap. in sacro

de consecr. d. 1. D. Tho. in 3. p. q. 74. ar. 3. Sot. in 4. d. 9. q. unica. ar. 3. & est communis. Secundo certum est, non confici an fiat ex hordeo, vel millio, vel ex alijs frumentis quæ magis distant à tritico quàm millium, & hordeum. Hinc inferitur non posse fieri hoc Sacramentum ex leguminibus, vt ex faba, cicere, lente &c. quia hæc differunt à frumento, secundum Plinium l. 18. naturalis histor. cap. 7. qui diuidit omnes fruges in frumenta, & legumina. Et Isidor. l. 17. etymol. cap. 3. & 8. qui dicit frumentum esse quicquid aristas emittit. Et Varr. l. 1. de re rust. cap. 48. dicit, frumentum esse quicquid emittit culmum. Similiter sequitur à fortiori non posse confici ex fructibus, vt amygdalis, nucibus &c. quia non esset panis. Sot. supra. Dubium igitur esset de siligine, de spelta, de farre, de amido, seu amylo, & similibus. igitur sic

Nonum dubium. An ex siligne possit confici panis, qui sit materia apta huius Sacramenti. Albertus, & Alëf. respondent negatiuè. D. Tho. & Thomistæ respondent affirmatiuè. Ego verò distinguo: duas esse siliginis species; vna quæ proprio nomine vocatur siligo, quæ est triticum conditum, vt ait Isidor. l. 3. etym. cap. 3. & l. 8. cap. 8. altera est quæ græce dicitur *τρίσιον*, in quam degenerat triticum teste Columella l. 2. & sequitur D. Tho. 3. p. q. 74. ar. 3. ad 2. & tandem ipsa transit in triticum, vt ait Plinius supra. Hac posita distinctione, Dico primo: si sumatur siligo primo modo, certum est ex ea posse confici panem aptum vt sit materia Eucharistiæ; quia verè est triticum; de hac nemo dubitat. Secundo dico, si sumatur pro *τρίσιον*, esset dubium: aliqui enim dicunt posse, vt D. Tho. 3. p. q. 74. citatus. quia cum in terris malis nascatur siligo pro tritico, signum est non differre specie. Idem Sylu. verb. Eucharistia 1. q. 1. & 2. Palud. Alber. Sot. d. 9. q. unica ar. 3. Victor. q. 55. Alij negant, vt Riccard. d. 11. ar. 2. q. 2. Angel. verb. Eucharistia 1. q. 2. Rosell. eod. q. 1. Ledes. 1. 4. q. 15. ar. 3. dubitat, & inclinat in partem negatiuam. cum ergo res sit dubia, non licet consecrare in pane ex siligine. si tamen aliquis tot, & tantos Doctores sequutus, in necessitate consecraret in loco vbi non esset alius panis, non peccaret; quia cum generetur ex tritico, censenda est species tritici. idem dico de germano, quæ est etiam ipsa species tritici.

Decimum dubium. An ex spelta possit confici panis, qui sit
mate-

materia Eucharistia, de hac re sunt sexcete opiniones. D. Tho. negat; quia differt specie à tritico. Reliqui omnes vno ore, dicunt esse materiam idoneam, præter Scotum, de quo infra; differunt in ratione reddenda. Alens. ait, ideo esse materiam aptam, quia fortè non differt à tritico; sicut (inquit) & Candidith. Dur. & Riccard. dicunt speltam quandam esse eiusdem speciei, aliam verò diuersam; primam probant, secundam non; quia (inquit Dur.) in agro Lorodicensi spelta nascitur ex tritico, ergo sunt eiusdem speciei. Improbant hanc rationem Riccard. & Palud. in 4.d.11.q.1.ar.4. quia id (aiunt) potest nasci ex malignitate terræ; imo frequenter ex tritico hordeum, & lolium nascitur; sicuti ex semine humano nascuntur monstra. Vnde Palud. sup. Caiet. art. cit. & Thomas de Argentina in 4.d.11.ar.1. dicunt speltam esse probandam, non quia nascitur ex tritico; sed quia multæ Ecclesiæ consecrant in spelta. Albert. in 4.d.2.ar.7. dicit, materiam Eucharistiæ esse omne frumentum, licet differant specie. Sed dicit species frumenti tantum esse duas, .i. triticum, & speltam. Ego verò dicerem hanc quæstionem pendere ex philosophia; si enim spelta est species tritici, vera est sententia dicentium speltam esse materiam legitimam, vt tenent Albert. Thomas de Argentina, Palud. Dur. Caiet. Sot. in 4.d.9.q. vnica ar.3. Sed quando res est dubia, est tenenda sententia D. Tho. 3. p.q.74.ar.3. ad 2. & in 4.d.11.q.2.ar.2.q.1.ad.2. Riccar. supra. Angel. ver. Euchar. §.2. Sylu. eod. q.2. §.3. Scot. in 4.d.11. Victor. q.53. præfertim quia Exichius vult speltam esse mediā inter triticum, & hordeum. Idem Mattheolus l.2. cap.2. qui vult esse idem, quod vulgo dicitur *biada*. quare in huiusmodi pane non est consecrandum.

Vndecimum dubium. An ex farre confici possit materia Eucharistiæ. Resp. D. Tho. Sylu. & alij negant, quia differt specie à tritico; quare esset temerarium in huiusmodi pane consecrare. eadem ratione excluditur & millium; vt notat Sot. sup. Dur. Palud. & Sot. affirmant, quia est species tritici. i. ex tritico generatur sicut & *τρίψα*. Primo Sotus simpliciter dicit siliginem, speltam, & far, esse eiusdem speciei cum tritico, quare esse aptam materiam. Solus Scotus fuit scrupulosus in hac materia; quia solum vult materiam esse triticeam; reliquas omnes improbat.

Duodecimū dubium. An ex amido, seu amylo possit confici panis aptus ad materiā Eucharistiæ. Resp. Scorus ait amyllum nunquam esse aptum, quia est diuersæ speciei à tritico. Alber. & D. Tho. dicunt esse ineptum, quia est lac expressum ex tritico macerato; nisi hoc amyllum redactum in formam panis ita possit comedi, vt ex sapore, & ex accidentibus alijs possit colligi adhuc manere substantiam panis. possunt fortè reconciliari per regulā Alberti, & Bonau. quia non immediate cognoscimus substantiam, sed per accidentia; quòd si hæc probabilius ostendunt esse corruptam in amylo substantiam panis, est ineptum; sin minùs, est aptum. si verò dubium est, videlicet quia accidentia ostendunt esse in via ad corruptionem, tunc de rigore est vnum Sacramentum; tamen qui ita consecrat, peccat. omnes enim sentiunt vinum rediens ad acetum, esse materiam aptam Sacramento: ergo similiter in pane. Quare Palud. in 4. d. 11. q. 1. ar. 4. concl. 5. putat ex amylo posse confici Sacramentum. idem tenet Nau. & Anton. 3. p. tit. 13. cap. 6. Caiet. 3. p. q. 74. ar. 3. in fine. Ego dico, omnes conuenire in amylo liquido non posse confici Sacramentum, sicut neq; in spelte, & similibus. Sed quæstio est de amido pane cum durefcit amidum ita vt moliatur, & ex illa farina fit panis. Et de hoc dico quòd quamuis vtraque prædicta sententia sit probabilis, tamen puto esse grauissimum peccatum in huiusmodi pane consecrare, quia res est dubia, & contra vsum Ecclesiæ. Hinc infertur cōmunis regula, materiam debitam, & necessariam Eucharistiæ, esse id solum, quod communiter inter homines & panis dici solet, & in vsum commestionis venit; quod patet ex institutione Christi. narrat enim Euangelium, Christum Dominum ex pane confecisse Sacramentum, & dixisse; *hoc facite in meam commemorationem*. Sed panis simpliciter prolatus sumitur pro pane vuali. quomodo in baptismo aqua simpliciter prolata sumitur pro elementari, quæ est in vsum ablutionis.

Decimumtertium dubium. An panis confectus ex tritico, sed permixtus cum alio frumento, sit apta materia Eucharistiæ? Resp. si multa grana tritici etiam diuersarum specierum misceantur, quæ tamen in ratione tritici conueniant, non mutant rationem panis, vt docet Ledesma par. 4. q. 31. ar. 4. & sic est idonea materia. si autem vel maior, vel par admixtio fiat

extra

extraneorum frumentorum à tritico, ut hordei, farri, &c. tunc cum sit magna admistio, non est apta materia; quod si parua esset mistio, nihil referret, nunquam enim inuenitur panis triticeus ita purus quia alia grana alterius frumenti miscantur; non enim farina triticea inuenitur omnino pura, nisi deligerentur grana. Ita D. Tho. 3. p. q. 74. ar. 3. ad 3. Riccad. in 4. d. 2. q. 2. ar. 2. Palud. ibid. e. 1. ar. 4. concl. 3. Anton. §. 1. tit. 13. cap. 6. Iedesm. p. 4. q. 15. ar. 1. dub. 1. Sot. in 4. d. 9. q. 1. ar. 3. ad 3. quare potius actiuitas spectanda est, quam admistionis quantitas; nam fieri potest, ut in parua quantitate frumenti, extraneum corrumpat legitimum, & sic non erit apta materia. quod tamen de vera mistione intelligi debet, non de iuxta positione quarundam partium legitimi, quarundam extranei, tunc enim priores partes tantum consecrarentur.

Decimumquartum dubium. An in massa, seu pasta cruda fieri possit consecratio? Resp. palud. in 4. d. 4. & 11. q. 1. ar. 4. tenet posse. Sed communis sententia negat. Scot. in 4. d. 11. q. 6. Caiet. 3. p. q. 74. ar. 3. Angel. q. 1. de Euchar. ar. 3. Victor. q. 55. Sot. d. 9. q. 41. ar. 3. Tab. Euch. 1. q. 11. probatur, quia pasta cruda non est verè panis nisi coquatur. Imo pasta cruda differt specie à cocta, ut ait Caiet. & Sor. & videtur D. Tho. in 2. d. 7. q. 3. ar. 1. ad 3. quod probabilius est, licet oppositum teneat Scot. & alij. hinc inferitur multò minus posse consecrari in massa, vel acervo triticeo ex granis frumenti; quia non est panis, neq; in lagana, neq; in pastillis, neq; in pulce elixo; licet ex farina tritici fiant; quia non sunt propriè panis, quia elixantur, vel fringuntur. Imo aliquando cum pane comeduntur. ita Caiet. & Sotus, supra citati.

Decimumquintum dubium. An si panis pinsetur ex aqua rosacea, vel alia quàm elementari, possit esse materia Eucharistia? Resp. D. Tho. 3. p. q. 34. ar. 7. ad 3. Riccar. in 4. d. 11. q. 7. ar. 2. Sot. ar. 6. Palud. ibid. q. 1. ar. 6. cōcl. 4. Tab. ver. Euch. 1. §. 13. Sylu. eod. q. 2. §. 1. & alij, tenent non posse consecrari in pane, qui non sit factus cum aqua naturali. Alens. veri. 4. p. q. 332. m. 5. ar. 1. ad ult. Caiet. 3. p. q. 74. ar. 7. Alens. l. 4. tit. 9. ar. 2. contra sentiunt. & dicunt posse consecrari, nam aqua rosacea est quidem pars materiæ, sed transiens; quia decoctione exsiccatur, nec variat speciem, quod neque negat Sotus. Dicerem tamen quod qui hoc faceret, peccaret mortaliter; quia esset
contra

contra vsum Ecclesiæ: quod etiam concedit Alenſis.

Decimumſextum dubium. An hoc Sacramentum ſit in azymis, an in fermentato conficiendum? Reſp. certum eſt, quod ſi fermentum apponatur farinæ puræ, non variat Sacramenti validitatem. Certum eſt etiam, quod conſecrare in fermentato, non vacat ratione; nam ſignificat miſtionem verbi, & carnis; ſic etiam conſecrare in azymis rationabile eſt, vt ſignificet Corpus Chriſti eſſe conceptum ſine fermento ſeminis; tum ad ſignificandum ſinceritatem communicantis Eccleſiæ 1. cor. 5. Græci tamen contendunt Chriſtū in fermentato conſecraſſe. Et ſi ſecus fiat, irritum eſſe Sacramentum. ſic ait Nicephor. l. 10. hiſt. cap. 34. Anſel. ep. 4. Innoc. l. 4. de myſter. miſſ. cap. 2. pro quo. Nota 1. Deus. exod. 12. Inſtituit ſolēnitatē Paſchæ, & voluit celebrari primo menſe anni, quo egreſſus eſt Iſrael ex Aegypto; & fuit dies quartus ad vesp̄eram, tum iubebat agnum immolari, & manducari cum pane azymo. & hic ritus azymorum durabat ſeptem diebus, & decima quinta die volebat eſſe feſtum Paſchæ idem Leuit. 23. Num. 28. & 2. paral. 30. & 35. & Ezech. 45. Nota 2. hic primus menſis incidebat in æquinoctium vernum ſole ingrediente Arietem, vt habetur Exod. 34. menſe enim verni temporis de Aegypto egreſſus eſt Iſrael. & Deut. 16. *obſerua menſem verni temporis* &c. explicat Ioſeph. l. 3. cap. 10. vbi dicit diem decimumquartum vocari decimamquartam Lunæ; & decimumquintum, decimāquintam lunæ. Nota 3. hoc nouilunium quod inchoabat primū menſem, nunc erat ante æquinoctium, nunc poſt; nam ille erat primus menſis, cuius luna decimaquarta cadebat in diem æquinoctij, vel in ſequentes. nam ſi luna 14. era pridie æquinoctij, huius lunæ nouilunium non inchoabat primum menſem, ſed nouilunium proximè ſequens; at ſi luna 14. erat in æquinoctio, vel poſt; ferebat ad vesp̄erum panes azymos, & 15. ferebat Paſcha. Chriſtiani verò ne cum Iudæis convenirent, ſtatuerunt paſcha non eſſe celebrandum in 15. lunæ, ſed in proxima dominica. Euſeb. l. 7. cap. 15. Nicephor. l. 6. cap. 18. l. 11. cap. 14. l. 12. cad. 31. Clem. Rom. l. 5. cap. 18. Epiphā. contra hæreſ. cap. 10. & 70. Ambr. ep. 78. Aug. ep. 119. cap. 8. Bebe. de ration. temp. cap. 28. & de paſch. celebr. & alij. His poſitis, Dubitatur, quota luna Chriſtus celebrauit phaſe. Prima opinio eſt Græcorum, aſſerentium Chriſtum Dominum celebraſſe phaſe

phase 13. lunæ, & anticipasse tempus; quia præsidebat 14. lunæ esse crucifigendum antequam perueniret ad celebrandum phase. Hanc 13. lunæ, aiunt incidisse in feriam 5. & 14. in feriā 6. & 15. in Sabbatum. Hinc inferunt vnum, quod 13. lunæ addidum erat ceptus vsus azymorum, sed comedebatur panis fermentatus, quare consequens esse, vt Christus consecrasset in fermentato; consecrauit enim panem appositum sibi, qui erat fermentatus. Vnde inferunt, etiam consecrandum esse nobis in fermentato, exemplo Christi. Secunda opinio est Latino- rum, Christum vltimam cœnam celebrasse eadem nocte, quæ fuit captus a Iudæis. nam prima die azymorum Christus iubet sibi parari pascha, & vespere discubuit cum discipulis suis, & post cœnam ait: omnes scandalum patiemini hac nocte. & Petrus in nocte hac ter me negabis, Math. 26. Mar. 14. Luc. 22. Secundo, quia post cœnam hymno dicto exierunt in montem oli- uarum, & venerunt in Gethsemani vbi orat, & capitur. Io. 18. 3. 1. cor. 11. *Ego accepi a Domino; quod & tradidi vobis, quod ea nocte qua Iesus tradebatur, accepit panem, benedixit, ac fragiti deditq; discipulis suis, dicens; accipite, & manducate, hoc est enim corpus meum, similiter & calicem &c.* 4. Io. 13. post cœnam dedit buccellam Iudæ, & exiuit continuo, (erat autem nox) & mox continuat sermonem longum Iesus, & statim exit trans torrentem Cedron. Quare sit

• Prima conc. Nox in qua Christus cœnauit, & captus est, fuit vespere feriæ 5. & dies crucifixionis fuit feria 6. probatur: no- diem cœnæ consequutus est dies crucifixionis; sed diem cruci- fixationis consequutus est dies Sabbati, ergo crucifixio fuit feria 6. & cœna feria 5. maior probatur ex Matth. 26. ex cœna itur ad hortum in quo capitur, & eadem nocte ducitur ad Caiphā, & Annam, & initio capitis 27. dicit, mane autem factū &c. ergo immediatē. Idem habetur Marc. 14. & 15. Luc. 22. & 23. Io. 17. & 19. minor probatur, quia Matth. 27. Christus mori- tur, & cum sero factum est, *vespere Sabbati quod lucefcit in prima Sabbati parauit aromata.* 2. Marc. 15. hora 9. emissā voce, expirat Christus. & mox erat parasceue, quod est ante Sabbatum 3. Luc. 23. & dies erat parasceues, & Sabbatum il- lucebat. Et loquitur de sepultura. 4. Io. 19. *quoniam para- sceue erat, ut non remanerent in cruce corpora Sabbato.* Quin- to, dicunt Sancti Patres quod Christus fuit passus eodem die, quo

quo peccauit Adam, ita Orig. tract. 35. in Matth. Theophyl. Bed. Ansel. in Matth. 26. Cyrill. Cathe. 14. Haym. homil. in Dominic. Palm. Sed Adam fuit creatus, & peccauit feria 6. ut habetur Gen. 3. ergo &c.

Secunda conc. contra Græcos. Anno quo Christus mortuus est, luna 13. non incidit in feriam 5. ad cuius vesperam (ut diximus) cœnauit Christus, & captus est. nec 14. incidit in feria 6. nec 15. incidit in Sabbatum. Sed luna 13. quæ secundū legem est prima dies azymorum, incidit in feriam 5. & luna 14. incidit in feriam 6. in qua fuit festum Paschæ, ut Ecclesia semper credidit. prob. 1. ex Matth. 26. Mar. 14. Luc. 22. Dominus cœnauit prima die azymorum, & hæc erat 14. luna. Exod. 12. Secundo, quia hæc oppositio repugnat eclypsi Solis factæ moriente Domino. nam teste Dionysio in ep. ad Polycarpum hæc eclypsis facta est in maxima oppositione Solis, & Lunæ. & oppositio maxima, fit luna 15. ergo feria 6. fuit luna 15. & feria 5. fuit luna 14. & non 13. 3. ex Io. 13. qui vesperam quæ cœnatum est, vocat *ante diem festum paschæ*. at Exod. 28. & Leuit. 23. distinguitur immolatio paschæ, & festum paschæ: quod 5. luna 14. ad Vesperam erat dies primus azy morum, & tunc agnus immolabatur. deinde sequenti die celebratur festum. hinc sic; vesperam cœnæ Ioannes non dicit fuisse ante primum diem azymorum, nec antequam agnus immolaretur, sed ante diem festum paschæ, sed dies festus celebratur luna 15. ergo cœna facta est luna 14. 4. ex Matth. 26. *Scitis quia post biduum pascha fiet, & filius hominis tradetur ut crucifigatur*: vbi notandum est quod primo dicit *scitis quia fiet*) ergo loquitur de pascha communi, & publico Iudzorum; fiet enim absolute, non à me, sed communiter. Præterea dicit *scitis* tanquam rem ordinariam; alioquin si dixisset de suo, debuisse dicere, *scito quod a me fiet &c.* notandum est etiam dicit *tradetur*; quæ traditio fuit facta eadem nocte qua cœnatum est. ut alibi: *ecce appropinquat hora, & filius hominis tradetur*. & mox: *surgite, ecce appropinquat qui me tradet*. hinc sic; Christus cœnauit qua nocte traditus est, sed dicit quod pascha legale erat futurum quando erat tradendus, sed pascha legale erat luna. 14. ad vesperam, ergo traditio, & cœna incidit in luna 14. Quinto, Christus inter cœnandum incinxit panem, & Iudæ porrexit, & dixit illi, *quod facis, fac cito*; & alij puta-

putauerunt quod diceret illi, eme quæ opus sunt nobis ad diæ festum, & mox post buccellam exiuit continuò, *erat autem mox*; hinc infero, ergo dies sequens immediatè post cenam, erat festum. probatur, quia si pascha fuisset in Sabbato, iam mediabat dies vnus inter cenam, & pascha, non opus fuisset exire noctu ad paranda necessaria paschæ; ergo signum est, quòd sequens dies immediatè erat pascha. 6. ex Io: 18. cum Iudæi peterent crucifigi Christum, dicit Pilatus, *accipite, & crucifigite*. responderunt; *nobis non licet interficere quemquã*. cur? quia secundum opinionem cõmunem, cum esset festum paschæ, non poterant eo die crucifigere, sed petebant vt facerent gentiles. ita August. tract. 14. in Ioann. Bed. in Io: 18. Haymò hom. fer. 6. maioris hebd. & Chrysost. hom. 82. in Io: & hom. 86. in Matth. Cyrill. 1. 12. in Io: cap. 2. & 6. & alij.

Tertia igitur conc. hæc est. Certum est, quòd tam panis azymus, quàm fermentatus est vera materia huius Sacramenti, vt decreuit Conc. Florent. in literis vniõnis Græcorum; ratio est, quia vterq; est verus panis ex D. Tho. 3. p. q. 74. Alens. 4. p. q. 32. Anton. 3. p. tit. 13. cap. 6. Sor. in 4. d. 9. q. 1. ar. 4. Ledes. 1. 4. q. 15. ar. 4. Catechism. Rom. & Scholastici in 4. d. 11. Græci tamen non peccant, neq; vnquam peccauerunt conficientes in fermentato, contra Scot. Gabr. & Palud. & probatur ex Concil. Florent. vbi habetur vnumquemq; debere conficere iuxta Ecclesiæ suæ consuetudinem. Idem docet D. Tho. 3. p. q. 74. ex D. Greg. cum Sor. in 4. d. supra cit. Caiet. 3. p. q. 74. ar. 4. hinc inferitur, peccare Græcum qui conficeret in Ecclesia sua in azymo. Latinus verò consecrando in Ecclesia latina in fermentato, peccaret mortaliter; tum quia tenet Christum in azymo consecrassè: qui hoc Sacramentum in primo die azymorum instituit, quæ die nihil fermentatum licebat Iudæis, domi habere. Exod. 12. tum ex Concilio Florent. cit. ex cap. has. de celebr. miss. Dices, quid si necessitas vrgeret? Resp. Maior. d. 9. q. 3. non esse peccatum. tamen probabilius est non licere; & in eo casu præstaret omittere communionem, quàm facere contra consuetudinem vniuersalem Ecclesiæ.

Quarta conc. Licet græcis apud latinos in fermentato consecrare, & Latino apud Græcos in azymo, secluso scandalo, Contra Armill. verb. Euch. 5. 5. probatur ex Leone 1x. in ep. ad Michaellem Constantinopolitanum cap. 19. Licet etiam Græco apud

apud Latīnos in azymo consecrare. Et latino apud græcos in fermento si nullum sit scandalum; quia licet sequi rationabilem consuetudinem Ecclesiæ in qua residet. Imo Armilla. loco cit. vult peccare eum qui aliter facit. Nec obstat quod Concil. Flor. D. Tho. & alij cit. dicant vnumquemque debere seruare ritum Ecclesiæ suæ; intelligitur enim, dum in sua residet. non enim negat quod si resideat in aliena, non possit iuxta probatum illius ritum celebrare. Sit igitur.

Decimumseptimum dubium. Quale vinum (an vitis) sit aptum calici? Resp. ex D. Tho. 3. p. q. 74. ar. 5. quod solum vinum vitis potabile sit materia huius Sacramenti à Christo Domino instituta Matth. 26. *non bibā a modo de hoc genimine vitis.* & est de fide; ex Concil. Flor. & Trid. & cap. firmiter de summa Trinit. & fide cath. & can. 1. d. 2. & can. huic in sacrificando. eod. & est communis doctorum sententia, & vsus Ecclesiæ. Nomine autem vini, etiam mustum intelligite, can. cum omne crimen. de consecr. d. 2. Innoc. L. 4. de myster. miss. cap. 30. Sot. in 4. d. 9. ar. 5. quicquid dicat glossa in cap. sicut in sacrificando. de consecr. d. 2. est enim mustum verum vinum etiam ante concoctionem. Sed quoniam nondum adhuc est perfectum, & cum multas habeat particulas crassas vuae, ideo esset peccatum consecrare mustum sine necessitate, & rationabili causa. Hinc inferitur primo, agrestiam non esse materiam huius Sacramenti, neq; vnam maturam nondum expressam in torculari, quia non sunt vinum: & si sunt, non sunt potabile vinum, sed potius manducantur. Dices, can. didicimus. de consecr. d. 2. refertur consuetudo consecrandi vvas in altari, & reprehendit si fiat indebitè, quod si debitè (inquit) fiat, placet nobis. Resp. non esse consecrationem eucharisticam, sed benedictionem à Sacerdote factam in gratiarum actionem. Inferunt secundo, neq; mel, aut lac, aut ceruisiam, vinum pomorū, palmę, vel granatorum, & similia, esse materiam aptam; quia non sunt vinum. multo minus aqua est apta materia huius Sacramenti; idcirco reiecti sunt hæretici dicti hydropanastai. i. aquarij, qui consecrabant in aqua sine vino: in cap. omne crimen. de consecr. d. 2. 4. synod. Constant. in Trull. can. 32. & horum fuit auctor Hebion. contra quem Epiph. hæres. 30. tribuitur etiam Marcioni ab Epiph. hæres. 42. confutatur à Cypri. 2. ep. 3. & fusius à Chrysost. hom. 83. in Matth. ratio est; quia Domi-

mus dixit, *nō bibam amodo de hoc genimine vitis . non de aqua .* Armeni contra, offerebant sine aqua, vt refertur eadem 6. Synodo, decepti ex illis Chrysostomi verbis; *Christus post resurrectionem non aquam, sed vinum bibit.* Sed Ecclesia tenet vinū miscendum esse parum aquę, vt in sequenti dubio dicemus. 3. infertur neq; in aceto posse fieri consecrationem; quia non est vinum, neq; enim vini effectum, neq; proprietatem habet, D. Tho. 3. p. q. 74. ar. 3. & 4. d. 2. q. 2. 4. Ricar. 4. d. 11. ar. 2. q. 5. Gabr. q. 2. ar. 2. Bonau. d. 11. q. 4. ar. 1. Sot. d. 7. ar. 5. Et licet Glos. in cap. sicut in sacrificando, de consecr. d. 2. A lens. 4. p. q. 31. m. 4. Innoc. iij. l. 4. de offic. miss. cap. 3. 30. videantur significare in aceto posse confici. Vos tamen exponite cum Soto, intelligi non de aceto perfecto, & vino corrupto, sed de vino acido. Quarto infertur, consecrare in vino congelato putat Sot. esse temerarium, & non sine peccato. Ego dicerem cum multis recentioribus, duplicem esse congelationem; alteram leuem, cuius signum est, si adhibito igne, vel admotum vinum ori, statim liquefit, & redit in saporem pristinum; & hoc modo consecrabile est, quia est potabile. Alteram congelationē dicimus esse magnam, quando scilicet non facili soluitur, & si soluitur, serō soluitur, nec recipit pristinum saporem; & sic non potest consecrari; nam signum est corruptę substantię: quodd si facta consecratione vinum gelatur, non ideo desineret esse Sanguis Christi quamuis non sit potabile. Quid si sit dubium? in dubio venerandum est, mitione non solvente specie; in Concil. Antisiod. quod fuit tempore Isidori can. 8. dicitur esse grande peccatum consecrare mulsum. i. vinum mellitum. Dices, an possit consecrari aqua vinata, seu aqua superfusa super acervum vuarum postquam ex his expressum est vinum? Resp. non posse; quia non est vinum, sed habet vini acumen. ita Anton. 3. p. tit. 13. cap. 6. §. 1. Angel. Euch. 1. §. 13. Armill. §. 9. intellige cum aqua addita mutaret speciem vini; vt notat Armill. & Angel. tunc enim non valeret consecratio. quodd si species vini, ac virtus maneret, fieret consecratio; tamen esset abstinendum propter periculum: nisi cum aliud non potest hāri. Armill. ibid. & est cap. cum vīne. de consecr. d. 2. & cap. perniciosus. de celebr. miss. Quodd si tantum aquę apponatur vt solvatur species vini, non potest perfici Sacramentum; D. Tho. 3. p. q. 74. ar. 3. & alij. Si enim adderetur parum, vel tantū

ut non solvatur species vini, tenet consecratio. Idem dicatur de quacunque alia admistione liquoris cuiuscunque cum vino, vel aque rosaceæ, vel alterius artificialis. Peccaret si quis admisceret; sed si species vini remaneat, conficitur Sacramentum: Anton. sup. & Angel. denique sic regula: si mistio est parva, manente specie vini, est Sacramentum. si est magna, non tenet. in duobus consecrare, peccatum est.

Decimum octavum dubium. An permistio aque cum vino in calice sit de necessitate huius Sacramenti? Resp. confutatis duabus hæresibus dictis in dubio præcedenti hydropanistarum, & Armenorum, sentit Ecclesia miscendum esse parum aque in vino. Patet primo, quia est traditio ducta à Christo, ut docet Cypr. l. 2. consecrauit enim Christus calicem dilutum; Concil. Carchag. iij. cap. 24. cui interfuit August. Concil. Bracar. iij. can. 1. Florent. in bull. vnion. Armen. & Trid. sess. 22. can. 7. & 9. Concil. Aphric. cap. 1. can. 4. sub Honorio iiii. & in 6. Synod. in Antisiod. can. 8. in Triburiens. can. 9. anno Domini 891. Secundo ex patribus, qui dicunt in mysterijs vinum esse diluendum aqua; Iust. in apolog. 2. pro Christianis. Irenæ l. 4. cap. 57. & l. 5. initio. Ambr. l. de Sacra. cap. 1. & de Eccl. dogm. cap. 75. Damasc. l. 4. cap. 14. Emyss. hom. 5. de pasch. Bed. in Matth. 26. Teophyl. in Io. 19. Clem. Rom. l. 8. Const. cap. 17. Hierony. in Mar. 14. Tertio ex patrum liturgijs in d. Iacobi Apost. & recitatur 6. Synod. Constant. 2. Basilij magni, & allegatur ab eadem, ubi dicit esse traditionem Apostolicam. 3. liturgia est Ambr. & Chrysost. 4. ex Canonib. can. in Sacramentum, de consecr. d. 2. Alex. v. à Petro can. sicut. Cyprian. Papæ. can. scriptura. eiusdem can. non potest. Martini can. cum omne. Iulij, qui fuit tempore Athanasij. & de celebr. miss. can. cum arte. Innoc. iij. cap. perniciosus. Honorij iij. cap. per literas. eiusdem. Quinto rationibus; quia propriè loquendo calix, vel poculum quod bibitur significat vinum cum aqua. Secundo, quia Christus more Iudeorum cum cenabat miscbat aquam. Tertio, quia est signum temperantiæ. Quarto (& est ratio myca;) quia cum hoc sacrificium sit memoriale sacrificij cruenti, debet imitari sanguinem, & aquam. Quinto, quia Apocal. 17. *aqua multi, populi multi.* mistio aque cum vino est symbolum vnionis populi cum Christo. Denique probatur ex figuris, & prophetis; sufficit vna, *prou. 9. sapientia edificauit sibi domum.*
1. Eccle-

.i. Ecclesiam; *excidit columbas septem. i. septem Sacramenta* & *miscuit vinum*; ergo non est vinum purum. Dices primo. An hæc aqua sicut est de necessitate præcepti, sic etiam sit de necessitate Sacramenti? Resp. negativè. patet ex cap. Sacramenti. de consecr. d. 2. & ex Trid. sess. 22. cap. 7. & can. 9. & probatur; quia ponitur ad significandum aquam fluentem ex latere, at ex vulnere per se fluit sanguis, aqua per accidens in quadam significationem, ut diximus supra, tract. 2. cap. 2. dub. 1. Innoc. iij. de offic. miss. obijcies: Christus instituit Sacramentum in calice diluto, ergo aqua est de essentia materiæ Sacramenti. Resp. non fuisse mentem Christi ponere aquam de necessitate Sacramenti, quod colligitur ex illo; *non bibam ex hoc genimine vitis*. obijcies 2. nã sunt multi canones. qui aiunt Sacramentum non posse esse perfectum sine aqua. Resp. loquuntur de perfectione congruentiæ, non necessitatis; si quis enim omitteret, peccaret. Vnde inferas vnum, quòd si quis loco aquæ elementaris infunderet rosaceam, valet Sacramentum; quia non est de essentia. Deniq; quòd sit de essentia præcepti, & non Sacramenti, videndi sunt D. Tho. 3. p. q. 74. ar. 3. & Victor. q. 60. Dices secundo; quanta debeat esse quantitas aquæ miscendæ. Resp. prima opinio est D. Tho. & communis, debere esse modicissimam, non autem rorem; dummodo possit conuerteri in vinum antequam consecratur; nam alioqui manebit aquæ substantia; nam D. Tho. credit non posse conuerteri aquam immediatè in sanguinem; quare ordo prædicatorum habet in more ut initio missæ misceat. probatur autoritate Innocentij iij. cap. cum marthæ. de celebr. miss. ubi recitat tres opiniones. Prima est, quòd aqua admixta vino perseverat adhuc facta consecratione. quam confutat, quia repugnat Ambros. l. de ijs, qui myst. cap. 9. ubi ait, post consecrationem nihil manere nisi Corpus, & Sanguinem Christi; quia esset occasio idololatriæ materialiter in populo. Secunda opinio est, quòd sicut vinum transit in sanguinem, ita aqua admixta vino transit in aquam quæ fluxit ex latere Christi. Confutat: quia sequeretur quòd sicut vinum consecramus seorsum à pane, ita possemus consecrare aquam sine vino. Tertio est, quòd aqua transit in vinum immediatè, & mox in vino & cum vino transit in sanguinem. & hanc putat D. Tho. esse probabiliorem Innocentio. Quarta opinio est recentiorum, qui dicunt materiam

Tiam calicis constare ex vna parte essentiali, & ex duplici integrali. i. aqua & vino, ita vt vtraq; pars integralis immediate conuertatur in sanguinē, eo modo quo dicunt Theologi materiam chrismatis constare ex oleo essentialiter, & balsamo integraliter. in hac re dico: Secundam opinionem esse veriorē. Probat ex Innoc. allegato, qui recitat tres opiniones. Prima sentit aquam & vinum transire immediate in sanguinem, quia vtraq; elementa fluxerunt ex latere Christi. recitata hac opinione, Innocentius nihil dicit de illa, & statim aggredditur secundam quæ est hæc, aqua vertitur in vinum, & mox vinum in sanguinem. de hac Innoc. fert hanc censuram, dicens; *hæc incredibilis est, quia physici dicunt, factam mixturem aquæ, & vini, posse aquam separari*. Tertia est, quod aqua nec transeat in vinum, nec in sanguinem; sed maneat aqua circumfusa accidentibus vini, & probat; quia non est impossibile aquam perseverare cum sanguine Christi, cum in eius corpore crucifixo fuerit aqua, & sanguis. Positis his sententijs, ait Innocentius: inter has, prima est probabilior vt expressius eluceat Sacramenti natura; cum aqua sit typus Ecclesiæ, quæ Christo coniugitur. Debet ergo conuerteri aqua in sanguinem. Probat secundo, quod tam paruo tempore quod fuit inter mixturem, & consecrationem, non potest aqua corrumpi; præcipue cum in Concilio Tribur. decernatur esse ponendam tertiam partem aquæ. Tertio, quia Christus sumpsit calicem dilutum, & de toro dixit, *hic est sanguis meus*; quæ verba sunt conuersiua totius inuenti in calice. Confirmatur, quia Innocentius in cap. perniciosus. de celebr. miss. recitat quandam consuetudinem cuiusdam Ecclesiæ, in qua plus apponebatur de aqua, quam abolendam iudicat; quia sequenda est rationalis consuetudo Ecclesiæ vt sit plus vini, quam aquæ. ex quo colligo primo, satis esse si sit plus vini. Secundo, nec dicit quod si quando apponebatur plus aquæ non fiebat Sacramentum; & tamen Paschasius l. de Corp. & Sangu. Domini, cap. 9. disertis verbis sentit aquam, & vinum transire immediate in sanguinem. Obijcies, Concilium Florent. in bulla, decernit debere aquam modicissimam misceri, ita etiam & Trid. sess. 21. cap. 19. Sot. in 5. d. 9. q. 1. ar. 6. ergo fauet D. Tho. Resp. negando consequentiam. nam Concilium loquebatur ad cautelam, non ad necessitatem. Secundo obijcies, patres dicunt

sub

sub speciebus panis esse Corpus Christi, & sub speciebus vini esse sanguinem; non autem dicunt sub speciebus aquæ: ergo. &c. Resp. primo retorqueo argumentum; quia fatentur Thomistæ in pane recenti adhuc superesse multum humoris aquei, & tamen si tunc panis consecratur, convertitur substantia panis, & ille humor in Corpus Christi; & tamen non dicunt patres manere Corpus Christi sub speciebus panis, & humoris aquei. Secundo resp. directè, quia aqua non est convertibilis in sanguinem Christi seorsum per se, sed ut admixta vino, & ita mixta, ut alterata aqua, vel refractis formis aquæ, consequenter totum quod est in calice, vinum esse dicitur. Dices, quid si in vino iam apposita fuit aqua in vase, vel in dolio, an debeat iterum apponi in missa? Resp. affirmativè ex D. Tho. 3. p. q. 74. ar. 8. ad 3. Scot. in 4. d. 9. q. 1. ar. 6. Riccard. d. 1. ar. 3. q. 6. Palud. q. 1. ar. 6. concl. 5. Ledes. 1. 4. q. 13. ar. 7. Angel. ver. Euchar. 1. §. 1. Sylu. eod. q. 3. probatur; quia significatio quam Ecclesia intendit in eo ritu, id requirit; ut videlicet significetur unio populi Christiani ad Christum, ut habetur in Concilio Flor. Dices, quæ quantitas vini sit consecranda? Resp. ut supra, dubio 3. in ordine. scilicet ad summptionem metiendam esse quantitatem. melius est tamen parum consecrare.

Remanent nonnulla dubia circa conversionem panis, & vini, in Corpus, & Sanguinem Christi. Circa transubstantiationem, circa modum quo Christus existit in hoc Sacramento. & circa accidentia quæ remanent in Sacramento. Idcirco eodem ordine, circa conversionem panis & vini in Corpus, & sanguinem Christi, sit

Decimum nonum dubium. An repugnet per divinam potentiam idem corpus numero esse posse in duobus locis. Resp. dupliciter hæc questio examinari potest; vel per absolutam Dei potentiam, vel in lumine naturæ. si procedamus per absolutam Dei potentiam; Dico; posse idem numero corpus poni in multis locis dimensivè. Scot. in 4. d. 10. q. 2. Riccard. Mediu. d. 16. q. 2. ar. 2. Aureol. apud Capreol. ibid. q. 1. ar. 2. Gabr. d. 16. q. unica ar. 2. & 3. dub. 3. OKan. d. 4. q. 4. Marf. q. 7. ar. 4. qui putant dicere contrarium præiudicare fidei. Idem sentit Hugo de sancto Vi& l. 2. de Sacram. p. 8. cap. 11. & hanc opinionem ut tutiorem sequuntur omnes qui hoc tempore controuersias habent cum hereticis. Pro quo suppono vnum, hoc

mysti-

myſterium præſentis Chriſti in cælo, & in Sacramento, eſſe vnum ex ineffabilibus myſterijs fidei, quæ non ſunt humanis rationibus ventilanda; ſed fide, & ſilentio veneranda; quia excedunt humanæ rationis capacitatem. Probatur ex ſcripturis, quæ dicunt, Dominum reuelare multa ſupra captum. Eccleſ. 3. *altiora te ne quaſieris, & fortiora te ne ſcruteris, & in pluribus operibus Dei non eris curioſus.* & Sap. 9. *Corpus quod corrumpitur aggrauat animam, & deprimit ſenſum multa cogitantem.* & Iob 38. *Exprobrat illi Deus inueſtigationem rerum diuinarum, ſi difficilia exiſtimamus quæ in terra ſunt, quæ autem in cælo quis inueſtigabit.* Confirmatur. opera Dei circa nos ſunt nobis incomprehenſibilia, ergo multo magis opera quæ facit circa filium ſuum. antecedens habetur ad Rom. 10. & Pſal. 35. 138. & alibi. & omnes patres dicunt hoc myſterium eſſe inenarrabile. His ſic ſtantibus, ſit

Prima conc. Ex principijs creditis euidenter colligimus eſſe poſſibile idem corpus eſſe in cælo, & in terra. Probatur primo ex multorum patrum autoritate, & liturgijs, vbi dicunt, non quoniam multis in locis offertur ſimul Corpus Chriſti, ideo ſunt multa corpora, ſed vnum. Secundo, quia multi etiã patres dixerunt, Corpus Chriſti eſſe vbique, non quidem ad mentem Brentianorum, qui humanitatem ex vi hypotaſeos diuinæ vbique ponunt, ſed dicunt Chriſtum habere poteſtatē ſe exhibere præſentem vbiq; quando vult. Tertio ex Auguſt. l. de cura pro mortuis agenda, cap. 6. & 7. vbi proponit quæſtionem, cum Martyres ſimul diuerſis in locis appareant, quærit, an ſint ipſi martyres, an Angeli pro eis? & tandem non au det definire, quia apud Deum nihil eſt impoſſibile. Quarto ex ſcripturis: vbi habetur Chriſtum apparuiſſe multis, & tamē ita eſt in cælo vſque ad diem iudicii, vt nuſquam cælum deſerat. Ita Petrus act. 3. *Quem oportuit cælum ſuſcipere vſq; ad tempora reſtitutionis omnium.* Confirmatur ex Pſal. 110. *Sede à dextris meis, donec ponam inimicos tuos &c.* & ad Hebr. 9. *non in manu facta ſancta introiuit, ſed in cælum, vt appareat nunc vultui Dei pro nobis, ſemper viuens ad interpellandum pro vobis.* & can. 1. de conſecr. d. 2. ait Auguſt. *donec ſeculum finiatur ſurſum eſt Dominus.* hinc ſic; Chriſtus nunquam cælum relinquit, & tamen manens in cælo ſæpe apparuit in terris, ergo poſſibile eſt eſſe ſimul pluribus in locis.

appa-

apparuit Paulo 2^a. 9. 22. & 26. hæretici dicunt istam apparitionem fuisse imaginariam. Contra: Sancti Patres dicunt non minus fuisse veram quàm apparitionem factam Apostolis post resurrectionem. Ita Orig. l. 2. contra Cels. Ambr. in 1. cor. 9. Chrylost. hom. 38. in 1. ad Cor. August. in illud Ioannis; *modicum & non videbitis me*. Arnob. l. 1. contra gent. ex Professo id tractat. itē quia Paul. 1. cor. 15. ad probandam veram Christi resurrectionem adhibet testimonia eorum quibus apparuit, *visus est Cepha, & undecim &c. nouissimē tanquam abortiuo visus est mihi*. Ergo verē apparuit Paulo, & non imaginariē. & 2^a. 26. Paulus narrans apparitionem Agrippę, dicit; *Respondit mihi, ego sum Iesus; ad hoc enim apparui tibi, ut constituam te ministrum, & testem eorum quæ vidisti*. Item, quia Dominus apparuit Petro in via Apia Romę, vbi nunc est oratorium in eius memoriam. cuius apparitionis meminit Egesippus l. 3. de Excid. Hirosolymita. & Orig. tom. 21. in Ioan. Athanas. in Apolog. de sua fuga. & sexcenties. 5. deniq; probatur conclusio ex regula illa Gregorij hom. 26. in Euang. vbi ait. *Hæc ipsa Redemptoris opera, quę ex seipsis scrutari non possumus, ex alijs factis pensanda sunt; ut ex mirabilibus mirabilia comprobemus*. Sic Ioan. 6. ex mirabili Christi Ascensione probat miraculum Eucharistię. & Luc. 5. ex eo quod habeat Christus potestatem faciendi miracula, probat etiam se posse peccata dimittere. Et Paulus 1. cor. 15. probat resurrectionem nostram ex eo quod Christus resurrexit. Regula igitur Gregorij optima est. Hinc sic ego assumo aliqua mysteria fidei quę sunt valde difficiliora: ergo sicut illa credimus, sic etiam & hoc credere debemus. Primum mysterium sumitur ex obedientiali potentia creature ad creatorem, quam Scriptura prædicat latius patere potentia naturali, primo ad plures species receptibilium. v.g. potest recipere genera linguarum, prophetias, miracula &c. & manna ad omnes sapes. Secundo, ad plures gradus intensio- nis intra eandem speciem eiudem formę receptibilis. patet exemplo Sampsonis, cui collata fuit fortitudo intentissima. & Isa. 30. *Erit lux Lunę sicut lux Solis &c.* Tertio, quo ad quantitatem discretam, vt patet in panibus multiplicatis in manibus Christi &c. in lecytho olei in manu Elizę, & in vasis olei Elisęi. Quarto, quoad mensuram durationis; nam quę na-
Y tura-

turaliter parum durabilia sunt, durant etiam, vt vita Enoch, & Elie. & ea quæ natura facit in tempore, potentia obedientialis facit in instanti; vt organizatio corporis Christi, & translatio Abacuch in Babylonem, quæ fuit celerrima. Quinto, quoad potentiam receptiuam eiusdem formæ pluribus modis; nam naturalis potentia procedit à dispositione ad formam; sed obedientialis etiam potest procedere à priuatione ad habitum; vt in cæcis illuminatis, & mortuis resurgentibus. Sexto, quoad potentiam passiuam ultimò actuatam, iterum, & iterum actuabilem, & terminabilem. patet in potentia loci, quæ vocatur implebitas, .i. postquam locus est impletus locato, habet ultimum actum; & tamen potest etiam impleri potentia obedientiali per penetrationem dimensionum. His positis dico primo, inter alias potentias passiuas creaturæ, est locabilitas, & huius potentie actus est locatio. Dico secundo, habito vno loco adæquato, per hanc solam adæquationem actuatur perfectè potentia corporis naturalis. Dico tertio, cum actuatora potentia naturalis circa vnum actum, adhuc maneat in potentia obedientiali ad alios actus; vt patet in omni genere potentiarum (vt supra ostendit) quod facta perfecta locatione, potest adhuc fieri alia per potentiam obedientialem. Secundum mysterium est Trinitatis; nam non est minus incredibile nostro intellectui eandem numero essentiam esse in tribus personis, quam vnum corpus esse in tribus locis; sed illud credimus, ergo & hoc. Probatur maior; quia sunt omnia paria, & quædam difficiliora ibi. Primo paria ex parte distinctionis, quia sicut locus, & locus distinguuntur realiter, ita personæ, & personæ; & tamen vna essentia in tribus personis, ita corpus in tribus locis. Secundo ex parte oppositionis extremorum, quæ maior est in Trinitate; quia sicut locus & locus opponuntur situaliter, ita persona & persona relatiuè; quæ oppositio est multò maior quam localis. Tertio est paritas, quia hæc oppositio neutrobique redundat in tertium. .i. essentia diuina vt est in patre, non opponitur sibi vt est in filio, & tamen manet oppositio extremorum, ita, quauis locus & locus opponantur, tamen locatum non opponitur sibi vt est sursum, vel vt est deorsum. Confirmatur, quia in Trinitate essentia non distinguitur à personis nec realiter, nec formaliter à parte rei, & tamen cum tanta identitate potest

flare

stare oppositio relationum : at locatum distinguitur à locis realiter . Quarta paritas est ; quia sicut essentia habet posse esse vnam in tribus personis , ex natura suæ illimitationis , quia est infinita ; ita hoc locatum , quia secundum potentiam obedientialem in ipso exercitam , est factum illimitatius quàm quilibet locus , sit ve pateat latius quàm quilibet locus . Tertium mysterium est incarnationis . Non est minus incredibile vnum numero suppositum subsistere in duabus naturis , quàm vnum corpus in duobus locis , sed illud est credibile , ergo & hoc . Probatur maior . Primo sunt paria , quia est maior distantia entitativa inter humanitatem , & deitatem , quàm distantia localis loci à loco ; sed idem suppositum est vtrobiq ; ergo idem corpus potest esse vtrobiq ; . Secundo sunt paria , quia sicut duo loca sunt inter se in compossibilia , ita duæ naturæ sunt in compossibiles in vno supposito ; sed duæ naturæ sunt in Christo , ergo &c . Tertio sunt paria , quia magis forma substantialis multiplicat suppositum suum , quàm accidens suum subiectum ; quia est intimior dependentia inter naturam & suppositum , quàm inter accidens & subiectum ; sed in Christo sunt duæ formæ substantiales in vno supposito , ergo multo magis manebunt cum vno locato duæ vocationes , quia sunt accidentia . Quarto , sicut suppositum ideo subsistit in duabus naturis quia est illimitatum , ita etiam locatum , quia est illimitatum per potentiam obedientialem . Quartum mysterium ex Resurrectione . Magis distat quòd desijt simpliciter esse ab esse , quàm esse locatum hic , ab esse locato illic ; quia plus distat esse à non esse , quàm vbi ab vbi ; sed Deus in resurrectione mortuorum multa accidentia quæ desierant esse reducet eadem numero , & huic identitati nihil obstat discontinuatio tot seculorum inter idem esse , & idem esse ; ergo multo minus locorum discontinuitas distabit identitati numericæ eiusdem beati . Quintum mysterium ex corporum penetratione , Vnitas loci est indifferens ad locati adæquati tam unitatem , quàm pluralitatem , quia idem locus potest secum cõpati vnum , & multa locata per penetrationem : ergo vnitas locati est indifferens ad unitatem , & pluralitatem loci adæquati . Probatur conseq . quia si duplicatum .s. locum repugnat esse commenturabile nisi duobus locatis , simplex & locum repugnabit esse commenturabile nisi vni locato : quæ enim

est proportio inter duo, & duo; eadem est inter vnum, & vnū sed non repugnat esse vnum cum duobus; ergo nec duo cum vno. Sextum mysterium. ex æternitate, quæ cum sit vnum instans, tamen potest coexistere temporibus discontinuis, & coexistens præterito non sit præteritum: & futuro non sit futurum; & hæc tempora non sunt vnum, sed plura; cum æternitas ex sui illimitatione sit vna; ergo idem locatum si fiat locis illimitatus, poterit coexistere cum multis locis. & sicut vnum tempus non coarctat æternitatem, sic vnus locus non coarctat locatum. Ex his patet ex principiis creditis, non repugnare per diuinam potentiam idem corpus numero esse posse in pluribus locis. Examinemus nunc idipsum contra Philosophos in lumine naturæ. Supponendo in rerum natura esse aliquod agens, cuius potentia actiue obiectum sit, quicquid non implicat contradictionem. quod probat D. Tho. in 1. p. de potentia Dei. Sit igitur

Secunda conc. Enti vt enti non repugnat idem totum esse localiter extra se totum sine sui diuisione. i. per continuitatem. Probatur primo à posteriori in omni substantia immateriali, Deo, Angelo, & anima rationali, nam tota, & eadem anima est in capite, pede &c. & tamen tota anima vt est in capite, distat localiter à se tota vt est in pede, sine tamen diuisione, quia continuatur per pedes, & crura &c. Dixi(localiter) nam non est extra se tota entitatiuè, sed localiter. Idem de Angelis & Deo. 1. à priori. coextendi posse spatio quanto maiori, & maiori, est intrinseca perfectio substantiarum etiam immaterialium: sed coextensio diuisibilis, & commensurabilis partium locati ad partes spatij locantis est imperfectio repugnans substantijs immaterialibus, ergo præter istam diuisibilem coextensionem, danda est alia, per quam totum singulis partibus coextendatur sine sui extensione. Probatur maior, primo ex parte agentium per contactum, quæ quò maiori spatio coextenduntur substantialiter, eo habent maiorem perfectionem. prob. mino. 1. quia coextensio physica est passio propria corporis materialis, quæ est diminutum ens; quare non potest quadrare substantia immateriali. Secundo, quia vbi est coextensio diuisibilis, ibi est compositio in substantia ipsa, quæ multum habet potentialitatis, & minus de actu, & est dispositio naturalior ad corruptionem substantia, quam ad permanentiam,

identiam, quæ debetur substantiis immaterialibus. Tercio, quia est maioris independentiæ si identitas entitatis, & substantiæ abstrahat ab identitate localitatis, quàm si ex naturali necessitate pars ad partem necetur. Quarto, quia est perfectius sufficere pluribus sine sui diminutione, quàm cum diminutione, ac diuisibiliter sufficit pluribus cum sui diminutione, quia pars est in parte &c.

Tercia conc. Huius numerice unitatis quam seruat substantia spiritalis existens in pluribus partibus distantibus localiter; nec est ratio, nec requisitum intrinsecum est indiuisio, vel continuitas. est Scot. Gabr. Okan, Marsil. & multorum Thomistarum. Probatur, quia secundum hos theologos non repugnat Deum posse separare brachium à reliquo corpore, ut conseruaret animam eandem in brachio separato, ergo erit utrobique. Probatur assumptum testimonio doctorum allegatorum, & ratione: quia quicquid est conseruabile effectiue per secundam causam, est conseruabile etiam à Deo solo propria secunda causa; quia omnipotentia Dei vel formaliter, vel eminenter est omnis actiuitas creaturæ. & hoc genus causalitatis effectiue nihil ponit imperfectionis in agente, sicut materialis, & formalis; sed anima humana ut est forma brachij in sui conseruatione vel non pender ab anima ut est in pectore; vel si pender, pender effectiue; ergo potest suppleri à Deo. prob. minor, quia pender solum per summistrationem spirituum, qualitatum, & dispositionum, quæ sunt necessariæ ut anima sit forma brachij; ergo sit effectiue.

Quarta conc. Est probabile hoc ipsum quod in 1. conc. à posteriori demonstrauimus esse demonstrabile à priori. Primo continuitas indiuisa est posterior formali identitate, ergo non repugnat hanc abstrahi ab illa. Prob. consequentia, quia prius est à quo non conuertitur subsistendi consequentia, quia prius est à quo non conuertitur subsistendi consequentia. Probatur anteced. per id quod anima in brachio sit talis, per idem sit idem animæ in corpore: sed in brachio anima est talis non propter continuitatem, sed quia habet tale esse formale: imo quia anima in brachio est talis, & in corpore est talis; ideo est continua, non contra. Secundo, aliquid non est unum sibi quia est continuum sibi, sed veriore quadam unitate; quia continuitas est propria partium & partium, quare soluta con-

continuitate

inuitate perit unitas partium . totum verò & totum non est
 vnum sibi hac continuitate; quia constituitur ex toto, & totop
 neq; quia continuatur sibi; sed quia est idem sibi . Tertio idé-
 titas entitatiua est ad se, & est quid absolutum; sic etiam con-
 tinuitas, vel indiuisio, si qua est sui ad se; ergo potest stare
 multiplicatis vbicationibus; quia absolutum absolui potest &
 relatiuo; at vbicatio vel est respectuum formaliter secundum
 Scotum, vel saltem intrinsecè includit dependentiam ab alio.
 Hinc infertur quòd istius numericæ unitatis animæ in brachio;
 & in corpore, cum non sit ratio illa continuitas; potest assi-
 gnari duplex alia ratio. Prima est independentia naturalis &
 locali determinatione, quia est spiritus. Secunda quia spiri-
 tualis substantia habet plenitudinem sui esse per quam potest
 sufficere pluribus locis sine sui diminutione, ita vt quodam-
 modo possit dici quòd hoc esse immateriale est pluries ipsum
 totum, ita vt secundum vnum totum se applicet vni loco;
 secundum aliud est alibi. Sed contra has duas conclusiones
 obijcies, primo substantia immaterialis non habet partes,
 ergo repugnat diuidi. Probatur conseq. quia mensura diuisio-
 nis est præexistentia, & vnio diuidentium in diuiso; quia di-
 uisio non generat nouas partes, sed quæ erant, separat; & in
 substantia spirituali non sunt partes; ergo &c. Resp. est duplex
 diuisio; vna propriè, & hæc supponit in diuiso vnionē partium;
 & hæc est corporum. Altera impropriè, quæ supponit vnio-
 nem totius, & totius; quia idem totum pluries est; & hæc di-
 uisio non facit esse partem extra partem, sed facit totum ex-
 tra totum. Secundo obijcies, si supponitur totum, & totum,
 & diuisio facit totum semel, videlicet in brachio solum: ergo
 sequitur quòd supponitur maius totum, & sic maius totum;
 quia plus est esse bis totum, quàm semel; at habere magis &
 minus, est corporum. Resp. maius & minus primo sumitur
 vt fiant per additionem, vel subtractionem partis & partis,
 vel nouæ entitatis, & hoc est proprium corporum. Secundo sic
 non per additionem, vel subtractionem, sed per replicationem
 eiusdem totius entitatis; nam dicit Marsi. in 4. q. 7. ar. 1. ad 2.
 in substantia spirituali est duplex totalitas, prima totaliter,
 vel simpliciter, secunda partialiter, vel secundum quid. in
 anima humana ante omnem diuisionem est totalitas simpli-
 citer; quia est pluries eodem, sed post diuisionem remanet
 tota-

totalitas secundum quid.

Quinta conc. Non repugnat eundem numero spiritum esse in pluribus locis, non coextendendo intermedijs, Probatur; quia si idem spiritus potest à se discontinuari, parum refert an parum, an multum à se distet. Imo addo, quòd animæ ut existenti in brachio, & ut positæ in czlo, per accidens est quòd anima remaneat in mundo quæ fuit in corpore; quia non pèdet hæc ab illa in esse, vel conseruari.

Sexta conc. Non repugnat idem corpus esse in pluribus locis distantibus in vno quantitativè, in altero incircumscrip-
tivè. probatur primo, quia potest esse in multis locis simul, cum non repugnet enti ut enti; Si repugnaret corpori ut tali enti: Sed nulla est ratio cur repugnet corpori cum non repu-
gnet spiritui; ergo &c. probatur min. quia triplex disparitas, fingi potest. Prima ratio, quia corpus naturaliter est deter-
minabile ad dependentiam localis distantie; quod non est in spiritu. non obstat primo, quia licet aliqua priora, & poste-
riora naturaliter non possint separari, tamen quandoquidem prius in suo formali conceptu non includit posterius, non re-
pugnat separari; sed substantialis, & entitativa vnitas corpo-
ris prior est secundum se, quàm eius determinatio ad localem distantiam; ergo quamvis aliter possit esse corpus sine hac de-
pendentia, tamen potest supernaturaliter. Secundo ex Aureol. Deus potest facere quicquid non implicat contradictionem; sed si Deus ponat idem corpus, quamvis naturaliter determi-
natum ad situm ponat in multis locis, non sequetur affirma-
tio, & negatio de eodem; quia non sequitur quòd idem pluri-
ficetur, & non plurificetur; quia plurificari cadit super vbi-
ficationes, non plurificari cadit super corpus, sed non est idem corpus, & vbi: Secunda disparitas, quia corpus addit enti ut enti necessitatem continuitatis, quæ est propria passio quã-
titatis; sed hoc non obstat: primo quia saltem posset constitui idem corpus in pluribus locis continuis. secundo, quia con-
tinuitas est partium, & partium propriè, & hæc servatur; quia in utroq; loco sunt omnes partes sibi continuæ; sed præ-
ter istam continuitatem est alia, quæ propriè vocatur indivi-
sio, quæ est totius, & totius; & hæc propriè est spiritus. Vnde si distantia localis propriè non soluit in diuisionem entis immaterialis, ergo neq; materialis. tertio, quia impedimen-
tum

tum ne quid sit in pluribus locis simul, non est quantitas, sed unitas essentialis, quæ videtur distrahi per distantiam localem; at hæc unitas est communis utriq; enti, materiali, & spirituali; ergo si in vna non impedit, neq; in alia. maior probatur, quia id quod primò fit per distantiam inter idem & idem; est, quia idem bis ponitur; at idem bis ponere directe opponitur unitati essentiali. quòd autem sit idem bis modo diuisibili, non facit esse magis vel minus bis. Tertia disparitas est ex imperfecto genere entis; quia corpus non est adeo ens plenū, & perfectum, vt possit sufficere pluribus sine sui diminutione. non obstat, nam retorqueo; quia etiam locus naturaliter cū sit imperfectum genus entis, non sufficit de se pluribus locatis sine sui diminutione, & tamen potest fieri, vt vnus locus sufficiat pluribus locatis. sic etiam, quamuis corpus locatum non sufficiat pluribus locis sine diminutione, fieri tamen potest per Dei potentiam. Secundo soluo, quia sicut potentia obediens facit locum illimitatiorem locato, ita locatum loco, vt idem sufficiat pluribus locis. Sed in hac illimitatione est primum dubium. ista illimitatio vel addit aliquid corpori, vel non; si secundum, ergo relinquit ipsum vt antea, & sic vni loco tantum sufficit. Si primum, ergo ipsum magis extendit vsq; ad monstrositatem. Resp. hæc illimitatio dupliciter intelligi potest: Primo per nouam extensionem factam vel eiusdem corporis rarefactione, vel additione nouæ quantitatis; & hoc non ponimus nos. Secundo, non per nouam extensionem, sed per eiusdem totius replicationem; quia idem bis ponitur, sicut diximus de spiritu. Secundum dubium de spiritu facile intelligimus esse replicabilem; quia eū habeat plenum ens spiritus est idem totum; sed de corpore non ita; quia corpus semel est totum, quomodo ergo potest replicari? Resp. naturaliter verum est corpus esse irreplicabile, tamen dicimus quòd ea quæ competunt spiritui naturaliter, possunt obedientialiter corpori competere, excepta naturali habitudine, in qua consistit specifica differentia. Probatur primo, quia esse indiuisibile est proprium spirituum; at si Deus auferat corpori quantitatem, remanebit quidem indiuisibilis actu, sed diuisibilis potentia. non sic in spiritu; quia neq; potentia quidem diuisibilis est. Secundo, quia coexistentia multorum suppositorum in eodem loco est propria spirituum, & tamen Deus

superna-

supernaturaliter facit multa corpora existere in eodem loco. Tertio quia moueri non motu progressiuo partis post partem, sed totius, & totius immediatè, est proprium spiritus, & tamen communicabitur corpori glorioso. Quarto, quia incorruptibilitas est naturalis spiritui, & supernaturalis corpori glorioso. Hinc infero, quòd sicut naturalis aptitudo ad hæc quæ numeravi est differentia specifica spiritus, & in communicabilis corpori, & tamen sunt hæc communicabilia corpori, ita replicabilitas &c. Tertium dubium: pro quo genere replicationis Deus replicat idem corpus in pluribus locis? nã de spiritu constat esse motum localem. Resp. prima opinio est, non posse idem corpus replicari sapius, nisi iterata eiusdè productione. ratio est, quia cùm replicationes substantiales secundum distantiam localem sit naturalis enti immateriali, vt eas habeat, sufficit vna productio æquiualens multis productionibus sapius ponentibus eandem substantiam multibi. Sed cùm istæ replicationes non sint naturales corpori, non potest ei noua aduenire nisi per nouam productionem. Secunda opinio, quòd sufficit ad hoc faciendum motus localis. Vtra sit verior, definiemus in dubio sequenti detransubstantiatione. Circa quam sunt duæ nouitates; vna in termino à quo, qui definit esse; & hic terminus est substantia panis, & vini, quæ cõuertuntur in substantiam Christi. altera est in termino ad què, qui est substantia corporis, & sanguinis, & nouitas est; quia incipit esse vbi non erat. Oritur igitur dubium de termino à quo. Quare sit

Vigesimum dubium. An substantia panis, & vini maneat, ita vt sint duæ substantiæ, videlicet panis, & Christi? Resp. omissis hæresibus cum suis captiunculis, & vetustissimis cantilenis, certissimum est ex omnibus patribus, Concilijs, & Scripturis, in hoc Sacramento nihil substantiæ panis, ac vini remanere. Patet primo ex forma institutionis, *hoc est corpus meum*. in quibus verbis etiam ipse Lutherus fatetur illud esse propriè accipi, non metaphoricè. hinc sic: propositio in qua vnum suppositum, vel pars suppositi prædicatur in recto de supposito altero per terminos absolutos, falsa est; nam non possum dicere, *hic paries est Petrus*; connotatiuè potest dici: vt, *hic paries est marmoreus*, non *marmor*. sed *hoc*, est nomen suppositi, vt patet ex ysu omnium linguarum. Item *corpus* signi-

significat vel suppositum, vel partem suppositi; potest dici, *panis est lapis*: licet possit dici *lapideus*. quare facit Christum mendacem. Secundo, si *hoc* significaret panem: deberet cum pane conuenire secundum syntaxim grammaticam. Vnde debebat dicere, *hic est corpus meum*. cum ergo dicit *hoc*, significat nihil aliud esse quàm Corpus Christi. Primum effugium suppeditatum à Scoto, quòd *hoc* non est necesse vt significet substantiam, sed accidens; videlicet hoc accidens contentivum corporis. Sed contra: quia in omni vsu loquendi cum quis absolute de aliquo substantiali profert *hoc*, non vult significare accidentia, sed substantiam; & si scriptura haberet aliquos loquendi modos quàm nos habemus, esset inutilis. Secundum effugium ex Durando, quòd *hoc* significat indefinitè, & vagè, videlicet non determinat hanc, vel illam substantiam an panis, an Corporis Christi. q.d. inter alia quæ hic continentur, vnum contentum est etiam *corpus meum*. Sed contra: primo, quia abhorret hoc ab auribus summulistarum, vt *hoc* significet vagè. Secundo, quicunq; ostendit vniuersaliter aliquid sine vlla limitatione, consequenter ostendit totum quod ibi est, alioquin mentiretur. Vnde si ibi sunt plura, & vnum tantum exprimitur, falsa est propositio; vt si de crumena plena argento, & auro, dicerem; hoc est aurum; falso dicerem. Sic, si sub speciebus Sacramentalibus lateret panis, & Corpus Christi, falsò diceret, *hoc est corpus meum*. Tertio probatur ex figuris testamenti veteris, quæ figurarunt conuersionem, 1. cor. 10. de manna, & de aqua quæ fluxit ex petra; at in ytraq; hac figura expressa fit conuersio; nam in manna probatur ex Sap. 16. *omne delectamentum in se habentem, & omnem saporem*. de aqua, habetur Psal. 17. de aquaeducta de petra. quomodo? Psal. 113. *Qui conuertit petram in stagna aquarum &c.* Dices primo, hæc doctrina est contraria sensibus, primo, quia experimur ex Eucharistia diligenter custodita nasci vermes; at vbi est generatio naturalis, ibi est materia. Secundo experimur nutriri hominem Eucharistia si multum sumat; at nutrimur substantia, non accidentibus. Tertio experimur manere accidentia quæ ante erant. Sed repugnat accidentia esse sine subiecto. Resp. quòd in rebus diuinis non est standum, experientia, sed verbo Dei miraculis confirmato, alioquin sequeretur primo Christum non fuisse Deum, sed hominem tan-

tum, quia in Christo experiebantur esse omnia humana. Secundo, sequeretur diuinas processiones, & origines esse tollendas; quia experimentum docet generationes esse rerum, corruptibilem, quæ cum non possint eadem numero perseuerare, conseruari volunt in specie. Tercio, tollenda esset resurrectio mortuorum, quia experimur non dari regressum à priuatione ad habitum. De illis autem experiencijs dicemus infra. Secundo dices. multi Sancti Patres docuere substantiam panis manere; & sunt duo præcipui, Theod. dialog. 1. & 2. contra Euthychium negantem in Christo esse duas substantias, videlicet humanam, & diuinam. probat posse esse; nam & tu Euthyches fateris in mysterijs esse simul substantiam panis, & substantiam Christi. eodem argumento vitur & Gelasius Papa l. de duab. natur. contra Euthychetem. & ad verbum affert idem argumentum. Est etiam Ambr. l. 4. de Sacram. cap. 4. vbi dicit; quòd si fuit facile Deo creare omnia ex nihilo, multò facilius erit facere vt quæ sunt maneant, vt sanctificentur in Corpus Christi; ergo manet panis. Resp. de Theodoro, & Gelasio, dico primo: quòd aliqui conantur illos interpretari; & fortè non malè, quia Theodoretus dicit, quòd manet natura panis .i. proprietates, non autem quid panis. Secundo dico, quod vix possunt exponi illi duo, quia clarè de hac re multa verba loquuntur. Dico tertio, quòd præualeat autoritas tot Sanctorum vni, vel alteri. Imo Theodoretus statuit hæresim de Spiritu sancto. & in Conc. Ephes. habitus est hæreticus. De Gelasio dico, quòd non est Gelasius Papa, sed quidam Cæsariensis conciuus Eusebij, quem sæpe allegat, & laudat. & Theodoretus sæpe allegat hunc Gelasium. at Gelasius Papa Romanus damnauit Eusebium vt hæreticum. can. sancta Romana Eccl. d. 25. Ad Ambrosium dico, hæc esse verba Ambrosij; si potuit ex nihilo sermo Christi facere quæ sunt, quantò magis faciet vt sint quæ sunt, & in melius commutentur? quæ verba nisi insensu catholico exponantur, fatua sunt; nam si manet panis, ergo non in melius commutantur quæ sunt. Tercio dices, ex 1. cor. 10. *Et panis quem frangimus nonne participatio corporis Domini est?* Frangi non competit Corpori Christi; ergo debet ibi substineri aliud Corpus. Resp. quòd frangitur panis, idest id quod panis videtur secundum speciem visibilem.

Vigesimum primum dubium: An saltem maneat pars substantiæ panis, videlicet materia? Resp. Durand. in 4. d. 11. q. 3. putat duo distingui in hoc Sacramento, videlicet substantiam facti, vel operis; & dicit, hanc non esse miraculosam, sed naturalem; quia putat manere materiam panis, & informari anima Christi, eo modo quo facta commestione, materia alimentorum manebat, & informabatur anima Christi. & quia videbatur hoc indignum animæ Christi in statu glorioso, ideo dicit non esse indignum; quia Christus post resurrectionem comedit. cur? ad probandam veritatem carnis resurrectionis. quod non probasset, nisi digessisset; nam sola traectio cibi non est actio vitalis. Secundo distinguit modum operis, & facti, & dicit hunc modum esse miraculosum, tum quia sit virtute agentis infiniti, quod potest cōuertere quidlibet in quodlibet, si non repugnat. Probat Dur. primum argumentum ex definitione conuerſionis. Ecclesia decreuit panem verè conuerſi in Corpus Christi; at conuerſio est successio mutua duarum formarum in eodem subiecto. Secundum, Ecclesia in Concilio Later. decreuit istam mutationem esse transubstantiationem. at si non maneret materia panis esset annihilatio. Primo, quia si non manet substantia panis nec in se, nec in alio, nihil est. Secundo, quia si in naturali corruptione forma corrupti compositi non rediret in potentiam subiecti remanentis, annihilaretur; at vos dicitis hic formam & materiam panis in nullam rem redire, nec manere; ergo &c. Tertium, dicunt Thomistæ mutari materiam panis in materiam Corporis Christi; & formam panis in formam Corporis Christi; hoc est impossibile, quia mutabilium reciproca est mutatio; sed repugnat formæ Christi conuerſi in formam panis, ergo etiā formam panis in formam Christi. Probatur min. quia forma Christi spiritus est, at spiritus non potest desinere esse, nisi per annihilationem; sicut nō potest incipere esse nisi p creationē. Quare sic hæc Conc. Nihil materiæ neq; formæ panis permanere in hoc Sacramento, sed in totam substantiam conuerſi. Quare permanentia materiæ non solum non est necessaria conuerſioni Sacramentali, sed ei repugnat. primo, quia nulla materia naturaliter est animabilis anima rationali, nisi habeat humanā organizationem, & complexionem; sed materia panis caret his, ergo non potest informari anima Christi. Probatur mi-

not de organizatione; quia organizatio est quedam figuratio quantitatis; at quantitas in Sacramento videtur; & permanet, non habet figuram humanam; ergo deest complexio quæ fit ex certo temperamento, & mixtione qualitatum; at in quantitate panis non est humanum temperamentum, quia si essent humanæ qualitates cum coextendantur quantitati extensæ panis, essent nobis sensibiles. Obijcies. Idem argumentum fieri posse de corpore Christi. Resp. est dispar ratio; primo in organizatione; quia quantitas quæ videtur, non est quantitas Christi, sed panis; vnde figura quantitatis Christi nobis inuisibilis est; & qualitates Corporis Christi non coextenduntur quantitati panis, sed sunt sub quolibet indivisibili; quare sunt insensibiles; quia sensibile diuisibile est. at cum qualitates materiæ panis sint coextensæ, si materia panis reciperet qualitates, essent sensibiles. Secundo, hæc materia panis vel se penetrat cum materia Corporis Christi, vel non; si secundum, ergo est extra species Sacramentales, ergo non informantur anima Christi; quia anima Christi non est extra species. si primum, contra; sequeretur primo Corpus Christi verè, & formaliter addensari. Secundo, sequerentur multæ monstrositates ex hac addensatione. Probatur primum, quia addensatio requirit primum multum materiæ simul poni. Secundo, hoc totum materiæ simul collectum, continuari. at si consecraretur ingens panis, & quidem densus, tunc multum materiæ coalesceret cum materia Corporis Christi, & utrunq; materiæ continuaretur; quia continuatio materiæ fit per eandem formam ut apparet in cibis. & quia per Durandum materia panis informatur anima Christi, sequitur ut continuetur materiæ Christi. Probatur secundum prima monstrositas, quia naturaliter diaphaneitas, & perluciditas corporis gloriosi non potest stare naturaliter cum tanta densitate materiæ opacæ ex se. Secunda, quia euerteretur dispositio propria multorum sensoriorum, & organorum sensuum, quæ requirunt quandam raritatem, & non maiorem, ut apparet in oculo, & sic Christus erit cæcus in Sacramento. Tertia quia sanguis in calice esset terreus, & non liquidus. Tertio sequeretur aliquando prolati verbis consecrationis, non totam materiam consecrari, quia etiam secundum Philosophos omnia viuentia habent terminos suæ magnitudinis extra quos non sunt naturaliter. Vnde quilibet

hoc forma etiam rationalis est determinata ut tantam materiam possit informare, & non maiorem. Unde si quis conficeret ingentem panem, aliquæ partes possent informari anima Christi, aliæ non. Quarto, sequeretur Christi corpus in Sacramento esse passibile, vulnerabile, &c. quia ista quantitas quæ est immediata sensibus nostris, & actibus extrinsecis, est quantitas materiæ panis secundum Durandum, & materiæ informatæ anima Christi; at experimur hanc quantitatem posse frangi; ergo materia quæ informatur anima Christi, frangeretur, vel vreretur; & sic Christus pateretur etiam in anima. Quinto, sequeretur quotidie animam Christi assumere, & deponere multas materias; nam istæ materiæ vel semper remanent cum Christo, & sic Christus secum traheret ingentem montem materiæ. Vel deponit Christus materias. contra: nã (ut benè ait Caiet.) sicut Corpus Christi est incorruptibile, ita multò magis decebat animam Christi esse immutabilem; at quæ maior mutabilitas quàm informare tot materias, & mox desinere? &c. Sexto, secundum Dur. & secundum veram philosophiam, materia prima est subiectum immediatum accidentium, saltem quantitatis; quare manente materia panis, accidentia panis non essent sine subiecto; imo in subiecto suo permanerent; at hoc est damnatum in Concilio Const. sess. 8. ar. 1. contra Ioannem Vpglef. Item, quia patres dicunt post consecrationem nihil manere sub speciebus panis nisi Christum; ita etiam Conciliū Later. de summ. Trin. & fide Cath. cap. firmiter. ubi decernitur panem transubstantiari in corpus Christi; quod vocabulum semper ita intellexit, ut tota substantia transcat in totam substantiam per infasibilem conuersionem, non autem per illam mutationem, quæ ferè ordinaria est. præterea ex Concilio Trid. sess. 13. can. 2. totius substantiæ panis in corpus, & totius substantiæ vini in sanguinem, manentibus dumtaxat speciebus. Ex quo colligitur primo, opinionem Durandi nunc esse hæreticam. Secundo colligitur semper fuisse hæreticam; quia postquam Concilium hæc docuit, subdit; hanc admirabilem conuersionem. Ecclesiam vocasse transubstantiationem. quare etiam à Concilio Later. conuincitur Durandi opinionem fuisse damnatam. Idcirco ad argumenta Durandi Resp. Ad suppositum, dico esse falsum; nam ille cibus fuit mansus, & in stomachum demissus,

missus, sed resolutus miraculosè in præiacentem materiam, ex Maior. in 4. d. 11 q. 1. Et fuit vitalis illa actio; primo, quia ille motus masticationis fuit à principio intrinseco actiuo, & vitali, qualis non est Angeli. Secundo, quia alterauit, & immutauit verum tactum, & gestum Christi. Tertio, quia nihil prohibet illam cibi resolutionem fuisse factam concurrente, etiam calore Christi. Quarto, quod cibus conuertatur in substantiam alicui, non est de essentia vitalis actus, ut patet de habentibus stomachum frigidum, & non potentibus digerere. Ad primum igitur negatum est. Ad reliqua infra dicetur.

Vigesimumsecundum dubium. An substantia panis & vini totalis resoluatur in aliam materiam? Resp. substantia panis, & vini, quæ definit esse, non resoluitur in præiacentem materiam. Probatur, quia duplex materia præiacens fingi potest. Primo, materia nuda, quod vel impossibile est secundum Thomistas; vel si possibile est, non sine miraculo: ac miracula non sunt multiplicanda nisi cogat veritas mysterij. Secundo materia quatuor elementorum; sed neq; hoc. Primo quia Sacramentum tantum efficit quantum significat; sed non significat ullam resolutionem panis & vini in quatuor elementa: ergo non efficit. Dices, saltem finis Sacramenti id exigit; quia finis est ponere corpus Christi. contra; quia finis cur desinat substantia panis, est; ut conuertatur in corpus Christi; quod nullam requirit resolutionem. Secundo, hæc elementa in quæ fingimus resolui substantiam panis, vel manent sub speciebus panis, vel exeunt; non manent, quia hæc accidentia panis cum faciant misionem aptam corpori mystico, videlicet corpori Christi, non possunt inhærere elementis. Præterea, quia falsa esset forma, *hoc est corpus meum*; nam, vnum tantum ostenditur, cum ibi duo contineantur, videlicet corpus Christi, & elementa. Non exeunt; quia sensui paterent; nam quatuor elementa possunt sentiri. Tertio, resolutio naturalis misti in quatuor elementa fit successiue; at positio Christi, & desitio panis sunt instantaneæ, & non oportet coaceruare miracula. Igitur concludimus substantiam panis, & vini non conuertere in aliud mistum.

Vigesimumtertium dubium. Cum substantia panis, & vini in se non maneant in Sacramento, an saltem maneant sub alio esse? Resp. Henricus quod l. 9. q. 9. & quod l. 11 q. 4. & quod

quod l. 12. q. 10. dicit primo, substantiam panis & vini non annihilari; sed ea remanet aliquitas .i. id quo aliqd est aliqd in mundo formaliter. Secundo dicit, quòd hæc aliquitas non manet in seipsa eadē numero realiter, alioqui nō esset conuersa. Tertio dicit, quòd non manet hæc aliquitas in vllō alio ente, præterquam in termino .i. in corpore Christi. Probat; quia si aliquitas nec in se, nec in alio manet, annihilaretur; at hoc abhorret Ecclesia. Parum ab hac opinione differt Caiet. 3. p. q. 75. ar. 4. qui dicit tria dicta. Primum. terminus istius conuersionis Sacramentalis non est terminus aliquis simpliciter enunciabilis, quia non terminatur conuersio in corpus Christi; sed in hoc, videlicet, quòd erat panis, nunc est corpus Christi; ita vt panis perdiderit suum esse quod habebat, & acquirat nouum esse quod est, esse corpus Christi; idq; cum mutatione panis, non corporis Christi. Et quoniam D. Tho. in 4. d. 11. q. 1. ar. 4. dicit hanc propositionem, quod erat panis, nunc est corpus Christi, esse falsam, & impropriam; glosat D. Tho. sic; quòd ista propositio, primo sumi potest infra latitudinem mutationis, vt nempè ly *quod* denotet subiectum manens sub vtroq; termino mutationis, & in hoc sensu est falsa. Secundo sumi potest solum ad exprimendos terminos conuersionis, & sic est vera Propositio; quia *quod* est relatiuum substantiæ; at verum est, quòd id quod erat substantia panis, nūc est substantia corporis Christi. Secundum dictum. Cum duplex sit constitutum substantiale panis, vnum commune, videlicet prædicatum entis, & prædicatum substantiæ; aliud proprium, & specificum, videlicet, quod sit tale ens, & talis substantia: inter hæc duo constitutiuā illud interest, quòd commune constitutiuum etiam facta conuersione sic saluatur, & manet, vt id in quod sit conuersio, recipiat eandem prædicationem prædicati communis. Saluatur autem (ait) non in se ipso, sed in alio; quia entitas corporis Christi est conuersa, quædam entitas; quia non est solum corpus Christi, sed etiā id quod erat panis, & nunc est corpus. Sed, prædicatum proprium & specificum panis non saluatur nec in se, nec in alio; quia postquam est facta conuersio, non licet prædicare de termino conuersionis quòd sit panis. Tertium dictum. cum dicitur commune prædicatum saluari, & remanere, non in eo sensu hoc dicitur, quia remanet in suo simili .i. non quia id quòd succedit

successit est simile ei; nam alioqui non esset maior ratio cur in hoc ens, quā in aliud conuertatur, cum omnia communicent in ratione entis. Sed quia sic conuertitur in quodam ens, ut verē, & propriē hoc ens sit illud idem omnino quod præfuit panis. probat Caiet. quia inter conuersionem Sacramentalē, & naturalem, est ponenda aliqua proportio; sed in naturali conuersione manet quod erat commune, sed definit quod erat proprium: ergo in Sacramentali conuersione debet saluari quod erat commune, sed non quod erat proprium, & specificum constitutum. Secundo, quia patres sæpe dicere solent, quod erat panis, nunc est corpus. quod non esset verum nisi id quod erat panis maneat verē; at non manet ut panis, ergo ut ens. Probatur ex Ambr. ut sint quæ erant, & in melius commutentur. Tertio, ex D. Tho. q. 75. ar. 4. ad. 3. ubi videtur fauere Caietano. Sed nihilominus contra hanc sententiam, sit hæc

Conc. Communis opinio est, quod substantia panis, & vini omnino definit esse, ita ut nihil eius maneat. Quare primum dictum primæ sententiæ ubi dicitur, Panem fieri idem corpori Christi, impugnatur sic: Hoc est impossibile, nec est intelligibile. Potest enim intelligi, primo non à parte rei, sed ex parte cognitionis nostræ, & sic concedimus quod nihil manet de pane nisi ens rationis. Secundo, ut dicant à parte rei sic, videlicet, ut terminus conuersionis sit quodam totum conflatum ex duabus partibus realiter distinctis, videlicet ex pane, & corpore Christi, & hoc hæreticum est. Tertio, quod terminus conuersionis sit quodam totum vnum realiter, sed conflans ex duabus rationibus formalibus, videlicet panis, & corporis Christi ut maneant sub vna formalitate, & existentia; ergo non manet existentia panis, ergo panis omnino definit esse. Quarto, quod sic identificetur panis corpori Christi, ut sit idem omnino, & formaliter; & tunc ista vna quiditativa ratio vel est composita, vel simplex; si composita, contra: nam repugnat ex duabus quiditatibus completis completi vnā tertiam quiditatem. si simplex, quæro, vel est quiditas sola panis, & tunc negamus existentiam Christi in Sacramento. Vel est solum Christi, & sic negatur substantia panis, quod nos volumus. Vel est tertia quædam, in quam illæ duæ sunt corruptæ, & hoc est plusquam hæreticum. Secundum,

dictum eorum qui dicunt, quod erat panis, nunc est corpus Christi, impugnatur: hæc propositio habet duplicem sensum; primus, ut ad definitionem panis succedat substantia corporis Christi, & succedat modo commestibili, & ex vi vnius actionis; & tunc est bona propositio, & catholica, & non est contra nos. Secundus, ut ista non sit successio vnius post alterum, sed factio vnius altero .i. ut vna substantia fiat altera, contra; hic secundus sensus vel non includit illa quatuor quæ sunt inclusa in primo sensu, vel includit; si non includit, perit vera transubstantiatio; quia illa sunt de substantia transubstantiationis; videlicet, primo, ut progrediatur à termino à quo qui sit substantia. Secundo, ut terminetur in substantiam. Tertio, ut id fiat per vnam actionem; quia si per duas, tunc vna à substantia inciperet, sed non in substantiam definirer. Quarto, debet esse modo commestibili; quia etiam si transubstantiatio in genere non requirat modum commestibilem, tamen transubstantiatio ut Sacramentalis requirit modum commestibilem; quia Eucharistia est per modum commestibilem. Si iste secundus sensus includit illa quatuor, vel includit illa tantum quatuor, & sic conuenit cum primo sensu. Vel addit quintum, & tunc hoc quintum vel se tenet ex parte termini à quo, vel ad quem, vel ex parte transitus medij inter terminum, & terminum. non ex parte termini à quo, quia huic termino quintum nihil afferre potest nisi vel ut magis, vel ut minus desinat; at cum ex Isidoro istius termini à quo nihil substantiale maneat: diceret Caiet. nihil substantiale panis manere, sed tantum prædicatum entis, quod saluatur in corporis Christi entitate, quæ est entitas conuersa. Vbi nihil est, non est querere utrum magis, an minus maneat. Vel ex parte termini ad quem; & huic non potest aliud afferre, nisi vel ut non mutetur accidentaliter, vel ut substantialiter; at quodlibet horum factibile est per primum sensum tantum; ergo frustra ponitur secundus. vel ex parte transitus, & hoc non; nam vel hoc quintum requisitum facit transitum faciliorem, vel difficiliorem; non faciliorem, quia tunc transitus sit faciliior cum ex transeunte termino à quo remanebit aliquid, quod hic non habet locum. confirmatur, quia sic se habet substantia panis ad substantiam corporis Christi, ut se habet in naturalibus conuersionibus forma ad formam; quia neq; hic, neq; illic de-

termi-

terminatio à quo aliquid manet . at conuersio naturalis non fit facilior , quia succedit terminus ad quem ; & quia forma aliqua præcessit . neq; fit difficilior , nam vel est difficilior ex remanſione aliqua panis , at remanſio facit facilem tranſitum ; vel ex non remanſione ; at non remanſio erat in primo ſenſu . Tertium dictum , quod dicit ; non eſſet vera conuerſio niſi aliquitas panis ſaluaretur in corpore Chriſti ; impugnatur . primo ex Scoto : Terminus alicuius mutationis vt ſic , includit non eſſe alterius termini , ergo vt ſic non includit aliquid alterius termini . probatur cōſeq. quia alioqui eſſet contradicō ſi ſub eadem ratione formali terminus eſſet compoſſibile cū altero termino , quod requirit habitudo incluſi ad incluſes , quia quod alterū includit cōpoſſibile eſt alteri , & ſimul eſſet impoſſibile per habitudinē termini ad terminū . antecedens prob. quia omnis mutatio fit inter terminos oppoſitos , & incōpoſſibiles ; ergo terminus vt terminus includit incōpoſſibilitatem cū termino ; at corpus Chriſti non habet aliū reſpectum ad panē , niſi reſpectū termini puri : ergo repugnat habere aliquitatem panis . antecedens prob. quia in omni mutatione terminus eſt purus . i. ſubſtantia pura ratione termini , vel eſt terminus cōmunicans cū ſubiecto ; at hoc ſecundū non eſt in hac cōnuerſione ; ergo vt primum . Secundo , ex eodem Scoto , corpus Chriſti nullo alio modo ſe habet in ſe poſt conuerſionē , quā ante conuerſionem . i. nullum eſſe habet quod ante non habebat . conſequentia patet , quia per id vnumquodq; eſt tale formaliter , quod habet in ſe ; ſed corpus Chriſti tale eſt poſt , quale ante : ergo non habet aliquid poſt conuerſionem , quod non antea . Hinc ulterius . panis non conuerſus nullo modo habet aliquā aliquitatem in corpore Chriſti , ergo neq; poſtquam eſt conuerſus . probatur cōſeq. quia tunc faceret vt aliquid haberet poſt conuerſionem , quod non ante . Tertio , ſequeretur corpus Chriſti fieri maius , quia habet aliquitatem quam habebat , & accipit aliquitatem panis . ergo &c. Quarto , ſi aliquitas panis manet in corpore Chriſti , vel manet vt formaliter eſt aliquitas panis , & hoc eſt hereticum ; quia panis eſt conuerſus , & hoc fatetur Henric. vel vt aliquitas corporis Chriſti ; at hoc non poteſt eſſe , quia de aliquitate panis & corporis Chriſti prædicantur contradictoria ; ergo aliquitas vna non eſt aliquitas altera . prob. quia de aliquitate panis præ-

edicatur est conuersa, & non manet; de aliquitate Christi prædicatur non est conuersa. & manet. Quinto ex Scot. si panis post conuerſionem est aliquid, ergo est rei; quia etiam per Henr. res, & aliquid conuertuntur ex Arist. 1. met. 5. tunc quæro, vel est res quiditate ſua, vel quiditate corporis Christi; ſi ſua, ergo nõ est cõuerſa hæc realitas. ſi realitate corporis Christi, contra; cū quiditatū ſit contradictoria diſtinctio, repugnat aliquid eſſe quiditate alterius. Quartū dictū eſt propriū Caietani. Saluatur prædicatū cõmune entis in pane facta cõuerſione, ſed non eſt propria, & ſpecifica panis. & licet Caiet. negat differentiam panis amoueri, & manere genus panis, tamen quia deinde multa alia addit ex quibus id videtur dicere, ideo recentiores meritò hanc illi opinionem imponunt. poſito ergo quòd id dicat, ſic argumentor: licet communis ratio entis, vel ſubſtantię abſtracta per intellectum ſit indiſſerens vt coniugatur vel cum hac differentia entis, vel cum illa; tamen communis ratio entis poſtquam exiſtit in rerum natura, non eſt ſeparabilis ab ea differentia cui coniuncta eſt; ergo falſum eſt dictum eius. Secundo, eſto hæc duę rationes communis, & propria, ſint ſeparabiles; tamen hæc ſeparatio eſſet inutilis; quia cū corpus Christi habeat ſuum gradum genericum entis, & ſubſtantię, non indiget remiſſione gradus entis qui erat panis. Tertio, vniuerſale non habet eſſe in natura, niſi in aliquo indiuiduo, vel particulari; ergo quo modo manet indiuiduum, etiam manet vniuerſale. & quomodo deſinit indiuiduum, etiam deſinit vniuerſale; at per Caietanum particulare panis non ſaluatur nec in ſeipſo, nec in alio, ſed omnino deſinit eſſe; ergo idem eſt dicendum de vniuerſali ente. & ſic patent reſponſiones ad Caietanum. Illud de D. Tho. habet difficultatem. Verba ſunt hæc: *cū Deus ſit creator omnis entis, poteſt ponere quod entitatis erat in uno, ponendo in alio; ablato quod erat proprium.* Reſp. D. Tho. loquitur obſcurè. Sed poſſumus exponere ſic: proprium eſt quicquid eſt meū, tota autē entitas eſt mea: & ſic ſublata tota mea entitate, poteſt me in aliud cõuertere, & ſubſtituere aliud loco mei.

Vigeſimumquartum dubium. An ſubſtantia panis, & vini annihiletur. Reſp. Durand. in 4. d. 11. q. 3. dicit, non annihilari, quia manet materia panis, ſed hanc ſententiam confutauimus ſupra, dubio 21. Secunda opinio eſt Scoti in 4. d.

11. q. 4. quod de facto nihil substantiæ manet, sed prorsus annihilari. Probat primo, si panis defineret non succedente sibi corpore Christi, annihilatio esset. sed quod succedat corpus Christi post panis defitionem, non facit aliquid panis manere quàm si non esset successio; hæc ergo successio nihil derogat annihilationi. Confirmatur, quia quod est per se, non variatur per id quod est per accidens; at successio corporis Christi per accidens est, quia Deus potest panem corrumpere ita ut Christum non ponat ibi. ergo &c. Secundo, in hac conversione sunt duæ mutationes: Prima, ab esse panis ad non esse panis. Secunda, à non esse Christum hic, ad esse Christum hic. Secunda mutatio est positiva quædam mutatio, quia ponit aliquid; sed prima mutatio est merè deperditiva, ergo merè annihilativa. Probatur antec. quia ab esse mutatur in nihil. Terrio, ex Dur. si panis qui desijt esse debere per Dei potentiam redire, crearetur; ergo nunc est vera annihilatio. Probatur conseq. quia qui est terminus ad quid annihilationis, est terminus à quo creationis. Probatur antec. quia si panis rediret, cum non possit educi de potentia alicuius subiecti, ergo crearetur. His non obstantibus. Tertia opinio est communis, quod non annihilatur. est D. Tho. & Bonau. in 4. d. 11. ar. 1. q. 3. Riccard. ibid. ar. 7. Palud. & Capr. ibid. Marfil. 1. 4. q. 7. ar. 1. Egidij Rom. theorem. 1. & 2. Henr. quod 1. 9. q. 9. & quodl. 11. q. 4. & quodl. 11. q. 10. & ante hos August. Viñt. 1. de Sacram. p. 8. cap. 9. ubi hanc opinionem recitat ut catholicam. & Innoc. iij. l. 4. de myster. miss. cap. 10. Probatur esse catholicam doctrinam. nam ratio naturalis docet transubstantiationem, & annihilationem differre plusquam genere. Sed Ecclesia tanquam de fide decrevit panem transubstantiari, ergo decrevit non annihilari, quia ista sunt opposita. Differunt tamen hi doctores in modo dicendi, quo modo non sit annihilatio. Primus modus est Egidij, qui dicit primo, hoc ipso quod Deus ponit formam Christi sub speciebus panis, materia quæ erat panis sit materia corporis Christi. Probatur, quia tota distinctio numerabilis est à materia. Secundo dicit, facta hac conversione materia panis in corpus Christi, non est annihilatio, quia cum materia panis nunc sit materia corporis Christi, ergo cum ex illa materia sit educibilis adhuc forma panis, nõ fuit annihilata, quia fuit redacta in potentiam materia. Sed contra hunc mul-

ra Scot. q. 3. ar. 2. Mihi verò displicet primo, quia dicit, posita forma Christi hoc ipso materia panis sit materia corporis Christi. displicet; quia materia, & forma se ipsis singulæ indiuiduz sunt, quia materia est priusquam forma, ergo prius materia hæc, & indiuidua, quàm induceretur forma. Secundo, displicet; quia ponit subiectum commune. Contra; hoc subiectum commune est, vel quia materia panis saluatur, & hoc impugnatum est supra, dubio 21. contra Dur. vel subiectum commune vocatur, quia materia panis, & corporis Christi communicant in esse subiectum: & tunc malè dicit; nam si ideo panis non est annihilatus, quia remanet materia altera, videlicet corpus Christi similis sibi ex qua possit educi, sequeretur quòd nihil potest annihilari, quia semper remanet alia materia similis. Secundus modus est Capr. & Palud. Non annihilari panem, quia remanet in potentia obedientiali corporis Christi; quia sicut Deus potuit conuertere panem in corpus Christi, ita potest conuertere corpus Christi in panem. Non placet, quia Deus potest omne ens creatum conuertere in ens annihilatum, & sic nihil esset annihilabile; quia semper aliquid est in potentia obedientiali vt fiat id quod est annihilatum. Tertius modus D. Tho. & Caiet. præsupponit quòd omnis mutatio specificatur à termino ad quem, & non ex termino à quo. Tunc sic; conuersio panis in corpus Christi est vna mutatio quæ terminatur per se in terminum vnum posituum. scilicet corpus Christi, & non in nihil; ergo est annihilabile. Ad argumenta secundæ sententiæ Scoti. Resp. ad primum, quòd duo requiruntur ad annihilationem. Primo, vt nihil de re maneat. Secundo, vt nihil succedat rei iam desinenti. in primo conueniunt annihilatio, & conuersio panis. in secundo differunt, quia panis sic est nihil, vt aliquid posituum ei succedat. Ad secundum resp. duz sunt mutationes partiales, & sunt illæ quas ponit Scot. sed vna est mutatio totalis, quia ambæ mutationes sunt vna numero actione Dei per se. & quia ista actio totalis habet terminum ad quem posituum, ille specificatur vt non sit annihilatio, sed transubstantiatio. Ad tertium resp. communiter, quòd creationi sufficit vt sit ex nihilo, vnde cunq; sit hoc nihil; siue hoc nihil vnquā præextiterit, siue præextiterit, & desierit non per annihilationem. & ratio est, quia creatio est operatio exigens infinitam virtutem propter infinitam distantiam

stantiam inter terminum à quo , & ad quem; at annihilari nō sufficit vt nihil de eo maneat, sed opus est, vt nihil ei succedat. Hæc resp. est bona, sed est difficultas; quia si ideo est creatio, quia reductio à quouis nihilo ad esse, habet infinitam distantiam; ergo quicquid fit nihil erit annihilatio; quia eadem est infinita proportio. Digerem igitur, quòd præter rationē dictam; hoc etiam accedit, quia in reditu panis, totalis actio habet terminos proprios creationi, videlicet nihil, & esse; sed in desitione actus totalis non habet terminos proprios annihilationis, quia alter terminus est non esse vnius; & alter, esse alterius. Hucusq; dictum est de termino à quo. Nunc dicamus de termino ad quem, videlicet, quo genere mutationis ponatur Christi corpus in Sacramento postquam substantia panis desijt. Idcirco sit

Vigesimalum quintum dubium. An corpus Christi incipiat esse sub Sacramento sine reali mutatione. Resp. & Nota primo, Theologos distinguere duo genera mutationum. in primo ordine sunt mutationes in competentes statui glorioso, vt sunt corruptiuæ mutationes; & sic conuenit inter Theologos Christum fieri præsentem sine vlla huiusmodi mutatione. & hoc est de fide. in secundo ordine sunt mutationes competentes cuiuslibet creaturæ, vt nunc moueri, vel loqui: aliàs non. Sic etiā adesse, & abesse. & de hoc secundo genere est quæstio. Secundo Nota, Aliter & aliter se habere, aliquando conuertitur cum mutatione, aliquando latius patet quàm mutatio: conuertitur, quando id quod aliter & aliter se habet, sumitur vt subiectum passiuum, & receptiuum, at potentiale non conuertitur & latius patet quàm mutatio, quando id quod aliter, & aliter se habet non habet rationem receptiui, sed potest habere rationem actiui. i. transit à non agente ad agens sine sui mutatione, & rationem terminatiui. & hoc quatrupliciter, primo, cum est terminus suppositalis, quomodo verbum ex non suppositante factum est suppositans. Secundo, vt terminus alicuius realis mutationis, vt locus immobilis per latiuem acquisitus, sic nihil terminat annihilationem. Tertio, vt extremum relatiuum, quomodo siquid habet fundamentum relationis antequam in altero extremo ponatur simile fundamentum, hoc non terminat illius habitudinem, sed post acquisitum alterum terminum, terminat. Quarto, vt obiectum, pote;

potentiarum immanenter operantium; ut paries transit à non viso ad visum sine sui mutatione . at si est obiectum potentiarum transeniter operantium, mutari subiectum opus est. Tercio Nota, realis presentia alicuius in aliquo loco, vel in aliqua re est duplex: vna dimensiu, & ista est effectus proprius quantitatis. altera vocatur à Scoto presentia simplicis coexistentiæ .i. cum aliquid alteri est præsens, & hæc non est propria quantitatis, sed communis omni enti; nam est substantia; sic est præsens. Quarto Nota, quòd dupliciter potest aliquid fieri præsens vtralibet reali presentia; vno modo, quia fit præsens simpliciter, & absolute .i. quia ante nec erat ubi nunc per locum realem, nec per imaginariam; altero modo secundum quid, quia res erat ante ibi præsens secundum locum imaginarium, sed non per locum realem, & tunc acquirit presentiam per locum realem. Sic vltima sphaera est in loco imaginario nunc. at si ei circumponatur alia sphaera, erit præsens per locum realem. His positis, fit

Prima conc. omne ens finitum necesse est si in mundo existat, esse præsens alicui loco realiter vel presentia simplici, vel quantitativa. & suppono quòd quicquid ab altero distat, necesse est alicui rei esse præsens. Probatur; quia cum hæc distantia finita sit, oportet esse tantam, & tantam .i. tantam, & non minorem, nec maiorem: at si distans ab aliquo non esset alteri præsens, non esset ratio cur tantum, & tantum distat; quia hoc debet mensurari ab extremis. nunc probatur conc. omne ens finitum habet finitam sphaeram actiuitatis, ut non possit in totum vniuersum, sed in partem vniuersi à se distantē; ergo habet aliam partem sibi presentem. Confirmatur; quia omne agens cui respondere potest aliquid passum aptum pati ab eo, si illud passum sit vltra sphaeram actiuitatis suæ per motum localem, potest hoc agens facere illud passum vltra sphaeram actiuitatis suæ per motum localem, potest hoc agens facere illud passum intra sphaeram suæ actiuitatis, ergo supponitur esse in loco; quia si potest moueri aliò, ergo alibi erat; quia omnis motus est à termino à quo in quo est, ad terminum ad quem quem acquirit. Secundo, ut se habet diuersum ad idem, ita distans ad præsens; quia sicut se habet esse simpliciter ad non esse simpliciter, ita esse hic ad non esse hic: sed diuersum, & idem opponuntur secundum esse & non esse simpliciter;

eter; distans, & præsens opponuntur secundum esse hic, & nō esse hic; sed inter diuersum, & idem repugnat dari medium; ergo quicquid est in mundo vel est alteri præsens, vel distans. Probatur consequenter quia duo requiruntur vt aliquid sit diuersū alteri, vnum vt existat in mundo; alterum; vt non sit illud. Sic etiam duo requiruntur ad esse distans: vnum, esse in mundo; alterum, non esse ibi.

Secunda conc. Non repugnat aliquid incipere esse in loco secundum quid, sine sui reali mutatione vlla. Prob. quia vltima sphaera nunc est in loco secundum quid; & si circumponatur sphaera, accipit locum secundum quid sine sui mutatione. Sic etiam Deus incepit esse in mundo secundum quid, & si Angelus ponatur in vacuo, & postea opponatur corpus; incipit ibi esse secundum quid sine sui mutatione.

Tertia conc. Repugnat etiam per Dei potentiam absolutā esse aliquid in loco simpliciter sine sui reali mutatione. quare etiam corpus Christi incipit esse sub Sacramento in quo prius non erat; necesse est mutari realiter. Probatur primo, sicut se habet non esse simpliciter ad esse simpliciter; ita se habet non esse hic, ad esse hic; sed repugnat aliquid transire à non esse simpliciter ad esse simpliciter sine sui mutatione reali simpliciter facta, quæ recipiatur in ipso tanquam in potenciali receptio; ergo repugnat aliquid à non esse hic, transire ad esse hic sine mutatione secundum quid, quæ sit in ipso secundum esse potentiale. Secundo ex Okam. Respectus præsentiæ realis requirit aliquod fundamentum, & hoc non potest esse esse absolutum rei præsens, nec loci cui sit præsens; ergo est aliquid medium inter locatum, & locum. Probatur antea quia stat locatum existere in mundo, & locum existere in mundo sine reali ipsorum præsentiā: ergo &c. quod commodè applicatur Christo: quia si ipsius esse absolutum, & si esse absolutum panis, vel specierum panis esset fundamentum istius præsentiæ, sequeretur quod posito Christo in mundo, & facto quolibet pane, oporteret statim Christum fieri præsentem; præsertim si Deus spoliaret panem substantia. quod est falsum. Tunc vltotius; Hoc fundamentum medium non est quid incausabile, quia est ens creatum; nec est causabile nisi in subiecto quod sit præsens; ergo hoc subiectum quod sit præsens recipit aliquam causationem in se: & hoc est mutari. Confir-

inatur ex eod. Variato subiecto, variatur etiam respectus presentie. Sed subiectum presentie tam ad speciem, quam ad locum specierum facta conuersione variatur; quia ante subiectum huius presentie erat substantia panis, nunc verò corpus Christi; ergo variatur respectus. at id cui primò acquiritur respectus est verè mutationis, tale est corpus Christi. Concludimus igitur contra Dur. in 4.d.11.q.1. Christum fieri presentem Sacramento per realem sui mutationem. & contrariū repugnare etiam diuinæ potentie, videlicet fieri presentem vbi non erat sine sui mutatione. Ita Scot. in 4. d. 10. q.1. ar. 1. OKan.l. 4. q.4. & quodl. 5. q.3. Gabr.l.46. in can. miss.

Vigessimusextum dubium. In quo genere motus sit illa mutatio, qua Christus ponitur in Sacramento. & quanam sit illa actio, quæ replicat vnum corpus in duobus locis. Resp. D. Tho. & Scot. sentiunt non posse aliquid esse præsens vbi non erat ante nisi vel per motum localem, vel per conuersionem alicuius in ipsum. Scot. autem quem sequitur Gabr. ferè idem dicie .i. quòd potest aliquid fieri loco præsens per duplicem transubstantiationem; vna dicitur ab ipso adductiua .i. motus localis. alia productiua; & hanc puto respondere conuersioni positæ à D. Tho. quia conuersio species est productionis. Scot. verò vt vniuersaliter loqueretur, & complecteretur conuersionem naturalem, quæ est generatio, & supernaturalem, quæ est creatio, vocauit nomine generico productionis. quæ opinio vera est, licet neq; à Scoto probetur, neq; à D. Thoma. vt verò probetur, suppono primo, quòd illa actio per quam ponitur res in loco nouo, non potest imprimi alteri subiecto nisi rei ponendæ in loco nouo; quia ipsamet res recipit hunc actum transeuntem per quem transponitur. Secundo, suppono quod ista actio debet fieri ibi vbi res præerat; quia si non fieret ibi, non imprimeretur rei tanquam subiecto. Suppono tertio, quancumq; rem antequam in locum nouum transferretur, non posse præexistere, vel præesse, nisi vel in potentia causæ, vel actu, & in loco aliquo. His positis, Dico: Res antequam transferretur aliò, non potest præesse nisi vel in potentia causæ, vel actu; si in potentia causæ, debet inde extrahi vt hic ponatur; & hoc est produci. Si actu præcedebat in loco, & debet transferri inde vbi præerat, debet transferri vel successiue, vel instantaneè; si successiue, est motus localis; quia hæc est

est definitio motus localis, ut sit acquisitio successiva loci noui. transferri verò instantaneè, repugnat; quia hæc traslatio vel sit non per transitum mediij, vel per transitum; neutrum, ergo &c. non sine transitu mediij, quia hæc mutatio transpositiua vel afficit rem dum est in termino à quo, vel ad quem, vel ut in medio; non à quo, quia ibi quiescit; non ad quem, quia etiam ibi quiescit; ergo in medio; ergo transit per mediū. Si transit per medium, non potest transire nisi successiue; quia si in medio sint multa loca adæquata transeunti, iam id quod transit esset in multis locis adæquatis simul. Dices, hoc argumentum solum probat naturaliter, non supernaturaliter, Resp. quòd etiam supernaturaliter hæc replicatio corporis nō potest fieri nisi vel per motum localem, vel per productionem; nam hæc replicatio debet transferre rem vbi inuenit. Vel ergo inuenit in potentia causæ, & erit productio; vel inuenit in actu, & tunc transferret vel traducendo per omnia media vnū post aliud successiue, & erit motus localis. vel transferet per quædam media, & tunc licet D. Tho. concedat quòd potest Angelus transire ab extremo ad extremum sine medio, tamen non negabit quòd per simplicem coexistentiam sit in medio. Finge enim terminum à quo esse A. medium B. terminum ad quem C. quando res est in A. est circa medium. cum est in C. est vltra medium: ergo est transposita vltra B. cum est in C. ergo aliquando fuit in B. quia repugnat aliquid esse in transposito esse vltra aliquid. & quòd nunquam fuerit in-transponi. Sed hoc fuit in transposito esse vltra B. ergo aliquando fuit in transponi in B. ergo aliquando fuit in B. vel tertio transferet per omnia media instantaneè, & hoc potest fieri per productionem, & non per translationem; quia cum res ponitur in loco per solam productionem, non pender nisi à causa productiua, quæ si præfuit in loco nouo, potest ibi operari. & quia Deus est vbiq; ideo si vult, se ipso in instanti potest rem vbiq; ponere. Sed si hæc positio non fiat per productionem, sed per translationem, tunc hæc positio pender, primo ex impressione cuiusdam traslatiue mutationis. secundo à re ipsa ut in loco præistente, quia hæc mutatio non potest imprimi nisi rei vbi ante præfuit; at præfuit hic, ergo hic debet imprimi actio. & cū hæc actio nō faciat aliquid de nouo, sed esse quod ibi fuit huc transfert, debet transferre per medium. Obijcies. alimentū

cum conuertitur in animal præexistens ubi non prius erat anima nostra, anima incipit esse in alimento; peto per quem motum? non per localem neq; per productionem; non enim anima mouetur localiter, quia est forma; ergo non mouet seipsa. Resp. anima bruci esse ibi per sui productionem partialem; anima verò rationalis incipit esse ibi per verum motum localem, non quidem animasticum .i. qui sequatur apprehensionē, & appetitum, sed naturalem, vt lapis mouetur; idq; hoc modo, quia ipsa anima sapius tota est in se, aliquando verò sui totalitatem per alimentum extendit. Igitur Sacramentalis conuersio in Sacramento cum differat à verbo in assumptione hypostatica cum natura humana, quia cum verbum sit præses in omni loco, & creaturæ, ideo non opus habet motu locali, & productione: in Sacramento verò quia Sacramentalis conuersio supponit veram distantiam inter Christum in cælo, & in Sacramento, non potest vinci hæc distantia inter Christum, & panem, nisi vel per motum localem, vel productionē, quod si fingatur non esse distantiam inter Christum, & panem, concederem posse fieri hanc conuersionem sine productione, vel motu locali. Vt si Christus se penetraret cum pane.

Vigesimalium septimum dubium. An sit per motum localem, an per productionem. Resp. est communis opinio Christum non fieri præsentem in Sacramento per motum localem, differunt in rationibus. Prima ratio, quia omnis motus localis debet fieri successiue; at conuersio panis est instantanea, ergo non per motum localem. Et hic nota, quod si quando Gregorius, & alij Patres dicunt, aperiri cælum, & Christum descendere, sunt exponendi tropicè, sicut in incarnatione, cum dicitur verbum descendisse. hæc ratio est necessaria, & demonstratiua, & puto esse de fide. Secunda ratio est D. Thomæ, si per motum localem fieret præsens, cogeretur cælum relinquere. Hæc ratio impugnatur à Scoto. Sed puto rationem D. Thomæ esse demonstratiuam, quia repugnat idem secundum idem eodem loco & tempore quiescere, & moueri. Sed si manens in cælo Christus per motum localem acquireret locum in Sacramento, idem secundum idem eodem loco & tempore quiesceret, & moueretur, quia cum corpus replicatur idem numero, quamuis maneat vnum entitatiue, tamen sit tanquam duo localiter. & vt est in loco in quo ante erat dicatur A. &

ut sit alterum localiter, dicatur B. tunc sic; hic motus localis qui imprimitur huic corpori, imprimitur ut A. vel ut B. si ut A. sequitur contradictio, quia ut A. quiescit per suppositum nostrum, videlicet, quia remanet ibi, & mouetur: quia imprimitur motus. neq; corpori ut B. quia nullum accidens facit sibi subiectum tale, quale si non esset non potest ab eo recipi; sed tale subiectum supponit ut prius natura. Sed hoc corpus ut est B. fit per motum ipsum, nam ante motum erat A. per motum fit B. ergo non potest imprimi ipsi B. quia fit B. per motum localem. Confirmatur; quia in motu locali ordinario quia subiectum motus est tantum in loco vno, non potest simul quiescere, & moueri; ergo repugnat ut remaneat ubi ante erat, & moueatur. Obijcies. in augmentatione animæ rationalis quiescens in corpore, mouetur ad nouam partem corporis, & quidem eadem tota, ita ut tota quiescat & moueatur simul. Resp. eadem anima tota mouetur, & quiescit, sed non secundum eandem totalitatem, & replicationem: & quia in corpore nō præexistunt hæ multæ totalitates, sed vna, ideo si tota moueretur simul & quiesceret, secundum eandem totalitatem fieret. Tertia ratio D. Thomæ, quia si localiter moueretur, non posset simul consecrari in diuersis altaribus. hæc ratio bona est; & confirmatur, repugnat idem secundum idem moueri ad diuersos terminos diuersis motibus; at hoc sequeretur si simul moueretur ad duo altaria diuersa; quia si termini sunt diuersi, id quod est in ambobus terminis debet esse diuersum, saltem localiter; at hæc non solum est in terminis, sed etiam in vijs; ergo id quod est in diuersis vijs, & medijs, debet esse diuersum localiter. & hæc diuersitas localis supponitur in ipsis substantijs, non autem debet fieri per motum.

Vigesimumoctratum dubium. An hæc mutatio licet non sit propriè & simpliciter motus localis, sit tamen motus localis impropriè, & secundum quid. Resp. Scot. in 4. d. 10. q. 1. ar. 1. & quodl. q. 10. Gabr. l. 46. & 50. in can. miss. dicunt, hanc mutationem non esse motum localem propriè. Sed verè esse motum localem diminutè. Nota primo, quod in motu locali secundum Scot. quando vnum corpus alterum expellit, sunt quatuor mutationes, & sunt octo termini. Dux mutationes sunt ex parte corporis expellentis; dux ex parte corporis expulsi.

pulsi. Prima mutatio fit à termino positivo à quo, ad terminum privativum eiusdem ad quem .i. amittit terminum quem habebat, acquirit terminum quem non habebat. Secunda mutatio à termino privativum à quo, ad terminum positivum ad quem .i. à non esse hic, ad esse hic. Tertia mutatio, ex parte corporis expulsi, respondet primæ corporis expellentis. & quare secūdo. Nota secūdo, si corpus quod acquirit locū de nouo posset nō expellere corpus quod ibi præerat, essent duæ mutationes tantum; videlicet duæ primæ. Nota tertio, si corpus expellens posset non solum non expellere alterum corpus, sed etiam non relinquere locum in quo erat. fieret tantum una mutatio, videlicet à non habendo locum nouum. His positis, contēdit Scot. motum localem habere in Sacramento hanc tantum mutationem. Probatur primo, quia corpus Christi non amittit locum in quo erat. Item, non expellit substantiam panis ex se, quia possent esse simul, quamvis non sit substantia panis ex beneplacito Dei. Secundo, quia motus localis propriè fit ad acquirendum ubi, quod sit circumscriptio passiva locati à locante; at Christi præsentia non est ubi, sed est simplex præsentia; quid verò est hæc simplex præsentia? dicit primo, non esse relationem continentis, quia relatio præsentis reciproca est, non autem continentis. Dicit secundo, quod hæc præsentia potest reduci ad ubi, quia licet non sint nisi decem prædicamenta, tamen Philosophi non assignarunt definitionem prædicamentorum ita latè ut oportuit; quia necesse erat ponere prædicamentum realis præsentis, & hoc subdividere in præsentiam commensurativam, & simplicem. idē dicit d. 11. q. 3. ar. 2. & concludit, hanc translationem non esse productivam, sed adductivam, quia affert præsentiam Christi. ita Scot. & Gabr. Ego puto hanc opinionem non posse defendi. & probatur ijdem rationibus præcedentis dubij. primo, hæc mutatio loci necessariò debet esse successiva, quare non est competens Sacramento. prob. antea. quia successio est intrinseca loci novæ acquisitioni, non propter derelictionem loci præhabiti, nec propter expulsionem corporis à loco in quem venit; quæ Scot. putat deesse huic mutationi. Sed est intrinseca propter distantiam, quæ non potest transiri nisi successive. & quia Scot. cogitur inter Christum in cælo, & in altari ponere distantiam, cogetur etiam ponere successionem.

Secundo,

Secundo, quia mutatio transpositiua quæ nec relinquit locum, nec expellit corpus quod præerat, debet imprimi corpori Christi, & si imprimitur dum est in loco præhabito, simul mouetur & quiescit. si in alio, ergo iam supponitur motus, per quem sit corpus factum extra locum præhabito. Tertio, quia hæc transpositio est transitus ad diuersos terminos. i. ad diuersa altaria. quare si sunt diuersa media ad altaria diuersa, debent supponi multa corpora localiter, & non debent fieri per hanc mutationem.

Vigessimum nonum dubium. Cum ostensum sit hanc mutationem non esse motum, quaeritur, An hæc mutatio sit productio? Resp. Scot. & Gabr. mordicus contendunt non esse productionem. prob. primo, quod habet esse iam substantiale, non potest illud accipere, quia ideo philosophi inter principia generationis posuerunt priuationem; at produci est acquirere esse substantiale, ergo illa mutatio in Sacramento non est productio. Secundo, sequeretur quod esset vera creatio, quia fieret ex non subiecto; panis enim non est subiectum, sed terminus à quo; ergo quando Christus desinit esse in Sacramento, tunc annihilaretur; quia nihil apponit vt corruptinum creationi nisi annihilatio. Tertio, productum & productio sunt vna res; tunc quæro, vel hæc productio per quam in Sacramento fit, est diuersa ab illa quæ est facta in vtero Virginis, vel eadem; si diuersa, ergo Christus diuersus; si eadem, tunc sequitur quod idem motus, & eadem actio successiua rediret eadem numero; quod repugnat; quia vnitas motus sumitur ex temporis vnitate. Quarto, si in cæteris mutationibus miraculosis potentia passiva creaturæ terminata naturaliter iterum est terminabilis sine sui noua productione, cur non idem dicemus in hac mutatione? Confirmatur; quia ad multa propria spiritibus corpus est eleuable sine sui productione; ergo ad hoc etiam; videlicet, est bis totum, quod est proprium spiritus, corpus erit sine sui productione eleuable. Quinto, Christus per consecrationem vel acquirit esse simpliciter, ergo supponitur nunquam fuisse; vel acquirit esse hic, at hoc est accidens, videlicet noua vbicatio; ergo non est productio quæ terminatur in substantia. Sexto, cum productio creaturæ sit mutatio substantialis, est in competens statui gloriæ; cui repugnat etiam mutatio accidentalis. Hęc sententia non est bona,

bona, ideo pro solutione argumentorum sit hæc

Conc. Actio, quæ ponitur Christus in Sacramento non est simpliciter vlla species mutationum, quas philosophi cognouerunt, sed est singularis, & ineffabilis mutatio (vt dicitur à Concilio Trid.) participans eminenter aliquid de singulis mutationibus .i. sine imperfectione. Hæc conclusio fuit Halens. 4. p. q. 10. m. 5. ar. 3. §. 4. quem refert, & sequitur Bonau. in 4. d. 11. ar. 1. q. 2. & Riccard. 16. ar. 1. q. 5. ar. 6. Alber. d. 16. ar. 5. D. Tho. ibid. q. 1. ar. 3. q. 1. & 3. prob. de singulis mutationibus. Primo, hæc mutatio differt à motu locali, quia nec fit successiue, nec per medium. Item, quia non relinquit locum in quo præfuit. Item, quia simul ad diuersa altaria tendit. Conuenit verò, quia acquirit nouam, & realem præsentiam ad species, & locum specierum. Secundo, conuenit cum augmentatione, quia hoc corpus quodammodo extenditur ad plus spatij, vel ad plura spatia recuperanda. Differt verò, quia hoc plus spatij non acquirit per veram extensionem, nec per nouam quantitatem, sed per sui realem replicationem. Tertio, conuenit cum nutritione, quia nutritio est mutatio alimenti ad præexistens aliquid; ita in hac conuersione est mutatio substantialis panis in Christum præexistentem. Ideo Damasc. l. 4. cap. 14. comparat hanc mutationem nutritioni. Differt verò, primo, quia non est conuersio partialis, vt in nutritione, sed totalis. Secundo, quia in nutritione aliquid substantiale alimenti remanet in nutrito, scilicet materia; hic verò nihil. Quarto, conuenit cum alteratione, quia corpus Christi ponitur realiter sub nouis qualitatibus, & quasi acquirit nouas qualitates. Differt verò, quia acquirit has qualitates non per modum formæ, & subiecti, sed per modum continentis, & contenti. Quinto, conuenit cum naturali conuersione, quia est mutua successio duarum substantiarum ex vi vnius, & eiusdem actionis. Differt verò; quia deest subiectum commune in quo, & ex quo se expellant substantiæ succedentes. Sexto, differt à creatione; quia corpus Christi fit ex aliquo; at creatio non fit ex aliquo. Conuenit, quia neutrum fit ex subiecto; sed corpus Christi fit ex pane tanquam ex termino. Septimo, differt à productione sumpta in genere. Primo, quia productio est acquisitio prima esse non præexistentis, at hic est esse præexistens. Secundo, quia hæc mutatio corporis Christi

emi-

eminenter continet omnes mutationes , quod non competit productioni . Conuenit verò , quia sicut per productionem accipitur esse substantiale , ita per hanc mutationem ; & quia inconuenientijs , & differentijs cum alijs mutationibus omnes doctores conueniunt , tamen in productione discrepant ; negant enim posse dici productionem . Ideo hoc mihi nunc est probandum . probatur igitur primo , Concilia , & Patres definierunt istam mutationem esse veram , & realem conuersionem ; sed in omni genere linguarum , & in omnibus scripturis cum ponitur conuersio substantiæ in substantiam semper denotat quandam speciem productionis ; quare si dicimus esse obuersionem , dicimus etiam esse productionem . Dices , quodd eadem conclusio , & patres faciunt quædam peculiaria huic conuersioni , quæ non conueniunt alijs productionibus . Ideo &c. Resp. quodd duo sunt peculiaria conuersioni . Primo , quodd hæc conuersio est in præexistens ; at supra probatum est posse reproduci præexistens . Secundo ; quia in hac conuersione est defictio formæ , & materiæ ; in alijs verò solius formæ , sed hoc magis fauet productioni , quia id est magis productio , quod magis dat esse totius ; at magis dat esse totius totale quod sic conuenit vnum in aliud , vt nihil conuersi saluet in termino conuersionis ; ergo &c. Secundo prob. Christus secundum fidem acquirit nouam , & realem præsentiam vbi ante non erat . scilicet in altari ; sed supra probatum est non posse aliquid incipere esse vbi ante non erat nisi vel per motum localem , qui repugnat ; vel per productionem ; ergo &c. Tertio , corpus non eleuatur regulariter ad conditiones præsertim positivas proprias substantijs immaterialibus , nisi præzia , vel media aliqua mutatione ; quia indiuisibilitas non datur corpori , nisi depra quantitate . Item , penetratio non datur in corpore nisi per mutationem impediẽtem ne quantitas quantitatem excedat . Item , impassibilitas non datur corpori nisi per nouum vigorem , sed replicabilitas est propria spiritus , quia ex sui esse plenitudine habet multas sui replicationes ; ergo si datur corpori , debet dari per mutationem . Vel ergo per motum localem , & hoc repugnat ; vel per productionem ; ergo &c. Quarto , ex Scot. Gabr. & Okan. & omnibus præter Caier. Deus poterat ponere Christum in Sacramento ante eius incarnationem , sed illa impositio ante incarnationem fuisset

vera productio; ergo & nunc, quia preexistentia Christi in celo non variat naturam actionis reponentis Christum in Sacramento, cum sit illi extrinseca, & per accidens, & impertinens, ac si nusquam esset. Quinto, Christo competit duplex esse, substantiale, & presentiale, vel locale: quero, vel Christus per hanc conuersionem Sacramentalem accipit solum esse locale, & hoc est hæreticum; quia non esset hic substantialiter. Vel solum substantiale, & hoc est hæreticum, quia non esset hic substantialiter. Vel solum substantiale, & hoc est hæreticum, quia reuera est præsens Sacramento. Vel habet verumque; & tunc quero, istius mutationis utrum esse sit terminus primus, & formalis istius mutationis? Primo resp. potest, quod terminus primus sic esse substantiale, ad quod deinde sequatur esse locale; sed hoc est produci. Secundo, quod sit esse locale, & hoc est hæreticum; quia esse locale accidens est, & si hæc conuersio terminaretur in accidens, esset transaccidentatio, non autem transubstantiatio. Scot. conatur soluere: sufficit (ait) ad naturam transubstantiationis quod ibi substantia ponatur materialiter .i. quauis non acquirat esse substantiale. Hoc effugium est peius opinione; quia transubstantiatio non specificatur à substantia sumpta materialiter, sed sumpta formaliter, quia debet esse acquisitio esse substantialis; alioquin omnis motus localis esset transubstantiatio. Denique omnes patres frequenter inculcant in hoc Sacramento Christum fieri substantialiter. Et aliquando vtuntur hoc verbo productionis, vel æquivalenti. quare

Ad argumenta Scoti. Resp. ad primum sufficit priuatio, ibi debet produci; quod verò sit alibi, impertinens est. Ad secundum dicetur infra, Ad tertium cum productio sit modus dependentie, & posterior, multiplicabilis est, non multiplicato priori. Ad quartum, de alijs concedo; de hoc nego. & ratio est, quia ista replicatio ponit substantiam in loco; ergo vel ipsam adducit ex causa ubi præsuit, & est productio; vel ex loco in quo præsuit per motum localem, & hoc est confutatum. Ad quintum resp. quod incipit esse simpliciter, quia terminus formalis huius inceptionis est esse substantiale, non esse locale. Hic vero, quia locus concurrat non ut terminus primus mutationis, sed ut naturale consequens, & ut conditio sine qua non. Ad sextum resp. primo, concedo esse substantialem

stantialem mutationem, sed competentem statui glorioso; quia ista mutatio primo non est deperditiva, sed acquisitiva; deinde acquisitiva rei quam habere est gloriosum. scilicet esse gloriosi. præterea non supponit acquisitionis imperfectionem; scilicet non habere quod acquirit. Secundo resp. non esse mutationem substantialem; quia non est productio noua, sed conseruatio primæ productionis facta hic. *iv.* Deus eandem actionem qua produxit Christum, ipsum conseruat, & eandem replicat in altari. & hunc modum puto esse castigatiorem. & sic volo omnes loquamini. & hoc in reuerentiam huius Sacramenti. Si tunc

Secunda conc. Ista actio licet simpliciter nulla sit naturalium mutationum, tamen propriè, & simpliciter dicitur conuersio Sacramentalis, seu transubstantiatio. Ad probandum hæc conclusionem vtar definitione conuersionis secundum suum præcisum esse metaphysicum: conuersio est vnus a tota substantia in totam substantiam naturaliter sibi impossibilitè transitus, ex cuius vi sequatur vnum fieri ad alterius destinationem, & esse vbi alterum fuit. (Vnus transitus) primo a priori sic; conuersio est mutatio, & talis mutatio: quæ mutatio est, afficit duos terminos, a quo, & ad quem. quæ verò est talis mutatio, afficit terminos sic. scilicet vnum destruendum, & alterum sufficiens in locum alterius. tunc vel sufficit vna actio vtriusque termino sic afficiendo, ergo quæcumque alia actio addatur, erit impertinens. vel requiruntur duo, & tunc harum duarum actionum ea est conditio, vt vnus ad alterum sit naturalis dependentia, & connexio, & potentialitas, & sic est pro nobis; quia tunc erit vna mutatio totalis conflata ex duabus partialibus; quia ex duobus fit vnum, cum præferim vnum sit in potentia ad aliud. Vel nulla est dependentia vnus ad alterum; & tunc sequitur conuersionem esse vnum aggregatum per accidens ex duabus mutationibus specie differentibus. Secundo, proba idem a posteriori; si conuersio non requireret vnitatem actionis, sequeretur omnem duarum rerum mutuam successionem in eodem loco, vel subiecto per plures actiones esse conuersionem ex quo, vt ait Aristodorus. tract. 1. de Euchar. cap. 1. q. 2. sequeretur quod præceptor præceptori in eadem cathedra ad legendum succedens, in eum mutaretur. Neque obstat remansio ubeuntis, quia con-

perſio non requirit eſſentialiter interitum abeuntis; vt patet
 ex anima rationali cum diſcedit ex corpore, & corpus, in aliud
 mutatur. Secundo, ſequeretur omnem motum localem eſſe
 conuerſionem; quia omnis motus localis excludit vnum cor-
 pus pro altero ponendo. Tertio, ſequeretur omnē agricul-
 tū eſſe conuerſionem quando vellet vnam plantam in locum
 alterius inferere. Quarto, ſequeretur ſucceſſionem genera-
 tionum in politijs humanis eſſe veram conuerſionem, vide-
 licet, antiqui Romani eſſent conuerſi in nouos. (à ſubſtantia
 in ſubſtantiam) ratio eſt; nam omnes aliæ combinationes ter-
 minorum in mutationibus ſunt impertinentes ad hanc con-
 uerſionem; nam ſi tranſitus eſt à non ente ad ens, eſt creatio;
 ſi ab ente ad non ens, eſt annihilatio; ſi à non ente ad non ens,
 nihil eſt; ſi à quolibet ente ad quodlibet ens, nō eſt necesse vt
 ſit conuerſio, vt patet in accidentarijs mutationibus. Vnde
 non eſt alia combinatio niſi quòd tranſeat à ſubſtantia ad
 ſubſtantiam. (In ſubſtantiam naturaliter ſibi incompoſſibi-
 lem) non dico ſimpliciter quòd vna ſubſtantia alteram exclu-
 dat, quia poſſet excludere effectiue, quomodo ſi vna ſubſtan-
 tia excluſiua alterius, effectiue corrumpatur vt altera conſer-
 uetur, vel fiat: non eſt conuerſio. Sed requiritur vt ſit excluſio
 formalis; ratio eſt primo, ex inductione naturalium conuer-
 ſionum, in quibus nunquam ſit conuerſio niſi quando forma
 vna eſt alteri formæ incompoſſibilis, nam ſi compoſſibilis ſit,
 non eſt conuerſio: vt multi cenſent de formis elementorum in
 miſtis. Secundo, quia debet eſſe vnica operatio: quæ iſta
 operatio quæ corrumpit conuerſum, & tranſformat in homini
 conuerſionem, vel eſt mera ſubtractione operationis, & tunc non
 eſt conuerſio; quia per hanc terminus ipſius ſi conuerſionis
 reperitur vbi ante non erat, at non poteſt aliquid poni vbi an-
 te non erat per ſubtractionem ſolam actionis; nam vel eſt
 actio poſitiua, & tunc vel actio ponit aliquid compoſſibile cū
 altero, vel non; ſi non; habetur intentum. ſi primum, ergo po-
 ſito hoc per hanc actionem, requiritur deinde alia actio quæ
 excludat aliud: ergo erunt duæ actiones, ergo non erit con-
 uerſio. Tertio, actio corruptiua vnius vel ſimul eſt alterius
 productiua, & ſic conſtat harum formarum incompoſſibilitas,
 eū eſſe vnius ſit connexum cum non eſſe alterius. Vel actio
 corruptiua vnius non eſt alterius productiua, & tunc eſſet me-
 ra ſuc-

ra successio; quia non esset actio quæ utrunq; terminum afficiat. (ex cuius vi sequeretur vnum fieri ad defitionem alterius) .i. terminus conuersionis non debet solum affici aliqua actione ponente ipsum, sed etiam faciente ipsum, ratio, quia terminus conuersionis incipit esse vbi ante non erat. .i. vbi præfuit conuersum; ergo vel per motum localem, vel per sui productionem. Si secundum habemus intentum. Primum verò esse non potest, quia motus localis quamuis faciat successionem naturalem impossibilem, non est conuersio. Confirmatur, quia conuersio à Philosophis numeratur inter species productionum, ita vt dicatur fieri aliquid ex alio, ad differentiationem creationis. Confirmatur, quia sequeretur si Deus nunc crearet formam ignis extra materiam, & post annum, hanc formam poneret in materia aquæ vt formaliter excluderet formam aquæ, sequeretur inquam, quòd esset conuersio. Sed non est; quia id quod succedit, non fit, sed erat factum antea. (& esse vbi alterum fuit) .i. debet acquirere idem vbi, vbi erat aliud. probatur primo inductione; quia in naturalibus conuersionibus ordine sibi in eodem susceptiuo succedunt. Secundo, quia si non esset idem vbi, ac receptiuum vtriusq; non esset exclusio terminorum. ideo enim excluduntur, quia simul esse non possunt. Confirmatur, quia si reciperetur in diuersis vbi, non posset esse vna actio vtrunq; terminum afficiens. Confirmatur secundo, quia alioqui sequeretur non esse maiorem rationem cur conuertatur hoc in hoc, quàm in quodlibet aliud; quia non magis attingeretur hoc ab illius defitione quàm quodlibet aliud, si non esset actio vtriusq; in idem, vbi. (à tota substantia in totam substantiam.) dupliciter transit tota in totam: Primo, totaliter .i. secundum quodlibet sui, & hoc est propriè transubstantiatio. Secundo, non totaliter; quia quamuis manet ratio totius, tamen manet pars totius. .i. materia. & hæc est conuersio vniuersalis. Dico secundo, quod cum conuersio sit quædam productio, & productio ordinetur ad existere, sicut esse simpliciter est totius, ita etiam conuertere & produci est totius, contra verò, sicut esse, secundum quid conuenit esse formæ, & cuilibet parti, ita produci, & conuertere (quamuis secundum quid, & impropiè) conuenit esse formæ; quia esse secundum quid etiam conuenit formæ. Ex his soluantur quedam alia dubia.

Trigesimum dubium . An sit possibile per Dei potentiam absolutam quodlibet ens conueri in quodlibet ens . Resp. prima opinio est Scot. in 4. d. 11. q. 1. 2 & 3. & Gabr. l. 40. super can. miss. & Caiet. 3. p. q. 75. ar. 4. & fortè D. Tho. hoc inclinatur & est responsio affirmatiua. i. posse per Dei potentiam conueri quodlibet accidens in quamlibet substantiam ; & corruptibile in incorruptibile ; & contra: tantum sit ens . Fundamentum est, quia plus distat ens, & non ens, quàm ens & ens. Sed per Dei potentiam non ens potest transire in ens; ergo ens in ens . Secunda opinio est Dur. in 4. d. 11. q. 2. & est negatiua . Fundamentum primum est ex August. l. 7. in Genes. addit. cap. 4. & Boet. l. de duab. nat. cap. 7. vbi dicunt nullo modo posse corpus cõueri in spiritũ nec spiritũ in corpus. Secundo, quia cõuersio requirit intrinsecè impossibilitatẽ formalem terminorum ; at multa sunt entia quæ non repugnant simul esse ; ergo non possunt esse termini conuerſionis . Tertio, non esset ratio cur non posset quẽlibet creatura conueri in Deum, & rueret argumentum præcipuum contra Eutychetem dicentem humanitatem assumptam conuersam fuisse in diuinitatem ; at si in quodlibet ens conueri posset, cur non in Deum / cum præsertim isti autores dicant non esse necessariam remanentiẽ vllius patris termini conuersi, & non esse necessariam mutationem termini in quod conuertitur . Gabr. & Scot. effugiunt quia conuerſio debet esse cum aliquid desinit vt per aliud fiat, vel conseruetur . potest autem Deus destruere aliquam creaturam ea lege, vt nisi eam destrueret, non conseruaret aliam creaturam ; hoc autem non eadit in Deum, quia Deus non eget conseruatione . Hoc effugium est macrum . Dico enim sequeretur, quod si quis haberet duos greges vnum hominũ, & alium asinorum, & dicat, ego non possum vnum conseruare nisi alium interficiam, quia non possum alere, sequeretur quod conuerteret homines in asinos . Secundo à priori . id quod desinit, vel antequam desineret afficiebat, vel aptum erat afficere terminum conuerſionis aliqua actione læſiua, vel non ; si secundum, sequitur quod desinitio vnus est impertinens ad illius conseruationem . si primum, sequeretur inter multa entia non posse fieri conuerſionem ; quia multa entia sunt pæcifica ita vt vnum aliud non corrumpat, Ad fundamentum Scoti dico primo, quod inter non ens, & ens, non est propria conuer-

conuersio; tamen si esset conuersio possibilis, concedo quod etiam quodlibet ens conuerteretur in quodlibet. Secundo dico, quod non implicat transitus à non ente ad ens, quia sit infinita virtute supplente quicquid non est rei quiditatum; ac non est de rei quiditate ut fiat ex aliquo. Contra verò, quia terminorum impossibilitas est quiditativa conuersioni, non potest Deus illam supplere.

Trigesimumprimum dubium. Cum dicat fides conuerti panem in corpus Christi positum in altari, quaeritur, An possit conuerti in Christum ut in caelo manentem, nec in altare, descendantem? Resp. Scot. Dur. & Gabr. affirmant, ita ut species panis remaneat in altari, & tamen dicatur panis conuerti in corpus Christi in caelo. Capreol. limitat hoc, si species panis trasferatur in caelum, & circumuelet corpus Christi. Tertia opinio est Okan. qui negat.

Prima conc. Opinio Scoti est mala, prob. quia desinente substantia panis, non esset ratio cur conuerteretur panis in Christum potius quam in Franciscum; quia actio quae determinat terminum conuersionis, vel est actio purè immanens in intentione tantum, & tunc non esset conuersio realis, sed conuersionalis. Vel sit per actum transeuntem; ergo hic actus vel transit in Christum, vel in panem, vel in vtrumque; si in Christum, ergo Christum mutat. Si in panem, ergo vel hæc actio est non conuersiua, vel conuersiua; si non, ergo repugnat Christum esse terminum conuersionis. Si conuersiua, ergo necessariò facit, & ponit terminum conuersionis. Confirmatur, nam alioqui non esset ratio cur hic panis possit in Deum conuerti: alia ratio, quia Christus facta hac conuersione, vel acquirit realem habitudinem termini conuersionis ad panem, vel non: si non, ergo nihil facit, si acquirit, ergo per fundamentum aliquod in ipso positum. de hoc fundamento ego quaero. Quare sit

Secunda conc. etiam si species Sacramentales desinente subsiecto transfecantur ad circumuehendum Christum in caelo, non esset conuersio. prob. quia id tantum fieret duabus actionibus, vna destructiua panis; alia transpositiua localiter species eam à terra in caelum. & conuersio est vna actio. Secundo istius mutationis terminus primus, & formalis esset substantia materialiter, & non formaliter; ergo non esset conuersio. prob.

prob. antec. quia id quod circumuclatur his speciebus, substantia est; sed non fit substantia formaliter, sed solum acquirit esse accidentarium. s. velari, & vesti. Tercio, non magis esset ista conuersio, quàm si alicui vestis detraheretur vt alteri imponatur: quia siqua esset disparitas, duplex si gi posset: Primo, quia in veste non corrumpitur subiectum cui detrahitur vestis vt alteri imponatur; at hæc nulla est: quia siinge hominem cui ablata est vestis, mori. Secundo, quia in conuersione accidentia siqua manent in termino ad quem præinhererebant termino à quo, vestis autem non præinheret. non valet; quia si sequamur quod experimur in conuersionibus naturalibus, sicut naturalis conuersio præexigit præinherentiam accidentium in termino à quo, ita subsequenter inherentiam in termino ad quem; at hic non inhaerent accidentia. Quarto, quia debet conuersio fieri inter ea quæ naturaliter se propter naturalem impossibilitatem excludunt, at hic desineret substantia panis non propter impossibilitatem cum Christo, sed aliunde.

Trigesimumsecundum dubium. An materia panis destruat tanquam impossibilis materiæ, vel formæ Christi. Resp. quod materia panis est impossibilis substantiæ Christi non primo, & per se; sed consequenter, & per aliud; quia forma Christi se ipsa excludit formam panis, nec introducit aliam formam in materiam panis. quare relinquitur materia sine forma, & hoc ipso definit esse. probatur; quia D. Tho. 1. p. q. 66. ar. 1. dicit, repugnare materiam esse sine forma. & Scot. in. 4. d. 10. q. 6. si materia (inquit) Christi in Sacramento priuaretur forma, desineret esse. patet ratione; quia licet materia prima ex se habeat actum entitatum, & subsistentem quidem secundum me, tamen adeo habet diminutum, vt sine forma conservari non possit, cuiusmodi multa sunt in natura; vt patet in lumine, & in speciebus intencionalibus.

Trigesimumtertium dubium. An prius natura definat substantia panis, quàm adueniat substantia corporis Christi? Resp. Scholastici nihil de hac re. Sed dicunt prius natura definere esse panem, quàm Christum incipere esse. Ego dico primo, vtrunque modum esse possibilem; nam prius natura definit panis. nam cum verè definat esse vnum propter aliud sibi naturaliter impossibile, necessariò est vera conuersio.

Obijcies

Obijciēs; nam sequeretur non esse vnā actionem; quia si prius adueniret Christus, & se ipso panem corrumpere, esset vna actio; sed desitio panis antecedit; ergo videntur duæ actiones, vna destruens panem, alia ponens Christum. Resp. desitio panis non fit per actionem aliquam, sed per subtractionem actionis. & cum dicimus requiri vnā actionem ad conuersionem, nunquam excludimus subtractionem actionis primæ causæ conuersionis, nec in naturali quidem corruptione. Explicatur hic modus; quia Deus adaptat se naturis rerum. si quando duæ res naturaliter impossibiles concurrunt, Deus quia voluntate vult eas coniungere, eadem vult vnā naturaliter non conseruari. Secundus modus; vt prior sit positio Christi, & hic formaliter excludat panem. & hoc videtur magis naturale. Dico secundo, de facto verus est primus modus. probatur primo, autoritate communi Theologorum à qua non est recedendum. Videntur enim omnes præsupponere quòd prius panis desinit. Secundo, quia cùm hæc conuersio sit maximè in substantialibus, decuit magis exerceri ordine substantialium conuersionum quàm accidentalium. at prius natura in substantialibus formis corrumpitur vna forma quàm alia introducat; in accidentarijs potest prius vnum introduci quàm aliud expelli; vt prius natura introducitur vnus gradus caloris, quàm expellatur gradus frigoris.

Tregesimum quartum dubium. Quibus modis loquendum est circa Eucharistiam, ne incidamus in hæresim? Resp. circa loquendi modos debemus esse valdè cauti. Idcirco notandum est, posse de Eucharistia formari propositiones duplicis generis. In primo, sunt illæ propositiones, quæ vtrunq; extremū .s. panem. & Christum ponunt in recto, & copulant verbo substantiuo, vt panis est corpus Christi. In secundo, sunt quæ ponunt alterum extremorum in obliquo, alterum in recto; vt ex pane fit corpus Christi. & panis transit in corpus Christi. In primo ordine iterum sunt duplices propositiones. prima est quando affirmatur vnum de altero secundum actum, vt panis est Corpus Christi. Secunda, quæ habet vtrunq; in recto, sed affirmat vnum de altero secundum potentiam; vt panis potest esse corpus Christi. vel, panis erit corpus Christi. vel, panis fit corpus Christi; quia per fit, significatur po-

tentia mixta cum actu . De hoc primo ordine sit prima regula; istæ propositiones tam secundum actum; quàm secundum potentiam absolute sunt falsæ & non catholicæ. prob. de singulis: quia est de ratione omnis mutationis vt non habeat vtrunq; extremum simul in actu. At (*est*) significat similitudinem actualem vtriusq; extremi . & de rigore significat actualiter esse simul panem , & corpus Christi, quare hæretica est. illæ verò propositiones de potentia fundantur in potentia subiecti, quod transit ex vna forma in alteram; vt cum dico , aqua potest esse aer .i. habet subiectum quod est transmutabile sub vtraq; forma. & quia hic non est subiectum commune , ideo falsa est. Secunda regula. istæ propositiones possunt esse veræ ex accommodatione similitudinaria .i. quia remanent accidentia communia tanquam commune subiectum possunt recipere eandem prædicationem quam reciperent subiectum permanens . Hæc est doctrina D. Thomæ . Sed contra hanc dico primo , propriè potest dici panis sic corpus Christi , & non similitudinariè. probatur , quia sancti Patres ita loquuntur frequentissimè , & Ecclesia: *Pitq; sanguis Christi merum . & Verbo carnem efficit* & in can. miss. *Vt nobis corpus, & sanguis fiat* . Itaq; est vera de rigore . Dico secundo , panis potest esse corpus Christi in sensu diuiso , est propria , & vera , non autem in sensu composito. sicut etiam, reprobatus à Deo potest saluari; in sensu diuiso , est vera . Ad obiectionem D. Thomæ. Resp. quòd isti loquendi modi supponunt quandam potentiam sed non semper subiecti . aliquando enim agentis; vt mundus potest esse, .i. non per sui, sed per Dei potentiam . In secundo ordine sunt adhuc duplices propositiones: quardā, in quibus terminus à quo ponitur in recto , & ad quem in obliquo cum verbis conuersiuis; vt, panis conuertitur, transit, transubstantiatur, mutatur in corpus Christi . De his est regula, quòd istæ propositiones verè formantur in conuersione Sacramentali , & in naturali generatione, non autem in creatione . non enim dicitur, nihil transit in aliquid. aliæ sunt in quibus terminus à quo, est in obliquo; ad quem, in recto , cum verbis factiuis; vt, ex pane fit corpus Christi . & de his sit regula contra D. Thomam, quòd sunt veræ secundum omnem rigorem; quia tam (*De*), quàm (*ex*), non semper connotant subiectum ex quo aliquid fiat ; sed aliquando solam coordinationem

nationem terminorum. Neq; est audiendus D. Tho. qui hoc solum admittit in (*ex*) nã autẽ in (*De*) ego nescio istas grãmaticationes. Nunc de modo dicamus quomodo Christus existit in hoc Sacramento. ideo sit

Trigesimumquintum dubium. An totus Christus contineatur sub hoc Sacramento? Resp. affirmatiuẽ, tamen ex vi Sacramenti est id in quod panis, vel vinum conuertitur directẽ, prout significatur per verba formæ. ex concomitantia autem id quod realiter est coniunctum rei.

Trigesimumsextum dubium. Corpus Christi quod ex vi Sacramenti sub specie panis reperitur, quid præcisẽ includat? Resp. primo, etiam si quantitas non includatur in termino per se conuersionis, sed ei adueniat concomitanter, tamen naturaliter extenderet partes corporis Christi vt sint extrã alias, & extenduntur, nisi nouo miraculo aliter fieret. Secũdo, corpus quod per se terminat conuersionem, non est materia cum modo quantitatiuo, vt ait Egid. theorem. 28. 29. & 30. sed cum organica dispositione includente naturalem quantitatem, figuram, & dispositiones naturales qualitatiuas. Tertiõ, corpus quod est per se terminus conuersionis nullam formam substantialem includit, sed tantum materiam affectam, organicis dispositionibus. probatur, quia nihil impedit quin anima ponatur positis illis dispositionibus. Dices impedimẽtum esse variabilitatem; quia cũ nunquam materia sit sine forma substantiali, sequeretur quod variaretur. Resp. imo contrarium; quia quolibet forma substantialis subiaceret variabilitati, debemus eam excludere. Obijcies, quid dicemus in triduo? Resp. cum Marsil. & Gabr. quod in sepulchro tantum fuit materia nuda cum dispositionibus. prob. quia fuit possibile quod materia prima cũ habeat actum entitatiuũ, & subsistentem, potuit esse sola per Dei potentiam. fuit etiam congruum, quia non decebat pro tribus diebus tantum assumi nouam formam à verbo, *quod enim assumpsit, nunquam dimisit*. Præterea, quia si ibi necessariõ esset forma cadaueris, oporteret verba consecrationis esse æquiuoca, quia in vita significarent corpus vt affectum anima: in morte verò forma cadaueris. at corpus sic & sic est æquiuocẽ corpus.

Trigesimumseptimum dubium. An totus Christus contineatur sub vtraq; specie in hoc Sacramento? Resp. affirmatiuẽ,

quia ita esse debet, & est in rei veritate.

Trigesimum octauum dubium. An totus Christus sit sub qualibet parte specierum panis, & vini. Resp. primo, est de fide, post fractionem hostiæ esse totum Christum sub qualibet parte hostiæ. ita Concil. Flor. in bulla vnion. Armen. Trid. sess. 13. can. 3. & cap. 3. & can. singuli. de consecr. d. 2. ex August. & can. vbi pars. ex Hilar. Papa. Cypr. l. 4. ep. 7. Bern. ser. de cœna Dom. & Palchaf. l. de corpore Christi cap. 17. D. Tho. in Luc. 22. vbi vtitur exemplo sigilli impressi diuersis ceris, & vocis peruenientis ad diuersas aures. ratio est, quia constat de fide species posse diuidi: ideo enim dicitur *panis fractio* in scriptura. & de vino dicit, *accipite, & diuidite inter vos.* tunc si non totus Christus esset in singulis partibus, sed pars in parte; sequeretur quòd corpus Christi in frusta concideretur. qualem modum intellexerunt Capharnaitæ, & ideo abiierunt retrorsum; August. in Ioan. 6. Resp. 2. Ante diuisionem totus Christus est in singulis particulis hostiæ etiam indiuisibilibus sub punctis. Est communis Theologorum; habuit initium ab Innoc. iij. de myst. miss. prob. primo, si corpus Christi ante diuisionem non esset totus in singulis partibus, ergo nec post diuisionem, quia facta diuisione, per quid poneretur totus in qualibet parte? Si per consecrationem, ergo ante diuisionem. si non per consecrationem, ergo per diuisionem; at diuisio est actio purè humana, ergo non potest ponere Christum vbi ante non erat. Secundo, siquid obstar, esset, quia cum semel consecratur materia, semel potest poni; at si esset in singulis partibus, pluries poneretur. at hoc non obstat, quia sicut vna consecratio, & vna intentio consecrantis potest ponere Christum pluries in pluribus hostijs, ita etiam pluries in vna hostia. Tertio, oportceret diuersas partes Christi applicare diuersis partibus hostiæ, & sic mota hostia sequerentur motus Christi indecentissimi; vt pedibus sursum, capite deorsum &c. Quarto, sequeretur sectionem cadentem super partes hostiæ, etiã eadere sup partes corporis Christi; quia ex supposito sunt penè cōmenturatz. Quinto, si cōsecratur hostia maior Christo, in multis partibus illius nō esset Christus. Sexto, cū partes hostiæ sint homogeneæ, non est maior ratio cur vna pars Christi ponatur in vna parte hostiæ, & nō in alia. Dices, si Christus est in qualibet parte, quæro an sit tantū sub quolibet

minimo naturali hostiæ, an etiam sub minoribus. Resp. ex cōmuni sententia quòd etiam in minoribus minimo: prob. quia, alioqui non tota hostia conuerteretur in Christum; at Ecclesia totam hostiam adorat. Secundo, quia si in illo primo minori non esset Christus, idem dicam de alio minori; & quia quodlibet minimum componitur ex his minoribus, ideo à toto Christus excluderetur. Tertio, ideo non esset, quia non potest conservari substantia panis nisi in minimo, & non in minori; & quia Christus succedit in locum substantiæ, ideo non potest conservari in minori. at hæc ratio non valet nisi facta diuisione. Dices secundo: An ante diuisionem Christus sit non solum in partibus minoribus, sed etiam in puncto? Resp. ex communi sententia affirmatiuè; si puncta sunt actu in continuo. & ratio est, quia si totus Christus coextenderetur alicui diuisibili, & quanto, etiam ipsum fieret diuisibile, & consequenter Christum diuideret diuisio illa.

Trigesimumnonum dubium. An sub vna parte hostiæ sit Christus sibi continuus vt existenti in alia parte, an tantum contiguus? Resp. D. Tho. 3. p. q. 76. ar. 3. ad 1. dicit quòd Christus est sibi continuus, ita vt semel dicatur esse in tota hostia, sed per multiplicem sui replicationem, sicut anima rationalis. prob. primo, quia Christus succedit in locum substantiæ panis, quæ quia ante diuisionem sibi continua erat, etiam corpus Christi erit sibi continuum. Secundo, quia Christus debet adaptari speciebus quibus continetur, & à quibus pendet in essendo, & in desinendo esse; at species sunt sibi continuæ. Tertio, quia Ecclesia can. ego Berengarius. de consecr. d. 1. comprobauit vt catholicam confessionem Berengarii, in qua clarissimè dicitur non solum frangi Sacramentum, sed etiam ipsum corpus Christi frangi, & dentibus atteri. Sed hæc diuisio non potest esse partis à parte, ergo totius à toto; ergo totum toti erat continuum. Quarto, si Christus est discontinuus, ergo est actu totus multoties; ergo est infinitus actu; quia Christus est sub quolibet puncto hostiæ, & sub quolibet partibus proportionalibus, quæ dicuntur esse infinites potentia, quia non sunt diuise adhuc; sed Christus est actu diuisus, ergo est infinitus etiam actu. Obijcies, si Christus totus à se diuideretur, ergo corrumpetur, vel doleret. Resp. I hominibz, sicut continuas propriè non est totius cum toto,

toto, sed partis cum parte: ita diuisio propriè est partium, ex quo fit, quod cum totum à toto non propriè diuidatur, ideo non patitur corruptionem; ideo enim partes corrumpuntur, quia non sunt cum alijs partibus cum quibus conseruantur: at hoc non valet in toto & toto. Neq; sequitur dolor, quia dolor nascitur ex intemperie partium diuisarum, at in toto sunt omnes qualitates in sua temperie. Secunda tamen sententia est recentiorum, quòd Christus est sibi discontinuus, prob. quia non possum capere quomodo hoc diuidi non sit quodam pati indignum Christo. Imo hoc ipsum diuidi ex sua natura horribile est, & malum ex suo genere. Quare ad primum argumentum Resp. quòd debet succedere in locum substantiæ, salua sui impassibilitate. Ad secundum dico idem. Ad tertium Resp. primo, dicunt aliqui ideo dici corpus Christi frangi, quia franguntur species quibus continetur. Hæc solutio est catholica, sed non quadrat verbis Berengarij, qui dicit non solum Sacramentum, sed etiam corpus Christi trahi, & frangi, & dentibus atteri. quare resp. secundo, quòd diuisio, vel fractio dicitur duo; primo, motum localem simplicem; secundo, alterationem, vel corruptionem. nunc ergo atteritio, & diuisio vtrumq; exercent vt cadunt in species sacramentales. Sed istę eadẽ passionẽ vt cadunt in Christum solum, obtinent vim motus localis, quod est de fide. Ad quartum dicitur infra, dubio sequenti.

Quadragesimum dubium. Si Christus est sibi discontinuus, & est in omnibus partibus proportionalibus, cum illę si essent actu diuise, essent infinitę, ergo cum Christus sit sibi discontinuus, erit actu ibi infinitus. Resp. omittis opinionibus de continui diuisione, Dico; quòd partes quę continuũ componunt sunt aptę numerari vel per actualem diuisionem, vel per actualem designationem, & quęcunque absurda sequuntur ad primum, sequuntur etiam ad secundum. Vnde sicut non possunt actu infinitę diuidi, sic neq; actu infinitę designari. quare Christus est sub omnibus hostijs quę sunt aptę designari per actualẽ designationem; quare est ibi finities. Dices, sint centum partes, ergo erit ibi centies. Sed quia post consecrationem sunt designabiles etiam centum alię, quæro, facta hac designatione, eritne Christus ibi? si non, est absurdum, si sic, à quo ponitur? Resp. Christus succedit in locum substan-

tz panis, & ideo quod dicitur de substantia panis, idem dicendum de Christo. De substantia panis dicunt quod sine noua productione substantie per solam diuisionem possunt acquiri noue partes in actu. Idem dico de Christo, quod sine noua sui consecratione erit in illis alijs centum partibus.

Quadragesimum primum dubium. Corpus Christi est sub quolibet puncto: vocetur hoc punctum A. quero, Christus immediatus extra illud punctum A. eritne sub alio puncto B. an sub quanto? si sub B. ergo sunt duo puncta immediata, si sub quanto, ergo erit ibi Christus diuisibilis. Resp. quod hæc difficultas est communis omni continuo, nam accipio tempus post instans A. id quod sequitur immediate vel est alius instans B. quod ipsi non admittunt, vel sequitur tempus; ergo multe partes temporis sunt simul, quod esse non potest.

Quadragesimum secundum dubium. An in hoc Sacramento sit quantitas dimensiu corporis Christi. Resp. & est communis opinio D. Tho. 3. p. q. 76. ar. 3. Scot. in 4. d. 19. q. 1. Alber. in 4. d. 13. ar. 10. Riccard. ibid. d. 10. ar. 6. q. 1. Bonau. ibid. ar. 1. q. 4. & Maior. q. 3. Halens. 4. p. q. 10. m. 7. ar. 3. §. 7. dicunt in Sacramento esse realem quantitatem dimensiuam corporis Christi, per quam corpus Christi est & diuisibiliter, & indiuisibiliter: Diuisibiliter in ordine ad se, & in ordine partium, ad partes, & partium ad totum, idest illa quantitas sic extendat corpus Christi, vt pars sit extra partem cum distantia. Indiuisibiliter, in ordine ad species Sacramentales, vel in ordine ad locum specierum; quia vna pars non est extra locum, alterius, sed omnes partes extensæ in se, sunt inextensæ in ordine ad species. Vnde sequitur partes Christi se penetrare, secundum quid, non simpliciter. non simpliciter, quia partes sunt extra partes, nec subintrant inuicem secundum quid tamen, quia simul sunt in eodem loco. Dices ex OKan l. 4. q. 4. Designo particulam hostiæ, & dicatur A. hic pono caput Christi; tunc secundum regulam Aristotelis 4. Phys. quia termini loci, & locati sunt simul, oportet terminos capitis esse terminos particulæ A. esse simul, sed pedes per eos sunt extra terminos capitis, ergo extra terminos A. quia vtriq; termini sunt simul. Et confirmatur exemplo clariori; Fingite esse duas lineas parallelas que procurrunt à dextro in sinistram;

& fingite

& fingite formicam currentem in vna linea si excedit terminum vnus lineæ, etiam excedet terminum alterius lineæ parallelæ; sic caput est in A. si pedes excedunt extra caput, ergo etiam extra A. confirmatur magis, quia quæcunque sunt eadem, vel simul vni tertio, sunt etiam eadem vel simul inter se; sed pedes, & caput sunt simul cum particula A. ergo etiam sunt simul inter se. Resp. ex Gabr. l. 43. in can. miss. qui tentauit soluere hoc negotium; quod sicut non repugnat idem corpus coexistere multis locis, quæ simul coniuncta essent maiora illo corpore duplo, triplo, vel quadruplo &c. ita non repugnat eandem particulam hostiæ indiuisibilem coexistere multis partibus corporis Christi, quæ simul coniunctæ sunt maiores hostia. Hæc solutio est acuta, sed non placet; quia corpus ideo potest coexistere multis locis, quia sæpe ponitur, & replicatur; imo sæpius producitur, vt supra dictum est. at hæc particula hostiæ semel tantum ponitur. Dico igitur primo, non repugnaret concilio Later. dicenti, omnia argumenta contra fidem esse solubilia, si quis affirmaret hoc argumentum esse insolubile intellectui viatoris. ratio est, quia Concilium dicit esse solubilia in se, non autem à meo intellectu. Vnde Arist. dicit, non ideo non esse motum, quia nescimus soluere argumentum Zenonis. Dico secundo, posse solui. & ideo notanda est primo hæc regula; cum aliquid est posterius aliquo priori, prius potest absolui à posteriori respectu vnus non remanens absolutum ab eodem posteriori respectu alterius. probatur reg. primo, in fornace Babylonica ignis fuit absolutus per diuinā potentiā ab actuali combustione respectu puerorum, sed non respectu Chaldæorum. Secundo, quantitas est prior exclusione aliarum quantitarum naturaliter; inde fit vt quantitas panis post consecrationem absoluitur ab ista exclusione respectu quantitatis corporis Christi; & tamen non absoluitur ab hac exclusione respectu aliarum quantitarum. Notandum secundo, coexistere cum altero licet vniuersaliter sit inseparabile à quolibet existente, quia nihil est in mundo, quin alteri coexistat; tamen à quolibet alio in particulari separabile est coexistere. ratio est; quia coexistere est posterius quam existere. Nunc ad argumentum, caput Christi positum in A. habet coexistentiam cum A. sed quia hæc coexistentia est posterior existentia Christi, ideo potest absolui caput

put ab hac coexistentia respectu pedum , & non cum particu-
la hostiæ scilicet, A. explico ; eidem igni applicentur omni-
modo æqualiter duo combustibilia , tamen Deus potest suspē-
dere actionem cum vno combustibili , & non cum alio. inde
fit vt pedes sint extra caput ; & tamen pedes & caput sint in-
tra A.

Quadragesimumtertium dubium . An corpus Christi sit in
Sacramento definitiuè. Resp. D.Tho. 3.p.q.76.ar.5.negat esse
neq; definitiuè, neq; circumscriptiuè. non definitiuè, quia esse
definitiuè in loco nihil aliud est , quàm sic esse hic , vt non sic
alibi ; at Christus est alibi Sacramentaliter , & in cœlo natu-
raliter . Neq; est circumscriptiuè, quia non coextenditur, dicit
etiam in cœlo esse in loco circumscriptiuè , quia est in loco
coextensum . Definitiuè, quia sua quantitate, & modo quan-
titatiuo sic ad locum illum limitatur , vt ex modo existendi
in cœlo, non exigit esse alibi. Addit etiam, quòd quicquid est
circumscriptiuè in loco, est etiam definitiuè , & non contra ;
quia esse circumscriptiuè in loco, mensuratur per quantitatem
terminantem rem sic, vt sit in tanto, & non maiore loco . De-
finitiuè verò est esse hic , & terminari non virtute sua , sed
agentis . Melior tamen videtur opinio Okan, quodl. 4. q. 4.
& Gabr.l. 43. in can. qui dicunt, nihil aliud est esse definitiuè,
quàm esse totum in toto , & totum in qualibet parte totius;
nec refert vtrum alibi similiter sit . Corpus autem Christi
(aiunt) non esse in Sacramento circumscriptiuè , sed definiti-
ue verè , & propriè . Sed hæc est quæstio de nomine .

Quadragesimumquartum dubium . An corpus Christi vt
est in Sacramento realiter ita moueatur , vt sit verum subie-
ctum lationis ? Resp. Durand. in 4.d.10.q.3. ponit duas admi-
rabiles conclusiones . Primo, dicit corpus Christi nec per se ,
nec per accidens moueri ad motum hostiæ , ita vt nullo modo
sit subiectum motus . prob. primo , quia priuatio , & positio
non minus opponuntur quàm affirmatio, & negatio. Sed mo-
tus & quies opponuntur priuatiuè , ergo repugnant similiter
eidem; at corpus Christi est in cœlo , & quiescit ; & in Sacra-
mento est idem; ergo hic non mouetur . Secundo, nihil moue-
tur localiter nisi quod est in loco vel per se, vel per accidens;
sed corpus Christi non est in speciebus panis per se , vel per
accidens vt in loco, sed per simplicem ordinem præsentia, vt

Angelus in lapide quem mouet, sed motu lapide non est necessarium ipsum moueri; ergo &c. Tertio, quia moueretur eodem tempore motibus erectionis, vel depressionis in diuersis hostijs. Quarto, quia deberet etiam subiacere fractioni ad fractionem hostiæ sicut subiacet motui. Secunda conclusio Dur. est; corpus Christi sine vlllo motu sui semper esse præsens hostiæ sine motu, siue immotu & dat duos modos quibus id fieri potest. Primus modus, sicut facta consecratione corpus Christi cum non esset præsens hostiæ acquisiuit nouam præsentiam in hostia, & in loco hostiæ sine sui ipsius mutatione; ita facta mutatione hostiæ acquirit nouam præsentiam ad locum hostiæ sine sui mutatione, solum cum mutatione specierum hostiæ. Secundus modus, negat Dur. corpus Christi acquirere nouam præsentiam ad locum, sed solum habet præsentiam ad hostiam; & sicut Angelus non acquirit propriè præsentiam realem ad locum, sed sine noua præsentia sui ad locum potest agere vbi prius non agebat, ita &c. Caiet. laudat Durandum. & quod peius est eandem opinionem D. Thomæ impingit. & probat primo, quia D. Tho. 3 p. q. 76. ar. 6. dicit corpus Christi secundum se nec moueri per se, nec per accidens. Secundo, quia D. Tho. negat corpus Christi desinere esse in Sacramento per motum localem, quia secundum se nec incipit esse in Sacramento per motum localem, nec illum recipit. Secunda opinio est Scot. in 4. d. 10. q. 5. vlt; ad 9. OKan. 1. 4. q. 5. Gabr. 1. 45. in can. & est communis, quod corpus Christi verè, & realiter mouetur, vt sit subiectum motus, & per motum sui acquirat nouam præsentiam ad locum, sed mediantibus speciebus. Ego dico, puto D. Thomam sequi secundam opinionem; quia disertis verbis dicit, quod licet corpus Christi vt est secundum se in cælo non moueatur nec per se, nec per accidens; tamen in Sacramento mouetur per accidens; at moueri per accidens secundum Philosophos est moueri realiter, licet per aliud; ergo &c. Secundo, quia fatente Caietano in via D. Thomæ corpus Christi moueretur secundum esse sacramentale, & esse habitudinale; ergo etiam subiectum mouetur. Tertio, quia D. Tho. dicit moueri corpus Christi ad motum hostiæ, vt mouetur forma ad motum compositi. Ad id de Angelis D. Tho. 3. p. q. 53. ar. 2. ad 2. negat posse Angelum realiter transire ab extremo ad extremum sine medio, sicut anima

ma potest cogitare extremum, & extremum sine medio; quia anima quando cogitat non applicat suam substantiam extremo, vel medio; at Angelus applicat suam substantiam medio; quia præsopponitur operari in medio. Ad primum Caiet. Resp. quòd D. Tho. dicit, corpus Christi vt in cælo non mouetur nec per se, nec per accidens. Ad secundum Resp. nihil esse ad rem; nam aliud est incipere, vel finire per motum localem, aliud dum est in Sacramento moueri. Ad reliqua, dictum est. Dico secundo, opinionem Dur. esse malam. prob. nam ex Scot. corpus Christi se habet ad hostiam vt contentum ad continens, neq; vt Angelus ad lapidem sicut vult Dur. quia in Concil. est definitum corpus Christi verè contineri, sed repugnat moto continente non moueri contentum; ergo &c. Tertio, quia hæc Philosophia Dur. procedit ex illo suo malo principio .s. quòd Angelus est ubiq; Ad primum Durandi resp. quòd hic mouetur, & ibi non mouetur. Ad secundum quòd corpus Christi est in loco, quia verè continetur. quamuis hæc continentia non sit commensurationis, quia tunc oporteret esse maius continens contento, sed continentia circumelationis, vt loquitur D. Tho. Ad tertium, iamdiu concessum est. Ad quartum resp. quòd est duplex disparitas, primo, quia alteratio est corruptiua, non autem motus localis. Secundo, quia non potest diuidi, cum sit modo indiuisibilis; at motus localis nec indiuisibili quidem repugnat; quia puncta etiam mouentur per accidens.

Quadragesimumquintum dubium. An corpus Christi moueatur physicè à mouente hostiam, an à se, vel à Deo tantum. Resp. ex D. Tho. 3.p.q.76.ar.6.& ex communi sententia, corpus Christi ad motum hostiæ moueri à mouente hostiam. quæ sententia est vera simpliciter; nam de fide est nos verè manducare, & bibere carnem, & sanguinem Christi Ioan.6. *Qui manducat meam carnem, & bibit meum sanguinem &c.* ergo est de fide quòd nos moueamus corpus, & sanguinem Christi. probatur conseq. quia manducatio & bibitio requirunt motum localem sic & sic faciendum. Secundo, quia hic motus localis fit ab ipso manducante, & non ab alio. quod patet, nam manducatio est actus vitalis, de quorum actuum essentia est vt fiant ab ipso à quo recipiuntur. Confirmatur, quia si dormienti in os ventus ingreditur, non diceretur ille comedere.

uentum. Tercio, quia in confessione Berengarij can. J ego Berengarius. de consecr. d. 2. dicitur Sacerdotem suis manibus tractare, mouere, & diuidere etiam corpus Christi. Confirmatur, quia de fide est succedere Christum in locum substantiæ panis, & ad modum substantiæ panis; sed qui moueret accidentia panis, moueret etiam substantiam, ergo qui mouet species, mouet ipsum corpus Christi. Quarto, probatur ratione, ex 2. top. 3. motis nobis, mouentur omnia quæ sunt in nobis; sed corpus Christi verè est in speciebus, ergo his motis naturaliter Christus mouetur. dixi, (*naturaliter*,) quia si Christus resisteret, posset aliter fieri. Confirmatur; quia dimensio gloriosa corporis Christi adhuc est vera, & realis dimensio, ergo naturaliter excluditur ab alia dimensione; ergo sicut mouens hostiam verè excludit illam sua diuisione, ita consequenter dimensionem Christi, nisi fiat miraculum. Dices ex Scot. Christum neq; per se moueri, neq; à mouente hostiæ; & probat: nam corpus Christi si esset extra species non moueretur à mouente eas, ergo neq; intra. probatur conseq. quia positum intra species nec facit vnum cū speciebus sicut actus, & potentia, vt anima & corpus; neque est in speciebus vt pars in toto: neq; sicut aliquid naturali necessitate coniunctū cum speciebus, vt graue cum eo cui innititur, sed solum est cōiunctum spontanea voluntate. Confirmatur; quia Angelus si se applicet lapidi, moto lapide non necessariò mouetur. ideo tantum quia liberè se applicuit lapidi. quod idem est in corpore Christi; ergo &c. Secundo, dicit Scot. In homine esse duplicem potentiam motiuam; vnā organicā quæ facit motum progressiuum, quæ mouet partem post partem, & per partem; alterā inorganicā, quæ mouet immediatè totum corpus. & probat esse hanc duplicem potentiam in homine, & in Christo. primo, quia cū constet hanc potentiam inesse Angelo, nec vlla ratio apparet cur sit neganda animæ rationali quæ est etiam spiritus, non debet negari, quia naturaliter ex possibilibus semper facit id quod melius est, vt ait Arist. 1. 2. de gen. tex. 79. Secundo, quia non esset frustra, cum quia haberet saltē vsum in patria in qua mouet anima corpus gloriosum immediatè; & sicut multe potentie quarum vsus sunt in hac vita permanent etiam in patria, & non frustra, quāuis ibi non habeāt vsum; solum quia habuerunt vsum in hac.

sic

sic contra; quamuis sic non habeat vñum potentia inorganica, tamen quia habebit in patria, ideo &c. Addit tertio, quòd Christus in Sacramento potentia organica nec se, nec alios mouet. Inorganica verò aliud, sed non se; nam potentia organica est materialis, & non potest agere nisi in applicatum sibi dimensiuè; quale non est corpus Christi in se, nec aliud. Inorganica verò potest mouere aliud, quia potest aliud ei applicari modo naturali, vt patet in motu specierum, quæ aliquando nullo mouente moræ sunt. & non est inconueniens quòd sit motum à Christo Sacramentum. sape etiam species mouent manum sacerdotis, non autem se; quia cùm ibi sit modo supernaturalissimo, non potest subiaccere vñi accidenti, nisi Deo, qui habet potentiam in modum supernaturalem. Quoad hanc difficultatem dico, quòd secunda opinio est Okan. & Gabr. qui consentiunt cum Scoto, Christum non moueri à mouente hostiam; differunt, verò quòd licet Christus potentia organica se mouere non possit, tamen potest se mouere potentia inorganica, quam Okan putat esse voluntatem. probat; quia ratio Scoti non valet; nam modus supernaturalis est tantum modus indiuisibilis; at potentia inorganica quæ est indiuisibilis, potest agere in indiuisibile. Quare dico, quòd si in corpore Christi admittitur potentia inorganica, non est improbabile quòd possit se ipsum mouere. & hoc probatur rationibus Okan. Ad exemplum de Angelo resp. quòd Angelus potest dupliciter se lapidi applicare: Primo, vt se relinquat lapidi sustentare si hoc factibile est, & tunc mouebitur ad motum lapidis. Secundo, vt non ita, sed vt lapidem moueat; & tunc, vel Angelus vult continuare motum in lapide moto, vel non; si primum, tunc ex se ipso mouetur cum lapide. si non, tunc moto lapide, non mouebitur, quia non habet quantitatem, quæ cedat impulsui alterius quanti.

Quadragesimum sextum dubium. Corruptis speciebus Sacramentalibus, quomodo desinat ibi esse Christus? Resp. prima opinio est D. Tho. & Thomistarum 3. p. q. 76. ar. 6. qui dicunt quòd Christus desinit esse ibi sine sui corruptione, & sine sui motu locali; sed solum desinit esse per accidens. i. ad definitionem specierum; sicut si corrumpatur creatura, desinit ibi esse Deus. sicut etiam anima rationalis resecto brachio desinit

pit esse in eo sine sui corruptione. Sed contra hanc opinionem est prima difficultas; quia exempla quæ adducit sunt controuersa. Primum de Deo, multi sentiunt; quamuis in creatura, desinat esse Deus, tamen pergit esse in loco illo imaginario, in quo illa creatura præcedebat. & ratio est, quia Deus non est in rebus per solam actionem, sed etiam per suam substantiam; ergo corrupta actione potest esse ibi per suam substantiam. Secundum exemplum, multi sentiunt secundo brachio animam se retrahere ad seipsam ut in corpore. & dicunt congruenter; quia esse formæ secundum se, est distinctum ab actu informatiuo, & est prius ipso; at corrupto actu informatiuo, queri potest quid fiat de esse formæ quod erat in brachio confirmatur; quia sicut in augmentatione anima in nouum alimentum extendit aliquam sui replicationem, ita cessante actu informatiuo naturale est ut ad se retrahat. Secunda difficultas, quamuis esse substantiale corporis Christi in altari, & in cælo sit idem numero; tamen ut est in altari, hoc esse substantiale verè distat ab illo. præterea hoc esse est subiectum præsentia Sacramentalis, quomodo non est subiectum ut in cælo; quæro, corruptis speciebus corrumpitur præsentia; sed quia hæc præsentia habebat pro subiecto corpus Christi; quæro, hoc esse substantiale ut distabat ab illo quod est in cælo, quò iuit? augetur difficultas, quia hoc subiectum Sacramentalis præsentia vel est in mundo, vel non; si non, ergo corruptum est; si est, ubi est? Tertia difficultas; hoc corpus Christi ut est in Sacramento est obiectum replicationis, quæ est noua quædam productio; quæro, vel Deus continuat eandem replicationem speciebus corruptis, vel non; si primum, ergo est alicubi, si non; ergo corruptum est. Quarta difficultas, quia hoc corpus ut erat sub tali præsentia existeret in mundo, quia non fuit corruptum; & non existeret; quia si existit, vel est indistans ab altari, & sic est ibi; vel distans, & sic est motus localiter. Quinta difficultas. Ut repugnat aliquid moueri & non acquirere ubi, vel locum; sic repugnat fuisse motum ad locum, & non acquisiuisse locum: sed Christus verè acquisiuit locum illum non per motum localem, sed per replicationem æquivalentem motui locali; ergo repugnat non esse in acquisito esse, nisi vel corrumpatur, vel faciat alium motum localem. Secunda opinio est Scoti in 4. d. 10. q. 2. ubi habet ista

ista verba : *Cum corpus aliquod habet duo vbi , potest in uno desinere esse , si virtus qua ipsum conseruat , desinat conseruare , manebit tamen totum esse absolutū , quia vbi est relatiuum.* Ex quo videtur dicere , quod Deus Christum non conseruat. Sed non conseruare est annihilare. Contra hanc opinionem est prima difficultas : quia videtur impossibile substantiam aliquam corrumpi hic, & non vbiq; quia esse substantiale est esse absolutum , independens ab esse hic , vel ibi ; quare si corrumpitur hic absolutum ipsum , ergo vbiq; . Secunda difficultas , quia ipsum annihilare est mutatio priuatiua , & priuatiua ipsius esse substantialis ; ergo est indigna Christo . His duabus potest responderi ad mentem Scoti. ad primum concedo aliud esse esse absolutum , aliud vbi ; sed hoc esse absolutum potest dupliciter se habere in deperditione . Primo , vt deperdat solum vbi transendo ad aliud vbi . Secundo , vt deperdat esse subiecti , vt hoc sit tanquam terminus primus , & immediatus deperditionis ; consequenter verò deperdatur vbi vt terminus secundarius . & quia potest idem corpus esse subiectum plurimum vbi , & vt est subiectum vnus vbi non dependet à se vt subiecto alterius vbi , nihil verat posse perdi esse subiectum vnus vbi , & non perdi esse subiectum alterius vbi . Ad secundum resp. quod ista mutatio non est indecora Christo nec ex parte deperditi , nec ex parte modi deperditionis . non ex primo , quia quod careat hoc vbi Sacramentali , non est imperfectio , & deperdere hoc esse substantiale hic ; & quia totum idem esse substantiale remanet in cælo , nihil indignum est . non ex secundo , quia hæc deperditio esset instantanea , quare careret omni dolore ; sed reuera huic secundæ difficultati vix satisfacit ; nam terribile est , & fugiendum , quod deperdatur esse in Sacramento . Confirmatur , quia sequeretur Christum iterum mori ; quod est contra Paulum . Tertia opinio est Marfil. in 4. q. 7. ar. 2. hæc sunt verba : *Verisimile est , deficientibus speciebus , vel successiue ascendere Christum in cælum , vel subito seponere ad locum sibi deputatum .* Contra hanc est prima difficultas ; quia si Christus desinit esse in Sacramento per recessum successiuum , ergo capit esse in Sacramento per motum , & accessum successiuum ; quod est hæreticum . Secunda , quia aliquo tempore esset in aere ibi verò quomodo erit ? vel modo Sacramentali , & hoc non ; vel modo naturali , at ita est in cælo .

lo. Tertia difficultas. si totum erat in cœlo, & accessu sui ad cœlū non sit maius, nec gloriosius, ergo frustra ascendit. Quarta difficultas. corpus Christi non potest moveri in cœlum nisi speciebus corruptis; at species desinunt esse per primum sui non esse; at in hoc instanti vel Christus erit sub speciebus, vel movebitur; non in speciebus, quia iam sunt corruptæ. si moveatur, ergo motus inchoabitur in instanti. Potest tamen responderi ad mentem Marfilij. Ad primum resp. oportet Christum incipere esse in Sacramento in instanti. ne ergo in instanti esset falsa forma verborum; sed quia hæc ratio cessat in recessu, ideo potest successivè recedere. Ad secundam resp. quod erit in medio seu in aere modo naturali. s. dimensivè, sed indivisibiliter, & hoc sine nouo miraculo; quia competit statui glorioso facere se invisibilem cum voluerit. Ad tertium resp. non frustra moveatur, quia moveatur eò vel ne desinat esse, vel ne maneat in terra indecenter. Ad quartam resp. eandem esse difficultatem in recessu animæ à corpore nostro; quia corpus corrumpitur per primum sui non esse. Resp. igitur, quod in illo instanti anima manet in corpore non vt forma corporis, sed entitatiuè, & veluti materialiter. idem dico de corpore Christi. sic etiam dico, quod in illo instanti manet ibi Christus non Sacramentaliter, sed entitatiuè. Ego distinguo; aliud est querere quæ sit verior opinio: aliud, quæ sit facilior. & hæc duo sunt seperabilia: nam facilius intelligo Deum esse vnum in essentia, & in personis, quàm esse trinum, & vnum. tamen est falsum. Dico igitur primo, si loquamur de veritate harum opinionum, ego fateor me ignorare quæ sit verior. Dico secundo, puto tertiam opinionem esse faciliorem intellectu.

Quadragesimumseptimum dubium. An Corpus Christi miraculosè possit ab aliquo oculo videri. & An oculus Christi in Sacramento videat seipsū, an totum corpus? Resp. omittis opinionibus, quoad primum dico: Non solum de facto, sed neq; de possibili potest corpus Christi videri ab vllō oculo, nec glorioso quidem naturaliter distinctè. probatur, quia cum sit modo indivisibili, se habet vt punctum, quod vel non est visibile, vel non distinctè. Secundo, quia hoc corpus Christi ex patrum sententia velatur ex speciebus hostiæ, ergo illa velatio impedit distinctam cognitionem. Tertiò, quia cum

Chri-

Christus respiciat nos solum per punctum hostiæ, omnes species sui per punctum mitteret, & in puncto esset tanta confusio vel specierum, vel colorum, ut non possemus distinguere; quod patet in picturis subtilissimis. Secundo dico, possibile est naturaliter videri corpus Christi etiam oculo viatoris aliquo modo obscuro, nisi Deus impediret. prob. primo, quia Christus ut est in Sacramento habet lucem corporis gloriosi, quæ posita intra hostiam per partes porosas hostiæ mitteret species subtilissimas radiorum. neq. obstat istam lucem contineri in singulis punctis, quia ista cum sint sparsa per totam hostiam, facerent quandam refurgentiam coextensam hostiæ. Secundo, quia etiam luce circumscripta, sufficerent colores viuacissimi corporis Christi, qui superarent species colorum hostiæ. si obijcies de puncto, eodem modo respondebitur. Tertio dico, Miraculosè non repugnat etiam ab oculo mortali videri distinctè. Probatur; omnes colores corporis Christi sunt in quolibet puncto: ex hoc puncto, & per hoc punctum emittunt sui species extensas in se, sed inextensas in puncto; ita ut extensæ in se coexistent in puncto in se inextenso, & transacto puncto propagentur in medio, tunc videretur, & fortè de facto ita aliquando factum est in apparitionibus miraculosis. Quarto dico quoad secundum, oculus Christi non plus naturaliter potest seipsum videre, quam quilibet alius oculus. probatur; quia siqua esset differentia inter nostrum Christiq; oculum, esset, quia noster oculus est mortalis, & distans à Sacramento; Christi verò immortalis, & intra Sacramentum. Sed non obstat primum, quia tunc saltem oculus gloriosus videre potest Christum, quod D. Tho. negat. Non obstat secundum; quia impedimentum istius visionis non nascitur ex distantia, neq; tantum ex velamento; nam oculo glorioso (fidente D. Thoma) nullum velamentum obstat, sed simulas & confusio colorum in puncto; quod etiam habet locum in oculo; imo maior indistantia oculi Christi fortè facit maiorem confusionem; nam sensibile supra sensum non facit sensationem. Dico quinto, probabile est de facto Christum in Sacramento se videre distinctè. prob. quia est decentissimum; sed per miraculum.

Quadragesimum octauum dubium. An Christus ut est in Sacramento oculo corporali videat ea, quæ Sacramentum

circumstant. i. altare, Sacerdotem &c. Resp. prima opinio est D. Thom. Scot. & Dur. qui negant. Imo dicunt esse impossibile, etiam per Dei potentiam. prob. primo, quia est de intrinseca ratione visionis, ut species obiecti visibilis recipiatur in oculo quanto, & per medium quantum; sed oculus Christi non est modo quantitativus, & videt per punctum, ergo &c. addit Scot. quod quamvis oculus Christi non sit capax vllius sensationis ut accepta primò in Sacramento, tamen est capax alicuius sensationis concomitanter .i. accepta in oculo ut est in cœlo, & mox redeuntis in oculum ut in Sacramento. Secunda opinio est OKan, Gabr. & Marsil. qui non solum omnes functiones auditus; & visus Christo cōcedunt, sed etiam omnes potentias esse tales, quales sunt in corpore eius viuo, ut posset sua manu calefacere manum Sacerdotis. prob. quia non obstat quod sit ibi modo definitiuus, & non circumscriptiuus; nam anima non est in corpore circumscriptiue, & tamen autore August. l. 9. Trin. anima magnam habet immutationem respectu sui corporis. Secundo, quia Arist. Auic. &c. dicunt calorem separatum etiam calefacturum esse; at calor separatus esset solum definitiuus, ergo etiam calor Christi. Tertio, quia esse in puncto non impedit, imo adiuvat naturalem actionem, nam virtus vnita fortior. Quarto, indiuisibili ipsi coexistit secundum eum modum quantitativum, quo existit extrinseco loco, vel passo; at potest aliquid agere in semetipsum etiam si sibi coexistat; ergo etiam si non coexistat cum alio, agit. probatur minor, quia aqua calida se ipsa reducit ad frigiditatem. Quinto, modus accidentarius primarij actiui non impedit actionem quæ illi competit, quia quod est per se, prius est eo quod est per accidens; ideo ab illo impediri non potest; sed modus Sacramentalis est accidentarius corporis Christi, ergo non potest impedire naturalem actionem quæ per se competit corpori Christi. Sexto, siquid obstat esset sui oculi inextensio ad locum; at visio naturalis fit per conum quasi indiuisibile protensum vsq; ad oculum; eò magis quod ille oculus sit in se extensus. sit hæc conc. Hæc secunda opinio nominalium est multò probabilior. Primo, quia decet. nam cum in Sacramento nobiscum habiter Christus corporaliter, decebat etiam nobiscum habere commercium corporale. Secundo, quia est possibile vel naturaliter

ut putat OKan, quod probabile est; sed melius miraculosè; quia Deus potest facere ut species obiectorum extrinsecorum (quamvis in se extensæ) totæ coexistant puncto hostiæ, & pû-quali visioni Christi.

Quadragesimumnonum dubium. An corpus Christi ut est in Sacramento, sit naturaliter visibile intellectui viatoris. Resp. primo, cum intellectus viatoris totam suam noticiam, à sensibus accipiat, sic potest videre corpus Christi, sicut & sensus, & in hoc nemo discrepat. Secundo dico, quod quæ differentia est de ðorum in sensu, eadem est etiam in intellectu. nos autem quia diximus naturaliter sensum posse obscurè. Ideo etiam intellectum, nisi Deus impediret.

Quinquagesimum dubium. Quando apparet miraculosè caro, vel puer, est ne ibi verè corpus Christi? Resp. primo, constat inter doctores quod in his apparitionibus nulla est deceptio, quia ordinatur ad confirmandum nos. Secundo constat, aliquando in his apparitionibus non fieri ullam alterationem in speciebus hostiæ, sed solum in sensu videntis. quod cõtingit non per læsionem sensus communis ut in phreneticis, neq; per immutationem mediij .s. aeris, ut in Magorum præstigijs; sed quod Deus imprimit vel oculo, vel phantasiæ, vel intellectui aliquam speciem per quam sic & sic videre videamur, ut in visionibus propheticis. & signum huius rei est difformitas visionis tum in diuersis, tum in eodem homine. Constat tertio, aliquando has apparitiones fieri per realem mutationem in speciebus Sacramentalibus; cuius primum signum est conformitas visionis in omnibus præsentibus. Secundum est diuturnitas apparitionis; quia siqua sit mutatio in sensu, ferè momentanea est. An verò in isto casu debeat alia consecrari? D. Tho. affirmat. Constat quarto, hanc realem mutationem esse duplicem; vnã, quæ tantum variat species, & dimensiones. Quarta variatio sufficeret corrumpendæ substantiæ panis si adesset; & tunc communiter sentiunt quod definit ibi esse Christus Sacramentaliter. Vtrum remaneat ibi secundum propriam speciem naturalem, postea dicemus. altera est quæ corrumpit qualitates ferè omnes; & saluas retinet dimensiones. & de hac est quæstio. Prima opinio est D. Tho. 3. p. q. 76. ar. 8. qui dicit quod remanentibus dimensionibus, & corruptis omnibus qualitatibus, adhuc ma-

net ibi Chistus Sacramentaliter . probat primo, quia ibi adoratur quod remanet adoratione latræ; at latræ non debetur nisi enti diuino, vel assumpto in diuinam hypostasia . Secundo, quia quamuis corrumpantur species Sacramentales secundum id quod est minus .i. qualitates , tamen remanent secundum principale fundamentum .i. quantitatem . Tertio, addit Sot. quia cum dimensionibus semper manet aliquis sapor panis, & virtus confortandi cor. Dicit secundo, cum corrumpuntur qualitates , & dimensiones ibi nec est Chistus secundum speciem Sacramentalem, nec secundum propriam, & naturalem sibi .i. id quod videtur nec est figura panis, nec figura Christi, sed erit quid tertium miraculosum. probat primo, quia secundum speciem sacramentalem constat ibi non esse . secundum speciem verò naturalem non potest esse nisi vno in loco. .i. in cælo . secundo, quia non deceret; nā cum ibi diu maneret, & conseruetur per multos annos, videretur quasi quædam Christi incarcerationio . Circa primum dictum, est communis sententia in contrarium . Dur. in 4. d. 10. q. 4. & d. 12. q. 3. & probatur euidenter . Primo, quia tandiū est sacramentaliter ibi, quandiū maneret subiectum panis; sed substantiæ panis conseruandæ non sufficeret sola quantitas, quia est corpus mistum . secundo, quia ex D. Tho. si vinum ace-scat, definit ibi esse sanguis ; sed in aceto remanent dimensiones . effugium. quia cum D. Thomas putet in corruptione naturali fieri resolutionem vsq: ad materiam primam, negat dimensiones vini remanere in aceto ; sed qui potest deglutire, hanc philosophiam, deglutiat . Addite, quòd quamuis Dur. benè neget corruptis speciebus qualitatiuis remanere corpus Christi, tamen malè affirmat, id quod remanet non esse adorandum latræ ; quod est contra omnes . & probatur primo, quia illæ dimensiones significant corpus Christi, vt crux, & imago . secundo, quia nihil dimensionibus corpus Christi præexistit secundum Sacramentalem contactum . Circa secundum dictum . Dico primo, possibile est vt sit vera caro Christi : quia non repugnat modo quantitatiuo esse corpus in duobus locis . Dico secundo, de facto videntur mihi duo modi probabiles . Primus Egidij theor. 15. vbi dicit, quòd si apparet puer, est probabile sub forma pueri esse corpus Christi sacramentaliter sicut erat sub specie panis. .i. totus in toto, & totus

& totus in qualibet parte. Secundus est, quòd in forma pueri, vel in forma solius sanguinis, aut solius carnis, sit aliqua portio veri sanguinis, & carnis Christi in propria quantitate. probatur, non solum quia id quod remanet adoratur latría, sed etiam quia illi quibus ita apparuit Christus, magnopere cupiebant Christum videre. quare nisi esset Christus, decepti essent; Paschas. in l. de corp. Christi cap. 14. Secundo, quia si Christus saceret illam apparitionem solum vt hoc miraculo sui præsentiám comprobaret, vtq; deberet id confirmare alio genere miraculi. non hoc, quod vehementissimam opinionem suæ præsentiæ veræ gigneret; ergo signum est quòd verè est præsens. neq; Christus inuitus tanquam in carcere includitur; sed ex charitate, & sponte sua. Nunc de accidentibus remanentibus in Sacramento dicamus.

Quinquagesimumprimum dubium. An species Sacramentales possint nutrire aliquid, vel concurrere materialiter ad alicuius rei, vel mlti productionem. Resp. primo, certum est Deum in Sacramentali operatione, vel conuersione, facere tria per vnám voluntatem. Primo, conuertit substantiam panis in substantiam corporis Christi reponendi in loco quo ante manebat species panis. Secundo, per eandem voluntatem Deus facit vt per quascunq; alterationes esset desitura, substantia panis si esset, per easdem desinat corpus Christi ibi esse; & contra: quæ alterationes non possunt destruere substantiam panis, ex non possunt tollere corpus Christi. Tertio, facit, vt quicquid est causabile ex pane manente substantia eius, etiam de facto causetur sublata substantia panis, Deo supplente quicquid faceret substantia panis ad miraculum regendum. Inde fit, vt si v. g. ex substantia panis corrupta possint nasci vermes, iidem nascantur ex speciebus corruptis, item si comederet panem, nutriretur; sic etiam si comedat species. sed est.

Quinquagesimumsecundum dubium. An agens naturale possit corrumpere omnes species Sacramentales naturaliter, vt, an ignis possit comburere hostiam. & dolium aquæ possit corrumpere parum vini consecrati? Resp. prima opinio est OKan l. 4. q. 7. vbi putat species desinere per annihilationem factam ab agente naturali naturaliter operante. probat primo, quia nemo negabit quòd debite applicatis actiuo, & pas-

suo

suo naturali, non fiat actio; sed accidentia quæ sunt in ho-
 stia non habent subiectum vllum, ergo annihilantur, quia non
 redeunt in potentiam subiecti. Secundo, quia non obstat
 quoddam agens naturale non possit annihilare ex eo quoddam non
 possit creare; nam cum omnia creabilia antequam creentur
 sint propria in hoc .s. esse purum nihil; quicquid potest in vnũ
 creabile, potest in omnia; & quia omnia creabilia sunt infi-
 nita, ideo non potest in ea agens naturale; ergo nec in vnum
 quidem. Sed potest annihilare, quia cum annihilabile præxi-
 stat, potest fieri vt præexistentium vnum magis applicetur
 agenti, quàm alterum; & ideo hoc annihilatur, & non illud.
 Secunda opinio est D. Tho. qui putat non solum accidentia,
 quæ sunt in quantitate, sed etiam ipsam quantitatem corrũ-
 pi, & non annihilari. prob. quia Deus facta consecratione
 conseruat illud idem esse quantitatis quod præexistebat; ergo
 etiam modo. His positis sit prima conc. si Okan ponit po-
 tentiam annihilandi in agente naturali, non est ratio cur non
 etiam ponat vim creandi; quia ratio Okan non valet; nam
 illam indistantiam ad omnia creabilia vel intelligit de specie,
 vel de indiuiduis. si primo modo, dico determinari agens na-
 turale ad talem speciem effectus, per talem speciem suæ vir-
 tutis; vt ignis creabit ignem. si secundo modo, id non ob-
 stat; quia nec naturaliter potest producere vllum ignem; nam
 ex eadem materia potest educi hæc, vel hæc forma ignis; cur
 ergo potius educitur hæc, quàm illa? quoddam si dicat determina-
 ri ad hanc formam à prima causa, idem dicam de creatione.
 quare ratio Okan non valet. Secunda conc. Agens naturale
 nihil potest de se annihilare. prob. primo, quia tanta est di-
 stantia à non esse ad esse, quanta ab esse ad non esse; & quia
 vtraq; distantia est infinita, non potest superari à virtute in-
 finita, non potest nec creare, nec annihilare. Secundo, quia
 sicut Deo non conseruante per nullam creatam efficientiam,
 res potest permanere, ita Deo conseruante per nullam actio-
 nem potest res annihilari; at nulla actio potest cogere Deum
 ne conseruet; ergo per se nihil potest annihilare agens natu-
 rale. Tertia conc. probabilissimum est, & mihi certum, agens
 naturale posse annihilare per accidens; & hoc per accidens
 requirit primum, vt agens naturale possit per se producere
 aliquid naturaliter impossibile rei annihilandæ. secundũ,
 quoddam

quòd id quòd est destruendum non sit aliquid ita per se subsistens, vt expulsum ex loco vbi ante erat possit perseverare, & non possit alio migrare; ex his enim duobus sequitur annihilatio; nam vel his positis Deus vult seruare naturæ ordinem, vel vult facere miraculum. si secundum, tunc non sequetur annihilatio. si primum, sequitur quòd quia Deus secundum naturæ ordinem non conseruat res nisi in loco in quo sunt aptæ conseruari; ideo naturaliter debet ibi desinere esse, & cōsequenter annihilari. Quarta conc. species sacramentalis cum desinunt esse, partim corrumpuntur, & partim cōsequenter annihilantur ab agente naturali: corrumpuntur accidentia quæ habent subiectum; & hoc est contra Okan, qui negabat subiectum. annihilatur autem quantitas, & hoc est contra D. Thomam, consequenter tamen; quia Deus non decreuit conseruare accidentia sacramentalia sine subiecto, nisi quædiu ibi est Christus; alioquin ibi miraculum esset frustra. Sed posita sola quantitate, Christus non posset ibi esse, quia non maneret substantia panis cum sola quantitate. Hinc fit, quòd si accidens naturale corrumpat alias dispositiones qualitativas necessarias conseruando panem, consequenter etiam debet illa quantitas habere vel subiectum nouum, vel desinere esse. si desinit esse, non per corruptionem, quia non habet subiectum nouum nisi per miraculum: ergo &c. Ad argumentum D. Tho. Resp. quòd annihilatio, & corruptio non differunt penes idē, & diuersum esse, quia idem esse sicut est acquisibile per diuersas specie mutationes .f. creationem, & generationem; ita etiam est deperdibile. Sed differunt penes subiectum. f. quia ab esse ad non esse: vel à non esse ad esse. Obijcies. agens naturale potest per accidens annihilare, ergo etiam creare per accidens. Resp. distinguendo: Si ponamus ignem in vacuo, vel Deus potest sine subiecto supplere subiectum caloris producibilis per hunc ignem, ita vt posito diuino supplemento, naturaliter ignis producat calorem; vel non potest. si primum, tunc nego posse creare per accidens; quia quando agens naturale annihilat aliquid per accidens, supponitur iam subiectum suæ annihilatiuæ actionis per accidens .f. quantitas; sed actio creatiua tunc non haberet suum subiectum, quia si habet subiectum, non est creatio. si non habet subiectum, præsupponitur quòd Deus non potest annihilare. si secundum .f. quòd

quòd Deus suppleat, tunc dico, quòd ille calor respectu Dei creabitur, sed respectu ignis produceretur; quia agit quasi in subiecto. & ita non habet improprietatem illam. vel potest dici quòd agens naturale creat materialiter, scilicet id quod producitur creatur, sed non à se, verum ab alio .s. Deo.

Quinquagesimumtertium dubium. Quando ex speciebus generatur vermis, vel mistum quid, vel nutrirì hominem comedentem; per quam materiam fient vermes; vel per quam materiam nutrietur? Resp. prima opinio est Egidij, theor. 44. & 45. sicut accidentibus Sacramentalibus, & præcipuè dimensionibus datum est subsistere more substantiæ; ita iisdem datum est posse esse subiectum actionis naturalis, & formæ naturalis. producta verò forma vermis, sequitur quòd vel ista forma vermis trahet secum suam quandam materiam per naturalem concomitantiam, & sic fiet mistum substantiale: vel si non trahit materiam, tunc quantitas ipsa erit verè materia, & constituet verum compositum naturale; & hoc propter affinitatem materiæ, & quantitatis. Contra hanc multa Scot. in 4. d. 12. q. 1. primo, forma substantialis non est apta inesse nisi proprio potenciali, & proprio subiecto; sed ex forma substantiali vermis, & ex quantitate non est aptum fieri vnum, ens per se; ergo non potest fieri vnum compositum. Secundo, actus ex suo genere est posterior potentia, præsertim in creatis; sed forma substantialis ex suo genere est priusquam quantitas; ergo non potest forma substantialis esse actus, & accidens esse subiectum. Tertio, est multo minoris entitatis quantitas, quàm forma substantialis, ergo forma non potest in quantitate subsistere. Secunda opinio est Henr. quodl. 8. q. 36. quòd forma vermis educitur de potentia quantitatis, & deinde pedetentim istum vermem acquirere materiam comedendo, & ita frustatim suam materiam acquiririt. Contra primo, quia iste esset vermis mathematicus, & non physicus, & (quod plus est) quicquid ex hoc verme generaretur vsq; ad finem mundi, essent generationes mathematicæ. Nec valet effugium Henrici quòd acquirat materiam comedendo; nam quid dicet de igne conuertente hostiam in cineres, iste cinis non potest habere materiam. Secundo, sit aliquis puer qui solum nutriatur pane & vino consecrato fluentibus omnibus partibus materiæ præhabitz remanere solam animam, & quan-

quantitatem, & in resurrectione erit homo æquiuocè. Confutato Henrico, benè puto confutatum D. Thomam, qui (ut credo) ab Henrico non differt. nec valet ratio D. Tho. si nō sola quantitas esset materia, sed alia materia à Deo poneretur, fieret in Eucharistia nouum miraculum; & non ex vi consecrationis, quæ multò ante præcessit. Non obstat; tum quia non est miraculum propriè quod fit secundum legem ordinariam, quamuis sit supernaturale; ut patet in impiorum iustificatione, & creatione animæ. tum quia esto miraculum; tamen quicquid miraculi in Eucharistia interuenit, fit ex vi consecrationis concurrentis vel physicè si fit dum est consecratio; vel moraliter, si fiat post consecrationem. i. Deus Pcepit ut facta consecratione, facit omnia miracula quæ sunt necessaria ad tegendū hoc mysterium. Tertia opinio est quorundam antiquorum, qui sentiebant generari vermem, & nutrirī hominem ex materia aeris ambientis species. Hæc opinio est falsa. & benè confutatur à D. Tho. 3. p. q. 77. ar. 5. Quarta opinio est Bonau. in 4. d. 12. ar. 2. q. 1. Alex. 4. p. q. 10. m. 7. ar. 2. 5. 4. sicut (aiunt) in operibus, & apparitionibus miraculosis, postquam symbola sensibilia sunt functa suo ministerio, resoluuntur in præiacentem materiam; ut columba, linguæ &c. in quibus apparuit Spiritus sanctus; ita species Sacramentales postquam peregerunt mysterium Sacramenti desinente ibi Christo, & Sacramento expirante, reducuntur in suam priorem substantiam. i. recipiunt materiam quam omiserunt; & ex hac fiunt generationes, & nutritiones. Innoc. iij. l. 4. de offic. miss. cap. 11. disertis verbis tenet hanc opinionem, sed ut doctor particularis. Hæc opinio est falsa; primo, quia symbola apparitionum miraculosarum benè resolui potuerunt in præiacentem materiam, cum materiam primam retinerent; sed cum materia panis vel redit ante gradum alterationis impossibilis substantiæ panis; vel dum iste gradus est. non primum, quia ante istum gradum cum maneat ibi Christus, non compatitur secum substantiam panis. non secundum, quia absurdum est tunc substantiam panis redire, cum est gradus alterationis impossibilis substantiæ panis. Imo dum sunt vermes in fieri, multò magis in facto esse. Quinta opinio est Riccar. in 4. d. 12. ar. 2. q. 2. in Sacramentali conuersione Deus concreauit speciebus Sacramentalibus quandam potentiam

passivam per quam sunt aptæ transmutari à naturali agente in panis materiam, & formam. Hæc opinio est valdè falsa. primo, materia est subiectum præsuppositum generationi quæ fit per agens naturale; ergo repugnat esse terminum istius generationis. consequentia prob. quia terminus generationis consequitur generationem; subiectum verò præsupponitur. Secundo, ex Scoto: Esto sit hoc possibile, tamen esset frustra; nam non posset tunc transmutari ab agente naturali, quia hoc in tantum agit, inquantum est actu per suam formam; ergo per formam, & ad formam agit; non autem ex materia, & ad materiam. Tertio, hæc possibilitas vel est aliquod ens superius materia, vel par materiæ, vel inferius materia; non possunt dici duo priora, quia sequeretur hoc ens esse substantiâ, & sic sequeretur cum corpore Christi esse aliam substantiam. si est inferius, vel est accidens, vel est substantia inferior materia; non accidens, nā quo modo accidens à naturali agente potest mutari in substantiam? non substantia, quia esset aliquid substantiæ in Sacramento præter Christum. Item, quia August. l. 12. confess. cap. 33. loquens cum Deo ait: *Fecisti Domine duo, unum prope te*, idest Angelum; & *alterum prope nihil*, idest materiam primam: quia nihil infra materiam substantiæ est. Sexta opinio Scoti, qui dicit, quod corruptis qualitatibus fit à Deo, & ab agente naturali materia quædam, in qua deinde introducuntur dispositiones necessariae ad formam naturalem educendam. Hæc opinio est contra D. Tho. & rationem; nam D. Tho. negat agens naturale posse facere materiam. ratio verò est, quia nullum agens naturale producit subiectum in quod agit. Confirmatur; quia agens naturale id tantum producit quod est aptum sequi ad eius dispositiones; at hoc forma est, non materia. Septima opinio est Caiet. sicut (inquit) dum Sacramentum manet, dimensiones quantitativæ sunt vice materiæ, & vice subiectum, & consequenter ex ea, & in ea accidentia alia subieciuntur; ita in primo non esse Sacramenti, datur quantitati ut sit ipsa materia, & ipsum verum subiectum. probat, quia si in transubstantiatione panis verè sit corpus Christi, & verè manet non in se, sed in corpore Christi, ita quantitas manet non in se, sed in materia. Hæc opinio est mera chimera. Octava opinio refertur à Scoto, quod non potest ibi substitui aliqua materia, quæ
aliquando

aliquando fuerit panis, sed tantum posse poni à Deo materiā nouam . probat , quia sicut illa materia quæ fuit panis non potuit definire esse nisi transeundo in corpus Christi; ita neq; potest redire materia panis , nisi corpore Christi conuerso in ipsam materiam . sicut si aer sit in aquam conuersus non potest redire idem aer numero, nisi hac aqua transeunte in ipsū aerem . Hæc opinio videtur esse D. Thomæ 3.p.q.77.ar.5. & licet Caiet. & Sor. multis modis D.Thomā excusent , & dicant loqui de potentia ordinaria ; tamen quicquid sit , hæc opinio est falsa ; nam ex Scoto sicut corpus Christi non aliter se habet posituē in se , quā ante habebat , quia nihil de pane recepit; ita corpore Christi non se habente aliter , negatiuē potest &c. exemplum verò illud est fallax ; quia aliquid materiæ aeris remansit in aqua; & in Christo nihil remansit panis . Nona opinio est Scot. quod facta specierum Sacramentalium alteratione, solus Deus immediatē producit sibi substantiam quandam compositam iuxta præexigentiam dispositionum præcedentium . probat , quia siquid agens naturale faceret , concurreret tantum ad formam; at hoc non: quia agens naturale non potest agere in materiam nudam , sed in materiam quantam ; quod si est quanta , iam habet formam substantialem . Hæc ratio nihil valet . Decima opinio est OKan. l.4.q.7.& Gabr l.45.& Dur.in 4.d.12.q.7.quam opinionem.D.Tho. refert , & laudat . hæc opinio dicit , quod in vermium generatione fiunt istæ actiones. prima, agens naturale quod corrumpit species, introducit in quantitatem proprias quasdam dispositiones ordinatas ad formam . Secunda actio , Deus peracta vltima dispositione creat materiam vel nouam, vel eadem quæ desijt. & probabilius nouam, vt sit minus miraculū. Tertia actio, Deus quantitatem panis affectam noua dispositione , ponit in materia . Quarta actio, agens naturale per has suas dispositiones concurrat naturaliter cum Deo vt prima causa ad educendam formam substantialem vermis ex eadem materia quæ præcessit in instanti naturæ . Hæc opinio primo euitat absurda præcedentium dispositionum . Secundo, non patitur aliquid materiæ in vniuerso perire , quin tantundem reficiatur. Tertio, saluat naturalem actionem agentium naturalium vt aliquid agant , & cooperentur . Itaq; est bona opinio . Obijcies ex Soto , in primo instanti naturæ corrup-

puntur qualitates ; ergo annihilantur . quia tunc corruptio non est annihilatio , cum est generatio alterius ; at in primo instanti non est generatio . Resp. quòd in illo primo instanti fit generatio , quia corrumpuntur qualitates panis , & introducuntur aliæ qualitates .

Quinquagesimumquartum dubium . Quomodo rarefiant , vel addensentur species Sacramentales ; Resp. prima opinio refertur à Scot. in 4. d. 1 v. q. 4. & est Gostredi quòd l. 11. q. 3. qui dicit. quòd in rarefactione tota quantitas præcedens interit , & alia noua producitur , sic etiam in addensatione . Hæc opinio est falsa , & confutatur à Scoto . Secunda opinio est Caiet. Datur quantitati vt sit vicemateria , & consequenter vt omnia accidentia possint educi de potentia quantitatis . itaq; in rarefactione vel fit tanta raritas vt sit impossibilis substantiæ panis , vel vini ; vel est possibilis , & tunc duo fiunt . primum de potentia quantitatis præexistentis educitur raritas . Secundum , facta raritate per modum concomitantæ , resultat maior quantitas noua ; & in hac quantitate illa raritas noua subiectatur . & quia videbat multa sibi ob stare , ideo conatur soluere . poterat enim dici illam quantitatem nouam creari . Resp. non creari , quia per modum sequelæ sequitur ad raritatem ; imo negat esse miraculum nouum , & negat esse nouam actionem . Secundo , videtur absurdum quòd quantitas noua sit subiectum raritatis ; & tamen ipsam consequatur . Resp. quòd in diuerso genere causæ vnum est prius , aliud posterius : in genere causæ materialis , noua quantitas est prior . in genere aliarum causarum , raritas est prior . scilicet in genere causæ formalis ; quia est forma , & sic est prius informato . & in genere causæ finalis ; quia agens quod rarefacit , & nouam quantitatem inducit per se primo intendit raritatem . Hæc opinio non est bona . primo , quia D. Tho. q. 77. ar. 2. ad 3. dicit expresse raritatem sequi ad paruam materiam , & ad multum dimensionis . & non contra . Secundo , quia Caiet. non videtur intellexisse quid sit educi de potentia subiecti ; quod nihil est aliud , quàm subiectari in eo subiecto dum fit ; ergo si raritas educitur de potentia quantitatis præcedentis , in ea subiectatur , non in noua . Tercio , quia si noua quantitas est subiectum raritatis , debet omni modo ipsam præcedere , ita vt in natura prius sit quantitas . nam si noua quantitas resultaret ad ra-

raritatem

ritatem, esset posterior in existendo quantitas raritati; sed subiectum est prius in existendo tam forma quæ inheret, quàm sine propter quem est. sine, quia finis est prius in intentione, sed ultimus in executione. forma verò, quia forma non existit nisi per subiectum; & in subiecto; ergo subiectum præexistit. Confirmatur; quia hoc est dicere in ratione causæ formalis esse priorem formam quàm subiectum; nempe quòd prius est esse formam quàm subiectum esse informatum. Sed non prius est forma quàm subiectum sit. Tertia opinio est Soti, qui cum non inueniret modum quo noua quantitas posset produci sine creatione, negat produci nouam quantitatem. Item in addensatione negat aliquid perdi. Dicit verò raritatem, & densitatem esse nouum modum 2.2.q.24.ar.5.ad 1. Contra. sequerentur duo miracula in natura; primum in densatione: si vas plenum aqua densetur, & diminuatur vsq; ad dimidium vasis, si nihil quantitatis perditur, sequitur duas medietates eiusdem quantitatis se penetrare in dimidio vasis. Secundum in rarefactione. scilicet partem esse æqualem toti in vas vacuum ponatur tantum aquæ quantum sufficiat ad dimidium; rarefiat ita vt totum impleat; tunc illa quantitas quæ erat æqualis dimidio vasis, erit æqualis toti vasi, & sic pars erit æqualis toti. Effugium est; quòd non acquiratur noua quantitas, sed eadem extendatur per subtiliationem. Contra. Esto habeat hoc locum in cæteris dimensionibus, at non in superficie extrema; quia cum sit subtilissima in profunditate, non potest subtiliari; nam subtiliatio est passio quantorum secundum profunditatem. Quarta opinio est Gabr. l. 45. in can. miss. vbi ad hanc rem discernendam excogitauit sexcentas distinctiones, quibus positis relinquit rem indeterminatam, quia videtur quæsitum philosophicum. Quinta opinio vera est Scoti. in Eucharistia speciebus fieri potest quadruplex mutatio. prima. secundum locum, & hæc non potest intelligi sine subiecto; subiectum autem est ipsa quantitas, & consequenter reliquæ species. Secunda, est secundum qualitates præcisè, id est non variatis dimensionibus; & hæc habet subiectum suum. scilicet quantitatem, & potest fieri naturaliter. Tertia, quæ primò, & per se fit ad quantitatem. i. est mutatio, quæ per se primò facit quantitatem maiorem. & hoc non potest esse secundum augmentationem, & diminutionem, quæ est viuca-

viuentium, sed per appositionem, & diuisionem. & potest fieri virtute naturalis agentis, quia habet subiectum proprium; diuisionis enim subiectum est ipsa entitas partium migrantium à positiuo ad negatiuum. i. ab vnione ad disunionem. Appositionis verò subiectum est entitas vnibilium, seu apponibilium migrantium à negatiuo ad positiuum. Quarta mutatio fit & secundum qualitatem, & secundum quantitatem simul. s. rarefactio, & densatio. & pro hac mutatione supponendum est quodam commune omnibus Theologis. s. densitatem, & raritatem non esse formaliter, & præcisè ipsum multum materiam; quia in Sacramento altaris fides prædicat deesse materiam, & tamen experimur esse raritatem, & densitatem: sunt igitur qualitates fluentes ex parua, vel magna materia. Hoc supposito dicit Scot. quòd in rarefactione noua quantitas debet acquiri, & ista à solo Deo producitur; & ad istam sequitur raritas quæ in quantitate subiectatur. fieri autem à solo Deo patet; quia sine subiecto fit; ergo creatur; ergo à solo Deo. & hæc opinio videtur vera.

Quinquagesimum quintum dubium. An vino consecrato possit admisceri alius liquor non consecratus. quo facto quid resultat? in quo implicite sunt alia dubia. Primum, si infundatur parum aquæ in vinum consecratum, vtrum illa aqua conuersa in vinum fiat sanguis Christi? videtur quòd sic; quia in omnibus alijs liquoribus quibus superuenit aliqua benedictio, vel consecratio, hoc est solenne, vt reliqui liquores fiant benedicti, & consecrati. vt si in oleo benedicto infundatur parum olei non benedicti; sic etiam aqua benedicta &c. sed contraria opinio est vera, & communis, & determinata ab Innoc. iij. c. cum mater. de celebr. miss. ratio disparitatis est; quia reliquorum liquorum fit perfecta mistio secundum accidentia, & secundum substantias, quæ perfecte continuantur, & consequenter vnum ex altero sortitur benedictionem. contra verò in vino consecrato non fit perfecta mistio, quia fit mistio cum speciebus consecratis, sed non fit mistio cum substantia vini quæ deest. neq; cum substantia sanguinis Christi, qui cum sit intra venas misceri non potest. Sic secundum, sed in ordine quinquagesimum sextum dubium:

Quinquagesimum sextum dubium. Si multum aquæ infundatur in species consecratas, an desinat ibi esse Sacramentum?

Resp.

Resp. primo est certum, quòd siqua aqua sit notabiliter maioris quantitatis quàm species consecrati, corrumpi species vini, & ita desinere ibi Christum. Tamen controuersum est primo, vnde fiat hæc corruptio vini? D. Tho. sentit; corrumpi vinum non per actiuitatem aquæ, sed per diuisionem vini in partes minores minimis; vt vinum stare non possit. Dur. in 4. d. 12. q. 3. qui in hoc excelluit, dicit: vini corruptionem non fieri per vini diuisionem, sed per naturalem actiuitatem. Secundo, controuersum est circa terminum corruptionis .s. si vinum consecratum corrumpitur, in quid corrumpitur? D. Tho. putat vinum corrumpi in tertium quid, non autem in aquam, nec in vinum; quia hæc est mistio. at mistio non est vllum miscibilium, sed aliquid tertium. Sotus confirmat exemplumulæ .s. quia ex diuersis animalibus diuersæ speciei resultat quid tertium. Secunda opinio est Dur. non esse id necessarium. & probat; quia vel miscibilium est inæqualis actiuitas, vel par; si inæqualis, id quod magis actiuum est, vincet aliud: vincet autem vel citius, vel tardius pro quantitate excessus. si par, tunc est probabile quod dicit Dur. neutrum corrumpi; quia vtrunq; subsistet alteri resistendo. neque valet exemplum mulæ; quia mulæ subiectum disponitur ad vnum mistum dispositione vnius materiæ. & regula D. Tho. est vera in mitione primarum qualitarum. sed in hoc non est perfecta mistio. Tertio, controuersum est si fiat tanta diuisio, vel tanta sit actiuitas aquæ vt corrumpat omnes qualitates vini, vtum ibi sit Corpus Christi, manente sola dimensione. sed hæc supra determinatum est .s. quòd non. Est tertium & in ordine quinquagesimum septimum dubium:

Quinquagesimumseptimum dubium. Si aqua sit minor vino, vtum corrumpat aliquid Sacramenti vini. Resp. prima opinio est D. Tho. quòd semper parua aqua corrumpit aliquid vini. & consequenter in aliqua parte vini non est Christus. Secunda opinio est Dur. qui negat hoc esse necessarium .s. quòd nihil Sacramenti corrumpit. i. non est necesse vt corrumpat. Thomistæ volunt reconciliare, & dicunt esse veram Durandi opinionem quando aqua sit minima quædam guttula. Sed opinionem D. Tho. esse veram, quando licet aqua sit parua, tamen habet aliquas guttulas: & hic est corruptio vini, quia omne agens in agendo repatitur; & sic vinum agens repatitur.

repatitur, alteratur, corrumpitur. Sentio cum Dur. quòd si sit parua in notabili excessu, tamen tota aqua corrumpitur, & nihil vini. ratio est, quia ad saluandam illam reactionem, sufficit quòd dum durat aqua, retringat aliquo modo qualitates vini; sed vinum magis debilitat aquam, & sic totam corrumpit; qua corrupta, vinum se reducit in suas qualitates. verum est quòd potest esse tanta quantitas aquæ, vt aliquid vini corrumpatur. Nunc sit quarrum & in ordine quinquagesimum octauum dubium:

Quinquagesimum octauum dubium. Si liquor appositus vino consecrato sit eiusdem speciei cum vino consecrato, & earundem qualitatum, an corrumpatur aliquid vini consecrati? Vt si ex eodem dolio apponerem vinum vino consecrato. Resp. D. Tho. asserit, ita vt fiat tertium distinctum numero. Dur. negat. cuius opinio vera est; quia non est actiuitas similis in simile. Secundo, quia ex oppositione sequeretur primo, quia si ea eodem dolio erutum vinum infundatur in duos calices, & vtrobiq; consecratur, & mox ambo consecrata misceantur, sequeretur vtrunq; corrumpi, & vtrobiq; Sacramentum interire: quod quia poterat accidere in primitiua Ecclesia cum periculo idololatriæ, ideo non est tuta. Secundo, quia si vinum consecratum in vno calice in duos diuidas, & mox misceas, vtrunq; corrumpereetur. Tercio, postquam Sacerdos consecrauit in vno calice, si paulo vehementius agitet vt minima misceantur, sequeretur corruptio vini, & consequenter Sacramenti. quæ sunt falsissima, & parum tuta. Obijcies, si non corrumpet vinum etiam eiusdem speciei sola mistio, sequeretur quòd si gutta vini consecrati infunderetur in dolium non consecratum, semper illa guttula manebit consecrata. Resp. primo, concedo consequens. Secundo dico cum Scot. quòd quomodo quantitas guttæ est inperceptibilis præsertim post sui dissipationem, ideo potest totum illud dolium profanè bibi. Sit deniq; quintum. & in ordine dubium quinquagesimum nonum:

Quinquagesimum nonum dubium. Cum vinum admistum est eiusdem speciei in substantia, non in qualitatibus, quid inde sequitur? Resp. D. Tho. diceret corrumpi. Dur. verò dubitat an diuersitas colorum vini sufficiat ad corruptionem. sed tandem definit non sufficere. primo, quia color præcedē-

is vini non semper corrumpitur, sed videtur mutatus per secuspositionem alterius vini. signum est, quia non semper facta hac mistione apparet color vniformis, & purus, quod significat mistos colores. Secundo, esto totus color præcedens corrumpatur, tamen est probabilius non corrumpi ita reliquas species vini, vt Sacramentum desinat esse; tum quia colorum diuersitas se habet per accidens ad Sacramentum, quod sub quouis colore potest confici. tum quia colores non sunt propriæ qualitates vini. secus de sapore. tum quia mutato vini colore, non necessario corrumpetur eius substantia; ergo neq; necessario desinet sanguis Christi. In Durandi sententiam videtur Sotus inclinare.

Sexagesimum dubium. Quid si sanguini misceatur alius liquor? Resp. esse sacrilegium. sed quandiu maneret ibi species vini, tandiu maneret ibi sanguis Christi; species autem tunc immutaretur, cum liquor in magna quantitate apponeretur D. Tho. 3. p. q. 77. ar. 8.

De forma Eucharistia. Cap. VII.



Primum dubium. Quibus verbis fit consecratio. Resp. Forma panis huius sacramenti est; *Hoc est enim corpus meum*. Vini verò forma est: *Hic est enim calix sanguinis mei* &c. particula *enim* in vtraque forma non est de essentia Sacramenti, sed præcepti, quare esset sacrilegium omittere; est enim redditio causæ. Est conclusio de fide. fit enim hæc consecratio verbis Christi. Concil. Flor. in Bulla. & Trident. sess. 13. c. 3. & Innoc. iij. cap. cum Marthæ. de celebr. miss. Hoc enim Sacramentum cum sit dignissimum, & maximè attingat ad omnipotentiam Dei, non decuit alijs verbis fieri, quàm verbo per quod facta sunt omnia. Tertull. l. 4. contra Marc. non longe à fine, *Christus (ait) accepit panem, & distributum discipulis corpus suum illum fecit, dicendo: hoc est enim corpus meum*. Cyprian. de cæn. Dom. *Panis communis erat nutriendo corpori ante verba Christi, sed ex quo Christus dixit, hoc est cor-*

pus meum, proficit in salutem animæ. Ambr. l. 4. de Sacram. cap. 4. dicit; In liturgia intermisceri multa verba, sed ubi cōsecrandum est, non utitur suis sermonibus Sacerdos, sed verbis Christi; hoc est corpus meum. Chrysost. hom. 2. in 2 cor. hanc oblationem Christus sanctificat, sicut enim verba eadem sunt cum verbis quæ Christus est loquutus, ita eadem est oblatio. & hom. de prodit. Iud. dicit, hominem non conficere Eucharistiam, quia id facit per verbum Christi. & affert illam comparisonem de verbis, Crescite, & multiplicamini; quæ semel prolata habent etiam nunc effectum, ita verba Christi; Hoc est corpus meum. Damasc. l. 4. cap. 14. idem ad verbum. Ambr. l. de Patriarch. benedic. cap. 9. quem panem idem Sacerdos sumus suis verbis quotidie consecrat. Emyss. hom. 5. de pasch. verbo suo secreta potestate conuertit &c. & in omnibus liturgiis patrum post verba, Hoc est enim corpus meum, proponebatur populo adoranda hostia; & tunc omnis populus respondebat, Amen. ad confitendam hanc mysterij veritatem. Dices: in liturgiis græcorum post prolationem horum verborum additur quedam oratio, vt ille panis fiat corpus Christi, & vinum sanguis; ergo nondum erat factum; ergo non sunt hæc verba formæ, &c. Resp. in Concilio Flor. sess. vii. de hac re habita est questio, & ibi interrogati græci quò nam pertineat illa oratio, responderunt græci; primo, sibi certum esse tanquam de fide catholica fieri consecrationem verbis Christi. Secundo, illam orationem ad factionem corporis Christi absolutè, sed respectu nostri. i. in salutem nostri, & in remissionem peccatorum. Est alia responsio latinorum, non peti ibi effectum vllum nec salutis quidem, sed perpetuitatem, & firmitatem facti operis. i. vt perseuerent in fructu habito per communionem. probatur ex Marc. 5. vbi mulieri sanæ dicitur; Vnde, & esto sana à plaga tua; id est stabilio, & confirmo tuam sanitatem.

Secundum dubium. An Christus consecrarit ijsdem verbis quibus nos. Resp. prima opinio est, non consecrasse vllis verbis, sed seipso qui est verbum patris. nos autem quia non sumus verbum essentiale, indigemus vocali. huius sententiæ fuit Franciscus Mayro. vt refert Bonau. in 4. d. 8. ar. 2. q. 3. & est relatus à Gabr. l. 36. & 48. in can. vbi addit, hanc opinionem defendi posse. & Cather. in Concilio Trid. defendit hanc opinionem

nionem . Sed Concilium non admittit . & Innoc. iij. l. 4. de myster. mil. cap. 6. defendit hanc opinionem . Sed nihilominus hæc opinio est falsa . primo, quia Euangelistæ dicunt Christum benedixisse, fregisse, & dedisse panem. Ioan. 6. at omnis benedictio verbis, & benedictionibus constat. est Dur. Secundo ex Bonau. Christus in sacramentis conficiendis non volebat suam omnipotentiam ostentare, sed modum conficiendi discipulos docere . Tertio, ex eodem Bonau. sequeretur hæc verba: *Hoc est corpus meum*, efficaciora esse in ore nostro, quam in ore Christi . Quarto, postquam Christus consecrauit, subiecit hæc verba; *Hoc facite in meam commemorationem*; idest facite quod ego feci. s. hoc modo . Obijcies Christus alia Sacramenta ministravit sine verbis, ergo & hoc. Resp. Christus reliqua Sacramenta instituit, non ministravit; nam Ioan. 4. dicitur, quamquam Iesus non baptizaret, sed discipuli eius, hoc tamē Sacramentum propter sui excellentiam & instituit, & ministravit . Secunda opinio est nonnullorum dicentium, Christum consecrasse alijs verbis quæ Euangelistæ præterierunt; quia, dicunt Euangelistæ *benedixit*, & mox ait; *Hoc est corpus meum*. ergo ante benedixit; ergo quibusdam verbis . Hæc opinio est falsa, primo, quia Tertul. Cyr. Ambr. Chrysost. & alij in primo dubio citati, dicunt his verbis consecrasse; ut ibi dictum est . Secundo, si alijs verbis fecisset, tunc Sacramentum Christi & nostrum differrent formis essentialibus; ergo essentialiter . Tertio, debuit nos Christus docere modum conficiendi tam stupendi mysterij; ergo censuit se satis suo exemplo indicasse . Quarto, Euangelistæ minuta quædam prosequuntur, ergo non debuerunt omittere quod gravissimum erat. s. formam . Quinto, quia videntur concilia id definiuisse, & Innoc. iij. insinuat. ut supra dictum est in primo dubio. Aliqui glossant Innocentium, quod ibi nihil statuit de suo, sed solum refert verba Episcopi scribentis . Sed hæc glossa est mala: quia si Innoc. aliter sensisset quam Episcopus, ipsum correxisset sicut in multis. Dices. Euangelistæ narrantes huius Sacramenti institutionem, & consecrationem, habent hæc verba; *accepit, benedixit, fregit, dixitq; hoc est corpus meum*. constat in illo verbo *benedixit* fuisse consecratum; & tamen non erant prolata verba; *Hoc est corpus meum*. confirmatur; quia per illa verba, *Hoc est corpus meum*, non significat se facere cor-

pus suum, sed ideo dare, quia est corpus suum. Resp. Christus in ultima cœna celebravit tres cœnas. Primam legalem, ceremonialem, religiosam, ut commestio agni paschalis. Secunda, fuit communis, profana, civilis, domestica, politica, & æconomica ad satietatem. Tertia fuit sacramentalis. non dico, illud *benedixit*: non fuit mensalis, seu ceremonialis mensæ, in qua more Iudaico tanquam pater familias Christus mensæ benedixit, & nescio quid immurmuravit, ut ait Calvinus; sed fuit benedictio mensæ Sacramentalis. nam si hoc *benedixit* pertineret ad ritum Iudaicum, debuerat potius Christus in duabus præoribus cœnis apponere illud; *benedixit*; quæ erant communes ritui Iudaico. Secundo, quia cùm Evangelistæ præterierint benedictionem priorum duarum cœnarum, & omnes prætereunt, & tamen omnes diligenter expresserint benedictionem tertiæ cœnæ, ergo in hac tertia cœna est mysterium priorum. Tertio, quia omnes patres quos supra citavi cap. 6. dubio 21. (cum agerem de transubstantiatione) dicunt hanc benedictionem fuisse miraculosam, transubstantiantem panem in corpus Christi. Vnde Ambr. & Chrysost. dixerunt hanc benedictionem fuisse supernaturalem. & confirmatur, quia in scripturis sacris quoties ponitur benedictio Dei, nunquam ponitur pro sermone tantum, sed ponitur pro aliquo effectu. Dices. Mirum est omnes Evangelistas discrevisse temporibus, & locis, *benedixit*; & *hoc est corpus meum*; ita ut ly *benedixit* omnes præponant fractioni: dicentes; *benedixit, ac fregit*. & ly *hoc est corpus meum*. postponent fractioni: dicentes; *benedixit, fregit, deditq; discipulis suis dicens: hoc est corpus meum*. Resp. & pono hanc regulam: Cùm multa verba in vnam rem ordinatè texantur, siquid sit vni verbo proprium quod appositum suo verbo instituti ordinis cursum turbarent, congruè id quod est proprium vni verbo, solet subiici post omnia verba; si illud sit eiusmodi ut facillè posset intelligi ad quod verbum pertineat. ut si quis dicat, corripuit, probris oneravit, vinxit, occidit, dicens: proditor, scelerate, pernicies reipublicæ; quæ verba pertinerent ad probandum. Item, convenit amicum, salutavit, complexus est, dicens: salve dulcissime rerum; quæ verba copulanda erant cum salutavit. Sic etiam Evangelistæ ut inoffenso pede omnia illa, quatuor percurreret, reiecit *hoc est corpus meum*, in ultimum locum.

locum. Cùm tamen hæc verba consecrationis, *hoc est corpus meum*, valde probabile sit ante fractionem & dationem panis fuisse à Christo prolata. & illud *benedixit* sumitur pro efficaci consecratione Sacramentali. igitur eo loco habuit Christus hæc verba, quo Evangelistæ habent *benedixit*; sed obijcit Sotus. nam non decuit prius consecrari Eucharistiam, deinde frangi, quia poterant cadere micæ. Sed torqueo argumentum; Sotus fatetur quòd post factam consecrationem fuit facta porrectio, & ista fiebat in manu, ut patet per illa verba, *accipite*; certè quod fuit periculum in fractione, erat etiam in porrectione. quare dicendum est, ne cadant micæ fuisset adhibenda vel aliqua exquisita diligentia, quæ à Christo non ignorabatur; vel miraculosè factum id fuit ne caderent. Secundo obijcit. nam non debebat Christus simul consecrare, & frangere. Resp. non erat timendum ne Christus distraheretur fractione. Secundo, potuit etiam primùm frangere, deinde consecrare.

Tertium dubium. An Sacerdos proferat hæc verba Christi, recitativè, an significativè, an indicativè, an personaliter, an demonstrativè. Resp. Sacerdos potest tripliciter proferre hæc verba. primo, materialiter, non significativè, ut *blittri*. secundo, significativè, & formaliter quidem, sed recitativè, idest historicè, & narrativè. Tertio, significativè, & personaliter .i. ex persona Christi .i. profert hæc verba ex persona repræsentante personam Christi facientis per Sacerdotem quod fecit olim per suam personam. Nunc dico; hæc verba non possunt sumi primo modo; quia sacramentalia verba tantum faciunt, quantum significant. quo loco non est audiendus Gabriel l. 48. super can. missæ; qui dicit, hæc verba habere vim significandi, non ut consecrativa, sed ut à Christo instituta. quoniam & si possibile fuit Christo conficere Sacramentum etiam verbis non significativis, tamen de facto debent habere vim etiam ut significativa. Secundo dico cùm cõmuni opinione cùm tertio modo, & non secundo modo debere proferri hæc verba, contra Dur. in 4. d. 8. q. 2. & contra Innoc. iij. d. 4. de myst. missæ qui ut doctor idem sentit quod Dur. prob. primo ex Concilio Flor. in bulla. & Trid. sess. 13. cap. 3. & 4. ubi habetur, quòd Sacerdos. cum dicit, *hoc est corpus meum*, non significat fieri conversionem in corpus Sacerdotis,

quia

quia ex institutione Christi, & Ecclesie talia verba profert Sacerdos in persona Christi. D. Tho. 3. p. q. 75. & 76. for. in 4. d. 10. Victor. q. 61. forma enim huius Sacramenti sunt verba Christi, ut diximus supra, dubio primo. Secundo, si solum recitarentur historialiter, non applicarentur ad materiam quam habet Sacerdos in altari, sed ad illam Christi; & sic hæc materia in altari non consecraretur. Tercio, si tantum recitativè, seu historialiter recitarentur, non tantum plus conficeret sacerdos nunc dicens hæc verba, quantum si recitaret Evangelium passionis; ergo non tantum recitativè, sed personaliter recitat. cum dico *personaliter*, duo excludo. primum, solam vim recitativam historico propriam; & profero hæc verba tanquam legatus Regis ad bellum indicendum: Secundum, vim solam instrumenti, & ministri. nam in alijs Sacramentis Sacerdos est minister Christi. in hoc autem Sacramento non solum est instrumentum, sed etiam tanquam alter Christus. & se habet nunc tanquam comes in scena representans Regem, qui tunc dicitur Rex. probatur, quia dicit: *hoc est corpus meum*; quasi diceret, ego sum tanquam alter Christus.

Quartum dubium. In consecratione panis, pronomen (*hoc*) pro quo supponit; pro pane, an pro corpore Christi? Resp. omissa hæresi Caluini dicētis (*hoc*) poni pro pane & (*est*) pro significat. i. hic panis significat corpus meum; cui repugnat *hoc*, non *hic*, & patres exponunt *est* pro *est*, & non pro *significat*. Dico; ex hac forma verborum colligi non solum præsentiam Christi in Sacramento, sed etiam conuersionis panis in corpus. ex quo inferunt Theologi sensum horum verborum non solum esse speculativum, sed etiam operativum, significativum, & practicum. & hoc est de fide. At quoniam potest aliquid dupliciter esse de fide, primo, quia est de primo intellectu verbi Dei. i. quia est expressum in scripturis; quomodo est de fide Christum esse Deum, & hominem; *Verbum caro factum est*. Secundo, aliquid est de fide, quia est de secundo intellectu verbi Dei: quia. s. quamvis non sit expressum verbo Dei, tamen necessario deducitur ex his quæ sunt expressa; ut Christum esse risibilem; quamvis scriptura non dicat, tamen deducitur ex eo quod homo erat. & in hoc sensu est apud Theologos.

Quintum

Quintum dubium. An illa conuersio panis in corpus Christi sit de primò intellectu. an de secundò intellectu. Resp. Bonau. in 4. d. 8. ar. 2. q. 3 Riccar. à Sancto Vi& l. de Trin. & Riccar. Mediauil. in 4. d. 8. ar. 3. q. 1. & Gabr. l. 45. in can. miss. Alenf. 4. p. summ. Theol. q. 4. m. 4. ar. 2. & Marf. l. 4. q. 6. ar. 1. dicunt esse de primo intellectu. sed de modo, variant. O Kan verò, & alij non curant an sint de primo intellectu nec nò; dicunt tamen colligi euidenter. Ego puto hanc opinionem esse probabiliorem; quia omnia verba istius formæ secundum primum intellectum sunt verba permanentiæ, & consistentiæ. confirmatur, quia aliter erimus ridiculi hereticis, qui nos calūniabuntur tanquam peruersores verborum quòd trahamus illa quòd velimus. Obijcies. de primò intellectu huius formæ est præsentia corporis Christi, sed hæc non fit nisi præcedente conuersione; ergo multo magis conuersio est de primò intellectu. Resp. omni Sacramento sufficere vt significet suum effectum, & modum effectus, quamuis non sit necesse vt significet omnia eo ordine quo fiunt. vt, dicit Sacerdos qui baptizat, *Ego te baptizo*; in primo intellectu hoc significat mundare, & tamen consequenter significat regenerationem; quia si mundatio non quolibet modo, non igne, sed aqua, quæ est mundatiua, & sècundatiua. ergo regenerat in filios Dei.

Sextum dubium. An ista propositio; *Hoc est corpus meum*, sit vera dum profertur. ratio dubitandi est; quia dum profertur, non est corpus Christi, sed in fine; ergo dum profertur est falsa. Resp. prima opinio est Scot. qui dicit primo; ista propositio dum profertur significat eo tempore quo profertur copula verbalis. *est*; & quia tunc significat, de rigore falsa est. est autem vera ex sola intentione proferentis istam extendentis vsq; ad vltimum instans prolationis. Secundo dicit, quòd ista propositio est causa conuersionis sacramentalis non vt vera, neq; falsa, sed vt neutra. Primum est verum. Sed hoc secundum est falsum. Primo, quia repugnat in aliquo priori propositionem verè significare, & tamen esse neutram; nam si significat rem vt est, & sic est vera; vel vt non est, & sic est falsa; nam inter esse, & non esse, non datur medium. Secundo dico, quòd non significat in illo. i. dum profertur; quia verbum significat propriè coniunctionem extremorum; ergo antequam extrema sint prolata, nò significat verbum proportionaliter;

rationaliter; quia debet expectare propositionem absolutam. Secunda opinio est Soti, qui dicit, sicut ingressus venti per fenestram est prior, & posterior fenestree apertione in diuerso genere causarum, nam in genere cause efficientis est prior ingressus venti, quam apertio fenestree, nam ingrediendo aperit fenestram; sed in genere cause materialis est prior apertio fenestree; nam si fenestra non aperiretur, non ingrederetur ventus, nam aliter dabitur penetratio; sic veritas (ait) istius propositionis est prior, & posterior in diuerso genere cause Sacramentali conuersione; nam in genere cause efficientis, est prior propositio Sacramentali conuersione, quia causat illam; sed in genere cause materialis, vel obiectiue, est prior conuersio Sacramentalis quam veritas propositionis; nam ideo est vera hæc propositio, quia conuersione facta, positus est ibi Christus. Hęc opinio non est bona. Primo, peccat in exemplo, quia fateor impulsus venti esse priorem apertione fenestree; sed ingressus venti est posterior omni modo apertione fenestree, quoniam cedente fenestra ingreditur ventus. Secundo peccat in applicatione. nam veritas propositionis debet esse omnimodo posterior conuersione; quia in genere cause materialis nobis Sotus concedit esse priorem conuersione; & etiam secundum causam efficientem; quia conuersio posita in re, causat veritatem propositionis. Confirmatur; quia veritas est adæquatio intellectus cum re in seipsa; ergo est prior res in seipsa, quam veritas; veritas enim propositionis aduenit rei. Tertia opinio est D. Tho. 3. p. q. 78. ar. 5. quam expli- co. aliter accipitur veritas propositionis in speculatiuis, aliter in practicis; in speculatiuis veritas supponitur propositioni veræ. i. res ita se habet in seipsa. sed in practicis secus est; nam in practicis duplex veritas est; vna est inchoata, alia est consummata. inchoata duo requirit: primum, vt proferatur ab eo qui intendit, scit, & potest facere id quod significat per talem propositionem. secundum, vt id quod significatur etiam si non existat dum propositio proferitur, tamen Paulo post sic futurum, ita vt dicatur simul esse cum propositione moraliter. v. g. ego curro, & postquam cæpi currere profero hanc propositionem, vera est. ratio est, quia veritas in his practicis est adæquatio intellectus cum re; quæ adæquatio est relatio rationalis comparantis propositionem cum re vel coexistente,

Vel præconcepta paulo ante ; ita vt res illa paulo post futura , vt præconcepta per intellectum , verificet propositionem ; eo modo quo finis nondum existens , seu futurus , sed vt conceptus futurus mouet agentem . Consummata autem veritas est , cum simul tempore est prolata propositio , & verum est dicere , nunc res est ; neq; dicitur esse tunc consummata veritas quia tunc habet subiectum , hoc enim fuit signum vocale quod transiit ; sed dicitur consummata veritas , quia tunc adest obiectum quod præconceptum vt futurum , verificauit propositionem . apponam exemplum : cum Christus puellam mortuam manum accepit , & dixit Luc. 8. *Puella tibi dico , surge* ; illud pronomen (*tibi*) non demonstrabat puellam viuam , nam tunc non vivebat ; si mortuam monstrat , mortua ergo surgit . Item , cum dixit Ioan. 11. *Lazare veni foras* ; vocauit mortuum , qui viuus prodijt . Ita dicam ; panem in primo instanti verborum esse mortuum . Sed in vltimo instanti panem mortuum prodire viuum . ita vt verum sit dicere , *ego sum panis viuus* . audi similitudinem ; sunt aliqua vina vilia , & austera ; sed vbi per maris vndas transfuehuntur Romam , vel ad Indos , sunt pretiosa , & suauissima ; nunc ergo si tale vinum mittas ad amicum , rectè scribes si dicas , mitto tibi vinum pretiosum ; sed demonstratio non est vini pro tempore quo mittis , sed pro tempore quo accipiendum est . Sic Gen. 19. dixit Abraham ; *Loquar ad Dominum cum sim puluis , & cinis* ; tunc non erat puluis , sed dicebat id quod futurus erat ; sic dicitur hic *corpus* , quia in vltimo instanti prolotionis corpus erit . His positis dico breuiter : *Hoc est corpus meum* ; habet vtranq; veritatem cum sit practica ; consummatam in vltimo instanti prolotionis , inchoatam verò dum profertur ; quia profertur à sacerdote intendente , & sciente facere quod intendit . Vnde secundum omnem rigorem practicæ propositionis non minus est vera hæc propositio , *Hoc est corpus meum* ; ac illa ; *ego curro* .

Septimum dubium . An hæc forma sit decens . i. An pronomen *hoc* propriè significet quod est in prospectu proferentis , nam corpus Christi non erat in prospectu audientium ; ergo debuit poni aliud . Resp. *Hoc* , cadit super aliquid quod sit in prospectu ; sed potest esse in prospectu vel secundum seipsum , vel secundum id à quo continetur , at corpus Christi continebatur in speciebus , ideo sine præiudicio veritatis potest de-

monstrari, & exprimi contentum omisso continente. Ut, video saccum plenum tritico; dico: hoc est triticum; quia sacculus non est sui gratia, sed gratia alterius; quare non intelligunt saccum esse triticum.

Octauum dubium. Cum actio conuersiua ponat Christum in Sacramento, debuit poni verbum transitus, non consistentis. v.g. *Hoc fit corpus meum*. Resp. melius fuit (*est*). primo, quia (*fit*) simpliciter significat transitu à non esse ad esse, qualis non est in corpore Christi; quia Christus est ante. Secundo ex D. Tho. quia cum Sacramenta comparentur artificialibus, etiam forma Sacramenti comparatur formæ, & ideæ artificialium. Idea autem artificialis significat vltimum effectum, non effectiorem. ideo est congrua. Tertio, quia cum hoc mysterium sit penè incredibile, pertinebat ad institutionem eius, ut ad roborandam fidei nostræ certitudinem, ita significaretur, ac si esset; non ac si fieret. sicut propheticae visiones de futuro loquuntur in præterito. ut, *Factum est autem &c.*

Nonum dubium. Cur non dixit: *Hoc est caro mea*? ratio dubitandi est, quia datur per modum cibi; at *caro* cibus est. Resp. prima ratio, respectu eius quod est res, & Sacramentum, ad significandum integritatem eius. Secunda ratio. respectu vnitatis mystici corporis Ecclesiæ, quod hic significatur. quia in hierarchia Ecclesiastica sunt diuersi gradus.

Decimum dubium. Cur hic non exprimitur minister sicut in alijs Sacramentis? Mihi videtur quod in alijs Sacramentis minister exprimitur in actu, quo applicatur Sacramentum suscipienti, non in actu quo sanctificatur materia. ut, non dicitur: ego imprimo aquæ sanctificationem in hoc autem Sacramento primus actus quo nempe applicatur Sacramentum suscipienti non exprimitur actus secundus. sc. quo materia conuertitur in corpus Christi; ideo non debuit explicari minister. Confirmatur, quia licet minister in hoc Sacramento concurrat ministerialiter: tamen quia propter sui eminentiam excedit omnem naturam, ideo minister tacetur.

Vndecimum dubium. Cur non dicit Sacerdos, *Hoc est corpus Christi*? ratio dubitandi est, quia cum Christus dabat potestatem Apostolis faciendi miracula, dixit; *in nomine meo &c.* sic debuit fieri hic. Resp. quia in signis faciendis non ope-

ratur

tatur concepta forma verborum, sed fides. Vnde in miraculis semper fit mentio fidei; & ideo non licuit Apostolis mutare; at in Sacramentis operatur non fides, sed concepta forma verborum. Adde, quod in miraculis sancti sunt tanquam instrumenta Dei, & ideo nominant Christum ut quid distinguunt; sed in hoc Sacramento sunt Christus representatiue.

Duodecimum dubium. Quæ est forma sanguinis? *Hic est calix &c.* ut dictum est supra dubio primo; & tenemur dicere omnia illa verba, licet non omnia necessaria sint. *Hic est calix sanguinis mei* .i. in hoc calice est sanguis meus. dicitur autem figuratè, ut significet se dare sanguinem in potum. *Novi & æterni testamenti*; testamentum est quo aliquis disponit hereditatem aliquam intercedente morte propria. Deus duplex pactum iniuit cum homine. Primum cum Iudæis de venturo Messia, & de incarnatione Verbi; hanc promissionem Deus confirmavit morte animalium, quæ significabant mortem Christi, qui in animalibus mortuus est. in figura confirmavit pactum vetus de Messia venturo. Secundum, pactum fuit de vita æterna; & hanc promissionem firmavit morte propria in cruce. priori testamento successit alterum. sed huic non succedet aliud. est ergo sanguis novi testamenti quo firmatur hereditas æterna, quia non succedet illi aliud testamentum. *Qui pro nobis, & pro multis effundetur*: passio Christi habuit sufficientiam qua fuit sufficiens redimere omnes. habuit efficaciam, quia redemit multos. propterea dicitur, *pro multis*, quoad efficaciam: quamvis *pro omnibus*, quoad sufficientiam.

Decim tertium dubium. Cum multa verba proferantur in consecranda Eucharistia, quæ verba sunt de essentia? .i. an ab illo loco: *Qui pridie quam pateretur &c.* sit de essentia consecrationis panis? Resp. prima opinio est Scoti. quod nisi proferantur illa verba; *qui pridie &c.* non fit Sacramentum. Probat, quia licet essentialia verba formæ sint tantum; *Hoc est corpus meum*: tamen præcedentia sunt necessaria; quia determinant de quo corpore loquatur forma. neq; (inquit) sufficit intentio; quia ea quæ fiunt ex vi Sacramenti, debent explicari verbis sacramentalibus. Dicit secundo, quod si omitantur præcedentia verba, est tutius credere non esse consecratum. tamen quia hoc est dubium, debet Sacerdos sumere panem

nem sic consecratum sub conditione postquam communicavit. Secunda opinio est Dur. in 4. d. 8. q. 2. & Riccar. in 4. d. 8. ar. 3. q. 1. Gosfred. relati, & male confutati à Scot. & D. Tho. quòd verba essentialia sunt, *Hoc est corpus meum*. Prob. primo, quia in re tam graui non decebat relinqui Ecclesiam perplexam; alioqui sæpe esset iteranda forma propter incertitudinem. Secundo, quia præcedentia verba non sunt pars formæ etiam secundum Scot. ergo non sunt necessaria; quia ex Concilio Flor. in Bulla tria tantum sunt necessaria; materia, forma, & intentio. Tercio, quia illa verba canonis præcedentia non semper fuerunt eadē in omnibus liturgiis; ergo &c. Quarto ex Dur. positis verbis præcedentibus quæ Scot. requirit, non sufficenter fit demonstratio quam Scotus requirit, nisi si recurratur per intentionem ministri, quia ex vi verborum verba solum determinant quòd Christus consecrauit panem quem habebat; non quòd nunc consecraretur hic panis præsens, quare vt referantur hæc verba ad panem præsentem, necessaria est intentio ministri vt determinans. Confirmatur, quia supra determinauimus fieri consecrationem verbis Christi; & verba præcedentia sunt Euangelistæ, vel Ecclesiæ. Confirmatur; quia in omnibus liturgiis Ecclesia semper consuevit illa quinq; verba distinguere ab alijs.

Decimumquartum dubium. Siquis solum proferat verba essentialia, an peccet mortaliter? Resp. Scot. sentit esse peccatum mortale si omittentur præcedentia, etiam si (inquit) non sit mortale omittere aliquam solennitatem baptismi, ratio est; quia cum baptismus sit sacramentum necessitatis, minus obligat ad sui solennitatem. Sed Eucharistia cum sit sacramentum non necessarium, vel non est celebrandum, vel celebrandum vt oportet.

Decimum quintum dubium. An in calice consecrando sint essentialia omnia verba vsq; ad illud; *In remissionem peccatorum*; an solum, *Hic est sanguis meus*. Prima opinio est D. Tho. quòd omnia sunt de essentia. Primo, quia de essentia Sacramenti Euangelici est forma enunciativa, & consequenter quicquid est determinatiuum prædicati formæ enunciativæ: sed reliqua verba determinant prædicatum formæ enunciativæ, ergo sunt de essentia. Explicatur minor: determinatur enim quis sit sanguis, per sequentia, scilicet qui fundetur &c.

Secundo,

Secundo, quia ista omnia verba profertur a Sacerdotibus eodem more & ritu ac prima. Tertio, quia Innoc. iij. cap. cum Marthæ de celebr. miss. dicit, illa verba fuisse prolata à Christo, & tradita Ecclesiæ ab Apostolis, quamvis non sine omnia in Evangelio. Vnde colligunt Thomistæ quod definit Innoc. esse essentialia. Secunda opinio est Scot. & Dur. qui dicit quod ad essentiã cõsecrationis sufficit dicere *Hic est sanguis meus*; hæc est vera. probatur primo, quia sicut est propriũ Sacramentũ Evangelico efficere quod significat, ita significare quod efficit; sed ista consecratio solum efficit illud vinũ fieri sanguinem; ergo solum sufficit significare esse ibi sanguinem. Secundo ex Scot. etiam Christus in pane determinavit prædicatum formæ quadam additione, videlicet. *Quod præ vobis traditur*; quare si in vno non est necessaria, cur in alio? Tertio ex Dur. quia in liturgia Basilij quæ fuit tradita ei ab Angelo, & qua nunc videntur communiter græci, non habent omnia ista verba. Quarto, illa verba adduntur ad explicandum effectum, & vsum Sacramenti; at effectus, & vsum Sacramenti non est essentialis huius Sacramenti; ergo &c. Confirmatur; quia in forma calicis assumitur verbum, quod non minus apud paterat poni in forma panis; videlicet, *mysterium fidei*. Ad argumenta D. Thomæ ad primum resp. sicut ad determinandum prædicatum formæ panis sufficit illud, *meum*; ita ad sanguinem, *meus*. Ad secundum resp. quod quia sunt omnia de præcepto, ideo eodem ritu profertur. Ad tertium resp. Innoc. dicit fuisse à Christo, & ab Apostolis, non tamen sunt omnia essentialia; quia etiam Christus dixit, *Accipite, & manducate*; quæ non sunt de essentiã. sic neq; hic. Sotus quia videbat D. Thomæ sententiam labascere, inuenit nouam inuentionem; videlicet dupliciter potest aliquid esse de essentiã. primo, quia est de essentiã, & quiditate formæ, & sic non est intelligendus D. Thom. Secundo de substantia, i. de integritate formæ, sicut tres meriones in baptismo, & tamen sicut tres meriones cum adhibentur ex intentione Ecclesiæ aliquid operantur ad effectum baptismi, ita cum adhibentur reliqua verba ex intentione Ecclesiæ, aliquid operantur ad consecrandum calicem. Sed hoc vltimum dictum est valde falsum; quia etiam secundum Scotum prolatis his verbis, *Hic est sanguis meus*, Christus adorari potest, ergo reliqua

verba quid faciunt ibi? nunquid magis consecrant? hęc de
forma.

*De effectu Eucharistie, et de sacrificio
missæ. Cap. VII.*



Primum dubium. Qui sunt effectus Eucharistie. Resp. Eucharistia habet plures, & varios effectus, non solum ut Sacramentum est, sed etiã ut sacrificiũ est. agamus primo de Eucharistia ut Sacramentum est, postea de ea ipsa ut sacrificium est.

Quoad primum caput. Eucharistie effectus ad duo capita reduci possunt, ut prouocant hominem ad bonum, & ut eripiunt à malò. primi generis sunt quinque. Collatio gratiæ gratum facientis, eiusdem gratiæ augmentatio, gustatio diuinæ dulcedinis, perseuerantia in bono, & adeptio felicitatis. D. Tho. 3. p. q. 79. ar. 1. & 2. Primus igitur huius Sacramenti effectus est, conferre gratiam gratum facientem, & magnam copiam gratiæ, & quamuis sint duę species, non datur maior gratia sub utraq; quàm sub vna. prob. ex Ioan. 6. *Qui manducat meam carnem, & bibit meum sanguinem, in me manet, & ego in eo.* Concil. Trid. sess. 7. can. 7. & 8. & Flor. & cap. cum Marthæ. de celebr. miss. Huius primi effectus officium est, vnire nos cum Christo, ita ut anima nostra transeat in Christum, sicut cibus mutatur in corpus viuens, ut docet August. 1. 7. confess. & ex hac vnione quodammodo vitam, sensum, in fluxum omnium diuinorum donorum recipimus eo modo, quo cera per impressionem sigilli recipit totam formam sigilli, ut aiunt Damasc. Cyrill. & Iustinus martyr. hæc autem vnio fit in spiritu per charitatem 1. Ioan. 3. vnitur enim anima nostra cum Christo sicut insertum cum arbore, palmes cum vite, radices cum sole, & membra cum corpore: recipit enim influxum à Christo ad frenandas passionibus. hæc est magna vnio, *Qui manet in me, & ego in illo*: quam vnionem vtpotè substantialem accedere proximè ad vnionem personarum diuinatum dicit ibi Christus; *Sicut misit me viuens pater, & ego vivo propter patrem, & qui manducat*

Aucat me; ipse vivet propter me. Secundus consistit in multis, ut enim cibus materialis nutrit, auget, conseruat, reparat, & delectat corpus; ita Eucharistia hos effectus producit spirituales in anima. unde Tertull. l. de resur. carnis, ait; *Quod caro nostra saginatur carne Christi, quia charitas augetur, roboratur, & perficitur.* Vnde patres tribuerunt huic Sacramento robur ad tolerandas omnes aduersitates, Cyprian. Ambr. August. cum Ignatio. hinc Damascen. l. 4. de fide orthod. cap. 14. comparat carboni; ut enim ille est vnitus igni, sic iste panis diuinitati. quod etiam ait D. Tho. 3. p. q. 79. ar. 1. ad 2. hoc igitur Sacramentum efficit in anima omnes effectus qui sunt in corpore a cibo spirituali; præseruatur a morte vel peccati, vel gehennæ; Ioann. 6. *Hic est panis de cælo descendens, ut si quis manducauerit, non moriatur.* Confert vitam; *Si quis manducauerit, viuet in æternum.* & infra: *Caro quem ego dabo, caro mea est pro mundi vita.* conseruat vitam; *Nisi manducaueritis carnem filij hominis, & biberitis eius sanguinem, non habebitis vitam in vobis.* i. non conseruabitis. & quod intelligatur de vita spirituali, patet ex contextu, nam subdit; *Verba quæ ego loquutus sum vobis, spiritus, & vita sunt.* roborat vires ad pugnam; reparat deperditum ex concupiscencia; auget calorem. i. feruorem spiritus; oblectatur; & gustat, ideo ait Dominus, *Caro mea verè est cibus, & sanguis meus verè est potus.* Et nequis diceret etiam hos effectus potuisse esse mannæ còmunes, ideo addit Dominus; *Non sicut manducauerunt patres vestri manna, & mortui sunt;* quasi dicat, non est cibus qualis manna. Tertius effectus consistit in degustatione quadam diuinæ dulcedinis, unde dicitur manna, panis cœlestis, pinguis, adeps frumenti. psal. 67. *Parasti in dulcedine tua pauperi Deus.* Bern. in serm. Cypr. l. 2. ep. 3. Sed cur homines non sentiunt hanc dulcedinem? Resp. Gugliel. Paris. in tract. de Euchar. 1. propter imperfectionem palatus. Secundo, propter defectum masticationis. Quartus effectus est perseuerantia in bono. & nascitur ex his tribus iam dictis, ad perseuerantiam enim conducunt gratia, charitas, & dulcedo spiritus. Quintus effectus tribuitur Eucharistia propter primum, vel secundum, nam per gratiam dat nobis virtutem perueniendi ad gloriam, ideo dicitur *viaticum.* D. Tho. 3. p. q. 79. ar. 2. & datur etiam gloriosa resurrectio corporum; *Et*

ego resuscitabo eum in nouissimo die. Dices, hic effectus est proprius baptismi, ergo non est proprius Eucharistiae. Resp. licet sit proprius baptismi, est etiam Eucharistiae; quia est Sacramentum vitae, & disponit ad vitam æternam, conferendo virtutes. & eandem vitam sustentat, nutrit, & auget; & virtute sua facit vt detur nobis perpetua vita in patria, ac proinde gloriosa corporum resurrectio. Sot. in 4. d. 11. q. 2. ar. 2. Sed circa hoc est

Secundum dubium. An Eucharistia conferat primam gratiam qua impius iustificatur. Resp. primo, hoc Sacramentum per se, & sua natura auget gratiam. probatur; quia datur per modum cibi, & nutritionis; ac nutritio supponit vitam. Secundo, hoc Sacramentum per accidens confert primam gratiam. i. si inuenit aliquem sine affectu, & conscientia peccati mortalis, sed extra gratiam, confert ei gratiam primam, quod est ei peculiare; quia quicquid potest conferre primam gratiam, non confert sine aliqua dependentia ab hoc Sacramento; quia baptizatus ipse qui confert primam gratiam, habet votum huius Sacramenti. cum enim Eucharistia sit finis, baptizatus concurret in re ad primam gratiam, ita & hoc concurret in voto quod illi includitur. Dum autem in re suscipitur, eadem gratia augetur. Itaq; per se hoc Sacramentum in voto quidem confert primam gratiam, in re verò non nisi augmentum sed per accidens, ratione dispositionis suscipientis, quia .s. accedit attritus putans esse contritus confert dum suscipit primam gratiam. D. Tho. 3. p. q. 79. ar. 3. Sot. in 4. d. 11. q. 2. ar. 1. in solutione primi argumenti. Dices, hoc Sacramentum confert per se augmentum gratiae, ergo non differt in hoc à confirmatione; nam (vt supra diximus tract. 3. cap. 4.) confirmatio confert augmentum gratiae. Resp. cum D. Tho. citat. 1. & Sot. supra quod in confirmatione augetur gratia ad robur, vt audacter Christianus Christi nomen confiteatur, & fidem contra hostes exteriores defendat, vt eodem tract. 3. diximus; sed Eucharistia auget gratiam ad sustentandam, & perficiendam vitam spiritualem, vt homo perfectius tanquam per spirituale alimentum coniungatur cum Christo. quare proprius effectus huius gratiae est nutritio, & conseruatio vitae spiritualis, cui baptizatus generationem; augmentum verò confirmatio praestitit. Ex quo intelligitur quod
quamuis

quamuis gratia Sacramentorum sit eadem quoad essentiam, est eadem multiplex quoad effecti unitatem. Infertur etiam falsam esse opinionem Maioris in 4. d. 9. vbi dicit hoc sacramentum nunquam conferre primam gratiam. repellitur enim ex communi sententia D. Tho. & Soti supra. Riccar. q. 8. ar. 1. Victor. q. 77. Angel. q. 3. de Euch. & aliorum. Imo habetur in Concil. Trid. sess. 13. q. 1. de Sacram. Euch. vbi inter effectus numerat hunc; quamuis statuatur non esse præcipuum ad remissionem peccati.

Tertium dubium. Quando Eucharistia confert gratiam, dum recipitur, seu deglutitur; an postquam sumpta est; seu dum in stomacho conseruatur? Resp. constat Eucharistiam non conferre gratiam antequam comedatur, ita vt expui non possit; quia hoc Sacramentum datur per modum manducationis, & manducatio non est consummata ante talem deglutitionem ita vt non possit expui. dubitatur uerò, an dum in stomacho perseverat, semper habeat aliquem effectum. Sunt igitur duæ sententiæ. una est Soti in 4. d. 11. q. 2. ar. 1. Victor. q. 76. Ledesm. 1. 4. q. 10. ar. 1. Angel. q. 31. de Euch. ar. 1. diff. 3. Videtur etiam D. Thomæ, quòd conferat gratiam dum editur. i. non dum tenetur in ore, sed dum deglutitur, seu descendit in stomachum; quia Ioan. 6. dicitur, *Qui manducat meam carnem* &c. Item, quia alia Sacramenta tempore quo percipiuntur conferunt gratiam; ergo similiter Eucharistia. Altera sententia est Caiet. 3. p. q. 74. ar. 1. Maior. in 4. d. 9. q. 1. argum. 5. quòd non solum tempore quo est in ore, uel in guttore, sed etiam semper aliquid operatur, etiam toto tempore quo in stomacho durat species, posse virtute Sacramenti conferre gratiam, quia toto illo tempore est præsens nobis Christus; ergo etiam pascit. quorum opinio potest exponi primo, ut semper nouam gratiam largiatur, & non puto hunc sensum intendi ab illis, & effectus falsus. Secundo, ut dum est in stomacho si in descensu ad stomachum ex aliquo obice, & indispositione communicantis non contulit gratiam, si postea dispositio adueniat, Sacramentum confert gratiam, & hic sensus puto quòd sit bonus; quia in alijs Sacramentis ideo fructus percipitur in applicatione, quia post applicationem nõ sunt amplius Sacramenta; at hoc Sacramentum perseverat etiam post applicationem, ergo si tollatur obex qui tollebat eius effectum;

fectum; quia tamen idem est Christus manens, operatur opere operato eundem effectum. Confirmatur exemplo cibi corporalis, qui si dum manduco cibum habeo phlegma, vel aliquod aliud impedimentum, non nutrit: certe sublato impedimento, potest mihi cibus prodesse. ita in Eucharistia. confirmatur; quia dixit Christus Ioan. 8. *Ego dum sum in mundo, lux sum mundi*; quod etiam de paruo mundo intelligitur. confirmatur, permanentia Christi salvis speciebus post manducationem cum non sit ex naturali necessitate, sed ex pacto Christi cum Ecclesia, quorsum fuisset hoc pactum, si permanentia illa nunquam futura fuisset utilis? Secundo dico, Eucharistiam quatenus Sacramentum non conferre suos effectus in sui consecratione: quia cibus non nutrit antequam sumatur. Ad Sot. qui dicit non valere analogiam à cibo corporali qui operatur concoctionem in tempore, ideo eget tempore; ac Eucharistia non eget tempore, ergo &c. Resp. quod Eucharistia eget tempore per accidens s. propter indispositionem accipientis. Secundo dicebat Sot. pecierum corruptio tardior, vel celerior est non voluntaria, sed naturalis, neq; per se, sed causalis. s. ex stomachi dispositionibus, & qualitatibus; ergo &c. Resp. non esse omnino præter voluntatem; quia qui manducat corpus Christi, manducat. ut sibi profit quantum, & quamdiu potest prodesse; & effectus Sacramenti potest dependere ex fortuito; ut si quis fortuito acciperet Sacramentum, in instanti corruptionis specierum, non habebit effectum.

Quartum dubium. Quomodo Eucharistia operatur prædictos effectus? Resp. dupliciter operatur. primo modo ex vi Sacramenti. Secundo modo, ratione dispositionis maiorem confert gratiam. disponitur autem masticatione. i. consideratione 1. admirabilis Christi potentiz, quæ maximè viget in transubstantiatione 2. diuinæ sapientiz. 3. diuinæ bonitatis quantum vberem facit refectiorem. 4. diuinæ misericordiz, quia proprio filio non pepercit, sed pro nobis omnibus tradidit illum. Item, hoc Sacramentum non solum confert gratiam ratione dispositionis, sed etiam in ipsa sumptione excitat mentem nostram ad dispositionem ipsam; idq; tum ratione signi, tum ratione contenti; ratione signi, excitat 1. ad considerationem passionis Christi. 2. vitæ Christi. 3. Ecclesie militantis. 4. Ecclesie triumphantis. ratione contenti, ceteris

eat nos 1. ad orationem. 2. ad honorandum Deum. 3. ad spem diuinæ misericordiæ, & remissionem peccatorum. 4. ad amorem, & actionem omnium rerum, & beneficiorum quæ per hoc Sacramentum conferuntur.

Quantum dubium. An conferatur maior gratia sub utraq; specie, quàm sub altera? Resp. quòd ex opere operato conferatur æqualis gratia, quia est totus Christus in utraq; specie; quia tantundem gratiæ recipit Sacerdos qui communicat sub utraq; specie. quantum laicus qui sub altera tantum, data pari dispositione in utroq; Sot. in 4. d. 8. q. 1. ar. 2. & d. 12. q. 1. ar. 12. Victor. q. 86. & est communis. ex quo patet nullam fieri laicis iniuriam cum negatur illis communicatio sub utraq; specie ob reuerentiam Sacramenti.

Sextum dubium. An qui in voto spiritualiter solum communicat, recipiat effectum? Resp. ex opere operantis posset is gratiam consequi, non autem ex opere operato nisi Sacramentaliter sumat. Angel. q. 31. de Euch. ar. 1. diff. 4. An verò ad gratiam huius Sacramenti consequendam requiratur actualis deuotio, an contritio, an confessio, & alia quibus indigemus, dicam in tract. de susceptione, quod verò spectat ad secundum caput, quod erat remouere à malo, facit vt Eucharistiæ Sacramento tribuantur alij quinque effectus, quos ponit D. Tho. 3. p. q. 79. ar. 3. & seq. Primus est remissio peccati mortalis. Secundus peccati venialis. Tertius remissio poenarum. Quartus præseruatio à futuris. Quintus fomitis diminutio. Circa primum effectum, hoc Sacramentum non primò, & per se est institutum ad peccati mortalis remissionem, sed ad augendam iustitiam. Vnde si quis accedat cum crimine mortali, grauaretur potius, quàm purificaretur, vt docet August. & habetur can. quotidie. de consecr. d. 2. remittit tamen mortale per accidens, vt supra dixi. & habetur can. spiritus. de consecr. d. 2. idq; in duobus casibus vt docent Theologi. Primus est, quando quis accedit attritus putans se esse contritum. Secundus, quando quis adhibito diligenti examine non recordatur de aliquo peccato mortali. D. Tho. & Sot. supra cit. Decernitur verò in Concil. Irid. sess. 13. cap. 31. *Siquis dixerit vel præcipuerit, hæc sum sanctissima Eucharistiæ esse remissionem peccatorum, vel ex ea non alios effectus prouenire, anathema sit.* Circa secundum effectum quòd sit remissio peccati venialis,

nialis, habetur can. iteratus. de consecr. d. 2. & can. vtrum. d. 1.
 ead. Ambr. l. 5. de Sacram. cap. 4. D. Tho. 3. p. q. 79. ar. 4. hic
 autem non est proprius effectus huius Sacramenti; quia venia-
 lia tolluntur etiam fervore charitatis, & ex alijs etiam Sacra-
 menti, & aliquibus Sacramentalibus; tamen tribuitur etiam
 huic Sacramento; quia huius proprium est inflammare ani-
 mos erga Christum; & quia peccata venialia vt plurimum re-
 mittuntur per actus amoris; idcirco ex memoria beneficiorum,
 quæ maximè in Eucharistiæ sumptione excitantur, tribuitur
 ei remissio venialium. Circa tertium, remittit pœnas non per
 seipsum, quia hoc Sacramentum datur perseipsum per mo-
 dum nutritionis, at nutritio perseipsum tendit ad unionem
 nutriti cum nutriente, sed concomitanter; quia cum ista mā-
 ducatio, & fervor charitatis ex manducatione fit actus ami-
 ci, meretur remissionem aliquam pœnarum, non autem remit-
 titur tota. Quatenus verò Eucharistia est sacrificium, habet
 per se vim sanctificatiuam pro pœna peccati. D. Tho. 3. p. q.
 79. ar. 5. Sot. in. 4. d. 11. q. 2. ar. 5. Circa quartum, præseruat
 lapsu; vt patet Ioan. 6. *Non sicut manducauerunt patres ve-*
stri manna & mortui sunt, qui manducat hunc panem vivit
in æternum. nisi tamen opponatur obex ex parte recipientis.
 Item, vt si quis ex ipso manducet non moriatur .i. morte spiri-
 tuali quæ fit per peccatum. Secundo Psal. 22. *Parasti in con-*
spectu meo mensam aduersus eos qui tribulant me. vnde Chry-
 sost. hom. 45. in Ioan 6. *Vt leones flammam spirantes, sic ab illa*
mensa descendimus, terribiles effecti Diabolo. roboratis enim
nobis per gratiam, & spiritualem vitam in illa mensa, Dæmo-
nes victi discedunt. Bern. in ser. de cœna Domini. D. Tho. 3.
 p. q. 79. ar. 6. Tertio, quia hoc Sacramentum minuit fomitem;
 nam vt ait August. l. 83. q. q. 36. augmentum charitatis est
 diminutio cupiditatis. confirmatur experimento frequenter
 cõmunicantiũ, qui rarò labuntur in mortalia, & non tam fre-
 quenter in venialia. Circa quintum, minuit fomitem, vt cir-
 ca quartum dictum est. quod licet directè faciat baptismus,
 vt ait D. Tho. 3. p. q. 79. ar. 3 est tamen etiam effectus Eucha-
 ristix ex quadam consequentia, quia auget charitatem. &
 etiam directè confirmat cor hominis in bono; ergo consequen-
 tiuè remittit fomitem. D. Tho. 3. p. q. 79. ar. 6. ad 7. Sot. ar. 6.
 sic est.


Septimum dubium. An hoc Sacramentum proficiat alijs quàm sumentibus? Resp. ex D. Tho. 3. p. q. 79. ar. 6. quòd prodest sumentibus quatenus Sacramentum, & quatenus sacrificium. non sumentibus autem quatenus sacrificium. i. quatenus pro illis offertur. ratio est, quia sumptio pertinet ad rationem Sacramenti, operatur enim ex opere operato cum eo qui sumit. Communio enim habet tria; Primo, gratiā & meritum. Secundo, satisfactionem poenae. Tercio, impetrationem. Quantum ad gratiam, & meritum, non potest Eucharistia prodesse alijs, sed iustis solū, sicut elemosyna, ieiunium, & alia pia opera, quæ sunt satisfactoria, quæ pro alijs fiunt. ratione verò impetrationis potest prodesse iustis, & iniustis ex diuina misericordia, vt alia opera quæ Deo offeruntur pro alijs ad impetranda beneficia. prodest etiam non solum viujs, sed quoque pro defunctis ad poenas purgatorij minuendas, vel relaxandas. 1. Machab. 12. *Iuda fortissimus vir &c.* hinc anniuersaria mortuorum, & patet ex Concil. Carthag. iij. cap. 49. & 95. Valsens. cap. 2. & 6. Aurelian. ij. cap. 14. Brachar. i. cap. 34. Toler. i. cap. 12. & patet ratione; nam ex August. l. 20. ciu. cap. 9. bona communia toti corpori de iure naturæ distribuuntur in omnia membra iuxta eorum indigentiam, vt apparet in cibo digesto. sed Ecclesia est corpus mysticum, vt ait Paulus; & huius corporis animæ defunctorum in purgatorio sunt membra viuia, quia nobis cōnectuntur per fidem, spem, & charitatem; & adhuc sunt indigentia, quia sunt in via; & sacrificia sunt communia Ecclesiz; ergo debent distribui. ita vt in ijs habeat locum symbolum, *Sanctorum communio*; & illud psalmi, *Particeps sum ego omnium mentium eum*. quæ distributio sicut in corpore sic per calorē charitatis quæ facit omnia communia, ita in Ecclesia per Spiritum sanctum quo nutriuntur, & viuificantur ad inuicem. Prodest etiam illis quibus se extendit intentio ministrī, nisi Sacerdos alio vinculo teneatur. Hactenus de Eucharistia vt Sacramentum. nunc de ea dicamus quatenus sacrificium est. Esset hic dubitandam fusissimè. An accidentia in Sacramento Eucharistiz remaneant sine subiecto; Sed breuiter sit

Octauum dubium. An accidentia remaneant sine subiecto in hoc Sacramento. Omissis multis quæ de hac re dici possent, breuiter

breuiter resp. affirmatiuè ex D.Tho. 3.p.q.77.ar.1. sic statuit Ecclesia Catholica in Conc. Later. Constan. Flor. & Trid. cõtra heresim Vuigles. apud Thomam Valdensem. de Sacr. cap. 77. & Concil. Const. sess. 8. qui nullum dicebat esse accidens sine proprio subiecto. quam heresim excitauit Lutherus, & Acolampadius, qui retinent in Eucharistia substantiam panis; & affirmant repugnare secundum omnem Dei potentiam fieri contrarium. & afferunt solam rationem ex Arist. quod *accidentis esse est inesse*, sed contrarium decernit Ecclesia catholica locis supra citatis. quod ex duplici capite probari potest. Primum caput est ex rationibus naturalibus. pro quibus videndus est Thomas Valdens. qui citat quosdam philosophos, qui in suis libris videntur insinuare hoc esse possibile. vt Algazar, Auicenna &c. Secundum caput est ex principijs creditis, & quod possibile sit, & quod decens sit. Est possibile: Primo, quia multi sancti Patres exponentes primum caput Genesis, affirmant, lucem illam creatam ante solem, fuisse sine subiecto. ita Damascen. l. 2. de fide orthod. cap. 7. Procopius Gazzeus in Gen. 1. Basil. & Ambr. in exam. & Iustin. in expos. fid. de Trin. Secundo, miracula quæ in scripturis habemus separant prius à posteriore; quia separauit Deus ignem ab actuali combustione puerorum. Sed esse accidentis est prius quàm inesse; ergo est separabile. prob. min. quia inesse est modus essendi, res autem est prior suo modo. Tercio, non minus est naturale substantiæ subsistere in se, quàm accidenti inherere in altero; sed fides prædicat humanitatem assumptam, veram esse substantiam, & tamen non subsistere: ita etiam accidens non inheret. Quarto, in miraculis Deus potest facere per se ipsum, quod facit per secundas causas. ergo sicut potest Deus conseruare accidens per subiectum vt per secundam causam, ita potest per se. prob. antec. quia in vtero virginis organizauit corpus sine semine; & conuertit aquam in vinum sine ulla transmutatione naturali. Quod verò sit Decens, probatur: primo, ad humiliandam humani generis præsumptionem, vt assuesceret in rebus diuinis nõ sequi sensum. est ratio Cypriani can. Dom. & Chrysost. hom. 83. in Matth. & hom. 60. ad popul. & Cyrill. Hieros. Catach. mist. 4. Secunda ratio offertur ab Ambr. l. 4. de Sacr. cap. 4. & à Theop. yl. in Ioan. 6. & Gregor. relat. de sacr. d. 2. can. quid sit sanguis, *Texit Deus corpus &*
san.

sanguinem accidentibus panis & vini, ad declinandum horrorem cruoris, & sanguinis. Tertio ex August. de consecr. d. 1. can. utrum. & in multis in Ioan. 6. ut non essemus risui paganis nobis obijcientibus quòd manducamus carnem, & bibimus sanguinem. Idcirco dicebat Auer. legem Christianorum esse legem impossibilem, Manducāt enim Christum sūt. Quarto ex Innoc. iij de celebr. miss. cap. cum Martha. ut esset facti mysterium, dum aliud cernitur, aliud creditur.

De sacrificio Missæ.



Primum dubium. Vnde dicitur missæ: & quid sit. Resp. Missa dicitur ex communi omnium sententia à verbo hebraico *Missab*, quod significat *offerre*. Psal. 49. *Oblatio manuum mearum*, in hebræo habetur *Missab*. dicitur missa quasi transmissa; transmittitur enim à populo ad Deum per ministerium Sacerdotis. vel ab emissionem catechumenorum, & excommunicatorum. Sylu. verb. missa. ex Hugo. de S. Vi&. & D. Tho. sot in 4. d. 13. q. 2. ar. 1. Definitor sic. *Est sacrificium corporis, & sanguinis Christi sub alienis speciebus, sacrificati ab ipso semel in Cruce.* pro declaratione nota primo. quòd *sacrificium* in scripturis sacris aliquando improprie & largo modo sumitur. aliquando proprie, & stricto modo. primo modo significat omne opus quod dirigitur ad cultum Dei, ut ait August. l. 2. ciu. cap. 6. & sic contritio dicitur sacrificium, Psal. 49. *Sacrificium laudis honorificauit me.* sic etiam mortificatio carnis, Rom. 12. deniq; mors sanctorum dicitur sacrificium, Sap. 3. vide Orig. hom. 9. & 18. in Leuit. Secundo modo, idest proprie, significat oblationem rei sensibilis Deo factæ, ut ei exhibetur honor, & reuerentia; & hoc modo quatuor requirit. Primo, ut sit actus religionis in quo conuenit cum Sacramentis. Secundo, oblatio quæ distinguitur à Sacramentis, ut docet Concil. Fior. Tertio, ut aliquid exterius circa rem oblata, quod distinguitur ab oblatione. D. Tho. 2. 2. q. 83. ar. 3. vnde pecunia offerrebat Deo, non tamen sacrificabatur. Quarto, ut fiat tota illa

illa actio externa ad Dei cultum, vt .s. test. mur Deum esse Dominum, & creatorem. vel ad obtinendum aliquod beneficium; & sic est oblatio, qui est actus patriæ, quo offerimus Deo creaturam suam in recognitionem, quod ipse est autor omnium. & hoc facere, est sacrificare, quod est offerre hoc modo creaturas suas Deo. Secundo nota, quod nunquam fuit mundus sine sacrificio. neq; etiam in lege naturæ. sicuti enim nulla ratio est ita effera, ac barbara, quæ suam legem non habeat, ac religionem; sic etiam & sacrificium habeat, ac sacerdotium. Vbicunque enim homo est, ibi etiam & religio est; vbi religio, ibi sacrificium; vbi sacrificium, ibi Sacerdos. cum igitur nullus homo sit qui aliquam nõ teruet in corde religionem, hanc ipsam sacrificio protestetur oportet. nos in Christiana religione habemus nostrum sacrificium, & hac ratione soli Deo possumus sacrificare. Nota tertio, hoc sacrificium esse duplex, Eucharisticum, & propitiatorium. Eucharisticum est multiplex, nam comprehendit illa omnia quæ sunt instituta ad remissionem peccati, vt etiam alia sacrificia; vt quæ offerebantur ad agendas gratias, quæ dicuntur hostiæ pacificæ; & quæ ad obtinenda beneficia. hoc pertinet sacrificium quod fiebat in consecratione Pontificis, *Leuit. 6.* item holocaustum quod offerebatur in reuerentiam, & honorem Dei. est igitur Eucharisticum hoc sacrificium incruentum, quia hoc sacrificio agimus gratias Deo pro omnibus beneficijs collatis humano generi ab initio mundi; & præcipuè pro beneficio redemptionis, & ideo dicitur *1. cor. 11. Hoc facite in meam commemorationem: & mortem Domini annuntiabitis.* Propitiatorium verò diuiditur in legale, & Evangelicum. legale est quod fuit institutum ad remissionem peccatorum, *Leuit. 3. & 4.* Evangelicum quod est nouæ legis, est duplex; cruentum, quo se Christus obtulit in cruce sanguinem fundens. & incruentum quod offertur in missa. Trident. sess. 22. cap. 2. de sacrificio missæ. Est hoc sacrificium propitiatorium, & expiatorium .i. obinet nobis propitiationem, & expiationem à peccatis; quod dupliciter explicatur: primo, quod sacrificium cruentum in cruce sufficienter soluit nobis pro omnibus peccatis, sed hoc incruentum applicat illud meritum redemptionis factæ in cruce dispensans singulis. vt si sit respub. carens frumento, & Rex non solum magno suo cum periculo aduehat,

hat, sed etiam suis manibus dispensat. Secundo dicitur propitiatorium, quia in missa non commemoratur sacrificium crucis solum in laudem Dei, nam si hoc fieret, non esset verum sacrificium, sed improprium, sicut laudes Dei dicuntur sacrificium; sed etiam repræsentat per modum oblationis, quia Sacerdos sacrificans virtute dicit: tu Domine tribuisti filium tuum, & meritum eius nobis; nos autem iterum offerimus eum tibi, & eius merita ut nostra tibi. Nota quarto, quod sacrificium in scriptura dupliciter sumitur, aliquando significat actionem ipsam sacrificantis, aliquando rem ipsam oblatam. D. Tho. 2.2.q.83.ar. 3. nomine verò missæ intelligitur totum id quod fit à Sacerdote dum celebrat. in quo toto cum sit aliquid quod verè, & propriè sit sacrificium, ideo in definitione dicitur: *Missæ est sacrificium*, ut semper docuit, & tenuit Ecclesia; & habetur cap. firmiter. de summa Trin. & fide cathol. & Trid. sess. 22. cap. 1. de sacrif. miss. Additur deinde in definitione *Corporis, & sanguinis Christi*; quæ sunt in cælo, ex quo apparet dignitas nostri sacrificij super omnia; quia nos offerimus autorem omnium creaturarum. *Sub alienis speciebus*, pro quo nota, quod quando Christus obtulit se patri æterno in cruce, in illa oblatione fuere duo; id quod oblatum est, & modus quo oblatum est. quod oblatum est, fuit ipsum corpus Christi. modus fuit per mortem, & effusionem sanguinis; & ita fuit sacrificium cruentum. nunc verò idem est quod offertur, & qui obtulit Christus; sed modus non est idem, quia non est sub specie visibili, & per effusionem sanguinis, sed sub speciebus panis, & vini fit oblatio &c. est igitur missa non solum verum sacrificium, sed etiam repræsentatio Christi cruenti. Cum autem repræsentatio fiat dupliciter, vel verbis sine pictura, vel rebus gestis, & factis; in missa repræsentatur hostia Christi cruenta. probatur, quia dixit; *Hoc est corpus meum quod pro vobis tradetur*. Item patet ex canone missæ. & est sensus totius Ecclesiæ: Gregor. l. 4. dial. cap. 50. Cypr. l. 2. epist. 3. Trid. sess. 22. cap. 2. de sacrif. miss. Quare sacrificium altaris & idem est cum sacrificio Christi, & quodammodo diuersum: est vnum & idem quantum ad rem oblatam, August. l. 19. ciu. cap. 6. vnde Cypr. ser. de cæna Dom. ait; quod sacrificium Christi in cruce non transiuit, & definit esse; sed perpetuò permanet coram oculis Dei; & illud sacrificiū per-

seuerat duobus modis, & quia à Christo in cœlis continuò offertur, vt ait Paulus ad hebr. 6. & 9. & idem in terris per Sacerdotes. Est autem aliquò modo diuersum; primo, quia in cruce offerebatur cruentè, & passibiliter; hic incruentè, & impassibiliter. Vnde patres hanc oblationem vocauerunt incruentam; Chrysost. hom. 17. ad hebr. Secundo, quia ibi in propria specie offerebatur, hic in specie panis. Tercio, quia ibi per seipsum offerebatur, hic per Sacerdotes. hoc autem fieri voluit Deus, primo vt fructus immolationis cruentæ participaretur à nobis. Secundo, vt Ecclesia haberet donum quod Deo offerret in gratiarum actione, & ad impetranda beneficia. Tercio, vt esset continua memoria beneficij cruenti. Postremo, vt amorem suum erga Ecclesiam declararet. Ex eo verò quòd Sacerdos consecrat corpus sub speciebus panis, & sanguinem sub speciebus vini, representatur sanguis separatus à corpore. & hoc est significare mortem in illo sacrificio cruento. Postremo dicitur *Sacrificati ab ipso semel in cruce* quoniam Christus in cruce semel est mortuus, sed nos illud idem facimus, sed alio modo. & hinc habetur efficacia sacrificij Christi, quia idem semper offertur, sed pro multis; quia tantum valet hoc sacrificium, vt adæquet pretium omnium peccatorum. sicut si esset gemma quæ adæquaret pretium omnium rerum. si quis daret creditori, posset semper petere mercedem; sed sacrificiū illud sufficit pro omnibus qui fuerunt à principio, & erunt ad vltimum. hinc fit, vt quoties celebramus, arguamus infinitam efficaciam illius sacrificij. Et hæc quoad missæ definitionem. Sit nunc

secundum dubium. An Christus sacrificauerit in vltima cœna. Resp. affirmatiuè, & est de fide definitum in Concilio Trid. sess. 22. can. 2. de sacrif. missæ. hinc dicitur Sacerdos secundum ordinem Melchisedech. Cyrill. l. 2. ep. 3. August. l. 4. de doctr. Christ. cap. 21. Sot. in 4. d. 13. q. 2.

Tertium dubium. A quo fuerit institutum hoc sacrificium, & quando. Resp. fuit institutum à Christo in vltima cœna, vt patet ex Euangelijs, & ex Trid. sess. 22. can. 2. & cap. 1. & 2. vbi dicit fuisse institutum per illa verba: *Hoc facite in meam cōmemorationem*. deinde semper Apostoli sacrificauerunt, vt patet & can. 3. & 4. Apostolorum. & Trid. sess. 22. cap. 9. & sic semper fuit hoc sacrificium in Ecclesia. leggenda sunt acta

Apollo-

Apostolorum cap. 13 vbi videbitis Apostolos celebrasse, licet non hoc nomine missa vtantur: cum hæc vox vel hebræa sit, vel latina, non græca; quo idiomate nouum testamentum scriptum est. ideo lingua græca missa dicebatur *liturgia*. Ambr. epist. 31. Leo Papa epist. 88. Isidor. l. 1. de offic. cap. 15. dicit, ordo missæ à S. Petro est constitutus. Ignat. ad smyrnens. & ad Trallian. & Hieronem. Cypr. scribens Celso fratri, ait: *Nec; aliud fiebat à nobis, quàm quod pro nobis Dominus prior fecit, vt calix qui in commemorationem eius offertur, missus vino offeratur.* Idem August. l. 4. de doctr. Christ. Anaclet. in epist. ad omnes Orientales. Mitto historias Abdiz, qui dicit Petrum in Antiochia celebrasse; & primum quod in Italia erexit altare, illud ex certa, ac firma traditione compertum est fuisse, quod etiam nunc Neapoli extat, vbi & illud magnificum opus à Neapolitanis est templum erectum, quod sancti Petri ad Ara nominatur, extat Iacobi Apostoli liturgia cuius meminit sexta synodus. extat & illa Marci. Andreas (vt ceteros omittam) de seipso dixerat Egeæ proconsuli quotidie celebrasse illis verbis; *Ego quotidie sacrifico agnum immaculatum.*

Quantum dubium. Missa in quot partes diuiditur & quid significant. Resp. in tres. Prima ab introitu vsq; ad oblationem quæ fit post Euangelium. Secunda ab offertorio vsq; ad sumptionem Sacramenti inclusiue. Tertia post communionem vsq; ad finem. In prima fit *Confessio peccatorum* plena; quæ nõ est pars missæ, sed dispositio quædam ad celebrandum. significat mundum ante Christi aduentum fuisse peccatorum plenum. Incipit missa ab *introitu*. ingressus autem sacerdotis ad altare, significat aduentum verbi in hunc mundum. sumitur enim introitus ex vetere testamẽto vbi factæ sunt nobis repromissiones de Messia. & hæc pars continet sex partes. Prima introitus vsq; ad *Gloria in excelsis*, vbi sunt *Kyrie eleyson: & Christe eleyson*, nouies, quæ annunt voces patrum Christi aduentum postulantes, & clamores iustorum, vt veniat expectatus gentibus. dicitur *Gloria*, quia venit. voluitur Sacerdos dicens, *Dominus vobiscum*, vt denotet Salvatorem adesse. Secunda pars est *collecta*, seu oratio; nam qui orant debent esse animo collecto in Deum. nec posse nos perfecte orare sine Dei auxilio. Tertia est instructio populi per *Epi-*

folam; & quoniam duplex fuit doctrina, prima antiqua ante Christi aduentum. Secunda plenissima in Evangelio, hinc primo legitur Epistola quæ est de Evangelio, sed sæpe ex veteri testamento; quia significatur doctrina imperfecta. Quarta est *Graduale*, quod significat opera eorum qui præcesserunt Christum. His finitis fit conuersio, quæ significat quod Christus qui fuit missus ad Iudæos, fuit conuersus ad gentes. Quinta est *Euangelium*, quod Dominus prædicaui, & significat perfectam doctrinam, ideo est in dextera parte altaris. Sexta pars est *Credo*; quæ significat cōfessionem fidei post prædicationem Apostolorum. & hucusq; in primitiua Ecclesia fuit missa catechumenorum, & postea excludebantur; & dicebatur, *Ite missa est*. Secunda pars missæ incipit ab *Offertorio*, in qua parte Sacerdos præparat, & offert Deo quæ consecranda sunt; & significat decreuisse Dominum se pro nobis offerre Deo. *Secreta* sequuntur, quæ sub silentio dicuntur, annuntiant Christum per aliquot tempus latuisse, quia nondum venerat hora eius. vel significant illud exilium Christi quando principes voluerunt eum comprehendere. Post parum temporis eleuat vocem, & dicit *Præfatium*, quod ostendit intrasse Iesum triumphantem in Hierusalem; ideo dicitur *ò Sanna*. postea tacet; ut annuat noctem passionis aduenisse. *Osculatur altare*, & significat osculum Iudæ qui osculo tradidit Dominum. sequitur *consecratio*, nam sacrificium primo consistit in consecratione. Secundo in oblatione per verba: *Offerimus tibi hostiam sanctam*. Tertio *in sumptione*, in qua representatur mors. *Eleuatur hostia*; quæ ostendit Christum Dominum iam fuisse crucifixum. *Eleuatur & calix*; & ostendit iam sanguinem fudisse pro nobis. denuo tacet Sacerdos, ut ostendat Christum iam mortuum. Eleuat deinde vocem; quod significat cōfessionem Centurionis. Iterum fit silentium; & ostendit sepulcrum Dominum. Dicitur, *Pax Domini sit semper vobiscum*: ostendit resurrexisse, & Apostolis pacem dedisse. dicitur *Agnus Dei*; ad significandam maximam Ecclesiæ lætitiā cum videret Christum à mortuis resurrexisse. fit *communio*; & annuntiat Christum comedisse cum suis discipulis. Legitur scriptura; & significat sensum ipsius discipulis aperuisse. Rediit ad medium altaris; & ostenditur ascendisse in Cælum. Tertia pars est *Post communio*, quæ significat gratiarum actionem. dicitur

tur *Oratio*, & significat ipsum orare pro nobis. Iterum reditur ad medium altaris; vt ostendat esse & Hebræorum, & Gentilium. dicitur *Ite missa est*; quo significat finem mundi venturum. Se voluit ad populum; veniet enim iudicaturus mundum. *Dat benedictionem*; dicet enim, venite benedicti, &c. conuertitur ad alteram partem; ad significandū quod in fine mundi Iudæi conuertentur. vt ait Hierem. *In fine tunc intelligetis*; dicitur *In principio*; vt & principium nostrum, & finis tendant ad ipsum. Hæc autem omnia quæ sunt in missa quamuis sine de iure Ecclesiastico, & non de iure diuino, consecratio tamē, & sumptio sunt de iure diuino. vnde consecrare sine sumptione, est peccatum mortale. reliqua sunt de iure positivo; ad significandam passionem. Neq; omnia ista positina fuerunt in primitiua Ecclesia, sed modo est perfectissima Ecclesia.

Quintum dubium. In qua parte missæ consistit hoc sacrificium? ratio dubitandi est; quia continet consecrationem, oblationem, fractionem, & consumptionem. Resp. sunt quatuor sententiæ. Prima, Decani Lorenicensis, qui tenet consistere in consecratione. Secunda est D. Tho. 3. p. q. 83. ar. 4. qui tenet consistere in oblatione. Tertia, Soti ar. 1. cit. qui tenet consistere in consecratione, oblatione, & sumptione. Quarta est Cani l. 12. de locis Theologicis cap. 3. ad 4. qui tenet consistere in quatuor dictis partibus integraliter. & de duobus primis apud omnes constat. de tertia patet ex August. l. 4. de doct. Christ. de sumptione autem habetur can. relatum. de sacrificiis. & Concil. Toler. 12. & hæc est tenenda si loquamur de partibus integralibus præcipuis. si autem de essentialibus; opinio soti est probabilior. aliz partes ad præparationem pertinent, vel gratiarum actionem. D. Tho. 3. p. q. 83. ar. 4.

Sextum dubium. An hoc sacrificium sit propitiatorium, an Eucharisticum. dictum est supra, dub. primo, in definitione.

Septimum dubium. Quomodo prodest missa, ex opere operato, an ex opere operantis. & ad quid prodest. Resp. primo, valor sacrificij est duplex; vnus ex parte ipsius sacrificij; alter ex parte offerentis sacrificium. vt quando quis offert munus amico, sunt duo; munus, & voluntas bona offerentis. sic etiam in missa est sacrificium, & charitas qua
quis

quis offert. valor oblationis, & sacrificij vocatur ex opere operato. Valor offerentis, ex opere operantis. Nunc dico, valorem missæ esse duplicem. Primo est valor ipsius sacrificij, qui est in communione, & consecratione. & est valor aliarum partium missæ. Si loquamur de valore sacrificij ex parte operantis, tantus est, quanta est devotio, & charitas offerentis. valor ex parte sacrificij, est magnus, sed finitus. magnus, quia offertur Christus. finitus, quia non offertur in proprijs speciebus. & ideo Christus ipse limitavit hunc valorem. Valet enim in quinque rebus, ut patet ex Concilio Trid. sess. 22. can. 3. Primo valet ad remissionem peccatorum; & hoc non poterat efficere totus mundus. Secundo, ad satisfactionem poenarum quæ debent esse in purgatorio, vel in hoc mundo pro peccatis commissis; nam dimissa culpa, remanet poena. Tertio, valet pro alijs necessitatibus temporalibus, ad expellendas infirmitates, ad calamitates temporales. & ad alias necessitates. Quarto, valet ad consequendam gratiam Dei, & dona spiritualia; nam propter sacrificium missæ Deus infundit ei qui dicit, & ei pro quo dicitur. Quinto, valet ad bona temporalia, ut velit scire aliquod, vel habere sanieatem. demum ad omnia iusta. Ex opere operato habet valorem in applicatione. probatur ex Trid. sess. 22. cap. 2. ubi dicitur oblationis cruentæ fructus per hanc vberimè percipiuntur. & est conueniens sententia; quia etiam si offeratur per malum ministrum, habet valorem; ut supra probatum est. Effectus autem, seu fructus sacrificij incruenti ex opere operante, & opere operato, præter supradictos, sunt hi: Primus remissio peccatorum. Secundus, impetratio gratiarum gratis datarum, & temporalium. Tertius, meritum gratiæ, & gloriæ. probatur ex identitate sacrificij huius cum cruento; nam hoc sacrificium incruentum est idem cum cruento quo ad rem oblatam, & offerentem; solum differt in modo. Trid. sess. 22. cap. 2. quia cruentum fuit oblatum à Christo immediate. & quia illud fuit cum dolore, hoc sine dolore. Sed illud sacrificium nobis quoad sufficientiam contulit (præter alia) hæc tria bona; ergo incruentum eadem nobis applicat. minor probatur de primo effectui Matt. 26. de tertio Ioan. 1. *Lex per Moysen data est; gratia, & gloria, per Iesum Christum.* de secundo Ioan. 3. *Quicquid petieritis patrem in nomine meo dabit vobis.*

Secundo

Secundo ex sacrificijs legalibus, quæ conferebant hæc tria bona. decet enim ut eadem faciat sacrificium Euangelicū. Trid. sess. 22. cap. 1. hæc hostia bona omnia per vetera sacrificia figurata perfecte complectitur. Chrysost. hom. 61. ad popul. August. l. 17. ciu. cap. 20. & in psal. 33. & l. 1. contra aduersarios leg. & Proph. cap. 18. & in Leuit. q. 57. Leo ser. de pass.

Octauum dubium. Quibus prodest hoc sacrificium. Resp. prodest generi duplici personarum, offerentibus, & ijs pro quibus offertur. offerentes sunt tres. in primo gradu, & immediato est Sacerdos ipse. in secundo sunt offerentes remoti; .i. totus populus Christianus. in tertio sunt qui nec remotè omnino, nec immediatè, sed sunt in medio gradu .i. qui aliquo modo conuenerunt ad missam; ut diaconus, subdiaconus, qui inseruiunt missæ, qui cantant in choro, qui audiunt sacrū, qui dedit eleemosynam pro missa, & qui petit à Sacerdote ut pro se celebraret. omnibus his prodest missa si sint in gratia, sed non equaliter; nam magis Sacerdoti, & minùs his qui sunt in medio gradu; adhuc minùs toti populo. Sacerdoti prodest ad gratiam, & illis qui in medio sunt gradu, & toti etiam populo Christiano, secundum Sor. in 4. d. 13. q. 2. ar. 1. Sed ego non ita credo; toti enim populo non prodest nisi ad satisfactionem pœnz. ad gratiam non nisi illis qui aliquo actu concurrunt. prodest etiam his, pro quibus offertur missa; qui sunt in duplici differentia; nam pro quibusdam celebratur missa ex intentione Ecclesiæ, quæ semper intendit effundere pro toto populo Christiano, Papa, principibus, &c. prodest etiam his pro quibus offertur ex intentione Sacerdotis. prodest etiā toti populo Christiano, non solum quatenus offert; sed etiam quatenus pro eo offertur. sed cum differentia, nam animabus purgatorij solum prodest ad satisfactionem pœnz; viuus autem si in gratia sunt, non solum ad satisfactionem pœnz, sed etiam ad gratiam; præsertim his pro quibus offertur. ex quo sequitur quòd missa habet amplum valorem ut possit sufficere tam multis. Deus enim non solum respicit in oblatione intentionem, & deuotionem sacrificantis, sed etiam rem ipsam oblata; quæ licèt ex se sit infinita, tamen in sacrificijs, & oblationibus non pensat Deus quid offeramus, sed quanta deuotione, & seruire charitatis offeramus. Vnde respexit Deus ad Abraham, & munera eius. Gen. 4. & Luc. 21. duo

duo erant minuta viduę, quę æstimantur pluris quàm thesauri diuitum, quia offerebantur maxima charitate.

Nonum dubium. Quomodo valet missa. Resp. tribus modis habet missa valorem. Primo per modum meriti. Secundo per modum satisfactionis. Tertio per modum impetrationis. primo per modum meriti, quia Christus meruit à patre suo vt hoc sacrificium daret gratiam, & remissionem peccati his qui offerunt, & pro quibus offertur; nam Christus meruit infinita. Secundo per modum satisfactionis valet pro pœna .i. qui debitor est pœnarum, per hoc sacrificium accipit partem remissionis earundem. Tertio per modum impetrationis; nam qui sacrificium offert, impetrat à Deo remissionem peccatorum .i. sacrificium ipsum in quo offertur Christus. & quando non impetramus ea quę petimus, impetramus meliora, licet nobis videatur incognitum.

Decimum dubium. An missa sit valoris infiniti. i. An si missa offeratur pro multis tantum valeat, ac si offeratur pro vno solo. Resp. sunt tres sententię. Prima est D. Tho. 3.p.q. 79. Scot. quodl. 20. ar. 2. Gabr. in can. lect. 26. & 27. Palud. d. 45. in 4.q. 2. Sylu. verb. missa. 1. §. 9. Nau. cap. 25. nu. 29. & est communis Canonistarum. quod sit finiti valoris, probatur à posteriori: Ecclesię consuetudo solet celebrare multas missas pro vno. Solet etiam aliquam missam applicare aliquibus sine peculiari fructu ad alios. Item solet quotidie repetere sacrificium incruentum. Sed ista tria, & plura huiusmodi stolidè fierent ab Ecclesiā si fructus incruenti esset infinitus, quia infinitus exhaurit omnes Ecclesię indigentias; imo vno sacrificio omnes homines qui sunt in mundo saltem infideles in gratia confirmarentur; quia confirmari in gratia est extinguere fomitem. Item conuertirentur omnes peccatores: quia certum est Theologis posse à Deo conferri tantam abundantiam gratiæ peccatori, vt liberè consentiant, & conuertantur. Imo sequeretur omnes homines esse pares in summa sanctitate; quia si esset infinitus fructus, cōpleret omnes in summo. Nunc probo à priori. Duplex est mensura valoris in hoc sacrificio. Vna ex offerentium deuotione sumitur, quę posset esse finita tam in minimo, quàm in tota Ecclesiā. Altera sumitur ex excellentia rei oblatę. Hęc autem mensura licet ex se sit infinita, tamen in sacrificijs, & oblationibus non pensat Deus
quid

quid offeramus, sed quanta deuotione, seruiore, & charitate. Ita Hierony. in Malach. cap. 1. ait; *Deus non aurum pensat, sed offerentium voluntates*. Idem Ambr. l. 2. de poenit. Vnde cum Christus in ara crucis sacrificauit seipsum; valor sacrificij fuit infinitus ex excellentia infinita offerentis. Vnde aiunt Theologi potuisse Christum minimo quoque labore nos redimere; quia ab eo offerebatur; voluit tamen Christus esse infinitum, quare perfectum ex parte offerentis, & rei oblatæ; tum ad maiorem charitatem, tum ad abundantiam valoris eius. Secunda opinio opposita quòd sit infiniti valoris quantum ad meritum, satisfactionem, & impetrationem; est Caiet. tom. 2. opus. 9. Melchior, Cani. l. 12. cap. 13. Petri Sot. tract. de Euchar. q. 3. Fundamentum est; quia hoc sacrificium idem est cum sacrificio Christi; ergo eius valor est infinitus. Tertia opinio est Soti qui licet l. 9. de iust. q. 2. ar. 2. aliter soluat; tamen in 4. d. 13. q. 2. ar. 1. copiosius tractans, dicit, quòd numerus offerentium non minuit valorem sacrificij. Secundo, quòd per maiorem eorum numerum nemo suo fructu fraudatur. Tertio, quòd quando offertur ex intentione Ecclesiæ prodest æqualiter. Sed quando ex intentione Sacerdotis, tunc est finiti valoris, & minus valet pro multis, quàm pro vno. Pro solutione nota primo, hoc sacrificium habere valorem per modum meriti, satisfactionis, & impetrationis, quæ inter se maximè differunt; vt dictum est supra dub. 9. Secundo oportet distinguere valorem ex opere operato, & ex opere operantis; vt dictum est supra dub. 7. Tertio, hoc sacrificium potest considerari vel ut offertur à Christo, vel à Ecclesia, vel à ministro. Nunc sit prima conc. Hoc sacrificiū per modum meriti nō valet nisi offerentibus secundum deuotionem ex opere operantis, & Sacerdotis suscipientis. alijs ex opere operato, vt patet ex supra dictis. Secunda conc. per modum impetrationis valet omnibus offerentibus, & ijs pro quibus offertur, & ita singulis, ac si pro vno solo offeratur. patet, quia hoc est propriū orationis, & operis oblatis ad impetrandum. & hoc est verum siue consideretur oblatio vt facta à Christo, siue ab Ecclesia, siue à quacunq; Tertia conc. hoc sacrificium ratione rei oblatæ, & oblationis vt sit à Christo, est infiniti valoris; ergo &c. Secundo, hoc sacrificium est idem cum sacrificio cruenti Christi; ergo vt illud est infiniti valoris. Quarta, quantum ad suf-

scientiam, .i. secundum id quod facit in omnibus, semper est finiti valoris; quia alioqui superaret sacrificium cruentum, quod nulli gratiam infinitam contulit. Quinta, hoc sacrificium quatenus offertur ab Ecclesia per ministrum est finiti valoris: quia habet valorem ex devotione Ecclesie quæ est finita. Hinc inferitur primo, quod valor sacrificij sic oblatus siue ab Ecclesia, siue à ministro, siue dividatur in multos, minus continget singulis, quàm si pro singulis offeratur. Sexta, hoc sacrificium habet valorem ex opere operato, quatenus offertur à ministro Christi, & non quatenus offertur à circumstantibus; nam est vna sola oblatio, & solus Sacerdos sacrificat; nō alij. Septima, hoc sacrificiū quatenus offertur à ministro ut est minister Christi, est finiti valoris, contra Caiet. probatur; quia hæc actio est finita; ergo habet finitum valorem. antec. probatur; quia hic offert se Christus non per actionem suam, sed per actionem ministri quæ est finita; ergo non potest esse infiniti valoris, Adde quod nobis non potest infinita virtus communicari. Hinc inferitur primo, quod idem valor est huius sacrificij ex opere operato, siue à multis, siue à sacerdote offeratur; totus enim valor pendet à Christo offerente. Secundo, valor ille ex opere operato cum sit finitus, si sint multi pro quibus offertur, eò minus singulis obtingit quàm si pro vno offeratur. Tertio, esse differentiam quatenus offertur à Sacerdote, & quatenus offertur ab alijs .s. circumstantibus; quia quarto modo est sacrificium. Secundo modo est tantum sacrificium spirituale, & metaphoricum, quemadmodum est oblatio orationis, & bonorum operum. Quarto, sequitur idem esse iudicium & de his pro quibus offertur ex intentione Sacerdotis, & Ecclesie: quia nimirum, minus valoris obtingit si sint multi, quàm si sint pauci. Dices, hoc sacrificium est idem cum sacrificio crucis, sed illud fuit infiniti valoris, ergo & hoc. Resp. esse idem quantum ad rem oblatam, non quantum ad modum, & oblationem: ibi enim obtulit se per se Christus; hic autem per Sacerdotem. actio autem Sacerdotis est finita. Sot. in 4. d. 11. q. 2. ar. 5. & d. 13. q. 2. ar. 1. Quid uero conc. valor huius sacrificij ex opere operato non minuitur ex hoc quod sint multi offerentes, vel pauci; quia unusquisque lucratur secundum suam devotionem; & sicut deuotio vnus nō minuit deuotionem alterius, ita nec fructus fructum.

Ex opere verò operantis ille tantum qui offert habet valorem. quòd si ille offerat pro alio illum fructum, ipse nihil participabit quantum ad satisfactionem, vt accidit in alijs operibus; vt si quis ieiunet pro alio. Nona conc. valor huius sacrificij ex opere operato, siue ex opere operantis diuiditur secundum veram sententiam Scoti supra citati in prima opinione communiter recepta, vt prima pars applicetur illis quorum fit mentio. in canone, non tamen æqualiter, sed vnicuiq; pro suo gradu, vt Papæ, Regibus, ministris, circumstantibus &c. altera pars est propria Sacerdotis, quam ei nemo adimere potest, etiam cum offert pro alijs; & hæc maior, & præcipua est pars. Loquor tamen semper quoad satisfactionem. & hanc communicant illis qui petunt pro se missas. & hæc cum sit finita si diuidatur in multos, minuitur singulis. Hinc sequitur

Vndecimum dubium. An Sacerdos accipiens eleemosynā ab vno pro missa, defraudet illum si applicet eandem missam pro alio offerente aliam eleemosynam. Resp. & suppono, aliud esse querere, an conferentes eleemosynā pro missa participant plus fructus quàm non offerentes; aliud verò querere, an ille pro quo offerente eleemosynam peculiariter applicatur missa, plus lucratur, quàm si vniuersaliter offeratur. Circa primum membrum, nullus catholicus negare potest quòd maiorem fructum lucratur offerens, quàm non offerens, cæteris paribus. Probatur; quia alioqui Ecclesia deciperet suos filios, qui ideo conferunt eleemosynas pro missis, quia putant maiores fructus collecturi, quàm si non offerrent. Circa secundum membrum est prima opinio Petri Soti, & Gersonis, qui docuerunt nihil referre ad fructum participandum eleemosynæ collate, si missæ offerantur per eo solo, an si vniuersaliter. Secunda opinio est communis, quam defendit Dominicus Sotus; quòd multum refert vt peculiariter offeratur missa. Tertia opinio est media, & est Sylu. qui distinguit dupliciter fieri applicationem sacrificij. Primo generaliter pro tota Ecclesia, & collatoribus eleemosynarum; & si ita fiat, minùs participat. Secundo, vt particulariter offeratur pro Petro, & hanc eandem pro Paulo qui obtulit eleemosynam. & sic de singulis. & si sic fiat, participant. Ego dico primo cum sacerdos dicit missam pro eleemosyna accepta ab vno, non sic

applicatur missa pro eo, quin etiam non profit alijs, quibus Ecclesia vult prodesse. Secundo dico, quod qui offert eleemosynam pro missa ut ipsi soli applicetur; ille acquirit quatuor fructus. primum, communem omnibus Ecclesie membris. secundum, participat ex opere operante suo, quia concurrat actu proprio ad sacrificium sustentando Sacerdotem sua eleemosyna. Tertium, habet opus operatum respondens suo actui proprio, quo concurrat ad sacrificium. Quartum, ex peculiari applicatione ministri. Dico tertio, ex his quatuor fructibus, tres primi non minuuntur multitudine eorum quibus applicatur sacrificium, & à quibus accipitur eleemosyna. Nec dubium est apud Theologos de duobus primis. remanet tertius, neq; de hoc est questio: & si Doctores in hac materia obscurè sunt loquuti, sunt exponendi in hanc sententiam. Solum est questio, utrum quartus fructus licitè minuatur. quare de re dico quarto; constat inter Theologos, in quatuor casibus licitè posse minui quartum fructum in collationibus eleemosynarum. Primus casus est, quando eleemosyna vnus non sufficit victui diurno Sacerdotis, posse accipi aliam eleemosynam ut suppletur victus; & hoc est certum; & defenditur à Melchione Cano; & addit, quod si quis acciperet eleemosynam pro victu diurno, quæ non sufficiat, malè facit qui dat, si vetet ne accipiat aliam. Secundus est, quando est consuetudo ut inter missarum solennia commendantur peculiariter eleemosynarum acceptiones. & ponitur iste casus à Caiet. qui addit, quod isti homines qui offerunt eleemosynam, tam singuli lucrantur, ac si offerrent ipsi soli eleemosynam. Tertius est, si alicuius Ecclesie consuetudo est, ut anniuersarijs missis pro quibus sunt relictæ eleemosynæ, adiungatur aliud legatum pium; & ille qui offert eleemosynam pro missa, scit istam consuetudinem, & non excipit, tunc hoc ipso quod scit consuetudinem & non excipitur, videtur consentire. Quartus est, si Sacerdos quando accipit eleemosynam ab vno pro missa, disertis verbis protestatur se solere accipere plures eleemosynas, tunc non debet defraudari. Hoc dico cum Gersono, & Gabr. Quintus casus est dubius. i. si ego accipio eleemosynam vno pro missa, qui vult totam missam sibi offerri, alioquin turus, An licitè possit priuari parte quarti fructus. Resp. citè hoc posse fieri. Primo potest fieri contra charitatem,

tem, & contra iustitiam; cum collator eleemosynæ expressè cum eo pactum fuerit. Secundo modo fit saltem contra charitatem, cum deest pactum, sed non deest scandalum, ut frequenter est. Tertio modo cum non sit pactum, tunc dico probabiliter cum Caiet. Petro Sot. & Gerſ. nullum fieri peccatum si pro vna missa plures accipiantur eleemosynæ. & moueor primo, quia cum tres priores fructus satis sint magni, & cum de quarto fructu semper habeatur particula maior, videtur rationabiliter posse esse contentus ista oblatione. Secundo, quia sunt aliquæ Ecclesiæ quæ id usurpant. & in primis hoc facit Ecclesia Lauretana, quas vituperare molestum est. Nec valet quod aliqui dicunt, Episcopos aliquos dispensare ut de thesauro Ecclesiæ supplere possit. Esto, tamen certum est, indulgentias non valere ad omnem fructum ad quem valet sacrificium. Dices primo, ex Scot. quia in religione Dominicana est statutum ne pro vna missa accipiantur multæ eleemosynæ. Resp. sanctissime ita statuisse; tum quia est tutius; tum quia est decentius, & maioris perfectionis; tum ad remouenda scandala; tum etiam id facit ad inuitandos fideles ut offerant eleemosynas. Dices secundo, sequeretur non plus acquirere de fructu missæ offerentem, quàm audientem; nam primi tres sunt communes audientibus. dices; habent partem quarti. id non sufficit; nam peculiaris applicatio fit pro circumstantibus. Resp. cum Petro Sot. qui dicit, vel audientis missam, vel offerentis est par deuotio, vel impar; si primo probabile est quòd offerens eleemosynam plus participet de satisfactione. si secundo, quòd offerens habet paruam deuotionem, in tali casu non est absurdum dicere participare plus illum qui habet magnam deuotionem. Imo (ut ait) est melius cum fide, & deuotione altare sacrificio, quàm multas eleemosynas offerre indeuotè.

Duodecimum dubium. Pro quibus fit offerendum sacrificium missæ; nam inter homines alij sunt mortui; alij viuentes; & mortuorū alij sunt dānati, alij beati, alij in purgatorio. Resp. & dico primo, hoc sacrificium potest offerri pro beatis. nam sancti patres dicunt quòd vna pars hostiæ cum diuiditur significat Ecclesiam triumphantem pro qua offertur. Item, quia Ecclesia in orationibus id ostendit offerendo pro sanctis. Pro intelligentia nota, quòd quando hoc sacrificium offertur pro

pro sanctis, sit in gratiarum actionem; congaudemus enim cum sanctis de eorum felicitate; & gratias agimus Deo, de beneficijs quæ in sanctis contulit; & animos nostros erga sanctos contestamur. Præterea in eodem sacrificio oramus sanctos ut intercedant pro nobis ad Deum. August. l. 8. ciu. cap. 26. & 27. Cypr. l. 4. ep. 5. Secundo nota, quod sacrificium prodest sanctis ad gaudium accidentale, non ad essenziale; hoc enim augetur per propria merita, ipsi verò nō possunt amplius mereri. Dico secundo, hoc sacrificium non debet offerri pro damnatis; & qui offerret, peccat mortaliter, & illis nihil prodest. Prima pars patet ex canone missæ, & orationibus Ecclesiæ, quæ non sunt pro damnatis. tum quia illi sunt incapaces huius sacrificij, quia sunt extra Ecclesiam, ergo non est pro illis offerendum. Secunda pars quod nihil proficit, probatur; quia sunt in termino, & extra actum merendi, nec sunt capaces meriti; quia nostra Ecclesia nullam habet coniunctionem cum illis. August. l. 21. ciu. cap. 24. Magist. in 4. d. 45. Dico tertio, hoc sacrificium est offerendum pro animabus purgatorij. patet ex vsu Ecclesiæ. can. sufficit. de consecr. d. 1. cap. cum Martha. de celebr. miss. Trid. sess. 22. cap. 2. & omnes patres. August. in enchir. cap. 109. 111. Greg. l. 4. dial. cap. 35. Nota primo, quod missa prodest defunctis & ratione sacrificij, & ex opere operantis ratione ipsarum orationum Ecclesiæ; & sic missa de requie plus valet pro animabus purgatorij, quā aliæ, ratione orationum; quia in hac missa sunt applicatæ defunctis, quā in alijs missis. & hoc fit ex intentione Ecclesiæ, ut animus sic magis excitetur. Grabr. lect. 57. in canone. Tab. verb. missa. q. 52. Secundo nota, quod sacrificium, & dictæ orationes valent dupliciter pro defunctis, per modum iustitiæ, & per modum suffragij. per modū iustitiæ, ex duplici capite: primo propter communionem sanctorum; illæ enim animæ habent communionem nobiscum, sumus enim cum illis vnum corpus. Vnde sicut pro viuis valet de iustitia, ita & pro illis. Secundo propter intentionem operantis. Ut enim apud homines requirit iustitia ut satisfactio vnus facta pro alio valeat; ita eadem iustitia requirit ut opera quæ sunt pro animabus purgatorij, proficiant illis. Deinde quod valeant per modum suffragij, patet; nam si pro alijs orare possumus, cur non etiam pro animabus purgatorij? hinc fit ut anima de purgatorio suffra-

gijs liberari possit. Tercio nota, inter omnia suffragia quæ offerri possunt pro animabus, hoc est vnum præstantissimum, vt docent August. & Greg. supra cit. quia hoc sacrificium valet ex opere operato, & ex opere operantis. & est opus præstantissimum omnium quæ Deo offerri possunt. Quarto dico, hoc sacrificium offerri potest, & debet pro Christianis viujs siue sint iusti, siue peccatores; & omnibus prodest. probatur ex canone missæ. ratio est; quia est sacrificium Ecclesiæ. Videndus est Augustinus in epist. ad Paulinum. nam alio modo prodest iustis, quàm peccatoribus; iustis per modum meriti, & operis operati & operantis. peccatoribus valet tantum per modum impetrationis, & ad obtinendam gratiam contritionis de congruo. Dico quinto, hoc sacrificium pro hæreticis, infidelibus, & excommunicatis non debet, nec potest offerri à ministro vt gerit personam Christi, nec vt gerit personam Ecclesiæ. vt patet ex vsu Ecclesiæ, quæ non orat pro his in canone. Deinde, quia cùm sint præcisi ab Ecclesia, non fruuntur suffragijs ipsius. August. in epist. ad Renatum D. Tho. 3, p. q. 79. ar. 3. ad 1. & quodlib. 11. q. 8. ar. 9. Sor. d. 12. q. 1. ar. 4. Sylu. verb. missa. 1. q. 8. Obijcies, multi viri pij solent offerre missas pro conuersione infidelium, & hæreticorum. Resp. 1. quod potest sacerdos pro his offerre priuatas orationes, non autem Ecclesiæ. Secundo, propriam satisfactionem, & fructum quem accipiet ex sacrificio, non tamen id potest offerre in in persona Christi, vel Ecclesiæ; quia est illi prohibitum. Adde quod Nan. cap. 27. nu. 36. dicit, posse applicari excommunicato totum opus orandi, & applicandi missam. Videndus est Sylu. verb. missa 1. q. 8. Tab. missa. 1. §. 1. D. Tho. & alios. Dices, cur ego Ecclesia pro illis orat in die parasceues. Resp. cum soto supra. q. 1. ar. 1. Ecclesiam eo die cùm illis dispensare. Dices, An in memento missæ liceat pro illis orare? Resp. Sylu. excommunic. 1. §. 2. posse. quia id pertinet ad sacerdotem ut est priuata persona. Sotus illam opinionem putat esse probabilem, sed tutius putat abstinere. quia Tho. dicit, inter orationes publicas non esse pro excommunicatis orandum, qui tamen hoc faceret, non esset reprehendendus. Sexto dico, sacerdos debet (quantum fieri potest) vt in ipso sacrificio, vel ante dirigat, & offerat sacrificium spiritualiter pro singulis personis pro quibus vult offerre. Gabr. lect. 35. in can. missæ. & pa-

ter ex communi vsu, & rubrica missalis; nam nisi fiat applicatio, qui missam petijt frustraretur suo intentu; nam oratio simpliciter facta pro omnibus valet solum ad impetrandum secundum intentionem vniuersalem Ecclesiæ. pro particulari autem est particulariter applicanda.

Decimumtertium dubium. Quo tempore missa sit celebranda. Resp. sacrificium altaris regulariter quotidie offerri debet in Ecclesia. probatur ex can. iteratur. can. vtrum. can. iste. de consecr. d. 2. & ex cap. dolentes. de celebr. miss. deniq; ex vsu Ecclesiæ, & communi sententia. Dixi regulariter, propter sextam feriam parasceux in qua non celebratur hoc sacrificium. rationes affert D. Tho. 3. p. q. 83. ar. 2. ad 2. & qui in illo die sacrificaret, peccaret mortaliter. ex can. sabbato. de consecr. d. 3. Sor. in 4. d. 13. q. 2. ar. 2. Sed an sabbato sancto liceat celebrare? Resp. olim celebrabant nocte. nunc autem contrarium vsu obtinuit. Imo si quis priuatus Sacerdos priuatim celebraret missam præter principalem quæ dicenda est in Ecclesia, non peccaret mortaliter, vt tenet Sor. in 4. d. 13. q. 2. De feria quinta, nullum est dubium. fesse licitum celebrare. licet sit vsus in quibusdam Ecclesijs vt vna sola dicatur missa. Sor. ibid. & licet sit convenientissimum vt aliqui semper adsint qui communicent, non idcirco est abroganda illa missa, sed probanda; quia est verum sacrificium sicut & ceteræ; ex Concilio Trid. sess. 22. cap. 2. & 8. de sacrif. missæ. Secundo dico, regulariter nemo potest celebrare nisi semel in die. can. sufficit. de consecr. d. 1. & can. consulisti. de celebr. miss. Dixi (regulariter,) quia in die Natalis Domini licet dicere tres missas. can. nocte. de consecr. d. 1. rationes affert D. Tho. 3. p. q. 83. ar. 2. ad 2. Secundo excipitur qui habet duas parochias ob Ecclesiæ necessitatem. & in his casibus debet Sacerdos esse ieiunus non sumendo purificationem. alij autem sunt casus quos refert Nau. cap. 25. nu. 87. & Sylu. verb. missa. §. 7. iam non sunt in vsu, nec liceret sine licentia Papæ, vel Episcopi. nec ob vllam necessitatem pluries celebrare. vt cum Palud. docet Sor. in 4. d. 13. q. 2. ar. 2. ar. ad 2. qui autem in alijs quàm in dictis casibus pluries celebraret in die, peccaret mortaliter. Sor. ibid. Tertio dico quòd ab initio auroræ vsq; ad meridiem est tempus celebrandi præscriptum ab Ecclesia. & ante auroram non celebret sine peccato mortali. Est communis opinio. nisi Epi-

scopus

scopus, vel pontifex dispenseret; vel aliqua maxima incumbat necessitas. can. in nocte sancta. de consecr. d. 1. Nau. cap. 25. nu. 85. Licet tamen in vno casu accelerare tempus propter necessitatem alicuius, quando non est sacramentum, reservatum, tunc cum licentia superioris, vel Episcopi potest. Anton. 3. p. tit. 13. cap. 6. q. 4. Imo si abest superior, vel Episcopus, potest etiam sine licentia. Nau. cap. 25. nu. 85. Post meridiem verò celebrare, Sylu. verb. missa. 1. q. 6. Sor. supra cit. ad 4. dicunt non esse peccatum mortale, quia olim vsq; ad nonam licebat. D. Tho. 3. p. q. 83. ar. 2. ad 2. nunc autem videtur esse peccatum mortale, tum ob consuetudinem; tum etiam quia Pius V. in quodam breui praecepit vt nemo ante auroram, vel post meridiem celebret; qui habet privilegium, potest. Itaq; post meridiem non licet inchoare sacrum, Ioan. Andr. cap. 5. de celebr. Si autem continuetur post meridiem, non refert. Vnde excusantur qui cantant missam, & in medio missae habetur cōcio, quae probabiliter vsq; ad meridiem durat. Hi possunt perficere missam etiam si sit hora valde tarda. Nau. cap. 25. nu. 85. dicit quòd possit incipi vna hora post meridiem, quia non est canon in contrarium. Sed ego non credo; quia consuetudo est in contrarium, & obstat breue Pij V. citatum.

Decimumquartum dubium. An sit peccatum mortale celebrare ante dictas horas matutinas. Resp. communis opinio affirmat. Sed ego non credo esse mortale, cum Sylu. verb. missa. 1. §. 6. & Sor. in 4. d. 13. q. 2. ar. 2. & l. 10. de iust. q. 5. quia nulla est connexio necessaria, & consuetudo opposita nō obligat ad mortale. tamen ex hoc debemus elicere, vt non sine vlla causa id faciamus. quando autem est causa rationabilis, possumus facere iuxta sententiam duorum doctorum. Causa rationabilis esset, si Episcopus aut Cardinalis vult audire missam, & sacerdos non recitauit; quia non est textus in contrarium. omittere autem primam non est mortale, neq; veniale, nisi in missa solenni.

Decimumquintum dubium. Quo in loco sit celebranda missa. Resp. non licet extra Ecclesiam ab Episcopo consecratam missam celebrare. can. missarum. de consecr. d. 1. Vnde conueniens erat vt ad celebrandum missae sacrificium loca sacra consecrarentur. & ita Apostoli seruauerunt. can. 10. Apost. & patet ex vsu Ecclesiae, & patrum, & concili. Trid. sess.

22. in decreto de obseru. in celebr. miss. quamuis iam vsus obtinuerit nunc, vt non sit necessaria consecratio, nisi benedictio Episcopalis. Vnde sequitur quòd si quis celebraret in loco profano, regulariter peccaret mortaliter. Licebat tamen in duobus casibus celebrare extra Ecclesiam. cap. concedimus. de consecr. d. 1. Primo, quando Ecclesiæ sunt destructæ, aut exustæ. Secundo, quando aliqui faciunt iter, & sunt extra ciuitatem, licet in territorio, & sub diu celebrare. Conc. Trid. sess. 22. c. de obseruandis, & euitand. &c. abstulit ius antiquum in hac exceptione, & præcepit ne extra Ecclesiam, vel extra oratoria ab ordinario designata, aut visitata liceat celebrare. In duobus etiam casibus licitum est celebrare in locis profanis: Primo ex licentia Episcopi, vel ex privilegio. Secundo, cum est maxima necessitas. can. clerico. de consecr. d. 1. & can. missa. ibid. vt in bello &c. debet esse tamen locus honestus. Sylu. verb. missa. 1. §. 5. D. Tho. 3. p. q. 83. ar. 3. ad 1. Secundo locus debet esse securus. i. talis vt non sit periculum subuersionis, vt est in mari, vel in flumine, nec in portu. Anton. 3. p. tit. 23. cap. 6. §. 4. Tertio, non debet esse interdictus, quando enim esset interdictus, celebrans peccaret mortaliter, & fieret irregularis. cap. 15. cui. de sent. excomm. in 6. Sylu. verb. interdicti 5. §. 6. Nau. cap. 27. nu. 256. & cap. 25. nu. 83. Quarto non debet esse pollutus. polluitur autem Ecclesia effusione sanguinis iniuriola, & per seminis humani effusionem, quando ista crimina sunt notoria apud multos; quia si apud paucos peruenit notitia, non est polluta. etiam multis alijs de causis polluitur Ecclesia, sed non incurritur irregularitas. cap. 15. qui. de sent. excomm. Sicut qui celebrat scienter coram excommunicato, peccat mortaliter, sed non incurrit irregularitatem. Idem. intellige quacunque alia de causa sit polluta, vt tenet Scot. & Palud. in 4. d. 16. q. 3. potest tamen de licentia Episcopi in Ecclesia polluta celebrari. D. Tho. 3. p. q. 83. ar. 3. ad 2. ex qua resolutione excusantur multi germani, qui celebrant in Ecclesia vbi sepulti sunt hæretici; quia Episcopi vident, & dissimulant; vnde consentire videntur. quòd si clerici in Ecclesia polluta id ignorantes celebrent, vel diuina officia absoluant, non egent alia benedictione.

Decimum sextum dubium. An sit celebrandum in altari. Resp. affirmatiue; semper enim altaria erecta fuere in Eccle-

fit ad sacrificandum. Christus enim meminit altaris, Matth. 5. *Si offers munus tuum ad altare.* & 23. d. 2. can. 3. Apostolorum. & can. altaria. de consecr. d. 1. & ex usu Ecclesie. Ara verò has debet habere conditiones: sit lapidea, non lignea, vel terrea, ut instituit Sylueller Papa can. altaria. il. 1. de consecr. d. 1. quia significat crucem in qua iacuit Christus qui est lapis fundamenti Ecclesie. Sit consecrata. can. nullus. il. 1. can. altaria. il. 2. & can. omnes. de consecr. d. 1. aliter sine consecratione esset peccatum mortale. Hinc sequitur esse honoranda quia sunt consecrata; unde Concil. Toler. 12. vocat diuina. & habetur can. relatum. de consecr. d. 2. & ex Dionys. cap. 3. de Eccles. hierar. Olim autem non consecrabantur sine reliquijs, ex can. placuit. de consecr. d. 1. quod aliqui dicunt esse necessarium. oppositum tamen defendit Sot. in 4. d. 13. q. 2. ar. 3. & alij. Sylu. verb. altare. q. 4. Sit integra, non fracta. quando enim est notabilis fractura, est peccatum mortale in illa celebrare. Sit deniq; capax, nam si non capiat corpus cum calice, aut maiore parte calicis, non est bona ara. Vnde grauissimum. peccatum est celebrare sine ara, vel in altare nõ sacro. ex can. concedimus. de consecr. d. 1. quibus verò de causis excretur altare, videndus est Sylu. verb. altare. q. 8. Angel. verb. missa. §. 36. Dices, an liceat celebrare in altare portatili. Resp. licet Episcopis in itinere. & illis quibus concesserint. cap. quoniam de priuileg. in 6. etiam illis qui habent priuilegium, ut fratribus ordinum minorum. cap. in ijs. extra. de priuileg. Quibus autem modis construatur huiusmodi altare, Angel. & alij vebr. altare videndi sunt.

Decimumseptimum dubium. An liceat Sacerdoti sacrum facere sine vestibus sacris, & cultui diuino dicatis? Resp. qui scienter omitteret, peccaret mortaliter. Anton. 3. p. tit. 13. cap. 6. §. 6. Nau. cap. 27. nu. 84. Angel. verb. missa. §. 36. dixi *Scienter*; nam si ex obliuione omitteret stolam, vel manipulum &c. non esset peccatum mortale; Angel. ibid. Sot. in 4. d. 13. q. 2. ar. vbi omnium significationem assignat. & nos infra, dubio 19.

Decimooctauum dubium. Quid significant ceremonie missæ. Resp. dictum est supra, dub. 4.

Decimumnonum dubium. Quæ sint sacræ vestes in sacrificio altaris. & quid significant. Resp. vestes sunt sex, propter

lenarij numeri perfectionem: Sexta enim *stabe* Deus redemit mundum. Vestes sunt hæc *Amictus*, *Alba*, *cingulum*, *manipulus*, *Stola*, & *planeta*, seu *tasula*. Hæ vestes singulæ habent duas significationes, vñā in ordine ad Christum quem representant; significant enim venisse in carne; alterā in ordine ad mores; vt significetur qualis debeat esse verè Sacerdos. *Amictus*, significat velum illud quod apposuerunt Iudæi ante oculos Domini. Item, fidē qua debet se præparare Sacerdos ad celebrandum. debet enim claudere oculos. Huic amictui solet apponi quoddam additamentū, vt significet sp̃s æternorum bonorum, qua debet se munire Sacerdos in calamitatibus huius mundi. amictus cadit super humerum, ad denotandum fortitudinem ad diuinum officium; & habet cordas in modum crucis in pectore, ad denotandam rectam intencionem, quam debet habere in omni opere. *Alba* est vestis talaris longa, valdē, & larga, ex lino: significat vestem albam qua fuit indutus Christus ab Herode in significationem amentie. erat longa, vt non posset ambulare, sed caderet, & irrideretur. Item illa longitudo significat vniversalem iusticiam Sacerdotis. i. in omni opere suo debet esse iustus, & rectus. *Largitas* significat amplitudinem operum, & charitatis erga alios. *albedo* significat innocentiam Sacerdotis. debet esse ex lino, quod fit ex herbis; ad denotandam fortitudinem, & viriditatem, & amœnitatem operum Sacerdotis. *Cingulum* significat ligamen quo Christus fuit ligatus in horreo; item castitatem Sacerdotis. & cingulum pontificis debet habere duos funiculos ad partem dexteram; ad significandum quod castitas non acquiritur nisi per ieiunium, & orationem. *Manipulus* in sinistra parte significat secundum ligamen Christi quo fuit ligatus in columna. Ponitur lēna parte, ad significandum nimium amorem quo Christus pro nobis passus est; nam cor inclinat ad suam partem. & Sacerdos quando apponit sibi manipulum debet respondere eodē amore. Item quoad mores significat pœnitentiam. & ponitur in sinistra parte, ad denotandum quod pœnitentia est in hoc mundo, & extra hunc mundum non est pœnitentia, nec in cœlo, nec in Inferno, nec in purgatorio: in duobus vltimis. n. est pœna, non pœnitentia, quæ est in via vt fit meritoria: in purgatorio est taneum satisfactoria &c. *Stola* significat tertium ligamen Christi, quando fuit liga-

tus in cruce. quoad mortis significat iugum legis Evangelicę: debet enim Sacerdos esse nimis instructus in lege Evangelica quantum ad intelligentiam, & obseruantiam. Stola autem Sacerdotis vtrunq; humerum comprehendit; quia lex Domini faciendā est in paciencia, & obseruantia. & est longa vsq; ad pedes, quia est necessaria perseuerantia vsq; ad finem. *Casula seu planeta.* Primo significat vestem purpuream quia fuit indutus dominus in domo Pilati. Secundo, significat charitatem: & propterea iungitur cum amictu; quia fides est coniungenda cum charitate. habet partem anteriorem strictam, & curtam; posteriorem longam, & latam; quia charitas habet duos oculos. i. ad Deum, & proximum. Item, pars anterior significat statum legis ante aduentum Christi. posterior, statum Euangelij. illi autem habebant magnam inopiam gratiæ, & remedij pro peccatis, & habebant paruam cognitionem Dei. vnum est proprium Pontificis. Omnes Sacerdotes prius apponunt manipulum, postea casulam. Pontifex vltimo loco apponit manipulum; quia nullus Sacerdos peruenit ad charitatem, nisi mediante pœnitentia; ideo postremo loco sumit manipulum. Hęc de vestibus Sacerdotis. Super sunt altare, de quo supra diximus in dub. 16. Sed altaris nomine intelliguntur hæc omnia; Ara; mappa; calix cum patena, liber, & candelæ accensæ. de Ara seu altare supra dictum est. Mappa debet esse duplex, aut vna duplicata: Corporalia debent esse ex lino, non ex serico; quia significant sindonem, in qua fuit inuolutus Christus Dominus. Calix debet esse ex auro, argento, aut stamno. qui consecraret in vase ligneo, peccaret mortaliter. cap. 1. de celebr. miss. & est pœna depositionis. Liber, idest missale, in quo saltem sit canon missæ. Candelæ saltem vna; & debet esse ex cera. posset tamen fieri ex oleo. minister sit saltem vnus qui interuiat &c.

Vigesimalis dubium. An hæc omnia indumenta debeant esse necessariò benedicta. Resp. debent esse benedicta ab Episcopo, vel Abbate, vel alio habente tale priuilegium. Non est autem necessarium vt camisea. i. superpellicium sit benedictum, vel mappa altaris, quæ altare cooperitur, super quam immediatè extenditur corporale. nam in necessitate possunt adhiberi tobales laicorum, quibus deinde ipsi vti possunt; quia nō essent ex eo deputatæ cultui diuino. nec pallium altaris. Sylb.

verb.

Nicephorum l. 10. hist. cap. 29. quare non licet ei uti in usum profanum, ut habetur can. 72. Apost. Dices, quando execratur. Resp. tunc amittunt consecrationem, cum desinunt esse. tunc verò dicuntur mutare esse, dum franguntur, vel mutant formam. Item quando calix est ita fractus, ut Schiphus à pede totus separetur, ut quando iunctura est tornatilis, tunc facta separatione partium omittit consecrationem secundum Armill. Tab. Sylu. verb. calix. qui addunt quòd deauratio calicis argentei, vel stamnei si cadat propter usum, non est quòd consecretur. Angel. supra §. 2. An verò excretur calix per aliquos ictus datos à fabro ut sit communiter, nullo iure probatur, ut notant Tab. & Armil. supra cit. §. 4. Dices deniq; quid habent sacra vasa, & templum ex consecratione. Resp. hoc habent, quòd Deus velut quodam pacto concurrit cum rebus sacris ad excitandam deuotionem. Vnde 3. Reg. 6. petijt Dauid, ut Deus particulariter assisteret templo, & orationibus hominum.

Vigesimum secundum dubium. An liceat celebrare sine lumine. Resp. non licere. Imo esse peccatum mortale, ut ait Sot. in 4. d. 13. q. 2. ar. 4. probatur ex cap. fin. de celebr. miss. & can. 4. Apost. & ex usu Ecclesie. Imo Clemens ep. 1. dicit id docuisse Petrum. Item ex Concil. Tolet. iij. cap. 8. ubi fit mentio cerei paschalis. & ex Trid. sess. 22. cap. 3. de celebr. miss. Est tamen notandum, quòd quamuis Ecclesie usus sit ut lumen candelarum adhibeatur, id tamen non est necesse; quia canones lumen, seu ignem dicunt esse adhibendum; non cereas candelas. Idem aiunt Doctores.

Vigesimum tertium dubium. An liceat sacerdoti soli celebrare sine assistantibus. Resp. non licere. sed debere saltem, vnum altare; qui nomine populi respondeat. can. illud. 7. q. 1. & cap. proposuit de filijs presbyter. cap. hoc autem. de cōsecr. d. 1. ubi præcipit ut sint duo. sed iam consuetudo obtinuit ut sufficiat vnus. Hic autem fit masculus, non femina. cap. 1. de cohabit. cleric. & mulier. Episcopus autem non nisi presente diacono celebrare potest, nisi necessitas cogat. can. diaconi. d. 83. Angel. missa. §. 83. Dices, an Sacerdos capite discooperato celebrare debeat. Resp. affirmatiuè. can. nullus. de consecr. d. 2. Sed Angel. verb. missa. §. 8. & Tab. eod. q. 17. excipiunt casum necessitatis. Nunc propter rubricam noui missalis ritus

tius est petere dispensationem ab Episcopo .

Vigesimumquartum dubium . Quis fuit auctor missæ. Resp. præter ea quæ dicta sunt supra dub. 3. nunc tantum dicendum est, essentialia missæ fuisse à Christo Domino instituta, i. consecrationem, oblationem, & consumationem. quibus aliqui addunt fractionem. reliqua instituerunt partim Apostoli, partim alij patres, & Pontifices . D. Tho. 3. p. q. 83. ar. 4. Sor. in 4. d. 13. q. 2. ar. 4. & 5.

Vigesimumquintum dubium . Circa defectus missæ quid agendum, si animaduertat Sacerdos non posuisse vinum in calice, idq. post hostiam sumptam. Resp. prima opinio est D. Tho. 3. p. q. 84. ar. 6. quod debeat Sacerdos aliam hostiam apponere simul cum vino consecrandam. & incipiendo à versu : *Qui pridie &c.* consecrare sub vtraq; specie, & missam vsq; ad finem prosequi. Secunda opinio est Scoti in 4. d. 8. q. 1. qui dicit quod in hoc casu Sacerdos debet accedere ad cornu altaris quasi ablutionem accepturus, & sumpto vino, & aqua, vel solo vino cum aqua quæ remansit in calice, redire ad medium altaris, & ibi consecrare, incipiendo ab illis verbis ; *Simili modo &c.* prosequendo vsq; ad illa ; *Vnde & memores* ; alijs prætermisissis, ne populus propter moram intelligat errorem : & sic sanguinem Christi cum reuerentia percipere & purificationem, & prosequi vsq; ad finem. eandem sententiam tenet Angelus verb. missa. §. 14. Nau. cap. 25. nu. 91. Ego verò cum Sor. in. 4. d. 13. q. 2. ar. 6. puto distinguendum. si enim timeretur scandalum, sequenda est opinio Scoti. sin minus, opinio D. Thomæ. & nota quod in opinione D. Thomæ, esset iterum consecrandum sub vtraq; specie ; sed secundum Scotum, solum sanguinem. Dices, an qui ex ignorantia, vel perturbatione in hoc casu omitteret consecrationem sanguinis, peccaret mortaliter ? Resp. negatiuè, vt cum Adriano tenet Nau. cap. 25. nu. 81. Dices, an in hoc casu facienda esset ablutio materiæ quæ denuò sumitur consecranda. Resp. secundum opinionem D. Thomæ, & rubricam missalis, esse faciendam ; sed secundum opinionem Scoti, non esse necessarium. De reliquis defectibus in missa occurrentibus, videndæ sunt rubricæ missalis. D. Thomas, & Scotus supra citati.

De Ministro. Cap. IX.



Primum dubium. Ad quem spectat consecratio Eucharistiae. Resp. Ad solum Sacerdotem pertinet. & est de fide. cap. firmiter. de summa Trinit. Concil. Flor. & Trid. sess. 23. cap. 1. & can. 7. de Sacramento ordina. & est communis omnium. D. Tho. 3. p. q. 82. ar. 1. Sot. in 4. d. 13. q. 1. ar. 1. Victor. q. 38.

Vig enim consecrandi est tradita in ordinatione, sine qua non fit consecratio.

Secundum dubium. An plures Sacerdotes possint vnam, & eandem hostiam consecrare. Resp. affirmatiue cum D. Tho. 3. p. q. 82. ar. 2. & id faciunt Sacerdotes quando ordinantur, qui non debent habere intentionem consecrandi, vel non, sed faciendi quod Episcopus, vel Ecclesia vult ut faciant. Vel car. diu. proferant, ut Episcopus sit primus. Sot. supr.

Tertium dubium. An dispensatio Eucharistiae pertineat ad proprium Sacerdotem. Resp. primo, esse de fide pertinere, ad solos Sacerdotes tanquam ex officio. can. perueniat. de consecr. & conueniunt omnes. D. Tho. 3. p. q. 82. ar. 3. Sot. in 4. d. 13. q. 1. ar. 3. Sylu. Eucharistia 3. q. 4. Victor. q. 89. sciunt Sacerdotes in Christi persona consecrare, & sic etiam ministrare, ut ille fecit. Secundo, tempore quo populi communicabant sub utraq; specie, diaconi ministrabant sanguinem, non tamen corpus Domini. Idq; ex officio, ut probant doctores, & Ambr. l. 1. offic. cap. 41. Tertio, Diaconi de licentia Episcopi, vel presbyteri possunt in necessitate siue absentibus, siue praesentibus ipsis dispensare etiam corpus Domini, ut definitur cap. diaconi. can. non oportet diaconos. can. praesente. 15. q. 5. Concil. Nicen. cap. 14. Carthag. iij. cap. 38. D. Thom. 3. p. ar. 5. ad 1. Alenf. 4. p. q. 50. m. 3. Caiet. verb. communio. cap. 2. Victor. q. 89. & alij. Quarto, urgente necessitate extrema si Episcopus, & Sacerdos absint, posset diaconus absq; alia commissione ministrare corpus Domini, D. Tho. in 4. d. 13. q. 1. ar. 3. q. 2. Alenf. 4. p. q. 56. m. 3. Palud. in 4. d. 13. q. 1. ar. 4. Concil. 3. Dur.

Ibid. q. 4. Sylu. Eucharistia 3. q. 4. & verb. Diaconus. q. 2. §. 2. Victor. q. 89. Sor. d. 13. q. 1. ar. 3. qui etiam addit quod presente sacerdote, & nolente dare infirmo communionem in extremis, neq; licentiam diacono illam ministrandi ob malitiam, vel odium &c. potest in hoc casu diaconus ministrare. hoc intellige, si potest sine scandalo. Quinto, quod Diaconus in nullo casu etiam de licentia presbyteri potest hoc Sacramentum ministrare. Est conueniens sententia, quia non est minister sacerdotis, sed diaconi, vt nomen indicat. quare neq; sanguinem posset ministrare. Sor. supracit. Sexto, Laico multo minus licet Eucharistiam ministrare, nec etiam in extrema necessitate, quamuis multi contra sentiant, quos refert Sylu. verb. Eucharistia. 3. §. 4. est enim expresse prohibitum in can. peruenit. 15. q. 2. & contra communem sententiam. Sor. sup. & Alenf. Septimo, in casu necessitatis non est peccatum laico tangere Eucharistiam, vt eam luto eripiat &c. D. Tho. in. 4. d. 23. cit. Dices, an Sacerdos extra missam possit in necessitate seipsum communicare? Resp. posse. ex Innoc. & Panorm. cap. quoniam. de consuetudine.

Quartum dubium. An liceat cuiq; sacerdoti etiam simpliciter Eucharistiam indifferenter populo ministrare. Resp. primo, quod cum sit actus iurisdictionis, non licet nisi habentibus curam animarum communicare suos subditos. Excipiuntur hi qui habent licentiam tacitam, vel expressam a superiore, vel ex privilegio. Probat ex Concilio Carthag. cap. 2. & cap. omnis vtriusq; sexus. de poenit. & remiss. & est communis sententia. quare qui ab alio sumeret, peccaret. Nau. cap. 21. num. 52. etiam si extra pascha, vel in articulo mortis. Caiet. verb. communio. cap. 2. Sor. sup. cit. & alij. Secundo, si Sacerdos qui communicaret esset religiosus, incideret in excommunicationem. can. 1. de privileg. Nau. cap. 27. num. 101. Anton. 3. p. tit. 24. cap. 54. Angel. verb. excommunic. 5. casu 12. Sylu. excommunic. 7. §. 14. Caiet. excommunic. cap. 64. nunc autem multi sunt privilegiati, vt notat Nau. cap. 21. num. 52. Tertio, simplex Sacerdos qui ministraret extra tempus paschale Eucharistiam sine licentia putans sibi licere, excusaretur a peccato mortali propter consuetudinem, vel tacitam facultatem. Nau. supra citatus.

• Quintum dubium. An Sacerdos teneatur sumere Eucharistiam m.

ſiam. Respondetur affirmatiuè, tenetur enim ſub vtraq; ſpecie communicare. cap. relatum, & cap. comperimus. de confe-
cr. d. 2. & eſt de iure diuino vt tenet D. Tho. 3. p. q. 82. ar. 4. Sor.
in 4. d. 13. ar. 4. Nau. cap. 25. num. 91. Angel. verb. miſſa. §. 26.
Sylu. verb. Eucharistia. Tertio intellige, niſi Sacerdos impedia-
tur aliquo miraculo, vt ait D. Tho. ſupra ar. 4. ad 3. Sylu. Euch.
3. q. vnica. Dices, an liceat Sacerdoti dare alteri partem hoſtiæ
quam conſecrauit in miſſa, ſi non ſit alia. Reſp. licere in ca-
ſu neceſſitatis, vt ad communicandum infirmum. D. Tho. in
4. p. 12. & Palud. Imo etiam ex deuotione. Angel. verb. Euch.
§. 72. Sylu. Euch. 3. q. 15. §. 1.

Sextum dubium. An liceat Sacerdoti conſecrare poſt cibum
ſumptum ad communicandum infirmum, qui eſt in extrema
neceſſitate. Reſp. negatiuè cum Palud. in 4. d. 8. q. 2. Sor. in 4.
d. 12. q. 1. ar. 8. Sylu. verb. Euch. 3. q. 6. Nau. cap. 21. nu. 53. Hinc
confutatur Maior. d. 9. q. 3. arg. 5. qui tenet quòd in neceſſitate
poſeſt à prandio conſici Sacramentum ſine miſſa, & in pane
etiam fermentato ſi deſit azymus, quem merito confutat Pa-
lud. & Sotus, quia eſt contra vſum Eccleſiæ. Idem Viſtor. q. 83.
Hinc etiam patet, quòd præceptum ſumendi Eucharistiā nō
obligat quando non eſt commoditas debito modo ſumendi.
Ita Sotus ſupra cit.

Septimum dubium. An Sacerdos ſumpta ablutione poſſit
in miſſa recipere reliquias quas reperit in corporali. Reſp.
vna ſententia negat, quam Caiet. tribuit Scoto in 4. d. 8. q. 3.
& Sylu. & Palud. in 1. d. 8. q. 2. Altera ſententia oppoſita eſt
communis, quòd liceat. eſt Caiet. opus. 2. tract. 3. de celebr.
miſſ. q. 1. Sylu. Euch. 3. q. 8. Sor. in 4. d. 12. q. 1. ar. 8. dub. 4. Tab.
verb. miſſa. q. 42. Viſtor. q. 43. ratio eſt, quia totum illud re-
putatur vna ſumptio. & dicitur ieunus in ordine ad quamli-
bet partem. Confirmatur, quia quando hoſtia hæret palato,
licet ſumere aquam, vel vinum (hoc enim eſt honeſtius) quàm
digitum apponere, vt ait Sylu. ſupra. & verb. Euch. 2. q. 9. §. 8.
illud autem poſeſt potari priuſquam deglutiatur hoſtia. ergo
poſſunt ſumi reliquię poſt ablutionem. Hinc inferitur primo,
quòd ſi dum ſumitur ſanguis particula hoſtiæ remanſerit in
calice, decentius eſt apponere vinū in ſumptione illius, quàm
digito trahere. Sylu. Euch. 2. q. 9. Angel. verb. miſſa. §. 20. Nau.
cap. 25. num. 90. quamuis oppoſitum dicat Sotus d. 8. q. 3. Tab.

missa. §. 40. Secundo, inferitur posse sacerdotem post ablutionem sumere reliquias, quas viderit superesse post communionem laicorum. Ledesm. p. 4. q. 1. ar. 8. dub. 4. Sor. sup. qui addit esse bonum consilium quod si hostia sit magna conferretur in pyxide, seu custodia. Credo tamen quod si commodè conservari non posset, deberet sacerdos illam sumere, quia censeretur vna sumptio.

Octauum dubium. An sacerdos possit non ieiuno infirmo ministrare hoc sacramentum. Resp. affirmative si infirmus sit in extremis, ne sine viatici discedat. D. Tho. 3. p. q. 80. ar. 8. Sor. in 4. d. 8. q. 1. ar. 6. Victor. q. 83. probatur ex can. presbyter. de consecr. d. 3. & ex usu Ecclesiæ. Dices, an sæpius ministrare liceat infirmo in eadem infirmitate post cibum si sæpius periclitaretur. Resp. Tab. verb. communio. q. 84. quod si ex deuotione velit communicare ieiunus, certum est esse licitum; si autem velit communicare per modum viatici. i. non ieiunus, tunc dico, quod si sit probabile periculum, illum esse separatum à Deo; licet si transierint aliqui dies, puta sex, vel octo, potest iterum communicare; Armill. verb. communio. §. 18, & hoc est fauorabilius, & tenendum.

Nonum dubium. Quæ dispositio sit necessaria celebranti. Resp. continetur hoc versu. *Ieiuna, recita, expecta, tua crimina pande.* Prima Sit ieiunus antequam celebret à media nocte illius diei quo debet celebrare; sit inquam ieiunus à cibo, potu, & medicina. cap. Sacramenta. de consecr. d. 1. & cap. liquido. d. 2. Ieiunium autem hoc non est de iure diuino, sed potest Papa dispensare, notat verò D. Tho. 3. p. q. 80. ar. 8. primo quod si quis lauans os deglutit parum aquæ in modica quantitate per modum salinæ, non frangit ieiunium. Secundo, si quis deglutit reliquias cibi quæ erant inter dentes, non frangit ieiunium. Tertio, hoc autem fit propter duo; propter reuerentiam Sacramenti ad denotandum esse cibum perfectissimum; & etiam ad significandum quod homo ante omnia debet querere salutem animæ. Sunt autem quatuor casus in quibus potest quis non ieiunus. Primus, si quis est oblitus se sumpsisse cibum, & accessit ad altare vt sacrum faceret, si recordatur dum celebrat, si est post consecrationem, sine dubio debet continuare; si sine scandalo, debet cessare. Sylu. verb. Euch. 2. q. 7. & Angel. Secundus est, ratione perficiendi Sacramenti.

eramenti. v.g. aliquis loco vini apposuit acetum, aut aquam & post sumptionem corporis sumpsit acetum, aut aquam, soluit iam ieiunium; tunc debet iterum apponere vinum, & consecrare sine elevatione, & iterum sumere. D.Tho. 3. p. q. 83. ar. 5. ad 4. dicit opus esse consecrare etiam corpus; mihi satis esse videtur consecrare sanguinem. Nau. cap. 25. num. 91. Idem ait, si panis hostiæ esset corruptus. Tertius est caiet. verb. missa. quando post sumptam ablutionem inuenit aliquas particulas in corporali, potest illas sumere, sed non finito sacro, ut dictum est supra dub. 7. Quartus, quando particula corporis mansit in calice post ablutionem, iterum debet sumi facta altera ablutione &c. ut ibidem dictum est. Secunda conditio, *recita*, nemo debet facere sacrum nisi prius recitauerit matutinum. De hoc dictum est supra, dubio 14. Tertia, *expecta*. i. necessarium est tempus, ut ante auroram non celebret. ut dictum est supra, dubio 13. Quarta, *Tua crimine pande*, nam si quis peccauit mortaliter, non potest accedere ad celebrandum, siue communicandum nisi præmissa confessione. cap. de homine. de celebr. miss. & Trid. sess. 13. cap. 7. & can. 11. dicit, quod in necessitate licet accedere ad celebrandum cum contritione sine confessione; dummodo statim ac habuerit copiam sacerdotis, confiteatur. Sor. in 4. d. 18. q. 1. ar. 2. explicat casus necessitatis. Primo, in articulo mortis. v.g. comburitur templum, & est ibi Sacerdos, & videt se comburendum, potest celebrare, & communicare alios cum contritione. Secundo, ratione necessitatis, v.g. est tantum vnus Sacerdos in castello, & commisit peccatum mortale in die sabati, non potest fraudare inferiores sacro, tunc potest celebrare. Tertio, quando sequitur infamia aliqua, aut damnum notabile. v.g. aliquis habet casum reservatum, si non celebrat scandalizantur subditi, potest celebrare ad vitandam infamiam. Quarto, quando postquam cepit celebrare recordatur se esse in peccato mortali, si enim sequatur scandalum, potest sequi cum contritione, etiam si sit ante consecrationem. & tunc etiam si sit excommunicatus, suspensus, aut interdictus, non incurrit irregularitatem: Sylu. verb. Euch. 1. §. 6. & 7. & Angel. Idem dicendum de illis qui accedunt ad communionem.

Decimum dubium. An Sacerdos existens in peccato mortali, verè consecrat. Resp. affirmatiuè, & est de fide. Trid. sess.

7. cap. 12. de Sacram. & can. multi. prima q. 1. & est communis. D. Tho. 3. p. q. 82. ar. 5. Sot. in 4. d. 13. q. 1. ar. 5. Victor. q. 90.

Vndecimum dubium. An hæretici, scismatici, & excommunicati, ac degradati &c. possint consecrare. Resp. affirmative, & est de fide. quia habent characterem indelebilem: peccant tamen consecrando. Vnde errauit Magist. in 4. d. 13. id negando. D. Tho. 3. p. q. 82. ar. 7. & 8. Sot. d. 13. q. 1. ar. 7. & 8. Victor. q. 92.


Duodecimum dubium. An plus valeat missa boni sacerdotis, quam mali. Resp. dupliciter potest considerari missa. Primo, ut est opus hominis priuati; & sic constat pluris esse missam boni, quam mali; quia bonus habet propriam deuotionem & gratiam; & per consequens facit missam Deo gratiorem. Secundo, ut est actus Ecclesiæ, & tunc est questio; & est duplex opinio. Prima est D. Tho. Caiet. & Thomistarum, 3. p. q. 81. ar. 6. qui tenent quod missa semper est æqualiter fructuosa, ac tanti valere missam mali, quanti boni sacerdotis; quia uterq; est minister Ecclesiæ; cum præsertim (ut ait Sotus) uterq; sit instrumentum passionis Christi, quod semper est eodem modo. Secunda opinio est Scoti in 4. d. 13. q. 1. ar. 6. & Gabr. quam tribuit D. Thomæ. qui dicunt non esse æqualem, hac ratione: quia hic sacerdos non facit actum suum fructuosum; quia est malus, sed totam utilitatem habet ab Ecclesia. Pro solutione nota quod in missa sunt tria, Sacramentum, sacrificium, & orationes. De Sacramento nullum dubium est; quia idem Sacramentum consecratur à malo, & à bono Sacerdote: De sacrificio distinguendum est; vel enim consideratur ut offertur à Christo per Sacerdotem, vel ut offertur ab Ecclesia per ministrum, vel ut offertur ab ipso ministro. Si consideretur primo modo, utraq; missa est eiusdem valoris, quia sic Sacerdos solum gerit personam Christi; ut enim se habet in consecrando, sic in sacrificando. confirmatur ex Innoc. iij. 1. de myster. missæ. cap. 5. & ex August. in ep. ad Renatum. Si verò sumitur ut offertur ab Ecclesia per ministrum, dico non esse eiusdem valoris, sed maioris valoris esse missam boni; quia (ut ait Sotus) Ecclesia non est vniuersale platonicum, neque meritum eius est abstractum ab indiuiduis, quare eam constet ex indiuiduis, quia indiuidua non sem.

semper sunt eiusdē sanctitatis, per consequens missa non semper est eiusdem valoris boni, & mali Sacerdotis. ac per malum Sacerdotem intelligo illum qui est in peccato mortali; can. ipsi Sacerdotes. 1. q. 1. vbi dicitur, quòd quanto Sacerdotes fuerint digniores, tanto facilius exaudiuntur. vbi certum est intelligi Sacerdotes quatenus sunt ministri Ecclesiæ, vt notat Sotus. Quia Sacerdos malus est membrum Ecclesiæ; & hoc ipso quòd est malus, non adiuuat Ecclesiam. Si verò sumatur vt offertur à Sacerdote in eius persona, certum est missam boni plus valere cū sit Dei amicus; malus autem est inimicus. Quare absolute dici potest meliorem esse missam boni, quàm mali Sacerdotis. Ad id de instrumento vt dicebat Sotus, responderi potest, quòd hoc valet in Sacramento, in quo opus operatum totum pendet à passione Christi. In sacrificio secus est; quia non solum opus operans, sed operatum etiam pendet ex intentione ministri: Loquamur nunc de orationibus. Dico primo, quòd orationes quæ fiunt à malo Sacerdote vt est minister Ecclesiæ, habent suum valorem; quia Ecclesia est Deo grata. Secundo dico, orationes iustorum habere maiorem valorem. probatur exemplo legati, qui mittitur nomine Principis, quamuis enim principaliter habeatur ratio mittentis, tamen prudentia, & probitas legati plurimum valet ad impetrandum. Tertio dico, quòd orationes quæ fiunt ex particulari deuotione ministri mali, parum habent valoris. Sotus supra. & Victor. q. 91.

Decimumtertium dubium. An Sacerdos teneatur aliquando celebrare. Resp. prima sententia est Alēf. q. 41. m. 2. Bonau. in 4. d. 12. q. 1. ar. 2. Gabr in can. lect. 87. Caiet. 3. p. q. 82. ar. 10. Victor. q. 94. qui dicunt non teneri nisi illis præcipiatur à superioribus; quia non est de hoc præceptum. Secunda sententia est quam refert Anton. 3. p. tit. 13. §. 12. cap. 6. quòd non celebrare quotidie sit peccatum mortale. can. si quotidie. de consecr. d. 2. Tertia est communis, quòd si non sit impedimentum teneatur celebrare aliquoties in anno. scilicet in præcipuis festis. est D. Tho. 3. p. q. 82. ar. 11. Riccard. in 4. d. 13. q. 2. ar. 2. Palud. ibid. q. 2. ar. 1. Dur. q. 2. Sot. q. 1. ar. 1. Sylu. verb. missa. 1. q. 7. verf. 4. Nau. cap. 23. num. 88. & alij. probatur; quia dona Dei. i. potestatem, & characterem frustra accepissent. Item ex cap. dolentes. celebr. miss. & ex Trid. sess. 23. cap. 14. de reformatione.

form. ubi iubet Episcopis curare vt præsbyteri saltem dominicis diebus, & festis solennibus sacrificent. & qui curam habent animarum, tam crebro, vt muneri suo satisfaciant. Per quod tam ante præceptum Episcoporum, quàm ante concilium, nō tenentur pluries celebrare; cū id non præcipiat, sed tantum curam ad id cogendi Episcopis committant; vt notat Nau. supra cit. quare qui curam non habent animarum, tenentur saltem quater in anno celebrare in dictis festis. quod tamen non ita intelligas præceptum, vt si quis ter solum, & non dictis festis, sed alijs diebus, is peccati mortalis sit reus. vt docet Ledesma prima p. q. 23. ar. 10. Sot. in 4. d. 13. q. 1. ar. 10. dummodo tempore paschatis nō omittat. intellige, nisi esset scandalum &c.

De suscipiente. Cap. X.



Nota primo, tripliciter posse sumi Sacramentum Eucharistiz à suscipiente. primo, sacramentaliter tantum, sic sumunt peccatores, qui Sacramentum actu percipiunt, sed non gratiam Sacramenti. Secundo, spiritualiter tantum; vt cum accipitur in voto, ac desiderio, & per actum intentionem fidei viuaz, & deuotionis sentitur eius effectus. Tertio, sacramentaliter & spiritualiter simul; cum quis rectè dispositus actu recipit Sacramentum, & eius effectum, vt habet Concilium Trid. sess. 13. cap. 8. de Euch. can. qui passus. de consecr. d. 2. D. Tho. 3. p. q. 80. ar. 1. Sot. in 3. d. 12. q. 1. ar. 2. Sylu. verb. Euch. 3. q. 1. Differt autem communio spiritualis tantum à spirituali, & sacramentali simul, quòd illa iterari potest eodem die pluries sine vllò periculo, & in ea confertur gratia per modum meriti ex opere operantis; at sacramentalis simul & spiritualis cōfert gratiam ex opere operato, & facit ex attrito contritum; & maiorem requirit dispositionem in suscipiente; & plusquam semel in die sumi non potest. Secundo nota, quòd quamuis Eucharistia non sit de necessitate salutis sicut baptisimus, tamen iure diuino & humano præcepta est; vt supra diximus,

ximus, cap. 5. quod autem non sit de necessitate, probatur ex Trid. sess. 21. cap. 4. de commun. & can. 4. vbi id statuitur; paruuli etiam saluantur solo baptismo sine Eucharistia. Ergo hæc non est necessaria ad salutem. D. Tho. 3. p. q. 78. ar. 3. Sot. in 4. d. 8. q. vnica. ar. 3. Probatur esse de iure diuino ex locis quos adducit Concilium Trid. sess. 21. cap. 1. de commun. & Ioan. 6. *Nisi manducaueritis carnem filij hominis non habebitis vitam in vobis.* Item probatur ex communi sententia, quam tenet D. Tho. 3. p. q. 80. ar. 11. Dur. in 4. d. 9. q. 2. Palud. d. 1. ar. 1. cõcl. 3. Sot. d. 12. q. 1. ar. 11. Ledes. 2. 4. q. 21. ar. 11. Nau. cap. 2. num. 57. Victor. q. 86. & alij. quamuis oppositum dixerit Alens. 4. p. q. 51. m. 4. f. nullum esse præceptum de sumenda Eucharistia. Bonau. in 4. d. 12. q. 1. ar. 1. q. 2. & d. 12. q. 3. ar. 1. q. 1. Sylu. Euch. 3. in eandem videtur inclinare Caiet. 3. p. q. 80. ar. 11. Sed confutatur ex dictis. Præterea, cum Ecclesia circa hoc determinet tempus, videtur supponere esse de iure diuino vt de confessione, & de ieiunio.

Primum dubium. An satis sit semel in vita communicare ad hoc præceptum implendum. & quo tempore obligat. Resp. Palud. & Dur. supra cit. putant sufficere. Sed oppositum est tenendum cum Soto d. 12. q. 1. ar. 11. & Petro Sot. l. 6. 9. de Euch. probatur; quia hoc sacramentum fuit institutum vt sit nutritio vite spiritualis, & refarciat quod a calore concupiscentie perditur; ergo non sufficit semel in vita sumere. Dices, quo tempore obligat hoc præceptum? Resp. in iure diuino non possumus assignare certum tempus nisi in vniuersali. scilicet quod obligat tempore necessitatis grauis, vt tentationis, persecutionis, vel alterius periculi ad iudicium confessoris; nisi Ecclesia definiat tempus. Dices secundo, an in mortis articulo opus sit communicare ex præcepto diuino? Resp. nonnulli volunt negligentiam qua omittitur communio in articulo mortis, esse solum peccatum veniale. Ita Sylu. Euch. 3. Victor. q. 86. Ledes. 1. 4. q. 21. ar. 11. Caiet. verb. communio Sacramentalis. cap. 1. Oppositum tamen est dicendum: quod talis negligentia cum adest opportunitas, est peccatum mortale. Ita Adrian. de confess. q. 3. ad 1. Nau. cap. 21. num. 57. Sot. in 4. d. 12. q. 1. ar. 11. probatur. nam in illo articulo est maxima necessitas. fauet can. 3. 26. q. 6. probabile est igitur (vt ait Sot.) hunc vsum ex traditione Apostolorum tanquam diuino iure,

præceptum descendisse. Siquis autem sceleret communicare, & in articulo mortis omitteret, non esset peccato mortali damnandus; vt rectè Sor. ibid. & Palud. d. 9. q. 1. ar. 1. in fine. Hinc inferitur quòd damnati ad mortem tenentur communicare cum adest opportunitas. & decernitur can. quæsitum. 19. q. 2. & can. super eo. 13. q. 2. & cap. super eo. de hæreticis. in 6. Ledes. 1. 4. q. 34. ar. 2. Sor. ar. 17. cit. vbi hispanam consuetudinē citat. Couar. L. 1. variar. resol. cap. 5. num. 11. Victor. q. 86. quicquid Paludanus dubius dicat. Spectat autem ad præceptum Ecclesiasticum, quod. s. diuersis temporibus aliter obligauit. In primitiua enim Ecclesia. omnes astantes missæ communicare tenebantur. can. peracta. de consecr. d. 2. ex Apostolorum statuto. tempore verò Pij primi cæpit obligare diebus dominicis; cui successit panis benedictus, qui tunc loco communionis dabatur, ex ep. decrer. Pij primi, quæ habetur primo tomo conciliorum. & consil. Nau. cap. 9. postea frigescente charitate tempore Fabiani fuit in præcepto ter in anno; vt habetur can. Et si non frequentius. de consecr. d. 2. & can. seculares. & can. omnis homo. Præterea Sother Papa iussit in cæna Domini vt omnes communicarent. can. in cæna Domini. de consecr. d. 2. Iam verò à Concilio Later. non tenemur nisi semel in anno in die Paschatis cōmunicare. cap. omnis vtriusq; sexus. de poenit. & remiss. & confirmatur à Trid. sess. 13. cap. 9. de Euch. videndus est Sor. d. 12. q. 1. ar. 10. Nau. cap. 21. num. ult. Viguer. cap. 13. §. 3. Catechis. Rom. de Euch. ideo qui omitit, peccat mortaliter. Caiet. verb. communio. §. 1. Nau. cap. 21. num. 45. & alij. Sed ex declaratione Eugenij iij à Dominica Palmarum vsque ad Dominicam in Albis potest impleri hoc præceptū; Nau. cap. 21. nu. 45. Maior. d. 12. q. 2. Caiet. supra. licet Sylu. verb. Euch. q. 15. Panorm. & Anton. eam declarationem non viderint. Quòd si aliquis differat de licentia confessarij, vel ob legitimum impedimentum, non peccat. Similiter si in illo loco sit consuetudo vt quolibet die quadragesimæ possit communicare. Nau. supra cit.

Secundum dubium. An qui tempore paschæ prætermittit communionem, teneatur sub nouo præcepto post illud tempus communicare; an possit differre in alium annum? Resp. prima sententia est Anton. 2. p. tit. 9. cap. 9. §. 3. Sylu. verb. Euch. 3. q. 15. Medin. c. de poenit. q. de confess. Rosell. verb. com-
municare.

municare. § 2. Sot. in 4. d. 18. q. 1. ar. 4. Victor. q. 148. qui dicunt non teneri vsq; ad aliud Pascha. Primo, quia hoc præceptum solum obligat in paschate. Secundo, quia alia præcepta affirmatiua Ecclesiæ obligant solum suo tempore, non autem eo transacto, vt ieiunium, audire missas, recitare horas canonicas &c. Secunda sententia est Nau. cap. 21. num. 45. quem sequuntur multi recensiores, (& est probabilior) quod tenentur communicare elapso tempore quamprimum. Primo, quia Concilium Trid. sess. 13. can. 7. statuit omnes teneri præcepto Ecclesiæ singulis annis communicare saltem in paschate; ergo duo præcipiuntur. scilicet vt singulis annis, & in paschate communicemus. Confirmatur, quia præceptum confessionis sic obligat, nempe semel in anno. cap. omnis vtriusq; sexus; ergo & communio. Postremo, quia Ecclesia non statuit præceptum de communione; sed determinauit tempus præcepti diuini, vt fiat semel in anno. Hinc soluentur argumenta opposita. Ad primum dicimus assumere falsum. nõ enim solum obligat in paschate, sed semel in anno; quare qui non communicat in paschate, tenetur postea, & toties peccat, quoties habet opportunitatem, & omittit. Ad secundum, resp. esse diuersam rationem, nam illa præcepta sunt determinata ad tempus certum, & præcipiuntur illa opera tanquam opus annexum illis diebus, non sic autem præceptum communionis; sed determinauit certum tempus iure diuino, vt. scilicet fieret semel in anno. idq; in paschate.

Tertium dubium. An ad satisfaciendum præcepto, opus sit communicare sub vtraq; specie? Resp. Sacerdotes dum celebrant missam, obligantur. alij verò præceptum est sub specie panis tantum communicare. Trid. sess. 21. cap. 1. & 2. & can. 1. 2. & 3. & D. Tho. 3. p. q. 80. ar. 12. Sot. d. 11. q. 1. ar. 13. Castr. aduersus hæres. verb. Euch. hæres. vlt.

Quartum dubium. Qui tenentur præcepto cõmunionis. Resp. omnes, & soli fideles qui ad annos discretionis peruenierint. cap. omnis vtriusq; sexus. de pœnit. & remiss. pueri igitur nõ tenentur hoc præcepto communionis. Trid. sess. 31. cap. 4. de commun. Imo est peccatum illi dare; nam non suscipiunt cum debita reuerentia cum non discernant sacrum à profano Imo est periculum, expunctionis, eructationis, & vomitus &c. & hic est vsus Ecclesiæ licet aliàs secus sit factum. D. Tho. 3. p. q.

80. ar. 9. Sot. in 4. d. d. 12. q. 1. ar. 9. Viſor. q. 84. Dices qui ſunt dicendi perueniſſe ad uſum rationis. Reſp. eſſe relinquendum iudicio prudentis confeſſarii, qui iudicantur diſcernere poſſe inter bonum, & malum. & inter hunc & alios cibos. quod ve plurimum euenit à decimo ad duodecimum annum. Ita Aléſ. 4. p. q. 49. m. 5. Palud. in 4. d. 9. q. 4. Sylu. verb. Euch. 3. q. 5. verſ. 7. Caiet. 3. p. q. 80. ar. 9. Sot. in 4. d. 12. q. 1. ar. 9. qui addit poſſe ante decimum annum eſſe idoneum, & viuaciſſimum puerum; citra ſeptimum verò non eſſe permittendum; quia tunc uſus rationis vix capit apparere. Vnde non omnis qui iudicatur idoneus ad confeſſionem, erit idoneus ad communionem; quia ad hæc requiritur maior diſcretio. Caiet. verb. communio. cap. 1. Nau. cap. 21. num. 5. Hinc ſequitur non teneri qui ſunt ſub aliorum cura, neq; peccant differendo communionem vſq; dum illis nominatur. poſſunt verò illi peccare qui illorum curam habent, ſi plus æquo differunt. in dubio conſulendi ſunt confeſſores. Nau. & Caiet. ſupra. qui addit excuſari parentes à peccato qui ob reuerentiam communionis tardiùs ad communionem admittunt. probat ex conſuetudine; nam prælati hoc ſciunt, & tolerant. Dices, quid ſi daretur infantibus Euchariftia, an reciperent gratiam? Reſp. affirmatiuè. Viſor. q. 84. Ledelín. 1. 4. q. 21. ar. 9. d. 5. Sot. ar. 9. cit. quamvis Maior. contradicat in 4. d. 9. q. 1. ar. 2. ratio eſt, quia Sacramentum operatur ex opere operato; ergo confert ex ſeipſo gratiam. &c.

Quintum dubium. An ad ſumendam Euchariftiam ſufficiat pro diſpoſitione fides. Reſp. negatiuè; probatur ex Trid. ſeſſ. 13. can. vlt. & conſenſu omnium patrum. Item, quia eſt panis viuus qui non manducatur à mortuo, ſed à viuo. & oppoſitum eſt hæreſis lutherana, contra quam Caſtro contra hæreſes, errore 10.

Sextum dubium. An expediat omnibus quotidie communicare. Reſp. primo ſimpliciter, & abſolute loquendo expediat frequenter communicare; quia Euchariftia eſt panis vitæ, Ioan. 6. & patet ex uſu primitiuæ Eccleſiæ, & patrum conſenſu, & continua experientia, & ex effectibus eius. can. quotidie. de confeſ. d. 2. D. Tho. 3. p. q. 80. ar. 10. Sot. in 4. d. 12. q. 1. ar. 10. Nau. cap. 21. num. vlt. Trid. ſeſſ. 13. cap. 8. de Euch. Sequendo dico, quòd non eadem frequentia omnibus ex pedic; quia

quia non omnes sunt eodem modo dispositi . quare statim , & deuotio , & occupatio fidelium est consideranda . vnde August. cap. quotidie. *Quotidie (ait) sumere , nec laudo , nec vituperare.* Tercio certum est quod nulli licet eadem die nisi semel communicare . D. Tho. 3. p. q. 80. ar. 10. ad 4. & oppositum est peccatum mortale . Nau. cap. 21. num. 54. quod si Sacerdotes plures hostias sumunt cum seruari non possunt , id presumitur vnica sumptio , non plures.

Septimum dubium . An sit danda Eucharistia adultis qui habent impeditum vsum rationis vel morbo temporali vel perpetuo , vel amentia , vel Dæmonis vexatione , vel ingenij tarditate , vel quouis alio modo . Resp. & sic prima conc. Habentibus vsum rationis quamuis debilem , & imperfectum , nō est neganda Eucharistia . Ita Alens. 4. p. q. 49. m. 4. D. Tho. 3. p. q. 80. ar. 9. Sor. in 4. d. 12. q. 1. ar. 9. Sylu. verb. Ench. 3. q. 4. vers. 9. Intellige tamen dummodo vsum rationis non sit adeo debilis , vt nequeant discernere corpus Domini ab alijs cibis . Hinc sequitur quod infirmis (licet videantur delirare) non est neganda Eucharistia si aliquod deuotionis signum ostendant ; vt si interrogati dicant se velle accipere . Sor. supra . Secunda conc. amentibus à natiuitate . i. perpetuò amentibus qui nullum habent , nec habuerunt vsum rationis , non est danda Eucharistia . est D. Tho. supra . palud. in 4. d. 9. q. 4 ar. 2. Sor. ar. 9. cit. Ledes. 2. 4. q. 21. ar. 9. Victor. q. 84. probatur ex cap. omnis vtriusq; sexus . de pœnit. & remiss. vbi in suscipiente requirit vsum rationis . Præterea quia tales non possunt discernere Eucharistiam ab alijs cibis , nec deuotè suscipere . Hinc confutatur glos. can. qui recedunt. 26. q. 7. Dices , quid si daretur amenti , reciperet gratiam ? Resp. affirmatiuè , sicut dictum est de pueris supra dub. 4. in fine . quamuis dubitet Sotus . Sed minister peccaret . Tertia conc. his qui non sunt perpetuò amentes , sed habent lucida interualla , si dum erant compotes rationis cum petierint hoc Sacramentum deuotè , conferendum est in tempore mortis . D. Tho. & alij supra citati . Probatur ex can. his qui in infirmitatem. 26. q. 6. & can. qui recedunt. ead. quamuis Alens. 4. p. q. 49. m. 4. & Gabr. in 4. d. 9. q. 2. dub. 4. sentiant non esse dandam . Dices , quid si ante non petierint , nec deuotionem erga Sacramentum habuerint . Resp. si in sanitate ostenderunt signa pœnitentiæ , non est illis negan-

neganda Eucharistia . Palud. & Sylu. supra. extra articulum
verò mortis, non eis est danda, ob reuerentiam quæ in com-
munionem requiritur . vt ait Sotus, & alij. Quarta conc. Ergu-
gumenis .i. vexatis à spiritibus potest eodem modo dari Eu-
charistia, quo amentibus non perpetuis, si ostendant deuorio-
nem. D. Tho. 3. p. q. 80. ar. 9. ad 2. Sot. ar. 9. cit. ad 2. Palud. ar. 2.
cit. Alens. m. 3. supra, vbi addit, quòd si prout in blasphemiam,
non est illis danda. neque obstat quòd Dionys. l. de Ec-
cles. hierarch. dicit illos esse arcendos &c. quia loquitur de
non baptizatis, vt D. Tho. & Sot. exponunt. Vnde Cassianus
illis dandam affirmat.

Octauum dubium . An Ecclesiastici teneantur ex præcepto
communicare pluries quàm in paschate . Resp. primo . Mo-
nachi Sancti Benedicti tenentur singulis mensibus communica-
re . Clementin. ne in agro. §. sanè de stat. monach. similiter
moniales eiusdem ordinis . Sot. supra. Nau. cap. 21. num. vlt.
Secundo, aliz moniales quæ de hoc non habent regulam, non
tenentur; quia Concilium Trid. sess. 25. cap. 10. de regularibus,
iubet, vt de hoc moneantur. quare est salutare consilium. quod
etiam dat sess. 13. cap. 8. Tertio, Diaconos, & Subdiaconos
decere sumere saltem diebus dominicis, & solennibus cum al-
tari ministrauerint, sess. 23. cap. 13. de reform. Vnde qui non
ex voto vel alio præcepto tenentur, semel tantum tenentur
ex præcepto communicare . Idq; in paschate .

Nonum dubium . An sumpturus Eucharistiam debeat esse
ieiunus . & quomodo . Resp. affirmatiue, quia sic ordinaue-
runt Apostoli . & hætenus seruatum est in Ecclesia. ex cap. si-
gnificando. de consecr. d. 2. can. Sacramentum. de consecr. d. 1.
cap. ex parte. de celebr. miss. Idq; ob reuerentiam Sacramenti,
quamuis Christus vt legem seruaret post cœnam instituerit.
D. Tho. 3. p. q. 80. ar. 8. Palud. d. 4. q. 2. Riccard. ibid. ar. 2. q. 3.
Sot. in 4. d. 12. q. 1. ar. 8. Nau. cap. 21. num. 53. & cap. 45. nu. 75.
Caiet. verb. communio sacramentalis. Victor. q. 82. & sic te-
nendum est, & oppositum est erroneum; & hæreticum, vt de-
terminauit Concil. Constant. sess. 13. Dices primo, quomodo
quis debeat esse ieiunus ante communionem; ieiunio Ecclesiæ,
an naturæ? Resp. ieiunio naturæ, ita vt qui aliquid sumplit
siue per modum cibi, siue per modum potus, etiam si ratione
medicinæ, non posset communicare, nisi in necessitate per
viaticum,

viaticum; vt dictum est supra cap. 9. dub. 8. & omnes tenent. Nau. cap. 21. num. 53. Sor. ar. 8. cit. potest verò deglutiri salua, vel aqua guttula, vel reliquia quæ intra dentes remanet &c. vt dictum est supra cap. 9. dub. 7. D. Tho. & Sor. supra. Anton. 3. p. tit. 13. cap. 6. §. 8. Angel. verb. missa. §. 87. & alij. Sylu. ibid. Idem dicas quando quis gustando cibum, vel potum sumit aliquod, & statim proijcit, tunc siquid descendit, est per modum saluæ. Dices secundo, quandiu homo debet esse ieiunus ante communionem. Resp. ex communi sententia à media nocte præcedente. Ita catechismus Rom. Caiet. Sor. Nau. & alij supra cit. Dices, quid si in illis regionibus computatur dies naturalis ab ortu solis, vel à vesperis? Resp. seruandam esse illius loci consuetudinem. Dices tertio, an censeatur ieiunus qui nec dormiuit post cibum sumptum, nec digessit quauis ante mediam noctem comederit. Resp. affirmatiuè cum communi sententia, quam tenet D. Tho. 3. p. q. 80. ar. 8. ad 5. Anton. supra cit. §. 8. Adrian. q. de Euch. Nau. cap. 21. num. 53. Hinc confutatur glos. in cap. ex parte. de celebr. miss. & cap. si constiterit. de accus. & can. Sacramentum. de consecr. d. 1. oppositum sententiam. Neq; obstat cap. si constiterit. quia ibi non punitur presbyter ratione digestionis, sed quia pernoctauerat in taberna, & cibum sumptum post mediam noctem, vt Sor. supra, ar. 8. Nau. sup. item ob violentiæ turpitudinē. Sylu. verb. Euch. 3. q. 7.

Decimum dubium. An quis possit communicare ita dispositus, vt neq; gratiam recipiat, neq; committat nouum peccatum. Resp. D. Tho. 3. p. q. 79. ar. 3. Sor. in 4. d. 12. q. 1. ar. 4. dicunt non posse. Alenf. verò 4. p. q. 46. m. 3. ar. 2. ad 7. Bonau. in 4. d. 9. ar. 2. q. 3. Gabr. q. 2. ar. 1. Adrian. q. 1. de Euch. Caiet. 3. p. q. 79. ar. 1. Maior. d. 9. q. 2. Palud. d. ead. q. 2. dicunt posse. & est probabilior sententia. quia potest quis ignorare inuincibiliter esse necessarium habere dolorem ante sumptionem Eucharistiæ, & quod is accedat cum conscientia peccati mortalis, cuius neq; displicentiam habeat, neq; complacentiam. & hic illa ignorantia excusabitur, & gratiam non consequitur ob defectum doloris; ergo potest neq; gratiâ accipere, neq; nouum peccatum committere.

Vndecimum dubium. An suscipienti sit necessaria confessio ante communionem, an verò sufficit sola contritio cum proposito

proposito confitendi peccata semel in anno. Resp. de iure diuino, & humano ante assumptionem Eucharistiae sacramentalem est necessaria confessio peccatorum mortalium. Trident. sess. 13. cap. 7. & can. 11. vbi etiam excommunicatur qui contrariū dixerit, vel pertinaciter assereret, vel publicè disputando defenderet, vel prædicauerit. Item probatur ex 1. cor. 11. *Probet autem seipsum homo, & sic de pane illo edat.* quod per confessionem sacramentalem exponitur. & est communis consuetudo Ecclesiae, & sententia doctorum Theologorum. D. Tho. in 4. d. 12. q. 7. ar. 1. q. 4. Sot. d. 12. q. 1. ar. 4. Victor. q. 78. Nau. cap. 21. num. 49. Couar. in cap. alma mater. de sent. excom. Sylu. verb. Euch. 3. q. 14. Hinc patet esse falsam opinionem Caiet. 3. p. q. 80. ar. 4. & in sum. verb. confessio. cap. 1. eond. 13. & super cap. 11. 1. ad cor. qui putat sufficere contritionem. quam opinionem tenuit etiam Panorm. cap. de homine. de celebr. miss. Armill. verb. communio. & ad eandem Riccar. inclinat.

Duodecimum dubium. An sit duplex peccatum accedere ad Eucharistiam sine confessione. Resp. Sot. in 4. d. 18. q. 1. ar. 4. concl. 6. putat esse vnum sacrilegium sed grauissimum. Oppositum tenet Cano in relect. de poenit. & Ledes. 2. p. ar. 5. dub. 3. in fine, vbi ait esse duplex peccatum, omittere confessionem est vnum, alterum est indignè sumere Eucharistiam. & hæc sententia est probabilior. Idem dicendum de eo qui accedit sine contritione saltem putata, in casu necessitatis.

Decimumtertium dubiū. An sint aliqui casus quibus liceat suscipienti sine præuia confessione communicare. Resp. præter ea quæ dicta sunt supra cap. 9. dub. 9. Dico esse aliquos casus. Primus est, cum quis non habet copiam confessoris, & necesse est ei celebrare, vel sumere Eucharistiam. Sot. in 4. d. 18. q. 1. ar. 4. Sylu. verb. Euch. 3. q. 3. Victor. q. 162. dicunt licere, cum quis habet casum reservatum, quem ex iusta causa non vult reuelare superiori, & is non vult alteri concedere facultatem absoluenti. Vnde si parochus non habeat confessorem, & si non celebrat se infamat, potest sine confessione celebrare. pater ex Trid. sess. 13. cap. 7. Sed quamprimum confiteatur. Sic etiam qui habet casus reſeruatos, & non sit præſens prælatus qui potest absolvere, & si non celebret infamatur, potest celebrare. intelligitur tamen si scandalum non potest aliter

commo-

commodè vitari. Postremo ne sit peccatum publicum, vel scandalum; Sotus supra cit. ratio est, quia præcepta positiva non militant contra ius naturale de tuenda fama. Secundus casus est propter reuerentiã Sacramenti; ut si quis capite celebrare, & in ipsa celebratione meminerit se consciũ peccati mortalis, non debet relinquere, sed cum contritione debet prosegui missam, etiam si esset in principio missæ, ut solum introitum dixerit. Sot. in 4. d. 13. q. 2. ar. 6. Victor. q. 79. Paulus supra cit. Ledes. in 4. q. 10. ar. 4. quamvis aliqui dicant quod si ante consecrationem recordetur, & potest sine scandalo querere confessorem, debet querere. Anton. sup. Nau. cap. 13. num. 76. Sylu. Euch. 2. q. 7. D. Tho. 3. p. q. 83. ar. 6. ad 2. tutius putant tamen omnes quod si post consecrationem recordetur, potest proseguire cum contritione &c. D. Tho. & alij supra cit. Idem dicendum de illis dum volunt communicare, parati ante inensam, & recordantur alio ius peccati nec possunt confiteri absq; nota infamiz, nec differre communionem, tunc satis est habere contritionem cum proposito statim confitendi, & communicare. Ita Nau. cap. 2. num. 9. & cap. 21. num. 49. Victor. q. 79. Sylu. verb. Euch. 2. q. 3. Sot. in 4. d. 12. q. 1. ar. 4. Ledes. supra. Addunt cum Sylu. quod quando aliquis in articulo mortis non potest confiteri, & est contritus, potest sumere Eucharistiam sine confessione. Notandum est quod in dictis casibus in quibus diximus sufficere contritionem ante Eucharistiam, dicimus etiam sufficere displicentiam, quæ probabiliter putatur contritio. nec requiritur quod aliquis sciat se esse contritum, ex D. Tho. 3. p. q. 79. ar. 3. Sot. d. 12. q. 1. ar. 4. Nau. cap. 11. num. 47. Riccar. q. 1. ar. 2. Ledes. sup. ratio est, quia nemo potest scire se esse contritum; sciret enim esse in gratia, quod est falsum. Illud sanè certum est, quod si ille communicaret cum conscientia peccati mortalis sine illo dolore, is peccaret mortaliter, nisi inuincibilis ignorantia illum excusaret. Sed est

Decimumquartum dubium. An sola verecundia possit excusare à confessione prætermittenda. ut si quis habeat casum reservatum, cuius absolutionem Prælati non vult alteri remittere. Resp. cum Soto non excusari, sed debet obedire, nisi prælati esset tyrannus à quò timeretur revelatio, vel aliud malum; nec pateret accessus ad aliũ superiorem. Victor.

q. 146. Dices quid si peccatum habeat annexam excommunicationem, vel aliam censuram, an liceat ante absolutionem celebrare, & communicare in casibus dictis? Resp. Sor. in 4. d. 12. q. ar. 4. dicie quod excommunicato nec per odium, nec per scandalum, aut generale præceptum. Eccles. de communionem licet ad sacramentum Eucharistie accedere. Idem. Couar. cap. alma mater. p. 1. §. 2. num. 11. expressè tenet oppositum. Nau. cap. 17. num. 239. V. & Sor. q. 146. & omnes doctores recentiores; quia præceptum de evitando scandalo, & tuenda fama est divinum naturale, & ideo prævalet præcepto de præmittenda absolutione ad communionem, quod est positivum. Adde quod excommunicatus sic celebrans, non fit irregularis, ut tenet Nau. cap. 17. num. 252, & Sor. l. 5. de iust. q. 1. ar. 9. cum dicunt non incurri sine peccato mortali, & contumacia.

Decimumquintum dubium. An sit neganda Eucharistia publico peccatori pœnitenti. Per publicum peccatorem intelligo illum, vel qui per sententiam iudicis est condemnatus; vel qui in iudicio confessus est delictum, vel cuius crimen ita manifestum est, ut nulla possit tergiversatione celari. D. Tho. 3. p. q. 18. ar. 6. & q. 82. ar. 9. ad 3. Riccar. in 4. d. 9. ar. 3. q. 1. Nau. cap. 11. num. 55. Sor. d. 12. q. 1. ar. 6. Nunc resp. primo, publicis peccatoribus est omnino neganda Eucharistia, etiam si illam petât. D. Tho. sup. ar. 6. p. ad. in 4. d. 9. q. 4. ar. 1. Riccar. ar. 3. q. 1. Dur. q. 5. Bonau. q. 4. ar. 2. Nau. cap. 21. num. 55. & can. sacerdos. de pœnit. d. 6. num. 61. Sor. d. 12. q. 1. ar. 6. Ledes. 1. 4. q. 21. ar. 6. & ex can. pro dilectione. de consecr. d. 2. & can. multi. 2. q. 1. ex Matth. 7. *Nolite sanctum dare canibus.* Et patet; quia cooperatur peccato illius, quare qui daret, peccaret mortaliter. Caiet. verb. communio. cap. 2. etiam proprius parochus si tales petant ab eo. Nau. sup. Sylu. Euch. 3. q. 5. §. 2. siue petât publicè, siue secretò, Sylu. & Ledes. sup. quamvis si secretò sit emendatus, & publicè petat, est etiam neganda; quia publica delicta egent publica pœnitentia, & satisfactione. cap. 1. de pœnit. & remiss. Sor. ar. 6. cit. Secundo dico, si peccatores publici post secretam pœnitentiam petant secretò, est illis danda Eucharistia. Palud. & Nau. sup. data tamen satisfactione, & nisi timeatur scandalum. Tercio dico, quod post pœnitentiam, & publicam satisfactionem, publicis peccatori-

atoribus non est neganda Eucharistia, præsertim in articulo mortis. Riccard. Palud. Sor. & Nau. sup. & patet ex can. penult. de consecr. d. 2. & can. tanta. d. 86. & can. quod in te. de peccatis. Dices, quid si peccator qui est publicus in uno loco, peccat Eucharistiam in alio loco ubi non est notus nisi à Sacerdote qui illum nouit. Resp. non est neganda; quia est eadem ratio ac de occulto penitente publice, nam alioquin infamaretur. Ita Sor. ar. 3. siue Sacerdos illum sciat emendatum, siue non. Excipiendus est tamen peccator contagiosus, ut hæreticus, qui potest alios inficere. non enim videtur seruanda eius famam cum periculo aliorum. præsertim cum teneantur omnes hæreticum deferre.

Decimumsexto dubium. An peccatori occulto danda sit Eucharistia. Resp. primo, si dictus peccator sit occultus cognitus per confessionem, & publicè petit Eucharistiam à proprio parochio tempore quo tenetur communicare, non debet ei negari. est Adrian. quodl. 3. ar. 3. Palud. in 4. d. 9. q. 4. ar. 1. Nau. in cap. Sacerdos. de penit. d. 5. num. 84. & in manuali cap. 11. num. 36. Caiet. 3. p. q. 80. ar. 6. probatur ex cap. si Sacerdos. de officio iudic. ordin. Præterea quia infamaretur proximus. Imò addit Nau. num. 36. quod nec etiam si scias extra confessionem potest negari publicè petenti si peccatum sit occultum. Secundo dico, si peccator publicus publicè peteret à proprio parochio extra tempus paschale, debet illi negari. Nau. sup. Idem dicas si petat tempore quo tenetur communicare à Sacerdote non proprio. Dur. in 4. d. 8. q. 3. Palud. & Adrian. sup. quia tunc non infamaretur peccator. Si tamen sequeretur scandalum, vel infamia ex tali negatione, tunc non est neganda; etiam à sacerdote non proprio. Ledes. 1. 4. q. 21. ar. 6. dub. 4. patet ex can. Christus. 1. q. 1. & can. non prohibeat. de consecr. d. 2. Terrio dico, quod peccatori occulto petenti occultè deneganda est à quocumque. Alés. q. 49. m. 1. Bonau. d. 9. ar. 2. q. 4. cas. ar. 3. q. 1. Dur. q. 1. D. Tho. in 4. ar. 5. q. 1. quia tunc peccator non infamaretur. Dices, quid si sciat peccatum solum in confessione. Resp. in hoc casu non est neganda. Sor. d. 13. q. 1. ar. 6. Idem Palud. cum sit proprius parochus, tempore paschalis petenti, vel in articulo mortis. alij communiter dicunt esse negandam, & videtur verum, dummodo sic sine scandalum. Quarto dico, quod occultus, vel quicunque alius peccator non est

inducendus ut petat Eucharistiam, neque est illi danda, etiam si occurrat preceptum de illa, vel articulus mortis. quia nunquam licet inducere ad malum. Alenf. & alij cit. Gabr. d. 9. q. 2. dub. 21. Dices primo, an in aliquo casu liceat alicui hostiam non consecratam offerre. Resp. in nullo casu licere. D. Tho. 3. p. q. 80. ar. 6. ad 2. & in 4. du. q. unica. ar. 5. q. 1. ad 4. Alenf. 4. p. q. 49. m. 6. Riccar. d. 9. ar. 3. q. 3. Palud. q. 4. ar. 1. concl. 5. Sot. sup. ar. 6. Sylu. Euch. 3. q. 11. §. 11. cap. de homine. de celebr. miss. unde non est audiendus Bonau. d. 9. ar. 2. q. 4. quæ reijcit Alenf. 4. ar. 4. quia daretur occasio idololatriæ, quævis communicaturus id sciret, nam alij id ignorarent. Unde falsum est quod dicit Adrian. quodl. 3. ar. 3. in adoratione semper esse tacitam conditionem, si hostia sit consecrata. & bene illum refellit Sotus. Multo minus licet dare non consecratam id ignoranti, quamvis id fiat ad evitandum magnum scandalum, & quicquid dicat Altisodor. quia non sunt facienda mala, ut inde veniant bona. Dices secundo, an sit danda Euch. ad tollendam suspicionem alicuius criminis. Resp. non licere. Sic definitur in can. non consulisti. 2. q. 4. Alenf. 4. p. q. 49. m. 3. ar. 2. D. Tho. 3. p. q. 80. ar. 6. ad 3. Angel. verb. Euch. 3. q. 20. & omnes Theologi. Neque obstat can. sepe contingit. & can. si Episcopus. 1. q. 4. ubi permittitur tale genus purgandi. nam abrogati sunt à Stephano Papa in can. consulisti citato. Dices tertio, an saltem in hoc casuliceret dare hostiam non consecratam à tergo post consecratam positam, admonito peccatore ne adoret. Resp. non licere, ex dictis. Hinc damnatur abusus iudicum, ut notat Sot. ar. 6. cit. qui ad probandum innocentiam cogunt sumere Eucharistiam, vel confessionem.

Decimumseptimum dubium. An peccata venialia impediant effectum Eucharistiæ seu, an ad suscipiendum effectum huius Sacramenti requiratur actualis deuotio. Resp. Caiet. 3. p. q. 79. ar. 1. dicit requiri quare si quis distractus per peccata venialia sumat, priuatur effectum Sacramenti. fauet Dur. d. 12. q. 4. ad 3. Idem Alenf. d. 12. q. 41. Secundo dicit Caiet. quod ille qui sic communicat, cum redierit in se per dolorem, & deuotionem, recuperabit effectum perditum. Secunda sent. Soti in 4. d. 12. q. 2. ar. 8. & Adrian. q. 1. de Euch. ar. 1. & D. 3. p. q. 79. ar. 8. qui dicunt quod communicans non fruetur effectum Sacramenti ob distractionem. Addit Sot. quod per

per recessum distractionis homo non recuperat effectum huius Sacramenti, contra Caietanum . Ego dico primo, quòd peccata venialia non impediunt effectum Eucharistiae . Secundo dico, quòd impediunt actualem refectiōem, & dulcedinem . Est D. Thomae sup. & aliorum . Tertio dico, quòd qui tempore sumptionis habent magnam distractionem mentis circa aeterna, amittit effectum huius Sacramenti ; est Sor. lect. 12. de Euch. nam alioquin qui data opera se distrahit, reciperet effectum . Quarto dico, tam minima potest esse vagatio mentis, ut non impediat . Postremo dico, quòd toto tempore quo species Sacramentales sunt in stomacho, recedente distractione mentis, per actualem deuotionem recuperatur effectus Sacramenti. corruptis autem speciebus, non recuperatur ; quia tunc Sacramentum non manet amplius nec in se, nec in suo effectu ; Sacramentum enim non operatur nisi quando est .

Decimum octauum dubium. An immunditia corporalis impediatur sumptionem Eucharistiae . Resp. cum D. Tho. d. 9. ar. 4. q. 3. Alens. 4. p. q. 47. m. 2. Sylu. verb. Euch. 3. q. 9. Gabr. in can. lect. 10. quòd cum cibis iste non sit corporis, sed mentis, magis in eius sumptione consideranda est mūditiā mentis, quam corporis . Primo, vel munditia est perpetua, vel diurna . Si diurna, non est abstinendum . Si perpetua, si potest, communicet . si non potest, (ut sunt hi qui carent dentibus vel labijs) abstineant ; quia est periculum ne Sacramentum de ore cadat ; ut notat Guido cap. Euch. Leprosi autem Sacerdotes possunt celebrare, sed secreto ; vel coram alijs leprosis. cap. de rectoribus. de clericis aegrot. & notat Sylu. verb. lepra. D. Tho. 3. p. q. 82. ar. ult. Sor. d. 13. q. 1. ar. 7. Secundo, si verò immunditia corporalis sit temporalis, & de facili purgabilis, tunc si quis sit mente benè dispositus, non prohibetur sumere Eucharistiam. quamuis possit ad tempus laudabiliter abstinere, propter reuerentiam. cap. ad eius. d. 5. ut mulier menstruum patiens &c.

Decimum nonum dubium. An pollutio nocturna impediatur sumptionem Eucharistiae . Resp. primo, certum est quòd pollutio est peccatum mortale quando est voluntaria, & procurata . & si quis ante confessionemumat Eucharistiam, peccat mortaliter . est communis sententia. D. Tho. 3. p. q. 80. ar. 3. Sylu. verb. Euch. 3. q. 10. Sor. in 4. d. 12. q. 1. ar. 7. Secundo, post
confes.

confessionem nulla pollutio impedit sumptionem Euchar. eodem
 die de necessitate, seu sub peccato mortali; quia peccatum
 quod impediebat est iam sublatum per penitentiam. Distrac-
 tio autem & turbatio mentis non impediunt nisi ex quadam
 decencia. & hæc est communis sententia D. Tho. Sot. Sylu. &
 aliorum. Victor. q. 81. quamvis oppositum dicat Couar. de
 homicidio p. 3. num. 3. Dices, an si quis confiteatur causam
 pollutionis antequam sequatur teneatur iterum confiteri pol-
 lutionem sequutam ante communionem. Resp. Nau. cap. 21.
 num. 55. dicit non teneri. Sot. supra. ar. 7. dicit esse tutius
 confiteri. Ego puto quòd si satis expressit causam, non teneat-
 ur. Si tamen confiteatur, non est dubium esse tutius. Tercio
 dico, si pollutio fuit mentalis, est peccatum veniale post con-
 fessionem intra eandem diem Eucharistiam sumere propter
 irreuerentiam, quia mens multum distracta est. D. Tho. sup.
 & opus. 64. cap. 17. & 18. Sylu. & Sot. supra. Victor. q. 81. Ledes.
 1. 4. q. 21. ar. 3. intellige, nisi aliquis communicaret iusta de-
 causa, vel ratione præcepti, vel ad evitandum scandalum. Vi-
 ctor. Gabr. & Sylu. supra. Nau. cap. 21. num. 51. Vel magna de-
 votio penitentiae vel quia ipse in se non sentit malos effectus
 pollutionis. i. distractiones mentis, & cogitationes malas &c.
 Quarto dico, quòd quando pollutio non provenit ex peccato,
 sed ex superfluitate naturæ, vel ex alijs causis, nullum est pec-
 catum; & potest ad Eucharistiam eodem die accedere; Palud.
 d. 9. q. 3. ar. 1. concl. 3. D. Tho. 4. p. q. 80. ar. 7. Dico quinto, quòd
 si pollutio proveniat ex peccato veniali, & ex crapula, vel co-
 gitationibus negligenter expulsis &c. est consiliū sanctorum
 ut eodem die abstineamus à communione; qui tamen accede-
 ret, non peccaret si deuotè sumeret. Ledes. sup. dub. 3. quam-
 vis oppositum dicat Gabr. Adde quòd si sit festum, vel dies
 quo alij communicent, vel quo sacerdos debet celebrare, me-
 lius est accedere, ut ait Ledes. ibidem. Dices, cur somnium
 homicidij, vel alterius peccati non ita impedit sumptionem
 Eucharistie? Resp. cum D. Tho. 3. p. q. 80. ar. 7. ad 2. Sylu. Euchar.
 3. q. 13. Angel. Euchar. 4. §. 33. & alijs, quoniam non inducit cor-
 poralem immunditiam, nec tantam distractionem. Ultimo
 dico, quòd post legitimum matrimonium factum causa pro-
 pagandæ proles, non est peccatum eodem die accedere ad
 Eucharistiam; nec est veniale. D. Tho. 3. p. q. 80. ar. 7. Angel.

ar. 7. Si verò fiat causa delectationis, est veniale eodem die accedere. Est Palud. q. 3. ar. 2. Caiet. verb. communio sacramentalis. Sylu. Euch. 3. q. 11. Nau. cap. 2. num. 31. & fauget can. vir cum propterea. 33. d. 4. posset etiam excusari si deuotè accederet, nec sentiret distractionem mentis. Illud est certum quòd qui coniugi postulanti reddit debitum, eodem die accedendo, non peccat. Palud. Sot. Sylu. Victor. & alii supra citati.

Vigesimum dubium. An post communionem liceat alicui petere debitum. Resp. Sylu. verb. Euch. 3. q. 11. Palud. supra ar. 2. concl. 3. dicunt esse peccatum veniale. Idem Angel. verb. Euch. 3. 30. Verum si quis bono fine petat, nec videtur veniale. Reddere debitum semper est licitum. Nau.

Alber. Sylu. & alij. Dices can. omnis homo. de consecr. d. 2. vbi dicit abstinendum esse tres, quatuor, vel octo dies ab vxore post communionem. ergo &c.

Resp. ex glosa ibi recepta

à Sylu. Angel. Palud.

& alijs; quòd il-

lud est con-

silium, non praeceptum. Imò satis est

abstinere per viginti quatuor

heras. D. Tho. Alber.

Angel. Palud. &

alii &c.



TRACTATUS QVINTVS

De Sacramento Pœnitentiæ.

Cap. 1. Complectitur nonnulla dubia.



MISSA hæresi nouati negantis pœnitentię Sacramentum, quam refert August. 1. de hæresi ad quoduuld. & Epiphani. 1. de hæresib. & Ambr. 1. 1. de pœnit. cap. 2. dicentis nulli concedendam esse pœnitentiam post baptismum, quem errorem Hieronym. adscribit Montano in ep. ad Marcellam. quod etiam & Anabatistę dixerunt. sed contra hanc hæresim etiam tempore Nouati coactum fuit Romę cōcilium septuaginta Episcoporum, vbi habetur hominem post lapsum non dico septies, sed septuagies septies posse veniam suorum sperare peccatorum per pœnitentiam. Ita Cornelius Papa ep. ad Fabianum. Cyprian. 1. de lapsis. Ambr. 1. de pœnit. Chrysost. 1. de reparat. lapsi. Dicamus nonnulla de Sacramento pœnitentię in genere. Sit igitur

Primum dubium. An detur pœnitentia post lapsum. ratio dubitandi est, quoniam Paulus ad Hebrę. 6. dicit; *Impossibile est eos, qui semel prolapsi sunt, iterum per pœnitentiam reuocari.* Resp. ex supradictis dari pœnitentiam post lapsum. Ad illud Pauli resp. dupliciter; primo, ibi per pœnitentiam intelligi baptismum. ita Chrysost. & Ambr. 1. 1. de pœn. cap. 2. quare nihil aliud vult ibi Paulus, nisi prohibere baptismi reiterationem. D. Tho. 3. p. q. 84. ar. 10. ad 1. secundo resp. per ly *im-*
possi-

possibile, nō semper intelligitur pro eo quod fieri nō potest, sed sumitur aliquando pro eo, quod non facillē fieri potest. vt est illud; *Non potest abscondi ciuitas supra montem posita.* Ita Cyrill. l. 6. Trin. Nazianz. orat. de Theologia. Quod si nulla post lapsum daretur pœnitentia, decessisset nos Deus per ora Prophetarum quibus per pœnitentiā peccatorum veniam promittit. Sic Moyses populo, Deuter. 30. *Reducet te Deus de captiuitate tua &c.* Ita Hierem. 3. *Reuertere ad me, & ego te suscipiam, reuertere auersatrix, & non auertam a te faciem meam.* Ita Ezechiel 33. *Nolo mortem impij, sed vt conuertatur, & uiuat.* Ita 3. Reg. 8. *Si egerint pœnitentiam in corde suo dicentes peccauimus, exaudies de cœlo.* Ita Elai. 55. *Derelinquat impius viam suam, & vir iniquus cogitationes suas, & reuertatur ad Dominū, & miserebitur eius.* Ita Ezechiel 18. *Si impius egerit pœnitentiam omnium iniquitatum quas operatus est, nō recondabor.* Ita Hierem. 18. *Si pœnitentiā egerit, agam & ego pœnitentiam super malo quod cogitauī vt facerem ei.* Et sexcenti sunt loci.

Secundum dubium. An pœnitentia sit Sacramentum nouę legis. Resp. hoc nomen *pœnitentia*, plures habet significationes, sed præcipue sunt quatuor. Primo sumitur pro virtute pœnitentię, quę facit præterita mala plangere, & iterū noua non committere; sic sumitur can. 1. de pœnit. d. 3. Secundo, sumitur pro actu interiori pœnitentię, Rom. 4. *Benignitas Dei te ad pœnitentiam adducit.* Tertio, pro satisfactione quę in exteriori opere consistit; vt sumitur a Concilio Trid. sess. 6. can. 14. & hæc est vulgaris acceptio pœnitentię. vt ait Sylu. verb. pœnitentia. Quarto, sumitur pro vno ex septem Sacramentis Ecclesię; & ita accipitur cap. quod in te, de pœnit. & remiss. & a Trid. sess. 14. cap. 2. sess. 6. cap. 14. & alibi Sylu. supra. & sic de fide est pœnitentiam esse Ecclesię Sacramentum. vt patet ex Trid. supra cit. & can. 1. de Sacram. pœnit. ex Concil. Flor. in vniōne Armenior. ex Lateran. sub Innoc. iij. & habetur cap. firmiter de sum. Trin. & fide cathol. ex Cōstans. sess. 8. in 7. errore. Vniuers. patet ex Matth. 16. *Accipite spiritum sanctum quorūcumq; remiseritis peccata, remittentur eis &c.* quibus locis reliquit Christus potestatem Apostolis remittendi peccata; ergo instituit Sacramentum pœnitentię. Vnde Ambr. l. 1. de pœnit. cap. 7. dicit, non esse im-

possibile datam Apostolis potestatem remittendi peccata, quandoquidem dedit maiorem, Ioan. 14. ubi ait, *Maiores horum facietis*. Hierony. in Matth. 16. Tertull. de pœnit. Chrysost. l. 3. de Sacerd. & hom. 85. in Ioan. Maxim. in Ier. Apost. Petri, & Pauli. Cyr. in ep. ad Cornelium Papam. patet etiam ex Trid. supra cit. ubi ponit differentiam inter hoc Sacramentum, & baptismum; tum quia differunt forma, & materia; tum quia minister huius .i. pœnitentiae est Sacerdos iudex. in baptismo verò nullum potest iudicium exerceri; tum etiam quia baptismus non potest reiterari; pœnitentia potest. Postremo quoad fructum, Baptismus remittit culpam, & pœnam temporalem, & æternam; pœnitentia non nisi temporalem. Probat deniq; quia Ecclesia nostra esset diminuta nisi haberet aliquod Sacramentum quo remitteret peccata quæ fiunt post baptismum. eò magis quoniam Ecclesia veteris testamenti habebat victimas pro peccatis; nostra verò Ecclesia est media inter veterem & triumphantem Ecclesiam. Sic autem pœnitentia definitur: est signum rei sacræ, qua homo interius absoluitur à peccatis post baptismum commissis.

Tertium dubium. Quæ sit huius Sacramenti materia. Resp. duplex est huius Sacramenti materia; remota, & propinqua. remota sunt omnia peccata, non quidem acceptanda, sed detestanda. propinqua sunt actus pœnitentis .i. contritio, confessio, & satisfactio; ve constat ex Concil. Flor. & Trid. sess. 14. cap. 3. & can. 4. dicunt tamen hos actus esse quasi materiam. D. Tho. 3. p. q. 84. ar. 2. q. 1. Victor. q. 205. Notandum est autem de peccato actuali mortali esse pœnitentiam propriè, & principaliter; quia de his propriè dicimur pœnitere quæ nostra voluntate commisimus. Principaliter, quia ad deletionem peccati mortalis est institutum hoc Sacramentum. De veniali verò propriè, eadem ratione qua in mortali, sed non principaliter; quia non propter hoc institutum est. De originali non principaliter; quia non est ad hoc institutum hoc Sacramentum, sed baptismus. nec est voluntate nostra peractum, ni i fortè voluntas. Adz reputetur nostra per modum loquendi, in quo omnes peccaverunt; sed pœnitentia potest etiam dici de originali largo modo loquendo. i. pro quacumq; detestatione rei præteritæ. Dices, quare hoc Sacramentum non habet materiam externam sicut alia. Resp. Dur. in illis Sacramen-

eis esse materiam, per quæ homo cultui diuino mancipatur. D. Tho. sup. in 1. ad 1. dicit, in illis esse materiam externam, in quibus est excellens effectus.

Quartum dubium. An huius Sacramenti forma sit hæc. *Absoluo te.* Resp. varij varia dicunt. Abulens. in defensorio, par. 1. cap. 6. dicit, de rigore illam propositionem esse falsam, & abusiue vsurpari. Primo, quia absolvere à peccatis est proprium Dei, Marc. 1. *Quis potest absolvere peccata nisi Deus?* Ergo præsumptuosum est dicere, *ego te absoluo.* confirmatur, quia Christus Luc. 7. leprosos mundatos misit ad Sacerdotes; & Lazarum ipse suscitauit, quem deinde tradidit discipulis soluendum, Ioan. 11. Secundo, quia post peccatum manet auersio, macula, seu offensa, quæ sunt priuationes; sed absolutio per aliquid positium est danda, non negatiuum. Tercio, forma debet esse deprecatoria; tum quia Leo Papa scribens ad Theodorum (vt habetur cap. multiplex. de pœnit. d. 1) dicit, indulgentiam Dei non posse obtineri nisi supplicationibus Sacerdotum. tum etiam quoniam Apostoli sanabant deprecatorijs; ergo eò magis sanando à peccatis confirmatur; quia Hierony. in Matth. 16. dicit, hunc locum quidam non intelligentes, aliqui sumunt de superellio Phariseorum, vt damnaverent innoxios. & noxios posse saluari, cum apud Deum non sacerdotis, sed reorum vita quæretur. Sed contra hanc opinionem dico, hæc verba formæ sumpra esse à verbis Christi qui tunc non parabologicè loquebatur, nec allegoricè; nam scriptura peccata vocat vincula animæ; si vincula, ergo soluenda. Neq; vnquam Ecclesia cognouit istum abusum in hoc modo loquendi. Vnde ad primam resp. verè Deum esse causam principalem absoluendi à peccatis; sed Sacerdos est causa ministerialis, qui verè absoluit auctoritate data sibi à Christo Matth. 16. & Ioan. 20. *Quorum remiseritis peccata, remittuntur eis.* quod si præsumptuosum est dicere, *ego te absoluo;* cur non præsumptuosum est dicere, *ego te baptizo?* ad confir. resp. missos esse leprosos mundatos; nam veteres Sacerdotes non mundabant, sed declarabant tantum quinam essent mundati. ad illud de Lazaro, similitudo tenet tantum; Deum dare auctoritatem absoluendi. Ad secundum dicimus, post peccatum manere auersionem, & illam esse priuationem; sed per illam peccato rem manere obligatum ad penam; at hoc nos dicimus

esse quid positivum; si egere absolutione. Ad tertium. Illud Leonis dicimus procedere in precibus; quæ præcedunt absolutionem, vel etiam de alijs. Miracula verò quæ ab Apostolis fiebant deprecatoriè nihil mirum est; nam non erat ordinaria ista potestas in Ecclesia faciendi miracula, sicut neque prophetia; sed hæc potestas absoluedi est ordinaria Sacerdotibus ministris ut sub loco dicemus. Ad illud Hieronymi dicimus non esse ad libitum Sacerdotis dimittere, vel condemnare noxios, vel innoxios, sed clauæ non errante. Secunda opinio est Gugliel. Paris. opus. de Sacram. ubi exponit hanc formam per modum deprecatorium; *Absoluo te* .i. deprecor Deum ut te absoluat. Sed contra: quoniam Christus non dixit; quorum petieritis peccata ut absoluantur, absoluta sunt; sed, quorum remisieritis .i. vos; remissa sunt. & patet, quia Sacerdos est verè index. Tertia opinio est Magis. d. 18. dicentis, sensum esse; *absoluo* .i. ostendo te absolutum; & nullo modo Sacerdotem absoluerè à peccato. cui videtur accedere Bonau. d. ead. ar. 2. q. 1. Sed contra; quia hæc expositio Magistri enervat clauæ; nam ostendere absolutum non est absolvere; quod est contra Concilium Trid. sess. 14. cap. 3. & can. 9. ubi anathema dicitur ille, qui dixerit non absolui, sed absolutum ostendi. Quarta opinio est Scot. d. 14. q. 4. qui dicit, Sacerdotem absoluerè à reatu pœnæ, & pœnam æternam commutare in aliam. cui videtur accedere Hugo de sancto Vict. l. 3. de Sacram. par. 14. & Riccar. l. de potest. ligandi, & absoluedi. Sed contra; nam absoluerè à reatu pœnæ non est absoluerè à culpa primò, deinde à consequentibus pœnis. Item, quia manet eadem difficultas; nam sæpe reatus æternæ pœnæ est remissus. Quinta opinio est D. Tho. 3. p. q. 84. ar. 3. qui dicit, *Absoluo te* .i. impendo tibi Sacramentum absolutionis; quæ verba Caiet. interpretatur, si enim intueamur formam verborum, non videtur benè dictum, quia per hæc verba non significatur peccator absolui in actu exercitio; si verò attendatur sensus verborum quo videtur dicere D. Tho. ego Sacramentaliter te absoluo, benè dicitur. Et hæc est bona opinio. Sic etiam & illa Nau. de pœnit. d. 5. cap. 1. & Petri. Sor. lect. 4. de confess. qui dicunt sensum esse, *Absoluo te* .i. quantum ex me est ex vi Sacramenti, ego te absoluo. Dicendum est igitur Sacerdotem in Sacramento pœnitentiæ propriè, & efficaciter

eter absolueret à peccatis. Trid. sess. 14. cap. 7.

Quintum dubium. Ex omnibus his verbis, *Ego te absoluo ab omnibus peccatis tuis in nomine Patris, & Filij, & Spiritus sancti*, quæ verba sunt essentialia? Resp. Dur. in 4. d. 22. q. 2. dicit, necessariò addendum esse illud, *in nomine Patris &c.* vel aliquid simile quod significet Dei autoritatem. Palud. ibid. q. 3. dicit, esse addenda illa verba: à peccatis tuis. Sed communis opinio est, formam essentialem, convenientissimam esse duo hæc verba, *absoluo te*. quod intelligi debet formaliter, non materialiter. dico formaliter; nam si quis diceret verba æquivalentia, vt, *remitto tibi peccata*, valet absolutio, ex Concil. Flór. & Trid. supra cit. nam per hæc verba sufficienter exprimitur actus iudicialis. vnde colligitur contra Dur. & Palud. illa verba, à peccatis tuis; & illa; *in nomine Patris &c.* non esse de essentia. & multo minus preces, quæ tamen non sunt omittendæ, tum ob Ecclesiæ vsum, tum ob utilitatem pœnitentis, vt melius disponatur, & conseruetur. Dices an si quis omitteret illa verba, peccaret mortaliter? Resp. quòd si omitteret illa verba; à peccatis tuis, peccaret mortaliter; licèt enim non faciant ad essentiam, faciunt tamen ad integritatem. Si omitteret illa; *in nomine Patris &c.* dubitarent esse mortale omittere magna in curia. Si omitteret preces, nequaquam peccaret, saltem mortaliter. Ineptè verò sacerdos qui adderet; *Autoritate Papa, vel Episcopi*; nam hoc non habet à Papa, vel ab Episcopo, sed à iure diuino. Pontifex tantum dat iurisdictionem quæ consistit in eo; vt mihi detur materia inquam exercere possem autoritatem ordinis absoluentis: autoritas autem dispensandi in voto, vel excommunicatione, est autoritas iurisdictionis data à Pontifice. potest addi *Autoritate Pontificis &c.* illud verbum etiam, *qui est summus Pontifex*, potest omitti; ne conueniamus cum hæreticis in modo loquendi, qui dicunt, non esse alium summum Pontificem nisi Christum. de confessis, & contritis, ineptè additur; nam non solum in contritis, sed in attritis etiam dari potest absolutio. Et licèt Trid. dicat formam esse *Absoluo te in nomine Patris &c.* intelligendum est, illa verba non esse omittenda tanquam de essentia, sed tanquam vtilia. quòd si in baptismo sunt necessaria tanquam de essentia, est quoniam ibi fit protestatio fidei. hic verò non.

Sextum dubium. An impositio manuum Sacerdotis requiritur in hoc Sacramento. Resp. fuerunt duo errores. alter Vuigles, qui irridebat istam manuum impositionem. alter fuit dicentium hanc caeremoniam esse de essentia, eo quod act. 8. *Apostoli manus imponebant &c.* & Matth. 19. oblati sunt paruuli, & imponebant manus super eos. Sed pro veritate, primo certum est, non esse de essentia. & ad illa loca scripturæ, dico illa non esse de necessitate, nec loquuntur de hoc Sacramento. Secundo, certum est istam caeremoniam esse sanctam, & conuenientem ubi est talis vsus imponendi manus. Iacob. enim can. 45. imposuit manus vt benediceret filijs suis. Moyse extendens manus benedixit populo suo, Leuit. 16. Christus imposuit manus pueris: Paulus, & Dionys. probant hanc manuum impositionem. In Ecclesijs etiam erat vsus imponendi manus in reconciliationibus publicis, vt patet in Concil. Arausic. & cap. Arrianos. 1. q. 1. & est rationabilis illa caeremonia; nam impositio hæc manuum significat potestatem quam habet Ecclesia in pœnitentem.

Septimum dubium. Quis huius Sacramenti minister? Resp. est sacerdos habens auctoritatem absoluendi vel ordinariam, vel delegatam à superiore; vt dicemus infra.

Octauum dubium. Quis effectus huius Sacramenti? Resp. est absolutio à peccatis vt ait Concilium Flor. vel vt dicit can. 3. effectus tract. 7. cap. 6. est reconciliatio cum Deo, qui interdum in viris pijs & cum deuotione hoc sacramentum suscipientibus hoc Sacramentum, est conscientie pax, & serenitas, cum vehementi spiritus consolatione. Hinc sequitur, essentiam huius Sacramenti non consistere solum in absolute, vt putauit Scot. in 4. d. 14. q. 4. Item, materiam eius non esse solam confessionem, vt tenuit Dur. in 4. d. 14. q. 3. illud autem est verum, & notandum, quod cum inter partes materiales primatum teneat confessio, factum est vt vulgo dicatur Sacramentum confessionis. Sed in iure vt patet ex can. ad abolenda. de hæres. magis propriè dicitur pœnitentia, quæ est etiam sufficiens remedium contra peccata, vt patet ex Matt. 3. *Pœnitentiam agite, & appropinquabit regnum cælorum.*

Nonum dubium. An hoc Sacramentum sit de necessitate salutis. Resp. simpliciter, & absolute non est necessarium ad salu-

ad salutem, sed ex suppositione, illis videlicet qui subiacent peccato, sicut medicina est solum necessaria ægrotis. D. Tho. 3. p. q. 84. ar. 5. explico. Sacramentum pœnitentiæ non est necessarium ad salutem sicut baptismus, sed supposito peccato mortali factò post baptismum, est necessaria pœnitentia vel in re, vel in voto. venialia verò possunt multis modis sine Sacramento remitti, vt dicemus infra. D. Tho. supra cit. Sot. in 4. d. 14. q. 1. ar. 5. Victor. q. 108. Trid. sess. 6. can. 14. de iustit. & sess. 14. can. 2. de Sacram. pœnit. & est communis Theologorum. Hinc Hierony. in Isai. 3. dicit pœnitentiam esse secundam tabulam post naufragium, qua sententia vsa est Ecclesia ex Trid. & can. post naufragium. de pœnit. d. 1. & eadem vritur Tertuli. Idè pœnit. & communiter Theologi, cùm sit optima metaphora. D. Tho. sup. ar. 6. Sot. ar. 6. & alij in 4. d. 14. An verò per actum charitatis; vel per martyrium possit remitti peccatum mortale sine sacramento pœnitentiæ, vel sine virtute pœnitentiæ. Sot. in 4. q. 1. ar. 62. affirmat.

Decimum dubium. An Sacramentum pœnitentiæ rectè fuerit institutum in lege noua. & vbi. Resp. conuenienter fuit institutum hoc Sacramentum in noua lege à Christo Domino. patet tum ex parte Christi qui fuit sapientissimus institutor. tum ex parte iustificationis; quid enim facilius quàm dicere peccata, & remitti? quid securius quàm habere aliquod sensibile signum quo fiat remissio ex opere operato? præsertim quia attritus hoc Sacramento accipit gratiam. quid vtilius quàm habere gratiam ex opere operato, & aliquam pœnarum remissionem? quid perfectius quàm exercere tot actus virtutum, satisfactionis, humilitatis, obedientiæ, erubescentiæ, &c. tum ex parte diuinæ prouidentię, iustitię .i. & misericordię. tum deniq; ex parte Ecclesię, vt haberet aliquam moralem certitudinem remissionis peccatorum. Fuit autem institutum hoc Sacramentum à Christo Ioan. 20. & Matth. 26. *Quorum remisistis peccata, remittuntur eis* &c. vt ait Trid. sess. 6. can. 14. de iustit. D. Tho. 3. p. q. 84. ar. 7. Sot. in 4. d. 14. q. 1. ar. 7. vide infra dub. 12.

Undecimum dubium. An hæc pœnitentia debeat durare vsq; ad finem vitę. Resp. pœnitentia interior debet durare vsq; ad finem vitę; non autem exterior, sed suo tempore. D. Tho. & Sot. supra cit. ar. 8. interpretatur Caiet. intelligi negatiuè.

non

non contrariè .i. nunquam debet placere peccatum, sed semper vsque ad finem vitæ displicere quòd peccauerit. quia si placeret peccasse, hoc ipso peccaret. exteriorem autē confessionem satis est semel fecisse legitimè. quare pœnitentia habitu debet esse continua, non autem actus; quia nunquam homo debet admittere aliquid contrarium pœnitentiæ, sed debent semper sibi peccata displicere, non quidem positivè, nisi semel quando confitetur; sed negativè. actu enim continuare actum pœnitentiæ internum, vel externum, est impossibile, nec est necessarium. D. Tho. supra. ar. 9. Caiet. ibid. & Sotus loco cit.

Dodecimum dubium. An pœnitentia de peccatis ut sunt offensa Dei, sit de lege naturæ. & an in lege naturæ sit aliquid signum necessarium pro adultis. Resp. Caiet. 3. p. q. 84. ar. 7. dicit non esse de lege naturæ dolorem de peccato ut est offensa Dei, nec ut remedium peccati; sed cessandum esse à peccatis. & quod D. Tho. ibid. dicit esse de lege naturæ ut est remedium; dicit esse intelligendum quando peccatum est scandalosum, v.g. contra populum, vel rempublicam &c. tunc natura docet de hoc peccato esse dolendum. An autem essent Sacramenta, & necessaria pro adultis in lege naturæ: Scot. in 4. d. 1. q. 3. ar. 3. dicit fuisse & determinata, & obligantia. D. Tho. 3. p. q. 64. ar. 3. ad. 2. concedit fuisse, & obligasse, sed in communi. quò ostenderetur illa pœnitentia in communi. Alenf. in 4. p. q. 1. m. 3. ar. 2. dicit quòd non obligabant nec in communi, nec in particulari. Circa tempus legis veteris certum est fuisse Sacramenta, & obligasse. Circa tempus legis Evangelicæ omnes conveniunt fuisse. Sed discrepant nonnulli primo, an quoad omnes partes fuerit à Christo institutum hoc Sacramentum. Bonau. in 4. d. 17. p. 2. q. 3. ar. 1. dicit quoad absolutionem à Christo institutum. quo ad confessionem ab Apostolis, Iacob. 5. *Confitemini peccata vestra*. Secundo, discrepant de loco ubi fuerit institutum. Alber. in 4. d. 27. ar. 4. dicit, quoad contritionem, fuisse institutum Matth. 4. *pœnitentiam agite &c.* quoad confessionem, Matth. 8. *Osce de te Sacerdoti*; quoad absolutionem, Ioan. 11. *Solve illum &c.* quoad usum, Ioan. 20. *Quorum remisistis peccata, remittuntur eis &c.* Alenf. in 4. p. q. 13. m. 1. ar. 3. dicit: quoad utilitatem institutum fuit Matth. 4. quoad necessitatē Luc. 13.

Nisi

Nisi pœnitentiam egeritis, omnes simul peribitis. quoad absolutionem, Matth. 16. Ioan. 11. D. Tho. 3. p. q. 84. ar. 7. dicit quoad virtutem fuisse institutum Matth. 4. quoad officium, ministrorum, Matth. 16. quoad efficaciam, Luc. ult. Ego dico primo, dolorem de peccato vt est contra rectam rationem, natura docet, & est concessum ab omnibus; homo enim naturaliter amat obiectum quod est conforme suæ voluntati rationali, ergo naturaliter dolet de contrario. Item patet; quia non excedit limites naturæ. Dico secundo, pœnitentia illa quæcunq; sit, quam sola lex, & lumen naturæ docet, non sufficit ad delendum peccatum, quamuis non negem in lege naturæ peccatum fuisse deletum. Prima pars probatur; semper enim fuit necessaria fides supernaturalis, sine qua impossibile est placere Deo, ergo sola lex naturæ non sufficit. Secundo, ad remissionem peccati requiritur amor Dei super omnia, sed ex sola lege naturæ hoc non habetur; ergo &c. Secunda pars probatur; primo ex Iob, & Niniuitis, qui fuere in lege naturæ, non in lege scripta. Secundo, quia diuina providentia, nunquam deficit in necessarijs, sed pœnitentia semper fuit necessaria, ergo &c. Tertio, quia semper fuit Ecclesia vera quæ incepit ab Abel iusto, & durabit vsq; ad seculi consumationem; ergo semper fuit pœnitentia; ergo etiam in lege naturæ. Dico tertio, probabiliter teneo ex solo lumine naturæ sine alio speciali auxilio, & reuelatione, posse cognosci Deum offendi peccatis, & placari pœnitentia; & hanc esse remedium peccati; quamuis hæc cognitio valde imperfecta sit. explico: non dico posse hominem pœnitere sola natura sufficiente dolorē ad deletionem peccati, hoc enim pelagianum est; sed dico, hanc cognitionem esse valde imperfectam. loquitur igitur hæc conclusio de intellectu, non de voluntate. Dixi etiam, esse probabile; quia potest teneri cum Caiet. nunc probatur conclusio: Primo ad Rom. 5. de philosophis ait Paulus, quòd *Cum cognouissent Deum, non glorificauerunt*: & loquitur de philosophis in lumine naturæ. Secundo, apud gentiles multa leguntur quòd displicent Deo peccata. legendus est Plato l. 4. de legibus. & in Gorgia circa finem. Item multæ res publicæ constituunt multa sacrificia, & oblationes vt expiarentur à peccatis. Tertio, naturaliter cognoscimus peccatum esse, contra rectam rationem; ergo & contra autorem rectæ ratio-

nis Deum. Quarto, naturaliter cognoscimus Deum esse bonum, & benignum; ergo & placari pœnitentijs. Dices, si hoc naturaliter cognoscit intellectus, ergo voluntas naturaliter dolebit, ergo pœnitentia est à nobis, & à nostro libero arbitrio, non à natura. Resp. negando sequelam; nam voluntas fuit magis læsa, quàm intellectus. Secundo resp. quòd etiam voluntas potest aliquo modo dolere imperfectè tamen, & insufficièter ad deletionem peccati; quia si possum amare Deum amore naturali, possum etiam naturaliter dolere de eius offensa. Dico quarto, probabile est in statu legis naturæ fuisse aliquod signum sensibile ad deletionem peccati, in communi tamen, & indeterminatè. Probatur primo, ex Gregor. l. 4. mor. cap. 2. quod apud nos valet aqua baptismatis, hoc egit apud Iudæos circumcisio, & apud legem naturæ aliquod sacrificium pro adultis, & fides parentum pro paruulis. August. l. 5. contra Iulian. cap. 9. Idem dicit. Secundo, apud illos erat necessaria fides, ergo erat necessarium hanc protestari aliquo signo. erat apud illos, necessarius cultus externus, ergo aliqua signa erant necessaria. Dices, vbi habemus hanc institutionem horum sacramentorum? Resp. primo, sicut lex erat naturæ, institutio non debuit in scriptis dari. Secundo, certum est in lege naturæ fuisse multa sacrificia, & oblationes, Abel, Enoch, Abraham, Melchisedech sacrificabant, & alij etiam quos non habemus in scriptura. Dico quinto, in lege veteri fuere sacramenta, & obligantia. Probatur ex toto Levitico. & ad Hebræ. 9. Secundo, si in lege naturæ erant, multo magis in lege veteri.

Decimum Tertium dubium. An Sacramentum pœnitentiæ pluries iterari possit. Resp. affirmatiuè, patet ex Matth. 18. *Nō dico tibi septies, sed septuagies, &c.* vbi finitus numerus sumitur pro infinito. & cap. firmiter. de summa Trin. & fide cathol. ex Concilio Flor. in vnione Armeh. Trid. sess. 14. can. 5. & can. 8 de Sacram. pœnit. Sor. in 4. d. 14. q. 1. ar. 10. D. Tho. 3. p. q. 84. ar. 10. patet ex vsu Ecclesiæ, & ex necessitate, & vtilitate huius Sacramenti. & ex sexcentis scripturæ locis, in quibus peccatoribus penitentibus promittitur venia post lapsum. Et patet ratione: nam aliàs destrueretur prouidentia Dei si solum eos saluaret qui seruant innocentiam baptismalem. Secundo, destrueretur iustitia; quia sicut punit peccatores ex iustitia

iustitia, ita ex eadem recipere debet peccatores pœnitentes. Tercio, misericordia, vt patet. Quarto, mysterium incarnationis: *Non enim venit vocare iustos, sed peccatores ad pœnitentiam*. Quinto, Euangelium; quia via salutis esset angusta. Sexto, destrueretur Ecclesia, quæ semper orat pro peccatoribus. Septimo, liberum arbitrium. Octauo, destrueretur natura pœnitentiæ, quæ non respicit si ante baptismum sit, vel post.

Decimumquartum dubium. Quid est pœnitentia. Resp. primo, potest definiri ratione generis, & hoc modo definitur à Magist. in 4. d. 14. *Est virtus, vel gratia, qua commissâ malâ cum emendationis proposito plancimus, & placendo iterum committere nolumus*. Vel secundum speciem, & sic definitur ab August. 1. de vera, & fals. pœnit. *Est quadam dolentis vindicta semper puniens in se quod dolens commisit*. & refert eam ad speciem iustitiæ. dicit, *Semper puniens*, negatiuè, non contrariè; vt dictum est supra. dub. 11. Vel ex parte finis ad quem; & sic definitur ab August. 1. 3. *hyponost. Est res optima, quæ omnes defectus reuocat ad perfectum*. Intelligitur de pœnitentia perfectâ, & continuata. Vel respectu finis à quo; & sic definitur ab eodem l. de Eccles. dogm. *Est pœnitenda non admittere, & admissa desistere*. Sic etiam definitur à Gregor. hom. 14. in Euang. Vel in ordine ad subiectum; & sic vel consideratur vt eliciens actus; & sic definitur ab Ambr. in quodam ser. quadrag. *Est dolor cordis, & amaritudo animæ pro peccatis commissis*. Vel quatenus pœnitentia est recreant ipsum subiectum; & sic definitur à Glosa in Matth. 4. *Est correctio malæ mentis. i. malæ voluntatis*. Vel in ordine ad peccatum; & sic definitur à Damasceno; *Est ab his quæ sunt præter naturam, ad ea quæ secundum naturam reuersio*. Hoc vnum est; de ratione pœnitentiæ esse, vt sit detestatio peccati commissi. patet ex nomine pœnitentiæ; pœnitentia, quasi pœnæ tenentia. patet etiam ex scripturis; vbi enim agitur de pœnitentia, ibi sermo miscetur de dolore, & gemitu peccatorum. Isa. 26. *Domine in angustia &c.* Iob. 31. *Postquam conuertisti me, & egi pœnitentiam, percussi femur meum*. Ezech. 31. *Et tu fili hominis, ingemisce &c.* Psal. 50. *Cor contritum, & humiliatum Deus non despicies*: patet etiam ex patribus, qui omnes definiunt pœnitentiam in ordine ad dolorem. August. Tertull.

Ambros. & omnibus qui de pœnitentia scribunt.

Decimumquintum dubium. An hæc sic definita pœnitentia, sit virtus. Resp. ex D. Tho. 3. p. q. 85. ar. 1. Pœnitentia, seu dolor ut est in appetitu sensitivo, non est virtus. probatur ex Arist. 1. 4. ethic. quia ut sic, est passio habens corporalem immutationem. Item, quia est de turpi actu, quod non habet locum in homine virtuoso. Secundo, si consideratur ut est dolor in voluntate, sic est virtus. probat ex 1. 2. & hic. cap. 2. ubi habetur, virtutem esse habitum electivum secundum rectam rationem. Quod autem hæc pœnitentia, seu dolor, & detestatio peccatorum sit virtus, probatur; quia est actus bonus, & laudabilis, utilis, & necessarius. 2. cor. 7. *Gaudeo, quia contristati estis ad pœnitentiam*. Item, quia Christus laudat Niniuitas eoquod egerint pœnitentiam. & omnes pœnitentes in scriptura laudantur. Vadat nunc in malam crucem nescio qui Lutherus dum dicit, pœnitentiam non solum non esse virtutem, sed neq; laudabilem; cum faciat hominem hypocritam; eoquod non ex charitate nascatur, neq; fiat ex toto corde. Resp. enim quod multa sunt extra charitatem, quæ tamen virtutes sunt; ut est fides informis, prophetia, operatio miraculorum, cognitio miraculorum, cognitio rerum naturalium, &c. neq; valet quod id quod non fit ex toto corde sit hypocrisis; modo non fiat contra cor; ut valeat dicere; *cor eorum longe est à me*; at pœnitens intendit se appropinquare Deo. Dices, An hæc virtus pœnitentiæ sit virtus specialis, & distincta. D. Tho. supra, ar. 2. dicit, esse quendam actum specialem circa actum specialem, & obiectum speciale, & est dolor de peccatis. Secundo dicit, simpliciter tristari de peccato, nullo alio addito, est charitas. Tergio dicit, obiectum speciale pœnitentiæ est circa peccatum emendabile per illos meos actus. Quarto, pœnitentia destruit omne peccatum effectivè, quælibet alia virtus destruit formaliter; ut temperantia intemperantiam, sed pœnitentia effectivè operatur ad destructionem omnium peccatorum. Non est iustitia; quia hæc facit æqualitatem, & ubi non est æqualitas, non est iustitia; sed non est æqualitas inter Deum, & hominem, ergo non est simpliciter iustitia. Est tamen pœnitentia pars iustitiæ, & species iustitiæ secundum quid; quia iustitia est ad alium, sed pœnitentia est ad alium; quia nos ad Deum

Deum dirigit; ergo est pars iustitiæ secundum quid. reducitur autem ad iustitiam commutatiuam. Dico igitur quod dolor de peccato in particulari, ut est contra rectam rationem, non est virtus specialis, sed omnes virtutes; nam eiusdem virtutis est ferri in suum oppositum. Neque pœnitentia est virtus generalis; non enim coincidit cum alijs virtutibus. probatur prima pars. nam omnis virtus dolet de peccato solum in particulari; Item sunt aliquæ virtutes intellectuales quæ non possunt dolere de suo opposito, cum dolor sit in voluntate virtus autem in intellectu. & etiam quia impœnitentia ut dicit aliquem habitum, non haberet cui particulariter opponatur. Probatur secunda pars. i. quod non coincidit cum alijs virtutibus; quia si coincideret, vel in charitatem, & hoc non; quia charitas non habet eandem formalem rationem. Vel ad iustitiam, ut ait Dur. in 4. d. 14. q. 2. & hoc non; quia inter nos & Deum non est vera ratio iustitiæ. Vel ad religionem, ut ait Caiet. 3. p. q. 75. ar. 2. & hoc non; quia est expressè contra D. Tho. ibid. quod etiam docet in 4. d. 14. q. 1. q. 3. tunc etiam quia omnino non est alia ratio formalis religionis, quam pœnitentiæ. Est igitur Pœnitentia virtus distincta ab omnibus alijs; quoniam habet suum obiectum formale distinctum ab omnibus alijs.

Decimum sextum dubium. An pœnitentia subiectetur in voluntate. Resp. Alti. l. 4. de pœnit. cap. 3. & Scot. in 4. d. 14. q. 2. qui ponit quatuor actus, primum velle vindicare peccatum. Secundum, nolle peccasse. Tertium, acceptare punitiōnem. Quartum, pacienter ferre pœnas. Primus pertinet ad iustitiam vindicatiuam. Secundus ad omnes virtutes. Tertius ad virtutem à qua imperatur. Quartus ad patientiam, & omnes alij qui dicunt esse virtutem generalem, dicunt esse in pluribus potentijs; quare non in voluntate tantum. Alij tenent esse in libero arbitrio. ut Alexander A lens. Bonau. in 4. d. 13. ar. 1. q. 1. dicunt esse in parte irascibili, ubi est fortitudo, & cum eo consentit Alber. in 4. 14. ar. 8. Palud. verò ibid. q. 2. videtur ponere duos habitus pœnitentiæ; unum in voluntate, alterum in appetitu sensitivo, & illi cōsentiunt Sotus, & Ledes. Nihilominus tamen cum D. Tho. & Thomistis. 3. p. q. 85. ar. 4. dicendum est primo, tristitiam, & dolorem, nec ullam passionem partis sensitivæ esse essentialiter pœnitentiam. patet primo,

primo, ex Concilio Flor. & Trid. quæ definiunt contritionem esse detestationem cum proposito non peccandi. Secundo, sensus non attingit Deum ut finem, sed pœnitentia habet Deum ut finem. Tertio, dolor in sensu non est semper in nostra voluntate. Vnde errant qui putant ideo homines non habere pœnitentiam, quia non habent dolorem in sensu, quamvis non dubitem graves peccatores qui non habent dolorem in sensu, nec habere in voluntate. Dico secundo, licet opinio Palud. Sor. & Ledes. de duobus habitibus pœnitentiæ sit probabilis, tamen contraria est probabilior. Primo, quia si ponendus est iste habitus in potentia sensitiva, est ut moderetur passiones; sed ad hoc sufficit pœnitentia voluntatis, ergo non est ponendus alius. Secundo, quia habitus iustitiæ, & charitatis esset ponendus in parte sensitiva. Dico tertio, pœnitentia ut virtus in sola voluntate ponenda est, ut in proximo subiecto, cum D. Tho. supra. patet primo, quia non potest esse in pluribus subiectis, quia est una virtus, unaque forma, & qualitas. tum quia licet aliæ potentie concurrant, non tamen elicitivè. Secundo, non est in intellectu; tum quia non est habitus cognoscitivus. tum etiam quia est ad alium. Tertio, non est in parte sensitiva; tum quia sensus non attingit ad Deum finem; tum etiam quia ratio formalis pœnitentiæ non est nisi ad Deum, & peccati detestationem.

Decimumseptimum dubium. In quibus potest esse pœnitentia. Resp. in Deo, Christo, B. Virg. Angelis beatis, vel damnatis, etiam hominibus nec fuit, nec potest esse pœnitentia. In Deo certum est non esse nisi abusuè; ut quando dicit *Pœnitet me fecisse hominem*. In B. Virgine, Palud. dicit ante confessionem fuisse pœnitentiam, quia poterat peccare venialiter. Sed quoniam nec poterat peccare venialiter ex privilegio ut definitum est ex Trid. sess. 6. can. 13. quia non peccavit in tota vita; ergo non poterat peccare ex privilegio; ergo nec habuit pœnitentiam. Tertio, neque poterat esse in Angelis omnibus, tum ratione naturæ, quia liberum arbitrium in ipsis est vertibile inuertibiliter; tum etiam ratione status; quia in termino non possunt amplius dolere. Sic etiam in damnatis hominibus, in quibus non operatur gratia Dei quando sunt in termino. In statu innocentie fuisset virtus pœnitentiæ, ut fuit in Adamo, in pueris baptizatis, confirmatis, peccatoribus, &

bus, & iustis . patet primo, de statu innocentie, quia Adam poterat peccare, & peccauit; quare meritò data est illi virtus pœnitentiæ . De pueris patet; quia possunt peccare quando sunt in vsu liberi arbitrij, & omnes virtutes infunduntur illis à Deo . In beatis non est habitus pœnitentiæ sicut est in nobis .i. cum dolore peccatorum, quamuis odio habeant peccata vt offensa contra Deum . Dices, vel placebant illis peccata, vel displicebant; non primum, ergo secundum; ergo habent pœnitentiam . Resp. quòd. nec placebant, nec displicebant. sicut lapis non est cæcus, neq; videns; quia non est capax nec visionis, nec cæcitatís . Sic in beatis, in quibus Deus non concurrit aliquo actu qui potest illis afferre aliquam pœnam .

Decimum octauum dubium . An principium pœnitentiæ sit ex timore . Resp. habitus pœnitentiæ est infusus à Deo sine nobis principaliter operantibus, non autem sine nobis dispositiue cooperantibus . D. Tho. 3. p. q. 85. ar. 5. Probatur, habitus pœnitentiæ est supernaturalis, & non potest haberi viribus naturæ; ergo est infusus . nam ideo ponimus Theologicas infusas, quia non possunt haberi viribus naturæ, cum sui actus sint supernaturales . confirmatur ex Trid. sess. 6. can. 3. secundò, agens naturale non se extendit vltra finem sibi proximum natura; ergo non potest producere habitum pœnitentiæ; ergo requiritur habitus infusus, Dices, satis est auxilium speciale . Resp. Deus suauiter procedit in omnibus suis operibus. cum ergo ad actus naturales morales dentur naturales, & acquisiti, ita quoad actus supernaturales debet infundi qualitas supernaturalis, & habitus supernaturalis, cum suauis Dei prouidentia hoc postulet. quem enim Deus sanat, perfecit sanat. Actus verò pœnitentis est etiã à libero arbitrio. licet sit principalis à gratia Dei. prima pars patet primo, quia nos sumus cooperatores Dei, & agricolæ . Secundo, quia scripturæ hortantur nos ad pœnitentiam . Tertio, quia resistere Deo vocanti, est gratissimum peccatum; ergo possumus concurrere cum libero arbitrio. ad Rom. 2. *Nescis quia benignitas Dei ad pœnitentiam te adducit, tu autem secundum duritiam tuam, & impenitens cor tuum &c.* Secunda pars probatur; quia Deus est causa vniuersalis quæ plus influit in causatum quàm causa secunda . Actus autem qui in pœnitenti-

tia concurrant, sunt sex. Primus actus, est Dei mouentis. Secundus est fides. Tertius, timor seruilis. Quartus, spei. Quintus, dilectio. Sextus, timor filialis. Ex Concilio Trid. sess. 6. cap. 6. Actus penitentiae à timore serui procedit tanquam à primo motu nostri affectus. ab affectu procedit fides, sed non est principium motuum affectus, sed potius intellectus. Actus denique legitimae penitentiae à timore filiali tanquam à principio immediato elicitur.

Decimum nonum dubium. An penitentia quae nascitur ex timore serui sit bona. Resp. duplicem esse timorem; seruilem, & filialem, seu castum. August. tract. 9 in Ioan. epist. nam timor humanus, seu mundanus non pertinet ad nos, & semper est malus, omittit enim facere bonum propter timorem. timor etiam initialis coincidit cum filiali quoad substantiam, & differt ab eo secundum perfectum, & imperfectum. Seruilis autem & filialis differunt specie: primus enim habet obiectum penam; secundus, Deum. Filialis tamen dignior est serui; cum quia filialis est cum charitate, seruilis non. cum etiam quia filialis iustificat; seruilis non. Ita Iustin. martyr. q. 98. Chrysost. hom. 5. ad Rom. Gregor. I. 3. dialog. 34. Iste, verò timor vel potest habere annexam voluntatem peccandi, vel non. Nunc dico: Timor seruilis ratione sui obiecti bonus est, & per consequens penitentia quae ex hoc timore oritur, bona est. est de fide. Luc. 3. *Genimina viperarum &c.* Matth. 10. *Time te eum, qui postquam occiderit corpus, habet potestatem mittendi animam in gehennam.* & alibi. August. supra cit. dicit, timorem hunc preparare charitatem. Clem. I. 2. strog. vocat illum, paedagogum legis. August. sermum. Gregor. hom. 34. vocat eum scopas ad inquirendam gemmam. Ber. ait, primum gradum obedientiae esse timorem. Trid. sess. 6. can. 8. & sess. 14. cap. 4. patet ratione; nam si ista penitentia ex motu est mala, vel est mala in se, quia est detestatio peccati; vel propter causam. i. ex timore poenae. non primo modo, quia semper esset mala. non secundo modo; nam timor poenae non est malus, natura enim nos inclinat ad hunc timorem. Dico secundo, timor gehennae habens voluntatem malus est. Explicatur primo à Nau. cap. sicut seta. de poenit. d. 2. ubi dicit, poena potest timeri principaliter. i. propter ipsam poenam; vel non. i. principaliter propter Deum, minus principaliter prop-

ter penam : hic timor est bonus, ille non. Secundo explicat D. Tho. hic timor dicitur vel substantiam timoris, vel seruitutem; hæc non est ratio formalis timoris pœnæ, sed est aliquod extrinsecum .i. illa à qua timor denominatur seruilis. timor in se, bonus est; seruitas, mala; quia opponitur libertati. Tertio, alij exponunt quando timor pœnæ est motiuum ad detestandum peccatum, tunc bonus est; quando est finis, malus est. sed hoc non placet; nam etiam si sit finis, dummodo excludat omnem voluntatem peccandi, bonus est. & hoc modo potest intelligi Nau. Quare simpliciter est dicendum, quoties timor excludit voluntatem peccandi, bonus est. si non, est malus. patet ex Trid. sess. 14. cap. 4.

Vigésimum dubium. An ad veram pœnitentiam, & iustificationem requirantur omnes illi sex actus supradicti in dub. 18. Resp. descendendo ad singulos actus. primo, de Dei motione; dico non solum Deum præuenire dormientem animam, sed etiam cooperari ad eliciendos reliquos quinque actus. De secundo, qui est fides, apud Ionam prædicauerunt doctrinam &c. Dices; ante fidem præcedit cognitio naturalis. Resp. nos hic loqui de pœnitentia vera, & Christiana. De tertio .i. de timore seruili figurato in muliere parturiente, Isa. 26. & in vento, commotione, & igne, & 3. Reg. 19. figuratur etiam in deiectione Pauli. Huic actui timoris sunt coniuncti alij, vt erubescencia; *Quem fructum habuistis in quibus nunc erubescitis?* ait Paulus. indignatio; Iob. 31. *Postquam conuertisti me, egi pœnitentiam &c.* deliquium quodam, psal. *Defecit cor meum &c.* conturbatio, psal. *Conturbata sunt omnia ossa mea.* De quarto idest spe, psal. 42. *Quare tristis es anima mea, & quare conturbas me? spera in Deo &c.* & Ioël, *Conuertimini ad Dominum, quis scit si conuertatur, & ignoscat Deus?* De quinto .i. dilectione, *Dimittuntur ei peccata sua, quia dilexit multum.* Luc. 7. & Ioan. *Qui non diligit, manet in morte.* De sexto .i. timore filiali, extat parabola filij prodigi, Luc. 15. Media verò præcipua ad hos actus eliciendos, primum est oratio. Secundum, consideratio enormitatis peccati, & iudiciorum Dei. Tertium, consideratio benignitatis Dei. Quartum, lectio sacrarum scripturarum. Anton. 3. p. tit. 13. cap. 11. §. 18. Ambros. ad Virginem lapsam. Hi omnes actus non semper sunt necessarij, nec semper ordo iste est necessarius.

morales enim actus sunt ut plurimum, & regulariter. probatur primo quia potest Deus in instanti iustificare. Secundo, quia potest vnus facere vnum actum ex his. Tertio, quia potest vnus prius facere vnum actum, quam alium. Hi actus de condigno nullo modo merentur remissionem peccati, vel gratiæ infusionem. De congruo autem non in se considerati, sed ut profluunt ab auxilio speciali. Dixi *Non de condigno*, quia ad condignitatem requiritur amicitia operantis, & operis condignitas. Dixi *Mereri de congruo*, quia licet aliqui omnino non admittant meritum, de congruo tamen nos admittimus cum Sor. in 4. d. 14. q. 2. ar. 5. & alijs. Dixi *Non mereri de congruo de se*; quia de se ut sunt à libero arbitrio, non habent proportionem ad finem supernaturalem. Dixi *Prout profluit ab auxilio speciali*, quia ut sic dicunt respondentiam ad finem supernaturalem. & ita potest esse meritum de congruo, quod dicit respondentiam præmij, & operis.

Vigesimum primum dubium. An actus penitentiae sit posterior actu dilectionis, & an vterque iste actus sit posterior habitibus infusis, & ipsa gratia. Resp. supponendo nos loqui de vltima, & proxima dispositione, non de præuijs, nam in his nulla est difficultas quod præcedant gratiam, & infusionem habituum etiam tempore, sed vltima in eodem instanti; & supponendo certum esse in eodem instanti temporis quo est vltima dispositio infundi gratiam, & habitum; supponendo etiam nos loqui de gratia habituali, & dono infuso, non de auxilio speciali, & an habitualis præcedat. Dico, primam opinionem esse D. Thomæ 3. p. q. 85. ar. 7. dicentis, vltimam dispositionem præcedere, & subsequi gratiam habitualement in diuerso genere causarum. In genere causæ materialis præcedere natura actus penitentis. in genere causæ formalis, præcedere gratiam, & habitum penitentiae. Explicatur primo exemplo allato de forma naturali. Secundo, exemplo aperitionis fenestæ apertæ à vento; fenestra prius aperitur, & ventus ingreditur. Tertio, exemplo lucis pellentis tenebras. Confirmatur ex secundo physico. vbi causæ sunt inuicem sibi causæ. Probatur, nam D. Tho. 1. 2. q. 113. ar. 8. docet ad impij iustificationem quatuor concurrere; infusionem gratiæ, actum dilectionis Dei, odium peccati, & remissionem. & ar. 6. docet, actum fidei formatæ præcedere actum penitentiae. &

ibid.

ibid. dicit, quòd actus, & habitus pœnitentiæ simul sunt tempore cum habitu, & actu charitatis; sed habitus, & actus charitatis simul sunt. Hanc opinionem D. Thomæ defendit Scot. & Ledel. Secunda opinio est illorum qui dicunt ultimam dispositionem non provenire à gratia, & habitibus infusis, sed à libero arbitrio. Hanc tenet Scot. in 4. d. 54. qui non agnoscit pœnitentiam infusam. Defendit Vega. l. 6. in Concil. Trid. cap. 28. 29. & l. de iustif. q. 6. ad 9. & q. 7. ad 3. Ego dico primo, quòd quamvis opinio D. Tho. sit aliquo modo probabilis, tamen contraria est probabilior. probatur ex modo loquendi Concilij Trid. sess. 6. cap. 6. ubi ponit sex illos actus dictos supra dub. 18. & cap. 7. subdit; *Iustificatio ipsa consequitur per susceptionem gratia, & donorum.* & can. 3. & 4. dicit, hominem disponi per spiritus sancti motionem &c. ubi non meminit habitus infusi. & cap. 6. dixit, quòd homo incipit diligere. q. d. quòd dilectio quæ est dispositio non est illa perfecta quæ habetur ex habitu infuso. Secundo prob. ex D. Tho. 1. p. q. 62. ar. 2. ad 3. ubi dicit, triplicem esse conversionem in Deum; prima, perfecta ut beatorum. Secunda, qua convertitur cum gratia ad Deum, ut iustorum. Tertia, qua homo se disponit ad gratiam, ut peccatorum qui ad Deum se convertunt. & hæc non requirit gratiam, sed est ad gratiam. & in 3. p. q. 89. ar. 1. & 2. dicit; quòd primus actus pœnitentis se habet ut ultima dispositio ad gratiam. alij verò sequentes procedunt à gratia, & habitibus infusis. & in 1. 2. q. 109. ar. 6. dicit, ad præparationem ad gratiam non præsupponi gratiam habitualement, sed divinum auxiliū. Dices, ergo D. Tho. sibi contradicit. Resp. Scot. quòd ille actus dupliciter consideratur, vel ut dispositio, vel ut elicitur ab habitu. Primo modo procedit, secundo subsequitur. Dico secundo, quòd habitus charitatis est prior habitu pœnitentiæ, similiter actus dilectionis est prior actu pœnitentiæ. Explico: actus pœnitentiæ, & charitatis vel possunt esse ante iustificationem, vel post. & utrobique actus dilectionis præcedit actum pœnitentiæ, probatur de habitu; quia obiectum habitus charitatis est bonum; pœnitentiæ est peccatum, sed prius natura est bonum, quàm peccatum; ergo &c. Secundo, quia pœnitentia est dolor de peccato propter Deum dilectum; ergo præsupponit illum. Probatur de actibus ex Concilio Trid. sess. 6. cap. 6. ubi præmittit actum dilectionis

a&ui detestationis. Secundo, quia prius natura fertur homo in Deum, quàm in peccata.

Vigesimum secundum dubium. An de lege ordinaria sit necessaria pœnitentia necessitate mediij ad remissionem peccatorum. Resp. & nota, nos hic loqui de pœnitentia ordinaria, non de absoluta. Secundo, nos loqui non de Sacramento pœnitentiæ, sed de virtute. Tertio, nos loqui de necessitate mediij, vel finis, non de necessitate præcepti. Quarto, duplicem esse pœnitentiam; vel actualem & formalem, vel virtualem; de utraq; loquimur. Quinto, difficultatem esse de fide, de dilectione, de martyrio, & de baptismo. Circa fidem, Lutherus dicit, solam fidem & nihil aliud requiri ad hominis iustificationem. Sed contra hoc certa fide tenendum est fidem sine pœnitentia non sufficere. Patet primo, ex omnibus scripturis quæ præcipiunt pœnitentiam, vt supra ostensum est. Secundo, ex patribus supra citatis. Tertio, ex Concil. Later. cap. firmiter. de sum. Trin. & fide cathol. & Trid. sess. 6. can. 9. Quarto, ratione; nam peccatum non solum deordinauit intellectum, sed etiam voluntatem; ergo in voluntate requiritur dolor. Circa dilectionem, Scot. in 4. d. 14. q. 1. Adrian. quodl. 7. ar. 4. Gregor. Arim. in 1. d. 17. Veg. in Concil. l. 6. cap. 34. & 35. dicunt Dei dilectionem super omnia sine pœnitentia sufficere ad peccati remissionem, Melchior in 3. p. relect. pœnitentiæ, dicit dilectionem Dei nullo modo remittere peccatum, sine actuali pœnitentia. Ego dico; in eo qui non habet conscientiam peccati mortalis, vel facto examine nihil recordatur, actus dilectionis remittit peccatum; non tamen si est conscius peccati mortalis, vel potest recordari. Suppono enim benedicere Petrum Sot. lect. 4. de pœnit. impossibile esse moraliter quòd sit actus dilectionis Dei super omnia, & non sit pœnitentia actualis, quia dilectio Dei statim inducit hominem ad detestandum peccatum. nunc probatur sufficere dilectionem in eo qui non est sui conscius mortalis, nec recordatur. Primo, quia fecit debitam diligentiam, ergo non tenetur ad aliud. Secundo, quia ille seruat alia præcepta, & præceptum dilectionis, ergo iustificatur. Neq; valet dicere quòd in tali casu Deus reuelabit peccata sua; nam hoc gratis dicitur, & est recurrere ad miracula. neq; valet dicere illum debere conditionaliter pœnitere, quia hoc etiam gratis dicitur. Probatur

nunc

nunc non sufficere dilectionem in habente conscientiam mortalis, vel in eo qui potest recordari. Nam scripturæ clamant pœnitentiam esse necessariam, vt dictum est supra, dub. 9. sed si non est necessaria quando recordor, quando erit? Secundo patet ex Trid. sess. 6. cap. 6. & cap. 14. alioquin accederemus ad hæresim Lutheri, dicentis pœnitentiam esse nouâ vitam. Tertio ratione, si enim in humanis ad iniuriam compensandam non solum requiruntur signa dilectionis, sed etiam recompensatio pro damno, & iniuria illata, ergo multo magis in Deo. Sor. in 4. d. 15. q. 2. ar. 1. Circa Martyrium, Veg. l. 6. in concil. cap. 36. & 37. defendit per martyrium hominem saluari sine actuali pœnitentia, etiam si occurrat casus recordandi peccatorum, & non possit confiteri. Melchior supra cit. dicit, nullo modo saluari sine pœnitentia actuali. Ego dico, in eo qui habet conscientiam peccati, vel ob tormentorum grauitatem, & celeritatem non vacat recordari, satis est martyrium. in eo verò qui habet conscientiam, vel potest recordari, non sufficit. Suppono martyrium non esse Sacramentum, vt quidam erroneè dixerunt; sed tantum remittere totam penam ex opere operato, D. Tho. in 4. d. 5. q. 3. ar. 3. q. ad 1. licet alij dicant hoc conuenire martyrio in paruulis ex privilegio, in adultis ex opere operantis; tum quia paruulis martyrium id conferat, & facit eos martyres; & eodem modo facit in adultis; ergo sicut ex se operatur in pueris, & in adultis facit idem; ergo martyrium id ex se habet. tum quia Ecclesia statim colit omnes martyres. Probatur nunc satis esse martyrium in eo qui non habet conscientiam peccati mortalis, vel ob tormentorū & grauitatem, & celeritatem non possunt recordari. Primo, quia si dilectio Dei illud facit, ergo multo magis facit martyrium, quod includit maximam dilectionem. Secundo, martyrium vel ex privilegio, vel ex opere operato liberat hominem à culpa, si non inueniat obicem; sed in casu nostro nullus est obex; ergo &c. Tertio, quia Ecclesia statim ac audit aliquem esse martyrem, colit eum; & non inquit eius pœnitentiam; ergo &c. Quarto, ex August. l. 2. contra Donatist. Cyprian. l. de laude martyrum, dicit; martyrij inextimabilem esse gloriam, inextimabilem titulum &c. probatur non sufficere in eo qui habet conscientiam mortalis, vel potest recordari. Primo ex August. l. 4. de baptis. cap. 21. dicit, martyriū

supplere

supplere vicem baptismi : sed baptismus non deleret in illo casu sine pœnitentia ; ergo nec martyrium . Secundo ; si martyr nondum baptizatus teneretur baptizari , quia baptismus est necessarius necessitate præcepti vel in re, vel in voto ; ergo & ad pœnitentiam si habet tempus est hoc intelligendum . Tertio dilectio in illo casu non sufficeret , ergo nec martyrium . Dices ; an hæc eadem præstat in dormiente, quæ in vigilante . Resp. si dormiens est attritus , vel contritus , & habet desiderium martyrij , est verum martyrium . Secundo , si est attritus, vel contritus, & non habuerit actuale desiderium, modo non habuisset contrarium , est verè martyr. Tertio , si non habet attritionem , vel contritionem actualem, non tamen habet complacentiam peccati, si est etiam cum desiderio martyrij, martyr est. quamuis Vega sentiat contrariū. Quarto, si nec est attritus, nec contritus , & non habet desiderium martyrij, non est martyr. Circa baptismum Caiet. 3. p. q. 86, ar. 1. docet Baptismum per solam susceptionem, vel cum voluntate, & non habeat actualem pœnitentiam, sine complacentia peccati, iustificare. Omnes alij tenent oppositum. Ego dico: Baptismus in adultis habentibus peccata , non remittitur sine aliqua pœnitentia , contra Caiet. cuius opinio videtur temeraria . Probatut primo , ex Trid. sess. 14. cap. 1. ubi docet pœnitentiam semper in omni statu fuisse necessariam lapsis, etiam his, qui baptismi Sacramento abluuntur; & sess. 6. cap. 14. ponit differentiam inter pœnitentiam quæ est ante baptismum, & eam quæ est post baptismum. Secundo, act. 1. *Pœnitentiam agite, & baptizetur unusquisq; vestrum.* Tertio, ex August. 1. de fide ad Petr. cap. 30. firmisimè tene, & nullatenus dubites exceptis his qui pro nomine Christi sanguinem effuderunt, nullum accepturum vitam æternam, nisi à suis peccatis expietur per pœnitentiam . Est igitur necessaria pœnitentia actualis de necessitate medij. habenti vel potenti habere conscientiam peccati . patet ex Hierem. 18. *Si gens illa egerit pœnitentiam, agam & ego.* Zacchar. 1. *Conuertimini ad me, & ego conuertar ad vos.* Luc. 13. *Nisi pœnitentiam egeritis, omnes simul peribitis a&.* 3. *Pœnitimini, & conuertimini, et deleantur peccata vestra.* Quæ loca indicant actualem pœnitentiam esse necessariam, non virtualem. Secundo, ex Trid. supra, quod loquitur de necessitate medij , non de actuali,

aduali, nec de virtuali, sed absolutè. Tercio. iustitia requirit vt qui per conuersionem ad creaturam auersus est à Deo, per detestationem peccati cui adhæsit conuertatur ad Deum. Quarto, non potest homini placere vita bona, sine displicentia vitæ malæ. Ex his colligitur pœnitentiam actualem esse necessariam necessitate mediij habenti conscientiam peccati, vel potenti habere.

Vigefimum tertium dubium. An de potentia Dei absoluta remitti possit peccatum sine pœnitentia. Resp. prima opinio est Medin. & aliorum, qui affirmant. nam cum remitti peccatum sit sine ordinatione ad pœnam, ergo est sine actu nostro. Secunda opinio est Soti, & aliorum qui contendunt esse opinionem D. Thomæ, non posse remitti peccatum sine pœnitentia. tum quia D. Tho. 3. p. q. 86. ar. 1. absolutè loquitur, & dicit esse impossibile. tum quia dicit, impossibile esse sine pœnitentia virtute, non tamen sine pœnitentia Sacramento. ac si loqueretur de potentia ordinaria, non potuisset dicere de Sacramento pœnitentiæ, quia est necessaria. Sed hæc nō conuincunt. primo, quia impossibile significat potentiam ordinariam. Secundo, quia D. Tho. potuit loqui de Sacramento pœnitentiæ in quocunq; tempore, & sic de potentia ordinaria non erat necessaria. Vel loquitur de Sacramento pœnitentiæ in re, quomodo nec de potentia ordinaria est necessarium. Quare dico primo, peccatum non posse remitti per quamcunque potentiam sine aliqua immutatione voluntatis facta per aliquod Dei donum supranaturale quodcunque sit, siue infusum, siue non. Explico. non dico sine aliquo actu elicito voluntatis, quia hoc non puto esse necessarium, (vt dicam) sed solum dixi *Per aliquam immutationem*. nec dico istam immutationem esse faciendam per aliquam qualitatem infusam, sed per quodcunq; Dei donum. Dixi *supernaturale*, quia cum auersio fuerit à Deo supernaturali fine, fit etiam per aliquam immutationem, vel donum supernaturale. probatur primo, auersio erat quid priuatiuum, sed nullum priuatiuum tolli potest nisi per positium, ergo &c. Secundo, non potest peccatum tolli nisi Deus cesset odio habere peccatorem saltem, sed hoc non potest fieri nisi immutatione voluntatis; quia nisi mutatur, adhuc est idem qui erat; ergo adhuc peccator. Tercio, nulla obliquitas potest tolli nisi per aliquā rectitudinem; ergo

ergo voluntas auersa non potest esse sine aliquo peccato nisi rectificetur per aliquam sui immutationem. Secundo dico, de potentia Dei absoluta non est necessaria nec virtualis, nec actualis penitentia; nec vllus actus elicitus a voluntate est necessarius: probatur primo, quia in paruulis Deus remittit peccatum sine ipsorum actu. quod si dicas non valere consequentiam in adultis, quia in his commissum est peccatum per proprium actum: Resp. istud non facere implicationem. confirmatur, quia iam actus est transactus, & manet solum habitualis auersio. Secundo, quia auersio illa (vt iam diximus) potest tolli per aliquod Dei donum supernaturale absq; vlllo actu. Dices, non intelligo quomodo sit necessaria immutatio voluntatis, & tamen non est necessarius vllus actus voluntatis; neq; vllum donum infusum in voluntate. Resp. finge sine actu proprio illum immutari per qualitatem habitualement; deinde progredere, & dic; an non quod Deus facit per donum infusum, posset facere sine illo habitu infuso? quidni? & probatur primo, sit aliquis attritus tantum, & accedat ad baptismum in amentia; iste sine actu proprio conuerteretur. & certè sine qualitate infusa posset Deus. Secundo, si quis non attritus accessit ad cubandum, nec contritus cum voluntate martyrij, & dormiens occidatur, iste sine actu proprio ex auerso sit conuersus, & tamen sine actu suo; ergo Deo non iufundente illos habitus, adhuc potest &c.

Vigesimumquartum dubium. An per ordinariam, vel absolutam Dei potentiam vnum peccatum possit remitti sine alio. Resp. vel intelligitur ex parte Dei remittentis, vel ex parte voluntatis vt possit penitere de vno, & non de alijs. Quoad primum, Sotus ait, de quacunq; potentia id non posse fieri. Quoad secundum Medin. tract. 1. de penit. q. 12. dicit hominem posse penitere vltiter de vno, & non de alio. Ego dico, de potentia ordinaria per penitentiam non posse remitti vnum peccatum sine alio, quia nullum peccatum remittitur sine gratia, omne autem peccatum contrariatur gratiæ; ergo &c. nec obstant peccata oblita; quia qui habet contritionem in genere, dolet etiam de oblitis; & sic per penitentiam remittuntur. Sot. in 4. d. 15. ar. 3. D. Tho. 3. p. q. 86. ar. 5. & est de fide. patet, quia Christus quando sanabat aliquem, perfectè sanabat; vt patet de surdo, muto, & Dæmoniaco habente legionem

legionem Dominum. probatur ex August. l. de vera, & falsa pœnit. cap. 9. *Quedam impietas, & infidelitatis genus est, ab eo qui iustus est, dimidiam sperare iustitiam, & veniam.* De potentia verò Dei absoluta non potest remitti vnum peccatum sine alio quoad maculam, offensam, & auersionem, sed tantum quoad reatum pœnæ. Prima pars probatur, nam sequeretur hominem esse simul auersum, & conuersum; amicum, & inimicum; iustum, & iniustum; gratum, & ingratum; quæ implicant. Secunda pars probatur. nam potest remitti vna pœna, & alia detineri. Vltimo dico, non videtur possibile, quod aliquis possit verè pœnitere de vno peccato, & non de alio; contra Medinam. probatur nam ratio formalis pœnitentia est, quatenus dolet de peccato vt offensa Dei; ergo ei debet displicere totum quod est contra Deum quem offendit. Confirmatur; nam pœnitentia nascitur ex dilectione Dei super omnia; ergo necessario debet detestari totum id quod est contra Dei amorem.

Vigesimalinquintum dubium. An per pœnitentiam remittatur culpa, manente interdum reatu pœnæ temporalis. Resp. Docet D. Tho. 3. p. q. 86. ar. 4. auersioni respondere pœnâ æternam. Conuersioni verò per se pœnam temporalem quæ in dampnatis per accidens est æterna; quia cum illi sint inimici Deo; nunquam poterunt satisfacere illi, pœna temporali; nam illa satisfactio quæ est ab inimico nō est valida, nec acceptabilis. Durandus tamen dicit quod non solum auersioni, sed etiam conuersioni debetur pœna æterna; quia is qui adhæsit bono commutabili spreto Deo, debetur cruciatus æternus. Vtraque sententia bona est. Et Dico, per pœnitentiam semel cum culpa remittitur reatus pœnæ æternæ. patet ex Trid. sess. 6. can. 14. de iustif. & sess. 14. can. 8. de pœnit. ratio est, quia cum per peccatum homo læserit amicitiam Dei, & iustitiam; sic vt quâuis per pœnitentiam amicitiam recuperaret, tamen ratione iustitiæ soluat pœnas vel in hac vita spontaneas, vel in purgatorio. probatur exemplo David. 2. Reg. 12. cum enim dimissum esset peccatum, punitur tamen morte filij. D. Tho. 3. p. q. 86. ar. 4. Sol. in 4. d. 17. q. 1. ar. 4. potest tamen aliquando esse tanta contritio, vt totam pœnam remittat. vt patet in Latrone, & Magdalena.

Vigesimal sextum dubium. An remisso peccato mortali

per penitentiam remaneant dispositiones ex precedentibus actibus effectæ, quæ dicuntur reliquæ peccati à Theologis; vñ est praua illa dispositio, & si frequenter nascitur habitus, qui habitus & dispositiones, vocantur reliquæ peccati. Resp. affirmatiue, & manent etiam in iustificatis, vt patet experientia; quoniam habent difficultatem in illo peccato, remanent tamen debilitatæ, & diminutæ, ita vt homini non dominentur, & hoc magis per modum dispositionum, quàm habituum; sicut post baptismum remanet fomes. Trid. sess. 14. cap. 8. Origen. hom. 8. in Leuit. D. Tho. 3. p. q. 86. ar. 5 & Scot. ibid. hoc tamen intelligi debet regulariter; nã potest esse vt aliquis adeo diligenter conuertatur ad Deum, vt auferantur etiam reliquæ, ad has autem tollendas si remanent vsq; ad mortem, instituta est extrema vnctio.

Vigesimumseptimum dubium, An penitentiæ sit causa remissionis peccati, & iustificationis. Resp. & nota, in peccato esse quatuor, Auerſionem, offensam, maculam, & reatum. Item, duo concurrere in iustificatione; remissionem peccati, & infuſionem gratiæ. Item, quatuor causas concurrere ad iustificationem, efficientem, & principalem est Deus, Christus, meritoria; Sacramentum instrumentalis; Finalis, gloria Dei, & vita æterna; formalem, gratia, & virtutes infusæ; materialem, penitentiam cum suis actibus. Scot. in 4 d. 14. q. 4. ar. 2. dicit, contritionem quæ est actus penitentia; dupliciter concurrere ad remissionem peccati. Primo, vt est informis, & sic solum est dispositio. Secundo, vt est formata, & sic concomitanter se habet cum remissione peccati. Scot. in 4 d. 15. q. 2. ar. 6, dicit penitentiam dupliciter considerari; vel ex se, & sic non est causa, sed dispositio gratiæ, & remissionis peccati. Vel vt procedit à gratia, à qua formatur, & sic est causa efficiens remissionis peccati. Ego dico, non est dubium penitentiam vel vt virtus est, vel vt Sacramentum, remittere peccatum. Probatur vt Sacramentum; quia omne Sacramentum nouæ legis est causa gratiæ, & remissionis peccati, vt supra diximus, tract. 1. cap. 4. dub. primo. probatur vt virtus est, ex omnibus scripturæ locis, vbi dicitur esse penitendum in remissionem peccatorum. Et nos supra probauimus, dub. decimo quinto, penitentia remittit peccatum materialiter, efficienter, & formaliter. primo materialiter, quia est dispositio ad gratiam, & remissionem peccati. & om-

nis dispositio se tenet ex parte causæ materialis. Secundo efficienter, inquantum ipsa est cum gratia cooperante, quæ cum libero arbitrio remittit efficienter ipsum peccatum, & ut sacramentum etiam efficienter instrumentaliter, causat gratiã, & cum gratia instrumentaliter, causat remissionem peccati. Tertio formaliter etiam tollit auersionem; quia conuersio pœnitentiæ formaliter opponitur auersioni peccati, & vnum contrarium tollitur per aliud. De alijs verò quæ in peccato sūt, Dico; offensa formaliter tollitur per Christi merita nostris adibus applicata, quia Deus maximè placatus est, & placatur Christi meritis. Macula formaliter per acceptationem, ad gratiam, & eius infusionem; quia eius formale oppositum est, acceptare ad gratiam. Reatus pœnæ per actum diuinæ voluntatis nolentis punire: quia sicut voluntas Dei ordinauerat ad penam, ita eadem tollit penam formaliter.

Vigesimumoctauum dubium. An ad remissionem peccati venialis sit necessaria pœnitentia actualis. Resp. & nota primo, quòd quamuis peccatum veniale non separat nos perfectè à Deo, tollendo principium vitæ .i. gratiam sicut peccatum mortale, tamen separat imperfectè citra imperfectionē à Deo, quia retardat mentem ne ita promptè feratur in Deum. Sicut lapis quamuis retineat suam grauitatem, tamen retardatur aliquo impedimento ne tendat ad centrum. ideo peccatum mortale est simpliciter contra legem; veniale est præter legem. Secundo, vtrunque peccatum tam mortale quàm veniale deletur per pœnitentiam; quia hac homo Deo coniungitur, quare ad remissionem venialis necessarium est aliquod genus pœnitentiæ per quod remoueatur voluntas ab illo creato cui inhaeret. Tertio, ad remissionem venialium non requiritur actualis expressa, & diligens pœnitentia, quæ requiritur ad remissionem mortalis. nec sufficit habitualis, quæ habetur per habitum charitatis, vel virtutis pœnitentiæ, sed requiritur displicentia virtualis, quæ contingit dum quis eo affectu fertur in Deum, & res diuinas; vt quicquid sibi occurreret qui eum ab hoc motu retardaret displiceret ei, & doleret se cōmisisse, etiã de illo non cogitet. quæ tamen non sufficit ad remissionem mortalis, nisi quantum ad peccata oblita possit diligentem inquisitionem. Quarto, nullus actus, nec seruior charitatis remittit vllum peccatum veniale quando adest eius complacencia,

tia, aut propositum. Item nullus actus, aut feruor charitatis remittit vllum peccatum veniale, etiam absente eius complacentia, & proposito, nisi illi qui est ipsi veniali peccato contrarius; quia nihil expellitur nisi per suum contrarium. & illa sola dicitur pœnitentia virtualis. ideo autē est contrarius aliquis actus peccato veniali, quia si illius peccati cogitatio menti occurreret, displiceret ei, & doleret se commississe. & iste reputatur feruor charitatis respectu illius peccati contrarius, vt docet Sot. contra Scot. in 4.d. 15. q. 1. ar. 1. Quinto, ad remissionem venialis non requiritur vt habitus gratiæ infundatur, sed sufficit motus eius, & charitatis. quandocunq; tamen de nouo gratia infunditur, peccata venialia remittuntur, nisi ponatur obex. Sot. supra cit. ar. 2. & D. Tho. 3. p. q. 87. ar. 2.

Vigessimum nonum dubium. An peccatum veniale remittatur per Sacramenta, & Sacramentalia ex opere operato. Rēsp. remitti venialia oratione dominica, aqua benedicta, Eucharistia, confessione generali, eleemosyna, & benedictione Episcopali. Vnde versus. *Orans, tinctus, edens, confessus, dans, benedicens*. De oratione dominica, habetur can. quotidianis. de pœnit. d. 3. de quotidianis, & leuibus peccatis satisfaciāt oratio dominica. De aqua benedicta habetur can. aquam. de consecr. d. 2. de cuius institutione non est modo disputandum; vsus eius est antiquissimus, cuius meminit Alexander vt à S. Petro cepisse. de consecr. d. 3. meminit Clemens l. 8. constit. Apostolic. Cassiodor. l. 9. histor. tripar. cap. 33. vbi refert quodam miraculum. De Eucharistia habetur can. cum omne trimen. de consecr. d. 2. quamuis enim hoc commune sit omnibus Sacramentis, peculiariter tamen tribuitur Eucharistiæ, tū quia datur per modū refectionis, tū quia per illā excitatur deuotio charitatis, cui peccata venialia cōtrariantur. De cōfessione generali nō est textus expressus, sed Ecclesiastica consuetudo, ideo dicitur in prima, in cōpletorio, & in introitu missæ; vt ait Sot. in 4. d. 15. q. 1. ar. 3. De eleemosyna, habetur cap. de medicina. de pœnit. d. 1. & capite sanē. d. 3. De benedictione Episcopali, habetur can. multi. can. benedictio. 1. q. 1. & est vsus Ecclesiæ ex antiquissima traditione. Remittuntur etiā tunctione pœtoris, vt habetur can. tres sunt actiones, de pœnit. d. 1. & can. sicut inquit. d. 2. Et sacra vnctione; vt Regum, templorum. & mo-

& monialium &c. ut habetur can. cum venissem . §. 1. Victor. q. 110. alij addunt etiam panis benedicti , meminit Chyfoft. in sua quadam liturgia : Dices, quam virtutem habent hæc prædicta sacramenta , & sacramentalia ad remittenda peccata venialia ? Resp. quodlibet sacramentum ex opere operato remittit veniale , tum quia magnum est Sacramentorum privilegium , tum etiam quia venialia sunt leuia . Reliqua verò sacramentalia habent hoc ex vi clauis Ecclesiæ ex opere operato ; ut patet ex verbis quibus benedicitur aqua ; alioquin non haberet maiorem vim quam alia , si solâ excitarent mentem . & sic intelligendus est D. Tho. 3. p. q. 86. ar. 3. ad 1. ubi dicit, quod hæc remittunt veniale , quatenus inclinant animum ad modum pœnitentiæ . non quod semper requiratur illa excitatio , sed quod ex se sint ad hæc instituta ; quare illa suscipere tanquam per illum effectum ab Ecclesiâ accommodata , censetur actus pœnitentiæ , quamvis in oratione dominica , tuncione pectoris , & confessione generali appareat expressior imago . Scot. supra cit. ar. 31. Victor. q. 110.

Trigisimum dubium . An in purgatorio remittatur peccatum veniale . Resp. fuit error quorundam quos citat Magist. in 4. d. 21. dicentium , in ultimo fine vitæ vel dolere hominē de quibusdam venialibus , vel non dolere , si non peccant mortaliter ; quia retardant sibi ingressum patriæ . Hæc opinio falsa est , & erronea . falsum est enim omnes dolere , aut non dolere de venialibus ; quia multi dormientes possunt mori . Falsum est etiam quod in tali casu sit mortale non dolere de veniali , quia nunquam poterit esse maior malitia non dolendi quam peccatum de quo non dolemus . Falsum est quoque quod retardare gloriam hoc modo sibi mortale ; nam omnes qui desiderant longam vitam peccarent mortaliter , nisi sit in contemptum gloriæ . Alexander Ales. in 4. p. q. 13. m. 3. dicit per gratiam finalem in qua homo decedit , omnia venialia remitti . ponit etiam triplicem gratiam ; baptismalem , pœnitentialem , & finalem . Scot. in 4. d. 21. concedit remitti in purgatorio veniale quando definit pœna purgatorii , nam tenet quod remitti peccatum sit tolli ordinationem ad penam . Opinio communis est D. Tho. Bonau. Riccar. & aliorum in 4. d. 11. Quare dico, verè , & propriè remitti veniale in purgatorio . Dixi *Verè & propriè* contra Scot. probatur primo , ex Matth. 11.

Non

Non remittetur neq; in hoc seculo, neq; in alio; ergo est aliquod peccatum quod in futuro seculo remittitur non mortale, ergo veniale. Secundo ex August. l. 21. ciu. cap. 26. Greg. 14. dial. & in cap. 12. Matthæi, & Theophyl. ibid. Tercio probatur ratione: potest enim esse ut aliquis moriens habeat complacentiam peccati venialis, iste talis non est damnandus, neq; potest ingredi cœlum nisi purgetur a veniali; ergo in alia vita remitti debet. Dico, quomodo ibi operabitur ille talis? Resp. D. Tho. q. 7. de malo. ar. 11. per actum dilectionis, sicut in hac vita. Resp. Bonau. supra cit. per ignem tolli. i. per patientiam in igne.

*Trigesimumprimum dubium. An peccatum veniale possit remitti sine mortali. Resp. Dur. in 4. d. 16. q. 1. ar. 2. Gabr. d. 16. q. 5. Soc. d. 21. q. 1. affirmant. & Scot. ait veniale in inferno remitti: remitti enim peccatum non est aliud (ut ait) quam tolli ordinationem ad pœnam. Nihilominus dicendum est cum D. Tho. 3. p. q. 87. ar. 4. Palud. in 4. d. 16. q. 1. ar. 1. Caiet. Riccar. & alijs Thomistis: nullum veniale remitti illi qui est in peccato mortali; quia remissio non fit sine gratia; huic autem repugnat peccatum mortale. ergo &c. quare contraria est falsa. probatur Eccles. 34. *Dona iniquorum non probat altissimus. Isa. 1. Quid mihi multitudinis victimarum vestrarum; ne offeratur sacrificium frustra. 1. Cor. 13. Si distribuero omnes facultates meas &c. charitatem autem non habeam, nihil mihi prodest. Matt. 6. Si non dimiseritis, nec pater dimittet vobis.* Vnde si veniale posset dimitti sine mortali, daretur casus in quo aliquis non dimitteret, & dimitteretur, Gen. 4. *Respexit Deus ad Abel, & munera eius; ad Cain autem non.* Secundo, nulla deordinatio peccati etiam venialis potest tolli nisi aut per compensationem, aut per meram Dei liberalitatem; sed neutro modo potest tolli veniale ab eo qui est in mortali; nam si Deus gratis mihi dimittit, iam facie me amicum. quod autem non possim compensare existens in mortali, patet: quia nulla compensatio est idonea coram Deo, nisi nascatur ex gratia. Dices, quare Deus non vult acceptare illa opera bona. Resp. quia illa sibi debentur alio titulo. Idcirco non vult illa acceptare ad remissionem peccatorum, nisi facta eum gratia. Dices, sequeretur veniale puniri pœna æterna in eo qui moreretur cum peccato originali, & veniali*

niali. vel in damnatis qui haberet mortalia & venialia. Resp. per se veniali debetur poena temporalis; per accidens vero puniretur poena æterna in inferno, ratione personæ quæ non potest sacrificare in inferno. Idem dicendum de pœnis temporalibus non solutis, pro pœnis non solutis peccatorum dimissorum in hac vita; D. Tho. in 4. d. 21. q. 1. ar. 2. q. 3. confirmatur; quia neq; in hac vita satisfactiones quæ fiunt ab his qui sunt in peccato mortali, validæ sunt.

Trigesimumsecundum dubium. An peccata dimissa redeant per sequens peccatum. Resp. peccatum per pœnitentiam remissum non potest redire per sequens peccatum quantum ad culpam, nec quantum ad reatum pœnæ sensus, sed solum quantum ad pœnam damni aliquo modo; quia eodem modo priuatur visione diuina, & sic intelligitur illud Iacobi cap. 2. *Qui peccauerit in uno, factus est omnium reus*. probatur ex Ezechiele 18. *Peccatorum eius non recordabor amplius*. Naum 1. *Non consurget bis tribulatio*. Iacob. *Qui dat omnibus affluentem, & nemini impropertat*. Matth. 16. *Quorum remiseritis peccata, remissa sunt*. Rom. 11. *Sine pœnitentia sunt dona Dei*. Secundo, patet in humanis. cum quis dimittit pœnas, ex sequenti delicto non amplius exiguntur. Tertio, pro peccatis dimissis facta est recompensatio per me, & satisfactio per Christum data, & acceptata à Deo, ergo videtur fieri iniuria satisfactioni Christi. Quarto, patet ex extravag. Benedicti, super cunctas. ex Gelasio cap. si diuina. pœnit. d. 4. Ex Augusti ibid. cap. qui rediit. Dicuntur tamen redire peccata dimissa per sequens peccatum, ratione ingratitude, quæ aggravat peccatum. quod non est simpliciter redire, & absolvere, sed secundum quid. D. Tho. 3. p. q. 88. Scot. in 4. d. 16. q. 1. Victor. q. 3. quare peccata remissa non redeunt simpliciter, sed secundum quid, in quantum virtualiter in peccato sequenti continentur. neq; verò ingratitude est speciale peccatum, nisi quando aliquis peccaret in contemptum accepti beneficii. D. Tho. supra ar. 4. Dices, an ingratitude quando est circumstantia sit confitenda. Scot. in 4. d. 22. q. 1. ar. 3. dicit necessarium esse hominem in generali se accusare de ingratitude. Alij dicunt esse confitendam non ratione sui, sed ut intelligat Confessarius statum pœnitentis, & occasionem in qua est. Ego dico primo, quando ingratitude est speciale peccatum, est confitenda.

confitenda. Secundo, quando est circumstantia; vtile est confiteri. & fortè in aliquo casu est necessarium quando inde necessariò deberet patere Confessario aliqua occasio peccati: quod aliquando posset contingere quando quis mutat Confessarium. Tertio, communiter non est necessarium; tum quia illa circumstantia non mutat speciem; tum quia rarò est occasio proxima peccati; tunc enim esset aperienda in confessione. tum quoq; quia non est in usu vt confitens confiteatur de hoc.

Trigesimumtercium dubium. An per penitentiam virtutes restituantur, & gratia, &c. Resp. per penitentiam restitui gratiam, & virtutes omnes infusæ, quæ gratiâ comitantur. Est communis sententiâ D. Thô. 3. p. q. 89. art. 1. Sotini q. d. 16. q. 3. ar. 1. & patet de filio prodigo Luc. 15. cui reddita est stola, & reliqua ornamenta. Secundo, quia pœnitentia homini dat gratiam, sed cum gratia conferuntur virtutes; ergo &c. Per penitentiam autem non semper resurgit homo ad maiorem gratiam quæ erat illa à qua cecidit, nec ad æqualem, sed secundum proportionem contritionis quam habet, vt tenet D. Tho. supra. art. 2. Viñtor. q. 112. & hæc est probabilior sententiâ. probatur; cū quia gratia debetur secundum dispositionem, sed contritio est dispositio; ergo &c. Præterea dico quòd ratione contritionis non solum confertur resurgenti æqualis gratia, sed etiam nobis gradus ratione meritorum mortificatorum quæ tunc viuificantur, quia etiam ad hoc est dispositio. Postremo dico, quòd his qui huiusmodi conatu quem per auxilium Dei habere potest, resurgit; præter gradum gratiæ respondentem contritioni, recuperat omnem gratiam à qua ceciderat siue magna fuerit, siue parua; quia si posita dispositione ponitur effectus, ergo posita summa dispositione, ponitur summus effectus. est doctrina D. Thomæ, quam exponit Sotus supra ar. 2.

Trigesimum quartum dubium. An per penitentiam restituatur homo in pristinam dignitatem. Resp. Potest homo per pœnitentiam restitui ad pristinam dignitatem quam amisit per peccatum, ad Dei .s. filiationem. innocentiam autem amissam recuperare non potest. recuperat tamen quandoque aliquid maius. Ecclesiasticam verò dignitatem quam peccando amisit, recuperare prohibetur; vel quia non pœnitet, vel quia negligentem pœnitentiam agit; vel propter irregulari-

tatem:

catem: vel deniq; propter scandalum, vt ait D. Tho. 4. p. q. 79. ar. 3. Sor. in 4. d. 16. q. 2. ar. 3. Sed est

Trigesimūquintum dubium. An virginitas recuperari possit per pœnitentiam. Resp. in virginitate primo considerari integritatem carnis. Secundo; inexperientiam impudicæ voluptatis. Tertio, propositum firmum non experiendi illam voluptatem. Primum per accidens se habet ad hanc virtutem virginitatis. quia eatenus est necessaria, quatenus propositum non experiendi impudicas voluptates infert integritatem carnis. Dixi *per accidens*, quia si alio modo pereat illa integritas quàm ex defectu illius propositi, non perit virginitas, iuxta illud sanctæ Lucæ; *Si inuitam violari feceris, castitas duplicabitur ad coronam*. Secundum est materiale in virginitate. Dixi *impudicæ voluptatis*. quia si alio modo voluptas illa sentiretur quàm ex defectu propositi, non esset impudica; nec tolleretur virginitatem; vt ex inuoluntaria seminis effusione, vel ex infirmitate &c. Tertium est formale in virginitate; unde si quis sine isto proposito haberet integritatem carnis, non esset virgo. an autem hoc propositum debeat esse voto firmatum? Ita videtur dicere D. Tho. 3. 2. q. 152. ar. 2. 3. & 4. ego non ita credo; satis enim est propositum firmum. Secundo dico, quòd integritas carnis amissa, per Dei potentiam absolutam potest recuperari, ac refarciri. Secundo, illud materiale per nullam potentiam recuperari potest semel amissum. & in hoc sensu ait Hieronym: Deum non posse facere, vt quæ corrupta fuit, sit virgo; nam implicat contradictionem. Tertio, propositum verò quod est formale, D. Tho. ibid concedit posse restitui. sed non erit eo modo quo erat antea; nam nunc erat propositum absolutæ castitatis, nunc est cum conditione. i. si adesset illa castitas, seruaret.

Trigesimum sextum dubium. An opera virtutum mortificantur per peccatum mortale. Resp. opera in charitate facta dicuntur mortificari per peccatum mortale; quatenus suspenduntur quousq; homo per gratiam (quæ est eorum radix) fiat dignus eorum præmio. per pœnitentiam verò talia opera mortificata reuiuiscunt, in quantum per eam suscipiunt efficaciam perducendi ad vitam æternam; quam efficaciam habent quatenus remanēt in acceptione diuina. D. Tho. 3. p. q. 89. ar. 5. Sor. supra. ar. 1. Opera verò mortua. i. peccata mor-

talia, est impossibile viuificari per pœnitentiam; quia non processerunt ex gratia quæ est principium vitæ, & iam transierunt; ergo non possunt vificari. D. Tho. & Sot. sup. ar. 6.

Trigesimum septimum. Quæ sint partes integrales pœnitentiæ. Resp. esse tres; contritionem, confessionem, & satisfactionem: nam ex his tribus gerentibus vicem materiæ informatæ per formam absolutionis integratur Sacramentum pœnitentiæ. dicuntur autem partes integrantes, ad differentiam partium essentialium, qualis est materia, & forma. & subiectiuarum; sicut species dicuntur partes generis. & ad differentiam partium potentialium, quomodo religio & pietas dicuntur partes iustitiæ. D. Tho. & Sot. supra ar. 3. Dices, an istæ partes sint pœnitentiæ vt virtutis, an vt Sacramenti? quod sint virtutis, videtur; quia hæc requirit vt homo perfectè reconcilietur etiam Ecclesiæ, quod non fit sine accusatione delicti, & satisfactione. Quod non sint partes pœnitentiæ vt Sacramenti, videtur; quia satisfactio est potius fructus pœnitentiæ, quàm pœnitentia. tum quia illæ partes sunt à pœnitente potius, quàm à sacerdote; Sacramenti autem minister est sacerdos. tum quia istæ partes non possunt esse simul. & ex consequenti non possunt integrare Sacramentum. Resp. primo, istas non esse partes propriè loquendo pœnitentiæ virtutis, licèt sint actus illius vel elicit, vel imperati. Sunt verò partes Sacramenti pœnitentiæ, & partes integrales materiæ, vt docet D. Tho. 3.p.q. 90. ar. 4. Nec obstat quòd satisfactio sit fructus pœnitentiæ; nam est fructus ratione virtutis pœnitentiæ, & tamen est pars integralis assumpta ad Sacramentum ipsum pœnitentiæ. Nec obstat quòd minister Sacramenti sit Sacerdos; quia licèt isti actus sint à pœnitente, tamen non sunt Sacramentum, nisi vt coniunguntur clauibus, quæ se tenet ex parte Sacerdotis. Sicut materia habet totum suum esse à forma. Nec obstat tertium, quia istæ non sunt partes integrantes aliquod totum substantiale permanens; sed sicut integratur oratio, quæ est totum quodam discretum ex suis partibus, quæ sibi succedunt mutuò. Et hæc de pœnitentia in genere. Sequitur nunc de eius materia differere; quæ quoniam duplex est, remota, & propinqua; remota sunt peccata; propinqua est peccatum ipsum contritioni, confessioni, & satisfactioni expositum; idcirco priùs de remota dicamus, idest

idest de peccato in genere .

De peccato in genere. Cap. 11.



Primum dubium . Quid est peccatum . Resp.

Est recessus voluntarius à regula diuina. est recessus, idest fuga quædam, & declinatio, non est enim aliqua substantia. à regula, declinatio enim à regula est peccatum, regula namq; est principium dirigens operationes hominis ad finem. nam tradit qualiter, quomodo, & quando est operandum ad finem. quando igitur aliquis discedit à regula, non facit iuxta regulam. diuina, quoniam non quicumque recessus à regula dicitur peccatum, sed à regula diuina. Duplex namq; est regula; artis, & moris. Artis est, quæ docet qualiter opus fieri debet vt consequamur finem artis. recessus ab hac regula non est peccatum de quo loquimur. Regula moris est; quæ docet qualiter sit operandum vt homo studiosè, & secundum virtutem operetur. Hæc regula dicitur diuina; quia omnes virtutes siue acquiruntur, siue infunduntur à Deo, & ad Deum nos reducunt. quando igitur aliquis non se confirmat huic regulæ, tunc est peccatum. Hæc regula morum continetur in præceptis virtutum. Dicitur etiam recessus voluntarius, tres enim conditiones debet habere aliquis actus vt sit voluntarius, & cōsequenter vt sit peccatum; prima conditio, vt ille actus sit elicitus, vel imperatus à voluntate. tunc est elicitus, quando est productus à voluntate, vt est velle. tunc est imperatus, quando est aliarum potentiarum, sed imperatur à voluntate; vt videre. est actus voluntarius, quia imperatur à voluntate, licet actus in se producat ab alia potentia, nempe visiva. Actus autem vt sit voluntarius, requirit vt sit elicitus, vel imperatus à voluntate; vnde sequitur quod quando non est elicitus, nec imperatus à voluntate, non potest esse peccatum. hinc excusantur multi scrupulosi. Secunda conditio est, vt ita sit à voluntate, vt sit cum libertate, idest vt sit talis actus, vt possit voluntas hominis non elicere illam, vel non imperare. Hinc

Xx 2

excusantur

excusantur multi, qui ex nimia cholera prorumpunt in desiderium vindictæ. Tertia conditio est, vt procedat ex scientia, qua homo scit illum actum esse contra regulam; nam si nesciebat, nec tenebatur scire esse contra regulam, non est peccatum. vt si quis in vigilia oblitus sit esse vigiliam, & sicut solet facit collationem, recedit à regula, & liberè facit, tamen non peccat, quia ex ignorantia. quando verò hæc ignorantia excuset nec ne, dicemus infra. Alia peccati definitio est hæc: *Peccatum est dictum, vel factum, vel concupitum contra legem Dei.* August. l. 22. contra Faustum, cap. 27. tomo 6. & est ab omnibus recepta in 2. d. 35. & à D. Tho. 1. 2. q. 71. ar. 6. hæc autem definitio directè cōpetit peccato mortali actuali, secundum omnes in dicta dist. potest tamen conuenire peccato veniali, & originali; nam peccatum originale est aliquo modo dictum, factum, & concupitum contra legem Dei, quia est voluntarium per voluntatem saltem interpretatiuam. similiter potest conuenire veniali; quia hoc aliquo modo est contra legem Dei, quatenus .s. non est secundum illam; sed præter illam. Conuenit etiam peccato omissionis, hoc enim comprehenditur sub ly concupitum. nam cūmissio eatenus sit peccatum quatenus est voluntaria, quando quis v. g. vult omittere sacrum die festo, iam concupiscit aliquid contra legem Dei. Potest autem aliquid esse volitum dupliciter, vel in se, vel in sua causa; Caiet. 2. 2. q. 150. ar. 4. vt autem aliquid sit volitum in causa, duo requiruntur; alterum, vt fuerit præuisum in illa causa; alterum, vt homo possit, & teneatur illud vitare. Item potest aliquid eligi dupliciter: Primo, formaliter, & explicitè; Secundo, virtualiter, & implicitè. v. g. ille secundum se vult omittere sacrum die festo, qui explicitè deliberat illud non audire. ille verò formaliter vult in sua causa, qui videt ex aliquo imminere sibi periculum omittendi sacrum, nec illud euitat. Ille autem vult omittere virtualiter, & implicitè in sua causa, qui potuit, & debuit prævidere periculū cui se exponebat, non tamen prævidit ex negligentia. vel quia noluit. quando ergo omissio est talis quæ solet semper vt plurimum ex illa causa, idq; ipse sciebat, tunc licet non prævidit formaliter, imputatur tamen illi ac si prævidisset. vt v. g. qui tota nocte præcedente festum lusit, & tempore audiendi missam cepit dormire, iam illi imputatur, quia prævidit.

præiudic. Ex dictis sequitur veram esse illorum sententiam, qui dicunt nullo modo posse esse peccatum omissionis abique aliquo actu vel præcedente, vel concomitante, qui sit causa per se, vel per accidens talis omissionis, vt ait D. Tho. q. 21. de malo. ar. 1. & 1.2. q. 71. ar. 5. Hen. de Gandauo quodl. 12. q. 35. Capr. in 2 d. 35. q. 1. concl. 2. Explico; ad omissionem eius ad quod aliquis tenetur, actus dupliciter se habere potest; aut enim directè fertur in ipsam omissionem, vt quando quis vult non audire sacrum, & talis actus per se concurrit ad omissionem tanquam causa eius; aut potest esse actus qui non feratur directè in omissionem, sed se habet per accidens ad illam. Hoc autem dupliciter potest contingere; aliquando enim actus ille est coniunctus cum ipsa omissione, quando quis tēpore sacri ludit; aut præcedit omissionem, vt quando quis nocte vigilauit, & tempore audiendi sacrum, dormit. patet igitur non dari omissionem sine actu. quò fit, vt peccatum omissionis non solum referri possit ad particulam *concupitum*, sed etiam ad ly *factum*.

Secundum dubium. quoruplex est peccatum. Resp. peccati diuiditur in originale, & actuale. Actuale diuiditur multipliciter. prima diuisio est in spirituale, & carnale, ex Gregor. 1. 31. mor. cap. 41. i. in septem peccata mortalia, quorum duo sunt carnalia, Gula, & Luxuria. reliqua sunt spiritualia. spirituale, est quod consumatur in delectatione spirituali, & sola apprehensione, vt superbia, inuidia &c. Carnale est quod perficitur in delectatione carnali, vt gula, & luxuria D. Tho. 1.2. q. 71. ar. 2. Secunda diuisio, est Isidori 1. de summo bono. in peccatū contra Deum, contra proximum, & contra seipsum; nam peccatum est deuiatio ab ordine. homo autem habet hunc triplicem ordinem: cum Deo, cum proximo, & cum seipso; D. Tho. supra ar. 4. Petrus Sor. in instit. Sacerd. sect. xi. de distinct. peccati. Tertia diuisio in peccatum mortale, & veniale; quæ sumitur ex reatu, ideo non constituit diuersas species. mortale enim, & veniale possunt esse in eadem specie; D. Tho. ibid. ar. 5. differunt autem inter se, quòd mortale est illud quod deordinat nos à fine. Veniale verò à medijs. mortale enim inducit mortem animæ, & priuat illam gratia Dei. Nota, quòd sicut anima dicitur quæ dat corpori operationem ab intrinseco vt per se moueatur; vnde quando res ante se habebat operationem.

rationem, iam non habet, est mortua, & vita priuata. gratia Dei dat animæ vt moueatur, & faciat operationes in suum finem ad Deum ipsum, propterea gratia dicitur anima animæ nam deficiente gratia, anima nullam facit operationem dignā vita æterna. sicut igitur vulnus dicitur mortale quia excludit vitam à corpore, sic peccatum dicitur mortale, quia excludit gratiam ab anima. Dices; hinc sequi, secundum peccatum non esse mortale, quia non habet gratiam quam possit perdere. Resp. dici peccatum mortale non quia semper aufert gratiam, sed quia de se illam aufert si inuenit. Peccatum veniale est quod non priuat animam gratia; sed priuat hominem aliqua perfectione amoris; non enim ita perfecte amat Deum qui peccat venialiter, ac qui non peccat. Dicitur veniale, quia facile remittitur. Nota, quòd aliud est peccatum de genere suo mortale; aliud mortale de facto. Idem de veniali, aliud est veniale de genere suo; aliud veniale de facto. Mortale de genere suo est, quod est contra præceptum Dei, licet possit esse vt impediatur ne de facto sit mortale. impeditur autem duplici de causa, vel ex leuitate materiæ, vt furari vnum trientem; vel ex indeliberatione actus quando erat contra præceptum Dei, sed non fuit plenè in potestate hominis; vt si quis ex nimia ira voluit occidere hominem. Rursus, veniale ex genere est quando non peccat homo contra præceptum Dei, sed peccat in hoc, quòd cum deberet omnes suas actiones ordinare in Deum, facit aliquid non propter Deum. aliquando tamen de facto sit mortale. Primo ex præparatione animi, quando aliquis sic peccat in paruo, quòd est paratus peccare etiā in magno. Secundo ex conscientia erronea; quādo aliquis existimat se peccasse mortaliter, sed in veritate nō peccat. Tertio, quādo peccatū veniale ordinatū est in finē mortale, vt dicere mendaciū iocosum vt fornicetur. Quarto, quando sequitur aliqua grauis materia, quæ per se faceret peccatū mortale; puta si sciam aliquem esse blasphematurum si ei dicam verbum conuiciosum leue. Quarta diuisio peccati, in peccatū cōmissionis, & omissionis, quæ formaliter, & proprie loquēdo non differunt specie; quia ad idē ordinantur, & ex eodem motiuo procedunt: nam gulosus comedit superflua ad satisfaciendum gulæ, & recentia debita prætermittit propter eundem finem. D. Tho. supra. ar. 6. Quinta diuisio est Hieron.

super

super Amos. in peccatum cordis, oris, & operis; nam sicut in diuersas species completas consumatio peccati est in opere, prima tamen inchoatio est in corde. Secundus gradus in ore. Tertius, in opere. D. Tho. supra, ar. 7. Hoc autem triplex peccatum potest tribus modis in aliquo reperiri. Primo, vt vnumquodq; eorum sit perfectum; vt odium, infidelitas, contumelia, furtum, & ita distinguuntur specie. Secundo, vt concurrunt in eodem opere, vt quando quis vult hominem occidere, id cogitat, loquitur, & opere exequitur, & tunc est vnum peccatum specie. D. Tho. supra, ad 3. Tertio, vt sunt gradus distincti eiusdem peccati; vt aliquis cogitans de re turpi, ibi sistit. Similiter quando loquitur &c. & hoc modo intelligitur D. Tho. s. quâdo hæc diuisio datur secûdû distinctos gradus eiusdê formæ. Omnia autem peccata distinguuntur inuicem secundum obiecta, siue secundum fines; vt furtum, & homicidium differunt obiecto, seu fine, quod idem est; quia finis habet rationem boni, quod est obiectum voluntatis; D. Tho. 1. 2. q. 72. ar. 1. & 3. Item, peccata distinguuntur specie secundum superabundantiam, & defectum. Imo talia sunt contraria; vt liberalitas, & prodigalitas, D. Tho. ibid. ar. 8. Item, circumstantiæ nõ distiguunt peccata secundum speciem, nisi habeant diuersum finem; D. Tho. ar. 9. & nos infra, dubijs sequentibus.

Tertium dubium, De circumstantijs peccati. & quid est circumstantia. Resp. circumstantia est accidens actus humani, attingens illum extrinsecè, vt patet ex nomine. & quia est extra substantiam actus, & ad illum pertinet; ergo est accidens. D. Tho. 1. 2. q. 7. ar. 1. Sylu. verb. circumst. hæc verò circumstantiæ sunt septem, quæ hoc versu continentur. *Quis quid, ubi, quibus auxilijs, cur, quomodo, quando.* D. Tho. q. 7. cit. ar. 2. & in 4. d. 16. & alij ibid. ex Arist. 1. 3. ethic. cap. 1. Anton. 3. p. cit. 17. cap. 17. §. 4. Nau. cap. 6. num. 2. Sor. in 4. d. 18. q. 2. ar. 4. & Summistæ verb. circumst. Addit Raimund. *quoties*, sed reiicitur à Sylu. Nau. & alijs. nam numerus non est circumstantia, sed potius multiplicatio actus. Nota primo, quòd inter has circumstantias prima est (finis). i. cuius gratia fit aliquid. Secunda est (quid) quæ attingit ipsam substantiam actus. aliæ verò sunt magis & minus principales, prout ad has magis, vel minus accedût. D. Tho. q. 7. cit. ar. 4. hæc verò circumstantiæ
non

non sunt considerandę respectu actus interni. neq; sunt sumendę respectu actus exterioris in esse naturali, sed in esse morali. D. Tho. q. 7. cit. ar. 1. quicquid dicat Dur. Secundo nota, quod cum finis dicitur esse circumstantia, non intelligitur de fine proximo qui coincidit cum obiecto, & dat esse morale actui, sed de extrinseco superaddito. v. g. si quis fortiter agit propter bonum fortitudinis, est finis proximus, seu intrinsecus. si autem ob defensionem patrię, est finis extrinsecus, & circumstantia. similiter persona dicitur circumstantia .i. qualitas personę, alioquin spectat ad substantiam actus. .i. aliquid circumstans obiectum, vt qualitas, quantitas &c. alioquin obiectum spectat ad substantiam actus. D. Tho. supra. ar. 3. ad 3. Tab. verb. circumst. q. 1.

Quartum dubium. An circumstantia mutet speciem peccati, vel actus humani. seu, An peccatum distinguatur specie à circumstantijs. Resp. & nota primo, quod circumstantię actus vel sunt impertinentes, vt v. g. occidere manu dextera, vel sinistra; quę nec aggrauant, nec minuunt peccatum. Vel sunt minuentes, quę .s. comparatę ad rationem, reddunt actionem minùs malam; vt quando quis peccat ex ignorantia. Vel sunt aggrauantes, quando .s. comparatę ad rationem, faciunt actionem magis malam; & hę, vel parum aggrauant, vel multum. Pręterea vel aggrauant in infinitum; cum .s. opponuntur charitati; vel non aggrauant in infinitum; de quibus infra dicam. Pręterea hę vel includunt aliquid repugnans rationi primò, & per se, vt furari rem sacram; vel ex suppositione, vt accipere alienum in magna quantitate, nam magna quantitas non repugnat rationi nisi ratione alieni. Sylv. verb. circumst. q. 1. Nota secundo, quod aliquę circumstantię includuntur in ipso obiecto, & fine; vt si quis furetur res sacras. alię sunt coniunctę extrinsecè, & affixę à voluntate; vt qui furatur vt fornicetur. alię consequuntur naturaliter; vt ex furto sequuntur iurgia, & contentiones. Tertio nota, aliquid potest esse volitum à voluntate tripliciter. Primo, actualiter, vt volo occidere. Secundo virtualiter, & in alio; vt, si volo occidere, volo etiam auersionem à Deo. Tertio interpretatiuè, vt quod sequitur ex ignorantia; v. g. quando iacio iaculum ad occidendam feram, occido hominem &c. Dico primo, vt circumstantia det nouam speciem actui, duo requi-

suntur

runtur; primo, ut circumstantia illa sit volita saltem virtualiter. Secundo, ut illa circumstantia comparata ad rationem habeat novam deformitatem distinctam à deformitate operationis. Prima pars probatur; quia actus morales specificantur ab objecto, & sine. Secundo, aliis in qualibet operatione essent innumeræ species, quia sunt innumeræ circumstantiæ, quod tamen est absurdum. Secunda pars probatur; quia species actus moralis sumitur ab objecto comparato ad rationem; ergo illa sola circumstantia potest dare speciem quæ habet novam deformitatem. Hinc patet quòd furtum viginti aureorum non differt specie à furto triginta aureorum; quia est eadem deformitas (quamvis maior) ideo aggravat. Vel (ut loquuntur alij,) quia nō repugnat per se primò rationi; sed ex suppositione. Sylu. verb. circumst. q. 1. sed res sacra addit furto novam deformitatem, ideo mutat speciem. similiter cognoscere coniugatam addit ad fornicationem simplicem, iniusticiam, & iniuriam contra virum, ideo mutat speciem. Secundo dico, quòd cum aliqua circumstantia est interpretatiuè volita, & habet novam deformitatem, illa constituit novam speciem, sed imperfectam; ut qui occidit ignoranter hominem volens occidere feram, est homicida. Similiter qui detrahit præter intentionem, incidit in detractionem, quamvis imperfectam: D. Tho. 2. 2. q. 72. & 73. ar. 2. quicquid dicat Caiet. Dices, hinc sequeretur quòd aliquis quando peccaret contra legem, committeret duplex peccatum; nam hæc nova deformitas est. Similiter qui ut peccaret cum coniugata, illam sollicitaret, committeret adulterium, & homicidium spirituale; quia priuaret animam vita gratiæ. Resp. quòd virtutes sunt in duplici differentia; quædam sunt generales, quædam speciales. & similiter præcepta illarum; nam virtutes generales habent præcepta generalia, ut charitas, obediëntia &c. speciales verò habent præcepta specialia, ut temperantia, fortitudo &c. Item, potest quis velle circumstantiam, actus vel formaliter, vel virtualiter. Item vel directè, vel indirectè. Nunc dico primo, quòd circumstantiæ quæ sunt directè contra speciales virtutes, si sunt formaliter volitæ, dant speciem actui; ut furans in contemptum Dei committit furtum, & impietatem. Similiter qui furatur in contemptum legis, committit furtum, & inobediëntiam. Secundo dico,

quòd quando circumstantia est indirectè contra præceptum vniuersale, tunc non mutat speciem; vt qui furatur, tantum vt furetur, hic quamuis faciat contra charitatem, indirectè tamen committit solum furtum. Hinc soluantur obiectiones. quoad primā dixi, quòd circumstantia furti cū non sit contra specialem legem, non mutat speciem; si autem quis furetur in contemptum legis, mutat speciem. Soluitur secunda obiectio. si enim quis sollicitat puellā in odiū animæ, vt inducat ad peccatum, erit duplex peccatum; quia talis circumstantia, cū addat nouam deformitatem contra specialem virtutem, inducit nouam deformitatem, & peccatum. Si autem tentet ad explendam libidinem, erit vnum solum peccatum.

Quintum dubium. An circumstantia quæ mutat speciem actus, semper aggrauet in infinitum, vt de veniali fiat mortale. Resp. quòd circumstantia quæ aggrauat in infinitum est, quæ directè est contra præceptum legis, cuius finis est charitas. seu quæ directè opponitur charitati, & est propriè quando circumstantia peccati mortalis aduenit peccato veniali de genere suo; vt si quis dicat verba iocosa animo trahendi ad luxuriam, tunc illa circumstantia finis aggrauat in infinitum, & constituit speciem peccati mortalis. circumstantia autem quæ aduenit peccato mortali, quamuis dicatur trahere in infinitum quia est peccatum mortale, quod meretur pœnam æternam, tamen quoniam id cui aduenit iam habebat istam infinitatem, ideo non dicitur ita propriè grauare in infinitum; vt v.g. circumstantia sacri adiuncta furto. & hoc est quod dicit D. Tho. cum Theologis, quòd circumstantia non aggrauat in infinitum, quia remanet circumstantia. quando autem aduenit veniali, non remanet circumstantia, sed constituit speciem. D. Tho. in 4. d. 16. & ibid. Palud. Tab. verb. circumst. q. 5. Sylu. eod. q. 3. Hoc posito resp. ad dubium, ex doctoribus citatis; primo quòd circumstantia quæ non dat speciem, nunquam aggrauat infinitè; quia si adueniat peccato veniali, & non mutet speciem, certum est non grauare in infinitum, cum vtrunque sit finitum. Secundo dico, quòd circumstantia quæ dat speciem, non semper aggrauat in infinitum; vt quando ipsa ex suo genere est peccatum veniale, vt ad actum gulæ circumstantia lautè, vel opiparè, addit nouam deformitatem, quæ ex se faceret peccatum, & tamen non aggrauat in infinitum, aliquando

quando autem aggrauat, vt patet ex dictis. v. g. vt si quis iocosa dicit vt inducat ad libidinem &c. vt patebit in dub. sequenti, vbi dicam quomodo peccatum aggrauet ex circumstantijs. Hinc inferitur primo, quod circumstantia temporis non trahit in aliam speciem, & consequenter non aggrauat in infinitum. vt dubio sequenti patebit. Secundo, ratione præcepti sibi facti directi. Tertio, ratione scandalii, & casu, quo scandalizare est illi peccatum mortale. D. Tho. 1. 2. q. 73. ar. 9. & 10. Sylu. verb. circumst. q. 3. Nau. cap. 6. num. 13. & num. Sylu. verb. scandalum.

Sextum dubium. An circumstantia temporis sacri addat actui nouam speciem? Resp. prima sententia est eorum qui affirmant, & aiunt quod qui peccant die festo facit duplex peccatum. est Alens. 3. p. q. 32. m. 5. ar. 2. ad 4. D. Tho. 1. 2. q. 122. ar. 4. ad 3. videtur etiam Scoti in 3. d. 27. Maior. in 4. d. 17. q. 4. Adrian. q. 4. de confess. Anton. 3. p. tit. 17. §. 5. Angel. verb. feriæ. §. 36. Rosell. verb. dominici dies. §. 2. Nicolai de Lyra, & Abulens. in Luc. 13. Cyrill. l. 4. in Ioan. cap. vlt. Teophyl. cap. 5. & cap. vlt. in Ioan. Secunda sententia opposita, & tenenda est recentiorum qui dicunt hanc circumstantiam esse solum aggrauantem. est Sylu. verb. circumst. q. 3. & in rosa aur. cas. 63. Tab. eod. q. 11. Nau. cap. 6. num. 10. Caiet. 12. q. 7. & 3. 2. q. 122. ar. 4. & quodl. 10. & in summa. verb. dies festus. Almayn. in 4. d. 17. & l. 1. mor. cap. 18. Sor. 2. de iust. q. 4. ar. 4. Imo D. Tho. in 3. d. 33. q. 2. ad 2. ar. 5. & d. 36. ar. 6. vt notant Tab. Nau. & Sor. idem Armill. verb. festum §. 12. idem congregatio quædam Dominicanorum quam refert Sylu. in ros. & Nau. cap. 6. num. 10. Pro intelligentia huius sententiæ nota, quod lex vetus præsertim cæremonialis habet duplicem finem, in præceptis, vnum immediatè, & generalem, v. g. in sanctificatione sabbati abstinere à seruilibus. alterum remotum, & speciale; vt. scilicet in sabbato vacarent rebus spiritualibus. prior pertinebat ad substantiam præcepti; non autem posterior; sed erat finis præcepti. vt notauit Sor. & Tab. locis citatis. Hoc posito probatur hæc sententia primo, quia in alijs præceptis circumstantia temporis non addit nouam speciem, vt occidere hominem die ieiunij; ergo neq; in hoc. Secundo, quia tantum seruilia opera prohibentur, quale non est peccatum; vt ait D. Tho. in 3. d. 37. ar. 5. q. 2. Postremo, quia finis præ-

cepti non cadit sub præcepto . intellige tamen nisi aliquis in contemptum festi peccaret . plura apud Sor. supra . Neq; obstat autoritas sanctorum Patrum , qui videntur contrarium asserere ; Ambrosij in Luc. 13. vbi ait , *Ius non prohibet in festo hominem curare , sed a peccatis grauari* . & ipse D. Tho. 2. 2. q. 172. ar. 4. ad. 3. ait ; magis contra hoc præceptum agit qui peccat in die festo , quàm qui aliud corporale opus aliàs licitum facit . Intelligunt enim peccata esse contra præceptum sanctificandi festum quantum ad finem , non quantum ad substantiam . & hoc modo interpretatur D. Thomas . & alij supra citati . & ita certum est quòd magis peccat contra finem legislatoris qui facit peccatum die festo , quàm qui facit opera feruilia . Adde quòd patres id dixerunt ex quodam feruore spiritus , vt homines intelligerent non satis esse exteriorem obseruantiam legis , sed requiri interiorem . Obijcies , circumstantia loci variat speciem ; ergo & circumstantia temporis . Resp. non esse eandem rationem ; nam tempus non potest maculari iniuriosa actione sicut locus , vt rectè Sylu. q. 4. adde quòd circumstantia loci non in omnibus mutat speciem , sed in casibus expresse prohibitis ad reuerentiam loci sacri ; vt patebit dubio sequenti .

Septimum dubium . An circumstantia loci mutet speciem . Resp. primo , quòd aliquando hæc circumstantia loci non aggrauat actum , nec mutat speciem , quando .s. se tenet ex parte agentis tantum , non ex parte obiecti ; vt si quis in templo optet occidere hominem . Secundo , aliquando ex se circumstantia loci aggrauat , & mutat speciem , quia repugnat rationi etiam si addatur actui bono , præsertim statutis iuris humani , vt si iudex iubeat in Ecclesia suspendi , vel capite truncari proditorem ; Vel vir in illa reddat debitum uxori suæ . in his enim casibus inferitur iniuria loco sacro secundum se . Sylu. verb. circumstantia . q. 4. Tertio dico , quòd aliquando ratione obiecti cui additur circumstantia loci mutat speciem ; idq; in quatuor casibus . Primo , in effusione sanguinis . Secundo , in effusione seminis . Tertio , cum violatur immunitas Ecclesiastica . Quarto , quando fit sacrilegium .i. furtum rei sacræ in templo . De quibus Sylu. verb. sacrilegium . & verb. consecratio . 2. q. 3. Nau. cap. 6. num. 13. ex his inferitur quòd circumstantia temporis , & loci non aggrauant in infinitum ;

temporis

tēporis enim non aggrauat nisi ratione contemptus; vt aīc
Almayn. D. Tho. Tab. Naua & Sylu. supra citati. vel cum
circa hoc fieret spirituale peccatum. Sylu. verb. circūst. in
fine. Locus verò in casibus iam dictis? Vnde diuersæ species
sacrilegij distinguuntur. De circūstantia personæ, & can-
dali in tract. de confessione; & infra dub. 11. agemus.

Octauum dubium. Quæ comparatio peccatorum? Resp.
& nota primo, quòd licet virtutes sint inter se coniunctæ, vt
ait D. Tho. 1. 2. q. 73. quia vniuntur in intentione agentis, quæ
est agere secundum rationem; peccata tamen non sunt con-
nexa. hæc enim specificantur ex obiectis ad quæ se conuertit
peccans. sed obiecta peccatorum sunt diuersa, ergo & ipsa
peccata. Secundo, non omnia peccata sunt paria, quia ali-
qua sunt magis contra rationem, & iustitiam, quàm alia. D.
Tho. supra. q. 2. ar. 2. & q. 2. de malo. ar. 9. Tercio, cum pecca-
ta habeant species ab obiectis, ex eisdem etiam variatur eo-
rum grauitas; quare homicidium est grauius furto, & grauior
sunt quæ immediatè sunt contra Deum, vt blasphemia, in-
fidelitas &c. & inter hæc vnum est grauius altero secundum
quòd est circa aliquid principalius, vel minus principale &c.
item grauius est peccare circa omnes articulos fidei, quàm
contra vnum tantum. Quarto, maxime virtuti opponitur
maximum vitium ex parte obiecti, vt charitati Dei oppo-
nitur odium Dei; sed ex parte effectus maiori virtuti minus
peccatum opponitur; quia quanto virtus fuerit maior, tan-
to minora peccata cohibet. D. Tho. q. cit. ar. 4. Quinto, pec-
cata carnalia sunt minoris culpæ, & maioris infamiæ quàm
spiritualia; quia illa habent vehementius impulsuum, sc. con-
cupiscentiam carnis; D. Tho. ar. 5. ex Gregor. 1. 31. mpr. cap.
31. vt ira peccatum est maius quàm luxuria ex genere suo &c.
Luxuria tamen est maioris infamiæ. Sexto, peccatum habet
duplicem causam; vna est per se intrinseca, & propria quæ
est voluntas; & hæc quò fuerit maior eò maius erit peccatum;
quia tantò grauius quis peccat quantò maiorem voluntatem
habet peccandi. Altera causa est extrinseca, & remota; &
hæc vel inclinatur ad peccandum secundum ipsam naturam vo-
luntatis, vt finis; & talis auget peccatum; quia quò peiorem
finem habet, eò grauius peccat. vel inclinatur præter naturam
ipsius, idest minuendo iudicium rationis, vt ignorantia; vel
minuit

minuit liberum arbitrium, vt infirmitas; violentia mentem. & hæc diminuunt peccatum, sicut minuunt etiam voluntatem. Ita quod si actus sit omnino inuoluntarius, non sit peccatum. D.Tho.q.cit. ar. 6. Septimo, peccatum grauat ex circumstantijs, idq; tripliciter; aliquando mutando speciem, vt si quis peccet cum coniugata &c. aliquando intra eandem speciem, vt cum prodigus dat quod non debet, cui non debet, quando non debet &c. aliquando agendo solum deformitatem aliunde prouenientem, vt si quis multum furetur de alieno. D.Tho.q.cit.ar.7.

Nonum dubium. An sit maius peccatum primum quod quis committit in aliqua specie, quam secundum in eadem specie. vt v.g. aliquis bis blasphemauit, quæ sit maior blasphemia prima, an secunda? Resp. ex Altisiodor. 2.p.tract. 28. q. 4. primum est grauius, cæteris paribus, in eadem; & in aliqua quidem specie clarum est; nam primum peccatum carnis est maius, quia amittitur virginitas. D. Tho. 2. 2. q. 154. ar. 4. Præterea vniuersaliter probatur; quia post primum, alia difficilius vitantur. Dixi *cæteris paribus*, nam ratione prauis habitus, & consuetudinis alia possent esse grauiora primo; præsertim quia facilius peccatur ex contemptu. & sic intelligitur caput sicut. de poenit. d. 1. & cap. fin. de consuetudine.

Decimum dubium. An continuatio eiusdem peccati sit circumstantia aggrauans. v. g. cum quis moratur in turp cogitatione, vel desiderio. Resp. ex Caiet. tom. 1. opus. tract. 31. resp. 15. notando quod vnum numero peccatum in genere moris complectitur non vnum simplicem actum, sed omnes actus internos, & externos, qui per se ordinantur ad opus principale externum, & non interrumpuntur per contrariam voluntatem. vt v.g. vnum peccatum sunt velle occidere, consentire, eligere, impetere, recipere ensen, querere inimicum, occidere. Dixi *Dummodo non interrumpatur*; quia si quis per horam velit occidere, deinde nolit, si postea denuo deliberet occidere, est duplex peccatum; & tot sunt peccata, quot fuerunt interruptiones, & deliberationes peccandi. Dixi. *per se*, nam cum actus assumuntur per accidens, si per se sunt mali, tunc dant nouam speciem illi actui. vt si quis querendo

rendo inimicum, blasphemat. Ex quo resp. ad dub. quòd omnis continuatio eiusdem peccati est circumstantia valdè aggrauans, dummodo sit libera. Nam si homo peccat in prima intentione, ergo & in continuatione. Imo addo, quòd etiam sine continuatione; permanentia & continuatio in prima circumstantia, est aggrauans. vt v.g. aliquis voluit occidere tunc, postea non vult, tamen non pœnitet eum peccati, ex quo augetur. Hæ tamen circumstantiæ non sunt aperiendæ in confessione, nempe quòd continuauit peccatum, vel non statim doluit, nisi longo tempore continuasset. Nau. cap. 6. num. 17. & nos in tract. de confess. Grauitas peccati etiam attenditur penes maius nocumentum quod prouenit ex ipso peccato si sit prauisum, & intentum; vt quando quis peccat animo nocendi. quando verò nocumentum est prauisum intentum, aggrauat peccatum, sed indirectè; quatenus ex voluntate valde inclinata ad peccatum, non prætermittit sibi, & alijs nocere. vt v.g. si quis vt citius furetur transeat per agrum, & segetibus damnum inferat. si verò nocumentum non sit prauisum, neq; intentum, tunc vel nocumentum sequitur per se ex actu peccati, vel per accidens; si per se, licèt non sit intentum, neq; prauisum, aggrauat directè peccatum; vt si quis furetur, & sequitur scandalum multorum. si autem sequitur per accidens, non aggrauat peccatum directè, sed per negligentiam considerandi nocumenta quæ consequi poterant, imputatur ad pœnam, & culpam; præsertim quando quis dabat operam rei illicitæ. Si verò diligentiam debitam adhibuit, non imputatur culpæ; aliter tamen si habet nocumentum pœnale, quod incurrit ille qui peccat. hoc enim potius sequitur grauitatem peccati; vt pœna inferni &c. Nota etiam, quòd quamuis priuari vita gratiæ sit maius nocumentum quàm priuari vita corporali, non tamen sequitur fornicationem. v.g. esse grauius homicidio; tum quia fornicator non intendit spirituale detrimentum, sed delectationem; si enim illud nocumentum intenderet, esset spiritualis homicida. tum quia homicida est per se causa sufficiens mortis corporalis, non autem fornicator mortis spiritualis; quia nemo simpliciter moritur nisi propria voluntate peccando. D. Tho. 1. 2. q. 73. ar. 8.

Vndecimum dubium. An circumstantia personæ reddat grauius peccatum. Resp. affirmatiue ratione maioris dignitatis

tatis, aut propinquitatis. nam persona in quam peccatur, est quodammodo obiectum peccati ratione cuius attenditur gravitas peccati, quatenus ipsum est finis principalior. Fines autem principales humanorum actuum sunt Deus, ipse homo, & proximus. & ideo quia persona in quam peccatur est magis coniuncta Deo, vel quia sanctior, vel sacratior &c. idcirco peccatum est gravius. Similiter ex parte sui ipsius, quod persona quam offendit est sibi magis coniuncta siue naturaliter, siue beneficijs &c. eo gravius peccatum facit. ex parte deniq; proximi, quod peccatum plures tangit, eo est gravius; Vnde peccatum contra personam publicam est gravius, quam contra priuatam; quia redundat in scandalum, & perturbationem multorum. Dignitas etiam, & prestantia personæ peccantis etiam aggrauat. hoc tamen non est intelligendum de peccatis quæ procedunt ex surreptione, sed de his quæ ex deliberatione; tum quia illis facilius possunt resistere, tum propter ingratitude, & maiorem indecentiam: tum ratione mali exempli, seu scandali. Vbi nota, quod circumstantia personæ tunc mutat speciem, quando repugnat statui personæ, vel voto; vt si sacerdos fornicetur, si religiosus committat vsuram; & tunc est duplex peccatum, & augetur infinitè. quando verò non repugnat statui, neq; voto, tunc auget sed non infinitè. D. Tho. 1. 2. q. 73. ar. 10.

Duodecimum dubium. Quod est subiectum peccatorum. Resp. peccatum principalius consistit in actu interioris voluntatis. exteriores autem actus qui sunt contra legem Dei, verè sunt peccata; non quatenus procedunt à membris externis, sed nascuntur ab ipsa voluntate. similiter operationes, appetitus sensitivus intellectus. Secundo, omne peccatum est in appetitu rationali subiectivè & formaliter. & in sensitivo materialiter, sicut in alijs potentijs. tota enim deordinatio est in voluntate, & à voluntate. Probatur primo, quia patres dicunt eatenus esse peccatum, quatenus est voluntarium. Secundo, quia nulla operatio respectu appetitus sentiui est magis laudabilis, vel vituperabilis, quam operatio quælibet membrorum, sed hæc habet malitiam à voluntate; ergo similiter illa. Vnde in appetitu sensitivo non solum est peccatum mortale, sed nec etiam veniale, nisi materialiter: & hæc est communior opinio Theologorum, quamvis Thomistæ aliter doceant.

doceant. Dur. in 4. d. 34. q. 6. Almayn. l. 3. monstra. 124. Tercio, motus appetitus sensitivi non est peccatum nisi sit aliquo modo pravius, & consideratus à ratione, & volutus in se, vel in causa; quia impossibile est esse peccatum nisi voluntarium. Sed non potest esse voluntarium nisi altero ex dictis modis, ergo &c. adverte tamen hic etiam distinguendum; ut cum quis ex causa pia, an ex causa illicita se exponat periculo pollutionis, ut infra dicam. Quarto nota, culpa prius est in voluntate, quam in intellectu; nam in intellectu nullum est peccatum nisi ratione voluntatis.

Decimumtertium dubium. Quando motus appetitus sensitivi est peccatum mortale, vel veniale. Resp. & nota hæc dicta: Primum, quando ex parte intellectus nulla est advertentia motus pravi excitati; tunc nullum est peccatum in illo motu, & talis motus vocatur primò primus, & ideo non considerat an sit peccatum nec nè. D. Tho. 1. 2. q. 74. ar. 3. ad 1. Dices, an hi primi motus in infidelibus sint peccatum mortale. Resp. negativè, nisi eis consentiant. D. Tho. 1. 2. q. 89. ar. 5. dicuntur tamen peculiari ratione peccatum ad Rom. 6. nã per illos regnat peccatũ in infidelibus secundũ Augustinũ. D. Tho. 1. 2. q. 74. ar. 6. Secundum, si ille motus primò rationẽ tangit, & ratio advertit esse malum quod appetitur, si tamen statim conetur reprimere, & dissentire; tunc moretur, & non peccat ex communi sententia. Tertium, quando voluntas post plenam deliberationem, & perfectam advertentiam consentit in tale opus, tunc peccat mortaliter, etiam si ratio dicat non esse faciendum. Quartum, si ratio advertat sed non plenè, & perfectè, similiter si deliberet, sed non perfectè quantum requiritur ad actum humanum, etiam si continuet motum, & delectationem, quamdiu non perfectè deliberet, non peccat mortaliter, sed venialiter; quia non est perfectè voluntarium. Quintum, quando ratio non solum advertit esse peccatum; sed incipit etiam deliberare secundum causas tamen humanas, & quasi trahit ad consensum, si statim per rationem superiorem reprimatur ratio inferior, & motus voluntatis ut dissentiat, tunc illa prima deliberatio non est peccatum mortale; quia ille consensus non est perfectè voluntarius; ratio enim inferior statim repressa est à superiore, est tamen peccatũ veniale gravius quam præcedens. Ita Gratian.

sup. alphabeti 301. Sextum, si ratio deliberat de illo obiecto, idest de re mala cogitata, etiam si non sequatur consensus in voluntate, si tamen sequitur continuatio in ipso motu prauo appetitus, & voluntas rationalis non dissentiat, tunc est peccatum mortale; quia eo ipso quod homo non dissentit, necessario consentie interpretatiue; est Caiet. Adrian. & communis. Septimum, idem dicendum est quando quis aduertit plene illam cogitationem esse peccatum mortale, etiam si non deliberet, si voluntas non dissentit, & non conatur reprimere. peccat mortaliter; quia tunc vult virtualiter. Notandum tamen ex Caiet. verb. delectatio morosa, excipi illum qui non resistit quia contemnit; & non putat esse periculum; tunc enim habet virtuales dissensum. quod verum est; tamen in praxi est difficile; quia plerique non resistunt propter delectationem. Octauum, quando post plenam deliberationem, & perfectam aduertentiam voluntas resistit ita negligenter, & imperfecte, vt videatur resistere, standum est iudicio Dei, & viri timorati. & hzc in confessione ita sincere sunt aperienda. Adde tamen ex Caiet. loco cit. quod in his qui habitualiter sunt parati potius mori, quam peccare; in dubio, interpretandum est non consensisse.

Decimum quartum dubium. Quale peccatum est hic motus, cum ex causa libera provenit. Resp. primo, quando in aliqua causa aliquis motus appetitus sensitui est intentus, tunc est peccatum mortale; quia hic effectus est voluntarius directe. Secundo, cum hi motus non sunt intenti licet prauis, tunc habent bonitatem, & malitiam quam habet causa; quia sunt voluntarij in causa. Vnde infertur, quod motus turpis est primo primus natus ex iusta causa, quamvis sit prauisus, nullum est peccatum, sed forte meritum; quando tamen causa est venialis. Similiter motus primo primi erunt peccata mortalia, si causa sit mortalis. Tertio, qui ex quacunque causa etiam sanctissima videt probabiliter imminere periculum consensus in peccato mortali, si id fecerit. tunc peccatum mortale, etiam si effectus non sequatur; quia quantum in se est, amplectitur peccatum; vt legendo turpia, &c. Quarto, idem dicendum est de illo qui probabiliter indicat imminere periculum incidendi in pollutionem in vigilia; quia talis videtur interpretatiue consentire in ipsam pollutionem, & se

expo.

exponit periculo consensus. Hoc tamen moraliter intelligendum est. Quintus, quando quis ex necessitate, & sancta causa se exponit periculo pollutionis, nullo modo peccat; vnde sacerdotes audientes confessionem, qui experientia sciunt se non solere consentire, &c. Caiet. opus. tom. 1. tract. 2. An consensus in delectatione sit peccatū mortale: videndus est Caiet. verb. delectatio morosa. Nota quod ratio superior circa proprium obiectum quod est ex genere suo peccatum mortale, potest peccare mortaliter, & venialiter, mortaliter quidem per consensum deliberatum; venialiter, verò in motibus subitis. v. g. in motu infidelitatis sine deliberatione. in his autem quæ pertinent ad inferiores vires animæ quando ipsa ratio est directiua, semper peccat mortaliter in his quæ sunt de genere suo peccata mortalia; quia in hæc semper fertur per modum deliberationis. In illis autem quæ sunt de genere suo peccata venialia, peccabit venialiter. D. Tho. 1. 2. q. 74. ar. 9. & 10 Item nota quod (vt patet ex dictis) in voluntate sunt motus primò primi qui non sunt peccata; nam experimur quod cum voluntati proponitur magnum bonum, rapitur ad illud. Similiter ex passione vehemente trahitur naturaliter voluntas; ergo &c. hinc etiam sequitur quod in intellectu potest esse huiusmodi motus primò primus, vt in actu infidelitatis ex subita apprehensione; vt dictum est. Hi verò motus non se habent merè passiue, sed habent principium ab ipsa ratione, & voluntate, vt dictum est. Possunt igitur in peccato concurrere multi actus: Primus, est motus natus ex carne ex causa naturali, v. g. ex calefactione. Secundus, est actus appetitus sensitui. Tertius, est rationis superioris per solam apprehensionem, qui dicitur primò primus; & non est peccatum nisi in causa. Quartus, est cum superior ratio imperfectè aduertit, & deliberat; & tunc est peccatum veniale. Quintus, est quando post deliberationem perfectam aut consentit, aut non resistit; & tunc peccat mortaliter. Sextus, quando contrahit consuetudinem in peccando. Septimus, est desperatio diuinæ misericordiæ. Octauus, quando punitur in inferno.

Decimum quintum dubium. An peccatum veniale per multiplicationem actus efficiat vnum mortale. Resp. peccatum veniale non fit mortale per solā actus multiplicationem.

Unde neq; multa venialia efficiunt unum mortale. Est etia,
& communis sententia ratio est; quia peccatum veniale, &
mortale differunt genere; & non solum tanquam magis & mi-
nus gradus in eadem specie; ergo &c. Confirmatur; quia per
multa etiam venialia non constituitur finis ultimus in creatu-
ra. Secundo, nam eodem præcepto prohibentur omnia men-
ducta, quo unum; sed totum illud præceptum non est de re ad
salutem necessaria; ergo transgressio eius siue vna, siue mul-
tiplex non est materialis, quæ ratio solum procedit in venia-
libus ex genere. Tercio, quia nullus numerus venialium de-
signari certò potest; qui sufficiens sit ad peccatum mortale
constituendum; ergo si aliquis numerus nobis ignoratus es-
set sufficiens in quocumq; peccato veniali, exponeremus nos
periculo peccandi mortaliter; & hoc ipso peccaremus mor-
taliter. Dices, eodem argumento probaretur quodlibet ve-
niale ratione periculi esse mortale; quia disponit ad mortalia.
Resp. non esse simile; quia licet veniale sit dispositio ad mor-
tale, est tamen dispositio remota, quæ per se non est moralis
ocasio peccandi. At si solus numerus peccatorum venialium
compleret mortale, de quocumque peccato esset timendum,
ne expleret illum numerum. Tandem confirmatur sap. 7.
Septies in die cadit iustus; ubi numerus certus pro incerto
ponitur, & tamen tribuitur iusto. Contra glos. c. tres sunt
de penit. d. 1. propter illud Augustini epist. 108. ad Felician.
ubi de venialibus ait; *Si collecta contra nos fuerunt, ita nos
gravabunt, sicut unum aliquod grande peccatum*. Resp. de
glosa non curo. Augustinus pie exponendus est, videlicet pos-
se multa peccata venialia ita nocere dispositivè, quia sunt oc-
casio labendi in mortale, ita D. Tho. 1. 2. q. 73. ar. 4. ad 1. he
etiam interpretandus est Augustinus tract. 11. in Ioan. &
serm. 88. de temp. & 41. de sanctis. *Quemadmodum sapiens
qui spernit modica, paulatim decidit*. Dices, si quis unum
& alterum leve furtum committat, tandem peccabit mortali-
ter in illis actibus, alias posset furari illo modo magnâ quan-
titate sine peccato mortali. Resp. si quis habeat vnam vo-
luntatem furandi sæpius illo modo, illa voluntas est peccatū
mortale; atq; adeo actus omnis ut ab illa procedit, & ferè ita
peccant omnes illi qui habent consuetudinem furandi illo mo-
do. Si tamen non adsit vna talis voluntas nec formalis, nec
virtualis,

Virtutalis, contingere poterit furari vnam magnam quantitatē sine peccato mortali; quam tamen postea retinere cum primū aduertat, erit mortale; non quia ex venialibus sit factum aliquod mortale; sed quia est ibi nouus actus, vel noua omisio cadens in materiam grauem. Veg. l. 14 in 1 rid. cap. 11. & l. 5. de iust. q. 3. ar. 3. Vrgebis; nam si quis habet vnam voluntatem formalem, vel virtutalem omittendi quotidie partem aliquam leuem dicendi officij; aut missæ, aut earum precum, aut eleemosynarum quas Deo vouet, erit in statu peccati mortalis. Resp. de his in proprijs materijs disputatur. nunc solum in genere dicimus, peccata venialia per se multa non efficiere vnum mortale. nonnunquam verò materiam aliquam integram quæ in multis actibus diuisa faceret singulos actus peccata venialia obiectum vni actui facere mortale; quando tota illa materia constituit vnum obiectū graue contra vnum præceptum quod ex suo genere obligat; vt contingit in furto. Quando verò illæ singulæ partes non faciunt vnum quod vni præcepto sit contrarium, actus enimerit mortalis ex vi illius obiecti, sed habebit quasi malitiam multorum venialium. & ita contingit in casibus illis particularibus. quamuis illud de voto habeat peculiare dubium.

Decimum sextum dubium. An peccatum veniale ex sua natura possit fieri mortale. vel contra. Resp. nullum est peccatum mortale secundum suum genus, quod ex accidenti non possit fieri veniale. Est sententia certa, & communis. nam ex indeliberatione actus, vel ex leuitate materiæ ferè omnia mortalia sunt venialia. Peccatum verò veniale ex suo genere nunquam fit mortale, nisi addatur circumstantia quæ mutet speciem; aut quidam amor directè charitati contrarius. ratio prioris partis est; quia hoc differt veniale ex genere à mortali; quod illius malitiæ ex natura & vi sua nunquam est coniuncta deformitas mortalis. Confirmatur: nam si ex vi propriæ speciei posset hoc peccatū veniale fieri mortale, iam quando non esset mortale, non esset ex effectu suæ speciei. i. propriæ malitiæ specificæ, sed quia non haberet totam gravitatem illius speciei. Esset igitur veniale ex leuitate materiæ, vel ex imperfectione actus. Dices, hoc modo nullum est veniale ex genere; patet, quia nullum est peccatum quod ex vi speciei suæ non pugnet cum aliqua virtute. nulla est autem

virtus quæ per se interdum non obliget ad mortale. Confir-
matur; nam peccatum potest destruere virtutem contrariam
omnino; hoc autem non videtur fieri sine mortali culpa; ideo
consent aliqui nullum esse veniale ex genere, nisi illud quod
per se est indifferens, & sine honesto sine sit: sed hoc est contra
communem sententiam, & non necessarium ad soluendas dif-
ficultates. Igitur dico primo, posse virtutem aliquam habe-
re materiam adeo leueni, & ad conseruationem charitatis nō
adeo necessariam, vt nunquam propria sua virtute ad morta-
le obliget, nisi accedat iustitia, neq; liberalitas ex se. Dico
secundo, eidem virtuti multa vitia posse esse contraria; ex qui-
bus aliquod poterit esse sua specie adeo leue, vt neq; possit
omnino, neq; grauitur virtutem contrariam destruere. & ideo
nunquam mortale sit ex specie sua. Probatur vltima pars,
quod. nisi addatur circumstantia quæ mutet speciem venia-
le non fit mortale; vt, si quis in obiecto eius finem vltimum
constituit; quod est omnino certum. Et sic intelligi potest il-
lud eccles. 10. *Nihil iniquius quàm amare pecuniam.* & Iacobi
2. & Ioan. 2. *Qui diligit mundum non est charitas patris in eo.*
quod etiam inquit August. summam peruerfitatem esse frui
vtendis. ratio est, quia tenemur solum Deum diligere propter
vltimum finem. Illud autem est hic obscurum, quid sit consti-
tuere finem vltimum in obiecto peccati venialis. Gerson. l.
de vita spiritali, dicit; id esse peccare venialiter solum prop-
ter peccare. Sed non rectè dicit; nullus enim peccat qui non
sub aliqua ratione boni velit peccare. Varij varia dicunt.
Ego dico, tunc aliquem constituere finem vltimum in obiecto
peccati venialis, quando ex affectu ad illud paratus est alia
præcepta grauiora transgredi. quod dupliciter euenire po-
test: Primo, si quis directè, & expressè id animo concipiat.
quod directè est contra charitatem Dei. & hoc modo veniale
interdum fieri posset mortale ex circumstantia addita quæ mu-
tat speciem. Secundo modo esse potest implicite tantum; vt
cum voluntariè aliquis in actu exercito transgreditur præ-
ceptum vt ociosè loquatur. Vel cum huic periculo volunta-
riè se exponit. Sylu. verb. peccatum §. 10.

Decimumseptimum dubium. An idem actus possit esse pec-
catum veniale, & mortale simul, vel successiue. Resp. idem
actus numero potest esse successiue peccatum mortale, & ve-
niale.

niale. De exteriori actu patet. De interiori probatur; quia idem actus potest esse in principio indeliberatus, & si ratio magis aduertat, & voluntas in eodem actu perseueret, & consentiat, erit peccatum mortale. & contra; potest in principio actus esse deliberatus, postea verè fieri potest ut homo passione aliqua, vel ira paulatim accendatur ita, ut perfectum rationis usum impediat. præterea idem faciliè patet in actu veniali ex leuitate materiæ. nam sicut potest idem actus successuè intendi, & remitti, ita ad maiorem vel minorem materiam extendi. idem patet si in principio actus sit fortè ociosus ex materia indifferente, & perseuerante eodè actu accedat prohibitio grauis, homine id aduertente; & ratio est, quia deformitas peccati mortalis quâuis sit de essentia peccati mortalis ut sic, tamen accidit ipsi actui voluntatis, & ideo potest interdum inesse, & abesse, eodem actu tantum accidentaliter mutato.

Decimumoctauum dubium. Quæ sunt causæ peccatorum in genere. Resp. peccatum quatenus est quidam actus, habet causam per se. Sed quatenus est inordinatus, habet causam per accidens. Explico; nam voluntas carens directione regulæ rationis, & legis diuinæ, intendens aliquid bonum commutabile, causat actum peccati per se. Sed inordinationem actus causat per accidens præter intentionem; quia defectus ordinis in actu prouenit ex defectu directionis qui est in ipsa voluntate. D. Tho. 1. 2. q. 75. ar. 1. Obijcies; peccatum omissionis non habet causam per se; cum sit pura priuatio; ergo non ratione peccati habet causam per se. Resp. quòd omisio habet causam; quia ferè semper peccatum omissionis habet coniunctum aliquem actum voluntatis, ratione cuius omisio dicitur voluntaria, & intenta; & est quasi materia deordinationis, quæ est priuatio. Secundo, esse videtur pura omisio, tamen adhuc dicitur per se intenta, & volita per se, quamuis indirectè, cum sit in potestate hominis, & voluntatis, teneretur illam non velle, quod satis est ut dicatur per se volita. Secundo, causæ peccatorum sunt duplices, quædam interiores, quædam exteriores. causæ interiores sunt voluntas, intellectus, appetitus sensitivus. Intellectus & voluntas sunt causæ immediatæ. appetitus verò, seu interior imaginatio, & sensus apprehensio sunt causæ mediatæ. Causæ exteriores peccati sunt

sunt homo, & Dæmon, seu exteriora bona. Pro quo nota, ex D. Tho. 1. 2. q. 75. ar. 3. quòd aliquod extrinsecum tripliciter potest esse causa peccati. vel quia mouet immediatè ipsam voluntatem, vel quia mouet rationem, vel quia mouet appetitum sensitium. Voluntatem autem interiùs mouere non potest nisi Deus, qui non potest esse causa peccati. Vnde relinquitur vt nihil exterius possit esse causa peccati nisi vel quatenus mouet rationem vt homo, vel Dæmon suadens peccare: vel sicut mouens appetitum sensitium, sicut aliqua sensibilia exteriora. non tamen mouent ex necessitate, nisi fortè aliquo modo dispositum &c. vnde patet, quòd licèt aliqua exteriora possint mouere ad peccandum, non tamen possunt sufficienter inducere ad peccandum; quia causa principalis, & immediata quæ sufficienter peccat, est sola voluntas. Tercio, vnum peccatum potest esse causa alterius peccati secundum quatuor genera causarum, efficientis, quia per vnum disponitur ad aliud simile. materialis, vt avaricia præparat materiam litigiosam. finalis, vt si committatur simonia propter ambitionem; fornicatio propter furtum. formalis, vt in dicto exemplo. formale est furtum, materiale est fornicatio, nam finis dat formam in moralibus. D. Tho. supra. ar. 4. Quarto, eùm hic agendum sit de dictis peccatorum causis, dicam primò de interioribus: at cùm causa interior sit triplex, vt dictum est, singulas exponam. Primo, de ignorantia, quæ est causa peccati ex parte rationis. Secundo, de infirmitate, seu passione, quæ est causa peccati ex parte appetitus sensitui. Tercio, de malitia, quæ est causa peccati ex parte voluntatis. de his D. Tho. 1. 2. q. 76. & sequentibus.

Decimumnonum dubium. An ignorantia sit causa peccati. Resp. cum D. Tho. supra. ar. 1. non quilibet ignorantia est causa peccati; sed illa solum quæ tollit scientiam prohibentem actum peccati, siue sit vniuersalis talis sciētia, siue sit particularis. exemplum in D. Thoma videndum est.

Vigesimum dubium. An ignorantia sit peccatum. Resp. D. Th. q. 76. ar. 2. supra. quòd nulla ignorantia inuincibilis est peccatum. Ignorantia autem vincibilis est peccatum, si sit earum rerum, quas quis scire tenetur, non autem si sit earum, quas quis scire non tenetur. pro explicatione nota primo, sex esse diuisiones ignorantie. prima est. quæ diuiditur in ignorantiam

rantiam quæ dicie simplicem negationem scientiæ quæ non sic culpa, nec pœna, qualis est in Angelis. de qua D. Tho. q. 3. de malo. ar. 7. & in ignorantiam quæ est culpa, vel pœna nata ex culpa, qua homo ignorat quæ est culpa, vel potest facile scire. de qua August. l. 1. de ciu. cap. 11. Secunda diuisio. in ignorantiam puræ negationis, & prauæ dispositionis. Arist. l. 1. post. cap. 12. prima dicit puram negationem, vt cum quod deberemus, vel possemus scire, ad sensum falsum ducimus. qui dicitur error; August. in Enchir. cap. 26. Tercia, diuiditur ex parte subiecti in affectatam quæ est volita, & amata ab ipso homine. & in crassam, ac supinam, quæ est voluntaria ex negligentia, & fuga laboris. Quarta, diuiditur ex parte obiecti in ignorantiam iuris, qua ignoramus ius siue diuinum, siue humanum; & in ignorantiam facti, qua incognita lege ignoramus factum. Quinta, diuiditur in ignorantiam vincibilem, & in inuincibilem. Vincibilis est quæ parum differat a crassa, videlicet quando homo non fecit quæ debuit facere ad ignorantiam vincendam & superandam. Inuincibilis est quæ non potest vinci facta omni diligentia. Sexta, diuiditur in antecedentem, & subsequenter, ex l. 3. ethic. antecedens est quæ antecedit, & est causa operationis; vt si quis hominem occidat, quem non occidisset si sciuisset eum esse; qualis fuit Iacob cum Lia. & hæc vt plurimum est inuoluntaria, & dicitur ignorantia probabilis. Consequens est quæ consequitur, & non est causa operationis, & est eadem cum affectata, quando .s. quis vult ignorare, nec bonum opus facit. Concomitans est quæ non est causa, nec volita, tamen si fuisset cognita fuisset volita; vt si quis occidat hostem, putans se occidere feram, quem tamen si sciuisset occidisset. Secundo nota, quod quæ tenetur homo scire vel sunt ordinata ad operationem, quæ .s. discimus vt operemur; vel sunt ordinata ad cognitionem, quæ .s. tenemur scire vt sciamus, vt sunt articuli fidei. His posit. Resp. ad dubium septem dictis. Primo, ignorantia eorum quæ tenemur scire vt sciamus solum, est peccatum ex se, seu ex obiecto. est de fide: quia tales ignorantes damnantur in scriptura; cum fides ea cognitione nitatur sine qua impossibile est placere Deo. Hebr. 11. Secundo, ignorantia eorum quæ tenemur scire non vt sciamus, sed vt operemur, secundum se est peccatum; non tamen distinctum ab opere; quare

ignorantia decalogi, & iuris naturalis &c. est peccatum propter ipsa opera. Probatur, quia tenemur seruare precepta, ergo tenemur ea scire. Tertio, post sufficientem promulgationem alicuius legis positiuæ, ignorantia huius legis est peccatum; quia homo tenetur illa seruare, ergo & scire. Item patet ex cap. 1. de const. & ex l. leges. c. de legibus. Quarto, ignorantia eorum quæ tenetur quis scire ex proprio officio, est peccatum; nam si conetur multa agere ratione officij, ergo tenetur illa scire. Quinto, ignorantia facti aliquando est peccatum secundum se ad eum modum quo alia ignorantia; vt pastori qui ignorat facta subditorum quos tenetur corrigere. Similiter omnibus qui ex tali ignorantia peccata committunt; vt qui hominem occidit ignoranter ex negligentia. Sexto, ignorantia prædicta sunt peccata secundum se, & non ex negatione solum, vt ait Caiet. eo modo quo actio exterior, & omisio dicuntur peccata. D. Tho. loco cit. ad 3. probatur; quia in omnibus peccatis quæ nobis imputantur ex negligentia non solum id est peccatum quod fit, & omittitur, sed etiã ipsa negligentia; &c. Septimo, ignorantia inuincibilis est eorum quæ tenetur quis scire, non est peccatum vllum; vt si quis adhibuit diligentiam vt sciret decalogum, si nescit non peccat; quia talis ignorantia non est voluntaria. Idem dicendum est de ignorantia vincibili eorum quæ non tenetur scire.

Vigefimum primum dubium. Quid requiritur ad ignorantiam inuincibilem, seu non culpabilem. Resp. & nota; tria esse certa. Primum, non requiritur vt homo faciat quod potest ad illam vincendam, quia sic nulla daretur ignorantia inuincibilis. Secundum certum est, requiri vt homo faciat totum quod debet facere ad pellendam ignorantiam. quid autem teneatur facere, dubium est. Aliqui dicunt quod teneatur facere quod faciunt prudentes in tali casu. Aliqui quod sit satis consulere vnum, vel alterum doctorem; vt Adrian. quodl. 4. q. 1. & Castro. Alij distinguunt, nam si ignorantia versetur circa ius humanum, dicunt satis esse consulere viros doctos circa illam rem. Si autem sit circa ius diuinum, illud non esse satis, sed adiungendam esse conuersionem, & poenitentiam &c. Adrian. supra. quem sequitur Castro l. 2. de pœnali. cap. 14. His positis. Resp. primo, si loquamur de ignorantia inuincibili facti, satis est adhibere aliquam diligentiam

gentiam . Probatur exemplo Iacob cum Lia. Confirmatur ex l. nec supina. ff. de iuris & fact. ignor. Secundo, si loquamur de iure naturali, vel positivo, satis est ut homo adhibeat diligentiam moralem pro qualitate materiæ; ut ignorantia dicatur inuincibilis: patet ex communi sententia . Tertio, in his quæ sunt de iure diuino, non est opus adhibere pœnitentiam, ut illa ignorantia sit sine culpa; contra Adrian. probatur primo, quia multi post pœnitentiam retinent adhuc ignorantiam; ergo &c. Tertio. quia semper expectanda essent miracula; ergo &c. Quarto, in aliquo casu necessaria est pœnitentia, & recursus ad Deum, ut tempore schismatis; vel quando idiotæ audirent errores circa fidem; vel quando ex prauo affectu hæret alicui opinioni Doctorum; ut v. g. posse retinere plura beneficia, &c. & in his vera est sententia Adriani, quousq; enim quis exuat prauum affectum, manet in ignorantia inuincibili. Medin. 1. 2. q. 76. ar. 2. Dices, an ignorantia vincibilis fiat inuincibilis per pœnitentiam? Resp. affirmatiue, quia tunc esset in gratia Dei. Nota tamen quòd ad hoc non requiritur ut doleat quis de peccatis, vel de illa ignorantia, sed tantum ut proponat cognoscere veritatem; quia ex hoc facit totum quod potest ad vincendam illam ignorantiam; ergo satis est. Medin. q. 79. ar. 2.

Vigefimum secundum dubium . Circa quæ versetur ignorantia inuincibilis? Resp. & nota, distinctionem iuris naturalis, diuini, & humani. præterea, quòd ius naturale latè patet; nam sicut in scientia speculatiua sunt principia, & conclusiones, ita in iure naturali sunt principia practica. Secundo, conclusiones quæ facile ex his deducuntur. Tertio, conclusiones quæ difficilius, & longiori discursu deducuntur. Postremo nota, ignorantiam esse multiplicem, ut supra dub. 20. Nunc dico primo, ignorantia inuincibilis non potest cadere circa prima principia legis naturalis, ut honestum esse a mandum, inhonestum fugiendum; quod tibi non vis, alteri ne feceris, &c. quia hæc facile ab omnibus cognoscuntur cum sint innata. Vnde psal. 4. *Signatum est super nos lumen vultus tui Domine* &c. & ad Rom. 2. *Naturaliter quæ legis sunt facere*. Secundo dico. Circa præcepta decalogi quæ sunt ut primæ conclusiones deductæ ex principiis iuris naturalis, potest homo habere inuincibilem ignorantiam ad breue tempus, non tamen

tamen diu. prior pars probatur; quia ex principijs per se notis facile cognoscuntur, & de facto cognita sunt. & ad id Deus lumen non negabit. Medin ar. 2. cit. Tertio dico. Circa alia præcepta quæ longè distant à primis principijs potest dici cadere ignorantia inuincibilis, vt de mendacio, de bigamia, &c. quia hæc non possunt sine magna solertia haberi. Medin. ibid. Quarto, circa ius diuinum positium potest diu cadere ignorantia inuincibilis, ex August. l. de natura & grat. cap. 2. & alijs. Medin. supra. & probatur, quia dixit Dominus, *Si ego non venissem &c. peccatum non haberent.* & Rom. 10. *Quomodo audient sine predicante &c.* Quinto, circa præcepta humana potest diu cadere ignorantia inuincibilis. Probatur; nam non sunt perse nota, cum longè distent à lege naturali. Secundo, quia nemo ferè excusaretur à peccato, & esset onus grauissimum; nam omnes tenerentur studere, vt discerere leges &c. Sexto, circa quodcumq; factum potest diu cadere ignorantia inuincibilis, vt quòd coniux sit consanguinea &c. & in alijs multis vt patet.

Vigesimum tertium dubium. An ignorantia omnino excuset à peccato. Resp. D. Tho. supra. Primo ignorantia consequens, vel concomitans actum peccati, non excusat à peccato. Secundo, ignorantia quæ est causa actus peccati, excusat, non tamen omnino. idq; contingit dupliciter. Primo, quando ignorantia est alicuius circumstantiæ sine qua adhuc esset peccatum. Secundo, quando ignorantia est voluntaria directè. Vt si quis non vult aliquid scire. indirectè, dum propter alias occupationes negligit hoc discere quod scire tenetur &c. Tertio, dicit D. Tho. ignorantia quæ est omnino inuoluntaria, quia est inuincibilis, siue quia est eius quod homo scire non tenetur, omnino excusat à peccato; nam talis ignorantia causat omnino innoluntarium. Dices primo, an ignorantia concomitans excuset à peccato? v.g. Paulus putans se occidere feram, occidit inimicum, quem si cognouisset etiam occidisset; an talis ignorantia excuset à peccato? Resp. primo, quòd ignorantia concomitans non excusat; quia qui operatur dicta ignorantia, non dolet postquam scit se fecisse; ergo non habet excusationem. est Arist. l. 3. ethic. cap. 1. & sequuntur communiter theologi. Dur. in 2. d. 22. q. 4. Gabr. q. 2. Marfil. q. 15. ar. 2. dub. 2. Medin. l. 2. q. 76. ar. 3. Dico secundo, quòd igno-

ignorantia concomitans non excusat. propterea homicidium quod ex ea consequitur, non imputatur ad culpam secundum se &c. quia talis ignorantia facit non voluntarium. Secundo, quia voluntas interior Pauli antequam emitteret sagittam, non erat mala; ergo quando emisit sagittam pro illo instar ti, non erat mala. Ad oppositum patet ex dictis. Probatum enim solum non accusare, Medin. loco citato. Dices secundo, an dans operam rei illicitæ scienter, ignorata aliqua mala circumstantia, excusetur ab illa. v. g. aliquis putat se accedere ad solutam, & accedit ad conjugatam, an sit adulter, an vero fornicator? resp. quod omnino excusatur ab illa ignorantia; unde talis solum erit fornicator. ratio est; quia actus non habet plus de peccato, quàm de voluntario. Neq; verò ad hoc quicquam refert utrum quis det operam rei licitæ vel illicitæ, quia respectu illius circumstantiæ est purè inuitus. Dices tertio, an similiter qui ignorat ius inducens censuras, incidit in illas si transgrediatur. Resp. affirmatiuè si ignorat vincibiliter. Medin. ar. 3. cit.

Vigesimalium quartum dubium. An ignorantia diminuat peccatum? Resp. D. Tho. 1. 2. q. 76. ar. 4. quod illa sola ignorantia potest minuire peccatum, quæ est causa peccati. & tamen non excusat totaliter à peccato; qualis est ignorantia culpabilis non affectata. Hinc infertur primo, quod ignorantia affectata potius auget peccatum. Secundo, quia ignorantia quæ omnino excusat, non minuit peccatum, sed illud omnino auferit voluntarium. Tertio, infertur quod ignorantia quæ non est causa peccati sed concomitanter se habet ad peccatum, nec minuit, nec auget illud, sed se habet tanquam inpertinens. Ita D. Tho. supra. Dices, an actus factus ex ignorantia inuincibili, sit bonus in genere moris? resp. affirmatiuè, quia est meritorius ex charitate imperantis. Præterea quia est ex proprijs bonis, & boni scientia, vt Jacob cum cognouit Liam, quia sciebat esse reddendum debitum vxori &c. Dices secundo, an post factum liceat consentire in actum excusatur ab ignorantia inuincibili, & in ea sibi complacere? Resp. negatiuè, quia obiectum illud est malum, & solum excusatur ab ignorantia; ergo &c. est Palud. in 4. d. 9. q. 3. Adrian. quodl. 10. & est communis. Medin. q. 74. ar. 6. Dices tertio, quomodo ignorantia affectata augeat peccatum? Respondet aliqui, quia

quia peccans ex tali ignorantia committit duo peccata; vnum ignorantia; alterum est quod ipse committit, vt videtur sentire D. Tho. 1. 2. q. 76. ar. 4. ad 2. & q. 3. de malo. ar. 9. ad 3. sed melius dicendum est, peccatum ex ignorantia affectata esse grauius, quia illud peccatum si fieret ex scientia, esset minus peccatum; quia voluntas peccandi causat ignorantiam illam affectatam. Secundo, quia v.g. fornicatio est magis voluntaria quando est ex ignorantia affectata; quia non vult illud impedimentum ad peccatum; ergo &c. Dices quarto, an peccatum quod fit ex ignorantia affectata sit eiusdem speciei cum peccato quod fit ex certa scientia. Pro solutione nota primo, quod duplex est ignorantia, quædam voluntaria priuans vsum rationis, vt ebrietas; quædam quæ priuat sola scientia, & hæc vel est iuris, vel facti. Secundo nota, quod peccata facta ex ignorantia iuris aut sunt ex se mala, vt furtum; aut sunt mala solo iure positiua, vt non ieiunare. nunc dico primo, quod peccata ex ignorantia iuris quæ secundum se sunt mala, sunt eiusdem speciei cum factis ex scientia; quia obiectum vtriusque actus est idem, & intentum, ab obiecto autem sumitur specificatio; ergo &c. Dico secundo, opera facta per ignorantiam quæ priuat vsum rationis, sunt eiusdem speciei reductiue cum alijs, vt homicidium factum ab ebrio est verum homicidium, contra Caietanum. Ita enim docet D. Tho. ad 4. & alij communiter; Vnde inducit irregularitatem. Tertio dico, quod peccata commissæ ex ignorantia facti, sunt eiusdem speciei cum commissis scienter, vt homicidium commissum in venatione ex negligentia inaduertendi, est virtualiter, & indirecte volitum; ergo &c. Quarto dico, quod peccata facta ex ignorantia iuris positiui, sunt in eadem specie reductiue in qua essent cum scientia; vt qui ex ignorantia culpabili non ieiunat, peccat contra temperantiam, &c. quia talis actus est indirecte voluntarius. D. Tho. 1. 2. q. 76. ar. 4.

Vigesimalum quintum dubium. An voluntas possit moueri ab appetitu sensitivo. Resp. primo, directe non potest moueri, quia potentia immaterialis non potest moueri à materiali. Secundo dico, quod indirecte potest moueri per abstractionem. cum enim anima sit finita, quando appetitus vehementer applicatur in vnum, remittitur, vel impeditur motus voluntarius. Secundo, ex parte obiecti voluntatis, quod est

est bonum apprehensum, nam impeditur iudiciũ, & apprehensio rationis propter vehementem, & inordinatam apprehensionem imaginationis. D. Tho. 1. 2. q. 77. ar. 1. Medin. ibid. q. 7. ar. 2. Dices, an possit esse peccatum in voluntate, non præcedente errore in intellectu? Resp. Scot. in 3. d. 36. tenet posse. Sed D. Tho. q. 77. ar. 2. & alij communiter negant. & hæc est vera, & tenenda. quare absolutè dicendum est non esse peccatum errore, vel inconsideratione præcedente in intellectu, nam non videtur possibile quòd voluntas consentiret in peccatum absq; eo quòd iudiciũ corrumpatur vel ex volitione efficaci, vel ab ipsa passione appetitus sensitivi. Neq; obstat quòd scripturæ, & patres sæpe dicunt quòd multi sciēter peccant; nam vel loquantur de scientia vniuersali, vel de particulari in habitu, vel de iudicio intellectus practici sine imperio efficaci. Medin. 1. 2. q. 77. ar. 2. Dices secundo, an peccatum, quod est ex passione debeat dici ex infirmitate? Resp. affirmatiuè cum D. Tho. ar. 3. quia passiones sunt quædam animi ægitudines impediētes regulam rationis. Vnde Arist. 1. 1. polit. incontinentem comparat paralytico. Tercio dices, an amor sui sit principium omnis peccati? Resp. quòd inordinatus amor sui est causa, & principium omnis peccati; ex August. 1. ciu. cap. 13. D. Tho. supra. ar. 4. patet; nam nemo peccat nisi consequatur aliquod bonum quod inordinatè amat. Caiet. ar. 4. cir. Dices quarto, an causæ peccatorum sint concupiscentia oculorum, & superbia vitæ? Resp. affirmatiuè, nam ad duo priora reducuntur omnes passiones concupiscibilis. ad peccatum verò passiones irascibilis, vt prosequitur D. Tho. ar. 5. & ibid. Medin. Dices quinto, an passio minuat peccatũ? Resp. primo, quòd passio quæ præcedit actum, seu antevertit iudiciũ rationis, & electionem, magis auget peccatum; vel potius est signum gravitatis peccati, quatenus demonstrat intentionem voluntatis ad actum peccati. D. Tho. ar. 6. Dices sexto, an passio omnino excuset à peccato? Resp. D. Tho. ar. 7. quòd passiones quæ simpliciter causant inuoluntarium, excusant in toto à peccato, vt quæ auferunt omnino vsum rationis; non autem aliæ. addit tamen id intelligi, quando causa non fuit voluntaria, sed rationalis; si enim fuit voluntaria, tunc peccata inde sequuta imputantur tanquam indirectè volita in causa; vt ebrio homicidium. Dices septimo, an peccata quæ

quæ facit ebrius sint circumstantiæ peccatorum, an verò peccata distincta voluta in causa? Secundo, an ei qui sua culpa incidit in morbum, imputandum sit quòd non ieiunet, non recitet officium &c. Resp. negatiuè, nisi ea intentione dedisset occasionem. Medin. ar. 7. cit. Tertio, an imputetur primum ei qui dedit causam peccato, v. g. pollutioni nocturnæ, sed antequam acciderit, pœnituit? Resp. negatiuè. Medin. loco cit. Dices septimo, an peccatum quod est ex passione, possit esse mortale? Resp. quòd quando quis ex passione procedit ad actum peccati, vel consensum deliberatum, peccat mortaliter. In motibus autem subitis in quibus ratio non potest occurrere ob vehementem passionem, non est peccatum mortale. D. Tho. & Medin. q. 77. ar. 8. cit.

Vigesimalum sextum dubium. Quid est peccare ex malitia? Resp. primo, peccare ex malitia non est velle malum sub ratione mali, vt vult Scot. quia voluntas non potest velle malum sub ratione mali. neq; est peccare ex habitu vicioso, vel praua consuetudine, quia multi ex malitia peccant, qui non habent habitum prauum. nec est peccare ex præcedente peccato; quia peccatum ex malitia interdum est primum peccatum, vt in Angelis. quare peccare ex malitia est, nulla impellente passione eligere malum quod scitur esse malum. Nota tamen quòd licet malum secundum se non possit esse intentum ab aliquo, potest tamen esse intentum ad vitandum aliud malum, vel ad consequendum aliquod bonum saltem apparens. D. Tho. 1. 2. q. 77. ar. 1. Medin. ibid. Secundo, peccantes ex habitu, peccant ex malitia, cum agant ex quadam electione; non tamen necesse est vt quicunq; ex certa malitia peccat, ex habitu peccet. D. Tho. supra. ar. 2. & 3. Tertio, peccatum ex certa malitia est grauius peccato facto ex passione. tum quia illud est maximè voluntarium; tum quia est diturnius; tum quia peccans ex certa malitia est malè dispositus quoad finem. D. Tho. q. cit. ar. 4. hætenus de causis intrinsecis peccati. nunc de extrinsecis quæ possunt esse Deus, Dæmon, & homo. de singulis dicamus.

Vigesimalum septimum dubium. An Deus possit esse causa peccati? Resp. quòd actus peccati vel consideratur in genere naturæ rationis entitatis naturalis quod est naturale peccatū; vel in genere operis, quod dicitur formale peccatum. hoc
posito,

posito; dico; quòd quamuis Deus sit causa entitatis peccati, non tamen est causa deformitatis ipsius; quare non est dicendum quòd sit causa peccati nec directè, neq; indirectè. Plura apud Medin. 1.2.q. 79.ar.1. & ad omnia loca scripturæ ubi dicitur Deus indurare, excæcare, &c. Resp. intelligi permissivè. Vel intelligi debent quatenus priuat Deus homines propter ipsorum peccata illis auxilijs, sine quibus non possunt absq; summo conatu, & difficultate resipiscere. Vel offerendo occasiones peccatorum; non tamen priuat omni auxilio. Et hæc ipsam excæcationem aliquando ex sua misericordia ordinat Deus ad salutem ipsorum peccatorum. Medin. supra.ar.2.& 3. Dices; an Deus velit aliquando peccatum sub ratione boni? Resp. ex communi sententia, quòd Deus vult tantum permittere peccatum fieri ex quocunq; bono fine.

Vigesimum octauum dubium. An Diabolus sit causa peccati. & quomodo? Resp. non potest esse homini directè, & sufficienter causa peccati; sed indirectè, & per modum persuadentis, & proponentis exterius appetitum. non enim potest interiùs mouere voluntatem ad agendum. Secundo, Dæmones possunt inducere hominem ad peccandum interiùs ingerendo, & instigando, &c. Tertio, licèt Deo permittente possint Dæmones inducere aliquo modo ex necessitate ad faciendum aliquem actum qui ex genere suo sit peccatum, non possunt tamen necessitatem homini inferre ad peccandum; quia si ratio non est omnino ligata, potest ex ea parte resistere peccato. Quarto, licèt Dæmon sit occasio omnium peccatorum, cum infecerit totam naturam, & reddiderit procliuem ad peccandum; non tamen singula peccata fiunt ex illius suggestione. quia si Diabolus non esset, homines nihilominus haberent appetitum ciborum, & venereorum, qui potest esse inordinatus. D. Tho. 1.2.q. 70. & Medin. ibid. Præterea nota, quod à malè habituatjs plura peccata fiunt ex mala voluntate, quàm ex suggestionem Diaboli. Similiter ab infidelibus. Vniuersaliter tamen peccatores plura peccata faciunt ex tentatione Dæmonis, quàm ex praua voluntate; quia ad hoc elaborat omnis industria, & inuidia Dæmonis. De varijs tentandi modis vide Guglielm. Parisi. de tent. & resist.

Vigesimum nonum dubium. An homo homini sit causa peccati? Resp. potest esse causa peccati. quia sicut Dæmon

exteriùs suggerendo, & incitando ad peccandum mouere potest; deinde particulari quodam modo per originem transmittitur peccatum per generationem. de quo D. Tho. 1. 2. q. 81.

Trigesimum dubium. Quomodo vnum peccatum sic causa alterius peccati. Resp. primo, cupiditas quatenus est appetitus inordinatus diuitiarum, est radix omnium peccatorum, ad instar radicis arboris quæ præstat alimentum toti arbori. diuitijs enim homo iuuatur ad quodcunque peccatum, perpetrandum. & sic intelligitur illud Pauli. 1. Tim. vlt. *Radix omnium malorum est cupiditas.* Secundo, superbia etiam, quatenus est inordinatus appetitus propriæ excellentiæ est initium omnis peccati; idq; ex parte intentionis; vt cupiditas ex parte executionis. Vnde eccles. 10. *Initium omnis peccati est superbia.* Medin. q. 64. ar. 2. Tercio, non solum auaritia, & superbia sunt vitia capitalia vti radices, sed multa alia; quæcunq; .s. dirigunt homines ad alia peccata; veluti duces exercitus. Et sic dicitur vitium capitale ex quo alia vitia oriuntur. huiusmodi sunt septem; auaritia, superbia, & reliqua; quæ dicuntur capitalia metaphoricè. Primo, quia disponunt ad alia vitia vt dictum est. vt superbia ad iactantiam, &c. Secundo, quia subministrant materiam alijs peccatis; vt gula luxuriæ, ira homicidio, &c. Nota tamen quòd Greg. 1. 31. mor. inter vitia capitalia non numerat superbiam; eoquòd sit potius omnium Regina; sed vanam gloriam, quæ est potissima, & prima superbiæ filia.

Trigesimum primum dubium. Quæ sunt partes peccati? Resp. in peccato sunt duo. Primum, est actus quidam, & operatio peccantis. Secundum, est deformitas quædam à præcepto diuino. Vtrunq; est in peccato. solus actus non est peccatum; sed illa deformitas à regula adiuncta actui facit peccatum. Vt si quis in imaginem Cæsaris manu proijceret lutum, & fœdarer; hic sunt duo; est ly *proijcere lutum*, & hoc est quid bonum, est enim quædam actio, & operatio. at illa fœditas ex proiectione luti resultans, est mala, & peccatum. Primum vocant Theologi materiale peccati; secundum verò, formale. In ista obliquitate, seu recessu à regula, peccator facit duo; primo, auertit se à Deo, quia auertit se ab eius voluntate. Secundo, conuertit se ad creaturam .i. ad satisfaciendum

ciendum suo appetitui ; hoc est quod aiunt Theologi , auertit se à bono incommutabili , & conuertit se ad bonum commutabile . Ista sunt in peccato mortali propriè ; in veniali non ita propriè .

Trigesimum secundum dubium . Qui sunt effectus peccati ? Resp. effectus peccati mortalis sunt: primo, macula, & reatus. macula est priuatio gratiæ, quæ est pulchritudo animæ. reatus est obligatio ad pœnam. manet autem anima obligata ad pœnam æternam . & quia in peccato erant duo .s. auersio à summo bono, & conuersio ad creaturam ; ita erit duplex pœna ratione peccati ; erit pœna damni , idest priuatio visionis diuinæ. ratione secundi erit pœna sensus, idest perpetuum tormentum ipsius . Secundo, peccatum diminuit bonum naturæ, idest inclinationem ad virtutem quam homo habet à natura, pro quo nota , in homine considerari tria bona naturæ: Primū, sunt principium ex quibus natura ipsa constituitur, & proprietates quæ ex illis emanant, vt potentiæ animæ &c. & hoc nec tollitur, nec minuitur per peccatum . Secundum , est donum iustitiæ originalis quod fuit in primo homine collatū toti naturæ humanæ, & hoc fuit omnino ablatum per peccatum primi parentis . Tertium, est inclinatio ad virtutem ; & hoc (vt dixi) minuitur per peccatum ; quia per hoc quòd aliquis inclinatur ad vnum peccatum, diminuitur eius inclinatio ad aliud. D. Tho. 12. q. 85. & Medin. ibid. Tertio, ex primo peccato consequuta sunt quatuor velut animæ vulnera; ignorantia in intellectu, malicia in voluntate, infirmitas in irascibili, concupiscentia in concupiscibili. pro quo nota, quòd per iustitiam originalem ratio continebat in officio omnes vires inferiores . Subtracta verò erat iustitia per peccatum primi parentis, vires animæ remanferunt quodammodo destitutæ proprio ordine quo ordinabantur ad virtutem. & hæc destitutio dicitur vulneratio naturæ . D. Tho. supra. ar. 3. Quarto, qualicunq; bono priuat peccatū , & ipso priuat speciali modo , & ordine. de quo D. Tho. supra. ar. 4. Quinto, mores, & alij defectus corporales sequenti sunt peccatum originale veluti pœnæ. & licet hi defectus sint contra naturam particularem, sūt tamen secundum naturam vniuersalē hominis naturales , non quidem à parte formæ, sed à parte materiæ. D. Tho. supra. ar. 5. & 6. q. 9. Sexto, per peccatum mortale incurritur inimicitia

tia Dei, macula animæ, & reatus æternæ pœnæ. Vnde homo
 priuatur amicitia Dei, seu gratia, & charitate, & fit seruus
 Dæmonis. Explico, cum enim per peccatum mortale homo
 auertatur à Deo, conuertatur ad creaturas, Deum offendit,
 & inhonorat. Vnde ex parte Dei sequitur offensa ob iniuriam
 ei illatam. & quòd priuat hominem gratia, & donis omnibus,
 & virtutibus infusis, non tamen fide & spe, nisi per actus ip-
 sis contrarios. In anima autem remanet macula quatenus pri-
 uatur nitore luminis naturalis, & splendore sapientiæ, & gra-
 tiæ, quæ quidem macula remanet post actum peccati. D. Tho.
 supra. q. 86. Dices, an peccatum possit esse pœna peccati? Resp.
 per se non potest esse, sed per accidens potest contingere dupli-
 citer: Primo, quatenus homo desertus ab auxilio diuinæ gra-
 tiæ per peccatum, vincitur à Dæmone, vel passionibus. Secun-
 do, quatenus peccatum inducit affectionem, damnat, pudorē,
 ignominiam &c. D. Tho. supra q. 87. ar. 2. Dices secundo, an
 omni peccato debetur pœna æterna, vel infinita? Resp. primo,
 ratione peccati mortalis inducit reatus pœnæ, Matth. *Itē ma-
 ledicti in ignem æternum*. Secundo, peccatum veniale indu-
 cit reatum pœnæ temporalis, sed in inferno punitur pœna nun-
 quam finienda, idq; ratione status in quo nulla sit remissio,
 de quo D. Tho. q. 87. ar. 5. ad 2. & ibid. Medin. Tercio, quòd
 peccato mortali ratione auersionis debetur pœna infinita, quæ
 est pœna damni. i. infinita amissio infiniti boni. Ex parte ve-
 rò conuersionis respondet peccato mortali pœna sensus infini-
 ta. Pro quo nota, quòd in peccato considerantur illa duo quæ
 supra diximus. scilicet auersio à Deo, & conuersio ad creaturam. D.
 Tho. supra. ar. 4. Dices tertio, an reatus pœnæ remaneat post
 peccata? Resp. primo, post actum peccati manente macula,
 & auersione à Deo, manet reatus pœnæ. Secundo, post abla-
 tam maculam per penitentiam, aliquando manet reatus ad
 pœnam, non simpliciter, sed satisfactoriè. D. Tho. ar. 6. cit. Di-
 ces quarto, an omnis pœna sit propter culpam? Resp. primo,
 pœna propriè dicta semper est propter culpam. Secundo, pœ-
 na satisfactoria non semper est pro culpa, quia sæpe vnus sa-
 tisfacit pro alio. Tercio, pœna medicinalis ad exercitium vir-
 tutum non semper est pro culpa, quamuis hæc habeat funda-
 mentum ex peccato originali. D. Tho. q. cit. ar. 7. Dices
 quinto, an aliquis puniatur pro peccato alterius? Resp. primo,
 pœna

pœna satisfactoria vnus punitur pro peccato alterius. Secundo, pœna propriè dicta nullus punitur pro peccato alterius. Tertio, pœna medicinali vnus punitur pro peccato alterius, vt populus pro Rege, filius pro patre. Quarto, in bonis spiritualibus nullus punitur pro peccato alterius. Ezechiel 18. D. Tho. q. 87. cit. ar. 8. Notandum est autem omne peccatum tam veniale, quàm mortale esse materiam confessionis, vt habetur in Concilio Trid. sess. 14. cap. 5. Est vna differentia, quòd mortalia sunt de necessitate confessionis, idest non possunt remitti nisi per confessionem, saltem in voto. Venialia non sunt de necessitate confessionis. In vno tamen casu debet homo confiteri venialia, quando dubitat esse mortalia. Aliqui addunt alterum casum; puta quando est tempus præcepti confessionis, & aliquis non habet nisi venialia. Sylu. verb. confessio. 1. §. 14. Nau. cap. 21. num. 34. ego tamen credo non esse necessarium. quòd si esset scandalum, accedat ad confessariũ & dicat, ego non habeo materiam necessariam ad cõfitendum. Hanc sententiam tenet D. Tho. 3. p. q. 84. ar. 2. Scot. in 4. d. 17.

Dur. ead. d. 9. Et hæc de materia remota pœnitentiæ, &

de pœnitentia ipsa in genere. de cuius essentia dictum est supra cap. 1. dub. 14. de materia, dub.

3. de forma, dub. 4. de ministro, dub. 7. de

effectu, dub. 8. &c. sequitur vt de eius

materia propinqua dicamus. i.

de ipso peccato contritio-

ni, confessioni, & sa-

tisfactioni ex-

posito; quæ

sunt tres pœnitentiæ partes. id-

circo de prima eius parte

tractemus, idest de

contritione.



TRACTATUS

SEXTVS

DE CONTRITIONE

Caput vnicum continet
aliquot dubia.



PRIMUM dubium. Quid est contritio. Resp. *Est dolor de peccatis assumptus cum proposito confitendi, & satisfaciendi.* D. Tho. in addit. q. 1. ar. 1. Sot. in 4. d. 17. q. 2. ar. 1. Trident. sess. 14. cap. 4. vel sic, & melius. *Est detestatio peccati quatenus est offensiva Dei cum proposito emendandi vitæ, confitendi, & satisfaciendi, cum spe veniæ diuinitus obtinenda.* Sot. ibid.

Pro quo nota primo, contritionem vocari compunctionem à Chrysost. & August. in l. de compunct. ob duplicem metaphoram; vel quia sicut medicus pungit apostema ad venenum fugandum, ita pungitur cor ut exeat peccatum. Vel sicut equus infixus luto adhibito calcari surgit, sic homo à peccato. Dicitur etiam scissio apud Iohel. cap. 2. *Scindite corda vestra, & non vestimenta vestra.* Sed particulari nomine dicitur contritio, sumpta metaphora ex eo quod sicut lapis durus dum conteritur, emollicitur; sic cor hominis obduratum per peccatum, humili detestatione peccati conteritur, & emollicitur. Ita Sot. supra cit. Vnde psal. 50. *Cor contritum, & humiliatum Deus non despicies.* Secundo, ad contritionem non requiritur necessariò dolor sensus, sed detestatio peccatorum quæ est in voluntate; est enim primus actus virtutis pœnitentiæ. quare licet ferè semper ex contritione oriatur dolor in appetitu concupiscibili, qui est passio; sed ex electione voluntatis fit virtus, tamen is dolor non est necessarius ad virtutem

tem

tem penitentiz. Dicitur autem in definitione *dolor*; tum quia detestatio est dolor cordis; tum quia est causa doloris sensui. Caiet. 1. 2. q. 13. ar. 3. & Sor. supracitatus. Tercio, non qualiscunque dolor de peccatis est contritio, sed dolor de peccatis quatenus sunt offensa Dei, ut docet August. & habetur can. charitas. il. 1. de penit. d. 2. D. Tho. 3. p. q. 85. ar. 3. Victor. q. 119. Quarto, ad veram contritionem requiritur cessatio à peccatis, & propositum non peccandi de cætero, confitendi, & satisfaciendi, quæ necessario coniuncta sunt. D. Tho. 3. p. q. 85. ar. 3. Caiet. q. 1. de contrit. Sor. in 4. d. 17. q. 2. ar. 1. & patet ex Concil. Flor. & Trid. sess. 14. can. 4. nam non potest esse vera pœnitentia sine charitate; neq; hæc haberi potest nisi Deo placeamus in omnibus. & est communis doctrina patrum, verum penitentem debere habere duo tempora .i. dolorem de peccato præterito, & propositum non peccandi in futuro. An autem hoc propositum debeat esse actuale, an sufficiat virtuale; nonnulli putant sufficere virtuale. Medin. q. 3. Petrus Sor. relect. 17. de pœnit. Maior. & Almayn. quæ opinio licet non sit periculosa, cum videatur concilium in definitione intelligere per propositum non peccandi tum actuale, tum virtuale; tamen probabilius est, & magis concilio consonum, requiri actuale. Ita D. Tho. Caiet. Sor. Victor. supra, & alij quos ipsi citant. Probatur; quia dolor & detestatio debet esse actualis; ergo & propositum; quia ponuntur in eadem definitione. & patet ex Ezechiel. 18. *Si impius egerit pœnitentiam, & euodierit omnia mandata mea &c.* & subdit; *Agite pœnitentiam, & facite vobis cor nouum*; ubi coniungit dolorem cum proposito. Apoc. 2. *Age pœnitentiam, & bona opera fac.* Ephes. 4. *Deponite veterem hominem, & induite nouam.* Item probatur; quia pœnitentia vera requirit cessationem à peccatis; hæc autem requirit propositum non peccandi. *Quiescite peruersè agere, & discite* (i. per propositum *benefacere*. Esa. 1. An autem requiratur expressum propositum confitendi, & satisfaciendi in illo momento in quo conuertitur, Sor. supra negat, & bene; satis enim est habere virtuale, idest habere propositum seruandi legem, & confitendi tempore debito, & satisfaciendi. ita etiam Alens. q. 76. ar. 1. m. 3. Riccard. d. 17. q. 1. ar. 1. ad 4. Adrian. q. 1. de confess. ad 2. Nau. cap. sacrificium. de pœnit. q. 1. Caiet. opus. de contra. q. 2. tom. 1. Dices,

an contritio debeat esse propter Deum super omnia dilectum, ita ut non remittatur peccatum nisi Deus super omnia diligatur. Resp. aliqui affirmant. aliter enim non fieret reintegratio amicitie. Sed dico, quod licet regulariter poenitentia procedat ex amore Dei, (nisi enim diligerem Deum, non odio haberem peccatum) potest tamen esse actus distinctus poenitentiae, qui non sit imperatus à charitate; & doleo quia offendi Deum. & hic sufficit sine dilectione ad remissionem peccati. Victor. q. 119. Dices secundo, an qui sic dolet, statim recipiat gratiam? Resp. Caiet. q. 1. de contr. dicit posse aliquando accidere ut non recipiat gratiam. Sed oppositum est tenendum cum communi sententia, quia qui facit totum quod in se est, statim consequitur gratiam. D. Tho. 1. 2. q. 112. ar. 1. ad 1. Victor. q. 120.

Secundum dubium. An contritio, & attritio differant specie, ita ut attritio non possit fieri contritio. Resp. primo, ex Trident. sess. 14. cap. 3. attritionem esse contritionem imperfectam. seu detestationem illam peccati, quae per se non sufficit ad delendum peccatum, sufficit tamen cum Sacramento. nomine autem contritionis intelligimus dolorem quandam de peccato super omne detestabili propter Deum summè dilectum, cum proposito firmo non peccandi. ideo cum multis modis contingat deficere ab ista perfectione, ideo dantur multae species attritionis. prima, est quādo quis dolet de peccato propter aliquod damnum temporale; ut fur dolet furatū esse, propter infamiam; vel quia est suspendendus. Secunda, est ex turpitudine peccati, quae turpitudine vel potest esse ex lumine naturali, vel ex gratia speciali. Tertia, est ex timore gehennae, vel amissionis gloriae, vel bonorū supernaturalium. Quarta, est quando aliquis dolet propter Deum dilectum amore naturali. Quinta, est cum quis dolet de peccato ut est offensa Dei, & proponit emendationem, sed in confuso; non enim considerat peccatum super omnia detestabile in genere, non descendendo ad particularia. Imo si adhuc descenderet, fortè mallet aliquod aliud malum graue evitare, quā Dei offensam. Sextus, est cum quis detestatur peccatum super omnia, sed habet potius velleitatem, quā voluntatem absolutam, non peccandi, ut est attritio vsurariorum, & meretricum. Ex quo sequitur quod non quilibet dolor est attritio quae sufficit cum

cum Sacramento ad iustificationem . aliqui enim dolent , sed volunt in peccato perseuerare; vel habent voluntatem se emendandi , sed voluntatem conditionatam , & imperfectam cauendi à peccatis ; quæ non sufficit , vt docet Sor. in 4. d. 17. q. 2. ar. 1. & Trident. supra. Ex dictis colligi potest in quibus conueniant attritio , & contritio . Primo conueniunt , quia vtraq; dolet de peccato . vtraq; est donum Dei; nam de attritione dicit concilium quòd est impulsus spiritus sancti mouentis , non adhuc inhabitantis. vtraq; non habet propositum peccandi . Differunt autem primo, ex parte principij; nam principium contritionis est amor Dei , & timor filialis . attritionis verò est amor sui licet ordinatus , & timor sapè seruilis . Secundo, ex obiecto sumitur differentia ; nam contritio considerat peccatum vt est offensa Dei . attritio verò vt est sibi nocivum . Tercio, ex parte effectus , & finis ; quia contritio reconciliat Deo ; non tamen attritio vt sic , sed vt dispositio . Quarto , ex parte formæ extrinsecæ , quæ est gratia ; nam attritio, est informis . contritio verò formata. His sic positis, circa dubium propositum sunt duæ sententiæ: vna est dicentium, quòd virtute sacramenti attritio fit contritio . ita vt actus ipse qui erat dolor propter poenam , adueniente gratia mutet obiectum , & sit propter Deum . Altera sententia opposita est vera, & tenenda. Pro cuius explicatione, Dico primo; attritio propriè loquendo intrinsecè , & formaliter , non potest fieri contritio, extrinsecè potest . Explico : attritio intrinsecè est cum dolet homo non propter Deum summè dilectum ; sic contritio, quando fit propter Deum . Contritio extrinsecè vocatur actus attritionis quando terminatur, ac recipit formam gratiæ in Sacramento . Probatur ; nam hi duo actus , idest attritio intrinseca, & cōtritio intrinseca differunt specie ; cum habeant diuersa obiecta, ergo vna non potest conuerti in aliā . Confirmatur ; quia munus gratiæ est facere hominem amicum Dei, & informare eius bona opera. mutare autem obiectum, actus, certè est abijcere vnum, & sustinere alium nouum. quod licet quandoq; contingat in eo qui suscipit Sacramentum , nō tamen est semper necessarium ; sed eodem ipso actu interno voluntatis quo quis accedit ad sacramentum, sèpissime recedit, vt experientia demonstrat . & confirmatur ; quia potest quis attritus accedere ad Sacramentum, quia in articulo mor-

tis quo absoluitur, cessauerit omnino habere actum pœnitentiz vel per euagationem mentis, vel per subreptionem cogitationis; tunc certum est non mutari actum; & tamen sit ex attrito contritus; ergo &c. confirmatur ex Trid. cap. 4. cit. vbi dicit attritionem aptam ad gratiam impetrandam dispo-
nere in Sacramento pœnitentiz. Dico secundo, attritio in-
trinseca potest fieri extrinsecè contritio, vel dum quis ad Sa-
cramentum accedit attritus, tunc per Sacramentum suscipit
gratiam per quam eadem attritio informata dicitur extrinse-
cè contritio. & tunc idem ille dolor qui erat conceptus prop-
ter pœnas inferni, adueniente gratia per Sacramentum, sic
Deo gratus. quamuis aliquando etiam auxilio Dei mutetur
finis doloris, ita vt non doleat ratione pœnæ, sed propter
Deum; ita vt fiat contritio ex obiecto, vt dictum est. & iuxta
hanc doctrinam exponendus est D.Tho.in 4.d.17.q. 2. vbi di-
cit attritionem non fieri contritionem. sumit enim vtranque
propriè, & intrinsecè, seu ex obiecto; vt docet Sot.1. 2. de na-
tura, & grat.cap.25. Vist.q.121. Obijcies: ergo sequitur ex di-
ctis aliquem posse saluari sine actu charitatis, nam qui dolet
de peccato ratione pœnæ si iustificetur in Sacramento per di-
ctam attritionem informatam, nondum diligit Deum super
omnia; & tunc si moreretur, saluaretur; ergo &c. Resp. sal-
uari per gratiam, & habitum charitatis. actus enim charita-
tis non obligat nisi pro loco, & tempore; Ideo nullum est ab-
surdum. Dico tertio, nulla attritio ex supradictis extra Sa-
cramentum iustificat. In Sacramento verò sola illa quæ ex au-
xilio speciali Dei nascitur, & excludit omnino peccatum sal-
tem in comuni. Prima pars probatur ex Trid. sess. 14. cap.
4. vbi ait, attritionem non esse satis extra Sacramentum ad
iustificandum hominem. In Sacramento verò disponit homi-
nem ad gratiam impetrandam. Secundo, quia ille dolor non
mouetur propter Deum, nec mouetur Deus ad dandam gra-
tiam illi. Vnde non placet quod ait Rupert. in Matt. 16. quòd
quando quis dolet propter gehennam, posset iustificari etiam
extra Sacramentum; nam Concil. Trid. expressè docet con-
trarium. Secunda pars probatur. de prima specie, quæ na-
scitur ex damno temporali, est communis doctrina omnium,
quòd illa attritio cognita attritio, etiam cum Sacramento
non est sufficiens, quia est valde infirma, & vilis. quid si sit
putata

Putata contritio? Sor. in 4. d. 28. q. 3. putat posse dici verumq;
 sufficere, & non. ego credo non sufficere; quamvis satisfiat
 præcepto confessionis, & non oporteat iterari. Idem tenet
 Nau. cap. 1. num. 32. De secunda specie quæ nascitur ex turpi-
 tudine peccati, dico in Sacramento valere omnino. Præfer-
 tim quando est putata contritio. Probo; nam Trid. huius me-
 minit. quid si sit putata attritio? puto etiam tunc valere, quia
 concilium simpliciter loquitur. De tertia specie quæ est ti-
 more gehennæ, dico valere; etiam si sit putata attritio; quod
 est contra Sor. ibid. ar. 2. ad 2. & Nau. ibid. num. 39. probo;
 quia Trid. videtur favere huic opinioni. De quarta specie,
 quæ ex amore naturali Dei provenit, dico quod si ex solis na-
 turæ viribus provenit, non esset satis; sed quia amor Dei su-
 per omnia ex naturæ viribus non potest provenire, sed ex Dei
 auxilio, dico hanc quartam esse magis sufficientem, quam
 tertiam, & alia præcedens. De quinta specie licet Caiet.
 opus. de attrit. & contrit. dicat illam non esse sufficientem,
 tamen credo esse sufficientem. ita etiam Nau. cap. 1. num. 37.
 & Victor. quem ille citat. modo ille doleat omnino, & nullum
 habeat dubium. de sexta specie, certum est quod non valet etiã
 cum Sacramento; imo est sacrilegium sic accedere. Deniq;
 dico, attritionem extrinsecam posse fieri contritionem; id est
 dolorem de offensa Dei, sed imperfectum; virtute Sacramenti
 potest fieri contritio sola intentione doloris, & propositi, ita
 ut homo qui remisse dolebat de peccato propter Deum maxi-
 mè doleat, & illud detestetur super omne detestabile. quicquid
 in contrarium dicat Sor. probatur; quia poterit ille dolor re-
 missus crescere ita ut fiat summus, & homo propter illum de-
 testetur peccatum super omne detestabile cum maximo pro-
 posito emendationis; ergo &c. unde quamvis in modo expli-
 candi sint opiniones, tamen de fide est homines ex attritio
 posse fieri contritum; ut patet ex Trid. can. 4. cit. & communi
 omnium sententia, nam quibusdam quasi gradibus iustifica-
 tur impius. Quare attritio quæ excludit voluntatem peccan-
 di cum spe veniæ, est donum Dei, & spiritus sancti movens
 impulsus, quo homo ad Dei gratiam in Sacramento pœnitent-
 iæ impetrandam disponitur; ut patet ex Trid. supra, unde
 constat, quod licet ex viribus naturæ possit homo habere ali-
 quem dolorem peccati, non tamen summum sine Dei auxilio.

hec talem qui voluntatem peccandi omnino excludat cum spe veniæ; quicquid dicant in contrarium Ledes. & Sot. ex his sequitur quod homo potest ritè confiteri, & iustificari sine illo summo dolore quem requirit Caiet. accedendo ad confessionem. nam Concil. Trid. dicit satis esse dolorem de peccato cum firmo proposito non peccandi de cætero, & cum spe veniæ accedente virtute Sacramenti; quæ s. homo ex attrito fiat contritus, vt notat Nau. cap. 1. num. 36. cum Victor. & Sot.

Tertium dubium. An per contritionem remittatur tota pœna peccati. Resp. non remittitur tota pœna, vt definitur in Trid. sess. 14. can. 12. & 15. de pœnit. probatur primo, quia nullas frustra esset satisfactio, & purgatorium. Item patet ex 2. Reg. cap. 12. exemplo David. Secundo, remittitur aliquid pœnz per contritionem; quia est ex se afflictio. Tertio, potest esse tanta contritio, quæ sufficiat aliquando ad remittendam totam pœnam; vt credimus accidisse Petro, & Magdalenz. Victor. q. 123. Sot. in 4. d. 15. q. 1. ar. 4. D. Tho. 1. 2. q. 87. ar. 1. & in Addic. q. 5. ar. 3.

Quartum dubium. An de singulis peccatis opus sit habere distinctas contritiones, an sufficiat vna de omnibus in generali. Resp. prima sententia est D. Tho. 1. 2. q. 113. ar. 5. ad 5. & 3. p. q. 86. ar. 1. Medin. q. 3. de pœnit. Dur. in 4. d. 17. q. 2. ad 1. Palud. d. 17. q. 1. ar. 2. concl. 5. Riccard. d. 16. ar. 4. q. 2. Sot. in 4. d. 17. q. 2. ar. 3. Can. lect. 3. de pœnit. Anton. 3. p. tit. 14. cap. 9. 1. qui dicunt requiri specialem, & particularem, ac distinctam cōtritionem de singulis peccatis specialiter cognitis. in casu tamen urgenti aliqui concedunt sufficere generalem, vt Anton. & Riccard. supra cit. Secunda sententia est Caiet. in opus. de contrit. q. 2. Victor. de contrit. q. 116. Ledesm. 2. 4. q. 1. ar. 6. Petr. Sot. lect. 13. de pœnit. Vegz 1. 13. cap. 23. Nau. cap. 1. num. 20. Qui dicunt satis esse contritionem generalem; quia aliàs non posset homo quocūq; momento conteri, sed in scripturis habemus quod in quacūq; hora ingemuerit peccator, veniam obtinebit; ergo &c. Pro solutione nota primo, hanc quæstionem posse intelligi dupliciter: vel de contritione in ordine ad confessionem, vel extra confessionem. Secundo, hæc quæstio potest habere triplicem sensum: Primus, an requirantur distinctæ contritiones secundum numerum, ita vt decem furtis debeant respondere decem contritiones. Secundus, an ad finem,

ad singula secundum speciem singulæ contritiones requirantur; vt si quis commisit decem furta, & decem adulteria, debeat habere duas distinctas contritiones; vnā de furtis, alterā de adulterijs. Tertius est, vt habeatur vna tantum contritio, sed quæ distinctè feratur ad singula peccata, etiam si sint diuersarum specierum. His positis loquendo de contritione extra confessionem: Dico primo, non est necessaria contritio particularis de singulis peccatis, sed sufficit vniuersalis; quia per Ezechielem 18. promittitur remissio quandoque peccator ingemuerit; id est, in quocumque momento; ergo &c. Ita Caiet. verb. contritio. & 3. p. q. 87. ar. 1. & q. 2. de contrit. Medin. c. de pœnit. q. 3. Sot. in 4. d. 12. q. 2. ar. 3. & alij supra cit. quicquid dicat Palud. in 4. d. 17. q. 1. ar. 2. concl. 5. Dico secundo, probabilius est in lege gratiæ ad remissionem peccatorum sufficere vnā contritionem generalem, vt tenent Doctores secundæ sententiæ; quia ad veritatem contritionis id videtur sufficere; & est fauorabilius. Siquis enim diceret singulas contritiones pro singulis peccatis esse necessarias, imposeret iugum graue legi Dei. Hinc infertur à fortiori, quòd ad remissionem peccatorum oblitorum sufficit generalis contritio; quod etiam D. Tho. concedit in 4. d. 17. q. 2. ar. 2. q. 3. ad 2. & Caiet. verb. contritio. Dices, an peccatum mortale oblitum quod per generalem contritionem remissum est, si postea in memoriam veniat, sit simpliciter detestandum. Resp. id non esse necessarium; Caiet. q. 2. Dices, an si peccatum oblitum sit dimissum ex virtuali contritione in actu charitatis, & non pœnitentiæ formali, opus sit de eo habere contritionem. Resp. affirmatiuè, Medin. q. 2. de pœnit. qui dicit esse communio rem sententiam. Deinde quod attinet ad contritionem quæ est in ordine ad confessionem, omnes conueniunt non satis esse contritionem generalem, sed omnia esse specialiter detestanda, vt quis ritè confiteatur. Est autem in explicanda hac sententia dissensio inter Doctores, nam Caiet. q. 2. de confess. & alij, dicunt requiri tot numero contritiones quot sunt peccata commissa, quæ quis confiteretur. vel saltem vt si quis confiteatur decem furta, distinctè actu hæc detestetur: similiter decem blasphemias. Verum hæc sententia licet sit tutior, opposita tamen est probabilior, quam tenet Sotus, & Ledes. supra cit. qui dicunt satis esse vnā peccatorum detestationem, quæ

quæ terminetur ad omnia peccata explicata in confessione, siue ea sit contritio, siue attritio sufficiens ad consequendam gratiam cum Sacramento. neq; hæc est ficta confessio, sed ficta dicitur quæ sit sine vlllo dolore præcedente, vel cõcomitante confessionem. Probatur hæc sententia; nam aliàs omnes ferè confessiones essent fictæ; & magna pœnitentibus difficultas imponderetur. quare (vt ait) satis est ad habendam contritionem singulorum peccatorum specialem habere, vt dum quis accedit ad confessionem, recogitet singula peccata sua, quibus memoriæ oblati contritionem habeat illorum. hæc enim dicitur singularis contritio.

Quintum dubium. De quo debeat esse contritio. Resp. contritio propriè non est de pœnis, sed de culpa. Est de proprijs peccatis mortalibus, actualibus, præteritis; quia in his locum habet Sacramentum pœnitentiæ, ex Concil. Flor. & Trident. sess. 14. can. 1. & est communis sententia. De peccato originali non est contritio; quia contritio est ad diminuendam duriciem peccati à nobis commissi. Originale verò non est commissum à nobis. & ad illud delendum institutus est baptismus. Item, quia cùm propria voluntate illud non contraxerimus, non est nobis magis pœnitendum, quàm naturalium defectu. De omni peccato actuali debet esse contritio, & de oblitis est necessarius dolor in generali. De peccatis proprijs debet esse contritio, nam si contritio largè sumatur pro displicentia cuiuscunq; mali, sic possumus contritionem habere peccati originalis, vt ait Medin. de pœnit. cap. 2. quia illud detestamur. Sor. in 4. d. 14. q. 1. ar. 3. Palud. in 4. d. 17. q. 1. ar. 3. concl. 2. Caiet. verb. contritio. Medin. c. de pœnit. q. 3. Contritio est de peccatis proprijs, non de alienis, vt significat Caiet. & docet D. Tho. in 4. d. 17. q. 1. ar. 2. q. 5. Sorus, & alij, nec obstat illud: *Ab alienis parce seruo tuo*; nam illud intelligitur, si in illo peccato aliquo modo interfui vel consilio, vel ope, vel alio modo. Contritio est de præteritis, non de futuris; nam hæc nondum commissa sunt; & sic homo non potest habere displicentiam de nondum commissis; D. Tho. supra. Sylu. verb. contritio. q. 2. Ledes. 2. 4. q. 1. ar. 4. de futuris enim peccatis potius dicitur Cautio. Dices, ad præterita nulla est potentia, ergo impossibile est quòd aliquis velit determinatè non peccasse. Resp. quòd talis detestatio est conditionata. s. vellem non peccasse

caſſe ſi eſſet poſſibile; & quia video impoſſibile eſſe, contri-
ſtor de offenſa Dei. Adrian.q.de pœnit. Caiet. 1.2.q. 13. ar. 1.
& 1. p. q. 63. ar. 3. Hinc etiam inferitur quòd de præſentibus
peccatis non poteſt haberi contritio; quia in eodem instanti
non poteſt homo habere complacentiam ſimul, & diſplicen-
tiam de peccato. Dices, an peccata mortalia ante baptiſmum.
commiſſa poſſint eſſe materia contritionis. Reſp. primo, ſi
loquamur ante baptiſmum, poſſunt eſſe materia; vt Sot. ſu-
pra ar.2.q.1. Medin.q.3.de pœnit. Secundo, poſt baptiſmum
poſſunt etiam eſſe materia contritionis, quia non eſt abſurdũ
vt de peccatis remiſſis ruruſus habeatur cõtritiõ ſicut de pec-
catis confeſſis, Caiet. verb.contritiõ; quia licet non ſit neceſ-
ſaria, prodeſt tamen ad maiorem gratiam conſequendam, &
faciliuſ ad cauendum à futuris; vt ait Ledef. 2. 4. q. 4. ar. 3.
Peccata venialia licet poſſint eſſe materia contritionis, tẽ
tamen de hiſ eſt neceſſaria contritio. Medin.c. de pœnit. q.3.
Caiet.verb.contritiõ. Sot. ſupra. quare venialia remitti poſ-
ſunt per contritiõẽ, quæ non habeat omnes requiſitas circũ-
ſtantias Sot.in.4.d.15.q.1.ar.1. Nau.cap.1.num.24.

Sextum dubium. An contritiõ ſit neceſſaria ad ſalutem.
Reſp. affirmatiuẽ. ex Caiet verb.contritiõ. Nau.cap.1.nu.28.
& eſt communis. Probatur ex Trid. ſeſſ. 14. cap.4. & addo quòd
eſt neceſſaria neceſſitate præcepti. Sot.in 4.d. 17. q. 2. ar. 6.
concl.1. & patet ex locis ſcripturæ in quibus præcipitur. *Pſ.*
30. Cor contritum &c. Daniel. cap. 3. In animo contrito, &
ſpiritu bumilitatis. Iſa. 60. Ad quem reſpiciam niſi ad pauper-
culum, & contritum ſpiritu &c. Dices, an neceſſaria ſit con-
tritio formalis, an ſufficiat virtualis, quæ ſc. continetur in di-
lectiõne Dei ſuper omnia. Reſp. aliqui tenent ſufficere virtua-
lem. Oppoſita tamen ſentenria eſt vera, & ponenda, quòd ſit
neceſſaria formalis contritio. eſt D.Tho. & Caiet. 3. p. q.84.
ar.5.ad 2. & q.86.ar.2. Ledef. 2.p.q.1.ar.3. Dices, Magdale-
næ dimiſſa ſunt peccata quoniam dilexit multũ. Reſp. à Caiet.
quòd in ea dilectiõne interceſſit formalis contritio. Dices ſe-
cundo, an in martyrio quando peccata non occurrunt memo-
riæ propter caſum repentinum ſine formali contritione per
ipſum actum martyrij remittantur peccata. Reſp. aliqui ne-
gant. ſed communis ſentenria affirmat; quam tenet D. Tho.
3.p.q.87.ar.1.ad.2. Sot.in 4.d 15.q.1.ar.2. Nau.cap.1.nu. 111.
quòd

quòd si liceret per tempus martyrij habere contritionem formalem, & etiam confiteri de peccato mortali, ad id teneretur ratione præcepti. quando autem necessitas urgeret in agonia martyrij, præstat considerare præmium cœleste ad animũ recreandum, quàm peccata, ne animus deficiat; Sotus supra. Dices, an contritio quæ cum Sacramento sufficit, debeat esse formalis. Resp. affirmatiuè, vt expressit Ledesm. 2. 4. q. 1. ar. 3.

Septimum dubium. An dolor contritionis debeat esse maximus omnium dolorum, an quilibet dolor sufficiat ad remittenda peccata. Resp. & nota primo, nos hic non loqui de dolore sensitivo, qui non requiritur de necessitate ad essentiam contritionis; nam hic magis dolet ex læsione corporea, quàm in his quæ sunt minus proportionata sensui; vt sunt spiritualia. Licet optimum esset excitare hunc dolorem in sensu; tum quia conseruat & auget dolorem voluntatis; tum quia scripturæ ad id nos hortantur; tum quoniam veri penitentes sic faciunt, vt Petrus qui fleuit amarè, & Magdalena rigabat lacrymis pedes Domini, & David rigabat lectum lacrymis, non tamen est necessarius. multo minus necessariò debet esse summus; imo potest aliquando esse nimius, & vitiosus: idcirco Paulus. 2. cor. 2. vult consolari illum fornicarium ne nimia tristitia ducatur in desperationem; dolor autem in voluntate non potest esse nimius. verum est quòd iste esset interrompendus quando sensitivus esset nimius, quia vnus alium causat. Sed benè notat Bonau. in 4. d. 16. ar. 2. q. 2. hunc dolorem sensus aut rarò, aut nunquam esse nimium; & paucis dandum esse hoc consilium de temperando dolore. Secundo nota, antiquos doctores aliter de hac re fuisse loquutos quàm recetiores. D. Tho. in addit. q. 3. ar. 1. Bonau. in 4. d. 16. q. 1. ar. 2. ad 2. Dur. d. 17. q. 4. dicunt, dolorem rationalem debere esse maximum qui esse potest; non sic sensitivum. Moderni verò Theologi distinguunt appetitum rationalem, & alium dicunt esse intensiũ, alium appetitiũ; ille dicitur summus appetitiuè, quo aliquid summè appetitur: quando pro nulla alia re mundi pœnitens vult committere peccatum, & deliberat potius quoduis malum subire, quàm peccare; ita vt non sit intentio in actu; sed excellentia & æstimatio in parte obiecti, de cuius iactura dicitur magis dolore, licet dolor non sit adeo

adeo intensus quoad gradus . Ille verò dicitur dolor summus intensius , quando augeatur actus in suis gradibus , idest ille qui plures habet gradus doloris , vel maiorem radicationem in subiecto . Omnes dicunt appretiatiuum debere esse maximum . De intensiuo autem aliqui dicunt debere esse maximum ; vt sit dolor ex summo & vehementi conatu . Ita Adrian. in 4. q. 1. de penit. ar. 2. & quodl. 5. ar. 3. Aliqui dicunt requiri aliquem gradum intensiōis vt sit contritio , & requiri etiam aliquem gradum durationis , & continuationis , qui gradus à Deo sit cognitus ; ita Scot. in 4. d. 14. q. 2. ar. 2. Alij dicunt quòd dummodo sit summus appretiatiue quamuis remissus dolor , est vera contritio , ita Medio. c. de pœnis. q. 5. Soc. d. 13. q. 2. ar. 4. Ledes. 2. 4. q. 2. ar. 1. Nau. cap. 1. num. 31. Maior. in 4. d. 14. q. 1. Dico primo , circa dolorem rationalem conueniunt omnes primo debere esse maximum ; quia scriptura ad hunc omnes hortatur . Item , quia amor Dei debet esse maximus ; ergo & dolor de offensa Dei qui fundatur in amore Dei . Conueniunt etiam omnes , quòd pœnitens consequenter debet magis dolere de peccato facto , quàm de omnibus alijs malis ; & si daretur optio , mallet non peccasse , quàm incurrere summam infamiam , mortem , & alia quæuis mala . Similiter debet habere propositum vitædi peccata super omne vitabile , vt magis homo abhorreat peccatum , quàm infamiam , & omnes simul misérias . Cùm enim teneamur amare Deum summo amore appretiatiuo ; ergo & tenemur dolere summo dolore ; Matth. 22. *Diliges Dominum Deum tuum ex toto corde tuo.* & cap. 4. *Qui amat patrem , & matrem plusquam me , non est me dignus.* Item , Deus est summum bonũ , & culpa summũ malũ ; ergo Deus est amandus summo amore , & culpa summo odio prosequenda . Dices , an pœnitens debeat facere istas comparationes ; & an confessarius teneatur examinare de hoc . Respo. primo , non teneri pœnitentem facere istas comparationes , an .s. magis eligeret mortem , quàm peccatum ; nam ei set valdè periculosum ; cùm præiens obiectum magis moveat , & posset quisuis facillè deficere . Secundo , si pœnitens faceret has comparationes cùm non teneatur , neq; debeat , vel si confessarius ei proponat , cùm tamen non debeat , tenetur pœnitens intrepidè eligere magis quodlibet malum , quàm peccatum ; aliter peccaret , nec esset absolueudus . Tertio , potest pœnitens

tens (proposita hac comparatione cum firmo proposito eligendi quodlibet aliud malum potius, quam peccatum) dubitare de sua fragilitate, ne fortè deficeret; dummodo habeat bonum propositum de presenti. Vel potest suspendere actum, ac dicere; nunc doleo de omni peccato, quid tunc facerem nescit; at spero Deum fore mihi adiutorem. Quarto, cum pœnitens prorumpit in has comparationes, & ostendit animum promptum, signum est veræ contritionis; & tunc est iuvandus à confessore huiusmodi comparationibus, ut magis animus incendatur. Rom. 9. *Quis nos separabit à charitate Christi? tribulatio, an angustia, an fames, &c.* Quinto, confessarius si ex confessione pœnitentis animadvertit eum dolere de omni peccato, non tenetur quærere. si verò aduertit illum dubitare aliquo modo, tenetur eum excitare ad veram pœnitentiam, quam si non potest excitare, non debet absolvere. Cum enim interrogauerit an doleat de peccato super omne malum, non proponendo particulare obiectum, sed solum in communi, tunc nullum est periculum, ut tenet D. Tho. quodl. 2. ar. 9. & Caiet. Alij verò dicunt satis esse interrogare an doleat de peccato quia est offensa Dei, & si sic doleat, satis est. Secundo dico, esse probabilem opinionem Petri Sor. lect. 13. & l. 14. de contr. de pœnit. qui non admittit illam distinctionem de amore appreciativo, & intensivo factam à recentioribus; sed dicit ad veram contritionem requiri dolorem summum de peccato, etiam intensivè, non simpliciter, & absolute; sed in ordine ad alios dolores, idest quòd sit intensior quàm quicumq; alius dolor qui in eo posset esse. Idem colligitur ex D. Tho. 2. 2. q. 26. & 1. p. q. 20. ar. 3. Bonau. in 4. d. 19. q. 1. Dur. in 3. d. 19. q. 2. probatur ex Matth. 10. ubi præcipitur ut magis amemus Christum, quàm patrem nostrum, vel matrem &c. ergo debet esse intensus amor. sic & Iohel 1. & 2. *Scindite corda vestra, &c.* hinc patet illam distinctionem de amore appreciativo, & intensivo factam à recentioribus, non esse firmam; quia non potest esse amor appreciativus, qui non sit intensivus. & causa erroris fuit, quia non benè distinxerunt inter amorem rationalem, & sensitivum, & intensivum utriusq; Dices, quanta debet esse hæc intensio amoris, vel doloris. Resp. non esse præscriptum determinatum gradum, sed ut maiore affectu amemus Deum, quàm creaturas. & magis doleamus

sciamus de peccatis, quàm de alijs malis. Dices secundo, quomodo cognosci possit quòd aliquis amor vel dolor sit maior. Resp. ab effectu. ex observatione legis. Obijcies; ergo debet amare Deum summo conatu super omnia. Resp. esse summum conatum cum homo præfert Deum omnibus creaturis. Obijcies secundo, in habitu charitatis sunt habitus incipientium, & perfectorum; ergo actus minimæ perfectionis faciet me iustum. Resp. cum Bonau. q. 1. cit. charitatem considerari dupliciter; in se, & in comparatione ad alios amores. in se, est parua, maior, & maxima. in comparatione ad alios, vendicat sibi dominium in corde; vnde qui eam habet, opus est vt diligat Deum super omnia. Secundo dici potest, quòd charitas habet suos gradus, minimus actus huius habitus est amor Dei super omnia; ideo est maior omni amore creato.

Octauum dubium. An esse debeat maior dolor de vno peccato, quàm de alio. Resp. ad remissionem peccati obrinendū, satis esse de omnibus dolere actualiter in genere; qui enim sic dolet virtualiter, magis dolet de maiore peccato, quàm de minori. nam si de peccato dolet vt est offensa Dei, ergo de maiore offensa magis dolebit, vt ait D. Tho. in addit. q. 3. ad 2. Secundo dico, quòd facta comparatione inter duo peccata inæqualia, de maiore debet magis dolere.

Nonum dubium. An debeamus magis dolere de peccato proprio, quàm de peccato proximi. Resp. primo, supponendum esse quòd debemus dolere de peccato proximi. 2. cor. 11. *Quis infirmatur, & ego non infirmor? &c.* Secundo, de grauiori peccato proximi magis est dolendum quàm de nostro, si considerentur præcisè vt est offensa Dei, & nostrum est leuius. Tercio, absolute & simpliciter loquendo, homo debet magis dolere de suo peccato proprio, quàm de proximi; quia est proprium malum, & nocuentum; & sic secundum ordinem charitatis est magis detestandum. Quarto, si agatur de peccato eligendo, nec minimum quidem licet agere ad vitandum quamuis magnum peccatum proximi; nam *non sunt facienda mala, vt inde veniant bona.* Rom. 3. plura curiosa dubia videnda, sunt apud Scot. in 4. d. 17. q. 2. ar. 4.

Decimum dubium. An requiratur continuitas doloris, seu contritionis ad remissionem peccati. Resp. prima sententia est Scot. in 4. d. q. 2. ar. 2. & Caiet. q. 1. de contr. qui dicunt

esse necessariam continuationem. Secunda sententia opposita est communis, & vera; quod non sit necessaria continuïtas, sed quamprimum homo habet contritionem peccati, consequitur remissio peccati; quia contritio habet perfectionem suam ab obiecto, fine, & circumstantijs intrinsecis; ergo non à tempore quod est extrinsecum. Secundo, quia alioqui posset aliquis cum summo dolore peccatorum damnari. cuius oppositum decretum est in cap. firmiter. de summ. Trin. vlt. quia facienti quod in se est, Deus non denegat gratiam. Sor. in 4.d. 17. q. 2. ar. 7. Nau. cap. 1. num. 31.

Vndecimum dubium. An sit præceptum de contritione. Resp. affirmatiue ex communi sententia. D. Tho. 3. p. q. 85. ar. 2. & in 4. d. 14. q. 1. ar. 1. q. 2. ratio est, quia actus contritionis est actus virtutis necessarius ad salutem; ergo est in præcepto, ut patet ex scripturis, vbi Deus pœnitentiam præcipit; ut dictum est supra tract. 5. cap. 1. dub. 1. & sequentibus.

Duodecimum dubium. An post hanc vitam sit locus pœnitentiz. Resp. ex D. Tho. supra. negatiue, si loquamur de pœnitentia quæ remittit peccatum cum suis circumstantijs. Contritio enim efficax habet tria, nam est dolor, & informatus gratia, & meritorius. cum igitur animæ beatorum dolere non possint, & animæ purgatorij non possint mereri, & animæ inferni quatenus doleant, non possint habere informationem gratiæ; sequitur animas defunctorum non posse habere veram contritionem. hinc confutatur error Lutheri, qui dixit animas purgatorij posse mereri, & demereri.

Decimumtertium dubium. An expediat continuò de peccato dolere, & per totam vitam. Resp. Aliqui dicunt hominem temeri dolere de peccato per totam vitam. Aliqui solum quando memoriæ occurrunt præterita peccata. Ego dico primo, quod qui semel doluit de peccato, nunquam teneatur amplius dolere de illo peccato, quia iam fuit iudicatum, & condemnatum; Deus autem non punit bis in idiplum. Nau. cap. 1. Dico secundo, vtilissimum est dolere de peccato per totam vitam; tum quia *beatus homo qui semper est pauidus*. prou. 5. tum quia sic homo fit magis certus de remissione. Item, quia saltem remittitur pœna. item ex Bonau. quia non potest tolli nos peccasse, psal. 50. *Peccatum meum contra me est semper.* & *Amplius laua me &c.* Item quia ad huiusmodi dolorem

lorem patres nos hortantur. Dico tertio, viris perfectis esse salubre consilium cessare à penitentia, præsertim exteriori, ut vacent operibus perfectioribus charitatis, & contemplationis. Vnde Hierem. 21. hortatur ut cessemus à lachrymis. Dices, an in continuatione huiusmodi doloris possit esse excessus contra rationem? Resp. quòd in displicentia quæ est in appetitu rationali, non potest esse superfluous, nisi quatenus impediatur actum alterius virtutis magis necessariæ salutis eo tempore. in passione autem doloris qui est in appetitu sensitivo, potest esse excessus tum quoad intentionem, tum quoad durationem. idèò debet esse moderatè intensus talis dolor, & moderatè durare ne hominem in desperationem, & pusillanimitatem inducat. D. Tho. in addit. q. 4. ar. 2. Victor. q. 122. & alij.

Decimumquartum dubium. An sit præceptum diuinum de contritione, & quando obligat. Resp. & dico primo, Victor. quem refert Can. in 4. prele. dicit nullum esse præceptum de contritione. Sed contra nos dicimus esse præceptum, eo quòd sit necessaria non solum necessitate mediij, sed etiam præcepti. probatur primo, ex Matth. 3. *Pœnitentiam agite.* Luc. 3. *nisi pœnitentiam egeritis omnes simul peribitis.* Confirmatur; nã præcepta diuina nō possunt dari alijs verbis. Secundo, Marc. 1. *Pœnitementi & credite.* 28. 2. *Pœnitentiã agite, & baptizetur unusquisq; vestrum;* sed pœnitentia coniungitur cum baptismo, & baptismus est in præcepto, ergo & pœnitentia. Tercio, contritio est de necessitate mediij, ergo & de necessitate præcepti; quia de omni actu qui est in potestate nostra, & est medium necessarium, est præceptum diuinum. confirmatur; nã aliquis legislator non sufficienter dedisset præcepta. Quarto, tenetur homo iniuriam proximo compensare; tenetur per correctionem fraternam illum à peccato liberare; tenetur ei subuenire in necessitatibus corporis; ergo tanto magis teneor mihi per contritionem. Dico secundo; quoad secundam partem, quando scilicet obligat: Prima opinio est Guglielmi Paris. in tract. de pœnit. dicentis, obligare statim post commissum peccatum habita opportunitate pœnitendi. Sed licet hoc sit optimum consilium statim habere contritionem de peccato commisso, non tamen ad id tenemur sub nouo præcepto. & licet sit circumstantia aggrauans, non tamen est necessariò conseruanda. Caiet. verb. contritio. & quodl. 3. de contr. sol. in 4. d. 17. q. 2.

d. 17. q. 2. ar. 6. concl. 2. & l. 4. de iust. q. 7. ar. 4. can. in 4. p. relit. qui dicit esse communem opinionem. Nau. cap. 1. num. 26. & est consensus omnium fidelium. nemo enim iudicat non poenitere esse nouum peccatum extra necessitatem, probatur; quia est præceptum affirmatiuum obligans suis temporibus. Secundo, quia etiam baptisumus, & confessio non obligant statim. Tertio, quia non videmus poenitentes in confessionibus de hoc se accusare, nec Sacerdotes doctos de hoc interrogare poenitentes. Secunda opinio est Scot. in 3. d. 37. (quamuis loquatur de præcepto dilectionis) Angel. verb. feriz. §. 41. & Lyran. in exod. 70. dicentium obligare diebus festis. idem Anton. 3. p. tit. 9. cap. 7. §. 2. Gabr. in 4. d. 14. q. 2. Sed contra dicimus non teneri hominem singulis festis conteri sub nouo præcepto mortali; quia nullibi habetur hoc præceptum. ita Caiet. verb. dies festos. & alibi. Nau. cap. 13. num. 17. Sor. l. 2. iust. q. 4. ar. 4. Medin. q. 7. de poenit. Sylu. verb. Dominica. q. 6. Rosell. §. 2. ibid. Armill. festum. §. 2. & est communis. probatur; quia præceptum colendi Deum in die festo magis pertinet ad religionem, quam ad contritionem. Non dubito tamen esse rem valde securam, vt notat Petrus Sor. supra; sed non tenemur cogere. Tertia opinio est Gabr. in 4. d. 14. q. 3. ar. 2. dub. 2. Palud d. 17. q. 1. ar. 3. concl. 2. Marfil. in 4. q. 12. ar. 1. Sylu. verb. contritio. Riccard. d. 14. ar. 9. q. 1. hoc præceptum obligare quoties peccata occurrunt memoriæ practicæ; idest vt fugiendum est peccatum, & detestandum. Sed contra hoc dicimus, quòd non tenetur homo habere contritionem, quoties peccata in mentem occurrunt siue practicè; siue speculatiue, vt docet Anton. 3. p. tit. 14. cap. 18. §. 2. Adrian. in 4. q. 3. de confess. Sor. supra. q. 7. ar. 6. concl. 2. nisi peccatum de nouo placeat. probatur primo, quia in alijs præceptis non habemus hanc obligationem. confirmatur; quia obligatio præcepti nascitur ex natura præcepti, non ex accidentibus, vt quòd occurrant in mentem, vel non. Secundo, nemo uos obligat vt quoties occurrat practicè Deus diligendus, teneamur ad actum dilectionis. Tertio, vel hoc præceptum obligat ratione præcepti, vel ratione diligendi Deum, vel ratione periculi; non primum, propter primam rationem. non secundum, propter secundam rationem. non tertium, quia in tali casu ego possum suspendere actum, & distrahì ad alia, quod esset mend. u. n

dium quid inter consentire peccato, & detestari peccatum. Non tamen ergo esse securum, & aliquando necessarium contreri quoties peccata occurrunt in mentem &c. ratione periculi. tum quia scripturæ clamant, & *peccatum meum contra me est semper*. psal. 50. & eccles. 3. *De propitiato peccato noli esse sine metu*. & prou. 18. *Beatus vir qui semper est pauidus* &c. tum quoniam non potest homini constare an illi sint remissa peccata. Tertio, quia multa sunt peccata occulta, & pro illis contritio est valde utilis. Dixi *ratione periculi*; nam quis posset vrgeri tanta vehementi tentatione, vel aliquam occasionem habere, vt teneatur eliceret actus contritionis, vt dicunt grauissimi doctores. Vltima opinio est dicentium obligare in articulo necessitatis, & quando sunt suscipienda vel danda sacramenta. Est communis Cani in 4.p.lect. Sot. in 4. d. 17. q. 2. ar. 6. Ledes. 2. 4. q. 3. ar. 2. Adrian. q. 3. de confess. Vega l. 13. cap. 20. & alij. & est communis. & Caiet. opus. 17. & probatur; quia cum hoc præceptum sit affirmatiuum, aliquo tempore debet obligare. quod si non in articulo necessitatis, quando obligat? Primus autem articulus necessitatis est mortis, & quodlibet eius periculum euident, vel morale. intelligo autem non solum articulum mortis, sed etiam periculum mortis, vt nauigatio fluctuosa &c. Secundus, quando respublica est in graui necessitate, vt in peste, vel hæresi, vel fame, vel bello, vel alio spirituali, vel corporali periculo; Adrian. q. 6. de confess. Petrus Sot. lect. 15. de pœnit. Nau. cap. 1. num. 37. nam si in priuato periculo tenemur, multo magis in communibus. Tertius, quando immineret periculum spirituale proprium, vt magna tentatio &c. quando auxilium requiritur; Petrus Sot. & alij supra. Quartus, quando esset aggrediendum aliquod magnum opus, vt si publicandum esset Euangelium infidelibus cum periculo, & contradictione, vel protestanda fides coram Tyranno. nam alias facere, esset tentare Deum; cum hoc opus requirat magnum Dei auxilium, & speciale; quod non datur existenti in peccato mortali. Quintus, quando quis obligatur ad aliquid agendum, quod conscientiam mundam requirit à peccato; vt quando quis est administrator, vel suscepturus aliquod Sacramentum; hoc enim requirit dispositionem. Caiet. verb. contritio. Medin. Nau. & alij supra cit. hæc tamen obligatio non est à præcepto

Pœnitent-

Pœnitentiæ, sed ab alio præcepto idest de digna Sacramento-
rum susceptione. Vnde qui suscipit Sacramentum in peccato
mortali, facit aliud peccatum mortale, idest sacrilegium; quia
non accessit dispositus. Canus supra. Ledes. supra, dub. 5. Sot.
in 4. d. 17. q. 2. ar. 6. concl. 4. Dices, an semper peccet mortali-
ter qui sic facit? Resp. affirmatiuè, si duo concurrant; vt. scilicet quis
exerceat actum ordinis, & solenbiter. Nau. cap. 1. §. Sacer-
dos. num. 13. de pœnit. d. 6. & nos supra de Sacramentis in ge-
nere, vbi de ministro egimus. Dices secundo, an sicut teneor
singulis annis confiteri, ita etiam & singulis annis conteri?
Respondent Sot. in 4. d. 16. q. 2. ar. 6. concl. 4. ean. supra. Ledes.
2. q. 3. ar. 2. dub. 5. affirmatiuè, quia præceptum confessionis
determinat quoad modum præceptum pœnitentiæ, & conse-
quenter quoad tempus; quare si teneor ad vnum, teneor & ad
alterum. Probabilior tamen videtur sententia Caietani verb.
contritio, qui id negat; ratio est, quia cum hic sint duo præ-
cepta, Ecclesia loquitur de confessione; ergo non teneor ad
contritionem nisi ratione confessionis. Secundo, neq; pœni-
tens confitetur hoc peccatum, & nemo sibi facit de hac re
scrupulum. Præterea quia sequeretur quod qui omittit confi-
teri semel in anno, committeret duo peccata, quod tamen est
falsum, vt ipse Sotus concedit.

Decimumquintum dubium. An detur cumulus peccatorum
ita vt quis cōteri non possit & idcirco pereat salus eius. Resp.
omissa hæresi Nouati negantis pœnitentiæ Sacramentum, vt
dictum est supra in principio tractatus quinti; & omisso er-
rore Origenis, qui dixit omnes vltimò esse saluandos, etiam
dānatos, & Dæmones, prima opinio fuit Armacani, l. 9. quæst.
Armenicarum, cap. 17. qui dicit, esse quædam peccata in hac
vita irremissibilia. Probat ex scripturis quibusdam, quæ do-
cent aliqua peccata esse tam graua, propter quæ Deus non
miseretur. vt Amos 2. *Super tribus sceleribus Damasci con-
uertar, super quartum autem non conuertar amplius.* Matth.
13. & *vos adimplete mensuram patrum vestrorum.* Gen. 15.
nondum implete sunt iniquitates Amorrhæorum. quasi dicat;
est quædam mensura ultra quam non conuertar. Matth. 12.
*Qui dixit verbum contra Spiritum sanctum neq; in hoc, neq;
in alio seculo remittetur.* 1. Ioan. 5. *Est quoddam peccatum
ad mortem, non pro hoc dico vt roget quis.* Vbi August. in illud
Ioannis,

Ioannis, ait; *tantam esse labem istius peccati, ut deprecandi humilitatem subire non possit, etiam si peccata sua conscientia cognosceret &c.* Isidor. de summo bono; nonnulli ita despiciuntur à Deo, ut peccata sua deplorare non possint. Confirmatur ex Hierem. cap. 7. *noli orare pro populo illo.* Ezechiel. 14. *non est anima mea ad populum istum.* 2. Machab. 9. de Antiocho; *Orabat scelestus Dominum, à quo non erat amplius misericordiam consequuturus.* Hebr. cap. 12. ait Paulus de Elau, qui non inuenit pœnitentiam. Confirmatur secundo, ex nonnullis scripturis ubi videtur Deus derelinquere aliquos. Isa. 5. *Auferam semen eius, & erit in conculcationem.* Hierem. 6. *Erudire Hierusalem, ne fortè ponam te desertam, & inhabitabilem.* Hierem. 51. *Curauimus Babylonem & non est sanata; derelinquamus eam.* psal. 80. *Dimisi eos secundum desideria cordis eorum.* &c. Eccles. 7. *Considera opera Dei quòd nemo potest corrigere quem ipse despexerit.* Ole. 4. *Non visitabo super filias vestras cum fuerint fornicata.* Ezechiel. 16. *Auferetur zelus meus à vobis.* Confirmatur tertio, quia in scripturis Deus dicitur indurare, excæcare, aggravare, dare in reprobum sensum &c. Sed isti non habent auxilium Dei speciale; ergo non possunt conteri, & pœnitere. patet antecedens ex Paulo ad Rom. 9. *Cuius vult miseretur, & quem vult indurat.* Rom. 1. *Tradidit eos Deus in reprobum sensum.* Isa. 6. *Excaca cor populi huius, & aures eius aggravauit.* Hierem. 6. *Argentum reprobum vocate eos, quoniam Dominus abiecit illos.* Ioan. 12. *Propterea non poterant credere, quia iterum dixit Isaias, excæcauit cor eorum, & indurauit, ut oculis non videant, & corde non intelligant, ne fortè conuertantur, & sanem eos.* Secunda opinio accedit ad hanc aliquo modo; dicit enim esse quosdam peccatores qui à Deo destituuntur etiã in hac vita, quibus denegat speciale auxilium. Ita Abulens. in exod. cap. 4. q. 12. Rossens. ar. 36. Catherin. opul. de prædest. Medin. l. 3. de recta in Deum fide. cap. 1. Ruardus Taper. l. de libero arb. Adrian. in 4. q. 1. de pœnit. dicit tamen primam opinionem esse probabilem, & quæstionem hanc esse dubiam. tenet enim illam non esse erroneam, neq; hæreticam. Tertia opinio est Petri Soti q. 5. de pœnit. qui dicit nulli negari ut non possit pœnitere. sed aliquibus negari auxilium ut de facto pœniteant. Quarta opinio est Vegæ l. 13. super Conc. Trid.

cap. 13. qui tenet nulli negari sufficiens auxilium, sed aliquibus aliqua negare auxilia sine quibus aut vix, aut saluari non possunt propter demerita illorum. Hanc doctrinam nullus Theologorum negat. Quinta opinio dicit nulla esse tam graviora scelera propter quæ Deus denegat illis auxilium ut peniteant. D. Tho. dicit aliam sententiam esse erroneam. & aliqui neoterici dicunt sapere nescio quid hæresis. Quare nota primo, ex duplici capite oriri posse ne aliquis pœnitere possit; vel quia non habet liberum arbitrium; vel quia denegatur ei auxilium speciale. non loquimur nos de primo, in quo est hæresis Lutheri negantis liberum arbitrium; sed de secundo disputamus, quod omnino necessarium est. Secundo, si Deus denegat alicui auxilium speciale propter sua peccata, nulli facit iniuriam; quis enim dicet sibi, quid fecisti ratio est; quia cum possit Deus peccatores iustissimè condemnare in inferno, etiam potest ei negare suum auxilium speciale. neque ideo quia Deus aufert auxilium speciale, potest dici causa peccatorum; quia totum est ex malitia illius ut auferat auxilium speciale. Tercio nota, auxilia specialia non esse omnibus æqualia, sed aliquos maioribus adiuuat, alios minoribus, sed omnibus dat sufficiens. hanc doctrinam tradit Ambrosius. l. 1. de vocatione gentium. & ad Rom. 3. *Quid amplius Iudeo est &c.* Deuter. 4. *Non est gens tam grandis, quæ habeat Deum appropinquantem sibi, quàm Deus noster adest nobis.* & est exemplum Thomæ, cui incredulo dedit Deus auxilium maximum, cui plagas ostendit. Et est exemplum Petri quem Christus respexit, & fleuit amarè &c. Quarto nota, si Deus dedisset quædam auxilia magna, quæ dedit aliquibus, illi fuissent conuersi. Matth. 11. Luc. 10 *Væ tibi Choroazin, væ tibi Bethsaida, si hæc signa fuissent facta in Tyro, & Sidone. pœnitentiam fecissent in cinere, & cilicio.* Quod si dicas, videtur Deus acceptator personarum, quod est contra illud Sap. 7. *Non subtrahet personam hominum &c.* & Iacobi, *non est acceptator personarum Deus.* Resp. in hoc non est acceptator personarum, nempe quod det præmium maius, vel minus; non tamen negat scriptura quod Deus det aliquibus maius, vel minus auxilium. Sic ergo prima conc. auxilium sufficiens ad salutem, & iustificationem, nulli denegatum est omnino, ut non aliquando habuerit, aut non pœnitere potuerit. in hac conclusione non dico

dico semper dari auxilium speciale, vel alicui omnino denegari; sed dico nulli fuisse denegatum aliquando auxilium speciale. Probatur ex psal. 32. *Miser cordia Domini plena est terra.* 1. Timot. 2. *Deus vult omnes saluos esse.* Ezechiel. 18. *Nunquid voluntatis meae est ut aliquis pereat?* 1. Petr. 4. *Neminem vult perire.* Secundo, ex August. 1. de prædest. & grat. cap. 15. comparat Nabuchodonosorem cum Pharaone: ille nanq; fuit saluatus, Pharaon verò perditus. Cyrill. in cap. Ioânis, quærit: *Si Deus illuminat omnes, cur aliqui non illuminantur? quia scilicet non admittunt lumen &c.* Ambr. de vocat. gent. & Hieronym. in cap. 18. Ezechielis, idem dicunt. Secunda conclusio. Non est erroneum, neque hæreticum, nec temerarium dicere, Deum aliquando ob grauissima scelera negare alicui auxilium speciale. In hac conclusione non dico rem ita se habere; sed solum dico, non esse hæreticum, nec erroneum. probatur ex multis grauib; auctoribus supra citatis, qui hoc tenent. Secundo, propter loca scripturæ proposita; quæ licet in fine dubij nostri soluentur, nihilominus videntur valdè clara. Tertio, sicut dantur aliqui confirmati in gratia in hac vita, ita posset esse ut darètur aliqui destituti propter sua scelera; quia si illud requirit misericordia Dei, hoc requirit iustitia. Quarto, si ista videtur dura opinio, quid diceret de pueris non baptizatis? quid de amentibus? Sed obijcies primo, nam homo dum est in hac vita habet liberum arbitrium. Secundo, obijcies tam multa loca scripturæ, quæ dicunt Deum vocare hominem ad pœnitentiam. Tertio, propter Concilium Later. cap. firmiter. de summ. Trin. & fide cathol. credimus per pœnitentiam omnes posse resurgere. Quarto, quia hæc sententia accedere videtur ad errorem Nouati. Quinto, quia non tenerentur omnes præcepto pœnitentiæ. Ad primum resp. non tolli propterea liberum arb. homini, tum quia adhuc est viator; tum quia potest multa mala cauere, & multa bona moralia facere; tum etiam quia etiam si isti ad tempus negatus auxilium speciale, tamen remotè potest se præparare; & sic Deus poterit reuocare sententiam, & denegare illi auxilium speciale. Ad secundum resp. loca scripturæ concludere pro sensu primæ conclusionis. Vel responderetur secundo, quod Deus quantum est de se, paratus est, si ille faceret, vel fecisset quod debebat. Ad tertium resp. concilium esse intelligen-

gitur illud ; *pro his rogo , & non pro mundo* ; quod .i. si subtrahet auxilium orandi , tribuet aliud ; vt v.g. tribulationes , persecutiones &c. Tertia est , multa loca significant quod futurum est , & Deus prouidebat futurum . & hoc sensu potest exponi illud de infidelitate Iudzorum . Quarta est , vt impotentia intelligatur pro difficultate . Quinta , multa loca intelliguntur non de auxilio sufficiente , sed de plusquam sufficiente , sine quo tamen vel difficile , vel pauci saluantur . Nunc ad primum dico , illud Amos intelligi de pœna temporali , vel de auxilio magis speciali ; de peccato in Spiritum sanctum dubium est apud Theologos quid sit , & cur est irremissibile . aliqui dicunt esse impernitentiam finalem . aliqui dicunt esse quodcumq; peccatum ex gravi malitia , vt obstinatio , impœnitentia in hac vita , desperatio , impugnatio veritatis , inuidencia fraternæ charitatis &c. & dicunt dici irremissibilia peccata , quia non habent vnde possunt remitti , quia tollunt dolorem , & gratiam . De blasphemia dicunt Christum loqui de blasphemia , qua Iudzi Satanz tribuebant miracula Christi . neq; omnis talis blasphemia est peccatum in Spiritu sanctum , sed de illa quæ habet magnam malitiam , quam Deus scit quanta oportet vt illa sit . Quod dicatur irremissibile , intelligitur .i. valde difficile vt remittatur ; sicut & morbus dicitur incurabilis .i. difficilis valde curari ; quia Christus prouidebat illud peccatum Iudzis non esse remittendum . De peccato ad mortem 1. Ioan. 5. Resp. quod peccatum ad mortem vocatur vel peccatum illud in quo homo perseverat vsq; ad mortem ; & hoc est irremissibile . Vel (& melius) si intelligitur de alijs grauissimis , Ioannes vult dicere , quod difficile est illos conuerti , & Deus non permittit istas orationes esse admittendas . Vel prohibet orari publicè ; de quibus dixit , *nec aue eis dixeritis* . Ad illud Augustini resp. Augustinum vocare impossibile illud , quod est valde difficile . Et illud Isidori debet intelligi , quod ex culpa sua non possunt aliqui deplorare scelera sua . Ad primam confirmationem resp. illud Hieremiæ intelligi præcipuè de pœnis temporalibus . de Antiocho , & Esau dicimus illos non verè pœnituisse . Ad secundam confirmationem resp. destituere Dei est denegare auxilia magis specialia , sine quibus aut vix , aut rarissimi conuertuntur . Ad tertiam confirmationem resp. quod indurare Dei est nō emollire ,


TRACTATUS SEPTIMVS

De confessione Sacramentali .



SEPTIM de hac re tractabimus: primum de necessitate confessionis. Secundum, de quiditate. Tercium, de qualitatibus eius. Quartum, de ipsius effectibus, & defectibus. Quintum, de absolutione. Sextum, de ministro huius sacramenti cui confiteri oporteat peccata. Septimum, de sigillo confessionis.

De necessitate confessionis. Cap. I.



Primum dubium. An confessio sit de necessitate salutis. Omissa hæresi Masilianistarum, qui (ex Damasco. l. de hæres.) recipiebant peccatores sine ulla sacerdotum absolutione; & Iacobitarum (à Iacobo hæresiarca vt ait Guido Carmelita) qui dicebant soli Deo esse confitendum; in qua confessione portabant ignem, & incensum, vt ostenderent sic consumi peccata coram Deo; & Iuliani Apostatæqu (vt ait Casiod. l. 6. histor. tripar. cap. 2) quibusdam gentiliū sacrificijs abrenunciante baptismati, & confessioni ecclesiasticæ; & Vuigles, qui (vt refert Thomas Vualdens. tom. 2. cap. 135) impudentius quàm alij blasphemauit confessorē, dicens esse institutam in Concilio Later. ob lucrū, & Lutheri qui licet non substulerit confessionem (vt patet ex articulis Leonis X. contra ipsum) dixit
tam en

tamen non omnia esse confitenda, sed relinquenda esse misericordiae diuinæ omiffa deniq; hærefi Caluini, qui negat confessionem esse institutam à Christo; ac sexcentis alijs omiffis. Resp. ad dubium affirmatiuè, esse de necessitate salutis, in re, vel in voto, necessitate mediij, vel finis; patet ex cap. omnis vtriusq; sexus. de pœnit. & remifs. & ex Trid. sess. 14. cap. 6. de pœnit. Dico de (necessitate mediij) nam infra dicam de necessitate præcepti. Dixi *in re*, vel *in voto*; quoniam certum est non esse necessariam in re. Probatur; confessio est necessaria, & non semper in re; ergo vel in re, vel in voto. maior probatur ex Ioan. 20. & quia etiam confessio peccatorum post baptismum est necessaria sicut pro peccatis ante commissis. confirmatur ex bulla Martini V. vbi dicit quòd non solum sit credendū contritione remitti peccata, sed etiam necessariam esse confessionem. probatur minor ex Concilio Trid. sess. 6. cap. 14. & sess. 14. cap. 4. vbi habetur quòd in contritione est inclusum votum confessionis. probatur etiam ex concessione indulgentiarum quæ conceduntur cum voto confitendi suo tempore determinato. & certum est indulgentias non valere nisi his qui sunt in gratia. Obijcies; votum confessionis esse desiderium confitendi, ergo quando est opportunitas confessionis si non fiat, non videtur habere votum, ergo non iustificabitur. confirmatur ex August. l. 4. contra Donatistas, cap. 22. & Ber. ep. 77. ad Hugonem. tunc Sacramenta necessitatis non esse, actu necessaria, quando articulus necessitatis excludit Sacramentum, idest occasionem sumendi. Resp. quòd quamuis aliqui fuerint huius opinionis quòd quando adest opportunitas, non sufficit votum ad confessionem; & licet aliqui velint dicere hanc sententiam non esse facile contemnendam, nec condemnandam, eoquòd textus concilij patiatur expositionem, tamen omnino dicendum est quòd valet votum, tamen cum contritione; quamuis adfit opportunitas Sacramenti. Ad rationem dubij resp. esse votum, quandoquidem non teneor confiteri ratione temporis. Ad August. & Ber. resp. confessionem esse quidem Sacramentum necessitatis, sed suo tempore determinato. Patet secundo, esse necessariam confessionem; nam præterquam quòd fuerit in lege naturæ, vt patet Rom. 1. *Testimonium reddente ipsis conscientia. Iob 31. Si abscondi quasi homo peccatum meum &c. Psal. 36. Reucla-*

Domino

Domino viam tuam & spera in eo, & ipse faciet & educet quasi lumen iustitiam tuam, &c. prou. 28. Qui abscondit scelera sua, non dirigitur. Ecclesi. 17. Non demoreris in errore impiorum, ante mortem confitere &c. Gen. 3. Adam ubi es, &c. quasi exigens confessionem peccati. vbi glosa dicit (sed falso) nostram sacramentalem confessionem fuisse institutam in paradiso terrestri; non enim erat sacramentalis confessio, sed figura illius. & præterquam quod fuerit in lege veteri, vt *Leuit. 16. Postquam mundauerit Sacerdos sanctuarium, & tabernaculum, offerat hircum &c. & Nehem. 4. Num. 5. &c.* fuit etiam instituta à Christo hæc nostra confessio vt necessaria, vnde est de iure diuino. patet primo ex Ioan. 10. post resurrectionem suâ Christus vocauit discipulos, & insufflans in eos, dixit: *Accipite spiritum sanctum, quorum remisistis peccata remittuntur eis &c.* vbi compleuerat quod promiserat primum Petro, dâns illi clauēs; deinde omnibus Apostolis. ex quo loco argumentor contra hæreticos primo, quilibet peccator lapsus post baptismum, tenetur reconciliari Deo; sed peccata tandiū retinentur à Deo quandiū retinentur à Sacerdote; nam Christus ait; *Quorum retinueritis peccata, retenta sunt eis;* Ioan. 20. Ergo quandiū retinentur à Sacerdote, non remittuntur; sed tandiū retinentur, quandiū non absoluantur; sed non possunt absolui nisi cognoscantur; ergo vt absoluantur debent manifestari, & confiteri Sacerdoti. Secundo, ex eodem loco argumentor. Christus in his verbis instituit Sacerdotes iudices, & dat illis iudiciariam potestatem circa peccata. & hæc est communis sententia patrum. August. l. 20. ciu. cap. 9. Athan. homilia in illud, *ite in castellum quod contra vos est.* Hier. in Matth. 16. & ep. 1. ad Heliodorum, vbi dicit, officium Sacerdotis esse iudicare ante diem iudicii. Hilarij in Matth. 16. ait, forum Petri præcedere forum Dei. sed iudex non potest iudicare nisi audita parte; nam dicitur prou. 11. *Qui iudicat quod nouit, iudex iustitia est;* sed non potest cognoscere nisi pœnitens illa confiteatur; ergo est necessaria confessio. Tertio, ex eodem loco: hic sunt datæ Ecclesiæ clauēs promissæ Matth. 16. Clauis autem est potestas aperiendi, vel claudendi cœlum; sed aperire cœlum est tollere impedimentum, hoc verò est peccatum; ergo non poterit cognoscere Sacerdos quibus aperiendum sit cœlum, nisi cognoscat

scat peccata ; ergo hæc sunt aperienda , & manifestanda in confessione . Confirmatur ex August. homil. 49. ubi sic hortatur adulteros : *Agito pœnitentiam qualis in Ecclesia agitur, ut oret pro vobis Ecclesia; nemo sibi dicat, occulte ago, apud Deum ago; nemo Deus qui mihi ignoscit, quia in corde ago; ergo sine causa dictum est, quæ solueritis in terra, erunt soluta & in cælis? ergo sine causa sunt data claves in Ecclesia? frustra ergo verbum Dei?* Confirmatur secundo, quia omnes concedunt Ecclesiam habere clavem scientiæ, & clavem potestatis. Clavis scientiæ non est doctrina, & sapientia, sed est potestas cognoscendi, & informandi se de conscientijs aliorum . Confirmatur tertio, quia omnes sancti patres, ex hoc loco deducunt Sacramentum pœnitentiæ . Ad Sacramentum autem non satis est interiùs confiteri, sed debet apponi aliquod signum exterius . Alia loca possunt afferri scripturæ; ut Iacobi 5. *Confitemini alterutrum peccata vestra;* quem locum affert August. l. 2. de visit. infirmorum, cap. 4. Chylost. hom. 9. ad hebr. Vgo l. 2. par. 14. cap. 1. act. 19. multi credentium veniebant confitentes, & annunciantes actus ipsorum . Luc. 17. *Ita, ostendite vos Sacerdotibus, quem locum affert August. l. de vera & falsa pœnit. cap. 10. Ioan. 3. Exibant ad eum confitentes peccata sua;* loquitur de Ioanne Baptista ad quem ibant . disponebat enim ille ad eam quam Christus institutus erat confessione . Basil. in regul. monachor. cap. 21. Ambros. l. 1. epist. ep. 3. Cyrill. l. 3. in Leuit. & alij . Probatur secundo, ex patribus. Dionys. in ep. ad Demophylum reprehendit eam, qui calce abiecerat impium pœnitentem prout voluit ad pedes Sacerdotis; ergo in illo tempore erat usus confessionis . Clemens discipulus Petri scribens ad Iacobum fratrem Domini, ait; *Si in aliquo cor liuor irrepserit latenter, non erubescat ei qui animæ suæ curam gerit, confiteri.* Tertull. l. de pœnit. commendat confessionem in qua non sola conscientia præfertur, sed etiam aliquo actu testatur pœnitentem animum . & in ea dicit esse secunda subsidia à Deo instituta post prima intinctionis dominicæ monumenta, idest baptisma . quibus verbis docet necessariam esse confessionem, & à Domino institutam . & affert similitudinem eorum qui habent malum in partibus verecundis; qui verecundantur aperire morbum medico. Orig. hom. 11. in Leuit. (quantiis illa tribuatur Cyrillo) ponit septem remissio-

remissiones; vltima quarum est, (licet dura) cum non erubescit querere medicinam: & suo Sacerdoti confiteri peccatum. Et hom. in psal. 37. loquens de confessione, dicit commendasse peccata sicut escam indigestam, & malos humores. & subdit. *Circumspice cur debras confiteri peccatum tuum: & loquitur de secreta confessione.* & l. 3. periarchon cap. 1. dicit eum non posse purgari qui peccata sua confessione proprii oris non fuerit confessus. Cyprian. serm. 5. de lapsis, dicit, remissionem in hac vita fieri peccatorum per Sacerdotes. ait sic: *Qui extrinsecus non lapsi sunt per idololatriam, bi quamuis nullo facinore libelli constricti sint, quoniam tamen de hoc cogitauerunt, hoc ipsam apud Dei Sacerdotem consteantur.* Certum est ipsum loqui de secretis cogitationibus, quæ non confitentur palam. Basil. l. de instit. monach. docet cui sit facienda confessio. Pacianus Episcopus Barcinonensis in pare. ad pœnit. inuehitur contra eos qui fide confitentur. & affert similitudinem ægrotorum, qui ferrum patiuntur, vt sanentur. Hierony. in Matth. in illa verba, *tibi dabo claves regni cœlorum &c.* sicut (ait) Sacerdos leprosum mundum, vel immundum facit, si presbyter nunc non eos qui insontes sunt alligat, sed pro officio suo cum peccatorum nouerit varietates, scit quis soluendus sit, quisue ligandus. & iterum illud Eccl. 10. *Si mormorderit serpens &c.* ait, *si Diabolus occultè aliquem momorderit &c.* Si hic tacuerit, & noluerit aperire vulnus fratri, aut magistro, nunquam sanabitur. An br. l. 3. de pœnit. cap. 9. dicit, quosdam ita petere pœnitentiam, vt statim sibi reddi communionem velint. & hi non tantum se soluere cupiunt, quàm ligare sacerdotem. Raban. l. de instit. clericor. cap. 29. & 30. August. tract. 49. in Ioan. hortantur peccatorem vt exeat de sepulcro. i. de occulto, & confiteatur. & subdit: quid dicetur ministris cum confessus fuerit? quod dictum est Apostolis, *salute illam*. i. quòd cunq; remiseritis, remitteretur eis &c. & in l. de vera. & falsa pœnit. cap. 10. dicit, *Quem pœnitens omnino, dolorem lacrymis ostendat, & vitam suam Deo per Sacerdotem representet, praueniatur iudicium Dei per confessionem.* Cassiod. l. 9. histor. tripar. cap. 35. dicit fuisse seruatum in occidentalibus populis, vt pœnitentes in Ecclesiam venirent, ac velut in theatro sub testimonio Ecclesiastici populi delicta panduntur. & subdit; ob hanc causam

fuisse institutum presbyterum bonæ conuersationis, & seruantem secretum &c. & licet dicat in theatro; tamen non loquitur de publica confessione, sed tantum ut non fiat confessio in domibus priuatis, sed in Ecclesia publica. Probatum tertio, ex Pontificibus: Leo ep. 80. ad Episcopos Campaniæ docet non sufficere confessionem Deo factam, sed sacerdotibus esse faciendam. & ep. 91. Lucius iij. in cap. ad abolendam. de hæret. damnat anathematis illos, qui aliter sentiunt quàm Romana Ecclesia. Fabianus docet, non posse sanari qui vulnera non ostendit medico, &c. Quarto, probatur ex Concilijs: ex Constantienfi contra Vuigles. Later. sub Innoc. iij. ubi fuit factum decretum de confessione annuali. Legenda est historia Nauderi. ex quo videtur quod ibi omnes græci & latini in illa sessione conuenerunt vnanimi consensu in illud præceptum de annua confessione. Hinc etiam colligimus non esse præceptum iuris Ecclesiastici; nam non tam facile fuisset acceptatum, & tanta concordia. quare videtur fuisse præceptum diuinum. In Flor. de vnione Armen. Trid. sess. 6. cap. 14. & in multis synodis provincialibus. ex quo argumentor, quod si tota Ecclesia hoc acceptauit, extremæ insania est contradicere. Quinto, probatur rationibus: si confessio fuit instituta ab Ecclesia, doceant contrarij vbinam? quod si non poterunt afferre, inferremus esse de iure diuino. ex illa regula, quæ fuerunt ab Ecclesia instituta, instituta habuerunt ab aliquo prius. Quod si non esset præceptum diuinum, non posset Ecclesia præcipere confessionem; quia non habet potestatem instituendi sacramenta; habet autem potestatem ipsū præceptum determinandi quoad tempus. cum enim in genere præceptum diuinum obliget ad confessionem, Ecclesia determinauit ut semel in anno fiat. Sor. in 4. d. 18. q. 1. ar. 1. Victor. q. 126. Vltimo probatur ex conuenientijs, & vtilitatibus confessionis: ex hac enim elucet primo misericordia Dei, qui re tam facili contentus est. Secundo, potentia; quia solo verbo sanat, *ego te absoluo*. Tertio, sapientia; quæ tam difficilis nodi inuenit tam facilem solutionem. Quarto, iustitia; quæ non vult sine debita humiliatione remittere. Secundo, utilis est reipublicæ, & politiæ communi; nam per hanc extinguuntur odia, exdes, adulteria, fiunt restitutiones, terminantur lites, vsura, tolluntur homicidia, & sexcenta. Tertio, est utilis priuata conscientia; quia

valde

valde facit ad superbiam hominis conterendam, ad obedientiam Deo exhibendam, ad frenandam in peccatis futuris concupiscentiam, &c. Dices, an confessio sit de iure naturæ. Resp. negativè; quia est Sacramentum supernaturale ad quod non se extendit natura. fides tantum docet ad verba Sacerdotum remitti peccata. Addo tamen quòd non est contra naturam; quia cognita per fidem confessionis virtute, instinctus naturalis ad illam inclinatur. Sor. in 4. d. 18. q. 1. ar. 1. Victor. q. 128. D. Tho. in additionibus, q. 6. ar. 2.

Secundum dubium. Quando præceptum confessionis obligat. Resp. vel id quæri potest de iure divino, vel de iure Ecclesiastico. Secundo, vel loquimur de confessione in voto, vel de confessione in re. Tertio, vel loquimur de confessione per se ratione ipsius præcepti, vel per accidens ratione alicuius rei faciendæ quæ confessionem requirat. De iure divino sunt duæ præcipuæ sententiæ. vna est; quòd homo statim teneatur ac peccat, confiteri actu, propter periculum. ita Guglielm. Paris. tract. de pœnit. Innoc. in cap. omnis viri; & lex Archidiaconus. ut refert Sylv. verb. confessio 1. q. 2. & id sentit Bonau. de religiosis, ut teneantur statim. Laici verò cum adest talis opportunitas qua maior expectari non potest, & additur stimulus conscientie, ita Alexander Ales. 4. p. q. 77. ar. 3. m. 4. Opposita sententiæ est D. Tho. in addit. q. 6. ar. 3. & est communis. scilicet. neminem teneri statim confiteri, sed in casu necessitatis. nam cum sit præceptum affirmativum, non obligat nisi pro loco, & tempore, & hæc sententiæ est vera. Sed explicandum, est quinam sint casus necessitatis. Itaq; primo dico: Primus casus de iure divino hoc præceptum obligat in articulo mortis naturalis, vel violentæ; quia tunc maximè est necessaria confessio ad salutem; ergo si sit copia confessarii, quisq; tenetur, ita D. Tho. supra. & quodl. 1. ar. 11. Sor. in 4. d. 18. q. 1. ar. 4. Sylv. verb. confessio. 2. q. 2. Victor. q. 134. & est communis. probatur ex cap. infirmitas. ubi prohibetur medicis ne curent infirmos, nisi confiteantur. Secundus casus est periculum mortis. distinguo articulum mortis à periculo; nam ille est quando v. g. quis agonizat, vel est suspendendus, vel quomodocumq; est in via ad mortem. periculum est quando timetur probabiliter mors. ut v. g. in bello, &c. intelligo periculum, probabile, & graue, quando creditur sequutura mors, non quodcumq;

quodcumq; periculum. ut v.g. partus aliquis est difficilis mulieribus, aliquis est facilis. Item, ut quando aliquis aggredietur longam, & periculofam navigationem, vel bellum. deniq; ut ait Palud. quando quis est in tali casu in quo frequenter homines moriuntur. Nau. cap. 2. num. 9. Sor. Sylu. Victor. supra. Similiter si quis probabiliter timeret se casum in amentiam, vel quid simile. quod ut ait Victor. arbitrio prudentis relinquitur. ratio est, quia in tali casu contemneret sacramentum, & esset reus suæ mortis spiritualis. Tertius casus ponitur ab aliquibus in graui & urgente tentatione, quando aliquis iudicat se non posse moraliter præseruari à peccato, nisi per confessionem. Caiet. verb. confessio. cond. quinta, ratio est, quia qui tenetur ad finem, tenetur ad media necessaria ad illum finem. Ego nolo rejicere hunc casum, nec omnino obligare; crederem enim aliquando obligare, aliquando non. Quartus est quem aliqui ponunt, quando credit aliquis probabiliter se non recordaturum peccati, tenetur confiteri, quia de iure diuino tenetur confiteri peccata omnia. 50. d. 18. q. 2. ar. 4. Marfil. q. 11. Maior. d. 16. q. 2. d. 17. q. 1. Medin. c. de poenit. tract. 2. Sed dicendum est cum Sor. lect. 3. & Ledes. 2. 4. q. 3. dub. 7. & Nau. cap. 31. num. 35 non obligare hunc casum; quia Christus in hoc præcepto noluit determinare tempus, sed reliquit illud determinandum Ecclesie; cum ergo Ecclesia determinauerit tempus vniuersaliter omnibus, satis est semel in anno confiteri, ergo huic tempori est standum. tum etiam quia hoc esset onus, & iugum graue. Item quia in tali casu non tenetur de præcepto ad confessionem. Adde quod non videtur Deus hominem obligasse nisi ut confiteatur peccata quæ memoriæ occurrunt: alioquin teneretur unusquisq; scribere peccata ne obliuiscatur; quod falsum est, ut docet Sylu. verb. confessio 1. q. 2. in fine. Nau. cap. 21. in 35. Secundo dico, quintus casus (sed per accidens) quo tenemur de iure diuino confiteri, est; primo, qñ accedendū est ad communionem; ex Concilio Trid. sess. 17. cap. 7. & can. 11. de Sacram. Euch. in sumptione autem aliorū sacramentorum est communis sententia non requiri confessionem; sed satis esse contritionem. Sor. d. 18. q. 1. ar. 4. concl. 6. Victor. q. 136. Sylu. verb. confessio q. 2. & alij. In susceptione autem ordinis requiritur confessio ratione communionis, ut notat Sylu. &

Sor. quare non est audiendus Palud. quod id extendit ad alia 3. Sacramenta. Secundo, quando aliquis habet votum confessionis aliquo tempore, vel ratione præcepti superioris, vel religionis qui ex causa legitima, vel ex regula obligante præcipiunt. Tertio, ratione erroris, & falsæ conscientie; quando quis putat se teneri, obligat enim donec deponatur conscientia, ut ait Adrian. q. de confess. dub. 3. casu. 5. Sylu. verb. confessio, casu 3. & alij. Tertio dico, tenentur etiam Christi fideles iure Ecclesiastico ad confessionem cum ad annos discretionis peruenierint, semel in anno confiteri proprio Sacerdoti: ex can. omnis, vsq; sexus. de pœnit. & remiss. & confirmatur ex Concil. Trid. sess. 14. can. 3. & 8. & quamuis Dnr. d. 17. q. 149 dicat se hic non animadvertere præceptum, sed hortationem tamen certissimum est esse præceptum; quia subditur; alioquin vivens ab Ecclesia arceatur &c. apponitur enim ei pœna peccati mortalis. Secunda, patet ex communi consensu Ecclesie. Tertio, ex synodalibus constitutionibus. Dices, an Papa possit dispensare in præcepto confessionis? Resp. primo, quoad substantiam præcepti, non potest; ut scilicet aliquis nunquam teneatur confiteri; quia cum substantia præcepti sit de iure divino, ut dictum est, Papa non est supra ius divinum; ergo non potest; ut probat D. Tho. quodl. 4. ar. 13. Secundo, ex causa legitima potest Papa in hoc præcepto dispensare quatenus est de iure humano; nempe ut aliquis non teneatur singulis annis confiteri. nam illa temporis determinatio est à iure positivo, & humano; & Papa est supra leges humanas. D. Tho. in addit. q. 7. ar. 3. Sor. q. 8. ar. 5. Victor. q. 140. Gabr. d. 17. q. 1. in fine. Palud. q. 2. ar. 6. Riccard. & est communis. Addo tamen quod si sine causa id faceret, peccaret. Neq; pbat quod possit dispensare in voto, in iuramento &c. quia neq; in his dispensat, nisi quatenus habent aliquid iuris communis, & pendent ab actibus nostris. ut Sor. & Victor. supra cit. declarat enim ius divinum non obligare.

Tertium dubium. An de omnibus peccatis sit necessaria confessio. Resp. peccata venialia quamvis sint legitima materia confessionis, ita ut sit salutare consilium illa confiteri; non sunt tamen per se materia confessionis, nec de iure divino confitenda, probatur prior pars; quia venialia sunt verè peccata, ergo sunt materia confessionis, ex Trid. sess. 14. can. 22.

Siquis.

Siquis dixerit non licere confiteri venialia, anathema sit. & patet ex usu Ecclesie, & ex fructu talis confessionis. Posterior pars probatur ex D. Tho. 3. p. q. 65. ar. 1. ubi ait. ad deletionem venialis peccati, nullum esse institutum directum Sacramentum, quia remitti potest cum infusione gratie per actum charitatis; & alijs modis remitti potest, ut dictum est supra, tract. 5. dub. 29. præterea nec diuino, nec humano iure tenemur confiteri venialia; ergo &c. & est sententia Scoti d. 17. Dur. ibid. q. 9. Caiet. q. 1. de confess. Scot. in 4. d. 18. q. 4. ar. 3. Victor. q. 129. & est communis. Peccatum originale, & actualia peccata ante baptismum commissa, non sunt confitenda; quia cum remittantur per baptismum, illi fieret iniuria si de nouo confiterentur. Scot. supra cit. Medin. q. 5. de confess. Ledes. 2. 4. q. 7. ar. 2. Caiet. 3. p. q. 69. ar. 19. & patet ex Trid. sess. 14. can. 4. de pœnit. Dices, an qui fide baptizantur tenentur confiteri peccata huius fictionis? Resp. affirmatiue, quia tale peccatum est subiectum clauibus cum sit hominis qui in eodem instanti pertinet ad Ecclesiam. D. Tho. 3. p. q. 69. ar. 10. & ibid. Caiet. Scot. in 4. d. 4. q. 5. Scot. d. 6. q. 1. ar. 8. Sed est

Quartum dubium. An qui non habet nisi venialia teneatur confiteri semel in anno. Resp. sunt duæ sententiæ. Vna est affirmatiua; ita Bonau. in 4. d. 17. ar. 4. q. 1. & illum videtur ex parte defendere D. Tho. 3. p. in addit. q. 6. ar. 3. quia præceptum est de confessione absolute, & potest impleri; ergo &c. Altera sententia est negatiua. & hæc est probabilior. ita Scot. in 4. d. 17. q. vnica. ar. 3. Adrian. q. 4. concl. 1. Scot. in 4. d. 18. q. 1. ar. 3. Dur. d. 17. q. 9. Caiet. q. 1. de confess. ratio est, quia Trident. can. 7. dicit, mortalia esse confitenda. eodem modo exponi debet cap. omnis vtriusq; sexus. de pœnit. & remiss. cum enim graues pœnas imponat, & proprio Sacerdoti confitendum statuatur, certum est intelligere de mortalibus. ita D. Tho. in addit. q. 6. ar. 3. ad 3. Scot. supra. Scot. in 4. d. 17. q. vnica. Gabr. q. 1. Dur. q. 9. Caiet. q. 1. de confess. Victor. q. 129. probatur, quia præceptum Ecclesie non est nisi determinatio præcepti diuini, sed hoc non obligat necessario; ergo &c. Secundo, probatur ex Scot. cum dicit Ecclesia, omnia peccata sua confiteatur, vel intelligit mortalia, & habeo intentum; vel mortalia, & venialia, & sic quando quis accedit ad confitenda mortalia, debet etiam & venialia. Tertio, ex illo verbo

omnia

pena patet intelligi tantum mortalia; nam venialia quis posset? confirmatur ex pena quæ imponitur (vt dixi) gravissimam. Quarto, quia Ecclesia instituit pro venialibus sacramentalia. Quinto, ex Trid. sess. 14. cap. 5. vbi ait venialia posse rateri. Notandum est tamen primo, quod quando est dubium si veniale sit, an mortale, tunc tenetur confiteri. Secundo, quod ratione scandali tenetur adire confessarium.

Quintum dubium. An religiosi ratione alicuius statuti cum non habeant mortale, teneantur confiteri venialia. ratio dubicandi est, quia clementina quæ incipit, ne in agro dominico de statu monachorum indicit confessionem mensuram, non achis nigris. vbi glossa dicit esse hoc vniuersale pro omnibus religiosis. & Nau. cap. 1. num. 9. dicit astringi singulis mensibus religiosos saltem ex ordine Sancti Benedicti. licet Sor. in 4. d. 18. q. 7. ar. 4. dicat non obligari religiosos suæ religionis nisi ad præceptum Ecclesiæ. Respondet Caiet. q. 1. de confess. teneri religiosos confiteri venialia; propter dictam clement. Sor. verò supra cit. negat; dicit enim non teneri saltem sub peccato mortali; quia esset nimis dura lex. Idem dicas de alijs religiosis nisi ex regula obligante, vel voto tenerentur. quare ad satisfaciendum præcepto in hoc casu; sufficeret se præsentare Sacerdoti, ac dicere, se non habere conscientiam peccati mortalis; id enim esset ei pro confessione, vt ait D. Tho. in addit. q. 6. ar. 3. Ad clementinam resp. quod illa non intendit nisi breuiare tempus quod erat annus. sicuti præcepto *Omnis vtriusq; sexus* non obligauimus seculares qui non habent mortalia; sic neq; religiosos. Quid si religiosi tenerentur octauo quoq; die? Resp. idem dicendum esse, non teneri ad venialia; nisi quis se voto astrinxerit. Ex dictis patet, materiam directam confessionis esse sola mortalia post baptismum commissa cum suis circumstantijs.

Sextum dubium. An omnes homines teneantur ex præcepto confiteri. Resp. Riccard. in 4. d. 17. q. 4. ar. 3. ait primo, tam fideles, quam infideles obligari hoc præcepto confessionis, non quatenus est pontificium, sed quatenus est diuinum. Idem Angel. verb. confessio. 2. §. 2. & Sor. d. ead. videtur assentiri. Secundo dicit Riccard. in solutione ad 21. quod quando quis non habet peccatum mortale, tenetur confiteri veniale propter præceptum Ecclesiæ. & in hoc etiam inelinat Bonau. d. ead.

2. p. 25. 2. q. 7. Alenc. 4. p. 977. m. 1. ar. 1. Pro solutione nota questionem fieri tam de fidei, quam de infidei. preterea non solum de peccatore qui habet peccatum mortale, sed etiam de iusto qui non habet conscientiam peccati. Deniq; questio procedit de peccato originali, & actuali tam mortali, quam veniali an sint, vel an esse possint materia confessionis. de qua re dictum est supra, dub. 4. Nunc ad dubium resp. infidelis non tenetur ad confessionem, sed solum fidelis; quia nondum professi sunt fidem, nec susceperunt baptismum, qui est ianua sacramentorum. Confirmatur ex can. omnis vtriusq; sexus. in quo determinatur ius diuinum. & tamen non obligat nisi fideles. Nec obstat can. baptizandi, il. 2. de consecr. d. 4. quia manuum impositio erat genus exorcismi. ideo precipitur vt fiat ante baptismum Sot. in 4. d. 18. q. 4. ar. 3. concl. 1.

Septimum dubium. In qua etate incipiat obligare hoc preceptum confessionis. cum canone omnis vtriusq; sexus precipiatur, cum ad annos discretionis peruenerint. Resp. cum primum puer fuerit dolus capax, & cognoscit peccatum mortale. i. aliquod graue peccatum, tunc tenetur. quia cap. omnis vtriusq; sexus. de poenit. non determinat annum, sed tantum dicit, *cum ad annos discretionis perueneris*. Ita Sot. d. 18. q. 1. ar. 4. concl. 3. Victor. q. 139. Ad confessionem enim non requiritur tanta discretio, quanta ad sumendam Eucharistiam. in hac enim maior requiritur reuerentia, & cognitio; vt. si possit Christi corpus deuotè sumere, & diuinitatem eius latentem adorare. Vnde communiter tempus communicandi statuitur in anno 12. in circa, & remittitur prudentis confessorij iudicio; Caiet. verb. communio. Nau. cap. 21. num. 2. Nota etiam, quòd licet pueri possint peccare mortaliter antequam duodecimum, vel decimumquartum annum, tamen Ecclesia non solet censuris eos cogere ad confessionem, cum mitius quam adulti puniendi sint, vt habetur in cap. pueris. de delictis puerorum.

Octauum dubium. An sit necessarium votum, seu voluntas confitendi in aliquo casu. Resp. esse necessarium quotiescunq; est necessaria contritio, vt in articulo mortis, vel tempore suscipiendæ Eucharistie. vel cum administranda sunt sacramenta. quia vt sit legitima contritio, includit illum votum, vt dicit Trid. sess. 14. cap. 4. & Sot. in 4. d. 18. q. 4. ar. 3.

Nonum

Nonum dubium. An hoc præceptum confessionis obliget certo tempore .i. in quadragesima, vel satis est semel in anno quodocunq; confiteri. Resp. prima opinio dicit nos teneri tempore quadragesimæ; est Petri Soti lect. 5. Medin. tra& 3. c. de p. cont. fol. 62. D. Tho. quodl. 1. q. 6. ar. 1. probant ex consuetudine vniuersali Ecclesiæ, & ex vsu excommunicandi eos qui tunc non confitentur. & ex Concilio Trid. sess. 14. cap. 7. in fine, approbantis hunc vsum Ecclesiæ. & ex quadam extrau. Xist. iij. quæ incipit, vices illius; vbi prohibet concionatoribus ne dicant, parochianos non teneri confiteri suis parochis. Secunda opinio dicit, quod non obligat in quadragesima, sed satis est semel in anno confiteri quodocunq; id fiat. in paschate verò teneri solum ratione communionis. est Soti in 4. d. 12. q. 1. ar. 4. Cani 3. par. relect. fol. 153. Ledel. q. 5. ar. 3. dub. 6. Couar. in cap. alma mater. 1. p. §. 1. num. 7. Anton. 3. p. tit. 14. cap. 19 §. 3. Quod si quis ex legitimo impedimento non possit communicare, non peccaret non confitendo, modo infra annum fuisset confessus. & si quis non communicaret, non committeret duo peccata, sed vnum. Quæ opinio mihi videtur verior, tum quia optimos habet auctores. tum etiam quia can. omnis variusq; sexus, dicit semel in anno. tum ex Trid. supra cit. quod vocat hanc consuetudinem piam, & retinendam. Non obstat consuetudo Ecclesiæ, quia est propter communionem in paschate. nec Trid. quod potius est pro nobis. neq; excommunicationes fiunt nisi propter præceptum communionis, & tunc dicerem quod si quis ex legitima causa non communicauerit, non ideo incurret excommunicationem. neq; obstat extrauagans Xist. iij. quia illa solum prohibebat rumores ne auerterent parochianos à parochis. & quamuis ponat illud tempus paschatis, id fecit quia tunc temporis est consuetudo Ecclesiæ confitendi.

Decimum dubium. An qui semel in anno, vel in quadragesima non est confessus, teneatur statim confiteri; an expectare possit sequentem quadragesimam anni sequentis. Resp. prima opinio est Anton. 3. p. tit. 14. cap. 19. §. 3. Sylu. verb. Euch. 3. q. 15. §. 3. qui dicunt non teneri, sicut non tenetur communicare qui in paschate non communicauit, nec ieiunare in alia die, qui in vigilia non ieiunauit, quia est præceptum affirmatiuum alligatum tempori, sicut præceptum de ho-

ris canonicis, de ieiunio &c. Secunda opinio est affirmativa quod teneatur sub nouo peccato confiteri, quia est præceptum affirmatiuum concludens negationem, sicut præceptum restitutionis, est Medin. tract. 2. de confess. fol. 63. Sor. in 4. d. 18. q. 1. ar. 4. Nau. cap. 31. num. 45. Victor. q. 147. Non tamen intelligimus secundum hanc opinionem quod talis quotidie, vel singulis instantibus noua peccata committat, sed est vñ continuatum. Hec secunda sententia est verior. pro explicatione dico, duobus modis determinari tempus ad præcepta. Primo, determinatur propter rationem ipsiusmet temporis. Secundo modo, determinatur non propter hoc, sed ne vltèriùs differatur tale præceptum. & huius secundi generis arbitror esse præceptum confessionis, in quo dicitur semel in anno cōfiteantur, id est ne vltèriùs tēpus protrahatur. Dices, an idem sit dicendum de præcepto cōmunionis? Nau. supra cit. respondet affirmatiue. Sorus, & Medina negatiue. idem Victor. q. 148. & hæc videtur esse communior de communione, quamuis illa Nauarr. probabilis sit. & tunc quando dicitur in paschate, sensus est, ne vltra pascha differatur.

9. Vndecimum dubium. An qui dum confiteretur oblitus est alicuius peccati, teneatur adhuc confiteri si post pascha illius recorderetur. Resp. non teneri si sine culpa est oblitus, sed potest differre in sequentem confessionem; nam iste satisfecit præcepto, confessus est enim integrè de illis quæ occurrunt. Sor. supra. & Nau. cap. 2. num. 10. Secus si culpa sua est oblitus; ut si negligenter, & inditpositè confessus est, tunc teneretur pro confessione facta invalida, quia non satisfecit nec diuino præcepto, nec humano. Vel, si existens in loco communionis recordaretur alicuius peccati, & non posset sine scandalo retrahere se à sacramento communionis, potest liberè communicare; sed postea habita opportunitate statim confiteri debet. Nau. supra. ratio est; quia concilium Trid. sess. 17. cap. 7. dicit, Sacerdotem in aliquo casu cum non habet copiam confessorij, tunc concedit posse celebrare, & deinde statim confiteri.


10. Duodecimum dubium. An qui probabiliter credit se debito tempore non habiturum confessorium, teneatur præuenire. Resp. in hoc casu teneri. Anton. 3. p. tit. 14. cap. 19. §. 3. casu 3. Sylu. verb. confessio. q. 2. casu 4. Nau. cap. 2. num. 10.

Adrian.

Adrian. q. de confess. dub. 3. caso. 4. & alij cum Cano par. 5. re-
dict. fol. 153. ratio est, quia præceptum Ecclesie determinavit
tempus, non ratione temporis, sed ratione dilationis, ne plus
ultra tempus differatur, & est communis sententia.

Decimumtertium dubium. An præceptum divinum de con-
fessione obliget statim post peccatum commissum habita op-
portunitate. Resp. negativè. & præter ea quæ dicta sunt supra
dub. 1. probatur primo ijdem argumentis, quibus probatum
est non statim teneri hominem conteri, ut supra dictum est
tract. 6. dub. 14. confirmatur; quia maior est necessitas contri-
tionis. Secundo, quia hoc est præceptum affirmativum, quod
non statim obligat. Tertio, quia male providisset Ecclesie,
statuendo præceptum annuum, & nullam faciendo men-
tionem huius præcepti, dedisset enim Ecclesia occasionem pec-
candi. Quarto, ex usu populi Christiani, qui de hoc non se
accusat.

De quiditate confessionis. Cap. II.



Primum dubium. Quid significat hoc nomen
confessio. Resp. hoc nomen confessio plura
significat in scriptura. Primo, laudem Dei,
& gratiarum actionem, Psal. 9. *Confitebor ti-
bi Domine*. Secundo, protestationem fidei
externam; Matth. 10. *Qui me confessus fue-
rit coram hominibus*. Tertio, manifestatio-

nem veritatis. Luc. 3. *Confessus est, & non negavit*. Quarto,
significat accusationem peccati, quæ potest fieri tam Deo, ut
illud psal. 31. *Dixi confitebor aduersum me* &c. aliquando fieri
homini varias ob causas, nonnunquam ut iudici, Iosue 7. *Da
gloriam Deo, & confitere, ac indica mihi quid feceris*. vel ut
petamus consilium, prou. 28. *Qui abscondit scelera sua, non
dirigetur* &c. de nulla harum confessione loquimur, sed de
quodam accusatione peccatorum, quæ fit sacerdoti cum cla-
uibus ad redimenda peccata.

Secundum dubium. Quid est confessio. Resp. Scholasticè
potest definiri hoc modo. *Est sacramentalis peccatorum accusa-
tio*

confessio facta a peccatore ad indulgentiam virtute clauium obtinendam. Sot. in 4. d. 28. q. 1. vbi sunt quatuor causæ: est causa formalis, *accusatio*; quæ quia potest esse multis modis, ideo limitatur per illud *Sacramentalis*. materia, sunt *peccata*. efficiens, est *peccator*. finis, est *indulgentia*. si petas, an confessio sit actus virtutis specialis; Resp. esse actum externum elicivum à virtute poenitentiae; licet sit imperatus ab alijs virtutibus, spe, charitate, veritate, &c. comitantur enim illam, spes gloriæ, timor iudicii, verecundia, humilitas, &c. D. Tho. in addit. q. 7. Ex his inferitur primo, quod qui peccata sua manifestant ad iactantiam, velut ea excusent, vel ad alium finem, non dicuntur confiteri. Sot. supra, & Nau. cap. 2. num. 1. Secundo, quod confessio soli Deo facta, non est sacramentalis. Sot. supra. num. 11. sic etiam confessio generalis quæ fit initio missæ, in prima, & cõpletorio, non est sacramentalis, D. Tho. in 4. d. 31. q. 2. ar. 1. & Palud. ibid. q. 1. Sylu. verb. sacramentalis. in fine. Tercio, inferitur, propriam materiam confessionis esse peccata, non virtutes, neq; scrupulos. Quarto, quod confessio quæ non fit cù spe veniæ in ordine ad absolutionem, non est sacramentalis, Sot. & Gabr. supra. Sylu. verb. confessio. 1. q. 7. & confessio 3. q. 4. Caiet. 2. 2. q. 70. ar. 1. ad 3. Sot. 1. de sacram. m. 3. q. 4. quare qui peccata sua reuelat sacerdoti ad consultandum, vel ad adducendum eum ad peccatum, ut ad hæresim, vel lasciviam &c. & non ad remissionem obtinendam, non facit confessionem sacramentalem. Vltimò inferitur, quod confessio quæ non fit proprio sacerdoti, vel habenti potestatem iurisdictionis saltem delegatam non est sacramentalis; Nau. cap. 2. num. 1. Sot. supra. minus erit sacramentalis confessio facta laico, vel non sacerdoti; Nau. ibid. Trid. sess. 14. cap. de poenit. Vel sic definiri potest: *Confessio est actus hominis exterior propriorum peccatorum cum sui accusatione in foro exteriori secreto manifestativus*. Primum verbum est *actus hominis exterior*; est enim advertendum, necessarium esse ut sit confessio, ut intercedat aliquod signum exterius, siue verbum, siue nutus, siue scriptura. secundum verbum est *manifestativus peccatorum*. Nota; quatuor modis possunt explicari peccata. Primo, verbo & per tale signum potest optimè esse confessio. Secundo, signo, & nutu; & hoc est sufficiens ad confessionem. & unusquisq; tenetur ad confessionem,

tionem, etiam mutus, siue vno, siue altero modo. Tertio per
interpretem, & iste potest sic confiteri, & absolui. Sed non
obligatur secundum communem sententiam; quia non obli-
gatur aliquis extra confessionem sua peccata manifestare.
Quarto, per literas in absentia; & ista non potest esse confes-
sio. Primo, quia potest esse mortuus quando datur absolutio.
Secundo, quia potest esse mutus absolvens. Verum est quod
per literas in presentia si poenitens legat, siue ipse confessarius
annuente poenitente, potest esse confessio, quamuis non sit
valde laudabilis iste modus confessionis per literas. Tertium
est, *proprium peccatorum* debet enim aliquis in confessione
propria, non aliena peccata manifestare, quando possunt sine
alieno peccato manifestari. Quartum verbum, *cum sui ac-
cusatione*: dicimus hoc, quia in confessione duo maximè sunt
vitanda; primo, historiae non necessariae; debent enim per mo-
dum accusationis dici peccata. Secundo, debent evitari ex-
cusationes in peccatis; non enim est reiicienda culpa in De-
monem, vel quia aliter fieri non potest &c. Quintum verbum,
in foro exteriori, vt distinguatur hoc à confessionibus iudicia-
libus. Sextum verbum, *secretum*, vt distinguamus à confes-
sione generali, quae fit in principio missae, *confiteor Deo* &c.
vt supra dictum est.

De qualitate, seu de conditionibus con- fessionis. Cap. III.

Primum dubium. Quot sunt conditiones bonae confes-
sionis. Resp. esse sexdecim quae his verbis continentur:
*Sit simplex, humilis confessio, pura, fidelis,
Atque frequens, nuda, discreta, libera, verecunda,
Integra, secreta, lacrymabilis, accelerata,
Foris, & accusans, & sit parere parata.*

Has conditiones exponit D. Tho. in 4. d. 17. q. 3. ar. 3. & in ad-
dit. q. 9. ar. 4. Sor. in 4. d. 18. q. 2. ar. 3. Anton. 3. p. tit. 14. cap. 19.
Nan. cap. 1. num. 6. & in cap. fratres. de poenit. d. 3. nu. 2. Caiet.
& alij verb. confessio. quarum sufficientia quam D. Tho. ad-
ducit, est hac: quaedam sunt ad necessitatem, & complemen-

tum

- temp. confessionis; quædam ad bene esse; si primum, potest considerari vel ut virtus, vel ut pars Sacramenti; si virtus, tripliciter considerabitur; vel virtus in generali, vel ut actus pœnitentiæ, vel ut confessio est; si ut virtus in generali, conveniunt illi illæ quatuor condiciones quæ tribuuntur unicuique virtuti, 1. ethic. cap. 3. ut fiant à sciente, ex electione, propter bonum finem, & cum firmitate quadam. Propter primum, confessio debet esse *discreta*; propter secundum, *libens*; propter tertium, *Pura*; idest propter bonum finem; propter quartum, *fortis*. Quatenus verò consideratur ut pœnitentia est, debet incipere à verecundia peccati, progredi ad dolorem eius, & terminari in sui abiectione: propter primum, dicitur *verecunda*; propter secundum, *lacrymabilis*; propter tertium, *humilis*; quatenus consideratur confessio ut sic, debet esse manifestatiua: quod posset impediri quadrupliciter; per falsitatem, obscuritatem, superfluitatem, & multiplicationem verborum; idest per occultationem. propter primum, debet esse *fidelis*; idest verax. propter secundum, sit *nuda*, idest clara, sine inuolucris obscuritatum; propter tertium, sit *simplex*; recisis superfluitatibus; propter quartum, sit *integra*. Quatenus deniq; est pars Sacramenti, ex parte pœnitentis, debet esse *accusans*; ex parte confessarij cui se subiecit, debet esse *parere parata*; ex parte modi, debet esse *secreta*. Dux aliæ condiciones sunt ad bene esse, ut sit *frequens* & *accelerata* .i. post peccatum. Quoad primam, confessio sit *Simplex*. i. non composita. esset autem composita, si artificiosè narrarentur peccata; & ea arte, ut vel non ponderarentur à confessario; vel deleberet suauitate vanæ gloriæ, seu vanæ eloquentiæ; esset enim peccatum apertum; ut docet Caiet. verb. confessio. item cauendo nequis ita generaliter se accuset, ut æquè possit intelligi esse mortale, & veniale; ut si quis dicat murmuravi, furatus sum, &c. Nau. supra. Item contra simplicitatem faceret si quis non accusaret se cum distinctione v.g. peccavi contra nonum præceptum de liberatè, vel in primo motu. ut notat Nau. ibid. Quoad secundam, *Humilis* .i. ut qui confitetur, habeat humilitatem in intellectu, in affectu, in modo loquendi, in actibus externis, in genibus flexis, capite discoperto; quæ sine peccato omitti nõ possunt, nisi rationabilis causa extiteret. Caf. verb. confessio. Quoad tertiam sit *Pura* .i. non mixta impertinentibus

nentibus ad peccata propria, alioquin committitur peccatum veniale vaniloquij, & irreuerentia Sacramenti. Caiet. verb. confessio. Nau. cap. fratres. de poenit. d. 5. num. 17. Sot. d. 18. q. 2. ar. 4. concl. 4. vnde inferitur loquutiones superfluas omnino reijciendas in confessione, praesertim cum femina; vt ait Ancon. 3. p. tit. 13. cap. 19. multo magis debet esse pura a mis-
 sione peccatorum alienorum. Quoad quartam sit *Fidelis*. 4
 verax, nam mentiri in confessione per se. i. de pertinentibus ad confessionem, est peccatum mortale: vera autem debet esse confessio tripliciter: Primo, vt nullum interfit menda-
 tium quo neget id quod commisit, vel assermet quod non fecit. quod si aliquod mendacium interfit, si sit circa peccatum mortale, est mortale secundum omnes. Quare qui scienter se accusat de peccato mortali quod non fecit, vel scienter negat se commississe nondum confessum, peccat mortaliter; Caiet. verb. confessio. cond. 4. Ledesm. 2. 4. q. 3. ar. 4. dub. 1. Nau. cap. 11. num. 37. Sot. d. 18. q. 2. ar. 4. concl. 3. Victor. q. 130. Sylu. confessio. 1. q. 8. patet ex D. Tho. 1. 2. q. 69. ar. 1. vbi dicit men-
 tiri in iudicio esse peccatum mortale; ergo multo magis mendacium perniciosum in iudicio sacramentali erit peccatum mortale, idest sacrilegium, quando est de re graui; decipitur enim confitarius circa materiam necessariam confessionis. Imo addit Caiet. ibi, quod si sit mendacium in confessione cir-
 ca peccatum veniale, est etiam mortale. nam mendacium leue cum iuramento adhibito, est mortale. ergo multo magis in hoc sacramento. idem dicit in summa. verb. confessio. Sed ego non credo, ratione leuitatis materiae, quae non est de neces-
 sitate confessionis: ita Angel. verb. confessio. 9. 70. Armill. cod. 5. 5. in vno talu esset mortale, quando veniale esset mate-
 ria confessionis. v. g. non habet aliquis nisi vnum, aut duo venialia, & in vtroq; committit mendacium, peccat mortali-
 ter, quia subtrahit materiam confessionis. Pariter esset peccatum mortale si quis scieter se accusaret de peccato mor-
 tali tanquam certo, de quo tamen dubitat auferre. Simili-
 ter peccaret mortaliter, si negaret fecisse peccatum mortale nondum confessum, quod dubitat se fecisse; haec enim sicut quae-
 stiones sunt, sic etiam sunt affirmanda vel neganda, iuxta docto-
 res citatos. verum est tamen quod si poenitens ex se sponte in-
 discreto mentiretur sine intentione fallendi, sed quia volebat

se perfecte accusare quasi eligens tutiorem partem dixerit aliquam circumstantiam, vel aliquod peccatum dubium pro certo, non peccat mortaliter. Sylu. verb. confessio sacramentalis. q. 8. Nau. supra. in cap. fratres. de pœnit. d. 5. nu. 27. Victor. q. 130. item mentiri circa impertinentia in confessione, est solum peccatum veniale; Caiet. 2. 2. q. 69. ar. 2. Nau. cap. 18. num. 3. Vict. q. 131. Sylu. supra. & est communis. Item interrogatus de veniali quod scit se commississe, si negat illud, (quia scit se non teneri ad illius confessionem) peccat venialiter. Nau. supra. Sot. d. 18. q. 2. ar. 4. & l. 5. de iust. q. 6. ar. 1. Ledesm. 2. 4. q. 5. ar. 4. dub. 4. & hoc intellige quæmuis pœnitens à principio statuerit illud confiteri; id enim nihil refert. ex Nau. cap. 21. num. 37. Victor. supra. quicquid dicat Caiet. Idem dicendum de eo qui interrogatus de aliquo peccato mortali qui iam legitime de eo confessus, negat fecisse; Nau. cap. fratres. cit. num. 24. Sylu. confessio. 1. q. 8. quia illa materia non pertinet ad illud iudicium. Imo si pœnitens æquivocaret, vel prudenter responderet, scilicet de hoc nihil habeo dicere, &c. nec venialiter quidem peccaret. Item si pœnitens se falsò accusat de veniali quod scit se non fecisse, solum venialiter peccat; at dixi; dummodo confiteatur aliquod verum quod sit materia Sacramenti. Nau. cap. fratres. num. 27. & in manuali cap. 21. num. 38. Sot. in 4. d. 18. q. 2. ar. 4. Victor. q. 131. quicquid dicat Caiet. verb. confessio. & Ledes. dub. 4. cit. Secunda confessio debet esse fidelis in hoc, ut dubium pro dubio, certum pro certo manifestetur. Tercio, quoad circumstantias mutantes speciem, idest quando est aliqua circumstantia quæ aliàs mortale facit veniale non est confitendum sine circumstantia. Quoad quintam, sit *Frequens*. i. ut qui frequenter cadit, frequenter confiteatur. hæc enim medicina hominem conservat in timore Dei. Confiteri autem sæpius eadem peccata sicut scrupulosus vituperabile est. qui nunquam putant esse ritè confessos; sic in eo qui placabilem habet cōscientiam, & quietam, laudabile est, servata tamen prudentia. Neque enim absurdum est super eadem materia remota sæpius iterari formā absolutionis; Caiet. verb. confessio. cond. 5. q. 4. licet enim materia remota sit eadem, materia tamen proxima. i. confessio ipsorum peccatorum est distincta à distincta absolutione. non licet enim in eadem confessione absolutionem iterare.

rare. Licitam autem, & utilem esse iterare confessionem, patet tum ex usu Ecclesiæ; & confirmatur ex cap. quem pœnitet. d. 3. tum propter varias utilitates quæ inde nascuntur; tum quia homo non potest esse certus de effectu confessionis; tum propter actus multarum virtutum qui ibi exercentur. tum demum quia semper confertur gratia in Sacramentis. Quoad sextam sit *Nuda* confessio. i. non vestita coloribus, seu verbis cooperientibus gravitatem peccati, vel obscurantibus, ita ut confessarius non percipiat gravitatem peccati, seu speciem &c. expectatur enim iudicium a gerente vicem Christi; ut notat Caiet. verb. confessio. Quoad septimam sit *Discreta*. i. prudens. & quantum ad verba, ut honestis vocabulis peccata exprimantur. & quantum ad circumstantias, ut non nisi necessaria (præsertim in peccato carnis) explicentur. & quantum ad modum narrandi, ne diuissim dicantur quæ simul exprimi possunt. & quantum ad querendum idoneum confessorem; Caiet. verb. confessio. cond. 7. Nau. cap. fratres. supra. cit. nu. 37. Quoad octavam sit *Libens*, id est non metu, sed amore; & sic voluntaria erit confessio, & filialis. & licet aliquando aliquis non libenter accedat, si tamen vincat seipsum; & confiteatur, sufficit ad salutem imperfectorum. Caiet. verb. confessio. cond. 8. Quoad nonam sit *Verecunda*, id est erubescens, tū apud seipsum, tum apud confessarium; confiteatur turpitudinem suam per modum erubescens; non quasi iactando, vel historiam narrando. Verecundia enim est timor opprobrii, & passio concomitans, quæ gratia Dei si fortiter superetur amore Dei, imputatur in partem satisfactionis. Caiet. verb. confessio. cond. 9. Quoad decimam sit *Integra* confessio quantum ad peccata mortalia nondum confessa, hæc enim omnia, & singula exponenda sunt cum circumstantiis necessariis, siue dubijs. Caiet. verb. confessio. cond. 10. ita ut possit confessarius percipere gravitatem peccati. Similiter ea explicentur de quibus dubitatur an sint mortalia. Medin. tract. 2. de confess. q. 6. Sylu. confessio 1. q. 1. Nau. cap. 1. num. 34. Item ea de quibus pœnitens dubitat an sit confessus. & a fortiori quæ per obliuionem in confessione omisit iuxta Sor. in 4. d. 18. q. 2. ar. 3. Ledes. 2. 4. q. 8. ar. 2. di b. 13. Ad integritatem etiam pertinet explicare numerum peccatorum mortalium, & circumstantias, ut dicemus infra. quæ integritas intelligitur ad

10
Undecimam
conditionem
vide infra,
post dubium
decimæ sex-
tum.

unum, & eundem Sacerdotem. Nau. cap. consideret. §. captiuus. de pœnit. d. 5. & in manual. cap. 9. num. 14. Medin. c. de pœnit. q. 8. Sor. in 4. d. 18. q. 3. ar. 5. Victor. q. 196. excluduntur ab hac integritate peccata actualia commissa ante baptismum, & peccatum originale. peccata verò venialia licet possint esse materia confessionis, non tamen sunt necessariò confitenda, ut supra dictum est. mortalia verò legitimè confessa licet deinde possint esse materia, non tamen id est necessarium. Caiet. verb. confessio. Nau. cap. 9. num. 3. & cap. fratres cit. num. 63. Imo neq; potest sanciri lex quæ ad id obliget; ut dicam infra. Quod autem confessio debeat esse integra, probatur; quia dimidiata confessio repugnat absolutioni; impium enim est à Deo dimidiatâ sperare salutem. & definitur in Concilio Trid. sess. 14. cap. 5. de pœnit. & est communis sententia. De Tho. in addit. q. 9. ar. 3. Caiet. verb. confessio. Sor. in 4. d. 8. q. 3. ar. 3. Nau. in cap. consideret. cit. August. 1. de vera & falsa pœnit. cap. 13. Leo ep. 89. Chrysost. hom. 10. ad hebr. Secundo patet, quia hæc est ratio iudicii, ut omnia crimina dicantur confirmatur, quia tam latè patere debet accusatio, & cognitio criminum in iudicijs, quàm latè patet ipsa sententia; sed in foro pœnitentiæ sententia iudicis. i. absolutio ad omnia peccata se extendit; ergo & accusatio tam latè etiam patere debet. Tercio, quia confessio est signum externum internæ contritionis, & materiæ futuræ absolutionis; sed non potest esse contritio de vno, & non de alio, nec absolutio de vno & non de alio; ergo &c. Addo quia hæc integritas est de iure diuino, ut omnes fatentur. & patet ex cap. omnis vtriusq; sexus. de pœnit. & remiss. ex Concilio Flor. & Trid. cap. 5. citatim, quia sicut præcepta est confessio de iure diuino, ita & integritas. cum aliter non possit Sacerdos bene indicare. item, quis eum materia Sacramenti sit confessio, nulla est ratio cur aliqui dici debeant, & alii non. item, quia sic semper intellexit Ecclesia. Sed quoniam circa hanc decimam conditionem nonnulla insurgunt dubia, idcirco facillè ea expediemus si ad duo capita reuocemus. Primum erit de modo huius integritatis. Secundum de casibus in quibus licet dimidiare confessionem circa primum sic.

Secundum dubium. An qui confitetur teneatur diligenter excutere conscientiam, an satis sit confiteri quæ memoriæ

occur-

occurrant. Resp. primo, non tenetur poenitens summam diligentiam adhibere in conservandis memoriæ peccatis, vel discutendâ cōscientiam, vt integra suo tempore confiteatur. probatur; quia lex Dei esset nimis onerosa, cum tamen sit iugum suave. Item, quia multi sunt obliuioſi, & tamen non cogimur scribere, ac notare peccata, & demum quia salus iustorum redderetur impossibilis, vt rusticorum, & rudium, qui nesciunt scribere, & ingenio carent. Deniq; quia nemo tenetur facere quantum potest, sed quantum pro rei qualitate, decet. ita Sot. in 4. d. 18. q. 2. ar. 4. Nau. cap. 21. num. 35. Sylu. verb. confessio. 1. q. 2. Secundo dico, quod si nulla sit diligentia, nulla est confessio, tenetur igitur homo ante confessionem examinare conscientiam discurrendo per loca, tempora, personas, negotia, &c. & qui ita non facit, peccat mortaliter; quia tenetur confiteri integrè, ergo tenetur ad diligentem discussionem, ita definit Concilium Trid. sess. 14. cap. 3. de poenit. hæc autem diligentia non est æqualis in omnibus, sed debet haberi ratio temporis, vitæ, & memoriæ temporis, vt maiorem faciat diligentiam qui per annum non est confessus, quàm qui per mensem, vitæ, maior enim diligentia requiritur in mercatore, quàm in rustico. Memoriæ, nam aliqui sic pollent memoria, vt statim recordentur; alij contra. Quid dicendum est de multis rusticis, qui accedunt ad confessionem statim ac illis dicitur. Resp. sufficit; quia tam erunt parati post mensem, quàm modo. Tertio dico; hæc diligentia debet esse moralis, arbitrio boni viri, idest tanta quanta adhiberi solet pro re ardua quæ maximè nobis est cordi. Nau. cap. fratres de poenit. d. 5. num. 66. 7. Scot. in 4. d. 17. q. 1. ar. 2. can. relect. de poenit. Palud. in 4. d. 17. q. 2. ar. 1. dicit, quod debet facere quod potest. Maior. d. 17. q. 1. dicit, quod debet adhibere tantam, quantam adhiberet recitaturus latinam orationem coram eruditis, & redditurus rationem coram Domino vigili. Vnde puto quod qui diligentiam humanam & mediocrem adhibet in examinanda conscientia, satisfacit huic præcepto. Voco humanam diligentiam quam homines prudentes adhibere solent in grauib. negotijs. probatur, quia hoc iudicium misericordiae est, non vindicatum. Item quia Concilium Trid. sess. 14. cap. 3. de poenit. requirit solum diligentem discussionem, &c. ita Sot. in 4. d. 18. q. 2. ar. 4. Tab. verb. communicare.

q. 29. Scot. in 4. d. 17. q. 1. ar. 2. Victor. q. 161. ex quo inferitur primo, in casu necessitatis tantam requiri, quantam tempus patitur, & non amplius. Secundo, extra tempus necessitatis, tantam quantam iudicat confessarius prudens satis esse, ut cum suis interrogationibus ille integrè confiteatur; secus non. Terrio, multi rustici possunt cum aliquali eorum discussione, sub hoc titulo confiteri. Quarto, qui sepe confitentur, minima diligentia tunc possunt accedere ad confessionem. Unde Nau. supra, dicit nimis diligentes & anxios in hac re, peccant venialiter; contra illud, *Nequid nimis*. Quarto dico: Si quis adhibeat eam diligentiam quam probabiliter putat esse sufficientem, maxime auxilio confessarii, etiam si deciperetur; quia scilicet non esset verè sufficiens, excusaretur à peccato, & confessio esset valida. ita Nau. cap. fratres. cit. n. 60. Caiet. verb. interrogationes, interrog. tertia, præambulo ad confessionem. Victor. q. 160. Hinc patet quòd diligentia quæ sit non est sufficiens, quando quis ad confessionem accedit animo respondendi ad interrogata, auxilio confessarii prudenter examinantis, & interrogantis, sit sufficiens; ut notant Nau. & Caiet. supra, quod est observandum pro confessariis rusticorum.

Terrium dubium. An in confessione distinctè aperiendæ sunt species peccatorum? Resp. affirmativè; nam alioqui non esset integra confessio, neq; integrum iudicium; non enim innotesceret confessario status penitentis. & patet ex Trid. sess. 14. cap. 5. Et ex eam consideret de penit. d. 7. & est communis sententia. hinc patet non satis esse confiteri generalissimè, ut peccaui nimis contra legem Dei, dicta ratione; quia non innotesceret status confitentis confessatio. neq; satis esset se generaliter accusare dicens, peccaui contra primum præceptum, vel superbia, vel gula, &c. quia sic non potest cognoscere gravitas peccati, nec ferri potest certa sententia in iudicio. Inferitur etiam omnes species esse exprimendas quæ differunt in genere moris; & sunt communiter notæ; ut furti, homicidij, &c. dixi in genere moris; nam si tantum differant in genere naturæ, non esset necesse aperire; ut v. g. diuinatione, in igne, aqua, &c. sicut neq; furti, auri, argenti, &c. simpliciter neq; species latentes, seu reconditas, quæ vix doctis sunt notæ; ut docet Caiet. opus. de confess. q. 3. Scot. in 4. d. 18. q. 20.

ar. 4. concl. 6. Viſor. q. 176.

Quartum dubium. An circumſtantiz peccatorum neceſſario ſint aperiendæ in confeſſione. Reſp. quod circumſtantia eſt accidens humani actus illum aliquo modo attingens. dicitur autem accidens, quia non eſt de ſubſtantia actus, ſed ſuperuenit ſubſtantiz conſtitutz, & illam circumſtat. de qua materia diſputat D. Tho. 1. 2. q. 7. ſunt autem ſeptem circumſtantiz quæ hoc verſu continentur.

Quis, quid, ubi, quibus auxilijs, cur, quomodo, quando.

Sciendum eſt enim quatuor eſſe in ſubſtantia actus, ſcilicet agens ipſum, obiectum, finis, & ipſemet actus. circa iſtam ſubſtantiam occurrunt ſeptem iſte circumſtantiz. nam ex parte actus ſunt tria, tempus, locus, & modus. ex parte finis, eſt circumſtantia, *cur*. eſt enim duplex finis, quidam intrinſecus ipſiſmet actus. Secundus eſt agentis, & operantis potius, quàm actus. Secundus eſt ipſemet actus. Primus eſt de ſubſtantia actus. ex parte agentis eſt circumſtantia, *Quis*. eſt enim duplex agens, primus per ſe, & eſt de ſubſtantia; ſecundus ſecundum aliquid adiunctum illi, vt quod ſit religioſus, Pontifex, Imperator, &c. Ex parte obiecti eſt circumſtantia, *Quid*, eſt duplex *quid*, primum eſt ipſum obiectum per ſe, & hoc eſt de ſubſtantia actus. Secundum eſt aliquid annexum obiecto, & hoc eſt circumſtantia; vt furari pecunias, vel mille, vel pauciores. Demum eſt instrumentum, *Quibus auxilijs*. Harum autem circumſtantiarum aliz ſunt impertinentes, aliz pertinentes. Impertinentes ſunt, vt ſiquis de nocte, vel de die blaſphemiauerit. & haec certum eſt eſſe ſuperſtuas. dicere in confeſſione, contra illam conditionem, confeſſio ſit ſimplex. Sor. in 4. d. 18. q. 2. ar. 4. Caiet. verb. confeſſio. Pertinentium verò aliz ſunt minuentes, aliz aggrauantes. Minuentium, aliquæ ita minuunt vt de mortali faciât veniale, vel nullum; vt ſiquis vel quid leue furetur, vel in extrema neceſſitate; & hæ ſunt aperiendæ in confeſſione; nam alias deciperetur confeſſor in re graui, & eſſet iudicium irritum. Sor. ſupra, concl. 5. Aliz minuunt intra latitudinem mortalis, quæ tamen peccatum mortale in ſua ſpecie reliquunt; & hæ minuentes hoc modo nunquam ſunt neceſſario dicendæ; Nau. cap. 6. num. 1. quia homo in confeſſione debet coram Deo ſua peccata non excuſare, ſed accusare confeſſione nuda, & pura. addo tamen quod

quod quando multo minueret, & timeretur scandalum confessoris, vel primum iudicium, est utile illas aperire; Bonau. in 4. d. 17. q. vii. quando vero non minuit notabiliter, non sunt dicendæ. De aggrauantibus circumstantiis quæ mutant speciem, est de fide esse exprimendas; ex Trid. sess. 14. cap. 3. & can. 9. ex communi sententia. v. g. dicit aliquis, ego habui actum carnalem cum quadam femina, explicare debet coniugata ne fuerit, an virgo, &c. illæ autem mutant speciem quæ faciunt de veniali mortale, vel addunt actui nouam deordinationem, seu deformitatem; vt ait D. Tho. in 4. d. 16. q. 3. ar. 2. q. 3. vt si quis ioco surripuit alicui sudarium, sed vt faceret illum blasphemare; quia nouit illum esse iracundum. Secundo, omnis circumstantia quæ mutat, & multiplicat peccatum, est confitenda. v. g. facit aliquis votum castitatis, & fornicatur, debet explicari hæc circumstantia; quia est duplex peccatum, contra præceptum, & contra votum, & consequenter est sterilegium. vnde si incidit vigilia cum quatuor temporibus, & violetur ieiunium, debet explicari hæc circumstantia, secundum Medin. c. de confess. & Nau. cap. 6. num. 6. 7. & 20. & cap. consideret eic. num. 24. Tertio, est manifestanda circumstantia quæ procedit contra aliquam excommunicationem latam. v. g. prohibentur periuria sub excommunicatione tali tempore, non satis est crimen aperire, nisi etiam explicetur excommunicationis. Quarto, est explicanda etiam circumstantia, quæ necessaria est ad satisfactionem tertie personæ. Quinto, circumstantiæ aggrauantes notabiliter intra eandem speciem peccatum, sunt necessario confitendæ. est Alphodorus. l. de confess. cap. 3. Alens. 4. p. q. 77. m. 3. ar. 1. Gabr. in 4. d. 17. q. 1. Marfil. q. 17. ar. 1. Maior. 12. q. 4. Sot. d. 18. q. 2. ar. 4. concl. 7. can. relect. de penit. Adrian. l. 4. de confess. Victor. q. 176. probatur primo, quia furari 1000. aureos laico, est minus peccatum quam furari duos ab Ecclesia: ergo est exprimenda quantitas. Secundo, quia per multos dies persistere in proposito occidendi hominem, & postea occidere, est grauius peccatum quam ex ira statim occidere: ergo est aperienda circumstantia. Tertio, quia incestus cum matre, filia, sorore, nepte, vel alia consanguinea, non differunt specie, ex D. Tho. 2. 2. q. 134. ar. 9. & tamen nemo dicit non esse aperiendam hanc circumstantiam. Imo Nau. tenet mutare speciem specialissimam, cap. 7. num. 4. & cap.

& cap. 10. num. 3. postremo ; quia vt ait Sor. facilius est cognoscere qualitatem peccati ex grauitate ipsius, quàm ex differentia specifica . has enim differentias vix Theologi sciunt ; ergo &c. Nihilominus dico sexto, probabilem esse sententiam illorum, qui dicunt huiusmodi circumstantias aggrauantes intra eandem speciem non esse necessariò aperiendas , quamuis vtilius dici possint . est D. Tho. in 4. d. 17. q. 3. ar. 2. q. 5. Bonau. d. 17. q. vlt. Dur. d. 16. q. 4. Medin. c. de confess. Sylu. verb. confessio. 1. q. 9. Nau. cap. 6. num. 6. & 10. & cap. consideret. nu. 24.

Quintum dubium . An peccata confessario nota , sint aperienda cum circumstantijs . Resp. peccata esse confitenda quamuis nota confessario ; quia quamuis ille sciat , non tamen scit vt iudex , & v. carius Christi in foro interiori . est communis sententia . Sylu. verb. confessio. 2. q. 3. Nau. in cap. consideret. cit. num. 61. Sor. in 4. d. 18. q. 2. ar. 3. Circumstantiæ verò quando ex confessione peccati implicite exprimuntur , ita vt intelligantur à confessore , non est opus expresse confiteri . v. g. si confessarius sciat pœnitentem esse Sacerdotem , vel quoties peccauerit , satis est confiteri peccatum . Sylu. verb. confessio. 1. q. 11. Imo si confiteatur hoc modo ; me accuso de his quæ tibi dixi , vel scis me commississe , satis est ; quia hic verè confitetur , vt docet Medin. c. de confess. Dices , an in confessionibus generalibus liceat omittere aliqua peccata . Resp. si dicat pœnitens se velle confiteri omnia peccata , & omittat aliqua scienter , peccat mortaliter ; quia decipit confessorem in re graui . Si autem dicat se velle confiteri aliqua , potest licite omittere quæ ritè aliàs confessus est . Imo in confessione generali non requiritur tâta conscientiae examinatio , sed potest per multos dies prorogari . Ita Victor. q. 166. & Sor. in 4. d. 18. q. 2. ar. 5.

Sextum dubium . Quando est aperienda circumstantia personæ ? Resp. quando mutat speciem , vt si esset religiosus , habens votum qui fornicaretur . & ex hoc patet quid dicendum sit , an in supro mentali necessariò dicenda sit circumstantia personæ . Licet enim Sor. in 4. d. 18. q. 2. ar. 4. dicat non esse necessariò dicendum in mentali , quia non mutat speciem , licet in actuali concedat quia mutat ; tamen in vtroq; idem dicendum est cum Nau. cap. 6. num. 7. ratio est ; quia actus interior , & exterior sunt eiusdem speciei ; ergo si exterior mutat

l i i

speciem,

speciem; ergo & interior. Aduerte quòd confessorius debet esse cautus in petenda tali circumstantia: si non dicatur, ut si sit virgo, vel non. tum quia opinio Soti habet aliquid probabilitatis; tum etiam quia non omnia sunt dicenda.

Septimum dubium est, de circumstantia conscientie contrarie. quando quis scit illud esse peccatum, & tamen facit. Resp. affirmatiuè. Adrian. q. 4. de confess. & Medin. fol. 53. Negat Nau. cap. consideret. cit. ego Respondeo primo, non esse dubium quòd conscientia erronea potest aliquando facere peccatum mortale quando non est; & tunc est dicendū. Respondeo, secundo, quòd illa circumstantia conscientie contrarie præter casum dictum, non est mutans speciem; nec est necessariò confitenda. & etiam si esset aggrauans, tamen non est necessaria; quia intelligitur nisi contrarium dicatur.

Octauum dubium est, de circumstantia scandali. Resp. primo, quòd quando scandalum est peculiare peccatum, est dicendum. quod tunc est, quando aliquis facit, vel dicit aliquid intendens per se alium trahere ad peccatum. Resp. secundo; quòd quando est solum circumstantia, tunc est dicenda, quando ego poteram aduertere ex meo dicto, vel facto alium inducere ad peccatum; aliàs non est necessarium dicere.

Nonum dubium. Circumstantia loci sacri quando est dicenda. Respondet Caiet. 1. 2. q. 7. ar. 1. quando dicitur, vel fit aliquod peccatum quod directè opponitur sanctitati, & immunitati Ecclesie. cuius rei optimum esset iudicium quando peculiari præcepto esset prohibitum; aliàs non. Declaratur exemplis, ut de effusione sanguinis cum vi in loco sacro; & seminis effusione voluntaria, & furto. & quando fiunt temporalia in loco sacro. Quid si quis cogitet interiùs facere aliquod peccatum in templo? Resp. si illa circumstantia tenet se ex parte obiecti, est dicenda. aliàs non.

Decimum dubium. An circumstantia temporis sacri sit dicenda? Resp. communis opinio negat; quia præceptum in die festo est præceptum de opere corporali. non peccare autem est finis; finis autem non est in præcepto: ut dictum est supra. tract. 5. cap. 2. dub. 6. nec valet dicere, mortale est opus seruile; quia idem dicam de veniali. nec valet quòd circumstantia loci sacri sit necessaria; quia illa habet peculiare præceptum; hoc autem non.

Vnde-

Undecimum dubium . An numerus peccatorum sit necessarius exprimendus in confessione . Resp. affirmatiue . numerus in peccatorum non est circumstantia , sed additio peccati . peccatum tenetur igitur vnusquisque singula peccata confiteri , alias confessio non esset integra . nec mirum si D. Tho. 4. sent. nihil dixerit de numero ; quia eodem precepto quod debetur confiteri omnia peccata , iubemur etiam confiteri & regula , vt notat Sylu. q. 11. & Sor. in 4. d. 18. q. 2. ar. 4. concl. 1. eo D. Tho. opus. 12. dicit , quod homo tenetur confiteri numerum peccatorum sicut potest . quare qui decies blasphemauit , idq; recordaretur , debet exprimere ; nam si diceret se blasphemasse nouies , confessio non esset integra . est sententia communis Sylu. & Sor. supra . & Caiet. q. 3. de confess. Nau. cap. 6. am. 14. Petri Sor. lect. 9. & aliorum . quicquid dicat directorem , & Archid. qui tenent satis esse vt quis dicat ; sapius se , quod peccatum commisisse . cum tamen id possit ita verificari de octo , sicut de centum . Nau. & Sor. supra . & Victor. 178. Non est autem necesse ita singula confiteri ; vt sigillatim numerentur ; sed satis est ita explicare vt Sacerdos intelligat qualitatem poenitentis . vt v. g. si quis decies blasphemauit Deum maledicendo , non est necesse dicere prius blasphemauit sic , deinde sic &c. sed satis est dicere , decies Deum sic blasphemauit . Caiet. Sor. Victor. & alij supra . nam hoc est iudicium misericordiae ; & non vindictae , vt notat Caiet. & Sor. quod intelligendum est , nisi aliquod illorum peccatorum haberet circumstantiam aggravantem , quia tunc esset distinctè explicanda . Secundo dico ; quod quando certò sciri potest numerus , est exprimendus modo dicto . quādo verò facto examine non potest sciri , dicatur plus minus ; vt ; falsò iuravi decies plus minus . In quo cauendum est ne incidat in extrema , vt pluries se peccasse dicat quā peccauit ; vel minus , vt notat Sotus . Dices ; quid si quis confessus est saepe iurasse , puta decies , & postea recordetur pluries se id peccatum commisisse ? Respondet Sotus , si excessus sit notabilis , tenetur ; alias non . vt v. g. si omisit vnum vel alterum , quia plus minus numerum assecutus est , non est enim necesse eorum punctualiter scire ; vt docet Cict. supra . & Victor. q. 179. Tercio dico . quod quando per longam consuetudinem & tempus peccandi non potest quis confiteri præcisum numerum , coniectura sa-

tis est exprimere, idest quandiū perseuerauit in illo peccato; vt de meretrice, latrone, &c. Caiet. q. 3. de confess. & Viāor. supra, Ego verò tutius esse puto cum Soto tales personas confiteri debere numerum verisimilem cum circūstantijs necessarijs; vt quoties in hebdomada, vel mense, cum quibus personis, &c. quia non omnes qui sunt in statu peccati sunt pares in peccando. vbi nota ex Nau. in cap. consideret. d. 5. num. 46. & in manuali cap. 6. num. 16. quòd numerus peccatorum multiplicatur quoties peccatum reiteratur secundum actum, etiam si voluntas peccandi semper duret. vt latro qui habet animum semper furandi, secundum actum internum, committit vnum peccatum, sed quoties actu furatur, toties peccat secundum actum externum. Omnes autem actus interni, & externi qui tantum sunt via ad vnum peccatum, etiam si illi actus fuerint interrupti, vnicum tantum efficiunt peccatum. vt v. g. aliquis preparat arma, equum &c. ad occidendum inimicum, quamuis actum voluntatis interrumpat verbis, sono, & alijs, tamen vnus reputatur actus in genere moris, etiam si in genere naturæ sint plures actus; vt dicit Nau. cap. 6. num. 16. & in dicto cap. consideret. num. 46. ex Caiet. tom. 1. opus. 17. q. 3. & proinde satis est exprimere principale peccatum, nempe homicidium: Sot. in 4. d. 18. q. 2. ar. 4. Dixi *Qui sunt via ad vnum peccatum*; nam si adiungantur actus qui non necessario comitantur dictum actum peccandi vt via ad illum, sunt distinctè exprimendi in confessione; quia sunt distincta peccata; vt si quis dum furatur blasphemet &c. ita Cano supra. & Nau. cap. 6. num. 18. Quarto dico, quòd actus voluntatis interrupti per actum contrarium pœnitentiæ, sunt distinctè confitendi; quia sunt distincta peccata; actus enim priores non possunt coniungi cum posterioribus, quia fuerunt interrupti per actum contrarium. v. g. aliquis habet animum occidendi inimicum, postea dolet, & proponit non occidere, sed iterum deinde deliberat occidere, non est vnus actus, sed duo; & sic de alijs. si autem interromperetur per non contrarium, sed per diuersum, vt somno, verbis &c. esset vnus actus. ita D. Tho. 1. 2. q. 20. ar. 4. Nau. cap. consideret cit. num. 46. Ex his inferitur primo, quòd quando aliquis vno impetu fertur in plures actus quorum vnus est in via, vel consequens ad alium, reputatur vnum peccatum. vt v. g. si quis percutiat clericum

ricum pluries vno impetu, vna reputatur percussio; Nau. cap. 6. num. 17. si tamen aliquis proferat plures iniurias distinctas contra alium, sunt plura peccata; vt si vocet furem, falsarium, hæreticum, sunt tria peccata specie distincta; quia in genere moris differunt specie. Nau. ibid. cap. 18. similiter si maledicat toti familiæ, vel collegio, vel omnibus Apostolis, erit vñ peccatum; quia moraliter hæc pro vna persona sumuntur. Si quis autem maledicat Petro, & eius familiæ, erunt duo peccata. Nau. supra. Secundo inferitur, quòd si quis incidens in molliciem concupiscat virginem, viduam, nuptam, cognatā, & monialem, ista sunt quinque peccata specie distincta, coniuncta cum mollicie. Nau. ibid. Tertio inferitur, quòd iuuenis qui puellam persequitur turpi amore, & multos alios externos facit interpollatos, pluries peccat, Nau. ibidem.

Duodecimum dubium. An peccata quæ sunt in ipso baptismo spectent ad integritatem confessionis, ita vt quis teneatur ea confiteri? Resp. primo, fictionem (quæ est indigna susceptio sacramenti) pertinere ad sacramentum pœnitentiæ. Secundo respondet Sor. in 4. d. 6. q. 1. ar. 8. quòd etiam sunt cōfistenda illa peccata per quæ irrogatur peculiaris iniuria sacramento baptismi. Tertio, adderem quòd omnia illa peccata sunt materia confessionis quæ committerentur cum forma sacramenti baptismi conficitur: ratio est; quia ista peccata videntur iam esse hominis baptizati; & potius sunt peccata commissæ post baptismum, quàm ante. Confirmatur; quia ideo fictio pertinet ad clauis, quia est peccatum hominis baptizati; ergo &c. & in hoc sensu explicato intelligo D. Tho. in 3. p. q. 69. ar. 10. ad 2. vbi dicit remitti per baptismum etiam peccata existentia in baptismo. Similiter August. l. de baptis. cap. 11. vbi dicit per baptismum solui non solum externum diem .i. peccata ante baptismum, sed etiam ipsam horam, momentumq; istos ego expono de peccatis quæ sunt cum incipitur baptismus, & quæ remittuntur; non autem de illis quæ manent in ultimo instanti quo perficitur forma.

Decimum tertium dubium. Quid agendum quando pœnitens non videtur posse dicere numerum peccatorum. Resp. primo, si facta diligentia ad quam tenetur, non potest certum numerum exprimere, dicat plus minus, vt dictum est supra dub. 11. dicto, secundo circa secundam partem huius decimi

condi-

conditionis; an sint aliqui casus in quibus liceat dimidiare confessionem; Nota, tria posse impedire integritatem confessionis: Primum est impedimentum naturale, quando .i. aliquis morbo correptus in articulo mortis non potest loqui. Secundum est mortale; quando .i. homo non potest confiteri peccata sine suo, vel alterius graui periculo, vel scandalo, vel non sine reuelatione complicitis alterius. Tertium est legale; quando quis habet casus reſeruatos ſuperiori. Quoad primum ſequitur:

Decimumquartum dubium. An ægrotus qui integrè non potest confiteri propter impedimentum naturale, poſſit abſolui. Reſp. prima opinio dicit non eſſe neceſſariam integram confessionem, ſed neceſſariò requiri vt aliquod particulare peccatum confiteatur ſaltem matibus, vel ſignis, alioquin non debet abſolui. ita Abſplenſkin 16. cap. Matth. q. 79. ſot. in 4. d. 18. q. 2. ar. 5. Nau. cap. 26. num. 28. cap. 27. num. 268. Cano reſect. de pœnit. fol. 149. & Ledefm. & probatur; quia ſi non eſſet materia, non poſſet applicari forma abſolutionis. Secundo, quia confefſio eſt actus iudicialis qui non potest exerceri non cognita cauſa, ergo oportet confiteri aliqua peccata. Tertio, quia illa ſigna pœnitentis ſunt vniuerſalia quæ quiniſ ſanctus poſſet ſuocere. Quarto, ex Trid. ſeſſ. 14. can. 9. ſiquis dixerit confessionem pœnitentis non eſſe neceſſariam vt ſacerdos eum abſoluere poſſit, anathema ſit. Secunda opinio eſt; quòd ſi homo in illo caſu nullum particulare peccatũ confiteatur, ſi tamen oſtenderet ſigna contritionis, vel habeat telles ſuz contritionis, eſſet abſoluendus. eſt opinio Anton. 3. p. tit. 10. cap. 2. Aleſi. l. 5. ſum. tit. 16. D. Tho. opul. 63. cap. de extrema vnct. Angel. verb. confefſ. 4. §. 8. Driedonis l. de baptiſ. tit. 2. cap. 3. Medina. c. de confefſ. de abſolutione ab obliſcis. probant primo, ex Concilio Arauſ. cap. 12. vbi dicitur quòd ſubito obmutefcẽs baptizari, & pœnitentiam accipere poſſet. & ex Concil. Carthag. 3. cap. 34. & habetur cap. ægrotantes, de confeſ. & in Carthag. 4. & habetur 26. q. 6. & concordat can. agnouimus, ibid. Secundo, probatur ex ep. Leonis Papæ 89. ad Theodoſ. q. 2. vbi expreſſè dicit non eſſe negandam hiſ, etiam ſi vocem emittant. & ex ſacerdotale Romano approbato à Leone X. vbi de viſitatione infirmorum. & Auguſt. l. de adulter. coniug. cap. vii. videtur dicere eundem, nec baptiſmum, nec pœnitentiam

nam his desperatis debere negari. Tercio, quia non videtur aliàs sufficienter prouisum in talibus casibus. Harum opinionum, prima speculatiue est vera. Sed practicè exercerem secundam; quia cum multi doctores id sentiant posse, scilicet absolui, potest confessor tuta conscientia illis acquiescere; & magis fauet salutì animarum. Nec obstant in contrarium adducta. Ad primum enim resp. quòd adest materia illa quæ potest adesse; ipse nanq; se accusat peccatorem, & obligatum Deo. Ad secundum, confessarius in tali casu iudicat vt potest. Ad tertium, illa signa in tali casu sunt signa contentis aliquo modo quo potest, & intelligitur hoc, quando confessarius fecit totam diligentiam vt aliquo modo colligat aliquod peccatum etiam minimum. & in hoc nemo dubitat. Ad quartum loquitur ibi contra hæreticos.

Decimumquintum dubium. An liceat dimidiare confessionem quando timeretur ex ea periculum vitæ propriæ, vel alterius, vel graue scandalum, vel infamia, vel occasio peccatorum. Resp. prima opinio, aliqui dicunt in eo casu esse, omittendam confessionem; quia in illo casu perinde est ac si non haberet copiam confessarij, cum integritas sit de iure diuino. hæc opinio tribuitur D. Thomæ, & Bonau. Secunda opinio est aliorum qui dicunt, tunc esse dimidiandam confessionem omittendo peccata; vel circumstantias, ex quibus imminet dictum periculum; est Caiet. verb. confessio. cond. 10. Sor. in 4. d. 18. q. 1. ar. 6. ad 4. Medin. c. de confess. q. de integritate non semper seruanda. Nau. cap. 7. num. 3. & cap. 8. num. 6. Sylu. verb. confessio. 1. q. 18. Pro solutione dico primo, non tenetur talis confiteri huiusmodi peccatum. probatur ex Bern. l. de præcep. & præceptorum dispens. quod ex charitate institutū est, non debet militare contra charitatem; sed confessio integra in tali casu esset contra charitatem; ergo &c. secundo, lex diuina non destruit legem naturæ qualis est de non infamando, vel seruando vitam alterius; ergo in tali casu illa lex non obligat. Confirmatur; quia quando duæ obligationes simul conueniunt, & vtraq; seruare non potest, minor obligatio debet cedere maiori, sicut est in isto casu. ex qua regula soluantur multi casus. Primus est, licere dimidiare confessionem quando timetur infamia, vel aliud damnum; & intelligo quando infamia, vel damnum est res notabilis: vt si sit periculum

periculum erga se, vel erga confessorem, vel erga tertiam personam in honore, in fama, in pecunijs, aut in rebus spiritualibus. v.g. quando aliquis confitetur peccata sua, & existimās probabiliter quòd si dicat aliquod peccatum incidet in discrimen vitæ, potest dissimulare. Item mulier habet peccatum carnis, & timet probabiliter quòd confessor sollicitabit illam si audiat tale peccatum, non debet dicere. Sylu. verb. confessio. l. §. 10. Sot. in 4. d. 18. q. 2. ar. 5. dicit tamen Sotus non esse notabilem infamiam quando nihil aliud sequetur nisi quòd sciet confessarius personam cum qua peccauit cum maxima infamia, an teneatur in isto casu confiteri. v. g. est aliquis qui habet confessorem notum sibi, habet peccatum incestus cum matre, si dicat hanc circumstantiam, infamabit matrem. Nau. cap. 7. num. 3. dicit quòd non debet confiteri hanc circumstantiam. Tamen contrarium est communius, & securius. ita Bonau. in 4. d. 2. Gabr. in 4. d. 17. q. 1. ar. 5. Sylu. verb. confessio. §. 19. & Sot. supra. quia in confessione nō est infamia, sicut non se infamat qui dicit peccatum suum, ita neq; est vera infamia licet dicat peccatum alterius; peccant tamen graviter pœnitentes qui sine vlla necessitate reuelant peccatum alterius. Nota quòd potest confessor in casu necessitatis plures simul audire in confessione licet vnus alterum audiat, & simul absolueret. Sylu. verb. confessor. l. §. 12. Secundus casus est, quando sacerdos aliquis confitetur sua peccata, & non potest integrè nisi sequatur reuelatio alicuius peccati auditi ab ipso in confessione, tunc non debet dicere illam circumstantiam, vel illud peccatum. & miror Sotum in hoc casu dubitasse in 4. d. 18. q. 4. ar. 5. nostra sententia est cum Palud. Medin. fol. 54. Nau. cap. 8. num. 6. Tertius est, quòd potest aliquis, vel aliqua puella manifestare confessario illum à quo sollicitatur & in confessione, & extra, ad petendum consilium, & remedium; quia hoc non est infamare. & qui sollicitat sua culpa, hoc iure famæ se priuat. Dices primo, an in istis casibus quando confessio differri non potest, liceat dimidiare confessionem. Resp. primo, si confessio non est necessariò facienda, debet differri in aliud tempus, ne sine causa dimidiatur; quia præceptum de integritate est maius. Secundo, si non potest differri, & confessio est necessariò facienda, tenetur pœnitens petere licentiam confiteudi alteri à proprio sacerdote,

cui

ui possit omnia dicere, si posset commodè fieri, & impetrari. Tercio, si hoc non potest, & non sit alius, & necessitas confitendi urgeat, licet in hoc casu omittere illud peccatum, vel circumstantiam; quia integritas confessionis est de iure diuino positio: Sed vitare dicta pericula, & mala, est de iure naturali. intelligo autem necessitatem qua homo ratione præcepti Ecclesiæ, vel diuini, tenetur confiteri; vel ratione communionis, quam sine scandalo non possit differre: Dico secundo, quòd si quis fecit diligentiam in inquisitione præcedentium peccatorum, & postea est oblitus tria, vel quatuor peccata, illa fuit vera confessio, & consequutus est remissionem omnium peccatorum confessorum, & non confessorum. Si tamen post confessionem recordatur peccatorum, tenetur confiteri, sed potest cum eodem, vel cum alio confessore. nec tenetur peccata præcedentia repetere, nec illo anno confiteri; sed potest differre vsq; ad sequentem annum si recordatur peccatorum post communionem; nam si nondum communicauit, tenetur confiteri antequam communicet. Sylu. verb. confessio. §. 3. Dico tertio, quando quis mutus est, & non potest omnia peccata explicare verbis, tunc est absolendus paucis significatis per nutum. Dico quarto, quando peccata mortalia aliàs sunt iam confessa, v. g. confitetur quis generaliter, non obligatur omnia dicere, etiam quorum non recordatur. Dices secundo, an liceat confessorio interrogare poenitentem de complice vt eum corrigat. Resp. affirmatiuè. Sylu. verb. confessio. l. q. 34. & alij quos citat. ita tamen vt dicat extra confessionem, vel det licentiã loquendi de illis extra confessionem; non tamen debet ad id illum cogere. Anton. 2. p. 2. cap. 2. ar. 3. §. 3. & i. l. unde patet quòd si quis in confessione cum bona intentione reuelat peccatũ alterius, non peccat. Anton. §. 11. cit. Imo etiam si imprudenter reuelat sine peccato tamen intentione, non peccat mortaliter secundũ Caiet. 2. 2. q. 73. ar. 8. quòd si quis non potest reuelare alterius peccatum, tunc idem est iudicium ac de superiori casu.

Decimum sextum dubium. An propter casus reſeruos licet dimidiare confessionem. Resp. & suppono primo, esse p de fide superiores omnes, & prædicos posse licitè sibi reſeruare casus iustoro etiam interiori, vt definitum est in Concilio Trident. sess. 14. cap. 6. & 7. & can. 11. & docet. Sol. in 4. d. 18. q. 21.

ar. 5. Nau. cap. 17. num. 164. confirmatur ex Bonifacio viij. cap. si quis Episcopus. in 6. de pœnit. & remiss. & in extrauag. inter cunctas. de priuileg. Secundo, ex vſu antiquissimo Ecclesiæ. 33. q. 2. Tertio, ex Cyprian. l. 3. epist. ep. 17. vbi dicitur lapsos reconciliandos ab Episcopo in casu necessitatis. Quarto, quamuis summus Pontifex non soleat sibi peccata quæ habent annexas censuras referuare, vñ notat Anton. 3. part. 17. cap. 11. Caiet. & Armill. verb. casus. & Nau. supra. tamẽ est in vſu re- inferiores prælati sibi grauiora peccata referuēt prout vnici- que videtur expedire de iure cõmuni. qui sint referuati, viden- dus est Nau. cap. 17. num. 262. Quinto, quia iurisdic- tio datur Sacerdotibus ab Ecclesiâ; & conueniens est ad bonum regi- men non dari vniuersaliter omnibus; ergo non est causa qua- re non possit Ecclesiâ referuare sibi casus. Virilitas esse potest, vt grauitas aliquorum peccatorum innotescat, vt illis aptior medicina à superiore accommodetur, & adhibeatur. Secun- do, suppono peccata purè mentalia posse referuari. neq; in- feriores Sacerdotes posse illa absoluerè sine iurisdictione supe- rioris, qui potest illis auferre iurisdictionem. nec ob id Ecce- lesiâ exercet iurisdictionem in actus internos, sed aufert iurisdic- tionem suis subditis quam dederat. Sor. supra, & Ledes. tutius autem est hoc non seruare, vt docet Sor. ibid. & Maior. in 4. d. 17. q. 5. Papæ autem nullus casus est referuatus culpæ tan- tum interioris, quia non referuat peccata nisi ratione censu- ræ, vt dixi. Hæc autẽ pro culpa purè mentali non incurritur, vt docet Caiet. verb. hæresis. & alij. Tertio, suppono quòd ne- mo potest absoluerè à peccato referuato sine facultate supe- rioris: quòd si alter absoluerè tentet, nihil faciet; vt statuit Concilium Trid. supra cit. & est cõmunis sententia doctorum. In articulo autem mortis omnes possunt ab omnibus casibus quoscunq; absoluerè; vt habetur in Concilio Trid. supra. cap. 7. intellige tamen cum non est proprij confessoris copia; vt infra dicemus. Quarto, cum aliquis absolutus est semel à su- periore à peccatis referuatis, potest si iterum confiteatur ab inferiori, vt notat Caiet. verb. casus referuati. Sor. in 4. d. 18. q. 2. ar. 5. & est in vſu. quod verum est etiam si aliquis per confessionem informem. i. sine contritione fuerit absolutus. Caiet. verb. casus. Sylu. verb. confessio. l. q. 19. Palud. in 4. d. 18. q. 3. ar. 3. concl. 4. quia iam iudicatum est à superiore; ergo non est

non est amplius reservatum. Quinto, suppono quodd. si quis legitimè confessus cum superiore, oblitus sit alicuius peccati reservati à quo ille poterat absolvere, potest à quocunque confessorio proprio ab illo absolui; Nau. cap. 26. num. 13. & in cap. consideret. §. cautus. num. 30. de pœnit. q. 5. Adrian. in 4. q. 4. de confess. Gabr. d. 17. q. 1. ar. 1. dub. 3. Sylu. confessio. 1. q. 19. similiter qui habet peccatum cui annexa est censura; sublata censura potest absolui per suum parochum. Caiet. verb. casus. Nau. cap. 27. nu. 261. Nunc ad dubium propositum Resp. quòd ratione casus reservati potest dimidiari confessio, & absolutio; ut scilicet aliquis confiteatur reservata superiori, & ab his absolvatur, reliqua verò inferiori; ut vult Petrus Sor. lect. 10. de confess. Sylu. verb. confessio. 1. q. 19. tribuitur etiam Gersoni, & eam Maior putat probabilem in 5. dist. 17. q. 5. Vel potest fieri sic: ut inferior audiat omnia, & absolvat à quibus potest, & pro alijs mittat ad superiorem. D. Tho. in 4. dist. 17. q. 3. q. 2. ad 4. Sylu. supra. Nau. cap. consideret. §. cautus. num. 13. de pœnitent. dist. 5. c. de confess. q. de confess. casuum reserv. intellige tamen dummodo pœnitens non sit excommunicatus excommunicatione reservata; quia non potest absolui à peccatis antequam absolvatur ab excommunicatione. Si autem prius accedat pœnitens ad superiorem, is audiat reservatos, & ab illis absolvat; pro alijs autem mittere potest ad inferiorem, ut ait Palud. in 4. d. 18. q. 5. art. 3. concl. 4. Caiet. verb. confessio. cond. 10. si autem inferior in hoc casu audiat omnia, siue tantum ea à quibus debet absolvere, nihil refert, ut dictum est; quia est confessio integra virtualiter, ut ait Capreol. nec divisa est nisi per accidens; ut ait Caiet. supra. & fateri oportet ex duabus dictis confessionibus, & absolutionibus, fieri novum sacramentum, nam in prima confessione confertur gratia, in secunda augetur. & quamvis per priorem confessionem remittantur peccata nondum confessa consecutivè, & indirectè, manet tamen obligatio adhuc confitendi, ut perficiatur sacramentum, & integra fiat confessio; quæ per accidens duplex fuit, voluntate tamen & intentione, talis integrè confessus est; ut ait Petrus Sor. supra. & hic est usus Curie Romanæ. Quare quocunque ex dictis modis fiat, est totus pœnitens, & confessor. certum autem est quòd tutior esset, si superior omnia audiret, & absolveret, ut tenet Dur. in 4. d. 17. q. 5. Adrian.

supra. Bonar. d. 37. par. 3. art. 1. Gratiam verò (vt supra dixi) consequitur quando absoluitur à Prælato, & remissionem peccatorum & rursus quando absoluitur ab inferiore; quia hac lege fuit absolutus; vt post absolutionem adiret confessionem cui fieri debeat integra confessio. Dices; an prælati prohibito possint reservare sibi casus? Resp. quòd peccarent si indiscretè id facerent, vt docet Concilium Trid. sess. 14. cap. 7. & can. 11. casus verò quos sibi reservant Episcopi, habentur pro varietate diœcesis. Qui verò casus sint reservati de iure communi, videndus est Nauar. (vt dixi) cap. 17. num. 262. Sequitur

11 vndecima confessionis conditio. Sit *Secreta* confessio. Nota quòd sicut esset hæreticum dicere confessionem debere esse publicam; ita temerarium est dicere de essentia confessionis esse vt sit secreta. Sot. in 4. d. 18. q. 2. art. 6. Nauar. cap. 31. num. 36. & patet ex Trid. sess. 14. cap. 5. Nihilominus tamen convenientissimum est, vt sit secreta, & auricularis confessio, ita vt sola confessio secreta sit in præcepto. Idque etiam si facienda sit confessio de peccatis publicis; vt notat Nau. in cap. fratres. de pœnit. d. 5. num. 91. & statuit Trid. supra. Hinc inferitur quòd nemo tenetur per nuncium seu per epistolam absenti confiteri, quia sic non esset secreta confessio, vt patet ex Trid. supra. tit. & Catechismo Romano; & docet Caiet. verb. confessio. cond. 11. Viçtor. q. 171. Circa hanc conditionem sunt quædam dubia. quare sit

Decimumseptimum dubium. An sit Sacramentalis confessio quæ sit per nuncium, vel per epistolam absenti Sacerdoti. Resp. prima opinio affirmat esse licitam, & Sacramentalem. Palud. in 4. dist. 17. q. 2. art. 1. Adrian. q. 1. & 4. de confess. Sylu. verb. confessio. 1. q. 13. Nauar. cap. 31. num. 36. Medin. cap. de confess. q. de modo secretæ confessionis. Petr. Sot. lect. 11. probant. quia absolutio est quædam sententia; hæc autem potest fieri in scriptis; ergo &c. Secunda opinio est opposita; dicit non esse Sacramentalem, & ita decrevit Clemens VIII. Vnde hæc secunda est vera, & tenenda. est Scot. in 4. d. 17. q. unica. Gabr. d. 16. q. 1. art. 2. concl. 3. Caiet. verb. confessio. cond. 11. & traç. de matrim. q. 1. Viçtor. q. 171. Cano releç. de confess. fol. 129. Dominicus Sot. in 4. d. 18. q. 2. ar. 6. ad 2. Catechif. Rom. Probatur primo, quia forma absolutionis, *Ego te absoluo*, significat præsentiam ministri, & pœnitentis, ergo &c. confirmatur, quia

quia etiam in Eucharistia materia debet esse præsens; quia dicitur *Hoc est &c.* sic & in hoc Sacramento. Secundo, quia Sacerdos non potest esse certus de statu pœnitentis absentis, & sic non potest absolueret. Tertio, quando operatur illa absolutio, quando dicitur, an quando fertur per nuncios? si primum, sequuntur multa inconuenientia. Si secundum; tunc magis nuncius absolueret, quàm Sacerdos. hinc patet quòd peccat qui confitetur absenti quando habet confessorem præsentem.

Decimum octauum dubium. An liceat confiteri per nutum. Resp. peccant mortaliter qui confitentur per nutum quando possunt confiteri per vocem. D. Tho. quodl. 1. art. 10. Nau. cap. 21. num. 36. Idem concedit Sot. in 4. d. 18. q. 2. art. 2. si sit cum contemptu, vel sint peccata implicita, vt vsura. probatur ex D. Tho. 3. p. in addit. q. 7. art. 3. quia confessio est manifestatio, hæc autem inter homines fit per verba quando possumus; ergo &c. & sine dubio est præceptum Ecclesiasticum, quod quamuis nullibi inueniatur expressum, tamen consuetudine sic fit. putat tamen Canus fol. 131. cum infirmis, & cum puellis ex maxima verecundia in hoc casu esse dispensandum. Dices, an teneatur confiteri per nutum qui non potest voce. Resp. teneri; nam talis potest hoc modo implere præceptum; ergo tenetur. D. Tho. in 4. d. 17. q. 3. art. 4. q. 3. ad 2. Gabr. d. 16. q. 1. concl. 3. Nau. cap. fratres. de pœnit. d. 5. num. 86. & 90. Victor. q. 173. Caiet. verb. confessio. cond. 11.

Decimum nonum dubium. An teneatur quis per interpretem, aut per scripturam confiteri præsenti Sacerdoti, cum non potest voce. Resp. prima opinio dicit non teneri, quia talis confessio non est omnino secreta; tum quia per interpretem, fit, tum etiam quia per scripturam. Ita Caiet. verb. confessio, cond. 11. Ledes. 2. 4. q. 8. dub. 3. Victor. q. 173. Secunda opinio est tutior: quæ dicit teneri; quia moraliter talis confessio est secreta; alioquin nec ea quæ fit voce esset secreta; quia voces suæ natura sunt patentes; ita Sylu. confessio. 1. q. 15. Cano in relect. de confess. fol. 116. Hoc autem intelligendum est, vt non tradatur scriptura Sacerdoti vt legat, pœnitente nihil affirmante voce, vel nutu; sed ita vt pœnitens siue nutu, siue aliter, significet Sacerdoti se illa peccata commisisse. Sot. in 4. d. 18. q. 2. art. 6. ad 2. hoc autem debet fieri ex causa; nam sine necessitate non licet; vt docet Petrus Sot. lect. 11. & colligitur ex D.

Tho. quodl. 1. art. 11. Victor. q. 173. Ad adiunandam verò memoriam licet cuique in confessione vti scriptura. Caiet. verb. confessio. cond. 11. Palud. in 4. d. 17. q. 2.

- Vigesimum dubium. An teneatur quis per interpretem confiteri. Resp. quod nemo tenetur per interpretem confiteri. Caiet. verb. confessio. cond. 11. Nauar. cap. 3. num. 8. Ledes. 2. 4. q. 8. art. 3. dub. 2. Probatum quia ad confessionem non secretam nullum præceptum obligat. vt patet ex Trid. sess. 14. can. 5. Secundo, quia nemo tenetur confiteri nisi proprio Sacerdoti. cap. omnis vtriusque sexus. de penit. quod autem dicit. D. Tho. in 4. d. 17. q. 2. art. 4. q. 3. ad 3. debere sic confiteri, intelligitur de debito honestatis, vt notat Adrian. & intellige id verum esse etiam in articulo mortis, nedum in paschate. quare in hoc non placet sententia Cani qui excipit articulum mortis, ne p. reat anima, cum sit periculum quod non habeat contritionem. Eò magis tenetur tunc per interpretem confiteri, quia salus animæ est præferenda famæ, quæ in hoc exiguum iacturam faceret, cum interpret teneatur ad sigillum. & hoc videtur velle D. Tho. & Cano. ex hoc inferitur primo, peccare mortaliter Sacerdotem qui audit multos pœnitentes doli capaces; quia fit iniuria Sacramento, & præiudicium ipsis pœnitentibus. Nauar. cap. 8. num. 33. Angel. verb. confessio. 1. §. 19. quod fallit si imm. neret periculum mortis, ita vt vnum post alium confessor audire non posset. Angel. ibid. Sylu. verb. confessio. 1. q. 20. Major. in 4. d. 17. q. 1. Si verò plures idem confiterentur simul, & confessarius intelligeret peccata eorum, omnes essent absoluti, si omnes vnica absolutione abfolueret. Major. supra, Secundo inferitur, Sacerdotes peccare si plures quàm vnum audiant, nisi forte de consensu pœnitentis. Angel. & Sylu. supra. Palud. in 4. d. 17. q. 1. Adrian. q. 1. de confess. An verò licitum sit pœnitenti pluribus confiteri ex dicta causa, Scot. in 4. d. 17. q. 2. ar. 6. ait esse licitum, non tamen necessarium. Major. in 4. d. 17. q. 1. dicit id nunquam expedire. Gabr. dicit non licere. Scot. in 4. d. 17. q. vnica, dicit talem confessionem
- 12 non fore Sacramentalem. Sequitur conditio, sit *Lacrymabilis* confessio: idest contrita. qualis autem, & quantus debeat esse dolor, dictum est supra tract. 6. dub. 8. & sequent. An verò
- 13 10 satis sit attritio contra contritio, dicam infra. Sit *Accelerata*, idest post commissum peccatum mortale non differatur

tur in crastinum, si adsit commoditas confitendi. quod est consilij, non præcepti. Imo nec propositum confitendi de peccato statim factum, est de præcepto, quia præceptum contritionis cum sit affirmatiuum, obligat pro loco, & tempore. Caiet. verb. confess. cond. 13. *Sit fortis*, id est superans timorem re-
 trahentem à confitendo, & explicandis peccatis. quod intel-
 ligendum est, siue per se, siue interrogatus à confessore, dum-
 modo habeat animum omnia confitendi. si autem habeat ani-
 mum non confitendi nisi interrogatus, peccat mortaliter, &
 hoc ipso ipsum sacrilegium debet confiteri. & si confessor id
 cognouerit, debet instigare vt confiteatur. Sylu. verb. con-
 fessio. q. 17. Nau. cap. 10. num. 6. & cap. 21. num. 19. & in cap.
 fratres. cit. num. 102. Caiet. verb. confessio. pond. 14. condicio
 15. est *Accusans*. i. sibi ipsi imputet peccata non cælo, nõ Dia-
 bolo, non mundo, non carni, non complexionem, &c. Caiet. verb.
 confessio. cond. 15. vel saltem non æquè, vel ita principaliter
 sicut seipsum accusat. Nau. cap. 2. num. 8. & cap. fratres. cit. nu-
 103. Similiter accusans se, non excusans; nam circumstantias
 valde aggrauantes debet explicare; minuente tacere. vi-
 tima conditio est, vt sit *parere paratus*. i. pœnitens sit paratus
 ad satisfactionem debitam arbitrio confessarii. i. sit pœnitens
 obediens cum accedit, ac habeat propositum faciendi quic-
 quid ei fuerit à confessario iniunctum quoad remedia pecca-
 torum acceptanda, quoad fugiendam occasionem peccati,
 quoad restitutionem exhibendam. non quòd debeat habere
 hoc propositum formale, sed virtuale. debet etiam habere si-
 mile propositum acceptandi pœnitentiam iniunctam, nam
 tenetur sub peccato mortali: ita Palud. & est conclusio Tridi-
 sess. 14. vbi habet confessarium esse iudicem in foro interiori,
 sed reus tenetur stare sententiæ iudicis. Signis autem iam
 satisfecisset, satis est vt habeat animum paratum ad satis-
 faciendum si debeat. Caiet. verb. confessio. cond. 16. An ve-
 rò pœnitens teneatur acceptare pœnitentiam à confessario
 iniunctam? ratio dubitandi est, quia ex vna parte confessa-
 rius est iudex; ex alia, potest etiam esse indiscretus. Respo-
 pro nunc, teneri pœnitentem acceptare pœnitentiam discre-
 tam. An verò possit absolui qui nullam vult facere pœniten-
 tiam? infra dicemus, tract. 8. de satisf. dub. 10.

De effectibus confessionis, & ipsius defectibus.

Cap. III.



Primum dubium. Qui sunt effectus confessionis. Resp. effectus confessionis sunt iidem cum effectibus poenitentiae, ut dixi supra tract. 5. dub. 8. cum enim confessio sit pars Sacramenti poenitentiae, eisdem habet effectus. Dicam breuiter singulos. Sed nota, quod confessio potest dupliciter considerari, vel ut est actus virtutis, vel ut est pars Sacramenti. Dico primo, confessio quatenus est pars Sacramenti, est partialis causa instrumentalis gratiae per quam remittitur actuale peccatum commissum post baptismum; quia est materia Sacramenti poenitentiae, cui applicatur forma absolutionis, sicut aquae forma baptismi. D. Tho. 3. p. q. 86. ar. 3. Sot. in 4. d. 18. q. 3. ar. 1. Secundo dico, per confessionem in voto quae includitur in contritione, semper remittitur peccatum, sicut per baptismum in voto; quia apud Deum voluntas pro facto reputatur. Tercio dico, per confessionem in reaccedente absolutione, contrito augetur gratia, attrito verò confertur prima gratia, ut fit per baptismum. hoc certum est apud omnes, & est prima gratia, i. iustificatio. Quarto dico, quod sacerdos (siue gratia augeatur, siue prima conferatur) vere absoluit; nam alioqui forma absolutionis esset falsa cum dicit, *Ego te absoluo*. Sot. in 4. d. 14. q. 1. ar. 3. intellige instrumentaliter per Sacramentum, ut supra dixi. Quinto dico, quod confessio cum absolutione non solum a culpa liberat, sed etiam a poena tam aeterna, quam temporalis; nam poena aeterna remittitur simul cum culpa. temporalis verò quae erat soluenda in purgatorio, partim remittitur per contritionem, & confessionem per modum meriti, partim per virtutem clauium ex opere operato. Imo tam parua esse potest, ut tota remittatur. Sot. d. 15. q. 3. ar. 1. concl. 5. Dico sexto, per Sacramentum poenitentiae aperitur ianua paradisi sicut per baptismum, & datur spes salutis; quia auferitur peccatum quod est

est obstaculum introitus cœli . spes autem salutis est in Christo cuius clauibus homo se subijcit per confessionem . *Sot. sup. D. Iho. 3. p. q. 10. addit.*

Secundum dubium . An confessio possit esse informis . *Resp.* dupliciter confessio dicitur informis ; vel quia caret forma Sacramenti ; vel quia caret effectu Sacramenti . i. gratia . hic non queritur de prima ; nam certum est posse esse . ut si quis non absoluator . Sed questio est , an possit esse informis secundo modo . Prima sententia est eorum qui negant . *Gabr. in 4. d. 17. q. 1. ar. 3. dub. 2. Medin. e. de confess. fol. 71. Adrian. q. 5. dub. 5.* hi dicunt non dari confessionem informem . Secunda sententia affirmat . est *D. Tho. in addit. q. 1. Alenf. q. 77. m. 6. ar. 7. Riccard. in 4. d. 17. ar. 2. q. 8. ad. 5. Caiet. q. 5. de confess. sot. d. 18. q. 3. ar. 2. & alij* , qui dicunt posse dari confessionem veram sine gratia . quare dico primo , quod confessio quatenus est actus virtutis pœnitentiæ , non potest esse informis , quia nullus actus est simpliciter actus virtutis , nisi Deo sit acceptus , & ex charitate procedat . ita *D. Tho. & alij supra citati* . Secundo dico : confessio quatenus est pars Sacramenti potest quantum ad substantiam esse vera confessio , & valida ; quæ tamen sit informis , & sine gratia ; ut tenet secunda sententia . probatur ; quia aliàs homo semper esset dubius an impleretur præceptum confessionis ; & sic omnes conscientiæ essent turbatissimæ ; quia cum simus semper incerti an receperimus gratiam , ergo nec possumus scire an Sacramentum fuerit validum . Dices , quando confessio erit informis , & valida ? *Resp.* esse informem , & validam , primo ex parte doloris , quando esset ex viribus solis naturæ , & non aduerteretur . Secundo , ex parte propositi , quando putaret se habere firmum propositum non peccandi , putans se esse benè dispositum , & tamen non habet illum firmum propositum ; hic faceret validam confessionem , nec gratiam consequeretur . Dixi putans se dispositum , quia si sciret sine dispositione petere absolutionem , peccaret ; & sic nullum esset Sacramentum , siue cōfiteatur hoc peccatum , siue non . Tertio , ex ignorantia non crassa , tamen aliquo modo culpabili , quæ non facit Sacramentum inualidum , licet non sufficiens ad gratiam . Quarto , ex negligentia in examine , quæ quamuis non fuerit crassa , tamen est aliquo modo culpabilis .

Tertium dubium . An confessio informis valida sortitur effectum recedente fictione . Resp. prima sententia negat . Adrian. Gabr. Medin. supra citat. & Sor. in 4. d. 18. q. 3. ar. 3. ad 4. Secunda sententia est D. Tho. in addit. q. 9. ar. 1. Capreol. Palud. & aliorum, probatur primo, quia talis confessio est valida; ergo sublato impedimento sortitur effectum suum . Secundo, quia recedente fictione cum habeat contritionem, hic iustificatur, & non per claves sequentes, quia non tenetur amplius confiteri; ergo per præcedentes sicut in baptismo . Tertio, quia est Sacramentum necessitatis . & hæc est vera sententia, & tenenda . Dices, an reliqua omnia Sacramenta recedente fictione fortiantur istum effectum. D. Tho. supra cit. affirmat. idem Caiet. q. 5. de confess. Sor. verò tantum id tribuit baptismo, non alijs . Inter has extremas, est media opinio; quod conuenit Sacramentis imprimentibus characterem, & præterea pœnitentiæ. alia Sacramenta non habent hunc effectum, & hoc priuilegium . ita D. Tho. in 4. q. 3. d. 4. ar. 2. q. 3. ad 3. ita Palud. d. 4. q. 5. Sylu. verb. baptismus. 3. q. 13. Si petas, quare hæc Sacramenta habeant hoc, & alia non habeant; Respondent, quia ex quo recipiunt characterem, virtute characteris habent hoc priuilegium . Hæc responsio non placet; quia character nihil habet commune cum gratia . melius est vt recurramus ad institutionem Christi; quia cum ista Sacramenta imprimentia characterem non possint iterari, opus est vt aliquando habeant effectum si non in principio habuerunt, alioqui nunquam fortirentur effectum . Idem dicendum est de alijs Sacramentis quæ non reiterantur; vt de confirmatione, & ordine . nam aliàs fictè suscipiens nunquam fructum Sacramentorum susciperet . Videtur idem probabiliter de extrema vnctione, & matrimonio; quia in eadem causa non reiterantur . In Eucharistia autem oppositum dico; quia hoc reiteratur, & non est necessarium Sacramentum. D. Tho. supra. & Sylu. verb. confessio. 1. q. 3.

Quartum dubium . An per confessionem informem satisfiat præcepto Eucharistiæ. Resp. Sylu. verb. confessio. 1. q. 7. negat; quia tenet confessionem factam ob malum finem esse repetendam . Idem Adrian. q. 5. de confess. quia tenet nullum præceptum impleri posse per actum malum . Medin. etiam c. de confess. siue contritione cordis facta, tenet quod qui confitetur

sine dolore non satisfacit præcepto Eucharistiæ, etiam si faciat integram confessionem, quâvis euitet poenam Ecclesiæ. Oppositum tenet Sor. in 4. d. 18. q. 4. ar. 3. videlicet quod per confessionem informem potest satisfieri præcepto si sit valida. Pro solutione dico primo, vniuersaliter falsum est, quod per actum moraliter malum non possit impleri præceptum; quia per præceptum eleemosynæ, & restitutionis homo obligatur dare alteri quod debet, & is satisfacit etiam si det in peccato, ita ut tollatur obligatio; ergo decipitur Adrianns, quem rectè confutant Medin. & Sor. supra. Secundo dico, quod per confessionem informem sed validam potest satisfieri præcepto diuino, & Ecclesiastico. 1. quia qui illam sic facit, non tenetur iterare. 2. quia suscipit verè Sacramentum. 3. patet ex alijs Sacramentis, & præceptis quæ sic adimpleri possunt; ergo &c. Tertio dico, per confessionem informem quæ simul sit irrita, & nulla, nec diuino, nec humano iure satisfieri potest. non diuino, ut omnes fatentur. non humano, quia Ecclesia præcipit confessionem qua disponatur ad Eucharistiam, & quæ sit Sacramentum. præterea, quia Ecclesia in eo præcepto determinat tantum ius diuinum quoad tempus. ergo si de iure diuino requiritur vera confessio, etiam requiritur de iure humano. Sor. supra. ar. 3. cor. cl. 6. Quarto dico, quod confessio facta ob indebitum finem venialiter, non est inualida; nec irrita, quia peccatum veniale non reddit inualidam confessionem. est contra Sylu. vide Sor. ar. 3. cit. ad 3. Dices, Alexander iij. in cap. quod quidam. de poenit. & remiss. in 6. concedit suscipiendas esse illorum confessiones qui dicunt non posse abstinere a peccatis, ergo &c. Resp. non dicit illos recipere Sacramentum, neque esse absoluendos, sed solum ut audiantur, & disponantur.

Quintum dubium. An confessio sit aliquando inualida ob defectum doloris. Resp. confessio facta sine villo dolore peccati, non solum est informis, sed etiam inualida, & irrita. ita Dur. in 4. d. 17. q. 3. Palud. q. 7. Capr. d. ead. q. 2. Caiet. tom. 1. q. 5. de confels. Sor. d. 18. q. 3. ar. 3. Cano relect. de poenit. & probatur, quia aliàs non elset actus poenitentiae, neque pars Sacramenti si non detineret detestationem peccati. Secundo dico, quod ut confessio sit valida non semper requiritur tantus dolor peccatorum quantus satis est ad obtinendum effectum

Quum Sacramenti. D. Tho. 3. p. in addit. q. 9. ar. 1. Palud. in 4. d. 17. q. 9. Nau. cap. fratres. de pœnit. num. 36. & cap. 9. num. 13. probatur; quia sine tanto dolore saluatur essentia Sacramenti. Item, quia ut alia Sacramenta sint valida, non requiritur tanta dispositio in suscipiente quæ satis sit ad gratiam; ut patet in matrimonio, extrema unctione, &c. præterea, quia aliàs nemo sciret se esse benè confessum. postremò, quia aliàs non daretur confessio informis, de qua dictum est supra, dub. 2. Tertio dico, quòd quicumq; dolor præteritorum peccatorum qui voluntatem peccandi excludat cum spe veniæ, & desiderio iustitiæ obtinendæ in hoc Sacramento, satis est ut confessio sit valida. patet ex Trid. sess. 14. cap. 4. & docet D. Tho. ar. 1. supra. Palud. & Nau. supra. & inferitur ex dictis. Quarto dico, inferitur ex his, quòd ad accedendum dignè ad hoc Sacramentum non requiritur contritio, vel attritio putata contritio, ut voluit Sor. supra, & Bonau. d. 17. 2. p. ar. ult. q. 4. sed satis est attritio putata attritio, seu cognita, & scita. probatur tamen ex dictis: tum quia vel requiritur ex Christi institutione contritio vera, vel non; si vera, ergo non est satis contritio putata. si non requiritur vera, sed satis est attritio, ergo quamuis sciam esse attritionem, possum dignè accedere. Adde quòd Sacramenta non sunt ita instituta ut pendeant ex nostra opinione; alioquin qui essent obtusi ingenij, non facilè iustificarentur. & contra; concubinaris qui esset benè dispositus, si putaret se esse contritum, iustificaretur. postremò, quia opinio mea non facit veram, vel falsam dispositionem ne peccem; ergo attritio tantum sufficit. ex dictis sequitur dari posse confessionem informem, & validam; ut in 2. dubio dictum est.

Sextum dubium. An ut confessio sit valida requiratur absolute, & determinatum propositum non peccandi; an satis sit conditionatum, & imperfectum. Resp. prima sententia dicit satis esse propositum conditionatum quam vocant velleitatem. ita sylu. verb. confessio. 1. q. 22. Victor. q. 138. Palud. d. 17. q. 8. Cano q. 5. de pœnit. Sor. d. 18. q. 3. ar. 3. Couar. in cap. alma mater. 1. p. §. 4. num. 13. Ledes. 2. p. q. 8. ar. 1. dub. 4. concl. 9. Secunda sententia est, quòd omnino sit invalida; Caiet. verb. confessio. cap. 2. de reiter. confess. Petr. Sor. lect. 8. de confess. Nau. cap. 9. num. 10. & 13. & hæc opinio est vera, & omnino

& omnino tenenda . probatur primo , ex communi sententia fidelium ; omnes enim boni confessarii cogunt tales pœnitentes reiterare tales confessiones sic factas . Secundo , ex Concilio Flor. vbi materia pœnitentiæ ponitur actus pœnitentis , qui sunt contritio , (quæ habet duas partes , dolorem de præterito , & propositum de futuro) & confessio ; ergo sicut integritas confessionis pertinet ad materiam Sacramenti , ita propositum absolutum necessarium est . Tertio , quia qui habet talem velleitatem , non est verè pœnitens , neq; verè contritus ; quia non habet animum abstinendi . confirmatur ex cap. quod quidem . de pœnit. & remiss. vbi dicitur quod non est vera pœnitentia quando quis dicit se non posse abstinere à peccato . Nota tamen quod hoc propositum non debet esse ita absolutum , vt etiam sit firmum , & efficax ; sed satis est vt sit absolutum , licet sit imperfectum , vt cum peccato stare possit , saltem interueniente ignorantia quamuis culpabili . Nota etiam quod ait Cano ; aliud esse propositum pœnitentis absolutum non peccandi in posterum , aliud persuasionem quod in posterum non peccabit ; cum illud sit voluntatis determinatio , hæc verò existimatio intellectus . quare propositum est necessariū ad validitatem cōfessionis , vt dixi ; sed persuasio illa nec etiam ad gratiā cōsequendā est necessaria . Nau. cap. 9. nu. 18. Victor. q. 197. Septimum dubium . An qui ritè semel peccata confessus est , possit obligari ab aliquo superiore vt iterū confiteatur . Resp. nec etiam Papa potest ad id quempia obligare . D. Tho. quodl. 1. ar. 12. Palud. in 4. d. 19. q. 5. & ibid. Maior. Adrian. q. 5. de confess. Angel. verb. confessio. 1. §. 8. Sylu. ead. q. 3. Anton. 3. p. tit. 14. cap. 19. §. 4. Tab. confessio. 2. q. 12. Nau. cap. 9. num. 1. & in cap. placuit. de pœnit. d. 6. num. 112. & alibi . Dices , an qui habet casus reservatos si confiteatur inferiori omnia sua peccata , videatur satisfecisse præcepto ; si præsertim non habeat facultatem adgundi superiorem . Resp. non satisfacere præcepto , quia non potest confiteri ; tamen excusatur à peccato . Dices secundo , quando confessarius non vult aliquem absoluerè , an videatur ille satisfecisse præcepto ? Resp. si culpa pœnitentis Sacerdos non vult absoluerè , tenetur pœnitens auferre culpam . si culpa est Sacerdotis , neq; satisfecit . si culpa est neutrius , sed ex legitima aliqua causa factum est , tunc pœnitens redire ad eundem confessarium .

Octauum dubium? Quibus casibus confessio sit reiteranda? Resp. ex sequentibus sex capitibus oriuntur obligationes repetendi confessionē. 1. ex parte penitētis. 2. ex parte confessoris. 3. ex parte confessionis. 4. ex parte absolutionis. 5. ex parte contritionis. 6. ex parte satisfactionis. Quoad primum ex parte penitētis. Dico primo, quando penitens est excommunicatus siue maiori, siue minori excommunicatione, & antequā absoluator ab excommunicatione fuerit absolutus a peccatis, peccat; confessio est nulla, & propterea est iteranda. Vnde generaliter est obseruandum a confessore, vt prius auferat excommunicationem si potest; si non potest, non absoluat. aliā nihil valet confessio. ita D. Tho. in 4. 18. q. 1. ar. 5. q. 1. ad 2. & Palud. in 4. d. 17. q. 5. Sor. d. 18. q. 3. ar. 3. Sylu. verb. confessio. 1. §. 6. Armill. verb. absolutio. §. Tab. absolutio. 1. §. 10. Contrarium tenet Caiet. verb. absolutio. & verb. confessio. cap. 1. & Nau. cap. 9. num. 3. & 5. hi dicunt, quod licet aliquis accedat ad confessionem excommunicatus, peccat mortaliter, sed non tenetur repetere confessionem. si nesciebat excommunicationem, non peccauit accipiendo absolutionem, tamen postquā sciuit se esse excommunicatum; & peccauit, & tenetur repetere. Modo videtur hoc esse limitandum, & procedendum cum distinctione: Qui est excommunicatus si habet ignorantiam inuincibilem, seu probabilem iuris vel facti, puta, nesciebat se esse excommunicatum, vel nesciebat excommunicatum non posse absolui, tunc qui habet hanc ignorantiam, verē consequitur remissionem peccati, & sumit verum Sacramentum. ita Adrian. q. 2. de confess. Palud. in 4. d. 18. q. 4. Ledesm. 2. q. 23. ar. 1. Secunda causa est, quia Ecclesia habet hanc intentionem, vt qui ignorantiam habet excommunicationis probabilem, non priuetur Sacramentis: probatur ex cap. Apostolica. de clerico excom. &c. vbi aliqui excommunicati celebrauerant. dicit Pontifex, si fecerunt ex ignorantia, non tenentur vlla pœna. si autem ex ignorantia crassa, obligantur. Dico secundo, si sciebat excommunicationem, aut ignorantia erat crassa, tunc credo quod non valet absolutio, & est repetenda confessio. Nota, si excommunicatus excommunicatione reservata confitetur confessario habenti auctoritatem illum absoluendi, quāuis tunc nō recordetur, potest tñ alteri cōfiteri, & absolui; quamuis non habeat auctoritatem ordinariam,

aut delegatam extra articulum mortis . Quoad secundum ex parte confessoris statuit Concilium Trid. sess. 23. cap. 13. ne quis possit audire confessiones nisi approbatus ab Episcopo, quando igitur illi deest potestas iurisdictionis, est nulla confessio; ut patet ex Trid. sess. 14. cap. 2. Secundo, quando est excommunicatus excommunicatione maiore, quia est publicus, percussor clerici, vel nominatim denunciatus, excommunicatus, tunc confessio est nulla. non enim licet accipere Sacramentum ab excommunicato nisi in articulo mortis, in casu necessitatis. tenemur enim illos euitare; & priuantur potestate iurisdictionis. Nau. cap. 9. num. 7. & 8. Armill. verb. absolutio. §. 30. Tertio, quando Sacerdoti deest vera intentio ministrandi Sacramenti, quod est de essentia Sacramenti; ex Concilio Trid. sess. 7. cap. 11. & ex Flor. Quarto, quando Sacerdos est ignarus ut nesciat discernere conscientiam poenitentis; & sic conscientia consideranda est respectu poenitentis. potest enim fieri ut confessor sit sufficiens pro vao, & non pro alio; puta mercator non debet absolui nisi ab homine docto, & perito, qui sciat conscientiam ipsius determinare. aut confessor est ita imperitus, ut nesciat discernere inter mortalia, & venialia. nisi tamen poenitens sit ita doctus, & timoratus, ut possit supplere. Caiet. verb. confessio. cap. 3. Nau. cap. 9. num. 12. Aut si dormit, & non audit peccata, vel mente vagatur, est repetenda confessio. Sylu. confessio. 1. q. 3. §. 3. & intelligitur de peccato mortali. Quoad tertium, ex parte confessionis, quando non fuit integra vel ex negligentia crassa poenitentis, vel ex malitia, est repetenda. i. cum data opera per se, ex intentione dimidiatur; quia talis esset ficta, non vera confessio, cum non sit integra. Secundo, cum est mutilata ex ignorantia, seu negligentia crassa, & lupina, est iteranda; ut quando quis accedit ad confessionem sine examine, vel negligenter; quia perinde est ac si scienter mutilaret; Petrus Sot. lect. 10. de confess. Angel. confessio. 1. §. 2. Sot. in 4. d. 18. q. 3. ar. 3. Caiet. q. 5. de confess. iste enim indirectè dimidiaret. Excipiuntur aliqui casus. Primo, quando quis esset ita obtusus, ut nesciret examinare conscientiam, & iret ad confessionem animo respondendi, ut rustici; tunc enim suppleret confessor defectum, & satis esset; Sotus supra. Secundo, excipitur articulus necessitatis, ut belli, mortis, &c. Tertio, excipitur quando quis

omittit

omisit peccata ex obliuione, vel ignorantia probabili; quia ignorabat esse peccata; vt pueri qui omiserunt peccata in confessione, putabant tamen non esse peccata, non teneantur ob id iterare confessionem. Sylu. confessio. 1. §. 1. Nau. cap. 9. num. 13. Angel. verb. confessio. Sor. ar. 3. cir. Medic. c. de confess. dimidiata iterand. Postremo, quando quis omisit peccata ob bonum finem; quia tunc non dimidiatur nisi per accidens, vt in casibus dictis supra. cond. 10. Quoad quartum, ex parte absolutionis. Quando constat non esse datam legitimam formam absolutionis, est repetenda confessio; id est quando Sacerdos vel non absoluit, vel quando absolutionem notabiliter praeiumpit, ita vt mutauerit sensum. Nau. cap. 9. num. 12. & in cap. 1. §. labore. de poenit. d. 6. Quoad quintum, ex parte contritionis primo, quando aliquis nullum habet dolorem de peccatis, si accedat ad confessionem, est inualida; imo peccat mortaliter sic accedendo; & huiusmodi narratio potius erit historia quam confessio. defectus autem doloris necessarij, qui percipitur ab ipso poenitente, vel percipi potest, reddit per accidens confessionem nullam; & ideo esset iteranda. probatur; quia vel is confitetur hoc peccatum, & tunc persistendo peccaret; quia vellet absolui cum non posset. vel non confitetur quia nollet, & confessio esset integra; v.g. si fur confiteretur quod nollet restituere; vel concubinaris, quia non habet propositum relinquendi peccatum. Secundo, defectus doloris qui non potest percipi a poenitente licet faciat confessionem informem, non tamen nullam, & iterandam; quia talis confessio vel esset nulla ex defectu doloris, vel ex defectu confessionis. non primum; quia non est de essentia Sacramenti dolor perfectus, sed est satis attritio, vt supra dictum est. non secundum; quia non percipit se dolere sufficienter; ergo indignè accedit, & est iteranda. confirmatur; quia alias non daretur confessio informis. si enim aliqua daretur, esset hæc. Nau. cap. fratres. de poenit. num. 30. D. Tho. in 4. d. 17. q. 3. ar. 4. Caiet. q. 5. de confess. Nau. cap. 9. num. 13. Tercio, quando poenitenti deest voluntas suscipiendi sacramentum, eius confessio est informis, nulla, & iteranda; quia esset ficta, & non Sacramentalis. confirmatur; quia baptismus fictè susceptus, est nullus; ergo confessio. item quia ex parte ministri requiritur intentio recta; ergo ex parte suscipientis, præsertim quia eius
actus

2. Quis sunt materia huius Sacramenti. Sot. in 4. d. 18. q. 3. ar. 13. i Quarto, quando accedit cum proposito non vitandi aliquod peccatum, confessio nulla est. Quia, quando accedit cum dolore, & proposito sed imperfecto, ut supra dictum est, dub. 6. Sexto, quando aliquis accedit attritus dolens propter penas inferni, potest accedere digne ad confessionem, & recipit gratiam, licet cognoscat se esse tantum attritum. ita Trid. sess. 14. cap. 4. Quoad sextum, ex parte satisfactionis; si accedat ad confessionem animo non satisfaciendi quod confessarius iudicauerit, peccat mortaliter, & confessio est nulla; nisi mutet animum, & accuset se de illo peccato; nam non acceptat poenitentiam rationabilem, saltem aliquam, non solum si ex contemptu renuat, sed etiam si sine contemptu; nam Sacerdos habet potestatem illum ligandi. Similiter si quis habet animum non implendi iniunctam, & acceptatam poenitentiam, tenetur iterare. cum enim is peccat, siue confiteatur illud peccatum, siue non; confessio erit nulla per accidens. Nau. cap. fratres. num. 50. & in manuali cap. 9. num. 7. Adrian. in 4. q. de confess. Quod vero poenitens teneatur acceptare poenitentiam, probatur in tract. de satisfactione videndus est Victor. q. 190. Addunt aliqui quod qui non implebit acceptatam poenitentiam rationabilem ex oblivione, vel contemptu, teneatur iterare confessionem, dummodo iniuncta sit pro peccato mortali. ita Angel. verb. confessio. 1. §. 13. Syl. eod. q. 3. §. 2. & 6. Anton. 3. par. tit. 14. cap. 19. Sed oppositum est probabilius, quia dona Dei sunt sine poenitentia. ita Maior. in 4. d. 17. q. 6. dub. ult. Caiet. verb. confessio. cap. 7. Medina. de conf. sess. q. de confess. facta prau. D. Tho. quodlibet. ar. 1. Palod. in 4. d. 17. q. 15. ar. 3. Victor. q. 187. Nau. cap. 9. num. 14. Sot. in 4. d. 26. q. 2. ar. 2. ad 3. Ledes. & alij. hinc inferitur quod multo minus erit iteranda confessio ob id quod poenitentia impleta sit in peccato mortali. Nau. supra. Angel. §. 19. Sot. sup. & nos infra in tractatu de satis. Nota tamen quod quando repetit quis confessionem, si confitetur eidem Sacerdoti, non est necesse repetere omnia peccata in particulari. Sed si confessarius recordatur, satis est ut dicat in genere, me accuso de omnibus peccatis quae aliis confessus sum. si non recordatur, satis est ut dicat poenitentiam quam sibi ille iniunxit. si nec huius recordatur, repetat confessionem. Nau. cap. 9. num. 19. Gabr. 3.

in 4. d. 17. q. 1. Angel. confessio. 1. 8. 19. Tab. confessio. 2. 8. 24. Medin. c. de confess. facta Sacerdoti prauo. & alij. dummodo sciant illum non habere casum reservatum a quo non possit absolui.

De forma absolutionis Sacramentalis.

Cap. V.



Primum dubium. Quznam est forma huius Sacramenti? Resp. forma Sacramenti poenitentiz est hæc; *Ego te absoluo.* & nisi hæc verba intercedant, non est Sacramentum. D. Tho. 3. p. q. 34. ar. 3. & 6. Caiet. verb. absolutio. Ledes. 1. 4. q. 25. ar. 3. Sor. in 4. d. 14. ar. 3. & alij, sunt & alia verba antecedentia non necessaria, sed vtilia, & ab omnibus seruanda. Sequuntur etiam & alia verba deprecatoria. neq; opus est addere alia verba quæ non sunt in consuetudine Ecclesiæ, puta, *Oblitis & confessis*. Pronomen *ego* non est de essentia; ex Caiet. verb. absolutio. Nau. cap. 26. num. 12. & cap. 1. de poenit. d. 6. num. 18. unde illa verba quæ addi solent, spectant non solum ad congruentiam, ut putat Caiet. & Sor. supra, sed potius ad integritatem ipsius formæ, sicut & *ego*. Ledesm. supra. & deduci potest ex Flor. & Trid. sess. 14. cap. 3. nō puto tamen esse necessarium addere *ab omnibus*. licet addi possit iuxta Petrum Sor. lect. 4. de confess. Illa verò verba, *In nomine patris, & filij, & Spiritus sancti*. Caiet. Sor. & Ledes. dicunt esse ad decentiam. Dur. autem in 4. d. 22. q. 2. putat esse de integritate formæ. quæ opinio sequenda est; nam illi fauet Concilium Trid. sess. 14. cap. 4. cum dicit formam esse, *Ego te absoluo &c.* & synodus Maguntina cap. 24. dum iubet absolui sub ea forma, *Ego te absoluo a peccatis tuis, in nomine patris, & filij, & Spiritus sancti &c.* Ex dictis infertur quòd si solum diceret Sacerdos, *absoluo te*; licet teneret Sacramentum; peccaret tamen mortaliter; quia omitteret partem notabilem formæ. qui verò præmitteret pronomen *ego* peccaret venialiter; nisi ex contēptu facer et. Similiter peccaret venialiter omittens, *a peccatis tuis*.

Tuis, qui verò omitteret *in nomine patris, & filij, & Spiritus sancti*, peccaret mortaliter; quia est pars notabilis formæ. Certum est autem quædam alia verba (præter dicta) laudabiliter addi solere, de quibus Caiet. verb. absolutio. cui sententiæ favet Trid. supra. præsertim illa verba; *passio domini nostri, &c. & illa; quicquid boni feceris, &c.* quia sunt iniunctio pœnitentiæ generalis, quæ virtute clauium valent ad expianda peccata, vt ait D. Tho. quodl. 3. Sylu. confessio. 4. q. 1. Nau. cap. 26. num. 11. à multis autem addi solent alia verba. vt à *peccatis tuis quæ mihi confessus es, vel confiteris si memoria occurrent*, sunt impertinentia, & periculosa. Medin. q. de absolut. Nau. supra. num. 31. de pœnit. Manuum verò impositio, aut eleuatio non est de essentia, est autem caremonia retinenda vbi est vsus. Nau. cap. 1. d. 6. num. 34. Sed de hoc, & de forma, supra diximus, tract. 5. dub. 4. 5. & 6.

Secundum dubium. Quem sensum habent illa verba, & quomodo verificari possunt? ratio dubij est; quia sæpè contingit hominem iustificari per contritionem ante absolutionem; vel esse iustum, vel contra; per absolutionem non consequi remissionem, & gratiam. & sic in his non videtur verificari formam cum verè non absoluitur. Resp. omis. opinionibus quas refert Sot. in 4. d. 19. q. 1. ar. 3. & Medin. c. de cōfess. q. de effect. confessionis Sacramentalis, dico; verificari tripliciter. Primo, quia ipsa absolutio quæ facta fuit per cōtritionem ante Sacramentum, est fructus confessionis Sacramentalis; quia illa peccata non fuerunt remissa per contritionem sine Sacramento in voto, & vi clauium. quare per Sacramentum verè absoluitur. Secundo verificatur; quia perinde est ac si dico; ego quantum in me est, vt minister te absoluo. & ita tolluntur omnes difficultates. Tercio, in iusto verificatur, quia verè remittitur magis peccatum; quia magis elongatur à peccatis per effectum confessionis. Sot. & Medin. supra.

Tertium dubium. An per dictam formam absolutionis remittantur etiam peccata oblita. Resp. affirmatiuè; non formaliter remittuntur, sed extensiuè, seu consecutiue, seu indirectè; quia cum absoluitur homo, absoluitur ab omnibus; ex D. Tho. in addit. q. 1. ar. 5. Sot. in 4. d. 13. q. 1. ar. 3. & d. 18. q. 2. ar. 5. hinc est quòd tenetur pœnitens illa confiteri si in memoriam veniant. Nau. cap. 1. num. 21. de pœnit. d. 6.

Quartum dubium. An possit dari absolutio sub conditione. Resp. absolutio non est impendenda cum conditione; male enim facit sacerdos apponendo in forma conditionem, triplex autem potest apponi conditio: vel de præterito, vel de præsentī, vel de futuro. De præterito, puta; si fecisti diligentiam, ego te absoluo. Vel si sacerdos præteritas condiciones adderet; ut si restituiti, &c. ego te absoluo. peccaret quidem mutando solitam formam Ecclesiæ; tamen extante conditione, esset valida absolutio. Secundo, si est de præsentī, ut, si ita est, ego te absoluo. Sicut etiam si confessor dubitans an absoluerit, dicat; si non es absolutus, ego te absoluo. Sicut etiā fit in baptismo; si non es baptizatus, ego te baptizo, &c. cap. 3. de baptismo. & hæc etiam absolutio conditionata est bona. Caiet. verb. absolutio. Armill. eod. §. 6. Nau. cap. 16. qu. 12. Vel denique est de futuro; ut, si facies poenitentiam, vel si restitues, absoluo te. & hæc absolutio ex se est sacrilega; quia Sacerdos non potest suspendere effectū Sacramenti. Aut hæc conditionata absolutio de futuro potest esse in ordine ad tertiam personam, puta cum rati habitione, si Episcopus confirmet, & sic nullo modo est apponenda conditio; neque tenet Sacramentum; quia quod profertur cum conditione, non habet effectum nisi posita conditione. Sacerdos autem non habet potestatem dandi effectum Sacramenti in futurum, Caiet. & Armill. supra. & Nau. cap. 9. num. 6. Quid ergo faciet Sacerdos quando exigitur aliquid à poenitente in futurum? Resp. iniungat hoc poenitenti, non tamen apponat ut conditionem. Poenitens verò si acceptet iniunctum à confessario, & postea nolit implere, peccat. Tab. verb. confessio. 2. §. 22. Sylv. verb. confessio. 1. §. 13. non tamen tenetur repetere confessionem factam; sed accusare se de illa mala voluntate. Debet etiam Sacerdos esse cautus, antequam absoluat imponat poenitentiam, ne postea poenitens nolit acceptare; & non absoluat nisi constet sibi quòd acceptabit. Super eandem autem confessionem semel est impendenda absolutio. si bis scienter absoluator, peccat Sacerdos; non tamen incurrit irregularitatem. Dixi super eandem confessionem; nam eadem peccata potest quis sæpè confiteri, & semper absolui. Caiet. ibid. inferitur primo, quòd si quis volens consequi indulgentiam tempore iubilæi absoluator à reservatis antequam compleat omnia


nia quæ ad consequendam indulgentiam iniunguntur, licet mutato proposito postea non consequatur indulgentiam, est valida absolutio. Nau. in miscell. de oratione. num. 130. Inferitur secundo, quod confessor ante absolutionem debet obligare pœnitentem ut postea superiori reservata confiteatur; alioqui nec ab alijs peccatis absolvendus est; quod si pœnitens conditionem admittat, licet postea non seruet promissa, valida tamen erit absolutio quæ initio fuit valida; compellendus tamen erit implere conditionem.

Quintum dubium. An excommunicatus possit absolui à peccatis antequam absolvatur ab excommunicatione. Resp. primo, quod si aliquis sciens se esse excommunicatum maiori, vel minori excommunicatione, petit, vel perditit se à peccatis absolui, committit sacrilegium. ut patet ex cap. si celebrat. de cler. excom. Nau. cap. 16. num. 3. nec illi quicquam iuat extrauagãs, ad euitanda scâdala, ut patet ex eius text. & notat Caiet. verb. absolutio. cap. 3. item procedit etiam si non flet per excommunicatum quò minus absolvatur ab excommunicatione. Sylu. verb. cõf. q. 8. Medin. e. de cõfess. q. 2. de cõfess. ab excommun. facta. quicquid dicat Angel. verb. confessio. 1. 1. 1. 2. Secundo dico, si quis ignoraret probabiliter se esse excommunicatum, vel se non posse ita ad Sacramentum accedere, non peccaret in hoc. Caiet. verb. absolutio. q. 3. Paul. in 4. d. 17. q. 6. ar. 3. concl. 2. Sor. in 4. d. 27. q. 1. ar. 1. dub. ult. quare qui sic esset absolutus, non teneretur confessionem integrare, quia valida esset absolutio sine sua culpa, vel ex negligentia oblitus est excommunicationem. Nau. cap. fratres. de pœnit. d. 3. num. 45. Idem dicendum est in his casibus ex ignorantia inuincibili, aut ex malitia excommunicatum prius absoluerit à peccatis. Ledes. 2. 4. q. 22. ar. 1. Probantur hæc omnia, quia excommunicatio ex se non irritat absolutionem, ut docent Caiet. & Nau. supra. & Couar. in cap. alma mater. 1. p. 5. 6. num. 7. quicquid dicat Sorus. Tercio dico, quod si pœnitens sciat se esse excommunicatum, & non posse sine peccato recipere talem absolutionem, quamvis integrè confiteatur etiam de illa excommunicatione, & ab ignaro sacerdote, non valebit absolutio. Nau. cap. 9. num. 4. & in cap. fratres cit. num. 45. esset enim inualida ex defectu cõrritionis, ut docet Maior. in 4. d. 12. q. 8. Idem videtur sentire Caiet. verb. confessio. cõd.

12. quamvis oppositum ei tribuat Couarr. Dices, quid si excommunicatus esset in extremis, an posset prius absolui à peccatis, quam à censura. Resp. affirmative, ex Adrian. in 4. q. de confess. Medin. c. de confess. ab. excom. facta quia aliis esset lex contra charitatem. ideo hæc videtur intentio Ecclesie. Sot. supra, idem sentit. qui addit, quod vnico verbo potest dari absolutio à censura, & à peccatis. Imo secundum ipsum, verbum *Absoluo* cum intentione absoluendi ab utroq; suffice-
re. Idem Nau. cap. 1. §. de pœnit. d. 5. & dicto cap. 1. num. 27. &
28. Couarr. cap. alma mater. 1. p. §. 11. num. 12. in fine.

De ministro confessionis, idest de confessore.

Cap. VI.



Rimum dubium. Quis est minister confes-
sionis? Resp. solus Sacerdos est minister
huius Sacramenti ex Math. 28. & Ioan.
20. vbi Apostolis, non alijs data est pote-
stas clauium. cum enim hoc sacramen-
tum sit quoddam iudicium, non est om-
nibus committendum. Secundo, patet ex
veteri testamento, in toto leuitico, vbi
solis Sacerdotibus datur hoc munus discernendi lepram à le-
pra. Christus enim misit leprosos ad Sacerdotes, Luc. 17. *Ite,
ostendite vos Sacerdotibus.* Hinc inferitur Laicum non esse
ministrum huius Sacramenti. nunquam enim laico fuit com-
missum hoc munus absoluendi à peccatis, ex Concilio Cōstans.
Later. & Flor. & Ambr. l. 1. de pœn. cap. 2. & 7. Chrysost. hom.
85. in Ioan. & l. de Sacerdotio. & Nazianz. in apologetico. Ter-
tull. in proscript. hæreticorum. Confessio enim facta laico nō
est in præcepto, neq; est Sacramentalis; nam non habet cla-
ues; Nau. cap. 1. num. 75. de pœnit. d. 6. Scot. in 4. d. 17. q. 1. Dur.
q. 11. sylu. verb. confessor. 1. Victor. q. 173. quare neq; à venia-
libus potest absolvere Sacramentaliter; hoc enim est munus
clauium. Victor. q. 172. Qui verò laicus deficiente Sacerdote
in mortis articulo audiret confessiones, teneretur seruare se-
cretum, non tamen sigillum, quia hoc est Sacerdotis. Sot. sup.

Calet.

Caiet. verb. confessio. cond. 11. Imo neq; confessio facta laico tempore necessitatis, est confessio; & plerunq; est inutilis. potest autem aliquando esse utilis, vt quando fit in utilitatem tertie personæ, puta ad restitutionem famæ, vel pecuniæ, vel etiam propter verecundiam quam patitur. cum etiam propter exercitium virtutum, vt humilitatis, obedientiæ, mortificationis, &c. Dices, an si laicus tentet absolueret sit irregularis. Sotus respondet affirmatiue in 4. d. 18. q. 4. ar. 1. probat ex cap. ex literis. de cler. non ordinat. ministr. & cap. si quis. ibid. vbi dicit esse irregulares. Ledesma verò 224. q. 7. ar. 3. respondet negatiue; & in hanc inclinat Sylu. verb. confessor. q. 1. & Palud. eodem modo. probant ex cap. his qui, de sent. excom. in 6. vbi Pontifex ait, qui sacrum fecerit presente excommunicato, vel Ecclesia polluta, non est irregularis; quia non est expressum in iure. & hæc sententia est tenenda. Ad loca in contrarium opposita resp. illud non esse expressum in iure. & absolutio non vocatur diuinum officium. nec illa in illis locis adducta sunt diuina officia.

Secundum dubium. Quæ requiruntur in Sacerdote confessore ad ritè, & vtiliter ministrandum munus suum? Resp. cum minister huius Sacramenti sit Sacerdos habens auctoritatem absoluedi siue ordinariam, siue ex delegatione superioris, ex Concilio Flor. & Trid. sess. 14. cap. 6. & can. 10. certum est in eo requiri potestatem non solum ordinis, sed etiam iurisdictionis: quia tamen ea non est satis ad tantum munus rectè fungendum ex quo animorum salus penderet, alias condiciones opus est vt habeat, quæ etiam si necessariæ non sint ad Sacramenti valorem, & essentiam, sunt tamen necessariae ad illud ritè, & vtiliter ministrandum. sunt autem quinque conditiones, bonitas, scientia, prudentia, potestas, & sigillum. Quoad primam, bonitas confessoris ea saltem debet esse, vt sit sine conscientia peccati mortalis. cap. 1. §. caueat. & §. labore. de pœnit. d. 6. si quis enim in eo casu administraret Sacramentum, peccaret mortaliter; quare tenetur ante administrationem habere contritionem; vt probat Caiet. verb. confessor. Nau. cap. 7. num. 15. & dicto §. Sacerdos. cap. 1. de de pœnit. d. 6. Anton. 3. pœnit. 17. cap. 17. Quoad secundam, requiritur scientia in confessore. vt sit perfectus habeat scientiam theologiæ, canonum, & notitiam synodaliū constitutionum, vt autem

fit

sit insufficientis. Primo, sciat distinguere inter peccatum mortale
 & veniale; & circumstantias peccatorum, ut si peccator est
 excommunicatus teneatur restituere; & si est in statu peccati
 mortalis &c. præterea si peccatum est reſeruatũ ſuperiorĩ
 ri, & confitens non eſt ſibi ſubdiqus, quæ duo tenentur ſcire,
 qui habent potestatem limitatam, ſcientiam hanc non tene-
 tur exactè habere, ſed ita ut de his ſaltem ſciat dubitare, ut
 recurrendo ad libros, vel doctores, rectè iudicet. Secundo,
 cùm confessor ſit medicus animæ, debet habere conſcientiam me-
 dicinæ animæ agnere, dea ut in remedijs neceſſarijs ad ani-
 mæ ſalutem, ſciat providere vel per ſe, vel per alium, remittē-
 tendo ad peritorem confefſorem; cap. omnis verſusq; ſexus
 de pœnit. & remiſſ. Caiet. verb. confefſor. Nau. cap. 4. num. 8. &
 ſequent. Sot. in 4. d. 18. q. 4. Anton. 3. p. tit. 17. cap. 116. Tertio,
 aliquid ſciat de ſtatibus varijs; ut ſi confefſor audiat clerici-
 cos, ſciat caſus in quibus incurritur irregularitas. vel ſaltem
 ſciat dubitare circa illas; ut rectè iudiciũ det. Nau. cap. 4. num.
 8. & 9. caueat. cit. num. 27. Quarto, ſciat aliquid de reſtitu-
 tione famæ, & bonorum; noſcat aliquo modo excommuni-
 cationes; aliquos contractus cenſus, cambiorum, uſuræ, &c.
 Quinto, non quicunq; eſt aptus ad audiendas cõfeſſiones in
 aliquo loco, vel certarum perſonarum, erit aptus in alijs. Po-
 teſt enim eſſe idoneus aliquis confefſarius ad confeſſiones ru-
 ſticorum in aliquo pago, qui nõ erit idoneus in ciuitate. Nau.
 cap. 4. num. 10. & 11. Anton. ſupra. Sylu. verb. confefſio. 3. Sexto,
 confefſarius qui ignorat peccata mortalia communia, & a
 quibus caſibus poſſit abſolvere, & differentiam excommuni-
 cationis maioris, & minoris, & alia quædam præcipua que
 ponit Nau. num. 14. peccat audiendo confeſſiones, & grauius
 qui illam deputauit. Nau. ibid. & Caiet. ſupra. Septimo, ex-
 cuſatur confefſor im peritus à peccato ſi audiat confeſſiones
 in tribus caſibus, primo: quando pœnitens eſt peritus, &
 probus, ut poſſit ſupplere defectum. Secundo, ſi pœnitens ſit
 ſpiritalis, ſolitus ſæpè confiteri, & communiter venialia. Ter-
 tio, articulus mortis. qua ratione excuſatur confefſor inten-
 ſiſideles, ubi audiat confeſſiones captiuorum, qui alium non
 habent confefſorem. Nau. cap. 4. num. 13. Quarto, adducit
 aliqui, quando habet homines à quibus poſſit doceri ſi ſciat
 idubitare, excuſatur. Anton. 3. p. tit. 17. cap. 6. &c. Quoad

tertiam conditionem, quæ est prudentia, Ad confessorum in principio confessionis pertinet interrogare, An pœnitens sic sibi subditus quoad Sacramentum pœnitentiæ, vt docet Caiet. verb. interrogatio, & verb. Cōfessor. Nau. cap. 1. §. diligens. n. 10. de pœnit. d. 6. quia aliàs non posset illum absolueret. si tamen pœnitens asserat ab ste absolui posse vel iure communi, vel ex priuilegio, satis est, secundum Nau. supra nu. 11. & Caiet. verb. Confessio. cap. 1. conclusionem. 3. præterea etiam ante confessionem debet interrogare de statu pœnitentis, vt intelligat quo modo se cum eo gerere debeat: & an aliquam habeat ex cōmunicationem. Nau. sup. & Caiet. verb. interrogatio. Item de diligentia quam adhibuit in examinanda conscientia. Nau. cap. diligens. num. 14. & in cap. fratres. num. 4. de pœnit. dist. 5. Caiet. supra Vers. 10. quæ autem diligentia sit necessaria, dictum est supra, cap. 3. Item doceat pœnitentem cum ignorat aliquod ius diuinum. Similiter quando ex conscientia erronea peccat, putans aliquid esse peccatum quod non est. Doceat articulos fidei necessarios, & Doctrinam Christianam, præcipue verò quæ continentur in oratione dominica, in decalogo, & Sacramentis, & in symbolo fidei, præsertim mysterium Trinitatis, quid sit Christus, nempe quòd sit filius Dei, secunda persona sanctissimæ Trinitatis, verus Deus & homo, qui natus est ex Maria Virgine, mortuus est, & resurrexit propter nostram salutem, &c. Item in Sacramento Eucharistiæ subspeciebus panis, & vini esse verum, totum, & integrum Christum. Item remissionem peccatorum, Ecclesiam Catholicam quæ est congregatio fidelium; Vitam æternam, &c. Secundo in ipsa Confessione prudentiam adhibebit Confessor si permittat poenitentem prius dicere quæ parauit, etiam si confuse variaret. tum vt magis spontanea sit confessio; tum vt inde Confessor statim illius intelligat, & in quibus debeat insistere, vt docet Nau. dicto §. diligens. nu. 9. & cap. 10. nu. 6. Caiet. verb. interrogationes, & verb. Confessor. hortetur insuper vt dicat animolè peccata si viderit illum hærentem, nec dicentem importunè interrumpat. aliquando tamen interroget de numero peccatorum, de specie, de circumstantijs necessarijs, ne cogatur confessio repetere; & si est habitualis, de tempore quo perseverauerit in peccato, verbi gratia in concubinato, in inimicitia, &c. & quoties eo tempore interrupit voluntatem per-

actum contrarium. Præterea cum opus est, admoneat pœnitentem nequid dicat de alijs, personis, seu complicibus minus necessarium, unde & famam lædere possit. & nota, quòd minus licet hæc curiose interrogare. Item cum aliquid prauè audit, ne ostendat se admirari, nec statim reprehendat, ne terreatur, & taceat reliqua peccata; sed in fine id præstabit. Tenetur Confessor sub peccato mortali interrogare ea quæ ipse putat necessaria ad integram, & fructuosam Confessionem faciendam, præsertim de numero, & speciebus particularibus peccatorum; Nau. cap. 5. nu. 2. Caiet. verb. interrogationes. sylu. verb. confessor. 3. q. 15. Sor. in 4. d. 18. q. 2. art. 4. Can. relect. de pœnit. ratio est. 1. quia tenet Vicem Christi, quare debet supplere. 2. quia est medicus, & debet inquirere omnes rationes, & differentias morborum. 3. quia est doctor, & debet illum docere, & consulere; & quâuis ille sit paratus, tamen quando opus est, debet interrogare. Idcirco habeat in promptu interrogationem in singulis præceptis, ex directorijs aliquorum, vt Henrici l. 6. de pœnit. cap. 28. & 30. In interrogationibus vero prudentiam adhibebit Confessor si qualitatem cuiusque cõcernet. interrogabit consueta tantum peccata, & in carnalibus sit cautus, ita vt nõ veniat ad particulares circumstantias, sed species tantum exprimantur à pœnitente; idque honestis verbis. Caiet. & Nau. supra d. Tho. in 4. d. 16. q. 3. Non sit nimis in interrogationibus ne cado afficiat pœnitentem, præsertim si sit homo cordatus; non enim est munus Confessarij omnia peccata à singulis exquirere. Victor. q. 194. Nau. cap. 5. num. 3. Sor. in 4. d. 18. q. 2. art. 4. sylu. confessio. 3. q. 14. Cum vero pœnitens eget maiore præparatione, doceat discurrere per tempora ætatis, si instituat confessionem generalem, per varios status, & officia, dispositionem corporis variam, loca, personas cum quibus egit, & peccata singula cordis, oris, & operis reducat in ordinem. Cum autem audit longam confessionem, interroget primùm pœnitentem an se præparauit, & ex quo tempore non sit confessus 2. si recepit sacramenta in pa'chate, & an impleuerit pœnitentiam iniunctam. 3. si habeat excommunicationem, aut casum reservatum. 4. si habeat scrupulum de præteritis confessionibus, vt sit causa eas repetendi. 5. quem statum habeat, an sit clericus, vel coniugatus, &c. Habeat deinde hoc breue interrogatorium; & quæ opus erunt interroget.

Breue

Breue interrogatorium.

IN primo præcepto. Inquirat de pauca præparatione. 1. de amore Dei, & proximi, de cultu Dei, & cognitione doctrinæ Christianæ, & proprio officio. 3. si quid habet contra fidem; an habeat, vel legerit libros prohibitos. 4. de superstitione, nempe de maleficijs, diuinatione, &c. In secundo præcepto 1. de Iuramento falso sine assertorio; siue promissorio. Item de mendacio in præiudicium proximi. 2. si Votum non impleuerit. 3. si voto, vel Iuramento promisit facere rem malam, vel non facere bonum præceptum. 4. de blasphemia præsertim hæreticali. Item si abusus est verbis sacris in profanis, vel iocoso. In tertio præcepto 1. si violauit festa opere seruii. 2. si omisit missam, vel audiuit sine intentione, vel non integram. 3. si fuit causa ut alij violarent. 4. de præcepto ieiunii, & esu ciborum. Item si morbo comedit nociua, si inebriatus est, &c. 5. si suscepit Sacramentum in peccato mortali sine contritione, vel communionem sine Confessione extra casus permisos, &c. 6. si dum esset excommunicatus communicauit in diuinis cum alijs. 7. si quid fecit contra reuerentiam loci sacri per effusionem seminis, vel sanguinis, vel furando sacra, &c. vel violauit immunitatem Ecclesiæ Dei. Pro Clericis vero petat 1. si ministravit aliquod Sacramentum cum conscientia peccati mortalis. 2. si parochus petentibus quibus non ministravit sacramenta necessaria. 3. si non celebrauit missas quas debuit ratione officij. 4. si in celebratione missæ commisit aliquem defectum. 5. si omisit recitare horas canonicas, vel alias obligationes sui officij. 6. si exercuit officia iure prohibita clericis, &c. In quarto præcepto. 1. de honore erga parentes, vel maiores, vel minores; si eis graue verbum dixit, vel non succurrit in graui necessitate. 2. si eis non obediuit cum teneretur. 3. si non habuit curam suorum subditorum, vel filiorum, vel proprij officij. In quinto præcepto. 1. si optauit alteri, vel sibi aliquod malum. si exposuit se graui periculo. 2. si gaudet de malo alterius, vel dolet de prosperitate ex inuidia. 3. si gessit inimicitias, & cum scandalo negauit colloquia, & quandiu si cogitauit de vindicta, vel actio externo procura-

Nnn 2

uit, &c.

uit, &c. 4. si occidit, percussit alterum, si prouocauit ad duel-
lum: si mater in lecto infantem oppressit; si fuit causa abortus;
si clericum percussit; esset enim excommunicatus: si ministrum
iustitię. 5. si ex omissione eleemosinę, vel curationis, vel debi-
ti officij fuit causa mortis, vel damni corporalis, vel fuit cau-
sa mortis animę per scandalum; vt si cum esset iudex, medicus
vel aduocatus, vel miles intulit damnum directę, vel indirectę
ex omissione culpabili. In sexto pręcepto querat 1. a longę
de turpi cogitatione cum consensu. deinde de tactu, vel opere.
& contentus sit scire substantiam speciei, & circumstantias ne-
cessarias, vt sciat speciem, & numerum, omittendo superflua;
vt si peccauerit cum fœmina, an sit coniugata, vel consangui-
nea, vel affinis, virgo, voto castitatis vel religionis consecrata,
vel soluta; si intra Ecclesiam, si contra naturam, &c. si incidit
in pollutionem voluntariam saltem indirectę, si aliam perso-
nam induxit ad hæc peccata; si procurauerit ornatu, metu, a-
spectu, musica, nuncio, muneribus, deambulatione; literis a-
matorijs, & similibus. si pro alio aliquid simile procurauit,
consuluit, vel cum deberet non prohibuit, &c. si complacuit si-
bi in actu pręterito, si turpi lectione delectatus, &c. 3. a coniu-
gatis petat si negauit debitum coniugale sine causa, si petiuit
cum ei non licebat, si non seruauit debitum modum, si exposuit
se periculo pollutionis extra vas, si cogitans in alienas reddi-
dit debitum, &c. si aliquo modo impediuit generationem, &c.
caueat autem confessarius ne coniugatis viuentibus in bona
fide, reuelet impedimentum matrimonij cognitum
in confessione, vel extra illud. In septimo pręcepto. 1. si fu-
ratus est, vel damnum intulit. si restituit aliena, pręsertim ius-
sus ab alijs confessarijs; tunc enim differenda esset absolutio.
item si rapuit inferendo vim. 2. si non restituit debita, vel dam-
na seruato debito ordine, &c. item si non soluit decimas; tri-
buta, vel non impleuit testamenta. 3. si concupiuit capere alie-
na. & tunc satis est numerum exprimere. quando vero opere
impleuit, explicet quantitatem propter restitutionem. 4. si ver-
bo, Consilio, vel auxilio fuit causa damni notabilis. si fraudauit
in emendo, vendendo, vel alio contractu. 5. si in ludo vsus
est fraude, vel minis, aut precibus importunis induxit ad lu-
dendum pręsertim filios familiars, aut alios qui non possunt a-
stenare. 6. a mercatore vero petat si in contrahendo, vel ne-
gotiando

potiando, vsus est fraudibus. si vsus est monopolio, vel abscondit frumenta, vel similia. si fecit contractum viurarium, vel iniustum, vel dedit pretium simoniacum, nempe pro re spirituali, vel promissit, &c. si emit minori pretio, vel pecunia adulterina; si emit furtiva, si fideiussor fraudat creditorem, vel exactor exigit ab impotente necessaria vite. si fraudauit in alijs contractibus, vel non stetit promissis; vel fecit contractum de quo erat dubius an esset vsurarius. si vendidit illicita: si tabernarius offert cibos prohibitos, &c. 7. à clericis, si fecerint simoniam; si non fecerint fructus suos omittendo horas canonicas, vel non residendo. Vel cum non interfuerint officijs diuinis, si acceperint distributiones quotidianas; si quis excommunicatus fuit in mora aut contumacia; si exercuit actum iordinis solenniter dum esset in hac, vel alia censura. si in confessione fuit causa vt pœnitens non restitueret; si elegit, vel presentauit indignum ad beneficium, vel officium; & tenetur restituere damna Ecclesie. si per vim, & fraudem impedit alium à petitione beneficij vel eleemodynæ solitæ, & tenetur restituere. à religiosis autem petat de obseruatione votorum, & regularum, præsertim quæ obligant ad mortale. de ambitione, de seditione, &c. 8. à Tutore, vel curatore, si pupilli pecuniam non auxit licito contractu. à testamentario, si non soluit legata præsertim pia. à Doctore, si in consultationibus dandis errauit contra bonos mores, & non retraxit. & si in præiudicium tertij, tenetur restituere. Vt aduocati causas iniustas consulentes, vel defendentes. item si quis suscepit gradum doctoratus sine sufficiente scientia, vel alteri indocto gradum dedit doctoratus, præsertim medicinæ, & theologiæ. à Notario vel tabellione, si fecit scripturas iniustas, aut vsurarias, vel falsificauit; vel iniustam mercedem extorsit. si leges suas non seruauit, &c. 9. à iudice, si per negligentiam permisit fieri furta, & damna, si percipit pretium contra iuramentum, lege præscriptum. si per ministros permisit damna inferri. si pretio, & muneribus peruertit iudicium. 10. à Custode carceris, si sua culpa fugerunt vincti, præsertim propter debita inclusi cum præiudicio creditorum. similiter à custode agrorum, vel domus, si sua culpa dominus passus est damnum. 11. à Principe si imponat noua tributa, si exegit à personis Ecclesiasticis; si vsurpat bona communia; si non elegit ministros idoneos si subditos

subditos iniuste opprimit. à Dominis, si prohibent subditos occidere animalia, quæ inferunt damnum seminibus, ut cuniculos, &c. si trahit columbas ad sua columbaria, vel tenet columbaria contra leges. similiter si trahit aliena animalia quæcunque ad sua, si famulis neget mercedem, vel necessaria, & alijs operarijs debitam mercedem. è contra, si famulus operarius, vel artifex accepta mercede integra, non adhibet iustas operas. similiter qui accipit publicum salarium, & nullam operam nauat. Præterea peccant domini quando quocunque modo cogunt subditos ad contrahenda matrimonia, & sunt excommunicati. quod intelligitur de illis qui habent vassallos.

In octauo præcepto. 1. si falsum testimonium tulit, præsertim in iudicio cū iuramento. si legitimè interrogatus à iudice legitima, vel per edictum sub pœna excommunicationis, tacuit; si fuit causa damni tacendo; tenetur enim satisfacere, nisi iusta causa excusetur. sed quando rogatur contra ius, non tenetur.

2. murmuratio, vel detractio honoris. vel si fuit causa eius audiendo sine causa; si seminavit discordias, si iactauit se de aliquo peccato. 3. si aperuit secreta, vel literas, putans eas continere aliquod graue. 4. iudicium temerarium de graue malo. vel suspicio grauis, de viro optimo, præsertim alteri communicata. aliquando enim est peccatum mortale. Denique, postulet circa proprium statum, & officium. 1. si sciat necessaria; si fuit negligens in suo officio. 2. si occurrat aliud quod grauat conscientiam, & generaliter se accuset offendisse Deum, suis sensibus, & potentijs. & se defecisse circa opera misericordiz. & in multis præceptis affirmatiuis. præsertim fidei, (pei, & charitatis, in humilitate, mansuetudine, pœnitentia, conuersione in Deum in tempore vsus rationis; de religione in Deum, externa reuerentia, gratiarum actione, de oratione in necessitate, de periculo peccandi, si fecit quod dubitauit esse peccatum mortale, vel cum remorsu conscientiz. denique de omnibus alijs. Dices. An Confessor peccet mortaliter si præmittat aliquam interrogationem necessariam per inaduertentiam, vel per obliuionem? Resp. nõ esse mortale. sylu. verb. confessor. q. 14. Nau. cap. 5. num. 2. 3. denique post confessionem, finito examine, videat 1. an egeat pœnitens maiore prapratione; vel an reperere oporteat confessiones. si habet casus reseruatos, vel excommunicationes. si clericus cum impedimento

mento retinet vsum beneficij, & ordinum. si facit in statu peccati propter consuetudinem, vel periculum, vel proximam occasionem. si à confessoribus iussus potuit, nec tamen restituit; Vel non satisfecit; laus. si retinet graue officiũ cui est ineptus, si ignorat necessaria. propter hæc, & similia, differenda est aliquando absolutio. sed vt plurimum satis est vt per spatium horæ ad excitandam deuotionem vacet orationi ante absolutionem. 2. aduertat quæ sit radix, & occasio peccatorum, & adhibeat opportuna remedia, quibus abundet Confessor, & curet non solum vt reus doleat de peccatis præteritis, sed vt caueat etiam in futurum, & confirmetur in bono; propterea instruat pœnitentem in oratione, & deuotione Beatissimæ Virginis. Item vt præscindat, & vitet occasiones peccatorum; versetur cum bonis, frequentet Sacramenta Confessionis, & communionis, audiat conciones, legat (si scit) libros spirituales, &c. 3. assuescat resistere temptationibus recurrendo ad Deum, dissentiendo temptationi, idest dicendo, *nolo consentire*. & nõ facîle voueat, sed imponat sibi pœnitentiam si peccet. Visitet hospitalia, det eleemosynas, loquatur cum bonis, Vtatur examine conscientie generali, & particulari, nempe contra particulare vitium quo impugnatur. 4. commutet (si opus est) pœnitentias, vota, iuramenta, & cum causa legitima dispenseat quibus potest, præsertim cum clericis in impedimentis. 5. iniungat pœnitentiam salutarem, & præseruatiuam. 6. absoluat forma consueta, & curet vt reus intelligat grauitatem peccati ex iudicio Dei, & pœnis, ex passione Christi. 7. moueat pœnitentem ad Dei amorem ex eius bonitate, & beneficijs. vt doleat de peccatis propter Deum cum proposito emendationis, & consoletur ex spe diuinæ misericordie, & meritis Christi, & eos qui sunt animo deiectionis, & propensiores ad amorem, iubeat confidere, & potius excuset, quàm deterreat; adiungendo exempla diuinæ misericordie, &c. 9. ægrotis periclitantibus adhibeat summam diligentiam vt sciat tunc se posse ab omnibus absolvere. & si careat vsu loquendi, sit contentus etiam signis contritionis vt absoluat saltem sub conditione. curet vt accipiat Viaticum, & extremam unctionem. Concedat Indulgentiam si potest. vel curet adhibere grana benedicta. hortetur vt confidant in diuina misericordia; in efficacia Sacramentorum. 10. si testamentum condere velit, dimittat ei liberam voluntatem,

tem, præsertim ad legata pia, quibus peccata redimat, & comparat vitam æternam. i. i. cum scrupulosis intelligat sibi aliter agendum, quàm cum reliquis qui pollent recto iudicio; illis enim oportet animum addere, & ex infinita Dei misericordia erigere in spem. hortari ut agant contra scrupulum, & ut putent se rectè Confessos, nec amplius sint solliciti de præteritis peccatis. & semel confessi ante communionem, ne amplius confiteantur. Denique certo sibi persuadeant planè se Dei voluntatem impleuisse, cum confessario obediunt. Henric. l. 6. de pœnit. cap. 29. Quoad Quartam conditionem de potestate confessoris. Dico 1. duplicem esse potestatem, alteram ordinis, alteram iurisdictionis. potestas ordinis est qualitas animæ sacerdotis impressa, quæ potest conservare, & absolvere; sicut ignis potest calefacere, & dicitur character. est autem hæc potestas spiritualis tum ratione subiecti, quia est in anima; tum ratione finis; quia ordinatur ad spiritualem utilitatem Ecclesiæ, & propriam; tum ratione effectus, qui est gratia, quam sacerdotes legis naturæ, & Moyse, non poterant. Hæc autem potestas terminatur ad conficiendum corpus Christi, & ad ministranda Sacramenta, præsertim Sacramenta absolutionis, quæ potestas in ordinatione ipsa confertur; ut dicitur in tract. de ordine. hæc etiam potestas extenditur ad aliquos actus speciales extra Sacramentum, ut sunt Indulgentiæ, excommunicationes, &c. Quare nisi Confessor qui absoluit sit sacerdos, confessio est invalida, & iteranda; quia minister huius Sacramenti est sacerdos; ut dictum est supra. dub. 1. & patet ex Trid. sess. 14. cap. 10. de pœnit. Caiet. verb. Confessio. cap. 3. Sot. in 3. dist. 18. q. 4. art. 1. & est communis sententia. Hinc fit quòd etiam si in mortis articulo aliquis confiteatur laico, tenetur iterare confessionem. Sot. supra. Couaru. in cap. alma mater. 1. p. 9. 11. num. 5. Nau. cap. 21. nu. 41. Potestas vero iurisdictionis est illa, sine qua absolutio est nulla. ex Trid. sess. 14. cap. 6. & 7. de Sacram. pœnit. hæc autem potestas iurisdictionis est triplex; ordinaria, delegata, & iure concessa. & quælibet ex his sufficit ut valida sit absolutio Sacramentalis, ex Concilio Flor. & Trid. sess. 14. cap. 7. & docet d. Tho. in addit. q. 8. art. 4. & 5. & est communis. Ordinaria iurdictio est, quam habent prælati in suos, quæ eis ex officio convenit. & ratione dignitatis quam habent, ut Papa in totam Ecclesiam, Episcopus in suos dioce-

sanos

fahos, Generalis in suam religionem, provincialis, & Prior, &
 Parochi in sua parochia; Gabr. in 4. d. 17. q. 2. Nau. in cap. Pla-
 cuit. de penit. d. 6. num. 128. & alij. Potestas delegata est quan-
 do non ex officio alicui conuenit, sed ex commissione alterius,
 cui ex officio conuenit, qui curam eis committit quoad sibi
 subditos, & si quibus datur à Vicario perpetuo in parochiali
 Ecclesia constituto, iuxta expositionem in cap. extirpand. §.
 qui vero de prabend. & docet Adrian. in 4. de confess. dub. 4.
 & sumitur argumentum ex clement. 1. de officio Vicarij, sumi-
 liter si tradatur potestas à Vicario posito in beneficium ad
 septennium. cap. cum ex eo. de elect. in 6. iuxta glos. in clem.
 1. de priuil. & sylu. verb. excommun. 6. casu 14. vers. 11. Item
 à Vicario posito ad modicum tempus, cui rector plenè Vices
 suas tribuit, secundum Nau. cap. placuit. cit. num. 70. secus ve-
 rò dicendum si Vicarius non ita plenè potestatem accipit, sed
 potius vt personaliter confessiones audiat, & ita procedit
 sententia Syluestri supra. Angel. verb. confessio. 7. §. 13. cum
 dicit Vicarium ad modicum tempus non posse dare licentiam
 audiendi confessiones. certum est tamen quod is cui datur po-
 testas etiam à superiore, à Papa ad audiendas confessiones,
 non potest eam facultatem alteri committere, vt patet ex cap.
 finali. §. ceterum. de offic. delegat. & ita Anton. 1. p. 17. cap.
 5. Angel. supra. sylu. verb. confessor. 1. q. 4. Potestas iure con-
 cessa est, quando priuilegio ipsius poenitentis confessarius ha-
 bet potestatem absoluedi. verbi gratia habet poenitens pri-
 uilegium eligendi confessorem, ille dicitur habere potestatem
 iure concessam, hanc potestatem habent omnes praelati qui
 possunt eligere sibi confessores, vt habetur cap. ne pro dilatio-
 ne. de poenit. & remiss. per praelatos intellige omnes superio-
 res qui habent potestatem in foro exteriori, vt sunt Episco-
 pi, guardiani, generales, &c. Præterea tempore iubilæi ha-
 bent fideles potestatem eligendi sibi confessarium in articulo
 mortis cuiuslibet est concessum confiteri cuiuslibet sacerdoti. Di-
 citur etiam iure concessa, quando priuilegio confessarij con-
 ceditur; quando aliquis nullam habet potestatem ex his di-
 ctis, non potest audire confessiones. Nec sufficit adhuc ha-
 bere potestatem iurisdictionis, nisi habeant iurisdictionem in
 ipsum poenitentem, hæc autem potestas non debet esse impe-
 dita; nam si est impedita, non tenet confessio, si confessarius

fit nominatim excommunicatus, suspensus, aut interdictus. Item quando est publicus percussor clerici.

Quoad Quintam, & ultimam conditionem Sacerdotis, servet omni no sigillum. & si interrogetur de poenitente, dicat se functum esse officio suo. Sed de sigillo confessionis dicemus infra, capite sequenti. sunt autem circa prædictas conditiones confessoris nonnulla dubia. & primo circa secundam conditionem de scientia. sequitur.

Tertium dubium. An Confessor ineptus excusetur à peccato si ex obedientia audiat Confessiones. Resp. primo, si certo scit, & videt se non esse idoneum, peccat ipse, & prælatus; Nau. cap. 4. n. 14. secundo, si dubitat de sua sufficientia, poterit se precepto prælati confirmare. cap. quid culpatur. 3. q. 1. & d. l. ho. 2. 2. q. 104. art. 9. Nau. supra. & superior si aptum iudicat, potest id præcipere; Nau. ibid.

Quartum dubium. Quid si Confessor, & poenitens sint contrariæ opinionis? Resp. aliqui dicunt quod ordinarius Confessor, seu parochus tenetur illum absolvere. alij non. ita contrarius de contractibus. q. 100. Adrian. tract. de confess. q. 5. dub. 7. sylv. verb. Confess. 3. q. 7. distinguunt sic, quod si confessarius est certus de sua opinione quæ est communis doctorum, non debet absolvere. si verò res est dubia, & ipse habet contrariam opinionem à poenitente, si est parochus debet absolvere; si non est parochus, non absolvat. Ego dico, quod si confessor est certus de veritate suæ opinionis, & de falsitate opinionis oppositæ, non debet absolvere quisquis ille sit, siue parochus, siue non. secundo dico, quod in re dubia cum sint utrinque opiniones probabiles, confessor siue proprius, siue non proprius, tenetur sequi opinionem poenitentis, eumque absolvere. Ita Palud. in 4. d. 17. q. 3. art. 1. Nau. cap. 26. num. 4. & in cap. si quis autem de poenit. d. 7. num. 66. Soc. in 4. d. 18. art. 3. Victor. q. 177. Ledes. 1. 4. q. 8. art. 4. dub. 6. ratio est, quia etiam si non teneatur illum audire, tamen ex quo audiuit, non debet, nec potest negare quod tuta conscientia ille potest accipere. aliis esset facere iniuriam poenitenti.

Quintum dubium. Ad quid teneatur Confessor qui commisit aliquem errorem ex ignorantia in Confessione. verbi gratia absoluit excommunicatum, vel alium in Confessione. similiter dicit aliquem non teneri ad restitutionem cum postea adver-

et illum teneri? Resp. sylu. verb. confessor. 3. q. 11. distinguit, si confessor si ingessit, tenetur non solum de lata culpa, sed etiā de leui, & leuissima. si non, tenetur de lata, sed nō leui. Ego dico primo, cōfessor qui errauit aliquo modo, tenetur (si potest) vocare pœnitentem, & dicere se habere quod ei dicat in Confessione; & pœnitens tenetur eum audire. & tunc confessor satisfecit dicens se non rectē illū absoluisse. secūdo dico, quilibet confessor si hoc non potest, tenetur de lata, & latissima culpa, siue se ingessit, siue non; quia qui causam damni dat, damnum dedisse videtur, de regior. in 6. confirmatur; quia eodem modo tenetur & iudex, qui sua culpa dat sententiam iniustam. & licet non se ingesserit, tamen tenebatur ex suo munere prestare debitum. Tercio dico, de leui, & leuissima non condemnare confessorium. Videndus est Sor. in 4. d. 18. q. 4. arb. Victor. q. 175. qui addit, quod si pœnitens nō possit haberi ita vt absolua- tur, & timeatur scandalum, committatur Deo.

Circa tertiam Conditionem de prudentia Confessarij, sequitur

sextum dubium. Quæ praxis est tenenda in Confessione & quomodo se gerere debeat Confessor cum pœnitente. Resp. co- modo prudenter se gerat, quomodo dictum est supra, dubio 2. cond. 3. quomodo verò se gerat iuxta eorum varios status, & conditiones, tradit Nau. cap. 26. & nos supra diximus in in- terrogatorio dub. 2. Nunc illud admoneo, Confessorem potius ad lenitatem, quā ad seueritatem declinare debere. Vnde octo conditiones assignat d. Tho. in 4. d. 17. quæ exponuntur à Nau. cap. 1. §. quibus. de pœnit. d. 6. & continentur hoc dicto: *Confessor dulcis, amabilis, atque suavis, prudens, discretus, mitis, pius, atque benignus.*

Septimum dubium. An Confessor teneatur admonere pœnitentem quando videt illum ex ignorantia esse in aliquo errore, vel de impedimento matrimonij inualidi; tamen bona fide id fecit, nesciens mulierem esse sibi consanguineam, quam bona fide duxit; confessor autem id sciat, an debeat admonere pœnitentem? Resp. Adrian. q. 5. de Confess. dub. 7. dicit, quan- do ignorantia est contra ius diuinum siue vincibilis sit, siue inuincibilis, debet moneri. Si est cōtra ius humanū, si est vin- cibilis, debet moneri; si est inuincibilis, minimè. probat ex Ambr. qui dicit, *malo vos cōtumacia causas reddere, quā negli-*

gentia sustinere iudicium. Confirmat ex act. 10. vbi dicitur mundus ego sum a sanguine omnium, non enim subterfugi quod minus annuntiarem vobis omne iudicium Dei, Alij tamen non ita largè loquuntur, vt Ledes in 1.4. dub. 8. q. 4. art. 8. cui consentiunt Sot. Medin. & alij. Vnde dico 1. quando ignorantia est crassa, & vincibilis siue contra ius diuinum sit, siue contra ius humanum, est monendus; ratio est, quia ille talis in illa ignorantia est in peccato, & damnabitur. 2. dico. si confessarius interrogatur, vel pœnitens ostendit se habere scrupulum in aliquo, tenetur confessor monere, sit contra quodcumque ius. ratio est, quia in tali casu si cœlat, consentire videtur. 3. dico; quando ignorantia est inuincibilis, & sacerdos sperat se profuturum, nec scandalum sequetur ex eo, tunc tenetur ille dicere siue sit in prœiudicium tertiz personæ, siue non. ratio est, quia confessarius est doctor, & medicus pœnitentis. 4. dico, si credit se non profuturum, & ignorantia sit inuincibilis siue iuris sit, siue facti, siue diuini iuris, siue humani, non debet dicere. probatur; quia iste actus erit inutilis, & ociosus. quorum igitur dicam? Confirmatur, quia idem est de prœcepto correctionis fraternæ. Ad difficultatem Adriani. Resp. illa loca debere intelligi de concionatoribus qui non debent occultare veritatem etiam si alicui displiceat, quamuis omnia debeat facere cum grano salis.

Octauum dubium. An teneatur Confessor interrogare pœnitentem de aliquo peccato quod probabiliter creditur fecisse, quando in Confessione non dicit illud. Resp. Victor. q. 194. ait non teneri. Medin. C. de confess. iter. mediata, idem putat; nisi haberet annexam iniusticiam, vt furtum, &c. Oppositum sentit cano relec. de pœnit. Nau. cap. 5. num. 2. Caiet. verb. interrogationes. Sylu. verb. Confessor. 3. q. 14. & videtur etiam Soti. & hæc est tutior & tenenda, quia est necessaria interrogatio ad integritatem Confessionis.

Nonum dubium. An Confessor quando scit in Confessione aliquem fecisse peccatum, si id non Confiteatur, teneatur interrogare si sit periculum reuelandi confessionem complicitis. Resp. in genere debet interrogare. Angel. verb. Confessor ultimo. §. 9. Tabien. Confessio. 2. q. 3. 1. mo Sylu. verb. Confessio. 3. q. 13. addit; quod etiam in specie debet interrogare quando non insurgeret suspicio probabilis de Confessione alterius. quod

quòd si ille negauerit, nò debet propterea negare absolutionē. Tabien. supra. Anton. 3. p. tit. 19. cap. 18. concl. 13.

Decimum dubium. Quomodo se geret Confessor cum pœnitente qui non habet contritionem. Resp. debet prudenter illum inducere, vitando periculosas comparationes de peccato, vt doleat propter Deum. quòd si doleat se non habere maiorem dolorem, & videatur attritus, potest absolui. Nau. cap. 10. num. 4. quòd si nolit abstinere à peccato, vel abstinere non posset quantum sit opus, dimittendus est. Caiet. verb. Confessio cond. 12. & verb. confessor. ead.

Vndecimum dubium. Quomodo se geret in iniungenda pœnitentia. Resp. considerandam esse qualitatem pœnitentis, & prauitatem peccati, iuxta ea quæ tradit Nau. cap. 16. num. 18. Item ne imponatur leuis pro grauitissimo peccato, vt monet Concilium Trid. sess. 14. cap. 4. ne ipsi pœnas luant, Caiet. verb. Confessor. quòd autem ante absolutionem imponatur, non est necesse; est tamen laudabile, & tutius. Nau. cap. 16. n. 10.

Circa quartam conditionem de potestate Confessoris, sequitur

Duodecimum dubium. An potestas iurisdictionis audiendi Confessiones sit in sacerdote de iure diuino, hoc ipso quòd est sacerdos. Resp. primo, iure diuino necessaria est iurisdic. ad absolendum, sine qua absolutio data nulla est. patet; quia absolutio est actus iudicialis de iure diuino, vt docet Trid. sess. 14. c. 7. & can. 9. secundo, ex c. si Episcopus. de pœnit. & remiss. in 6. vbi dicitur nulla consuetudine posse introduci vt quis sibi eligat confessariū; ergo est de iure diuino. tertio, ex Concilio Florentino vbi cum materia, & forma huius Sacramenti (quæ sunt de iure diuino) coniungitur etiam minister habens iurisdictionem, & probat Sot. in 4. d. 17. q. 1. art. 1. contra Armacan. l. 11. q. 1. Armenic. cap. 21. vbi dicit esse de iure humano; quæ opinio est erronea, & periculosa. secundo dico, hanc iurisdictionē necessariò requisitam recipit sacerdos ab Ecclesia, & non ab ordinatione, prob. quia Concilium Trid. sess. 14. cap. 7. de pœnit. dicit, quòd prælati possunt sibi casus reservare; ergo, &c. Quare explicio opinionē Armacani posse habere duplicem sensum, primus est; quòd ita habent à iure diuino; quòd etiam si Ecclesia prohibeat, si contrarium fiat, peccatum fit, sed absolutio tenet. & hic sensus est erroneus; quia est contra praxim Ecclesiæ reservan-

tij casus. tum etiam quia est contra decreta Conciliorū dicē-
tium nullā esse. Secūdo sensus est; quod ita est à Christo, vt ta-
men possit suspendi ab Ecclesia, & data absolutio contra Ec-
clesiæ suspensionem, non teneat. & hic sensus non est erroneus,
quāuis contrarium dicat nostra conclusio. quæ probatur,
quia recipere iurisdictionem est recipere subditos, & per conse-
quens in foro conscientie curā animarum; sed hoc nō fit in or-
dinationibus. Secūdo quia Petro dictū est, & successoribus, *tibi
dabo claves*; Ioan. vlt. ergo ipsi & successoribus datur à Christo
vniuersalis iurisditio Ecclesiæ; ergo nō habent alij. Tercio patet
ex communi sententia. Bonau. in. 4. d. 19. q. 2. & 3. ar. 2. Ric-
card. ibid. q. 3. Sot. d. 18. q. 4. art. 2. & 4. Torrecrem. in summ. de
Ecclesi. l. 1. cap. 98. Caiet. q. Vnica. de Confess. cano. fol. 81.

Tertiumdecimum dubium. An Episcopus electus, sed non-
dū Confirmatus cōmittere possit alicui iurisdictionē ad absol-
uendos suos subditos. Resp. affirmatiuē cū Soto in 4. d. 18. q. 4.
art. 3. & Cano relect. de pœnit. ratio est; quia huiusmodi com-
missio pertinet ad potestatem iurisdictionis, quam Episcopus
electus iam habet. idem dico quoad alios legatos, in quibus
fuerit eadem ratio; vt docet Ledes. 2. 3. q. 7. art. 5. dub. 10. Vi-
ctor. q. 152.

Decimumquartum dubium. An qui habet potestatem in
vna diœcesi vel parochia siue ordinariam, siue delegatam, possit
illam exercere in alia diœcesi. Resp. quod qui habet ordi-
nariam iurisdictionem potest eam exercere cum suis subditis
sacramentaliter extra suam diœcesim; quia in his quæ sunt si-
ne strepitu iudicij, nullius territorium lœditur. ita Sylu. verb.
Confessio. l. q. 14. Palud. in 4. d. 19. q. 2. art. 3. Sot. d. 18. q. 4. ar. 3.
Victor. q. 151. Ledes. 2. 4. dub. 9. Secūdo dico, idem esse dicendū
de alijs confessarijs qui habent potestatem delegatam. nempe
qui eandem potestatem quam habet à prælato vnius diœcesis,
possunt illam exercere in alia. Imo vbicunque possunt illi qui
eam facultatem dederunt cum subditis illorum. vt verbi gra-
tia religiosus qui habet facultatem audiendi confessiones suo-
rum religiosorum, quemcunque subditum sui conuentus potest
vbique terrarum absoluerē perinde ac prælatus ipse, præter-
quā à casibus reſeruatis. Ita Sot. Victor. & Ledes. supra, id-
que determinauit Sixtus 4. vt refert Victoria, quāuis oppo-
situm teneat Sylu. supra, & alij quos adducit. Neque obstat
clemen-

clémentina religiosi. de priuile. nam tantum cauet ne habentes potestatem Episcopi, putent eam habere in alios quam subditos sui Episcopatus, vt notat Sotus. & patet; quia clémentina illa pares facit in hoc religiosos, & plebanos. & cum fiat sine strepitu iudicij, nemini fit iniuria. ergo &c. hinc patet, quod quando peregrinantur duo religiosi, vel alij clerici de licentia sui prælati, possunt mutuo se absolvere, etiam in alia dicelesi.

Decimumquintum dubium. An Confessor habens iurisdictionem possit absolvere si sit excommunicatus, ita vt Confessio sit valida, & non iteranda. Resp. primo, in vno conueniunt omnes scilicet posse absolui ab excommunicato tolerato, vt sunt omnes, præter duos, scilicet notorios percussores clericorum, & nominatim excommunicatos, vt patet ex Concilio Constant. Cōtrouersia est de his duobus nō toleratis. quare dico primo, si Confessor sit excommunicatus, denunciatus nominatim, vel notorius percussor clericorum, Confessio cum illo facta, est inuvalida, & iteranda ita Caiet. verb. Confessio. & verb. absolutio. cap. 3. Nau. cap. 5. num. 8. & cap. 16. num. 16. Sot. in 4. dist. 18. q. 4. art. 4. Medin. fol. 79. Conar. cap. alma mater. l. p. 9. 6. nu. 7. concl. 6. & est communis. probatur, quia cum non toleratur ab Ecclesia, priuatus est potestate. quod patet ex extrauag. ad vitanda scandala. Martini. V. ex quo etiam fit, quod si ignoranter aliquis fuerit Confessus cum eiusmodi excommunicato, licet pro tempore quo id ignorat, & in bona fide fuerit, excusetur, cum tamen id scierit, tenebitur talem confessionem iterare. Nau. cap. 9. nu. 9. Conar. supra, concl. 7. Secundo dico, quod si Confessor non fuerit excommunicatus nominatim, & denunciatus, neque notorius clericorum percussor, & Confessio ei est ignoranter facta, valida est, & non iteranda; Caiet. verb. Confessio. & verb. absolutio. cap. 3. Nau. cap. 9. num. 9. Medin. q. de confess. ex excommunicato scienter facta. & probatur, cum quia ignorantia facti illum excusat; tum quia confessor non est priuatus iurisdictione; tum etiam ex dicta extrau. quæ non iubet vitari nisi duo genera excommunicatorum; tum denique ex d. Tho. in addit. q. 7. art. 6. quæ mouet in 3. p. q. 82. art. 7. ad 2. excludat cātū hæreticos, & schismaticos. tertio dico, quod confessio facta sacerdoti excommunicato quem non tenemur vitare (etiam scienter) est valida; quia in dicta extrau. non prohibetur

betur communicatio cum talibus. Nau. cap. 9. num. 19. C. auct. verb. absolutio. cap. 23. verb. excommunicatio. cap. penult. & alij intelligunt nisi per accidens fieret in iudiciis. v. inducendo peccaret mortaliter; vel quia induceret aliquem qui non tenebatur eum audire; vel quia sine necessitate induxit. Nau. ibid. quia tunc ponit obicem sacramento.

Decimum festum dubium. An in mortis periculo possimus absolui à quocunque sacerdote excommunicato nominatim, de iudiciato, vel publico clerici/percussore ita ut sacramentum sit validum. Resp. prima sententia est. M. d. 10. de confess. q. 1. cui debet fieri confessio. Couar. cap. alma mater. 1. p. 1. 6. num. 8. & videtur d. Tho. in 4. d. 17. q. 2. art. 3. quod non possit talis sacerdos absolvere, & alias absolutio esset inualida; quia talis careret iurisdictione. idem dicendum est de nominatim interdictis, & suspensis, &c. Secunda sententia opposita est. c. 1. in relect. de pœnis. Nau. cap. 26. num. 26. Sylu. verb. confessio. 1. §. vlt. Angel. confessio. 1. §. 2. & hæc est vera, & tenenda. prob. ex Trid. sess. 14. cap. 7. de pœnis. ubi dicitur omnes sacerdotes quoslibet pœnitentes à quibusvis peccatis, & censuris absolvere posse in articulo mortis. Secundo, quia non est credendum in illo casu voluisse talem deferere; quare in tali casu nec infirmus inducens, neque confessor absoluendo peccaret. quibus suffragatur quod dicit Sor. in 4. d. 1. q. 5. art. 6. Dices primo: An idem possent in eo articulo sacerdotes nominatim suspensi, interdicti, degradati, irregulares, &c. Resp. affirmative, quando non est alius qui id legitimè faciat. Sor. in 4. d. 18. q. 4. art. 4. Maior ibid. 19. q. 1. Nau. cap. 26. num. 26. Dices secundo; quid si sacerdos esset hæreticus? Resp. aliqui negant. d. Tho. in 4. dist. 17. q. 3. art. 3. ad 3. & 3. p. q. 8. art. 7. ad 2. Nau. cap. 26. num. 20. Couar. cap. alma mater. 1. p. 5. 6. num. 8. Sor. in 4. dist. 18. q. 4. art. 14. nihil audeat asserere. Videtur etiam Anton. 3. p. tit. 4. cap. 19. §. 18. Dico tamen, quod post Concil. Trid. est probabilius oppositum, etiam si hæreticus non sit occultus qui in articulo mortis potest absolvere. ut tenet Palud. in 4. d. 25. q. 1. art. 3. ad 3. Maior supra. Sylu. verb. confessio. 1. p. q. 6. & secundum Palud. procedit etiam si pœnitens id sciat. Item quando esset talis confessor hæreticus, damnatus, & publicatus, intellige tamen nisi timeretur periculum subversionis pœnitentis, tunc enim non liceret. Item quando non esset alius legitimus sacer-

sacerdos. & quod dixi de hæretico, intellige de schismatico. Nau. cap. 26. num. 26.

Decimumseptimum dubium. An in periculo mortis quilibet sacerdos habeat iurisdictionem, ut possit absolueret a peccatis omnibus, etiam reservatis. Resp. Sot. in 4. d. 18. q. 4. art. 4. distinguit contra sylu. inter articulum, & periculum. & dicit, hoc priuilegium intelligi in articulo, ut infra. dub. 20. non in periculo mortis. probat; quia ius, & canones id concedunt in articulo, non in periculo. quæ priuilegia dicit non debere ampliari. Idem tenet Can. fol. 145. ubi addit quod si hæc sententia sit scrupulosa, paratus est retractari. Contrarium tenet Nau. cap. 2. num. 8. & Sylu. verb. confessor. q. 6. & Couar. cap. alma mater. p. 1. idem Bonau. in 4. d. 21. supra literam. & ego his assentior, intelligo tamen periculum non qualecunque, sed id ubi videtur morale & probabile periculum mortis. Intelligo, etiam quando est in ipso periculo, & non potest euadere illud, probatur; quia si est expectandus articulus mortis, & periculum non est satis, multi possent mori cum periculo damnationis; at Ecclesia quæ est pia mater, cum possit providere, prouidet. Ad Sotum. Resp. etiam in canonibus hæc sæpe confundit articulum, & periculum; ut patet, 17. q. 4. cap. si quis suadente, & cap. eos qui. de sent. excomm. in 6. priuilegia autem in materia fauorabili amplianda sunt, quamuis in materia odiosa sint restringenda. Dices, quid est articulus mortis. Resp. Sot. d. 18. cit. & can. supra, articulum mortis esse, cum regulariter certa mors sequitur ex morbo, vulnere, externa vi, &c. Vnde volunt quod sacerdotes quamuis periculum mortis alicui immineat, sed non sit articulus, non possint absolueret, ut dictum est; sed satis esse dicimus, si sit probabile periculum, id est tale ex quo moraliter homo nequeat liberari; ut quando quis acuta febre laborat, vel nauigat in tempestate cum periculo naufragij, vel impugnandus est ab hostibus. Vel si mulier sit proxima partui, vel in simili periculo arbitrio prudentis viri, vnde timeatur mors.

Decimumoctauum dubium. An qui in mortis articulo fuit absolutus ab excommunicatione, & alijs censuris, si deinde conualecat, teneatur representare se illi cui erant reseruate censuræ. Resp. affirmatiue, & si non se representet, iterum incurrit excommunicationem. quod habetur in cap. his cui. de

sent. excomm. in 6. ratio est, quia est præceptum non ut absol-
uatur: nam absolutus fuit. sed ut se præsentet sub eadem pœ-
na &c. Dices, an ad id teneatur qui fuit absolutus à peccatis
reservatis, non autem à censuris? Resp. negativè quando se-
mel fuit absolutus in tali casu. neque id vllum ius, aut canon
præcipit. vt infra, dub. 21.

Decimum nonum dubium. An laicus possit absolvere in ar-
ticulo mortis pœnitentem excommunicatum saltem ab ex-
communicatione. Resp. Primo, certum est laicum non posse
absolvere à peccatis saltem sacramentaliter; vt supra dixi,
dub. 1. quicquid dicat glos. in cap. pastoralis. de offic. ordin. er-
rat enim cum dicit posse absolvere à peccatis. Secundo quod
attinet ad excommunicationem, laicus id est non existens in
sacris habens iurisdictionem, potest absolvere ab excommuni-
catione; quia talis potestas nō spectat ad ordinem, sed ad iuris-
dictionem. ita Nau. cap. 27. num. 41. Anton. 3. p. tit. 24. cap. 27.
Tab. verb. absolutio ab excommunicatione. §. 4. etiam quoad
forum conscientie, si saltem prima censura sit initiatus secun-
dum eosdem. Tertio dico, quod laicus non habens iurisdictio-
nem non potest absolvere ab excommunicatione in nullo casu,
etiam in articulo mortis, quia nullibi datur illi talis potestas.
Ita Sot. in 4. dist. 18. q. 4. art. 4. Couar. in cap. alma mater. 1. p.
§. 11. num. 9. Palud. d. 13. art. 3. & hæc est tutior, & tenenda. Ta-
bien. verb. absolutio. 2. q. 4. quāvis oppositum teneat glos. in
cap. pastoralis. cit. & Abbas, & Sylu. verb. absolutio. 1. q. 2.
§. imo.

Vigesimum dubium. An in articulo mortis quilibet sacer-
dos habeat iurisdictionem vt possit absolvere à peccatis om-
nibus, etiam reservatis. Resp. affirmatiuè, ex Trid. sess. 14. cap.
7. de sacram. pœnit. vt docet Nau. cap. 26. num. 26. & cap. 4.
num. 3. & est communis sententia. intellige tamen quando
proprius sacerdos sine periculo infirmi haberi non potest, vt
declarauit congregatio Concilij argumento cap. eos qui. de
sent. excomm. in 6. Caiet. verb. absolutio. cap. 2. Sot. in 4. d. 18.
q. 4. art. 4. Nau. cap. 26. nu. 26. Viñor. q. 156. Dices, an hoc com-
petit sacerdoti de iure diuino in articulo mortis. Resp. Palud.
Capreol. & Dur. in 4. Couar. eod. cap. 1. p. §. 6. num. 8. & §. 11.
dicunt competere de iure diuino. Sor. autem supra. & Ledes.
supra art. 6. Viñor. q. 156. dicunt habere de iure positiuo. &
hoc est

hoc est probabilius, & magis commune apud theologos, ut ait Ledes. & patet ex supradictis. d. Tho. in addit. quæst. 8. art. 6. ad primum.

Vigesimumprimum dubium. An cum pœnitens est excommunicatus possit absolui à quolibet sacerdote etiam ab ipsa excommunicatione in articulo mortis. Resp. affirmatiuè. Maior in 4. d. 19. q. 1. Nau. cap. 26. num. 26. & cap. 27. num. 272. & patet ex Trid. sess. 14. cap. 7. sed est notandum, nam cum simplex sacerdos absoluit pœnitentem in articulo mortis ab excommunicatione, debet illi iniungere, ut cessante periculo se præsentet superiori, à quo absolueudus sit satisfactorius, alioquin reincidit in eandem excommunicationem; ut statuit in can. eos qui. de sent. excomm. in 6. & exponit Nau. cap. 26. num. 26. & cap. 27. num. 46. Sylu. verb. absolutio. 1. q. 2. num. 8. Caiet. verb. communicatio cap. 79. & 97. secus tamen est quando à reseruatis peccatis quis absoluitur in periculo mortis. tunc enim non tenetur qui absoluitur se præsentare qui euadit periculum; quia nullibi est talis obligatio, ut notat Innoc. in cap. nuper. de sent. excomm. Nau. cap. 26. num. 26.

Vigesimumsecundum dubium. An prælatus qui se de facto intrusit in beneficio sine autoritate superioris, habeat iurisdictionem sufficientem, ita ut confessio illi facta à suis subditis non sit iteranda. Resp. negatiuè, id est non esse validam. Angel. verb. confessio 4. §. 12. Nau. cap. 9. num. 11. vbi alios citat. & in cap. placuit. de pœnit. d. 6. num. 176. idque procedit etiam si pœnitens ignoret eum esse intrusum, & putet esse verum prælatum. nam licet excusetur dum fuerit in bona fide, postquam verò id sciuerit, tenetur confessionem iterare. ratio est, quia ut gesta per talem sint valida, requiruntur duo; ignorantia, seu communis facti error, & superioris autoritas, id est, quod sit constitutus curatus per superiorem. Caiet. verb. absolutio. cap. 3. probatur ex l. barbarius. ff. de offic. præsid. adde quod licet sit valida confessio quæ tali prælato sit his duobus concurrentibus. ut Nau. cap. placuit. num. 180. ex Panorm. tenetur tamen confessionem iterare, si quando confessus reuera sciebat illum non habere ius ad illud beneficium, neque confirmationem eius esse validam, licet haberetur vulgo ut verus prælatus. idem Angel. verb. confessio. 4. §. 12. Palud. in 4. d. 17. q. 6. art. 1. concl. 3.

Vigefimumtercium dubium. An quando Confessori defuit solum iurisditio ad absoluendum à peccatis reservatis quæ pœnitens simul cum alijs confessus est, cum id sciuerit, teneatur iterare confessionem omnium, an solum reservatorum. Resp. reservata tantum tenetur confiteri iterum habenti auctoritatem; quia ab alijs est absolutus. Caiet. verb. confessio. cap. 3. Nau. cap. 9. num. 3. & nos supra.

Vigefimumquartum dubium. An ratione libertatis quam pœnitens habet, possit sacerdoti competere facultas ad illum absoluendum. Resp. affirmatiuè, & omnes concedunt. Caiet. verb. absolutio. 2. & alij. datur autem libertas tripliciter: Primo, quando pœnitens nulli est subditus, vel saltem habet licentiam eligendi confessorem. Secundo, ratione status, vt si sit vagabundus. Tertio, ratione meriti, vt quando non habet nisi venialia. Sciendum est autem ante Concilium Trident. fuisse hanc praxim communem, vt omnes sacerdotes confiterentur ad inuicem: tamen Concilium sess. 23. cap. 13. statuit vt nullus etiam regularis possit absolvere nisi sit præsentatus coram Episcopo, & approbatus. & ita quilibet debet confiteri suo proprio, vel habenti priuilegium. ex Trid. sess. 14. cap. 17. & ex Florent. vbi dicitur ministrum esse sacerdotem habentem iurisdictionem ordinariam, vel delegatam ex eius licentia. & ex cap. omnis vtriusque. & patet ratione; quia absolutio est actus sententiæ iudiciariæ, quæ non potest ferri nisi ex habente iurisdictionem ordinariam, vel delegatâ. Igitur Quoad primum, Papa potest absolui à quolibet sacerdote quem elegerit, quia licet ipse non habeat iurisdictionem in se, habet tamen facultatem à Deo dandi iurisdictionem in se ei cui confiteri Voluerit, quia Deus non deest necessarijs. & hoc voluit d. Tho. in addit. q. 8. ar. 4. ad quartum. Soc. in 4. d. 18. q. 4. art. 2. Sylu. verb. confessio. 1. q. 2. Caiet. supra. quicquid dicat contra eum cano. Nau. in cap. placuit. de pœnit. d. 6. num. 9. & in manuali cap. 27. num. 260. Episcopus autem, & ceteri prælati habent à Papa facultatem eligendi confessorem. cap. si enim. de pœnit. & remiss. sic etiam & prælati superiores. & inferiores exempti, Generales religionum, Abbates, & similes. quare eo ipso quòd eligitur ab eis confessor, recipit potestatem absoluendi. non autem gaudet hoc priuilegio Abbatissa. addit Anton. 3. p. tit. 17. cap. 2. §. 2. quòd electus ab Episcopo potest eum absolvere à quocunque casu à quo potest

potest Episcopus; & dispensare, & commutare in ijs in quibus ipse potest cum suis subditis. addit etiam ex hostiens; quod hoc priuilegium non perdit Episcopus etiam si sit extra suam diocesim. Neque in hoc audiendus est Palud. & Sylu. cum Canonistis, qui dicunt Episcopos subdi Archiepiscopis, & hos primatibus. in hoc enim non subduntur nisi Papæ, vt patet ex dictis, & sots supra. Cardinales autem si sunt Episcopi, habent hoc priuilegium ex iure. si non, habent ex consuetudine, (nisi sint legati) quia non sunt prælati habentes iurisdictionem; tamen à Papa habent hoc priuilegium vt per se, & tota familia eligant confessorem; alioqui debent confiteri Papæ, vel summo pœnitentiario. Caiet. & Sot. supra. quicquid dicat Syluester. Prælati religionum habent potestatem eligendi confessorem; dicto cap. fin. vt notat Sotus. Item commensales prælatorum subduntur ipsis prælati suis. Sot. ibid. nisi sint dispersi per orbem. Parochi, & alij sacerdotes qui non sunt prælati, subditi sunt Episcopo quoad hoc. Consuetudo tamen tolerata obtinuit vt possint sibi eligere confessorem, præterquam à casibus reseruatis; Sotus supra. nec istud fuit reuocatum per Concilium Trid. sed solum fuit ibi dictum, vt eligerent ex approbatis. Intelligitur tamen vbi non est contraria consuetudo. Principes subduntur suis Episcopis. multi tamen habent priuilegium à Pontifice eligendi confessorem, vt Imperator, & imperatrix, & Reges. Familiæ verò ipsorum debent confiteri curatis vbi sunt. Quoad secundum, contingit libertas ratione status. cum scilicet aliqui nunquam permanent in eodem statu; quales sunt vagabundi; & hi confiteri possunt cum confessore approbato eius loci vbi se inuenerint. cum enim nullam habeant certam diocesim, possunt in quacunque confiteri, dummodo confessor habeat ibi iurisdictionem; non enim satis est vt sit simplex sacerdos, vt ait Sylu. verb. confessor. 1. §. 1. Sot. in 4. d. 18. q. 4. art. 2. Nau. cap. placuit. num. 81. de pœnit. d. 6. Palud. & alij. quàmuis Anton. 3. p. tit. 14. cap. 4. dicat posse confiteri simplici sacerdoti. Nostri autem opinio est vera, & probatur; qui cum is alicui confiteri vult, consequenter vult subire vicem incolæ illius loci; non enim debent esse melioris conditionis quàm incolæ loci vbi confitentur. Confirmatur quia ita dixisse dicitur Eugenius III. viuz vocis oraculo, referente Caiet. verb. absolutio. cap. 3. & dicit, quod si in sua patria erat aliquis

calus

casus referuatus, potest absolui ab eo vbi non est referuatus? non tamen necesse est vt confessor ille sit parochus, vt probat Nau. num. 81. cit. Idem dicendum est de viatoribus, peregrinis qui vel cum facultate peregrinantur, vel non; & de scholasticis. Caiet. supra, cap. 2. Nau. supra, num. 62. & 69. Victor. q. 155. quàmuis Caiet. istos omnes restringat tantum ad confessionem in paschate. sed rectè confutatur à Nau. supra, num. 64. quare si quis habeat licentiam parochi siue tacitam, siue expressam, potest eligere quemlibet ex approbatis ab ordinario, iuxta decretum concilij Trid. Sot. & Nau. in cap. placuit cit. Mercatores verò qui habitant alicubi animo manendi per aliquot menses, idque sine licentia parochi, debent confiteri cum parochio ad cuius curam pertinet domus quam habitant. Sot. supra. idem dicendum est de migrantibus ad locum cum animo ibi contrahendi domicilium. Sylu. confessio. 1. q. 10. Quoad tertium, contingit libertas ratione materiae, quando poenitens non habet nisi peccata venialia; nam hic si aliunde impediatur à quolibet sacerdote, si velit potest ab alijs absolui. d. Tho. in 4. d. 18. q. 2. art. 3. q. 1. ad 3. Nauar. cap. placuit cit. num. 10. 22. quicquid dicat Medin. C. de confess. q. de confess. voluntariè & non necessitate facta. id verò non ex eo est quia ad huiusmodi absolutionem non requiritur iurisdiclio, vt vult Medin. & Nauar. num. 25. supra; neque ex eo quòd omnes sacerdotes ad huiusmodi peccata absoluenda iurisdictionem ab ipso Deo acceperint, vt vult cano. oppositum tamen est verum; quia Christus dedit omnem potestatem suo Vicario à quo ad reliquos dimanare debet. Medin. supra. Dicendum est ergo. quòd ideo venialia à quolibet sacerdote absolui possunt, quia ad hoc datur tacitus superioris consensus. Vel quia Ecclesia in ordinatione cuiusvis sacerdotis facultatem hanc concedit. vnde sequitur posse summum Pontificem simplicibus sacerdotibus prohibere ne à venialibus absoluant. Dices, an quilibet intra annum facultatem habeat confitendi cui vult, cum ex deuotione confiteatur? Resp. negatiuè; quia licet non teneatur tunc confiteri, tamen si confiteatur, tenetur confiteri suo iudici praesenti, id est proprio sacerdoti; eritque talis subiectio non absoluta, sed conditionata, seu ex suppositione Medin. supra. & Nau. cap. 4. num. 3. idem dicas de eo qui confiteatur mortalia aliàs ritè confessi. debet enim confiteri proprio sacerdoti. Medin. ibid.

Vigesimumquintum dubium. An ex vi facultatis eligendi confessorē, possit quis eligere sacerdotem etiam simplicem. Resp. Rosel. verb. confessor. 3. §. 5. Sot. in 4. d. 15. q. 4. ad 3. Medin. q. 38. de sacerdote alieno per parochiam eligendo. Ledes. 2. 4. q. 7. art. 5. dub. 4. tenent posse eligi simplicem sacerdotem dummodo sit approbatus, & examinatus. Dico primo, non posse eligi sacerdotem ex vi dictæ licentiæ nisi qui reputatur sufficiens. Dico secundo, quod post concilium Trid. necessariò facienda est electio ex approbatis ab ordinario; vt habetur sess. 23. cap. 15. de reform. licebit ergo eligere simplicem sacerdotē idē parochum; si tamen is sit per examen, vel aliter approbatus ad audiendas confessiones. Vbi nota, quod semel præsentatus vni in aliquo loco, non tenetur illi vel alteri iterum præsentari. vt habetur in extrav. Benedicti XI. Inter cunctas. de priuil. quæ in hoc non fuit reuocata. & habetur ex clementina dudum. & Trid. sess. 23. cap. 15. Sot. in 4. dist. 18. q. 4. art. 3. Hinc infertur religiosos non habentes curam animarum, posse licitè audire confessiones iuxta eorum priuilegium dummodo sint iusto modo approbati; non tamen id possunt sine facultate suorum superiorum. si tamen sine ea facultate absoluerint, absolutio valida erit; sed peccarent ratione inobedientiæ, nisi in articulo mortis; tunc enim sine illa possunt absolvere, quia eā habent à Pontifice, vt ait Nau. cap. 4. num. 6. de his legenda. sunt plura apud Sotum in 4. d. 18. q. 4. art. 3. Sylu. verb. confessor. q. 5. Anton. 3. p. tit. 17. cap. 7.

Vigesimumsextum dubium. An qui à Pontifice vel Episcopo habent facultatem eligendi confessorē, teneantur petere licentiam à suis curatis. Resp. negativè, & tales confessiones non sunt iterandæ. est de fide. & contraria est erronea. Palu. in 4. d. 17. q. 4. Sylu. verb. Confessor. 1. q. 5. Nau. cap. placuit. de pœnit. d. 27. num. 57. & est communis. probatur, quia Papa & Episcopus per se possunt audire, ergo possunt & alij committere. Secundo, quia Papa & Episcopus constituunt parochos. Tercio, quia sic fuit ordinatum per Ioannem XXII. & Benedictum XI. & Clement. V. Dices, An facultas eligendi confessorē, spiraret per primam electionem, an possit variare ad libitum pœnitentis. Resp. quod non spirat, nisi expressè restringat qui illam concedit facultatem Nau. dicto cap. placuit. nu. 166. Palud. in 4. dist. 17. quæst. 4. Gabr. d. 17. q. 2. sumus enim in ma-

teria favorabili, & nulli est præiudicium.

Vigefimumseptimum dubium. An dicta licentia eligendi confessorum spiret morte concedentis. Resp. negatiuè, quia licet mandatum morte mandantis spiret, non tamen gratia facta. Ita Palud. in 4. d. 17. q. 3. Nau. cap. placuit. de pœnit. d. 17. num. 161. argumento cap. si vni. de præbend. in 6. cap. si super gratia. tit. cod. glos. in cap. dudum. de sepult. §. statuimus. quicquid dicat Sylu. verb. confessor. 1. q. 7. & 2. q. 4. §. quatenus. & Anton. 3. p. tit. 17. cap. 9. Neque obstat quòd excommunicatio per mortem excommunicantis cesset, quia ista est materia odiosa, non tamen hæc nostra quæ est favorabilis. Neque obstat quòd dicit glos. in cap. penult. de cleric. non residente, quòd licentia non residendi finiatur cum morte concedentis; quia non finitur ista licentia, si non reuocetur per successorem.

Vigefimumoctauum dubium. An credendum sit pœnitenti dicenti se esse confesum alteri. & an liceat ei dare communionem. Resp. affirmatiuè esse illi credendum, & ministrandam esse communionem, præterquàm in duobus casibus: Primo, quando ille est excommunicatus cognitus, & notorius peccator. Secundo, quando non constat de pœnitentia. est text. in extrau. Benedicti XI. inter cunctas.

Vigefimumnonum dubium. An ratihabitio satis sit, vt validè quis possit alteri Confiteri. Rep. quòd si ratihabitio sit de futuro, non valet vt absolutio sit valida; quia sacramentum, præsens non potest pendere à cōditione de futuro. Caiet. verb. absolutio. cap. 1. Palud. in 4. d. 17. q. 3. Nau. cap. 9. num. 6. & dicto cap. placuit. num. 104. Sylu. verb. confessor. 1. q. 6. §. 8. tunc ratihabitio esset de futuro, quando dicerem, credo quòd prælati meus quando intelliget hoc, ratum habebit, hoc non valet; quia (vt dixi) sacramentum non debet pendere à futuro euentu. Si verò est de præsentì, valet; quando scilicet quis credit probabiliter, quòd de præsentì est gratum proprio sacerdoti, vt extraneo confiteatur. Sylu. & Nauar. supra vbi dicit in cap. placuit. suos auditores nunquàm potuisse capere hanc distinctionem de futuro, & de præsentì. est autem talis ratihabitio de præsentì, idem quòd tacita, seu implicita sacerdotis proprii licentia, de qua supra dictum est. Dicit autem Victor. q. 173. cui contenti Ledes. hanc ratihabitionem debere intelligi per aliquod signum externum, quia sola complacentia non dat iurisdic-

risditionem; alioqui res esset valde periculosa. nec tutò vsurpari posset nisi postquam frequenti vsu approbata sit; nam aliàs absolutio confessoris non valeret; idemque teneretur pœnitens cum id sciuerit, iterare confessionem; quare potius esset requirendus consensus expressus. *Sot. in 4. dist. 18. q. 4. art. 1.*

Trigesimum dubium. An delegatus ad audiendas confessiones possit subdelegare. *Resp. negativè nisi in facultate sibi concessa hoc fuerit expressum. Sot. in 4. d. 18. q. 4. art. 3. Nau. cap. placuit. num. 71. de pœnit. d. 7. vbi probat sufficere tacitam subdelegandi facultatem. Vt quando vicarius, vel parochus committit alteri vices suas, potest is alterum sacerdotem vocare ad audiendas confessiones; quamvis oppositum dicere videatur Sylu. excomm. 7. casu 14. dub. 11. & Riccard. in quodl.*

Trigesimum primum dubium. An ratione delicti aliquis sortiatur forum conscientiz. vt scilicet quis teneatur confiteri cum parochio loci in quo peccauit: *Resp. quòd licet sortiatur quantum ad forum contentiosum, non tamen quantum ad forum conscientiz, etiam si peccatum esset notorium; quia pœnitentia ponitur qb̄ offensam Dei, ideo subiicitur in hoc ei quia habet iudicem loco Dei. ita Nau. cap. placuit. cit. num. 83. Sylu. verb. confessor. 1. q. 13. & alij.*

Trigesimum secundum dubium. An ratione studiorum, vel habitationis sortiatur quis forum conscientiz. *Resp. secundum Nau. cap. placuit. cit. num. 96. quòd ratione habitationis siue annalis, siue maioris annali, non sortiatur quis forum conscientiz quando alibi habet domicilium, & commodè potest adire parochum domicilij ad suscipienda ab eo sacramenta necessaria. si autem alibi non habet domicilium habitationis, vel illius parochum commodè adire non potest pro sacramentis suscipiendis; tunc ibi sortiatur forum. ex quo intelligitur glos. in clement. 1. de priuil. quæ ait, scholarium parochum esse illum cuius habitant parochiam. debet enim intelligi de illis scholaribus qui nullum alibi habent domicilium; vel certe parochum illius pro suscipiendis sacramentis commodè adire non possunt. Nau. ibid. num. 97. & concordat Sylu. verb. confessor. 1. q. 10. & sic intelligi potest Sot. in 4. d. 18. q. 4. art. 2. xum dicit debere confiteri parochio loci in quo habet do-*

tamen in hoc non licet adire alium sine licentia saltem Episcopi.

Trigesimum quintum. An liceat confitenti eligere confessorem in aliquo casu quando non impetrauit licentiam à proprio paroco. Resp. & Nota primo, Certum esse quòd quando petitur prædicta licentia sine culpa sacerdotis, vt verbi gratia ne reueletur peccatum complicit, tunc non obtenta licentia, non licet alteri confiteri. Palud. in 4. d. 17. q. 2. Adrian. q. 5. de confessione ad 4. similiter quando pœnitens vult proprio sacerdoti confiteri, ne opinionem bonam apud ipsum, omittat, vel super ipsum ne diligentius inuigilet; tunc enim non solum non licet alteri confiteri si negetur licentia, sed necessariò reputabitur iste carere confessore. Sylu. confessor. 1. q. 6. §. 1. Nau. cap. 7. num. 8. & in cap. placuit. num. 149. Item de eo qui per erubescenciam renuit paroco confiteri. Sylu. & Nau. ibid. Victor. q. 146. Secundo Nota, quòd quando petitur dicta facultas ob culpam confessarij, quòd scilicet sit ineptus, vel ignorans, vel indiscretus, vel quia solet reuelare confessionem, vel stimulare ad peccatum, vel aliud malum inferre, corpori, vel animæ pœnitentis; de hoc sunt duæ sententiæ. Vna est, quòd liceat confiteri alteri in hoc casu; petita scilicet & non obtenta licentia. est Palud. supra. Riccard. art. 3. q. 3. Sylu. verb. confessor. 1. q. 6. Adrian. de confess. dub. 3. Hostiens. & aliorum. & dant exemplum de concubina plebani. & probatur ex cap. placuit. de pœnit. d. 7. Altera sententia est vera. Sot. in 4. d. 18. q. 4. art. 2. & videtur d. Tho. in addit. q. 8. art. 4. ad 5. Marfil. q. 12. art. 2. Caiet. verb. absolutio. Medin. C. de confess. q. de confess. mulieris &c. can. relect. de pœnit. quòd scilicet in eo casu recurrendum est ad superiorem. quod si non possit, talis excusabitur ac si non haberet copiam confessarij. probatur ex cap. omnis Veriusque sexus. de pœnit. vbi absolute dicitur, quòd q. iusta de causa voluit alieno cōfessori cōfiteri, licet ià à proprio sacerdote petat, & obtineat. neque obstat cap. placuit. de pœnit. d. 6. quia intelligitur licitum esse proprium deferere obtēta prius superioris licentia, vt exponit Sotus. Vel dici potest quòd non loquuntur de proprio. Verum hoc tempore cum vbique sint religiosi priuilegiati qui possunt omnium confessiones audire, vix locum habet hæc quæstio.

Trigesimum sextum dubium. An proprius sacerdos teneatur

Qñ q 2 audi-

audire confessiones suorum subditorum. Resp. in vno conueniunt omnes, quòd quando de iure diuino, vel humano aliquis tenetur confiteri, semper tenetur parochus illum audire. sed de alijs temporibus est dubium. Prima opinio est Riccard. in 4. d. 37. q. 3. quòd non teneatur illos audire nisi quando illi de præcepto tenentur confiteri. idem Sylu. verb. confessor. 1. q. 18. Medin. q. de confess. per curatum &c. fol. 91. Secunda sententia est Adrian. in 4. q. 5. dub. 8. quam sequitur Sot. num. 18. q. 4. art. 2. & 3. in solutione 2. Nauar. cap. placuit. de pœnit. cap. 7. n. 152. qui tenent parochum teneri audire pœnitentes quoties illi rationabiliter petunt, vt scilicet liberentur à peccato. & hæc opinio videtur tutior, & probabilior. quod fusè probat Nau. quia id pertinet ad præcipuum bonum, & pacuum quod pastores tenentur exhibere ouibus; ergo tenentur audire. hoc verò intelligendum est quando aliqua magna occupatio non impediret parochum, & in iubilæis. at quãdo pœnitens ostenderet sibi multum referre confiteri, parochus tenetur audire; aliter peccat mortaliter. Dices, An is quem parochus non vult audire, nec dat licentiam alium, adeundi, possit quemlibet confessorem eligere. Resp. Sylu. & Riccard. supra, affirmant; quia tunc videtur dare tacitam licentiam. Oppositum tamen dicit Sotus. & ita tenendum est; quia est tutius; & patet ex supradictis.


Trigesimumseptimum dubium. Quid si aliquis cum intentione lucrandi Indulgentiam tempore iubilæi confiteatur, & absoluitur à censuris, & à peccatis reservatis à confessore approbato, postea verò mutata intentione non impleat quæ in iubilæo præscripta erant, vt ieiunium, eleemosynam, communionem, &c. An talis fuerit absolutus. Resp. affirmatiuè, quia absolutio non fuit conditionata. Ita Nau. in miscellaneis de orat. num. 130. & in manuali cap. 27. num. 177.

Trigesimumoctauum dubium. An proprius sacerdos requisitus teneatur dare licentiam subdito alteri confitenti. Resp. affirmatiuè ex communi sententia, quia sic multis peccatis succurrit. d. Tho. in 4. d. 17. q. 3. art. 3. & in opus. contra impugnantes religionem. cap. 4. Sylu. verb. confessor. 1. q. 16. Nau. cap. placuit. de pœnit. d. 6. num. 151. Imo d. Tho. in addit. q. 7. art. 4. ad 6. dicit peccare proprium sacerdotem si non fuerit facilis ad dandam hanc facultatem. & subdit, quòd qui subdi-

torum

torum conscientias per confessiones vult scire, & illis, & sibi periculum creat. Posset tamen aliquando ex iuxta causa negare facultatem hanc ut alteri confiteatur. Sylu. supra. Palud. in 4. d. 17. q. 4. ar. 3. Anton. 3. p. tit. 17. cap. 6. itaque de hoc non potest assignari certa regula :

De sigillo Confessionis. Cap. VII.



Primum dubium. Quid est sigillum Confessionis. Resp. est obligatio aliquid occultandi. d. Tho. in 4. d. 21. q. 1. art. 1. q. 3. ad 3. et est communis. Omni autem iure hoc sigillum præcipitur, diuino, naturali, positivo, & Ecclesiastico; adeo strictè, ut in nullo casu liceat reuelare nullo præcepto, nullo metu, nulla causa, etiam si peccatum esset leue (nisi de pœnitentis licentia) nec ad hominis vitam seruandam, nec pro salute totius mundi siue temporali, siue spirituali. Caiet. verb. confessio cap. 2. Nau. cap. 8. nu. 2. & alij. adde quòd nec Papa, nec tota Ecclesia potest circa sigillum dispensare ut non seruetur. Riccard. in 4. d. 21. q. 2. ad 2. Scot. ibid. q. 2. Dur. q. 4. Sylu. verb. confessor. 3. q. 3. & est tale, ut obliget etiam post mortem pœnitentis. Sot. in 4. d. 18. q. 2. Sylu. supra. Nau. cap. 8. num. 7. fieret enim iniuria sacramento non minor quàm si in vita reuelaretur. & fieret etiam odiosa confessio; fieret quoque iniuria proximo; homines enim etiam post mortem desiderant bonum nomen. & insuper, quia hoc est præceptum negatiuum, quòd obligat pro omni tempore; ergo non licebit reuelare; Sylu. supra. esset enim peccatum mortale sacrilegij. Caiet. verb. confessio. cap. 2. Nau. cap. 8. num. 2. Sot. in 4. d. 10. q. 4. art. 5. d. Tho. supra. Hinc sequitur quòd licet sacerdoti dicere se nescire ea quæ nouit per confessionem. Caiet. verb. confessor. in fine. Sot. in 4. d. 18. q. 2. art. 3. Medin. C. de confess. q. de confess. celanda. Sot. l. 5. de iust. q. 6. probatur ex August. ser. 5. ad fratres in eremo, *illud (inquit) quod per confessionem homo scit, minus scit quàm quod nescitur*. Item quia verbum *nescio* ex communi vsu non refertur ad ea quæ quis scit per confessionem. Hinc etiam infer-

infertur, quòd si confessor interrogetur an sciuerit tale peccatum, potest circa peccatum dicere, non memini. Imo potest expressè dicere, non audiui. Dices, quid si quis petat an in confessione audierit tale peccatum? Resp. si absolute neget, erit mendacium; vt aiunt Caiet. Palud. & Sor. supra. similiter si respondeat, *nescio*; vel *non audiui*; nihil subintelligendo, vt ait Sorus. quia supposita tali interrogatione ex communi vsu, & de rigore est sensus, *nescio*, vel *non audiui* in confessione. Nota tamen quòd cum non teneatur sacerdos respondere ad mentem interrogantis, licitum est æquiuocare, *nescio*; subintelligendo, vt tibi dicam, vel quid simile. Anton. 3. p. tit. 17. Ledes. 2. 4. q. 10. art. 1. dub. 6. Melius tamen respondere poterit, dicens; quòd religio prohibet respondendum in vtramque partem ad illas impias interrogationes. Nomen sigilli est metaphoricum, deductum à sigillo literarum sub quo secretæ latent literæ. sicut enim sigillum retinet rem occultam obsignatam in tabula, vel charta, ita obligatio rem celat. Nau. cap. 8. num. 1. & est duplex; vnum secreti, quod est legis naturalis; alterum confessionis, quod est ex lege diuina positum, nedum de iure naturæ. dum enim præcipit Christus confessionem, necessario præcipit sigillum sine quo non constaret inter homines confessio. Probatum quòd iure naturali seruandum; quia iure naturali præcipitur obseruantia secreti. prou. cap. 11. *qui ambulat fraudulenter reuelat arcana, qui autem est fidelis seruat amici commissum*. Confirmatur; quia sine fidelitate secreti periret maxima pars amicitiarum, consiliorum, negotiorum, &c. Confirmatur secundo: quia ex iure naturæ non debemus alijs facere quæ ipsi nolumus. Confirmatur tertio; quia vitia ex natura sua celanda sunt; virtutes verò manifestandæ. Secundo probatur de iure positivo diuino; quia omnino ad præceptum confessionis est necessarium secretum, & sine sigillo non potest constare. Vnde cum ex Ioan. 20. probauerimus præceptum confessionis, ex eodem colligitur præceptum sigilli. Confirmatur; quia ideo d. Tho. in addit. q. 11. docuit sigillum esse de necessitate confessionis, non quia sit de essentia, sed quia sine hoc illa constare non potest. Confirmatur secundo, quia sicut Deus tegit peccata pœnitentis, ita & minister eius debet tegere. Tertio probatur de iure Ecclesiastico, vt habetur de pœnit. d. 6. cap. sacerdos

sacerdos contumeliosè uiuat idem præcipitur ne fraudetur pœnitens sub pœna depositionis, vel ut semper perigrinetur, vel ut in perpetuo carcere uiuat in arcto monasterio ad perpetuam pœnitentiam. cap. omnis utriusque sexus. de pœnit. & remiss.

Secundum dubium. Vtrum vnâ confessionem liceat reuelare in alia: verbi gratia si quis aliquem malè absoluit, & si confiteatur opus est ut reuelet confessori peccatum pœnitentis illi noti. Resp. in eo casu reticendam esse potius illius circumstantiam si non sit copia, & urgeat necessitas. quia vinculo secreti confessionis est astrictus. Ita Scot. Palud. & Adriā. in 4. Nau. cap. 8. num. 6. & alij. quāuis Sot. in contrarium inclinēt in 4. d. 18. q. 4. art. 3.

Tertium dubium. An de licentia pœnitentis liceat reuelare confessionem. Resp. Prima sententia negat; quia confessor illam scit ut Deus, ergo per nullius hominis facultatem, potest reuelare. Alens. 1. p. q. 78. m. 2. & 4. p. q. 19. m. 2. art. 2. §. 1. Scot. in 4. d. 21. q. 2. Dur. d. ead. q. 4. Angel. verb. confessor. §. 5. & aliorum. Secunda sententia opposita est communis. d. Tho. in addit. q. 11. art. 4. Bonau. in 4. q. 21. d. 21. art. 1. q. 2. Palud. ibid. q. 3. art. 3. Adriā. q. de sigillo. & q. de confess. Sotus in 4. d. 18. q. 4. art. 6. & de ratione teg. secr. m. 3. q. 4. Victor. q. 157. & alij; qui dicunt licere ex iusta causa dummodo fiat sine scandalo, quia tunc sacerdos scit ut homo, ideo potest reuelare. consultius tamen esset ut ea iterum diceret extra confessionem; Sylu. verb. confessio 3. q. 3. non tamen est necesse. hinc patet quod iusta causa dandi, vel petendi hanc licentiā, est utilitas ipsius pœnitentis, ut exponunt Adriā. & Sylu. supra. Nau. cap. sacerdos. de pœnit. d. 6. num. 158. Medin. q. de licentia confitentis. Secundo patet ex cap. significasti. de adult. & ex cap. officij. de pœnit. & remiss. & ex cap. Matthaus. de Simonia. Tercio, quia hoc sigillum inductum est in fauorem pœnitentis, & confessionis, sed hoc non est in præiudicium utriusque, ergo &c. Addo tamen quod hæc licentia debet esse expressa, & non interpretatiua. item debet esse valde libera, & nullo modo coacta. vnde si uxor coacta à marito daret istam licentiā confessario, esset summum sacrilegium reuelare. imo nec confessarius deberet audire confessiones tales, quæ sunt ad probandam innocentiam peccati. item licentia debet esse
valde

valde rationabili, idest pro bono spirituali, vel temporali alicuius; vnde si esset per modum ioci, vel simili modo, esset sacrilegium. Medin. supra. Nau. supra num. 157. & 159. Sot. in 4. d. 18. q. 4. art. 6. Anton. 3. p. tit. 17. cap. 22. §. 1.

Quartum dubium. An saltem cum eodem pœnitente qui confessus est; extra confessionem liceat colloqui de peccatis eius. ratio dubij est, quia hoc non est reuelare. Secundo, quia sacerdos potest illi prodesse monendo. Tertio, quia potest committere errorem in confessione de quo debeat illum emendare extra confessionem. Resp. negatiue, quicquid dicat Palud. qui dicit licere occultè. licet enim fortè non esset reuelatio sigilli, tamen esset facere exoriam confessionem, & rubore suffundere pœnitentem. quando autem erratum esset in confessione, tunc vel esset petenda licentia ab eodem pœnitente; vel est reuocandus ad confessionem. & pœnitens teneatur vtrunque præstare. Sot. in 4. dist. 18. q. 4. art. 6. Nau. cap. 24. num. 17.

Quintum dubium. An omnia in confessione audita cadant sub sigillum. Resp. Primo, sub sigillum cadunt non solum omnia mortalia cum suis circumstantijs, sed etiam venialia. ex cap. omnia vtriusque sexus. de pœnit. & remiss. d. 6. & cap. sacerdos. ibid. vbi vniuersim de omnibus peccatis prohibetur reuelare. Item ex iniuria quæ fieret sacramento. Item ex scandalo, nam arcerentur homines à confessione. & ex communi sententia. d. Tho. in addit. q. 11. art. 2. Sot. in 4. d. 18. q. 4. art. 5. & 1. de secreto regum. m. 3. q. 4. cond. 3. Nau. cap. 8. num. 9. Tab. verb. confessionis relatio. q. 1. Angel. verb. confessio vlt. §. 14. & alij. Secundo, non solum persona pœnitentis directè cadit sub sigillo confessionis, sed quæcunque alia cuius peccatum esset expressum in confessione. explico, nam persona vel consideratur per se, vel in ordine ad peccatum; si primo modo manifestatur, non est reuelare confessionem, ut si dicam, talis confessus est mihi peccata sua. Si autem secundo modo, ut si dicam, talis confessus est mihi magna peccata, vel furto, &c. vel dicam Petrum murmurasse, quia sciui confessionem Pauli; hoc esset directè reuelare confessionem, ex communi sententia. Nau. cap. sacerdos. de pœnit. d. 6. num. 160. Gabr. in 4. d. 18. q. Vnicuique. 1. Palud. q. 3. art. 2. Sot. supra. Tab. supra. q. 7. Sylu. verb. confessio. 3. q. 6. Riccardus 2. var. q. 4.

q. 4. Tertio indirectè cadunt sub sigillo etiam res quæ non sunt peccata, ex quorum manifestatione possunt venire in notitiam peccati, vel peccatoris. Navar. dicto cap. sacerdos. num. 160. & in manuali cap. 8. num. 13. Sor. supra. art. 5. Sylui. verb. confessio. 3. q. 3. d. Tho. & Riccard. supra. Vi&or. q. 188. Quarto, ea quæ generare possunt infamiam pœnitenti etiam si peccata non sint, cadunt sub sigillo: vt quòd aliquis ortus sit ex nouis Christianis, vel sordidis parentibus, &c. Sor. in 4. d. 18. q. 4. art. 5. concl. 1. Vi&or. q. 188. Quinto, reliqua omnia, quæ in confessione audiuntur, quamuis non cadant sub sigillo confessionis, tamen celanda sunt, quoniam expressè vel interpretatiuè ea pœnitens tradit sub sigillo secreti. hoc enim obligat tum ratione scandali, tum ratione periculi reuelationis, tum ex natura ipsius secreti quod obligat iure naturali. d. Tho. in addit. q. 11. art. 2. Tab. q. 9. cit. Vi&or. supra. Sexto, ea quæ non pertinent ad peccata nec refert pœnitenti ea reuelare, neque sub secreto dicta sunt, præsertim si sunt in fauorem pœnitentis, vt illius patria, dignitas, officium &c. dici possunt. Dur. in 4. d. 21. q. 4. Palud. ibid. q. 3. Gabr. q. Vnica. Tab. q. 9. cit. Sor. & Vi&or. supra. non tamen dicat confessor se in confessione sciuisse. Sed optimum consilium est illa non dicere, vt notant Sor. Tab. & Vi&or, supra.

Sextum dubium. Quot modis reuelari possit confessio. Resp. Primo esse reuelatorem illum, qui auditis tribus, de vno dicit: iste non habet peccatum mortale; vel ista est Virgo. innuit enim alios habere peccatū mortale, & sic indirectè alteri detrahit. Medin. C. de confess. q. 51. Secundo, reuelat ille confessionem qui diceret, ego non absolui hunc: quicquid dicat Caiet. verb. confessio. ex eo quòd credit de rigore non reuelare, eo quòd possunt esse aliæ causæ non absoluedi præter indispositionem pœnitentis. Sed quia communiter negatur absolutio ob indispositionem, ideo non consentio cum Caietano. Tertio, qui cum non absoluisset aliquem ad impedimentum, petenti deinde communionem negat. si enim peccator est occultus, debet dare; si verò publicus, potest negare dicendo: publico peccatori de quo debet constare publica pœnitentia, non est danda communio. Quarto, reuelaret qui peccatum terciæ personæ auditum in confessione diceret; quia non solum peccata pœnitentis, sed etiam aliorum cadunt

sub sigillo. Quinto, est reuelator qui diceret aliquod peccatum veniale alicuius, qui multis annis antea diceret; etiam si peccator non veniret in cognitionem aliorum, nec peccatum fuisse in confessione, quia auditores quod putent me cognovisse in confessione vel non, non refert. Sexto, reuelator est qui de publico peccatore diceret, talis confessus est mihi sua peccata publica. Septimo, Ledesma dicit esse peccatum mortale si quis dicat in tali ciuitate cuius confessiones audiuit esse magna, vel multa peccata in vniuersali. quamuis Nauarrus dicat, de rigore non reuelare confessionem; tamen malè facere ego crederem quod ex modo loquendi aliquando esset peccatum mortale, aliquando non. Octauo, non reuelat confessionem qui dicit, talis confessus est mihi peccata venialia; quia certum est confessionem non posse esse saltem sine venialibus. Nec qui diceret, iste suis minutissimis peccatis obtundit mihi aures, & caput, secundum Nauarrum. quamuis si colligerent auditores illum esse virum molestum, tunc non licet; quia non est in fauorem confessionis. Nec si dicat, audiui confessionem istius; nisi ex hoc aliquo modo indirectè possit cognosci aliquod peccatum. Nec reuelat qui diceret concionatori, aut superiori, vt habeat bonam curam contra aliqua peccata, nisi aliquo modo superior postea posset venire in notitiam pœnitentis. Neque reuelaret qui diceret aliqua impertinentia ad conscientiam pœnitentis, vt iste est filius Ioannis. non tamen liceret dicere, iste est illegitimus, vel est parui iudicii. Nec reuelaret qui diceret, ille confessus est mihi peccata sua; ex Palud. in 4. d. 21. q. 3. art. 2. ad 6. Sylu. verb. confessio. 3. q. 10. Sot. d. 15. q. 4. art. 5. Nauar. cap. 10. nu. 11. & in cap. sacerdos. num. 68. de pœn. d. 6. ratio est, quia cum sit omnibus notum confessionem esse de peccatis, nulla sit iniuria personæ, nec sacramento. & patet ex dictis.

Septimum dubium. Quid si confessor audiat confessionem publici peccatoris, an sine reuelatione posset dicere, talis confessus est mihi peccata sua? Resp. Caiet. verb. confessor. affirmat. & ita tenendum est. nisi fortè per huiusmodi affirmationem posset significare talem confessum esse peccatum, illud publicum. similiter à fortiori cum hac moderatione dicendum est, quod si confessor qui audit confessionem publici peccatoris dicat, talis confessus est mihi ritè, & illum absolui,

non.

non reuelaret confessionem. *Sot. in 4. d. 18. q. 4. art. 3. & l. de ser. m. 3. q. 4. concl. 3. Medin. q. de his quæ à confess. celanda sunt. & Caiet. verb. confessor.* Nota tamen, quòd quando pœnitens id illi prohibuit, siue sit publicus, siue occultus peccator, non licet illud dicere. *Nau. cap. 10. num. 18. & cap. sacerdos. cit. num. 71. vbi ait, ad id teneri non sigillo sacramentali, sed naturæ.* Dices, si confessor audit peccatum publicum apud omnes, verbi gratia diceret, ille confessus est suum concubinatum, an reuelaret? *Resp. affirmatiuè; quia licet sit peccatum publicum, postquam tamen ad confessionem delatum est, non licet illud extra proferre tanquam confessum.* *Caiet. verb. confessor. Sot. & Nau. supra. & est communis.*

Octauum dubium. An quando sacerdos alia via scit peccatum aliquod præter confessionem, teneatur celare sub sigillo. *Resp. Altis. l. 4. q. de sigillo, dicit; quòd si sacerdos recipit peccatum in confessione, nullo modo potest reuelare.* Alij dicunt, quòd si ante confessionem sciuit, & post confessionem non iterum scit, nullo modo potest. Contraria opinio est communis, licet tale peccatum reuelari quando opus esset, nec esset scandalum. *legendus est Sot. l. de ratione teg. & de teg. secr. Palud. in 4. d. 21. q. 3. art. 3. concl. 3. Bonau. art. 2. q. 3. Sot. d. 18. q. 4. art. 6. Nau. cap. sacerdos. num. 161. de pœnit. d. 6. Medin. fol. 115. prob. quia aliàs fieret præiudicium, veritati, & aliquis cogeretur mentiri, & innocens pateretur, & dolus alicui patrocineretur.* Secundo, quando aliquis commisset delictum coràm duobus, quorum alter est sacerdos, & ille talis delinquens à sacerdote confiteretur, tunc sacerdos per confessionem illam non amittit ius quod prius habebat. sed tunc poterat dicere, ergo & nunc. *Primo addo, quòd si sacerdos haberet tantum indicia peccati sibi confessi, posset illa in publicum prodere, vt si pœnitens abscinderet marsupium confessario, potest dicere, nunc eram cum marsupio in templo, modo verò non inuenio. Sed in hoc est triplex cautela adhibenda: Primo vt nihil omnino dicat quàm id quod est extra confessionem. Secundo, quòd nullo modo potest dicere se in confessione cognouisse. Tercio, vt vitet scandalum.* ait *Medin. quòd pro vitando scandalo in aliquo casu debet exponere modum quo illud scit. Vt verbi gratia, quia vidit, audiuit, &c. Si enim diceret se sciuisse in confessione, frange-*

ret sigillum; Caiet. verb. confessor. Nauar. dicto cap. sacerdos. num. 11. & cap. 8. num. 5. & 10. Videndi sunt d. Tho. in 4. d. 21. q. 4. art. 3. & in addit. q. 11. art. 5. Alenf. 4 p. q. 78. m. 2. art. 4. Riccard. d. 21. ar. 4. q. 1. ad 2. Bonau. ibid. art. 2. q. 3. Sylu. verb. confessor. 3. q. 5. Præterea, si extra confessionem scit sub dubio, alteri reuelare non debet; quia si diceret pro certo ex natura confessionis, reuelaret confessionem. Angel. verb. confessio. vlt. §. 7. si ergo expediret ut talia peccata proderet, petat licentiam à pœnitente, ut supra dixi.

Nonum dubium. An reuelaret qui rogatus diceret, se publicum peccatorem aliquem non absoluisse. Resp. Caiet. verb. confessor. dicit, quòd talis de rigore non reuelaret. Oppositum tamen est verius. quia per hoc ex natura sua significatur, pœnitentem accessisse sine dispositione, quod citra reuelationem sciri non potest. Sot. in 4. d. 15. q. 4. art. 5. concl. 3. Nauar. cap. 8. num. 10. & 18. & in cap. sacerdos. num. 63. & 66. Petr. Sot. Lect. 11. de confess. Anton. 3. p. tit. 17. & alij. hinc patet quòd magis frangeret sigillum si dicat se non absoluisse, quia non vult restituere, vel quia est impœnitens; Caiet. & Sot. supra. Nauar. num. 10. cit. & dicto cap. sacerdos. num. 64. Dices; An qui hæreticum hæsitantem in confessione audiuit petentem consilium, vel propter obstinationem damnatum, possit dicere se non absoluisse? Resp. Sot. supra tenet licere, quia id ipsemet manifestat perseverando in sua hæresi. Oppositum tamen tenet Dur. in 4. d. 21. q. 4. ad 3. & hoc est tenendum. cum enim confessio fuerit sacramentalis quoad sigillum, etiam si pœnitens se prodat, celanda est. Quid ergo respondebit confessor si interrogetur? Dicat, feci officium meum. Sot. supra. & Nau. cap. 8. num. 14. Victor. q. 186.

Decimum dubium. An liceat reuelare peccatum in genere, vel specie sine peccatore, quando nulla penitus haberi potest suspicio peccatoris. Resp. Panor. in cap. omnis, dicit non licere. contraria tamen sententia est communis. & probatur ex cap. sacerdos. de pœnit. d. 6. vbi dicitur, ut sacerdos id dicat cum magna cautela. Sed Nota Primo, quòd si esset aliqua synodalis constitutio in contrarium, illa debet seruari. Secundo, etiam si liceat in concionibus reprehendere peccata, in confessione audita, tamen non dicat concionator se audisse in confessione, nam offenduntur aures piorum. Tercio, quando

quando petitur consilium pro aliquo casu audito in confessione, valde cautè faciendum est.

Vndecimum dubium. An sit peccatum mortale ex genere suo revelare peccatum minimum veniale pœnitentis? ratio dubij est, quia leuitas materiæ excusat in alijs. Responsum semper esse peccatum mortale, nisi fortè aliqua subita inuertentia diceretur, ita Sor. & Nau. supra cit. quia ex hoc etiam deterrentur homines à confessione. & quia fit iniuria notabilis sacramento, nec excusat leuitas materiæ.

Duodecimum dubium. An sigillum oriatur ex quacunque confessione sacramentali, quæ scilicet fit animo accusandi se coram Deo. Caiet. verb. confessor. Sor. in 4. d. 18. q. 4. art. 5. concl. 5. Nauar. cap. 18. num. 55. pro explicatione Notæ primo, quòd quamuis aliquis dicat alteri, hoc tibi dico sub sigillo confessionis, non tamen inde insurgit sigillum sacramentale si dicat absque proposito confitendi peccata, & recipiendi absolutionem sacramentalem; vt docent doctores citati. Gabr. in 4. d. 21. q. 11. dub. 3. Palud. q. 3. art. 2. Petr. Sor. Lect. 11. Anron. 3. p. tit. 17. cap. 22. §. 28. Viçtor. q. 190. & est communis. Secundo, hinc fit vt tale secretum obliget, vt quodlibet aliud extra confessionem detectum, vt ait Caiet. 2. 2. quæst. 70. art. 1. Sor. de secr. reg. m. 3. q. 7. art. 1. Nauar. cap. 18. num. 55. quàmuis Viçtor. q. 19. dicat quòd tenetur pliusquam alia seruare illud secretum. Idem Ledes. q. 10. art. 3. dub. 3. Tercio, hoc procedit etiam si aliquis genibus flexis, & præmissa confessione generali tale secretum dicat, non tamen intentione confitendi. Sor. in 4. d. 18. q. 4. art. 9. concl. 5. Nauar. cap. 18. num. 55. Quarto, à confessione quæ fieret ab aliquo animo decipiendi confessorem, vt illum inducendi ad aliquod peccatum, non oriretur sigillum sacramentale, qualis posset esse confessio hæretici, vel meretricis, quando confitentur sine proposito emendationis; quia ista non esset confessio, sed irrisio. neque hic est forum pœnitentiæ; nam hic potius est impœnitens, quàm pœnitens. Sor. in 4. d. 18. q. 4. art. 5. & l. de reg. secr. m. 3. q. 4. concl. 2. dur. d. 21. q. 4. art. 3. Sylu. verb. confessio. 3. q. 5. & verb. confessor. 1. q. 4. Petr. Sor. lect. 11. de confess. & alijs. Contraria tamen sententia affirmatiua est communis. Bonau. in 4. q. 21. par. 2. art. 2. Ricar. d. ead. Ledes. q. 10. art. 5. dub. 3. d. Tho. in addit. q. 11. art. 1. ad 1. vbi dicit contrariam

esset

esse erroneam. Ego distinguo, quòd dupliciter potest pœnitens sic accedere ad confessorium. primo, volens se subijcere clauibus. secundo, animo decipiendi confessorium, vel recipiendi remedium pro peccato; si primo modo accedat, omnino seruandum est sub sigillo; quia iste est actus bonus in ordine ad sacramentum confessionis. confirmatur ex cap. quod quidam. de pœnit. & remiss. vbi Pontifex dicit, tales confessiones esse recipiendas. si secundo modo accedat, non est seruandum sigillum; quia illa est illusio confessionis. & multo minus sunt celanda sub sigillo ea quæ vulgo dicuntur ista phrasi; *hoc tibi dico in confessione*; quia verè ista non est confessio. seruanda sunt tamen sub sigillo naturæ. Quinto nota, quòd vt ex confessione oriatur obligatio sigilli sacramentalis, non requiritur vt illam sequatur absolutio, sed vt pœnitens dicat peccata animo confitendi, & suscipiendi absolutionem quamuis non absoluator. Palud. in 4. d. 21. q. 3. art. 2. ad 4. Caiet. Sor. Victor. supra. imo quando aliquis confitetur sine animo abstinendi à peccato, sed tantum petendi consilium, iuxta cap. cùm quidam. de pœnit. & remiss. ex illa confessione oritur obligatio sigilli; Sor. supra. Sexto nota, quòd hoc etiam procedit de peccatis perpetrandis quamuis dicto modo confiteretur. vt si confiteatur aliquem contra dictum esse licitum, & monitus esse vsurarium, voluit desistere; & sic de alijs. talia cadunt sub sigillo sacramentali; Sor. supra. ar. 5. & l. de teg. secr. m. 3. q. 4. concl. 2. Gabr. d. 21. q. vnica. art. 2. Medin. q. de his quæ à confessore celanda sunt. Nauar. cap. 9. & 19. Bonau. in 4. dist. 21. p. 2. art. 2. q. 1. d. Tho. ibid. & alij. quamuis oppositum sentiant Alens. Panor. & Innoc. quos cita Sotus.

Decimumtertium dubium. An aliquis alius præter sacerdotem teneatur seruare sigillum. Resp. primo, tenetur propriè, & principaliter ipse sacerdos seruare sigillum; & ipse solus dicitur reuelator. Palud. in 4. d. 21. q. 3. Sor. d. 18. q. 4. art. 5. concl. 4. & l. de teg. secr. m. 4. q. 3. concl. 4. Sylu. verb. confessio. 3. q. 1. Ledes. 2. 4. q. 10. art. 5. dub. 2. & probatur; quia in cap. omnis vtriusque sexus. de pœnit. & remiss. solus sacerdos iubetur seruare sigillum. item quia ipse solus habet potestatem clauium ad cognoscendum peccatum in sacramento; ergo ipse solus tenetur seruare sigillum. Secundo, aliæ etiam personæ (præter sacerdotem) quæ nouerunt aliquo modo peccata confessa,

vel

vel confitenda siue casu, siue data opera, tenentur seruare sigillum non solum iure naturæ, sed etiam iure diuino; quia id postulat natura huius sacramenti, à quo adeo sunt astricti, vt nec ad vitandam mortem illud reuelare possint; vt dictum est supra, dub. 1. Gabr. in. 4. dist. 21. q. vlt. Nauar. cap. 8. num. 7. & cap. 18. num. 31. & in cap. sacerdos cit. num. 42. & 116. Viñor. q. 190. vnde Prælatus à quo petitur facultas in aliquo casu reservato tenetur seruare sigillum; nec potest aduersus personam inquirere. sot. l. de secr. teg. concl. 4. vbi docet inter seruatores sigilli esse varios gradus obligationis in seruando secreto. item doctor à quo consilium peteret confessarius Palud. in 4. d. 18. q. 3. art. 1. item interpret confessiois. item laicus cui quis confiteretur ex deuotione. item qui audiuiſſet aliquo modo iustè, vel iniustè, vel inueniſſet scripta eius peccata, tenetur celare; Sot. supra. & d. 18. q. 4. art. 3. Nau. cap. sacerdos cit. num. 8. Ledes. 2. 4. q. 10. art. 3. dub. 2. & qui intelligeret esse peccata alicuius particularis, peccaret si legeret. Nau. cap. sacerdos num. 9. item is tenetur etiam seruare cui sacerdos fractor sigilli reuelaret. denique etiam ipsemet pœnitens. & quamuis aliqui summiſſæ agrauent istum casum, tunc putarem esse graue peccatum, quando cederet in damnum, famæ confessarij. si autem sacerdos sollicitaret pœnitentem ad aliquod peccatum, posset seruato præcepto correctionis fraternæ, admonere prius confessarium; deinde reuelare si opus sit. Vnde sit

Decimumquartum dubium. An pœnitens teneatur celare quæ dicit ei sacerdos in confessione. Resp. quòd ex ratione, sigilli cum hoc non ad pœnitens, sed ad confessarios pertineat, non tenetur pœnitens celare consilium, & pœnitentiam sibi iniunctam, &c. Sot. de teg. secr. q. 4. concl. 4. dub. 3. Ledes. supra. dub. 2. Secundo dico, quòd quando ex reuelatione confessor pateretur detrimentum, esset peccatum mortale illud reuelare, vt ex hoc ille possit irrideri. Riccar. in 4. d. 21. q. 3. art. 3. Palud. d. ead. q. 3. art. 3. Gabr. ead. q. vnica. art. 3. concl. 4. Nau. cap. sacerdos cit. num. 115. nisi fortè ad capiendum consilium fieret, quando pœnitens sacerdotis imprudentia se sentit nimis grauatum. Sot. supra.

Decimumquintum dubium. An sacerdos possit se aliquo modo inuare à noticia confessionis, idest quomodo in praxi se debeat

debeat gerere confessarius postquam habuit notitiam pœnitentis; modo ex hoc neque indirectè sequatur notitia peccati. Resp. Henricus de Gand. quodl. 8. quæst. 18. 19. & 31. dicit non posse in nullo casu. nec aliter se debet habere confessor post confessionem pœnitentis auditam, quàm ante illam. sed debet se ita gerere, ac si prorsus ignoraret conscientiam pœnitentis. Contraria tamen opinio est communis. nam communiter docent doctores esse multos casus in quibus sine sigilli fractione potest notitia in confessione habita confessorem adiuuare, & eum cautiorem reddere. & hæc opinio est tenenda. Primo, quia hinc nulla sequitur peccati reuelatio, ergo &c. Secundo, quia per hoc non fit odiosa confessio ex natura rei, quamuis possit fieri ex defectu pœnitentis. Tercio, quia sunt multi casus (vt dixi) quos ponunt doctores, in quibus licet adiuuari. Primus casus est: Abbas vel alius prælatus nouit in confessione priorem vel rectorem, esse perniciosum subditis, quos immediatè regit, an possit contra illum inquirere, vel punire, vel officio priuare. Resp. ex d. Tho. in 4. d. 21. q. 3. art. 1. ad 1. & in addit. q. 11. art. 1. ad 3. quòd prælatus absque læsione conscientiz potest relinquere peccatum, & aliud adhibere remedium in foro conscientiz, admonendo illum vt resignet officium. Vel alia occasione poterit illum ab eo onere liberare, ita tamen vt nulla detur suspicio ex causa reuelationis. ita d. Tho. quod. 1. art. 14. vbi dicit, quòd quando timetur periculum in posterum, & aliquis potest priuari officio sine suspicione reuelationis, vt quando officium sit amouibile ad nutum superioris, in tali casu debet auferre. melius tamen esset adiuuare vt resignet. Si autem peccatum est præteritum, & emendatum, vel non potest priuari officio sine suspicione reuelationis, (vt quando officium est perpetuum) tunc dicit non esse priuandum. est communis opinio. Bonau. in 4. d. 2. 2. p. art. 2. q. 1. Scot. q. 2. d. 1. Palud. q. 3. art. 3. concl. 3. Anton. 3. p. tit. 17. cap. 22. §. 1. Sot. in 4. d. 18. q. 4. art. 5. & l. de secr. reg. m. 3. q. 4. art. 5. Riccard. d. 21. art. 4. q. 2. ad 4. Sylu. verb. confessio. 3. q. 14. Tab. verb. confessionis celatio. & alij. addit tamen Riccardus adeo esse vitandam reuelationis suspensionem, vt non solum alij, sed nec ipse pœnitens possit venire in suspensionem per confessionem quamuis remotam. quod sequuntur Tab. Rosell. & Angel. quamuis non pla-

placeat Syluestro. Videtur tamen illa tutior ne daretur occasio detegendi peccatum, vel retrahendi homines a confessione. ex his patet, quod quando peccatum est solum cognitum in confessione, non potest prælatus contra illum inquirere, sed potest tempore visitationis esse diligentior, & accuratius inuigilare. *Sot. d. 18. q. 4. art. 3.* hinc etiam inferitur, quod si quis in confessione sciat moliri prodicionem, incendium, vel alia mala contra rempublicam, non potest reuelare, nec superiores si reuelaretur possent ob eam notitiam inquirere. debet tamen confessor monere præsulem in genere ut vigilet super urbem, vel subditos; *Sot. supra. & d. Tho. in 4. d. 21. q. 3. art. 1. q. 2.* Secundus casus. Confessarius scit per confessionem aliquem esse indignum prælatione, vtrum si intersit promotioni eius, possit negare suffragium, vel reclamare. *Resp. primo ex d. Tho. in 4. d. 21. q. 3. art. 1. affirmatiuè, non tamen licet indignum eligere. neque ex hoc daretur suspicio reuelationis confessionis, quia potest iudicari indignus multis de causis; ut propter defectum ætatis, scientiæ, &c. Resp. idem Palud. supra. Sylu. verb. confessio. 3. q. 15. Sot. 1. de secr. reg. q. 4. lect. 4. dub. 1. Nauar. cap. sacerdos. num. 146. qui dicunt posse in tali casu negare suffragium, & debere. Sic etiam dicendum est de magistro nouitiorum in tali casu, qui potest dicere, aliquem nouitium non esse idoneum ad religionem; quod non est reuelare confessionem. *Sot. q. 4. cit. dub. 1. Quid si quis persuasisset electoribus ut eligant talem ante confessionem, & post confessionem animaduertat illum esse indignum? Sotus ait hunc casum esse metaphysicum, & non admittit. Nauar. dicto cap. sacerdos. ait incurrere pœnas indignè eligentes. idcirco Dico secundo, quod si non potest quis reclamare, vel negare suffragium nisi dando suspicionem de peccato cognito per confessionem, tunc non licet; quia esset reuelare. Sylu. supra. & inferitur ex d. Tho. supra. idem ait Sot. licet (ut dixi) putet esse casum metaphysicum, qui vix accidere potest. Tertio dico, quod si quis in eo casu elegerit indignum cum non possit ritè, & tutò negare suffragium, non incurrit pœnas inflictas contra eligentes indignum. cap. cum in cunctis. de elect. & docent Palud. & Sot. supra. quicquid dicat Nauarrus dicto cap. sacerdos. num. 148. Tertius casus. si sacerdos nouit impedimentum matrimonij in confessione inter aliquos qui publi-**

eè ab eo petant matrimonio coniungi, quid facere debeat.
 Resp. quòd parochus potest, & debet se excusare; quia ad idē
 tenetur. si etiam non posset sine periculo reuelationis confes-
 sionis se excusare, debet eos coniungere. Sot. l. de secr. teg.
 concl. 5. dub. 1. Secundo, si autem sit proprius parochus qui
 aliàs teneretur, quamuis posset se excusare sine periculo con-
 fessionis, Paludanus tenet quòd debet coniungere. & concordat
 Adrianus, quia habent ipsi ius ab eo petendi; licet Sot. di-
 cat posse impediri in eo casu. illud tamen est probabilius. Tab.
 q. 4. supra. Angel. §. 13. Nauar. cap. sacerdos. num. 144. Quartus
 casus. Episcopus dum publicè ministrat ordines, videt acce-
 dere eum quem scit in confessione esse irregularem, vel aliter
 indignum, quem tamen examinatores testantur esse dignum,
 an possit eum ordinare? Resp. primo, si non potest sine sus-
 picione, vel iniuria illum repellere, tenetur illum ordinare;
 vt quando esset scriptus in albo. Secundo, si posset sine suspi-
 cione repellere aliam causam prætexendo, id deberet; quia
 videtur facitè fieri posse, cum varijs causis possit tribui hu-
 iusmodi repulsiō, vt odio, falsa informatione. Sot. dub. 4. cit.
 Tab. q. 4. & alij. Quintus casus. si monialis quam Episcopus
 scit in confessione non esse virginem petat benedictionem, po-
 test ne eam repellere? Resp. eodem modo, quòd si non sequa-
 tur vlla suspicio reuelationis, posset. sin autem, tenetur con-
 secrare. ita Tab. supra. tutius tamen puto cum Anton. supra.
 §. 1. quòd si Episcopus non nouit nisi per confessionem, non
 debet negare benedictionem; cum in foro exteriori non con-
 flet. adde quòd vix fieret sine suspicione si aliter esset apta, &
 non posset sine scandalo prætermittere. quomodo peccet ipsa
 monialis, videndus est Sylu. verb. consecratio Virginum. Nau.
 cap. 16. num. 3. Sextus casus. sacerdos nouit in confessione
 pœnitentem esse excommunicatum, an teneatur illum euita-
 re? Resp. Sot. tenet quòd si non potest eum euitare sine suspi-
 cione reuelationis, non euitet. si potest, euitet. Adrian. dicit,
 quòd debet eum priuatim vitare, non publicè. idem Nauar.
 cap. sacerdos. num. 145. Sot. verò l. de secr. teg. dub. 3. q. 4. cum
 Riccard. tenet, quòd nec priuatim tenetur vitare. nec obstat
 caput cum non ab homine. de sent. excomm. quia non cense-
 tur loqui de notitia quæ habetur per confessionem. Sylu. verb.
 confessio. 3. q. 17. hinc etiam sequitur, quòd in paschate non
 possit


possit parochus negare tali communionem publicè petenti. si tamen aliàs peteret cum dare non teneatur, posset negare; quia tunc non tenetur ministrare, secundum Anton. supra. ex Palud. mihi tamen probabiliter videtur opinio Riccardi, & Soti, quam sequitur Tab. supra. q. 13. quod locum habet de quolibet excommunicato nominato. Septimus casus. Prælati scit in confessione aliquem subditum peccare in loco ad quem ipse aliàs facilè mitteret; an ex noticia quam habet in confessione, possit hoc illi prohibere? Resp. si nulla inde suspicio oriatur, posset illi negare licentiam, & secretò monere. Anton. supra. & Nauar. dicto cap. sacerdos. num. 74. Octauus casus. sacerdos habet famulum quem in confessione scit esse furem; an posset illi pecuniam non credere, vel expellere domo? Resp. Affirmatiuè ex aliqua ficta causa; quia inde nulla oriretur suspicio. ita Sotus supra. dub. 1. Nonus casus. si sacerdos iter faciat cum latronibus, & in confessione sciat, quòd vnus ex illis vult eum occidere in nemore, an debeat potius mori, quàm declinare cum periculo reuelationis confessionis? Resp. Riccardus putat non esse declinandum. Sed Scot. Sylu. q. 19. Tab. supra. q. 12. d. Tho. Soti & alij, dicunt ex alia occasione posse declinare. si tñ esset casus possibilis, q. vel reuelanda esset, vel moriendū, tñ vera esset opinio Ricc. nec alij disētirēt. & ita intelligitur Nau. supra. n. 135. q. tamē casus vix potest accidere, vt ait Sotus supra dub. 1. quare regulariter sequēda est opinio communis; quia cum is sit actus indifferens, non reuelaretur confessio declinando. Decimus casus. si quis sacerdoti daret vinum veneno mistum in missa, & post consecrationem confiteretur ei hoc peccatum, an teneatur sumere? Resp. hic casus resoluitur ex supradicto, quòd nō; quicquid suspicarentur astantes. ita Sot. dub. 1. cit. Vndecimus casus. confessor pro peccato publico dat pœnitentiam publicam, an ob id censeatur reuelare? Resp. negatiuè ex d. Tho. in 4. d. 14. q. 1. art. 5. ad 1. Tab. supra. q. 12. Armill. verb. confessor. §. 11. & alij. Intelligit tamen si pœnitens consentiat. sed debet cauere ne indirectè intelligatur ipsum dedisse illam pœnitentiam, quia graue peccatum confessum conijceretur. ideo debet ita imponere, vt penitentem illam sua sponte facere intelligat. ipseque id dicat. alioquin potius abstinendum esset in eo foro; quod ait concilium Trid. sess. 14. cap. 8. de reform. intelligitur de foro

misto exteriori, vt ait Nau. cap. 8. num. 10. & dicto cap. sacerdos. num. 88. Soc. in 4. d. 19. q. 2. art. 5. ob eandem causam caueat sacerdos ne det pœnitentias quæ fieri non possunt nisi dâdo suspicionem de peccatis grauibz confessis, vt sunt ieiunia, flagellationes, &c. Nau. cap. 10. num. 17. Dices quæ sit pœna frangentis sigillum confessionis. Resp. debet deponi, & detrudi in arcto monasterio ad agendam pœnitentiam.

cap. omnis vtriusque sexus. de pœnit. d. 6. alijs etiam affligitur pœnis, de quibus in cap. sacerdos. de pœnit. d. 7. & ibid. Nauar. num. 120. Tab.

verb. confessionis celatio. q. 15. & alij.
in foro autem conscientiz pœna est arbitraria.

• • •



TRACTATUS OCTAVVS.

De Satisfactione. Caput vnicum. continet nonnulla dubia.



PRIMUM dubium. Quid, & quod duplex est satisfactio. Resp. Hoc verbum satisfactio sumitur tripliciter. Primo largissimè, & tunc se extendit ad omnes actus virtutum, & vitiorum; vt quando dicitur, satisfeci meo appetitui. Secundo sumitur largè, & se extendit tantum ad actus virtutum; & sic pertinet ad omnem iusticiam, commutatiuam, distributiuam, & legalem. Tertio sumitur propriè, pro eo quod est recompensare pro aliqua iniuria, vel damno illato, præsertim Deo. & quia hoc potest dupliciter contingere, aliquando pro culpa, aliquando pro pœna; si primo modo sumatur, includit confessionem, & contritionem; vt si dicas, an possit homo satisfacere pro culpa. si secundo modo, potest adhuc dupliciter contingere, vel vt sit voluntaria satisfactio, velut est iniuncta à sacerdote; & hoc ultimo modo sumpta, est tertia pars pœnitentiæ sacramentalis.

& imponitur non pro pœna æterna quæ pro sacramento, vel pro sacramenti voto vnâ cum culpa remittitur, sed pro pœna temporali quæ non tota remittitur vt in baptismo quando post illud peccauerunt, vt docet concilium Trid. sess. 6. cap. 24. de iustif. Sot. in 4. dist. 19. q. 1. art. 3. Castr. aduersus hæres. verb. pœnit. Nauar. cap. 3. num. 2. & satisfactio sic propriè sumpta differt à restitutione, quæ est redemptio rei alienæ. Nau. cap. 3. num. 1. Sot. supra. Hæc autem satisfactio definitur sic; satisfactio est actus iustitiæ vel vindicatiuæ, vt ait d. Tho. in addit.

addit. q. 13. vel commutatiuz, vt in 3. p. q. 81. art. 2. & 3. & vtroque modo concilium docuit pœnitentiam esse virtutem specialem, reductiue tamen reduci ad iustitiam; tamen est speciali virtus. Rursum vel satisfactio consideratur vt pœnitens punit se, & sic est iustitiæ vindicatiuz. vel vt Deo reddit æquiualens pro iniurijs illatis, & sic est iustitiæ commutatiuz. Rursum satisfactio sumitur dupliciter, vel secundum se, vt est à libero arbitrio; vel vt est cum gratia Dei coniuncta. item est quædam satisfactio quæ vocatur reconcilians; alia quæ vocatur soluens, vel puniens, vt dixi; illa respicit culpam, hæc verò pœnam. Item potest esse satisfactio duplex, quantum ad modum, quædam de iustitia, & de condigno; quædam de congruo; & illa prior est duplex, quædam de rigore iustitiæ, qualis fuit Christi satisfactio. alia est de iustitia, sed non de rigore. Item supponendum est aliud esse mereri, aliud satisfacere: nam mereri est aliquid facere, cui debeatur lucrum, & merces. satisfacere verò est pro illato damno recompensare. Definitur etiam secundum Ansel. 1. cur Deus homo, satisfactio est honorem Deo debitum reddere. vel secundum August. 1. de Eccles. dogm. cap. 54. est peccatorum causas rescindere, & eorum suggestionibus aditum non indulgere. vel secundum d. Tho. in addit. q. 12. art. 3. est iniuriæ Deo illatæ recompensatio secundum æqualitatem iustitiæ cum proposito cauendi in futurum. Sor. in 4. d. 19. q. 1. art. 1. Sylu. verb. satisfactio. & adduntur ex cano, satisfactio. de pœnit. d. 3. Dixi, *ad quandam iustitiæ æqualitatem*; quia homo etiam in gratia non potest satisfacere ad æqualitatem, nisi ex liberalitate diuina. si autem iniungamus merita nostra cum meritis Christi sicut membra corpori virtute passionis eius; satisfacimus ad æqualitatem. Sor. supra. art. 2. Victor. q. 99. Petr. Sor. lect. 1. de satisfactione. & Caiet. Dixi, *cum proposito, &c.* quia hic est finis satisfactionis, vt patet ex Trid. sess. 14. cap. 8. Nota tamen hoc intelligi de satisfactione iniuncta in sacramento pœnitentiæ. si enim illam quis spontè sumeret, erit satisfactio, sed non sacramentalis. Ledes. 2. 4. q. 11. art. 1.

Secundum dubium. An possit homo satisfacere pro culpa; & pœna æterna. Resp. Decanus Louan. art. 6. affirmat. & putat esse opinionem d. Thomæ in addit. q. 13. distinguit autem tria genera operum; quædam præcedentia gratiam, quædam

concomitantia, quædam subsequentiæ. Prima dicit non satisfacere pro culpa; Secunda satisfaciunt pro culpa; & ultima pro pœna. Scotus autem sicut admittit meritum de congruo, ita debet etiam admittere satisfactionem de congruo. Ego dico primo, quod pro culpa, & pro pœna æterna nullus homo purus satisfacere potest de condigno. Hic autem non loquor de pœna temporali, sed de culpa, nam de pœna contrarium dicemus in dubio sequenti. Nec loquor de satisfactione Christi, qui non solum de iustitia, sed de rigore satisfecit; sed loquor de satisfactione puri hominis; & per purum hominem intelligo exclusionem Deitatis, siue iste habeat gratiam, siue non; siue sit in peccato mortali, siue in puris naturalibus. Nunc probatur mea conclusio contra Decanum: Primo, ex concil. Trid. sess. 6. cap. 6. & 7. ubi dicitur hominem iustificari per gratiam, & redemptionem quæ est in Christo. & cap. 14. dicitur satisfactionem non fieri pro pœna æternâ quæ cum culpa remittitur, sed pro temporali. sed iustificatio includit non solum gratiâ, sed remissionem etiam peccati; ergo non est satisfactio pro ipsa culpa, & peccato. Secundo, quia gratia gratis datur, & eius immediatus, & primarius effectus est peccati remissio; ergo si gratia non potest cadere sub merito, ita neque eius effectus. Tertio, remissio peccati saltem in aliquo genere causæ præcedit gratiam; ergo sicut gratia subsequens non cadit sub merito, ergo neque peccati remissio. Dico secundo, quod pro culpa & pœna æterna valde probabile est, quod purus homo possit satisfacere de congruo. Probatur primo, quia scripturæ dicunt nos eleemosyna, & alijs operibus redimere peccata. Luc. 19. ait Zachæus. *siquid aliquem defraudavi, reddo quadruplum.* Matth. cap. 3. *facite fructus dignos pœnitentiæ.* Rom. 6. & 2. Cor. 7. *sicut exhibuistis membra vestra servire iniquitati, ita sanctificationi;* ubi loquitur de multis operibus satisfactionis. ita & ad hebr. 6. & 10. *Achab humiliatus est pro peccato in cilitio, & cinere.* Hierem. 31. Dan. 4. agit de eleemosyna. Iob 42. agebat pœnitentiam in cinere & favilla. David laubabat per singulas noctes stratum, & lectum, &c. Secundo, probatur ex sanctis patribus. Greg. Rom. 20. Epang. & Chrysost. Hom. 10. Iren. lib. 3. cap. 5. dicit, primum hominem consecrasse satisfactionem in se ipso folijs ficus. Tertull. l. de pœnit. describit morem, & habitum pœnitentiæ, & ait: nepio liber est

à peccatis, quia de eis doluit, nisi & ieiunauerit. Cypr. Serm. 52. de lapsis, multa dicit contra hæreticos negantes opera satisfactoria; dicit, fugiendos esse eos qui contrariam doctrinam docent, quàm eos ipsos Tyrannos persequentes fideles, quia satisfactionis viam claudunt, & spem salutis adimunt. & in epist. ad Cornelium, multa prosequitur contra nimis indulgentes satisfactionibus, qui dant operam ne iustis satisfactionibus delicta redimantur. Orig. hom. 8. in Leuit. August. de vera, & falsa pœnit. & in psal. 50. super illud: *ecce enim veritatem dilexisti.* idest impunita peccata eorum quibus ignoscis non reliquisti; ignoscis consentienti, sed se ipsum punienti. Chrysost. hom. 11. in Matth. Ambr. ad Virginem lapsam describit formam pœnitentiæ; *tu facti proprii iudex esto crudelior.* idem ser. 30. & 31. de eleemosyna, multa dicit. *pecunias habes, redime peccatum tuum.* & l. 2. de pœnit. cap. 8. Hieron. in Epitaphio Paulæ laudat eam de pœnit. & satisfactione maxima. & in Malachiam, *qui peccator est, cubet in sacco, ut præteritis delicias vita austeritate compenset.* Gregor. hom. 34. in Euang. Ansel. l. cur Deus homo. Basil. in regul. breui. vocat pœnitentiam baptismum laboriosum. Ber. in ser. de Cœna Domini. Tertio, ex Pontif. & Concil. Leo epist. ad Episcopum Louaniensem. Leo X. in bulla contra Lutherum. ex concilio Later. & Flor. & ex Trid. sess. 14. cap. 8. Quarto, quia vñs erat antiquæ Ecclesiæ vt ante reconciliationem imponerentur opera satisfactoria quæ valerent ad peccatorum satisfactionem, non de condigno, ergo de congruo. Dices primo, sicuti istæ satisfactiones sunt de congruo; cur etiam non dici debent de condigno? Resp. quòd homo antequam gratiam recipiat adhuc iniustus est; satisfactio autem acceptatur de congruo à Deo. & licet in priori naturæ gratia præcedat, tamen in illo priori non consideratur homo iustificatus. Secundo dices; quid est illa opera esse satisfactoria de congruo pro culpa? Resp. ex parte Dei, dicit liberalitatem, & decentiam, imo & promissionem, qua Deus promisit sic facienti remittere peccata. Secundo ex parte hominis, quia facit totum quod potest facere. Tertio, ex parte ipsiusmet operis, quòd licet non sit cum gratia coniunctum, est tamen ex speciali Dei auxilio. Tertio dices, quare gratia facit opus gratum de condigno, & speciale auxilium non? Resp. quia per hoc auxilium homo non

est iu-

est iustus adhuc; est enim donum spiritus sancti nondum tamen inhabitantis.

Terrium dubium. An satisfaciens pro pœna, satisfaciat de iustitia, nec ne. Resp. Caiet. 1. p. q. 1. art. 1. dicit, quod satisfacit de rigore iustitiæ, quia est membrum Christi quibus satisfecit. Medm. fol. 118. concedit satisfacere de rigore iustitiæ quando solueret totam pœnam in purgatorio, vel in hac vita, tantam pœnam infligeret Deus, quanta responderet pœnæ purgatorii. Communis tamen opinio est, quod de condigno quidem est ista satisfactio, non tamen de rigore iustitiæ. Ideo Dico, quod homo cum gratia Dei existens satisfacit pro pœnis suorum peccatorum de condigno quidem, non tamen de rigore iustitiæ. Dico *in gratia*, quia, (vt infra dicam) existens in peccato mortali, non potest satisfacere. Dico etiam *in gratia* ad excludendum hominem in puris naturalibus, qui similiter non potest satisfacere, nam satisfactio fundatur in gratia. Dico *pro pœnis*, nam pro culpa non est satisfactio de condigno. Nunc probatur, quod homo in gratia Dei existens satisfaciat pro pœnis suorum peccatorum, &c. Primo, quia gratia est quæ reddit opus æquivalens; ergo de iustitia valet; quia æqualitas dicit rationem iustitiæ. Secundo, quia per gratiam applicantur nobis Christi merita; ergo inde sumunt rationem iustitiæ. probatur nunc quod non de rigore iustitiæ potest satisfacere; quia ad hoc requireretur vt ex proprijs satisfaceret, sed nostra satisfactio habetur ex gratia, & acceptatur à Deo. Dices, videtur esse contradictio in d. Thoma; nam in addit. q. 12. ad 1. dicit, nostra opera habere quandam æqualitatem ex infinita misericordia Dei cum infinita offensa; & tamen in q. 13. in corpore dicit, nostra opera non posse habere æqualitatem cum offensa Dei. Resp. quod nostra conclusio conciliat vtrumque locum; nam primus intelligitur de condignitate; secundus de rigore iustitiæ. Secundo petes; An opinio Caietani supracitata possit teneri. ratio dubitandi est; quia opera nostra innituntur operibus Christi, qui de rigore satisfecit; ergo & opera nostra. Resp. opera nostra considerari in ordine ad opera Christi dupliciter: Primo, vt effectus ad suam causam; ab illa enim accipiunt gratiam, per quam nostra acceptantur. & quia effectus non solent adæquare virtutem causæ, ideo Christus de rigore satisfecit; nos

minimè. Secundo ut pars in ipso toto, & ut opera membrorum cum capite. & in hoc sensu est vera doctrina Caietani, sed quia communiter vsus intelligendi est primo modo, ideo in illo sensu procedit nostra conclusio.

Quartum dubium. An vnus pro alio satisfaciens, de iustitia id faciat. Resp. Sot. in 4. d. 19. q. 1. art. 4. Viuis valere ex iustitia defunctis per modum suffragij. Medin. q. 5. de satisf. dicit vtrisque valere per modum suffragij. alij verò dicunt valere vtrisque ex iustitia. Ego dico primo, posse hominem vnum satisfacere pro alijs. est fides catholica dummodo tam is qui satisfacit, quam is pro quo fit satisfactio sint in gratia. Probatur primo, ex articulo illo, *sanctorum communionem*. cuius sensus est: quòd in Ecclesia Dei, quæ est sancta, est ista communicatio, non solum in temporalibus vt hæretici dicunt, nam hoc intelligitur in republica politica; sed etiam in spiritualibus ad ephes. 4. & Rom. 15. Paulus vtitur similitudine membrorum corporis, quæ inuicem se adiuuant. Gal. 6. *alter alterius onera portate*. Rom. 5. dicitur, quòd Macedonia, & Achata voluerunt mittere aliquid eleemosynarum ad pauperes qui erant Hierosolymis. &c. Psal. 118. *particeps sum ego omnium timentium te*. Coloss. 1. *gaudeo in passionibus meis pro vobis*, &c. Secundo probatur ex Gen. 18. Dominum pepercisse Sodomitis si inuenisset decem iustos. Propter lacrymas viduæ suscitatur adolescens, Luc. 7. Tercio in republica ciuili inuenitur hæc connexio, quòd solutio vnus acceptatur pro altero, ergo magis in republica Christiana quæ fundatur in charitate Dei. hæc etiam ratio valet pro defunctis, quia est eadem Ecclesia, idem caput Christus. Secundo dico, quòd is qui satisfacit debet esse in gratia, vt infra dicam. tum quia satisfactio habet valorem ex acceptance, & gratia Dei. Vnde si satisfaciens sit in peccato, nihil fit. tum quia cum Deus ex eadem gratia acceptet satisfactionem vnus pro alio, nec recipiet Deus, si ille non erit in gratia. & tunc satisfactio reddit in satisfaciensem, vt David; *reuertetur oratio in sinu meo*. & si non indiget, reponetur in thesauro.

Quintum dubium. An hoc quod dictum est vnum pro alio satisfacere, intelligatur etiam de pœnitentia sacramentali? Resp. Palud. in 4. d. 20. q. 3. art. 1. dicit in duobus casibus valere. Primo, quando esset homo occupatus grauibus negotijs.

Secundo

Secundo, is per quem fit poenitentia est dignior persona, & melior coram Deo, quia in his datur Deo aliquid melius. confirmatur; quia in voto potest quilibet autoritate sua commutare in aliud quod est longè melius; ergo eodem modo est in alijs. Ego Dico ex communi consensu omnium, non licere; quia poenitentia est pars sacramentalis, ergo est personalis. Secundo, quia est poena data in remedium peccatorum. Tertio, quia est poenitentia iniuncta a iudice ordinario cui obediendum est. Ad argumentum Paludani, Resp. negando, sequentiam. Ad id de voto, Resp. illud valere, quia scimus Deum esse contentum illi, non tamen hic esse idem ex quo sequitur sacerdotem debere poenitentem iniungere poenitentiam per se ipsam complendam; quia poenitentia debet esse actus sacramentalis, & personalis, nisi quando utrunque simul coniungeretur; ut si quis iniungeret poenitentiam ut daret eleemosynas ad celebrandas missas.

Sextum dubium. An si vnus iubet alteri satisfactionem faciendam, & iubens est in charitate, exequens verò minimè sit valida; Resp. si opus quod fit est magis precipientis, quàm exequentis, valet; aliàs non exemplum primi: si Dominus iubeat oeconomico dari eleemosynas, exemplum secundi; si prelatorus iubeat subdito ut ieiunet pro alio: similiter si clericus est in peccato mortali recitans officium mortuorum pro defuncto priuatim, non est satisfactorium. si autem in choro, valet, quia in persona Ecclesie facit.

Septimum dubium. An poenitentiam in confessione iniunctam possit quis per alium implere? Resp. negatiue; quia imponitur tanquam satisfactoria medicina ad correctionem. Unde est onus personale. d. Thom. addit. q. 1. par. 2. & est communis: excipitur tamen casus necessitatis in quo est consensus interpretatiuus confessarii: quando scilicet quis eam impleri non potest propter impotentiam, ut infirmitatem, pauperiorem, &c. potest illam implere per alium. Dur. in 4. dist. 20. q. 2. Gabr. d. 26. q. 2. dub. 88. Sor. dist. 19. q. 2. art. 4. Victor. q. 206. Medin. q. 48. de confess. Sylu. verb. satisfactoria, quest. 3. similiter quando expressè confessor exponeret poenitentiam vel per se, vel per alium implendam; ut peregrinationem, eleemosynam, &c. tunc vnus potest pro alio satisfacere. Sor. & Victor. li. supra. Sylu. & Palud. non sunt admissi eo d. ut scilicet homo sa-

eriat meliora opera; vel satisfaciatur per alium qui sit melior ipso. an vero vnus possit satisfacere pro alio absolute pro peccatis commissis, certum est de fide, cum credamus *communionem sanctorum*, vt supra dictum est dubi. 4.

Octauum dubium. An quod vnus pro alio satisfaciatur, sit ex iustitia; an potius ex sola Dei liberalitate? ratio dubij est, quia Deus non tenetur acceptare poenitentiam vnus pro alio, sed potest exigere ab illo eodem qui peccauit, quod si non facit, istud est ex quadam liberalitate. Resp. licet possit tene-ri, quod non valeant ex iustitia; tamen melius est vt valeant ex iustitia. probatur; quia vbi redditur æqualitas, est ratio iustitiæ; hic redditur æqualitas, ergo hic est ratio iustitiæ. Secundo; quia in republica ciuili quando vnus soluit pro alio, est iustitia; ergo & hic. Ad difficultatem Resp. certum est nostras satisfactiones non dicere rationem iustitiæ rigorosæ, sed fundari in aliqua gratia, & acceptatione Dei.

Nonum dubium. An omne opus satisfactorium sit etiam meritorium augmenti gratiæ, & gloriæ. ratio debendi est; quia satisfactorio est solutio meriti cui non datur merces; nihilominus est res omnino indubitata omne opus satisfactorium esse meritorium; quia licet qua parte est poenale satisfaciatur; qua parte autem est in charitate, non debet perdere meritum suum. magis dubitandum esset an sine æqualiter meritorij omnes actus satisfactorij, verbi gratia ieiunent duo pari charitate, quorum alter habeat debita quæ soluat, alter non; tunc si esset æqualiter meritorium tale ieiunium, videtur esse inæqualitas: quoniam vnus ieiunium est solutorium poenæ, alterius non; quia non adest poena soluenda. Resp. supposita pari charitate; esse pariter meritorium, quoniam ex eo quod vnus habeat soluendas poenas, non est suo merito defraudandus. illius autem ieiunij satisfactorio, qui non indiget, non perit, sed ponitur in thesauro Ecclesiæ.

Decimum dubium. An satisfactorio sacramentalis sit de præcepto, ita vt teneatur poenitens acceptare poenitentiam. nam de voluntaria certum est non esse de præcepto. id est An poenitens qui vult differre poenitentiam in purgatorio possit absolui sine impositione satisfactionis. Resp. prima opinio est illorum qui dicunt, posse; id est, quod non tenetur acceptare, neque complere. Caiet. verb. satisfactorio & verb. confessio. & quæst.

q. 1. de satisfactione ad 2. Adrian. q. 1. de confess. Scot. in 4. d. 17. q. unica. art. 1. sed 19. in fine dicit non teneri poenitentem acceptare poenitentiam, sed acceptatam generi complere. Gabr. d. 6. q. 1. Medin. C. de confess. Nauar. cap. 26. num. 20. leg. def. 3. 4. q. 20. art. 4. concl. 2. Secunda opinio opposita est Ral. in 4. d. 20. q. 2. Maior. d. 17. q. 2. Anton. 3. p. tit. 18. cap. 9. Castro l. 1. de lege poenali. Victor. q. 209. d. Tho. in addit. q. 18. art. 3. Petr. Sp. lect. 2. de satisf. Cano. Soc. Riccard. & alij, & est communis, & tenenda. probatur ex Trid. sess. 14. cap. 6. & 8. vbi dicitur, quod sacerdos est iudex non solum ad satisfaciendum, sed etiam ad ligandum. habet enim potestatem soluendi & ligandi. & sess. 6. cap. 14. vbi ait: poenitentiam post baptismum non solum includere contritionem, & confessionem, sed etiam satisfactionem, quae fit per ieiunium, elemosynas, & orationes. Secundo, ex cap. omnis. vtriusque sexus. vbi dicitur, poenitentem pro viribus debere adimplere poenitentiam iniunctam. Terrio, quia illa poenitentia est pars sacramenti, licet integralis, res autem magni momenti est facere truncum sacramentum, quare tenetur poenitens acceptare poenitentiam rationabilem sub peccato mortali, ob dictas causas. Non tollitur tamen quin possit poenitens rogare, ut aliam iniungat, verbi gratia orationem potius quam elemosynam. Dices, An poenitens teneatur acceptare omnes poenitentias quas iniungit? Resp. tenetur omnes moderatas. Intellico moderatas non solum pro ratione criminis, sed etiam habita ratione circumstantiarum. Secundo Dices, An sub mortali teneatur poenitentiam iniunctam adimplere? Resp. affirmatiue, pro mortalibus tenetur adimplere sub peccato mortali, nisi vel impotentia excusaret, vel esset ratio commutandi poenitentiam.

Vndecimum dubium. An opera extra charitatem facta, sint satisfactoria. Resp. prima opinio respondet affirmatiue. Scot. in 4. d. 15. q. 1. art. 4. Gabr. d. 16. q. 2. dub. Marl. q. 21. art. 3. Secunda opinio dicit, quod de congruo ex parte Dei videtur posse dici illam valere. est Medin. fol. 126. Tertia est communis negatiua. est d. Tho. in addit. q. 13. & in 3. p. q. 89. art. 6. Bonau. in 4. d. 19. art. 1. q. 2. Palud. d. 15. q. 1. art. 4. Caiet. q. 2. de satisf. Adrian. ibid. Soc. d. 19. q. 1. art. 4. Ego dico primo, qui est in peccato mortali non potest satisfacere neque pro peccatis in quibus est, neque pro alijs; ac non solum non potest satisfacere

facere pro culpa, sed neque etiam pro pena temporali peccati dimissi, siue pena sit iniuncta, siue non. probatur primo ex scrip. 1. cor. 1. cor. 13. ita. 58. Ecclesi. 34. prou. 11. 1. Petr. 4. *Donna impiorum non probat altissimus*. impossibile est enim ut per opera quae non placent Deo satisfiat; talia sunt opera peccatoris, cum sit Dei inimicus. Victor. q. 201. Nau. de penit. d. 6. num. 45. Secundo inter nos & Deum non est vera ratio iustitiae; ergo haec iustitia nostra debet fundari in acceptione, & gratia; at Deus non acceperat opera inimici. Tertio, ex Trid. sess. 14. cap. 8. ubi dicit nostram satisfactionem inniti satisfactioni Christi, sed illa non applicatur nisi iustis: ergo &c. Secundo dico contra secundam opinionem, quod neque de congruo; quia scriptura reprobatur illa opera. ex hoc etiam sequitur multo melius damnatos in inferno non satisfacere pro penis peccatorum dimissorum. Tertio dico, quod qui implet penitentiam iniunctam in peccato mortali, non tenetur illam iterare, sed satisficit precepto confessarii. Caiet. verb. satisfactio. Nauar. cap. 3. num. 13. & de penitentia d. 6. num. 45. Medin. q. 28. idem confess. Victor. supra. Dices. An cuique peccato respondeat propria satisfactio. ratio dubij est illud Hieronymi, *pestes animae sanantur per orationem, corporis per ieiunium*. Resp. quod satisfactio dupliciter sumitur, vel ut sanatio, & in remedium peccati, id est reliquiarum quae manerent, & hoc modo intelligitur Hieronymus. vel sumitur ut solutio pena-
 • narum, & satisfactiua, & sic quodcumque peccatum per quodcumque opus meritorium satisficit, & quoniam concilium supra cit. dicit, quod satisfactio fit ad vindictam praeteritorum, & remedium futurorum, ideo utrunque debet attendi.

Duodecimum dubium. An opera extra charitatem facta, adueniente charitate reuiuiscant. Resp. prima opinio distinguit duplicem satisfactionem; quandam quae relinquit effectum, ut ieiunium, macerationem; aliam quae non, ut oratio, &c. primam dicunt reuiuiscere, secundam non. Capr. in 4. d. 15. q. 1. Palud. ead. Sylu. verb. satisfactio. Secunda opinio dicit, quod penitentiae sacramentales reuiuiscunt, aliae non. Nauar. cap. 3. nu. 5. Caiet. q. 2. de satisf. Petr. Sor. lect. ult. Tertia opinio est communis, quae dicit nullam reuiuiscere. d. Tho. in addit. q. 13. ubi loquitur indistincte. Bonau. in 4. d. 15. q. 4. Sor. d. 19. q. 1. art. 3. Bedes. q. 13. art. 3. dub. 4. Medin. fol. 101. Couar. cap.

alma mater. 1. p. 1. num. 9. Quare dico, quod opus quodcunque factum extra charitatem, non requiritur. probatur, quia hoc privilegium vix conceditur sacramentis. Secundo, quia superueniens charitas non potest efficere ut opera facta proefferant ex radice gratiae. distinctio autem illa de relinquentibus effectus vel non, est frivola; cum quia si peccator per ieiunia debilitatus cibo se confirmasset ante gratiam, & alteri maneret debilitatus usque ad gratiam; ridiculum esset dicere, quod unus valet, alterius non. cum quia illa debilitatio quae manet, non est satisfactoria neque in se, quia ut sic non est voluntaria; neque in causa, quia illud ieiunium fuit factum in peccato. Voluit tamen forte dicere d. Tho. quod per complacentiam habet primum; & per presentem dolorem quem habet de ieiunio, ac sentit de suae carnis maceratione, de qua si complaceat, mereretur primum. Dices. Ad quid profunt opera facta in peccato mortali quae sunt moraliter bona? Resp. ad multa, quae prosequitur Nau. cap. 27. num. 266. Sor. art. 3. cit. Couar. supra. num. 11. Gabr. in 4. d. 16. q. 2. dub. 4. & in causis non missis, lect. 59. disponunt etiam ad gratiam remotam, & conducent ad vitandam transgressionem preceptorum, & ad vitanda alia peccata, ad movendum iustos ut orent pro illis, & ut mereantur de congruo bonum motum in Deum, quod sit elemosynis, ieiunio, & oratione. An autem temporalia bona mereantur de congruo, vel de condigno, dicendum est de condigno nullum primum temporale merentur; quia ille qui est in mortali, de condigno meretur penas inferi; multo minus bona temporalia. nam condignitas dicit dignitatem operantis. confirmatur; nam bona temporalia non cadunt sub meritum de condigno, neque in ipsis iustis. Secundo, quia inter nos & Deum non est ratio iustitiae nisi fundata in Dei acceptatione, & gratia; sic nulla est gratia, ergo &c. De congruo potest concedi. probatur ex d. Tho. in addit. q. 13. Secundo, quia decet sic diuinam bonitatem. & in opere illo est aliqua bonitas moralis. Dices: An minuant penas inferni? Resp. negativè, quia neque opera mortificata in dampnis diminuunt penas; multo minus mortua. Secundo, quia manente causa, manet idem effectus, causa autem poenae est culpa; ergo, &c. Tercio, quia id quod dicunt aliqui ista opera fortificare damnatum, intelligibile est; quia vel fortificant per virtutem

rem naturalem, vel per supernaturalem; verumque falsum est; quia gaudent damnati de operibus illis factis, & hoc est falsissimum. Scot. supra. d. Tho. in addit. q. 1. art. 4. & 5.

Decimumtertium dubium. An pœnitentia necessario iniungenda sit per opera pœnalia. Resp. affirmatiue regulariter loquendo qualia sunt orationes, elemosyna, ieiunium. Trid. sess. 13. cap. 14. Nauar. cap. 3. num. 3. Scot. in 4. d. 19. q. 2. art. 1. d. Tho. in addit. q. 15. art. 3. Victor. q. 202. Palud. d. 15. q. 21. art. 1. & alij. & est communis sententia. probatur primo, quia iudex semper per satisfactionem culpæ pœnam infert, adde, quod in satisfactione voluntaria semper assumuntur opera pœnalia. & quoniam sancti, vel scripturæ hortantur ad satisfactionem, pœnalia proponunt. Iohel. 2. *sanctificate ieiunium*, &c. item quia satisfactio debet fieri pro pœnis purgatorii, ergo pœnis debet satisfieri. Item ratione; iustitia debet facere æqualitatem vbi præcesit inæqualitas; hæc in peccato fuit eo quod abstuli à Deo, & tribui mihi; ergo æqualitas erit vt à me auferam aliquid; pœna autem est illa quæ mihi subtrahit bonum aliquod, scilicet vtile, & delectabile; sicut culpa abstulit honestum. Secundo dico, quod omne opus bonum procedens à gratia generali ratione est satisfactorium, sine sit actus tantum internus, sine externus cum interno. Scot. supra. art. 2. Victor. q. 202. Vnde etiam actus dilectionis Dei super omnia, est satisfactorius; vt dicunt doctores citati. & Scot. in 4. d. 15. q. 1. art. 2. Gabr. d. 16. q. 2. art. 2. concl. 3. & probatur; quia omnia opera bona habent annexam aliquam pœnam ob resistantiam carnis, &c. Rom. 7. *Sensio aliam legem resistantem membris*, &c. Verum per antonomasiam opera externa dicuntur satisfactoria; & illa sunt peculiariter iniungenda in pœnitentia. Scotus supra. Dices, An actus quod magis est meritorius, sit magis satisfactorius? Resp. quod non regulariter. Vnde si ex pari charitate vnus plus patiat, quàm alter, prior plus satisfaciet.

Decimumquartum dubium. An actus externus posito interno efficaci, augeat satisfactionem, verbi gratia alter efficaciter vult ieiunare; alter ieiunat. ratio dubij est, quia opus externum non addit bonitatem operi interno, vt docet d. 1. ho. 1. 2. q. 20. art. 4. Resp. admissa illa doctrina d. Thomæ, & concedendo, quod etiam illa vera sit in ratione meriti cum illis co-

ceptio-

ceptionibus quæ suo loco poterunt videri; dico quòd in ratione satisfactionis multo magis satisficit cum opere externo; quia satisfactio recipit vim ex pœnalitate quæ sentitur in opere externo; in interno solum non sentitur.

Decimum quintum dubium. An satisfactio fieri possit per opera aliis debita, quæ scilicet quis tenetur ex alio præcepto facere; an debeant esse libera. Resp. Scot. in 4. d. 15. q. 1. art. 1. Palud. ibid. q. 1. art. 2. Sylu. verb. satisfactio. q. 8. dicunt debere fieri per opus pœnale aliis indebitum. alij contra sentiunt. Pro solutione dico primo, quòd opera pœnalia hominis existentis in gratia, etiam si sint debita ex vi alterius obligationis de præcepto, adhuc tamen sunt satisfactoria pro pœna peccatorum. est Cajet. opus. de satisf. q. 1. Medin. C. de satisf. q. 4. Nauar. cap. 26. num. 23. Adrian. 9. de satisf. & videtur Anton. 3. p. tit. 14. cap. 20. Probatur primo, quia tale opus est meritum, ergo est satisfactorium. Confirmatur, quia si quis martyrium subiret tempore quo teneretur, etiam tunc purgaret hominem ab omni labe peccati, & satisfaceret omni pœnæ. idem dico quando aliquis daret eleemosynam pauperi in extrema necessitate, quod quamvis sit de præcepto, tamen satisfacit. Secundo, quia opera quæ sunt ex debito, & præcepto Dei, sunt meritoria. imo sine ipsis nō est meritum; *si vis ad vitam ingredi serua mandata*; ergo sunt satisfactoria. Tertio probatur ex illa communi theologorum doctrina, quòd opus factum ex præcepto, vel voto, vel alia obligatione, non minuit meritum, imo auget; ut est videre 2. 2. q. 88. art. 6. & quodl. 6. art. 1. ratio est, quia aliquod opus tanto est excellentius, quanto ex pluribus principiis bonis manat; talia autem sunt eiusmodi bona opera. Neque necessitas, aut obligatio tollit voluntarium, sed confirmat potius. Vnde bene infert d. Tho., quodl. cit. plus mereri aliquem qui præcipiente superiore aliquid facit, quàm si frater præciperet; quia principium est dignius. ex hoc eodem colligo, quòd in eodem opere quod facit religiosus ex voto, tripliciter magis lucratur, quàm laicus qui propria voluntate facit. nam in illo est verbi gratia ieiunium, votum, & obedientia. Secundo dico, quòd pœnitens regulariter non satisfacit pro satisfactione, quando implet pœnitentiam sibi iniunctam per aliquod quod debet. ut si in vigilia ieiunet ieiunium sibi iniunctum. Ledes. q. 14. art. 1. dub. 1. & est.

communis vsus Ecclesiarum, & confessorum. Confirmatur, quia verba absolute prolata, secundum communem usum intelligi debent, ut habetur in cap. ex literis. de spontalibus. cum ergo sacerdos simpliciter iniungat pœnitentias, sic intelligi debet. Dixi *regulariter*, quia in alio quo casu posset satisfacere, quando scilicet tenetur de iure naturæ, ut si pœnitentiam elemosyna impleat dando illam extremè indigenti; vel ieiunium, quando tenetur ieiunare ad domandam carnem recalcitrantem. Anton. ibid. ex d. Tho. in 4. d. 15. Tertio dico, quamuis regulariter non debeat confessor iniungere pœnitentiam de opere aliis debito, potest tamen id aliquando. imo est salutare consilium si talis pœnitentia pœnitenti iniungi potest ad aliquod præceptum implendum; ut non recitanti horas Ecclesiæ, posset iniungere ut ter recitet. Sor. Ledes. & Medin. supra. Victor. q. 102. ratio est; quia per talia opera pœnitens implet satisfactionem, & præceptum quod aliis non seruaret. Vnde ei qui nunquam ieiunat, potest imponi ut ieiunet in quadragesima. sic etiam & clerico, & alijs similibus, &c. Nota tamen quod opus aliis debitum non intelligitur illud quod applicatum est per pœnitentiam alicui peccato delendo; quia tale opus non potest alicui peccato applicari, sed intelligitur debitum ex aliquo alio præcepto. Dices, An tempore missæ quam audienda est, de præcepto, possit impleri pœnitentia iniungenda? Resp. Angel. verb. feriz. §. 46. negat id posse fieri; quia non potest ad utrumque attendere. & secundum eandem sententiam clericus qui sub præcepto tenetur recitare horas, non potest recitare hoc tempore missæ. Contraria tamen sententia est Adrian. q. penult. de satisfactione. Victor. q. 104. Medin. f. 105. Caiet. opus. de celebr. missæ & verb. dies festos. Ledes. q. 14. dub. 6. Sor. in 4. d. 19. q. 3. art. 1. Nauar. cap. 21. num. 8. Adderem, ego, dummodo ille qui recitat non sit tam tardus ingenio, & attentione, ut non possit etiam attendere missæ.

Decimum sextum dubium. An flagella infligenda à Deo in hoc mûdo, sint satisfactoria pro peccatis. Resp. esse duo genera tribulationum; quædam enim sunt quæ à Deo particulariter admittuntur, ut fuit illa Iob, & cæcitas Tobie, &c. aliud genus tribulationum est quasi naturale, ut est mors ipsa naturalis, & morbi. Vel est ab hominibus, ut est mors violèta, iniuriæ, &c. Cōueniunt omnes doctores, qd utraq; si paciēter tolerētur, sūt satisfacto-

factorie pro peccatis, eoquod volūtariè, & paciēter sustinētur. Resp. quia ipsæ pœnales sunt. Trid. sess. 14. cap. 9. de pœnitentia. Victor. q. 207. d. Tho. in addit. q. 15. art. 2 Sylu. verb. satisfactio, q. 9. Nauar. cap. 7. num. 4. & alij. & nos addimus, quod omne opus meritorium est etiam satisfactorium. Sed dubium est, an istæ calamitates de se satisfactoriæ sint? de primis affirmo. de secundis dico, quod de se non sunt purgatoriæ, sed ex vi patientiæ. de primis probatur; quia ideo à Deo immituntur, vt purgemur. sic & purgatorium post hanc vitam satisfactorium est. Secundo probatur Num. 1. *non consurget duplex tribulatio*. vbi obiter noto cautè esse legendum d. Hieronymum in eo loco, vbi videtur dicere, eos qui in hac vita puniti sunt, non esse puniendos in alia. affert exemplum illorum qui in diluuiò, in sodomis, in mari rubro, & alibi puniti sunt; quia simpliciter intelligendo, falsissimus est. posset autem exponi, Hieronymum intelligi de illis qui in talibus pœnis correcti sunt, & emendati. item addi debet, quod non debent puniri in alia vita, si pœna quam in hac vita receperunt exæquanda sit cum pœnis purgatoriij. De secundis probatur; quia illæ calamitates non sunt institutæ ad hunc finem, sed vel sunt pœnæ peccati originalis, vel naturales sunt. Dices primo, si duo cum æquali patientia ferrent calamitates inæquales, an æqualiter satisfacerent? Resp. affirmatiuè de secundis. negatiuè de primis; propter fundamentum datum. Placet etiam discrimin quod ponit Sot. inter hæc duo genera calamitatum; quod primæ sunt satisfactoriæ modo eas toleremus, saltem per non renitentiam. at secundæ præter hoc plus requirunt, scilicet vt à seipso positio nos acceptemus, & patienter toleremus. quare bonum est ægroto hortari ad patientiam. Dices secundo. An mors naturalis, & violenta sint satisfactoriæ. Resp. d. Tho. in 4. d. 20. q. 1. art. 1. q. 3. ad 3. dicit, quod per mortem naturalem non purgatur aliquis à peccato, sed benè per mortem illatam. ratio primi est; quia illa est per modum naturæ. hæc autem valet ad diminutionem pœnæ, & ad liberationem à tota pœna secundum quantitatem culpæ, patientiæ, & contritionis. Petrus Sot. lect. 2. videtur tenere per mortem violentam omni pœnæ satisfieri; nec maiori egere purgatione etiam grauissimum peccatorem. quod non est verum nisi adhibita limitatione d. Thomæ. alioquin ridiculum esset credere, quod qui

suspenduntur, vel capite plectuntur statim euolarent ad cælum de naturali etiam morte concedendum est, quando ex patientia toleratur. neque hoc negaret d. Thomas.

I. Decimumseptimum dubium. An sint tantum tria satisfactorum genera, ad quæ aliæ reducuntur. Resp. tantum tria. probatur primo, quia sunt tres radices peccatorum quibus est satisfaciendum; concupiscentia carnis, cui satisfacit ieiunium; concupiscentia oculorum, cui eleemosyna; & superbia vitæ, cui oratio. Secundo, quia omnia opera vel sunt in ordine ad Deum & huc pertinet oratio; vel ad nos, & ad hoc spectat ieiunium; vel ad proximum, & ad hoc eleemosyna. Tercio, quia omnia bona sunt corporis, vel animæ, vel externalia. ad 1. spectat ieiunium. ad 2. oratio. ad 3. eleemosyna. Dices, quid istorum est magis satisfactorium? Resp. difficile est omnia esse paria. Comparatio verò debet esse inter æqualia. Secundo Resp. quod positis illis paribus, crederem eleemosynam esse magis satisfactoriam; nam hanc sancti omnes, & scriptura extollunt. secundo loco orationem. Tertio ieiunium.

Decimumoctauum dubium. An homo possit satisfacere vni peccato, non satisfaciendo pro alio. Resp. quod ab eo qui est in gratia, potest satisfieri pœnæ vnius peccati, & non alterius. vt verbi gratia ieiunio quis satisfaciat gulæ; eleemosynis furto, & non alijs. Soc. in 4. d. 19. q. 1. art. conel. 3. ab eo autem qui non est in gratia id non potest, vt dictum est supra. dub. 11.

Decimumnonū dub. An qui tempore præfixo non impleuit pœnitentiam, teneatur illam postea exequi? Resp. affirmatiuè cum Caiet. verb. satisfactio. licet enim pœnitenti perferbatur certum tempus quod communiter fit, tamen non est intentio confessorum vt elapso tempore illa pœnitentia non impleatur. ideo expediret vt confessorius quando tempus præscribit, admoneat illum teneri etiam eo elapso implere.

Vigesimum dubium. An qui pœnitentiam non impleuerit vt debuit, teneatur ob id confessionem iterare. Resp. negatiuè, nisi in casu in quo confessor ante absolutionem pœnitentiam imponat, quia tunc confessio fieret irrita per accidens. Nauar. cap. 9. num. 17.

Vigesimumprimum dubium. An in omni confessione pœnitentia sit iniungenda. Resp. regulariter loquendo, quod sic. ex Trid.

ex Trid. sess. 14. cap. 8. Nau. cap. 26. num. 15. Ledes. 2. 4. q. 20. art. 4. dub. 2. Dixi *regulariter*, quia aliquando non est opus iniungere penitentiam, ut quando constaret penitentem plene satisfecisse. Caiet. verb. confessio. & verb. satisfactio. item quando penitentia impeditur ab infirmitate, secundum Caiet. & Nauar. cap. 26. num. 43. Petr. Sor. le&. 2. de satisf. quare tunc iudicandum est penitentia debita non iniungenda cap. 2. 26. q. 7. puto tamen tunc leuem imponi, ut inuocet nomen Iesu, &c. vel faciat eleemosynam si potest. Dices, An sacerdos sub peccato mortali teneatur penitenti iniungere aliquam penitentiam. Resp. affirmatiue. primo, quia sacerdos est iudex arbitet inter Deum, & animam penitentis. Secundo, quia multi sunt canones, & concilia quæ id præcipiunt. Tercio, quia huiusmodi penitentia subest ad integritatem sacramenti, excipio tamen articulum mortis, in quo explicet tantum, quam penitentiam possit dare.

Vigesimum secundum dubium. Quid attendere debeat Confessor in decernenda quantitate penitentia. Resp. attendere debet circumstantias, seu qualitates penitentis, & peccati. Caiet. verb. satisfactio. Sor. in 4. d. 20. q. 2. art. 3. Nauar. cap. 26. num. 21. & patet ex Trid. sess. 14. cap. 8. quod intellige etiam si confessarius certo sciret quænam penitentia sit Deo debita; potest tamen illam moderare iuxta personæ qualitatem. Sor. supra. & Ledes. 2. 4. q. 20. art. 4. concl. 2. Præterea debet potius inclinare in misericordiam, quam in seueritatem. Sylu. verb. confessio. 4. quest. 3. vbi notat esse sequendum consilium Angeli verb. confessor. 2. 6. 19. ut leuis penitentia imponatur penitenti pro sacramentali satisfactione quam possit statim in gratia implere, & alia pro voluntaria satisfactione. Confutatur enim, quia id esset in detrimentum penitentis, ut ait Victor. q. 15. 1. & hac ratione additur in fine absolutionis, *quicquid boni feceris, aut mali sustinueris, sit tibi in augmentum gratia, & premium vite æternæ*. Nauar. cap. 26. num. 24. & cap. 1. de penit. v. 6. num. 36. ex d. Tho. quodlibet. 3. art. 28. Petr. Sor. le&. 2. satisf. Sylu. verb. confessio. 4. q. 10. Dices, an imponi debeat ante absolutionem. Resp. id non esse necessarium; quia potest etiam, ritè post absolutionem imponi. Caiet. verb. satisfactio. Nauar. supra. est tamen sanum consilium, ut potius ante absolutionem iniungatur, ut ne ex obliuione committatur, vel de penitente refutetur.

fucetur. Armill. verb. absolutio. q. 7. Sylu. verb. absolutio. 6. in fine. Vigefimumtertium dubium. An penitentia à sacerdote iniuncta sint arbitrarie. Resp. hæc maior difficultas est de antiquo tempore. tenent enim aliqui in illo tempore fuisse taxatas penitencias. colligitur ex cap. hoc ipsum. 33. quæst. 2. Alij id negant, & dicunt, etiam tunc fuisse arbitrarie. & multo melius colligunt ex cap. tempora. 36. q. 7. & ex cap. mensuram. de penit. d. 1. & cap. de his. d. 50. & hanc secundam sententiam credo esse veram. & licet illis temporibus in multis criminibus essent taxatæ penitencie, tamen relinquebatur etiam prudentiæ sacerdotum vt possint aliquid mutare. Modo autem est minor difficultas, quia à tempore concilij Later. penitencie, sunt arbitrarie. quomodo id sit intelligendum, explicor. Primo, non esse in manibus sacerdotis sine consideratione imponere quasunque penas. probatur ex Trid. sess. 14. cap. 8. Item quia sacerdos est iudex, & medicus. Secundo, quatuor sunt considerata in confessione in danda penitentia: Primum, grauitas, & multitudo peccatorum; Secundum, qualitas personæ. Tertium, canones penitentiales, qui licet omnino non sint communiter seruandi, tamen bonum esset (vt docet concilium colonienfe.) reuocare aliquas ex illis penitentijs. de quibus etiam canonibus habetur cap. quæ ipsi. 38. d. 1. Quartum, est dispositio penitentis.

Vigefimumquartum dubium. An penitentia sacramentalis impleta liberet hominem omnino à penis peccatorum suorum. Resp. quædam glosa in cap. mensuram de penit. d. 1. dicit, quod si sacerdos data opera det penitentiam minorem, & intendit dispensare cum penitente, illa tollit totam penam. si verò ille non intendit dispensare, & nihilominus penitens est paratus quamcunque acceptare, & tenet sacerdotem esse peritum, adhuc tollit totam penam. Dico tamen istam glosam esse omnino relinquendam, quia hoc esset sacerdotem conferre indulgentias; quod non potest. Secunda opinio est Medinæ fol. 103. quæ etiam est Scoti dicentis, quando clauis non valde errat in danda penitentia, tunc remittit totam penam, & supponit latitudinem quandam in ista pena in gradu intimo, medio, & rigoso; sicut in pretio rerum venalium. Tertia opinio est d. Thomæ in 4. d. 20. q. 1. art. 2. q. 2. dicit non
tollit

tollit totam penam nisi quando penitentia exzquat illam; & hæc opinio est tenenda. concedendo etiam quòd claves sua virtute tollunt aliquid de pena. Dices, quomodo sciri potest quando penitentia exzquat penam. Resp. id communiter non posse sciri, quia non constat nobis quantam penam pro singulis peccatis Deus posuerit. neque canones penitentiales omnino sunt regula infallibilis huius; quia non poterat id constare omnino illis patribus. Secundo, quia inter istos canones invenimus aliquas penitentias grauiorẽs pro peccato non tam graui. d. Thomas. supra.

Vigesimalumquintum dubium. An possit dari penitentia quæ fiat de consilio. Resp. pro peccatis mortalibus non credo totam penitentiam posse sic iniungi; præsertim quia tenemus penitentem teneri ad acceptandam, & complendam penitentiam. & sacerdotem teneri ad dandam. Dixi *totam* nam si partem det ex obligo, & partem de consilio, fieri potest. dicit etiam Nauar. cap. 26. num. 24. posse poni in penitentiam cessationem à peccato, & vitæ emendationem. Ego dico, quòd imposita vna penitentia de præcepto, potest imponere aliam de consilio.

Vigesimalumsextum dubium. An opera imposita à confessario sint magis satisfactoria, quàm voluntariè assumpta? Resp. affirmatiuè, triplici ex capite. Primo ex obedientia confessarij. Secundo ex virtute clauium Ecclesiæ, quas dixi tollere semper aliquid pœnæ. Tertio ex maiori participatione meritorum, & satisfactione Christi, quæ magis participantur per sacramenta. Adde istam satisfactionem etiam reuiuiscere factam extra charitatem; quod non valet in alijs, vt supra diximus.

Vigesimalumseptimum dubium. An secundus confessorius possit mutare penitentiam ab alio iniunctam. Resp. conueniunt doctores in tribus: Primo, omnes penitentias iniustas quæ continent errorem intolerabilem, posse mutari ab alio, etiam inferiore confessore. vel potius potest ille declarare penitentiam illam esse nullam, & in confessione aliam iniungere; quando causa est iusta. vtrunque intelligo etiam extra confessionem. Secundo conueniunt, quòd superior potest ex causa rationali mutare penitentiam iniunctam à confessario suo inferiori, in confessione tamen
sacra.

sacramentali, vt notat Sor. in 4. dist. 20. quæst. 2. art. 3. similiter certum est, quod si iterat confessionem quilibet posset mutare qui potest ab illis peccatis absolueret. Tercio conueniunt, quod quando non est iusta causa mutandi, nec superior, nec inferior potest mutare pœnitentiam iniunctam; quia sententia iusta non potest sine causa mutari. Sor. supra. Sylu. verb. confessio. 1. q. 23. Anton. 3. p. tit. 14. cap. 19. §. 4. Dubium igitur est, An quando adest causa iusta, vobis æqualis confessor possit mutare pœnitentiam ab altero æquali impositam, vel an idem ipse possit mutare pœnitentiam a se ipso impositam quæ pœnitenti non placet, vel cum putat sine difficultate non posse implere; & an sit necesse iterum confiteri peccata ob quæ imposita fuit. Resp. Sor. supra, putat non posse vnum æqualem, & ratio est, quia par in parem non habet imperium. Secundo, eundem sacerdotem non posse mutare si longo tempore imposuit, quia transiit in rem iudicatam. idem sentit Medin. fol. 100. Alij verò tenent contra Sor. & Medin. ita Victor. q. 101. Anton. 3. p. tit. 14. cap. 19. §. 4. & 19. Ledes. q. 10. art. 4. posse se mutari à quocunque potestatem absoluendi habente à peccatis ob quæ fuit imposita, & ab inferiore, non repetita confessione, solum ex hac causa quia pœnitens putat se non posse implere sine periculo animæ, vel corporis. & probat. Nau. cap. 16. num. 21. Palud. & Ledes. supra. quicquid dicant Sylu. & Sor. supra; qui dicunt repetendam esse confessionem. & hæc sententia est sequenda. licet non cogerem pœnitentem ad omnia peccata dicenda; tamen non liberarem omnino, sed crederem debere in genere peccata præterita manifestare; & conscientiam. De eodem ipso sacerdote dico, quod potest etiam post multum tempus commutare.

Vigesimum octauum dubium. An possit imponi pœnitentia solennis, & publica? ratio dubitandi est; quia Ecclesia antiqua solebat solennizare pœnitentias. ex altera parte, quia hoc forum est secretum. Resp. triplicem esse pœnitentiam; quædam solennis, & publica; quædam publica, & non solennis; quædam secreta, & priuata. de primis, est caput in cap. d. 50. ex concilio Agathens. vbi dicitur qualis debeat esse solennis pœnitentia. & rationabile diuin. offic. & hæc pœnitentia solennis non poterat imponi clericis, ne vilescerent in statu suo. & non poterat imponi nisi ab Episcopis; et poterat iterari hæc pœnitentia.

tia. De istis pœnitentijs exponit Magister pleraque auctori-
tates in d. 14. v. Augustini, Origenis, & aliorum. modo autem
sunt antiquatæ. Secundum dictum: de alijs publicis pœniten-
tijs non solennibus, inueniuntur aliqui canones apud Ho-
stiens. in summ. tit. de pœnit. & remiss. §. quia pœna. Primus
eorum est d. 85. ex concilio Gangrensi. cap. presbyter imponi-
tur pœnitentia quæ est imponenda presbytero cadenti in for-
nicationem, vbi per tres menses debebat poni in carcere, hu-
mi saccho indutus, & exorare Deum, & vesci semel in die pane,
& aqua per vnum annum integrum cum dimidio à vespere ad
vesperas. in fine anni particeps fiebat corporis Christi, &c.
absoluat septem annos in pœnitentia, ieiunans ter in hebdo-
mada in pane, & aqua; vel recitet orationes sibi impositas.
deinde debebat absolueret decem annos ieiunans sexta feria
in pane, & aqua. Tertium: pro publicis peccatis publicas im-
ponere pœnitentias, non video esse inconueniens; nam non vi-
detur esse periculum indirectè reuelandi; nam pœnitens acce-
ptando, & complendo pœnitentiam, potuisset dare licentiam
confessario reuelandi. pro occultis verò non iudico deberi pu-
blicas pœnitentias, idest tales, ex quibus alij intelligant ali-
quod publicum peccatum fuisse commissum. Licet enim
hic videtur etiam licentia pœnitentis, tamen su-
pra dixi istam licentiam debere esse expres-
sam, liberam, & rationabilem. quæ in
istò casu non videtur facile posse
conuenire. & hæc de materia
satisfactionis.



TRACTATUS NONVS.

De Clauibus, & potestate Ecclesiastica.

Caput unicum. habet aliquot dubia.



R I M V M dubium. Quid nomine Clauis intelligendum est? Resp. hoc nomen metaphoricè vsurpatur; sicut enim qui habet clauem domus, vel vrbis, dicitur habere potestatem domus, vel vrbis; sic etiam hoc loco. quare clauis comunissimè sumpta significat potestatem, Ioan. 22. *dabo clauem David super humerum eius* idest potestatem in illo regno. & Apoc. 1. *ego primus & nouissimus,*

habeo claues mortis & inferni. & cap. 3. idem dicitur. & cap. 9. ait, *vidi stellam de calo cadentem, & data est illi clauis putei abyssi,* &c. Secundo, sumitur clauis pro potestate ecclesiastica; & spiritali in tota sua latitudine; comprehendit enim multas potestates, quæ possunt reduci ad tria capita; sicut & regnum cælorum cuius sunt claues tripliciter sumitur: primo pro regno cælorum, Matth. 31. *auferetur à vobis regnum Dei.* Secundo pro Ecclesia militante. Tertio pro Ecclesia triumphante. & sic clauis aliquando significat potestatem intelligendi, vel exponendi scripturas, Luc. 11. *veh vobis scriba, & pharisei,* &c. Secundo pro tota potestate quæ est necessaria ad regendam Ecclesiam Dei. Tertio sumitur in particulari pro potestate remittendi peccatum quod dicitur obstaculum regni cælorum tertio modo sumpti. Ex his collige clauem pro vt à nobis accipitur

incipitur, dupliciter sumi; largè, pro tota potestate Ecclesiastica. & strictè, pro potestate remittendi peccata, quæ potestas ideo gaudet hoc peculiari nomine, quia est actus maximè principalis remittendi peccata. apud doctores sumitur hæc doctrina primo, & secundo modo. ego verò sumo utroque modo.

Secundum dubium. Quid est clavis? Resp. Magister in 4. d. 18. & ibi doctores. & Hierony. in Matth. 16. dicunt: clavis est potestas, qua iudex ecclesiasticus indignos eijcere, & dignos admittere potest ad regnū. de qua definitione dico duo: Primū est, in ea proponi genus quod est Potestas. subiectum in quo est, nempe in iudice ecclesiastico. ponitur & actus præcipuus qui estmittere, & excludere. proponitur & modus in isto actu, ut scilicet indignos eijciat, & dignos admittat. proponitur obiectum idest regnum Dei, non politicum, sed civile. Secundum est, quod hæc definitio magis propriè conuenit clauibus stricto modo sumptis, pro potestate remittendi peccata; ratio est, quia ista est præcipua potestas in Ecclesia Dei. & quia hæc immediatè versatur in aperiendo cælo quod peccato clauditur. imo omnes aliæ potestates ad hanc reducuntur. potest nihilominus hæc definitio competere potestati ecclesiasticæ vniuersaliter sumptæ. sicut enim potentia visiva quæ extenditur ad magnitudinem, colorem, & numerum, non malè definiretur per colorem tanquam per actum principalem illius potentie; sic potestas ecclesiastica non malè definitur per actum ligandi, & soluendi, tanquam per actum præcipuum illius. Confirmatur Matth. 16. vbi licet Christus promiserit Petro clauis regni cælorum, idest summam, & vniuersalem potestatem, quia sic exhibuit Ioan. 21. *pasce oues meas*; tamen istam potestatem explicauit per actus ligandi, & soluendi. de hac definitione loquitur Ioannes XXI. in extrag. sua, de verbor. signif.

Tertium dubium. Quæ sint istæ clauis. Resp. Aliqui dicunt esse duas; alteram potestatem soluendi, alteram ligandi. ita August. 1. contra aduers. legis, & prophet. cap. 17. Bed. in Ioan. 20. Ambr. 1. 1. de pœnit. cap. 2. Hæc doctrina non placet aliquibus; nam vna esset dicenda clavis, non duæ. Mihi verò placet; nam licet sit vna clavis quantum ad substantiam potestatis, tamen duo sunt actus præcipui. Secundo, aliqui dicunt clauis esse duas, scilicet ordinis, & iurisdictionis. ordinis, est

potestas quæ datur in consecratione ministri. Iurisdictionis verò est potestas quæ datur per simplicem institutionem in subditos. & quia etiam iurisditio duplex est, idest in foro interiori, & exteriori, ideo dicunt clauces etiam esse duas, iuxta duplex forum. sunt qui non probant hunc dicendi modum; quia dicunt clauces dari à Christo, & ideo non possunt esse nisi ordinis. & ideo non simpliciter omnem ordinem volunt vocari clauces, sed tantum ligandi, & soluendi. Mihi vtrunque videtur verum; nam si largè sumantur, primum est verum. si strictè, secundum. Aliqui dicunt clauces esse duas, scilicet scientiæ, & potestatis; per scientiam non intelligo doctrinam (ut aliqui malè intellexerunt) sed auctoritatem ad agnoscendum, & se informandum de conscientia sui præsentis. Potestatis verò, est auctoritas ad ferendam sententiam. hic modus communis est, neque hoc secundum repugnat primo; nam actus ordinis, vel iurisdictionis requirunt has clauces, & vniuntur cum his, nemo enim potest dare sententiam nisi cognoscat.

Quartum dubium. An detur in Ecclesia hæc potestas clauium. Resp. Vualdenses quos sequutus est Vuigleff. & Ioannes Hus negarunt dari in Ecclesia hanc potestatem; Et omnes presbyteros dicebant esse pares; & nullam esse in Ecclesia potestatem remittendi peccata. Lutherus etiam omnem Pontificiam potestatem negat. Sed contraria est vera, & communis omnium Catholicorum. Idcirco dico, in Ecclesia Christiana esse quandam spiritualem potestatem distinctam à ciuili, politica, & seculari. probatur primo ex scripturis, habemus aperte multas potestates quæ nunquam fuerunt in ciuili republica. nam clauces regni cælorum nullibi sunt audite nisi Matth. 16. nec nunquam est audita potestas remittendi peccata, nisi Ioan. 20. neque excommunicandi, nisi Matth. 18. & 1. Cor. 5. neque consecrandi, nisi Lucæ 22. neque prædicandi Euangelium, nisi Matth. ult. neque baptizandi, nisi Marc. ult. neque pascendi oves & totum mundum, nisi Ioan. 21. neque promouendi homines ad sacerdotium, nisi 1. Tim. 3. & 4. Secundo probatur ratione desumpta ex Vgone de 5. Victor. 2. par. de sacram. duæ sunt vitæ, altera terrena, altera spiritualis; ergo debet habere duplicem magistratum, & duplicem potestatem. Confirmatur; quia est duplex finis naturalis hominis; ergo debet habere duplicem potestatem qua dirigantur homines

homines ad suum finem. Confirmatur hæc duplex potestas, ex 3. Reg. 7. vbi dicitur Salomon erexisse duas columnas in vestibulo templi, alteram vocauit Iachim, alteram Boozim : alteram à dextris, alteram à sinistris. per Iachim significatur firmitas, *confirma fratres tuos*. Tertio inter gentiles etiam nunc est potestas legitima, Rom. 13. sed certum est illos non habere auctoritatem spiritualem; ergo est distincta. Quarto, pessimè esset instituta Ecclesia Dei nisi haberet suam potestatem spiritualem.

Quintum dubium. An hæc potestas sit de iure diuino. Resp. Licet in omni tempore ac statu fuerit in mundo potestas spiritualis, hæc tamen quam nunc habet Ecclesia nostra nunquam fuit; & est inducta de iure diuino in tota sua latitudine. Prima pars probatur primo in statu innocentiz, si perdurasset ille status, fuisset ista potestas; quia fuisset cultus diuinus; nam in illo statu fuissent rectores, gubernatores, &c. propter vniformitatem. Secundo in lege naturæ; quia eo tempore, & semper fuit necessaria fides supernaturalis, & cultus spiritualis. confirmatur; quia Abel fuit sacerdos. August. l. 5. ad Orosium. & Melchisedech. & licet fortè illa potestas fuerit data à iure humano, tamen credibile est ex reuelatione aliquando habitam. Tertio, in lege veteri fuerunt sacerdotes, vt patet in libris Reg. & habemus apud Lucam, quod Caiphas erat Pontifex anni illius. de qua potestate spirituali in lege veteri dico primo, hanc potestatem fuisse de iure diuino; exod. 24. & hebr. 1. Secundo, credo illos superiores habuisse potestatem condendi leges, vt possumus colligere ex Matth. 15. & 23. *irritum fecistis mandatum Dei propter traditiones vestras*. Tertio dico, totam illam potestatem legis veteris expirasse, Hebr. 7. Secunda pars probatur: primo, non potest esse de iure humano; quia hæc potestates ecclesiasticæ excedunt ius humanum, & facultatem. Secundo, nec possunt esse de iure naturæ, ex eodem fundamento. Tertio, nec de lege veteri, Galat. 2. *si ex legis operibus iustificatur homo, ergo frustra Christus mortuus est*. & Hebr. 9. idem habetur. Quarto probatur ex scripturis allatis in dubio superiore. Dixi in tota sua latitudine, quia credibile est aliquam potestatem in Ecclesia inductam esse ex iure humano, & ecclesiastico. quare dicendum est omnem potestatem in Ecclesia vel mediatè, vel immediatè esse à Deo.

Sextum dubium. Vbi est data hæc potestas. Resp. Arm. can. l. 11. quæst. Armen. cap. 14. & 15. dicit hanc potestatem esse datam Marc. 3. Alij contrarium sentiunt, non ibi, sed varijs locis datam esse. Turrecrem. l. 1. cap. 93. Viçtor. in relect. de potestate ecclesiastica. Sor. in 4. d. 20. q. 1. d. Tho. in 4. d. 24. q. 2. art. 3. Ego dico, Hæc potestas quam habet ecclesia Dei, non est data Marci 3. sed in distinctis locis, & temporibus. nam potestas consecrandi est data Matth. 26. Remittendi, Ioan. 20. gubernandi totam ecclesiam, Ioan. 21. probatur prima pars. quia illo tempore non erat sacramentum Eucharistiæ adhuc institutum; ergo nec sacerdotium. Secundo, quia potestas hæc, est promissa Matth. 16. Secunda pars probatur. primo de potestate consecrandi, est communis patrum sententia, quod fundatur in illis verbis; *hoc facite in meam commemorationem*. & præcipue ex Dionys. cap. 3. de cælest. Hierarch. De potestate remittendi, probatum est supra. de tertia potestate non est locus dignior vbi exhibuerit, nisi Ioan. vlt.

Septimum dubium. An hæc potestas sit idem quod Character sacerdotis. Resp. Aliqui tenent hanc potestatem clauium distingui à characterē sacerdotis. Scot. supra. Marsil. in 4. d. 34. q. 2. art. 3. Alij tenent esse idem. Sot. supra. & Viçtor. Capr. in 4. d. 19. q. vnica. art. 3. quæ sententia est verior, & tenenda; scilicet potestatem remittendi peccata, idest absoluedi, & retinendi, idem esse ac character sacerdotis. probatur; quia character est potestas ad suscipienda, vel conferenda sacramenta. Secundo, quia eiusdem virtutis est & potestatis producere aliquem effectum, quod fit consecrando Christi corpus, & disponere ad illud; quod fit remittendo, &c.

Octauum dubium. An sacerdos per clauēs remittunt peccata quoad culpam. Resp. affirmatiuè. probatur primo: quia hanc potestatem quam Christus dedit ecclesiæ, aliquo horum modorum debemus intelligere iuxta varias doctorum opiniones: vel vt remittant reatum pœnæ æternæ, & non culpam, vt dixit Vgo de 5. Viçtor. par. 14. l. 2. de sacram. cap. 8. Vel vt dixit Medin. cap. 7. de confess. vt remittat exilium vitæ æternæ. vel quod remittuntur hæc omnia, sed in voto. vel vt dicatur sacerdos absoluerē à debito confitendi. vel vt dicatur sacerdos remittere, idest ostendere esse remissa peccata, vt dicebat Magist. d. 18. vel quod verè remittat culpam quando in facto absoluit

solut. Sed nihil horum potest dici nisi hoc ultimum, ergo, &c. probatur; quia prima opinio est falsa; nam si remittitur culpa ante sacramentum, necessario & pœna æterna debet remitti. Secunda est falsa, nam ubi est remitti culpa, & pœna æterna, habet ius ad vitam æternam. Tertia est falsa; nam remittere in voto, non est remittere sacerdotem; & quia sacramentum non efficeret quod significat. Quarta est falsa; quia sacerdos non dicit, ego te absoluo à debito, sed à peccatis. Quinta est falsa; & probatur hoc secundo argumento, Ioan. 10. *sicut misit me pater, & ego mitto vos*; Christus autem verè peccata remittebat, Luc. 7. & Matth. 9. tum quia dicitur, *accipite Spiritum sanctum*, qui datur ad remissionem peccati, vt docet August. l. 2. contra epist. Parmeniani cap. 11. & Cyrill. in Ioann. 10. tum quia dicitur *quorum remisistis peccata*, &c. hæc verò significant culpas. verba autem simpliciter prolata non debent torqueri in sensus extraneos. tum quia remittere & retinere non significant ostendere. Tertio, cuiam debet ostendere sacerdos remissa esse peccata? non Deo, vt patet. non ecclesie, quia est forum secretissimum. non pœnitenti, quia ille ex absolutione sacerdotis non recipit certitudinem remissionis peccati.

Nonum dubium. An sacerdos per clauas possit obligare pœnitentem ad aliquam pœnam. Resp. affirmatiuè; quia est iudicium; & iudicis est imponere pœnam reo.

Decimum dubium. An clauium virtute semper remittatur aliquid pœnæ temporalis. Resp. affirmatiuè; quia per alia opera satisfactoria diminuitur pœna peccatorum; ergo multo magis etiam per clauas. probatur conseq. quia magis per sacramenta applicatur Christi passio, quàm per alia nostra opera. Confirmatur; quia si sacerdos potest obligare ad pœnam, conueniens est, vt iisdem clauibus aliquid relaxetur de ipsamet pœna. Dices, quanta pœna tollitur de temporali, & quomodo? Resp. d. Tho. in addit. q. 17. art. 2. ad 3. tenet, non æqualiter omnibus tolli æqualem portionem pœnæ, sed per partes proportionales, & aliquotas. hoc non placet Soto in 4. d. 20. q. 2. art. 2. sed tenet potius æqualem portionem pœnæ ex opere operato omnibus tolli. vel posset dici, quòd pro ratione dispositionis plus, vel minus diminuitur pœna.

Vndecimum dubium. An ecclesia habeat potestatem con-

dendi

in occultis, sed ea remittit Deo, qui solus nouit corda filiorum hominum. Tertio, interiora non possunt venire ad tribunal ecclesiæ; ergo non videtur ecclesiæ habere potestatem coactiuam directæ. Habet tamen hanc potestatem mediata, & indirectæ. probatur primo, quia potest ecclesiæ obligare ad actus externos quibus necessario coniunguntur interni. ergo mediata obligat ad illos. antecedens patet; quia obligat ad recitationem officij quod requirit attentionem. obligat etiam ad confessionem exteriorem fidel, quæ non fit sine actu interiore fidei. obligat ad confessionem, quæ non potest fieri sine dolore, qui est actus internus; ergo, &c. Secundo probatur; quia ecclesiæ excommunicat hæreticum occultissimum, & excommunicatio fertur in ipsam hæresim aliquo externo signo manifestatum.

Decimum tertium dubium. An ad ecclesiā pertineat virtute clauium quam habet, determinare de rebus fidei, & morum, sanctorum canonizatione, & religionum confirmatione, & in his non possit errare. Resp. affirmatiue. probatur primo ex Deut. 17. si difficile, & ambiguum iudicium esse perspexeris, &c. & exod. 18. dicitur Moyfi vt præsit populo de his quæ pertinent ad cultum Dei. Secundo ex Ioan. 21. *pasce oues meas.* Tertio, Cyrill. in l. thesauri, vt membra (dicit) maneamus in capite, in nostro throno Romanorum Pontifice, à quo nostrum est petere quid credere, & tenere debeamus. Maximus in epist. ad populos orient. dicit idem. Innoc. & habetur cap. quoties. 24. q. 1. Leo, & habetur cap. sicut. 14. q. 1. *ego rogabo patrē, & alii paraclitum dabit vobis qui maneat vobiscū in aeternum, & doceat omnem veritatem.* Matth. 28. *ego vobiscum sum usque ad consumationem seculi* Luc. 21. *ego rogaui pro te Pētre vt non deficiat fides tua.* Matth. 16. *portæ inferi nō præualebunt aduersus eā.* Secundo probatur, apud Euseb. l. 4. histor. eccles. cap. 22. laudatur Episcopus qui venit Romam vt consuleret Episcopos de fide. Irenæus l. 3. contra hæres. cap. 3. & l. 4. cap. 43. obijciens hæreticis fidem rectam, non alienam allegauit, sed eam quam à tempore Apostolorum vsque ad sua tempora Episcopi tenuerunt, & viri catholici. Cyprian. l. 4. epist. 9. maxime inuehitur contra eos qui se sepeauerunt à prælatis. Tertio, de moribus idem est dicendum quod de fide; quia tam est necessaria in ecclesiā disciplina morum, quam

fidei. Confirmatur, in concilio constans. condemnantur v. heretici qui reprobant vsum communicandi sub vna specie, hoc solo, quia est vsum ecclesie. & in Trid. sess. 13. can. 6. anathematizatur, qui negat vsum ecclesie celebrandi festum sanctissimi corporis Christi. Quarto, idem dico de canonizatione sanctorum, quamvis non sit in eodem gradu certitudinis, in quanto est quod iam dixi. nam d. Tho. in quodl. 9. art. 16. & Anton. 3. p. tit. 12. cap. 8. & Sylu. verb. Canonizatio; dicunt pium esse credere ecclesiam non posse errare. Can. 1. 5. locorum communium, tenet esse temerarium. Alij dicunt esse hereticum: ego dico saltem esse temerarium; quia hic honor qui debetur sanctis, maximè spectat ad si lem; quia non potest errare. Confirmatu; nam hoc etiam maximè pertinet ad mores ecclesie. Quinto, idem dico (& fortius) de confirmatione religionum, quia confirmare religiones pertinet ad summum Pontificem, qui hoc faciens ponit in ecclesia Dei quandam viam morum, & perfectionem, qua homo possit ingredi securi. & sic non potest errare.

Decimumquartum dubium. An ecclesie potestas se extendat directè ad dispensandum in iure diuino. Resp. negatiuè. probatur; quia Papa, & ecclesia est sub iure diuino; ergo non potest dispensare. probatur sequela; nam dispensare est liberare aliquem ab aliquo obligo; sed hoc requirit superioritatem, ergo, &c. dixi *directè*, quia *indirectè* potest, vt patet in voto, & iuramento, in quibus non dispensat ecclesia propriè in iure diuino. quod sic explico: Potest intelligi his modis; Papam, vel ecclesiam dispensare in voto: primo, vt omne votum intelligatur factum sub conditione implicita, idest si prælatus non dispensat. sed hic modus non placet; quia quilibet est dominus suæ voluntatis, & non dependet ex hoc, idest ex Pontificis voluntate. Secundo, aliqui dicunt Papam dispensare in voto, quia habet potestatem dispensandi in aliquo iure diuino, non omni; & illud dicunt esse quando ius diuinum pro varietate temporis potest pati aliquam varietatem in obseruantia. In iure verò diuino quod nullam patitur varietatem, non potest. Iste modus non placet; quia gratis dicitur ecclesiam habere hanc potestatem, &c. & quia est valde difficile determinare quod est hoc ius diuinum quod patitur varietatem. Tercio, ex d. Tho. 2. 2. q. 88. ecclesiam explicare, & interpretari

in aliquo casu non debere seruari tale votum; & hoc pertinere ad prælatum ecclesiæ tanquam interpretem diuinæ voluntatis & hoc potest intelligi dupliciter: Primo, vt explicetur votum aliquod non tenere, nec obligare in tali casu; & hoc non esset propriè dispensare, & posset fieri à quocunque viro docto. Secundus modus est, ita interpretari mentem Dei, vt tollat etiam obligationem voti, quæ manet adhuc, vt si quis. vouit ieiunium, & est causa quare hoc ieiunium impediatur me ab aliquo maiore bono; prælati est in tali casu mentem Dei interpretari, quod nolit me obligatum ad ieiunium; & hoc est dispensare. & in isto casu ecclesiæ non dispensat in iure diuino propriè, sed subtrahit me à iusta obligatione quam promisi. duabus enim de causis tenet obligatio: Prima est, quod voui. Secunda, quod votum sit seruandum. ecclesiæ tollit primam, non secundam obligationem. Dices primo: An ecclesiastica hæc potestas se extendat in legem humanam, & canonicam absolutè? Resp. quod eiusdem est tollere legem, cuius est condere; sed omnes leges canonicæ sunt ab ecclesiæ; ergo, &c. Dices secundo: An pertineat ad regimen rerum spiritualium? Resp. quod ecclesiæ habet omnem potestatem circa curam rerum spiritualium, ergo totum id potest in republica civili quod posset impedire hoc regimen, vel quod pertinet ad bonum reipublicæ.

Decimum quintum dubium. An ecclesiastica potestas per se primò, & directè se extendat ad dominium temporale totius orbis? Resp. negatiuè. non loquor de dominio particulari status ecclesiastici, sed loquor de toto mundo. probatur primo, ex ipsorum Pontificum autoritate; cap. quoniam. d. 10. vbi dicitur, quod temporalis, & spiritualis potestas subiecto distinctæ sunt cap. futuram. 12. q. 1. vbi fatetur Papa se dono recepisse multum statum à pijs Imperatoribus. cap. cum ad verum. d. 96. nec Imperator iura Pontificatus arripiat, nec Pontifex iura Imperatoris usurpet. In cap. venerabili. dicit Pontifex non habere superiorem in temporalibus. Nec valet dicere, quod Papa propter pacem mundi permittit regna, & dominia alijs; quia videtur hoc esse ridiculum; nam Pontifex expressè fatetur se accepisse multa dona à pijs Imperatoribus. secundo probatur ex Bern. l. 2. de consider. ad Eugenium. Tercio Papa non habet in terris infidelium dominum. 1. Cor. 15. quid enim mihi est cum ijs qui foris sunt? & Rom. 13. di-

cit, eos habere potestatem à Deo, & obediendum esse legibus illorum. Confirmatur; quia Christus non sustulit dominis mundi regna sua. & ipsi habent regna à Deo, nec Papa illis dedit; ergo, &c. Quarto, Christus vt homo non fuit dominus, neque Rex temporalis mundi; ergo nec Papa. antecedens probatur, supposito primo, quòd Christus vt Deus, est verus dominus, & creator mundi. Secundo, Christus est Messias, & per consequens; *Rex Regum, & dominus dominantium*. Sed istud regnum est cæleste, & spirituale, cui regno cedunt omnia regna mundi. probatur antecedens; quia si Christus est Rex temporalis, vel hoc regnum habuit ex hæreditaria successione, vel ex electione, vel à Deo; non primum, quia non contingerat regnum iudæ Beatissimæ Virgini, iuxta illud prophetiæ Gen. 39. *non auferetur sceptrum de Iuda, &c.* quare defecerat tunc Regnum David, & traslatum fuit ad Romanos. non secundum, vt patet. non tertium, quia hoc nullibi constat; & quoniam in scripturis inuenimus fieri mentionem de regno, intelligitur de spirituali, probatur ex Psal. 2. *Ego autem constitutus sum Rex, predicans præceptis eius, &c.* & Ioan. 8. *regnum meum non est de hoc mundo.* & Luc. 12. *homo quis me constituit iudicem, & diuisorẽ inter vos?* ergo ex modo loquendi docebat se nõ esse iudicem temporale. Dices, An habeat ecclesia autoritatẽ et temporale in toto orbe amplissimã super omnes Reges, & principes in ordine ad finem spirituale. Resp. affirmatiuè: probatur primo, ex Bern. 1. 4. de cõsider. ad Eugeniũ. *cõuerte gladiũ tuũ in Vaginã.* tuus est, ergo, &c. Secundo, quia Christus Petro Ioan. vlt. dedit supremam potestatem spirituale; ergo vbi tẽporalia necessaria sunt, iurisditio ecclesiæ se extendit ad illa. Tertio, ex canonibus, cap. omnes. d. 13. ait Nicolaus Papa, Petro cœli clauigero dedit potestatem, &c. & cap. alius. 15. q. 6. Stephanus Papa, transtulit imperium à Græcis ad Germanos. & in cap. venerabilem. de electione. & cap. grandi. de supplenda prælat. neglig. in 6. & cap. tibi domino. 63. Imperator iurat Pontifici. & 15. q. 6. Zacharias deposuit Regem Francorum, & constituit in eo Pipinum patrem Caroli magni.

Decimum sextum dubium. An potestas Clauium tam ordinis, quàm iurisdictionis subiectetur in Ecclesia immediatè, an in particularibus personis. Resp. & Nota, hic nos non loqui de quacunque potestate spirituali, sed de nostra euangelica. est enim

nim. duplex potestas spiritualis, quædam ex parte finis tantū,
 qualis erat in quacunque lege scripta, & naturali; & hanc in le-
 ge naturæ facillè concesserim fuisse in tota republica, quæ ha-
 beat autoritatē creandi sacerdotes. In lege verò scripta, erat
 hæc potestas tantum in tribu Leuitica. loquor tantū de pote-
 estate nostrā, quæ non solum est spiritualis ex parte finis, sed et
 ex parte effectus; quia poterat remittere peccata, quod est spi-
 rituale. & de hac potestate disputamus, an fuerit in tota eccle-
 sia, vel in personis particularibus. Prima opinio est doctorum
 Parisienſium, qui dicunt cōcilium esse supra Papam, quare di-
 cunt potestatem esse in vniuersitate. ita Gerson tract. 10. & Al-
 main. l. de comparat. Papæ & concil. cap. 6. Secunda opinio est
 contraria. ita Caiet. in opus. de potest. concilij & Papæ. Turre-
 cre. de potest. ecclesiast. l. 1. cap. 71. Sot. in 4. d. 20. q. 2. ar. 4. Ego
 dico primo, potestas ordinis ligandi, & soluendi, non est data à
 Christo toti ecclesiæ, nec toti coniunctim, nec singulis diuſim
 duobus modis hoc potest intelligi; primo, vt singuli habeāt hanc
 potestatem. Secundo, esse in tota ecclesia coniunctim hanc po-
 testatem, quod nemo catholicorum admittit. probatur primo;
 quia non omnibus, sed certis personis dictū est, *quorum remi-*
seritis peccata, &c. & hoc facite in meam commemorationem. &
pasce oues meas. Secundo, quia esset summa cōfusio in ecclesia si
 omnes rudes possēt esse iudices, & medici. Tertio, gratia sacra-
 mentalis fluit à Christi corpore, ergo ille est idoneus minister
 huius gratiæ per sacramenta qui habet potestatem super corpus
 Christi verū. Secūda pars probatur primo, ex dictis rationibus;
 Secundo, eius est potestas cuius est actus, sed tota **communitas**
 non potest ligare, vel absoluerē; tum quia tota communitas
 non est cōsecrata. tum quia actus sunt suppositorum. Nec va-
 let dicere, quod potest communitas facere per aliquem, quia
 cū ille actus non sit elicitus à communitate, non erit pote-
 stas illius. Dico secundo, potestas iurisdictionis non residet in
 ytroque foro subiectiue contra primam opinionem. probatur
 primo, nam sequerentur aliqua inconuenientia. Primo, quod
 multi incapaces haberent potestatem in Ecclesia, vt mulieres,
 pueri, rudes, &c. Secundo, quia gubernatio Ecclesiæ maxima
 ex parte gubernaretur à laicis. Tertio, quia posset Ecclesia
 defuncto Pontifice residere in laicis. Quarto, quia in quali-
 bet diœcesi resideret potestas potius in populo, quàm in Epi-
 scopo

scopo. Secundo quando Christus contulit hanc potestatem, contulit in personam Petri, & Apostolorum; ergo gratis dicitur, quod data sit toti corpori Ecclesiastico. Confirmatur; quia Petrus elegit sibi successorem in Pontificatum sine Ecclesia. Paulus ipse non ab hominibus fuit electus, neque per omnes homines, & ipse elegit Titum. Matthias fuit electus à Deo per sortem, & ita de alijs; ergo potestas, residet in particularibus. Tertio, si potestas esset in Ecclesia, esset in omnibus æqualiter; sed in Ecclesia sunt valdè inæquales ordines; ergo. &c. Quarto, Christus etiam nunc in cælo existens regnat, & gubernat Ecclesiam per Vicarios suos; ergo ab ipso manat potestas, & non ab Ecclesia, & per suum Vicarium in omnes. Confirmatur; quia ob id Christus dicitur *sacerdos in æternum* 1. Cor. 15 *unusquisque in suo ordine, primitia autem Christus*. Dico tertio, summus Pontifex non habet ab Ecclesia potestatem, nec ab vilo homine, sed immediatè à Christo, quamvis electio fiat ab hominibus, & ad Ecclesiam spectet. probatur primo, quia Petrus à Christo recepit immediatè potestatem, Matth. 16. & Ioan. vii. & non solum pro se, sed etiam pro successoribus. Secundo, quia potestas Pontificia est suprema in Hierarchia ecclesiastica; ergo debet esse immediatè à Christo, à quo omnis potestas habet hoc. Confirmatur ex Dionys. cap. 6. de Hierar. Eccles. proprium esse Angelis primæ Hierarchiæ esse propè Deum non quoad beatitudinem, sed quoad illuminationem, & revelationem. Probatnr secunda pars, quod scilicet electio fiat ab hominibus; quia supposito quod Deus non ordinaverit alium modum electionis, & hæc potestas perpetuò duratura in ecclesia, necessariò debuerat eligi ab ecclesia. de qua electione dico primo, quod hæc electio pertinet ad ecclesiam. licet enim in ea potestas illa clauum non resideat, ramen ad eam pertinet ius eligendi. Secundo, non pertinet hæc electio ad totum populum Christianum, sed ad clerum; quia regimen spirituale non pertinet ad laicos. Tertio, nec ad totum clerum, sed ad Episcopos. Probatnr; quia ad alios pertinent quædam communia ministeria. tum quia Episcopi sunt pastores, tutores, & procuratores ecclesiarum. Quarto, quia hic modus esset difficilis. Dico, Petrus & eius successores potuerunt eligere modum eligendi Pontificem. probatur; quia in Papa residet plenitudo potestatis. Secundo,

cundo, quia Petrus elegit elementem, vt patet cap. si Petrus. 8. q. 1. Secundus modus qui nunc est in ecclesia eligendi Pontificem, non est de iure diuino, est tamen optimus. probatur primum, quia non fuit semper iste modus, nec habetur in scriptura. probatur secundum, quia videmus hunc modum maximè durasse, & esse minùs expositum schismati. Dico Quarto, potestas iurisdictionis nō inuenitur in mulieribus; Vnde Abatissæ ex vi iurisdictionis non possunt facere præceptum obligans ad peccatum mortale; quamuis ratione materiæ, & ratione voti possit obligare. probatur prima pars, ex d. Tho. in addit. q. 19. Dur. in 4. d. 19. q. 1. Palud. ead. q. 2. concl. 3. Sylu. verb. abatissa. Sot. d. 20 q. 1. art. 4. Victor. de Clau. num. 14. Secundo probatur ex 1. Cor. 14. *mulieres in ecclesia taceant, non enim permittitur eis loqui, sed subditas esse.* 1. Tim. 2. *mulier subdita sit cum omni subiectione.* probatur item ex 8. & hic vbi habetur mulieres non debere gubernare. Item ex cap. noua. de pœnit. & remiss. ex cap. mulierem. 33. q. 5. ex cap. dilecta. de maiorit. & obed. Secunda pars probatur; quia sequitur ex præcedenti. Tertia pars probatur; quia posset esse præceptum tale quod ex materia obligaret ad mortale; & aliquando ad veniale. Item ratione voti; siquæ monialis quæ vouit obedientiam si pertinaciter non velit obedire, peccat mortaliter. Vnde benè notat victoria supra, quòd malè facerent qui dicerent monialibus non generi obedire abatissæ sub pœna peccati mortalis.

Decimumseptimum dubium. An soli Petro data sit à Christo iurisdiclio, an omnibus etiam Apostolis. Resp. prima opinio est Turrecrem. l. 2. cap. 54. & 57. quòd sit data soli Petro. Secunda est, omnes Apostolos accepisse à Christo parem potestatem ac Petrus accepit. Ita Victor. de Clauib. num. 5. & in relect. de potest. Eccl. q. 2. num. 8. Sot. in 4. d. 20. q. 1. art. 2. In idem recidit opinio Caiet. de potest. Papæ & concilij cap. 3. qui distinguit Apostolos dupliciter considerari. primo vt sic; & sic dicit esse pares. Secundo vt sunt oues Christi, & sic dicit Petrum esse superiorem. Quare dico, quòd Petrus recipit à Christo immediatè omnem plenitudinem iurisdictionis; & potestatis Clauium super totam Ecclesiam, & super omnes Apostolos. probatur primo ex signis, & privilegijs, quibus Christus ostendit se hanc potestatem Petro daturum, Ioan. 1. mutauit simoni nomen, quod non fecit alijs Apostolis. Matth. 10. num.

rantur omnes Apostoli, & dicitur primus Simon. Matth. 17. dixit Christus Petro, *Solue didragma pro me, et pro te.* Vide Ambr. & August. super nouum, & vetus testamentum, in qq. quia soluebatur didragma à capitibus familiarum. Luc. 5. dicitur Petro particulariter *duc in altum, &c.* Matth. 14. solus Petrus ambulat super mare. Marc. 14. Petro dicitur; *Simon dormis?* Luc. 22. *Simon, ecce satanas expetuit ut cribraret vos, &c.* item multis in locis Euangelij solus Petrus interrogatur, & solus respondet nomine omnium. probatur secundo, ex promissione quam fecit Petro Matth. 16. *tu es Petrus, & super hanc Petram adificabo ecclesiam meam.* & licet aliqui dicant istam petram esse Christum, & fidem catholicam, tamen communis consensus (& melior) est, ut intelligatur de persona Petri. sic Chrysost. hom. 15. in Matth. Hilar. ibid. Leo in secunda concione de nativ. Petri, & Pauli. August. pro retract. cap. 21. quamvis utranque etiam expositionem admittat. Item Petro dicitur. *tibi dabo claves regni cælorum,* propter meritum singulare fidei, probatur tertio, Ioan. ult. ter interrogatur Petrus de amore; & ter dicitur, *pasc oves meas,* qui locus vim habet, tum quia ter interrogat ad innuendum quod propter trinam negationem à Petro factam, non negaturus esset ei promissionem factam; tum quia dicit, *oves meas;* ergo quicumque non sunt oves Petri, neque sunt Christi; tum quia dicitur indeterminate *oves;* non has, vel illas; tum quia dicitur *oves, & agnos,* id est prælati, & subditi; tum quia dicitur *pascere;* nomen autem pascendi, & pastoris, pertinet ad officium regiminis, ut regat. Confirmatur; quia istud quod est pascere, debet respondere illi, *dabo tibi claves;* ergo pascere non solum est docere, sed etiam dare autoritatem ad regnum cælorum. probatur quarto, ex act. 1. *exurgens Petrus in medio fratrum, &c.* & act. 2. Petrus habuit concionem. & act. 5. Petrus dat sententiam contra Ananiam, &c. & act. 8. Petrus contra Simonem profert sententiam. act. 5. Vas velut linteum demissum est à cælo plenum omnibus animalium generibus, & dictum est Petro, *mastra, & manduca, &c.* act. 15. Venerunt Hierosolymam, &c. surgens Petrus dicit, *viri fratres, &c.* quare solus Petrus loquitur.

Decimooctauum dubium. An Apostoli sint facti Episcopi à Christo immediate, an à Petro? Resp. Prima opinio est Turrecrem. l. 2. cap. 32. & 34. esse factos Episcopos à Petro,

non

non à Christo qui fecit Episcopum solum Petrum. Secunda opinio est aliorum, factos esse omnes à Christo. Soc. l. 10. de iust. & iure. quæst. 1. art. 4. Ego dico, quòd Apostoli à Christo immediatè iurisdictionem suam acceperunt, & pariter cum Petro potestate donati sunt, licèt illi fuerint subditi. crediderim tamen non à Christo, sed à Petro Episcopos conseruatos. Vnum est de fide, quòd Petrus sit caput omnium. an verò à Petro sint consecrati, vel à Christo immediatè, hoc est in opinione. Probatur prima pars. Primo ex Anacleto, & habetur cap. in nouo. dist. 21. cæteri Apostoli cum Petro pari consortio honorem, & potestatem acceperunt. Cypr. in Epist. ad Donat. & habetur cap. loquitur. 24. quæst. 1. Dominus (inquit) post resurrectionem parem potestatem omnibus Apostolis dedit. Hierony. l. 1. contra iouinian. ex quo super omnes Apostolos ecclesiæ fortitudo solidetur. & ex eodem vt habetur cap. Paulus Petrum. Secunda, quæst. 7. vbi dicitur, quòd Paulus Petrum non reprehendisset, si sciisset se Petro imparem esse. Secundo, probatur ex varijs locis Euangelij, *cuntes in mundum vniuersum, &c. sicut misit me pater, & ego mitto vos, &c.* Tertio, quia Apostoli vbique terrarum constituiebant ecclesias, ordinabant pastores, & alia, quæ pertinebant ad regimen Ecclesiæ. & Galat. 2. habetur, quòd si qui videbantur aliquid esse, quales erant Petrus, Iacobus, & Ioannes, mihi (dicit) nihil contulerunt. Confirmatur ex eo quod canit Ecclesia; *quos constituisti Vicarios, &c.* ex quo infero: Primo, quòd licèt hoc verum sit, quòd Petrus erat superior ipsorum, tamen cum illa paritate, in duobus est disparitas: Prima, quia Petrus erat super omnes illos; illi verò habebant potestatem dependentem à Petro; ipsi verò inter se non erant superiores. Secunda, quia potestas Petri erat ex officio ordinario; ipsorum autem erat ex delegatione. & hinc est, quòd successor Petri habet eandem plenitudinem potestatis quam habebat Petrus; successores Apostolorum non. Secundo infero, quando Clemens epist. prima dicit omnes Apostolos accepisse æqualem honorem, non tamen parem potestatem, & Anacletus quando Epistola secunda dicit, licèt fuerit æqualis dignitas, erat tamen differentio potestatis, intelligendi sunt vt diximus. Tertio, potestis intelligere quomodo se habebant Petrus, Clemens,

•Ioannes Euangelista, & alij, quia Petrus erat superior in Apostolatu, sed pares in dignitate fuerunt. Rursum Clemens erat superior Ioanne Euangelista, quia Ioannes non fuit Vicarius Christi, fuit inferior in Apostolatu, & in scriptura facienda de fide; quia erat scriptura sacra. erant pares in preestatis executione quam vnus habebat ex officio, alter ex delegatione. Secunda pars probatur. primo ex Anacleto cap. porro. d. 67. vbi dicitur, quòd Iacobus Alphæi filius Hierosolymæ Archiepiscopus fuit, primus ordinatus à Petro, alter à Iacobo, & Ioanne. Confirmatur, quòd ibid. dicitur, quòd Apostoli formam dederunt consecrandi Episcopos, vt nò minus consecrentur, quàm ab alijs tribus Episcopis. Confirmatur etiam Matth. 10. vbi idem habetur. Secundo, Clemens ep. 2. vocat Petrum magistrum, Principem Apostolorum, & ordinatorem. Tertio, ex act. 13. *segregate mihi Paulum, & Barnabam, & orantes, & ieiunantes, & imponentes eis manus dimiserunt eos;* ergo consecrarent illos Episcopos. Confirmatur; quia Leo Papa cap. quòd dic. d. 15. dicit, Paulum ordinatum ab Apostolis Episcopum. Quarto, quia ex scriptura non possumus probare, quòd Apostoli sint facti Episcopi à Christo. Dices; quomodo ista pars concordat cum prima? nam si facti sunt Episcopi à Petro, quomodo ergo parem potestatem acceperunt cum Petro? Resp. quia potestas iurisdictionis est longè distincta à potestate ordinis, & consecrationis.

Decimumnonum dubium. An successor Petri sit Pontifex Romanus. Resp. affirmatiuè, in quo omnes catholici concordant, quare dico, quòd Petro in officio debet semper aliquis succedere, sicut Apostolis; & iste est Pontifex Romanus, qui habet plenitudinem potestatis vt Petrus, & solus habet: probatur prima pars: Primo, Christus instituit ecclesiam non solum pro tempore Petri, & Apostolorum, sed perpetuò duraturam; ergo debuit regimen, & potestas perpetuò durare, ergo non solum reliquit potestatem pro illo tempore, sed perpetuò. antecedens probatur Luc. 22. *ego rogaui pro te petre, vt non deficiat fides tua.* & Matth. 16. *porta inferi non praualebunt, &c.* Confirmatur, quia non datæ sunt clauces Apostolis pro ipsis, sed ad regimen ecclesiæ. Confirmatur, quia sancti, & patres diuini, quòd clauces datæ sunt illis representantibus ecclesiam. 2. ephes. 4. *quosdam dedit Apostolos, &c. donec occurrat*

ramus

ramus ei in virum perfectum in mensurā etatis plenitudinis Christi: Hebr. 7. *trās lato sacerdotio opus est vt lex transferatur;* sed lex Christi est perpetua, ergo & sacerdotiū. Tertio, regimen monarchicum est optimum regimen, & Christus à principio istud instituit in persona Petri, ergo etiam nunc seruatur idem regimen; quia Christus non minus amat nunc ecclesiam, quam prius amauerat. Quarto, certum est quod Apostolis successerūt Episcopi; nam Paulus substituit Timotheum, Titum: & alij alios; ergo sicut Apostolis successerunt Episcopi, ita Petro successerunt Pontifices. probatur secunda pars. primo, quia vltima sedes Petri fuit vrbs Romæ; ergo Episcopus Romanus debet illi succedere. Confirmatur ex continua successione vsque ad nostra tempora; nam Petro successit clemens, clementi, electus & sic deinceps. Secundo probatur ex concilijs generalibus; in Nicæno expressè habetur ecclesiam Romanam esse matrem ecclesiarum, & sine Pontifice Romano non congregatur concilium generale. & licet canones non sint in concilio, tamen citantur ab Athanasio ep. ad Marcum. & à Iulio Papa in quadam ep. Pelag. d. 17. in concilio Chalcedon. act. 1. dicitur Romana ecclesia caput omnium ecclesiarum, & actione 3. fuit acclamatum Leoni à tota synodo, magnus Leo, & vniuersalis. In Constant. 5. in sententia cuiusdam Mennæ dicitur, nos obedi- mus Romano Pontifici: & omnes acquieuerunt eius sententiæ. in sexta synodo. action. 4. fuit acceptata instructio Agathonis, in qua dicebatur Romanam ecclesiam esse matrem omnium. Idem in concilio Later. & in Trid. sess. 7. can. 3. Tertio, probatur ex cap. quamuis. d. 21. est Pelagij. & cap. omnes. d. 22. est Nicolai. & cap. sacrosancta. est Anacleti. & cap. nō decet. d. 21. est Calisti. & cap. cuncta. 9. q. 3. est Gelasij. Dices, An sit de iure diuino successorem Petri esse Romæ? Sor. in 2. d. 24. art. 5. dicit non esse de iure diuino: & fortè ita est; quia videtur hoc factum esse potius autoritate Petri, quam institutione Christi, dico *for- se*, quia mihi non constat; nam fortè Petrus habuit hanc iurisdictionem à Christo, vt videtur dicere Marcellus cap. rogam. 24. q. 1. & Innoc. in cap. per Venerabilem. tit. qui filij s. c. legitimi allegat illam historiam, *Vado Romam iterum crucifigi*. Tertia pars probatur primo, quia sequitur ex dictis. Secundo, quia est vniuersalis pastor totius ecclesiæ. ergo & c. qua autem & quanta sit hæc plenitudo, legendus est Turrecrem. l. 2. cap. 52. Quar-

ra pars probatur; primo, quia solus Pontifex habet primatum, ergo solus ipse habet plenitudinem potestatis. Confirmatur ex Leone cap. multum. 3. q. 6. & ex Iulio Papa, cap. qui se scit 2. q. 6. Secundo, regimen ecclesiæ est monarchicum, ergo in solo Papa est plenitudo potestatis. antecedens est probatum à Turrecrem. l. 2. cap. 2. Confirmatur ex Ioan. 10. *erit unum ovile, & unus pastor.* consequentia videtur bona; quia in regimine monarchico tota plenitudo potestatis residet in vno solo supremo principe.

Vigesimum dubium. An Episcopi habeant iurisdictionem de iure diuino à Christo immediatè, an à Pontifice. Resp. prima opinio est, habere à Papa. Ita Turrecrem. l. 2. cap. 34. & d. Tho. l. 4. contra gent. cap. 76. Secunda opinio, quòd sit de iure diuino. Sot. l. 10. de iust. & iure. quæst. 1. art. 4. Quare dico; quòd omnes Episcopi, & consequenter omnes Curati non habent iurisdictionem de iure diuino, sed à Pontifice. explico; certum est, quòd dignitas Episcopalis non est institutio humana, sed diuina; succedunt enim Episcopi Apostolis; & hoc omnes admittunt. Secundo, non disputamus hic an Episcopus sit ordo distinctus supra sacerdotalem; nam si nomine ordinis intelligas dignitatem aliquam, est contra Vuigleff, qui non admittit Episcopos esse superioris dignitatis à sacerdote. si intelligas nomine ordinis ordinem sacramentalem, tunc in opinione est, an Episcopalis ordo sit distinctus à sacerdotali: Neque disputamus de potestate ordinis in Episcopo, qualis esset conferre ordines, confirmare, &c. nam hæc etiam est de iure diuino. Neque est dubium, quòd sit de iure diuino, vel ecclesiastico, an sit hoc, vel illo loco Episcopus; nam certum est esse Episcopus huius loci, vel illius. Sed dico quæstionem esse, An supposito quòd Papa ponat hunc, vel illum Episcopum in hoc vel illo loco, an ille sic positus habeat iurisdictionem in illum, populum de iure diuino, an à Pontifice; sicut diximus de Papa electo à Cardinalibus qui eligunt personam, tamen iurisdictionem non dant Cardinales, sed est à Deo. Conclusio dicit, quòd habent à summo Pontifice. Probatur primo, in Petro, & Papa est plenitudo potestatis, & iurisdictionis; ergo &c. Probatur sequela ex Cyprian. epist. ad Nouatian. 24. quæst. 1. & August. tract. 124. in Ioan. Secundo, Omnes eccle-


ecclesiæ sunt fundatæ à Romana; ergo Episcopi ecclesiarum non habent iurisdictionem nisi à Romano Pontifice. Consequentia est bona; quia si de iure diuino non sunt Ecclesiæ illæ fundatæ, quæro, isti primatus cathedrales, & primatiales, &c. sunt à iure diuino? non; ergo &c. antecedens probatur ex Nicolao dist. 22. Omnem Ecclesiam dicit esse institutam à Romana. cap. in illo. dist. 80. ex Gregor. cap. sancta Romana 2. quæst. 6. ex Iulio Papa cap. causam. & cap. qui se scit. d. ead. Tertio, ex Cyprian. supra. qui comparat alias Ecclesias in ordine ad Romanam radijs, fluuijs, & ramis; in ordine ad solem, fontem, & radicem. Iustin. Imperator in quadam autent. vt Romana, dicit antiquam Romanam habuisse apicem summi Pontificatus, & fontem sacerdotij. Vigilius in Epistola ad Eleuterium vocat fundamentum. Anaclet. cap. sacrosancta. dist. 22. Vocat Cardinem, aliarum Ecclesiarum. Quarto, si non à Papa reciperent iurisdictionem, ergo Papa non posset prohibere actus Episcoporum. non posset commutare, suspendere, confirmare, diuidere, coniungere Episcopatus, amplificare, &c. Dices, non sequitur hinc, quòd ob id non sit de iure diuino potestas Episcoporum; nam potest dici, quòd Papa infantum facit hoc, in quantum subtrahit subditos Episcopis. dico tamen, quòd sequitur; quia si Papa dat illis subditos, ergo etiam dat iurisdictionem quæ est correlatiua ad subditos. Dices, Ad opinionem contraria possit defendi. Resp. quòd sic; non enim illa opinio negat Episcopos, & omnes Ecclesias non esse subditas Pontifici Romano. & cum hoc, dicunt iurisdictionem habere de iure diuino, sicuti Parochus recipit suam curam ab Episcopo, & tamen est subditus Vicario Episcopi. tamen prima opinio est melior. aliqui verò volunt conciliare utranque opinionem, & dicunt, quòd iurisdictio habitualis est de iure diuino, actualis autem est de iure ecclesiastico. sicuti idem dicunt de iurisdictione sacerdotum. spectat etiam ad potestatem clauium potestas excommunicandi, & indulgendi: sed de excommunicatione, & indulgentijs, alibi dicemus. nunc de pœnitentia & partibus eius, hæc dicta sufficiant.

TRACTATUS DECIMVS.

De Extrema Vnctione.

*Agit de hac re D. Tho. in 3. p. in addit. q. 29. Et
doctores in 4. d. 13. dicemus nos. primo de
his que spectant ad substantiam huius sa-
cramenti. secundo de materia. tertio de for-
ma. quarto de ministro. quinto de suscipien-
tibus. sexto de effectibus. septimo de neces-
sitate.*

*De his que spectant ad substantiam huius sa-
cramenti. Cap. I.*



V M varia sint Vnctionum genera,
de illa hic agitur, quæ infirmis in
mortis articulo constitutis exhi-
betur. Vnde dicitur infirmorum
vnctio, & exequium sacramentum,
iuxta catechismum Romanum,
& extrema vnctio; quia extremo
loco ministratur. Sed negant hæ-
retici extremam vnctionem esse
sacramentum; concedunt tamen
illud oleum profuisse corpori. Pri-
mo; quia Iacobus Apostolus pollicetur hac vnctione corpo-
ris sa-

ris sanicatem; ergo sicut reliquæ ceremoniæ Apostolorum multis quibus sanabant infirmos expirarunt, ita & hæc. Secundo hæc vnctione etiam utebantur laici ad sanandum infirmos, ergo non erat sacramentum. Videndus est Palud. in hist. sanctorum cap. 13. 20. & 43. ait Eremitam hoc sanasse infirmum. & Theodor. idem ait de sancto Aphrate. Tertio, ita Christus Apostolis tribuit gratiam curationum per oleum, ne sibi illud donum tribuerent, sicuti Moyse per virgam; ergo tantum fuit ad miraculum, ergo non fuit sacramentum. Quarto, ait Lutherus, sequeretur nos posse perpetuare vitam ægrotantium. Quinto, cur dicit sanctus Iacobus *inducat presbyteros*, nisi ut multi simul orent? nam si esset sacramentum, & non oratio, sufficeret vnus presbyter. Sexto, omnium sacramentorum aliquæ figuræ præcesserunt, sed huius nulla præcessit, non igitur est sacramentum. Septimo, quia Dionysius in eccles. Hier. suscepit prouincia explicandi omnia sacramenta, de hoc nihil dixit. Respondent nonnulli, Dionysium explicuisse sacramenta pertinentia ad actus Hierarchicos, ad quos non pertinet vnctio. Contra, quia purgat reliquias peccatorum. Confirmatur, quia Dionysius meminit vnctionis post mortem; at papistæ dicunt morituro tribuendam esse vnctionem. Octauo, multi dicunt hanc vnctionem fuisse ab Apostolis institutam; ut Magist. Hugo, Bonau. Confirmatur, quia solus Iacobus de hoc duo verba dixit, cuius epistola etiam est dubia; nam Euseb. l. 3. Hist. cap. 23. dicit esse adulterinam; nam veteres eius non meminerunt. & Hier. in catal. ait multos dubitasse de ea, sed procedente tempore acquisuisse autoritatem. & Innoc. I. in epist. ad Exuperium, reijcit ex canone ea quæ circumferunt nomine Matthiæ, seu Iacobi minoris. Item, quia hæc epist. repugnat Paulo in epist. ad Rom. cap. 4. vbi dicitur Abraham iustificatus ex fide, & non ex operibus. at Iacob. 2. dicitur Abraham iustificatus ex operibus. His non obstantibus,

Dico; extremam vnctionem, seu oleum infirmorum, esse verè & propriè sacramentum nouæ legis. ex concil. Trid. sess. 7. can. 1. & sess. 14. can. 1. de sacram. extr. vnct. & fuit à Christo domino institutum, & à Iacobo promulgatum, ut ait Trid. ibid. licet autem in hoc sacramento plures vnctiones sub diuersis formis exhibeantur, vnum tamen est sacramentum non partium continuatione, sed perfectione, sicut eucharistia, & ordo;

nam

nam ipse vnctioes omnes ad vnum finem ordinantur scilicet ad salutem animæ, & corporis. Palud. in 4. d. 23. q. 1. art. 3. concl. 2. Victor. q. 205. d. Tho. in addit. q. 79. art. 2. Sot. in 4. d. 23. q. 1. art. 1. concl. 2. Definitur autem, esse sacramentum infirmorum ad salutem animæ, & corporis. Sot. in 4. d. 23. q. 1. art. 1. Probatur ex Iacobo cap. 5. cum enim remittat peccata vt ibi dicitur, & id non fiat sine gratia, est sacramentum. Ibi enim est cæremonia externa cum promissione gratiæ, quæ duo perficiunt rationem sacramenti. Caiet. ait, inde non colligi, quod vnctio dat gratiam, nam (ait) *& oratio fidei saluabit infirmum*. Sed contra; nam vel vnctio confert corpori, & hoc non; quia non semper curatur; ergo semper habet suum effectum in anima. oratio autem fidei est forma sacramenti. Confirmatur; quia oratio fidei est oratio vniuersalis ecclesiæ, cui fides deesse non potest. Secundo probatur ratione. ex Trid. sess. 4. quia Christus debuit præcipuis difficultatibus subuenire; debuit ergo præcipue morientibus subuenire, quorum exitus multas habet difficultates. Cyrill. de exitu animæ. Greg. hom. 39. in euang. & l. 24. mor. cap. 17. Climac. grad. 7. Nyss. hom. 1. de Mon. difficultates verò præcipue sunt quatuor. Prima, ex parte subiecti; nam si *corpus quod corrumpitur agrauat animam*, multo magis dum corrumpitur; quia debilitantur potentia. Secunda, ex parte termini à quo; quia relinquit omnia delicta. Tertia, ex parte termini ad quem; propter futurum iudicium. Quarta, ex parte Dæmonis, qui cum sciat sibi parum esse temporis, valde vexat morientes.


Ad 1. Resp. inter vnctionem Christi, Apostolorumque, ac nostram, multum interesse; nam de vnctione Christi non habemus præceptum. de nostra habemus, *inducat presbyterum, &c.* præterea, in nostra habemus promissionem remissionis peccatorum, non in illa. præterea, hæc commendatur solum presbyteris ecclesiæ, quare indicatur esse quid sacramentale, illa non. Ad 2. Resp. esse calumniam; nam etiam multi per baptismum curabantur, quapropter ad illud veniebant infirmi, ex August. epist. 23. & l. 2. ciu. cap. 8. quare sancti solebant benedicere aquam, eaque illos aspergere, quod fecit Macharius ex Palladio in hist. sanct. cap. 20. & Iacob Eremita ex Theod. cap. 21. & Malach. ex Bern. simile etiam fuit de extrema vnctione, quod sancti oleo ungebant ad similitudinem olei

olei

olei sacramentalis, sicut illi ad similitudinem baptismi, neutrum verò erat sacramentum. Ad 3. Resp. futile esse; nam, Apostoli etiam sine oleo faciebant miracula; quare non bene prouisum est vnz gloriæ. Præterea si elementum externum solum est obcauendam superbiam, nec baptismus erit sacramentum, in quo est elementum externum. Ad 4. Resp. non possumus perpetuare vitam; quia ecclesia etiam orat conditionatè, si expedit eius saluti. Ad 5. Resp. presbyteri in plurali, non plures significat, sed indefinitè; idest aliquem sacerdotem. Ad 6. Resp. quòd vltimus effectus, seu dispositio huius sacramenti est ingressus regni cælorum, qui est proprius legis euangelicæ, quare non oportet præcessisse figuras. Ad 7. Resp. oleum illud post mortem fuisse ceremoniam. Dionysius verò constituebat ecclesiam hierarchicam, in qua debuit tradere actus hierarchicos; idest perficere, illuminare, & purgare; qui actus aliter sumuntur à Dionysio, quàm nunc. nam purgare nunc, significat à peccatis. Dionysius verò purgare (ait) esse Diaconorum, & ostiarium; quare purgare secundum Dionysium est disponere ad gratiam per institutionem aliquam, & ministerium eorum, qui inserviunt altari. illuminatio verò est collatio gratiæ apud Dionysium, sed non quilibet; quia, ex cap. 3. eccles. hier. illuminare est conferre primam lucem, ita vt simpliciter supponantur tenebræ; igitur non meminit extremæ vnctionis; quia non perficit, cum non det gratiæ plenitudinem; quod est proprium eucharistiæ, ordinis, & chrismatis. nec purgat; quia non disponit ad gratiam, sed confert gratiam. nec illuminat; quia non supponit peccatum, neque pœnitentiam; quia licet supponat peccatum, tamen non supponit tenebras simpliciter, sed supponit primam lucem, idest fidem. Vnde expressè ait Dionysius baptismum solum illuminare. Ad 8. Resp. esse de fide. Christum instituisse vnctionem. neque verò Iacobus sine Christi præcepto potuit remissionem peccatorum polliceri. quòd verò alij omiserint, id frequens est in scripturis, quod ab vno omissum est, ab alio suppleri, vt patet in euangelistis. epistolam autem Iacobi esse canonicam, probat Dionysius, qui incipit librum suum à sententia Iacobi. & cap. 7. allegans sententiam Iacobi, ait esse scripturam diuinam. Item in l. diu. nom. cap. 4. & ignat. epist. ad ephes. allegat Iacobum. & Clem. epist. 3. & 3. & alij. & patet ex concil.

Trid. Ad Eusebium. Resp. illud addere: *nos tamen scimus, quod recepta sit in plurimis ecclesijs.* Ad Hieronym. Resp. dubitatum quidem fuisse, sed sublatam esse suo tempore dubitationem. Ad Innoc. Resp. ille rejicit alias quæ tribuebantur Apostolis, sed non hanc. Neque repugnat Paulo; nam August. in præfat. in Psal. 31. dicit Paulū, eoquod scriberet ad eos qui hebraizabant, & fidem contemnebant, ideo exaltasse fidem. Iacobus autem, quia scribebat fidelibus negligentibus opera, ideo ea exaltat. neuter tamen excludit necessitatem utriusque, sed sufficientiam tantum alterius. Vnde fides vt radix, & fundamentum; opera vt fructus, & ædificium necessaria sunt.

De materia huius sacramenti. Cap. 11.



Rimum dubium. Quid est materia huius sacramenti.

Resp. Materia huius sacramenti est oleum oliuarum ab Episcopo consecratum ordinariè. est oleum, vt patet ex Marco, Iacobo, & concil. Trid. sess. 5. can. 1. & sess. 14. can. 1. de sacram. extrem. vnct. & doctores communiter tenent. est oleum oliuarum, nam nomen analogum stat pro

principali significato. olei igitur appellatione simpliciter oliuarum intelligitur. Riccar. d. 23. q. 3. Palud. ibid. q. 1. art. 1. Sot. q. 1. ar. 3. Sylu. verb. vnctio. q. 1. & alij. quare oleum amygdalarum, lini, nucum, &c. non potest esse materia huius sacramenti; neque in hoc potest dispensari; Palud. supra. Confirmatur; quia effectus sacramenti, idest gratia, & misericordia maiorem habet affinitatem cum oleo oliuarum, quam cum alijs, ita vt si non retineat essentiam olei oliuarum, non sit sacramentum, vt dixi de materia baptismi. Sylu. verb. vnctio. q. 1. Sot. art. 3. cit. Anton. 3. p. tit. 14. cap. 15. §. 1. idem dicas de oleo rosato. ibid. Viñ. q. 216. & est communis. Vnde cum Innoc. I. epist. ad Decent. ait, infirmos esse vngendos chrismate, de hoc oleo intelligit. Debet autem hoc oleum esse ab Episcopo consecratum; quia hoc est de essentia vt sic ab Episcopo benedictum. sic definitur ab Innoc. III. tit. de sacra vnct. & recipitur
à con-

à concil. Flor. & Trid. sess. 14. cap. 1. de sacram. extremæ vnct. Beda in Marc. 6. & Luc. 9. & Iacob. 5. D. Tho. in addit. q. 19. art. 6. Sot. d. 23. q. 1. art. 3. Bonau. art. 2. Secundo, quia id videtur Iacobus insinuare cum dicit, *Vngentes oleo in nomine Domini*; idest benedictio in nomine Domini, vt ait Beda, non enim vnguntur in nomine domini ita vt hoc sit forma; ergo illud *in nomine Domini* refertur ad benedictionem olei. Tertio, nam illa sacramenta quæ non fuerunt adhibita à Christo, non fuerunt eius contactu sanctificata, ergo debent sanctificari ab Episcopo. Sed est

Secundum dubium. An sit de essentia huius sacramenti vt oleum sit benedictum? Caiet. 3. p. q. 72. art. 3. negat sub dubio. Victor. q. 117. sequitur illum tanquam probabile. Sed oppositum est dicendum cum concil. supra cit. & Sot. & patet ex vsu ecclesie. Vnde benedictio non est de necessitate præcepti, sed de necessitate sacramenti.

Tertium dubium. An benedictio Episcopi sit de necessitate huius sacramenti? Resp. affirmatiuè, ex concil. Trid. Bonau. D. Tho. & Sot. supra. Durand. q. 2. quamuis aliqui dicant Papam posse committere huiusmodi benedictionem simplici sacerdoti, ita Palud. d. 23. q. 1. conclus. 3. Scot. d. 7. q. 1. & probabile id putat Ledes. 1. 4. q. 31. art. 6. imo putat posse committi ab Episcopo, quod patet esse falsum; quia est contra communem sententiam, & vsu ecclesie. Secundo, quia ideo Episcopus est maior, quia potest plura quam presbyter, plus enim est posseduo, quam vnum. Vnde licet à presbytero consecrari possit eucharistia, non tamen potest oleum, vt putat Caietanus. Confirmatur; nam Episcopus, & presbyter æqualem habent potestatem super verum Christi corpus, non autem super mysticum, scilicet ecclesiam; at hoc, scilicet olei benedictio pertinet ad mysticum. Dionys. eccles. Hier. cap. 5. omnem sacram. vnctionem tribuimus Episcopo. Dixi supra, *ordinario*, quia probabile est dispensante Papa posse id committi sacerdoti. Dicet, An possit Papa mutare, aut determinare consecrationem? Resp. affirmatiuè, cum Palud. supra art. 1. conclus. 2. Anton. 3. p. tit. 14. cap. 18. §. 1. Sylu. verb. vnctio. q. 1. sed inferior Papa non potest secundum eosdem.

Quartum dubium. An oleum consecratum ab Episcopo liceat admiscere cum alio non consecrato. Resp. affirmatiuè;

quia sic totum sit consecratum dummodo sit oleum oliuarum probatur ex cap. qui in dubijs. de consecr. ecclesiæ. Palud. Anton. supra cit. intelligitur tamen dummodo oleum non consecratum in minori quantitate misceatur; ita vt conseruetur identitas olei consecrati, & totum retineat eandem consecrationem. Sylu. supra. Dices, an sit de necessitate huius sacramenti, vt oleum sit eodem anno consecratum? Resp. negatiuè. seruanda est tamen consuetudo ecclesiæ.

De forma. Cap. III.



Primum dubium. Quænam est forma huius sacramenti.

Resp. Forma huius sacramenti qua vtitur Romana ecclesia hæc est; *Per istam sanctam unctionem, & suam piissimam misericordiam, indulgeat tibi Dominus quicquid deliquisti per visum, tactum, &c.* & similiter in alijs membris; ita concilium

Flor. & Trid. sess. 14. de extrem. vnct. cap. 1. & colligitur ex Iacobo cap. 5. & est vniuersalis vsus ecclesiæ, & communis sententia doctorum. d. Tho. in addit. q. 29. art. 4. Scot. d. 23. q. 1. art. 4. catechis. Rom. & alij. Est autem notandum in hac forma non esse modum indicatiuum, neque primam personam, nihil tamen obest veritati formæ; quia in bulla vnion. Armen. in concil. Flor. definitur esse vera forma, *baptizetur Christi seruus, &c.* sufficit enim (ait concilium) exprimi in forma agens principale, (vt diximus de baptismo) & actionem ministri. hic autem vtrunque exprimitur. Sed est

Secundum dubium. Cur vtitur modo deprecatiuo, non autem indicatiuo? Resp. Primo, quia Iacobus prius promulgator, hoc modo insinuauit. Secundo, quia ecclesia versatur circa morientem, & penè destitutum, non potuit ergo conuenientiùs committere quàm Deo. Tertio, propter effectum secundarium, scilicet corporis sanitatem, quæ non absolutè, sed conditionatè petenda est; ideo vtitur modo deprecatiuo.

Tertium dubium. Quis effectus exprimitur in hoc sacramento? Resp. Effectus communis (licet contingens) est remissio

missio peccati quod debuit fieri. Primo, quia sacramentum, proprie est signum remissionis peccati. Secundo, quia hic effectus aliquando est causa reliquorum; quia ex Hugone radix morborum vtpurimum est peccatum. Sed quoniam hic effectus communis non per se primò competit huic sacramento, idcirco vtitur forma deprecatoria. ex hoc interpretari potest quod ait concilium Flor. scilicet in hoc sacramento remitti peccata, & reliquias. Primo, vt per reliquias intelligat peccata omissa in confessione vel per negligentiam, vel per ignorantiam; & hoc modo est effectus communis. Secundo, vt intelligatur diminutio sinitis; & sic est effectus communis. Tertio, molestia morborum, & conflictus morientium, quæ sunt reliquæ saltem peccati originalis, & sic est effectus proprius.

Quartum dubium. Hæc forma est ne de iure diuino, an ecclesiastico? Resp. sunt duæ sententiæ. Prima, est d. Tho. in 4. d. 23. Scot. Bonau. Sot. Altiſiod. 4. p. summ. tract. de extrem. vnct. quòd sit de iure diuino. probatur Primo, ex concl. Flor. & Trid. & vsu ecclesiæ Romanæ. imò Trid. anathematizat eos qui dicunt ecclesiam Romanam habere vsu dissentaneum à Iacobo in hoc sacramento. & tit. de hæret. C. ad abolendum. anathematizat eos qui aliter sentiunt de ritibus sacramentorum ac ecclesiæ Romanæ. idcirco tenent hi, quòd forma huius sacramenti sit tantum deprecatoria. Confirmatur ex Iacobo, qui promulgauit nobis formam per modum deprecationis; vt supra in primo dubio dictum est. Secundo, quia de iure diuino est, vt bona corporalia petantur deprecatoriè; at hic petimus sanitatem, ergo &c. Secunda sententia est Riccar. ar. 1. q. 4. Dur. q. 3. Palud. q. 1. & Gabr. qui tenent vtroque modo posse conferri, idest per verba indicatiua, & deprecatoria. probatur primo, ex baptismo Græcorum, *Baptizetur Christi seruus.* &c. qui modus est deprecatorius, & tenet; vi ibi diximus. Ita ex hoc, *Vngentes eos,* &c. debemus colligere, *ego te vngo.* Secundo, quia in quibusdam ecclesijs vt Mediolani, & in Germania est alia forma; nam Mediolani dicunt Bonau. & Dur. ecclesiam Ambrosianam vti modo indicatiua; vt, *Vngo vos oculos tuos oleo sanctificato, in nomine patris, & filij, & Spiritus sancti.* Ego dico. si auctores prædicti verè, & fideliter narrarunt in diuersis ecclesijs fuisse variatum sciente ecclesia

Romana, & approbante, existimo formam hanc non esse de iure diuino; si non verè, & fideliter, existimo esse de iure diuino: quod tutius est. An autem hi doctores verè, vel falsò narrauerint, non est meum iudicare. quare

Ad primum prioris sententiæ. Resp. ecclesiam Romanam non errare sed congruenter facere. non idcirco tamen alius ritus esset malus. Nunc autem post concilium Florent. & Trid. subfiri debent tenere hanc formam, cum ea definita sit ab ecclesia. Ad confirmationem, Resp. Iacobus potest exponi de precibus ante sacramentum; nam formæ sacramentorum vocantur preces mysticæ. quare ecclesiæ quæ vtuntur iudicatiua, vtuntur etiam simul forma nostra. dicunt enim, *Vngo hos oculos oleo consecrato, ut pareat tibi Deus quicquid deliquisti per visum, &c.* & ita in alijs partibus; *id est per auditum, &c.* alioquin non esset sacramentum. quare illa verba quæ addunt non sunt forma; sed dispositio ad illam, vt docet Anton. 3. par. tit. 14. cap. 18. §. Sylu. verb. Vnctio. q. 1. illa autem additio, vel alia mutatio quæ formæ solum non mutat, sacramenti essentiam non tollit. vt diximus supra de sacramentis in genere.

Quintum dubium. An sit de essentia huius formæ inuocatio expressa sanctissimæ Trinitatis? Resp. negatiuè. ex Sylu. verb. vnctio. quest. 2. de Ledes. 2. 4. quest. 31. artic. 4.

Neque vllum est de hoc præceptum, quicquid dicat

Palud. quest. 1. art. 2. similiter nec signum

Crucis; Sylu. & Ledes. supra. contra Pa-

lud. Dices, an hæc verba debeant si-

mul proferri cum vnctione?

Resp. simul moraliter con-

currere debent: vt di-

cum est de ba-

ptismo.

Nauez. cap. 12. num. 14.

Sylu. verb. vnctio.

quest. 7.

De Ministro. Cap. IV.



Primum dubium. Quis est huius sacramenti minister.

Resp. Minister proprius huius sacramenti est sacerdos ordinatus ab Episcopo, nam is intelligitur à Iacobo cum dicit, *inducat presbyterum*. Ita Chrysost. 3. de sacram. & Beda in Iacob. 5. ita concilium Flor. & Trid. sess. 14. cap. 3. & 4. de extrem. vnct. cap. quæstui. de verb. signif. Sylu. verb. vnctio. q. 4. Nau. cap. 22. num. 12. Probatur secundo, quia iste actus est hierarchicus; quia purgat, & illuminat, quod sacerdotis est. Dionys. eccles. hier. cap. 3. 4. & 5. Tertio, oratio fidei non est privati, sed ecclesiæ per suum ministrum scilicet sacerdotem, que non potest deficere, cum priuatus quilibet possit deficere à fide. Hinc inferitur primo, quod si à non presbytero celebratur, erit nullum. Sot. dist. 23. quæst. 2. D. Tho. quæst. 11. art. 1. Secundo, inferitur non esse opus vt ab Episcopo ministraretur, vt patet ex Trid. sess. 14. cap. 3. Tertio, quod neque diaconi possunt ministrare. D. Tho. art. 2. Sot. supracitatus. Ledes. 2. 4. q. 33. art. 2. Imo nec Episcopus confirmatus, si non sit presbyter; eadem ratione. Quarto, hinc confutatur Valdensis, qui putat id licere laico in articulo mortis. Contra quem Sotus supra.

Secundum dubium. An sacerdoti competat vngere ex commissione Episcopi, an verò ex proprio officio, idest quia sacerdos est; nam canon presbyteros. dist. 95. præcipit. seu permittit ei vngere infirmos; ergo ex officio facit. Resp. id illi competere ex officio sacrificare, & abluere à peccatis. Sot. & Ledes. supra. Victor. quæst. 220. & hic est sensus canonis citati, vt docet Sotus. Secundo dico; minister huius sacramenti est proprius sacerdos, vt patet ex elementina prima de prinil. Sot. art. 1. cit. Palud. & Victor. supra.

Tertium dubium. An si administraretur à non proprio sa-

De suscipientibus. Cap. V.



Primum dubium. Qui sunt suscipientes huius sacramenti.

Resp. Hoc sacramentum non potest conferri nisi infirmis. concilij. Trid. sess. 14. cap. 3. Sor. d. 23. q. 2. art. 3. Ledes. 2. 4. q. 34. art. 4. D. Tho. in addit. q. 32. art. 1. & Catechis. Rom. Riccard. d. 21. art. 2. q. 4. Nauar. cap. 22. num. 11. Secundo dico, esse de necessitate sacramenti ut conferatur infirmis, adeo ut si sanis conferatur, non sit sacramentum. Sor. & Ledes. supracitati. Tercio, Non cuilibet ministrari debet, sed tantum existentibus in articulo mortis. D. Tho. in addit. q. 32. art. 2. Anton. 3. p. tit. 14. cap. 15. §. 6. & est communis. Quod si ministraretur leuiter aegrotanti, non esset sacramentum, ut ait Ledes. supra cit. & colligitur ex D. Tho. Sor. & alijs. Quarto, non est expectandus articulus quo infirmus sensu careat, ut docet Sor. supra. & Anton. cap. 8. §. 3. loco cit. neque expectari debet ut salus infirmi sit omnino desperata. Imo Catechis. & Sor. docent grauius peccare eos qui hoc tempus obseruant. sed sunt nonnulla dubia.

Secundum dubium. An hoc sacramentum sit conferendum damnatis ad mortem, vel bellum ingressuris, vel nauigantibus? Resp. negatiue. quia non sunt infirmi; Sor. supra. concl. 2. Nau. cap. 22. num. 13. Sylu. verb. vñctio. q. 4.

Tertium dubium. An sit conferendum pueris ante vsum rationis? Resp. negatiue, etiam si grauius aegrotarent. D. Tho. in addit. q. 32. art. 2. quia non possunt deuote, & reuerenter suscipere. non est tamen necesse expectare decimum quartum annum, sed cum primum possunt deuote suscipere, est illis dandum. Nau. cap. 22. num. 13.

Quartum dubium. An sit dandum amentibus? Resp. illis qui nati sunt in amentia non est ministrandum hoc sacramentum; nam cum non sit sacramentum simpliciter necessarium, est consulendum reuerentiae sacramenti; deest enim illis deuotionis effectus. Item, quia nunquam peccarunt. D. Tho. su-

pra. art. 3. Sot. concl. 3. Victor. q. 222. Qui autem habent lucida interualla, possunt vngi hoc oleo, etiam tempore amentiz si sana mente petierint; dummodo sine indecentia dari possit. Idem est dicendum de infirmis qui inciderunt in phrenesim. Sot. & Victor. supra Nau. cap. 11. num. 15. Imo pius est illos funibus ligare. Palud. art. 2. concl. 1. loco cit. Sylu. verb. vndio. q. 2. §. 2.

Quintum dubium. An adulti qui in articulo mortis baptizantur, sint vngendi? Resp. affirmatiue; quia instant ei magna certamina. & quia effectus primarius huius sacramenti est hilaritas mentis; & hac indigent omnes infirmi. Palud. & Sylu. supra. Ledes. 2. 4. q. 39. art. 2. Anton. supra. §. 6. Obijcies; quia esset fallax forma cum omnia peccata sint condonata per baptismum. Resp. Palud. intelligi sic; *indulgeat tibi Deus, &c.* non quoad culpam, & reatum; sed quoad hunc effectum; scilicet contra angores mortis. Vell *quicquid potest exponi si quid deliquisti.*

Sextum dubium. An ex senio morientibus hoc sacramentum conferri possit? Resp. affirmatiue; ex Anton. supra. cit. Nau. cap. 22. num. 15. quia ipsa senectus infirmitas est. Dices; quid si parochus dubitet sit mortuus; nec ne; quid faciendum? Resp. esse vngendum sub conditione, dicendo; *si mortuus es, ego non te vngo; si non es mortuus, per istam sanctam unctionem, &c.* quod si inter vngendum apparet illum esse mortuum, debet cessare. Palud. q. 7. art. 1. concl. 3. Anton. supra. §. 3. Sylu. q. 5. §. 4. Quæres, si sacerdos moriatur antequam absoluat omnes partes vngere, quid faciendum? Resp. debent reliquæ partes vngi ab alio sacerdote.

Septimum dubium. Quæ partes sunt vngendæ? Resp. concilium Fibr. numerat septem. oculos propter visum; aures propter auditum; nares propter odoratum; os propter gustum; & sermonem; manus propter tactum; & hæc quinque partes propter quinque sensus. & hæc unctiones sunt de essentia sacramenti, & est ritus ecclesie qui vbique seruatur. nonnullæ autem ecclesie habent vsum vngendi renes propter concupiscentiam; & pedes propter gressum. sed hæc duæ extremæ non sunt de essentia. Imo femina propter honestatem non decet vngere renes. ratio est, quia virtus appetitiua, & motiua sunt secundaria principia agendi. d. Tho. in addit. q. 32. art. 6. Sot. d. 23. art.

9. Victor. q. 223. in his autem duabus partibus quisque servare debet. vsum ecclesie sue. Dices, in qua unctione confertur gratia? Resp. ex communi consensu conferri in vltima tantum unctione, ita vt singule unctiones precedentes sint partes integrantes huius sacramenti. Sor. q. 1. art. 1. & q. 2. art. 3. vnde si in primis non est bene dispositus, & postea disponatur, in vltima, secundum aliquos, suscipit gratiam, si tamen aliquis moreretur facta prima unctione, reciperet gratiam. Anton. 3. tit. 14. cap. 13. §. 6. quod probabiliter de gratia illi unctioni respondente.

Octauum dubium. An mutilati, surdi, & muti, sint vngendi? Resp. sunt vngendi mutilati in partibus vicinioribus, cæci in oculis, surdi in auribus, &c. quia potuerunt peccare per internas potencias quibus illa membra respondent. D. Tho. art. 7. Sor. supra Sylu. verb. vñctio. q. 6. Victor. q. 223. Palud. d. 23. q. 3. art. 3. Riccan. art. 2. q. 5. ad 3. & alij.

Nonum dubium. An possit hoc sacramentum in eodem morbo iterari? Resp. in diuersis morbis iterari potest; quod clarum est; cum non imprimat characterem, ita concil. Trid. sess. 14. cap. 3. de sacr. extreme vñct. D. Tho. in addit. q. 33. art. 1. Sor. d. 23. q. 2. art. 3. concl. 1. & est communis. In eadem autem infirmitate, si infirmus mutat statum, iterari potest, aliàs non; nam subiectum huius sacramenti non est simpliciter infirmus, sed infirmus in statu periculoso, & morti proximus. ratio est, quia datur propter graves angores morbi periculosi. quare his variatis, etiam sacramentum variari debet. quare cum aliquis laboret longo morbo, vt ethica, hydropisi, &c. debet vngi quando producit ad articulum mortis; & si tale periculum euadat, eadem infirmitate durante, poterit iterum vngi quando iterum in similem statum reductur. D. Tho. q. 33. cit. art. 1. Sor. supra, cit. art. 3. Dur. d. 29. q. 4. art. 1. Sylu. verb. vñctio. q. 2. & deducitur ex concilio Trid. sess. 14. cap. 3. de sacr. extreme vñct. & catechismo Romano.

Decimum dubium. An qui omittit hoc sacramentum, peccet mortaliter? Resp. si omittitur ex contemptu, est peccatum mortale; ex concilio Trid. supra, cit. si omittatur ex negligentia, d. Tho. & Bonau. & alij, dicunt esse peccatum veniale. Magist. verò, Petrus Sor. & alij recentiores, dicunt esse mortale. probant primo, quia qui amat periculum peribit in illo. qui

verò relinquit hoc sacramentum, exponit se duobus maximis periculis; videlicet si in confessione, & eucharistia non accepisset gratiam ex defectu dispositionis; quam postea posset habere accipiendo hoc sacramentum, & sic acciperet gratiam. Item, quia conflictus morientium sunt gravissimi, & periculosi. Secundo, usus ecclesie obtinet vim præcepti; ac usus ecclesie est, ut hoc sacramentum in fine vitæ accipiatur. Tertio, si non accipitur, gigni solet magnum scandalum populo Christiano. Quarto, quia Malachias ex d. Ber. graviter doluit quod mulier in sua diocesi mortua sit sine hoc sacramento. & hæc secunda opinio mihi magis placet. *Ad. 2. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

Vndecimum dubium. *Que dispositio sit necessaria suscipienti?* Resp. triplex: Prima, infirmitas periculosa, siue ab intrinseco, siue ab extrinseco. Primo, quia Iacobus tribuit infirmis. Secundo, ecclesia, & patres vocant oleum infirmorum. Tertio, quia alioquin careret effectu proprio, idest sanitate: quare si non detur infirmo, non est sacramentum, debet autem esse periculum morale de morte; Primo, quia id ex Iacobo colligitur. Secundo, ex concilio Flor. & Trid. Tertio, tunc debemus recurrere ad auxilium divinum, cum humano destituimur. Quarto, solet dari post viaticum, quod datur graviter ægrotanti. Quinto, institutum est contra angores extraordinarios multorum, qui solent contingere in maximis infirmitatibus. Sexto, patres vocant sacramentum exeuntium, & oleum consummationis. debet autem intelligi non de articulo mortis: sed quoties medici putarint esse periculum mortis. Primo, quia oportet sentiri fructus huius sacramenti sensibus adhuc integris. Secundo imprudens esset oratio ecclesie orantis pro sanitate, si expectandus esset articulus mortis. Tertio, non obstat ne infirmus perturbetur, qui cum hoc sacramentum prosit animæ & corpore, debet potius iuvari, & si hæc consuetudo introduceretur, non perturbetur infirmus. Debet etiam conferri hoc sacramentum etiam ægrotantibus ab extrinseco, ut ex vulnere; dummodo morbus fuerit diuturnus, & habeat radium angoris, & doloris. & hoc deberet poni in praxi ubi non est usus. Secunda dispositio est usus rationis in suscipiente. Vnde excluduntur infantes donec perveniant ad usum rationis aptum viatico. Secundo, excluduntur nati in amentia, ut dictum est in tertio dubio. licet in
primi-

primitiua ecclesia etiam energumeni vngebantur hoc oleo; ex Beda in Luc. 6. & ex ordinario Romano, vbi allegatur ecclesia Ambrosiana. Tertia dispositio est confessio. Primo, ex Innoc. J. in epist. ad Detium. debere tradi pœnitentibus. Secundo, quia ex concil. Flor. datur vt medicamentum; medicamentum verò supponit vitam; ergo gratiam, quæ datur in confessione. Dices. An qui incidit in phrenesim ante confessionem, possit vngi? Resp. si petijt confessionem, potest absolui, & postea vngi. Dices, cur non sufficit contritio? Resp. in omnibus sacramentis sufficit contritio præter eucharistiam, quæ propter excellentiam requirit confessionem. hoc autem sacramentum eandem exigit, ratione status.

De effectibus huius sacramenti.

Caput V I.



Prima effectus huius sacramenti, est Prima opinio Bonau. Scot. Riccard. & Durandi in 4. d. 23. esse remissionem venialium. & ita explicat illud dictum Jacobi *si in peccatis fueris, Chr.* probant primo; pro tribus peccatorum generibus tria oportuit institui sacramenta. pro originali baptismum; pro mortali pœnitentiam; pro veniali extremam vnctionem. Secundo, virtus & efficacia sacramentorum

ex significatione sumenda est. Vnde sicut immersio ab aqua, est signum regenerationis, & absolutio, liberationis, ipea vnctio sanationis; ergo supponit infirmitatem peccati venialis. Tercio *si in peccatis fueris, remittentur ti*, de mortali intelligitur; quare remissio mortalis peccati est effectus conditionatus. debet igitur esse absolutus, quia est remissio venialis. Quarto, pœnitentia est instituta ad tollendum mortale, non ad veniale, quia veniale potest omitti. ergo frustra instituta esset vnctio ad ipsum idem mortale tollendum. Quinto, conciliant Flor. tribuit pœnitentie liberationem à peccatis, vnctioni sa-

natio

nationem mentis, sed hi effectus differunt; ergo &c. Contra hanc sententiam. Primo scriptura absolute accipit peccatum. analogum verò nomen stat pro principali significato; ergo pro mortali. Secundo, si de venialibus intelligeretur, non opus fuisset dicere: si in peccatis sit, quia *sepius in die addit iustus*. Tertio, ex d. Tho. 3. p. q. 65. art. 1. ad 8. nullum sacramentum potuit institui ad remissionem venialium, quia sufficit vel novus fervor charitatis, vel aliquod sacramentale. Confirmatur: quia ideo theologi dicunt venialia non esse materiam poenitentiae, quia possunt remitti sine infusione gratiae. Quarto, deberet dari magis sanis qui plura peccata venialia faciunt, quàm infirmis. Resp. Bonau. ideo non dari sanis, quia non possunt abstinere à venialibus sicut infirmi qui sunt propè mortem. sed hæc responsio nulla est. Quinto, ait ecclesia; *per hanc unctionem indulget tibi Deus quicquid peccasti*, &c. ergo &c. Sexto, potius operi, quàm auxilio fuisset hoc sacramentum; quia venialia possunt remitti quolibet levi motu animi, vel tusione pectoris; quare esset onus vngere. Septimo, Ambros. allegat locum Iacobi. & ex hac remissione per unctionem exaltat potestatem sacerdotis, quæ est remittere mortale.

Secunda opinio est D. Tho. & Soti. effectum esse reliquias peccatorum auferre, idest pronitatem ad malum, & difficultatem ad bonum: quæ sunt reliquiae ex mortali, & originali peccato. Probatur primo, quia scriptura dicit per hoc sacramentum remitti peccata, sed non culpam; quia culpa originalis remittitur in baptismo, mortalis in poenitentia, venialis varijs modis. non pœna, quia partim remittitur in sacramentis, partim per opera satisfactionis, partim in purgatorio; ergo sordes, siue reliquiae remittuntur. Secundo, elementum ex quo conficitur debet habere analogiam cum effectu sacramenti, sed oleum habet vim naturalem corroborandi corpora infirma; sic hoc sacramentum corroborat nos ut resistamus malo, & faciamus bonum. Contra hanc opinionem, primo, quia Iacobus loquitur conditionaliter, *si in peccatis fuerit*; at verò istæ reliquiae semper sunt in homine: ergo &c. Secundo, pronitas ad malum, & difficultas ad bonum non dicuntur ignosci, vel remitti; quia remissio præsupponit culpam, dicerentur potius minui: ut Iacobus ait, *remittuntur ei peccata*. Tertio, per

ricli-

relinquatur substantia sacramenti; nam ex nullo effectu possumus probare vnctionem extremam esse sacramentum; nisi quia remittit peccata mortalia per gratiam iustificantem; sola enim remissio mortalium eget gratia iustificante. Confirmatur, quia pronitas ad malum, & difficultas ad bonum tolluntur habitibus bonis. Quarto, quia in forma dicitur, *indulgeat tibi Deus quicquid deliquisti per sensum oculorum, &c.* Quinto, quia in græco dicitur, *& si peccata operatus sis, &c.* quare loquitur de peccatis actualibus; at ille fomes est potius effectus peccati originalis, quam actualis. Sexto, Trid. sess. 14. cap. 2. ait, delicta (si qua sunt expianda) tollit, & reliquias peccatorum abstergit. Septimo, esto hoc, tamen id non esset proprium huius sacramenti, sed commune cum reliquis. gratia enim quæ datur in omnibus minuit fomitem, cum sanat naturam, præcipue verò baptisumus, & eucharistia. Octauo, opus est ut qui conualuit post vnctionem, sentiat diminutum fomitem. Resp. Sotus; diminuit tantum actus, idest facit ne habitus in actum exeat. contra; quia infirmus ubi conualuit sæpe exit in actum, sed non deberet. Quare

Dico primo, effectus communis huius sacramenti cum reliquis est remissio omnium peccatorum, siue mortalium, siue venialium, si tamen sint peccata expianda; ut patet ex iacobo, *& si in peccatis fuerit, &c.* & sic confert gratiam. Nauar. cap. 22. num. 15. Palud. in 4. d. 23. art. 3. est quidem effectus communis; quia omnia sacramenta ex se dant gratiam, nisi recipiens ponat obicem. Obijcies; ergo non semper est sacramentum; quia sacramenti est remittere peccata; at non semper qui vngitur habet peccata; ergo &c. Resp. aliud est querere, unde colligitur esse sacramentum, aliud id per quod est sacramentum; est enim sacramentum quatenus confert gratiam iustificantem, & habet effectum proprium. Colligimus autem ex remissione mortalium, *& si in peccatis fuerit, &c.*

Dico secundo. Hoc sacramentum habet duos effectus proprios. Primus, est exhilaratio, & corroboratio contra molestias proprias grauitè ægrotantium. præbet enim fiduciam, & robur contra morbi vim, quod est tollere reliquias peccati. Secundus, est sanitas corporis quando expedit salutem animæ. Probatur primo; quia omne sacramentum est institutum in remedium imbecillitatis; sed nulla est alia imbecillitas cui

commodè mederi potest; omnis enim miseria animæ vel est culpa, & eius remissio non pertinet per se primò ad hoc sacramentum, quia est effectus communis; vel est pœna, de qua diximus non remitti per hoc sacramentum, vel sunt miseriæ communes bonis, & malis, vt pronitas ad malum, &c. & neque his medetur, vt dictum est; ergo medetur languoribus proprijs morientium. Secundo, patet ex concilio Trid. sess. 14. cap. 2. & can. 2. de extrem. Vñt. vbi id videtur definire. tres enim effectus distinguit; vnus est conditionatus, scilicet remissio peccatorum si sint. Secundus absolutus, idest corroboratio contra molestias ægrotantium. Tertius, est sanitas corporis, quatenus saluti animæ expedit. Tertio, idem ferè ait iacobus. *Primo, oratio saluabit infirmum. Secundo, & alleuiabit eum Dominus. Tertio, & si in peccatis fuerit, &c.* Quarto, patet ex analogia elementi quod adhibetur in sacramento; oleum enim ex patribus exhilarat animam. Greg. in 1. Reg. 3 propter lumen. & sanat, atque corroborat ex Diony. eccles. Hier. cap. 2. & vlt. Quinto, ex ordinario antiquo Romano, in quo allegantur verba ecclesiæ Ambrosianæ; *Benedicitur hoc oleum, vt fugatis Diaboli insidijs, spiritus gratia salutaris debilitatem expellat.* Sed est Dubium; An sanitas corporis sit effectus absolutus, an conditionatus, si animæ expediat? Sotus ait esse absolutum. Primo, quia effectus sacramenti debent esse certi, & stabiles; ergo semper confert aliquem gradum sanitatis, quod tamen non videmus. Secundo, quia frequenter experimur contrarium, per hoc sacramentum conferri sanitatem alicui, qui si mortuus esset, fuisset saluus, eoquòd postea commisit multa peccata. & contra; aliquando moritur quis qui emendasset vitam. Tertio, aliquando confertur penè animam agentibus, qui sine miraculo conualescere non possunt. concedit tamen Sotus per hoc sacramentum aliquando facta esse miracula. Quarto, quia nunquam sanitas corporis necessaria est pro salute animæ, quia potest, quis etiam infirmus conteri. Sed hæc opinio Soti est temeraria. Primo; quia est contra omnes doctores. Secundo, est contra concil. Trid. supracit. & Flor. dicentia conferre salutem corpori, si expedit animæ. Tertio, si contrarium fieret, esset contra rectum ordinem; quia sanitas corporis expeditur ob salutem animæ. Quarto, effe-

Quis huius sacramenti promittitur ecclesiæ vt oranti; bona autem temporalia in oratione conditionatè petenda sunt, ex August. epist. 125. & de ser. dom. in mon. cap. 21.

Ad 1. Resp. esse verum de effectu proprio, at non de secundo; repugnat enim naturæ talis effectus, quia cum sit bonum corporale, esse per animam debet. Confirmatur, quia (vt aiunt theologi) ideo ecclesiæ vtitur in hoc sacramento forma deprecatoria, vt ostendat non semper per illud omnem effectum obtineri. Ad 2. Resp. tunc confert salutem corpori, cum expedit animæ stanti sub diuina prædestinatione. Ad 3. retorqueo, nam ille gradus sanitatis etiam requirit virtutem supernaturalem; ergo est miraculum. Secundo, licet esset magna virtus, non tamen esset miraculum; quia fit secundum legem ordinariam sacramenti. Tertio, posset etiam fieri citra miraculi animaduersionem; quia paulatim reddit sanitatem. Ad 4. Resp. salus corporis simpliciter non est necessaria, tamen potest esse necessaria vt substat diuinæ prædestinationi. d. Tho. in addit. q. 30. Sot. d. 23. q. 1. art. 2. Petrus Sot. lect. 1. in fine. Viç. q. 214.

De necessitate huius sacramenti.

Caput U I I.



Ico primo, hoc sacramentum non est necessarium ad salutem sicut baptis- mus, & pœnitentia; nam potest homo sine illo saluari, cum hoc supponat hominem iustum. Secundo dico, non potest contemni sine peccato grauissimo, vt ait Martinus V. in sua bulla. & concil. Trid. sess. 14. cap. 3. de extrema Vnctio. Tertio, hoc sacramentum non est de neces-

sitate præcepti. D. Tho. in addit. quæst. 29. art. 3. Sylu. verb. vnctio. q. vlt. Caiet. verb. vnctio. & alij dicentes, quod ex negligentia illud omittere, non est peccatum mortale. Viç. supra, & alij. quamuis oppositum videatur sentire Magistr. in 4. d. 23. & Petrus sot. lect. 2 de extrema vnctione.

Cccc

TRA-

TRACTATUS VNDECIMVS.

De Ordine Sacro.

Agit de hac re d. Tho. in 3. p. 6^o Doctores in 4. sent. dist. 24. et 25. Agemus nos de hoc sacramento. Primo, de numero. Secundo, de his quæ spectant ad substantiam eius. Tertio, de materia, et forma. Quarto, de ministro. Quinto, de suscipientibus. Sexto, de effectibus.

Quot sint ordines ecclesiastici:

Caput 1.



RIMVM dubium. Quot sunt ordines ecclesiastici?

Resp. In ecclesia esse ordinem, est de fide; contra Calvinum qui hoc negat. & contra Lutherum qui censet omnes in baptismo accipere potestatem sacerdotalem, sed pro usu huius potestatis necessariam esse electionem populi. probatur esse de fide, ex concilio Flor. & Trid. sess. 23. can. 2. de sacram. ordin. videndus

est Sor. in 4. d. 24. q. 1. art. 3. Castr. verb. ordo. D. Tho. in addit. q. 34. art. 1. Victor. q. 225. Notandum est autem ordinem
sumi

sumi quatuor modis. Primo largissimè, pro omni deputa-
 tione ad aliquod particulare ministerium ecclesiasticum; &
 sic sunt quindecim ordines: videlicet, septem ordinarij qui
 ponuntur, quatuor minores, & tres maiores, vt dicemus. &
 præter hos, duo alij qui ponuntur à canonistis d. 23. & 15. can-
 toratus seu psalmista, & Episcopatus. præter hos nouem, de-
 cimum locum obtinent religiosi; vnde eccles. hierar. cap. 6. Vo-
 catur consecratio religiosorum. Vndecimus diaconistæ, quæ
 erant mulieres deputatæ ad ostium templorum, vt mulieres
 honestæ ingrederentur. harum meminit Clem. l. 2. de instit.
 cler. cap. 61. & l. 4. cap. 34. Ignat. In epist. ad Antioch. Duode-
 cimus Vespillones, sic dicti, quia Vespertino tempore mor-
 tuos efferre solerent, qui funebri pompa propter inopiam non
 poterant efferre. Epiphani. in Epit. panariorum. Decimumter-
 tius æditui, quorum officium præcipuum erat verrere tem-
 plum; Nazianz. in orat. pro Cypriano. Decimumquartus con-
 fessores, qui confessi sunt fidem publicè; quos Ignatius nume-
 rat inter clericos. & Clem. l. 8. const. cap. 29. 30. 31. Decimum-
 quintus, est prima tonsura; nam Innoc. III. tit. de qual. & ætate
 ordinand. C. cum contingat, ait; primam tonsuram esse ordi-
 nem clericalem: hæc autem prima tonsura secundum Isidor. l.
 2. offic. eccles. cap. 4. & Raban l. 1. Inst. cler. cap. 3. & concil. A-
 quisgran. cap. 1. manauit ab Apostolis; & fuit introducta ad
 exemplum Nazaræorum, qui nutriebant comam, & Cæsariem
 capitis, & postea deponebant, ac radebant caput cum Domi-
 no consecrarent. Nau. cap. 6. ratio est; Primo, vt initiatus de-
 ponat superflua. Secundo, vt significetur sacerdotium nostrum
 esse regale; Vnde fit corona. Beda. l. 5. de instit. Angl. cap. 22.
 ait, hanc coronam esse monimentum coronæ quam tulit Chri-
 stus. huius tonsuræ meminit Dionys. eccles. Hier. cap. 6. Hiero-
 ny. epist. ad sabiniam. Secundo, sumitur strictissimè. & sic ordo
 est potestas exercendi actum aliquem immediatum super cor-
 pus Christi verum, vel mysticum; & sic sunt duo tantum ordi-
 nes, Episcopatus, & presbyteratus; qui duo ordines dicuntur
 sacerdotales, sic exponitur Damascen. ad coepiscopos, qui a-
 nathematizat eos, qui præter Episcopatum, & presbyteratum,
 alios ordines introducunt; quia Christus duos tantum ordines
 ordinauit, scilicet duodecim Apostolos, & septuaginta duos
 discipulos. Tertio modo sumitur pro deputatione ad om-

nem actum hierarchicum , & non ordinatum ad sacrificium missæ ; & hoc modo sunt nouem ordines , vt dicunt canonistæ supracitati. probatur ; præcipuus effectus sacramentorum est gratia spiritus sancti, circa quam possunt distingui tres actus hierarchici. Primus, collatio gratiæ, quæ vocatur illuminatio; quia gratia illuminat. Secundus, perfectio gratiæ , & est actus qui dicitur perficere; & fit in eucharistia, ordine, & chrismate. Tertius, est præparatio quædam ad sacramenta: & harum vna immediatè cadit super populum, alia super vasa, & loca, in quibus fiunt sacramenta : quare debet addi Episcopatus , cuius proprium est purgare. & psalm. istatus; quia ex Isidoro psalmista erat deputatus ecclesiæ Dei vt caneret ad excitandam deuotionem populi. hoc autem munus potest referri ad purificationem primi modi, & est vetus traditio patrum cantorem esse ordinem nouum. Sexta Synod. generalis. cap. 3. 4. & 6. decernit cantores esse clericos, & Clem. l. 8. cap. 64. & l. 2. cap. 61. Sed ait Sot. non esse ordinem, quia psalmista canit psalmos , lector testamentum vetus ; ergo differunt tantum in modo. Resp. id sufficere; quia Diaconus, & subdiaconus eandem rem ministrant , sed vario modo . præterea psalmi erant propria materia cantoris , non lectoris . Dicit secundo Sot. si cantor esset ordo, oporteret hunc connumerare ad sacrificium missæ, quia requiritur non minus , quàm ostiarius . Resp. ostiarius, & cantor erant differentes , tum ad ministrandum missæ , tum ad horas canonicas. sed ostiarij erat propriè excommunicatos à missa expellere , non autem ab officio. Lectoris erat canere psalmos. quare ille propriè deiebat missæ , hic horis canonicis. Quarto modo sumitur pro deputatione in aliquem actum peculiarem in ordine ad celebrandum sacrificium missæ, & hoc modo loquuntur doctores cum dicunt esse septem ordines, quatuor minores, & tres maiores, qui dicuntur sacri. cuius rationem affert Nauar. cap. 22. num. 18. Officia singulorum in catechismo Romano exponuntur. & apud Sot. in 4. d. 24. q. 1. art. 3. Prima verò tonsura non numeratur propriè inter ordines, sed longè dicitur ordo, vt supra dictum est ; est enim dispositio ad ordines, non de necessitate sacramenti, sed de congruentia . est tamen de necessitate præcepti, vt cum Riccardo docet Sot. in 4. d. 24. q. 1. art. 1. D. Tho. in addit. q. 40. art. 1. Durand. d. 24. q. 4. Viator. q. 240. & alij. Res autem se-

ptem

prem ordines fuisse antiquos, patet de presbyteris, & diaconis ex scriptura. De subdiaconis in concilio Rom. cap. 3. Secunda Synod. can. 6. Laodic. 4. C. cum oportet. d. 23. concil. Bracar. can. 1. non liceat. Clem. l. 8. const. cap. 8. Cyprian. l. 1. ep. 25. & l. 2. epist. 1. Euseb. l. 6. cap. 83. concilium Carthag. 4. & Aquisgr. l. 1. & 6. Ignat. epist. ad Antiochen. De Acolytis est concilium Rom. cap. 3. can. nullius. d. 24. concilium Carthag. & Aquisgr. supra cit. Hierony. in proxm. in 1. & 2. epist. ad Thessal. ait, paulum misisse epistolam illam per Onesimum, acolytum. De exorcistis fit mentio in iisdem locis. & Tertull. & Cyprian. l. 2. epist. 25. & clem. l. 2. const. cap. 27. & l. 8. cap. 34. & concil. 3. Cartha. De ostiariis, plerique ibid. meminerunt. Aliqui autem dicunt esse septem ordines, propter septem dona Spiritus sancti. Alij propter quatuor virtutes Cardinales, & tres theologales. Alij, quia muniunt hominem, contra septem peccata mortalia. Dionysius verò eccles. hier. cap. 3. & 5. ait, sumi propter varia ministeria quę requiruntur propter celebrationem missę, quę ministeria explicantur ab Isidoro l. 7. etymol. cap. 12. & l. 2. de offic. eccles. concil. 4. Carthag. cap. 12. Concil. Aquigr. l. 1. Hugo l. 2. de sacram. p. 3. Magist. in 4. d. 24. Hugo autem, & Isidor. dicunt Christum Dominum exercuisse omnes hos ordines. Sed est

Secundum dubium. An Cardinalatus sit ordo? Resp. sunt duę opinioniones. Turrecrem. l. 1. summ. cap. 80. & Cardinalis Alban. tract. de Cardinalatu, dicunt, Cardinalatum esse institutum à Christo; dicunt enim, Apostolos fuisse consiliarios Christi, & eatenus Cardinales fuisse præterea Episcopos. Illam autem dignitatem esse primò institutam, ac ideo esse præstantiorem Episcopatu. Secunda opinio est vera; Cardinalatum non esse ordinem, nam ex sententia patrum (ut dictum est supra) septem tantum sunt ordines, quia Cardinalatus non est dignitas instituta à Christo sicut Papatus; licet nec iste sit ordo. probatur, quia Cardinalatus non habet consecrationem, nec characterem; quare est sicut vna ex alijs dignitatibus. ut metropolitica, Archiepiscopus, &c. Verum autem officium Cardinalium est, assistere summo Pontifici in regimine ecclesię, figurati sunt per septuaginta qui Moyse dati sunt in adiutoriū. Probabile est Cardinales semper fuisse, licet non sub isto nomine; nam sanctus Petrus habuit Linum, & Cletum in coadiuto-

res; ex Ioan. I. in sua epist. Quando verò cœpit hoc nomen? quidam dicunt tempore Syluestri; nam in concilio sub ipso celebrato, sic nominantur. alij sub pontiano; alij sub Marcello, alij sub Iginio, sic Vigilus, Enaristus, &c. qui fuit tertius à sancto Petro diuisit ecclesias, & constituit singulis presbyterium. postea additi sunt plures in vna parœcia; & hoc factum est sub Iginio. Primus autem ex illis dictus est Cardinalis anno 260. Multiplicati sunt tituli sub Marcello. etiam postea aucti sunt. Denique post sextam synodum ad eos pertinet creare Pontificem. cap. vbi periculum. de electione.

Tertium dubium. An Episcopatus sit ordo, & sacramentum? Resp. & dico primo, de fide est Episcopatum de iure diuino esse ordinem supra presbyterium, vt ordo dicitur iurisdictionem, tum ampliorem potestatem ordinis. probatur primo, ex decreto ecclesiæ quæ damnauit Arrium presbyterum hoc negantem, ex August. de hæres. ad Quoduuldeum, cap. 23. & Epiphani. hæres. 75. Secundo, in scripturis insinuat superior potestas in Episcopis, 1. Tim. 5. *seniorem* (id est presbyterum) *ne increpaueris, sed obsecra ut patrem. Aduersus presbyterum accusationem noli recipere.* & Tit. 1. *reliqui te ut constituas presbyteros.* Tertio, sunt duo sacramenta quæ non possunt confici à presbytero, sed ab Episcopo, vt Chrisma, & ordo; ergo Episcopatus est supra presbyterium. Episcopi enim est consecrare sacerdotem, & non è conuerso. Vnde ait Epiphanius, *presbyter est genitor filiorum ecclesiæ, Episcopus genitor patrum.* Quarto, Apostoli erant typus Episcoporum, discipuli verò domini presbyterorum; at Apostoli sunt supra discipulos; ergo &c. Quinto, *Dedit quosdam pastores,* (ait Paulus) ergo sunt de iure diuino. Confirmatur; *in quo Spiritus sanctus posuit vos Episcopos.* Dico secundo, Episcopatus non tantum est ordo, sed est etiam sacramentum, & idem quodammodo cum sacerdotio. Vnde Chrysost. & August. dicunt, Episcopatum esse summum sacerdotium, ordinatum autem ad Eucharistiam; quia Episcopus ordinat consecrantes illam; quare Episcopatus est ordo, & sacramentum; non quidem præcisè distinctum à sacerdotio simplici, sed est vnum cum ipso; sicut perfectum, & imperfectum. sicut igitur consecratio panis & vini constituunt vnum sacramentum tanquam partes eius integrales; sic ordinatio sacerdotis simplicis, & sacerdotis

dotis summi, idest Episcopi, constituunt vnum completum sacramentum, sicut perfectum, & imperfectum. Cum enim perfectum sit quod potest facere sibi simile, illud sacerdotium non est completum, per quod sacerdos non recipit potestatem ordinandi alium in sacerdotium simplex. Sacerdotium autem summum, idest Episcopatus, est perfectum sacerdotium, quia per ipsum recipitur potestas ordinandi alium in summum sacerdotium, vel simplicem sacerdotem; & sic vterque ordo constituit vnum sacramentum. Imprimis autem Episcopatus characterem, quia per ordinationem Episcopalem confertur potestas per quam ordinatus potest exercere actus spirituales, quos autem non poterat. Eget autem Episcopus nouo characteri, & noua gratia iustificante, quia si in extensione potestatis accipitur noua entitas, non potest esse idem character qui prius erat, idest eiusdem speciei; cum potestas Episcopi sit distincta specie à potestate presbyteri; & sit ad distincta obiecta, nam quæ sunt huiusmodi, non fiunt vna qualitas, licet se penetrent. Si non est noua entitas, ergo non est noua potestas. nam si dicas esse nouum pactum diuinum, non valet; quia, ego eadem ratione characterem omnem negarem: ergo est nouus character. Gratia verò noua indiget non propter nouam, & ampliorem iurisdictionem, quia licet etiam Archiepiscopi, & Pontifex acciperent; sed ratione sui status, qui habet annexa quædam ministeria maximè indigentia gratia Dei, scilicet vt possit conficere alia duo sacramenta, ordinem scilicet, & Chrisma; vt possit concionari, definire res in concilijs, vt possit esse irreprehensibilis, vt ait Paulus. &c. Confirmatur, quia ecclesia in forma Episcopi ait; *accipe Spiritum sanctum*; ergo datur noua gratia. Neque obstat quòd communiter dicunt esse septem ordines; nam Episcopatus includitur sub sacerdotio: eoquòd est sacerdotium perfectum; vnde dicitur summus sacerdos Papa secundum communem loquendi modum, & non numeratur distinctum. Neque obstat, quòd Episcopatus dependeat à sacerdotio; vnus autem non dependet ad alio, hoc enim prouenit, quia cum actus illorum non habeant inter se dependentiam necessariam, non habent inter se necessariam colligantiam; at Episcopatus, & sacerdotium, se se habent, quia cum Episcopi sit consecrare sacerdotem, & non è conuerso, oportet Episcopalem potestatem esse maio-

rem

tem; quod non esset; nisi includeret sacerdotalem; ideo &c. Hæc omnia teneo contra doctores antiquos, & D. Tho. in addit. q. 40. art. 5. Sot. d. 24. q. 2. art. 3. qui aiunt extendi solum characterem presbyteralem ad confirmationem, & ordinem, non autem esse nouum characterem, nec dari nouam gratiam iustificantem. Oppositum autem quod nos dicimus, teneo cum Durando d. 24. q. 6. Maior. in 4. d. 24. q. 1. Caiet. tom. 2. opus. 11. Petro Soto de instit. sacerdotali. q. 4. Echio hom. 66. & ex antiquioribus, cum Altiflod. 4. p. de sacram. ord. cap. 1. Scot. & Palud. & hæc opinio est probabilior, & tenenda; quòd Episcopatus sit ordo, & sacramentum; vt dictum est.

Quartum dubium. de coepiscopis, (lege corepiscopis, vbicūque hæc vox occurrerit) corepiscopus, enim est coadiutor Episcopi. nam Damascen. in epist. de coep. ait, hos fuisse presbyteros. Isidor. verò ait, hos ex mandato Episcopi ordinare presbyteros. Resp. tempore Isidori fuisse sicut nunc sunt Episcopi suffraganei.

Quintum dubium. de diaconatu, & subdiaconatu. an sint sacramenta? Resp. probabile est Diaconatum, & subdiaconatum esse sacramenta. Licet non constet contrariam sententiam esse hæreticam. Prima pars probatur ex communi sententia doctorum in 4. d. 24. Secundo, quia statui diaconorum, & subdiaconorum est necessaria gratia iustificans noua; tum quia assistant summo sacrificio; tum quia emittunt solenne votum cœlibatus; tū quia digni sunt vt contrectent sacra vasa; tum quia diaconi possunt absente presbytero prædicare, conferre aliqua sacramenta, vt baptismum. Tertio, subdiacono dicitur, *Accipe potestatem*; ergo recipit characterem, ne forma sit mendax. Diaconis verò dicitur, *accipe Spiritum sanctum*; ergo &c. Quarto, ex sanctis cæremonijs; quia imponuntur illis manus, & ante ipsorum ordinem fit oratio. & 1. Tim. 3. in Diaconis requiritur magna morum sanctitas, *vt sint pudici, non bilingues, &c.* Quinto, ecclesia iamdiu definiuit subdiaconatum, & diaconatum esse ordines sacros peculiari modo; at hoc cur, nisi quia sunt sacramenta? Sexto, concilium Trid. sess. 23. can. 6. definit in ecclesia esse hierarchiam de iure diuino, quæ constat ex Episcopis, presbyteris, & ministris; ergo diaconi; & subdiaconi sunt de iure diuino. Confirmatur ex Dionys. eccles. hier. cap. 9. Hierarchia est potestas suprema, media, & infi-

& infima . aliàs sequeretur ecclesiam posse tollere hos ordines, & committere laico vt ordinet. Septimo, character non solum datur ad simpliciter operandum, sed etiam ad operandum dignè, & ex officio, vt patet ex Chrismate, ergo etiam si diaconi, & subdiaconi sine ordinatione possent fungi suis munijs, tamen vt faciant ex officio, indigent ordinatione. Confirmatur, quia diaconi. & subdiaconi distinguuntur à laicis, character verò est signum distinctiuum.

Secunda pars conclusionis est Dominici Soti, Ledesm. Vist. qui dicunt contrariam sententiam esse probabilissimam. Caiet. tom. 2. opus. 11. & Dur. dicunt non esse sacramenta. Probatur primo de subdiaconis. Magist. ait, subdiaconatum, & minores ordines fuisse ab Apostolis introductos; ergo non sunt sacramenta. Secundo, Urbanus d. 60. C. nullus ait, Diaconatum esse ordinem sacrum, non autem subdiaconatum. & Innoc. tit. de qualitat. & ætate ordinand. C. à multis. ait, in primitiua ecclesia subdiaconatum non fuisse ordinem sacrum, sed nunc factum esse autoritate Urbani II. 6. Synodo. & Greg. at hi non possunt facere sacramentum, ergo &c. & Almarinus 1. 2. de offic. eccles. cap. 6. docet, sacrificio missæ sufficere sacerdotem, & Diaconum. subdiaconum verò, & reliquos ordines fuisse introductos ab ecclesia. Item prohibitum fuit subdiaconis tangere sacra vasa; d. 23. C. non potest. & à Sylu. d. 24. can. nullius. fuit autem concessum d. 23. can. non liceat.

De diaconatu etiam probatur ex Hierony. ad Euagrium, qui reprehendit diaconos, qui superbiebant, cum electi essent ab Apostolis ad ministrandum mensis, non à Christo. & idem habet in Ezechiel. 48. & Damascen. ad coepiscopis, definit in ecclesia duos tantum esse ordines constitutos à Christo, Episcopum, & presbyterum, nec posse alium induci. Anaclet. idem ait. & Gratian. d. 21. can. 1. ait, Diaconos ab Apostolis institutos. idem Occum. in 2. 6. Orig. hom. 25. in Matth. Cypriā. l. 3. epist. 9. mementote Episcopatum esse iuris diuini, non diaconarum. Probatur ratione, ex Durando; primo, cum multæ functiones pertinent ad eundem effectum, illa sola est sacramentum, quæ illum effectum introducit; patet in baptismo; nam exorcismi, & catechismi, &c. sunt sacramentalia; sed omnes ordines sunt diuersæ functiones ordinatæ ad eucharistiam, consecrandam, ad quam solus presbyter confert, ergo &c. Se-

cundo, character sacramentalis vel ordinatur ad operandum simpliciter, ut in baptismo, & eucharistia: vel in arduis ut excellentius operetur, ut in chrismate; sed in diaconatu, & subdiaconatu nec est opus nouo caractere gratiæ ad operandum simpliciter, nec in arduis; quia functiones illæ non sunt supernaturales, nec arduæ, ergo &c. Tertio, diaconi non à Christo, sed ab Apostolis leguntur ordinati. Dices, fecisse ex Christi præcepto. Contra; quia Apostoli non constituerunt illos, nisi ex furtuito murmure græcorum ut patet act. 6. *in diebus illis crescente numero discipulorum, factum est murmur græcorum aduersus hebræos, eoquod despiceretur in ministerio quotidiano vidue eorum*: neque ut esset potestas perpetua. Quarto, multi doctores dicunt, diaconum, & subdiaconum in peccato mortali posse fungi suis munijs sine nouo peccato mortali; & tamen est regula, quod qui acceperunt gratiam, in sui ordinatione, & postea non exercent eam eadem gratia, peccant mortaliter, ergo non acceperunt gratiam; ergo non sunt sacramenta.

Ad primum patet ex dictis. Ad secundum, Resp. necessariam etiam esse sanctitatem religiosi, non tamen est sacramentum. Celibatus etiam communis est religiosi, & illa munia concionandi, &c. ex accidenti sunt annexa diaconis. Ad tertium, Resp. in bulla vnion. Armen. forma etia diaconi est: *accipe potestatem*; quæ est potestas officij. Ad quartum, etiam huiusmodi Ceremoniæ fiunt in ordinatione Abbatum, Archiepiscoporum, Pontificum; qui non sunt ordines. Ad quintum, d. Tho. ideo ait Vocari ordines sacros, quia sacra vasa contrectare possunt. Alij dicunt, ex eoquod Celibatus consecrantur. Ad sextum, de ratione hierarchiæ est, ut habeant tres sacras functiones; sacras inquam, saltem ex modo officij, licet non sacramenti; quod ex ipsis functionibus iudicandum est. Ad concil. Resp. Christum tradidisse potestatem ecclesiæ ut posset eligere officia de iure diuino. & secundum Ledesin. potest ecclesiæ committere, ut commisit aliquando. quod si nunc non facit, est, quia sequitur opinionem probabiliorem. Ad septimum, patet ex dictis. ad confirmationem; etiam per officium distinguuntur.

Sextum dubium: Quæ sunt officia Diaconi, & subdiaconi? Resp. primum diaconorum munus, est ministrare mensis, & habere

habere curam reddituum ecclesiasticorum. act. 6. & in histor. B. Laurentij. Imo per hanc curam cœperunt Diaconi insolere contra presbyteros, & Episcopos. & coercetur eorum insolentia in concilio Nicæn. cap. 14. Laodicensi. cap. 10. Agathensi. cap. 16. Hierony. epist. ad Euagrium. & in Ezechiel. 48. ait, quia presbyteri erant multi, & Diaconi septem in memoriam primorum; ideo magis fiebant, quam presbyteri. Secundum munus, est legere Euangelium; de quo Hierony. in epist. ad Sabell. diaconum. Gregor. l. 4. epist. 88. Sciendum autem est, ex lectione simplici euangelij cœpisse Diaconos absente Episcopo, & presbytero explicare euangelium populo. Gregor. l. 4. epist. 88. & Hierony. in Ezechiel. 48. primus diaconorum per singulos concionatur. Secundo sciendum est, consuetudinem hanc, ut diaconi concionentur, videri fundatam in scriptura. Primo, quia quando Apostoli voluerunt constituere diaconos, (act. 6.) *elegerunt viros plenos Spiritu sancto, & sapientia*, neque ob aliud, nisi ut concionentur. & Timot. 3. exiguntur mores sanctissimi in diacono; & inter alios, *ne sint bilingues*, id est, ex Athan. ut habeant linguam conformem patribus. Item, Diaconi fuerunt electi magna celebritate. Item, duo ex illis septem diaconis fuerunt celebres concionatores. Item, postquam Lucas descripsit diaconorum ordines, ait, *erantes imposuerunt illis manus, & verbum Dei crescebat*, videlicet ex nouis diaconis. Item, Dionys. eccles. hierar. cap. 59 & 6. ait; Diaconi est purgare populum leui doctrina, videlicet concionibus. Tertio sciendum est, Diaconos non concionatos ex officio, sed ex necessitate; quia patres id dicunt esse proprium Episcopi, refertur Leo 16. q. 1. & Clem. l. 3. constit. cap. 2. ait; ad summum presbyteri esse concionari. Item, scriptura ait, Diaconos electos ab Apostolis, ut ipsi Apostoli possint instare verbo Dei. Item, Ambr. ad ephes. 4. dicit, initio ecclesie predicasse diaconos ex mera necessitate. Tertium munus, Diaconos absente Episcopo, & presbytero ministrabat Eucharistiam. in concil. Nicæn. cap. 14. in Carthag. l. cap. 18. Leo serm. de sancto Laurentio. Hierony. epist. ad Rusticum, iustissimus Apostolus pro Christianis. Ignat. epist. ad Trallianos. Cyprian. & alij, verum est tamen frequentius diaconum sanguinem ministrasse, quam corpus. Quarecum munus, est assistere Episcopo ministranti. Hierony. in Ezechiel.

48. Ambr. in 1. ad Tim. 3. Ignat. ad Trall. Quintum, munus; Diaconi nomine Episcoporum visitabant Xenodochia, carceres & similia. 1. 3. & cap. 15. Sextum munus, absente Episcopo, & presbytero, exercebat omnia munera quæ non exigebant characterem. Vnde dicitur manus Episcopi; Clem. 2. const. 3. 2. 4. & 25. dicit diaconum esse Episcopo nuncium, & prophetam in omnibus. Vnde etiam illis abscentibus baptizabant; Tertull. l. de baptis. & reconciliabant hæreticos per modum orationis, imponendo illis manus. quæ manuum impositio non erat sacramentum.


Subdiaconorum autem munus, primum est ministrare diacono sacra vasa, & materiam consecrandam. Clem. l. 3. const. cap. 11. & l. 8. cap. 34. Secundum, subdiaconus nunc legit tanquam ex officio epistolam, tunc autem non. ex Greg. l. 4. Reg. cap. 88. qui ait, psalmi etiam leguntur per subdiaconos, reliquæ lectiones vel per minores si necessitas exigit. Tertium, votum Cælibatus non fuit semper annexum subdiaconis; nam tempore quarti concilij Toletani cap. 26. & Innoc. III. tit. de qual. ordinand. C. adultis. refertur etiam tempore Urbani primi non fuisse, cepit tempore Urbani secundi.

Septimum dubium de exorcistis, an sit ordo. Clem. l. 8. const. negat esse ordinem, sed esse gratiam gratis datam ad expellendos Dæmones, qui fuerunt etiam apud Iudæos. act. 19. quæ potestas fuit communicata discipulis, & Apostolis, Luc. 10. & omnibus, Marc. ult. *dedi vobis potestatem calcandi super serpentes & scorpiones.* & iustin. dialog. cum Triphon. & Apol. 1. pro Christian. Tertull. l. de corona milit. & apolog. 23. aduersus gent. Lact. l. 2. cap. 19. & l. 4. cap. 17. & l. 5. cap. 21. qui dicunt fuisse id commune omnibus Christianis. & de hoc tempore intelligendus est Clemens cum negat esse ordinem. potestas enim deferuente charitate, Deus subtraxit manum. & Apostoli instituerunt, ut quidam per exorcismos eijcerent Dæmones. Apostolis successere Episcopi, qui exorcistas dant potestatem imponendi manus super energumenos, siue baptizatos, siue catechumenos.

Octauum dubium De lectoribus. Sciendum lectores olim ex Clem. l. 2. const. cap. 6. ex suggesto legisse solitos aliquos ex veteri testamento, vel nouo, videlicet epistolas Pauli: tempore Cypriani & euangelium legebant, l. 2. ep. 5.

Nonum dubium. Quomodo omnes ordines sint vnum sacramentum? Resp. quod non sunt vnum indiuisibilitate, vt punctus; nec continuatione, vt linea; nec integrale, vt animal; sed dant vnum sacramentum perfectione; quia omnes ordinantur ad eucharistiam. Durand. dist. 24. quæst. 1. ad secundum. Vel sunt vnum potentiale; quia tota plenitudo huius sacramenti est in vno, scilicet in sacerdote; sed in alijs est quedam participatio ordinis. D. Tho. quæst. 37. art. 1. ad 2. ex his igitur patet, quo modo omnes ordines sint vnus ordo; nepe vnitatem attributionis; quia omnes ordinantur ad sacerdotium Durand. supracitatus.

De his que spectant ad substantiam huius sacramenti. Caput 11.




Ordinem esse sacramentum, est de fide. ita definitur à concilio Flor. & Trid. sess. 7. de sacram. cap. 9. & sess. 23. vbi definit esse verè, & propriè sacramentum à Christo domino institutum. Sot. d. 24. q. 1. art. 4. Quamuis autem dicamus multos ex his ordinibus esse sacramenta, non ideo est contra definitionem ecclesie, qua dicitur esse septem sacramenta; quia licet hi ordines seorsum essent multa sacramenta, tamen computantur vt vnum. Primo, quia referuntur ad vnum finem, scilicet ad corpus Christi vel efficiendum & cōsecrandum, vel purgandum, & illuminandum. Secundo, ex d. Tho. omnis ordo sacer est vnum sacramentum potestatiuum; quod scilicet habet eminenter, vel formaliter omnem potestatem, vel perfectionem; reliqua verò sub ipso participant illam perfectionem; hoc autem totum potestatiuum residet in Episcopo; reliqui verò ordines participant aliquam partem. ex quo fit, licet dicamus ordines seorsum esse sacramenta, non tamen septem sacramenta multiplicantur.

— Dico secundo, licet probabile sit ordines minores non esse sacramentum, sed esse merè officia ecclesiastica, vt ait Durand. & Caiet. tom. 2. opus. 11. Victor. l. de sacram. Primo, quia horum

horum nō fit mentio in scripturis, nec ullus pater dicit hos ordines esse à Christo. Secundo, quia hi ordines minores habent valde remotam functionem ab eucharistia, tamen quia est ferè communis sententia theologorum, D. Tho. in addit. quest. 35. art. 2. Riccard. in 4. dist. 14. quest. 2. art. 3. Gabr. q. 1. art. 2. Ferrar. l. contra gent. cap. 33. Conar. l. 1. Variar. resol. cap. 10. num. 11. Petrus Sot. quest. 4. de ordine. Nau. cap. 22. num. 17 & probatur ex concil. Trid. & Flor. quæ de omnibus nullo excluso dicunt esse sacramentum, Ideo quia hæc opinio magis consonat dictis sanctorum patrum, & videtur tutior, dicendum est omnes ordines etiam minores esse sacramenta. Opiniones apud Sotum supracitatum videndæ sunt.

De Materia, & forma huius sacramenti.

Caput I I I.



Rimum dubium. Quæ materia, & forma huius sacramenti?

Resp. habere hoc sacramentum materiam, & formam, constat ex concil. Flor. ubi singulis ordinibus propria materia, & forma præscribitur; quare in singulis ordinibus confertur gratia sacramentalis, & character. Quæ verò sit materia huius sacramenti, an manuum impositio,

an traditio instrumentorum, sunt doctorum opiniones.

Prima opinio est ferè communis; materiam propriam non esse manuum impositionem, sed traditionem illorum instrumentorum, quibus exercetur illa potestas ordinis; ut Officiarius fit per traditionem clauium sub præscripta forma verborum, quæ habetur in pontificali. Lector, per traditionem libri Exorcista, per traditionem libri exorcistarum. Acholytus, per traditionem vireolorum ad ministrandum vinum, & aquam. Subdiaconus, per traditionem libri epistolarum, & ale. Vigiliarius. l. de ordine. verb. 2. Diaconus, per traditionem libri evangeliorum. Presbyter denique, per traditionem calicis cum vino, & patenæ cum pane. Forma sacerdosialis est hæc. *Astra*

pe potestatem offerendi sacrificium in ecclesia pro viuis, & mortuis, in nomine patris, & filij, & Spiritus sancti. & sic de aliorum ordinum formis: vt habetur in concilio Florent. In bulla Armenorum. Notandum est autem quòd illa verba *pro viuis, & defunctis*: similiter inuocatio sanctissimæ Trinitatis, licet non sint de essentia, tamen sunt de integritate formæ; & ideo ea omittere esset peccatum mortale. Manuum autem impositionem ait hæc opinio esse quandam ceremoniam accidentalem pertinentem ad solennitatem. Probatur primo ex pontificali Romano, in quo dum Episcopus tradit supradicta instrumenta, solet dicere; *Accipe potestatem*; ergo sic accipit sacramentum. Secundo, in ordinatione presbyterorum ante manuum unctionem Episcopus cum omnibus presbiteribus sacerdotibus primò imponit manum ordinando, & nullam formam profert, sed tantum orationem. Secundo ordinatur, & Episcopus tradit instrumenta, & profert formam. Tertio, post missam Episcopus presbyteris ait; *Accipite Spiritum sanctum*. ex his tribus ritibus, primus non est essentialis; quia ibi nulla est forma verborum, neque tertius; quia iam ante tertium ritum ordinati sunt; & ideo consecrant cum Episcopo, & simul absoluunt; ergo secundus est essentialis. Tertio, Gregorius IX. C. presbyter. de sacram. non iter. dicit manuum impositionem esse ritum ab Apostolis introductum; & subdit de quodam ordinato sine manuum impositione: & decernit nihil esse iterandum, sed supplendum quod defuerat. quòd si esset essentialis, debuisset repetere formam ordinationis simul cum impositione manuum, vt ex matetia & forma fiat sacramentum; at Gregorius præcipit nihil esse iterandum. Confirmatur; quia, cum dicitur supplendum esse quod deerrat, id quod suppletur est accidentale; nam Innoc. III. de sacram. Vñ. ait, si Episcopus sit consecratus sine unctione, nihil esse iterandum, sed supplendum quod deerrat, at unctio balsami est accidentaria. Confirmatur; quia in can. post. de sacram. non iter. ait Innocent. III. si quis est chrismatus sine balsamo, non est iterandum sacramentum, sed supplendum quod est prætermisum. idem dicit de ordinatione Diaconi sine manuum impositione. Quarto, presbytero confertur in ordine potestas consecrandi eucharistiam, & remittendi peccata; ergo in ordinatione ipsorum vel opus est exprimere vnā potestatem tantum,

& sic

& sic magis debet exprimi potestas consecrandi, tum quia, est finis alterius; at hæc potestas exprimitur cum traduntur instrumenta; ergo traditio instrumentorum facit sacramentum. Vel oportet utranque potestatem exprimere, & tunc sequeretur quod neutrobique daretur presbyteratus; quia in traditione instrumentorum exprimitur potestas consecrandi; in impositione vltima manuum, potestas remittendi peccata. quod si sint duæ potestates, & duo characteres, tunc in impositione manuum in qua exprimitur potestas remittendi peccata, accipitur potestas absoluendi. in traditione autem instrumentorum potestas consecrandi, & hinc saltem habeo, argumentum partis contrariæ (quæ dicit, impositionem tantum manuum esse sacramentum) esse inualidum. Quinto, ritum ordinandi sacerdotes à Christo debemus accipere: at Christus ordinauit tradendo instrumenta; quia ex concilio Trid. sess. 22. cap. 1. & can. 2. Christus ordinauit sacerdotes tradendo panem, & calicem, & dixit, *hoc facite in meam commemorationem*; perinde est dicere, *hoc facite*, ac dicere; *Accipite potestatem*. Sexto, non valet ratio, quod tantum in scripturis traditur manuum impositio, & non traditio instrumentorum; quia, etiam Apostoli chrisrabant per manuum impositionem, quæ ex concilio Flor. est relicta, & illi successit vnguentum. Septimo, materia sacramentorum debet esse propria sacramenti, vt determinatè significet effectum proprium sacramenti; sed impositio manuum est quædam Cereemonia communis multis sacramentis; baptismo, act. 9. Ananias Paulum baptizaturus, imposuit illi manus. Chrismati, act. 8. imponebant Apostoli manus super illos Samaritæ qui receperunt verbum Dei, & accipiebant spiritum sanctum. est etiam communis reconciliationi hæreticorum, & energumenis. Imo scripturæ significant impositionem esse quandam orationem deprecatoriam; quia Iacob Gen. 48. benedixit filiis suis, imponens illis manus. & Dionys. l. 5. eccles. hierar. ait, quod manuum impositio nihil aliud significat, quàm assumptionem illius in Dei protectionem per suum ministrum. Octauo, ex concilio Flor. in bulla vnion. definiente materiam esse traditionem instrumentorum formam verò esse verba quæ dicuntur.

Secunda, opinio est multorum recentiorum, qui dicunt, impositionem esse materiam essentialem, traditionem esse acci-

denta.

dentalem. pro quo suppono primo, sacramenta esse à Christo domino, ex Trid. sess. 7. cap. 1. suppono secundo, institutionem Christi non posse nobis constare rationibus naturalibus, sed scripturis, & traditione Apostolica retenta continuo usu. His positis, probatur primo: scripturæ, & patres nonquam mentionem faciunt traditionis instrumentorum, sed impositionis manuum; ergo hæc est materia; nam ante trecentos annos nulla erat mentio huius traditionis, ac impositionis est mentio 2. Timot. 1. vbi ait Paulus ad Timotheum; *admoneo te, ut resuscites gratiam Dei, quæ est in te, per impositionem manuum mearum.* & act. 13. dixit spiritus sanctus ministrantibus Domino Antiochiz; *segregate mihi Saulum, & Barnabam in opus ad quod assumpsi eos, tunc ieiunantes, & orantes, imponentesque eis manus, dimiserunt illos.* Confirmatur; nam sacramentum est quædam cæremonia externa cui est adnexa promissio gratiæ, quæ fit non traditioni instrumentorum, sed impositioni manuum, sic enim faciebant Apostoli. Secundo, confirmatur ex patribus; quos diuidam in aliquot classes. Prima classis est illorum patrum, qui fusè explicant omnia quæ interueniunt in ordinatione; & præcipuam mentionem faciunt impositionis manuum; traditionis verò instrumentorum, nullam. Diony. eccles. hierar. cap. 5. Anaclet. epist. ad Episcopos Italiæ, qui conficit totam ordinationem ex oratione, & impositione manuum. Concilium 4. Carthag. cap. 2. 3. 4. & 5. quod refert etiam can. presbyter. d. 23. vbi habetur presbyterum esse ordinandum per manuum impositionem, & propterea Capreol. in 4. d. 19. q. 1. Dur. d. 24. q. 3. Scot. q. 1. art. 3. Gabr. q. 1. tenent impositionem manuum esse materiam sacerdotij. illud autem concilium Cartha. fuit ab ecclesia Romana receptum, & relatum d. 23. eiusdem sententiæ est Isid. l. 2. de offic. eccles. cap. 10. Clem. l. 8. const. 2. cap. 2. ad 24. Hæc autem traditio instrumentorum cœpit in ordinatione antiqua Romæ, sub Stephano. nam primi qui cæperunt distinguere in qua cæremonia esset essentia sacramenti, fuerunt scholastici. Item Hugo de sancto Victore l. 2. de sacram. p. 3. cap. 12. explicat omnes ritus; & ait, sacramentum esse in manuum impositione. Secunda classis est illorum patrum, qui non explicant omnes cæremonias quæ sunt in ordinatione, sed dicunt, in manuum impositione sacerdotum consistere. August. l. 2. con-

tra epist. Parm. cap. 13. l. 1. de bapt. contra Donatist. cap. 16. Ambr. l. 1. de dignitate sacerdot. cap. 5. & in 2. ad Timot. cap. 4. concilium Nicæn. 1. can. 9. quod recitatur d. 81. can. quicunque. & cap. 19. concilium Antiq. can. 10. & 17. refertur d. 91. can. si quis Episcopus. & can. 11. approbatur à Damaso epist. de coepif. ubi Damasus idem affirmat. & in concil. 6. Carthag. can. 4. & 9. Innocent. l. 5. epist. 22. ad Episcopos Maced. est etiam concilium Tolet. d. 33. can. quorundam concilium Ancyran. can. 10. refertur d. 100. can. Diaconi. Tandem Simon metaphrastes in vita sancti Chrysostomi, narrat imponente Episcopo manum super Chrysostomum, lapsam esse columbam in signum aduentus spiritus sancti. Tercia classis est illorum, qui non alio nomine appellant hoc sacramentum, quàm manuum impositione. Concilium Chalcedon. can. 6. approbatum à Trid. sess. 23. cap. 6. probatur etià ratione. Primo, quia ecclesia Romana in suo Pontificali non ordinat Episcopum nisi per manuum impositionem. Secundo, conveniunt doctores ex illis instrumentis quæ traduntur Diacono, & subdiacono ea esse præcipua, quæ magis sunt proxima sacrificio missæ; & tamen Diacono traditur liber euangeliorum, qui est minus propinquus sacrificio, quàm sint vasa facta quæ traduntur subdiacono. Tercio, tempore sancti Thomæ in 4. d. 23. & 25. Episcopus non dabat hæc instrumenta, sed Archidiaconus; at si essent de essentia, deberent dari ab Episcopo qui confert sacramentum. In hac re tam dubia, Dico primo, me non definire vera opinio harum sit catholica, sed iudicio ecclesie relinquere propter gravitatem rei; nam si careamus vera materia ordinationis, caremus ferè omnibus sacramentis. Item, quia doctores variant, ita ut concilium Trid. propter varietatem opinionum nihil voluerit definire. Dico secundo, nihil esse tutius in hac re, quàm ritus Pontificalis Romani in quo utraq. ceremonia habetur; videlicet impositio manuum, & traditio instrumentorum. propterea Dico tertio, quod sacerdos in ordinatione accipit duplicem potestatem, una est consecrandi corpus Christi; altera est remittendi peccata; ideo assignari solet duplex materia, & duplex forma; una tamen est principalis per quam imprimitur Character. & idem dicas de alijs ordinibus qui habent plures actus; ut recedat. Dur. in 4. d. 24. q. 3. Quarto dico, quod per materiam, & for-

nam dictam ex concilio Flor. ordinatur verus sacerdos, & recipit characterem sacerdotalem secundum quem est propriè sacerdos. est communis sententia theologorum, vt ait Soc. in 4. d. 14. q. 1. art. 4. probatur; quia concilium Trid. sess. 22. cap. 1. & can. 2. decreuit Christum dominum consecrasse, & ordinasse in cœna sacerdotes ipsos Apostolos, cum tamen formam aliam cum manus impositione non instituerit, nisi post resurrectionem, Ioan. 10. vt constat ex eodem concilio sess. 14. cap. 1. & ex euangelio; ergo &c. Quinto dico, quòd nihilominus in manuum impositione sacerdoti initio datur gratia, & potestas ad remittenda peccata; & talis impositio manuum non solum est de integritate; sed etiam de essentia sacramenti; est d. Tho. in addit. q. 37. art. 5. Riccard. d. 14. art. 4. q. 3. Scot. q. vnica. art. 9. & concili. Carthagi. 4. can. 13. vbi huius materiz tantum fit mentio, scilicet impositionis manuum. Item ex Palud. q. 2. art. 3. quia sic Apostoli ordinabant. & 1. Tim. 4. & 2. Tim. 1. vt supra dictum est in secunda opinione. Obijcies; si priore forma confertur sacerdotium, ita vt qui ordinatur recipiat gratiam, & characterem; quomodo manuum impositio potuit esse de essentia sacerdotis? Videtur ergo potius esse quid accidentale, vel sacramentale potiusquam sacramentum, cum adiungatur sacramento iam perfectò. Resp. per priorem, idest per porrectionem calicis, &c. cum solita forma imprimitur character, & datur gratia sacramentalis, & potestas ad principalem actum sacerdotij scilicet consecrandi eucharistiam. per posteriorem verò formam cum manuum impositione non solum datur gratia, sed etiam potestas sacerdotalis ad actum secundarium, scilicet remittendi peccata; per quam potestatem completur actio sacerdotij, scilicet habet sacerdos potestatem ad vtrumque actum. & sic conciliari potest veraque opinio, 1. & 2. & loca concilij Florentini, & Carthaginensis. ex his patet primo, quòd si quis ordinatur solum per traditionem calicis, &c. talis cum non habeat potestatem absoluendi, non potest absolvere; etiam si habeat iurisdictionem. Secundo patet, quòd si quis ordinaretur solum per manuum impositionem, non esset verus sacerdos. Tertio patet, quòd character imprimitur in priori forma, & in traditione calicis. &c. quia tunc deputatur homo ad principalem actum sacerdotij in posteriore actu, idest in impositione manuum non imprimitur

character, sed tamen datur potestas ad actum secundarium, idest ad absolendum, & datur gratia ad id munus obeundum; ut docet d. Tho. in addit. q. 37. art. 5. quicquid dicat Scotus, neque ista absurda sunt; quia hæc omniam ordinem habent ad vnum completum sacerdotium, quod constat duplici dicta potestate, quare secundaria ordinatur ad principalem.

Secundum dubium est de Diaconatu. nam concilium Carthag. 4. can. 4. habetur esse conferendum per manuum impositionem; ergo non per traditionem libri euangelij. Resp. eodem modo ut dixi de sacerdotio. cum enim diaconatus habeat duplicem actum, vnum quod est legere euangelium; alterum quod est ministrare sacerdoti in altare, & ministrare sanguinem populo; ad priorem actum illi magis peculiarem ordinatur per traditionem libri, & tunc imprimitur Character. ad posteriorem verò actum deputatur per manuum impositionem sub forma illa: *recipe Spiritum sanctum, &c.* qua datur dicta potestas ministrandi in altare. d. Tho. in addit. q. 32. art. 3. Hinc patet Diaconatum non conferri per manuum impositionem, quicquid dicat Scot. & Dur. & probatur ex concilio Flor. & communi doctorum sententia. Neque obstat concilium Carthag. quia assignauit solum partem materię in qua datur particularis potestas. Nec etiam obstat quod legere euangelium sit actus minus principalis; quia licet nobilior actus sit ministrare sacerdoti celebranti, & dispensare sanguinem populo; tamen ipsi Diacono quatenus tale, magis peculiare est legere euangelium; quia id ei proprio officio competit, in quo ab alio non dependet; ideo imprimitur Character ipsius Diaconatus in traditione libri euangeliorum. Hinc etiam patet, cur character subdiaconatus imprimitur in traditione libri epistolarum, secundum Vignerium; cum tamen duo sint eius actus, vnus ordinare materiam eucharistię, & ponere in locis sacris; alter epistolam legere. cum enim hic secundus actus sit ei magis peculiaris, ideo per traditionem calicis, & patenę cum particulari forma; vñ cum sit particularis materia, videtur tradi in ordine ad formam, quę profertur cum traditur altera pars materię ob principalem actum. Nec obstat quod concilium Flor. dicit materiam esse traditionem calicis vacui cum patenā; quia solum ibi insinuauit partem materię, in qua datur potestas ministrandi missę in ordine ad for-

formam, quæ profertur in altera particulari materia tradendo librum epistolarum. In traditione enim dicta calicis, nulla profertur forma. nec mirum; quia concilium Flor. non tractavit exactè de ordinatione, sed solum aliqua insinuavit. Unde nec etiam omnia de sacerdotio dixit, cum de potestate absolvendi à peccatis tacuerit. similiter Acolyti duo sunt actus, portare ceræ, & porrigere aquam, & vinum ad eucharistiam; & quia hic actus est principalior, ideo in traditione vinctoli confertur. ut Dur. q. 35. quamvis ab alio actu nomen acceperit, cum sit magis frequens, & patens. Neque obstat quod non ordinatus potest hos actus facere; quia talis non faceret ex officio, nec posset solenniter exercere; quia fieret irregularis, ut ait Dur. in 4. d. 24. q. 3. & alij.

Tertium dubium. An character huius ordinis supponat characterem alterius? Resp. non supponere ex necessitate. capit. de clericis per saltum promot. sed ex institutio ecclesiæ gradatim suscipi debent. ordines autem supponunt de necessitate baptismum. Sot. in 4. d. 24. q. 1. art. 4. & patet, quia baptismus est ianua sacramentorum; ut suo loco dictum est.

Quartum dubium. An contactus materiæ sit de necessitate sacramenti in collatione ordinis? Resp. Caiet. verb. ordinatio, non esse de essentia. Oppositum tamen est probabilius; quia contactus significatur per ipsam formam. est d. Tho. in addit. q. 34. art. 5. ad 3. Sot. d. 24. q. 1. art. 2. Sylu. verb. ordo 2. q. 5. Caiet. in opus. tract. 26. q. unica. Dices, an sit necesse ut suscipiens sacerdotium tangat hostiam. Resp. non esse de necessitate sacramenti, tamen esse servandum ritum ecclesiæ.

Sot. supra. Dices, an tangere oporteat materiam tunc temporis, cum forma profertur?

Resp. satis esse ut fiat simul more humano; ut dixi de forma baptismi.


Sot. supra. art. 2. Vi-

ctor. q. 230. quicquid

dicat Caieta-

nus,

De Ministro ordinis. Caput IIII.



Primum dubium. Qui minister ordinis?

Resp. Ordinarius minister ordinis est Episcopus; ex concilio Flor. & Trid. sess. 23. cap. 4. & can. 7. de sacram. ordin. d. Tho. in addit. q. 38. art. 1. Palud. in 4. d. 25. q. 1. art. 2. q. 1. art. 1. & est communis. Vnde errat Dur. q. 4. cum dicit, ordinarium ministrum minorum ordinum esse sacer-

tem. Sed est hujus:

Secundum dubium. An ex commissione Papæ posset quis ordines conferre? Resp. Primo, Papa non potest committere potestatem conferendi ordines etiam minores ei qui non est sacerdos. d. Tho. in addit. q. 38. art. 1. ad 3. Secundo, quod ex commissione Papæ sacerdos potest omnes ordines minores conferre. d. Tho. supra. art. 1. Victor. de potest. eccles. q. 2. num. 16. Sot. in 4. d. 25. q. 1. art. 1. & est communis omnium theologorum. licet dubitet de eo Couar. l. 1. variarum resolutionum. cap. 10. num. 10. Vnde Abbates conferunt minores ordines. cap. quoniam. d. 29. & cap. cum contingat. de state, & qualitat. ordinandor. Sot. supra. art. 1. non possunt tamen conferre nisi subditis; ex concilio Trid. sess. 23. cap. 10. de reform. Tercio dico; quod ordo presbyteratus, & Diaconatus non potest ex simplici sacerdote ex Papæ commissione conferri. est communis sententia, quam sequitur Couar. supra. quia nondum legitur talis facultas concessa. Quarto dico; quod simplex sacerdos potest conferre subdiaconatum ex commissione Papæ. Ita Victor. q. 24. qui dicit se vidisse bullam, in qua Cisterciensibus hoc concessum esset; quam quia d. Tho. non vidit, ideo oppositum supra tenet. Probatur etiam nostra sententia ex epist. Gelasij Papæ ad Episcopos Vngariæ, & Siciliæ, & ex Leone epist. 36. Quinto dico; quod prima tonsura non potest conferri a presbytero parochiano sine commissione Papæ. probatur ex vlt. ecclesiæ. Ita Sot. supra. art. 1.

Tertium dubium. An ex commissione Episcopi possit simplex sacerdos aliquem ordinem conferre? Resp. negativè; quia hoc

hoc spectat ad plenitudinem potestatis, quæ in Papa residet. Item ex cap. aqua. de consecr. ecclesiæ. ubi dicitur quod Episcopus quæ ordinis sunt, non potest clericis ordinis inferioris demandare.


Quartum dubium. An Episcopus si non sit sacerdos, possit ordines conferre? Resp. negativè.

Quintum dubium. An ordo collatus ab Episcopo excommunicato, vel præciso, interdicto, suspenso, vel simoniacò, sit validus? Resp. affirmativè, si debitam formam, & intentionem servavit. quia talis potestatem ordinis non amisit. cap. non nocet. 1. q. 1. & can. baptizatus. de consecr. d. 6. & d. Tho. in addit. q. 38. art. 2. Sor. in 4. d. 25. q. 1. art. 1. Palud. q. 2. Dur. q. 1. & alij communiter. Nota tamen quod si Episcopus sit denunciatus nominatim, ille qui ordinaretur ab eo, esset irregularis; Nau. cap. 27. num. 241.

Sextum dubium. An Episcopus possit ordinare non subditos, vel in diocesi alterius; præsertim personas non subditas illi ordinario? Resp. & dico primo, quod Episcopus qui ordinat alios quàm sibi subditos sine licentia, & testimonio, seu dimissorijs proprii illorum ordinarij, suspenditur à collatione ordinum, & ordinati ab executione ordinum susceptorum arbitrio proprii ordinarij; ex concilio Trid. sess. 23. de reform. cap. 8. & extendit ad Episcopos etiam titulares. sess. 14. cap. 2. de reform. Secundo dico; quod Episcopus in alterius diocesi de licentia ordinarij loci non potest ordinare personas quæ non sunt subiectæ illi ordinario, nisi habeant dimissorias generales à suis ordinarijs; ut declaravit congregatio concilij. & sic statuit intelligendum decretum concilij Trid. sess. 6. cap. 11. de reform. & sess. 14. cap. 2. cum statuit nulli Episcopo licere alterius diocesi exercere pontificalia, nisi de ordinarij loci expressa licentia, & in personas eidem ordinario subiectas. intelligitur enim (ut dixi) nisi habeant dimissorias à suis ordinarijs. Tertio dico, quod sede vacante capitulum non potest concedere literas dimissorias infra annum. nec etiam tunc succedens loco Episcopi in iurisdictionem, aliter interdicatur capitulum, & suspenditur succedens. ipse verò ordinatus suspenditur ad beneplacitum futuri prælati. excipiuntur tamen hi, qui beneficij ecclesiastici recepti, siue recipiendi occasione hortati fuerint. concil. Trid. sess. 7. de reform. cap. 10. & sess.

sess. 23. cap. 10. de reform. vbi similiter sub eisdem penis prohibetur. & alijs existentibus de collegijs, & capitulis, ne secularibus clericis literas dimissorias vt ab alijs ordinentur concedant.

De suscipientibus ordinem. Caput V.



Non quinis est capax ordinis. nam femina & si de facto ordinetur, nihil recipit. d. Tho. in addit. q. 31. art. 1. Riccar. in 4. d. 25. q. 2. Dur. Scot. & Palud. ibidem. Sor. in 4. d. 25. q. 1. art. 2. Vi&or. in relect. de potest. ecclesiaz. q. 2. num. 3. & est communis sententia theologorum: cap. mulier. d. 25. & can. mulierem. 23. q. 5. quia non possunt docere, nec præesse viris. Secundo, nec masculus est capax ordinis nisi prius fuerit baptizatus; quia character ordinis necessario præsupponit characterem baptismi. cap. veniens. de presbyteris non bapt. D. Tho. in addit. q. 35. art. 4. concilium Trid. sess. 23. cap. 4. Tertio, præsupponit characterem confirmationis de necessitate non quidem sacramenti, sed præcepti. concil. Trid. sess. 23. cap. 4. & debent ordines gradatim suscipi, quod tamen est de necessitate præcepti, non sacramenti. Debet habere legitimam ætatem, ita vt Subdiaconus non ordinetur ante vigesimum secundum annum. Diaconus ante vigesimum tertium. Sacerdos ante vigesimum quintum; ex concilio Trid. sess. 23. cap. 12. de reform. ad primam tonsuram, & ad ostiarium requiritur septennium. ad reliquos minores requiritur ætas duodecim annorum. glos. in Clement. de ætate, & qualic. ordin. & cap. in singulis. d. 76. non requiritur tamen completus annus, sed inceptus dictæ ætatis, vt probat Nau. cap. 25. num. 116. ad Episcopatum autem requiritur trigessimus annus completus. cap. cum in cunctis. de elect. Debet præterea esse probatæ vitæ, & in literis sufficienter instructi. concil. Trid. cap. 4. & 13. de reform. Item, nemo potest ordinari sine titulo, neque extra tempus, neque ab Episcopo non suo sine licentia sui ordinarij. de quo videndæ sunt constitutiones Xisti V. & Nau. cap. 25. num. 135. Nota tamen quod beneficium ecclesiasticum nemo potest habere ante decimum quatuor-

Quartum annuntio, ex concilio Trid. sess. 23. cap. 6. de reform. VI-
tumo, ordinandus debet esse immunis a peccato mortali; qui
enim cum eo ordinem suscipit, peccat mortaliter. d. Tho. in
addit. q. 36. art. 1.

De effectibus huius sacramenti. Cap. VI.



Primus effectus est gratia, quam hoc sacra-
mentum confert, sicut & cetera alia sacra-
menta: ex concilio Trid. sess. 7. can. 7. Secun-
dus effectus est character quem imprimit.
concil. Trid. & Flor. sess. 3. can. 9. de sacra-
mentis. Tercius effectus, in singulis ordi-
nibus imprimitur character distinctus; nā

cū vnus sacramenti sit vnus effectus principalis, cha-
racter sacerdotis est principalis effectus sacramen-
ti ordinis; possunt esse multi effectus minūs

principales ordinati ad principalem a-
ctum; & sic sunt multi characteres

multorum ordinum, omnes or-

dinati ad characterem sa-

cerdotij, & eius actus.

Dur. in 4. d. 24. c. 1. l. v. de sacra-

q. 3. & 2. 2. 2. l. v. de sacra-

l. j. c. 1. de sacra-



TRACTATUS

DE VODECIMVS.

De Sacramento Matrimonij.



MATRIMONIUM institutum est ad
communis bonum, ad carnalem
propagationem, & filiorum edu-
cationem; ideo postremum locum ob-
tinet inter sacramenta. agit de illo
Magister in 4. d. dist. 26. ad 42. cum
omnibus scholasticis. d. Tho. in ad-
dit. 4. quest. 43. ad 70. Canonistæ in
decretalium, qui liber totus est
de hac materia. ex patribus egerunt

de hac re Clemens Alex. l. 2. & 3.
Irogn. August. l. de bono coniug. de bono viduit. de nupt. &
& concup. d. Hierony. aliqua scribit contra Iovinian. Epiphan.
contra hæres. Vgo l. 2. de sacram. p. 11. summistæ omnes in-
suis titulis de matrim. Soc. d. 26. ad 42. Couar. in epit. de
sponsal. & matrim. Anton. 3. p. 1. Nos verò de illo nonnulla
tractabimus. Primo, de matrimonio secundum se quoad sub-
stantiam eius; & habebit duas partes. Prima erit, vt contra-
ctus est naturalis. Secunda, vt sacramentum est. Secundo, de
precedentibus matrimonium, idest de sponsalibus. Tertio, de
causa efficiente matrimonium, idest de consensu. Quarto, de
bonis matrimonij, idest fidei, & redactione debiti, prole, & sa-
cramenti indissolubilitate. Quinto, de impedimentis matri-
monij. Sexto, de benedictione nuptiarum. Septimo, de diuortio.
Octauo, de pluralitate vxorum, & de secundis nuptijs, seu de
bigamia.

*De Matrimonio secundum se. Et de his que
spectant ad substantiam eius.*

Caput I.



DE matrimonio primò querendum est quid nominis; deinde quid rei: quò ad primum, fit *Primum dubium*. Quare dicitur matrimonium. Resp. primò dicitur à matre; teste Augusti. l. 19. còtra Manichæos cap. 16. eoquòd mulier ideo nubere debet, ut mater fiat. Vel testò Aulogelio l. 38. cap. 6. dicitur à nomine matris; non quidem adhuc obvento, sed cum spectatim ad ipsius prolem concipere, parere, & educare, potius matris munus est, quàm patris. Denique matrimonium dicitur; eoquòd mater certior fit, quàm pater. Vnde Odifcez i. de Telemiacho, dicitur à matre fuisse certum, &c. & dicitur matrimonium, quasi munimen matris; quia ipsa primò munit, ac fouet prolem. mater enim in utero gestando, lac præbendo, & alia infantilià ministrando, primò munit filium. Pater verò necessaria ad ultio filio præbet magis quàm mater, & ideo dicitur patrimonium. cap. ex literis. de conuers. infidelium. Secundo, dicitur coniugium à coniungendo; quia mulier cum viro quasi vno iugo coniungitur. Tercio, dicuntur Nuptiæ à nubendo, idest velando caput; quia obnubebant se puellæ pudoris gratia (secundum Ambros.) antequam viro traderentur; & velabant caput in signum pudoris exemplo Rebecæ quæ velauit caput. habetur 30. q. 5. idem significat Paulus i. Cor. 11. quamuis hoc etiam fieret in signum obedientiæ, & subiectionis ad virum. sicut contra, vir debet sustentare mulierem. Vnde vsus erat ut Velamen regens caput mulieris, in humeris viri deponeretur. Catechis. Rom. sot. in 4. d. 37. arc. Candelabr. aureum de matrim. num. 2.

Secundum dubium. Quid est matrimonium? Resp. Matrimo-

monium dupliciter considerari potest. Vno modo vt est officium quodam naturæ, altero modo vt est sacramentum ecclesiæ. de vtroque agemus. Definitur autem à Magistro in 4. d. 27. & habetur l. 1. §. de ritu nuptiarum c. 1. & Alexander III. in cap. illud. de præsumpt. & Grat. 27. q. 2. & habetur in Catechis. tit. de matrim. *Matrimonium est coniunctio maritalis Viri, & mulieris inter legitimas personas perpetuam vitæ consuetudinem retinens.* In cuius explicatione oportet notare, quod sicut in sacramento ordinis aliud est ipsa ordinatio sacramentalis, aliud est potestas, & character ordinis, (istud enim ex illo est) ita in matrimonio tria distinguenda sunt. Primum, est contractus naturalis quo vir, & mulier mutuo se tradunt quoad corporis potestatem. Secundum, est Cereemonia, & quodam signum sensibile externum sacramentale. Tertium, est ipsum vinculum quod oritur inter vtrumque coniugem tam ex contractu naturali, quam ex ceremonia sacramentali, & hoc tertio modo definitur matrimonium. Dicitur in definitione loco generis, *coniunctio*, per quod non intelligo copulam, & conformationem matrimonialem; quia hæc non est de essentia, sed intelligo nomine coniunctionis vinculum, idest habitudinem quandam, quæ est relatio quædam inter vtrumque, dicitur *maritalis* in locum differentie, ad excludendas omnes alias obligationes contractus inter marem, & fœminam, quæ non sunt matrimonium, & ista duo explicant essentiam matrimonij. Sed dicitur, etiam *Viri, & mulieris*, ad innuendum non solum vtrumque sexum, sed quod matrimonium vnius viri, & vnius mulieris est. Vnde si patribus antiquis plures licuit habere vxores, plura erant matrimonia. additur *inter legitimas personas*, contra hæreticos id negantes, & dicentes, omnes posse contrahere. per aliam differentiam intelligitur mutuum obsequium inter vtrumque, quod est secundarium in matrimonio. Potest etiam sic definiri: Matrimonium est vinculum indissolubile inter marem, & fœminam ex mutuo contractu facto inter illos in translationem corporum ad sobolem procreandam, & debitè educandam. si quis velit definire primo modo, dicet: Matrimonium est contractus inter virum, & vxorem, verbis vel signo confectus, exprimens consensum traditionis corporum ad filiorum propagationem. hac definitione definitur matrimonium vt est contractus quidam, & officium natu-

naturæ, ut autem est sacramentum, definitur sic. *1. Maiore in 4. d. 26. q. 1. est signum sensibile, quo vir & mulier legitimo consensu præiudicium inuicem coniunguntur. Vel sic: est sacramentum indissolubilis coniunctionis viri, & uxoris. Sot. in 4. d. 27. q. 1. art. 1. Candelabr. de matrim. num. 4.*

Tertium dubium. quomodo inter se differunt matrimonia. Resp. Matrimonium validum, & legitimum, est duplex: quodam non ratum, & est matrimonium inter infideles, inter quos verum est matrimonium; sed non ratum, quod tantum, est inter infideles; quia præter firmitatem quam habet ex contractu naturali, habet etiam aliam firmitatem quarens est sacramentum; *quos enim Deus coniunxit, homo non separet hoc dicitur in hoc. III. in cap. quanto. de diuor.* Rursum, utrumque matrimonium est duplex; idest consummatum, & non consummatum, nec dicitur consummatum quia ad rationem sacramenti faciat consummatio, sed quia est duplex actus matrimonij, & illud quod non est consummatum solet aliquando vocari sponsalia; quamuis communis sit ut sponsalia dicantur promissa de futuro matrimonio. Sed bene aduertit Panorm. cap. penult. de sponsal. ad tollendam istam ambiguitatem vnum vocari sponsalia de presenti, aliud de futuro. aliud est inter non baptizatos, & dicitur coniugium naturæ, & contractus naturalis, aliud est inter baptizatos, & est sacramentum. Item, aliud est fictum, aliud verum, veri, aliud validum, aliud invalidum, validi, & aliud legitimum, aliud illegitimum, aliud absolutum, aliud conditionatum. Sylu. verb. matrimonium. Agamus nunc pro prima parte huius capituli de matrimonio ut est in officio naturæ, de quo Sot. in 4. d. 26. q. 1. & 2. d. Tho. Viguerius. Candelabr. num. 6. & alij. ut officium naturæ fuit institutum à Deo *Gen. 2. propter hoc relinquet homo patrem, & matrem suam, & adhaerebit uxori sue.* Indissolubilitas autem matrimonij instituta fuit cum Adam diuina inspiratione dixit, *erunt duo in carne una, &c.* concil. Trid. sess. 24. cap. 1. de sacram. matrim. & significatur etiam Matth. 19. quare autem fuerit institutum, vide concil. Colon. cap. 2. Catechis. Rom. de matrim. Candelabr. de matrim. nu. 10. Vnde de hoc matrimonio ut est officium naturæ, sit

Quartum dubium. An matrimonium secundum ius naturæ sit licitum. Resp. Aliqui hæretici dixerunt nuptias esse illicitas

licitas tribuitur hic error Tatiano discipulo Iustini martyris, & fuit auctor hæreticorum qui dicti sunt Enekratitæ, quamvis Hierony. l. 1. contra Iovin. tribuat Marcioni. fuerunt etiam quidam dicti Adamiani, qui dixerunt, quod si Adam non peccasset, non fuisset matrimonium, sed alia via fuisset propagata soboles humana. Alij contra dixerunt, matrimonia esse tollenda. tribuitur id Socrati, & Platoni in l. de republica. idem tribuit Nicolaitis, dicti à Nicolao, occasione sumpta, quam vide apud Euseb. l. 3. cap. 9. taceo impudicos Adamitas sub suo dñe Piccardo. & impudentissimos Vuaidenses. Contraria tamen sententia est omnium catholicorum. Ideo Dico, Matrimonium est de iure naturæ, & consequenter eius usus licitus est. & bonus. explicatur prima pars, & Nota quod loquor de matrimonio quoad substantiam; nam quoad multos riteus est de iure ecclesiastico. Secundo nota, dupliciter aliquid esse de iure naturæ, vel dici naturale: aliquid quod est necessarium, & de necessitate naturæ, ut est naturale elementis ferri sursum, vel deorsum, aliud est ad quos naturæ inclinatur. Matrimonium non dicitur iuris naturæ primo modo, sed secundo. Tercio nota, quod dupliciter etiam aliquid est de iure naturæ, vel ut principium per se notum, aut evidenter deductum, aliquid verò quod licet non tam evidenti illatione inferatur, probabile tamen, & certa apud sapientes; & hoc secundo modo matrimonium est iuris naturæ. nunc probatur prima pars: Primo, quia natura dicitur homini ut mas, & femina simul cohabitent, non solū ad procreandam prolem, sed etiam nutriendā ad hoc etiam est necessarium vinculum matrimoniale. Secundo, inclinatur homo naturaliter ad mutua obsequia in re domestica, & æconomica, quæ mas & femina præstent. Tercio, si nō essent certa matrimonia, non esset certitudo filiorum, unde esset maxima confusio, & præiudicium toti mundo. Quarto, probatur ex 8. Ethic. cap. 11. & 1. politic. ubi ait philosophus matrimonium competere homini non ex electione, sed ex natura. non vult autem negare electionem in matrimonio, & 1. æconom. cap. 3. idem legitur. Plato l. 3. de legib. non probat communitatem vxorum. & l. 6. docet leges matrimonij, & l. 8. tradit adulterium esse contra ius naturæ. ex his infero fornicationem simplicem, & concubinatum non solum esse contra ius diuinum, sed etiam contra ius naturæ; quia impeditur finis matrimonij,

monij, svt patet in meretricibus. Nec obstat, quodd aliqua
 barbara gentes videantur ignorasse; quia cum sit iuris natu-
 ræ secundo modo, nihil mirum est si vitij multis iudicij lumen
 obscurauerint; atque hæc de causa Apostoli prohibuerunt for-
 nicationem, non quasi non sit contra ius naturæ, sed quia mul-
 tis vitij obscurati, declarare id opus erat. Secunda pars pro-
 batur; quia sequitur ex prima. Secundo, quia in statu innocen-
 tiæ Deus creauit vtrunque sexum. & Christus interfuit nuptijs.
 Idem habetur 1. Tim. 4. & 1. Cor. 2. & hebr. 12. Tercio, stultissi-
 ma est illa hæresis; quia totus mundus est ex matrimonio. &
 euangelium quod maxime commendat virginicatem, dicit hoc
 non esse omnium, sed quibus datum est à patre. d. Tho. q. 43. in
 addit. art. 1. Scot. in 4. d. 26. q. 1. art. 1.

Quintum dubium: An aliquo modo matrimonium sit in-
 præcepto vel nunc, vel alio tempore. Resp. conueniunt com-
 munitè doctores in principio mundi, & post diluuium,
 fuisse matrimonium sub præcepto aliquando. sed dubium est,
 an illud præceptum fuerit reuocatum, quando, & quomodo.
 Riccardus in 4. d. 26. circa tertium principale. q. 3. dicit fuisse
 reuocatum in lege nostra, consensit Castro. d. 14. contra hæres.
 tic. Virginitas. Alij tenent non fuisse reuocatum, sed manere
 etiam nunc; non tamen obligare cessante necessitate. d. Tho. in
 addit. q. 43. art. 2. ad 1. Ledes. ibid. Scot. in 4. dist. 26. quæst. 1.
 art. 2.

Sextum dubiū: An iure diuino positiuo Deus instituerit ma-
 trimonium. Resp. conueniunt omnes vt est in officiū naturæ esse
 institutum à Deo; sed dubitant, an etiam sit à Deo institutum
 in remedium concupiscentiæ. negat Scot. in 4. d. 26. q. vnica.
 Alij concedunt & Scot. supra tenet fuisse institutum ibi, *crecite,
 & multiplicamini*. Palud. in 4. d. 26. q. 1. ibi, *hoc nunc os de offi-
 cibus meis*. &c. Dico, Matrimonium etiam ex iure diuino à
 Deo institutum est; non solum in officiū naturæ, sed etiam
 in remedium concupiscentiæ. probatur prima pars: Primo,
 quia totum ius naturæ in homine est à Deo auctore, sed ma-
 trimonium est ioris naturæ. ergo &c. Secundo, quia Deus crea-
 tor vtriusque sexus inspirauit Adæ. *nunc os de offibus meis*,
 &c. Vbi tria bona matrimonij tanguntur: eius indissolubili-
 tas, fides, & proles. Confirmatur ex Matth. 19. *non legistis
 quia Deus à principia fecit masculum, & feminam* & conclu-
 dit,

dit, quos Deus coniunxit, homo non separet. ex his inferuntur duo: Primum est, errorem esse & hæresim dicentium in statu innocentie non futurum matrimonium. Secundum, hanc institutionem quoad substantiam matrimonii fuisse per internum dictamen naturæ. cognouit enim hoc Adam, inspirante Deo; sicut cognouit etiam singulas naturas animalium. fuit autem expressa illa institutio quantum ad naturam per illa verba; *propter quod relinquet homo, &c. quoad præceptum autem & obligationem, per illa verba; crescite, & multiplicamini.* Secunda pars probatur ex 1. Cor. 7. *propter fornicationem autem, &c.* Confirmatur; quia hoc quod concedit Paulus ex institutione naturali, vel diuina positiua, vel humana. si primum, vel secundum, habeo intentum. si tertium, ergo ubi esset talis lex, non liceret; quod est falsum. Secundo, probatur ex August. l. 9. in Genes. ad liter. cap. 7. *quod sanis est in officium, & agrotis est medela.* Petes. ubi, aut quando fuit institutum matrimonium in remedium concupiscentie. Resp. etiam in paradiso terrestri, per internum instinctum, quando Adam, & Eva peccauerunt, & erubuerunt; & sic ubi doctores dicunt nuptias extra paradysum institutas, intelligunt quoad consummationem sic intelligit Hierony. l. 1. contra Iovinian. & August. l. hypenost. cap. 4.

Septimum dubium. An pluralitas vxorum sit contra ius naturæ. Resp. prima opinio dicit esse omnino contra ius naturæ. ita Aureol. apud Capreol. d. 33. Secunda opinio ait, non esse contra ius naturæ primum, sed secundarium. d. Tho. in addit. q. 67. Riccar. Palud. Capreol. & maior in 4. d. 33. Tertia, est hæresis quam habent Anabatistæ dicentes, etiam nunc licere habere plures vxores. Caiet. verò licet longè distet ab his, tamen cautiùs debuisset loqui in Marc. cap. 10. & Matth. cap. 19. dicens, legem de vnitae vxoris non inueniri in canonicis scripturis. Quare dico, non solum vnā mulierem habere plures viros, est contra ius naturæ; sed etiam pluralitas vxorum, licet diuersimodè. Imo est contra ius diuinum, & humanum, præsertim in lege noua. explico, & Nota primo quid sit ius naturæ; quod Deus & natura in necessarijs non deficient, Vnde omnibus rebus indiderunt aliquas formas naturales quibus commodè suos fines assequerentur. & omnis alijs rebus sensibilibus, dederunt potentias apprehensivas, & appetitiuas

titivas, & in his quasdam congenitas, & innatas apprehensiones, & appetitiones, quibus mediantibus suos fines consequerentur. est ergo ius naturæ quædam apprehensio, vel conceptio naturalis in homine in parte apprehensiva; dico *in homine*; quia licet in potentia apprehensiva cæterorum animalium sint apprehensiones, illæ non dicuntur ius naturæ; quia illa animalia non ducuntur ratione, vel electione, sed tantum instinctu naturæ. Dico *conceptionem, vel apprehensionem*; quia ius naturæ propriè loquendo non significat appetitionem, nec est in parte appetitiva, & affectiva, sed in apprehensiva. ius enim significat regulam, & legem quæ pertinent ad partem apprehensivam, & cognoscitivam. Dixi *naturalem*, quia in homine possunt esse multæ apprehensiones quæ sunt iuris positivi, vel alterius generis. est autem hoc ius naturæ duplex, quodam primum, & strictius; quodam secundarium, & largius. discrimen autem magnum est inter utrumque; nam primum continet quædam principia per se nota, vel conclusiones evidentes ab illis deductas, vel deducibiles. secundum verò continet alia non ita evidenter deducibilia. primum statim apparet habere vim obligandi. secundum non ita. primum ubique & semper immutabile est; & secundum aliquos etiam indispensable secundum Dei potestatem absolutam; secundum verò potest mutari, & dispensari. In primo, nulla consuetudo excusat. in secundo, verò lex humana, & consuetudo excusat. Dices; ergo una mulierem habere plures viros, est contra ius naturæ; sed pluralitas vxorum non est contra primum, sed contra secundarium. probatur primum de pluribus viris; quia pugnat cum prole omnino, & pugnat cum pace, & æconomia domestica; & tollit certitudinem filiorum, quæ est ruina totius mundi. probatur secundum de pluralitate vxorum; quia non est per se notum, & evidens; alioqui & iudæi, & multi gentiles id advertissent. nec pugnat directè cum finibus matrimonij, & est aliquando dispensatum, quod non accidit in primario iure naturæ. Tertio, probatur quod hæc pluralitas sit contra ius naturæ secundarium; quia non convenienter generatur, & educatur proles tam circa corpus, quam circa animam. nec benè educantur tot filij, nec benè potest illis provideri, & æconomia non tam benè se habet. Quarto, probatur quod sit contra ius diuinum. & dixi *saltem in noua lege*, quia aliqui tenent etiam

id veteri fuisse contra ius diuinum dispensatum in aliquibus; quod ego non credo, ut inferius dicam. probō ergo primo, in statu innocentie ex pacto Dei; quia tunc Deus non dedit Adam plures uxores, sed vnam; dicente scriptura, *adhibebat uxorem suam*, in singulari. Confirmatur ex Hieronymo in Mattheum, 19. & Chrysostomo hom. 63. in Mattheum. & Theodoro ibidem & Innocentio III. in cap. gaudemus. de diuor. Item probatur ex Mattheo, 19. ubi Christus reuocat matrimonium noue legis ad statum innocentie; ibidem dicit Christus, *ego autem dico vobis, quicumque vnam dimiserit uxorem, & ducit aliam, moechatur.* & ibidem ait, quod vna dimissa, non licet aliam ducere; ergo tanto magis retenta, & ad Rom. 7. relicto viro, non potest cum alio contrahere. 1. Cor. 7. *Qui unusquisque propriam uxorem habeat, &c.* & addit, *his qui matrimonio iuncti sunt, præcipio, &c.* & ibidem solutus est, *quærens, noli querere uxorem, &c.* Hæc dixi propter Caietanum, qui negabat in canonicis scripturis non inueniri hoc præceptum. Quinto probatur esse contra ius canonicum, & humanum, ex Nicolao primo ad Regem Lotarium habetur cap. an non, 1. q. 3. Innocentio III. ad Philippum Regem Gallie. & in epistola ad Tiberiadem Episcopum. & habetur cap. gaudemus. de diuor. & cap. si quis, 1. q. 7. ex his infero primo, Papam nullo modo posse in hoc dispensare; quia non habet potestatem supra ius diuinum. Secundo, non posse conjugem transire ad secundas nuptias quando non est certa de morte prioris. ut habetur cap. in præsentia. de sponsalibus. & est Clementis III. quod si quis dubitans contraxit credens probabiliter esse mortuam, debet deponere dubium quantum ad reddendum debitum, non autem potest nec debet petere. Petes, quid dicendum de matrimonijs infidelium post aduentum Christi. Resp. primo, alia matrimonia præter primum non sunt valida; quamuis aliqui teneant esse valida, ex eo quod pluralitas non sit contra ius naturæ primarium, & ipsi non obligantur lege evangelica. tamen dico primo, matrimonia alia etiam in gentilibus non esse valida, ut diximus. probatur; quia licet ipsi gentiles non teneantur ad præcepta evangelica, quæ sunt omnino supernaturalia, tenentur tamen ad ea quæ sunt determinationes iuris naturalis, ut est hoc præceptum. Dico secundo, excusari ut plurimum gentiles à peccato. tum quod non norint legem evangelicam; tum etiam consuetudine apud eos vigente in.

in contrarium. & hæc sententia videtur esse Innocentij cap.
gaudemus de Diuort.

Octauum dubium. An secundæ, ac tertiæ nuptiæ, & deinceps, sint conformes iuri naturæ, vel sint prohibiti. Resp. fuit hæresis Montani negantis secundas nuptias; quam tenuerunt Cataphryges, & Nouatiani; & eandem habuit Tertull. cuius liber adhuc extat de monogamia. ego dico, quod secundæ, ac tertiæ nuptiæ, & deinceps, sunt legitimæ, ac verè matrimonium. probatur primo ex Deuter. 17. Confirmatur exemplo Ruth quæ fuit sanctissima. & Saræ. Secundo, ex Paulo ad Rom. 7. & 1. Cor. 7. Tercio, eisdem rationibus probantur secundæ nuptiæ, quibus & primæ. ex his inferes, leges illas tiles quæ prohibent cum pœnis secundas nuptias, esse abrogatas per cap. cum secundæ. de secundis nupt. Intellige autem illas leges, & pœnas esse abrogatas; quæ ideo dantur eoquod mulier testinet ad secundas nuptias. nam aliæ leges, & pœnæ quæ in præcedentis viri fauorem sunt statutæ, non sunt abrogatæ.

Nunc pro secunda parte huius capitis agamus de Matrimonio vt sacramentum est. ideo fit

Nonum dubium. An matrimonium sit sacramentum. Resp. affirmât, & cōueniunt omnes catholici. negant Lutherus, & caluinus. Dur. verò in 4. d. 26. q. 3. licet non cōueniat cū hæreticis, tamē l. berius loquitur; dicens nō conuenire vnituōē cum alijs sacramentis. Quare dico, Matrimonium esse verè, ac propriè vnū de sacramentis nouæ legis. est de fide, & probatur primo, ex scripturis. 1. Tim. 2. *Saluatur mulier per filiorū generationem, quia ante filiorum generationem verè est matrimonium.* & nihil aliud vult dicere Paulus; nisi quod debite exercendo matrimonium, saluantur. & ad ephel. 5. *sacramentum hoc magnum est, ego autem dico in Christo, & ecclesia.* quæ locus habet hunc sentum; ego dico, idest significat vnionem Christi, & ecclesiæ; ideo hoc sacramentum magnum est. & quia Christus cum ecclesia vnitur per gratiam, ideo significando Christi, & ecclesiæ vnionem, significat etiam gratiæ sanctificationem. & quia hæretici hoc negant; standum est expositioni patrum, sic enim exponit locum illum Hieron. Ambr. Theophyl. Echemen. & alij. Secundo, probatur ex patribus. & præter citatos, est Tertull. 1. 2. ad uxorem. Siricius epist. 1. Nicolaus I. ad consulta Bulgarorum. August. 1. de fide & oper. cap. 7. dicit, in cini-

tate Dei, & in monte sancto eius, idest in ecclesia non solum matrimonij vinculum commendari, sed etiam sacramentum, & l. de nupt. & concup. cap. 19. dicit non solum fecunditatem, nec tantum pudicitiam, sed etiam sacramentum nuptiarum, commendari fidelibus coniugatis & l. de bono coniug. cap. 18. in nuptijs plus valet sanctitas sacramenti, quam fecunditas prolis. Athan. l. 1. de Virg. Methodius in symposio Virginum, Bern. ser. 66. in cant. Tertio, probatur ex concilijs, ex Carthag. III cap. 3. ex Constanf. contra Ioannem Hus. ex Flor. in vniopne Armen. & Trid. sess. 24. can. 1. de sacram. matrim. d. Tho. in addit. q. 42. art. 1. Sor. in 4. d. 26. q. 2. art. 1. Victor. q. 241. de matrim. candelabr. num. 4.

Decimum dubium. An matrimonia quæ erant ante Christi aduentum siue in statu innocentiz, siue in lege veteri, & etiam nunc inter infideles sint sacramenta, nec nē. Resp. Decanus Louan art. 18. dicit, pluri nos sentire, matrimonium ab ipsa mundi constitutione fuisse sacramentum & etiam gratiam contulisse. Castr. de hæret. verb. Nuptiz. tenet in lege veteri fuisse sacramentum, non tamen contulisse gratiam. Adrian. in tract. de matrim. dicit matrimonium etiam inter infideles esse sacramentum. Communis opinio est solum esse sacramentum in lege noua inter Christianos tantum. Sor. in 4. d. 26. q. 2. art. 3. Quare dico, quod neque in statu nature, aut innocentiz, neque in lege veteri, neque etiam nunc inter infideles matrimonium aut sacramentum fuit, aut gratiam contulit. explico conclusionem: alibi sacramentum largè sumptum significare omne signum rei sacræ quocunque modo: at si propriè sumatur, significat aliquod signum sacrum institutione diuina institutum, vt religionis symbolum significans gratiam, siue illam conferat, siue non. & per hoc multa sunt excludenda à propria ratione sacramenti; vt serpens æneus, qui erat signum mortis Christi, &c. non tamen erat sacramentum. Dico ergo, quod matrimonium in statu innocentiz, & formatio Euzæ à Costæ, Adami signa erant rerum sacrarum, sed largo modo erant sacramenta. non propriè. Probatur conclusio. primo de statu innocentiz; quia in illo statu vniuersaliter teneo non fuisse sacramenta. nam sacramenta sunt signa imperfecti status. & quia tunc vna fuisset omnium religio. Secundo, probatur de lege veteri; quia non video in lege veteri illa matrimonia fuisse institu-

instituta tanquam aliquid pertinens ad cultum, & religionem, sed solum ut contractus quosdam naturales. Tertio, quòd non causarent gratiam, certius est; cum quia concilium Florentinum in hoc distinguit sacramenta nouæ legis à veteribus. & Trident. sess. 24. dicit, per Christum in lege euangelica matrimonium præstare gratiam veteribus connubijs. Dices, An possint dici matrimonia antiqua contulisse gratiam? Resp. primo quòd Deus ex merito, & opere operantis daret gratiam, iuxta dispositionem illorum, certum est quòd dabat; quia matrimonium etiam de lege veteri erat institutio diuina; ergo erat necessarium, & conueniens, ut Deus concurreret cum illo actu. Secundo, quòd ex vi matrimonij aut sacramenti daretur gratia, hoc non credo posse dici propter dicta in concilio Trid. Tertio, si quis diceret, quòd matrimonium erat sicut circuncisio, idest, ad quorum præsentiam Deus gratiam dabat ut conditio, sine qua non non, quamuis non videam esse temerarium, tamen videtur mihi falsissimum. Quarto probatur, quòd licet apud infideles sit verum matrimonium, ut patet ex cap. de infideli. de consangu. & affin. & cap. gaudemus. de diuort. non tamen est sacramentum nisi latissime sumptum, quia Innoc. III. cap. quanto. de diuort. dicit matrimonia infidelium, esse verè matrimonia, non tamen rata, idest non sunt sacramenta. nam principium omnium sacramentorum est baptis-mus. & licet dicto cap. gaudemus. dicatur sacramentum coniugij esse commune inter fideles, & infideles, ibi tamen sacramentum largè sumitur, ut dictum est.

Vndecimum dubium. An omne matrimonium inter Christianos sit sacramentum. & potest dubitari de clandestinis, quæ nunt sine sacerdote, & de illis quæ fiunt per procuratorem. Resp. Canus l. 4. de locis theologicis. cap. 5. tenet non esse sacramentum illud matrimonium quòd fit sine sacerdote, citat Gugliel. parisi. tract. 3. q. 1. & d. Tho. l. 4. contra gent. cap. 78. Caiet. q. 1. de matrim. tomo 1. dicit matrimoniū per procuratorem factum non esse sacramentum, & concordat cano in rele&. de sacram. in communi in prima parte, post tertium, fundamentum. & Viguerius in institutione theologica cap. 16. §. 7. & Victor. in summ. num. 246. Communis opinio est, matrimonium inter Christianos esse sacramentum. Couar. in 1. p. epit. cap. 1. num. 3. Sylu. verb. matrimonium. 1. & alij.

Quare

Quare dico Omne matrimonium validum inter Christianos est sacramentum, ita ut non possit separari ratio sacramenti à vero matrimonio inter fideles: explico: ante concilium Trid. duo semper fuisse certissima: Primum est, matrimonia clandestina (idest sine sacerdote) fuisse vera matrimonia. Trid. sess. 14. Secundum, matrimonia per procuratores facta, fuisse vera matrimonia. ex cap. si ali. de procur. in 6. quæ etiam nunc valida sunt. Id ergo quod est in controuersia solui est, an illa matrimonia quæ erant clandestina, & ista facta per procuratores, fuerint & sint sacramenta. probatur conclusio primo, ex Trid. supra. ubi duo habet pro nostra sententia: primum est, quod clandestina semper fuerunt valida, & rata. ratum autem est, quod est sacramentum. secundum est; quod matrimonia in lege euangelica præstant gratiam veteribus connubijs. Confirmatur; quia concilium simpliciter definit matrimonium esse sacramentum; & cerè clandestina sunt matrimonia. Secundo, si non erant sacramenta ecclesie, hæc matrimonia, ecclesia debuisset alicubi monere populum Christianum ut id intelligeret; sed nullibi monuit, imo contraria est sententia theologorum; ergo &c. ex his inferitur primo, falsam esse sententiam cani, dicentis verba sacerdotis esse necessaria ad sacramentum; quia in cap. licet de sponsa duorum. dicit Innoc. III. satis esse verba coniugum, & nihil dicit de verbis sacerdotis. & licet Trid. sess. 14. ponat verba quæ sacerdos debet dicere quando contrahitur matrimonium, non tamen sequitur, quod non sit sine illis. Secundo, in sacramento matrimonij non esse principalem ministrum sacerdotem, quia si Flor. requirit ministrum in omni sacramento, & nos diximus sine sacerdote constare matrimonium; ergo sequitur, quod sacerdos (in rigore loquendo) nō est de essentia, nec minister. Probatur; qui ministrant materiam, & formam, sunt contrahentes. non sacerdos; ergo sacerdos nō est in rigore, & verè minister. Dixi *principalem*; quia non est negandum sacerdotem esse ministrum benedictionis, & etiam potest dici minister matrimonij; quia debet dirigere aliquo modo contrahentes. Petes, in quo gradu habenda sit opinio cani, & Caietani. Resp. opinio Canei non caret temeritate meo iudicio. opinio autem Caietani habet probabilitatem; licet sit à me reiecta.

Duodecimum dubium. An Matrimonium per procuratores con-

res contractum sit validum, & sacramentum. Resp. Dur. in. d. 16. q. 3. Caiet. opus. 1. tra&. q. 1. Victor. q. 244. tenent non esse sacramentum, Oppositum tenet Sor. d. 27. q. 1. art. 7. Sylu. verb. matrimonium n. quinto. q. vult. cum Ioanne Andrea. Couar. Candal. num. 23. Pro solutione dico primo, quod à concilio Trid. non est annullatum matrimonium per procuratores; nam omnia quæ statuit ad verum matrimonium, possunt fieri per procuratorem, sicut sunt per præsentiam coniugum. Item, quod ante concilium erat verum matrimonium quod contraheretur per procuratores. patet ex cap. fin. de procur. ergo & nunc; cum per nouum ius non sit sublatum. & ita declarat Greg. xij. consultus à Tolet. Secundo dico, ad hoc aliqua requiritur patet ex dicto cap. finali. Primo, vt procurator ad contrahendum matrimonium habeat speciale mandatum. Secundo, quod non possit deputare alium nisi hoc eidem specialiter sit commissum. Tertio, quod si talis procurator reuocatus est & contrahat, non tenet matrimonium si fiat postquam reuocatum est mandatum. hic adde quartum ex concilio Trid. vt fiat coram proprio parrocho, & duobus saltem testibus, &c. Tertio dico, quod nihil refert verum procurator contrahat hoc, vel illo modo. potest enim dicere, cupio te nomine talis, &c. vel Petrus accipit te per me procuratorem, &c. de quo Sylu. supra. Quarto dico, idem dicendum esse de matrimonio quod fit per literas; sed tamen seruanda sunt quæ statuit concilium Trid. vt scilicet fiat coram parrocho, & testibus; ita doctores citati. Obijcies: alia sacramenta non possunt conferri in absentia; ergo neque hoc. Resp. id esse huic sacramento peculiare; cum enim sit naturalis, & civilis contractus, permanceat in sua natura, nihil obstante ratione sacramenti. Itaque cum materia, & forma eius non sint nisi actus contrahentium; potest in eorum absentia celebrari, dum prædicti consensus per procuratores, vel per literas coniungantur. quod quidem reliquis sacramentis non accidit, vt notat Sotus loco citato. Quæret aliquis, An consensus isti debeant simul convenire, an prò possint esse disiuncti; vt vnus verbi gratia consentiat hodie, alter eras, vel post aliquod tempus. Resp. ex dictis, non opus esse vt sint simul; quia est contractus, cuius natura id non requirit. & hoc patet in matrimonio per literas. intellige tamen dummodo consensus prioris coniugis non sit mutatus; sed

sed in virtute maneat. Ideo si longum tempus intercesserit, re-
integrandus esset consensus; vt notat Sot. ibid.

Decimumtertium dubium. *Quæ sint materia, forma, mi-
nistri, & suscipientes huius sacramenti.* Resp. primo, Cano in-
relect. de sacram. in communi. l. p. post tertium fundamentum,
dicit materiam esse verba coniugum. formam esse verba sa-
cerdotis. Secundo, Palud. in 4. q. 4. art. 3. ad 1. & Couar. p. 2.
cap. 1. num. 8. dicunt materiam esse ipsas personas contrahen-
tes. formam verò verba eorum, vel signa, & nutus. Tertio, Ric-
card. in 4. d. 26. circa quartū principale. q. 1. dicit, verba prio-
ris coniugis sunt materia. posterioris, forma. Quarto, Sot. in
4. d. 1. q. 1. art. 6. & d. 26. q. 2. art. 1. dicit vtriusque coniugis esse
in vicem materiam, & formam. Quinto, Capr. d. 26. q. 1. ad 7.
dicit consensum esse materiam. verba autem vt significant &
exprimunt, esse formam. Sexto, d. Tho. in addit. q. 44. dicit ma-
teriam esse actus contrahentium. formam verò, verba. Quare
dico, quòd Materia huius sacramenti remota sunt corpora
coniugum; quia illa est materia contractus, 1. Cor. 7. materia
autem proxima est ipsa traditio, & receptio corporum; quia
per hanc datur immediatè potestas. d. Tho. in addit. q. 41. art.
1. ad 2. Victor. q. 245. Candelabr. de matrim. num. 4. Forma
sunt verba quibus exprimitur consensus matrimonialis. D.
Tho. supra ad primum. quare sunt duæ partes integrantes ma-
teria, & forma. Ita vt vtraque traditio sit materia, & vtrius-
que verba sint forma; quod necessarium est; quia matrimoniū
est contractus qui fit per consensum vtriusque contrahentis.
Vnde aliæ opiniones patrum non valent: non prima, quia po-
nit verba sacerdotis esse de essentia; quod confutauimus dubio
11. non secunda; quia ponit materiam remotam, non tertiam,
quia posset vterque coniux simul proferre verba. non quarta,
quia confundit materiam, & formam. non quinta. quia consen-
sus ille de se non est sensibilis quale debet esse sacra-
mentum; & licet fiat sensibilis per verba sicut contritio in sacra-
mento poenitentiae, tamen quia hic habemus, quòd possumus
assignare sensibile in se, ergo sequitur nostram sententiam esse
veram. Ministri ante concilium Trid. erant ipsimet contra-
hentes soli. Iam verò vbi prædictum concilium promulgatum
est, necessariò requiritur sacerdos qui eos coniungat; Imoe-
tiam duobus saltem testibus præsentibus; vt habetur in dicto
conci-

concilio sess. 24. cap. 1. de reform. matrim. Candelabr. num. 20. & sequentibus. Suscipientes sunt personæ legitimæ, idest Vir, & femina nullo canonico impedimento impediti. Candel. num. 64. Obijcies; si contrahentes sunt materia, quomodo possunt esse ministri, & suscipientes? Resp. quod materia sunt sola corpora. minister autem, & suscipientes sacramentum, est totus homo. quæ quidem distincta sunt. Secundo obijcies; quod verba non possunt esse forma; quia verba vnius pendent ex verbis alterius; ergo non possunt determinare materiam. Resp. id esse necessarium; quia matrimonium est contractus, qui fit per consensum vtriusque contrahentis. Obijcies tertio, sunt duæ materiæ, & duæ formæ; ergo sunt duo sacramenta. Resp. quod sunt duæ partes integrantes materiam, & similiter formæ. Ita vt vtraque traditio sit materia; & vtriusque verba sint forma.

Decimumquartum dubium. An hoc sacramentum conferat gratiam vt alia sacramenta. Resp. Aliqui iuristæ tenent non conferre. Hostiens. in tit. de sacram. non iterand. & glos. in cap. honorantur. 32. q. 2. idem tenet Dur. in 4. d. 26. q. 3. & dicit esse Magistri sententiam. Quare dico primo, Matrimonij sacramentum siue ratum, siue consumatum, significat vnionem Christi, & ecclesiæ. atque etiam gratiam huius sacramenti propriam quam causat, sicut & ipsum matrimonij vinculum efficit, quod est res, & sacramentum simul. Explico primo, ex eo quod dico ratum, & consumatum, suppono vtrunque esse sacramentum, quod est contra Vvingleff, & Vualdens. cap. 130. qui putauit de essentia matrimonij esse consumationem. cui videtur consentire Gratianus cap. institutum. 27. q. 2. & vterque errauit, ex eo quod nesciuit distinguere inter integritatem, essentialem matrimonij, & eius actum secundum. quod autem copula non sit de essentia matrimonij, est de fide; quia inter Beatissimam Virginem, & Iosephum fuit verum matrimonium, & non copula. Confirmatur ex cap. matrimonium. Vbi Chrysost. *matrimonium non facit coitus, sed voluntas.* & cap. sufficiat. eod. Vbi Nicolaus ait, matrimonium facit consensus. Secundo, supponit conclusio duplex esse principale significatum huius sacramenti, scilicet vnionem Christi cum ecclesiâ, & gratiam. & intellige, quod in sacramentis nouæ legis potest afferri multiplex significatio. sicut verbi gratia eucharistia

est signum passionis Christi, futuræ gloriæ, & præsentis gratiæ. Sed sacramenta principaliter dicuntur signa gratiæ in ordine ad nostram sanctificationem. quod etiam habet hoc sacramentum. Tercio, supponit in hoc sacramento, sicut & in alijs, dari aliquid quod est sacramentum solum, & aliquid quod est res solum, & aliquid quod est res, & sacramentum. Nunc probatur conclusio, quod scilicet significet unionem Christi cum ecclesiâ; ex ephes. 5. *Sacramentum hoc magnum est, ego dico inter Christum, & Ecclesiam.* Petes, An idem significatum competat non solum consummato, sed etiam matrimonio rato, ratio difficultatis est; quia consummatum est magis dissolubile quàm ratum. tum quia Innoc. III. in cap. debitum. de bigamis. dicit, eum qui duxit mulierem viduam, sed non cognitam à priore viro, non esse irregularem, & posse ordinari. & dat rationem; quia coniugium quod non est consummatum, non pertinet ad id quod est inter Christum, & Ecclesiam. tum quia Paulus ad Ephes. 5. dicit, *& erunt duo in carne una. sacramentum hoc magnum est, ego autem dico in Christo, & ecclesia.* Resp. utrunque sacramentum significare unionem Christi, & Ecclesiæ; sed perfectiùs consummatum, quàm ratum. & inde nascitur, quod magis indissolubile sit consummatum, quàm ratum. & nascitur etiam hinc, quod ille non est irregularis de quo loquitur Innocentius. Secundo dico, quod in hoc sensu debet exponi Innocent. III. quod si omnino quis vigeat nolle id concedere rato, dicimus nos non sequi Innocentium, quia illa non fuit definitio. nec textus Pauli, quia illud *erunt duo in carne una*, exponitur à multis doctoribus etiam de rato, & non consummato. sunt enim illi duo in carne una; quia sunt vnum principium, & quia vnâ prolem procreant. & quia habentur tanquam vna persona. probatur secundo, quod hoc sacramentum causet gratiam; quia est sacramentum nouæ legis, vt supra probaui dubio 9. 10. & 11. & patet in noua lege matrimonium fuisse institutum. sacramentum quod confert gratiam ex opere operato; ex concilio Trid. sess. 7. can. 1. de sacram. & sess. 24. cap. 1. & can. 1. de matrimonio. & habetur ex traditione Apostolorum, & ecclesiæ. habet autem vim sanctificandi ex passione Christi; Trid. ibid. d. Tho. in addic. q. 42. art. 3. Soc. in 4. d. 26. q. 2. art. 3. Catechism. Rom. Candelab. verb. matrimonium. num.

¶ Elicitur autem institutum esse hoc sacramentum ex Mat-
th. 19. *quos Deus coniunxit, &c.* & hinc patet effectum huius
sacramenti esse gratiam, qua homo adiuuatur ut benè uti pos-
sit matrimonio, & in Dei gloriam, & ipsius matrimonij indis-
solubile vinculum. Candelabr. num. 13. 15. & 23. quare dicta
gratia sacramentalis non est habitus distinctus à gratia gra-
tum faciente, vel virtutum, vel donorum; sed per illum additur
auxilium infusum per modum habitus. Dixi *per modum habi-
tus*; quia non est auxilium extrinsecum, quicquid velit Soc. in
4. d. 1. q. 3. art. 2. quia remanet dicta gratia suscepto sacramen-
to. tum quia aliàs gratia sacramentalis non differret specie;
quod est contra D. Tho. in addit. q. 42. art. 2. Confertur ergo
gratia dicta ut sanctè illa perficiat quæ pertinent ad tria bona
matrimonij, prolem, fidem, & sacramentum. primo, ad fidem,
non solum pertinet fidelitas, ut scilicet vir propriam cogno-
scat, & non aliam: similiter vxor; sed mutuus amor, conuiuius,
mutua obsequia, & officia. Secundo, ad prolem spectat actus
matrimonialis, educatio prolis, & ut alter sit altero cõtentus,
quæ perficiuntur per gratiam; quia moderatur concupiscen-
tia, iuuantur ad sanctè educandam prolem; ad implendas se-
des cœli. Tertio, ad sacramentum idest ad inseparabilitatem,
iuuantur eadem gratia. de his d. Tho. videndus est. In addit. q.
49. Soc. in 4. d. 31. q. 1. Candelabr. num. 51. ex his inferitur, quòd
contrahentes matrimonium debent esse benè dispositi. hæc
autem dispositio consistit in quatuor: Prima, ut non habeant
conscientiam peccati mortalis, & hoc est de præcepto; quia
ponerent obicem gratiæ sacramenti. confessio autem, & com-
municio triduo ante consumationem quam suadet concilium.
Trid. sess. 24. cap. 1. est de consilio. sicuti etiam hortatur ut an-
te consumationem recipiant benedictionem à sacerdote. &
quia hortatur, non esset peccatum mortale si secus fecerint.
Secunda, dispositio est dirigere intentionem in societatem
mutuam, in amorem religiosæ prolis, & in odium fornicatio-
nis. Tertia, est fidem habere tum erga Christum qui eos con-
iungit, tum erga maiestatem sacramenti, quod repræsentat
unionem Christi cum ecclesia. Quarta, est desiderium gratiæ
huius sacramenti. de quo est videndum concilium Colon. Di-
ces, An recipiens sacramentum hoc in peccato mortali priue-
tur semper effectui sacramentali. Resp. primo, de fide est, quòd

sine gratia contractum matrimonium est validum, si alia ad-
sint; quia aliis in peccato mortali contractum esset iteran-
dum. Secundo, quia sine effectu gratiæ confert vinculum indis-
solubile. qui quidem effectus non pendet à gratia; ergo &c.
Secundo dico, probabile est hoc sacramentum sortiri suum ef-
fectum per subsequentem pœnitentiam; quia alioquin seque-
retur, quòd contrahentes in peccato nunquam possent conse-
qui gratiam huius sacramenti. præterea, quia in alijs sacra-
mentis hoc fit; ergo & in hoc.

Decimumquintum dubium. An carnalis cōtractio sit de in-
tegritate matrimonij. Resp. duplex integritas est in matrimo-
nio, & in quavis alia re. vna quæ cōsistit in essentia rei, altera
quæ attēditur penès operationē. Dico igitur, quòd actus ma-
trimonij nō est de eius integritate primo modo; sed secūdo mo-
do est de eius essentia. per illū enim perficitur, quia assequitur
suū finem. quòd autem sit verū matrimoniū, & sacramentum
sine copula, est de fide; & probatur ex cap. sufficiat. 27. q. 2. &
can. matrimonium. ibid. ex Chrysost. quia matrimonium
non facit coitus, sed voluntas. Item quia B. Virgo contra-
xit verum matrimonium, quæ tamen mansit Virgo. can. su-
præcit. quæst. 2. pulchra videnda sunt apud Sot. in 4. dist.

26. quæst. 2. art. 3. D. Tho. in addit. quæst. 42. art. 4.

Victor. quæst. 246. Candelabr. num. 27.

Decimum sextum dubium. Quenam ætas

requiratur ad matrimonium con-

trahendum? Resp. vide titu-

lum de desponsatione im-

puberum. Candel-

abr. num. 69. &

sequ. Sylu.

verb.

matrim. 5. Nauar. cap. 22.

num. 29. & infra cap.

5. dub. 16. in

fine.

*De his que precedunt matrimonium. idest de
sponsalibus. Cap. II.*



Rimū dubiū. Quid sunt sponsalia. Resp. sunt *promissio mutua futuri matrimonij*. C. no- strates. 30. q. 5. & l. sponsalia. ff. de sponsali- libus. dixi *promissio*, quia solum proposi- tum, aut voluntas contrahendi nō faceret sponsalia, sed requiritur obligatio, & pro- missio, sicut & in voto. quæ promissio de- bet esse externa; in quo differt a voto, non tamen est necesse vt fiat verbis, & multo minus est necessaria stipulatio. argumentum in cap. literarum. de voto. Victor. q. 257. qui non est audiendus cum dicit requiri stipulationem. sufficit enim mutuus consensus; qui tamen includat obligatio- nem. vt tenet Palud. in 4. d. 27. q. 1. art. 1. similiter nec arrha; nec iuramentum sunt necessaria. licet illis firmiora fiant spon- salia illa quæ contrahuntur per verba de presenti. quæ pro- priè sunt matrimonium ratum. Sor. in 4. d. 27. q. 2. art. 1. concl. 1. dixi *mutua*, quia requiritur reciprocos consensus; nam si quis promittit; & non recipiat eandem obligationem, non sunt sponsalia, vt notat Couar. in epit. in 4. decret. p. 1. cap. 1. num. 1. quamuis ex vi promissionis qui promissit, tenetur stare pro- missis. hinc sequitur, quod licet promissio alterius partis sufficiat ad faciendā sponsalia; nisi altera quoque pars tacite; vel expressè idem alteri promittat. Nauar. cap. 22. num. 25. Sor. in 4. d. 27. q. 2. art. 1. concl. 1. Anton. 3. p. cap. 18. & est com- munis. Dixi *de futuro matrimonio*, quia in hoc differunt spon- salia à matrimonio rato; quod fit per verba de presenti. Sor. & Couar. supra. num. 3. hinc inferitur, quod violatio sponsæ al- terius de futuro, non est adulterium; Couar. supra. num. 8. Fe- lin. de sponsal. in principio. & glos. can. quidam desponsauit. 27. q. 2. d. Tho. 22. q. 154. art. 8. vbi docet quid sit adulterium; & had legem Iuliam, de adult. esset tamen circumstantia ape- rienda in confessione; quia notabiliter aggrauat. quicquid di- cat Couar. supra. cap. 1. num. 13. Inferitur secundo, quod spon- sus occidens clericum cum sponsa de futuro iunctum, non

excusatur ab excommunicatione; quia non est maritus, qui tantum excoipitur cap. si verò, il primo; de sent. excomm. & ibi glos. quicquid dicat Couar. supra. num. 12. vide Sylu. verb. matrimonium. l. q. vlt. & verb. sponsalia. q. 1. Panor. in rubr. de sponsal. Infertur vlt. improprie dici sponsalia donaria, & manera, quæ a sponso dantur sponsæ. Couar. cap. 1. num. 2. & sic sumitur. l. Reg. 18. & l. 1. C. de nupt. ex rescrip.

Secundum dubium. Vnde dicuntur sponsalia. & quoduplicia sunt. Resp. primo, sponsalia dicta sunt à spondendo, eoquòd esset mos apud antiquos stipulari, & spondere sibi vxores futuras. l. 2. ff. de sponsalibus. Vel sponsores, ac fideiussores in hoc habere. Aulus Gell. l. 4. cap. 4. Tripliciter autem vsurpatur hoc nomen: aliquando pro muneribus, vel alijs rebus pertinentibus ad rationem matrimonij. 2. Reg. 18. *non habet Rex sponsalia necesse, &c.* aliquando pro ipso matrimonio rato, & non consumato. & sic coniuges ante matrimonium consumatum vocantur sponsæ, quæ ratione Orig. 27. q. 2. dicit B. Virginem non esse vxorem Ioseph, licet dicatur. quod nisi ita intelligatur, falsissimum est. & ista solent vocari sæpe sponsalia de presenti. Aliquando sumitur hoc nomen pro ipsa promissione futuri matrimonij, & ad explicationem, & ad tollendam æquocationem, solent addere sponsalia de futuro. Secundo dico, quædam sponsalia sunt absoluta, quædam conditionalia; & illa aliquando nudè fiant; vt, ducam te in coniugem; aliquando cum iuramento; aliquando cum aliqua interpositione arrhæ, vel pœnæ. est autem arrha, pignus in confirmationem datæ fidei. Item, sponsalia aliqua sunt certa, vt cum vnus vni dat fidem. aliqua incerta, vt cum quis promittit ex tribus filiabus se ducturum vnam. Item quædam sunt sponsalia in rigore; quædam ex interpretatione iuris. sicuti sunt illa quæ fiunt ante legitimam ætatem matrimonij per verba de presenti. Dico tertio, triplicem esse præcipuum effectum sponsaliorum. Primus, est obligatio ad futurum matrimonium. Secundus, est impedimentum publicæ honestatis, de quò infra. Tercius, habebat locum ante Tridentinum, & nunc habet, vbi illud decretum Tridentini non obligat. nempe, quòd sponsalia accedente consumatione cum affectu maritali, transirent in verum matrimonium.

Tercium dubium. An sponsalia quæ incerta sunt, debeant in

in rigore vocari sponsalia. Resp. aliqui tenent esse propriè sponsalia. Panorm. C. ex literis. de sponsal. & Hostiens. contrarium tenent ibid. gloss. Ioannes Andr. & alij iuristæ. cum quibus concl. probatur ex sponsalibus validis, & veris sequitur impedimentum publicæ honestatis. Trid. sess. 24. cap. 3. sed ex his incertis non sequitur: vt expressè definit Bonif. viij. C. finali. de sponsal. in 6. Neque obstat, quòd videatur definitio sponsaliorum competere his sponsalibus; quia intelligo de promissione certa, & determinata. Neque obstat, quòd qui promissit, maneat obligatus; quia illa obligatio potest nasci ex vi promissionis, etiam si non sint in rigore sponsalia.

Quartum dubium. An sponsalia conditionata sint in rigore sponsalia. Resp. negativè, ex cap. finali. de sponsal. in 6. sed tantum dicuntur sponsalia conditionata, nisi post conditionem. ex eod. cap. vbi vtrunque dicit. & nisi sequatur conditio appositæ, irritantur. & ex illis non oritur impedimentum publicæ honestatis ante conditionem existentem. cap. vnico. §. 2. de sponsal. in 6. peccaret tamen mortaliter qui contraheret cum alia ante aduentum conditionis; quia cum conditio est honesta, tenetur. Non nego tamen quòd accedente copula ante conditionem impletam ante Trid. & vbi illud decretum non esset acceptatum, transire in matrimonium; quia ex hoc intelliguntur iam nolle illam conditionem. C. de illis. & C. per tuas. de conditionibus appositis. non nego etiam quòd qui sic promissit, tenetur expectare conditionem. Dices, quanto tempore? Resp. quantum moraliter arbitrio prudentis requiritur ad implendam conditionem; quo elapso non tenetur amplius, nisi de nouo ratificentur. Dices, an qui promissit sub conditione, teneatur procurare vt adimpleatur conditio? Resp. negativè, nisi se ad id obligauerit. non enim est eadem ratio hic, quæ est de voto illo quod quis adimplere non potest sine alterius consensu, in quo tenetur querere consensum illius. Dices, si pater prius consensit, & postea dissentit, quid agendū? Respondet Soc. in 4. d. 29. q. 2. art. 3. esse standum primæ; quia filius se obligavit. Quid si taceat pater? Resp. si taciturnitas ex signis alijs indicaret approbationem, valeret. si dissentire ostenderet, non valeret. si verò res est dubia, respondet Nauar. cap. 12. num. 63. esse valida. ego dicerem, si conditio fuit non repugnante patre, verum est quòd dicit Nau. si verò fuit con-

sentiente, videtur maius quid requiri. Dices, an sponsalia conditionata dissoluantur per sponsalia absoluta contracta, cum alia antequam impleatur conditio. Resp. affirmatiue, quia talia non sunt sponsalia ante aduentum conditionis. vt patet ex dictis.

Quintum dubium. An sint sponsalia quando quis dicit forminæ, non accipiam aliam vxorem, nisi te? Resp. alij dicunt esse vera sponsalia. alij negant. ego dico, sensum horum verborum esse duplicem; cum enim verba sint ambigua, est distinguendum. primus sensus est conditionalis, si aliquam duxero, te ducam. & tunc non obligatur ad illam ducendam, si nullam velit ducere. alter sensus est, nullam aliam ducam, sed te. & tunc essent absoluta, & vera sponsalia. & quidem si in rigore loquamur, videntur verba illa facere priorem sensum. & ita loquitur Sot. & Nauar. Sed quia in his sæpe attenditur intentio loquentis, seu contrahentium, certum est quod in conscientia sine consensu sunt nulla. in foro autem exteriori aliter est procedendum. Sylu. verb. matrimonium. 2. q. 10. Angel. eod. §. 12. Sot. in 4. d. 19. q. 2. art. 2. Palud. d. 27. q. 1. Adrian. de matrim. dub. 12. Dices, quid in vtroque foro agendum est cum verba sint dubia ita vt non possint discerni an sint de presenti, vel de futuro. Resp. tunc recurrendum erit ad communem acceptionem, & intelligentiam. cap. ex literis, il primo. de sponsalibus. Sot. in 4. d. 27. q. 2. art. 1. Angel. verb. matrim. 2. §. 7. Sylu. eod. q. 9. Couar. decret. 4. p. 1. cap. 3.

Sextum dubium. si quis promittat duabus sororibus vnam illarum ducturum, & illæ respondeant se illum velle in sponsum, an talia sint vera sponsalia? Resp. negatiue, glos. cap. ex literis, il secundo. de sponsalibus. & Ioannes Andr. probatur, quia ad sponsalia requiritur promissio certa vnius ad vnam. & ita tenendum est, quicquid dicat Sylu. verb. matrim. 2. cap. 11. Couar. cap. 4. §. 1. num. 17.

Septimum dubium. An sponsalia contracta à parentibus pro filiis, sint vera, & legitima. Resp. negatiue, quia est expressa prohibitio in iure. cap. 2. de despons. impub. & cap. vnico §. fin. tit. eod. in 6. Sylu. verb. sponsalia. q. 2. Tab. eod. q. 2. nisi interueniat consensus tacitus, vel expressus suorum filiorum. vel in casu grauisimæ necessitatis, qui raro occurrit, nisi inter viros illustres. Dices, si filij teneantur seruare sponsalia

quæ

quæ fecerunt parentes. Resp. non teneri nisi de quadam æquitate, in casu quo filii volunt contrahere matrimonium. neque adest legitima causa dissentiendi à parentibus.

Octauum dubium. An sponsalia possint contrahi per procuratores, per literas, per interuocium. Resp. affirmatiuè. nē matrimonium per procuratores est verum, & validum; ergo multo magis sponsalia, quæ non sunt sacramentum, neque gratiam conferunt; licet aliqui id dixerint, ratione voti sacramenti, vt patet ex dictis. & ex l. sufficit. & l. fin. ff. de sponsalibus. Dices, quid si quis postquam misit procuratorem, mutauit sententiam, & reuocetur mandatum? Resp. certum est sponsalia esse nulla à parte rei. & est sententia communis in vtroque foro. Sylu. verb. sponsalia. q. 2. §. 4. Anton. 3. p. cap. 1. §. 13. Palud. in 4. d. 27. q. 1. art. 2. Secundo dico, iste tenetur seruare, quod procurator nomine suo fecit. ratio est, quia etiam si verè sponsalia non sint, tamen ius naturæ obligat illum vt seruet quod per procuratorem fecit. Tertio dico, si procurator sciuit voluntatem eius mutatam esse, & tamen fecit, ille non tenetur seruare.

Nonum dubium. An sponsalia clandestina sint valida. Resp. esse valida; nec esse irritata à concilio Trid. & statuit sacra congregatio concilij. quare non est necesse fieri coram parcho, & testibus, vt statuit eadem congregatio; & refert Nauar. cap. 20. num. 144. addo tamen peccare mortaliter sic contrahentes. Sylu. verb. matrimonium. 6. q. 7. §. 5. Caiet. verb. sponsalia. Panorm. cap. cum inhibito. de clādest. de spons. & probatur tum ex scandalis, & incommodis quæ inde sequi solent; tum quia est contra ecclesiæ consuetudinem. Dices; an quando excommunicantur contrahentes matrimonium clandestinum, comprehendantur etiam sic contrahentes sponsalia? Resp. negativè; quia sponsalia non sunt matrimonium, vt patet ex dictis. Nauar. cap. 27. num. 141. Couar. epist. 4. p. 2. cap. 1. num. 3.

Decimum dubium. Primo, An qui sponsalia inierunt, teneantur stare promissis sub peccato mortali. Resp. affirmatiuè; Secundo licet nō teneantur ad solutionem pœnz, siqua fortè appositā sit in illo contractu. Tertio, in vno tamen casu licebit à promissione recedere etiam sine causa, videlicet quando facta sunt spōsalia ante pubertatē, & ueniēs ad pubertatē, reclamant.

Quarto, ecclesia vero non solet, nec debet cogere istos ad contrahendum matrimonium. Probatur primum, quia omnis promissio voluntaria, & deliberata, (præsertim rei grauis) de iure naturæ obligat sub peccato mortali; nam alioqui conuiuius humanus, & politicus periret. Secundum, quia est prohibitum in iure apponere pœnam in sponsalibus. & pœnam appositam ius inuadat. C. gemma. de sponsalibus. & l. finali. C. de sponsalibus. Ratio est, propter libertatem matrimonij. non tamen per hoc, ius reprobat quin arrhæ possint dari etiam cum conditione, quod perdantur illi quem pœnitet contractus. Dices; nonne hoc etiam est pœna? fateor. sed hoc ius concedit; illud non. & ratio disparitatis est; quia homines sunt magis considerati in arrhis dandis de præsentī, quàm in appositione pœnæ de futuro. Tertium probatur, in quo aliqui tenent solum, in foro exteriori id valere. gloss. C. de illis. de spons. in pub. & Carthus. in 4. d. 27. q. 3. propter hanc rationem, quia observatio promissi est de iure naturæ, cui ius positium non potest præiudicare. Alij verò tenent in quolibet foro id licitum esse, & talia sponsalia reclamante eo qui venit ad pubertatem, esse inuadida. hanc videntur tenere communiter doctores; qui dicunt hunc vnum esse vsum in quo dissoluantur sponsalia. & non distinguunt de foro interiori, & exteriori; & hoc teneo. & probatur C. de illis. & à nobis. & attestaciones. de despon. in pub. & expressè dicunt in tali casu dissolui sponsalia. nec distinguē de foro; ergo in omni foro sunt inuadida. Cōfirmatur; quia si id nolisset dicere, debuisset alio modo loqui; vt videlicet nō sunt cogendi. aut simili. Itē, quia aliàs ecclesia videretur dare occasionem peccandi; quia cum cōcedat hęc sponsalia esse inuadida in fauorem reclamantis, si alter reclamando peccaret, videretur ei data occasio. Item, ecclesia iustis de causis dissoluit hęc sponsalia in hoc casu; nempe propter libertatem matrimonij vt habeat bonos exitus, & in fauorem puerorum qui non sunt tanti iudicij. & eadem causæ quæ mouerunt ecclesiam, possunt excusare à peccato istum quem pœnituit, &c. Neque obstat ius naturæ; quia ex eodem iure naturæ nascitur hoc privilegium quod dicimus. Ille verò qui promissū saltem implicite, non intellexit præiudicare sibi in his quæ possunt sibi secundum ius naturæ concedi. Cōfirmatur; quia idem est de contractu quem facit pupillus minor ætate cum maiori. nam licet ille contra-

Quis teneat ex parte maioris, potest tamen rescindi ex parte minoris. Contraria tamen sententia probabilis est, & tutior. Quartum probatur, ex C. requisivisti ubi id expresse habetur, & ratio est, quia matrimonia debent habere magnam libertatem, & ista sic coacta non haberent bonos exitus. Unde ecclesia licet avertat illum peccare non stando promissis, & mereri poenam, tamen non vult cogere. Confessarius tamen non debet hunc absolvere. Intellego conclusionem quando ecclesia adverteret esse periculum cogendo illum ad matrimonium. nam si non esset periculum, non video cur non possit moderata aliqua compulsio adhiberi. præsertim quando sunt iurata sponsalia.

Vndecimum dubium. Quinam possint contrahere sponsalia. Resp. q. quicumq; possunt contrahere matrimonium, possunt contrahere sponsalia. cap. præterea. de officio deleg. & docet Sylv. verbo sponsalia. quest. 1. Secundo, pueri ante annum pubertatis possunt contrahere sponsalia (ut patebit) qui tamen contrahere non possunt matrimonium. Tertio dico, sponsalia conditionata possunt contrahi cum infidelibus, ea conditione, si fiant Christiani. Idem dicas de factis cum consanguineis cum ea conditione, si Papa dispensaverit. Adrian. de matrim. dub. 10. Couar. cap. 3. in principio. num. 40. quia talis conditio non est impossibilis; ergo &c. quicquid dicat in contrarium Sylv. verb. matrim. 3. q. 9.

Duodecimum dubium. Quenam ætas requiratur ad contrahendum sponsalia. & an ante illam contracta, sint valida. Resp. Primo, ad sponsalia contrahenda requiri septennium, in utrisque, tam in masculo, quam in femina. ex cap. literas. cap. accessit. cap. ad dissoluendum. de despons. impub. & cap. unico. tit. eod. in 6. & l. in sponsalibus. ff. de sponsal. & est communis sententia. quia tunc præsumitur in illis esse tantum, usum rationis ut intelligant quid faciant. Secundo dico, quod quamvis ante septennium sponsalia non possint contrahi absque peccato, si tamen fiant, & malitia suppleat ætatem, putō esse valida, & inde oriri impedimentum publicæ honestatis. est opinio d. Tho. in 4. d. 27. q. 2. art. 1. & in addit. q. 43. art. 2. ad 7. Palud. d. 27. q. 2. art. 2. ad 3. Anton. 3. p. tit. 1. cap. 18. §. 1. Couar. in ep. it. 4. p. 1. cap. 2. num. 3. Navar. cap. 22. num. 29. Sylv. verb. sponsalia. q. 2. art. 3. explico; certum est in iure esse statum

tempus septennij pro sponſalibus, ſed eſt dubium, quid ſi de facto non ſeruetur, an ſint valida ſicut dicitur de matrimonio. Dixi ſi malitia ſuppleat ætatem, ideſt ſi adſit vſus rationis, quia ſine hoc non tenent ſponſalia etiam poſt ſeptennium. Sunt qui negant talia ſponſalia eſſe valida; inter quos ſunt Riccard. in 4. d. 16. circa tertium principale. q. 1. Panor. C. Iuuenis. de ſponſal. & idem dicunt de hiſ ſponſalibus, quod dicitur de profeſſione religioſorum ante annum 16. Trid. ſeſſ. 23. cap. 15. affirmant eſſe valida. D. Tho. in addit. q. 43. art. 2. ad 3. Ledef. ibid. Sylu. verb. ſponſalia. q. 2. Couar. 1. p. cap. 2. num. 1. & hanc tenet conc. noſtra. & probatur tum ex ſupradictis tum etiam quia in matrimonio malitia ſupplet ætatem, ergo multo magis in ſponſalibus. Neque obſtat cap. literas. & caput accuſat. de deſpons. imbut. in quibus dicitur quòd per ſponſalia facta ante ſeptennium non debet diſſolui matrimonium, factum cum matre eiſdem puellæ; quia hæc & ſimilia capitula videntur loqui in foro exteriori, in quo non videtur fuiſſe vſus rationis ante ſeptennium. Item probatur, ex hiſ ſequi impedimentum publicæ honeſtatis. tum quia illa ſponſalia ſunt valida. tum quia Trid. abſolutè loquitur ex validis ſponſalibus ſequi impedimentum publicæ honeſtatis. tum etiam quia videtur id apertè colligi ex cap. iuuenis. de ſponſalibus. vbi Eugenius definit eum qui duxerat puellam nondum ſeptennem, eſſe ſeparandum à conſobrino eiſdem cum qua ſecundò contraxerat. Dices, quantum ſit illud parum quod remitti poteſt de ſeptennio. Reſp. d. Tho. dicit à quibuſdam determinari ſex menſium. ſed meliùs vt determinetur ſecundum conditionem contrahentis, plus minus. quia in quibuſdam magis accelerat vſus rationis, quàm in alijs; ergo &c. Sot. in 4. d. 17. q. 2. art. ad 3. Dices, An in foro exteriori ſatis ſit inchoato ſeptimo anno? Reſp. negatiuè, vt exponit Couar. ex cap. literas. de ſponſal. impuber. num. 2. dicit tamen eſſe ſatis inchoaſſe vltimum diem in ſeptennio.

Decimotertium dubium. Quis eſt effectus ſponſaliorum. Reſp. eſt mutua obligatio contrahendi matrimonium ſub peccato mortali, niſi ſit legitimum impedimentum. probatur ex cap. 1. de ſponſa duorum. & cap. ex literis. de ſponſalibus. & ex communi ſententia. d. Tho. in addit. q. 43. art. 1. ad 2. Sot. in 4. d. 17. q. 2. art. 5. Sylu. verb. ſponſalia. q. 4. & aliorum. idque ve-

rum est tam de sponsalibus, quam de iuratis. Dices, an sint compellendi in foro exteriori ad contrahendum? Resp. quòd si nullum periculum, vel scandalum immineat, sunt compellendi. cap. ex literis. de sponsal. si autem timeatur periculum, vt vxoricidium &c. non sunt compellendi; quia talia matrimonia solent habere malum exitum. possunt enim hi cedere iuri suo, excipiuntur sponsalia impuberum; hæc enim ante annos pubertatis non dissoluantur eorum consensu. cap. de illis *il primo*. de despons. impub. & ibi glosa.

Decimumquartum dubium. Quæ sunt causæ dissoluendi sponsalia. Resp. prima causa est, si timeatur periculum vxoricidij vel aliud scandalum, vt dictum est dubio præcedente. Secunda causa, religionis ingressus alterius sponsi. cap. veniens, qui cler. vel voueat. & est communis sententia. & probatur; quia si matrimonium non consumatum dissoluitur per hoc, vt dicitur in cap. contra. & cap. ex publico. de conuersione conjugatorum multo magis valebit in sponsalibus. Dices primo, An id etiam valeat in sponsalibus iuratis. Resp. affirmatiue, secluso scandalo. Palud. in 4. d. 27. q. 1. art. 3. cas. 5. & d. 28. q. 1. art. 3. Scot. d. 27. q. 2. art. 1. & l. 7. de iust. q. 3. art. 3. Sylu. verb. iuramento. 3. q. 5. Couar. in epit. 4. p. 1. cap. 5. num. 11. Panorm. & Glos. in cap. cum ipsum. de sponsal. quamuis ibid. alij contra sentiant. & est Scot. in 4. d. 30. q. 2. art. 2. & deducitur ex cap. peruenit. *il secundo*. de iureiur. & cap. 2. de voto. probatur, quia non frangit iuramentum qui in melius commutat. dicto cap. peruenit. Item quia in tali iuramento intelligitur conditio, nisi prius moriatur ciuilitè, quod fit per ingressum religionis; ergo &c. Neque obstat caput commissum. de sponsalibus. vbi dicitur esse tutius prius contrahere, & postea in religionem intrare. nam Resp. primo, vulgi dictum est, quòd putasset tunc violatum esse iuramentum. sic interpretatur Panorm. gloss. Palud. Sylu. & Scot. supra. Secundo dici potest, quòd ille volebat diutius protrahere tempus, & non statim ingredi; ideo illi iniunctum est vt prius contraheret; ita Couar. supra. Palud. dist. 27. q. 1. art. 3. & alij. Dices secundo, An ad dissoluenda sponsalia satis sit ingredi religionem, an verò sit expectanda professio in eo qui ingressus est. Resp. aliqui dicunt requiri professionem. ita Palud. supra. Riccard. in 4. d. 27. q. 2. art. 2. Couar. nu. 11. cit. Oppositum tenet. Maior in 4. d. 27. q. 3. Sylu. verb. sponsalia

falia. q. 10. §. 2. Nauar. cap. 22. num. 36. Soc. d. 17. q. 2. art. 3. po-
 test autem vtraque sententia conciliari iuxta Gabr. in 4. d. 17.
 q. 2. art. 2. casu 6. quod respectu illius qui ingreditur non tolli-
 tur obligatio usque ad professionem; sed respectu eius qui re-
 manet in seculo satis est ingressus ut absoluitur ab obligatio-
 ne sponsalium, cum iam fuerit relictus. & ita tenendum est.
 Tertia causa est communis vtriusque consensus. cap. 2. de spo-
 salsibus. ratio est, quia in omni contractu id est verum; & per
 quas causas aliquid contrahitur, per eandem potest dissolui. &
 addo, quod etiam si aliquis iurasset alteri, se intuitu Dei, & ex
 charitate ducturum illam, potest altera remittere iuramen-
 tum. si autem indeterminatè iurasset aliquam ducere, tunc
 non satis esset si vna tantum remitteret. sicut est de illo qui
 vouit religionem indeterminatè. ab ista causa est vna exceptio,
 quando scilicet ceteri impuberes contraxerunt; nam isti ante puber-
 tatem etiam de communi consensu non possunt soluere spon-
 salia. & patet in cap. de illis. de despons. impub. ratio huius est,
 propter leuitatem puerorum. Quarta causa est votum castita-
 tis factum ante sponsalia. cap. rursus. qui clerici, vel vouentes.
 Nauar. cap. 22. num. 17. Sylu. verb. sponsalia. q. 7. & est com-
 munitis. De voto verò emisso post sponsalia, Resp. si votum fiat
 animo vel religionem, vel sacros ordines suscipiendi, certum
 est licere. & tunc sponsalia dissoluerentur per mutationem
 dicti status religionis. Sylu. q. 7. cit. intellige, nisi absolutè im-
 petrasset dispensationem; quia tunc teneretur stare promissis.
 si verò vouit animo permanendi in seculo, sunt due sententiae;
 vna est, quod dirimantur sponsalia, quia est votum licitum; &
 cum sit de meliori bono. Soc. in 4. d. 17. q. 2. art. 3. cas. 1. Angel.
 verb. sponsalia. §. 40. Ioannes Andr. cap. de illis. de despons.
 impub. Riccard. in 4. d. 17. art. 3. q. 4. cas. 10. & alij. Altera sen-
 tentia est; talia sponsalia non dirimi per subsequens votum
 castitatis sine licentia alterius. Palud. in 4. d. 17. q. 1. art. 3. cas.
 5. Anton. 3. p. tit. 1. cap. 18. §. 2. Tab. verb. sponsalia. q. 10. Ar-
 mill. eod. §. 11. Sylu. q. 7. Nauar. cap. 22. num. 27. ratio est, quia
 alter non potest vouere in praiudicium alterius. Pro solutione
 dico primo, sponsus qui non vouit, potest liberè alteri nubere;
 quia alter vouendo videtur renouasse sponsalibus. Sylu. ibid.
 & alij. Secundo dico, licitum esse vtriusque sponsis post spon-
 salia vouere castitatem; quia est maius bonum. neque obstat,
 quod

quod sit in præiudicium alterius; nam semper intelliguntur fieri sub conditione, ne scilicet impediatur maius bonum. Tertio dico, quod qui vouit castitatem post sponsalia, potest seruare suum votum in seculo; nec tenetur in conscientia ingredi religionem, quod sequitur ex dictis. Dices, quid si talis dum vouit, non cogitauit an illum esset observaturus in seculo, an in religione? Resp. eodem modo iuxta priorem sententiam. Dices præterea, an dissoluantur sponsalia per votum religionis præcedens? Resp. affirmatiue. Nauar. cap. 21. de sponsal. n. 4. Quinta causa est, si post sponsalia interueniat inter sponso aliquam affinitatem in gradu prohibito. ut si alter ex illis cognouit carnaliter alterius consanguineam. cap. veniens. *primo*. de eo qui cognouit consan. &c. Nauar. cap. 21. num. 27. Sot. supra. art. 3. cit. cas. 8. Palud. Anton. Riccard. supra. Sylu. q. 10. §. 10. & cap. si quis. 27. q. 2. ubi habetur, quod si quis cognoscit fornicariè consanguineam sponsæ, non potest amplius contrahere cum sponsa propter affinitatem. & in hac causa sicut & in alijs similibus qui est in culpa quod minus fletur sponsalibus, tenetur recompensare damnum, si quod inde ortum esset. Dissoluantur etiam per superuenientem cognationem legalem, secundum omnes, de qua re infra. Verum circa affinitatem nota, quod ante concilium Trid. talis affinitas contrahebatur vsque ad quartum gradum inclusiue, post verò illud, secundum non excedit, ut patet sess. 24. cap. 4. de reform. matrim. Dices, quid si aliquis postquam contraxit sponsalia, cum una, contrahat denuò sponsalia cum consanguinea prioris sponsæ infra quartum gradum. Resp. post concil. Trid. cum dicta sponsalia sint nulla, ex illis nullum sequitur impedimentum. Imo etiam si essent valida, non oriretur impedimentum, nisi intra primum gradum. sess. 24. cap. 3. de reform. matrim. sed ante concilium oriebatur impedimentum dummodo non essent sponsalia nulla ex defectu consensus, idque vsque ad quartum gradum; cap. 1. de sponsal. in 6. idem secundum hoc ius, est maius dubium, dico tamen quod nec secundum illud oriretur ex dictis sponsalibus impedimentum publicæ honestatis quod dirimeret sponsalia præcedentia, sed solum sequentia, ut habetur dicto cap. 1. & docet Palud. in 4. d. 27. q. 1. art. 3. Sylu. eod. q. 10. Tab. eod. q. 9. Augt. eod. §. 35. ratio est, quia publica honestas inducta, non tollitur per posteriorem. sexta causa.

causa est fornicatio siue sponsi, siue sponsæ. cap. quemadmodum. de iureiurando. & est communis sententia. Palud. in 4. d. 27. q. 1. art. 3. cas. 1. Riccard. art. 3. q. 4. d. Tho. in addit. q. 4. 1. art. 3. ad 3. Sot. d. 27. q. 1. art. 5. cas. 7. Anton. 3. p. tit. 1. cap. 18. §. 1. Sylu. verb. sponsalia. q. 10. §. 7. Tab. eod. §. 9. cas. 6. §. 8. Armill. eod. §. 11. Angel. eod. §. 29. Nauar. cap. 22. num. 27. Couar. epit. 4. §. 3. quod etiam intelligitur de fornicatione spirituali, idest de hæresi, & Apostasia. cap. non solum. & cap. iam nunc. 28. q. 1. hæc enim dirimunt sponsalia, vt docent doctores citati. Idem locum habet in sponso si fornicetur. Abbas dicto cap. quemadmodum. Nauar. Couar. & alij cit. Item hoc procedit etiam si sponsalia sint iurata. vt patet ex cap. quemadmodum cit. & notat Nauar. quia in iuramento intelligitur conditio, nisi contra fidem aliquid fecerit. Sed nota, quod in potestate Innocentis est sponsalia dirimere. vel alterum cogere ad contrahendum; Gabr. in 4. d. 27. q. 2. art. 2. cas. 1. Sot. Sylu. Abbas, Couar. & alij supra. quia alias nocens sequeretur commodum ex fornicatione. Dices primo, si quis post sponsalia secreta fornicatus est secreto cum alia, an possit sponsam nolentem cogere ad matrimonium? Resp. post pœnitentiam posse cogere; quia pœnæ huiusmodi quæ sunt in potestate partis, non incurruntur ipso facto. Cæter. tom. 1. opusculorum, tract. 31. resp. 4. Dices secundo, An possit obijcere alteri fornicationem qui etiam ipse est fornicatus. & similiter sponsa. Resp. non posse; sicut in matrimonio adulter non potest obijcere adulterium vxori; quia paria delicta mutua compensatione tolluntur. l. viro, atque vxore. ff. soluto matrimonio. & ita docet Palud. in 4. d. 27. q. 1. art. 3. casu 1. argumentum tex. cap. nihil iniquius. 32. q. 6. ex quo patet, quod sponsus non potest dissoluere sponsalia ad fornicationem sponsæ, etiam si ipse sit fornicatus. & similiter sicut de redditione debiti, & diuortio infra dicetur. Dices tertio, An si sponsa fuerit per vim ab alio cognita, possit propterea dimitti à sponso. Resp. affirmatiuè cum gloss. in dicto cap. quemadmodum. Couar. cap. 5. num. 2. Nauar. cap. 27. Sot. supra. & est communis. quamuis oppositum sentiant Anton. Tab. supra. & Armill. §. 12. ratio est; quia licet sponsa vacet culpa, tamen ex parte sponsi est causa legitima dissolutionis; tum quia res non est in eodem statu quo fuit, sed est mutata; tum quia id cecidit in grauem infamiam ipsius

ipſius ſponſi. Adde, quòd ſi id accidiffet ante, non contraxiffet cum illa. Dices quarto, Quid ſi fornicatio præceſſiffet ſponſalia, & fuerat ignorata, nunc autem cognita? Diftinguens aliqui, ſi intellexit contrahere cum virgine, fornicatio præcedens ignorata diſſoluit. ſi cum vidua, minimè. & hæc ſecundum confirmant ex cap. quemadmodum. de iurei. r. ubi Innocentius III. dicit ſiquis iurauit ducere in uxorem, non poteſt illi obijcere illi præcedentem fornicationem ſed ſub ſequentem. Ita Anton. 9. 1. cit. Palud. art. 5. cit. Sed alij reſpondent vniuerſaliter, quæcunque illa putaretur mulier ſive Virgo, ſive vidua, quòd præcedens fornicatio ignorata diſſoluit ſponſalia. ratio eſt, quia perinde eſt aliquid de nouo ſuperuenire, ac eſſe præteritum, ſed ignoratum. & hæc ſecunda ſententia eſt vera, & communis. ratio eſt; quia ex hoc etiam ſequitur maxima ſponſi infamia, &c. & ad textum Innocentij, Reſp. debere intelligi quando fornicatio præcedens probabiliter erat cognita, vel poterat cognosci. & non ſolum intelligo de muliere, ſed etiam de viro fornicante. Addo tamen, quòd vna fornicatio poſt ſponſalia in viro diſſolueret, at non ſic de præcedente ſi eſſet vna tantum. Septima cauſa eſt, cum alter ex ſpoſiſ qui contraxerunt ſponſalia, contrahit deinde matrimonium cum alia per verba de præſenti, quamuis nondum ſequuta ſit copula; quia hoc fortius vinculum ſuperueniens dirimit ſponſalia. ita vt liberum ſit alteri (ſi velit) cum altero contrahere. cap. ſi inter virum. de ſponſal. & cap. 1. de ſponſa duor. talis tamen peccaret mortaliter. D. Tho. in addit. q. 43. art. 3. Soc. ſupra art. 3. cit. Nauar. cap. 22. num. 26. Sylu. q. 10. 9. 3. Tab. q. 9. 9. 7. Couar. & alij ſupracit. Dices, An per ſecunda ſponſalia dirimantur prima? Reſp. negatiuè, etiam ſi ſecunda eſſent iurata, ſed non prima. cap. ſicut. & cap. ex literis, ſi ſecundo. de ſponſal. Soc. art. 4. ſupracit. Sylu. verb. ſponſalia. 4. 10. art. 3. Tab. eod. q. 6. Armill. eod. 9. 7. Nauar. cap. 22. num. 26. eſſet tamen iniungenda pœna pro iniuſto iuramento. Dices ſecundo, An ſponſalia conſumata per copulam ſine affectu maritali diſſoluantur per ſubſequens n. matrimonium de præſenti? Reſp. affirmatiuè, quia talia etiam ante concilium Trid. non tranſibant in matrimonium. Nau. cap. 22. num. 28. Sylu. verb. matrimonium. 2. q. 15. Soc. in 4. d. 27. q. 7. art. 4. d. Tho. quodl. 5. art. 15. & alij. nunc autem poſt concilium

lium Trid. sess. 4. cap. 1. de reformat. etiam si copula sit sequuta affectu maritali, sponsalia non transeunt in matrimonium; ideo semper per matrimonium de presenti dissoluantur; ut notat Nauar. cap. 22. num. 28. Dices tertio, Quid si postetiora sponsalia consumantur copula. Resp. ante concilium Trid. talia transibant in matrimonium si copula facta fuisset affectu maritali; talis non. Sor. arc. 5. cit. Couar. cap. 4. num. 10. §. 1. & alij supra. Sed post concilium ubi seruatur decreta de clandestino matrimonio, non esset matrimonium. Nauar. cap. 25. num. 144. Dices ultimo, quid si priora sint conditionata? Resp. dissoluitur per posteriora absoluta. ut dictum est supra, dubio 4. Octaua causa est, quando sponsalia facta sunt post septennium, sed ante annos pubertatis, & alter sponforum veniens ad pubertatem reclamatur, & non vult stare illis sponsalibus etiam sine alia causa; tunc ex privilegio iuris quod datur puberibus, possunt dirimi. quod intellego quando dissentit in ipso tempore pubertatis, non autem post. cap. Illis. *si primo* de despons. impuber. & docent communiter doctores. Sylu. verb. sponsalia. q. 10. §. 17. Angel. eod. §. 37. Nauar. cap. 22. num. 27. casu 6. Anton. 3. p. tit. 1. cap. 18. §. 1. Palud. in d. 27. q. 1. art. 3. casu 10. Riccard. ibid. art. 3. q. 4. Sor. d. 27. q. 2. art. 5. casu 3. Couar. epit. p. 1. cap. 5. §. 1. & alij. Nota primo, id habere locum etiam si sponsalia fuerint contracta a patre pro filia impubere. Neque obstat caput primum, de despons. impuber. Vbi dicitur, quod si filius datus fuerit a patre in matrimonium alicui dum esset impubes, debet illud implere cum ad pubertatem deuenit. Resp. id de honestatis debito intelligi. gloss. ibid. & communiter doctores. Couar. epit. cit. p. 1. cap. 3. num. 5. Secundo nota, idem dicendum est quando impubes contraxit sponsalia cum pubero; nam impubes cum peruenerit ad pubertatem, potest. Tercio, idem dicendum est de sponsalibus ex interpretatione iuris; quae scilicet contracta sunt ab altero sponso impubere, in quo malicia non supplebat aetatem per verba de presenti; haec enim transeunt in sponsalia de futuro. cap. 1. §. 1. de despons. impuber. in 6. quia etiam in hoc casu licet impubes teneatur stare sponsalibus altero volente, tamen impubes cum peruenerit ad aetatem, potest dissentire. Dices, quid si impubes cum peruenerit ad aetatem, consentiat matrimonio, an requiratur etiam nouus consensus alterius, scilicet puberis? Resp.

Resp. affirmatiuè, ut patet ex dicto cap. 1. & notat Couar. dicto cap. 5. §. 2. num. 8. quicquid dicat Sylu. verb. matrim. 3. q. & ratio est; quia alioqui heret matrimonium sine consensu cum primus ille non fuerit satis, ergo &c. Dices; An quando uterque sponsus impubes contraxit sponsalia, ille qui primò pubescit possit statim dissentire? Resp. gloss. in cap. de illis. de despons. 10. puber. dicit, quòd tenetur expectare quousque alter pubescat. Oppositum tamen tenendum est cum Panorm. & præposit. eod. cap. 9. Couar. dicto §. 1. num. 2. & probatur; quia si ille potest dissentire cum alter venerit ad pubertatem; ergo etiam nunc poterit; imò secundum Couar. id debet; quia alias si ille expectaret, sponsalia essent firma. Idem tenent alij quos ille citat; & est communis. Dices secundo; An sine ulla causa etiam in foro interiori possint impuberes discedere à sponsalibus cum peruenerint ad pubertatem. Resp. affirmatiuè, cum Panorm. in dicto cap. de illis. num. 4. Not. in 4. d. 27. q. 2. art. 5. cas. 3. Sylu. verb. sponsalia. q. 10. §. 12. Angel. Tab. & alij, locis cit. Neque oppositum voluit d. Tho. in addit. q. 43. art. 1. ad 2. ubi id saltem non negat. Vbi probatur ex cap. de illis. cit. iuramentum volunt ut impubes cum peruenerint ad pubertatem tunc solum astringantur si non reclamauerint; alioquin astringantur homines ad consensum matrimonij antequam pollerent iudicio, quo possint vinculum matrimonij iudicare; quod est absurdum, ergo &c. Dices tertio; an licet in dicto casu recedere à sponsalibus etiam iuratis? Resp. affirmatiuè; quia iuramentum sortitur naturam & conditionem rei cui adiungitur. argumentum cap. super §. possit sienes. de rebus ecclesiast. alienand. qua de re Couar. in dicto cap. quamvis pactum. de pactis. in 6. p. 1. §. 4. num. 1. cum ergo sponsalia contracta ante pubertatem intelligantur cum hac conditione; ut licitum sit ab illis discedere adueniente pubertate sequitur &c. Dices quarto; An id verum sit etiam si in pubes quando contraxit sponsalia fuerit proximus pubertati? Resp. affirmatiuè; nisi forte tunc malitia suppleat aetatem; quod tunc perinde esset, ac si esset pubes. & idem forte voluit Couar. cap. 5. cit. §. 1. num. 3. & 4. Neque obstat cap. quidam de q. cons. ubi quidam qui ante pubertatem contraxerat sponsalia; iam factus pubes non permittitur dissentire. Resp. nam ille erat aptus matrimonio, quia in eo malitia supplebat aetatem; quòd

patet, tum quia ibi nihil dicitur de adueniente pubertate, tum quia is talis erat, vt compellendus esset ad contrahendum, quare textus non est contra nostram doctrinam. Nona causa est, cum sponsus discedit in longinquam aliquam regionem, seu terram, vt patet ex cap. de illis, de sponsalibus, vbi habetur licere mulieribus relictis, ad alia vota transire si discesserint viri ad alias regiones. D. Tho. in 4. d. 27. q. 2. art. 3. ad 2. Paul. ibid. q. 1. art. 3. casu 3. Riccard. art. 3. q. 4. Anton. 3. p. tit. 1. cap. 18. §. 1. Sylu. verb. sponsalia. q. 10. §. 4. Nauar. cap. 27. q. 2. art. 5. casu 10. Couar. epit. 4. p. 1. cap. 3. num. 7. & alij communiter. Vbi nota tempus esse statutum à iure in hoc, l. 2. C. de sponsis. & l. 2. C. de repudio. nam si est discessus extra prouinciam, datur triennium. Si intra, biennium. quod tempus an in conscientia sit seruandum, dubitant doctores. Hostiens. dicto cap. & Sylu. verb. sponsalia. q. 10. respondent affirmatiue, alij negant, vt Cardinalis in dicto cap. & Couar. Sor. Maior, & alij. & hanc puto esse probabiliorē sententiam; quia cap. de illis. absolute loquitur. tum quia ex quo ille discessit nihil dicendo, videtur renunciasse sponsalia. tum etiam quia illud ius quod statuit illud tempus, hodie est purgatum à iure canonico in dicto cap. de illis. & docet Maior in 4. d. 27. q. 5. casu 10. Sor. dicto cap. 5. cit. Nauar. supra. & Couar. qui id bene deducit. Dices; An absens expectandus sit per aliquod tempus. resp. Sor. supra negat. vult enim licitum esse ei qui deseritur statim transire ad secundas nuptias; vt supra dictum est. Puto tamen, quod tempus quod debet expectari statuendum sit autoritate iudicis ecclesiastici pro ratione circumstantiarum, & periculi, quod ex mora timeri posset. & docet d. Tho. art. 3. cit. Maior, & Nauar. supra qui addit, quod licet sponsus absit cum causa legitima, si tamen iudex præfiniuit illi tempus certum redeundi, & infra illud non redit, sponsalia possunt dissolui. cautè tamen, & non temerè vt monet Hostiens. in cap. de illis. Adde etiam superiora habere locum etiam si sponsalia iurata sint; vt patet ex cap. de illis. cit. vt docet ibi Panorm. & Nauar. num. 26. Sylu. dicta q. 10. §. 4. Nota secundo, quod si sponsus discessisset cum licentia sponsæ, & cum ea conuenit de tempore reditus, certum est totum id temporis expectandum esse, vt notat Sor. supra. Nota denique, quod qui sine iusta causa inuito, vel incipio alterius sponso discedit in regiones longinquas, si intra

si intra opportunum tempus non potest inde redire, peccaret contra fidem sponsaliorum. Neque talis potest contrahere cum alia, nisi sciat sponsam relictam contraxisse matrimonium cum alio, vel alia ratione intelligat se liberatum esse ab obligatione, cum per solum discessum non fuerit liberatus, ut dictum est. Decima causa est, Quando sponsa non assignat dotem promissam, cap. de illis, de conditione appositae. Ita communiter doctores. Maior in 4. d. 27. q. 3. ca. 67. Sylu. verb. sponsalia. q. 10. §. 9. Tab. verb. dos. q. 8. Armill. eod. §. 10. Nauar. cap. 22. num. 27. cas. 12. Couar. epit. 4. p. 1. in principio. num. 4. Ioannes Andr. cap. de illis, & etiam si non promississet dotem, adhuc tamen dissolueret sponsalia, si paupertas sit talis, ut non possit vivere pro statu suo. Idem dicendum est de qualibet conditione non seruata, ut notat Sylu. & nota, quod habet locum etiam si sponsalia sint iurata, ut patet ex dicto cap. de illis. Item, quod non refert an id contingat ob paupertatem sponsae, ut tenet communis sententia; & probant Couar. Sylu. & Nauar. supra. Dices, quid si sponsa non promissit dotem, tempore autem sponsalium erat diues, & postea deuenit ad paupertatem? Resp. quod potest sponsus discedere a sponsalibus; quia promissio, & iuramentum, intelligenda sunt rebus sic stantibus, & non mutatis. Ioannes Andr. in cap. de illis, cit. Angel. verb. sponsalia. §. 33. Sylu. eod. q. 10. §. 9. Nauar. cap. 22. num. 27. cas. 12. Bart. in l. si constante. ff. solut. matrim. ubi dicit, quod in eo casu sponsa videtur tacite promittere omnia bona sua, quicquid in oppositum dicat Couar. cap. 3. cit. num. 1. & gloss. in cap. quemadmodum, de iureiur. Præterea idem dicendum est de sponso qui tempore sponsaliorum erat diues, sed postea si peruenit ei tanta paupertas, ut dignitati sponsae non videatur conuenire, posset legitime sponsa intendere dissolutionem sponsaliorum, ratione dicta. Dices præterea, An sponsus sit cogendus stare sponsalibus quando sponsa que nihil promissit, non vult assignare dotem, cum tamen sit diues. Resp. negativè, cum Baldo in cap. iuravit, de probationibus. limitatur, nisi sponsus sit satis. Dices; quia tunc ipsi imputandum esset, quod sine pacto contraxerit. Ita Couar. in dicto cap. 3. num. 6. Undecima causa est, quando terminus præfixus ad contrahendum matrimonium non sit contractum, ille per quem non stetit, solutus est ab obligatione. D. Tho. in 4. d. 27. q. 2. ar. 3. ad


3. ad 3. & in addit. q. 43. art. 3. Soc. d. 27. q. 2. art. 5. Sylu. verb. sponsalia. q. 10. §. 5. Angel. eod. §. 27. Tab. q. 9. in fine. Annill. §. 12. Nauar. cap. 27. num. 7. cas. 2. Couar. epit. 4. p. 1. cap. 5. num. 8. & alij communiter. Probatur ex cap. sicut ex literis. de sponsal. & ibi gloss. Nota primo, quod si ille per quem non fletit quod minus matrimonium contraheretur de presenti etiam post elapsum terminum velit illud contrahere, ille qui tuit in mora teneretur stare sponsalibus, eaque profiteri secundum omnes. Secundo nota, quod dictum caput sicut ex literis. secundum omnes procedit quando terminus adiungitur sponsalibus ad limitandam obligationem, & ad eam restringendam, ita ut elapso termino spiret; tunc enim extinguitur obligatio: ille enim per quem fletit, tenetur de culpa. quod patet ex dicto cap. sicut ex his quæ ibi adducit Couar. Tercio nota, quod in dubio dictus terminus censetur adiectus restringendi causa obligationem. Sed ubi terminus adiungitur obligationi iam perfectæ, secus est; nam in hoc casu censendus est terminus potius adiectus ad sollicitandum effectum obligationis, quam ad ipsam obligationem extinguendam. ex quo infert Abbas in dicto cap. sicut ex literis. & accipitur ab Angel. Couar. Sylu. & alijs; quod si contractis iam sponsalibus agatur de die nuptiarum, lapsus illius diei non liberat sponsum ab obligatione sponsionis, etiam si ipse eo die esset paratus contrahere matrimonium. atque hæc sunt præcipuæ causæ quibus sponsalia solvuntur. aliæ verò quæ solent assignari, ad præsentem regulam reducuntur. Duodecima causa; si post sponsalia contracta interveniat aliquis casus inopiatu, vel aliquid absurdum quod si præcessisset, nulla ratione vel alter sponsus, vel uterque vellet esse contracta; tunc licitum est sponsalia dissolvere. est Maioris in 4. d. 27. q. 5. Sylu. verb. sponsalia. q. 10. §. 17. Nauar. cap. 22. num. 27. & aliorum. ratio est; quia intelliguntur sponsalia celebrata sub tali conditione, nisi videlicet superveniat aliquis casus inopinatus; alioqui matrimonia haberent infelicem exitum. Primo limitatur dicta regula, quando causa superveniens est talis, ut contrahentes iudicentur esse rationabiliter inuiti circa sponsalia. Si autem causa esset lenior, non essent dissolvenda; licet sit eiusmodi ut si ille, sciisset, nunquam contraxisset. Secundo, id quod iudicabitur quando casus est par, vel maior his qui exprimuntur in iure

tanquam sufficientes ad dissolvendum sponsalia, qualis esset fornicatio, morbus qui reddit sponsum, vel sponsam terribiliter deformem, ut abscissio nasi, vel oculi, vel qui prolem inficere potest; ut lepra, vel morbus gallicus, vel qui coniugem ad onera matrimonij subeunda reddat diutius inopiam, ut epilepsia, vel morbus comitialis, vel paralytis, &c. ut patet ex cap. quemadmodum. de iureiur. & cap. literas. de coniugio leproforum. & docet Palud. supra. q. 1. art. 3. cas. 7. Riccard. art. 3. q. 4. Sot. d. 26. q. 2. art. 3. cas. 9. Sylu. q. 10. §. 6. Tab. q. 2. tex. 3. Angel. §. 28. Armill. §. 12. Antō. 3. p. cap. 18. §. 1. Nau. cap. 22. n. 27. cas. 8. Tercio nota, quod procedit etiam si sponsalia fuerint iurata. cap. quemadmodum. cit. Quarto nota, quod secus esset si morbus vel alia deformitas præcesserit sponsalia, & fuerit cognita secundum omnes. Quinto nota, quod si morbus superveniens nihil aliud tollat nisi pulchritudinem, neque tamen reddat sponsam adeo deformem ac merito debeat generare, etiam si sponso non esset causa legitima ad dissolvenda sponsalia, ut Couar. epit. 4. p. 1. cap. 1. num. 6. Sexto, ex dictis inferitur, inimicitiam supervenientem inter sponso, esse legitimam causam dissolvendi sponsalia, ut docet Palud. Angel. §. 37. Sylu. Sot. & alij communiter locis cit. quia iudicaretur iniuri circa sponsalia, & infelix exitus matrimonij timeretur. Septimo, inferitur esse etiam causam legitimam quando alter sponsus fieret furiosus, vel cognita sit scititia, seu morum asperitas alterius, secundum Panorm. in cap. veniens. qui clerici, vel voventes. Angel. verb. sponsalia. §. 41. Nauar. cap. 22. num. 27. cas. 16. Sot. art. 5. cit. cas. 11. ratio est; quia centerentur iniuri. Octavo inferitur, quod fama canonici impedimenti inter sponso, potest dirimere sponsalia, si tamen sit probabilis. cap. cum in tua. de spons. Sylu. q. 10. cas. 11. Nau. supra. cas. 13. Hostiens. & alij. restat nunc solvere sequens dubium.

Decimum quintum dubium. An quando adest aliqua ex supradictis causis, licitum sit propria auctoritate discedere à sponsalibus; an verò sit expectandum iudicium ecclesie. Resp. d. Tho. in addit. q. 43. art. 3. tenet in duobus tantum casibus nõ requiri auctoritatem iudicis, scilicet cum alter ingreditur religionem, vel contrahit matrimonium de presenti. Pro solutione dico primo, si sponsalia sint occulta. & sponsus sit certus de sufficientia causæ, non esset necessaria sententia iudicis ad illa dissol-

1a. dissoluenda. Ita Riccard. in 4. d. 27. art. 3. q. 1. Palud. q. 1. art. 3. Sylu. verb. sponsalia. q. 1. Angel. §. 42. l. ab. q. 9. Nauar. cap. 22. num. 18. Secundo dico, si quis in tali casu dubitaret de iurisdictionis causæ, non propterea teneretur adire iudicem ecclesiasticum, nisi quando nullus esset doctor quem posset consultare. Tercio dico, si sponsalia essent publica, & causa ad illa dissoluenda esset manifesta tam in se, quam in sufficientia, non esset necessaria auctoritas iudicis. est Riccard. Palud. Nauar. & aliorum supra. Quarto dico, cum Palud. idem dicendum esse quando sponsalia essent publica, & causa dissoluendi illa licet sufficientiens esset, tamen ita occulta, ut non posset probari in iudicio; ut de fornicatione, &c. Intellige tamen dummodo v. scilicet ut scandalum; quo quidem cessante, puto idem dicendum esse, quando causa probari posset, non tamen deferri sine magno, & probabili damno deterentis. Quinto dico, si causa probari posset in iudicio, sed si deferatur, alter infamaretur, vel incurreret magnum detrimentum, tunc primò admonendus esset, priuatim ut dissolutioni consentiat; deinde per parentes; vltimò per Prælati secretam admonitionem; & tandem si non consentiat, deferendum esset iudicio ecclesiastico. Sexto dico, quòd ad dissoluenda sponsalia impuberum quando alter iam pubes dissentit, requiritur sententia iudicis ecclesiastici. Nauar. cap. 22. num. 27. cas. 6. & patet ex cap. de illis. *si primo*. de despons. impuber. quicquid dicat Sor. d. 27. q. 2. art. 5. cas. 3. quare si talis ante sententiam contraheret cum alio, peccaret mortaliter. Dices, An possit dari iuramentum sponso neganti sponsalia secreta? Resp. affirmatiuè, ex gloss. & Panorm. in cap. continebatur de spons. i. n. pub. & Felin. & Couar. in epit. p. 1. cap. 4. §. 1. Dices, Ad quid tenetur qui fide promittit ducere puellam ut illam violet? Resp. tenetur in veroque illam ducere, præsertim si iurauit. cap. 1. & cap. qualiter de pactis. Sylu. verb. luxuria. q. 5. Sor. in 4. d. 27. q. 1. art. 3. ex D. Tho. & Scot. intellige nisi essent valde impares genere, potentia, vel diuitijs, tunc enim deceptor teneretur illi aliter satisfacere, restituendo pristino statui ut potest per temporalia. Nauar. cap. 16. num. 18.

*De causa efficiente matrimonium. idest de
consensu. Cap. 1 1 1.*



Primum dubium. An ad matrimonium contrahendum requiratur expressus consensus de presenti coniugum. Resp. affirmatiue. secundum enim legem ordinariam nullum matrimonium siue naturale, siue supernaturale potest fieri sine consensu expresso aliquo modo. probatur ex concil. Flor. & Trid. sess. 24. cap. 1. de reform. matrim. vbi

requirunt mutuum consensum. & ex cap. cum locum. & cap. tuz. de sponsal. & cap. sufficit & cap. sic quippe. 27. q. 2. can. cum apud. de spons. l. nuptiæ. ff. de ritu nupt. & patet ratione; quia res vnius non potest transire in dominium alterius nisi vel cogente lege, vel ex ipsius domini consensu. l. qua ratione. ff. de acquirendo rerum domin. §. literæ. & alibi. Sot. in 4. d. 27. q. 1. art. 3. d. Tho. in addit. q. 48. art. 1. Victor. q. 246. vbi nota quod non requiritur euidencia de consensu alterius, sed sufficit certitudo moralis ex coniecturis humanis sicut in reliquis sacramentis. Sot. in 4. d. 27. q. 1. art. 3. Victor. q. 246. patet secundo, quia in matrimonio traditur corpus ad perpetuam cohabitationem; sed hoc sine consensu fieri non potest. ex dictis inferitur primo nec furiosum, nec mente captum, nec ebrium posse contrahere matrimonium. cap. dilectus. de sponsal. intellige si furor est continuus; nam si habet lucida intervalla, eo tempore possunt contrahere. secundo inferitur, quod siue consensus sit virtualis, siue formalis, valet. Dices primo, an requiratur consensus formalis, & expressus in carnalem copulam? Resp. negatiue, sed satis est illam implicite, & in illi consensu contineri. Vgo l. 2. de sacram. & habetur can. B. Virgo. 23. q. 2. & can. matrimonium. ibid. Sot. supra. art. 2. concl. 4. ratio est; quia substantia matrimonij consistit in traditione mutua propriorum corporum, vt patet ex dictis. & hinc intelligitur quo modo B. Virgo non obstante condicinato proposito castitatis, contraxit verum matrimonium, & consentit copulæ committendo se diuinæ dispositioni; vt habetur can. B. Virgo.

& exponit. Sot. art. 2. cit. postea tamen communi consensu ambo coniuges expressè voverunt castitatem: vt ibidem Ambr. August. Anselmus & alij communiter dicunt. Quòd consensus ad matrimonium contrahendum requiratur vt sic expressus, probatur; tum quia matrimonium est sacramentum quod requirit aliquod signum sensibile; tum quia est contractus in quo differt à voto quod non opus est vt exprimatur exterius; quia fit Deo. Intellego autem de lege ordinaria; nam crederem bene posse esse matrimonium si Deus reuelaret alteri coniugū; quamuis Sot. d. 27. q. 1. art. 3. neget. Quod debeat ille consensus esse de presenti, probatur; tū ex concilio Flor. dicente, causam efficiēre matrimonij debere esse cōsensū per verba de presenti. & ex cap. si inter. de sponsal. & pater ratione, nā per verba de futuro sic tantū promissio matrimonij, sed promissio nō est matrimonium. Sed hic nota primo, de aliquibus certum est quòd sint matrimonia: vt si dicatur, accipio te in meam, vel in meum. Secundo, de aliquibus solet esse controuersia; vt si quis dicat, volo contrahere tecum. Paborm. in cap. ex literis de sponsalib. dicit esse sponsalia. Cardinalis ibid. dicit esse matrimonium. alij dicunt esse neutrum. Ego dico, ex vi verborum neutrum; sed esse considerandam intentionem loquentis. Similiter de illis verbis, habeo te in coniugem; vel ex nunc habeo te in coniugem, ego dicerem (quicquid alij sentiant) ex vi verborum esse matrimonium. Tertio, in rebus dubijs standum est iudicijs in foro exteriori, & in interiori, intentioni dicentis. Probatur nunc quòd quādoque exprimatur iste consensus, satis est. ex cap. licet. de sponsa duorum. & cap. cum apud. sponsal. ratio est; quia consensus expressus facit matrimonium. exprimi autem potest varijs modis; quorum primus & præcipuus est per verba; & quamuis glosa in cap. tuz. de sponsalib. dicat necessaria esse verba in ijs qui possunt loqui; tamen vel est exponenda de necessitate præcepti, non tamen de essentia matrimonij, & tunc est falsa, & adhuc non facile condemnarem sub peccato mortali eos qui non exprimerent. Secundus modus, sunt aliqua signa per quæ exprimitur iste consensus; verbi gratia, si post sponsalia per verba de futuro consumant matrimonium maritali affectu est signum matrimonij de presenti. Dixi *maritali affectu*; quia sine illo esset fornicatio. Quid si quis dubitet an maritali affectu accesserit?

Resp.

Respondet Couar. credendum esse quòd sic accesserit nisi contraxisset postea matrimonium per verba de presenti; nam in illo casu standum est secundo tanquam certiori. esset etiam signum si postquam vnus dedit consensum per verba de presenti, alius det apulum, est signum expressionis. Idem esset si factis sponalibus, quæ vocantur ex interpretatione iuris, adueniente legitimo tempore matrimonij, introducatur sponsa in domum solenniter, & cohabitent simul. Tercius modus sufficiens exprimendi consensum est, taciturnitas puellæ, vel alterius; cum pater, vel tutor, vel is ad quem pertinet loquuntur, ipsis tacentibus. quòd si nemo loqueretur, taciturnitas non esset consensus expressus, propter regulam iuris in sexto. is qui tacet, non fatetur, neque etiam negare videtur. Neque obstat alia regula proxima, *qui tacet consentire videtur*; nam hæc non habet locum quando agitur de obligatione inducenda. Item habet locum hæc regula, quando qui tacet tenetur non tacere. neque etiam sufficit si loquatur aliquis alius ad quem non pertinet; licet Sor. 27. q. 1. art. 3. dicat valere in foro interiori. Dices, An aliqua autoritate humana fieri posset matrimonium sine consensu? Resp. negativè, tum quia nunquam ab initio mundi id legitur esse factum, tum quia ecclesia non potest separare matrimonia etiam coniugibus volentibus; ergo neque potest coniungere ipsis inuitis. tum denique quia finis vterque matrimonij impediretur. Dices vltimo, An de potentia Dei absoluta possit fieri matrimonium nolentibus coniugibus. Resp. quòd si matrimonium consideretur vt sacramentum, potest fieri; quia licet intentio in quolibet sacramento sit necessaria, tamen non videtur esse de essentia. Si verò consideretur vt est in officium naturæ, tunc rursus distinguendum est; nam vel consideratur vt est contractus, & tunc implicat posse fieri sine consensu contrahentium. Si verò consideretur vt dicit coniunctionem duorum, sic potest fieri, ex dictis inferitur primo, in matrimonio vt est sacramentum, esse de necessitate sacramenti vt consensus exprimat alterius, & probatur ex definitione sacramenti; & ex concilio Flor. & Trid. sess. 24. cap. 1. de reform. matrim. & est communis sententia. Secundo; non esse de necessitate sacramenti matrimonij exprimere consensum per verba sua, sed vel per nutum, vel aliter. est contra gloss. cap. tuz fraternitati. de sponal. & contra Scot. in

4.d.26. probatur ex concilio Ffor. item ex cap. cum apud. de sponfal. vbi dicitur, satis esse signis declarare. Tercio, inferitur verba esse necessaria necessitate præcepti ecclesiastici in his qui possunt loqui; probatur, quia in alijs sacramentis sunt certa verba; ergo & in hoc sacramento. cap. licet. de spons. duor. & cap. si inter virum. de sponfal. & hoc voluit Innoc. in cap. tuæ fraternitati. eod. d. Tho. in addit. q. 35. art. 5. Quarto inferitur, quòd matrimonium requirit hanc manifestationem consensus, verbis, vel signo. Probatur ex dictis. & ex cap. 1. de sponsa duor. & ex Trid. supra. & patet ex natura contractus. Candelabr. num. 23. & sequent. Dices, quid si consensus manifestaretur per Deum tantum absolute, & simpliciter, an satis esset ad matrimonium contrahendum? Resp. de potentia extraordinaria id non repugnat.

Secundum dubium. An obiectum huius consensus sit formaliter copula carnalis. Resp. negativè, nisi implicite. Sed est traditio mutua corporum. Vnde præter ea quæ dicta sunt dubio præcedenti, obiectione prima, & supra cap. 1. dub. 15. inter B. Virginem, & Ioseph fuit verum matrimonium cum voto Virginitatis. nam copula carnalis non est de essentia matrimonij; ergo potest esse consensus matrimonij absque hoc consensu. dixi *nisi implicite*; quia credo probabiliter virtuale, aut implicitum consensum in copulam esse necessarium, idest ut si alter perat debitum, reddat; nec patet in ipso consensu aliquid quod repugnet huic. & est doctrina communis. Adriā. tract. de sponfal. q. 9. d. Tho. in 4.d. 28. q. 4. ad 3. vbi dicit quòd si mulier dicat vere, consentio dummodo non me cognoscas, non est matrimonium. est Riccardi. d. ead. q. 4. art. 2. Bonau. q. vlt. Sot. d. 29. q. 2. art. 3. quamvis Palud. d. 30. q. 2. teneat non requiri nec virtuale quidem; vnde dicit esse matrimonium si quis ita dicat, accipio te sine obligatione accipiendi, vel reddendi debitum. probat, quia post matrimonium contractum possunt ita se obligare, & matrimonium durat; tum quia potest matrimonium esse in illum finem secundum, idest in coniuctum domesticum, sine fine gignendi prolem. Hæc opinio Paludani non caret probabilitate, nec tamen idcirco sequor illam, quia communis opinio est in contrarium. Ad fundamentum eius, Resp. quòd post matrimonium factum valeret illa obligatio; quia possent se mutuò priuare vsu matrimonij. ac si

fiat in ipso contractu, videtur repugnare. Ille autem finis secundarius matrimonij non est satis ad matrimonium si primus desit. Quod autem fuerit verum matrimonium inter, B. Virginem. & Ioseph, probatur ex Matth. 1. & Luc. 1. vbi habetur, cum desponsata esset Maria Ioseph, &c. & Matth. 2. vbi Maria dicitur. *oipx* Ios. ph. Secunde probatur, ex communi doctrina sanctorum patrum; August. l. de bono coniugali. & habetur 27. q. 2. Ambr. l. 2. in Lucam. quod si aliqui sancti videantur id negare, intelligendi sunt de matrimonio consummato.

Tertium dubium. An cum celebratur coniugium impresentia parentum, fiat verum matrimonium per consensum parentum tacentibus coniugibus. Resp. affirmatiue. Magist. in 4. d. 29. ex Vgon. Sot. d. 27. q. 1. art. 3. Candelabr. num. 39. & est communis. probatur ex cap. 1. de sponsal. & ratio est, quia ille parentum consensus cum taciturnitate coniugum habetur pro expresso consensu sensibili coniugum, cum ita sit in communi modo loquendi vt supra diximus, dub. 1. vnde est vera forma sacramenti. Dices, quid si alij consentiant qui non sunt parentes, neque tutores, tacentibus coniugibus? Resp. negatiue, cum Palud. d. 27. q. 1. art. 3. quia illi non habent ius consentiendi pro alijs, quare est diuersa ratio, quicquid dicat Sot. art. 3. cit. qui tenet in foro conscientie valere si sponsi consentiant. Candel. num. 39.

Quartum dubium. An matrimonium per procuratores contractum sit validum, & sacramentum. Resp. vt supra. cap. 1. dubio 12.

Quintum dubium. Quae aetas requiratur ad matrimonium contrahendum. Resp. vt supra. cap. 1. dubio 16.

Sextum dubium. Si matrimonium in facie ecclesie contractum fuit nullum, propter aliquod impedimentum, an sit necessarius nouus consensus post cognitum impedimentum, & in petratam dispensationem; an vero sola cohabitatio sufficiat. Resp. requiri nouum consensum, sed sine praesentia parochi, & testium; vt declarauit Pius III. & docet Nauar. cap. 22. num. 70. & consil. 12. de sponsal. nec est satis cohabitatio, vel copula subsequens. Nauar. cap. 22. num. 47. & 48. §. 25. secundum Scot. & Innoc. gloss. cap. 1. de eo qui ducit, & c. Sot. d. 28. q. 1. art. 2. post 3. concl. sed oportet iterum secreto contrahere, etiam non expresso speciatim impedimento, & modus quo do-

• cet Nauar. cap. 22. num. 46. & Caiet. tom. 1. opus. tract. 12. q. 2.
 • & in summ. verb. matrimonium. Ita scilicet vt alter intellecta
 nullitate matrimonij, iterum matrimonio consentiat; quic-
 quid in contrarium dicat Riccard. d. 29. q. 3. art. 1. vbi dicit
 esse satis denuò supplere consensum quamuis in scia vxore;
 dummodo eius consensus adhuc duret. quam opinionem pro-
 babilem putat Palud. d. 36. q. 1. art. 4.

Septimum dubium. An consensus exterior requirat inte-
 riorem. Resp. quòd in foro conscientiz non est matrimonium
 cum deest consensus interior: etiamsi verum matrimonium
 reputetur in foro exteriori. probatur ex can. sufficiat. 27. q. 2.
 ita Soc. in 4. d. 27. q. 1. art. 3. Sylu. verb. matrimonium. 4. q. 1.
 Candelabr. num. 4. quando verò dubitatur de consensu coniugum,
 quid agendum sit, dicam infra. Item quando dicit alter
 coniugum se nunquam consensisse, dicam etiam infra. Item
 de consensu coactò, Candelabr. num. 56. videndum est.

Octauum dubium. An matrimonia contracta à filiis fa-
 milias sine consensu patrum, sint valida. Resp. certa fide tenen-
 dum est esse valida, ex concilio Trid. sess. 24. cap. de reform.
 matrim. & est communis sententia doctorum. Soc. in 4. d. 29. q.
 1. art. 4. Victor. q. 267. Filij etiam non tenentur quocunque
 modo obedire in hac re praeceptis parentum, nisi quantum
 causa praecepti eos obligaret. omnino autem decentissimum
 est filios sine consensu parentum non contrahere. Probatur
 primo, Gen. 26. Esau inuitis parentibus duxit vxores. filius To-
 bia etiam in scio patre ex consilio Angeli. Secundo, filij sunt
 liberae conditionis. matrimonium autem est quodam genus
 seruitutis; ergo matrimonia non debent pendere ex consensu
 parentum. Tertio, fines matrimonij tres sunt; scilicet procrea-
 tio prolis, vitatio fornicationis, & mutus conuictus; sed hi
 tres fines non benè procederent si penderent ex consensu pa-
 rentum; tum quia gignere prolem est sine regimine patris.
 fornicatio etiam non benè vitaretur; nam fortè pater non
 concederet matrimonium, vel differret. &c. tum quia pater
 posset dare aliquam exoriam filio; & sic non esset mutus a-
 mor inter eos. Quarto, filij inuitis parentibus possunt ingredi
 religionem; ergo ipsis non consentientibus possunt contrahere.
 Confirmatur; quia status, & vocatio, pendent à Deo, non à
 parentibus. Quinto, ex cap. tua. de despons. impub. est Honorij.

& cap.

& cap. de Neptis. 30. q. 2. est Hormista. & cap. si verum. ead. est Urbani. ubi prohibetur parentibus necogant filios ad matrimonia. Peres, an ecclesia possit annullare matrimonia facta inuitis parentibus, vel prelatis. Resp. affirmatiue, nam legitime personas pertinet ad ecclesiam. sed quia fortè non est conueniens, ideo non facit.

Nonum dubium. An consensus coactus immediatè proueniens ex metu cadente in constantem virum, irritum faciat matrimonium, non solum ecclesiastico iure, sed etiam diuino, ac naturali. Resp. affirmatiue; explico, & suppono: Primo possèdari coactionem in voluntate, non quidem violentia absoluta, quæ est illa quæ inferitur passo non inferente vim, hæc enim non potest cadere in voluntatem; sed mista, qualis est mercatoris proijcientis merces; nam illa iactura ex vna parte est voluntaria; ex altera non. quæ coactio sit metu. est autem metus, trepidatio imminētis periculi. Secundo suppono, duplicem esse metum, quidam est cadens in constantem virum; alius est qui non cadit in eum, sed in timidos, illè vt sit talis, dñs requirit; primum ex parte obiecti, vt sit malum grande, & maius illo quod sit, vt in exemplo mercatoris; nam si hoc non est, non esset talis metus; vt si quis ad euitandam mortem, peccaret. enumerantur autem quatuor mala grandia; mors, seruitus, verbera in libero, & stuprum in Virgine. d. Tho. in addit. q. 46. excludit infamiam. ego dicerem; ad ista quatuor posse reduci alia similia; vt timor perpetui exilij, amissio bonorum omnium, & grauissima infamia. & expono d. Tho. locutum de infamia leui. Secundum ex parte subiecti; vt rationabiliter timeat ille cui metus incutitur; nam non esset talis metus si puerum minitantem mortem timeremus; & hinc oritur, quòd ratione circumstantiarum idem posset esse metus cadens in constantem virum, & non cadens in alium. & intellige, hunc metum esse non solum ratione nostri, sed etiam aliorum qui ad nos pertinent. Tercio suppono, quòd hic metus dupliciter potest euenire. Primo ab intrinseco, vt si quis in infirmitate metu mortis contraheret cum concubina; & de hoc metu non intelligo; quia valet tunc matrimonium. Secundo ab extrinseco; & hoc rursus dupliciter intelligitur; aliquando enim inferitur metus non ad eliciendum consensum matrimonij, sed tamen ex illo ego moueor vt contraham, verbi gratia vt

etia, vt liberet à sententia condemnationis late per iudicem, & contraho cum meretrice. & hoc modo non intelligitur conclusio; certum enim est, quòd valet illud matrimonium. similiter valeret matrimonium si ego contraherem cum filia medici, vt ipse adhibeat maiorem diligentiam in ipsius cura. Secundus modus est, quando fit ad eliciendum illum còsensum; & de hoc intelligitur conclusio, etiam si culpa sua ille se ingesserit in talem coactionem; vt si quis inuentus in stupro, cogatur contrahere ne occidatur, non valet; quia est metus coactus. probatur nunc illum consensum coactum, &c. irritum facere matrimonium; ex cap. cum locum. & cap. veniens. de sponsal. & ratio est; quia matrimonium requirit libertatem. Probatur nunc irritum facere non solum ecclesiastico iure, sed etiam diuino, & naturali. & hic sunt duæ opiniones: Prima dicit esse irritum iure diuino, & naturali. est Scot. in 4. d. 29. q. vnica. Gabr. ead. q. 1. art. 2. Couar. 2. p. cap. 3. §. 5. nu. n. 6. Led. f. q. 49. art. 3. Secunda opinio dicit esse nullum solo iure ecclesiastico, sicut sunt nulla matrimonia clandestina nunc, & quæ sunt inter gradus prohibitos. est Palud in 4. d. 29. q. 2. art. 2. Dur. ead. q. 2. art. 2. vtriusque Soci d. 29. q. 1. art. 3. de d. Thoma quid sentierit, dubitant hi doctores. Vtrique opinio est magis probabilis, sed magis placet secunda. & probatur Primo, Matrimonium est magnum quodam vinculum perpetuum, & indissolubile; ergo de iure naturæ, & diuino videtur requirere magnam libertatem. Secundo, quia scriptura, & ius diuinum requirunt libertatem in matrimonijs; ergo vbi ista plena libertas deest, non videtur esse de iure diuino. Tercio, quia ius canonicum vbi annullat matrimonia coacta, non instituit aliquid noui, neque nouum decretum; ergo &c. Quarto, non obstat quòd alij contractus teneant; tum quia matrimonium requirit maiorem libertatem; tum etiam quia alij contractus etiam si à principio sint validi, rescindi possunt. Nec obstat, quòd eadem ratio valeret quando quis esset coactus metu non cadente in constantem virum, quia coactio ex metu cadente in constantem virum ex natura rei tollit libertatem illam plenam. Sed alius metus ex vicio contrahentis, non valet; & tamen sunt aliqui qui tenent non esse validum matrimonium etiam si sit metus non cadens in constantem virum; quod ego non aude-
rem dicere. tum quia est contra ius commune; tum etiam
quia

quia esset hoc aperire ianuam ad dissoluenda multa matrimonia.

Decimum dubium. An metus reverentialis annullet matrimonium. Resp. Ioannes igneus citatus à Couar. 2. p. cap. 3. §. 6. dicit tale matrimonium esse nullum. gloss. quædam in cap. præfens. 10. q. 3. dicit, in matrimonium carnale non impediri hoc metu, sed spirituale, idest professionem in religione impediri. Couar. supracit. dicit, primum dictum glossæ esse verum. & citat in eandem sententiam Abbat. cap. veniens. de sponsal. Hostiens. & Imolam, sed adhibet unam limitationem, nisi cum isto metu reverentiali adsint minæ, & coactiones eius qui solet exequi quod minatur. Secundum dictum glossæ reprobatur; quia par libertas est matrimonij carnalis, & spiritualis. Vnde si primum tenet, tenet etiam & secundum. hæc doctrina Couaruij est verissima.

Vndecimum dubium. An quod dicimus de matrimonio, idem dicendum sit de sponsalibus factis ex metu cadente in constantem virum. Resp. in vno conueniunt omnes, quod si sponsalia sint sine iuramento, non obligant; & est doctrina vniuersalis de quacunque promissione facta ex tali metu sine iuramento. d. Tho. 2. 2. q. 89. art. 7. ad 3. Sot. l. 8. de iust. q. 1. art. 7. ad 3. sed difficultas est quando intercessit iuramentum. Prima opinio est, quod non tenent. Ita Sot. in 4. d. 29. q. 1. art. 3. & tamen l. 8. de iust. q. 1. art. 3. ad 5. contrarium dicit. Secunda opinio est contraria primæ, est Bonau. in 3. d. 39. art. 3. q. 2. Couar. cap. 3. §. 5. num. 4. Fundamentum primæ opinionis est; quia cum promissio de se sit inualida vt diximus, iuramentum non adhibet aliam firmitatem ab ea quam habebat. Confirmatur; quia si talia sponsalia valida sunt, ergo tenetur matrimonium contrahere; sed illud esset contractum matrimonium à prima coactione factum, sed hoc nullum est; ergo sponsalia non obligant. Fundamentum secundæ opinionis est communis doctrina, que dicit iuramentum factum de re licita, tenere. & videtur expressus textus in cap. si verò. de iureiur. Vtra opinio sit probabilior, res est valdè dubia. adeo vt Palud. d. 29. q. 1. art. 5. propositis utrinque rationibus, utranque dicat esse probabilem. Sed secunda opinio est securior. Ad fundamentum primæ sententiæ Resp. quod non obligatur ille ratione promissionis, sed ratione iuramenti; promissio enim homini fit, & hæc cessat

de se, sed ratione eius quod Deo iuramento promittitur, non cessat. *Sot. l. 8. de iust. loco cit. Ad confirmationem fundamenti resp. quod si cessante metu iste contrahat per verba de presenti putans teneri matrimonium, verum est in utraque opinione; quia etiam si subsit error, non tamen est error dirimens matrimonium, ut suo loco dicemus.*

Duodecimum dubium. An istud matrimonium quod supra diximus esse nullum per coactionem, accedente copula cum affectu maritali, teneat, & sit matrimonium. *Resp. primo certum est, quod si accedat consensus liber in illo actu, tenere, & esse matrimonium. Secundo certum est, quod si ideo quis coniungatur ex eo quod putet solum precedentem consensum validum esse, non esset matrimonium. ratio est; quia prior consensus cui fundatur ista coniunctio, nullus fuit. & ideo nihil potest efficere. Tertio dico, quod si copula ipsa esset coacta, adhuc non esset matrimonium; quamvis contrarium dicat Palud. in 4. d. 29. q. 1. art. 4. & Angel. de impedim. matrim. impedimento primo; & quamvis Sotus valde dubitet, ratio tamen est evidens; quia si coactio sine copula non facit matrimonium, ergo neque cum copula. Neque obstat, quod in hoc casu non videatur adesse metus cadens in constantem virum; quia aut actus est licitus, & sic est matrimonialis; vel est illicitus, & talis actus ex nullo metu potest fieri. hoc (dico) non obstat; quia etiam si ille non sit metus cadens in constantem virum ratione copulae carnalis, est tamen talis in ordine ad consensum matrimonialem. Dices, quid ergo faciet in tali casu? *Resp. moriendum illi est; vel liberè consentiendum matrimonio.**

Decimum tertium dubium. An si aliquis protestetur coram pluribus se non habere animum contrahendi, quamvis exterius contrahat verbis & postea consumat sit iudicandum matrimonium, nec ne. *Resp. quod in foro conscientiae si ob istam causam, puta ad evitandum scandalum sic contraxit sine consensu, & non est sequuta copula, non est matrimonium; ut patet ex dictis supra dubio 7. si verò sequuta est copula, saltem ratione scandali tenetur servare quod exterius promisit. & multo magis si ex dolo est protestatus. Sylu. verb. matrimonium. 4. q. vii. in foro tamen exteriori ecclesia iudicabit pro matrimonio, ut gloss. in cap. tua nos. de sponsal.*

Decimum quartum dubium. An consensus conditionatus

Fit per se sufficiens ad matrimonium. Resp. Conditiones necessariz in matrimonio appositæ consensum eius non vitiant. Impositiones verò vitiant, nisi ioco sint additæ. Contingentes quæ sunt contra substantiam matrimonij, omnino annullant, de alijs verò si sint turpes, idem dico quod de impossibilibus, si sint honestæ, pro ratione ipsarum vel faciunt, vel annullant matrimonium. explico hæc omnia, & Nota primo, quòd conditio dupliciter sumi potest: Vel pro rei qualitate, vt cum dicimus aliquem esse conditionis seruilis. Vel sumitur pro illa quæ solet apponi in contractu. & hæc ita describi potest; est actus, vel contractus suspensio ex euentu. vt, seruiam tibi si dederis centum aureos. Secundo nota; quòd iurisperiti solent distinguere quatuor contractuum modi rationes, quæ sunt; demonstratio, modus, causa, & conditio. Demonstratio fit per relationem, vel per nomen exprimens qualitatem. vt, contraho tecum quæ diues es. vel, ducam istam virginem. Modus aliquomodo limitat consensum, & exprimitur per coniunctiones: vt, contraho tecum vt sustentem meas sorores. Ducam filiam Ducis vt siam ditior. & ad modum reducitur determinatio temporis, vt, contraham tecum die Lunæ. causa, est quæ non suspendit consensum, sed dat motiuum consensui; & exprimitur per *quia*, vt, contraho tecum, quia nobilis es. Conditio, est quando aliquid additur in propositione; vt, is nolit consentire nisi posita tali conditione; & exprimitur per *si*, *nisi*, & similia; vt, contraham tecum *si*, dederis, vel *cum* dederis centum aureos. Vel, *nisi* pater renuerit. Tertio nota, esse varia genera conditionum quæ possunt apponi in matrimonio: quedam enim semper intelliguntur, etiam si non apponantur; vt, *si Deus voluerit*; *si viuam*, &c. & de his nihil est dicendum. quedam sunt necessariæ siue sint ex natura rei necessariæ; vt, contraho tecum si sol orietur; siue ex suppositione; vt, contraho tecum si Antichristus veniet. quedam sunt impossibiles, vel ex natura rei; vt, contraho tecum si volaueris, vel si cælum digitorangas; vel sunt impossibiles pro statu presenti, vt si contraheas cum paupere dicat, contraho tecum si des tercenta millia aureorum. alię sunt contingentes; & hæc vel sunt honestæ; vt, contraho tecum si patri placuerit. vel sunt turpes; & hæc vel sunt contra bona matrimonij, quæ consistunt in tribus bonis, fide, prole, & indissolubilitate; vt, contraho tecum si eris fornicarius. cō-

traho tecum tantum per mensem. vel sunt accidentaliter turpes de quibus Sylu. verb. matrimonium. Sot. in 4. d. 29. q. 2. art. 1. Navar. cap. 22. num. 62. Quarto nota, conditionem posse apponi vel de presenti, vel de futuro. Quinto nota; nunquam esse matrimonium per quæcunque verba fiat, nisi adsit consensus interior, ut dictum est supra dubio 7. & multæ difficultates quæ circa hoc possent oriri, tollentur si contractus fiat sine his conditionibus, sed absolute. His positis dico primo, conditiones necessariæ siue sint de presenti, & præterito, siue de futuro, non viciant matrimonium. nam perinde est dicere contraho tecum si sol oritur, vel si sol orietur, ac dicere; contraho tecum sicut certum est & determinatum solem oriri: quamvis glos. in cap. per tuas. de condition. appositis, teneat conditionem hanc de futuro suspendere matrimonium. sed tenenda est communis sententia; quia etiam si sit de futuro, est tamen præsens illa conditio in causis suis. Verum est quod si contrahens intenderet per hoc modificare propositionem ad tempus futurum, tunc suspendit. & intelligo hanc doctrinam etiam de conditionibus necessarijs ex suppositione. quamvis Couar. dissentiat. Secundo dico, conditiones impossibiles viciant contractum; nam istæ potius significant dissenfum, quam consensum, ut patet ex modo & ex cõmuni usu loquendi, & ex alijs contractibus qui nulli sunt cum istis conditionibus. dixi *nisi ioco fuerint additæ*, propter doctrinam communem, quæ tenet istas conditiones haberi pro non adiectis. sed ego expono (sicut exponam illud caput) hoc verum esse, quando ex alijs circumstantijs expresse intelligitur ioco illas conditiones esse adiectas. Vnde inferitur, illa tria prima moderamina, idest demonstratio, modus, & causa, habentur pro non positis, nisi apponantur ut conditiones; ratio est, quia non pertinent ad substantiam contractus, sed ad extrinsecam, ut ad causas, vel ad operationes rerum. Si autem indicant formam, tunc idem est iudicium atque de conditione; ut si quis dicat, contraho tecum quæ datura es tantam dotem; Sot. d. 29. q. 2. art. 1. Sylu. verb. matrim. 3. q. ult. Navar. cap. 22. num. 62. Tercio dico, Conditiones si sint turpes, & contra substantiam, aut bonum matrimonij, irritant matrimonium. cap. fin. de condit. appositæ. & can. aliquando. can. solet. 32. q. 2. Dices, An conditio honesta contra bonum matrimonij irritet matrimonium; ut de servan-

da perpetua castitate? Resp. affirmatiuè, ex communi sententia. Sor. in 4. d. 20. q. 2. art. 3. Conar. 2. p. de matrim. cap. 3. §. 1. nu. 2. Cádela. de matrim. n. 50. cap. fin. de cōdit. appof. Gregorij IX. limito hanc doctrinā tripliciter: Primo, intelligi quādo ille qui adhibet conditionē, verè nō se vult obligare ad id quod est de substantia matrimonij, vel vult se obligare in contrarium eius; non enim esset irritum hoc matrimonium siqua contraheret, & non haberet animum reddendi debitum. Secundo, intelligo quando conditio est de futuro; nam tunc pugnat cum substantia matrimonij: non quando est de præsenti, vel praterito. Tertio, est vera doctrina, quando conditio ponitur simul eum ipso contractu, nam si ponitur post, non annullat. Quarto dico, turpes conditiones, vel impossibiles, sed non contra substantiam, aut bonum matrimonij, habentur pro nō appofitis; ideo matrimonium non viciant in foro exteriori. cap. finali cit. in foro autem interiori pendet ex animo ponentis tales conditiones, & ex consensu; si enim intendat cum conditione impossibili contrahere, tenet matrimonium; alias non tenet. & hoc verum est de quacunque conditione impossibili siue à natura, vt si fueris immortalis, siue à iure; vt, si licet in primo gradu contrahere: siue ex suppositione; vt, si es Virgo, cum non sit. Victor. q. 259. ex Adrian. in 4. Idem dicendum est de eo qui consensit iocosè. In foro enim animæ stabitur intēctioni contrahentis. Sed in foro exteriori, ex coniecturis iudicandum est. & nisi probetur iocosè factum, conditio habetur pro non appofita; Sylu. verb. matrimonium. 3. q. 2. Victoria supra. Quinto dico, conditiones honestæ de futuro si sunt veræ conditiones, matrimonium suspendunt quousque impleantur. cap. de illis. & cap. super eo. de condit. appofita. Intellige dum apponatur ante contractum matrimonium. & suspensiuè, non resolutiuè. Nauar. cap. 1. de condit. appof. num. 62. ratio est, quia cum istæ conditiones sint honestæ, & possibiles, legitimè possunt apponi. & cum sint de futuro, suspendunt. Dixi, si sunt veræ conditiones, nam si sunt de re praterita, vel præsente, non suspendunt; quia non sunt veræ conditiones; vt, si Petrus viuit, contraho tecum. Sed si conditio est falsa, matrimonium est nullum. si veræ, valer; vt probat Nauar. supra. Dices, An sit eadem ratio de conditione necessaria, atque de impossibili. Resp. quod conditio necessaria dupliciter ponitur

ponitur in matrimonio; Primo, vt conditio; vt, contraho tecum si orietur Sol. Secundo, vt modificans contractum, vt contraham tecum quando orietur Sol. Dico primo, quòd in foro conscientie pendet ex intentione coniugum, si enim intendunt contrahere tunc, posita conditio suspendit matrimonium, & pendet ex esse illius. Sylu. verb. matrimonium 3. q. 1. Secundo dico, quòd si conditio necessaria ponitur ve modus, suspendit matrimonium, vel sponsalia; vt si quis dicat, contraham tecum cum orietur Sol; non valet nisi quando oritur Sol. & hoc fortè voluit gloss. in cap. per tuas. de condit. appol. quam sequitur Anton. Tercio dico, quòd si conditio necessaria apponatur per modum conditionis, & sit de simpliciter necessarijs, habetur pro non posita. probatur primo, ex communi sententia, Palud. Gabr. Adrian. d. Tho. in 4. d. 28. & Victor. q. 260. & aliorum. Secundo, quòd illa censetur raquam de presenti. vt d. Tho. Victor. & alij. & nota quòd eadem est ratio de impossibili. Sed hic est

Decimum quintum dubium. An cum matrimonium est de presenti, & conditio de futuro, adueniente conditione statim sit ratum matrimonium; an verò sit necessarius nouus consensus de presenti, vt si quis dicat, contraho tecum si dederis mihi centum aureos. Resp. sunt duæ sententiæ: Vna est theologorum, qui dicunt non esse matrimonium, nisi per verba de presenti detur nouus consensus. ita d. Tho. in addit. q. 47. art. 3. & in 4. d. 29. q. vnica. art. 3. q. 2. Adrian. de matrim. Maior. d. 27. q. 4. Sor. d. 29. q. 4. art. 1. Bonau. in 4. d. 28. q. 4. Victor. in relect. de matrim. Couar. 2. p. cap. 3. num. 5. hi omnes requirunt nouum consensum; quia sacramentum non pendet à futuro euentu. Altera sententia est canonistarum, qui dicunt non requiri nouum consensum, sed ipso facto fieri matrimonium. Innoc. cap. de illis. Panor. & Hostiens. in cap. finali de condit. appol. Palud. in 4. d. 29. q. 2. Gabr. d. 28. q. 1. Nauar. cap. 22. num. 63. Sylu. verb. matrim. 3. §. 6. Fundamentum theologorum est, quia non videtur hic posita conditione esse consensus de presenti qui requiritur in matrimonio. & Confirmant ex cap. per tuas. Innocentij III. de condit. appol. qui talem contractum, vocant sponsalia. & ex cap. super eo. ibid. vbi Urbanus III. dicit istos tales posita conditione cogendos esse ad matrimonium. Fundamentum canonistarum est; quia omnes alij contractus

tractus statim ac ponitur conditio, validi sunt. Ego dico opinionem theologorum esse probabiliorem. maxime propter illa duo capita allegata. Sed opinio canonistarum potest habere locum in vno casu. quando a principio expressè ita conveniunt, ut statim ac ponitur conditio, intelligeretur factum matrimonium. Ad fundamentum secundæ opinionis, idest canonistarum, Resp. iura in alijs contractibus interpretari consensum expressum hoc modo, ut posita conditione statim intelligatur factum. non sic in isto contractu; quia maior libertas requiritur in contractu matrimonij, quàm in alijs. Sed hic est

Decimum sextum dubium. An conditio honesta de futuro in matrimonio per se nullo, obliget, ut si duæ personæ inhabiles ad contrahendum dicat vna ex illis, contraho tecum si Papa dispensaverit in quarto gradu. Resp. aliqui canonistæ tenent esse inualidum; ut Abbas Cardin. Sor. d. in 4. d. 27. q. 1. art. 1. Sylu. verb. matrim. 3. q. 9. Victor. q. 288. candelabr. num. 55. Alij tenent esse vera sponsalia conditionata. Adrian. dub. 10. Couar. in 4. decretal. 2. p. cap. 3. §. 9. Ego dico primo, quod tale matrimonium non adueniente conditione non sit verum matrimonium, sed requiritur nouus consensus; quia dispensatio non respicit præterita, sed futura. Secundo dico, quod contractus cum hac conditione est obligatorius, & sunt sponsalia conditionata, quæ adueniente conditione obligant; ita Adrian. Couar. & alij, quos ipse citat; quia ista promissio habet obiectum honestum, & possibile; ergo nihil obstat quod minus obliget. Hinc inferuntur aliqua quæ prosequitur Nauar. cap. 22. num.

63. & sequent. Sylu. verb.

matrim. 3. quæst. 4.

Sor. distinct. 27.

quæst. 2.

artic.

3.

*De bonis matrimonij. idest de fide, prole, et
sacramenti indissolubilitate.*

Caput I I I I.



Primum dubium. Quoad fidem matrimonij. An usus matrimonij sit meritorius. Resp. si fiat ob finem aliquem virtutis, est meritorius; quia omnis actus virtutis factus ab homine existente in gratia, & relatus in Deum, meritorius est; sed actus matrimonij potest esse talis, quia potest nasci ex virtute religionis, ut timeatur Deus à filijs quos generat; ergo &c. Dices, hinc sequi non esse melius abstinere ab usu coniugij, nego sequelam. sicuti non valeret; meritorium est comedere ad gloriam Dei, ergo ieiunare non; ratio enim meriti ex duplici radice potest nasci; idest ex charitate qua fit opus; & ex difficultate qua fit. & licet matrimonium ex prima radice sit meritorium, non tamen ex secunda; ut castitas ex utraque. & secundum hoc exponendus est Chrysost. in Matthæum, ubi ait, *matrimonium & si utentibus pœnam non tribuat, mercedem tamen non præstat.* Dices, quid si fiat præcipue ad evitandam fornicationem. Resp. probabile est nullum esse peccatum. Ita Palud. in 4. d. 31. q. 2. art. 2. Dur. ad. q. 4. cap. d. 30. q. 7. Caiet. verb. matrim. cap. de usu matrim. quamvis Bonau. q. 37. art. 2. q. 2. Petr. Sot. lect. 16. dicant esse veniale. idem videtur dicere d. Tho. in addit. q. 49, art. 5. sed prior opinio magis placeat. & probatur ex 1. Cor. 7. ubi Paulus hortatur coniuges ut in idipsum reuertantur propter fornicationem, ne tentet eos Satanas. Secundo patet, quia matrimonium est à Deo institutum etiam in remedium fornicationis. Tertio, quia velle fugere aliquod peccatum, est actus bonus. Dices secundo, quid si fiat ob delectationem intra limites matrimonij. Resp. esse pecca-

peccatum veniale. Probatur, quia omnia actus debet esse ordinatus; sed referre actum ad delectationem inordinatio est in lege Dei; ergo ubi inordinate proceditur, est peccatum veniale. Dices: itaque quid excedat limites matrimonij? Resp. aliquando esse mortale, nam p. ex. si quandoque ponatur tanquam ultimus finis in delectatione, & tunc est mortale, ut ait Hierony. l. 1. contra Iovin. & habetur 37. q. 4. ubi etiam citat Sextium philosophum pythagoricum, qui docet, esse quodam genus adulterij, nimis amare uxorem. Idem esset si quis fingeret accedere ad alienam, accedens ad suam. sic etiam esset mortale si indebito modo fiat, praeiudicans ad generationem proles, summissa verb. debitum coniugale. Nauar. cap. 16. & cap. verb. matrimonium de usu matrimonij, videndi sunt.

Secundum dubium. An coniuges teneantur equali iure debitum reddere sub poena peccati mortalis? Resp. affirmatiue, probatur primo, ex iure naturæ; quia talis est obligatio matrimonij. Secundo, ex iure diuino. 1. Cor. 7. *Vir uxori debitum reddat, & uxor viro. dixi equali iure*, quia licet in alijs ius non sit æquale, quia vir est caput mulieris, in hoc tamen est æquale, ex hoc inferes, semper peccare mortaliter quando alter coniugum expresse, vel interpretatiue petenti neget, & intelligo quādo petit serio, & tāquā debitū, siue verbis, siue signis; Sot. in 4. d. 32. q. 1. art. 2. Nau. cap. 16. num. 26. quare cum uxores pro pudore v. plurimum non petant expresse, non licet viro (communiter loquendo) expectare expressam petitionem uxoris. d. Tho. in addit. q. 64. art. 2. Sot. supra. Anton. 3. p. tit. 1. cap. 20. §. 7. hoc autē intelligitur quādo petitio fit animo obligandi cōiugē ad reddēdū, tunc enim tenetur reddere; si enim solum amice peteret (verbi gratia) si alteri placet, tunc nō obligatē ad peccatū; similiter si peteret animo obligandi, a quo tamen animo desisteret motus precibus alterius, non obligatē. Intellige tamen, dummodo preces non sint importunæ, vel nimis, quia tunc non excusaretur a peccato. Sylu. verb. debitum. q. 8. Anton. supra.

Tertium dubium. An ratione dici festi, vel ieiunij possit non reddi debitum? Resp. Sot. in 4. d. 32. q. art. 3. dicit in festis communibus non est peccatum, in solennibus est peccatum veniale petere, sed reddere nullum est peccatum, probatur ex

1. Cor. 7. nolite frangere iuvicem nisi ex consensu, ut vacet orationi.

Quartum dubium. An possit negari debitum ratione menstruum. Resp. esse duplex genus menstruum: Primum est, extraordinarium, & quasi ex morbo, quale erat illud emortuissae; & in hoc genere non est peccatum etiam petere; cum quia talis coniux esse perpetuus priuandus sub iure; tam quia non videtur esse periculum, aut damnum futurae proli. Secundum menstruum est ordinarium singulis mensibus in mulieribus; & in hoc, prima opinio est esse peccatum mortale non solum petere, sed etiam reddere; ita Bonan. in 4. d. 32. art. 3. q. 1. Scot. ibid. q. 1. Fundamentum huius est; quia dicunt ex tali accessu legitime prolem monstruosam. Confirmatur ex Levit. 18. ubi sub poena mortis prohibebatur. Confirmant etiam ex Hierony. infra 44. Secunda opinio est, nec petere, nec reddere esse peccatum. est. Calet. 2. q. 3. 4. & verb. matrimonium. cap. de usu matrimonij. Sor. d. 32. q. 1. art. 2. ad 2. Anton. 3. p. tit. 1. cap. 20. §. 5. Nauar. cap. 28. num. 32. & haec est verior. & est communis sententia. probatur; quia non est certum esse cum illo damno notabili prolis. & Cast. tenet eo tempore non fieri generationem. & est probabile utrumque; quia videremus multipes monstruosos; sed ex quo videmus non esse ita communiter, sequitur id non esse verum. & nihilominus etiam si damnum sequatur proli Nauar. supra Palud. & Alton. docent non esse peccatum mortale; de quo ego dubitarem. & videtur probabile tenendo eum qui nascitur ex vno accessu, non esse nasciturum ex alio accessu, si est verum quod non idem omnino erat nasciturus, dico quod melius est si nascatur qualis qualis sit.

Quintum dubium. An ratione multitudine liberorum inopum liceat negare debitum. Resp. communis sententia est negatiua. Nauar. cap. 16. num. 4. Sylu. verb. debitum coniugale. num. 10. licet Sor. putet licere quando non timetur periculum incontinentiae. probatur, quia non videtur hic esse magnum detrimentum prolis, ut propterea non debeant teneri obligationes matrimonij; quia melius est ut nascantur filij, quam non. Dico; An sit peccatum ante purificationem post partum petere. Resp. negatiue, nisi infirmitas, vel aliud obstat. Angel. verb. debitum. §. 4. cum Riccard. Palud. Sylu. quest.

Nauar. cap. 16. num. 24. peccat autem si fiat sine contemptu & effectivitate: ut cum d. Th. docet Tab. supra. sed cum causa legitima puto nullum esse peccatum; ut patet ex Caiet. verb. matrim. Sylu. verb. debitum. q. 8. Nau. cap. 12. num. 71.

Decimum dubium. Quae cause excusent coniugem ab obligatione reddendi debitum. Resp. prima. est impotentia coeundi vel propter actum precedentem, vel ob causam licitam, ut propter immoderatum ieiunium. ut cum d. Tho. Riccard. docet Sylu. verb. debitum. q. 1. Angol. cod. §. 1. unde inferitur primo, non esse peccatum negare debitum petenti creberrimè. d. Tho. in addit. q. 64. art. 3. ad 3. Sor. in 4. d. 31. q. 1. art. 1. Secundo inferitur, quod peccat mortaliter qui modo illicito scienter se ad id reddit impotentem. d. Tho. supra. Riccard. d. 31. art. 1. q. 1. Secunda causa, est probabile periculum mortis, vel aegritudinis. d. Tho. & Riccard. supra. Caiet. verb. matrim. Armill. verb. debitum §. 3. & alij. hinc patet non teneri coniugem sanam reddere debitum leproso cum periculo probabili infectionis. si autem non esset periculum, teneretur, etiam si generaretur filius leprosus. d. Tho. art. 1. cit. ad 4. Riccard. d. 31. art. 4. q. 1. Sylu. verb. debitum. q. 1. §. 2. & sic intelligitur cap. 1. & 2. de coniugio leproforum. quavis Angelus verb. debitum. §. 4. absolute dicat teneri. Tertia causa est, quando aliquis coniugum commisit fornicationem. probatur ex Matth. 19. & docent communiter doctores. Angl. verb. debitum. §. 7. Sylu. cod. q. 1. §. 3. Sor. in 4. d. 36. q. unica. art. 1. Couar. epit. p. 2. cap. 7. §. 5. num. 8. & 12. pro intelligentia. Nota primo, quod in hoc coniuges sunt pares, ut exponit D. Tho. in addit. q. 64. art. 3. Couar. supra. quicquid dicat Caiet. verb. matrim. 2. Secundo nota, quod nomine fornicationis hic intelligitur consummata copula cuiusque generis sit, etiam contra naturam. d. Tho. supra. q. 62. art. 1. ad 4. & Papor. in cap. mariti. de adulteris. Tercio nota; requiritur ut fornicatio sit certa moraliter loquendo; verbi gratia, quod coniux reperiatur in eodem lecto cum adultero. vel concurrant certa inditia quibus sufficienter probari posset in foro exteriori; de quo Couar. supra. quod si ita sit, sufficit ad iurè negandum debitum; etiam si esset omnino occulta. Quarto nota, esse multos casus in quibus non licet debitum negare adultero, quos refert Angelus §. 2. cit. & Nauar. cap. 16. num. 22. Sylu. verb. diuortium. q. 8. & alij. inter quos

quod præcipuus est, quando etiam ipse est fornicatus; ex cap. significasti, de diuortijs, & in cap. nihil iniquius, 31. q. 6. Dices primo, An teneatur innocens ad præceptum ecclesiæ reddere adultero debitum. Resp. tenetur si non potest probare intra paucos dies. Angel. §. 10. Dices secundo, quid si vir factus diuortio ob fornicationem vxoris autoritate ecclesiæ, etiam ipse incidit in fornicationem, teneatur vxori reddere debitum, necne. Resp. tenetur si compellatur autoritate iudicis, qui debet compellere, si separatio præbet illi occasionem incontinentiæ, iuxta cap. ex literis, de diuortijs, vel cum vxor probato sufficienter viri adulterio, id exigat, aliis non tenetur. d. Tho. q. 61. art. vlt. ad 4. Sylu. verb. diuortium. q. vlt. Dices tertio, An adulter ipso facto ob adulterium amitrat ius petendi debitum. Resp. primo, certum est quod licet petere amicitia circa exactiorem. Tab. matrim. 4. q. 6. Nauar. cap. 22. num. 23. Secundo dico, quod potest etiam exigere, quoniam adulter neque à coniuge innocente, neque à iudice priuatur suo iure; intelligitur tamen sequuta condemnatione, vel certe volente ipso innocente, & non antea iuxta Caiet. verb. matrim. Sot. d. 36. q. vnica. arr. 3. quicquid dicat Sylu. verb. debitum. q. 10. & alij, quos refert Tab. supra. notandum est tamen quod adulter non tenetur manifestare alteri suum crimen, vt ab eo suo iure priuetur. Caiet. supra. Tertio dico, quod innocens etiam si comperit negare debitum adultero, si tamen postea ipse commisit adulterium, tenetur ei reddere. Nauar. cap. 22. num. 23. similiter si post cognitum adulterium petiisset vt alter redidisset ei debitum voluntarie; vt Sylu. verb. diuortium. q. 8. & Palud. quia videtur se reconciliasse. Quarta causa est, quando alter coniugum vult ingredi religionem ante consumationem. de qua Sylu. verb. debitum. q. 1. §. 4. Nauar. cap. 16. num. 23. & alij. Quinta causa est, quando non potest reddi omnino sine peccato. Sylu. verb. debitum. quest. 1. §. 6. Sexta, est locus sacer. de quo supra dubio 8.

Vndecimum dubium. Quibus casibus petere, vel reddere debitum est peccatum. Resp. in his decem. Primus est, ratione male intentionis, quando autem sit peccatum mortale, & quando sit veniale, videndus est Sylu. verb. debitum. q. 1. Tabien. q. 3. & verb. matrim. 3. q. 4. Nauar. cap. 16. num. 23. Secundus casus est, ratione loci sacri de quo supra, dub. 8. Tertius est

ratione modi contra naturam quantum ad situm; de quodibus cum Sylu. verb. debitum. q. 4. cui concordat Angel. 2a 2e. Rosell. 2a. 2e. 1a. Navar. cap. 16. num. 41. & alij quos illi adducunt. Quartus est, periculum abortus, de quo supra dub. 7. Quintus est, ratione menstruorum; de quo supra dub. 4. Sextus est, ratione prouocationis per tactus impudicos cum periculo pollutionis extra vas, &c. qui tamen tactus si fiant causa reddendi debitum, sunt liciti. Sylu. q. 7. Caiet. 2a. q. 154. artic. ad 7. Armilla. verb. debitum. 4. 8. Septimus, quando iniuste negat, id est sine causa legitima, de quo Sylu. supra. Navar. cap. 16. num. 24. Octauus, ratione adulterij vxoris vir peccat petendo, vel reddendo debitum, nisi quando esset secretum, vel illa iam se commendasset; vel nisi peccat ad vitandam fornicationem, non sic autem peccat vxor respectu viri; Sylu. verb. debitum. q. 10. Navar. cap. 16. num. 28. qui adducit Palud. & Caiet. Nonus, ratione voti. Decimus, quando aliquis dubitat de validitate matrimonij, quos duos ultimos casus vt fufius explicentur, quoad tertium, sic

(Duodecimum dubium. An coniuges possint vouere. Respo. primo, vota que non praiudicant sibi inuicem, tenent, & non possunt irritari ab alterutro illorum; ratio est; quia coniuges in multis sunt sui iuris, & hinc patebit solutio alterius dubij quinti, An votum de non petendo debitum ab vno, teneat. d. Tho. in 4. d. 3. q. 1. art. 4. ponit duas opiniones: Prima, dicit non tenere hoc votum, quia est in praiudicium alterius ex hoc quod redditur alteri onerosum matrimonium propter verecundiam in petendo semper. Secunda opinio dicit, non esse in praiudicium. d. Tho. tenet priorem opinionem esse probabiliorem. Media via est Syluestri, verb. votum. 5. quest. 3. quod tunc tenet istud votum, quando sic factum est, quantum est ex me, non petam; nisi quando erit ratione alterius coniugis, quando vero absolute voueret, tunc esset in praiudicium; quod dicit d. Tho. & hæc media opinio mihi videtur probabilior. secundo dico; vota que sunt in praiudicium alterius inter coniuges non esse valida; ratio est, quia nemo debet se obligare in eo quod non est in sua potestate, & ex hoc patet vota peregrinationis nulla esse, nisi peregrinatio sit modica. Item in vxore votum abstinence non esset validum. cap. manifestum. 33. q. 4. Dixi in vxore, quia ex parte viri non videtur esse praiudicium

cium

cium, nisi esset magna abstinentia: qua redderetur inhabilis ad matrimonium, vel curam domesticam. Item non esset validum votum mutandi habitum tertij ordinis: si ita autem vota si accedat consensus alterius obligant quodvisque ille consensus non fuerit renocatus, quem potest renocare cum causa iusta, non tamen sine causa, nisi ipse voto continencie & secundum Sylu. & Nauarram. Nonus igitur casus est, ratione voti castitatis, vel affinitatis contractus cum vxore, de quo Sylu. verb. dictum. q. 9. Angel. §. 1. 1. Nauar. cap. 16. num. 35. Nota tamen, quod innocens non priuatur iure petendi debitum propter superueniens impedimentum; vt patet ex cap. de deceptione. de eo qui cognouit consangu. &c. i. cum nota, quod potest Episcopus dispensare cum adultero ad petendum debitum; vt docet Sot. l. de iust. q. 2. art. 3. Sylu. supra. q. 9. Tabien. verb. dispensatio. q. 9. Medin. 1. 2. q. 97. art. 4. Nota præterea, quod affinitas ex fornicatione etiam superueniente matrimonio post concilium Trid. non contrahitur vltra secundum gradum, ex decreto sacre congregationis. Dices, An qui post contractum matrimonium suscepit ordines sacros, vel fecit simplex votum castitatis, possit petere, vel reddere debitum. Resp. Primo, quod post consummationem tenetur reddere; sed non potest petere nisi cum eo dispensatur. Secundo dico, quod peccat mortaliter in primo actu quando consumat matrimonium; & tenetur ante consummationem ingredi religionem, vt votum seruet; vt cum D. Tho. & Riccard. tenet Nauar. cap. 12. num. 80. Tabien. verb. matrim. 1. q. 1. Armill. verb. diuortium. §. 10. quamuis oppositum teneat Sot. in 4. d. 38 q. 2. art. 1. Neque obstat quod in extrinsecis antiquis de voto. Ioannis XXII. præcepto instanter talem ad id moueri; & si nolit ingredi, compellatur, contumaciter, nam id procedit in foro exteriori, ne scilicet alteri coniugii fiat iniuria, in conscientia tamen non tollitur quin peccet consummando; cum possit adhuc votum seruare ingrediendo religionem; vt dictum est.

Decimum tertium dubium. An quando aliquis dubitat de validitate matrimonij ratione alicuius impedimenti, vt quia audire priorē coniugem esse viuam, vel se contraxisse affinitatem cum coniuge post contractum matrimonium, vel defuisse legitimum consensum, teneatur reddere debitum alteri, existenti in bona fide. Resp. affirmatiue, sed petere non potest.

pro

pro explicatione. Dico primo, quòd quando aliquis moraliter est certus de validitate matrimonij, etiamsi habeat aliquas eues coniecturas in contrarium, iste petere, & reddere potest; vt habetur in cap. inquisitionis. de sent. excomm. & docent doctores. Riccard. in 4. d. 37. art. 1. q. 4. Soti. q. 1. art. 3. & l. 4. iust. q. 1. art. 4. Sylu. verb. matrim. 6. q. 8 & matrim. 8. q. 3. & matrim. 4. q. 2. & verb. conscientia. q. vlt. Angel. matrim. 2. §. 14. Leues enim coniecturæ non causant formaliter dubium, sed solum excitant scrupulum, & non dubium formale, est enim scrupulus, motus quidam in parte apprehensiva inclinans ad contrariam partem, procedens ex leuibus, & temerarijs coniecturis. sed tunc deponendum est dubium ad consilium sui pastoris, & sic licebit petere, & reddere debitum. Secundo dico, quòd quando quis est certus moraliter de invaliditate matrimonij, licet habeat aliquam formidinem de contrario, peccat mortaliter petendo, vel reddendo debitum; etiamsi compellatur ab ecclesia sub pœna excommunicationis, eoquòd probare non possit; vt patet in cap. inquisitionis. de sent. excomm. Sylu. verb. conscientia. q. vlt. Nauar. cap. 16. num. 40. Difficultas igitur est quando aliquis verè, & formaliter dubitat in vtraque partem, verbi gratia contraxit aliquis secundum matrimonium, & non potest certitudinem habere de morte primi coniugis. Item, non potest quis esse certus, an inter ipsum, & coniugem sit aliquis gradus affinitatis, & in hoc est controuersia. Caput citatum dicit, in isto casu debere reddere, non autem posse petere. ratio est; ne in alterutro vel contra legem conjugij debitum neget; vel contra legem conscientie petendo faciat. Sed hoc non obstante, Prima opinio est Adrian. quodl. 2. art. 3. in tali dubio nec petere, nec reddere posse. Fundamentum est; quancumque aliquis dubitans an faciat peccatum, & facit; peccat. & ad tex. cit. in cap. inquisitionis. Resp. Innocentium III. ibi loqui in foro exteriori. Secunda opinio est Soti in 4. d. 37. art. 5. & l. 4. iust. q. 5. art. 4. qui distinguit de eo qui bona fide contraxit, & de eo qui mala fide, id est dubitans; si bona fide contraxit, & superueniat postea dubium, tenetur facere diligentiam; qua facta potest petere, & reddere debitum. Fundamentum est; quia eodem modo si quis bona fide acceperit domum, & postea coeperit dubitare, si post factam diligentiam non inueniat dominum eius, illam

illam retinere potest. si verò mala fide, tunc dicit Sotus neque reddere, neque petere posse. & cum ista distinctione dicit esse glosandum textum innocentij. Tertia opinio est communis; debere reddere, sed non posse petere. est d. Thomæ in addit. q. 55. art. 9. Bonaui. in 4. 38. Medin. C. de rest. q. 17. Nauar. cap. 2v. num. 54. & fusè l. de pœnit. cap. si quis. d. 7. Couar. cap. 7. §. 2. num. 8. & hæc opinio est probabilior: probatur ex cap. inquisitionis. & cap. Dominus. de secund. nuptijs. Neque potest dici, quòd loquantur in foro exteriori, vt dicit Adrian. quia expressè dicunt contrarium. Neque glosa Soti satisfacit; quia isti textus loquuntur quid sit agendum existente tali dubio, sed supponimus facta diligentia manere idem dubium. & quia Lucius Papa cap. dominus. cit. dicit, quòd debitum nullatenus exigendum sit, idest facta vel non facta diligentia. Probatur secundo, quoad vtranque partem. Quantum ad hoc quòd teneatur reddere, probatur sic; quando aliquis dubitat an aliquid possit licitè fieri, & ex alia parte dubitat an sit maius peccatum illud non facere; sed hoc est in nostro casu; ergo tenetur reddere. maior probatur ex cap. duo mala. d. 13. & cap. Nauar. ibid. minor probatur; quia maius peccatum est negare debitum coniugi, quàm simplex fornicatio. Sed alia ratio potest reddi; quia hic vnum est incertum, idest an matrimonium sit validum; & aliud est certum, scilicet cum ista dubietate licitè posse reddi debitum; ergo quod certum est, faciendum est. Quoad alteram partem de non petendo, probatur: quando aliquis dubitat an facere rem aliquam sit peccatum nec ne, & est certus non esse peccatum illam omittere; tenetur illam omittere; sed tale est negotium in petendo, ergo & c. probatur tertio, respondendo ad fundamentum Adriani primæ opinionis; & Soti, & pro explicatione sciendum est primo, in moralibus duplex esse dubium; quodam speculatiuum, quodam est practicum; illud est quando dubito de natura rei; verbi gratia an hoc coniugium sit validum; hoc autem est quando dubito immediatè an aliquid sit faciendum nec ne. Secundo dico, quòd stante dubio practico semper est peccatum facere contra dubium pro ratione dubij, si dubium est mortale, peccatum est mortale; si veniale, est veniale; at verò stante dubio speculatiuo aliquando aliquid facere est peccatum, aliquando non; tunc est peccatum, quando cum illo dubio speculatiuo stare

potest certitudo practica; vel (quod idem est) quando ex illo dubio speculatio non sequitur illud dubium practicum. exemplum primi; ut ego dubito an talis contractus sit licitus, & facio illum contractum, pecco mortaliter. exemplum secundi; ut, ego confessorius opinor clericos non esse dominos bonorum ecclesiasticorum, accedit ad me aliquis ad confessionem qui malè tractauit bona ecclesiastica, ego possum illum absolvere etiam si non obligem ad restitutionem, quia practice sciō me posse illum absolvere etiam si non restituat, quamuis dubitem speculatiue an ille sit dominus illorum bonorum. Vnde ad fundamentum Adriani Resp. quod in casu proposito cum dubio speculatio an illud matrimonium sit validum, potest stare certitudo practica quantum ad reddendum debitum. non autem potest stare certitudo quantum ad petendum. cuius rei disparitatem est difficile reddere. aliqui dicunt esse ratione obedientie Pontificis, qui dedit facultatem in reddendo, non in petendo. hoc tamen non satisfacit; quia Pontifex non videtur precipere; sed docere tantum quid ex natura rei fieri debeat. Nauar. supra, dicit posse illum qui sic dubitat debere deponere dubium quantum ad redditionem debiti; non posse tamen, nec debere quantum ad petitionem. Ego responderem, cum Nauar. Ad fundamentum verò Soci Resp. esse disparem rationem de domo, & de coniugio; nam ut aliquis dubitans de domo an sit sua, nihil aliud requiritur, nisi ut nulli iniurius sit in possessione domus, quod post factam diligentiam cessat; at verò ut aliquis utatur coniuge, non requiritur ut nulli sit iniurius, sed requiritur ut sit sua coniux. Dices deinceps; quod non debet quis facile cuiquam credere, sed inquirere debet diligenter veritatem, vel petere consilium. Vnde etiam si coniux dicat se non consensisse, alter non tenetur credere. similiter si aliquis dicat priorem coniugem esse viuam, ea quæ iam contraxit, non debet credere. si tamen leuiter credat, priuatur iure debiti. Nauar. cap. 23. num. 62. Soc. art. 3. supra. Victor. q. 248. Sylu. verb. matrim. 8. q. 3. & q. 9. num. 4. Denique dico quod peccat qui indifferetè reuelat coniugatis in bona fide viuonibus aliquod impedimentum matrimonij. Sylu. verb. matrim. 6. q. 9. Soc. in 4. d. 18. q. 2. art. 4. Nauar. cap. 23. num. 89. & in cap. si quis autem de posuit. d. 18. num. 7. cum Adrian. q. de

confess. dñb. 7. Dixi *indiscretè* quia si potest sine scandalo prodesse, tunc debet reuelare. Nau. consil. 42. de sponsal.

9. Decimum quartum dubium. An coniuges teneantur simul cohabitare, & conuincere, in quo se mutuo debeant adiuuare, & familiam suam diuersis muneribus. Resp. affirmatiuè. probatur ex cap. iteras. de rellit. spol. & cap. 1. de sponsal. & matrim. Secundo probatur ex Gen. 2. *non est bonum hominem esse solum, faciamus ei adiutorium simile sibi*. Tertio, ex natura, & finibus matrimonij quæ suo loco diximus.

10. Decimum quintum dubium. An vir propter dotem non solutam possit iugiter cohabitationem. Resp. Couar. 2. p. cap. 7. citat aliquos iuris peritos, qui respondent affirmatiuè. cui opinioni non assentiunt idem auctores, & bene. tum quia cohabitationis est de iure naturæ, nec ob id nec videtur hoc impedimentum exconsolare ab illo utroque iure, tum quia Christus Matth. 18. dixit non licere nisi in causa fornicationis; ergo non est dilatanda hæc materia, nec obstat fundamentum contrariæ sententiæ, scilicet iniquum esse ut vxor a marito sine dote quam promissæ; quia ex hoc sequitur solum debere compelli per iudicem ad dandam dotem.

Decimum sextum dubium. An vxor teneatur sequi virum. Resp. affirmatiuè: probatur ex cap. vnaquæque. 3. q. 2. quoniam mulier est subdita viro, & tenetur cohabitare secum, & reddere illi debitum ergo & sequi. Sed excipitur primo, quando est mulieri præiudicium salutis animæ, vel corporis; tunc enim non tenetur. Secundo, quando vir factus est vagabundus post matrimonium, nam si ante erat talis, tenetur etiam sequi nisi adsit periculum dictum. Tertio, si est serua, tunc enim debet esse cum domino. Quarto, si præcessit pactum de non mutando domicilio, non tenetur nisi superuenerit viro vrgens necessitas mutandi.

11. Decimum septimum dubium. An maritus possit verberare vxorem. Resp. primo ex Panor. cap. cdm. contingat. de foro compet. virum non habere potestatem ordinariam in coniugem, neque vxor est in potestate viri sicut filius est in potestate patris. Confirmatur ex Gen. 2. vbi vxor data est sociæ homini, non ut famula, & facta est de costa Adæ, non de pedibus, nec de capite; sed de media parte viri ut sociæ. Secundo dico, secundum Panorm. & alios, in cap. quemadmodum. de

iureiur. potest debite corrigere; quia est caput eius; quamvis non de potestate ordinaria.

Decimum octauum. An ea quæ vxor lucratur; cedant viro, vel ipsi vxori. ratio dubitandi est; quia Panorm. cap. literas. de restit. spoliat. dicit, quod lucratur viro. & ratio videtur fauere; quia vir habet regimen domus, & debet administrare; ergo & vxor debet etiam adiuuare in eadem administratione. ex altera parte d. Tho. 2. 2. q. 32. art. 8. & alij theologi docent posse mulierem de his quæ lucratur impendere ad libitum. Placet mihi conciliatio Nauarræ. cap. 17. num. 155. & Sylu. verb. vxor. q. 2. quod prima opinio locum habeat quando vxor non dedit sufficientem dotem marito, tunc enim tenetur laborare pro viro suo, & pro domo, & sic lucra sua cedunt viro. Secunda habet locum quando dedit viro dotem sufficientem ad se alendum, & liberos. & addit Sylu. etiam hoc verum esse quando vxor lucratur pecunijs viri. Intellige hanc doctrinam cum triplici limitatione: Prima est, si vxor operetur in bonis viri pro vtu eius, vel familiæ, lucrum est viri. Secunda, debet intelligi dummodo familia non indigeat. Tertia, nisi in aliquo loco, vel regno lucra essent communia. vt dicit Nauarra. esse in hispania.

Decimum nonum dubium. An sub peccato mortali mulier teneatur obedire viro. Resp. primo, certum esse de iure naturæ, & diuino teneri Gen. 2. *sub viri potestate eris.* huius rei sunt quàm plurimæ auctoritates collectæ 33. q. 5. Secundo dico, si ex contemptu, & obstinato animo non vult obedire in rebus licitis, peccat mortaliter. & etiam sine contemptu in re valde graui.

Vigesimum dubium. An vxor possit eleemosynas facere. Resp. negativè, simpliciter loquendo; conceditur tamen vt possit facere tantum quantum consuetudo moralis loci, & personarum patitur; vbi intelligitur tacitus viri consensus. & etiam si vir negaret, potest mulier interpretari mentem viri, vt fiat scilicet eleemosyna sine excessu. Item posset quando vir esset absens, vel amens; præsertim si faciat propter bonum viri vel temporale, vel spirituale, vt fecit Abigail. 1. Reg. 25. de paraphernalibus autem certum est, quod possit.

Vigesimum primum dubium. An vxor possit aliquid bonorum abscondere quando vir eius est prodigus, luser, &c. Resp. potest

potest facere, & optimè facit. nec tenetur in hoc obedire viro si precipiat ut det.

Vigésimum secundum dubium. An possit suæ nutrici dare, vel alteri, semel, vel pluribus vicibus quinquaginta aureos pro matrimonio, etiam de sua dote restituenda. Resp. negatiue, etiam si dos sit vxori restituenda, tamen administratio dotis est penes virum.

Vigésimum tertium dubium. An possit vxor filios primi matrimonij alere de bonis communibus matrimonij. Resp. certum est de bonis proprijs qualia sunt paraphernalia posse, certum est etiam de bonis viri non posse; de bonis autem communibus distinguendum est: si filij primi matrimonij habeant iustam aliquam actionem ut sustententur ab vxore, tunc teneri virum sustentare illos, nec debere matrem in seipso viro id facere, sed per iudicem debet id facere; quia quando transfertur dominium alienius rei in alterum, transfertur etiam cum onere; at onus vxori sunt filij; ergo &c. si verò filij illi non habent actionem contra matrem, non potest mater illos alere sine viri consensu; sit enim iniuria viro, quando quidem bona communia sunt.

Quoad secundum matrimonij bonum quod erat proles, sit in ordine

Vigésimum quartum dubium. Quotuplex est genus filiorum? Resp. est quadruplex: quidam sunt naturales & non legitimi, qui facti sunt secundum ius naturæ commune animalibus, & contra legem matrimonij; & ideo dicuntur naturales, & non legitimi. alij sunt legitimi, & non naturales; ut sunt filij spirituales, & adoptiui. Anton. in summ. 3. p. tit. 10. cap. 4. §. 10. alij sunt legitimi, & naturales; ut sunt omnes ex matrimonio legitimo facti. alij nec legitimi, nec naturales, ut spurij. Rursus illegitimorum est quadruplex genus secundum gloss. cap. nisi, de renunciat. quidam sunt naturales tantum, quidam nothi, quidam spurij, quidam manseres. inter hos est difficile assignare distinctionem; quia diuersimode ius canonicum, & civile, distinguunt. naturales vocantur à iure civili qui ex concubina domi retenta nati sunt l. finali. ff. de concub. Nothi, qui ex meretrice; seu ex coitu qui lege punitur, ut ex incestu, adulterio, sacrilegio. d. 7 ho. in addit. q. 68. art. 1. Sor. in 4. d. 41. q. unica. art. 4. & l. 4. de iust. q. 3. art. 3. Sylu. verb. filium. gloss. in cap.

nisi

nisi cum pridem de renunciat. verb. manseres. Couar. epit. p. 2. cap. 8. §. 9. Scorto. Manseres, vel spurij qui ex parentibus inter quos matrimonium esse non poterat, dicuntur autem naturales, quia nati sunt ex naturali appetitu, qui communis est cum behtijs. Sed aliquando nothi, vocantur idem qui spurij, dicuntur nothi quasi degeneres, quia degenerant. Spurij autem secundum Plutarchum in suis problem. cap. 103. dicti sunt ab agnomine quoddam Romanorum, quod est *Spurius*, quod scribi solet duabus literis, S. & P. hoc modo S. P. quod deinde fuit interpretatum per primam literam S. id est sine & P. id est pater, scilicet, sine patre. Differentia est ex iure canonico, ut dicantur naturales, vel nothi, illi qui ex non damnato coitumati sunt, & tali, quod inter illos matrimonium esse poterat. spurij vero nati sunt ex parentibus inter quos matrimonium nec esse poterat. Secundo nota obiect, quidam innotigi solet nomine mulieris subintroducitur apud nonnullas leges, nam Nicolaus cap. nullus. d. 31. meminit huius, & cap. interdixit. d. ead. concilium Nicen. vetuit sacerdotes, vel clericos habere mulieres subintroductas, & Chrysost. ser. quodam in quinto tomo, habet sermonem in eos habentes mulieres subintroductas, & Iuseb. l. 7. cap. 30. dicit tempore Samosateni quasdam mulieres sequutas ipsum, quae ab Antiochenis subintroducitur vocabantur. Archidiaz. cap. nullus. d. 32. dicit esse quasdam mulieres conuersas, quae religionis causa habebant cum clericis, vel religiosis, quas nunc dicimus conuersas. Sed verius credo eum Chrysost. esse illas quae cum carerent patre, vel tutore, vel cognatis, patrocinijs causa assumebant clericos à quibus patrocinerentur. Tertio nota, praeter hos illegitimos quadruplices dictos, omnes alios dicti legitimos, id est omnes qui ex legitimo matrimonio nati sunt, quales etiam sunt illi qui inter infideles nati sunt, & in gradu prohibito per ius canonicum. etiam nati ex fidele, & infidele, quando, matrimonium per conversionem fidelis nondum est solutum inter illos, non tamen essent legitimi nati inter fideles, & iudaeos qui nascerentur ex secundo matrimonio repudiata prima, quia secundum, non est matrimonium. Nec solum omnes hi legitimi sunt, sed etiam vocantur hic legitimum omne illud matrimonium, quod etiam si à patre reinnuatum esset, tamen in faciem ecclesiae contractum est cum bona fide vnus tantum,

contra.

contrahentis, hoc determinatur ex cap. tenore. est Innocentij
III. & cap. peruenit. est Celestini III. tit. qui filij sine legitimi.
& cap. cum inhibitis. & clandestini. despons. imo si fuerit his
de valore matrimonij, sit pendente qui nascuntur filij, legiti-
mi sunt; idem dico postulatam sententiam facta legitima ap-
pellatione. ratio huius dicta est, quia ecclesia in his permittit,
& vult coniuges simul cohabitare; ergo qui nascuntur ab il-
lis habentur ab ecclesia legitimi. Quarto nota, horum filio-
rum aliqui sunt sub patria potestate, aliqui non. eximuntur
patria potestate filij, multipliciter; verbi gratia si pater fiat
professus in aliqua religione; similiter si filius profiteatur. Solui-
tur etiam per Episcopatum; cap. per venerabilem. qui filij sint
legitimi. & per cardinalatum; secundum glossam in extrauag. ex-
crahilis. de prebend. Ordo facit etiam presbyteratus non exi-
mit a patria potestate; eximuntur etiam per emancipationem.
Quinto nota, non omnes filios illegitimos posse legitimari quoad
omnes penas, & effectus eius; ratio est, quia illa pena, vel ef-
fectus sunt introducti per ius ecclesiasticum, vel cesareum;
ergo per eadem iura possunt auferri. & nota, aliud est legiti-
mare; aliud dispensare; cum illegitimo; nam illud est auferre
omnes penas; & facere quasi legitimum; illud autem est solum
quoad aliquem effectum.

Vigesimum quintum dubium. An parentes teneantur alere
filios. &c. Resp. affirmatiue primo, quia vnusquisque debet con-
seruare secundum ius nature opus suum; sed filij sunt natij
parentibus; ergo &c. Secundo, quia educatio liberorum est de iure
naturali. ff. de iust. & iure. ius naturale; sed ad educationem
pertinet alimenta praebeere; ergo &c. ex hoc infero hoc etiam
verum esse de filiis spurjijs; quia ius nature etiam ad hos se-
extendit. Secundo, nulla lege aut consuetudine contrarium in-
troducitur potest, quia contra ius nature nulla est lex, vel consue-
tudo. Tercio, interitur, parentes non satisfacere huic iuri si ex-
ponant filios ad mendicandum; sicut nec satisfacerent euan-
do ut filij in aliquo hospitali collocentur, quando id facere est
contra decentiam filij; sicut non satisfaceret is qui curam
habet aliquem alendi ex testamento; si cum in aliquo Xeno-
dorio reponat. Quarto infero, haeres patris teneri alere
spurijs; ratio est, quia haeres subit omnia onera defuncti.
Quinto infero, teneri parentes docere filios etiam spurios;
quia

quia hoc pertinet ad earum alimenta. intelligit iuxta quantitatem pro alimentis debitam. Couar. epit. p. 2. cap. 8. §. 6. num. 11.

Vigesimum sextum dubium. An pater ex aliquibus causis excusetur à filijs alendis. Resp. aliqui dicunt non teneri quando contraxit matrimonium sine sua licentia. hoc falsum est, ut supra diximus. Imo Couar. cap. 8. §. 6. num. 4. dicit, quod si filius contraxit cum honesta, tenetur & uxori dare alimenta. Alij excipiunt emancipatos, sed neque hic casus est sufficiens. vera exceptio est, non teneri patrem quando filius habet aliunde bona quibus alii possit. excipe etiam omnes illos casus quibus potest pater exheredare filium propter aliqua crimina, quæ referuntur à summi istis verbis hereditas.

Vigesimum septimum dubium. ex duobus parentibus vter teneatur filium alere. Resp. primo tempore, verbi gratia per triennium, tenetur mater; quia tunc indiget opera matris, ut lacte &c. intellige, nisi mater tunc non possit; quia tunc pertineret etiam ad patrem. reliquo tempore pertinet ad patrem, intellige, nisi pater non possit, ut si sit inops, &c. Panor. cap. cum haberet. de eo qui cognovit quam polluit per adulterium. ibi tenet Panor. filios ex adulterio genitos debere alii ex ambobus. Couar. dicit hoc sibi esse dubium, loco supracit. num. 13. sed ego obligarem patrem tanquam à se genitum.

Vigesimum octavum dubium. An mater teneatur lactare proprium filium. Resp. Omnino improbanda est consuetudo matrum non lactandi proprios filios. Ita apud Gregor. in Respon. sione ad Episcopos Anglorum. & August. in enar. Psal. 49. & in Plutar. de liberis educandis. tamen non sunt condemnanda peccati mortalis, præsertim quando allegant morem patriæ suæ non esse ut lactent. &c. Item excusarem quando essent pauperes, nec possent vacare in liberis alendis. tunc possunt dare alijs quæ illos alant, expensis tamen patris.

Vigesimum nonum dubium. An teneantur parentes dare filijs hereditatem. Resp. ex 1. & 2. ad Cor. 12. *parentes debent thesaurizare filijs.* Secundo, quia filius non potest exheredari nisi ob aliqua crimina; ergo sine causa non potest pater exheredare filios. Confirmatur, quia portio legitima secundum omne ius dicitur esse de iure naturæ. Terrio, relicta ecclesijs dū filij exheredantur, nec valida sunt, nec iusta. antecedens est

Augu-

Augustini, & habetur cap. quicumque. 17. quest. 4.

Trigesimum dubium. An teneantur parentes instruere filios in bonis moribus. Resp. affirmatiue, & est de iure naturali; quia filius est aliquid patris; & quia pater est quodam totum respectu filij ad totum autem naturaliter pertinet prouidere parti. Secundo, est de iure diuino, vt patet ex plerisque locis scripturæ. ad ephes. 6. *patres nolite* &c. est libellus Plutarchi de educandis liberis.

Trigesimum primum dubium. An filij debeant parentibus ambrem, obedientiam, & sustentationem. Resp. affirmatiue, primo ex iure naturæ; quia pater est ad quem pertinet gubernare. Secundo ex iure diuino; vt patet ex Deuter. 21. Tob. 4 ad Hebr. ad ephes. &c. & infero primo, peccare grauiter filium qui vel odit, vel mortem patris desiderat deliberatè. qui toruis oculis patrem respicit. ita Angel. Sylu. Tab. & alij, verb. filij. Secundo infertur, peccare mortaliter filium, qui non obedit patri in rebus grauib; & in his quæ pertinent ad curam domus, &c. Tertio, qui vel leuiter percutit patrem, vel iniurijs læcessit deliberato animo secundum Riccar. in 3. d. 37. Quarto, qui non subuenit patri existenti in graui necessitate vel alendo, vel redimendo à captiuitate.

Vigesimum secundum dubium. An ea quæ filius lucratur sint patris, nec ne. Resp. & suppono primo, esse quadruplex pecuniam filiorum. Primum est castrense, & est lucrum, vel pecunia quam filius acquirit in bello. vel quod illi donatur titulo militiæ. Secundum est quasi castrense, quod filius acquirit ex officio aliquo publico, pro quo habet publicum salarium, vt est officium legendi, medendi, aduocandi, &c. Item omne illud quod lucratur filius clericus titulo clericali, vel aliquo beneficio; & quicquid ei obuenit post clericatum. Tertium est aduentitium, quod nec est castrense, nec quasi castrense, nec obuenit illi intuitu patris sui, neque ex pecunia patris, sed aliunde ex alia occasione vel illi donatur, vel ipse sua industria acquirit, vel aliquo casu, vt ludo, &c. Quartum est profectitium, & est quod ipse recipit à patre, vel acquirit cum pecunia patris, vel intuitu patris. Dico igitur, prima bona quoad dominium, & quoad vsum fructus filius acquirit sibi, non patri. secunda bona etiam pertinent ad filium eodem modo. tertia bona quoad dominium, & proprietatem, sua sunt quoad vsum.

fructuum tamen sunt patris. Vnde nec pater potest ledere proprietatem illam, nec filius potest se intromittere ad usum fructus, secus, si sunt quarta quoad dominium, & quoad usum fructus, patris sunt, & in his ultimis dicit Sylu. verb. peculium, q. 1. quod siue filius negotietur ex voluntate patris, siue non, ex pecunijs patris totum lucrum debet cedere patri. Sed Nauar. cap. 17. num. 144. admittit posse dari peculium quodam mistum ex aduentitio, & profectio, quale est quando filius cum pecunia patris, & sua industria lucratur; & bene meo iudicio. Vnde sequitur quod filio in isto peculio misto debetur aliquid, scilicet tantum quantum respondet suo labori, suæque industriae. & debet intelligi suppositis duobus: Primo modo filius suo labore non tenetur sustentare patrem. Secundo, quod filius saltem tacite protestetur se laborare ut aliquis mercedis inde habeat, quod si solum amore filiali faciat, & nihil protestetur, nihil ei debetur.

Trigesimum tertium dubium. Ad quid teneatur filius qui etiam accipit de paternis bonis. Resp. certum est esse forem; quia filius vivente patre nullum habet ius in bonis patris. Vnde nec potest filius familias facere eleemosynas de bonis patris, nisi quantum concederet pater, quod si quis extra domum patris sit potest facere tantum quantum potest; quia pater tacite consentire videtur. similiter nec potest filius familias ludu veni si valde parum, quantum pater intelligitur permittere. & hinc sequitur eos qui luantur ex filio familias teneri restituere. Sed an eodem modo filius familias teneatur ad restitutionem si lucretur in ludo ab eo qui potest alienare. Sot. l. 4. de inst. q. 3. art. 2. dicit teneri; ratio est, quia par debet esse utriusque conditionis. Resp. tamen meo iudicio non teneri alium ad istam restrictionem, quia nullus est textus qui hoc convincat, tum quia ratio Soti non est efficax, sequeretur enim ex illa, quod pauper non posset lucrari à diuitibus. Similiter contractus qui fit cum pupillo, & cum ecclesia in fauorem pupilli, vel ecclesie renetur, in præiudicium verò non tenet. Idem tenet Nauar. cap. 19. num. 11. limitarem tamen, nisi filius familias fraude deciperet aliquem, dicens se posse ludere multa, &c.

Trigesimum quartum dubium. An ea quæ pater vivens donavit filio, debeant computari in partem suam. Resp. affirmatiue, quia secundum ius donatio patris in filium non tenet,

nisi

nisi in certis casibus, de quibus ad ius civile pertinet agere, cit. de donation. per hoc tamen non teneretur filius computare ea quæ pater consumpserit filio in vestitu, victu &c. non sunt computanda; quia propriè non est donatio, sed alere; quamvis illustris agat cum uno, quàm cum alio filio. nec tenetur computare impensa pro studio nisi pater haberet apud se aliqua bona filij castrensia, vel quasi castrensia; quia tunc intelligitur impendere de illis bonis castrensibus, vel quasi castrensibus. Hucusque de legitimis. dicamus nunc de illegitimis filijs. Sic igitur.

Trigesimumquintum dubium. An filij illegitimi sint irregulares; & incapaces ordinum, & dignitatum, & hereditatis. Resp. affirmatiuè probatur primo de ordinibus; ex cap. 1. & ult. de filijs presbyt. & cap. is qui. cit. eod. in 6. ratio est; quia facile est filios imitari parentes. & in odium adulterij, & in fauorem coniugij matrimonialis. & consequenter sequitur sine dispensatione non esse capaces dignitatum; quia hoc competit personis ecclesiasticis. Nauar. cap. 27. nu. 201. & præsertim filij clericorum; de quibus Trid. sess. 25. cap. 15. de reform. & Nauar. cap. 25. num. 117. probatur secundo, de hereditate, ex Codice de naturalibus liberis. & autentica quibus modis naturales filij possint effici sui. sed est differètia inter spurios, & non spurios; nam naturales tantum non existentibus liberis legitimis, succedunt patri ab intestato in duabus vncijs tantum, idest in sexta parte hereditatis. existentibus legitimis, potest ei pater testari vnciam vnâ, idest duodecimam; hoc habetur supra, locis cit. matri verò ab intestato succedunt cum filijs legitimis. ita habetur l. si qua illustris. ad officianum senatum. De spurijs verò habetur ibid. quòd nec ab intestato, neque ex testamento, neque ex contractu à patre aliquid potest recipere. & secundum ius canonicum ista valida sunt; quia secundum Host. & Panorm. cap. nisi. de renunc. & Sylu. verb. filij. q. 3. quæ statuuntur de hæredibus à iure civili valida sunt, nisi ius canonicum contradicat. quòd si pater non habeat filios legitimos, vel descendentes, potest dictos filios instituere etiam in totum, legitima tamen seruata parentibus. si autem nec ascendentes nec descendentes habeat legitimos, potest illos hæredes instituere in solidum. quòd valet etiam de iure canonico. & probat Sylu. ibid. §. 2. & ex Abbate. & gloss. in cap. tan-

ta. qui filij sint legit. Ista tamen non procedunt in filijs naturalibus. Sylu. verb. filij. q. 3. §. 3. Sed hic Nota, quòd spurius id est natus damnato coitu, neque patri, neque matri succedit in conscientia, tamen est alendus, quamvis aliter leges civiles decernant. vnde bastardi non dicuntur de parentela parentum, vt probat Sylu. verb. filij. q. 4. §. 2. Couar. epit. p. 2. cap. 8. §. 5. num. 15. eodem modo parentes non succedunt spurij. Sylu. ibid. §. 3. Secundo nota, quòd prædicti spurij possunt institui hæredes ab extraneis. Sylu. supra. Item posset dare spurio quod daret alteri pauperi, si esset exequutor alterius testamenti. Similiter posset succedere fratri suo pupillo. Sylu. ibid. imo spurij & illegitimi sibi inuicem succedunt. Couar. ibid. num. 19. ex l. 2. l. si spurius. ff. Vnde cognati. similiter possunt succedere cognatis deficiente legitima prole, & Auo. de quo vide Couar. supra. num. 13. & 19. Tercio nota, quòd filij presbyterorum nec etiam matri succedere possunt secundum Patrem in cap. per venerabilem. qui filij sint legit. Sylu. q. 4. §. 7. Couar. supra. num. 17. idem dicendum est de filijs aliorum clericorum qui sunt in sacris. Sylu. & Couar. supra. ex his sequitur Primo, quòd spurius non potest tuta conscientia habere legata à patre suo, sed debet restituere hæredibus legitimis. Secundo, quòd spurius non potest tuta conscientia retinere quicquid datur ab hærede instituto. Tercio, quamvis hic hæres dederit fidem patri de bonis dandis spurio, eaque daret, licet hæres peccaret in ea promissione, quia est cōtra leges, tamen spurius posset tuta conscientia retinere; quia tale dominium nō impediunt leges. Couar. epit. p. 2. cap. 8. §. 5. num. 8. Quarto sequitur, quòd cum hæres est institutus, non tenetur restituere hæreditatem spurio, licet id promiserit patri, nec tenetur dare fidei, vt probat ibid. Couar. num. 9. quicquid dicat Soc. l. 4. de iust. q. 5. art. 11. Quinto, neque dictus hæres cogitur testificari de hac re in conscientia, nisi præcedente infamia interrogatus iuridice. Couar. §. iuric. num. 10. quæ autem cautela adhiberi possit in huiusmodi testamento in fauorem spurij, ponitur à Couar. supra. num. 11. & 12.

Trigesimum sextum dubium. Quid faciendum est quando genitus est filius ex adulterio, quem maritus putat esse filium suum legitimum. quid faciendum est vxori adulteræ, quid adultero; quid item confessario? tractatur hoc dubium in 4. d.

15. d. theologis. & in cap. officij. de pœnit. & remiss. d. canonistis. Resp. primo, vxor si credit se profuturam reuelando, & potest sine periculo vitæ, & famæ, tenetur reuelare. si adsit periculum vitæ, Sot. putat in vno casu teneri, quando ageretur de restitutione (verbi gratia) regni, vel maxime familiæ quæ transiret ad alienam familiam. Alij contrarium docent, & bene; non teneretur ad hoc mulier nisi in fine vitæ. Si adsit periculum famæ, Sot. l. 5. de inst. q. 7. art. 2. dicit compensandam esse famam cum iactura rerum; & si æqualis est iactura, tenetur reuelare. Alij verò simpliciter negant. Caiet. opus. 31. tom. 1. responsi 14. & Nauar. cap. 16. num. 45. Anton. 2. p. tit. 2. cap. 7. §. 4. ex fundamento illo communi, quod nemo tenetur dare bonæ maioris momenti pro bonis inferioris ordinis, sed fama est bonum maius; ergo &c. quando autem non tenetur mulier reuelare, tunc debet satisfacere damna eo modo quo potest. verbi gratia, persuadeat filio vt fiat religiosus, vel satisfaciat de bonis suis paraphernalibus, vel de lucris suis, vel de dote quando illam habebit. Secundo, filius adulterinus cui mater id reuelaret, nō tenetur illi credere, etiam iuranti. quod si probationes essent tales vt ille non posset non credere, tenetur restituere damna. Tercio, Adulter etiam non tenetur credere illum esse filium suum. si tamen crederet, vel deberet credere, tunc tenetur ad alimenta filij. & ad dotem filiz, & restituere alimenta, si a patre putat illo receperunt. ad alia verò damna Sot. supra non videtur de rigore condemnare illum, sed tantum ex decencia ratio est, quia non videtur causa proxima illorum duorum. Nauar. tamen, & Anton. supra dicunt teneri; quia licet videatur magis proxima causa mater, tamen in illo genere peccati etiam ille est causa proxima; quare vtrunque obligarem. Quarto, quando talis aliquis accedit ad confessarium, debet hoc considerare, si pater putatius est mortuus, & filius adulterinus successit in hereditatem; est obligandus ad restitutionem omnium damnorum. si non est mortuus pater, tenetur ad impensas pro illo factas, & provideat etiam pro damnis futuris, quod si pœnitens est proximus morti, relinquat heredibus veris, non tantum quantum filius habuisset ex patre mortuo, sed quanto minus estimatur portio in futurum habenda; cum isto dubio an talis filius sit habiturus, vel supernicturus.

- Trigesimumseptimum dubium. An illegitimo possint per legem negari alimenta. Resp. negativè; quia sunt de iure naturæ. & si pater negaverit, tenentur hæredes illi dare. Couar. cap. 8. cit. §. 6. nu. 5. & est de iure canonico. cap. cum haberet. de eo qui duxerit &c. Couar. ibid. num. 6: quamvis (ut dixi) spurio de iure civili negentur. hæc autem intelligenda sunt iuxta parentum facultatem, & filiorum etiam qualitatem. & præterea quando talis filius non habet unde capiat alimenta; ut artem, industriam, &c. secus si haberet industriam. Couar. num. 9. quod si non possent præstare alimenta parentes, tenetur Avus, Abavus, &c. Couar. §. 6. cit. num. 16. ex his inferitur, quod pater tenetur dotare filiam spuriam sicut ad eam alendam. Intellige iuxta quantitatem pro alimentis debitam. Couar. num. 11.

Trigesimumoctavum dubium. An filius illegitimus possit legitimari. Resp. affirmativè; quia cum damna quæ incurrit filius illegitimus per legem inducta sint, per eandem auferri possunt. d. Tho. in addit. q. 68. art. 3. Est autè legitimatio habitatio illegitimi ad actus legitimos, ad quos ex illegitimitate erat inhabilis. Est etiam triplex legitimatio; plena, plenior, & plenissima. de qua Sylv. verb. illegitimus. Item vel est à iure, vel ab homine. Item legitimatio à iure fit tripliciter; vel à iure canonico tantum, vel à iure civili tantum, vel à iure canonico, & civili simul. de duabus, Sylv. & Couar. supra. de secunda agit copiosè Couar. epit. p. 2. cap. 8. §. 2. quæ hic summam referam. igitur. Dico primo, quod iure canonico, & civili filij legitimantur per subsequens matrimonium. cap. tanta. qui filij sint legitimi. & l. cum quis. C. de naturalib. liberis. explico hunc modum: Primo, intelligitur quando filij concepti, vel nati sunt à parentibus tempore quo poterat inter eos esse coniugium, Secundo, intelligitur de omnibus illegitimis ex quocunque coitu genitis, modo inter illos potuerit esse matrimonium. Tertio, intelligitur siue filij nati sint ante matrimonium contractum, siue post. imo etiam si in fine vitæ contrahat. imo si post natos filios contrahat aliud matrimonium, & illo finito per mortem contrahat deinde inter se, illi filij sunt legitimi. Quarto, intelligitur etiam si natus sit filius ex clerico in minoribus, & beneficiato, vel ex monacho, siue moniali intra annum probationis; Couar. epit. p. 2. cap. 8. §. 2. num.

num. 5. Quinto, dummodo concubina Christiana sit tempore
 natiuitatis. nam si sit infidelis, non legitimatur filius etiam
 si postea illa conuertatur. Couar. ibid. num. 6. Sexto, etiam si
 matrimonio subsequenti interueniant matrimonialia instru-
 menta. ibid. num. 8. Septimo, etiam si parentes sint dispa-
 ritatis. ibid. num. 9. Octauo, legitimantur etiam si matrimonium
 contrahatur ab infirmo propè mortem, vel à sene decrepito
 cum concubina. ibid. num. 10. Vnde filius sic legitimatus ex-
 cludit substitutum sub conditione scilicet si institutus sine filijs
 legitimis decesserit. Nono, non requiritur ad hoc filiorum
 consensus, nam talis legitimatio fit à iure, etiam inuitis ipsis
 parentibus, vel filijs. licèt de iure ciuili generaliter requira-
 tur consensus. ibid. num. 11. Decimo, talis legitimatio ob in-
 gratitudinem non reuocatur. ibid. num. 14. & 15. Vndecimo,
 hæc legitimatio cum sit de iure positiuo tolli potest. ibid. nu-
 18. Duodecimo, hæc legitimatio comprehendit eos filios qui
 tempore coniugij facti viuunt; non autem eis mortuis ad finem
 vt legitimetur nepotes; vt probat Couar. num. 19. contra ali-
 quos. Decimotercio, filius per subsequens matrimonium legiti-
 matur quoad omnia, perinde ac si à principio ex legitimo
 matrimonio esset conceptus. ibid. num. 21. Sylu. verb. filius. q.
 13. De legitimatione ab homine, vel rescripto principis, agit
 Sylu. supra. & alij. Dico secundo, secundus modus legitima-
 di est per ingressum religionis, sed solum quoad ordines sacros
 cap. 1. de filiis presbyteror. Dico tercio, tertius modus est ex
 iure ciuili; quando pater instrumento publico, vel priuato scrip-
 tura tribus testibus autècicata. testatur illum esse legitimum
 autem cum quis de naturalib. liberis. ratio est, quia præsumit
 ius ex tali testamento illum esse legitimum, quòd si contra-
 rium constaret, verè non esset legitimus, etiam si pater dicat.
 Item quando pater dat filium suum curiæ. vel ipse filius seip-
 sum tradit. Dico quarto, quartus modus est per rescriptum
 principis; in quo seruanda est regula quæ seruari debet in om-
 ni rescripto primo, vt non sit surreptitium. cap. postulastis. de
 rescript. & cap. per venerabilem. qui filij sint legitimi.

Trigesimum nonum dubium. Ad quem pertinet legitima-
 re. Resp. summus Pontifex quoad spiritualia potest legitimare
 omnes homines totius ecclesiæ, quoad tēporalia, eos qui sunt
 sub suo statu directè. indirectè vsq; etiam omnes qui sunt in

eccle-

ecclesia. Episcopus potest legitimare quoad ordines minores, & beneficium simplex. Omnis princeps temporalis non habet superiorem, potest suos subditos quoad temporalia. probatur prima pars; quia omnes pœnz spirituales quibus afficitur illegitimus sunt penes Pontificem; ergo &c. & in statu suo habet dominium temporale sine vilo superiore. Sola difficultas est de alijs extra statum suum quoad temporalia. & in hoc licet aliqui teneant Papam posse legitimare in toto orbe, communior tamen sententia est non posse nisi indirectè, probatur, quia in materia de clauibus, diximus Pontificem non habere directè dominium temporale totius orbis, sed solum quoad regimen spirituale. Confirmatur ex cap. per venerabilem, qui filij sint legitimi. probatur secunda pars de Episcopo, ex cap. 1. de filiis presbyt. in 6. intelligo quoad ordines minores tantum, & simplex beneficium. probatur tertia pars de principe temporali; quia talis princeps potest dispensare in legibus quas condit. sed illa pœna est secundum leges civiles, & humanas, ergo &c. hinc sequitur posse legitimare non subditum. Secundo potest etiam (vt credo) legitimare proprium filium vt subditum. Abbas cap. per venerabilem. supra. Petes, ad quæ pertinet legitimare filios clericorum extra statum proprium. Resp. res est controuersa inter canonistas. melior opinio esse videtur, pertinere ad principes seculares quoad patrimonialia, non autem quoad ecclesiastica; nam hæc sunt iurisdictionis Pontificiæ.

Quoad tertium matrimonij bonum, quæ est sacramenti indissolubilitas. Sit in ordine

Quadragesimum dubium. An matrimonium sit indissolubile aliquo iure, & quo iure. Resp. Hæretici crediderunt ex consensu communi licere dissolui. cui hæresi licet Caiet. non consentiat, docet tamen tom. 1. opus. tract. 28. q. 1. matrimonium ex iure naturæ non dicere indissolubilitatem; ego dico, matrimonium esse indissolubile iure naturali, diuino, & ecclesiastico. explico; certum est nos loqui solum de indissolubilitate usque ad mortem; nam post mortem etiam si resurgat alter eorundem, non tenetur in eodem matrimonio. Nec obstat illud ad Hebr. 9. *susciperunt mulieres in resurrectione mortuos suos*; quia loquitur de fide. probatur quod sit indissolubile de iure naturæ; Primo, omni animali est commune parentibus com-

manere vsque ad educationem prolis si indigeat utroque parente; sed secundum naturam speciei hominum; homo communiter, & rectè, non potest generare nisi anno ætatis vigesimo; proles etiam indiget parentibus communiter vsque ad vigesimum annum, & perfectum usum rationis. Item communiter post quinquagesimum annum multi non sunt apti ad generationem; & vltimum filium debent educare simul vsque ad septuagesimum annum; post illam ætatem vterque parens indiget subsidio prolis; ergo semper debent manere simul. Secundo, si liceret ex iure naturæ facere diuorium, multa impedimenta contingerent circa prolem; nam separarentur forte ante prolis productionem. Deinde non posset educari neque in moribus, neque in corpore. item, quia parentes tenentur thesaurizare filiis de iure naturæ; ergo hoc iure est indissolubile. Tercio, pessimè haberet convictus domesticus, qui est finis secundarius matrimonij; quia quisque coniugum sibi vacaret, & conaretur expilare alterum. Confirmatur ex vsu Romanorum, qui per 520. annos nesciuerunt repudium. quo tempore, Spurius Carbirius ex Aulogel. l. 4. cap. 3. repudiavit suam, ante verò nunquam repudiauerunt. Probatur secundo esse de iure diuino indissolubilitatem, ex Gen. 2. *propter hoc relinquet thomo, &c. & adhaerebit uxori suæ*, (idest adherere tenebitur,) & *erunt duo in carne una*. ad significandam indissolubilitatem personarum; Malach. 2. *noli despicere uxorem adolescentia tuæ. sicut odio habueris; dimitte illam dicit dominus, operiet autem vestimentum dñi &c.* ergo erat iniquum repudiare. Matth. 19. *ad duritiam cordis nostri &c.* ergo &c. Rom. 7. *mulier alligata est legi quamdiu uiuit vir eius.* & loquitur ad Iudæos. 1. Cor. 7. *si discesserit maneat innupta, uel reconciliatur viro.* Probatur tertio quod sit de iure ecclesiastico, in canone 47. Apostolorum. si quis laicus cū sua ipse dimiserit, &c. Concil. 6. generale can. 87. idem docet. Concil. Mileuit. cap. 17. Elibertinum cap. 7. Aphricanū 7. cap. 69. Innoc. Lepif. 2. ad Vi&riciū. Leq. ep. 77. ad Nicetā. Alex. iij. cap. quæsiuit. & Innoc. iij. cap. quanto. de diuorijis.

Quadragesimum primum dubium, An libellus repudij fuerit licitus inter gentes, & Iudæos. Resp. prima opinio est non fuisse licitum repudium apud Iudæos, nec gentes, sed illos peccasse, sed impune mittebatur, sicut nunc meretrices. Idem dicunt de repudio. Ita Sot. Bonau. & Riccard. d. 33. & Tyrannus

Deuter. cap. 24. & Matth. 19. Secunda opinio dicit fuisse licitum, & factum sine peccato ex diuina dispensatione. Ita Abul., in Matth. 19. q. 47. & 48. similiter Scot. Dur. Palud. Maior. Caiet. & Ledes. Ego dico libellum repudij licitum fuisse, & sine peccato permiffum Iudæis, & gentibus; quamuis sit contra ius naturæ secundarium. Probatur primo ex scriptura, Deuter. 24. Vbi Deus dat legem repudij. Si autem solum effet impunè id permitti, daret occasionem peccandi; præsertim quòd iudæi viderunt legem claram, & praxim communem. Confirmatur, quia ibidem dicitur, ne semel repudiata iterum admittatur. n. què repudiata liceret alteri nubere. quod tamen lex dicebat id posse fieri. Secundo, ex tali permissione si solum effet impunis permissio, multa peccata sequerentur. Primo, peccarent mortaliter dimittendo. Secundo, accipiendo alteram. Tertio, semper essent in peccato mortali. Quarto, facerent vtraque mulierem esse in peccato. Quinto, facerent filios spurios. Sexto, hæreditas veniret ad spurios. Tertio probatur, si solum impunè, & non licitè permitteretur, sat fuisset dissimulare silentio, & non dare leges positiuas, vt facit lex humana in meretricio. Nec satisfic his difficultatibus dicendo, quia, alias viri occidissent mulieres nisi repudiassent. Primo, non est credendum, quòd ira facit occidissent communiter. Secundo, pro hoc satis fuisset dissimulare, & non dare legem. Nec obstant ea quæ in superiore dubio dixi. nam primo, quòd sic de iure naturæ, & diuino, concedo; sed secundario. Secundo, ius diuinum non erat ita clarum; nam illud Malachiæ 2. poterat exponi quando dimitteret vir contra ordinem legis. & idem locus Malachiæ ostendit de se esse illicitum. licitum tamen esse per dispensationem diuinam, illud etiam Deuter. 24. non obstat; illud enim non significat illam talem dimissam fuisse infamatam coram Domino. Illud Christi, *ad duritiam cordis vestri*, &c. non significat peccasse iudæos in illo; sed causam, cur dispensasset cum eis. Petes primo, quid esset libellus ille repudij. Resp. erat scheda quædam in qua vir faciebat fidem uxori vel liberè contraheret cum alio. in illa dicunt aliqui solitam fuisse scribere causas repudij, quod non credo. Secundo petes, quæ erant causæ legitimæ repudiandi. dicunt Rabini fuisse causam fornicationis. hoc non placet; quia propter adulterium si erat publicum, lapidabantur. si erat occultum, erant

aquæ Zelotypiæ. Alij dicunt fuisse causam odium magnum, quod credo verum esse, & ideo Christum Dominum dixisse, *ad duritiam &c.* Tertio petes, quando soluebatur matrimonium in illo casu. aliqui dicunt, quod statim ac dabatur libellus repudij. alij verò vsque ad secundum matrimonium. Sed prima opinio videtur verior. Quarto petes, An licitè possint iudæi, & gentiles nunc repudiare. Resp. sublatam esse illam legem per ius euangelicum, quod reuocauit nos ad primum statum legis naturæ.

Quadragesimum secundum dubium. An matrimonium infidelium soluatur per conuersionem fidelis. Resp. de matrimonio infidelium conueniunt catholici in multis. discrepant tamen an statim dissoluatur matrimonium, an non? Prima opinio dicit statim dissolui quando alter manens infidelis, non vult cohabitare; vel si velit, non sine contumelia Dei. ita Riccard. r. 39. q. 2. circa secundum principale. Angel. verb. matrim. impedim. 10. & gloss. cap. quanto. de diuort. Secunda opinio est eorum qui tenent non dissolui quousque non contrahunt secundum matrimonium, vel ingrediatur religionem; ita d. Tho. in addit. q. 59. art. 5. ad 2. Bonau. d. 39. art. 2. q. 2. Sylu. verb. matrim. 8. num. 10. Nauar. cap. 22. num. 49. Sor. d. 39. q. 1. art. 4. Ego dico, matrimonia infidelium si vnus ad fidem conuertatur, non hoc ipso dissoluitur. Imo si vterque conuertitur, vel vnus post alium, manet idem matrimonium, & de nouo recipit rationem sacramenti. Sed in casu quo alter manens infidelis nolit cohabitare cum fidele, vel non sine contumelia creatoris, aut scandalo, tunc habet fidelis ius contrahendi aliud matrimonium, non tamen infidelis; & statim ac contraxerit, vel professus fuerit probatam religionem, primū dissoluitur. Extra autem hos casus licet possit fidelis cohabitare cum infidele, non tamen tenetur. Probatur prima pars, ex 1. Cor. 7. *siquis frater infidelem habet uxorem, & hac consentit habitare cum illo, maneat, non illam dimittat.* & subdit; *ego precipio, non Dominus;* per quæ verba non significat contrarium esse præceptum Domini, sed consilium est Pauli, ut maneat. Probatur ex cap. gaudemus. de diuort. & cap. de infidelibus. tit. de consangu. & affinibus. & concilio Meldens. cap. siquis: 28. q. 2. Probatur ratione; quia matrimonia infidelium sunt vera matrimonia iuxta iure naturæ; ergo non tolluntur, nam

gratia non destruit naturam. & intelligo hanc doctrinam, etiam si matrimonium contractum inter illos infideles iuerit, in gradu prohibito iure ecclesiastico, ex dictis capitibus. Probatur secunda pars, (quod scilicet si vnus conuertatur, &c.) Primo, ex iisdem probationibus; quia si non soluitur, ergo manet. Secundo, quia quod aliquando possit dissolui, illud est in fauorem fidei, & fidelis; hæc autem ratio cessat nunc, ergo manet idem matrimonium. illud autem matrimonium sic sacramentum, quando post baptismum renouabunt consensum matrimonij, vel facerent aliquam solennitatem quoad hoc. Probatur tertia pars; in tribus casibus fidelem habere ius dissol- uendi matrimonium: Primus est, quando sic infidelis & nõ vult cohabitare. Secundus, quando etiam si vellet, tamen non sine Dei contumelia; quando blasphemaret religionem, &c. Tercius, quando induceret alterum ad aliquod peccatum, & est scandalum ei. Primus probatur ex cap. infidelis. 28. q. 2. & cap. quando. & cap. gaudemus. de diuort. & 1. Cor. 7. *si infidelis discedit, discedat. non enim frater, aut soror, subiectus est in huiusmodi.* ex quo locob etiam colligimus de iura diuino esse. vt iste fidelis habeat hoc ius. & per illud, quod dicit: *si infidelis discedit, intelligimus omnes tres casus ex interpretatione ecclesie; capitibus cit.* Dices; An extra hos tres dictos casus, licet, aut validè possit contrahere matrimonium. Resp. crederem non licere; & si fieret, non validè; quia ius canonicum locis cit. ponit tantum illos tres casus. Verum est quod vbicunque esset aliquod decretum vt fidelis conuersus non habiteret cum infideli, vt est ex concilio Tolet. in Hispania. & si est aliqua praxis in aliquo loco, tunc credendum est illud decretum, vel illam praxim esse iudicatam propter aliquam illarum trium causarum; & ita validè potest fidelis contrahere, sicuti est praxis Romæ; quia statim abstrahitur coniux à coniuge, & in hoc nullus est scrupulus. Probatur quarta pars, dissolui matrimonium infidelium statim ac fidelis proficitur religionem; quia si non statim dissoluitur ac fidelis conuertitur, & habet ius in dictis casibus contrahendi nouum, ergo ipso facto per contractum secundum, manet dissolutum primum. Confirmatur ex cap. fidelis. de diuort. Probatur quinta pars, extra casus dictos posse fidelem habitare cum infideli, &c. ex praxi ecclesie primitiue. & ex 1. Cor. 7. vbi dicitur *non dimittat il-*

lam

Iam &c. & licet Paulus dicat, non Dominus, sed ego precipio; tamen d. Tho. non interpretatur illud verbum esse præceptum: notat autem d. Tho. in addit. q. 61. art. 3. ad 1. distinguenda esse tria tempora; vnum primitiue ecclesie in quo poterat fidelis habitare cum infidelibus secundum successu temporis quando erant martyres; quo tempore gentiles conuertebantur; iudei vero erant obstinati tunc temporis. dicit d. Tho. non licebat fideli cohabitare cum illis iudeis; cum concilium Tolent. 4. ita præcepit in hispania. tertium est nostrum, in quo nos sumus. in quo tenet d. Tho. non licere fideli conuerso cohabitare cum infideli remanente, siue iudeus sit; siue gentilis; cum sine obstinati. Ego dico primo; sicubi aliquod decretum est, aut praxis, vt fidelis conuersus statim separaretur ab infideli, non debet commanere; vt est praxis Romæ. secundo dico; quod hoc tempore vbi cessarent illi tres casus, nec esset decretum, vel praxis in contrarium, habere potest locum consilium Pauli. 1. Cor. 7. ratio est; quia si motium propter quod Paulus id concessit, nunc vigeret, vigeret etiam consilium Pauli (sicut credo) in regionibus indiar, vbi conuertuntur multi gentiles.

Quadragesimum tertium dubium. Si fidelis conuersus habuisset plures uxores secundum ritum infidelium, conuersus quam deberet retinere? Resp. sublatam esse nunc pluralitatem vxorum inter gentes; vnde dico: primam solum esse legitimam; & propterea si prima couertatur, cum illa tenet matrimonium. quod si cum prima propter aliquam ex dictis causis dissoluitur, tunc de rigore non tenetur aliquam ex alijs accipere etiam si couertantur. nam si non couertantur, clarum est non teneri; quia nullum est matrimonium cum illis. Dices, cui sunt tradendi filij quando vnus infidelium conuertitur. Resp. si filij habent vsum rationis, persuadendi sunt, non cogendi vt sequantur euersum. cap. ad fidem. 23. q. 5. & cap. de iudeis. d. 45. si vero filius sit ante vsum rationis, tradendus est fideli siue sit pater, siue mater; cap. ex literis. de conuersione conlugat. & cap. indxi. 28. q. 1.

Quadragesimum quartum dubium. An matrimonium inter Christianos dissolui possit propter fornicationis, & adulterij crimen. Resp. Erasmus 1. Cor. 7. dicit dissolui. cui adhæret Lutherus. Caiet. item. 1. Cor. 7. & in Matth. 19. dicit de hoc nullam esse ecclesie definitionem. & Ambrosius Cather. l. 5. annos. contra Caietanum, in eandem inclinât sententiam. Ego dico,

dico, certa fide tenendum esse matrimonium propter causam adulterij superuenientis, non dissolui quoad vinculum; quoad eorum verò dissolui potest, & debet. probatur ex Marc. 10. & Luc. 16. vterque horum dicit, *qui dimissam duxerit, mæchatur.* Vbi intelligere debemus de dimissa etiam ex causa fornicationis. ergo signum est, non esse dissolutum vinculum eius quæ mæchatur, nec valet quod dicit Caiet. quòd illa exceptio repetenda est; quia esset melior conditio adulteræ dimissæ ex iusta causa quàm dimissæ causa iniusta. 1. Cor. 7. dicit Paulus, *is qui matrimonio iuncti sunt præcipio non ego, sed dominus à viro non discedere.* ex quo sic argumentor; Paulus non ponit exceptionem vniuersaliter; ergo &c. idè dicit præcipio &c. vbi relinquit præceptum domini esse, ergo insufficiens fuisse. Paulus. item quia dicit *innuptam manere &c.* si non intelligeret in causa adulterij, non diceret, maneret innupta, sed deberet dicere omnino debere reconciliari cum viro. & quamuis Caiet. possit respondere, tamen scripturæ exponendæ sunt iuxta interpretationem ecclesiæ. Secundo probatur ex decretis ecclesiæ & sanctorum, vt supra dixi. Ita etiam docet August. l. 1. & 2. de adulterinis coniugijs. Hierony. epist. ad Oceanum. Chrysost. in Matth. 19. Tertull. l. 4. contra Marcion. Ruper. in Gen. 2. Euthym. in cap. 5. Matth. Bed. 1. Cor. 7. Euarist. epist. 1. Innoc. I. ad exuperium. Alex. III. in cap. 9. parte. de sponsal. Innoc. III. cap. gaudeamus. de diuort. concil. Flor. hoc expressè habet. Tercio probatur ratione; quia talis praxis nunquam fuit in ecclesiâ; ergo signum est non licere fieri. Daretur etiam occasio multorum malorum si liceret accedere ad dimissam. & in Trid. sess. 24. can. 7. anathematizatur qui dicit contrarium.

Quadragesimum quintum dubium. An matrimonium ratum & consumatum dissolui possit per ingressum religionis. Resp. catholici conueniunt. Erasmi. in dub. superiore citatus negat id posse fieri. glot. etiam iuris 27. q. 2. tenet, quòd si alter coniugum dat licentiam alteri ingrediendi religionem, non potest contrahere aliud matrimonium. si autem nolente vno alter ingrediatur, potest contrahere. communis opinio est dissolui matrimonium siue cum consensu, siue cum dissensu alterius. Vnde dico, matrimonium ratum, & nõ consumatum, per vnus coniugis professionem in religione approbata soluitur, etiam altero

altero non consentiente. consumati verò matrimonij vinculum etiam de vtriusque consensu non dissoluitur, quamuis licet citè profiteri possint. vnus tamen sine altero non poterit profiteri siue consentiat alter, siue non, nisi in tribus. Probatur prima pars, ex cap. verum. Alexandri III. de conuersione coniugat. & ex Trid. sess. 24. can. 6. probatur etiam ex praxi. Ita dicitur vocatus à nuptijs Ioannes Euangelista, vt ait Beda. de Machario idem dicit Hierony. in vita eius. idem dicitur de Alexio. & habetur 22. q. 2. cap. scripsit. dixi *pro professione* quia non statim ac ingreditur, dissoluitur matrimonium. & illè qui ingreditur religionem non tenetur abrenuare annum probationis vt contrahat aliud. ratio est, quia ius concedit huic vt fiat religiosus, sed religio illum debet probare saltem per annum. dixi *in religione approbata*. Vnde si quis dubitaret, an per vitam Eremiticam dissoluatur matrimonium ratum. Resp. negatiue, nisi Eremita emiserit votum religionis. Sot. etiam in 4. d. 27. q. 1. art. 4. dicit non solui matrimonium ratum per ingressum religionis militaris Sancti Ioannis; quia non videtur illi status ille qui dissoluat matrimonium. Sed ego contrarium dicerem; nam illa est vera religio. Secunda pars probatur ex cap. si quis coniugatus. 27. q. 2. & cap. ex publica. Alex. III. de conuersione coniugat. confirmatur ad Rom. 7. *Vir est subditus uxori quandiu uxor eius uiuit*. si petas. quare ratum dissoluitur, & consumatum non; Resp. quia sic Christus instituit, & dispensauit interpretante ecclesia. cuius institutionis ratio est; quia ratum non ita perfectè significat vnionem Christi cum persona diuina sicut consumatum. & etiam ratio est ex parte contractus, quia non est accepta possessio in rato, sicut in consumato. Tertia pars probatur: Primo ex praxi ecclesie id fuit sæpe seruatum; nam B. Virgo vouit Virginitatem. sic & alij. Secundo ratione, quia religio post contractum matrimonium non pugnat &c. Tertio, quia sancti hortantur coniugatas etiam ad castitatem. August. de bono coniugali. & Hilar. epist. ad August. 27. q. 2. & 33. q. 5. Quarta pars probatur, ex cap. cum sis. cap. ad Apostolicam. cap. quidam. & cap. ex parte. de conuersione coniugat. excepi supra tres casus: Primus est, quando alter coniugum est prouectæ ætatis, vt sexaginta annorum, & sine periculo incontinentiæ, tunc poterit uere castitatem perpetuam, & manere in seculo, altero ingrediente

diente religionem. cap. ad Apostolicam. & cap. cum sis. supra. & quamvis Scot. in 4. d. 32. q. 1. teneat id non posse fieri sine autoritate Episcopi, & sine illa nullam esse professionem alterius; tamen contrarium videtur, scilicet validam esse professionem, si à parte rei ita est, quamvis peccatum grave sit id facere sine Episcopi autoritate. Secundus casus est, quando alter coniugum incidit in hæresim, vel infidelitatem notoriam, tunc factio per autoritatem ecclesiæ diuortio, licebit etiam inuito nocente alteri ingredi, & profiteri religionem. cap. mulier. de conuer. coniugat. Tertius est crimen adulterij ab vno commissum, habetur cap. veniens. de conuersione coniug. ratio istorum duorum casuum est, quia in his potest innocens perpetuò negare debitum nocenti. & ista doctrina intelligitur ex parte criminosi. Petes primo, An extra hos casus vouens religionem tenetur ad aliquid? Resp. professionem nullam esse, & est reddendus alteri coniugi; & ipse vouens non potest petere debitum, quia quantum est de se debet seruare castitatem; mortua verò vxore tenetur seruare castitatem, non tamen religionem; quia verè non erat professus; nam ecclesia non accepit votum illud vt solenne, sed vt simplex. Secundo petes, quando aliquis ingressus est cum consensu alterius, & alter postea non ingreditur, quid agendum? Resp. Primo, si consentiens putabat ex ignorantia iuris se non teneri ad religionem, in isto casu dico professionem alterius esse nullam; si verò scit ius alter consentiens & consensit, cogendus est ad religionem, potarem tamen excusari quando etiam si sciret ius, protextatus est se nolle fieri religiosum, sed vt alteram tentaret ad religionem. Tertio petes; An qui semel facultatem dedit, possit illam reuocare. Resp. post factam legitime professionem, non potest reuocare. Secundo dico, ante professionem si est causa iusta reuocandi, potest. Tertio dico, quòd sine causa iusta peccaret, reuocando ante professionem; sed tamen si reuocat iuste vel iniuste, ille non potest profiteri, quia nulla est professio.

Quadragesimum sextum dubium. An qui contraxit matrimonium ratum; & vult ingredi religionem, possit prorogare ingressum religionis, & consequenter negare debitum. Resp. per caput ex publica. de conuer. coniugat. vbi datur spatium duorum mensium volenti ingredi religionem, intra quos non

tenetur

tenetur reddere debitum. post verò debet ingredi, vel stare promissis.

Quadragesimumseptimumdubium. An vxor quæ volebat ingredi religionem, si inuita, & vi fuerit oppressa à marito, an possit adhuc ingredi. ratio dubitandi est, quia ex vna parte habebat ius ingrediendi religionem, & non est quare pr iuatur isto iure, cum sit sine culpa sua. ex altera parte vrget; quia matrimonium est consummatum, & iura non concedunt nisi matrimonio rato. Resp. cum communi sententia non licere. Ita Riccard. in 4. d. 27. q. 4. in secundo principali. Dur. ead. q. 2. Co nar. cap. 7. §. 4. num. 10. Hostiens. tit. de conuers. coniug. qu amuis Sylu. verb. diuortium. q. 5. num. 9. & Panor. cap. verum. de conuers. coniug. dicant posse, quando coactio fuit absoluta, & ipsa non omnino consensit. ratio tamen videtur fauere primæ opinioni communi, quia natura consummati matrimonij est vt sit indissolubile. Addo tamen virum teneri ad satisfaciendum iniuriæ huic illatæ. & dubitari posset an ipse teneretur ad religionem.

Quadragesimumoctauumdubium. An per sacros ordines, vel per Episcopatum, soluat matrimonium ratum, sicut soluitur per religionem. Resp. per extrauagantem antiquæ. quæ est Ioannis xxij. de voto, & voti redemptione negatiuè. dicit de assumptione ordinum. idem dico de Episcopatu iuxta communem sententiam. Palud. 27. q. 3. art. 3. Anton. 3. p. tit. 1. cap. 21. §. 3. & Sor. 27. art. 4. quamquam Hostiens. contrarium sentiat tit. de voto, & voti redempt. ratio est, quia ordo sacer, & Episcopatus, non pugnant cum natura matrimonij, sicut professio religionis,

Quadragesimumnonumdubium. An Papa possit dispensare in matrimonio consummato, vel saltem rato. Resp. est opinio paucorum iuristarum qui concedunt Papam posse dispensare. Detius cap. quæ in ecclesiarum. de constitut. citatur etiam, Sigismundus quidam apud Couar. & Soneinas. Secunda opinio est, quod Papa possit in rato non consummato. est communis canonistarum. Hostiens. in cap. ex publico. de conuers. coniug. Ioannis Andr. ibid. Archid. Felin. Nauar. cap. 22. num. 21. Sylu. vera. diuortium. q. 4. quibus adde Caiet. tract. 25. in 1. tom. q. vnica. & Cather. Tertia opinio est, quod neque in rato Papa possit; est communis theologorum in 4. d. 31. Panorm. cap. ex

Rrrr

publico

publico. Couar. cap. 7. §. 4. num. 14. Ego dico, Matrimonium consummatum nullo modo à Pontifice dispensari potest. de rato verò probabile est Pontificem posse dispensare. Probatur prima pars; quia nunquam legimus talem dispensationem fuisse factam in ecclesia. Confirmatur ex illo, *quos Deus coniunxit &c.* quem locum præcipuè exponunt de matrimonio consummato. Benedictus cap. ex diuina. 29. q. 2. Alex. iij. de conuers. coniugat. Secundo, quia talis potestas etiam si per accidens aliquando videretur utilis tamen per se inutilis esset ecclesiæ, & præberet occasionem committendi multa incommoda. Secunda pars probatur à Caiet. supracit. rationibus quæ omnino non placent, & patet ex dictis. ratio quæ potest adduci ad probandam hanc partem; Prima est, quia id factum est à Pontifice. Anton. 3. p. tit. 1. cap. 21. §. 3. dicit Martinum V. & Eugenium iv. dispensasse. Nauar. cap. 22. num. 21. dicit Paulum iij. & Pium. iv. dispensasse. & durum est dicere hos errasse. nec uallet dicere, quia hi Pontifices sequuti sunt opinionem probabilem canonistarum. nec theologos sequutos fuisse canonistas, & sic non errasse; nam hæ rationes non conuincunt. & hæc de hoc capite.

De impedimentis matrimonij. Cap. V.



Agunt de impedimentis matrimonij d. Tho. in addit. à q. 52. & seq. & Magist. in 4. d. 34. cum doctoribus ibid. & summistz verb. impedimentum. Petr. sot. à lect. 4. & Dominicus sot. d. 34. Couar. cap. 6. & Anton. 3. p. tit. 1. à cap. 2. Nauar. de sacramento matrimonij. Hæc autem impedimenta duplicia sunt: quædam ita impediunt ut etiam dirimant contractum; quædam verò non dirimunt. primi generis sunt duodecim, his verbis contenta.

*Error. conditio, votum, cognatio, crimen,
Cultus disparitas. vis. ordo, ligamen, honestas,
Si sis affinis, si forè coire nequibis,
Hæc socianda vetant, connubia facta retrahant.*

horum

horum sufficientia videnda est apud Sot. d. 34. q. 1. art. 3. nunc sint dubia.

Primum dubium. An in ecclesia sit potestas statuendi impedimenta matrimonij. Resp. affirmatiuè, & est de fide. ex Trid. sess. 24. can. 4. de matrim. & est communis sententia catholicorum. probatur ratione: Primo, quia ad sacramentum matrimonij supponitur contractus naturalis, & ciuilis tanquam fundamentum; ecclesia autem potest statuere impedimentum, & condiciones contractus; quia in his fidelis subditur potestati humanæ; ergo potest statuere impedimentum matrimonio. quoniam verò hic contractus matrimonialis est ciuilis, in lege gratiæ pertinet ad rem sacram, cùm sit fundamentum sacramenti. ideo hæc potestas spiritalis est. statuere igitur impedimentum matrimonij pertinet ad ecclesiasticam potestatem. ita Palud. in 4. d. 26. q. 4. art. 3. ad 4. Victor. 2. p. rele&. de matrim. & alij. Secundo probatur; quia materia seu subiectum matrimonij est homo qui subiicitur iuri humano. & consequenter ecclesiastica potestas potest reddere illum inhabilem, & ita subtrahere materiam sacramenti vnde reddatur nullum. in 4. q. 3. 4. & ibid. Adrian. q. de matrim. & alij communiter. Couar. epit. p. 2. cap. 6. §. 10. num. 17. & recidit in idem cum prima ratione. Tercio, videmus inter gentiles fuisse constitutas leges de hoc. & est tit. de ritu nuptiarum. ff. ad legem Iuliam de adulterijs. Quarto probatur ex praxi ecclesiæ.

Secundum dubium. An etiam potestas laica possit statuere aliquid circa impedimenta matrimonij. ratio dubij est, quia cùm sit contractus ciuilis, & naturalis, videtur subesse potestati ciuili & temporalij. Resp. quòd principes Christiani habent potestatem super causis matrimonialibus fidelium sibi subditorum. sed hæc spectant ad ecclesiasticam potestatem, quia eorum contractus matrimonialis pertinet ad rationem sacramenti. & sic statuit Trid. sess. 24. c. 1. 2. de matrim. & cap. 9. de reform. matrim. Sylu. verb. matrim. 2. q. 4. ex Panorm. Secundo dico, quòd si hi haberent subditos infideles qui non pertinent ad iurisdictionem ecclesiæ, possent illis præscribere leges quæ matrimonium dirimant iustas ob causas. Ledes. 2. 4. q. 56. art. 3. Tercio dico, quòd magistratus infidelium possunt idem præstare circa matrimonia infidelium sibi subditorum, quod factum esse patet ex l. fororis. & l. semper. & l. finali. ff. de ritu nuptiar. & docet d. Tho. in addit.

q. 50. art. vnico. ad 4. Viſor. & Ledef. ſupra. Dices, An omnes prelati eccleſiæ habeant poteſtatem ſtatuendi impedimenta matrimonij ſuis ſubditis? Reſp. ſolum Papam id poſſe, & concilium vniuerſale; Episcopos verò non poſſe ſtatuere impedimenta. Couar. epit. p. 2. cap. 6. §. 10. num. 16. & patet ex vſu eccleſiæ.

Tertium dubium. An Pontifex in omni impedimento quod eſt iuris poſitiui, validè diſpenſare poſſit; etiam ſi ſine nulla cauſa diſpanſaret. Reſp. affirmatiuè. patet prima pars: quia cum ius eccleſiaſticum ſubſit Pontifici, poteſt Pontifex tollere, & diſpenſare in ſuis legibus. Confirmatur ex d. Tho. 2. 2. q. 88. art. 10. probatur ſecunda pars: quia cum valor legis pendeat ex voluntate legiſlatoris, per eandē voluntatem poteſt aliquis eximi. intelligo iſtud de diſpēſationibus in lege merè humanis; nam in ijs quæ pendent ex iure diuino, ſine cauſa non poteſt Papa diſpenſare. Dices. an tam diſpenſator, quàm penſens ſine cauſa, peccarent. Reſp. affirmatiuè, quia facit contra id quod dicit Chriſtus, *quis putat eſſe fidelis ſeruus, & prudens.* &c. Confirmatur, quia facit contra æquabilitatem, quod eſſet peccatum mortale quando eſſet cum ſcandalo, vel damno aliorum. Quid ſi diſpenſatio eſſet ſurrepticia? Reſp. eſt nulla. ex cap. ſuper literis. de reſcriptis. vbi habetur hæc regula; quando tacetur aliquid in impetratione, ſeu libello ſupplīce, quod ſi poneretur difficiliorem redderet diſpenſationem, nulla eſt, & vocatur obrepticia. itē, quando aliquid falſi ponitur, dicitur ſurrepticia, & pariter nulla eſt. Vnde qui cum notitia impedimenti contrahit matrimonium vt facilius impetret diſpenſationem, ſi hoc taceat in hoc libello ſupplīce, nulla eſt diſpenſatio conceſſa. colligitur ex Trid. ſeſſ. 24. cap. 5.

Quartum dubium. Quomodo fiat validum matrimonium, quod à principio non erat validum. Reſp. quando matrimonium ita contractum eſt. vt alter coniugum, vel vterque neſciret impedimentum, illo ceſſante, non ſatis eſt vt validum fiat matrimonium eodem modo perſeuerare ſicut priùs, ſed requiritur nouus conſenſus, etiam ſi qui conſentit neſciat tale impedimentum gradus prohibiti, ſi alter qui ſciebat à principio, vel poſtea ſciuit, petat diſpenſationem, & obtinet; peto an ſatis ſit perſeuerare in eodem matrimonio ſicut priùs, vel aliud

aliud requiratur? Riccard. in 4. d. 29. circa primum principale. q. 3. tenet sufficere, quod perseverent eodem modo. Contrarium docet sententia communis. probatur, quia per illum consensum contritum, & affectum maritalem continuatum non intendit ille de nouo contrahere matrimonium, sed solum perseverare in precedente; sed præcedens matrimonium nullum erat, & de nouo est contrahendum; ergo ille consensus nullus erat. Confirmatur; si quis contraxit cum serua ignorans conditionem, si deinde fiat liber, & ignoretur libertas ab eodem qui contraxerat, non est satis continuatio in eodem matrimonio, sed requiritur ut de nouo contrahatur; & hoc omnes concedunt; ergo debent concedere etiam illud. Peres, An sit necesse ut iste nouus consensus sit formalis, an satis sit virtualis? Resp. vnum certum est, quod si impedimentum sciatur, virtualis consensus satis est. sed difficultas est, an possit esse iste consensus quando is qui contraxit adhuc nescit impedimentum præteritum, & inualiditatem præcedentis matrimonij. Scot. in 4. d. 35. q. vnica, tenet ut consensus sit validus opus esse ut manifestetur inualiditas præcedentis matrimonij, & impedimentum. Nauar. cap. 22. num. 47. tenet satis esse manifestare inualiditatem tantum, & non impedimentum. Caietanus opus. 12. tom. 1. q. 2. dicit neutrum esse necessarium. & ita tenet Sot. in 4. d. 17. q. 1. art. 2. & hoc verum est. & intelligo cessante impedimento; quia si non cessaret, nihil esset. probatur antecedens; siquid obstar, esset error inualiditatis, & impedimenti; sed iste error non facit inualidum matrimonium, cum non sit error neque personæ, neque conditionis; ergo tenet. Confirmatur; quia si aliquis contraxisset sponsalia quæ reuera nulla essent, sed ipse putaret esse valida, & ideo contraheret matrimonium de præsentis, iste error non irritaret matrimonium, & esset verum. addo tamen, quod coniux qui occultat inualiditatem, & impedimentum, posset peccare mortaliter; quia est decipere alium coniugem.

Quintum dubium. De impedimento erroris. Quando error impediatur matrimonium. Resp. & Nota ex l. 3. Ethic. cap. 1. duplicem esse errorem, seu ignorantiam; antecedentem qui est causa actus; & concomitantem; quando dum aliquis facit aliquid, habet ignorantiam rei; tamen si sciret, etiam faceret illud. Nunc suppono errorem diuidi quadrupliciter; ut habetur
can.

can. 1. 29. q. 1. & Magistr. in 4. d. 30. & alij communiter. Primo potest aliquis decipi circa personam, quando videlicet persona est alia ab ea quam credimus esse; & sic putauit Iacob esse Rachelem, & fuit Lia. Secundo potest decipi circa fortunam, ut quando quis credit personam esse diuitem, cum sit pauper; & è conuerso. Tertio, circa qualitatem, ut cum putatur aliquis illustris, vel nobilis, qui tamen est ignobilis. Vel cum creditur esse virgo, cum sit corrupta. vel creditur esse bonus, cum sit malus. Quartus denique error est conditionis, videlicet seruilis, quando putabatur esse liber. Dicamus primo, de errore antecedente: hic error tollit consensum matrimonij; ergo hic non est matrimonium. probatur antecedens; qui cum hoc errore consentit, non consentit nisi in eum quem in animo habet, & non cum isto, ergo hic non est consensus. ex quo infero hoc impedimentum esse de iure naturæ. Secundo, de errore concomitante: ille qui cum hoc errore consentit, non consentit nisi in eum qui in animo habet; ergo non consentit in eum in quo decipitur, etiam si ita dispositus sit ut si sciret, non consentiret. Tertio, de errore personæ impedit, & dirimit matrimonium: ut quædam vult contrahere cum filio Ducis, & quidam fingit se esse ipsum, & illa consentit, hoc non est matrimonium. ratio est; quia quamuis hic error videatur esse qualitatis, tamen redundat in errorem personæ. & quoniam hoc est difficile distinguere, ideo sit hæc regula: quando ego consentio in filium talis Ducis; si is qui mihi proponitur se esse illum, non est ille; non est matrimonium. cum autem ego consentio in illam personam particularem, licet ipse fingat esse illam, matrimonium tenet. sed simpliciter loquendo, error personæ impedit, & dirimit. probatur ex can. 1. 29. q. 1. & ex communi sententia doctorum. d. Tho. in 4. d. 30. q. 1. art. 1. & 2. & in addit. q. 51. art. 1. & 2. Ledes. 2. 4. q. 53. art. 1. Soc. d. 30. q. 1. Paul. q. 1. art. 1. Riccard. art. 1. q. 1. & 2. Sylu. verb. matrim. 8. q. 1. Angel. matrim. 3. impedim. 4. §. 3. Armill. eod. §. 4. Nau. cap. 22. num. 32. Covar. epit. p. 2. cap. 3. §. 7. num. 1. Candel. nu. 113. Probatur etiam ratione; quia ubi est talis error, non est consensus. l. si per errorem. ff. de iurisd. omn. iudic. hinc sequitur, quod hic error iure naturali, & diuino, impedit matrimonium, ut notant ferè omnes in d. 30. & hoc intelligitur etiam si iste error fuerit concomitans; scilicet cum aliquis credit se contrahe-

trahere cum vna. & supponitur illi alia cum qua non contraxisset, vt notant Ledes. & Sot. quia reuera non consensit in illā. Quarto, de errore qualitatis, & fortunæ, dico: quòd hi errores non impediunt matrimonium quòminus validè contrahatur; vt habetur can. 1. 29. q. 1. & docent doctores citati. ratio est, quia talis error non subtrahit consensum in personam presentem, sed quoad accidentalia; ergo &c. quòd si talis error redundaret in personam, tunc irritaret matrimonium. d. Tho. supra in solut. ad 5. Sot. art. 1. cit. & nos supra diximus.

Sextum dubium. An error conditionis seruilis tam antecedens, quàm concomitans annulet matrimonium. Resp. quòd quando liber contrahit cum serua, quam putabat esse liberam, matrimonium est nullum. probatur ex cap. si quis ancillam. si quis liber. si quis ingenuus. 29. q. 2. & cap. proposuit. & cap. ad nostram. de coniugio seru. & ex communi sententia. d. Tho. d. 30. q. 1. art. 2. & d. 36. q. vnica. art. 1. & in addit. q. 51. art. 2. & q. 52. art. 1. Palud. d. 30. q. 1. art. 2. & d. 36. q. 1. art. 2. & d. 36. q. 1. art. 1. Riccard. ibid. art. 1. q. 1. Sot. d. 35. q. vnica. art. 2. verb. matrim. 8. q. 2. Rosell. impedim. 3. Armill. verb. matrim. §. 5. Nauar. cap. 22. num. 33. Couar. epit. p. 3. cap. 3. §. 7. vers. 49. de his impedimentis dirimentibus. Concedimus enim esse valde congruum iuri naturali, nam seruitus valde impedit redditionem debiti quod spectat ad solutionem matrimonij. Sed circa hæc sunt nonnulla dubia: Dices primo, Quid si liber contrahit cum ancilla quam putat esse liberam, ita tamen est affectus, vt si sciret illam esse ancillam etiam duceret in uxorem, an sit validum matrimonium? Resp. negatiuè, quia non est consensus positiuus, & absolutus in ancillam. consensus autem qui posset dari si sciret esse ancillam, non facit matrimonium nisi quando datus fuerit. ita Sot. art. 2. cit. Ledes. 2. 4. q. 53. art. 1. quicquid in contrarium dicat Palud. Sylu. Angel. & Nauar. supra, quos etiam possumus interpretari sanè esse validum quando quis ita contraheret, vt intendat se in illam consensisse cuiuscunque conditionis sit, etiam si sit ancilla. quod certè videtur voluisse Riccardus. Secundo dices, quid si aliquis contrahat cum ea quam putat esse ingenuam, cum prius fuerit ancilla, sed iam libertate donata. Resp. matrimonium tenere; quia hic non esset error conditionis seruilis, sed alterius qualitatis. Sylu. verb. matrim. 8. q. 2. §. 7. Angel.

gel. impedim. 4. §. 11. Rosell. impedim. 3. §. 1. Palud. d. 36. q. 1. art. 2. concl. 1. Couar. epit. p. 2. cap. 3. §. 7. num. 1. qui alios adducit. intellige dummodo talis sit donata perpetua libertate. alioquin esset nullum. Sylu. dicta q. 2. §. 3. Angel. e. 6. Sot. d. 35. q. 1. art. 2. Nota tamen quod si seruitus adueniat matrimonio legitime contracto, illud non dirimit. cap. per lapsum. 29. q. 2. & docet Palud. supra. art. 3. Sylu. dicta q. 2. §. 11. Couar. cap. 6. §. 1. Tercio dices, quid si aliquis contrahat cum ancilla quam putat esse liberam, quæ tamen post paucos dies donanda erit perpetua libertate, an matrimonium sit validum? Resp. negativè, quia esset error conditionis servilis, cum tempore contractus sit ancilla. idque procedit etiam si ignoranter eam cognoscat. Angel. Matrim. 3. impedim. 4. §. 10. Sylu. matrim. 8. q. 2. §. 5. Rosell. impedim. 3. §. 1. Nauar. cap. 22. num. 33. Sot. d. 25. q. 1. art. 2. Palud. d. 36. q. 1. art. 2. & est communis, quicquid aliqui velint, quos refert Palud. Dices quarto, quid si illam cognovit affectu maritali? Resp. communiter tale matrimonium esse validum. Sot. d. 35. q. 1. art. 3. Nauar. cap. 22. num. 32. Armill. matrim. §. 7. Angel. §. 10. cit. Palud. d. 36. q. 1. art. 1. Riccar. ar. 1. q. 1. requiritur tamen novus consensus utriusque, ut ait Sylu. matrim. 8. q. 1. §. 6. An verò post Trid. necesse sit habere parochum, & testes, infra dicemus. Dices quinto, si servus contrahat cum ancilla quam putat esse liberam, an matrimonium sit validum? Resp. affirmativè; Palud. d. 36. q. 1. art. 1. concl. 3. Angel. impedim. 4. §. 4. Sylu. supra. q. 2. §. 2. Nau. cap. 22. num. 33. Ledes. 2. 4. q. 53. art. 1. & est communis. ratio est, quia cum sint paris conditionis, non deterioratur; Sot. supra. art. 2. Dices sexto, si servus contrahat cum libera putans eam esse ancillam, cum tamen ipsa libera sciat esse servum, an sit verum matrimonium? Resp. affirmativè; ex cap. si quis ancillam. cap. si quis ingenuus. 29. q. 2. & cap. proposuit. cap. ad nostram. de coniugio servorum. item ex communi sent. d. Tho. d. 36. q. unica. art. 1. ad 1. & in addit q. 52. art. 1. ad 1. Palud. ead. q. 1. art. 1. Riccard. art. 1. q. unica. Sylu. dicta. q. 2. ar. 2. Angel. supra. §. 2. Nauar. supra. & Sot. loco cit. probatur ratione; quia hic cum conditio melioretur, non est error circa servitutem. Nota tamen; quia olim hoc matrimonium erat irritum per ius civile. l. cum ancillis. C. de incest. nuptiar. ut Sot. Sylu. & Ledes. q. 54. art. 1. & alij. ex his confutatur gloss. cap. si quis ancillam. supra

supra cit. ubi videtur sequi opinionem illorū qui contraxerunt. Dices septimo; An sponsus cognita per contractum matrimonium vera seruitute, si non vult denuo contrahere, possit separari auctoritate propria sine iudicio ecclesiastico. Resp. quoad separationem tori, potest; imo tenetur facere; quia esset fornicatio. Secundo, quoad habitationem potest separari propria auctoritate, dummodo cessaret scandalum; puta si matrimoniū fuit secretum, & de illo non est fama. quod si ita non potest, requiritur sententia iudicis. ita Sylu. verb. matrim. 8. q. 2. §. 10. Angel. matrim. 3. impedim. 4. §. 14. Riccard. d. 36. art. 2. q. 2. Soc. d. 35. q. 1. ar. 2. posset tamē limitari hæc sententia, quod id liceret quādo quis nō posset per iudicē suū ius obtinere, vt quia nō posset probare; tūc enim cessāte scādalo posset propria auctoritate separari, alioqui deberet fieri per sententiam iudicis; quia nullibi datur ei facultas dicendi sibi ius. Dices octauo; An quando Dominus dat nuptui seruam libero, dissimulando seruitutem, teneat matrimonium; & an seruus in tali casu sit liber secundum ius civile ff. de ritu nupt. approbatum à iure canonico? ratio dubij est; quia videtur præcedere matrimonium in priori natura, ergo præcessit error; ergo non est matrimonium. Resp. affirmatiue quoad vtrunque; & primo quod teneat matrimonium, probatur ex cap. finali. de coniugio seruor. & est communis sententia doctorum supra cit. ita Hostiens. & Panorm. in dicto cap. finali. Sylu. verb. matrim. 8. q. 2. & alij. ad rationem dubij, quod scilicet in tali casu prior est contractus matrimonij, quā libertas quæ sequitur ex contractu; vnde, quando fit matrimonium est reuera impedimentum conditionis seruilis; quare hac ratione motus Couar. videtur tenere oppositum. Resp. quod in priori natura præcedit quidem matrimonium in genere causæ efficientis; sed in genere causæ materialis præcedit libertas; quæ licet posterior sit quā matrimonium, satis est quod concurrant simul tempore; quia canones non sunt metaphysicè intelligendi. neque obstat lex hispanorum quam adducit Couar. qui non poterant irritare matrimonium, vt supra dictum est; cum spectet ad potestatem ecclesiasticam, & spiritualem. probatur secundo; quod fiat liber. idcirco enim fit liber, ne fiat præiudicium libero, & patet ex autent. de nupt. §. si verò ab initio. coll. 4. Panorm. & glos. in cap. finali. de coniugio seru. & ibi communiter de Apos. &

cap. 1. tit. eod. Couar. epit. p. 2. cap. 3. §. 7. num. 1. Ledef. q. 54. art. 1. ad 3. Sor. d. 35. q. 1. art. 2. Riccard. d. 36. art. 2. q. 2. Sylu. matrim. 8. q. 3. art. 5. Nauar. cap. 22. num. 33. gloss. in cap. si quis ingenuus. 29. quæst. 2. & est communis. Dices nunc, si dominus ducat in uxorem propriam ancillam, an de iure communi propterea ancilla consequatur libertatem? Resp. negativè, ut patet in autent. de triente, & semiss. §. ult. & tenet Couar. supra. esset tamen validum matrimonium, quia scienter hic liber contrahit cum serua, ut supra dictum est. Dices decimo; si dominus tradat nuptui ancillam domino scienti suam seruitutem, & constituit illi dotem, & instrumenta dotalia, an ob id fiat libera, & matrimonium teneat? Resp. & dico primo, in foro conscientie si dominus consentiret solū in dote ancillæ non tamen in libertate, illa nō fieret libera in hoc casu, quia vir sciebat illam esse ancillam. Secundo dico, quod si de facto fiat, siue non, matrimonium esset validum; quia liber scienter cum illa contrahit. Tertio dico, quod de iure civili talis efficitur libera. est Panorm. in cap. illud. de præsumpt. Couar. dicto §. 7. num. 1. & est textus in l. vnica. §. sed & hi quis homini. C. de latin. libert. toll. ratio est; quia dos non datur serua, ut gloss. in dicto cap. illud. ideo dans illam præsumitur facere illam liberam. Dices vndecimo; si ancilla consentiente domino nubat libero qui scit seruitutem illius, vel contrahat cum seruo, quamuis hic putet illam esse liberam, an propterea talis ancilla consequatur libertatem? Resp. negativè. d. Tho. in 4. d. 36. q. 1. art. 1. & in addit. q. 52. art. 2. & est communis. ratio est, quia nullibi definitum est ut hoc casu fiat libera. adde etiam, quod tale matrimonium esset validum nisi aliunde vitaretur, ut patet ex dictis. ex his inferitur Primo, quod dominus non debet contradicere matrimonio seruorum ne consequantur libertatem. imo tenentur non contradicere, & non ponere impedimentum matrimonio, quandoquidem liberum est seruis (etiam domino contradicente) matrimonium contrahere, quia illud est de iure nature. d. Tho. 2. 2. q. 104. art. 5. Palud. in 4. d. 36. q. vnica. art. 2. Dur. q. 2. Sor. d. 35. q. vnica. & habetur q. 2. & in cap. 1. de coniugio seruor. & patet ex Paulo ad Galat. 3. in Christo Iesu neque est liber, neque seruus. id est quoad fidem, & sacramenta suscipienda, quæ scilicet ad utilitatē institutæ sint. secus tamen est de sacro ordine, hac ratione quia in
his

his non est seruus; Vnde non potest impedire neque à cibo, neque à somno capiendo. Secundo inferitur, quòd postquam seruus contraxit matrimonium, non potest dominus illum vendere in loco remoto ad quem non possit migrare vxor, quòd procedit etiam si domino inscio, & contradicente contraxerit; & si secus faciat, peccat mortaliter. d. Tho. in 4. d. 36. q. 1. art. 2. ad 4. & in addit. q. 52. art. 2. ad 4. Palud. d. 36. q. 2. art. 1. concl. 3. Riccard. art. 4. q. 2. Sor. d. 25. q. 1. art. 1. ad 2. gloss. cap. 1. de coniugio seruor. inclinatur Sylu. verb. seruus. q. 3. quòd aliqui dicant non peccare mortaliter; vt Scot. dicto art. 1. Nauar. cap. 22. num. 34. Angel. q. de errore conditionis. art. 1. ex dictis tamen patet, quòd prior sententia est probabilior; quia sic tenetur dominus non impedire matrimonium; ergo tenetur ad ea sine quibus frustra est hic contractus. intelligatur tamen, nisi dominus ad id graui necessitate cogeretur; vt notat Sotus, & alij. tunc enim teneretur postea cum posset redimere; vel si vxor sit etiam serua eius, simul eos vendere. Adde, quòd si vxor esset libera, & posset sine periculo animæ, vel corporis, teneretur sequi virum suum. Sylu. verb. vxor. q. 8. Quartus epit. p. 2. cap. 7. Panor. & alij. Tercio inferitur, quòd postquam seruus contraxit matrimonium, non potest Dominus illum impedire quò minus matrimonialiter viuat cum vxore, quantum ratio, & æquitas postulat; quia aliàs frustra contraheret; dixi quantum æquitas &c. quia dominus non tenetur permittere vt tota die sit cum vxore, licet id ipse petat; alioquin se liberaret omnino à seruitute, quod licet. & non licet seruo contrahere cum graui detrimento obsequi quod debet domino si potest aliter contrahere. & sic intelligitur potestas contrahendi inuito domino quam habet. Dices vndecimo; liberi qui nascuntur ex libero & serua, vel libera & seruo, sunt ne liberi? Resp. hoc patet ex l. partus. C. de rei vendic. partus enim sequitur ventrem. Confirmatur ex exod. cap. 21. si dominus dederit ancillam suam &c. Dices, an non pater est dignius principium? Cur ergo filius sequitur ventrem, & non patrem? Resp. propter certitudinem proli sequi matrem. Secundo, quia mater dat corporalem proli.

Septimum dubium. de impedimento voti Castitatis solennis, quomodo dirimat matrimonium. Resp. quòd Votum diuiditur in simplex, & solenne. & hoc vel est annexum ordini sacro;

vel fiat tempore debito in professione religionis approbata: hic loquimur de ultimo. Quare dico primo, votum solenne in religione approbata tacitum, vel expressum, impedit & dirimit matrimonium. probatur ex cap. 1. de voto. in 6. cap. consuluit. qui clerici, vel vouentes. ex Trid. sess. 15. cap. 15. sess. 24. cap. 9. de sacram. matrim. & ex Clement. vnica. de consanguin. & affin. vbi datur excommunicatio latæ sententiæ contra eos qui sic contrahunt, vel celebrant eorum matrimonia. & est communis sententiæ. Palud. in 4. d. 38. q. 3. art. 5. Riccard. arq. 7. q. 2. Dur. q. 1. Scot. q. vnica. d. Tho. q. 1. art. 3. q. 2. & in addit. q. 52. art. 2. Sor. d. ead. q. 2. art. 2. & 7. & l. de iust. q. 2. art. 3. Angel. verb. matrim. 3. impedim. 5. Rosell. impedim. 4. Sylu. verb. matrim. Nauar. cap. 22. num. 35. Candelabr. num. 129. Dixi *tacitum, vel expressum*; quia his duobus modis potest fieri votum, & professio, de quibus Sylu. verb. religio. & alij. cod. & verb. religiosus. Nau. in commentario de regular. nu. 73. Nota hic, quòd si ille qui in foro exteriori dicitur professus professione tacita habuit animū non profitendi, vel habuit se negativè, nō fuit professus quoad Deum, iuxta Nauar. supra. Vnde huius matrimonium esset firmū quoad Deum, quamvis in foro exteriori esset aliter iudicandum. Adde præterea, quòd ex constitutione Gregorij XIII. matrimonium Iesuitarum qui post biennium probationis tria vota simplicia in societate Iesu emiserrunt, esse irritum, si sine licentia superioris exierint. Dixi *Castitatis solennis*; ad excludendum eos qui fecerunt professionem tantum cum voto solius castitatis coniugalī, quales sunt commendatores sancti Iacobi, & alij similes; nam hi possunt verè contrahere, licet sint professi. Nauar. in apologia de redditib. ecclesiasticis. q. 1. monito 36. quicquid dicat Sor. l. 7. de iust. q. 3. art. 3. Dixi *tempore debito*; quia si fit ante tempus, vel ante ætatem præfinitam à Trid. sess. 25. cap. 15. de regular. nulla esset professio, idest ante decimum sextum ætatis annum, & ante annum probationis. Dixi *religionis approbata*; quia si non est talis, non esset impedimentum, qualis esset tertius ordo sancti Francisci, vel sancti Dominici. Dices, voti solennitas dirimit nē de iure ecclesiastico? Resp. probabilius mihi videtur dirimere de iure ecclesiastico: probatur ex Bonifacio VIII. cap. vnico de voto. in 6. vbi expressè dicit solennitatem voti inuentam esse ex constitutione humana. & ex Trid. sess.

34. can. 9. Vbi dicitur, non obstante lege ecclesiastica &c. ergo intelligit illam solemnitate[m] esse ex lege ecclesiastica. hanc opinionem teneo cum Scot. in 4. d. 38. q. 1. Caiet. q. 88. art. 7. licet d. Tho. in addit. q. 35. art. 2. & Ledes. ibid. & Sor. d. 38. q. 2. art. 1. & l. 7. de iust. q. 2. art. 5. dicant quod dirimat de iure naturali. Dices secundo, An Papa possit dispensare in voto solenni? Prima opinio negat. d. Tho. supra. & q. 88. art. 1. Sylu. verb. votum. 4. Secunda opinio affirmat. Scot. supra. Dur. in 4. d. 38. q. 2. Palud. ead. q. 4. & hęc opinio mihi videtur probabilior. quare. Resp. affirmatiue; Primo, quia est de iure ecclesiastico, vt supra dixi. Secundo, quia quod votum solenne non possit dispensari, vel prouenit quia est de iure diuino, & hoc non; tum propter eandem causam; tum quia finis castitatis est verbi gratia contemplatio; sed Papa potest dispensare in isto fine, ergo & in castitate. Vel tertio, quia per hoc votum homo est consecratus Deo, & hoc non; quia similiter per ordinem sacrum homo Deo consecratur, sed Papa potest dispensare in ordine sacro, quia est de iure ecclesiastico; ergo &c. Vel quarto, propter traditionem, & hoc non; propter idem. Vel quinto, propter acceptationem, & hoc non; quia etiam Deus acceptat istud per ecclesiam, sed dispensatur in illo; ergo & in hoc. Tertio, probatur ex praxi ecclesie. Quarto, non obstat decretalis de statu monachorum. cum ad monasterium. quia debet intelligi stante monachatu.

Octauum dubium. de *impedimento cognationis*. Notandum est Primo, quartum impedimentum dirimens esse cognationem, & hęc est triplex: consanguinitas carnalis quę fundatur in communi sanguine, qui sanguis est proxima materia seminis ex quo fit propagatio; altera est spiritualis, quę contrahitur per baptismum, & confirmationem. tertia est legalis, quę per adoptionem, quę oritur ex vi legis, de duabus ultimis alibi. hic de carnali tantum, de qua d. Tho. in addit. q. 36. & Margist. in 4. d. 40. & tit. de consanguin. & affin. Nota secundo, quid sit consanguinitas, quid gradus consanguinitatis. Consanguinitas est vinculum personarum ab eodem stipite propinquo descendentium carnali propagatione contractum. ita Ioannem Andr. & alij, qui eum sequuntur, d. Tho. in 4. d. 40. q. vnica. 281. 2. & in addit. q. 34. art. 1. Sylu. verb. matrim. 8. q. 6. Sor. d. 40. q. vnica. art. 1. Couar. epis. p. 2. cap. 6. §. 6. Candelabr. num. 381.

Dixi *vinculum*; quia est relatio coniunctionis inter consan-
 guineos: dicitur *personarum*; et excludantur bruta: illi enim
 possunt esse consanguinei inter se, inter quos potest ob sangui-
 nis propinquitatem esse aliqua communicatio, & unitas ami-
 citie percingere, cuius bruta non sunt capacia nisi improprie.
 dicitur *ab eodem stipite propinquo*; ut designetur persona à qua
 ducitur origo consanguinitatis. Intellige igitur non stipitem
 commune ut Adamum, sed propinquum; ut notat Sylu. & alij;
 quia alioquin omnes homines dicendi essent consanguinei; et
 videat Palud. in 4. d. 40. q. 1. art. 1. Scot. supra. art. 1. idcirco Co-
 gnatus addit definitioni illam particulam, *propinquus*. hinc est
 quod consanguinei vocantur propinqui, proximi, &c. Cognatus
 autem ideo ad se extendit ad omnino remotos, quia pau-
 latim deficit in descenditibus virtus progenitoris ad produ-
 cendum sibi similem; nam filius non tantum recipit à parente
 virtutem producendi sibi similem, sed etiam parenti, similiter
 nepos avo, & ita deinceps. ita habetur in cap. consanguinita-
 tis. 33. q. 4. ex 1.odoro. & à fortiori intelligendum est esse con-
 sanguineas personas, quarum una descendit ab alia; quæ ab
 uno stipite ducunt originem; quia aliis nullus ex posteris
 Adam fuisse etiam consanguineus. dicitur *carnali propagatio-
 ne contractam*, et excludantur Angeli qui creati sunt à Deo;
 ideo non sunt inter se consanguinei. similiter nec Adam, & Eva
 Christus tamen fuit consanguineus consanguineorum matris;
 ut notat Sylu. & Scot. ex carne enim inductus est. Consanguini-
 tas verò distinguitur per lineas & gradus. cap. ad sedem. 33.
 q. 5. Est autem Linea ordinata connexio, & series personarum
 consanguinitate iunctarum. d. Tho. in 4. d. 40. q. unica. art. 1. &
 in addit. q. 54. art. 1. Sylu. verb. *matrimon.* 8. q. 6. §. 3. & communia-
 ter. Linea vero triplex est; una est ascendentiū, id est illorum
 à quibus ducitur origo, et patris, Aui, Abau, &c. altera est de-
 scendentiū, id est eorum qui ab ascenditibus originem ducunt;
 ut filij, filiar, nepotes, &c. tertia denique est, quæ vocatur collate-
 ralem, scilicet fratrum inter se, & eorum qui sunt filij fratrum, & pa-
 trum cum ipsis. Gradus autem est habitudo, vel mensura distantie
 personarum, qua dignoscitur quæ sit distantia, vel propinqui-
 tas consanguinitatis personarum quæ inter se coherent; & sicut
 in scala, ita in quolibet linea consanguinitatis sunt plures gra-
 dus. Sed difficultas est, in quo gradu consanguinitatis duc aliquæ

personarū iungantur. Idcirco præsupposito quod triplex sit linea, scilicet ascendens, descendens, & collateralis. Nota secundo, ad hoc cognoscendum esse tres regulas: Prima igitur regula est una, & eadem in iure canonico, & civili pro linea ascendens, & descendens. Caus. epist. p. 1. cap. 8. §. 6. num. 7. & alij, nempe, quot sunt personæ inter se, tot sunt gradus, una dempta. Unde filia cum patre est in uno gradu; quia filia & pater sunt duæ personæ, & una dempta superest altera. Similiter neptis cum Avo est in secundo gradu, & ita deinceps. Dices; quare dicitur una dempta? Resp. quia gradus non est tantum una persona, sed est inter duas; & ita numeratis omnibus personis, necessarium est deducenda una; & in hac regula conveniunt etiam iuristi. Pro linea vero transversali, legisti habent eandem regulam, & valde differunt à canonistis; nam secundum iuristas, duo fratres, vel soror & frater, sunt in secundo gradu, duo filij duorum fratrum sunt in quarto; & serviant isti eandem regulam, ratio diversitatis videnda est in cap. ad sedem. 35. q. 5. Sed quoad matrimonium contrahendum etiam in foro seculari, standum est computationi canonice, iuxta gloss. l. iurisperiti. vers. item dicitur. de gradibus. Caus. epist. p. 1. cap. 8. §. 6. num. 8. & est communis. Itaque in iure canonico in transversali, seu collateralis linea est hæc secunda regula, in distantia equali, id est quādo uterque distat eodē gradu à comuni stipite, quoto gradu distat ab eo, eodē etiam inter se. Unde sequitur, quod cū duo fratres sint in distantia equali à patre, qui est communis stipites utriusque, & uterque distat à patre in primo gradu, eodē etiam uterque frater distabit inter se. & similiter utriusque fratris filij, sunt in secundo gradu; quia quilibet eorum cum Avo est in secundo gradu qui est communis stipites. Tertia regula; quando in transversali, personæ distāt inæqualiter, sed alter distat plus à comuni stipite, in iure canonico, in quo gradu remotior persona est cum comuni stipite, eodē gradu sunt illæ personæ inter se; ut nepos unius fratris, & filius alterius fratris sunt in tertio gradu; quia remotior gradus trahit ad se minus remotum. Verbi gratia, filius fratris ab Avo communi stipite distat in secundo gradu, & sic de alijs. Hic autem est animadvertendum, quod quando petitur dispensatio à Pontifice in aliquo gradu prohibito in ista linea transversali inæquali, de utroque debet fieri mentio, neq;

bi gra-

bi gratia, si sunt filij duorum fratrum, & duarum sororum &c.
 Sed circa hæc sunt aliquot dubia. Dices primo; vsque ad quem
 gradum de iure ecclesiastico consanguinitas impedit matrimonium? Resp. pro temporum diuersitate varia fuisse definita,
 vt ait Couar. epit. p. 2. cap. 6. §. 6. num. 9. nam Fabianus Papa
 prohibuit omnino matrimonium in tertio gradu; in quarto ita
 vetuit, vt contractum non dissolueretur. cap. de propinquis.
 35. quest. 2. Iulius verò I. prohibuit omnino matrimonium
 in septimo gradu. can. nullam. 35. q. 2. nunc autem ex definitio-
 ne Innocentij III. quæ habetur cap. non debet. de consangu.
 & affin. prohibitio extenditur vsque ad quartum gradum in-
 clusiuè. cui dispositioni standum est. quæ etiam demò. confir-
 mata est à concilio Trid. sess. 24. cap. 5. de reform. matrimonij.
 Dices secundo, cur in gradibus qui non sunt prohibiti nec iur-
 e diuino, nec naturali, ecclesia induxit prohibitionem? Resp.
 vt ad plures amicitia extenderetur, & sic magis reipublice
 pax conseruaretur. Bonau. d. 40. art. 5. August. h. yciui. cap. 16. &
 habetur in cap. cum igitur. 35. q. 1. d. Tho. 2. 2. q. 154. art. 1. vbi
 etiam ait hoc fieri propter reuerentiam affinitatis. Dices ter-
 tio, An sit aliquis gradus in quo de iure diuino prohibitum
 sit contrahere matrimonium. Resp. hoc tempore nullum gra-
 dum prohibitum esse de iure diuino; nisi qui prohibiti sunt de
 iure naturali. ita Soc. d. 2. de iust. q. 5. art. 4. & in 4. d. 40. q. vnica
 art. 3. concl. 1. Couar. epit. p. 2. cap. 6. §. 10. num. 12. hinc sequit-
 ur, quòd gradus prohibiti cap. 18. Leuit. nunc non obligant;
 eum lex illa quatenus erat ceremonialis cessauerit ex com-
 muni sententia doctorum. & patet ex cap. 1. de Purific. post
 partum. d. Tho. 1. 2. q. 104. d. 3. Soc. Couar. supra cit. Caiet. 3. 2.
 q. 154. art. 9. Sylu. verb. matrim. 8. q. 6. §. 5. Neque obstat cap.
 liceras. de restit. spol. vbi ait illud gradus esse prohibitos lege
 diuina; nam intelligitur de lege diuina positiua tunc data à
 Deo, non de naturali. eodem modo exponi potest cap. in qui-
 busdam de decimis. cum autem textus dicat Papam in illis
 non posse, neque cōuenisse dispensare, intelligitur quoad pro-
 hibitos iure naturæ, in quibus non potest. in alijs verò cum nō
 expediat, rarò consuevit dispensare. Dices quarto; Qui gradus
 sine prohibiti iure naturæ, & quinam iure positio in linea
 ascendentiū. Prima opinio est Caiet. 3. 2. q. 154. art. 9. præter
 primum gradum nullum alium iure naturæ esse prohibitum.

Secunda opinio est Soti. d. 40. q. vnica. ar. 3. esse irritum in primo & secundo gradu. Tertia est Couar. cap. 6. §. 6. num. 12 ubi ait, vsque ad 10. adhuc vigere. in 30. non permanere. Quarta est. quod nullis limitibus terminatur, & in infinitum protenditur; est Scoti d. 4. q. vnica. Riccard. ead. q. 4. Dur. q. vnica. art. 2. Abb. cap. non debet. de consanguin. Anton. Palud. Gabr. & aliorum. Vnde Resp. quoad lineam ascendentium, & descendentium, prohibetur & irritatur matrimonium iure naturæ in primo, & secundo gradu. Scot. Palud. Riccard. Dur. Gabr. supra. & Maior in 4. d. 40. & alij. & quidem de primo gradu est certissimum. de alijs verò gradibus probabilius est; etiam remotissimis. multa apud Couar. epit. p. 2. cap. 6. §. 10. num. Sot. d. 40. q. 1. art. 3. in illis enim gradibus licet ius naturæ indecētiā cernat, non tamen irritat. de primo gradu probatur primo; quia pater & filia, sicuti filius & mater, sunt vna caro: & propterea est nimis notabilis irreuerentia. Secundo; quia omnis gens etiam barbara abhorret hoc. licet non sit intrinsecē malum (quod est contra Caietanum supra) quia potest à Deo dispensari. probatur de secundo gradu, ex l. finali. ff. de ritu nupt. ubi dicitur secundum gradum prohibitum esse in iure gentium, id est omnes gentes hoc agnoscunt. & Hieronym. vocat hunc ritum bestialem. Confirmatur, quia nepotes, vel neptes, sunt quasi filij. & auia, vel auus, sunt quasi parentes. Probatur de alijs gradibus; quia consanguinitas est sicut amicitia, quæ post longam seriem quasi deperditur. Dices quinto, qui gradus sunt prohibiti in linea transversali? Prima opinio est, nullū gradum esse prohibitum donec sit irritum iure naturæ; est Caietani 2. 2. q. 134. art. 9. Secunda opinio dicit esse prohibitum in primo, & secundo gradu. Bonau. in 4. d. 40. q. 2. Vuald. tom. 2. de sacram. cap. 134. Riccar. & Sylu. Vnde dico; quoad lineam collateralem prohibitum est in iure naturali contrahere in primo gradu, quicquid dicat Caiet. probatur ex August. & habetur cap. cum igitur. 35. q. 1. & ex communi sententia. Palud. in 4. q. 1. art. 3. Abul. in Leuit. cap. 18. q. 3. Cater. l. 5. contra Caiet. Anton. 3. p. tit. 1. cap. 14. §. 2. Couar. epit. p. 2. cap. 6. §. 10. num. 5. & accedit Sot. d. 40. q. 1. art. 4. & alij. Neque obstat quod Gen. 29 Abraham duxit Saram sororem, quæ fuit neptis, secundum Hieronym. & August. ut habetur capitulum quæritur. 22. q. 2. & d. Tho. 2. 2. q. 110. art. 3. Sot. art. 4. Couar. & alij. cō-

muniter. Vocatur autem soror sicut Loth dicitur frater eius cum esset frater Saræ. & similiter Thare vocat patrem cum esset eius avus more scripturæ. sic Daniel. cap. 5. Nabuchodonosor dicitur pater Baldasar, cum esset eius patruus secundum Hieronymum. & habetur can. nam & Rex. de verb. signif. quod si teneas fuisse veram sororem, dicas illam duxisse ex divina dispensatione. probatur etiã ex l. 1. & 2. Polit. cap. 2. vbi Arist. ait, naturam abhorrere hanc coniunctionem. & ex August. l. 15. ciu. cap. 16. & cap. gaudemus. de diuort. In illis autem gradibus collateralium, non est irritum matrimonium iure naturæ secundum Caiet. Soc. & Conar. supra. Castr. l. 1. de lege pœnali. cap. vult. Victor. relect. de matrim. d. 2. probatur ex cap. gaudemus. de diuort. & concil. Trid. sess. 24. cap. 5. de reform. matrimonij. vbi in secundo gradu ex causa publica concedit posse dispensari; ergo &c. requiritur autem gravis causa dispensandi; quia etiã de iure naturæ est indecens etiã extra primum gradum collateralium inter avunculum, vel patrum, & filiam sororis, vel fratris, & magis inter amitam vel materteram, & fratris aut sororis filium; vt Soc. & Conar. supra. & Ambr. l. 9. epist. 66. & hoc modo exponendi sunt sancti qui irritant hæc matrimonia; intelligendi enim sunt, quia habent indecentiam. Inter alios autem consanguineos collateralium de iure naturæ non est illicitum, nec indecens contrahere, quicquid alij dicant. imo nec etiã esset peccatum veniale. Dices sexto, An in quarto gradu Papa possit dispensare. Resp. in primo gradu tam ascendentium, quàm descendantium, & collateralium, non posse Papam dispensare; quia non potest Papa dispensare in his quæ sunt de iure naturæ, iuxta Clementinam ne Romani. & Conar. epit. p. 2. cap. 6. §. 9. num. 9. & est communis sententia. Secundo dico, in reliquis posse; vt patet ex Trid. sess. 24. cap. 5. de reform. matrim. intellige tamen in linea collateraliali. & hoc intelligendum est etiã si gradus prohibiti sint. Leuit. cap. 18. qualis est inter amitam, & materteram, & fratris vel sororis filiam; quicquid dicat Palud. Sylu. & alij supracitati. qui tenent adhuc illos gradus esse prohibitos iure diuino. quare notandum est, quod si teneas aliquos ex dictis gradibus esse de iure naturæ, consequenter oportet dicere, Papam non posse in illis dispensare, vt dictum est supra. Dices septimo, An Episcopus possit dispensare in aliquo gradu consan-

guini-

gunitatis. Resp. negatiuè. Couar. epit. p. 2. cap. 6. §. 10. nu. 11. Nauar. cap. 22. num. 89. nisi in casu quem affert ibid. Nauar. Item nec legatus à latere, nisi ex speciali facultate. glos. in cap. quia circa. de consangu. & affin. & ibid. doctores. Couar. supra. & præterea nec consuetudo hæc potest abrogare, cap. quod super his. de consangu. Couar. dicto §. 10. nu. 18. quæ autem causæ requirantur ad dispensandum, & si sine causa valeat dispensatio, alibi dicitur.

Nonnum dubium. De *cognitione spirituali*, quando dirimae matrimonium. Resp. & pro solutione nota primo, quòd cognatio spiritualis est vinculum nascens ex sacramento baptismi, & confirmationis, & susceptione. cap. finali. de cognat. spir. in 6. & est communis sententia. Vnde ex alijs sacramentis non resultat talis cognatio. quare confessor peccans cum conficente non committit incestum, vt notat Sot. in 4. d. 42. q. 1. art. 2. Nota secundo, quòd cognatio spiritualis impedit matrimonium subsequutum non de iure naturæ, vel diuino, sed ecclesiastico; vt patet cap. de eod. 30. q. 1. & toto tit. de cogn. spir. & cap. 1. tit. eod. in 6. & est communis sententia. Dixi *subsequutum*; quia si huiusmodi cognatio superuenit matrimonio contracto, nullatenus dirimit, vt decreuit congregatio concilij. & hæc est doctrina d. Tho. in 4. d. 42. q. 1. art. 1. concl. 2. Riccard. art. 1. q. 1. Dur. q. 1. Sot. q. 1. art. 1. Caiet. verb. matrim. in hoc impedimento. Sylu. verb. matrim. 8. q. 7. §. 2. Angel. matrim. 3. impedim. 7. Anton. 3. p. tom. 1. cap. 15. Nauar. cap. 22. num. 36. & 40. Couar. epit. p. 2. cap. 6. §. 4. num. 1. Petri Sot. lect. 11. de matrim. Candel. num. 146. Tercio nota, fuisse institutam dictam cognitionem in dictis prioribus sacramentis; quia in his reperitur quadam peculiaris generatio spiritualis. d. Tho. Riccard. Sylu. supra. Sot. art. 2. cit. hinc sequitur primo, quòd ex baptismo, vel confirmatione quacunque, non contrahitur cognatio spiritualis. Secundo sequitur, quòd neque contrahitur ex catechismo, vt habetur cap. contracto. de cogn. spir. & cap. per catechismum. tit. eod. in 6. & communiter doctores. contrahitur tamen cognatio per catechismum qui impedit, sed non dirimit; vt infra. Tercio sequitur, quòd nec oritur ex ritibus, & cæremonijs reliquis quæ suppleri solent quando puer est domi baptizatus, vt notat Petrus Sot. supra cit. Armill. verb. baptismus. num. 35. Nauar. cap. 22. num. 40. qui etiam

monet parochos vt hos distinctè notent in libro, vt sciant qui nam in baptismo, & quinam in catechismo tenuerunt, iuxta concilium Trid. sess. 24. cap. 2. de reform. matrim. Sed hic sunt nonnulla dubia: Dices primo, An factò matrimonio superueniens cognatio impediatur? Resp. Primo, nullo modo dirimitur. Secundo, impedit quantum ad petitionem debiti. colligitur ex cap. si vir. de cognat. spiritali. & cap. ad limina. 30. q. 1. quâuis illa capita non dicant hoc expresse, sed doctores id colligunt ex illis. Intelligo hanc doctrinam nisi in casu necessitatis, vel ignorantia id factum sit. Dices secundo, An hoc impedimentum contrahatur ex baptismo minus solenni, vt ex baptismo domi celebrato. Resp. affirmatiuè. nam hoc fit propter sacramentum. & de baptizante certum est, Sot. in 4. d. 42. q. 1. art. 1. Couar. §. 1. num. 4. & omnes communiter. de tenentè verò puerum, seu de patrino, quamuis Sotus non audeat affirmare, tamen tenendum est, quòd & qui tenet, & qui baptizat sic priuatè, contrahunt. est enim eadem ratio ac si in ecclesia leuauerit de fonte in baptismo. conuenit enim eodem modo ad generationem spiritualem. ita Nauar. cap. 22. num. 40. Angel. matrim. 3. impedim. 7. §. 21. Sylu. matrim. 8. q. 7. et 7. Rosell. impedim. 6. num. 13. Tab. impedim. 5. §. ult. & omnes communiter. Patrinus verò non quia portat, nec quia tenet in catechismo, contrahit; sed quia tenet quando baptizatur, vel quia leuat de fonte. nec refert vtrum teneat carnes pueri, an vestes. nec tenetur respondere baptizanti. Sot. supra. art. 2. Anton. 3. p. tit. 1. cap. 15. §. 3. Rosell. imped. 6. §. 22. & pro hoc facit cap. veniens. de cognat. spir. quamuis alij oppositum dicant. vt refert Couar. epit. p. 2. cap. 6. §. 4. num. 7. Dices tertio, An qui nō est baptizatus si teneat aliquem in baptismo, vel baptizaret, contrahat cognationem spiritualem, nec ne? Resp. negatiuè; quia cū ipse non sit generatus spiritualiter, non potest dici generare spiritualiter; in quo omnes conueniunt. d. Tho. in 4. d. 42. q. 1. art. 3. q. 1. ad 3. & in addit. q. 56. art. 3. ad 3. Palud. d. 42. q. 1. art. 1. concl. 3. Riccard. q. 3. art. 1. Sot. d. ead. q. 1. art. 3. Dur. q. 1. Nauar. cap. 22. num. 36. Anton. 3. p. tit. 1. cap. 15. §. 3. Sylu. matrim. 8. q. 7. §. 12. & hoc procedit etiam si baptizatus sit catechumenus, nō enim contraheret cognationem spiritualem. Sot. supra. quamuis contrarium dicat gloss. quam sequitur Angel. matrim. 3. impedim. 7. §. 10. Rosell. impedim. 6. §. 26.

qui

qui volunt q. non baptizatus si baptizaret, contraheret cognationem spiritualement; secus si solum teneat. idem Sot. d. 4. q. vnic. art. 5. Dices quarto, An hæreticus, vel schismaticus si baptizatur, illam contrahat? Resp. affirmatiuè; Nauar. cap. 22. num. 36. Sot. supra. q. 1. art. 3. quamquam hi ad hoc munus non sint admittendi sine urgente extrema necessitate. Dices quinto, An qui non est confirmatus, si teneat aliquem in confirmatione, contrahat cognationem spiritualement? Resp. affirmatiuè, dummodo sit baptizatus. Rosell. impedim. 6. §. 26. Sylu. matrim. 8. q. 7. §. 12. Tab. impedim. 5. §. 2. Sot. d. 42. q. 1. art. 3. quicquid in contrarium dicat Angel. matrim. 3. impedim. 7. §. 10. & verb. confirmatio. §. 11. Victor. de confirm. q. 51. qui tenent non contrahi à non confirmato. & alij, quos refert Sylu. verb. confirmatio. q. ult. Dices sexto, inter quos contrahitur cognatio spiritualis. resp. olim erant tres species eius, paternitas, compaternitas, & fraternitas, de quibus Nauar. cap. 22. num. 36. & alij. nunc autem post concilium Trid. sess. 24. cap. 2. de reform. cessauit fraternitas, & aliqua ex parte compaternitas; & contrahitur solum inter baptizantem, eiusque patrem, & matrem. similiter inter suscipientem, & baptizatum, eiusque patrem & matrem. & sic in confirmatione. quare inter ipsos patrilos nulla contrahitur cognatio; vt notat Nauar. cap. 22. num. 39. Dices septimo, An si nulli nominentur patrini, & plures tangant baptizatum, omnes contrahant cognationem? Resp. probabile est omnes contrahere iuxta ius antiquum. Nauar. cap. 22. nu. 29. Quid si tres nominentur, & admittantur patrini? resp. omnes contrahunt. Nauar. consil. 4. de cognat. spirit. Dices octauo, An si duo eiusdem sexus suscipiant baptizatum, ambo contrahant? Resp. primo, si vnus sit nominatus, ille solus contrahit cognationem. Secundo, si nominetur vterque, contrahit vterque. Tercio, si nominentur duo eiusdem sexus, vterque contrahit, vt patet ex dictis. Quarto dico, quòd sacra congregatio statuit Episcopum non posse dare licentiam vt duo viri & mulieres suscipiant baptizatum de baptismo, iuxta decretum concilij. imò ante concilium non admittebantur plures; vt patet can. non plures. de consecr. d. 4. & cap. finali. de cognat. spirit. in 6. Sot. d. 42. q. 2. art. 5. Dices nono, An hæc cognatio contrahatur inter maritum, vel vxorem suscipientis, & baptizatum; nec non inter maritum eius, vel vxorem, & patrem, & matrem

baptizati? Resp. negativè ut patet extrauag. Pij V. sanctiss. num. 19. Dices decimo, An si quis contraxit spirituales cognationem intra gradus prohibitos ante concilium Trid. ab eodem tamen sublatis, possit post illius publicationem contrahere cum illis sine dispensatione. Resp. posse, ut declarauit Pius V. extrauag. citata. Dices vndecimo, An ad contrahendam hanc cognationem, satis sit tangere baptizandos, vel confirmandos, licet non teneant illos? Resp. satis esse. Sylu. matrim. 9. q. 2. §. 13. Anton. supra. Nauar. cap. 32. num. 37. & 88. probatur, quia in multis locis est consuetudo tangendi solù. & Trid. sess. 24. cap. 2. de reform. id inquit cum dicit: *si plures tetigerit.* & satis est tangere vestes, vel lintheamina pueri, licet non tangat carnem ipsius, ut supra dixi. Dices duodecimo, Quid si aliquis tangat cum intentione faciendi quod facit ecclesia, vel quod faciunt alij susceptores, non vult tamen fieri susceptor? Resp. quòd sit etiam susceptor. Angel. matrim. 3. impedim. 7. §. 12. Rosell. impedim. 6. §. 21. Sylu. matrim. 8. q. 7. §. 13. & canonistæ in cap. 1. de cognat. spirit. si quis autem per accidens, vel aliud agens tangeret quando confertur dictum sacramentum, non propterea fieret susceptor. Dices decimotercio, An dicta cognatio possit contrahi per procuratorem, vel per nuncium. Resp. supracit. dicunt posse contrahi. sed oppositum tenendum est cum Sylu. supra. q. 7. §. 14. Sot. d. 42. q. 1. art. 3. Nauar. consil. 2. de cognat. spirit. Couar. epit. p. 2. cap. 6. §. 4. nu. 6. & est communis; quia actio suscipiendi est personalis. Est autem laudabilis cæremonia ad tuendam pacem reipublicæ, & tunc ipse legatus contraheret qui mittitur, ut patet; & notant Sot. Nauar. supra. & Ioannes Andr. reg. 68. de reg. iur. in 6. Dices decimoquarto, Quid refert si quis suscipiens vnum, putet esse alium? Resp. nihil refert. neque propterea desinit contrahere cognationem spirituales cum illo, & suis parentibus, sicut baptizans cum simili errore etiam contraheret. Dices decimoquinto, An infans si leuet, contrahat cognationem spirituales. Resp. affirmatiuè, si sit doli capax. Nauar. consil. 3. Dices decimosexto, An contrahant parentes hanc cognationem si leuent, vel baptizent proprios filios. Resp. primo, in extrema necessitate baptizantes, vel leuantes, non contrahunt. Sot. in 4. d. 42. q. 1. art. 1. contra Scot. Secundo, extra necessitatem contrahunt. cap. peruenit. 30. q. 1. similiter qui baptizaret filium susceptum ex fornicat-

fornicatione, &c. etiam ex necessitate extrema. Papa verò potest in hoc impedimento dispensare. Nau. cap. 22. num. 85.

Decimum dubium. De *cognitione legali*; quomodo matrimonium dirimat. Resp. & Nota primo, quòd cognatio legalis est quædam propinquitas ex adoptione proveniens. Petrus Sot. l. 1. de matrim. Couar. epit. p. 2. cap. 6. §. 3. num. 1. Palud. in 4. d. 42. art. 2. conclus. 1. Candel. num. 165. & alij communiter. Adoptio autem est extraneæ personæ legitima assumptio in filium, vel nepotem, ad solatium eorum qui non habent. d. Tho. in 4. d. 42. q. 2. art. 1. & in addit. q. 57. art. 1. Riccard. d. 42. art. 2. q. 1. Palud. q. 1. art. 2. conclus. 1. Scot. q. 1. art. 2. conclus. 1. Sot. q. 2. art. 1. Dur. q. 2. & aduerte ex Riccard. & Sot. dici *extraneæ personæ*; ad denotandum, quòd adoptio fit solum de persona quæ non est in potestate adoptionis. vnde non prohibetur aliquis adoptare sibi consanguineam, vt patet §. sed hodie. instit. de adopt. Hæc autem adoptio est duplex, l. 1. & 2. ff. de adopt. vna est imperfecta, quæ etiam retinet nomen generis, & vocatur adoptio simplex. altera est perfecta, & dicitur arrogatio. idem docent auctores citati. vocatur autem hæc posterior arrogatio; quia ex dicta l. 1. qui adoptat, rogatur, & interrogatur, an velit eam quem adoptaturus est, esse sibi iustum filium. & is qui adoptatur, rogatur, an id fieri patiatur. Differunt autem adoptatio, & arrogatio, quòd per arrogationem arrogatus transit in potestatem arrogantis. per simplicem verò adoptionem, adoptatus non transit in potestatem adoptantis. His positis, Dico primo; tres esse species cognitionis legalis: prima est quasi ascendentium, per quam contrahit adoptans cum adoptato, & eius filiis, & negotibus, vsque ad ad quarrum gradum. Secunda est quasi collateralium inter filium adoptiuum, & filios naturales adoptantis &c. Tertia est per modum cuiusdam affinitatis inter adoptatum, & uxorem adoptantis; & inter adoptantem, & uxorem adoptati. colligitur ex Caiet. verb. matrim. in hoc impedim. Nauar. cap. 22. num. 24. Anton. 3. p. tit. 1. cap. 13. Sylu. matrim. 8. q. 8. §. 2. Sot. in 4. d. 42. q. 2. art. 2. & alij. & quamuis prima, & tertia species videantur potius definiri iure civili, quàm canonico; nihilominus tamen nunc consuetudine, & vsu ecclesiæ nunc approbato, seruandæ sunt. Sot. supra. d. Tho. in 4. d. 42. q. 1. art. 2. conclus. 2. & in addit. q. 57. art. 2. & 3. Palud. d. 42. q. 1. art. 2. conclus. 2. Riccar.

art. 2. q. 2. & alij. Vnde dicendum est, quod non habent rigorem præcisè ex vi iuris civilis, sed ex eo, quod approbata fuerunt ab ecclesia. Sylu. dicta q. 8. §. 1. & alij. Præterea, prima species habetur §. ergo. instit. de nupt. Tertia habetur l. adoptiuus. ff. de ritu nupt. & cap. ita diligere. & cap. adoptionem. 30. quæst. 3. & cap. vnico. de cognatione legali. Secundo dico, quod dicta cognatio impedit, & dirimit matrimonium. & deducitur ex text. cit. & tenet communis sententia, iuxta Sylu. & alios quamuis nonnulli contradicant. Dices primo, an intelligendum sit tam de perfecta, quam de imperfecta adoptione. Resp. Sotus intelligit de perfecta. & idem quoad cognationem secundæ speciei tenet Sylu. verb. matrim. 8. q. 8. §. 4. & videtur tenere Ledes. 2. 2. q. 59. art. 3. Oppositum tamen tenendum est; quod scilicet etiam in hac specie cognatio procedens ex simplici adoptione sit impedimentum dirimens; ita gloss. in cap. vnico. de cognat. legali. Riccard. in 4. d. 42. art. 2. ad 3. Nauar. cap. 22. num. 44. Couar. epit. p. 2. cap. 6. §. 5. num. 2. Panorm. in cap. vnico. num. 5. & est communis. & affirmat Couar. & alij. neque d. Tho. & Palud. quos citat Sylu. pro sua sententia contradicunt. hoc igitur est tenendum. Dices secundo, An hoc impedimentum duret in perpetuum. Resp. Caiet. verb. impedimentum. dicit, quod in prima, & tertia specie duret in perpetuum. Sot. d. 42. q. 2. art. 2. d. Tho. ibid. q. 2. art. 3. & in addit. q. 57. art. 3. Riccard. dicto art. 2. q. 3. Palud. concl. ult. loco cit. Anton. 3. p. tit. 1. cap. 13. Sylu. matrim. 8. q. 8. §. 7. Petr. Sot. lect. 1. de matrim. Nau. cap. 22. num. 44. Couar. dicto §. 5. nu. 1. & ita impedimentum hoc durat etiam post emancipationem arrogati, seu dissoluta adoptione. & quoad primam probatur ex §. ergo. instit. de nupt. Quoad tertiam verò ex l. adoptiuus. ff. de ritu nupt. in secunda autem specie cessat finita arrogatione, vel adoptione, id est post emancipationem adoptati, vel arrogati. vt patet ex cap. 1. de cognat. legali. & l. per adoptionem. ff. de ritu nupt. §. inter eas. instit. de nupt. cap. post susceptam. & cap. per adoptionem. 36. q. 3. & ita tenet Couar. dicto §. 4. num. 3. & alij. Dices tertio, quod in quauis specie huius cognationis potest Papa dispensare, cum sit de iure positiuo. non autem Episcopus, nisi in necessitate.

¶ Vnde cum dubium. De affinitate, quomodo dirimat, seu impediatur matrimonium. Resp. & Nota primo, quod affinitas est

est propinquitas personarum ex copula carnali proueniens, omni parentela carens. Couar. epit. p. 2. cap. 6. §. 7. & est communis. Dixi *ex copula carnali*; quia sic distinguitur à consanguinitate, quæ est ex communi sanguine, vt notat Sor. d. 41. q. 1. art. 1. Candel. num. 124. Dixi *omni carens parentela*, scilicet quantum est de se; quia affinitas de se potest esse sine consanguinitate, non tamen significat illa particula (*non*) posse contrahi cum consanguineis affinitatē. Nota secundo, per copulā intelligi actū consummatum ex quo potest sequi generatio. nihil autē refert ad contrahendam affinitatē an copula fuerit maritalis, vel fornicaria, quia ēt ex copula fornicaria oritur affinitas secūdū omnes. & patet ex cap. discretionē. de eo qui &c. & Trid. sess. 24. cap. 4. de refor. matrim. nec etiā refert an copula fuerit uolēta, vel uolūtaria. utrū habita sit cū dormierit, an cū uigilaret, vt docet Couar. Tertio nota, ad affinitatem contrahendam requiritur copula consummata per effusionem seminis in uase naturali, vt notat Sor. d. 41. q. 1. art. 2. Nau. cap. 22. nu. 42. & alij. Vnde inferitur, quod neque tactus, neque oscula impudica sufficiunt ad contrahendum affinitatem. imo neque copula nefanda habita cum fœmina contra naturam, etiam si sæpius fuerit iterata. & is est sensus cap. extraordinaria. 35. q. 3. Sed circa hæc sunt aliqua dubia. Dices primo, Qua ratione cognoscantur gradus affinitatis. Resp. sciendum est affinitatē contrahi inter virum & consanguineos vxoris; inter vxorem, & consanguineos viri. & regula est ista. quoto gradu aliquis est consanguineus viri qui habuit copulam, eodem etiam est affinis fœminæ quam ille cognouit. & rursus, quoto gradu aliquis est consanguineus fœminæ, eodem etiam est affinis ipsius viri. hic sequitur primo, quod omnes qui sunt in primo gradu consanguinei viri, in eodem gradu sunt affines fœminæ. & è cōuerso. Secundo, ex eadem regula sequitur virum, & vxorem, non esse inter se affines, sed habent se tanquam vna caro, & origo, atque ratio affinitatis aliorum. Tertio, sequitur duos fratres nullum habere impedimentum quod minus possint contrahere matrimonium cum duabus sororibus, quamuis alter ex illis consumasset matrimonium cum altera; nam inter consanguineos vxoris non contrahitur affinitas. eodem modo dicendum est, quod si viduus cum vidua contrahat, & consumet matrimonium, vtriusque filij quos vterque suscepit ex priori ma-

erimonio, si fuerint mas, & femina, possunt simul copulari. Quarto sequitur, quod si quis contraxit sponsalia cum alia, & postea fornicatus est cum sorore illius, non potest contrahere neque cum illa; vt notat Palud. in 4. d. 41. q. 1. & Nau. cap. 12. num. 57. Candel. num. 107. Dices secundo, Quot sunt genera affinitatis. Resp. primum genus, proximo primo dubio dictum est. Secundum est, quando vxor, vel vir relictus, vel relictæ contrahebant secundum aliud matrimonium, tunc contrahebatur affinitas inter consanguineos defuncti cum consanguineis non ui matrimonij. & si terciò contraherent, contraheretur tertium genus affinitatis; deinde non dabantur alia genera affinitatum præter hæc tria. & ex hoc sequitur regula illa: *affinitas non parit affinitatem*. verbi gratia, si vxor mei filij quæ mihi est in primo gradu affinitatis, mortuo filio meo contrahat cum aliquo alio alterius familiæ, ego cum consanguineis illius familiæ nullam contraho affinitatem. Dices tertio, vsque ad quodum gradum affinitas impediatur matrimonium. Resp. de iure communi ante concilium Trid. extendebatur vsque ad quartum gradum, iuxta cap. non debet. de consangu. & affin. iam verò iuxta Trid. sess. 24. cap. 4. de reform. matrim. affinitas quæ orta est ex copula fornicaria non excedit primum, & secundum gradum. & ita etiam declarauit Pius V. in extrau. ad Romanum. num. 30. vbi ait, in vltioribus gradibus non dirimere matrimonium, sed nec etiam impedire. Nau. cap. 12. num. 42. quæ autem oritur ex matrimonio, remanet vt in iure antiquo, scilicet vsque ad quartum gradum inclusiue de iure positivo, tam in linea recta, quàm collateraliter. probatur ex tit. de consangu. & affin. & 35. q. 3. Quod autem non sit prohibitum de iure naturali, probatur primo; quia in lege veteri non erat prohibitum cū cōsobrina cōtrahere, ergo non erat ex lege naturæ. Secundo, patet ex cap. gaudemus. de diuort. vbi infidelium matrimonia non dirimuntur. Tertio; quia Pontifices dispensarunt. Dices quarto, An sit aliquis gradus affinitatis prohibitus à iure diuino, vel naturali. Resp. Palud. in 4. d. 41. art. 3. concl. 5. putat omnes illos gradus qui prohibiti sunt cap. 18. esse etiam nunc prohibitos iure naturæ, & iure diuino, nec posse in illis Papam dispensare, vt in matrimonio viduici cum priuigna, aut noueræ cum priuigno; nec soceri cum nuru, aut socrus cum genero, nec denique cum vxore fratris defuncti, aut marito sororis.

Alij verò tenent in primo tantum rectæ lineæ impediri de iure naturæ. d. Tho. in 1. ad Cor. 5. Abul. in Leuit. 18. Couar. cap. 6. §. 10. num. 6. Alij neque in hoc gradu. ita Caiet. 2. 2. q. 148. art. 9. Pro solutione Dico primo, Probabilius est affinitatem contractam ex fornicatione, in nullo gradu impedire matrimonium de iure naturæ, vt supra diximus; quia nulla ratio id conuincit, & Martinus V. dispensauit; ita Anton. 3. p. tom. 1. cap. 1. §. 1. Secundo dico, probabile est affinitatem ortam ex matrimonio in prima linea rectè ascendentium, & descendentium impedire matrimonium de iure naturæ, ex d. Tho. in 1. ad Cor. 5. Victor. 2. p. relect. de matrim. Couar. epit. p. 2. cap. 6. §. 10. num. 6. Sor. d. 41. q. 1. art. 3. & alij. probatur primo; quia nunquam audiuius Papam dispensasse. Secundo, quia apparet magna indecentia naturalis, nam socer est tanquam pater nurui; & cum nouerca sit loco matris. Item tertio, omnes nationes id damnarunt. & confirmatur ex 1. Cor. 7. *auditur inter vos fornicatio &c.* Tertio dico, quod attinet ad primum gradum collateralium quamuis affinitas orta sit ex matrimonio, non ita impedit vt dirimatur de iure naturæ; & ex consequenti ex dispensatione Papæ posse aliquem contrahere matrimonium validum cum vxore fratris sui mortui. Ita Scot. in 4. d. 40. & 42. gloss. in cap. finali. de diuort. Sor. d. 4. q. art. 3. Couar. epit. p. 2. cap. 6. §. 10. nu. 7. & alij. Vnde Henricus VIII. Angliæ Rex, contraxit cum vxore fratris, & validum fuit declaratum matrimonium tale ex dispensatione contractum. ita Castl. l. 1. de lege pœnali. cap. vlt. & in lege veteri permittebatur aliquando, etiam si communiter prohibitum esset, vt Gen. 38. Iudas dedit Thamar duos filios suos. itē Gen. 29. Iacob accepit duas sorores Rachelē, & Liam. Nec obstat, quòd Matthæi 14. dicitur, *Non licet tibi habere vxorē fratris tui;* nā hoc erat viuente viro. & etiam si esset mortuus, non licebat etiam in lege veteri quando vxor fratris reliquerat prole. neque obstat caput gaudemus. de diuort. vbi dicitur Papæ non posse dispensare in primo gradu; intelligitur enim in primo gradu consanguinitatis, vel (si vis) affinitatis, intelligit in linea collateralī. nec denique obstat caput ad literas. ibid. intelligitur enim de iure diuino naturali, nō c̄remoniali, q̄ abolitū est. Quarto dico, in reliquis gradibus affinitatis vltra primum gradum siue inter collaterales, siue inter ascendentes, & descendentes, etiam si

Vuuu a affini-

affinitas sit ex matrimonio, nulla cernitur de iure naturæ prohibitio quæ reddat matrimonium nullum. & per consequens Papa potest in huiusmodi facilius dispensare, vt tenent communiter doctores. Dices quinto, An qui contraxerit affinitatem vltra gradum secundum ante concilium Trid. possit post eius publicationem contrahere cum illa sine dispensatione? Resp. posse, vt statuit Pius V. extrauag. sanctissimi. Dices sexto, An qui post contractum matrimonium cognouit consanguineam vxoris in tertio, vel in quarto gradu, is contraxit affinitatem cum vxore, ita vt non possit petere debitum; an etiã quoad hoc sit sublatum tale impedimentum in dictis gradibus? Resp. non contrahi; sed in vltioribus gradibus à secundo, hoc impedimentum fuisse sublatum; vt declarauit sacra congregatio concilij; & ita expressè tenet Nauar. consil. 53. de consangu. & affin. Dices septimo, quæ sit pœna contrahentis sine dispensatione inter gradus prohibitos affinitatis. Resp. non solum matrimonium est nullum, sed peccant mortaliter, & incidunt in excommunicationem. cap. 1. de consangu. Dices octauo, An sint plura genera affinitatis. Resp. secundum antiquos canones fuisse tria genera, nunc autem primum solum impedire, & dirimere matrimonium; vt patet ex cap. non debent. de consangu. & affin. & gloss. ibid. Abb. Ioannes Andr. & Host. Sylu. verb. matrim. 8. q. 15. §. 3. & 4. Candel. num. 103. & alij. Pro intelligentia nota, quòd persona addita mutat genus, sed non gradum; nam persona adiuncta sanguini facit primum genus affinitatis. quare vxor fratris mei; est mihi affinis in primo genere. si autem cognoscatur ab alio, verbi gratia à Petro, iste erit mihi affinis in secundo genere. quòd si deinde Petrus cognoscit aliam, illa erit mihi affinis in tertio genere; omnes in primo gradu. sed iam (vt dixi) primam olim impediebat, vt gloss. exponit. hinc patet, quòd gener potest accipere eam quæ fuit vxor socrus sui. nouercam scilicet vxoris defunctæ; vt ait Sylu. su Pra. §. 9. & q. 14. §. 5.

Duodecimum dubium. De impedimento criminis, scilicet homicidij, & adulterij, quando dirimant matrimonium. Resp. & primo nota, agunt de hac re Riccard. in 4. d. 35. art. 5. q. 3. & 4. Palud. dist. 34. q. 1. Caiet. verb. matrim. Anton. 3. p. tit. 1. cap. 5. Angel. matrim. 3. impedim. 9. Rosell. verb. impedim. 8. Sylu. verb. matrim. 8. q. 9. Sot. d. 37. q. vnica. art. 4. Petrus Sot. lect. 9.

de matrim. Armill. verb. matrim. §. 30. Nauar. cap. 27. num. 46. & licet aliqui in tres, alij in quatuor casus distinguant, omnes tamen duabus conclusionibus comprehenduntur. Sit igitur prima conclusio quoad homicidium. si vir & mulier simul machinati sunt mortem coniugis alicuius, omnino impeditur, & dirimitur matrimonium inter ipsos. si autem altero tantum machinante mors illata est, non sufficit; nisi etiam interueniat adulterium. prior pars probatur ex cap. laudabilem. de conuers. infidel. & can. si quis viuente marito. 31. q. 1. vbi habetur, quod etiam si infidelis esset, & ad eius conuersionem procuranda homicidium factum est, matrimonium inter eos esse non potest. & est communis sententia. Posterior pars probatur ex cap. significasti. de eo qui duxit in matrimonium. & ibi Ioannes Andr. Panorm. & communiter doctores loco cit. pro explanatione Nota primo, quod machinari dicitur ille qui exhibet venenum, qui infligit vulnus, &c. item qui hæc præcipit, mandat, consulit, aut in his dat auxilium iuxta gloss. in cap. si quis viuente. 31. q. 1. Anton. & Nauar. supra. Secundo nota, non satis esse vt quis ratum habeat homicidium suo nomine factum, ex gloss. in dicto cap. si quis viuente. & in cap. 1. de conuers. infidel. & ibi Abb. Rosell. & Anton. supra. Angel. §. 7. Sylu. §. 3. loco cit. & est communis sententia. Tercio nota, quod machinatio est intelligenda cum effectu vt inde sequatur mors, vt notat Anton. supra. & Sot. dicto art. 4. post d. Thomam. Vnde, si mors aliunde sequatur, nullum erit impedimentum. hoc autem ex circumstantijs iudicio prudentis viri iudicandum est. Quarto nota, requiri vt machinatio fiat cum intentione contrahendi matrimonium; quia occasio alio modo facta, non sufficit; vt patet ex dicto cap. laudabilem. & ita docent communiter doctores. d. Tho. in 4. d. 37. q. 2. art. 2. & in addit. q. 60. art. 2. Anton. Sylu. Rosell. & alij supra cit. quamuis oppositum dicat Caiet. verb. matrim. in hoc impedimento. & Petrus Sot. lect. 19. de matrim. hinc patet, quod si quis occiderit ex ira, vel odio, vel casu, vel in bello, vel alia causa coniugem alterius, non impeditur a contrahendo matrimonio cum illius coniuge superstite. neque refert quod huiusmodi moderatio non sit expressa in iure; quia licitum est cum communi sententia doctorum interpretari ipsum ius iuxta rationem iuris, præsertim in fauorem matrimonij. Verum est tamen, quod in foro

exteriori semper iudicaretur irritum matrimonium, quia ibi præsumeretur dictum homicidium fuisse commissum ad contrahendum matrimonium. *ve* *Sot.* *supra*, dicto *ar.* 4. Quinto nota, quod licet in priori casu requiratur *ut* talis intentio nempe contrahendi fuerit in utroque machinante, tamen in casu posteriore satis est *ut* intentio sit in illo qui machinatus est mortem coniugis, licet alter non habuerit talem animum. quod patet; quia ratio cur ius statuit hoc impedimentum, est, ne adulteris matrimonij futuri voluntas esset, & occasio occidendi coniugem. Vnde confutatur *Ledes.* qui dicit, quod si adultera occidit virum suum, potest contrahere cum adultero. *vel* exponendus est iuxta dicta. Sexto nota, quod in posteriore casu requiritur adulterium formale, id est *ut* saltem ille qui committit homicidium sciat probabiliter, quod persona cum qua peccat, est matrimonio coniuncta. *Sot.* *in* 4. d. 37. q. 1. art. 4. *Navar.* cap. 32. num. 46. *Caiet.* *verb. matrim.* *Abb.* *in* cap. propositum. num. 3. Secunda conclusio; Qui committit adulterium scienter cum coniuge alterius, & contrahit matrimonium, vel dat fidem eidem de contrahendo cum ea, non potest cum tali etiam post mortem coniugis validum contrahere matrimonium. hzc conclusio continet duos casus: vnus est de adulterio cum contractu matrimonij de presenti, qui habetur cap. *extiteris.* & cap. *significasti.* & cap. *si quis.* de eo qui duxit in *matrim.* &c. alter casus est de adulterio cum fide de contrahendo etiam post mortem coniugis. & de eo statuitur in cap. *relatum* 31. q. 1. & cap. *propositum.* cap. *significasti.* & cap. *veniens.* de eo qui duxit in *matrim.* & est communis sententia. Pro intelligentia huius impedimenti in genere, Nota primo, quod in hoc impedimento debent concurrere duo, scilicet adulterium, & contractus de presenti, vel datio fidei de contrahendo. nec enim adulterium solum sufficit, nec datio fidei de contrahendo, nec contractus sine adulterio, *ut* colligitur ex cap. *relatum* 31. q. 1. & docet *Palud.* *in* 4. d. 34. q. 1. art. 3. *Petrus Sot.* *lect.* 9. de *matrim.* *Riccard.* d. 35. art. 3. q. 4. *Caiet.* *verb. matrim.* *in* hoc *impedim.* *Sot.* d. 34. q. 1. art. 4. *Angel.* *matrim.* 3. *impedim.* 9. §. 1. *Rosell.* *impedim.* 8. §. 1. & 2. *Sylu.* *matrim.* 8. q. 9. §. 4. *Anton.* 3. p. tit. 1. cap. 5. *Armill.* *matrim.* §. 32. *Navar.* cap. 37. num. 46. & alij communiter. Secundo nota, quod *ut* hoc impedimentum habeat vim, debet interuenire verum adulterium. Vnde non est

est satis ut ipsi peccantes putent se committere adulterium, vel quòd alij idem credât. si enim illorum matrimonium esset nullum ob aliquod impedimentum occultum, vel quia non erant reuera personæ coniugatae, tunc non esset adulterium, nisi putatiuum; quod non sufficit, ut colligitur ex dicto cap. significasti. de eo qui duxit &c. & docet Gabr. d. 35. q. vnica. Maior. q. 2. Petrus Sot. lect. 9. de matrim. Angel. dicto §. 1. Sylu. & Nauar. supra. & alij communiter. Quòd verò primum matrimonium sit ratum, & non consummatum; vel sit separatum quoad torum, nihil refert. vel omnino factum diuortium; nam nihilominus cum huiusmodi coniugatis committitur adulteriũ; ut ex cap. significauit. & cap. ex literarum. de eo qui duxit in matrimonium &c. Angel. dicto §. 1. & Sylu. dicto §. 4. ex his patet, quòd dictum matrimonium fuerit validum. Secundo, quòd debet esse adulterium consummatum per copulam perfectam, ut colligitur ex cap. finali. de eo qui duxit &c. Tercio, quòd adulterium debet esse tale formaliter, & ex parte vtriusque, ita ut vterque sciat se committere adulterium; quia scit se, vel eum cum quo peccat esse coniugatum; ut colligitur ex cap. propositum. & cap. veniens. de eo qui duxit &c. & docent doctores citati. & patet ratione; quia ex parte illius qui ignoraret complicem esse coniugatum, esset solum adulterium materialiter. hinc infertur, quòd iuxta cap. veniens. & cap. propositum. si vterque ignorabat impedimentum prioris matrimonij, tunc licitum est vtrique vel recedere à matrimonio, vel denique illud contrahere, mortuo scilicet altero coniuge. si autem vnus tantum sciebat tale impedimentum, est in potestate ignorantis post sublatum impedimentum vel recedere à matrimonio, vel iure compellere eum qui sciebat impedimentum, ut secum denuò contrahat legitimum matrimonium; nam matrimonium antea contractum, fuit nullum. Adde, quòd etiam si post mortem prioris coniugis saepe copula, & consensus fuisset iteratus, nunquam tamen factum est legitimum matrimonium; nam requiritur ut sit cognitum impedimentum, & iterum consentiat qui illud ignorans contraxit. ut cum Innoc. & Sot. sentit Nauar. cap. 22. num. 47. & ratio est, quia ille iteratus consensus fundabatur in errore, & non erat nisi ad ratum habendum quòd ante credebatur esse factum. Aduertendum est præterea, cum dixi in potestate ignorantis esse denuò

contrahere matrimonium, id intelligendum est, nisi is qui sciebat impedimentum contraxerit cum alia; & dummodo ignorans non reiciuerit tale impedimentum ante mortem alterius coniugis. vel nisi cognito impedimento habuerit copulam viuente altero coniuge; quia tunc esset formale adulterium ex vtraque parte, quod dirimit matrimonium; ita Panor. in cap. 1. de eo qui duxit &c. Nauar. cap. 22. num. 46. Sylu. q. 9. §. 8. Angel. matrim. 3. impedim. 9. §. 3. & est communis. hinc sequitur, quòd etiam si ignorans post cognitum impedimentum exigit vt alter sublato tali impedimento secum ritè contrahat, & ille repugnet, & contrahat cum alia, tale matrimonium erit validum, quamuis non sine peccato contractum. Dices primo, quanta scientia, seu noticia requiratur circa matrimonium præcedens adhuc vt dicatur committi adulterium formale, & contrahatur tale impedimentum. Resp. quòd scire dicitur non solum qui certò scit, sed etiam qui probabilem opinionem habet. cap. inquisitioni. de sent. excomm. & notat Sylu. verb. matrim. 8. q. 9. §. 4. & 9. Sor. in 4. d. 37. q. unica. art. 4. hinc inferitur quid dicendum sit de latino contrahente in gracia cum græca coniugata, sed separata à viro per diuortium causa fornicationis factum, si enim is bona fide contraheret, posset mortuo priore viro denuò cum illa ritè contrahere; quia ad contrahendum dictum impedimentum requiritur mala fides contrahentium. cap. ult. de eo qui &c. Sylu. matrim. 8. q. 9. §. 4. Circa posteriorem casum quando scilicet interuenit adulterium cum fide de contrahendo; Primo nota, quòd nihil refert an fides data præcesserit, an subsequuta fuerit adulterium; vt docet Angel. Caiet. Sor. & alij. supra. dummodo data fuerit viuente altero coniuge. vt colligitur ex cap. siquis. de eo qui &c. Secundo nota, quòd nihil refert An fides data fuerit iurata, vel non; vt notat Palud. dicto. ar. 3. conclus. 2. Gabr. d. 35. art. 2. Sylu. supra, Angel. Rosell. & alij. Tercio nota, quòd loco fidei non sufficit propositum vt explicatio voluntatis sine intentione se obligandi. similiter non sufficeret siquis diceret; si non haberem vxorem, ducerem te. Sylu. & Angel. supra. Addo quòd non sufficeret fides data sine animo promittendi, sed potius decipiendi; quia talis reuera non esset promissio in foro conscientie. Quarto nota, non requiri, quòd datio fidei sit mutua, sed satis erit promissio vnius adulteri, iuxta Palud. supra.

supra. intellige dummodo sit acceptata; si enim reiiceretur; esset nulla. probatur; quia iura non videntur loqui nisi de promissione acceptata. Dices secundo, An qui viuentis sua vxore promittit alteri se illam ducturum post mortem suam, peccet, etiam si non committat adulterium? Resp. affirmatiuè. nisi ignorantia excuset, & est grauissimum peccatum; quamuis non sit impedimentum. probatur ex cap. finali. de eo qui duxit, & c. Panorm. num. 2. Riccard. d. 35. q. 4. art. 3. quia datur occasio mortis inferendæ. Vnde dicunt aliqui, quod talis tenetur sub peccato mortali reuocare dum coniux viuit, & non post mortem. Nota hic casum Panormitani, in cap. fin. de eo qui duxit & c. Petrus viuentis Berta coniuge, dedit fidem secundæ, & eam non cognouit; demum mortua coniuge, non illam cui fidem dedit, sed aliam duxit in vxorem, qua viuente cognouit illam cui primò fidem dederat, nunquid mortua vxore possit contrahere cum illa? Resp. cum Panorm. affirmatiuè; quia contrahendo cum secunda, videtur recessisse à fide illi data; & consequenter nunc reperit solum adulterium, quod non impedit.

Decimum tertium dubium. De *cultus disparitate*, quomodo dirimat matrimoniū. Resp. Disparitas cultus quæ est inter fidelē, & infidelē, de iure naturæ, & etiā diuino, cōtrahendū matrimoniū dirimit, & de iure ecclesiastico dirimit et cōtra. probatur primo, quia impediretur amicitia, & cōcordia quæ debet esse inter coniuges. Secundo, damnum pateretur educatio proli; quia vterque coniugum vellet trahere filium ad suam sectam. Tertio, ex 1. Cor. 6. *nolite iugum trahere cum infidelibus.* & 1. Cor. 7. *cui vult nubat, tantum in domino*, idest fideli. Quarto, ex iure ecclesiastico. cap. caue. & cap. oportet. & cap. iudxi. 28. q. 1. in quibus licet non habeatur expressè quod non sit irritum, tamen ita intelligit ecclesia ex traditione antiqua, & praxi. Quinto, probatur ex libro synodorum. can. 72. & colligitur etiam ex communi sententia doctorum. d. Tho. in 4. d. 39. q. 1. art. 1. & in addit. q. 69. art. 1. Riccard. art. 1. q. 1. Palud. q. 1. art. 1. concl. 3. Dur. q. 1. art. 2. Rosell. impedim. 9. Angel. impedim. 10. Sylu. matrim. 8. q. 10. §. 3. Anton. 3. p. cap. 1. §. 3. Caiet. matrim. impedim. 6. Nauar. cap. 22. num. 48. Couar. epit. p. 2. cap. 6. §. 11. num. 1. Armill. matrim. §. 12. hinc sequitur, quod non solum si baptizata cum infideli, vel è contra contrahat, matrimonium est nullum, sed etiam si contrahat cum

catechumena dicitur idem esse, quamuis credatur esse in gratia per baptismum flaminis. Sed circa hæc sunt nonnulla dubia. Dices primo, An sit nullum matrimonium celebratum à catholico cum baptizato sed hæretico, vel schismatico. Resp. gloss. in cap. finali. de condit. appos. dicit esse nullum. & probatur ex can. 71. sextæ synodi. Dico tamen pro solutione, certum est quòd tale matrimonium si de facto celebretur, esset validum. probatur ex cap. decreuit, de hæreticis. in 6. Secundo, ex usu ecclesiæ per quem illud decretum sextæ synodi fuit reuocatum. Tercio, ex communi sententia. Dices secundo, An iure naturali ex disparitate cultus scilicet inter fidelem, esset irritum? Resp. negativè. Scot. in 4. d. 9. q. 1. art. Dur. q. 1. art. 2. Palud. q. 1. art. 1. concl. 3. Sot. art. 2. concl. 2. Caiet. in Gen. cap. 1. Victor. q. 239. & alij. quicquid dicat Catherinus in annot. contra Caiet. imò addo, nec esse ita illicitum quin possit ex causa legitima, cohonestari. multi enim sancti patres ita contraxerunt, ut Sâpson, Moyses, & Ioseph. credendum tamen est, quòd licet huiusmodi matrimonium nunquam fuerit irritum iure naturæ, communiter tamen loquendo erat illicitum; quia per illud dabatur periculum subuersionis propriæ, & damnum prolis, ut facile ad infidelitatem ruerent. hinc patet, hoc impedimentum habere vim à iure humano, non speciali, sed à consuetudine ecclesiæ. & consequenter potest Papa dispensare, licet non debeat sine urgente causa. ita Victor. Sot. & alij supra. Nota tamen, quòd coniux infidelis ad fidem conuersus, altera in infidelitate permanente, licet non teneatur cum ea manere, tamē cum alia contrahere non potest nisi in tribus casibus: Primo, quando nolit infidelis habitare cum fidele. Secundo, si velit habitare sed non sine peccato, & iniuria creatoris. Dices tertio, si trahere nititur ad infidelitatem. probatur ex can. gaudemus. de diuort. Nau. cap. 22. nu. 49. Sylu. matrim. 8. q. 10. §. 6. Riccar. D. Tho. & alij. Dices tertio, Quid si antequam contrahatur secundum matrimonium, infidelis conuertatur ad fidem? Resp. tenetur illum recipere, nam quamuis primus conuersus absoluat a seruitute, manet in vinculum donec per secundum matrimonium absoluat. d. Tho. & alij supra. probatur ex cap. quāto. & cap. gaudemus. de diuort. Dices quarto, Quid si infidelis conuersus plures habeat uxores. & omnes conuertantur. Resp. illa erit eius uxor cum qua primo contraxit. d. Tho. & alij supra.

pra. si vterque coniux conuertatur ad fidem, ratificatur matrimonium, & separari non possunt, etiam si contraxissent in gradibus prohibitis iure ecclesiastico. Sylu. supra. §. 7. Nauar. cap. 22. num. 49. & patet ex cap. gaudemus. de diuort. dummodo in lege eorum sit validum matrimonium. quod si alter tantum coniugum conuertatur, proles si peruenerit ad aetatem perfectam, liberè sequi potest parentem quem voluerit. si verò sit in aetate minori, debet dari fideli etiam si egerit matris opera ad educationem; ex cap. ex literis. de conuers. fideli: & docet Sylu. matrim. 8. q. 10. cum d. Tho. & alijs. mulier autem conuersa ad fidem, gaudet priuilegijs dotalibus. probatur ex Panorm. in cap. gaudemus. de diuort.

Decimumquartum dubium. De *impedimento vis*, quando dirimat matrimonium. Resp. & Nota, quod duplex est vis; una quæ inducit necessitatem absolutam, quæ absolutè dicitur violentia, per quam aliquis potius dicitur pati, quàm agere. altera quæ dicitur mista, vt dum qui in naufragio ad vitam tuendam proijcit merces in mare. vt habetur cap. sacris. de his quæ vi &c. & docet Sot. d. 29. q. 1. art. 1. Couar. epit. p. 1. cap. 4. §. 1. num. 11. sed quia vt notat Sot. vis primi generis non potest esse in voluntate, cum hæc non possit cogi, sequitur quod illa acceptio est impertinens ad nostrum institutum; quia implicat vt matrimonium fiat per talem vim. Vis ergo secundi generis facit ad nostrum propositum, & ita coincidit cum metu. Secundo nota, quod metus est instantis vel futuri periculi causa, mentis trepidatio. l. 1. de eo quod metus causa. & exponit Couar. epit. p. 2. cap. 3. §. 4. nu. 1. Tertio nota, quod duplex metus etiam distingui potest: vnus cadens in constantem virum, alter non cadens &c. de quibus Sylu. verb. metus. Nauar. cap. 22. num. 51. Couar. §. 4. cit. Sot. l. 7. iust. q. 2. art. 1. & in 4. d. 29. q. 1. art. 2. Scot. d. 10. q. 1. art. 2. Candel. num. 222. Quarto nota, quod metus vt dicatur cadens in constante virum, tres conditiones requirit. Prima, vt metus sit alicuius magni mali; vt patet ex l. continet igitur. & l. ne timorem. ff. de eo quod metus causa. Secunda, vt malum cuius metus inferitur non solum sit graue in se, sed grauius, & intollerabilius, quàm id ad quod extorquendum, metus ipse incutitur l. metum. 1. ff. de eo quod metus causa, quia non est viri constantis eligere maius malum ad euitandum minus. Tertia, vt metus ita incutiat, vt pro-

vt probabili existimatione putetur malum euenturum; nam si ita incutiatur vt probabiliter nequeat inferri, vel facillè possit impediri, non est viri constantis succumbere tali timori. probatur ex l. metum. *la seconda*. ff. de eo quod metus causa. quòd si desit aliqua ex his conditionibus, dicitur metus non cadens in constantem virum; vel dicitur metus levis. Nota primo, quòd iuxta prædictas condiciones ex varijs circumstantijs fieri potest vt metus qui in ordine ad aliquem effectum, vel in ordine ad aliquod subiectum iudicetur cadens in virum constantem, in ordine verò ad alium, non dicitur talis. verbi gratia, metus mortis in ordine ad faciendum quod intrinsecè est peccatum, vt in ordine ad mendacium, non cadit in virum constantem, vt patet ex cap. sacris. de his quæ vi & c. & docet Scot. in 4. d. 29. art. 1. Couar. dicto §. 4. num. 3. Nauar. cap. 22. num. 51. & communiter. sed in ordine ad amittendam pecuniã talis metus cadit in virum constantem, vt patet ex secunda conditione; quia maius malum est mors, quàm amissio pecuniæ, & minus quàm quoduis malum culpæ etiam leuissimum. Similiter si vir non robustus minetur mortem fœminæ ad extorquendam pecuniam, talis metus dicitur cadens in constantem virum, vt patet ex tertia conditione; quia talis facillè potest occidere fœminam, virum autem robustum non potest. quare non potest in hoc assignari certa regula; sed in particulari id definiendum erit iudicio viri prudentis, & consideratis circumstantijs iuxta condiciones assignatas. quòd si res agatur in iudicio determinato, spectabit ad prudentem iudicem. gloss. in cap. cum dilectus. & ibid. Abb. & alij. Couar. epir. p. 2. cap. 3. §. 4. num. 8. Nauar. supra. His sic positis, Resp. ad questionem; quòd matrimonium tunc soluitur ex hoc impedimento, quando fuerit contractum ex metu cadente in constantem virum. probatur ex can. si verum. & can. de nuptijs. 31. q. 2. & cap. cum locum. & cap. veniens. *il secondo*. cap. consultationi. de spons. & est communis sententia d. Tho. in 4. d. 39. art. 3. q. 1. Riccard. q. 1. art. 1. Palud. q. 1. art. 3. Dur. q. 2. Gabr. q. 1. Sot. q. vnica. art. 2. Sot. q. 1. Scot. q. vnica. art. 2. Sot. q. 1. Sylu. matrim. 8. q. 1. §. 3. Caiet. verb. matrim. impedim. 7. Armill. eod. §. 41. Nauar. cap. 22. num. 51. Victor. q. 268. Couar. supra. num. 4. & aliorum. Pro solutione Nota primo. cum Sot. art. 3. cit. & alijs, quòd non est reputandus metus cadens in constantem virum quoad

quoad impediendum & dirimendum matrimonium, nisi incutiatur in hunc finem, ut matrimonium contrahatur. ut, licet aliquis contrahat per metum mortis, qui tamen non inferetur ut contrahat, sed vel ab intrinseco, vel ab extrinseco, ad alium tamen finem, tunc valet matrimonium. verbi gratia, si quis agens animam, mortis metu contrahat cum concubina, vel ad vitandum naufragium contrahat cum paupercula, matrimonium est validum. probatur ex l. metum. *il terzo*. ff. de eo quod vi &c. & ibi doctores. Sylu. matrim. 8. q. 10. Sot. l. 7. iust. q. 3. ar. 1. Couar. epit. 4. p. 2. cap. 2. §. 4. num. 16. item, ut aliquis liberetur ab obsidione, contrahat cum filia inferentis bellum, licet illud esset iniustum; tamen matrimonium est validum. Sot. supra. item, si quis contrahit cum filia custodis carceris, quæ illi dicit; si mecum contraxeris aperiam tibi carceres, & hoc facit ad evitandam mortem imminens, matrimonium tenet. Sot. supra. art. 3. item, si quis stante lege & consuetudine ut si quis contraxerit cum meretrice, liber erit à sententia mortis, consenserit in aliquam meretricem, matrimonium tenet. Sot. ibid. item, si ægrotus metu mortis, ut à medico melius curetur, contrahit cum filia illius, matrimonium tenet. Sot. ibid. Similiter si reus mortis ne damnetur à iudice, filiam illius ducit in uxorem; Sot. supra. Couar. dicto §. 4. num. 15. idem de similibus. Secundo Nota, quod si metus reuera sit incussus ut extorqueretur consensus in matrimonium, tunc nihil refert utrum aliquis sua culpa dederit occasionem ad illum metum sibi incutiendum. verbi gratia, si aliquis deprehensus in stupro, metu mortis illata cogatur matrimonium contrahere cum parcho, & testibus; tunc matrimonium ita contractum, non erit validum. probatur ex cap. veniens. *il secondo*. de sponsal. Gabr. in 4. d. 29. Sot. supra. Couar. epit. p. 2. cap. 3. §. 5. num. 7. & alij, quos ipse adducit. Similiter probabile est excusare metum illum quando aliquis in ordine ad matrimonium minatur alicui malum, qui alioquin iuste potest illum inferre; ut si quis comprehensus in capitali flagitio ab eo qui posset iuste illum accusare ad mortem, compellat metu accusationis vel detractionem in carcerem, vel matrimonium contrahere, tunc matrimonium non tenet. colligitur ex l. qui in carcere. l. nec timorem. ff. de eo quod vi &c. ita gloss. & Sot. supra. Couar. dicto §. 4. num. 15. quamvis alij contra sentiant. similiter probabile

bile est iuxta hæc, quòd si medicus infirmo ad mortem dicat,
 non te curabo nisi contrahas matrimonium cum filia mea,
 matrimonium ob eam causam contractum, non est validum.
 posito quòd non sit alius qui possit illum curare; quicquid di-
 cat Sor. supra. similiter ex his sequitur quòd si princeps, vel iu-
 dex reo quem iuste possit occidere dicat, damnabo te nisi hæc
 duxeris, matrimonium non tenet; quia metus est illatus eo fi-
 ne ut contrahat matrimonium. Sed circa hæc sunt aliqua du-
 bia. Dices primo, quid si ipse reus ut mortem euadat sponte
 eligat eam conditionem dicendo; si me impunitum dimiseris,
 ducam filiam tuam in uxorem; esset ne validum matrimonium?
 Resp. affirmatiue. imo si ipse iudex iuste capto, & timenti mor-
 tem, offerat impunitatem si matrimonium contraxerit cum
 filia sua, alioquin ei iuste mortem illatum iri, tunc matrimo-
 nium erit validum; quia metus non inferitur ad illum finem
 ut contrahatur matrimonium, sed potius aufertur. Sor. supra. &
 Couar. ibid. ex dictis etiam patet, quòd spectat ad matrimo-
 nium, potius spectandum esse an ipse metus illatus esset ad il-
 lum finem ut contrahatur matrimonium, quàm iuste ne, an
 iniuste sit illatus metus. Dices secundo, An præter mortem
 sint alia mala quæ comminata inducunt metum cadentem in
 constantem virum in ordine ad matrimonium. Resp. gloss. in
 cap. cum dilectus. de his qui vi &c. Caiet. verb. matrim. impe-
 dim. 7. Sor. d. 29. q. 1. art. 2. & alij, communiter enumerant tria
 mala, quæ simul cum morte comprehenduntur. cogitur inter-
 dum constans formidine, causa stupri, siue status, verberis, at-
 que necis. stupri videlicet in fornicia. status seu seruitutis, in
 libero. verborum, atque necis, in quolibet homine. nomine au-
 tem necis, etiam intelligitur mutilatio membri; quia hæc in-
 iure solent æquiparari. Nauar. cap. 22. num. 31. intelligitur e-
 tiam cruciatus. Metus stupri habetur in l. isti quidem. ff. de eo
 quòd vi &c. metus status, seu seruitutis. eod. & C. ego puto. ff.
 eod. & cap. Abbas. extra. de his qui &c. metus mortis, crucia-
 tus, vel verborum habetur in cap. cum dilectus. cit. Nota præ-
 terea, quòd doctores non negant metum horum malorum nõ
 posse dici cadere in constantem virum; quia certum est posse
 contingere iuxta condiciones supracitatas. solum ergo voluit
 dicta mala esse talia ut in illis possit reperiri ex obiecto metus
 cadens in constantem virum quoad matrimonium contrahen-
 dum.

dum. Nota etiam, quòd prædicta mala ita videntur doctores enumerare, ut videantur asserere metum aliorum malorum non cadere in virum constantem, ut innuit Palud. in 4. d. 19. q. 1. art. 1. concl. 2. d. Tho. q. 1. art. 2. ad 2. Sed tamen negandum non est quin interdum alia mala etiam efficiant metum tale præter enumerata; ut patet ex l. ego puto. ff. de eo quod vi & c. ubi dicitur, quòd metus servitutis potest cadere in virum constantem, & alia similia. quando verò illa quæ enumerata sunt in iure reperiuntur expressa, & reliqua possunt facillè ad illa reduci; ideo doctores citati putarunt satis esse illa enumerare; hoc videtur voluisse Sylu. verb. metus. q. 1. Vnde inferitur posse fieri aliquando ut metus carceris sit metus cadens in constantem virum. l. nec timorem. l. qui in carcerem. ff. de eo quod metus causa. & docet Navar. cap. 22. num. 31. in vulgari. Sylu. metus. q. 1. Angel. eod. §. 1. Sot. d. 29. q. 1. ar. 2. Couar. epit. p. 2. cap. 3. §. 4. num. 15. & alij. similiter metus amissionis patrimonij, quod perinde est ac si adimeretur vita, dicitur cadere in constantem virum. ita Couar. supra. num. 18. Navar. supra. & patet ex cap. Abbas. de eo quod vi & c. & ibi gloss. Panorm. Angel. Sylu. metus. §. 3. imò ut refert Couar. sunt multi qui credunt idem dicendum esse quando agitur de amissione maioris partis bonorum. ita Panorm. & alij. in cap. Abbas. de sponsal. Angel. & Sylu. supra. quia etiam amissio magnæ rei est iusta causa timoris. intellige non solum quando aliquis non potest vivere sine illis rebus, sed etiam quando ex tali amissione patitur gravem iacturam. item metus infamiae videtur etiam posse cadere in virum constantem. Sylu. metus. q. 4. Angel. eod. §. 1. Gabr. d. 19. q. 1. art. 1. Sot. q. 1. art. 2. ad 2. Victor. q. 168. & alij. nisi esset infamia levis, vel quæ facillè posset vitari. similiter dicendum est de metu reverentiali parentum, aut dominorum qui solent acriter sentire in eos quando illis non obediunt; quod possit esse cadens in virum constantem. & ita intelligitur quod dicit Couar. epit. p. 2. cap. 3. §. 6. nu. 3. & Panorm. cap. finali. qui clerici, vel vouentes. & ibid. Ioannes Andr. Innoc. cap. cum matrimonium. de offic. deleg. Sot. supra. art. 2. Angel. verb. metus. §. 2. Sylu. eod. q. 2. Secus tamen est quando solum intervenit metus reverentialis patris, vel domini sine alia circumstantia. & ita intelligitur textus l. si patre cogente. ff. de ritu nupt. similiter esset etiam metus cadens in constantem

tem virum ratione obiecti, quando alicui diceretur, si non contrahis matrimonium, occidam filium tuum. ut patet ex l. isti quidem. ff. de eo quod vi &c. idem est si in persona illius comminaretur. d. Tho. d. 29. q. 1. ar. 2. ad 2. Angel. & Sylv. verb. metus. §. 1. & alij. Dices tertio, An matrimonium sit inualidum, quando aliquis compellitur contrahere per metum cadentem in constantem virum, non tamen cum aliqua determinata, sed cum incerta de certis. verbi gratia cum vna ex filiabus Petri. Resp. affirmatiue; quia clarum est in tali casu, matrimonium fuisse contractum per talem metum sine quo non fuisset contractum. & ita notat Couar. dicto §. 3. num. 5. & alij. licet aliqui ab eo relati contra sentiant. imo videtur esse nullum, etiam si nulla prescriberetur persona; sed tantum ad contrahendum cogeretur. Dices quarto, An matrimonium contractum per dictum metum, sit nullum iure diuino, & naturali. Resp. sunt duæ sententiæ; vna est Scoti d. 29. q. 1. Gabr. q. 1. art. 2. Couar. epit. p. 2. cap. 3. §. 5. num. 6. & aliorum, qui dicunt esse irritum de iure diuino, & naturali. Altera sententia est Riccardi, d. 29. q. 1. art. 1. Palud. q. 1. art. 3. concl. 2. Dur. q. 2. Maior. q. 1. Soti q. 1. art. 3. Nauar. cap. 22. num. 51. & est communis, & tenenda, quod sit nullum de iure positiuo. ratio est; quia cum alij contractus per talem metum celebrati iure naturæ valeant, dummodo in illis fuerit verus consensus, quamuis beneficio legis positivæ postea rescindi possint, ut patet ex toto tit. de eo quod vi &c. eodem modo dicendum est, quod si matrimonium tali metu contractum est nullum, id provenit non ex iure naturæ. Vnde notandum est, quod cum matrimonium sit non solum sacramentum, sed etiam contractus civilis, licet ecclesia non possit mutare essentiam illius quatenus est sacramentum, potest tamen quatenus est contractus civilis; sicut potuit inualidare matrimonium inter cognatos, ita etiam poterit irritare consensus eiusdem contractus per metum dictum ad obuiandum incommoda quæ inde oriuntur. & hoc videtur significare cap. cum locum. de sponsal. & Soc. exponit supra, art. 3. ex his sequitur posse in eo dispensare. rarò tamen dabitur causa dispensandi, cum talis dispensatio cadat in gravem iniuriam alterius. ordinarius autem, & inferiores prælati in nullo casu id possunt. Dices quinto, quale peccatum sit aliquem cogere ad matrimonium contrahendum. Resp. esse de genere suo mortale;

tales; quia est contra charitatem, & contra iustitiam. imo in concilio Trid. sess. 24. cap. 6. & 9. de reform. matrim. excommunicantur ipso iure omnes cuiuscunque gradus, quovis modo directè, vel indirectè cogentes suos subditos, vel alios, quominus liberè matrimonium contrahant.

Decimumquintum dubium. De *Raptu*. An raptus dirimat matrimonium, ita ut qui rapuit puellam ut illam habeat in uxorem, non possit eam contrahere. Resp. quòd secundum iura antiqua, tale matrimonium fuisset nulum si contraheretur antequam puella restitueretur parentibus. cap. ut puellis. 36. q. 2. & l. 1. C. de raptu. Virginum. postea tamen definitum est, ut si puella quæ fuerat violenter rapta, liberè, & cessante metu postea consentiret matrimonio dum esset in potestate raptoris, matrimonium esset validum. cap. finali. de raptu. & ibi glossa & doctores can. denique. 36. q. 2. & docet Maior. d. 29. q. 2. Bot. q. 1. art. 3. Covar. epit. p. 1. cap. 3. §. 9. nunc autem post concilium Trid. sess. 24. cap. 6. de impedimento raptus, inter raptorem & raptam quandiu ipsa manserit in potestate raptoris, non poterit esse validum matrimonium; & excommunicatur ipso facto, & omnes adiuvantes; & declarantur infames, & incapaces dignitatum; & etiam obligantur ad dotandam puellam; & si fuerint clerici, deponuntur. Dices primo, An inter raptorem, & raptam possint contrahi sponsalia. Resp. cum Nau. cantil. p. de consangu. & affin. quòd prohibito vno, prohibetur præambulum ad illud, præsertim quia in utroque requiritur libertas. Dices secundo, An si quis rapiat volentem, incidat in pœnam, & crimen raptoris? Resp. quòd licet mulier consentiat in raptum, sit tamen rapitur inuitis suis, est propriè raptus; cap. cum causam. de raptor. & ibi Abbas. excipiuntur quatuor casus, scilicet quando præcessit tractatus matrimonij, vel sponsalia, vel matrimonium; ut patet ex dicto cap. cum causa. denique quando rapta est meretrix. de quibus Sylv. verb. luxuria. q. 6. d. Tho. 2. 2. q. 134. & ibi Cane. Candelabr. num. 103. & sequentibus.

Decimumsextum dubium. An matrimonium clandestinum sit irritum. Resp. primo, matrimonia clandestina semper fuerunt prohibita in ecclesia, non tamen irrita ipso facto, ut patet ex can. 1. 30. q. 5. & can. hinc tenetur. 32. q. 2. & cap. prohibitio, de clandestin. desponsal. ubi graves pœne contra tales imponuntur.

nuntur. proinde fuit semper peccatum mortale sic contrahere. Sylu. matrim. 2. q. 17. Soc. d. 28. q. 1. art. 2. Conar. 2. p. epit. cap. 6. Nau. cap. 22. num. 68. Trid. sess. 24. cap. 1. de reform. matrim. Victor. q. 266. Candel. num. 239. Secundo dico, quod nunc matrimonia clandestina triginta dies post publicationem concilij Tridentini sunt irrita, vt notat etiam Nauar. cap. 22. nu. 69. & exposuit congregatio concilij; vnde vt talia declaranda sunt ab Episcopo, non autem irritanda; vt eadem congregatio statuit. Tercio dico, quod clandestinè contrahere dicitur, qui aliter quàm præsente paroco proprio, vel alio sacerdote de ipsius parochi, vel ordinarij licentia, & duobus, vel tribus testibus contraxerit. & quicumque sacerdos aliter matrimonia coniunxerit, suspenditur donec ab ordinario eius qui coniungere debebat absoluator, vt concilium Trid. supra. quomodo autem ecclesia potuerit irritare huiusmodi matrimonia, supra diximus. Sed hic sunt aliqua dubia: Dices primo, An Vicarius Episcopi qui non est sacerdos possit præstare præsentiam matrimonij? Respondet Nauar. consil. 9. de sponsal. quod potest, si habuit institutionem canonicam, & non fuit declaratus talis, nec priuatus suo iure. Dices secundo, quid si proprius parochus adsit, sed dissentiat, num coniunguntur? Resp. affirmatiuè, si alia adsint. Nau. consil. 20. de sponsal. Dices tertio, An sufficiat licentia proprij parochi qui non est sacerdos? Resp. affirmatiuè. Nau. consil. 30. de sponsal. Dices quarto, An requiratur licentia in scriptis proprij parochi? Resp. non requiri. Nauar. consil. 41. de sponsal. Dices quinto, An requiratur licentia parochi in propria diœcesi, & non in aliena. Resp. affirmatiuè. Nauar. consil. 47. ibid. obijcies, quod matrimonium clandestinum est de iure diuino sacramentum, ergo non potest ab ecclesia irritari. respondetur non irritatur vt sacramentum, sed vt contractus est. Dices sexto, An satis sit factam fuisse publicationem his verbis: videlicet, quod matrimonia contrahantur coram proprio paroco, & testibus, alioquin essent irrita. Resp. satis esse. & equipollet publicationi totius decreti quantum atinet ad irritationem matrimonij, vt statuit dicta congregatio. Dices septimo, An sit necesse contrahere in valuis ecclesiæ. resp. negatiuè, vt respondit dicta congregatio. quare in facie ecclesiæ contrahere est coram paroco, & testibus, factis seu præmissis denunciationibus. Nau. cap. 22. num. 70. Di-

et octauo, An qui contraxerint Clandestine postea possint si consenserint (cessante impedimento) contrahere in valuis ecclesiarum. Resp. Affirmatiue; quia concilium Trid. eos tantum inhabilitat ad sic contrahendum, idest Clandestine, vt respondit sacra congregatio; sed sponsi puniendi sunt. Dices nono, An eum in facie ecclesiarum contractum est matrimonium, quod (detecto impedimento) comperitur esse nullum, sic necesse contrahere coram parcho, & testibus, post sublatum impedimentum. Resp. satis esse exprimere mutuum consensum, vt declarauit Pius V. & ita seruat praxis pœnitentiariæ; vt tenet Nau. cap. 22. num. 20. Dices decimo, quid si sponsi sint de diuersis parochijs, quis cœsendus est proprius parochus? Resp. parochus feminae sufficit, si contrahant in parochia feminae, & parochus viri, si contrahatur in parochia viri, vt statuit congregatio concilij, & refert Nauar. cap. 23. num. 144. Dices vndecimo, quid si velint contrahere in alia parochia? Resp. petant licentiam a proprio Episcopo. Nauar. consil. 47. de sponsal. Dices duodecimo, quis est proprius parochus alienigenarum. Resp. is est cuius parochiam habitant tempore quo contrahunt matrimonium, si tamen sint cogniti, quod non sint vagabundi, vt statuit congregatio concilij. Vagabundos autem non licet admittere sine licentia ordinarij, vt Trid. sess. 24. cap. 7. de refor. matrim. Dices decimotertio, An matrimonium Clandestinum transeat in sponsalia. Resp. negatiue; quia est irritus contractus. Vnde congregatio concilij statuit vt iterum in facie ecclesiarum contrahant, si tamen consenserint. Vnde patet, quod si non consenserint, non tenentur. infertur tamen, quod matrimonia inualida non transeunt in sponsalia, nisi sint ratione ætatis. cap. 1. de despons. impuber. in 6. Nauar. cap. 22. num. 57. & consil. 1. de sponsal. Vnde propria autoritate dissolui possunt. Nauar. ibid. Dices decimoquarto, An matrimonium contractum ante legitimam ætatem sit validum? Resp. quod tale non est matrimonium; quia impuberes non sunt apti ad matrimonium. ætas autem in masculo est quatuordecim annorum; in femina verò duodecim; qui debent in vtroque esse completi. cap. puberes. & cap. continebatur. de despons. impuber. intellige tamen nisi essent pubertati proximi, & malitia suppleret ætatem. vt patet ex dictis capitibus. & ita cum d. Tho. & Palud. docet Sylu. verb. matrim. 3. Nauar. cap. 22. num. 29. Sot. d. 35. q. 1. art. 5. Se-

cundo dico, quod matrimonium contractum ante ratem legitimum, transit in sponsalia. cap. unico. de despons. impo-
ber. in 6.

Decimum septimum dubium. An ex omissione denunciationum, matrimonium reddatur nullum? Resp. negativè, vt declaravit congregatio concilij; quia non sunt de essentia matrimonij, ita vt sine illis irretetur contractus. Nota tamen, duas denunciations, seu banna, esse de præcepto, ideo eas omittente sine consensu ordinarij, esset peccatum mortale; patet ex cap. finali. de Clauell. despons. & concil. Trid. sess. 4. cap. 7. de reform. matrim. & docet Nauar. cap. 22. nu. 69. Sylu. matrim. 6. q. 7. Palud. supra. Candel. nu. 85. Secundo nota, quod debent fieri tribus diebus festis continuis inter missarum solennia. Trid. & Nauar. supra. Tercio nota, quod possunt omitti ex rationabili causa de licentia ordinarij. Trid. ibid. & Nauar. nu. 70. & declaravit congregatio concilij. Quarto nota, quod licet Episcopus possit dispensare vt omittatur ob vicinitatem feriarum, nõ tamẽ vt fiant diebus ferialibus, vt ait congregatio concilij. Quinto nota, quod quando contrahitur matrimonium inter duos de diuersis parochijs, debent fieri denunciations in ambabus, vt declaravit congregatio concilij. Sexto nota, quod quando omittuntur denunciations, statuit congregatio vt post contractum, octo dies ante consumationem semel fiant & alibi iubet vt nisi necessaria causa obster, bis aut ter fiant ante consumationem. Septimo nota, quod qui scit impedimentum ortum ex peccato occulto, debet denunciare præmissa monitione; Nauar. cap. 22. num. 83. si tamen ex denunciatione sua timeretur magnum scandalum, non tenetur denunciare. Nauar. ibid. Octauo nota, quod post matrimonium iuste contractum ex ignorantia probabili cum aliquo canonico impedimento, non debent coniuges adnueri, vt probat Nau. supra. num. 83. Sot. d. 18. q. 2. art. 4. Sylu. verb. matrim. 6. q. 9. Qui verò scit in confessione aliquod impedimentum occultum, non tenetur, nec debet denunciare, vt diximus in tract. de sigillo. & docet Angel. verb. confessio. vlt. §. 13. Tab. verb. confessionis celatio. q. 4. poterit tamen secretò admonere penitentem &c. Nono nota, quod qui non denunciat impedimentum matrimonij contrahendi quando id potest sine graui damno, & scdulo, peccat mortaliter de genere suo; quia esset contra chari-

tatem

starem. & multo magis quando id precipitur sub pena excommunicationis. Nau. supra. num. 83. Decimo nota, quod matrimonium contractum cum aliquo impedimento, coniuges qui sunt in bona fide, non sunt admonendi.

Decimum octauum dubium. De *impedimento ordinis*, an dirimat matrimonium. Resp. primo, Ordo sacer impedit, ac dirimit matrimonium, non solum ratione voti annexi, sed etiam ratione ipsius ordinis. quare qui post susceptum ordinem, sacrum contrahit matrimonium, peccat; & matrimonium non tenet. Dixi *post susceptum ordinem sacrum*, ad excludendum quatuor ordines minores, qui nullo modo impediunt contrahendum; sed statim ac contrahit cum his ordinibus, vacante beneficiis etiam simplicia; imo etiam pensiones, saltem illę quę solent dari cum adiecto ordine ecclesiastico; nam de alijs quę solent etiam laicis conferri nullo titulo clericali, ego dubitarem; quamquam mos curię Romanę sit vt vacent, dixi *non solum ratione voti, sed etiam ratione ordinis*; quia Trid. & alia decreta non meminerunt voti. nunc probatur conclusio, ex can. si quis eorum. & can. erubescant. d. 32. & can. 1. & 2. quod clerici vel vouentes. & cap. 1. de cler. coniug. extrauag. antiqua. de vot. item, ex communi sent. doctor. d. Tho. in 4. d. 33. q. 1. art. 1. Ricar. d. 33. q. 1. art. 1. Palud. q. 1. concl. 2. Dur. q. 1. Sot. d. 38. q. 1. art. 1. Caiet. tom. 1. opus. tract. 23. & verb. matrimon. impedim. 8. Angel. matrim. 3. impedim. 12. Rosell. impedim. 11. Sylu. matrim. 8. q. 1. §. 2. Anton. 3. p. tit. 1. cap. 8. Armill. impedim. 8. §. 42. Nauar. cap. 22. num. 53. Couar. epit. p. 1. cap. 6. §. 3. nu. 1. Secundo probatur; quia ordo sacer non habet essentialiter annexam continentiam sicut habet religio, & monachus, cap. cum ad monasterium. de stat. monachor. nihilominus à principio ecclesię semper fuit annexa continentia. imo à Concilio Arelat. fuit annexum votum continentię, quod votum est solenne sicut in religione; vt docet Bonif. cap. vnico. de voto solenn. in 6. & quamuis hoc votum aliàs fieri soleat explicitę, tamen implicitę etiam sic ratione ordinis. Secundo dico, sic contrahentes sunt excommunicati ipso iure. Clem. 6. de consanguin. Tertio, sunt etiam irregulares, vt patet ex cap. 1. & 2. quod clerici, vel vouētes. & notat Nau. supra. Quarto, tales non possunt vti matrimonio, sed tenentur separari. hinc patet, damnandos esse illos hæreticos qui contendunt sacerdo-

cerdotibus ficitum esse contrahere matrimonium. Castr. verb.
 sacerdotes. hæresi 4. Sot. d. 38. q. 1. art. 1. & l. 7. de iust. q. 1. art. 1.
 & alij. patet secundo, quod neque in ecclesia græca licet sacer-
 dotibus post susceptum ordinem contrahere matrimonium,
 de illis autem qui suscipiunt ordinem post contractum matri-
 monium, videndus est Couar. supra. Sed hic est dubium: An
 hoc impedimentum sit de iure diuino. Resp. prima sententia
 est Maioris in 4. d. 39. q. 1. Clistoxi l. de continentia sacerdo-
 rum. cap. 13. r. 5. qui dicunt esse de iure diuino. Secunda senten-
 tia est communis, quod sit solum de iure positivo. d. Tho. in 4.
 d. 37. q. 1. & 2. l. q. 88. art. 1. in addit. q. 53. art. 3. Sot. d. 38. q. 1.
 art. 1. Castr. hæres. 4. supra. Couar. dicto §. 3. num. 1. & aliorum.
 probatur; nam si est de iure diuino, vel prohibitio esset ratione
 ordinis, vel ratione voti solennis, non ratione primi, cum vi-
 deamus græcos coniugatos suscipere ordines. nec potest asser-
 ri ius ullum diuinum quod præcipiat. neque apparet ex natu-
 ra rei, neque ratione secundi, scilicet voti, tum quia certissimū
 est hoc votum ex instituto ecclesiæ annexum esse ordini, ut pa-
 tet ex cap. cum olim. & cap. 1. de voto. in 6. & ibi doctores. itē,
 probatur ex Palud. d. 37. q. 1. art. 1. concl. 2. Riccard. supra. art.
 1. & alijs, ordinem sacrum (etiam ratione sui absque voto an-
 nexo) dirimere matrimonium postea contractum; nam alio-
 quin ecclesia græca non dirimeret matrimonium. cuius tamen
 oppositum tenent doctores; nam illi qui sunt in sacris non pos-
 sunt contrahere. & si de facto contrahant, matrimonium non
 tenet. His positis dico primo; si loquamur de ordine præcisè,
 impedimentum illius est omnino positium, institutum ab ec-
 clesia; quia nullibi reperitur de hac re præceptum de iure di-
 uino. & quamuis concedamus iam inde à temporibus Aposto-
 lorum fuisse obseruatum in ecclesia, nihilominus non fuit no-
 bis commendatum tanquam à Christo traditum, sed ab ipsis
 Apostolis tanquam ecclesiæ pastoribus. Vnde Papa dispensare
 potest. Secundo dico, si loquamur de ordine prout habet an-
 nexum votum solenne, tunc etiam de iure diuino, & naturali,
 dirimit matrimonium, ex sententia d. Thomæ, & aliorum su-
 præ; quia tamen hoc votum iure ecclesiastico annexum est sa-
 cris ordinibus in ecclesia latina; ideo d. Tho. & alij, solent con-
 cedere ordinem factum iure ecclesiastico impedire matrimo-
 nium. hinc sequitur quod in hoc impedimento potest Papa (ut
 dixi)

dixi) dispensare, ut probat Nauar. consil. 10. de sponsal. Dices secundo, An si Papa dispense sine causa, matrimonium sit nullum? Resp. in ecclesia græca valebit; quia in illa impedimentum hoc est merè de iure positum. Secundo dico, in ecclesia latina si dispensatio fuerit surreptitia, matrimonium est nullum; quia tunc Papa deceptus, non haberet animum dispensandi. ut si causa fuit ficta, vel falsa, &c. si autem dispensatio non fuit surreptitia, & Papa sine causa dispensauit, etiam cum sacerdote latino, matrimonium est validum, licet ita contrahens peccet. probatur, quia solennitas voti est indicta ab ecclesia. cap. 1. de voto. in 6. peccant tamen ita contrahentes; quia adhuc remanent obligati voto simplici castitatis, in quo Papa non potest dispensare sine causa; & si de facto dispensat, dispensatio non est valida. Vnde etiam inferitur, quod qui ita contraxit, peccat etiam mortaliter petendo debitum, non tamen reddendo; quia adhuc ligatur voto simplici castitatis. esset tamen causa sufficiens dispensandi ad petendum debitum. Dices tertio, An puer ordinatus ante usum rationis, qui verè suscipit ordinem, videtur ex iure diuino impediri à matrimonio contrahendo. Resp. negatiuè, contra Ledesq. 36. art. 4. & est communis. probatur, quia cum matrimonium sit de iure naturæ, nemo est priuandus isto iure si non vult, nisi culpa sua; ergo credibile est ecclesiam non obligare ad hoc. dixi ante usum rationis; quia si puer sit ordinatus habens nouem, vel decem annos, videtur non posse contrahere. Dices, An idem sit dicendum de eo qui coactio metu cadente in constantem virum, suscepit ordines. Resp. certum est mihi ratione voti hunc non teneri; quia ista coactio excludit votum. nihilominus ex altera parte non audeo hunc liberare; sed puto credibilius esse hunc teneri statuto ecclesiastico, licet contrariū teneant Ioannes Andr. & Rosell. citati à Sylu. verb. matrimonium 4. num. 1. Dices quarto, An si quis post matrimonium ordinetur, suscipiat ordinem, & characterem. Resp. affirmatiuè. peccat tamen grauissimè, & sit irregularis in quibusdam casibus. probatur, ex extrauag. Ioannis XXI. vbi habetur, matrimonium etiam ratum non solui per susceptionem ordinum sicut fit per religionem; & quod ille talis tenetur reddere debitum, non potest tamen petere, & ibidem habetur, quod est irregularis, & suspensus. Dixi nisi in quibusdam casibus, verbi gratia in causa diuortij perpetui. si-

gualiter

militer ex consensu mutuo si coniux fieret religiosus, & proficeretur, vir potest fieri religiosus, & ordinari. Couar. cap. 6. §. 3. nu. 3. obijciens; An post ratum matrimonium non consummatum, suscipiens ordines, teneatur ingredi religionem? ratio dubij est, quia iste vouit castitatem, & hanc seruare non potest nisi fiat religiosus, aliis tenetur reddere debitum uxori. Resp. Riccard. d. 34. art. 3. q. 2. ad vltimum, citat sententiam in vtriusque partem negatiuam, quod non teneatur. & ego idem dico. Confirmatur ex illa extrauag. Ioannis XXII. vbi dicitur, istum talem esse monendum ab Episcopo vt fiat religiosus, quod si nolit, & vxor peccat consummationem matrimonij, teneatur reddere.

Decimum nonum dubium. De impedimento ligamini, an dirimat matrimonium. Resp. primo, ligamen est impedimentum ortum ex matrimonio prius contracto de presenti, quod durat quandiu durat ipsum matrimonium, ita vt si interim contrahat aliud matrimonium, illud sic nullum, licet consumetur copula, etiam priori non consummato. probatur ex cap. licet. & cap. vlt. de spons. duorum, & est communis sententia doctorum. Rosell. impedim. 1. 2. Angel. verb. matrim. 3. impedim. 8. q. 22. Caiet. verb. matrim. impedim. 9. Armill. cod. §. 43. Nauar. cap. 21. num. 33. Couar. epit. p. 2. cap. 7. §. 3. num. 5. Candel. nu. 233. Secundo dico, hoc impedimentum non solum esse ex statuto ecclesie, sed etiam de iure nature, vt supra diximus. Vnde sequitur, quod nulla consuetudine fieri potest, vt primum matrimonium contractum de presenti dirimatur per subsequens consummatum copula. & deduco ex Couar. num. 3. cit. ratio est; quia primum matrimonium etiam ratum nondum consummatum, ex lege diuina & naturali prefertur subsequenti, & consummato; neque ex illo dissolui potest. Vnde non potest Papa dispensare vt primum matrimonium per secundum etiam consummatum dirimatur: sed hic sunt nonnulla dubia: Dices primo, An matrimonium ratum non consummatum, possit ex dispensatione Papae dissolui. Resp. posse ex causa legitima, & urgente, argumentum ex cap. ex publico. de conuers. coniug. & ibi gloss Hostiens. Abbas. & communiter canonistae. Angel. verb. matrim. 3. §. 3. sylu. verb. diuortium. q. 7. qui multos citat. Anton. 3. p. tom. 1. cap. 11. §. 3. Armill. verb. dispensatio. §. 8. Nauar. cap. diuortium. deponit. d. 1. num. 4. & in manuali cap.

cap. 22. nu. 27. vbi refert se vidisse bullam talium dispensatio-
 num. Caiet. opus. 28. Medin. l. 5. de sacrorum hominum conti-
 nentia. quamvis theologi contra sentiant, dicentes non posse
 dissolui nisi per ingressum religionis, quos sequitur Couar.
 epit. p. 2. cap. 7. §. 4. num. 13. Dices secundo, An sit validum
 matrimonium quando aliquis credens suam coniugem esse
 mortuam, transit ad secundas nuptias. Resp. neuter coniugum
 potest legitimè celebrare secundum matrimonium, nisi mora-
 li certitudine compertum sit suam coniugem esse mortuam;
 vt habetur cap. dominus. de secundis nupt. & docet Soc. in 4. d.
 37. ar. 5. conc. 4. Angel. matrim. 3. impedim. 12. §. 4. hzc autem
 certitudo nõ datur nisi p fidelẽ nunciũ fide dignũ. Vel nisi aliun-
 de adessent inditia illi æquipollentia, quod tamen ratò accidit
 ideo non facilè admittenda. Dices tertio, An sufficiat fama.
 Resp. aliqui putant sufficere famam ex remoto loco. ita Sylu.
 matrim. 8. q. 13. §. 4. Rosell. impedim. 12. §. 3. Nau. cap. 22. nu.
 53. & alij. Sed oppositum est tutius, & tenendum; quòd scilicet
 fama communiter ad id non sufficiat, siue fama ex propinquo
 sit loco, siue ex remoto, nisi alia probatio simul concurrat;
 quia fama sæpe solet esse falsa, & non sufficit ad faciendam
 certitudinem moralem, nisi fortè fama esset diuturna, & mul-
 torum. & ita intelligitur Abbas in cap. præsentia. de sponso. &
 tenet Soc. supra. Dices quarto, An qui non habet notitiam de
 altero suo coniuge per multos annos, possit contrahere? Resp.
 non posse nisi habeat certam notitiam de eius morte. nec suf-
 ficat septenarium, aut quodcunque tempus. ita habetur in cap.
 dominus. de secundis nupt. certitudo verò moralis est, per nun-
 cium fide dignum. ex cap. in præsentia. de sponsal. vel quando
 talia sunt inditia, & tanta, vt æquivalearnt nuncio certo. & hoc
 iudicare pertinet ad iudicem ecclesiasticum. si verò contraxit
 matrimonium, & postea dubitet de vita, vel morte coniugis,
 tunc potest reddere, sed non petere. Rosell. impedim. 12. §. 1.
 Sylu. matrim. 8. q. 13. §. 2. Anton. 3. p. tit. 1. cap. 9. Armill. ma-
 trim. §. 45. Nau. cap. 22. num. 54. Dices quinto, An sit validum
 matrimonium quando aliquis credens uxorem esse viuam,
 contrahit cum alia, & tamen de facto erat mortua. & simile,
 dubium est, si quis contrahat cum aliqua quam putat sibi esse
 propinquam in gradu prohibito, & reuera non sit, ratio dubi-
 tandi est, quia in isto matrimonio de facto, & reuera non est

ligamen, quamuis ipsi imaginentur esse. Nauar. Respondet negatiuè, cap. 22. num. 43. & 36. Sor. d. 37. q. vnica. art. 3. Sylu. matrim. 8. num. 13. Fundamentum est, quia qui sic contrahit non habet voluntatem absolutam. imo nec potest habere; quia scilicet credit se non posse contrahere. hæc doctrina vera est ex parte, sed est aliquantulum diminuta. ego adderem cum Co-uar. cap. 3. §. 7. num. 2. & Archid. & alijs, quos citat Sylu. supra. adderem inquam, communiter ita esse matrimonium, quando sic contrahens exprimeret se (quantum posset) velle contrahere. Confirmatur; quia si quis contraheret cum conditione, vt, contraho si possum, istud matrimonium teneret; ergo & illud. Similiter si quis putat se non posse aliquid donare alicui; & tamen dicit, ego dono quantum possum, illa donatio tenet; ergo &c. Ad fundamentum prioris sententiæ, Resp. voluntatem limitatâ posse esse in eo qui credit se non posse aliquid facere.

Vigesimalium dubium. De impedimento publicæ honestatis; quomodo dirimat matrimonium. Resp. primo, quod publicæ honestas est propinquitas proueniens ex sponsalibus, vel matrimonio rato, ex statuto ecclesiæ ratione honestatis. & est impedimentum dirimens; vt patet ex cap. sponsam. cap. ad audienciam. de sponsi. & cap. de sponsi. in 6. & est communis sententia d. Tho. in addit. q. 39. art. 4. Nauar. cap. 12. num. 37. Co-uar. epit. p. 2. cap. 6. §. 2. Gandel. num. 334. Dixi ex matrimonio rato; quia ita communiter appellatur illa propinquitas quæ ex illo oritur. licet d. Tho. art. 4. cit. ad 2. illam vocet affinitatem. & quicquid sit de mente illius, certum est comprehendî potius sub hoc impedimento; vt patet ex quadam extrau. Pij V. quæ incipit, ad Romanum. num. 66. Nauar. consil. 8. de consangu. & affin. Secundo dico, quod licet ante Trid. publica honestas orta ex sponsalibus in iisdem casibus. & quoad eosdem gradus impediret, & dirimeret matrimonium, in quibus illa quæ orta erat ex matrimonio; modo tamen ex dicto concilio sess. 24. cap. 3. de reform. matrim. adiuncta declaratione Pij V. in dicta extrau. secus dicendum est; nam honestas quæ oritur ex matrimonio rato, adhuc remanet quoad suos effectus sicut ante concilium Trid. vt declarauit Pius V. & consequenter extenditur vsque ad quartum gradum. Vnde neque vir mortui eius sponsa, de præsentî potest cum eius consanguinea intra quartum gradum contrahere matrimonium. nec quicquam

refert, an consanguinei sint legitimi, an illegitimi; vt Couar. supra. Tercio dico, quòd huiusmodi impedimentum contrahitur, quàmuis matrimonium quod celebratur sit nullum. ita enim de iure ante contrahabatur, iuxta Nau. Couar. supra. & alios communiter. Quarto dico, quòd publica honestas quæ ex sponsalibus contrahitur iuxta Trid. & Pium VI. in extralicit. non extenditur vltra primum gradum, & cum sponsalia sunt valida. ita vt licet sponsus mortua sponsa non possit contrahere matrimonium cum matre, vel alia consanguinea in primo gradu, potest tamen cum alijs in vltioribus gradibus. Similiter sponsa. Quinto dico, quòd post dictum decretum concilij Trid. ex sponsalibus nullis quacunque de causa, nullum oritur impedimentum honestatis, quamuis secundum ius antiquum oriretur, dummodo non essent nulla ex defectu consensus. cap. 1. de sponsal. in 6. Dices, An ex matrimonio contracto inter impuberes per verba de presenti, nascatur hoc impedimentum sicut ex sponsal. scilicet inter primum gradum solum. Resp. negativè, oritur enim impedimentum, sicut ex matrimonio, vt ante concilium Trid. oriebatur. vt deducitur ex dicta extralicit. ad Romanum. & expressè docet Nau. consil. 33. de spons. quamuis oppositum videatur dicere cap. 22. nu. 56.

Vigesimum primum dubium. De *impotentia*, quomodo impediatur matrimonium. Resp. & Nota primo, impotentiam quæ impedit, ac dirimit matrimonium, esse illam, secundum quam aliqui non possunt coniungi ex aliquo defectu, siue ex parte viri, siue ex parte coniugis. huius autem causa duplex esse potest; siue naturalis, vt est frigiditas in viro, aut etiam nimis calor; siue ab extrinseco, vt est defectus in eunuchis; aut ex morbo aliquo. alia causa potest esse operatio Dæmonis, quæ vocatur maleficium. & propter has duas causas titulus est de frigidis, & maleficiis. & ad frigidos etiam reducuntur pueri ante legitimam ætatē. Secundo Nota, utranque impotentiam posse aliquando esse perpetuam, aliquando ad tempus. item, aliquando ista impotentia præcedit matrimonium; aliquando subsequitur. item, aliquando illa impotentia est scita inter contrahentes; aliquando ignorata item, aliquando potest auferri opere edicendi. & aliquando non intelligo autem hic non posse auferri, quando non potest sine periculo vitæ, vel non sine miraculo, vel quando non sine peccato. Intelligimus autem hic de impotentia.

quæ sumitur pro impedimento naturali, aut accidentali ad
 copulam naturalem perfectam. Nauar. cap. 22. num. 59. Sot. d.
 34. q. 1. art. 2. Sylu. matrim. 8. q. 16. in multis verò conueniunt
 doctores. in vno autem est præcipua difficultas: An impoten-
 tia scita dirimat matrimonium. Affirmatiuè respondent Pa-
 lud. d. 34. q. 2. art. 1. cui videtur consentire Anton. 2. p. tit. 1.
 cap. 12. §. 1. Petrus Sot. lect. 5. de matrim. propter illud funda-
 mentum, quia copula non est de essentia matrimonij. Negati-
 uè respondent Panorm. Ioannes Andr. tit. eod. de frigid. & ma-
 lef. Nau. cap. 22. num. 60. Host. & Innoc. cap. consult. tit. eod.
 Sylu. verb. matrim. 8. q. 18. Sot. 34. q. 1. art. 2. Dur. Bonau. & alij.
 Ego dico primo, impotentia perpetua ad coitum, & ad semi-
 nandum ignorata, dirimit matrimonium. explico: primo cer-
 tum est (sicut dixi de alijs impedimentis) debere intelligi de
 impotentia quæ præcedit matrimonium; nam matrimonium
 semel factum, & validum matrimonium, semper verum est. Se-
 cundo, dixi *impotentiam ad coitum*; quia impotentia ad gene-
 randum nullo modo impedit matrimonium, nam obligatio
 matrimonij non est ad generandum. dixi etiam *ad seminan-*
dum; quia non solum illud, sed etiam si sit impotens ad hoc, nō
 tenet matrimonium. quod intelligitur ex committione semi-
 num. dixi *perpetuam*; quia temporalis nullo modo impedit. vt
 patet ex cap. fraternitati. de frigidis, &c. dixi *ignorata*; quia
 de scita dicemus in alia conclusione. nunc probatur conclusio.
 Primo, ex toto tit. de frigid. & malef. & ex tit. de eo qui duxit
 quam polluit per adulter & per aliquot capita. 33. q. 1. Secundo
 probatur ratione; quia matrimonium est obligatio ad reddend-
 dum debitum, sed hoc inter impotentes non potest esse; er-
 go &c. ex quo inferes, hoc esse impedimentum iuris positiuū.
 Secundo dico, Non potest omnino esse verum matrimonium
 inter impotentes. Vnde si aliqui scientes hoc impedimentum,
 contrahant, non est validum, aut verum matrimonium, nec sa-
 cramentum; quamuis possit esse contrahus alterius rationis.
 probatur primo, ex dicto cap. consultationis. vbi habetur; vt
 cohabitent sicut frater, & soror. ex quo infero, illos non esse
 coniuges. Secundo (vt supra diximus) matrimonium includit
 saltem implicite consensum, & copulam. Tertio, si inter istos
 esset matrimonium, cur non esset inter fratres, & sorores? Sed
 circa prædicta sunt nonnulla dubia: Dices primo, Quomodo
 potest

potest cognosci impedimentum quando sit perpetuum, vel ad tempus. Resp. primo, id ipsum coniugibus potest constare. Secundo, medicorum iudicium est inquirendum. Tercio, si non potest sciri, ecclesia vult ut per triennium cohabitent matrimonialiter, quod tempore elapsos habeatur ut perpetuum, & tunc non tenet matrimonium. Secundo dices, quando impotentia est temporalis, & potest medicorum opé, aut arte chirurgi sanari, an teneatur impotens (seu vir sit, siue femina) perpetui maximos dolores, ut tollat istud impedimentum. Resp. affirmative; dummodo non sit periculum mortis, vel dummodo non contrahat aliquam diuernant infirmitatem; nam aliis esset in perpetuum præiudicium coniugis. Dices tertio, An post cognitam impotentiam, possint cohabitare, & coniungi? Resp. ex cap. consultationi. de frigid. & malef. posse ut frater, & soror, sed non posse coniungi. Quod caput intelligendum est, quando nullum esset periculum in cohabitatione; nam si esset, non posset permitti cohabitare; non enim sunt veri coniuges, nisi impedimentum sit particulare; quia potètia ad actus matrimonij, est de eius essentia, ut ex d. Tho. docet Sylu. supra. q. 16. art. 10. Navar. cap. 12. num. 60. quicquid dicat Palud. supra. art. 3. Secundo dico, quod si tales cum spe, & intentione perfectè consumandi copulentur, non peccarent, quamvis immunditia inde sequatur; quia hi semper actum naturalem consummare intendunt, ut docet Caiet. 2. 2. q. 154. art. 1. quem sequitur Navar. supra. quidam enim cum consumare non posset, post sextum tamen annum genuit ex eadem filium, ut refert ibi Caiet. Dices quarto, An dictum triennium detur frigidis, an maleficiatis ad probandum? Resp. utrisque dari; nam licet cap. laudabilem. de frigid. & malef. loquatur de frigidis, tamen ut ibi norat. gloss. id à potiori intelligitur concessum etiam maleficiatis, cum sit maior in his spes removendi impedimentum. Sylu. supra. & alij. Dices quinto, Quid si facto diuortio mulier nubat alteri à quo per copulam sit apta priori viro? Resp. esse reddendam priori, si tamen secundus qui impedimentum substat sit illi priori similis, ut docet Riccar. d. 24. ar. 7. q. 2. Sylu. matrim. 8. q. 16. §. 4. ex Panorm. diuortium. q. 9. & probatur ex cap. fraternitatis. de frigid. & malef. ubi id etiam docent communiter doctores. idem dices de maleficiatis maleficio vniuersali; secus tamen esset si maleficium esset particulare respectu parti-

particularis personæ tanquam d. Tho. d. 34. q. 1. ar. 3. Sylu. supra
 §. 8. Dices sexto, poterunt ne hi impotentes contrahere secundum
 matrimonium cum alijs? Resp. primo, qui habet impotentiam
 naturalem, non potest cum alia vel cum alio contrahere
 communiter; quia impotentia naturalis est ad omnes. dixi
 communiter; quia aliquando potest contingere, ut sic impotens
 respectu unius, & non alterius. Secundo, alter qui non erat im-
 potens, potest contrahere. Dices septimo, Quid si elapso trien-
 nio, & contracto secundo matrimonio, appareat illum esse po-
 tentem qui prius fuerat iudicatus habere naturalem impoten-
 tiam perpetuam, an sic restituendus primo matrimonio. Resp.
 affirmatiue, & patet ex cap. laudabilem de frigid. & malef. quia
 apparet illam non fuisse impotentiam perpetuam. Dices octa-
 uo, Quid si mulier dicat, quod vir non potest eam cognoscere,
 & vir dicat se posse? Resp. standum esse viro, nisi mulier probet
 contrarium, si autem viri, frigiditatem mulier ueget, asserens
 se cognitam ab eo, standum est verbo mulieris; Sylu. verb. di-
 uortium. q. 18. & alij. & sic dissoluetur matrimonium elapso
 tempore. Dices nono, An castrati, seu eunuchi, possint contra-
 here nuptiale. Resp. ex communi sententia primo, eunu-
 chi qui non possunt seminare, non possunt contrahere matri-
 monium, neque contractum, esset validum; quia tales non cen-
 sentur seminare. Secundo dico, non requiri ut possint genera-
 re; quia sic senex, aut sterilis, non posset contrahere matrimo-
 nium. ex Palud. in 4. d. 37. q. 2. ar. 3. Anton. 3. p. tom. 1. cap. 125
 §. 2. Angel. matrim. 3. impedim. 16. §. 3. Gabr. d. 34. q. 1. Soc.
 ibid. q. 1. ar. 2. Sy. u. matrim. 8. q. 16. §. 7. Nauar. cap. 12. nu. 60.
 & est communis. Tercio dico, quod matrimonium contractum
 cum impotente, est inualidum, etiam si alter coniux fecit hu-
 iusmodi impedimentum, quando scilicet est huiusmodi, quod
 non possint consummare matrimonium, quia est impedimentum
 dirimens. quamuis oppositum teneat d. Tho. in addic. q. 58. ar.
 1. ad 4. Palud. Anton. & alij, quos refert Sylu. Nau. Gabr. nostra
 autem sententia est cum Sylu. q. 16. cit. §. 10. Nau. cap. 22. num.
 60. Innoc. Panorm. Host. cap. consultationem de frigid. & illis
 fauet ratio; quia potentia ad consummandum est de essentia ma-
 trimonii. Dices decimo, Quid si hoc impedimentum sequatur
 matrimonium. Resp. non dirimere; etiam si matrimonium sit
 contractum solum, & non consummatum. Sylu. q. 16. cit. §. 10.
 dicie

dicio esse communem sententiam, licet aliqui contra sentiant.
 Anton. supra. §. 2. Dices undecimo, quid si aliquis per excisionem, vel per incisionem fiat inhabilis ad consummandum?
 Resp. idem dicendum esse quod de eunuchis. Sylu. supra. §. 7. &
 Anton. 3. p. tom. 1. cap. 12. §. 2. Dices duodecimo. Quid si dubitatur an impotentia præcesserit matrimonium contractum?
 Resp. in hoc casu presumitur præcessisse, ut Panorm. in cap. si alter aetatis. de frigid. & malef. Sylu. dicta q. 16. §. 9. Riccard. in 4. d. 34. Neque obstat cap. licet ex quadam. de testib. ubi habetur, quod in dubio presumendum est pro matrimonio; hanc idem verum est quando matrimonium potest haberi secundum esse etiam, ut Panorm. & Sylu. exposuerunt. Dices tertio decimo, an amentia seu furia, impediatur matrimonium. Resp. ad irritandum matrimonium non sufficit quod amentia præcesserit, vel sequatur ipsum matrimonium, sed requiritur ut contrahens sit amentis tempore quo contrahit; quia tunc cum desit consensus, matrimonium est nullum; non enim est satis consensus virtualis sicut in baptismo, sed requiritur actualis. ex quibus intelliges capitula qui. & cap. neque furiosus. 32. q. 7. & docet d. Tho. d. 24. q. unica. art. 5. & in addit. q. 18. art. 3. Riccard. art. 4. q. 1. Sor. q. unica. art. 4. Victor. q. 287. & alij. Dices decimo quarto, An coniux sanus mentis teneatur reddere debitum furioso? Resp. possit reddere, sed non tenetur, cum illum non libere perat. Sor. & Victor. supra. Dices decimo quinto, An liceat copulare duos amentes extra matrimonium. Resp. non. Sor. ibid. imo essent prohibendi si hoc ipsi tentarent. Dices decimo sexto, Quid si matrimonium contractum fuerit ante legitimam ætatem duodecim annorum in femina, & quatuordecim in masculo, effectus valdum? Resp. primo, si verè puer habeat impotentiam, coeundi, non tenet matrimonium; ita Sor. d. 35. q. unica. art. 5. & licet illa impotentia temporalis sit, (quia provenit ex crato) tamen iure ecclesiastico illud non habetur pro matrimonio, sed pro fornicationibus; ut habetur ex cap. ultimo. de despons. in nub. & cap. unico. tit. eod. in 6. ac post istam ætatem etiam si adulescens puer esset impotens, est tamen verum matrimonium; quia ætas non impedit & impotentia est temporalis. Secundo, si malitia, & prudentia suppleret ætatem, ante illud tempus tenet matrimonium factum. ita habetur expresse legis citatis. Vocatur verò prudentia sufficiens, usus rationis, & vocatur hic malitia,

malitia, potentia generatiua, quod iudicare pertinet ad iudicem ecclesiasticum.

Vigefimum secundum dubium. De *Maleficio*, quomodo possit causare impotentiam, &c. Resp. & Dico primo, certissimum est opera Dæmonum, & Maleficarum, fieri aliquando homines impotentes ad actum matrimonij, quæ impotentia si præcedat matrimonium, & sit perpetua, dirimit illud, ac si esset impotentia naturalis. Malefici verò vocantur illi, qui arte Dæmonis, vtuntur ad aliquem effectum causandum, adhibitis quibusdam Cæremonijs, vel characteribus, aut carminibus; quæ signa sunt quibus dæmon inuocatur, & excitatur ad operandum. Adde tamen, non posse negari esse quandam magiam naturalem, quæ solum prouenit ex occultis quibusdam virtutibus rerum naturalium, sine vlla Dæmonis inuocatione, vel pacto. aliquando magia est mista ex naturali, & dæmonica simul; qualis fuit (arbitror) Apulei, Zoroastri, & Apollonii; & valde dubitandum est de his, qui scripserunt de occulta philosophia, & de magia. Quod autem opera dæmonum, & maleficarum fiant homines impotentes, probatur ex cap. si per sortitarios. 3. q. 1. & ex tit. de frigid. & malef. cap. literæ. Secundo patet experientia multorum, quam negare impudentia esset. Confirmatur, quia eadem experientia compertum est, quod destructis illis instrumentis, cæremonijs, & ligatoris, facti sunt potentes qui prius erant impotentes. legendus est Iacobus Strenger in libro quem inscripsit malleum maleficorum, vbi ponit quamplurima exempla huius materie. probatur nunc quod hæc impotentia si præcedat, dirimat matrimonium; ex toto tit. de frigid. & malef. præcipue in cap. laudabilem. Dices primo, quomodo cognoscas quando est perpetua. Resp. eodem modo quo cognoscitur naturalis. datur enim triennium ab ecclesia ad hoc cognoscendum. Dices secundo, quomodo causatur hæc impotentia ex maleficis. Resp. primo ex operatione reali; quod dupliciter fit; nam aliquando possunt applicare aliqua naturalia habentia vim infrigidandi hominem. aliquando retinendo semen, vel causando aliquod impediens generationem. aliquando fit præstigijs, & illusione sensuum. aliquando potest immutare species, sicut etiam fit in somniantibus. aliquando ludificando obiectum externum, & faciendo vt aliter appareat quam est, sicut sæpe potest dæmon facere vt videatur

deatur turpissimus, vel turpissima coniux, & vt afficiatur aliquo alio coniuge. quod autem maleficæ vtantur quibusdam instrumentis ad hoc efficiendum, & ligaturis, nullo modo credendum est illa habere aliquam causalitatem ad illud: sed tantum sunt signa quibus Dæmon excitatur, & inuocatur ad agendum. Dico secundo, Certissimum etiam est, eadem Dæmonis arte, & maleficarum, multos alios effectus fieri in animabus, & corporibus hominum. ac rebus externis, non imaginariè tantum, sed reuera, id permittente iustissimo Dei iudicio. Probatur primo, potest Dæmon, vel malefica, inducere hominem in amentiam, 1. Reg. 16. habetur de Saule, *exagitabo illum*. &c. & Matth 8. & sunt exempla apud Hieronymum in vita Hilartonis. Sed dices, quomodo potest id Dæmon facere? Resp. aliquando posse Dæmon ingredi in corpus humanum, & perturbare organa, sicuti etiam vinum perturbat hominem. potest etiam distrahere hominem in talem cogitationem, vel amorem, vt ex eo fiat auersus. Secundo, potest Dæmon per malefica excitare voluntates ad odium, & amorem; probatur ex Hieronymo supra, & Gregorio 1. 1. dial. cap. 4. Peres secundo, Quomodo fieri potest vt odium commutetur in amorem. Resp. inportunis persuasionibus Dæmonis, vel commotione humorum vel applicatione aliquorum naturalium, nullo tamen modo potest cogere voluntatem ad hoc. Tertio, potest Dæmon, vel maleficus, transferre corpora de loco ad locum realiter, quamuis de facto non semper ita fit, sed aliquando fit imaginariè. probatur ex d. Tho. 1. p. q. 110. Matth. 4. Dæmon portauit Christum supra pinnaculum templi & patet de Simone mago sublato per aera, vt ait Egesipp. 1. 3. cap. 2. & August. ser. de Petro & Paulo. & de alio mago scribit Epiphanius. hæres. 30. & August. 1. 18. ciu. cap. 18. hoc dicit de socijs Diomedis mutatis in aues. Videndus est malleus maleficar. p. 2. q. 1. cap. 3. & Bartholomæus spinæus de Strigibus. Addo tamen sæpe id non fieri realiter, sed per somnia, vel per scilicet alienationem, vel alio modo: & aliquando ipsimet qui dicuntur translati, aduertunt id fieri per imaginationem; sensus enim illorum delusi fuerunt. Quarto, possunt etiam transformare vnum corpus in aliud; quod his modis fieri potest: Primus est, corrumpendo vnum, & generando aliud; quod non potest facere ad nutum suum, sed applicando actiua passiuis. Vnde animalia, per se facta

posset ita producere. & ita concedit August. l. 3. de Trin. cap. 7. & 8. Magos Pharaonis conuertisse virgas in serpentes. Secundus modus est, operatione quadam; potest enim Dæmon addere alicubi aliquos, & per somnia representare illis se conuersos in aliquam belluam, & Dæmon assumit aliquam quam vult belluam, & illis representat. ita August. l. 18. ait socios Vlyssis mutatos à Circe. Tertius modus est, ducere in vnum locum mutandos. & ibi sufficere aliquod animal loco mutandi. Quartus modus fit prestigijs, & illusione sensuum, quod fit tam in sensibus eorum qui putantur mutati, quam eorum qui sit ante oculos astantium, vt ait Palladius cap. 19. Quintus est, quando Dæmon infert morbum ad mortem, & necem, vt patet de pecudibus Iob, & septem viros Sarz occidit. Vitam nullo modo potest restituere verè, sed fictè tantum, sanitatem verò duobus modis reddere potest: Primo, per medicamenta naturalia. Secundo, cessando à nocumento quod ipse infert. ita Tertull. cap. 22. Apologetici. & Lact. l. 1. cap. 26. Sextus modus est, quo possunt nocere infantibus; & ob hoc quædam mulieres dicuntur striges; & hoc patet experientia. hic autem modus est duplex; alter est naturalis; aliquando enim striges premunt corpora tenella puerorum, vel acum in caput infigunt. aliquando fascinant, quod etiam est naturale; oculis enim turbidis inficiunt aerem; quo inficiuntur etiam humores hominum. alter modus non solum est naturalis, sed etiam ex pacto Dæmonis cum quo pactum est factum vt operetur Dæmon quando (verbi gratia) aliqui inspicunt aliquem vel puerum, vel aliud; vel quando tangunt aliquam imaginem &c. Septimus est de incubis, & succubis, de quibus prima sententia falsa est, posse Dæmones ex proprio semine generare, & id fecisse Philo iudeus l. de gigantibus. & Tertull. l. de Veland. virginibus. & Ioseph l. 1. antiqu. cap. 3. fundamentum est ex Gen. cap. 6. sed falsa est sententia; quia Angeli non sunt corporei; tum quia non habent diuersum sexum; tum etiam quia textus Gen. est contra ipsos, subditur enim ibi; *non manebit spiritus meus in hominibus his, quia caro sunt*; exponitur verò ille locus hoc modo; vt filij Dei dicantur illi, qui erant ex generatione Seth, qui collebant Deum. filie verò &c. erant ex generatione Cayn. vel vocantur filij Dei, homines statura magna, & procera. Secunda sententia dicit, omnia esse falsa

que dicuntur de incubis, & succubis. sed contra hos est experientia tam certa, ut August. l. 15. ciu. cap. 23. dicat, esse impudenti negare. est etiam contra ipsos doctrina scholasticorum, Clem. l. 3. itrogm. Euseb. l. 5. præpar. euang. cap. 4. Methodius Epiphan. in hæres. Origenes. Lact. l. 2. cap. 15. Vnde tertia sententia est tenenda; scilicet Dæmonem in forma aliqua corporis assumpti posse id facere, recipiendo semen ex aliquo, & transferendo in aliam. Vnde si aliquando generaret, non est filius Dæmonis qui nascitur, sed illius cuius est semen. Octauus modus est, quo Dæmon potest rebus externis nocere, & per eum malefacere, ut patet apud Iob, &c. potest enim excitare grandines; & multa huiusmodi præstare. Tertio dico, Maleficium alio maleficio auferre, nullo modo licitum est. ipsum vero maleficium factum destruere licet. remedia quoque naturalia bona sunt, sed spiritualia sunt meliora. de primo remedio est opinio Angeli verb. superstitio. §. 13. non licere facere maleficium, sed licere uti opera malefici parati ad hoc ut faciat maleficium. fundamentum est, quia eodem modo licet mihi recipere ab usurario parato ad vsuras. Sed omnino falsa est sententia; quia omne ius prohibet hoc. Leuit. 19. & 20. Deuter. 18. & ius canonicum cap. qui sint. 26. q. 2. & ius civile, l. nemo. C. de maleficis. & ratio est, quia maleficium, intrinsecè malum est, & non potest benè fieri. Vnde quicumque petit maleficium, cooperatur malo. & per hoc ruit fundamentum contrariæ sententiæ. nam cum peto ab usurario, ille potest dare mihi mutuo sine vsura. & sic non est cooperari malo. De secundo remedio probatur primo; destruere maleficium est destruere opus malum, ergo nihil habet mali. Secundo; quia cum destruitur non fit ex pacto aliquo Dæmonis. Terti, neque obstat quòd hoc sit recurrere ad maleficos, quia non recurrimus ad illos ut tales sunt, imo illa maleficia destruit. Neque etiam obstat, quòd hoc sit expectare sanitatem à Dæmone quòd hoc Dæmon non facit; sed tantum curare ne Dæmon noceat. Dices, at maleficus pactum habet cum Dæmone ut noceat quando signa adsunt, & cessat nocere quando illa auferuntur. Resp. aliquando esse vnum tantum pactum inter maleficum, & Dæmonem; ut scilicet noceat illis signis existentibus, & tunc licet tollere, aliquando est duplex pactum, & tunc potest maleficus dupliciter auferre illa signa; vno modo

do ut sit illa ablatio destructio primi pacti, & tunc est licitum. Secundo, quando ita aufert, ut velit sibi servare pactum secundum; & tunc illicitum est. probatur de tertio remedio; quia cum illa sint remedia naturalia à Deo collata, tunc est licitum. addo tamen, quod saepe ista non sint utilia, quia Dæmon potest applicare alias contrarias virtutes quas nos ignoramus. De remedijs spiritualibus, patet. Primum est fides, & amor Dei; nam præcipua causa quare Dæmon permittitur nocere, est infidelitas; ut patet exemplis; ex Epiphano. hæres. 30. Greg. l. 1. dialog. cap. 4. & alijs. Secundum est confessio peccatorum. Ioan. 5. *noli amplius peccare &c.* Tertium est sacra communio; patet exemplis ex l. 2. vite sancti Bern. cap. 3 & August. l. 22. ciu. cap. 8. Quartum, sunt exorcismi ecclesie, quorum usus est antiquissimus ex tempore Apostolorum, ut patet act. 19. & ex Ioseph l. 8. antiqu. cap. 2. ubi etiam refert Salomonem cõposuisse exorcismos cõtra Dæmones. Quintum est signum crucis. videnda sunt exẽpla apud Greg. l. 2. dial. cap. 10. & l. 3. cap. 6. & alijs. Sextum, sunt reliquie sanctorum: Constat enim apud sepulcra, & reliquias Martyrum solitos Dæmones rugere, & fugere ab obseis. legẽdus est August. l. 22. ciu. cap. 8. Ambros. serm. de sanctis Geruasio & Protasio. Septimum est oratio; probatur ex Tob. cap. 8. ex Matth. 17. Octavum est aspersio aquæ benedictæ ex Epiphanio hæresi 10. Theodoret. l. 3. histor. c. 21.

Vigesimum tertium dubium. Quæ sunt impedimenta non dirimentia; quæ scilicet impediunt matrimonium contrahendũ sub peccato mortali, non tamen dirimunt contractum. Resp. posse reduci ad hæc undecim. Primum est interdictum ecclesie, & feriarum, ut patet in tit. de matrimonio. contra interdict. eccles. & docet Navar. cap. 22. num. 68. & ratio est; quia superiores iustas ob causas possunt prohibere ne contrahant; & tenemur obedire superioribus de iure diuino. Dices, An de iure communi sint aliqua tempora in quibus impediamur à matrimonio contrahendo. Resp. primo, certum est esse prohibitio nuptias, & solennitates earum ab aduentu ad Epiphaniam, & à prima die Cinerum ad octauam Pasche. ita Trid. sess. 24. cap. 10. Secundo, dubium tamen est, an liceat his temporibus sine vlla solennitate contrahere, & consummare. Resp. Palud. in 4. d. 32. Anton. 3. p. tit. 1. cap. 17. Rosell. verb. impedim. 13. 9. 3. dicunt non licere, & esse peccatum. At Caiet. verb.

Matrim. p. 2. & Nau. cap. 22. num. 71. dicunt licere, modo omnis
 abfit sollemnitas. Hæc sententia est verior, ubi tamen non viget
 contraria consuetudo; præcipue quia Trid. supra videtur præ-
 hibere sollemnitatem. Secundum est sponsaliticium; nam post cō-
 tracta sponsalitia cum vna (illis duratibus) nō potest quis cō-
 trahere matrimonium eum alia sine peccato. quod de genere
 suo est peccatum mortale. tamen secundum omnes est validū.
 Nau. cap. 22. num. 72. Sylu. verb. matrim. 7. q. 3. & verb. sponsa-
 lia. Tertium, est cognatio spiritalis quæ ducitur ex catechis-
 mo, impedit, sed non dirimit. cap. per catechismum. de cognā-
 tione spiritus. in 6. est autem catechismus, institutio baptizandi
 sollemniter a sacerdote facta antequam baptizetur. can. ante
 baptism. de consecr. d. 4. & olim extendebatur ad eos gradus
 ad quos profecta est cognatio spiritalis. iuxta Sylu. verb. ma-
 trim. 7. q. 4. Nauar. cap. 22. num. 72. qui tamen probant nunc
 esse restrictum per Trid. sicut cognatio spiritalis. Quartum,
 est votum simplex castitatis, vel religionis, vel suscipiendi or-
 dines sacros, vel non contrahendi matrimonium. ex cap. 2. d.
 27. & cap. rursus. & cap. consuluit. qui clerici vel vouentes. &
 est communis sententia. Sylu. matrim. 7. q. 5. Nau. cap. 22. nu.
 73. Sor. d. 28. q. 2. art. 1. Sed circa hæc sunt aliquot dubia: Dices
 primo, An cum his votis contrahens, peccet mortaliter. Resp.
 duo sunt certa: primum, contrahens cum voto non contrahen-
 di matrimonium, peccat mortaliter contra votum. Secundum
 est, in alijs tribus, peccaret si quis contraheret cum animo non
 consumandi, sed intrandi religionem. Summa Angelica, & Ca-
 liet. verb. matrim. tenent non peccare. Contrarium tenet Nau.
 cap. 22. num. 73. Sylu. verb. matrim. 7. q. 5. Sor. d. 28. q. 2. ar. 2. &
 hæc opinio est vera, & tenenda; tum quia contrahere est con-
 tra canones citatos; tum ob periculum consumandi; tum quia
 est iniurius coniungi. Prior sententia potest esse vera quando
 esset certus quod admitteretur in religionem. Item, quando
 nulla fieret iniuria coniungi, & quando nullum esset periculum.
 Secundo dices; qui post aliquod ex dictis votis contraxit, an
 possit petere, & reddere debitum. Resp. primo, si post votum
 non contrahendi contraxit, potest petere, & reddere etiam
 prima vice. ratio est; quia fregit votum, & fecit votum impos-
 sibile. Secundo, si post votum religionis contraxit, prima vice
 non potest petere, nec reddere; ratio est, quia adhuc potest ser-
 uare

quare votum suum. Item, post consummatum matrimonium potest petere, & reddere; quia vovens religionem, non vovit castitatem d. rectè. Tertio, si post votum castitatis contraxit, certum est quod non potest nec prima vice, nec postea, petere debitum; quia quantum est de se, tenetur servare castitatem, & non petere. dicitur *castitatis*, & non *virginitatis*; quia post votum virginitatis consummato semel matrimonio, potest petere, & reddere; quia votum factum est impossibile. Solum ergo restat dubium, An qui vovit castitatem, & virginitatem, possit prima vice reddere debitum; vel, an teneatur fieri religiosus. Navar. respondet affirmativè; cap. 22. num. 73. & cap. 12. num. 80. & Sylv. matrim. 7. q. 1. ratio est, quia iste potest servare votum suum, si fiat religiosus; quare tenetur. Contrarium dicit Soc. d. 38. q. 2. art. 1. Angel. matrim. 7. impedim. 5. ratio eorum est; quia videtur durum obligare quempiam ad religionem quam non vovit. & hæc secunda opinio videtur mihi magis vera. Dices tertio, An is qui non vovit castitatem possit reddere debitum ei qui vovit castitatem, & petere. ratio dubij est, quia ex una parte videtur cooperari peccato. ex altera parte, quia ipse se obligavit ad reddendum debitum petenti, & ille non amisit ius petendi, quamvis petens peccet. Prima opinio est, quod non possit reddere, quia cooperatur. Nav. cap. 16. num. 31. Secunda est, quod tenetur. est Covar. p. 2. cap. 3. §. 1. num. 6. qui sequitur Adrian. in 4. q. 14. de matrimonio. & videtur Soci d. 21. q. 1. art. 3. huic secundæ sententiæ fauet ratio; non enim valet ista consequentia; unus peccat petendo, ergo alter non tenetur reddere. verbi gratia, dubitat aliquis de valore matrimonij, non potest petere. non autem sequitur, quod alter non possit reddere; cum sit certus de valore matrimonij; ratio est, quia quando opus non est de se malum, licet vitietur ex aliqua circumstantia, ego non cooperor peccato. & per hoc soluitur fundamentum contrariæ sententiæ; non enim ego reddendo, cooperor peccato petitionis. non nego tamen contrariam sententiam Navarri non esse probabilem. & ego relinquerem vnu quenque conjugem in sua conscientia. Dices quarto, An peccet qui rogatus an teneat matrimonium post simplex votum castitatis, respondet tenere. Resp. si ex tali responsione, ob circumstantias dedit occasionem violandi votum, peccaret; alias non. Nav. supra. num. 33. Dices quinto, An incestus occultus

culis etiam impediatur. Resp. d. 38. q. 1. art. 1. tenendum p. 2. norm. quod non impediatur quando occultum est delictum. nec etiam presbytericidium. Dices sexto, An incestus cum propria consanguinea impediatur matrimonium. Resp. prima sententia est d. Tho. in 4. d. 34. q. 1. art. ult. Richard. art. 4. q. 2. ad 2. Sor. d. 37. q. 1. Anton. 3. p. tom. 1. cap. 16. Sylu. verb. matrim. 7. q. 6. §. 8. Caiet. 2. 2. q. 154. art. 9. Couar. epit. p. 2. cap. 6. num. 4. Caffr. l. 1. de potest. leg. pen. cap. 7. qui tenent non impedire. Opposita sententia est Abba. & Prepositi in cap. 1. & 2. de eo qui cognouit consanguineam vxoris. &c. Angel. verb. incestus. §. 5. Nau. cap. 22. num. 24. & 25. & hæc opinio videtur tutior, quia ei fauent multi canonnes quos refert Angel. & Nau. & est stylus euria Romanæ, ut patet ex eod. Nau. Adde tamen, quod ubi est consuetudo vel petatur dispensatio, licet peccet mortaliter qui contrahit sine dispensatione, tamen post contractum non est opus alia dispensatione. Dices septimo, An impediatur matrimonium incestus cum illa cum qua intercedit impedimentum publicæ honestatis. Resp. affirmatiue, ex Palud. in 4. d. 34. q. 1. art. 2. Couar. supra. num. 4. sed solum durat durante vitæ alterius delinquentis. cap. duo pueri. de despons. impuberi. Dices octauo, An impediatur incestus cum cognata legali. Resp. negatiue, ex Palud. ibid. Quintum igitur impedimentum est incestus, quando quis peccat cum consanguinea vxoris. & quando peccat etiam contra propriam consanguineam. ex cap. 1. de eo qui cognouit consanguineam vxoris. quod intelligitur quando incestus fit viuente vxore, & quando scienter facit. Potest tamen in hoc impedimento Episcopus dispensare, & ubi consuetudo non est petendi dispensationem, potest contrahere. Sextum impedimentum est vxoricidium; ex cā. ad mon. c. 35. q. 2. & 3. Intellige de simplicibus occisionibus, nam si fiat cum circumstantiis supradictis, esset impedimentum dirimens. Dices primo, An liceat viro occidere vxorem deprehensam in adulterio. Resp. primo, si id faciat propria auctoritate, Palud. d. 34. q. 1. art. 2. tenet excusari ab hoc impedimento. sed oppositum tenet d. Tho. in addit. q. 60. art. 2. Sor. supra. Anton. 3. p. tom. 1. cap. 16. §. 4. & ipse Palud. d. 2. art. 2. est enim consilium; quamuis in foro exteriori non puniatur, si autem id fiat auctoritate publica ut facit carnifex, sicut excusatur a peccato, ita excusatur ab hoc impedimento; traditur enim tunc vxor marito, tanquam proprio milite.

occidendi; *Sot. d. 37. q. vnica. art. 3.* idcirco est licitum. Idem dicendum est de vxore si occidat virum, nisi occidat animo contrahendi; quia eadem est ratio. *Nau. cap. 22. nu. 74.* Septimum impedimentum est presbytericidium. *cap. qui presbyterum. de pœnit. & remiss.* intelligitur tamen si sit conuictus. Quidam est raptus alienæ sponz. *ex cap. statutum. 27. q. 2. Sylu. Nau. & alij.* quando autem sit impedimentum dirimens, supra dictum est. Nonum est proprii filij de fonte susceptio, quando sit malitiosè, ne scilicet teneatur reddere debitum. *cap. de eo. 30. q. 1.* in quo casu tamen tenetur reddere, licet non possit petere. Idem dicendum est de eo qui teneret in confessione; cum eadem sit ratio. Decimum, est solennis penitentia facta pro aliquo crimine. *cap. antiqui. & cap. de ijs. 33. q. 2.* intelligitur tamen quandiu in penitentia durat. *vt Sot. art. 1. cit.* Vndecimum, est coniugium cum moniali professâ, scienter. *can. hi. ergo. 17. q. 1. & 2.* His adde excommunicationem maiorem, & minorem. Circa hæc impedimenta, Nota primo, quod sunt ex instituto ecclesiæ, excepto secundo, & quarto, quæ sunt de iure naturæ; quia spectant ad fidelitatem, vt notat Caiet. verb. *matrim. cap. 2.* Secundo nota, quod est peccatum mortale contrahere cum primo, secundo, & quarto impedimento, scilicet contra interdictum, contra sponsalium & contra votum simplex. sed cum reliquis octo si desit contemptus, non est peccatum mortale contrahere, si non est consuetum petere dispensationem; *Sot. d. 37. q. 1. art. 1. concl. 2.* tutius tamen est petere dispensationem, præsertim quia potest in dictis octo Episcopus dispensare. Imo etiam in primo, cum interdictum factum sit ab Episcopo, vel alio inferiori. *vt patebit in sequenti dubio.*

Vigesimumquartum dubium. Quis possit dispensare in impedimentis matrimonij; & quibus de causis. *Resp. primo,* in omnibus impedimentis matrimonij iure humano introductis, potest Papa dispensare. qualia sunt omnia impedimenta, excepto impedimento consanguinitatis in primo gradu; *vt supra dixi.* & impedimento erroris, & iudicij. *Nau. cap. 22. num. 84. Candel. num. 246.* quare potest etiam Papa dispensare vt impubes possit contrahere matrimonium. *Nau. consil. 39. de sponsal.* Secundo, Episcopus potest dispensare in impedimento à se, vel à suo superiore inducto, imo in omnibus que impediant

diunt, & non dirimunt. excepto voto castitatis, & religionis. vt cum Palud. & Anton. docet Nau. cap. 22. num. 85. Angel. dispens. §. 5. Sylu. eod. q. 9. Armill. §. 20. Tertio, Episcopus nō potest dispensare in aliquo impedimento quod impedit, & dirimit, secundum omnes; nisi quando impedimentum esset occultum, & matrimonium publicum, & separatio daret scandalū, & non posset adiri Papa, vel legatus propter legitima impedimenta; vt cum Angelo & Sylu. tenet Nau. supra. & consil. de sponsal. Armill. dispens. §. 19. Candel. nu. 248. & sequent. Quarto dico, dispensatio (vt fiat sine peccato) requirit causam legitimam. d. Tho. 1. 2. q. 92. art. 4. Sot. 1. 1. iust. q. 7. art. 3. Couar. epit. p. 2. cap. 6. §. 9. num. 7. Vnde non solum peccat mortaliter qui dispensat sine causa, sed etiam qui petit talem dispensationem; quia cooperatur peccato mortali. Caiet. 1. 2. q. 78. art. 5. Couar. supra. Trid. sess. 34. cap. 5. de reform. matrim. vbi statuit vt raro, & cum causa, & gratis dispensetur. in secundo autem gradu nunquam nisi inter magnos principes, & ob publicam causam. Couar. supra. §. 9. nu. 7. d. Tho. 2. 2. q. 63. art. 2. ad 2. & est constitutio Greg. XIV. quæ prohibet eas dispensationes petere, &c. Quinto dico, quod causa legitima ad dispensationem, cum his qui in tertio, & quarto gradu coniuncti sunt, est triplex; defectus dotis competentis, extinctio magnæ litis, vel quod non reperiat sibi parem qui non sit consanguineus, vt statuit congregatio concilij. addit tamen in tertio casu maturius esse procedendum. has causas refert Nau. cap. 22. nu. 87. & consil. 6. de consangu. & affin. Armill. dispens. §. 13. Candel. num. 251. Sexto dico, quod dispensatio sublequens non inualidat matrimonium nisi accedat nouus consensus; vt notat Nauar. cap. 22. num. 86. Sed sunt circa hæc aliqua dubia: Dices primo, An sit valida dispensatio sine causa. Resp. primo, in illis quæ sunt de iure positiuo, dispensatio obtenta à Papa sine causa, est valida. ita Innoc. in cap. ad monasterium. de statu regul. Abbas in cap. non est. de voto. Angel. verb. dispensatio. §. 3. Sylu. eod. q. 3. Caiet. 1. 2. q. 96. art. 5. Sot. 1. 1. iust. q. 7. art. 3. Medin p. 2. q. 100. art. 8. Couar. epit. p. 2. cap. 6. §. 9. num. 10. & est communis. Secundo dico, quod si delegatus ex facultate sibi concessa dispensaret sine causa, dispensatio esset nulla in vtroque foro; quia facultas dispensandi hoc modo intelligitur concessa. ita Innoc. supra. Felin. in cap. ad audientiam. //

Secundo de rescript. Sylu. supra. Couar. supra. num. 11. Tertio dico, quòd dispensatio sine causa concessa in rebus quæ inuoluunt ius diuinum, est nulla, ex communi sententia. Dices secundo, An sine peccato liceat uti dispensatione impetrata sine causa. Resp. quòd si dispensatio fuit inualida, est peccatum mortale, illa uti; si autem fuit valida, est solum peccatum veniale iuxta Caiet. verb. dispens. sot. dicta q. 7. art. 3. Nau. prælud. 9. num. 14. efficit tamen peccatum mortale, quando talis versus redundaret in scandalum, & in graue damnum aliorum, ut notant Sot. Nau. & alij, supra. Nota tamen, quòd si ex vi talis validæ dispensationis matrimonium esset contractum, versus illius non esset reputandus illicitus; quia matrimonium ipsum est, ratum, & legitimum; licet contractum sit in peccato. Couar. §. 9. cit. num. 10. Dices, an dispensatio concessa vni, intelligatur concessa alteri cum qua petijt contrahere. Resp. affirmatiuè; Nau. consil. 4. de sponfal. Dices tertio, Quæ circumstantiæ explicandæ sunt in petenda dispensatione, ut sit valida. Resp. debent exprimi quæ possunt mouere Papam ad concedendum, vel non concedendum. ex cap. super literis. & cap. in nostra. de rescript. & ibi Abb. & Felin. Nau. cap. si quando. tit. eod. & cap. consideret. num. 18. de pœnit. d. 5. Couar. epit. p. 1. cap. 6. §. 10. num. 14. & alij. Nota tamen ex Nauar. cap. 21. nu. 86. quòd licet omnis expressio falsi noceat, non tamen quolibet taciturnitas veri idem facientis, sed solum ea quæ tacent verû quod iura iubet exprimi, ut notat Rota in nouis decisio. 31. num. 5. rescript. Felin. & alij, qui ibi citantur. & Nau. cap. 21. num. 86. & in cap. si quando. de rescript. Hinc inferitur primo, quòd qui contrahunt scienter in gradu prohibito, vel cum alio impedimento cognito, ut facilius post contractum matrimonium cum eis dispenseretur, non obtinent validam dispensationem, nisi in petitione dispensationis exponant hanc fraudem. glos. in cap. si quando. de rescript. Nau. supra. & habetur in regula cancellariæ. Adde, quòd post Trid. sess. 24. cap. 5. de reform. matrim. tales declarantur indigni dispensatione. Similiter si consumauit, neque expressit hoc, ut patet. item, quando ignoranter quis contraxit, (omissis tamen solennitatibus ecclesiæ) id exprimendum est, ut sit valida dispensatio; quia ex omissione solennitatis dispensatio redditur difficilior, ut patet ex Trid. ibid. Vnde patet, quòd quæ antea erant causa facilius dispen-

dispensandi, nunc omnino priuant spe dispensationis, vt notat Nauar. cap. 22. num. 86. similiter qui impetrat dispensationem contrahēdi cum cognata cum qua rem habuit tacito incestu, inualidam reddit dispensationem secundum Nau. supra. quāvis alias contra senserit. l. 1. consil. tit. de const. q. 19. & consil. 2. de sponsal. & consil. 1. 2. & 3. de consangu. & affin. illud tamē sciendum est, quia est tutius; & ita seruat praxis, & respondit congregatio. Dices, quid si consanguinei non distent æqualiter à stipite, sed vnus (verbi gratia) distet in secundo gradu, alter in tertio, an si velint inter se contrahere, satis sit in dispensatione facere mentionem gradus remotioris. Resp. ante Pium IV. satis erat, & ita de iure dicendum est, vt ait Couar. epit. p. 2. cap. 6. §. 10. num. 12. & est communis. Sed Pius IV. statuit vt esset irrita dispensatio in qua obtinenda non fieret etiam mētio gradus propinquioris, vt patet ex extrau. 14. veruntamen Pius V. in extrau. 21. decreuit, quòd si altera persona propinqua esset stipiti in primo gradu, satis esset in dispensatione facere mentionem gradus remotioris, obtentis tamen postea super propinquiore literis declaratorijs iuxta stylum curiæ, ex constitutionibus Gregorij XI. & Clementis VI. cuius styli meminit Couar. supra. num. 12. si tamen vnus distat in quinto, alter verò in tertio, vel quarto gradu, possunt contrahere sine dispensatione; quia tales sunt vltra quartum gradum coniuncti, vt patet ex dictis. secundo inferitur, quòd quando affinitas, & publica honestas coincidunt, verbi gratia, si quis velit ducere uxorem consanguinei defuncti, exprimenda est in supplicatione dispensationis; nisi ex verborum explicatione intelligatur expressè, vt cum Panorm. tenet Syll. verb. matrim. 8. q. 14. §. 3. Dices, An sint excommunicati qui contrahunt in casibus prohibitis. Resp. affirmatiuè; ex clementina 1. de consangu. qui contrahunt matrim. in gradibus prohibitis consanguinitatis, & affinitatis. item, qui contrahunt cum moniali. item, religiosi, vel ordinati in sacris; & qui contrahunt cum ipsis scienter. de quo Nau. cap. 27. nu. 41. Caiet. verb. excommunicatio. cap. 47. qui etiam notat, quòd non excommunicantur fœminæ, quæ cum religiosis, & ordinatis ordinibus sacris contrahunt.

De benedictione nuptiarum. Cap. VI.

Ico primo, circa benedictionem nuptiarum, nuptias esse benedicendas, vt patet ex can. sponsus. 3. q. 5. Trid. sess. 24. cap. 1. de reform. matrim. Secundo dico, quod consummare matrimoniū ante dictā benedictionē siue reddēdo, siue petēdo debitū, nullū est peccatū; Nau. cap. 22. nu. 83. dūmodo nō adsit contemptus; quia sunt tātum de consilio; vt patet ex cap. nostrate 30. q. 5. vbi absolutē dicitur non esse peccatū, licet Caiet. dicat esse peccatū veniale, tom. 1. opus. tract. 30. q. 1. & Sylu. verb. debitum. q. 9. Angel. eod. §. 1. qui tantum ex causa legitima committentes excusat à peccato. Candel. nu. 254. Tertio dico, iure communi nullas secundas nuptias esse benedicendas; ex cap. 1. & cap. vir. de secundis nupt. & probat Nau. supra. quia iteraretur benedictio saltem super vno sponzorū, quod ecclesia prohibuit; ne scilicet contemneretur huiusmodi benedictio. imo suspenditur ab officio; & beneficio sacerdos eas benedicens; cap. 1. cit. Opinio autem d. Thomae, & aliorum qui tenēt esse benedicendas aliquando secundas nuptias scilicet cum virgo nubit viduo, habere posset locum vbi esset talis consuetudo; vt notat Nau. supra. Quarto dico, quod si duo contrahūt secundas nuptias, qui tamen in primo matrimonio non fuerūt benedicti, debent benedici; quia ratio iterationis in eis cessat, vt notat Nau. supra. num. 83. idque verum est etiam si sponsa sit vidua; quicquid dicat Sylu. verb. nuptia. q. vlt. Quinto dico, benedictionem nuptiarum non posse dari nisi à proprio parcho, vel de eius ordinaria licentia; vt Trid. supra. & Nau. cap. 22. nu. 69. Dices, quid si sponsi sint de diuersis parochijs. Resp. benedicere debet is in cuius parochia danda esset benedictio, vt supra dixi; & docet Nau. cap. 25. num. 144. quod si velint ab alio benedici, petant licentiam. Sexto dico, quod peccat mortaliter qui temporibus ab ecclesia prohibitis, accipit benedictionem nuptiarum, aut in domum suam sponsam solenniter traducit. cap. si capoellanus. de ferijs. & cap. non oportet. 33. q. 4. vbi notat solum prohiberi benedictionem,

nem, aut translationem solennem, non autem sponsalia, nec matrimonium de presenti, nec consumationem eius; vt ex cōmuni sententia docet Nau. cap. 22. num. 71. qui alios citat. qui sunt ab aduentu vsque ad diem Epiphaniæ, & à feria quarta Cinerum vsque ad octauam Paschæ inclusiue, vt supra dixi, ex iure nouo concilij Trid. sess. 24. cap. 10. de reform. matrim. & refert Nau. supra. nu. 71. vnde ius antiquum restrictum est; vt habetur in dicto cap. cappellanus.

De Diuortio . Cap. VII.



Primum dubium . Quid, & quod duplex est diuortium. Resp. diuortium dictum est sic, ob diuersitatem mentium; nam qui matrimonium distrahunt in diuersas partes eunt. l. 1. ff. de diuortijs. Fiunt autem tripliciter diuortia. Primo, quoad eorum tantum. Secundo, quoad eorum, & habitationem simul. & hæc vel in perpetuum, vel quoad tempus. perpetuum est quando ita fit separatio, vt etiam si alter nocens corrigatur, alter non tenetur illum sibi reconciliare. in perpetuo, innocens potest fieri religiosus. in temporali minimè. Tertio, fit diuortiū quoad vinculum. Hic loquimur de matrimonio valido; quod quidem vel est ratum, & non consumatum; vel est ratum, & consumatum.

Secundum dubium. An matrimonium separari possit quoad vinculum. Resp. & dico primo, matrimonium ratum, & consumatum inter fideles, si sit validum, non potest dissolui nisi per mortem naturalem alterius coniugis; ex cap. gaudemus. de diuort. Sylu. verb. diuortiū. q. 4. Secundo dico, matrimoniū ratum, & non consumatum, potest dissolui dupliciter. Primo, per professionem in religione approbata alterius coniugis. Trid. sess. 24. can. 6. de sacram. matrim. Sylu. diuortium. q. 34. qui notat non sufficere habitum suscipere tertij ordinis, nisi esset religio approbata. Angel. §. 18. Adde, quod sacra congregatio declarauit bizocas quæ extra congregationem in priuatis domibus viuunt, non esse religiosas. Trid. sess. 25. cap. 17. de regular. & Nota, quod relicta tenetur expectare professionem alterius antequam contrahat cum alio. Nau. consil. 40. de sponsal.

sponsal. Secundo dissolvitur per dispensationem Papæ, de quo supra. Dixi *inter fideles*, nam matrimonium contractum inter infideles dissolvitur per conversionem alterius coniugis ad fidem, in casibus à nobis supra dictis. Dices; An sponsa cognita, violenter à sponso, possit religionem intrare. Resp. si vis fuit absoluta, potest intra spatium duorum mensium post contractum matrimonium etiam de presenti; aliàs non. ut cum Panorm. tenet Syll. verb. *diuortium*. q. 1. quamvis Angel. *matrim.* 4. §. 17. non audeat consulere.

Tertium dubium. Quibus de causis dissolui possit matrimonium quoad torum, & habitationem? Resp. dissolui potest primo, ob fornicationem carnalem, seu adulterium. quod etiam extenditur ad suspicionem violentam, vel certam de illo peccato; & ad omnem coitum illicitum, & pollutionem cum alio, vel alia, etiam extra claustrum pudoris; unde excluditur mollicies. cap. non solum. & cap. meretrices. 32. q. 4. & 7. ratio est, quia in his omnibus directe peccatur contra finem matrimonij; Syll. verb. *diuortium*. q. 7. Anton. 3. p. tom. 1. cap. 22. §. 5. Angel. verb. *matrim.* 4. Tab. cod. q. 1. excipiuntur tamen aliqui casus quos refert Syll. supra. q. 8. & 9. Primus est ignorantia adulterantis, quando non formaliter fornicatur, sed solum materialiter; verbi gratia, putabat virum suum esse mortuum, & accepit alterum. intellige nisi monita de vita primi mariti, pergeret in secundum matrimonium. cap. cum per bellicam. 34. q. 2. Secundus est, quando coniux fornicatus est coactè, & vi, tunc enim non est peccatum, nec debet illi imputari; cap. ita ne. 32. q. 5. intellige de violentia, & coactione absoluta; nam si metu consensit, non excusatur nec à pœna diuortij. cap. propositum. 32. q. 1. Tertius est, quando per fraudem deceptus est, putans esse suum coniugem, cap. si virgo. 34. q. 3. Quartus est, quando uterque coniux fornicatus est, tunc enim paria delicta pariter recompensantur. cap. intelligimus. de adulterijs. Quintus est, quando alter coniux consensit adulterio, vel dedit proximam occasionem adulterij. cap. discretionem, de eo qui cognouit consangu. vxoris. proxima occasio esset, quando sciebat coniugem adulterari, & poterat impedire, & non impedivit. non tamen est proxima occasio si non aleret, vel eam eijceret domo. Sextus est, quando coniux innocens reconciliatur alteri, quod fit vel expresse condonando culpam, vel tacite red-

reddendo debitum. intellige quando spontè reconciliatur; nā si coactè, non intelligeretur sibi præiudicare. adde etiā si sciēs; nam si nō sciens id facit, non sibi præiudicaret. Septimus est, quando in infidelitate dimisit coniugem, & ille dimissus accepit secundam coniugem, tunc si conuertatur non potest dimisso obijci adulterium; cap. gaudemus. de diuortijs. Secūdo, dissolui potest ob fornicationem spiritualem. per fornicationē spiritualem intelligo hæresim, iudaismum, infidelitatem, &c. intelligo, quandiū in ea permanserit. si enim talis corrigere tur, non deberet dimitti. Sylu. diuortium. q. 6. Angel. eod. §. 3. Tercio, ob periculum corporis, & ob inimicitiam capitalem, vel duram tractationem, vel quia insidiaretur vitæ eius; Sylu. supra. q. 6. Armill. §. 3. Nau. cap. 22. num. 22. Couar. epit. p. 2. cap. 7. §. 5. num. 1. Quarto, si introduceret ad peccatum mortale, ita vt alter probabiliter timeat siue intra ciuitatem, siue aliās. Sylu. & Armill. supra. Angel. matrim. 4. ab eod. q. 24. Quinto, ob votum continentię, de quo Sylu. verb. diuortium. q. 12. Sexto, ob impedimentum frigiditatis viri, & ægritudinis mulieris, maleficijs, &c. Sylu. eod. q. 18. & sequentibus. Dices, An ob amētiā alterius liceat separari. Resp. negatiuè; nisi esset probabile periculum mortis. Nau. cap. 22. num. 22. Nota tamen, esse de fide quòd propter hæresim, aut molestam habitationem, aut affectatam absentiam coniugis non posse dissolui vinculum matrimonij, vt decreuit Trid. sess. 24. can. 5. de Sacram. matrim. & notat Victor. q. 104. Dices secundo, cur in Euangelio Matth. 18. excipitur tantum causa fornicationis? Resp. quia illi solum dat ius perpetuæ separationis. alia verò ad tempus, vel quandiū durat. & licet ibi Christus loquatur de indissolubilitate vinculi, non tamen est absurdum, quòd etiam intelligatur de separatione quoad habitationem; quia data opera tunc non voluit à Phariseis intelligi; quia non erant capaces talis doctrinæ. Secundo, si non liceret diuortium facere in isto casu, onus matrimonij esset grauissimum. Tercio probatur ex toto tit. de diuortio. & ex 31. q. 7.

Quartum dubium. An in dictis casibus diuortium sit faciendum propria autoritate, sine iudicis sententia? ratio dubij est, quia ex vna parte videtur euangelium concedere istud diuortium ex fornicatione. Matth. 18. ex altera verò parte non videtur licitum sua se autoritate vindicare. Resp. primo, quòd debi-

debitum licet negare propria autoritate adultero: & fieri separationem quoad torum. d. Tho. in 4. d. 25. q. 1. art. 3. Caiet. tom. 1. opus. 31. respons. 4. Nauar. cap. 22. num. 23. Secundo dico, quoad habitationem simpliciter non potest fieri diuortium nisi per ecclesie autoritatem. d. Tho. supra. & in addit. q. 62. art. 3. Sylu. verb. diuortium. q. 8. Angel. §. 2. Rosell. §. 10. & 12. Armill. §. 7. Tab. matrim. 4. q. 4. Couar. epit. p. 2. cap. 7. §. 5. num. 12. Alexand. III. cap. iterari. de restit. spoliat. & can. seu clarè. 23. q. 2. & est communis sententia. idque ratione scandali quod tunc sequitur. hinc sequitur, quod si fieri possit sine scandalo in aliquo casu, esset licitum propria autoritate separare; ut quando matrimonium esset clandestinum, ut accidere poterat ante concilium Trid. ut notat Sot. d. 36. q. 1. ar. 3. similiter si adulterium esset valde notorium, & publicum, tunc cessante omni scandalo posset dimitti vxor autoritate priuata, & diuortium fieri quoad habitationem. Panorm. cap. finali. de adulter. Sylu. verb. diuortium. q. 8. Dices, An idem sit dicendum de fornicatione spirituali? Resp. affirmatiue; cap. de illa. & cap. quanto. de diuort. ratio est, quia innocens habitaret cum maximo periculo suae salutis, & propter magnam infamiam quae esset illi. notat d. Tho. d. 35. art. 1. ad 3. in fornicatione carnali satis esse si semel coniux fornicatus sit; at in haeresi, vel infidelitate non est satis, nisi ostendat se pertinacem cum periculo alterius. Sed est

Quintum dubium. An si haereticus resipiscat, & conuertatur, teneatur alter innocens recipere, & reconciliari? ratio dubij est, quia ex vna parte diuortium perpetuum non videtur permitti à Christo nisi in causa fornicationis, & videtur dicere de carnali; ergo non debet illa doctrina dilatari ad alios casus: ex alia parte ius canonicum concedit. Resp. omnes conveniunt, quod si haereticus non fuerit damnatus per sententiam iudicis de haeresi, vel infidelitate, tenetur alter recipere illum. difficultas est, quando per ecclesiam fuit condemnatus an teneatur alter recipere correptum. glos. cap. finali. & cap. quanto. de conuers. coniugum. dicit coniugem innocentem teneri vel ad recipiendum si velit manere in seculo; vel ad religionem. idem docet Sot. in 4. d. 39. art. 4. ad 3. Altera opinio est, quod nullo modo tenetur recipere, etiam si velit manere in seculo. & est opinio communis; d. Tho. Couar. & aliorum. & est tenenda;

Ad; quia cap. de illa. de diuort. expresse id docet. adhuc autem
 ut dicatur condemnatus ecclesie iudicio, non est opus, quod
 fuerit per sententiam particularem de diuortio, sed satis est ut
 de crimine heresis, vel infidelitatis sit damnatus. Neque obstat
 textus euangelij Matth. 18. *excepta causa fornicationis*, quia
 etiam si ibi ponat causam fornicationis carnalis, non tamen
 excludit spirituales fornicationem.

Sextum dubium. An teneatur coniux innocens dimittere,
 coniugem adulteram. Resp. & Dico primo, coniux non tenetur
 dimittere virum etiam in publico adulterio, vel illi debitum
 negare; quia non est eius corrigere virum, nam forte faceret
 peius, nec daretur scandalum, quia communiter omnes intelli-
 gunt vxores non consentire in maritorum adulterijs. Sor. d. 36.
 art. 2. Caiet. opus. 1. tra. 8. 29. q. vnica. & omnes alij. Secundo
 dico, Nec vir tenetur mulierem dimittere sub peccato morta-
 li quando adulterium est occultum; quia diuortium faciendū
 est per ecclesie auctoritatem, quod hic non est. neque tenetur
 quando alter coniux est correctus, & illa se emendauit; nam
 diuortium fieri solet ob spem correctionis, vel ad evitandum
 scandalum. vtrunque hic cessat. Confirmatur ex 1. Cor. 7. vbi
 dicitur, mulierem dimissam posse reconciliari viro; ergo cor-
 recta potest non dimitti, nec tertio tenetur dimittere quando
 timet sibi de incontinentia. in his igitur tribus casibus non te-
 netur vir dimittere vxorem, ut ex Palud. docet Tab. matrim.
 4. q. 4. & Nau. cap. 22. num. 23. difficultas igitur est, quando ad-
 ulterium est publicum; & coniux non correctus, an tunc teneat-
 ur vir dimittere vxorem. Resp. teneri sub peccato mortali di-
 mittere illam quoad torum, & habitationem, si eius forni-
 catio sit publica, & nulla sit spes correctionis. probatur ex
 cap. dixit dominus. 32. q. 1. d. Tho. in addit. q. 62. art. 2. Caiet.
 verb. matrim. cap. de vsu matrim. Palud. in 4. d. 32. Anton. 3. p.
 tom. 1. cap. 20. §. 9. Sor. d. 36. q. 1. art. 2. & 3. Victor. q. 290. & est
 communis ratio est, quia videretur consentire peccato, & da-
 ret scandalum. quod si cessaret scandalum, hoc etiam cessaret.
 nam idcirco doctores dicunt ad hoc teneri, ratione scandali;
 quia videretur coniux fauere turpitudini alterius. Tertio di-
 co, quod excipiuntur illi septem casus quos supra diximus du-
 bio tertio, & refert sylu. verb. diuortium. q. 9. d. 35. q. vnica. art.
 1. Tab. matrim. 4. art. 1. Aruill. matrim. §. 72. Anton. supra. Di-

ces, quid si ecclesia in dando sententiam diuortij decipiat,
 & inter inuicem fiat sacerdos, vel religiosus, postea verò errore
 comperto, vxor virum repetat? ac sp. esset illi restituendus, qui
 reddat debitum, sed non petat. d. Tho. & Anton. supra. Sylu. di-
 uortium. q. 31. Armill. p. 17. Tab. matrim. 4. q. 5.

Septimum dubium. An post diuortium vir possit aliam vxo-
 rem ducere; videtur enim posse. nam Matth. 19. dum prohibe-
 tur, excipitur causa fornicationis. Secundo, quia id affirmat
 Ambros. 1. Cor. 7. & habetur can. vxorem; 32. q. 7. & sic plerique
 grecorum obseruant. idem tenuit Caiet. l. 6. diuin. instic. cap.
 23. Catherin. q. ult. de matrim. hinc est, quòd lutherani leuissi-
 mis de causis matrimonij vinculū dissoluant, vt refert Echius
 Hom. 74. de matrim. His non obstantibus, contraria conclusio
 est de fide; quòd scilicet neque vir propter fornicationem
 vxoris, neque vxor propter fornicationem viri potest alium
 ducere; & alteri nubere eo viuente. probatur ex 1. Cor. 7. prae-
 cipitur non ego, sed dominus vxorem à viro non discedere; quòd
 si discesserit, manet innupta. & Matth. 5. qui dimissam duxerit,
 merbatur. Secundo, ex can. licitè. can. omnes. can. hi. verò. 32.
 q. 7. & cap. gaudemus. de diuort. & ex Trid. sess. 24. can. 7. de
 sacram. matrimonij. & ex communi sententia patrum, & do-
 ctorum. d. Tho. in addic. q. 162. art. 3. Sor. 4. 36. q. voica. art. 3.
 Neque obstant adducta in contrarium; nam Matth. 19. est ex-
 ponendus cum August. per alia loca euangelij; nam Marc. 10.
 dicitur, quòd *quisquis dimiserit vxorem suam, & aliam du-
 xerit, adulterium committit super eum, & si vxor dimiserit vi-
 rum, & aliam sumpserit, merbatur.* idem Luc. 16. Vnde pa-
 tet cum dicit, & aliam duxerit, illa particula (&) nō est sumē-
 de copulatiuè, sed disiuñtiuè, seu in sensu diuiso. Sor. ex Mat-
 th. 3. quare prohibetur vxorem ducere etiam quoad torum,
 nisi causa fornicationis. sed aliam ducere prohibetur sine ex-
 ceptione. coniuxit autem ambas partes; quia loquebatur con-
 tra iudaeos, qui solebant vxorem dimittere, & aliam ducere,
 sed intelligitur in sensu diuiso, vt dixi. Ad secundum ex Am-
 brof. Resp. primo, quòd ille locus fuit deprauiatus, vt docet
 Magist. d. 36. & d. Tho. in 1. ad Cor. 7. Soc. art. 3. cit. nam idem
 Ambros. in 1. ad Cor. 7. super illa verba; *mulier alligata est legi,*
 (sic) hæc idcirco prosequitur, vt doceat, quòd mulier etiam
 si à viro fuerit derelicta, nubendi licentiam non habet. Secun-

do, alij dicunt illa commentaria non esse Ambrosij. Tercio dici ei potest, non mirum in hoc errasse, cum nondum esset definitum ab ecclesia. & ita dici potest ad auctoritatem aliorum.

Octauum dubium. An ob alias causas fieri possit diuortium ad tempus? Resp. affirmatiue; primo, ob sciticiam magnam alterius coniugis. cap. literas. de re lit. spoliat. & cap. 1. de lite non contest. nisi vir daret sufficientem cautionem de non offendenda vxore. Secundo, si alter coniux esset veneficus, vel filios occideret, &c. Tertio, si furiosus. Quarto, si trahat aliquo modo alterum in peccatum. exempla sunt in Nau. cap. 22. nu. 22. Non obstat textus euangelij, qui solum dicit; *excepta causa fornicationis*; quia ibi loquitur de diuortio perpetuo. nos hic loquimur de temporali.

Nonum dubium. An post diuortium vir, & vxor possint reconciliari? Resp. posse, si adultera, seu nocens, emendetur. si autem sit incorrigibilis, non potest. d. Tho. in addit. q. 62. art. 6. Tab. verb. matrim. 4. q. 9. Sorid. 36. q. vnica. art. 6. & alij. Dices, an si innocens post diuortium reuocet nocentem, illa teneatur redire? Resp. affirmatiue. d. Tho. art. 6. cit. ad 3. Tab. q. 5. & alij. quia in fauorem illius factum est diuortium; ergo ubi pars vult cedere iuri suo, potest.

Decimum dubium. An facto diuortio liceat verique coniugum religionem ingredi? Resp. primo, certum est innocentem in cuius fauorem factum est diuortium, posse licite ingredi religionem, etiam altero inuito; vt docet Riccard. d. 35. art. 4. q. 2. Secundo, certum est multo magis, quando alter qui fuit in culpa vouit castitatem, vel etiam ipse ingreditur religionem; quia sic, etiam sine diuortio liceret ex consensu mutuo. cap. cum sis. de conuers. coniug. Tertio, certum est quod quando innocens vult reconciliari ante transactum biennium, tenetur adultera reconciliari. nec ei liceret tunc vouere castitatem, vel ingredi religionem, &c. tota difficultas est, An quando innocens non vult dare licentiam, possit adultera transacto biennio profiteri in religione. & an de licentia innocentis possit ante biennium profiteri, altero in seculo permanente sine voto castitatis. ratio difficultatis est, quia in cap. cum sis. de coniug. habetur id non licere, nisi uterque religionem ingreditur. vel si se nex, & velit in seculo remanere, nisi castitatem voueat. Resp. ad utranque affirmatiue, ex cap. gaudentes. de diuort. & ibi d.

glos. Abbas. & alij communiter. quare in eo casu non licet innocenti facta professione adulteram reuocare; vt docent communiter doctores. Riccard. d. 35. art. 3. q. 2. Palud. q. 2. art. 3. ad 3. Gabr. q. vnica. Bonau. q. 5. Sot. d. 36. q. vnica. art. 6. Angel. matrim. 4. Sylu. diuortium. q. 10. & 13. Rosell. §. 10. Hostiens. Panorm. in cap. constitutus. de conuers. coniug. qui dicunt in casu proposito posse ingredi religionem, nec faciunt mentionem de voto innocentis. imo cum dicunt non posse reuocare post professionem, innuunt non vouisse castitatem. ita expresse Nardar. Adde, quod iniquum esset cogere innocentem innitum ad vouendum; preteritum cum nullus Canon, vel doctor id dicat. Nec obstat caput cum sis. cit. quia loquitur de eo qui sine diuortio daret alteri licentiam ingrediendi religionem.

*De pluralitate uxorum, et de secundis nuptijs;
seu de Bigamia. V l l l.*

PRIMUM dubium. An habere plures uxores sit contra ius naturale. Resp. prima sententia est Aureoli apud Capreol. d. 33. quod sit contra ius nature, & intrinsece malum. Secunda est Dur. qui tenet non esse contra ius nature villo modo, quamuis melius esset habere vnam. idem Scot. Caiet. & Abulenl. Tertia est d. Tho. in addit. q. 65. art. 1. quod non sit simpliciter contra ius nature, & indispensabile. sed aliquo modo. sequitur Riccard. d. 33. q. 1. art. 1. Palud. q. 3. Maior q. 1. Sot. q. 1. Anton. 3. p. tom. 4. cap. 10. §. 2. Pro intelligentia, Nota primo distinctionem inter ius nature, & inclinationem, & institutionem. de qua d. Tho. & Sot. supra. secundo nota. quod in iure nature sunt gradus; quidam enim sunt prima precepta, velut prima principia; quedam sunt secunda precepta quae a primis derivantur. d. Tho. ibid. Tercio nota. quod ex d. Tho. supra, ad quartum, ius naturale tripliciter sumitur: Primo, dicitur ius naturale quod a natura est inditum. Secundo, quod est de iure diuino. Tercio, strictissime pro eo quod naturalis ratio indicat de his quae sunt homini, brutisque communia. Quarto

nota,

nota, quòd finis matrimonij est triplex; primarius est genera-
tio, & educatio prolis. Secundus, est mutua communicatio
actionum, & affectionum. Tertius, est significare unionem Chri-
sti cum ecclesia, cui conuenit matrimonium in quantum est sa-
cramentum. Vnde huic triplici fini respondet, triplex bonum;
proles, fides, & sacramentum. His positis Dico primo, plurali-
tas vxorum respectu vnus vxoris, est contra ius naturę in pri-
mo gradu, idest intrinsecè mala; quia repugnat primo fini ma-
trimonij. d. Tho. supra. Soc. ar. 3. vnde nunquam id fuit licitum.
Secundo dico, quòd pluralitas vxorum respectu vnus viri,
non est contra ius naturę in primo gradu, ita scilicet vt sit in-
dispensabile, quia non repugnat principali fini matrimonij, tū
quia in veteri lege fuit dispensatum, & fuit vltus apud omnes
gentes. Tercio dico, quòd pluralitas vxorum aliquo modo est
contra ius naturę, quia vt plurimum est contra concordiam,
seu contra secundum bonum matrimonij, tertium autem finē
omnino tollit, quia sicut Christus est vnus, ita vna ecclesia. d.
Thomas supra. ex his inferitur primo, quòd ius naturę non dā-
nat in omni casu per modum precepti pluralitatem vxorum.
Secundo, quòd in iure naturę non esset irritum matrimonium
cum pluribus vxoribus.

Secundum dubium. An pluralitas vxorum olim prohibita
fuerit iure diuino. Resp. Aureol. affirmat. Dur. negat. melius
tamen dicendum puto cum d. Tho. supra. ar. 3. ad 2. fuisse qui-
dem prohibitam iure diuino, non tamen esse ita intrinsecè
malam quin esset dispensabilis. hinc inferitur, quòd sancti pa-
tres licitè habuerunt plures vxores, fuit enim cum illis dispē-
satum saltem per internam inspirationem. Soc. de 3. q. 3. ar. 2.
præterea inferitur, peccasse in hoc gentiles, nisi per ignorantiam
excusarentur. Soc. ibid.

Tertium dubium. An polygamia sit prohibita lege euange-
lica. Resp. affirmatiuè; & est de fide. Matth. 19. & 1. Cor. 7.
item ex cap. gaudemus. de diuorc. & est. de sponsa duor. & ex
can. si quis. 32. q. 7. & definitur ex Trid. sess. 24. can. 2. de sacra-
mentis. denique ex vsu ecclesię, quę id nunquam permittit.
Vnde inferitur, multo magis peccare nunc gentiles qui plures
habent vxores, cum diuina lege euangelij prohibitum sit. &
eadem ratione matrimonium cum prima est validum. cum
alijs verò esset illicitum.

Quartum dubium. An aliquando fuerit licitum habere concubinam? Resp. concubina dupliciter sumitur in scriptura; primo, pro muliere quæ cognoscitur ab aliquo sine fine coniugali, & hoc est peccatum diuina lege prohibitum. Trid. sess. 24. cap. 8. de reform. Secundo sumitur pro muliere quæ cognoscitur ab aliquo sociato vinculo coniugali, tamen differenter ab alijs vxoribus principalibus; sic Abraham, Dauid, Salomon habuerunt concubinas. & harum meminit caput 12. Apostolorum. & habetur cap. si quis. d. 33. & concilium Tolet. primum. cap. 12. & habetur d. 34. can. is qui. quod autem in scriptura hæc sumatur pro vera vxore, probatur Gen. 26. Agar dicitur concubina; & ibid. vxor. similiter alie; vt obseruat August. 1. cin. cap. 34. & in can. 12. Apostolor. nam alioquin illa non esset irregularis. dicuntur autem concubinae secundum aliquos, quia patres habebant vnā vxorem principalem, ceteras autem vocabant concubinas. sed non placet; quia habebant etiā plures principales, vt de Dauide, & Salomone legimus; ratio igitur hæc est; quia licet fuerit vxor, tamen differebat à vera vxore quadrupliciter: Primo, quia erat minoris auctoritatis apud virum. Secundo, quia vxores assumebantur pares nobilitate; at concubinae etiam ignobiles. Tertio, filij concubinarum non succedebant in hereditate, Gen. 25. & ad Galat. 3. Quarto, ex d. Tho. q. 65. art. 5. supra. quia vxores dicebantur ad prolem generandam, & ad mutuum obsequium; sed concubinae ad proli propagationem tantum. & hæc phrasi scripturæ vsi sunt patres. Vnde sic exponendus est canon secundus Apostolorum. & canon non omnis 32. q. 2. & alij similes; vt notat Gratianus d. 34. can. omnibus serius. vbi ait, concubinam dici, quæ cessante legalibus instrumentis vnita est, & coniugali affectu asciscitur. Adde, quod antiqui vocabant concubinas, quæ priuatione in vxores assumebant. & ex his solutum est dubium.

De Bigamia.



Vnde Bigamiam nota primo, Bigamia est. Status coniugati cum duobus coniugibus sine ante, siue post baptismum ductis. can. acutius. d. 26. & exponit Nau. cap. 27. num. 195. Nota secundo, ex d. Tho. supra. Sylu. verb. bigamia, quod bigamia qua-

quæ dupliciter contrahitur. Primo, si quis habet plures uxores de iure successiue. Secundo, cum simul habet plures, vnam de iure, alteram de facto. Tertio, cum habet plures successiue, vnam de iure, alteram de facto. Quarto, quando vidnam ducit uxorem, de secunda dictum est supra. de alijs, hic dicendum. Tertio nota, quod bigamia est triplex: Vera, interpretatiua, & similitudinaria. de qua Nau. supra. & Sylu. verb. bigamia. q. 4. Quarto nota, fuisse hæresim Nonatianorum, & Montani, qui secundas nuptias damnauerunt; quos sequutus est Tertull. l. de monogamia. contra quos August. l. 1. de hæres. cap. 26. Sor. d. 42. q. 3. art. vnico. His positis dico primo, de fide tenendum est secundas nuptias esse licitas. probatur ex d. Paul. ad Rom. 7. & 1. Cor. 7. & ex tit. de secundis nupt. & exemplo sanctorum patrum, vt patet ex Gen. 3. de Abraham, & Deuter. 24. vbi habetur in lege veteri id fuisse præceptum. Nec obstat quod aliquis sanctorum patrum videatur damoate secundas nuptias, vt Chrylost. & habetur in can. hac ratione. 1. q. 1. & Ambros. 1. Cor. 7. nam per hyperbolem loquuntur; eo quod secundæ nuptiæ videntur indicare incontinentiam, & sunt minus perfectæ quàm continentis. eodem modo exponi potest can. de his qui. 31. q. 1. d. Tho. q. 63. art. 1. & Sor. supra. Secundo dico, quod secundæ nuptiæ sunt verum sacramentum, quia continent essentialia matrimonij. Nec obstat, quod non significant coniunctionem Christi cum ecclesia; quia illa significatio vnius cum vna non est de essentia sacramenti; sed solum vt significet coniunctionem; & accidentarium est, quod significet vnitatem; d. Tho. & Sor. supra. Tertio dico, quod omnis bigamia quocunque ex dictis modis contrahatur, inducit irregularitatem, in qua dispensare potest Papa. Sed in aliqua etiam potest Episcopus; vt Nau. cap. 27. num. 193. & seq. Sylu. verb. bigamia. Dices primo, An clericus in minoribus, vel laicus contrahens cum vidua, siue corrupta inualidè ob aliquod impedimentum, efficiatur irregularis? Resp. negatiue, & in sacra pœnitentiaria conclusum est, vt refert Nau. supra. Secundo dices, An qui sine matrimonio habet plures concubinas, sit bigamus, & irregularis? Resp. negatiue, cap. penult. de bigamis. vt docet Nau. supra. num. 196. Dices tertio, An sit irregularis qui contrahit cum dispensata alteri, quæ tamen est virgo? Resp. negatiue, ex cap. debitum. de bigamis; & docet Nau. ibid. Quarto dices, An

(sic ir.

fit irregularis qui cum multis contrahit, non tamen habet copulam nisi cum vna tantum. Resp. negativè, vt ait Nauar. ibidem. & hæc de matrimonio, & septem Sacramentis nouæ legis.

Deo Laus, honor, & Gloria.

Imprimatur.

Petrus Antonius Ghibertus Locumtenens,

*M. Cherubinus Ver. Aug. Theologus Curiz. Archiepiscopalis,
Regist. fol. 27.*

D. Gabriel Lottberius P. Regularis Deputatus vidit.

*Ex commissione Curtij Palumbi Vicarij Gen. Cap. Neapol.
Laurentius Masellius vidit.*

Graviores in prælo lapsus sic corrige.

Pag. lin. 43 12 factus actus 59 13 quarum quorum 18 31 materiam
materie 93 1 presbyteri presbyterij 101 16 confert, vsic confert vsic,
120 5 argumentum augmentum 126 18 confirmatione confirmationem
127 34 trampatrum 33 15 eoque coquod 23 conburrendum conburrendum
30 Polagij Peiagij 143 3 casus causa 23 eiga ergo 144 3 vteas vteas
192 1 at quis definit? at quis definit? 194 15 filigne filigine 157 4 quie
quin 180 29 conuerit conuersi 181 31 cum cum 183 5 gestum gustum
9 digerire dgerere 184 25 constitutum constitutum 39 quod quod 189 15
debere deberet 34 numerabilis numeralis 197 39 coports corporis 203 22
destruendum destruendo 207 22 conuersionalis intentionalis 221 1 sic hic
233 13 facit faciat 1 Dominum Deemonum 375 13 loquuntur loquuntur
384 36 sextus sexta 472 480 13 7 conseruare consecrare 478 15 confir-
matus consecratus 490 20 ignoras ignorans 492 33 consienti consentiendi 501
11 confessione confessione. Resp. non eriri nisi ex confessione sacramentali, &c.
534 29 sacerdos sacerdotes 536 30 Vndecimium Duodecimum 681 2 doden-
eudem 689 17 teneas an teneat 714 29 Dices tertio, Tertio.

Reliqua notiora in typis errata, legenti patent.

BIBLIOTHECA
R. C. S.
MUSEI
VATICANI

INDEX TRACTATVVM, CAPI- tum, ac dubiorum, quæ in hoc libro continentur.

TRACTATVS PRIMVS, de Sacramentis in genere.

Caput I. De natura, & defini- tione Sacramenti.

Primum dubium. Quid est
Sacramentum. fol. 3

Secundum dub. Quomodo Sa-
cramenta noua legis sint ve-
rè, & propriè causa gratiæ. 7

Tertium dub. De modo causali-
tatis Sacramentorum. 14

Quartum dub. An definitio as-
signata vniuocè cõueniat Sa-
cramētis Veteris, & noua le-
gis. 32

Quintum dub. Quænam sint in
quolibet Sacramento. 32

Sextum dub. An verbum quod
accedit ad elementum, sit de-
terminatum. 33

Septimum dub. An qualibet va-
riatio formarum irritet Sa-
cramentum. 34

Caput II. De Ministro Sacra- mentorum.

Primum dubium; An Mini-
stri hæretici, & peccatores,
verè conficiant Sacramēta. 39

Secundum dub. An bonus Mi-
nister ratione gratiæ sacra-
mentalæ, & characteris, ma-

iorè gratiam conferat in Sa-
cramēti administratione. 42

Tertium dub. An Ministri ad-
ministrantes Sacramēta in
peccato mortali, semper pec-
cent. 42

Quartum dub. An Sacramētum
collatum à Ministro existen-
te in peccato mortali, sit vali-
dum. 43

Quintum dub. An qui in pecca-
to mortali exercent aliquem
sacrum actum, semper peccēt
mortaliter nisi habeant con-
tritionem. 44

Sextum dub. Quid de laicis? An
peccent sumendo Sacramēta
à Ministris quos sciunt esse
peccatores. 45

Septimum dub. An ad Sacra-
mentis valorem requiratur in-
tentio Ministri. 48

Octauum dub. Qualis debet esse
intentio Ministri. 49

Nonum dub. Hæc prædicta in-
tentio virtualis, quantum
durare potest. 50

Caput III. De necessitate Sa- cramentorum.

Dubium vnicum. An Sa-
crāmēta noua legis sint
necessaria ad salutem. 52

✱ Caput

I N D E X.

Caput IV. De effectu Sacramentorum.

Primum dub. An omnia Sacramenta nouæ legis causent gratiam. 51

Secundum dub. De essentia characteris, & eius effectibus. 51

Tertium dub. In quo subiecto sit character. 55

Quartum dub. An in Christo sit character. 56

Quintum dub. An per omnia Sacramenta nouæ legis imprimatur character. 56

Caput V. De causa Sacramentorum.

Caput VI. De numero Sacramentorum. 57

Dubium unicum. An Sacramenta nouæ legis sint septem. 59

TRACTATUS SECVNDUS. De Baptismo.

Caput I. Quid sit Baptismus. 62

Caput II. De materia Baptismi.

Primum dubium quod duplex est materia Baptismi. 63

Secundum dub. Quales debeat esse aqua Baptismi. 65

Tertium dub. De secundaria, & propinqua materia Baptismi, id est de ablutione, & modo applicandi aquam in Baptismo. 67

Quartum dub. An sine peccato possit omitti trina immersio. fol. 68

Quintum dub. An sit necesse eodem momento, & puncto temporis, concurrere simul materiam Baptismi cum prolatione verborum forma. 69

Sextum dub. Hac ablutio cui par ti corporis est applicanda. 69

Septimum dub. Si quis puer in articulo mortis constitutus inopia aquæ præceretur ab aliquo in puteum, & ille dicat, ego te baptizo, &c. An esset baptizatus? 70

Octauum dub. An Baptismus iterari possit. 71

Nonum dub. An sint tria baptismata. 71

Caput III. De forma Baptismi. & primo de Græcâ.

Primum dubium. An si latinus apud nos Baptizaret forma græcorum, Baptismus esset validus, & An is peccaret. 73

Secundum dub. An si quis in baptismo utatur hac forma: Baptizet te Christus. Vel sic: Baptizeris à Christo: An sit verum Baptisma. 74

De forma Baptismi Romana. 74

Tertium dub. Circa personam ministri. An si quis Baptizans grauitatis causa sic diceret: Nos te baptizamus, &c. sit validus

I N D E X.

- validus Baptismus.* 75
Quartum dub. Circa suscipien-
tem. An exprimi debeat per-
sona quæ baptizatur. 75
Quintum dub. Circa ipsum actum.
Cur opus sit ipsum exprime-
re. 76
Sextum dub. Circa causam prin-
cipalem. An sit verus Baptis-
mus si quis dicat: ego te Ba-
ptizo in nominibus Patris, &
Filij, & Spiritus sancti. 77
Septimum dub. An in baptismo
sit necessaria expressa distin-
ctio personarum, an sufficiat
unam tantum exprimere. 78
Octavum dub. An teneat Baptis-
mus si fiat in nomine genito-
ris, geniti, & procedentis ab
utroque. 80
Nonum dub. An liceat addere
aliquid forma. 80
Decimum dub. Quid si in forma
brevitatis causa omitteretur
ego, & Amen. 80

Caput IV. De Ministris

- P***rimum dub. An baptizare*
competat ex officio Sacerdo-
ti. 80
Secundum dub. An laicus vali-
de baptizet in extrema neces-
sitate. 81
Tertium dub. An femina vali-
de baptizet. 81
Quartum dub. An Iudeus, siue
Paganus, id est non baptiza-
tus, valide baptizetur. 82

- Quintum dub. Quo loco, tempore,*
& ordine non Sacerdotes
debet baptizare ne peccet. 83
Sextum dub. An in Ministro
requiratur intentio. & qua-
lis. 84
Septimum dub. An plures pos-
sint unum baptizare. 84
Octavum dub. An in baptismo
requiratur qui leuet bap-
tizatum de fonte. 86

Caput V. De suscipientibus Baptismum.

- P***rimum dubium. An infan-*
tes sint baptizandi. 88
Secundum dub. An baptizandi sint
infantes in maternis uteris. 89
Tertium dub. An pueri infide-
lium sint baptizandi in utero
parentibus. 89
Quartum dub. An qui baptizā-
tur in lecto morituri, valide
baptizentur. 92
Quintum dub. An mortui, vel
qui pro mortuis possint ba-
ptizari. 93
Sextum dub. An peccatores sint
baptizandi. 93
Septimum dub. Qualis debeat
esse baptizando adulto pecca-
tore displicentia de peccatis. 93
Octavum dub. An requiratur
fides in eo, qui baptizatur. 94
Nonum dub. An suscipienti bap-
tismus sit necessaria inten-
tio, seu voluntas, & liber con-
sensus suscipiendi. 95

Decimum dub. An furiosi, phre-
netici, & amentes sint bapti-
zandi. 96

Vndecimum dub. An monstru-
si baptizandum unico bap-
tismo. 97

Duodecimum dub. An differri
possit baptismus. 98

Caput VI. De effectibus Ba-
ptismi.

Primum dub. Qui sunt effe-
ctus baptismi. 98

Secundum dub. An effectus ba-
ptismi omnes sint aequales in
omnibus baptizatis. 101

Tertium dub. An fictio impedit
effectum baptismi. 101

Quartum dub. An recedente fi-
delione, baptismus sortiatur
suum effectum. 102

Caput VII. De ceremonijs, &
ritibus Baptismi.

Primum dubium. Quo tem-
pore baptismus Christi fuit
institutus. Et quo tempore
capit obligare. 101

Secundum dub. Qua preparatoria
requiruntur in baptismo. 103

Caput VIII. De necessitate
Baptismi.

Primum dubium. Qualis est
baptismi necessitas. 105

Secundum dub. An Apostoli sint
baptizati. 106

Tertium dub. Præceptum baptis-
mi quo tempore obligat. 106

TRACTATUS TERTIVS,
De Sacramento confir-
mationis.

Caput I. Quid est confirmatio?
& An sit Sacramentum.

Dubium unicum. Quid est
confirmatio. Et an sit Sa-
cramentum. 108

Caput II. De materia confir-
mationis.

Primum dub. Materia chris-
matismatis videtur esse manuum
impositio. 113

Secundum dub. An sufficiat oleum
sine balsamo. 113

Tertium dub. An chrisma, seu
materia confirmationis de ne-
cessitate Sacramenti debeat
ab Episcopo consecrari. 114

Quartum dub. Si quis oleo in-
firmorum confirmaretur, an
esset Sacramentum. 115

Quintum dub. An simplex Sa-
cerdos possit benedicere chris-
ma. 115

Caput III. De forma confir-
mationis.

Primum dub. Cur hec forma
non est in scriptura. 116

Secundum dub. An hec forma
sit de iure diuino. 116

Caput

INNE DE EX!

Caput IV. De fine, seu effectu
Sacramenti Chriftmatis.

D Vbium unicum. Qui sunt
eff. Etus Chriftmatis. 117

Caput V. De ministro con-
firmationis. 118

D Vbium unicum. Quis est
Minister confirmationis.
fol. 120

Caput VI. De fufcipiente.

P Rimum dub. Quae difpofitio
fit neceffaria accedentibus
ad hoc Sacramentum. 123

Secundum dub. Quanam etas
requiratur in fufcipiente hoc
Sacramentum. 124

Tertium dub. An muti, furdi,
& amentes poffint confirma-
ri. 125

Quartum dub. An fit praeceptū
fub peccato mortali de cōfir-
matione. 125

Caput VII. De ritu, & annexis
confirmationis.

P Rimum dub. An fit de effen-
tia ut Vñtio, & crux fiant
in fronte, &c. 127

Secundum dub. An debeat effe
fufceptor in chrifmate. 127

Tertium dub. An fit locus, &
tempus ftatutum chrifmati.
fol. 128

Quartum dub. Quid fignificat
alapa, quae datur in Confir-
matione. 128

TRACTATUS QVAR- tus de Sacramento Euchariftiae.

Caput I. De differentia inter
Sacramentū, & facrificiū. 129

Caput II. De vfu Eucharistiae. 131

Caput III. De nominibus, & fi-
guris, quibus Euchariftia fi-
guratur in fcripturis. 136

Caput IV. De effentia Eucha-
riftiae.

P Rimum dub. Quid est Sa-
cramentū Euchariftiae. 139

Secundum dub. Quibus de cau-
fis instituta est Euchariftia.
fol. 140

Tertium dub. Haec definitio Eu-
chariftia cui cōpetit, &c. 140

Quartum dub. An hoc Eucha-
riftia Sacramentum fit vñtū
Sacramētum, vel plura. 144

Caput V. An hoc Euchariftiae
Sacramentum fit de neces-
fitate falutis. 145

Caput VI. De materia Eu-
chariftiae.

P Rimum dub. Vtrum mate-
ria huius Sacramenti fit pa-
nis, & vinum. 147

Secundum dub. An confecratio
vtriusq; Speciei ita fit de iu-
re

I N D E X.

- re diuino, ut Ecclesia non possit dispensare in ea regione, ubi nulla est copia vini.* 148
- Tertium dub.** *An requiratur determinata quantitas panis, & vini ad materiam huius Sacramenti.* 150
- Quartum dub.** *An minus minimo naturalis sit consecrabile, &c.* 151
- Quintum dub.** *An materia consecranda debeat esse presens. fol.* 151
- Sextum dub.** *Quae intentio requiratur consecratis presentem materiam.* 153
- Septimum dub.** *An una pars hostia possit consecrari sine alia.* ibid.
- Octauum dub.** *An panis debeat esse triticeus.* ibid.
- Nonum dub.** *An ex filigine possit fieri panis, qui sit apta materia huius Sacramenti.* 154
- Decimum dub.** *An ex spelta possit confici panis qui sit materia Eucharistiae.* ibid.
- Vndecimum dub.** *An ex farre possit confici materia Eucharistiae.* 155
- Duodecimum dub.** *An ex amydo, seu amylo possit confici panis aptus ad materiam Eucharistiae.* 156
- Decimum tertium dub.** *An panis confectus ex tritico, sed permixtus cum alio frumento, sit apta materia Eucharistiae.* 156
- Decimum quartum dub.** *An in massa, seu pasta cruda fieri possit consecratio.* 157
- Decimum quintum dub.** *An si panis pinsetur ex aqua rosea, vel alia quam elementaria, possit esse materia Eucharistiae.* 157
- Decimum sextum dub.** *An hoc Sacramentum sit in azymis, an in fermentato conficiendum.* 158
- Decimum septimum dub.** *Quale vinum (an vitis) sit aptum calici.* 162
- Decimum octauum dub.** *An permixtio aquae cum vino in calice sit de necessitate huius Sacramenti.* 164
- Decimum nonum dub.** *An repugnet per diuinam potentiam idem corpus numero esse posse in duobus locis.* 167
- Vigesimum dub.** *An substantia panis, & vini maneat ita ut sint duae substantiae, videlicet panis, & Christi.* 177
- Vigesimum primum dub.** *An saltem maneat pars substantiae panis, videlicet materia.* 180
- Vigesimum secundum dub.** *An substantia panis, & vini totalis resoluator in aliam materiam.* 183
- Vigesimum tertium dub.** *Cum substantia panis, & vini in se non maneant in Sacramento, an saltem maneant sub alio esse.* 183

Vige-

I N N E D I E X I

Vigefimum quartum dub. An substantia panis, & vini annihilatur. 188

Vigefimum quintum dub. An corpus Christi incipiat esse sub Sacramēto sine reali mutatione. 191

Vigefimum sextum dub. In quo genere motus sit illa mutatio, qua Christus ponitur in Sacramento. 194

Vigefimum septimum dub. An sit illa mutatio, qua Christus ponitur in Sacramento. 194

Vigefimum septimum dub. An sit per motum localem, an per productionem. 198

Vigefimum octauum dub. An hac mutatio licet non sit propria, & simpliciter motus localis, sit tamen motus localis improprie, & secundum quid. 197

Vigefimum nonum dub. An hac mutatio sit productio. 199

Trigefimum dub. An sit possibile per Dei potentiam absolute, quodlibet ens conuerteri in quodlibet ens. 206

Trigefimum primum dub. An possit conuerteri panis in Christum, ut in cælo manentem, nec in altare descendere. 207

Trigefimum secundum dub. An materia panis destruatutur tamquam impossibilis materia, vel forma Christi. 208

Trigefimum tertium dub. An prius natura desinat substan-

tia panis, quā adueniat substantia corporis Christi. 208

Trigefimum quartum dub. Quibus modis loquendum est circa Eucharistiam, ne incidamus in hæresim. 209

Trigefimum quintum dub. An totus Christus contineatur sub hoc Sacramento. 211

Trigefimum sextum dub. Corpus Christi, quod ex vi Sacramenti sub specie panis reperitur, quid præcisè includit. ibid.

Trigefimum septimum dub. An totus Christus contineatur sub utraque specie in hoc Sacramento. ibid.

Trigefimum octauum dub. An totus Christus sit sub qualibet parte Specierum panis, & vini. 212

Trigefimum nonum dub. An sub una parte hostie sit Christus sibi continuus, ut existenti in alia parte, an tantum continuus. 213

Quadragesimum dub. Si Christus est sibi discontinuus, & est in omnibus partibus proportionalibus, cum illa si essent actu diuisa essent infinitæ, ergo cum Christus sit sibi discontinuus, erit actu ibi infinitus. 214

Quadragesimum primum dub. Corpus Christi est sub quolibet puncto, &c. 215

Quadragesimum secundum dub. An

I N D E X.

- An in hoc Sacramento sit quantitas dimensiva corporis Christi.* 215
- Quadragesimum tertium dub. An corpus Christi sit in Sacramento definitivè.* 217
- Quadragesimum quartum dub. An corpus Christi, ut est in Sacramento realiter ita moveatur, ut sit verum subiectum lationis.* 217
- Quadragesimum quintum dub. An corpus Christi moveatur physicè à mouente hostiam, vel à Deo tantum.* 219
- Quadragesimum sextum dub. Corruptis speciebus sacramentalibus, quomodo desinat ibi esse Christus.* 221
- Quadragesimum septimū dub. An corpus Christi miraculosè possit ab aliquo oculo videri. & An oculus Christi in Sacramento videat seipsum, an totum corpus.* 224
- Quadragesimum octauum dub. An Christus ut est in Sacramento, oculo corporali videat ea quæ Sacramentum circumstant, idest altare, Sacerdotem, &c.* 225
- Quadragesimum nonū dub. An corpus Christi, ut est in Sacramento sit naturaliter visibile intellectui viatoris.* 227
- Quinquagesimum dub. Quando apparet miraculosè caro, vel puer, est ne ibi verè corpus Christi?* 227
- Quinquagesimum primū dub. An species Sacramentales possint nutrire aliquid, vel concurrere materialiter ad aliquid cuius reuelationis productio.* 229
- Quinquagesimum secundū dub. An agēs naturale possit corrumpere omnes species Sacramentales naturaliter, &c.* 229
- Quinquagesimum tertium dub. Quando ex speciebus generatur vermis, vel mustum quid, vel nutriri hominē comedentem, per quam materiam nutritur.* 231
- Quinquagesimum quartū dub. Quomodo rarefiit, & addensantur species Sacramentales.* 236
- Quinquagesimum quintū dub. An vino cōsecrato possit admisceri alius liquor non consecratus, &c.* 238
- Quinquagesimum sextum dub. Si multum aqua infundatur in species consecratas, an desinat ibi esse Sacramētū.* 238
- Quinquagesimum septimū dub. Si aqua sit minor vino, utriū corrūpat aliquid Sacramenti vini.* 239
- Quinquagesimum octauū dub. Si liquor appositus vino consecrato sit eiusdem speciei cū vino consecrato, & eandem qualitatum, an corrumpatur aliquid vini consecrati.* 240
- Quinquagesimum nonum dub. Cum*

I N D E X

eum vinum admistum est
eiusdem speciei in substan-
tia, nō in qualitatibus, quid
inde sequitur. 240

Sexagesimū dub. Quid si san-
guis admisceatur alius li-
quor? 241

Caput VII. De forma Eu- charistiae.

Primum dub. Quibus ver-
bis fit consecratio. ibid.

Secundum dub. An Christus
consecravit iisdem verbis,
quibus nos. 242

Tertium dub. An sacerdos pro-
ferat haec verba Christi, re-
citatiue, an significatiue, an
indicatiue, an personaliter,
an demonstratiue. 243

Quartum dub. In consecratio-
ne panis, pronomen (hoc) pro
quo supponit pro pane, an
pro corpore Christi. 246

Quintum dub. An illa conuer-
sio panis in corpus Christi
sit de primo intellectu, an de
secundo intellectu. 247

Sextum dub. An ista propositio
Hoc est corpus meū, sit ve-
ra dum proferitur. 247

Septimum dub. An haec forma
sit decens, &c. 249

Octauum dub. Cum actio con-
uersiua ponat Christum in
Sacramento, debuit poni ver-
bum transitus, non consisten-
tia, &c. 250

Nonum dub. Cur non dixit:

Hæc est caro mea, &c. ibid.

Decimum dub. Cum hic non
exprimitur, minister sicut
in alijs Sacramentis. ibid.

Undecimum dub. Cur non di-
cit Sacerdos, Hoc est corpus
Christi, &c. ibid.

Duodecimum dub. Cum mul-
ta verba proferantur in co-
secranda Eucharistia, quæ
verba sunt de essentia, &c.
fol. 251

Decimum tertium dub. Si quis
solum proferat verba essen-
tialia, an peccet mortaliter.
fol. 252

Decimum quartum dub. An in
calice consecrando sint essen-
tialia omnia verba usq; ad
illud: In remissionem pec-
catorum, &c. 252

Caput VIII. De effectu Eucha- ristiae, & de sacrificio Missæ.

Primum dub. Qui sunt ef-
fectus Eucharistiae. 254

Secundum dub. An Eucha-
ristia conferat primam gra-
tiam qua impius iustifica-
tur. 256

Tertium dub. Quando Eucha-
ristia confert gratiam, dum
recipitur seu deglutitur, an
postquam sumpta est seu dū
in stomacho cōseruatur. 257

Quartum dub. Quomodo Eu-
charistia operatur predictos
effectus. 258

* *

Quin-

*Quintum dub. An conferatur
maior gratia sub utraq; spe-
cie, quàm sub altera. 259*
*Sextus dub. An qui in voto spi-
ritualiter solum communi-
cat, recipiat effectum. ibid.*
*Septimum dub. An hoc Sacra-
mentum proficiat alijs quàm
sumentibus. 261*
*Octavum dub. An decidentia
remaneant sine subiecto in
hoc Sacramento. ibid.*

De sacrificio Missæ.

P*rimum dub. Vnde dicitur
Missæ, & quid sit. 263*
*Secundum dub. An Christus
sacrificauerit in ultima cœ-
na. 266*
*Tertium dub. A quo fuerit in-
stitutum hoc sacrificium, &
quando. ibid.*
*Quartum dub. Missa in quot
partes diuiditur, & quid si-
gnificent. 267*
*Quintum dub. In qua parte
Missa consistit hoc sacrifi-
cium. 269*
*Sextum dub. An hoc sacrifici-
um sit propitiatorium, an Eucha-
risticum. ibid.*
*Septimum dub. Quo modo pro-
dest missa, ex opere operato,
an ex opere operantis. & ad
quid prodest. ibid.*
*Octavum dub. Quibus prodest
hoc sacrificium. 271*
Nonum dub. Quo modo valet

missa. 272
*Decimum dub. An missa sit va-
loris infiniti. 273*
*Undecimum dub. An sacerdos
accipiens eleemosynā ab uno
pro missa, defraudet illum si
applicet eandem missam pro
alio offerente aliam eleemo-
synam. 275*
*Duodecimum dub. Pro quibus
sit offerendum sacrificium
missæ. 277*
*Decimum tertium dub. Quo tē-
pore missa sit celebrāda. 280*
*Decimum quartum dub. An sit
peccatum mortale celebrare
ante dictas horas matutinas.
sol. 281*
*Decimum quintum dub. Quo
in loco sit celebrāda missa.
sol. ibid.*
*Decimum sextum dub. An sit
celebrādam in altari. 282*
*Decimum septimum dub. An li-
ceat Sacerdoti sacrum facere
sine vestibus sacris, & cultui
dinino dicatis. 283*
*Decimum octauum dub. Quid
significent caeremonia missæ.
sol. ibid.*
*Decimum nonum dub. Quæ sūt
sacræ vestes in sacrificio al-
taris. & quid significāt. ibid.*
*Vigesimum dub. An hac omnia
indumenta debeant esse ne-
cessario benedicta. 285*
*Vigesimum primum dub. An
liceat dicere Missam sine ca-
lice, & patena. 286*

Vige-

I N D E X.

Vigesimum secundum dub. An liceat celebrare sine lumine.
fol. 287

Vigesimum tertium dub. An liceat Sacerdoti soli celebrare sine assistantibus. ibid.

Vigesimum quartum dub. Quis fuit auctor Missæ. 288

Vigesimum quintum dub. Circa defectus Missæ quid agendum, &c. ibid.

Caput IX. De Ministro.

Primum dub. Ad quem spectat consecratio Eucharistiæ. 289

Secundum dub. An plures Sacerdotes possint unam, & eandem hostiam consecrare. ibid.

Tertium dub. An dispensatio Eucharistiæ pertineat ad proprium Sacerdotem. ibid.

Quartum dub. An liceat cuique Sacerdoti etiam simplici Eucharistiam indifferenter populo ministrare.
fol. 290

Quintum dub. An Sacerdos teneatur sumere Eucharistiā.
fol. ibid.

Sextum dub. An liceat Sacerdoti consecrare post cibum sumptum ad communicandū infirmum, qui est in extrema necessitate. 291

Septimum dub. An Sacerdos sumpta ablutione possit in Missa recipere reliquias,

quas reperit in corporali. ibid.

Octavi dub. An Sacerdos possit nō ieiuno infirmo ministrare hoc Sacramentum. 292

Nonum dub. Quæ dispositio sit necessaria celebranti. ibid.

Decimū dub. An Sacerdos existens in peccato mortali, vere consecrat. 293

Vndecimum dub. An heretici, schismatici, ac degradati, &c. possint consecrare. 294

Duodecimum dub. An plus valeat Missa boni Sacerdotis, quàm mali. ibid.

Decimum tertium dub. An Sacerdos teneatur aliquando celebrare. 275

Caput X. De suscipiente.

Primū dub. An satis sit semel in vita communicare adimplendum præceptum, et quo tempore obligat. 297

Secundum dub. An qui tempore Pasche prætermittit communionem, teneatur sub nouo præcepto post illud tempus communicare, an possit differre in alium annum. 298

Tertiū dub. An ad satisfaciendum præcepto opus sit communicare sub utraq; specie.
fol. 299

Quartū dub. Qui tenetur præcepto communionis. ibid.

Quintum dub. An ad sumendam Eucharistiam sufficiat

* * 2 pro

I N D E X.

pro dispositione fides. 300
 Sextum dub. An expediat omnibus quotidie communica-
 re. *ibid.*
 Septimum dub. An sit danda
 Eucharistia adultis qui ha-
 bent impeditum usum ra-
 tionis, &c. 301
 Octauum dub. An ecclesiastici
 teneantur ex precepto com-
 municare plures, quàm in
 paschaz. *ibid.* 302
 Nonum dub. An sumptuosus
 Eucharistiam debeat esse ie-
 iunus, & quomodo. *ibid.*
 Decimum dub. An quis possit
 communicare ita dispositus,
 ut neq; gratiam recipiat, ne-
 que committat nouum pecca-
 tum. *ibid.* 303
 Undecimum dub. An suscipi-
 ta sit necessaria confessio ante
 communionem, an verò su-
 ficiat sola contritio cum pro-
 posito confitendi peccata semel
 in anno. *ibid.*
 Duodecimum dub. An sit du-
 plex peccatum accedere ad
 Eucharistiam sine confes-
 sione. *ibid.* 304
 Decimum tertium dub. An sint
 aliqui casus, quibus liceat
 suscipienti sine praua con-
 fessione communicare. *ibid.*
 Decimum quartum dub. An
 sola verecundia possit excu-
 sare à confessione prætermi-
 tenda, &c. 305
 Decimum quintum dub. An sit

neganda Eucharistia publi-
 ce peccatori penitenti. 306
 Decimum sextum dub. An pec-
 cati occulto danda sit Eu-
 charistia. *ibid.* 307
 Decimum septimum dub. An
 peccata venialia impediant
 effectum Eucharistiae, &c. 308
 Decimum octauum dub. An
 immunditia corporalis impe-
 diat sumptionem Eucharis-
 tiae. 309
 Decimum nonum dub. An pol-
 lutio nocturna impediat sup-
 ptionem Eucharistiae. *ibid.*
 Vigessimum dub. An post com-
 munionem liceat alicui pete-
 re debitum. *ibid.* 311

TRACTATUS QVIN- tus. De Sacramento penitentiae.

Caput I. Complectitur non
 nulla dubia.

Primum dub. An detur pe-
 nitentia post lapsum. 312
 Secundum dub. An penitentia
 sit Sacramentum nouæ legis. 313
 Tertium dub. Quæ sit huius Sa-
 cramenti materia. 314
 Quartum dub. An huius Sa-
 cramenti forma sit hæc. Ab-
 soluo te. 315
 Quintum dub. Ex omnibus his
 verbis: Ego te absoluo, &c.
 quæ verba sunt essentialia &
 sol. 317

Sextum

- Sextum dub. An impositio manuum Sacerdotis requiratur in hoc Sacramento.* 318
- Septimum dub. Quis huius Sacramenti minister?* ibid.
- Octauum dub. Quis effectus huius Sacramenti?* ibid.
- Nonum dub. An hoc Sacramentum sit de necessitate salutis.* ibid.
- Decimum dub. An Sacramentum pœnitentie recte fuerit institutum in lege noua. & ubi.* 319
- Vndecimum dub. An hac pœnitentia debeat durare usq; ad finem vite.* ibid.
- Duo decimum dub. An pœnitentia de peccatis, ut sunt offensa Dei, sit de lege nature.* 320
- Decimum tertium dub. An Sacramentum pœnitentie pluries iterari possit.* 322
- Decimum quartum dub. Quid est pœnitentia.* 323
- Decimum quintum dub. An hac sit definita pœnitentia sit virtus.* 324
- Decimum sextum dub. An pœnitentia subiecketur in voluntate.* 325
- Decimum septimū dub. In quibus potest esse pœnitentia.* 326
- Decimum octauum dub. An principium pœnitentie sit ex timore.* 327
- Decimum nonum dub. An pœnitentia que nascitur ex timore serui sit bona.* 328
- Vigefimum dub. An ad veram pœnitentiam. & iustificacionem requirantur omnes illi sex actus supradicti in dubio.* 18. 329
- Vigefimum primum dub. An actus pœnitentia sit posterior actu dilectionis. & an uterque iste actus sit posterior habitibus infusis, & ipsa gratia.* 330
- Vigefimum secundum dub. An de lege ordinaria sit necessaria pœnitentia necessitate medij ad remissionem peccatorum.* 332
- Vigefimum tertium dub. An de potetia Dei absoluta remitti possit peccatum sine pœnitentia.* 335
- Vigefimum quartum dub. An per ordinariam, vel absolutam Dei potentiam unum peccatum possit remitti sine alio.* 336
- Vigefimum quintum dub. An per pœnitentiam remittatur culpa, manente interdum reatu pœna temporalis.* 337
- Vigefimum sextum dub. An remisso peccato mortali per pœnitentiam, remaneant reliquia peccati.* 338
- Vigefimum septimum dub. An pœnitentia sit causa remissionis peccati, & iustificacionis.* ibid.
- Vigefimum octauum dub. An ad remissionem peccati venialis*

I N D E X.

- nialis sit necessaria pœnitē-*
tia aēualis. 339
Vigesimum nonum dub. An
peccatū veniale remittatur
per Sacramenta, & Sacra-
mentalialia ex opere operato.
fol. 340
Trigesimum dub. An in purga-
torio remittatur peccatum
veniale. 341
Trigesimum primum dub. An
peccatum veniale possit re-
mitteri sine mortali. 342
Trigesimum secundum dub. An
peccata dimissa redeant per
siquens peccatum. 343
Trigesimum tertium dub. An
per pœnitētiā virtutes re-
stituuntur, & gratia, &c.
fol. 344
Trigesimū quartum dub. An
per pœnitentiā restituatur
homo in pristinam dignita-
tem. *ibid.*
Trigesimum quintum dub. An
virginitas recuperari possit
per pœnitentiā. 345
Trigesimum sextum dub. An
opera virtutum mortificen-
tur per peccatum mortale.
fol. 345
Trigesimum septimū dub. Quæ
sint partes integrales pœni-
tentiæ. 346

Caput II. De peccato in
genere.
Primum dub. *Quid est pec-*
catum. 347

Secundum dub. Quotuplex est
peccatum. 349
Tertium dub. De circumstātijs
peccati. & quid est circum-
stantia. 351
Quartū dub. An circumstantia
mutet speciem peccati, vel
aētus humani seu, An pecca-
tum distinguatur specie à
circumstātijs. 352
Quintum dub. An circumstā-
tia quæ mutat speciem aētus,
semper aggrauat in infini-
tum, ut de veniali fiat mor-
tale. 354
Sextum dub. An circumstantia
temporis sacri addat aētui
nouam speciem. 355
Septimum dub. An circumstā-
tia loci mutet speciem. 356
Octauū dub. Quæ comparatiō
peccatorum? 357
Nonum dub. An sit maius pec-
catum primum quod quis cō-
mittit in aliqua specie, quàm
secundū in eadem specie. 358
Decimum dub. An continuatio
eiusdē peccati sit circumstan-
tia aggrauans. 358
Vndecimum dub. An circum-
stantia personæ reddat gra-
uius peccatum. 359
Duodecimū dub. Quod est su-
biectum peccatorum. 360
Decimum tertium dub. Quan-
do motus appetitus sensitiui
est peccatū mortale, vel ve-
niale. 361
Decimum quartum dub. Qua-

le

I N D E X.

*le peccatum est hic motus, et
 ex causa libera prouenit.* 362
*Decimum quintum dub. An
 peccatum veniale per multi-
 plicationē actus efficiat unū
 mortale.* 363
*Decimum sextum dub. An pec-
 catū veniale ex sua natura
 possit fieri mortale. vel con-
 tra.* 365
*Decimum septimum dub. An
 idem actus possit esse pecca-
 tum veniale, & mortale si
 mul, vel successiue.* 366
*Decimum octauum dub. Qua
 sunt causa peccatorū in ge-
 nere.* 367
*Decimum nonū dub. An igno-
 rantia sit causa peccati.* 368
*Vigesimum dub. An ignoran-
 tia sit peccatum.* *ibid.*
*Vigesimum primum dub. Quid
 requiritur ad ignorantiam
 inuincibilem, seu non culpa-
 bilem.* 370
*Vigesimum secundum dub. Cir-
 ca quæ versetur ignorantia
 inuincibilis.* 371
*Vigesimum tertium dub. An
 ignorantia omnino excuset
 à peccato.* 372
*Vigesimum quartum dub. An
 ignorantia diminuat pecca-
 tum.* 373
*Vigesimum quintum dub. An
 volūtas possit moueri ab ap-
 petitu sensitiuo.* 374
*Vigesimum sextum dub. Quid
 est peccare ex malitia.* 376

*Vigesimum septimum dub. An
 Deus possit esse causa pecca-
 ti.* *ibid.*
*Vigesimum octauum dub. An
 Diabolus sit causa peccati.
 & quomodo?* 377
*Vigesimum nonum dub. An ho-
 mo homini sit causa peccati.
 ibid.*
*Trigesimū dub. Quomodo unū
 peccatum sit causa alterius
 peccati.* 378
*Trigesimum primum dub. Quæ
 sunt partes peccati.* *ibid.*
*Trigesimum secundum dub. Qui
 sunt effectus peccati.* 379

TRACTATUS SEXTVS.

De contritione.

Caput vnicum. Continet ali-
 quot dubia.
Primum dub. Quid est con-
 tritio. 382
 Secundum dub. An cōtritio, &
 attritio differant specie, ita
 ut attritio non possit fieri
 contritio. 384
 Tertium dub. An per contritio-
 nem remittatur tota pœna
 peccati. 388
 Quartum dub. An de singulis
 peccatis opus sit habere di-
 stinctas contritiones, an suf-
 ficiat vna de omnibus in ge-
 nerali. *ibid.*
 Quintum dub. De quo debeat
 esse contritio. 390
 Sextum dub. An contritio sit
 neces-

I N D E X.

neceſſaria ad ſalutem. 391
Septimum dub. An dolor con-
tritionis debeat eſſe maxi-
mus omnium dolorum, an
quilibet dolor ſufficiat ad re-
mittenda peccata. 392
Octauum dub. An eſſe debeat
maior dolor de vno peccato,
quàm de alio. 395
Nonũ dub. An debeamus ma-
gis dolere de peccato proprio,
quàm de peccato proximi. ibid.
Decimum dub. An requiratur
continuitas doloris, ſeu con-
tritionis ad remiſſionẽ pec-
cati. ibid.
Vndecimum dub. An ſit præ-
ceptum de contritione. 396
Duodecimum dub. An poſt hãc
vitã ſit locus pœnitentia. ibid.
Decimum tertium dub. An ex-
pediat continuò de peccato
dolere, & per totã vitã. ibid.
Decimum quartum dub. An ſit
præceptum diuinum de con-
tritione. & quando obligat.
fol. 397
Decimum quintũ dub. An de-
tur cumulus peccatorum ita
ut quis canteri non poſſit, &
idcirco pereat ſalus eius. 400

TRACTATVS SEPTI- mus. De confeſſione Sa- cramentali.

Caput I. De neceſſitate confeſſionis.

Primũ dub. An confeſſio ſit
 de neceſſitate ſalutis. 407

Secundum dub. Quando præ-
ceptum confeſſionis obligat.
fol. 413
Tertium dub. An de omnibus
peccatis ſit neceſſaria confeſ-
ſio. 415
Quartum dub. An qui non ha-
bet niſi venialia, teneatur
Conſiteri ſemel in anno. 416
Quintum dub. An religioſi ra-
tione alicuius ſtatuti, cum
non habeant mortale, teneã-
tur conſiteri venialia. 417
Sextũ dub. An omnes homines
teneantur ex præcepto conſi-
teri. ibid.
Septimum dub. In qua atate
incipit obligare hoc præcep-
tum. 418
Octauum dub. An ſit neceſſa-
rium votum, ſeu voluntas
cõſitendi in aliquo caſu. ibid.
Nonum dub. An hoc præceptũ
confeſſionis obliget certo tẽ-
pore, ideſt in Quadrageſima;
vel ſatis eſt ſemel in anno
quandocunq; conſiteri. 419
Decimum dub. An qui ſemel in
anno, vel in Quadrageſima
nõ eſt confeſſus, teneatur ſta-
tim conſiteri; an expectare
poſſet ſequentem Quadrage-
ſimam anni ſequentis. ibid.
Vndecimum dub. An qui dum
cõſiteretur oblitus eſt alicu-
ius peccati, teneatur adhuc
conſiteri ſi poſt Paſcha illius
recordetur. 420
Duodecimum dub. An qui pro-
babitur

I N D E X.

habilitate credit se debito tempore non habiturum confessarium, teneatur praeuenire. ibid.

Decimum tertium dub. An praeceptum diuinum de confessione obliget statim post peccatum commissum habita opportunitate. 421.

Caput II. De quiditate Confessionis.

Primum dub. Quid significat hoc nomen confessio. 421.
 Secundum dub. Quid est confessio. ibid.

Caput III. De qualitate seu de conditionibus confessionis.

Primum dub. Quot sunt conditiones bona confessionis. fol. 423.

Secundum dub. An qui confitetur teneatur diligenter excutere conscientiam, an satis sit confiteri qua memoria occurrunt. 428.

Tertium dub. An in confessione distincte aperienda sint species peccatorum. 430.

Quartum dub. An circumstantia peccatorum necessario sint aperienda in confessione. 431.

Quintum dub. An peccata confessario nota, sint aperienda cum circumstantiis. 432.

Sextum dub. Quando est aperi-

enda circumstantia personae. ibid.

Septimum dub. De circumstantia conscientia contraria, quando quis scit illud esse peccatum, & tamen facit. 434.

Octauum dub. De circumstantia scandalum. ibid.

Nonum dub. Circumstantia loci sacri quando est dicenda. ibid.

Decimum dub. An circumstantia temporis sacri sit dicenda. ibid.

Vndecimum dub. An numerus peccatorum sit necessario exprimendus in confessione. 435.

Duodecimum dub. An peccata qua fiunt in ipso baptismo spectent ad integritatem confessionis. 436.

Decimum tertium dub. Quid agendum quando poenitens non videtur posse dicere numerum peccatorum. ibid.

Decimum quartum dub. An agrotus qui integre confiteri non potest propter impedimentum naturale, possit absolui fol. 438.

Decimum quintum dub. An liceat dimidiare confessionem, quando timeretur ex ea periculum vitae propriae, vel alterius; vel graue scandalum, vel infamia. &c. 439.

Decimum sextum dub. An propter casus reſeruatos liceat dimidiare confessionem. 441.

Decimum septimum dub. An sit
 * * * Sacra-

I N D E X.

*sacramentalis confessio qua
fit per nuncium, vel per epi-
stolam absenti Sacerdoti.* 444.

*Decimum octauum dub. An li-
ceat confiteri per nuntium.* 445.

*Decimum nonum dub. An te-
neatur quis per interpretem,
aut per scripturam confiteri
praesenti Sacerdoti, cum non
potest voce.* ibid.

*Vigesimum dub. An teneatur
quis per interpretem confite-
ri.* 446.

Caput IIII. De effectibus Confessionis, & ipsius defectibus.

P*rimum dubium. Qui sunt
effectus confessionis.* 448.

*Secundum dub. An confessio pos-
sit esse informis.* 449.

*Tertium dub. An confessio in-
formis valida sortiatur effe-
ctum recedente fictione.* 450.

*Quartum dub. An per confessio-
nem informem satisfiat pra-
cepto Eucharistiae.* ibid.

*Quintum dub. An confessio sit
aliquando inualida ob defectum
doloris.* 451.

*Sextum dub. An ut confessio sit
valida requiratur absolutio,
& determinatum propositum
non peccandi, an satis sit con-
ditionatum, & imperfectum.*
fol. 452.

*Septimum dub. An qui ritè se-
mel peccata confessus est, possit*

*obligari ab aliquo superiore
ut iterum confiteatur.* 453.

*Octauum dub. Quibus casibus
confessio sit reiteranda.* 454.

Caput V. De forma absolutio- nis Sacramentalis.

P*rimum dubium. Quenam
est forma huius Sacramen-
ti.* 458.

*Secundum dub. Quem sensum
habent illa verba, & quomo-
do verificari possunt.* 459.

*Tertium dub. An per dictam
formam absolutionis remit-
tantur etiam peccata oblita.*
ibid.

*Quartum dub. An possit dari
absolutio sub conditione.* 460.

*Quintum dub. An excommunica-
tus possit absolui à peccatis
antequam absoluator ab ex-
communicatione.* 461.

Caput VI. De Ministro Confes- sionis, idest de Confessore.

P*rimum dubium. Quis est mi-
nister confessionis.* 462.

*Secundum dub. Qua requirun-
tur in Sacerdote Confessore
ad ritè, & utiliter ministran-
dum munus suum.* 463.

Breue interrogatorium. 467.

*Tertium dub. An Confessor inep-
tus excusetur à peccato, si ex
obedientia audiat confessio-
nes.* 474.

Quar-

I N D E X.

- Quartum dub.** Quid si Cōfessor, & pœnitens sint cōtraria opinionis. *ibid.*
- Quintū dub.** Ad quid teneatur confessor qui commisit aliquē errorem ex ignorantia in cōfessione *ibid.*
- Sextum dub.** Que praxis est tenenda in confessione, & quo modo se gerere debeat Confessor cum pœnitente. 475.
- Septimum dub.** An Confessor teneatur admonere pœnitentē, &c. *ibid.*
- Octauum dub.** An teneatur Cōfessor interrogare pœnitentē de aliquo peccato, &c. 476.
- Nonū dub.** An confessor quando scit in confessione aliquem fecisse peccatum, si id non confiteatur, teneatur interrogare, &c. *ibid.*
- Decimum dub.** Quomodo se geret Confessor cum pœnitente qui non habet contritionem. *fol.* 477.
- Vndecimum dub.** Quomodo se geret in iniungenda pœnitentia *ibid.*
- Duodecimum dub.** An potestas iurisdictionis audiendi confessiones, sit in Sacerdote de iure diuino, hoc ipso quod est Sacerdos. *ibid.*
- Decimū tertium dub.** An Episcopus electus, sed nondum consecratus committere possit alicui iurisdictionem ad absoluen- dos suos subditos. 478.
- Decimum quartū dub.** An qui habet potestatem in una diœcesi vel parochia, siue ordinariam, siue delegatam, possit illam exercere in alia diœcesi. *ibid.*
- Decimum quintum dub.** An Cōfessor habens iurisdictionem, possit absolvere si sit excommunicatus, ita ut confessio sit valida, & non iteranda. *fol.* 479.
- Decimū sextū dub.** An in mortis periculo possimus absolui à quocunque Sacerdote excommunicato nominatim, &c. *fol.* 480.
- Decimum septimum dub.** An in periculo mortis quilibet Sacerdos habeat iurisdictionem ut possit absolvere à peccatis omnibus, &c. 481.
- Decimum octauū dub.** An qui in mortis articulo fuit absolutus ab excommunicatione, & alijs censuris, si deinde cōualescat, teneatur se representare illi cui erant reservata? *ibid.*
- Decimum nonum dub.** An laicus possit absolvere in articulo mortis pœnitentem excommunicatum, saltem ab excommunicatione. 482.
- Vigesimum dub.** An in articulo mortis quilibet Sacerdos habeat iurisdictionem ut possit absolvere à peccatis omnibus, &c. *ibid.*

*** 2 Vigesi.

I N D E X.

Vigesimum primum dub. An cū pœnitens est excommunicatus, possit absolui à quolibet Sacerdote ab ipsa excommunicatione in articulo mortis. fol.. 483.

Vigesimum secundum dub. An prælatus qui se de facto intrusit in beneficio sine auctoritate superioris, habeat iurisdictionem sufficientem, ita ut confessio illi facta à suis subditis non sit iteranda. ibid.

Vigesimum tertium dub. An quando Confessori defuit solum iurisditio ad absolvendū à peccatis reservatis &c. cum id sciuerit, teneatur iterare confessionem, &c. 484.

Vigesimum quartum dub. An ratione libertatis quam pœnitens habet, possit sacerdoti competere facultas ad illum absolvendum. ibid.

Vigesimum quintū dub. An ex vi facultatis eligendi confessorem, possit quis eligere sacerdotem etiam simplicē. 487.

Vigesimum sextum dub. An qui à Pontifice, vel Episcopo habent facultatem eligendi confessorem, teneantur petere licentiam à suis curatis. ibid.

Vigesimum septimum dub. An dicta licentia eligendi confessorem, spirat morte concedentis. 488.

Vigesimum octauum dub. An

credendum sit pœnitenti dicenti se esse confessum alteri, & an liceat ei dare communionem. ibid.

Vigesimum nonum dub. An rati habitio satis sit, ut validè quis possit alteri cōfiteri. ibid.

Trigesimum dub. An delegatus ad audiendas confessiones, possit subdelegare. 489.

Trigesimum primum dub. An ratione delicti aliquis sortiatur forum conscientia, ut scilicet teneatur cōfiteri cum parocholoci in quo peccauit. ibid.

Trigesimum secundum dub. An ratione studiorum, vel habitationis, sortiatur quis forum conscientia. ibid.

Trigesimum tertium dub. An ex consuetudine possit aliquis eligere sibi cōfessorem qui verè illum absoluat. 490.

Trigesimum quartum dub. An quando sacerdos est ignorans, possit alteri cōfiteri sine licentia. ibid.

Trigesimum quintum dub. An liceat cōfidenti eligere confessorem in aliquo casu, quando non impetrauit licentiam à proprio parocholoci. 491.

Trigesimum sextum dub. An proprius sacerdos teneatur audire confessiones suorum subditorum. ibid.

Trigesimum septimū dub. Quid si ali-

I N D E X.

*si aliquis cum intentione la-
crandi indulgentiam tempore
iubilæi confitetur, &c. 492.*

*Trigesimum octauum dub. An
proprius sacerdos requisitus,
teneatur dare licentiam sub-
dito alteri confitendi. ibid.*

Caput VII. De sigillo con- fessionis.

Primum dubium *Quid est si-
gillum confessionis. 493.*

*Secundum dub. Vtrum vnâ
confessionem liceat reuelare
in alia. 493.*

*Tertium dub. An de licentia pœ-
nitentis liceat reuelare con-
fessionem. ibid.*

*Quartum dub. An saltem cum
eodem pœnitente qui confessus
est, extra confessionem liceat
colloqui de peccatis eius. 496.*

*Quintum dub. An omnia in con-
fessione audita cadant sub si-
gillum. ibid.*

*Sextum dub. Quot modis reue-
lari possit confessio. 497.*

*Septimum dub. Quid si cōfessor
audiat confessionem publici
peccatoris, an sine reuelatio-
ne possit dicere talis confessus
est mihi peccata sua. 498.*

*Octauum dub. An quādo sacer-
dos alia via scit peccatum ali-
quod prater confessionem, te-
neatur celare sub sigillo. 499.*

*Nonum dub. An reuelaret qui
rogatus diceret, se publicum*

*peccatorem aliquem non absol-
uisse. 300.*

*Decimum dub. An liceat reue-
lare peccatum in genere, vel
specie, sine peccatore, quando
nulla penitus haberi potest
suspicio peccatoris. ibid.*

*Vndecimum dub. An sit peccatū
mortale ex genere suo, reue-
lare peccatum minimum ve-
niale pœnitentis. 301.*

*Duodecimum dub. An sigillum
oriatur ex quacunque confes-
sione sacramentali, quæ scili-
cet sit animo accusandi se co-
ram Deo. ibid.*

*Decimum tertium dub. An ali-
quis alius prater sacerdotem,
teneatur seruare sigillū. 302.*

*Decimum quartum dub. An pœ-
nitens teneatur celare quæ
dicit ei sacerdos in cōfessione.
fol. 303.*

*Decimum quintum dub. An sa-
cerdos possit se aliquo modo
iuuare a notitia confessionis.
ibid.*

T R A C T A T V S

Octauus. De satisfactione.

*Caput vnicum. continet non-
nulla dubia.*

Primum dub. *Quid, & quo-
tuplex est satisfactio. 309.*

*Secundum dub. An possit homo
satisfacere pro culpa, & pœ-
na aterna. 310.*

Tertium

I N D E X.

*Tertium dub. An satisfaciens pro
pena, satisfaciat de iustitia,
neon.* 513.

*Quartum dub. An unus pro alio
satisfaciens, de iustitia id fa-
ciat.* 514.

*Quintum dub. An hoc quod di-
ctum est unum pro alio satis-
facere, intelligatur etiam
de penitentia sacramentali.*
ibid.

*Sextum dub. An si unus iubet
alteri satisfactionem facien-
dā, & iubens est in charita-
te, & sequens verò minime, sit
valida.* 515.

*Septimum dub. An penitentiam
in confessione iunctam
possit quis per alium implere.*
ibid.

*Octauum dub. An quod unus
pro alio satisfaciat, sit ex iu-
stitia, an potius ex sola Dei
liberalitate.* 516.

*Nonum dub. An omne opus
satisfactoriam sit etiā meri-
torium augmenti gratiæ, &
gloriæ.* ibid.

*Decimum dub. An satisfactio
sacramentalis sit de precepto,
ita ut teneatur penitens ac-
ceptare penitentiam.* ibid.

*Vndecimum dub. An opera ex-
tra charitatem facta, sint sa-
tisfactoria.* 517.

*Duodecimum dub. An opera ex-
tra charitatem facta, adueni-
ente charitate reuiviscant.*
fol. 518.

*Decimum tertium dub. An pœ-
nitentia necessario iniungenda
sit per opera penalia.* 520.

*Decimum quartum dub. An ac-
tus externus posito interno
efficaci, augeat satisfactionē.*
ibid.

*Decimum quintum dub. An
satisfactio fieri possit per ope-
ra aliis debita.* &c. 521.

*Decimum sextum dub. An fla-
gella iniuncta à Deo in hoc
mundo, sint satisfactoria pro
peccatis.* 522.

*Decimum septimum dub. An
sint tantum tria satisfactio-
nū genera, ad quæ alia redu-
cantur.* 523.

*Decimum octauum dub. An ho-
mo possit satisfacere uni pec-
cato, non satisfaciendo pro
alio.* ibid.

*Decimum nonum dub. An qui
tempore præfisso non imple-
uit penitentiam, teneatur il-
lam postea exequi.* ibid.

*Vigesimal dub. An qui peni-
tentiam nō impleuerit ut de-
bit, teneatur ob id confessio-
nem iterare.* ibid.

*Vigesimal primum dub. An
in omni confessione peniten-
tia sit iniungenda.* ibid.

*Vigesimal secundū dub. Quid
attendere debeat confessor
in decernenda quantitate
penitentia.* 525.

*Vigesimal tertium dub. An
penitentia à confessore iniū-
cta, sint*

- Et sint arbitrarie.* 526.
- Vigesimum quartum dub. An penitentia sacramentalis impleta, liberet hominē omnino a penis peccatorum suorum.* ibid.
- Vigesimum quintum dub. An possit dari penitentia, quæ fiat de consilio.* 527.
- Vigesimum sextum dub. An opera imposita a confessorio sint magis satisfactoria, quam voluntarie assumpta.* ibid.
- Vigesimum septimū dub. An secundus confessorius possit mutare penitentiam ab alio iniunctam.* ibid.
- Vigesimum octauum dub. An possit imponi penitentia solennis et publica.* 528.
- ## T R A C T A T V S
- Nonus. De clauibus, & potestate ecclesiastica.**
- Caput vnicum. habet aliquot dubia.**
- Primum dubium. Quid nomine clauis intelligendum est.** 530.
- Secundum dub. Quid est clauis.** ibid.
- Tertium dub. Quæ sint istæ clauis.** ibid.
- Quartum dub. An detur in Ecclesia hæc potestas clauium.** sol. 532.
- Quintum dub. An hæc potestas sit de iure diuino.** 533.
- Sextum dub. Vbi est data hæc potestas.** 534.
- Septimum dub. An hæc potestas sit idē quod character sacerdotis.** ibid.
- Octauum dub. An sacerdotes per clauis remittant peccata quoad culpam.** ibid.
- Nonum dub. An sacerdos per clauis possit obligare penitentem ad aliquam penam sol.** 535.
- Decimum dub. An clauis virtute semper remittatur aliquid pene temporalis.** ibid.
- Vndecimum dub. An Ecclesia habeat potestatem condendi leges coactiuas obligantes sub peccato mortali.** ibid.
- Duodecimum dub. An Ecclesia habeat per se, & directē potestatem in actus purē, & merē internos.** 536.
- Decimum tertium dub. An ad Ecclesiam pertineat virtute clauis determinare de rebus fidei, & morum, &c.** 537.
- Decimum quartū dub. An Ecclesie potestas se extendat directē ad dispensandum in iure diuino.** 538.
- Decimum quintum dub. An ecclesiastica potestas per se, primō, & directē se extendat ad dominium temporale totius orbis.** 539.
- Decimum sextum dub. An potestas**

I N D E X

- flas clauis tam ordinis, quā iurisdictionis, subiectetur in Ecclesia immediatē, an in particulari personis.* 540.
- Decimum septimum dub. An soli Petro data sit à Christo iurisdictionis, an omnibus etiam Apostolis.* 543.
- Decimum octauū dub. An Apostoli sint facti Episcopi à Christo immediatē, an à Petro.* 544.
- Decimum nonum dub. An successor Petri sit Pontifex Romanus.* 546.
- Vigesimum dub. An Episcopi habeant iurisdictionem de iure diuino à Christo immediatē, an à Pontifice.* 548.

T R A C T A T V S

Decimus. De extrema unctione.

Caput I. De his quæ spectant
ad substantiam huius
Sacramenti. 550.

Caput II. De materia huius
Sacramenti.

- P**rimum dubium, Quid est
materia huius sacramenti.
fol. 554.
- Secundum dub. An sit de essen-
tia sacramenti, ut oleum sit
benedictum.* 555.
- Tertium dub. An benedictio Epi-
scopi sit de necessitate huius
sacramenti. ibid.*

*Quartum dub. An oleum conse-
cratū ab Episcopo liceat ad-
miscere cum alio non conse-
crato. ibid.*

Caput III. De forma.

- P**rimum dubium, Quoniam est
forma huius sacramenti.
fol. 556.
- Secundum dub. Cur vititur mo-
do deprecatiuo, non autem
indicatiuo. ibid.*
- Tertium dub. Quis effectus ex-
primitur in hoc sacramento.
ibid.*
- Quartum dub. Hac forma est nō
de iure diuino, an ecclesiasti-
co.* 557.
- Quintum dub. An sit de essentia
huius forma inuocatio ex-
pressa sanctissimæ Trinitatis.
fol. 558.*

Caput IIII. De Ministro.

- P**rimum dub. Quis est huius
sacramenti minister. 559.
- Secundum dub. An sacerdoti
competat ungere ex commis-
sione Episcopi, an etiam ex pro-
prio officio, &c. ibid.*
- Tertium dub. An si administra-
retur à non proprio sacerdo-
te, sacramentum teneat. ibid.*
- Quartum dub. An opinio rati-
ficationis futura sufficiat ut
simplex sacerdos licitè hoc sa-
cramentum administrare
possit*

I N D E X.

possit in articulo necessitatis.
fol. 510

Quintum dub. Quid si Sacerdos
qui cepit ungere adestiat, &c.
ibid.

Caput V. De fuscipientibus.

Primum dubium. Qui sunt
fuscipientes huius sacramē-
ti. 561

Secundū dub. An hoc Sacramen-
tum sit conferendum damna-
tis ad mortem, &c. ibid.

Tertium dub. An sit conferendū
pueris ante usum rationis. ibid.

Quartum dub. An sit dendum
amentibus? ibid.

Quintum dub. An adulti qui in
articulo mortis baptizantur,
sint ungendi? 563

Sextū dub. An ex semio mortui-
bus hoc Sacramentum confer-
ri possit. ibid.

Septimum dub. Quae partes sunt
ungendae? ibid.

Octauū dub. An mutilati, surdi,
& muti, sint ungendi. 563

Nonū dub. An possit hoc Sacra-
mentum in eodem morbo ite-
rari. ibid.

Decimū dub. An qui omittit hoc
Sacramentum, peccet morta-
liter. ibid.

Vndecimum dub. Quae dispositio
sit necessaria fuscipienti. 564

Caput VI. De effectibus huius Sacramenti. 565

Caput VII. De necessitate huius Sacramenti. 569

T R A C T A T V S Vndecimus. De ordine Sacro.

Caput I. Quot sunt ordines.

Primum dubium. Quot sunt
ordines ecclesiastici. 570

Secundum dub. An Cardinala-
tus sit ordo. 573

Tertium dub. An episcopatus sit
ordo, & Sacramentum. 574

Quartū dub. De coepiscopis. 576

Quintū dub. De Diaconatu, &
Subdiaconatu. ibid.

Sextum dub. Quae sunt officia
Diaconi, & Subdiaconi. 578

Septimū dub. De exorcistis. 580

Octauū dub. De Leitoribus. ibid.

Nonū dub. Quomodo omnes or-
dines sint unū Sacramētū. 581

Caput II. De his quae spectant ad substantiam huius Sacramenti. 581

Caput III. De materia, & forma huius Sacramenti.

Primum dub. Quae materia, et
forma huius Sacramenti. 582

Secundum dub. De Diaconatu,
&c. 588

Tertium dub. An character hu-
ius ordinis supponat chara-
cterem alterius. 589

Quartum dub. An contactus
materiae sit de necessitate Sa-
cramenti in collatione ord. ibid.

Caput IV. De Ministro ordinis.

Primum dub. Qui minister
ordinis? 590

*** Se-

I N D E X.

*Secundum dub. An ex commissio-
sione Papa possit quis ordines
conferre. ibid.*

*Tertium dub. An ex commissio-
ne Episcopi possit simplex Sa-
cerdos aliquem ordinem con-
ferre. ibid.*

*Quartum dub. An Episcopus si
non sit Sacerdos possit ordines
conferre. 591*

*Quintum dub. An ordo collatus
ab Episcopo excommunicato,
&c. sit validus. ibid.*

**Caput V. De suscipientibus or-
dinem. 592**

**Caput VI. De effectibus huius
Sacramenti. 593**

TRACTATUS duodecimus. De matrimonio.

**Caput I. De matrimonio secun-
dum se, &c.**

Primum dub. Quare dicitur
matrimonium. 599

*Secundum dub. Quid est matri-
monium. ibid.*

*Tertium dub. Quomodo inter se
differunt matrimonia. 599*

*Quartum dub. An matrimonium
secundum ius naturae sit lici-
tum. ibid.*

*Quintum dub. An aliquo modo
matrimonium sit in precepto,
vel nunc, vel alio tempore. 599*

*Sextum dub. An iure diuino po-
sitivum Deus instituerit ma-
trimonium. ibid.*

*Septimum dub. An pluralitas
vorum sit contra ius natu-
rae. 600*

*Octavum dub. An secunda, ac
tertia nuptia sint prohibita.
fol. 603*

*Nonam dub. An matrimonium
sit Sacramentum. ibid.*

*Decimum dub. An matrimonia
quae erant ante Christi Ad-
ventum, &c. sint Sacramen-
ta. 604*

*Undecimum dub. An omne ma-
trimonium inter Christianos
sit Sacramentum, &c. 605*

*Duodecimum dub. An matrimo-
nium per procuratores sit va-
lidum, &c. 606*

*Decimum tertium dub. Quae sint
materia, forma, ministri, & su-
scipientes huius Sacramenti. 608*

*Decimum quartum dub. An hoc
sacramentum conferat gra-
tiam, ut alia Sacramenta. 609*

*Decimum quintum dub. An car-
nalis contractio sit de integri-
tate matrimony. 612*

*Decimum sextum dub. Quanta
aetas requiratur ad matrimo-
nium contrahendum. ibid.*

**Caput II. De his quae praecedunt
matrimonium, id est de
Sponsalibus.**

Primum dub. Quid sunt spon-
salia. 613

*Secundum dub. Unde dicuntur
sponsalia; & quotuplicia sint.
fol. 614*

Tertium

I N D E X.

Tertium dub. An sponsalia quæ incerta sunt, debeant vocari sponsalia. *ibid.*
Quartum dub. An sponsalia conditionata sint sponsalia. 615
Quintum dub. An sint sponsalia quando quis dicit femina, nō accipiam aliam uxorem, nisi &c. 616
Sextum dub. Siquis promittat duabus sororibus unam illarum ducturum, &c. *ibid.*
Septimum dub. An sponsalia contracta à parentibus pro filiis, sint vera, & legitima. *ibid.*
Octauum dub. An sponsalia possint contrahi per procuratores, pliteras, per internunciu. 617
Nonum dub. An sponsalia clandestina sint valida. *ibid.*
Decimum dub. An qui sponsalia iniierunt, teneantur stare promissis, &c. *ibid.*
Vndecimum dub. Quinā possint contrahere sponsalia. 619
Duodecimum dub. Quā atas requiratur ad contrahendum sponsalia. &c. *ibid.*
Decimum tertium dub. Quis est effectus sponsaliorum. 620
Decimum quartū dub. Quæ sunt causæ dissoluēdi spōsalia. 621
Decimum quintū dub. An quādo adest aliqua ex supradictis causis, licitū sit propria auctoritate discedere à spōsalib. &c. 621

Caput III. De causa efficiente matrimonium. i. De consensu.

Primum dub. An ad matrimonium contrahendum requiratur expressus consensus coniugum. 633
Secundum dub. An obiectum huius consensus sit formaliter copula carnalis. 636
Tertium dub. An cū celebratur coniugium in presentia paritum, fiat verum matrimoniu per consensum parentū, tacentibus coniugibus. 637
Quartum dub. An matrimoniu per procuratores contractum, sit validum, &c. *ibid.*
Quintū dub. Quā atas requiritur ad matrimonium contrahendum. *ibid.*
Sextum dub. Si matrimonium in facie Ecclesie contractum fuit nullum, &c. *ibid.*
Septimum dub. An cōsensus exterior requirat interiorē. 638
Octauum dub. An matrimonia contracta à filiis familiæ sine cōsso patrū sint valida. *ibid.*
Nonum dub. An consensus coactus immediatē proueniens ex metu cadente in constantem virum, irritum faciat matrimonium. &c. 639
Decimū dub. An metus reuerentialis annulet matrimoniu. 642
Vndecimum dub. An quod dicimus de matrimonio, idem dicendum sit de sponsalibus factis ex metu cadente in constantem virum. *ibid.*
Duodecimū dub. An istud ma-

***** 2 trimo-

I N D E X.

- rimonium quod supra diximus esse nullū. per coactionē, accedente copula cum affectu maritali, teneat.* 642
Decimū tertium dub. An si aliquis protestetur coram pluribus, se non habere animum contrahendi, &c. sit iudicandum matrimonium. ibid.
Decimum quartum dub. An cōsensus conditionatus sit per se sufficiens ad matrimonium. ibid.
Decimum quintum dub. An cū matrimonium est de presenti, & conditio de futuro, adveniente cōditione, statim sit ratum matrimonium, &c. 646
Decimum sextū dub. An conditio honesta de futuro in matrimonio per se nullo, obliget, &c. 647

Caput IV. De bonis matrimonij, &c.

- P***rimum dub. Quoad fidem matrimonij. An usus matrimonij sit meritorius.* 648
Secundum dub. An coniuges teneantur aequali iure reddere debitum, &c. 649
Tertium dub. An ratione disiecti, &c. possit non reddere debitum. ibid.
Quartum dub. An possit negari debitū ratione mēstruorū. 650
Quintum dub. An ratione multitudinis liberorum inopum, liceat negare debitum. ibid.
Sextum dub. An teneatur cōiun-

- cum periculo salutis reddere debitum.* 651
Septimum dub. An teneatur reddere debitum, quando est periculum abortus. ibid.
Octavū dub. An teneatur in loco sacro reddere debitum. ibid.
Nonum dub. An liceat tempore sacro. ibid.
Decimum dub. Quā causa excusant coniugem ab obligatione reddendi debitum. 652
Vndecimū dub. Quibus casibus petere, vel reddere debitum est peccatum. 653
Duodecimum dub. An coniuges possint vouere. 654
Decimum tertium dub. An quando aliquis dubitat de validitate matrimonij, &c. teneatur reddere, &c. 655
Decimum quartum dub. An cōiuges teneantur simul cohabitare, &c. 659
Decimum quintum dub. An vir propter dotem non solutam, possit fugere cohabitationē. ib.
Decimum sextum. An uxor teneatur sequi virum. ibid.
Decimū septimū dub. An maritus possit verberare uxorem. ib.
Decimum octavum dub. An ea quæ uxor lucratur, cedat viro, vel ipsi uxori, &c. 660
Decimum nonum dub. An sub peccato mortali mulier teneatur obedire viro. ibid.
Vigesimum dub. An uxor possit elemosynas facere. ibid.
Vige-

I N D E X . I

- Vigefimum primum dub. An uxor possit aliqui abscondere qñ uir eius est prodigus, &c. ibid.*
- Vigefimum secundum dub. An possit sua nutricia dare, &c. 681*
- Vigefimum tertium dub. an possit uxor filios primi matrimonij alere de bonis cōb. &c. ibi.*
- Vigefimum quartum dub. Quotuplex est genus filiorū. ibid.*
- Vigefimū quintum dub. An patres teneatur alere filios. 663*
- Vigefimum sextum dub. An pater ex aliquibus causis excusetur à filijs alendis. 664*
- Vigefimum septimum dub. Ex duobus parētibz, uter teneatur filium alere. ibid.*
- Vigefimum octauū dub. An mater teneatur lactare propriū filium. ibid.*
- Vigefimum nonum dub. An teneantur parentes dare filijs hereditatem. ibid.*
- Trigefimum dub. An teneantur parētes instruere filios in bonis mōribz. 665*
- Trigefimū primum dub. An filij debeāt parētibz amorē, &c. ibid.*
- Trigefimū secundū. An ea q̄ filius lucratur sint patris, nec ne. ib.*
- Trigefimū tertium dub. Ad quid teneatur filius qui clam accipit de paternis bonis. 666*
- Trigefimum quartū dub. An ea quae pater uiuens donauit filio, debeant computari in partem suam. ibid.*
- Trigefimum quintū dub. An filij illegitimi sint irregulares, &c. fol. 667*
- Trigefimum sextū dub. Quid sciendū est quando genitus est filius ex adulterio, &c. 668*
- Trigefimum septimum dub. An illegitimo possint per legem negari alimenta. 670*
- Trigefimū octauū dub. An filius illegitimus possit legitimari. ib.*
- Trigefimum nonum dub. Ad quē pertinet legitimare. 671*
- Quadragesimum dub. An matrimonium sit indissolubile aliquo iure, &c. 672*
- Quadragesimum primum dub. An libellus repudiij fuerit licitus inter gentes, & Iudeos. 675*
- Quadragesimum secundum. An matrimonii infidelium soluitur per cōuersionē fidelis 675*
- Quadragesimum tertium. Si fidelis conuersus habeat plures uxores secundum ritum infidelium, conuersus quam debet retinere? 677*
- Quadragesimum quartum dub. An matrimonium inter christianos dissolui possit propter fornicationis, & adulterij crimen. ibid.*
- Quadragesimum quintum dub. An matrimonium ratum, & consumatū dissolui possit per ingressum religionis. 678*
- Quadragesimum sextū dub. An qui contraxit matrimonium ratū, possit prorogare ingressum religionis, &c. 680*

I N D E X

| | |
|--|---|
| Quadragesimum septimum dub. An uxor qua volebat ingredi religionem, si inuita, & vi fuerit oppressa à marito, an possit abire ingredi. 681 | Septimum dub. De impedimento voti castitatis solennis. fol. 692 |
| Quadragesimum octauum dub. An per sacros ordines, vel per Episcopatu, soluatur matrimonium ratum, sicut soluitur per religionem. ibid. | Octauum dub. De impedimento cognationis. 693 |
| Quadragesimum nonum dub. An Papa possit dispensare in matrimonio consumato, vel saltem rato. ibid. | Nonum dub. De cognatione spiritali. 699 |
| Caput V. De impedimentis matrimonij. | Decimum dub. De cognatione legali. 703 |
| Primum dub. An in ecclesia sit potestas statuendi impedimenta matrimonij. 683 | Vnaccimum dub. De affinitate. fol. 704 |
| Secundum dub. An potestas laica possit statuere aliquid circa impedimenta matrimonij. ibid. | Duodecimum dub. De impedimento criminis. 708 |
| Tertium dub. An Pontifex in omni impedimento, quod est iuris positivi, valide dispensare possit, etiam sine nulla causa. 684 | Decimum tertium dub. De cultus disparitate. 713 |
| Quartum dub. Quomodo fiat validum matrimonium, quod à principio non erat validum. ibid. | Decimum quartum dub. De impedimento vis. 719 |
| Quintum dub. De impedimento erroris. 685 | Decimum quintum dub. De raptu. 721 |
| Sextum dub. An error conditionis seruilis, &c. annulet matrimonium. 687 | Decimum sextum dub. An matrimonium clandestinum sit irritum. ibid. |
| | Decimum septimum dub. An ex omissione denunciationum, matrimonium reddatur nullum. fol. 724 |
| | Decimum octauum dub. De impedimento ordinis. 725 |
| | Decimum nonum dub. De impedimento ligaminis. 728 |
| | Vigesimum dub. De impedimento publicæ honestatis. 730 |
| | Vigesimum primum dub. De impotentia. 731 |
| | Vigesimum secundum dub. De maleficio. 736 |
| | Vigesimum tertium dub. Quæ sunt impedimenta non dirimentia, &c. 740 |

I N D E X.

Vigesimum quartum dub. Quis possit dispensare in impedimenti matrimonij, & quibus de causis. 744

Cap. VI. De benedictione nuptiarum. 742

Cap. VII. De diuortio.

Primum dub. Quid, & quod duplex est diuortium. 749

Secundum dub. An matrimonium separari possit quoad vinculum. ibid.

Tertium dub. Quibus de causis dissolui possit matrimonium quoad torum, & habitacionem. 750

Quartum dub. An in dictis casibus diuortium sit faciendum propria autoritate, sine Iudicis sententia. 751

Quintum dub. An si hereticus resipiscat, & convertatur, teneatur alter innocens recipere, & reconciliari. 752

Sextum dub. An teneatur coniux innocens dimittere coniugem adulteram. 753

Septimum dub. An post diuortium vir possit aliam uxorem ducere. 754

Octauum dub. An ob alias causas possit fieri diuortium ad tempus. 755

Nonum dub. An post diuortium vir & uxor possint reconciliari. ibid.

Decimum dub. An facto diuortio liceat utrique coniugum religionem ingredi. ibid.

Cap. VIII. De pluralitate uxorum, & de secundis nuptijs, seu de Bigamia.

Primum dub. An habere plures uxores sit contra ius naturale. 756

Secundum dub. An pluralitas uxorum olim prohibita fuerit iure diuino. 757


Tertium dub. An polygamia prohibita sit lege euangelica. fol. ibid.

Quartum dub. An aliquando fuerat licitum habere concubinam. 758

De Bigamia. ibid.

F I N I S.





5-3-6

